

Is áis doiciméadúcháin amháin an téacs seo agus níl aon éifeacht dlíthiúil aige. Ní ghabhann institiúidí an Aontais aon dlíteanas orthu féin i leith inneachar an téacs. Is iad na leaganacha de na gníomhartha a foilsíodh in Iris Oifigiúil an Aontais Eorpaigh agus atá ar fáil ar an suíomh gréasáin EUR-Lex na leaganacha barántúla de na gníomhartha ábhartha, brollach an téacs san áireamh. Is féidir teacht ar na téacsanna oifigiúla sin ach na naisc atá leabaithe sa doiciméad seo a bhrú

**► B RIALACHÁN (AE) Uimh. 575/2013 Ó PHARLAIMINT NA hEORPA AGUS ÓN gCOMHAIRLE  
an 26 Meitheamh 2013**

**maidir le ceanglais stuamachta i gcomhair institiúidí creidmheasa agus gnólachtaí infheistíochta,  
agus lena leasaítear Rialachán (AE) Uimh. 648/2012**

(Téacs atá ábhartha maidir leis an LEE)

(IO L 176, 27.6.2013, lch. 1)

Arna leasú le:

		Iris Oifigiúil		
		Uimh	Leathanach	Dáta
► <u>M1</u>	Commission Delegated Regulation (EU) 2015/62 of 10 October 2014 (*)	L 11	37	17.1.2015
► <u>M2</u>	Rialachán (AE) 2016/1014 ó Pharlaimint na hEorpa agus ón gComhairle an 8 Meitheamh 2016	L 171	153	29.6.2016
► <u>M3</u>	Commission Delegated Regulation (EU) 2017/2188 of 11 August 2017 (*)	L 310	1	25.11.2017
► <u>M4</u>	Rialachán (AE) 2017/2395 ó Pharlaimint na hEorpa agus ón gComhairle an 12 Nollaig 2017	L 345	27	27.12.2017
► <u>M5</u>	Rialachán (AE) 2017/2401 ó Pharlaimint na hEorpa agus ón gComhairle an 12 Nollaig 2017	L 347	1	28.12.2017
► <u>M6</u>	Commission Delegated Regulation (EU) 2018/405 of 21 November 2017 (*)	L 74	3	16.3.2018
► <u>M7</u>	Rialachán (AE) 2019/630 ó Pharlaimint na hEorpa agus ón gComhairle an 17 Aibreán 2019	L 111	4	25.4.2019
► <u>M8</u>	Rialachán (AE) 2019/876 ó Pharlaimint na hEorpa agus ón gComhairle an 20 Bealtaine 2019	L 150	1	7.6.2019
► <u>M9</u>	Rialachán (AE) 2019/2033 ó Pharlaimint na hEorpa agus ón gComhairle an 27 Samhain 2019	L 314	1	5.12.2019

Arna cheartú le:

- C1 Ceartúchán, IO L 208, 2.8.2013, lch. 1 (575/2013)
- C2 Ceartúchán, IO L 321, 30.11.2013, lch. 6 (575/2013)
- C3 Ceartúchán, IO L 20, 25.1.2017, lch. 1 (575/2013)

(\*) Níor foilsíodh an gníomh seo i nGaeilge.

**▼B****RIALACHÁN (AE) Uimh. 575/2013 Ó PHARLAIMINT NA  
hEORPA AGUS ÓN gCOMHAIRLE****an 26 Meitheamh 2013****maidir le ceanglais stuamachta i gcomhair institiúidí creidmheasa  
agus gnólachtaí infheistíochta, agus lena leasaítear Rialachán (AE)  
Uimh. 648/2012****(Téacs atá ábhartha maidir leis an LEE)**

CUID A hAON

**FORÁLACHA GINEARÁLTA**

TEIDEAL I

**ÁBHAR, RAON FEIDHME AGUS SAINMHÍNITHE****▼M8***Airteagal 1***Raon feidhme**

Leagtar síos leis an Rialachán seo rialacha aonfhoirmeacha maidir le ceanglais stuamachta ghinearálta nach mór d'institiúidí, cuideachtaí sealbhaíochta airgeadais agus cuideachtaí sealbhaíochta airgeadais measctha atá faoi mhaoirsiú Threoir 2013/36/AE a chomhlíonadh i ndáil leis na nithe seo a leanas:

- (a) ceanglais cistí dílse a bhaineann le gnéithe de phriacal creidmheasa, priacal margaidh, priacal oibriúcháin, priacal socraíochta agus luamhánú atá go hiomlán inchainníochtaithe, aonfhoirmeach agus caighdeánaithe;
- (b) ceanglais a chuireann teorainneacha le risíochtaí móra;
- (c) ceanglais leachtachta a bhaineann le priacal leachtachta atá go hiomlán inchainníochtaithe, aonfhoirmeach agus caighdeánaithe;
- (d) ceanglais tuairiscithe a bhaineann le pointí (a), (b) agus (c);
- (e) ceanglais maidir le nochtadh poiblí.

Leagtar síos leis an Rialachán seo rialacha aonfhoirmeacha maidir leis na ceanglais cistí dílse agus dliteanas incháilithe a chomhlíonfaidh eintitis réitigh ar institiúidí domhanda a bhfuil tábhacht shistéamach leo (G-SIIInna) iad nó cuid de G-SIIInna agus fochuideachtaí suntasacha de G-SIIInna neamh-AE.

Ní rialaítear leis an Rialachán seo na ceanglais atá ar údarais inniúla maidir le nochtadh i réimse na rialála stuamachta agus na maoirseachta institiúidí mar a leagtar amach i dTreoir 2013/36/AE.

*Airteagal 2***Cumhachtaí maoirseachta**

1. D'fhonn a áirithiú go gcomhlíonfar an Rialachán seo, beidh na cumhachtaí ag na húdarais inniúla a leagtar amach i dTreoir 2013/36/AE agus leanfaidh siad na nósanna imeachta atá inti agus sa Rialachán seo.

**▼M8**

2. D'fhonn a áirithiú go gcomhlíonfar an Rialachán seo, beidh na cumhachtaí ag na húdaráis réitigh a leagtar amach i dTreoir 2014/59/AE ó Pharlaimint na hEorpa agus ón gComhairle <sup>(1)</sup> agus leanfaidh siad na nósanna imeachta atá inti agus sa Rialachán seo.
3. Chun a áirithiú go gcomhlíonfar na ceanglais maidir le cistí dílse agus dliteanas incháilithe, oibreoidh údaráis inniúla agus údaráis réitigh i gcomhar le chéile.
4. Chun críocha comhlíonadh a áirithiú laistigh dá n-inniúlachtaí faoi seach, áiritheoidh an Bord Aonair Réitigh, arna bhunú ag Airteagal 42 de Rialachán (AE) Uimh. 806/2014 ó Pharlaimint na hEorpa agus ón gComhairle <sup>(2)</sup>, agus an Banc Ceannais Eorpach, i ndáil le hábhair a bhaineann leis na cúraimí a thugtar dó le Rialachán (AE) Uimh. 1024/2013 <sup>(3)</sup> ón gComhairle, go ndéanfar faisnéis ábhartha a mhalartú go rialta iontaoifa.

**▼B***Airteagal 3***Cur i bhfeidhm ceanglas níos déine ag institiúidí**

Ní chuirfidh an Rialachán seo cosc ar institiúidí cistí dílse agus a gcomhpháirteanna de bhreis orthu siúd a cheanglaítear leis an Rialachán seo a bheith ina seilbh acu, ná bearta a chur i bhfeidhm atá níos déine ná iad siúd a cheanglaítear leis an Rialachán seo.

*Airteagal 4***Sainmhínithe**

1. Chun críocha an Rialacháin seo, beidh feidhm ag na sainmhínithe seo a leanas:

- (1) ciallaíonn 'institiúid chreidmheasa' gnóthas a bhfuil sé de ghnó aige taiscí nó cistí inaisíochta eile a fháil ón bpobal agus creidmheasanna a dheonú dá chuntas féin;
- (2) ciallaíonn 'gnólacht infheistíochta' duine faoi mar a shainmhínítear é bpointe (1) d'Airteagal 4 de Threoir 2004/39/CE, atá faoi réir na gceanglas a fhorchuirtear leis an Treoir sin, seachas iad seo a leanas:
  - (a) institiúidí creidmheasa;

<sup>(1)</sup> Treoir 2014/59/AE ó Pharlaimint na hEorpa agus ón gComhairle an 15 Bealtaine 2014 lena mbunaítear creat um théarnamh agus réiteach na n-institiúidí creidmheasa agus gnólachtaí infheistíochta agus lena leasaítear Treoir 82/891/CEE ón gComhairle, agus Treoracha 2001/24/CE, 2002/47/CE, 2004/25/CE, 2005/56/CE, 2007/36/CE, 2011/35/AE, 2012/30/AE agus 2013/36/AE, agus Rialacháin (AE) Uimh. 1093/2010 agus (AE) Uimh. 648/2012, ó Pharlaimint na hEorpa agus ón gComhairle a aisghairim (IO L 173, 12.6.2014, lch. 190).

<sup>(2)</sup> Rialachán (AE) Uimh. 806/2014 ó Pharlaimint na hEorpa agus ón gComhairle an 15 Iúil 2014 lena mbunaítear rialacha aonfhoirmeacha agus nós imeachta aonfhoirmeach maidir le réiteach institiúidí creidmheasa agus gnólachtaí infheistíochta áirithe faoi chuimsiú Sársa Réitigh Aonair agus Ciste Réitigh Aonair agus lena leasaítear Rialachán (AE) Uimh. 1093/2010 (IO L 225, 30.7.2014, lch. 1).

<sup>(3)</sup> Rialachán (AE) Uimh. 1024/2013 an 15 Deireadh Fómhair 2013 lena dtugtar cúraimí sonracha don Bhanc Ceannais Eorpach maidir le beartais a bhaineann le maoirseacht stuamachta ar institiúidí creidmheasa (IO L 287, 29.10.2013, lch. 63).

**▼B**

- (b) gnólachtaí áitiúla;
- (c) gnólachtaí nach bhfuil údaraithe an tseirbhís choimhdeach dá dtagraítear i bpointe (1) de Roinn B d'Iarscríbhinn I a ghabhann le Treoir 2004/39/CE nach soláthraíonn ach ceann amháin de na seirbhísí infheistíochta agus na gníomhaíochtaí infheistíochta a liostaítear i bpointí 1, 2, 4 agus 5 de Roinn A d'Iarscríbhinn I a ghabhann leis an Treoir sin agus nach bhfuil cead acu airgead nó urrúis atá faoi úinéireacht ag a gcuid cliant a bheith ina seilbh acu, agus nach bhféadfaidh, ar an ábhar sin, a bheith i bhfiacha leis na cliant sin tráth ar bith.
- (3) ciallaíonn 'institiúid' institiúid chreidmheasa nó gnólacht infheistíochta
- (4) ciallaíonn 'gnólacht áitiúil' gnólacht a dhéileálann, dá chuntas féin, todhchaíochtaí nó roghanna airgeadais nó díorthaigh eile ar na margáí airgid tirim agus gan d'aidhm acu ach fálú a dhéanamh ar shuimh sna margáí díorthach, nó gnólacht a dhéileálann ar son cuntas ball eile de na margáí sin agus ráthú aige ó bhaill imréitigh de na margáí céanna, i gcás ina nglacann baill imréitigh na margáí céanna freagracht as feidhmíocht na gconarthaí a dhéanann an gnólacht sin;
- (5) ciallaíonn 'gnóthas árachais' gnóthas árachais mar a shainmhínítear faoi phointe (1) d'Airteagal 13 de Threoir 2009/138/CE ó Pharlaimint na hEorpa agus ón gComhairle an 25 Samhain 2009 maidir le dul i mbun ghnó an árachais agus an atharachais, agus leanúint den ghnó sin (Sócmhainneacht II)<sup>(1)</sup>;
- (6) ciallaíonn 'gnóthas atharachais' gnóthas árachais mar a shainmhínítear faoi phointe (4) d'Airteagal 13 de Threoir 2009/138/CE;

**▼M8**

- (7) ciallaíonn 'gnóthas comhinfeistíochta' nó '(GC)' GCUI mar a shainmhínítear é in Airteagal 1 de Threoir 2009/65/CE ó Pharlaimint na hEorpa agus ón gComhairle<sup>(2)</sup> nó ciste infheistíochta malartach (CIM) mar a shainmhínítear é i bpointe (a) d'Airteagal 4(1) de Threoir 2011/61/AE ó Pharlaimint na hEorpa agus ón gComhairle<sup>(3)</sup>;

**▼B**

- (8) ciallaíonn 'eintiteas earnála poiblí' comhlacht riaracháin neamh-thráchtála atá freagrach do rialtais láir, do rialtais áitiúla nó d'údarais áitiúla, nó d'údarais a fheidhmíonn na freagrachtaí céanna a fheidhmíonn rialtais réigiúnacha agus údarais áitiúla; nó gnóthas neamh-thráchtála atá faoi úinéireacht nó bunaithe agus urraithe ag rialtais láir, ag rialtais réigiúnacha nó ag údarais áitiúla agus ag a bhfuil socrúithe ráthaíochta follasacha, agus féadfaidh comhlachtaí féinriartha arna rialú ag dlí atá faoi mhaoirseach poiblí a áireamh leo;

<sup>(1)</sup> IO L 335, 17.12.2009.lch 1

<sup>(2)</sup> Treoir 2009/65/CE ó Pharlaimint na hEorpa agus ón gComhairle an 13 Iúil 2009 maidir le comhordú forálacha reachtaíochta, rialúchán agus riaracháin a bhaineann le gnóthais le haghaidh comhinfeistíocht in urrúis inais-trithe (GCUI) (IO L 302, 17.11.2009, lch. 32).

<sup>(3)</sup> Treoir 2011/61/AE ó Pharlaimint na hEorpa agus ón gComhairle an 8 Meitheamh 2011 maidir le Bainisteoirí Cistí Infheistíochta Malartacha agus lena leasaítear Treoracha 2003/41/CE agus 2009/65/CE agus Rialacháin (CE) Uimh. 1060/2009 agus (AE) Uimh. 1095/2010 (IO L 174, 1.7.2011, lch. 1).

**▼B**

- (9) ciallaíonn 'comhlacht bainistíochta' comhlacht bainistíochta mara shainmhínítear é i bpointe 7 d'Airteagal 3(1) de Threoir 2013/36/(AE)
- (10) ciallaíonn 'bainistíocht shinsearach' bainistíocht shinsearach mar a shainmhínítear í i bpointe (9) Airteagal 43(1) de Threoir 2013/36/(AE);
- (11) ciallaíonn "priacal sistéamach" priacal sistéamach mar a shainmhínítear é i bpointe (10) d'Airteagal 3(1) de Threoir 2013/36/(AE)
- (12) ciallaíonn "priacal samhla" priacal samhla mar a shainmhínítear é i bpointe (11) d'Airteagal 3(1) de Threoir 2013/36/(AE);

**▼M5**

- (13) ciallaíonn 'tionscnóir' tionscnóir mar a shainmhínítear i bpointe (3) d'Airteagal 2 de Rialachán (AE) 2017/2402 <sup>(1)</sup>;
- (14) ciallaíonn 'urraitheoir' urraitheoir mar a shainmhínítear i bpointe (5) d'Airteagal 2 de Rialachán (AE) 2017/2402;
- (14a) ciallaíonn 'iasachtóir bunaidh' iasachtóir bunaidh mar a shainmhínítear i bpointe (20) d'Airteagal 2 de Rialachán (AE) 2017/2402;

**▼B**

- (15) ciallaíonn 'máthairghnóthas':
  - (a) máthairghnóthas de réir bhrí Airteagal 1 agus Airteagal 2 de Threoir 83/349/CEE;
  - (b) chun críocha Chuid 2 de Chaibidlí 3 agus 4 de Theideal VII, agus Theideal VIII de Threoir 2013/36/(AE) agus Chuid a Cúig den Rialachán seo, máthairghnóthas de réir bhrí Airteagal 1(1) de Threoir 83/349/CEE agus aon ghnóthas a bhfuil tionchar ceannasach aige ar aon ghnóthas eile;
- (16) ciallaíonn 'fochuideachta':
  - (a) gnóthas fochuideachta de réir bhrí Airteagal 1 agus Airteagal 2 de Threoir 83/349/CEE;
  - (b) gnóthas fochuideachta de réir bhrí Airteagal 1(1) de Threoir 83/349/CEE agus aon ghnóthas ar a bhfuil tionchar ceannasach ag máthairghnóthas;

Fochuideachtaí de chuid fochuideachta, measfar gur fochuideachta í de chuid an ghnóthais atá ina mháthairghnóthas bunaidh aici;
- (17) ciallaíonn 'brainse' áit ghnó atá ina cuid spleách de réir dlí d'institiúid agus a dhéanann go díreach na hidirbhearta uile nó cuid díobh ar cuid dhílis iad de ghnó na n-institiúidí;
- (18) ciallaíonn 'gnóthas seirbhísí coimhdeacha' gnóthas arb é a príomhghníomhaíocht bheith i seilbh maoiné nó maoin a bhainistiú, seirbhísí próiseála sonraí a bhainistiú, nó gníomhaíocht chomhchosúil atá coimhdeach le príomhghníomhaíocht institiúid creidmheasa amháin nó níos mó;

<sup>(1)</sup> Rialachán (AE) 2017/2402 ó Pharlaimint na hEorpa agus ón gComhairle an 12 Nollaig 2017 lena leagtar síos creat ginearálta maidir le hurrúsú agus lena gcruthaítear creat sonrach maidir le hurrúsú simplí trédhearcach caighdeánaithe, agus lena leasaítear Threoir 2009/65/CE, Threoir 2009/138/CE, Threoir 2011/61/AE, Rialachán (CE) Uimh. 1060/2009 agus Rialachán (AE) Uimh. 648/2012 (IO L 347, 28.12.2017, lch. 35).

**▼ C2**

- (19) ciallaíonn 'cuideachta bhainistíochta sócmhainní' cuideachta bhainistíochta sócmhainní mar a shainmhínítear í i bpointe (5) d'Airteagal 2 de Threoir 2002/87/CE nó BCIM mar a shainmhínítear é in Airteagal 4(1)(b) de Threoir 2011/61/AE, lena n-áirítear, mura bhforáiltear a mhalairt, eintitis de chuid tríú tíortha a dhéanann gníomhaíochtaí comhchosúla agus atá faoi réir dhlíthe tríú tír a chuireann ceanglais mhaoirseachta agus rialála i bhfeidhm, ar ceanglais iad atá ar a laghad cóibhéiseach leo siúd a chuirtear i bhfeidhm san Aontas;

**▼ M8**

- (20) ciallaíonn 'cuideachta shealbhaíochta airgeadais' institiúid airgeadais ar institiúidí airgeadais a fochuideachtaí uile nó an chuid is mó díobh agus nach cuideachta shealbhaíochta airgeadais mheasctha í; is éard is fochuideachtaí de chuid institiúid airgeadais ann, institiúidí nó institiúidí airgeadais, den chuid is mó, ar institiúid ceann amháin díobh ar a laghad agus a mbaineann níos mó ná 50 % de chothromas, de shócmhainní comhdhlúite, d'ioncam nó de phearsanra na hinstitiúide airgeadais nó de tháscaire eile de chuid na hinstitiúide airgeadais sin a mheasann a húdarás inniúil atá ábhartha, le fochuideachtaí ar institiúidí nó institiúidí airgeadais iad;

**▼ B**

- (21) ciallaíonn 'cuideachta shealbhaíochta airgeadais mheasctha' cuideacht sealbhaíocht mheasctha mar a shainmhínítear í i bpointe 15 d'Airteagal 2 de Threoir 2002/87/CE;
- (22) ciallaíonn 'cuideachta shealbhaíochta ghníomhaíochtaí measctha' máthairghnóthas nach cuideachta shealbhaíochta airgeadais ná institiúid ná cuideachta shealbhaíochta airgeadais mheasctha í, a bhfuil institiúid amháin ar a laghad i measc a fochuideachtaí
- (23) ciallaíonn 'gnóthas árachais tríú tír' gnóthas árachais tríú tír mar a shainmhínítear é i bpointe (6) d'Airteagal 13 de Threoir 2009/138/CE;
- (24) ciallaíonn 'gnóthas atharachais tríú tír' gnóthas atharachais tríú tír mar a shainmhínítear i bpointe 3 d'Airteagal 13 de Threoir 2009/138/CE;
- (25) ciallaíonn 'gnólacht infheistíochta aitheanta de chuid tríú tíortha' gnólacht a chomhlíonann gach ceann de na coinníollacha seo a leanas:
- (a) bheadh sé cumhdaithe ag an sainmhíniú ar ghnólacht infheistíochta, dá mbeadh sé bunaithe laistigh den Aontas;
  - (b) tá sé údaraithe i dtríú tír;
  - (c) tá sé faoi réir rialacha stuamachta a mheasann na húdaráis inniúla a bheith ar a laghad chomh dian leo siúd a leagtar síos sa Rialachán seo nó le Treoir 2013/36/AE agus a chomhlíonann na rialacha sin;

**▼ M8**

- (26) ciallaíonn 'institiúid airgeadais' gnóthas seachas institiúid agus seachas cuideachta shealbhaíochta airgeadais, arb é a phríomhghníomhaíocht sealúchais a fháil nó ceann amháin nó níos mó de na gníomhaíochtaí a liostaítear i bpointí 2 go 12 agus i bpointe 15 d'Iarscríbhinn I a ghabhann le Treoir 2013/36/AE a shaothrú, lena n-áirítear cuideachta shealbhaíochta airgeadais, cuideachta shealbhaíochta airgeadais mheasctha, institiúid iocáíochta mar a

**▼M8**

shainmhíntear í i bpointe (4) d'Airteagal 4 de Threoir (AE) 2015/2366 ó Pharlaimint na hEorpa agus ón gComhairle <sup>(1)</sup>, agus cuideachta bainistíochta sócmhainní, ach ní áirítear leis cuideachtaí sealbhaíochta árachais agus cuideachtaí sealbhaíochta árachais gníomhaíochtaí measctha mar a shainmhíntear iad, faoi seach, i bpointí (f) agus (g) d'Airteagal 212(1) de Threoir 2009/138/CE;

**▼B**

(27) ciallaíonn 'eintiteas earnála airgeadais' aon cheann díobh seo a leanas:

- (a) institiúid;
- (b) institiúid airgeadais;
- (c) gnóthas seirbhísí coimhdeacha a áirítear i staid chomhdhlúite airgeadais institiúide;
- (d) gnóthas árachais;
- (e) gnóthas árachais tríú tír;
- (f) gnóthas atharachais;
- (g) gnóthas atharachais tríú tír;

**▼C2**

(h) cuideachta sealbhaíochta árachais mar a shainmhíntear i bpointe (f) d'Airteagal 212(1) de Threoir 2009/138/CE í;

**▼B**

- (k) gnóthas atá eisiata ó raon feidhme Threoir 2009/138/CE i gcomhréir le hAirteagal 4 den Treoir sin;
- (l) gnóthas tríú tíre a bhfuil príomhghnó aige atá incomparáide le haon cheann de na heintitis dá dtagraítear i bpointe (a) go (k) thuas.

**▼M8**

(28) ciallaíonn 'máthairinstitiúid i mBallstát' institiúid i mBallstát a bhfuil institiúid nó institiúid airgeadais nó gnóthas seirbhísí coimhdeacha mar fhochuideachta aici, a bhfuil rannpháirtíocht aici in institiúid, in institiúid airgeadais nó i ngnóthas seirbhísí coimhdeacha, agus nach bhfuil ina fochuideachta de chuid institiúid eile atá údaraithe sa Bhallstát céanna, ná ina fochuideachta de chuid cuideachta shealbhaíochta airgeadais nó de chuid cuideachta shealbhaíochta airgeadais mheasctha atá bunaithe sa Bhallstát céanna;

**▼B**

(29) ciallaíonn 'máthairinstitiúid AE' máthairinstitiúid i mBallstát nach bhfuil ina fochuideachta ag institiúid eile atá údaraithe in aon Bhallstát, ná ina fochuideachta de chuid cuideachta sealbhaíochta airgeadais nó de chuid cuideachta sealbhaíochta airgeadais measctha atá bunaithe in aon Bhallstát;

**▼M8**

(29a) ciallaíonn 'máthairghnólacht infheistíochta i mBallstát' máthairinstitiúid i mBallstát ar gnólacht infheistíochta í;

<sup>(1)</sup> Treoir (AE) 2015/2366 ó Pharlaimint na hEorpa agus ón gComhairle an 25 Samhain 2015 maidir le seirbhísí íocaíochta sa mhargadh inmheánach, lena leasaítear Treoracha 2002/65/CE, 2009/110/CE agus 2013/36/AE agus Rialachán (AE) Uimh. 1093/2010 agus lena n-aisghairtear Treoir 2007/64/CE (IO L 337, 23.12.2015, lch. 35).

**▼M8**

- (29b) ciallaíonn 'máthairghnólacht infheistíochta AE' máthairinstitiúid AE ar gnólacht infheistíochta í;
- (29c) ciallaíonn 'máthairinstitiúid chreidmheasa i mBallstát' máthairinstitiúid i mBallstát ar institiúid creidmheasa í;
- (29d) ciallaíonn 'máthairinstitiúid creidmheasa AE' máthairinstitiúid AE ar institiúid creidmheasa í;

**▼B**

- (30) ciallaíonn 'máthairchuideachta shealbhaíochta airgeadais i mBallstát' cuideachta shealbhaíochta airgeadais nach bhfuil ina fochuideachta ag institiúid eile atá údaraithe sa Bhallstát céanna, ná ina fochuideachta de chuid cuideachta sealbhaíochta airgeadais nó de chuid cuideachta sealbhaíochta airgeadais measctha atá bunaithe sa Bhallstát céanna;
- (31) ciallaíonn 'máthairchuideachta shealbhaíochta airgeadais AE' máthairchuideachta shealbhaíochta airgeadais i mBallstát nach bhfuil ina fochuideachta ag institiúid atá údaraithe in aon Bhallstát, ná ina fochuideachta de chuid cuideachta sealbhaíochta airgeadais nó de chuid cuideachta sealbhaíochta airgeadais measctha eile atá bunaithe in aon Bhallstát;
- (32) ciallaíonn 'máthairchuideachta shealbhaíochta airgeadais mheasctha i mBallstát' cuideachta shealbhaíochta airgeadais mheasctha nach bhfuil ina fochuideachta ag institiúid eile atá údaraithe sa Bhallstát céanna, ná ina fochuideachta de chuid cuideachta sealbhaíochta airgeadais nó de chuid cuideachta sealbhaíochta airgeadais measctha atá bunaithe sa Bhallstát céanna.
- (33) ciallaíonn 'máthairchuideachta shealbhaíochta airgeadais measctha AE' máthairchuideachta shealbhaíochta airgeadais measctha i mBallstát nach bhfuil ina fochuideachta ag institiúid atá údaraithe in aon Bhallstát, ná ina fochuideachta de chuid cuideachta sealbhaíochta airgeadais nó de chuid cuideachta sealbhaíochta airgeadais measctha eile atá bunaithe in aon Bhallstát;

**▼C2**

- (34) ciallaíonn 'contrapháirtí lárnach' nó 'CL' CL mar atá sainmhínithe i bpointe 1 d'Airteagal 2 de Rialachán (AE) Uimhir 648/2012;

**▼B**

- (35) ciallaíonn 'rannpháirtíocht' rannpháirtíocht de réir bhrí na chéad abairte in Airteagal 17 de Cheathrú Treoir 78/660/CEE ón gComhairle an 25 Iúil 1978 maidir le cuntais bhliantúla cineálacha áirithe cuideachtaí<sup>(1)</sup>, nó úinéireacht, díreach nó indíreach, 20 % nó níos mó de na cearta vótála nó de chaipiteal gnóthais;
- (36) ciallaíonn 'sealúchas cáilitheach' sealúchas díreach nó indíreach i ngnóthas arb ionann é agus 10 % nó níos mó den chaipiteal nó de na cearta vótála i gceist nó a fhágann gur féidir tionchar suntasach a imirt ar bhainistiú an ghnóthais sin;
- (37) ciallaíonn 'rialú' an caidreamh idir máthairghnóthas agus fochuideachta, mar atá sainmhínithe in Airteagal 1 de Threoir 83/349/CEE ón gComhairle nó na caighdeáin chuntasáíochta a bhfuil institiúid faoina réir faoi Rialachán (CE) Uimh. 1606/2002, nó caidreamh atá cosúil leis idir aon duine nádúrtha nó dlítheanach agus gnóthas;

<sup>(1)</sup> IO L 222, 14.8.1978. lch 11



**▼B**

(38) ciallaíonn 'dlúthnaisc' staid ina bhfuil dhá dhuine nádúrtha nó dlítheanacha, nó níos mó, nasctha le chéile ar cheann de na bealaí seo a leanas:

- (a) rannpháirtíocht i bhfoirm úinéireachta, biodh sé díreach nó i bhfoirm rialaithe, ar 20 % nó níos mó de na cearta vótála nó de chaipiteal an ghnóthais;
- (b) smacht;
- (c) an dá duine nádúrtha nó dlítheanacha nó iad go léir a bheith buan-nasctha leis an tríú duine trí ghaolmhaireacht rialaithe;

(39) ciallaíonn 'grúpa cliant nasctha' aon cheann díobh seo a leanas:

- (a) dhá dhuine nádúrtha nó dhlítheanacha, nó níos mó, ar aon priacal amháin iad, mura léirítear a mhalairt, toisc go bhfuil rialú ag duine acu, go díreach nó go hindíreach, ar an duine nó ar na daoine eile;
- (b) dhá dhuine nádúrtha nó dhlítheanacha, nó níos mó, nach bhfuil aon ghaol rialaithe den chineál a dtagraítear dó i bpointe (a) eatarthu, ach atá le meas mar aon priacal amháin toisc go bhfuil an nasc chomh dlúth sin eatarthu gur dócha, dá mbeadh fadhbanna airgeadais ag duine amháin acu, go háirithe deacrachtaí maoinithe nó aisíocaíochta, go mbeadh deacrachtaí airgeadais ag an duine eile nó ag na daoine eile go léir;

D'ainneoin phointe (a) agus do phointe (b), sa chás go bhfuil rialú díreach ag rialtas láir ar níos mó ná duine nádúrtha nó dlítheanach amháin nó go bhfuil sé idirnasctha go díreach leo, féadfar, maidir leis an tacar arb éard atá ann an rialtas láir agus na daoine nádúrtha nó dlítheanacha uile atá faoina rialú díreach nó indíreach i gcomhréir le pointe (a) nó atá idirnasctha leis i gcomhréir le pointe (b), an tacar sin a mheas mar ghrúpa nach bhfuil cliant nasctha ann. Ina ionad sin, féadfar measúnú ar leith a dhéanamh, ina measfaí an ann do ghrúpa cliant nasctha ina bhfuil an rialtas láir agus daoine nádúrtha nó dlítheanacha eile, ar measúnú do gach duine ar leith é atá faoina rialú díreach i gcomhréir le pointe (a) nó atá idirnasctha go díreach leis i gcomhréir le pointe (b), agus do na daoine nádúrtha nó dlítheanacha uile atá faoi rialú an duine sin i gcomhréir le pointe (a) nó atá idirnasctha leis an duine sin i gcomhréir le pointe (b), lena n-áirítear an rialtas láir. Tá feidhm ag an méid sin freisin i gcás rialtas réigiúnach nó údarás áitiúil a bhfuil feidhm ag Airteagal 115(2) ina leith.

**▼M8**

Ní mheastar gur grúpa cliant nasctha iad beirt nó triúr daoine nádúrtha nó dlítheanacha a chomhlíonann na coinníollacha a leagtar amach i bpointe (a) nó (b) mar go bhfuil siad risíochta go díreach ar CPL céanna chun críocha gníomhaíochtaí imréitigh;

**▼B**

(40) ciallaíonn 'údarás inniúil' údarás poiblí nó comhlacht atá aitheanta go hoifigiúil ag an dlí náisiúnta, agus a dtugann an dlí náisiúnta an chumhacht dó maoirseacht a dhéanamh ar institiúidí mar chuid den chóras maoirseachta atá i bhfeidhm sa Bhallstát lena mbaineann;

**▼M8**

(41) ciallaíonn 'maoirseoir comhdhlúthaithe' údarás inniúil atá freagrach as maoirseacht a dhéanamh ar bhonn comhdhlúite i gcomhréir le hAirteagal 111 de Threoir 2013/36/AE;

**▼B**

- (42) ciallaíonn 'údarú' ionstraim arna heisiúint i bhfoirm ar bith ag na húdaráis ar ar deonaíodh an ceart an gnó a dhéanamh;
- (43) ciallaíonn 'Ballstát baile' an Ballstát ar tugadh údarú d'institiúid ann;
- (44) ciallaíonn 'Ballstát óstaigh' an Ballstát a bhfuil brainse ag institiúid ann nó ina gcuireann sí seirbhísí ar fáil;
- (45) ciallaíonn 'bainc cheannais CEBC' na bainc cheannais náisiúnta atá ina gcomhaltaí den Chóras Eorpach Banc Ceannais (CEBC) agus den Bhanc Ceannais Eorpach (BCE);
- (46) ciallaíonn 'bainc cheannais' bainc cheannais CEBC agus bainc cheannais tríú tíortha
- (47) ciallaíonn 'cás comhdhlúite' an cás a thagann as ceanglais an rialacháin seo a chur i bhfeidhm i gcomhréir le Cuid a hAon, Teideal II de Chaibidil 2 ar institiúid amhail dá mba institiúid amháin í agus eintiteas amháin eile nó níos mó;
- (48) ciallaíonn 'bonn comhdhlúite' ar bhonn an cháis chomhdhlúite;
- (49) ciallaíonn 'ar bhonn fo-chomhdhlúite' ar bhonn cháis chomhdhlúite máthairinstitiúide, na cuideachta sealbhaíochta airgeadais nó na cuideachta sealbhaíochta airgeadais mheasctha gan fo-ghrúpa eintiteas san áireamh nó ar bhonn cháis chomhdhlúite máthairinstitiúide, cuideachta sealbhaíochta airgeadais nó cuideachta sealbhaíochta airgeadais mheasctha nach an mháthairinstitiúid dheiridh, an chuideachta sealbhaíochta airgeadais dheiridh nó an chuideachta sealbhaíochta airgeadais mheasctha dheiridh í.
- (50) ciallaíonn 'ionstraim airgeadais' aon cheann díobh seo a leanas:
- (a) conradh a bhfuil mar thoradh air sócmhainn airgeadais i gcás páirtí amháin agus dliteanas airgeadais nó ionstraim cothromais i gcás an pháirtí eile;
  - (b) ionstraim a shainítear i Roinn C d'Iarscríbhinn I a ghabhann le Treoir 2004/39/CE;
  - (c) ionstraim airgeadais dhíorthach;
  - (d) ionstraim phríomhúil airgeadais;
  - (e) ionstraim airgid.
- Ní ionstraimí airgeadais na hionstraimí dá dtagraítear i bpointí (a), (b) agus (c) ach amháin sa chás go ndíorthaítear a luach ó phraghas ionstraim airgeadais fholuitigh, ó ítim eile fholuiteach, ó ráta, nó ó innéacs;
- (51) ciallaíonn 'caipiteal tosaigh' suim agus cineálacha na gcistí dílse a shainítear in Airteagal 12 de Threoir 2013/36/AE i dtaca le hinstiúidí creidmheasa agus i dTeideal IV den Treoir sin i dtaca le gnólachtaí infheistíochta;
- (52) ciallaíonn 'priacal oibriúcháin' an priacal cailleanais a eascraíonn ó chórais, ó dhaoine nó ó phróisis inmheánaigh ar theip orthu nó nach raibh leormhaith, nó ó theagmhais sheachtracha, agus tá priacal dlíthiúil san áireamh freisin;

**▼B**

- (53) ciallaíonn 'priacal caolúcháin' an priacal go laghdófaí suim infhála trí chreidmheasanna airgid nó neamh-airgid chuig an bhféichiúnaí;
- (54) ciallaíonn 'dóchúlacht mainneachtana' nó 'DM' an dóchúlacht mainneachtana a bhaineann le contrapháirtí ar feadh tréimhse bliana;
- (55) ciallaíonn 'caillteanas i gcás mainneachtana' nó LGD cóimheas an chaillteanais ar risíocht de thoradh mainneachtana chontrapháirtí leis an tsuim gan íoc tráth na mainneachtana;
- (56) ciallaíonn 'fachtóir coinbhéartaithe' cóimheas mhéid an ghealltanais atá gan tarraingt go fóill agus a d'fhéadfaí a tharraingt agus a bheadh gan íoc, dá bhrí sin, tráth na mainneachtana, le méid an ghealltanais atá gan tarraingt go fóill. Is í an teorainn mholta a chinnfidh fairsinge an ghealltanais, ach amháin má tá an teorainn neamh-mholta níos airde;
- (57) ciallaíonn 'maolú priacal creidmheasa' teicníc a úsáideann institiúid chun an priacal creidmheasa a bhaineann le risíocht nó risíochtaí atá fós i seilbh na hinstitiúide a laghdú;
- (58) ciallaíonn 'cosaint creidmheasa chistithe' teicníc maolaithe priacal creidmheasa ina dtagann an laghdú ar priacal creidmheasa ar risíocht institiúide as ceart na hinstitiúide sin, i gcás mainneachtana an chontrapháirtí nó i gcás teagmhais chreidmheasa sainithe eile a bhaineann leis an gcontrapháirtí, sócmhainní nó méideanna áirithe a leachtú nó iad a chur á n-aistriú nó á leithreasú, iad a choinneáil, nó an risíocht orthu a laghdú, nó an difear idir méid na risíochta agus méid éilimh ar an institiúid a chur ina n-ionad;
- (59) ciallaíonn 'cosaint neamhchistithe creidmheasa' teicníc maolaithe priacal creidmheasa ina dtagann an laghdú ar priacal creidmheasa ar risíocht institiúide as oibleagáid tríú páirtí suim a íoc i gcás mainneachtana an iasachtaí nó i gcás teagmhas creidmheasa sainithe eile;
- (60) ciallaíonn 'ionstraim chomhshamlaithe airgid' deimhniú corrlaigh, banna lena n-áirítear banna faoi chumhdach nó aon ionstraim neamh-fho-ordaithe eile atá eisithe ag institiúid, a bhfuil focaíocht iomlán faighte ag an institiúid ina leith cheana féin agus a aisíocfar gan choinníoll ag a luach ainmniúil;

**▼M5**

- (61) ciallaíonn 'urrúsú' urrúsú mar a shainmhínítear i bpointe (1) d'Airteagal 2 de Rialachán (AE) 2017/2402;
- (62) ciallaíonn 'suíomh urrúsúcháin' suíomh urrúsúcháin mar a shainmhínítear i bpointe (19) d'Airteagal 2 de Rialachán (AE) 2017/2402;

**▼ M5**

- (63) ciallaíonn 'ath-urrúsú' ath-urrúsú mar a shainmhínítear i bpointe (4) d'Airteagal 2 de Rialachán (AE) 2017/2402;

**▼ B**

- (64) ciallaíonn 'suíomh ath-urrúsúcháin' risíocht ar ath-urrúsúchán;
- (65) ciallaíonn 'feabhsú creidmheasa' socrú conarthach trína ndéantar cáilíocht chreidmheasa suímh atá in urrúsú a fheabhsú le hais mar a bheadh sé murach sin, lena n-áirítear feabhsú a thagann as tráinsí níos sóisearaí san urrúsú agus as cineálacha eile cosanta creidmheasa;

**▼ M5**

- (66) ciallaíonn 'eintiteas sainchuspóireach urrúsúcháin' nó 'SSPE' eintiteas sainchuspóireach urrúsúcháin nó SSPE mar a shainmhínítear i bpointe (2) d'Airteagal 2 de Rialachán (AE) 2017/2402;
- (67) ciallaíonn 'tráinse' tráinse mar a shainmhínítear i bpointe (6) d'Airteagal 2 de Rialachán (AE) 2017/2402;

**▼ B**

- (68) ciallaíonn 'marcáil ón margadh' luacháil suíomh ag praghsanna thráth dúnta an mhargaidh atá ar fáil gan dua agus a bhfuil foinsé neamhspleách acu, lena n-áirítear praghsanna malartaithe, praghsanna scáileáin nó meastacháin ó roinnt bróicéirí neamhspleácha creidiúnacha;
- (69) ciallaíonn 'marcáil de réir samhla' aon luacháil is gá a thagarmharcáil, a eachtarshuí nó a ríomh ar bhealach eile ó ionchur margaidh amháin nó níos mó;
- (70) ciallaíonn 'fíorú neamhspleách ar phraghsanna' próiseas ina ndéantar praghsanna an mhargaidh nó ionchuir marcáil de réir samhla a fhíorú go rialta maidir le cruinneas agus neamhspleáchas;

**▼ C2**

- (71) ciallaíonn 'caipiteal incháilithe' na nithe seo a leanas:
- (a) chun críocha Theideal III de Chuid a Dó, ciallaíonn sé suim na nithe seo a leanas:
- (i) caipiteal Leibhéal 1 dá dtagraítear in Airteagal 25, gan an asbhaint atá in Airteagal 36(1)(k)(i) a chur i bhfeidhm;
- (ii) caipiteal Leibhéal 2 dá dtagraítear in Airteagal 71 atá cothrom le haon trian de chaipiteal Leibhéal 1 nó níos lú ná sin faoi mar a ríomhtar é de bhun phointe (i) den phointe seo;

**▼ M8**

- (b) chun críocha Airteagal 97, ciallaíonn sé suim na méideanna seo a leanas:

**▼ C2**

- (i) Caipiteal Leibhéal 1 dá dtagraítear in Airteagal 25;
- (ii) Caipiteal Leibhéal 2 dá dtagraítear in Airteagal 71 atá cothrom le haon trian de chaipiteal Leibhéal 1 nó níos lú ná sin.

**▼B**

- (72) ciallaíonn 'malartán aitheanta' malartán a chomhlíonann na coiníollacha seo a leanas go léir:

**▼M8**

- (a) is margadh rialáilte nó margadh tríú tír é a mheastar a bheith coibhéiseach le margadh rialáilte i gcomhréir leis an nós imeachta a leagtar amach i bpointe (a) d'Airteagal 25(4) de Threoir 2014/65/AE ó Pharlaimint na hEorpa agus ón gComhairle <sup>(1)</sup>;

**▼B**

- (b) tá sásra imréitigh aige trína ndéantar conarthaí atá liostaithe in Iarscríbhinn II a chur faoi réir ceanglas corrlaigh laethúil a chuireann cosaint iomchuí ar fáil, i dtuairim na n-údarás inniúil;
- (73) ciallaíonn 'sochair phinsin lánroghnacha' sochair phinsin fheabhsaithe arna dtabhairt ar bhonn lánroghnach ag institiúid d'fhostaí mar chuid dá phacáiste luach saothair inathraithe, nach gcuimsíonn sochar fabhráithe a tugadh d'fhostaí faoi théarmaí scéim pinsean na cuideachta;
- (74) ciallaíonn 'luach iasachta morgáiste' luach maoine dochorraithe arna chinneadh ag measúnú stuama ar indíoltacht na maoine sa todhchaí, ag cur san áireamh gnéithe inbhuanaithe fadtéarmacha na maoine, gnáthchoinníollacha an mhargaidh áitiúil, úsáid reatha agus úsáidí malartacha iomchuí na maoine;
- (75) Ciallaíonn 'maoin chónaithe' áit chónaithe atá áitithe ag an úinéir nó ag léasaí na háite chónaithe, lena n-áirítear an ceart chun cónaí in árasán i gcomharchumainn tithíochta atá lonnaithe sa tSualainn;
- (76) ciallaíonn 'margadhluach', chun críocha maoine dochorraithe, an méid measta ba cheart a bheith ar an mhaoin ar í a mhalartú ar an dáta luachála idir ceannaitheoir toilteanach agus díoltóir toilteanach in idirbheart ar neamhthuilleamaí tar éis margaíochta cuí ina raibh na páirtithe ag gníomhú go heolasach, go stuama agus gan bheith faoi éigeantas;
- (77) ciallaíonn 'creat cuntasaíochta infheidhme' na caighdeáin chuntasaíochta a bhfuil an institiúid faoina réir faoi Rialachán (CE) Uimh. 1606/2002 nó Treoir 86/635/CCE;
- (78) ciallaíonn 'ráta mainneachtana aon bhliana' cóimheas an lín mainneachtana a thit amach i rith tréimhse dar tús aon bhliain amháin roimh dáta T leis an líon féichiúnaithe a shanntar don ghrád nó don líon sin aon bhliain amháin roimh an dáta sin;
- (79) ciallaíonn 'maoiniú amhantrach maoine dochorraithe' iasachtaí ar mhaithe le héadáil nó forbairt nó tógáil ar thalamh a bhaineann leis an maoin dochorraithe sin, nó a bhaineann leis an maoin sin, d'fhonn í a athdhíol chun brabús a dhéanamh;
- (80) ciallaíonn 'maoiniú trádála' maoiniú, lena n-áirítear ráthaíochtaí, a bhaineann le malartú earraí nó seirbhísí trí tháirgí airgeadais d'airbíocht sheasta ghearrthéarmach, níos lú ná bliain amháin go hiondúil, gan tar-rolladh uathoibríoch, risíochtaí;

<sup>(1)</sup> Treoir 2014/65/AE ó Pharlaimint na hEorpa agus ón gComhairle an 15 Bealtaine 2014 maidir le margaí in ionstraimí airgeadais lena leasaítear Treoir 2002/92/AE ón gComhairle agus Treoir 2011/61/AE (IO L 173, 12.6.2014, lch. 349).

**▼B**

- (81) Ciallaíonn 'creidmheasanna onnmhairiúcháin a fhaigheann tacaíocht oifigiúil' iasachtaí nó creidmheasanna chun onnmhairiú earraí agus seirbhísí a mhaoiniú a sholáthraíonn gníomhaireacht chreidmheasa onnmhairiúcháin oifigiúil ráthaíochtaí, árachas nó maoiniú díreach ina leith;

**▼C2**

- (82) ciallaíonn 'comhaontú athcheannaigh' agus 'comhaontú athcheannaigh droim ar ais' aon chomhaontú ina n- aistríonn institiúid nó a contrapháirtí urrúis nó tráchtearraí nó cearta ráthaithe a bhaineann le teideal ar urrúis nó ar thráchtearraí nuair is malartán aitheanta a shealbhaíonn cearta na n-urrúis nó na dtráchtearraí a eisíonn an ráthaíocht sin, agus nuair nach dtugann an comhaontú cead don institiúid urrús nó tráchtearra ar leith a aistriú chuig níos mó ná contrapháirtí amháin san am céanna, faoi réir tiomantais iad a athcheannach, nó le hurrúis nó tráchtearraí athsholáthraithe den chineál céanna ag praghas agus ar dháta sa todhchaí atá sainithe ag an aistreoir, nó ag praghas agus ar dháta a shaineoidh sé, agus arb é atá iontu comhaontú athcheannaigh ag an institiúid atá ag díol na n-urrús nó na dtráchtearraí agus comhaontú ceannaigh droim ar ais ag an institiúid atá á gceannach;

**▼B**

- (83) ciallaíonn 'idirbheart athcheannaigh' aon idirbheart arna rialú ag comhaontú athcheannaigh nó comhaontú athcheannaigh droim ar ais;
- (84) ciallaíonn 'comhaontú simplí athcheannaigh' idirbheart athcheannaigh ar shócmhainn aonair nó ar shócmhainní chomhchósúla, neamhchasta seachas bascaed sócmhainní;
- (85) ciallaíonn 'suímh arna sealbhú le hintinn iad a thrádáil' aon cheann díobh seo a leanas:
- (a) suímh dhílsithe agus suímh a eascraíonn ó sheirbhísíú cliaint agus ó dhéanamh margai;
  - (b) suímh atá ceaptha lena n-athdhíol sa ghearrtéarma;
  - (c) suímh atá ceaptha leas a bhaint as difríochtaí praghais gearrt-héarmacha iarbhír nó ionchais idir praghsanna ceannaigh agus praghsanna díola nó as athróg eile ar phraghsanna nó as athróg ar an ráta úis;]

**▼M8**

- (86) ciallaíonn 'leabhar trádála' gach suíomh in ionstraimí airgeadais agus i dtráchtearraí arna sealbhú ag institiúid le hintinn trádála, nó d'fhonn suíomhanna arna sealbhú le hintinn iad a thrádáil a fhálú, i gcomhréir le hAirteagal 104;

**▼B**

- (87) ciallaíonn 'saoráid trádála iltaobhach' saoráid trádála iltaobhach mar a shainmhínítear í i bpointe 15 d'Airteagal 4 de Threoir 2004/39/CE;]

**▼ C2**

- (88) ciallaíonn 'contrapháirtí lárnach cáilitheach' nó 'CLC' contrapháirtí lárnach atá údaraithe i gcomhréir le hAirteagal 14 de Rialachán (AE) Uimh. 648/2012 nó atá aitheanta i gcomhréir le hAirteagal 25 den Rialachán sin;

**▼ B**

- (89) ciallaíonn 'ciste mainneachtana' ciste arna bhunú ag contrapháirtí lárnach i gcomhréir le hAirteagal 42 de Rialachán (AE) Uimh. 648/2012 agus arna úsáid i gcomhréir le hAirteagal 45 den Rialachán sin;
- (90) ciallaíonn 'ranníocaíocht réamh-mhaoinithe le ciste mainneachtana contrapháirtí lárnaigh' ranníocaíocht le ciste mainneachtana contrapháirtí lárnaigh a íocann institiúid;

**▼ M8**

- (91) ciallaíonn 'risíocht trádála' risíocht reatha, lena n-áirítear corrlach athrúcháin atá dlite don chomhalta imréitigh ach nach bhfuarthas fós agus aon risíocht a d'fhéadfadh a bheith ann amach anseo de chuid comhalta imréitigh nó de chuid cliant ar CPL a eascraíonn as conarthaí agus idirbhearta a liostaítear i bpointí (a), (b) agus (c) d'Airteagal 301(1), mar aon le corrlach tosaigh;

**▼ B**

- (92) ciallaíonn 'margadh rialáilte' margadh rialáilte mar a shainmhínítear é i bpointe (14) d'Airteagal 4 de Threoir 2004/39/CE;
- (93) ciallaíonn 'luamhánú' méid choibhneasta sócmhainní institiúide, oibleagáidí atá lasmuigh den chlár comhardaithe agus oibleagáidí teagmhasacha comhthaobhacht a íoc nó a sheachadadh nó a sholáthar, lena n-áirítear oibleagáidí ó mhaoiniú faighte, tiomantais déanta, díorthaigh nó comhaontuithe athcheannaigh, cé is moite d'oibleagáidí nach féidir a chur i bhfeidhm ach amháin le linn leachtú institiúide, i gcomparáid le cistí dílse na hinstitiúide sin;
- (94) ciallaíonn "priacal luamhánaithe iomarcaigh" an priacal a eascraíonn as leochaileacht institiúide mar gheall ar luamhán nó ar luamhán teagmhasach lena bhféadfaí bearta ceartaitheacha neamhbheartaithe a éileamh i ndáil lena phlean gnó, lena n-áirítear díol tochsail sócmhainní a bhféadfadh cailleanais nó coigeartuithe luachála ar na sócmhainní atá fós aige a bheith mar thoradh air;
- (95) ciallaíonn 'coigeartú ar priacal creidmheasa' méid an tsoláthair shonraigh agus ghinearálta do chaillteanas ar iasachtaí i gcomhair priacail creidmheasa, ar méid é ar tugadh aitheantas ina leith i ráitis airgeadais na hinstitiúide i gcomhréir leis an gcreat cuntasáiochta is infheidhme;

**▼ M8**

- (96) ciallaíonn 'fálú inmheánach' suíomh lena bhfritháirítear na heilimintí priacail comhpháirtí idir suíomh sa leabhar trádála agus suíomh amháin nó níos mó sa leabhar neamhthrádála nó idir dhá dheasca trádála;

**▼ B**

- (97) ciallaíonn 'oibleagáid tagartha' oibleagáid a mbaintear úsáid aisti chun an luach socraíochta a bheidh ag díorthach creidmheasa a chinneadh.

**▼B**

- (98) Ciallaíonn institiúidí um measúnú creidmheasa seachtrach nó IMCS gníomhaireacht rátála creidmheasa atá cláraithe nó deimhnithe i gcomhréir le Rialachán (CE) Uimh. 1060/2009 ó Pharlaimint na hEorpa agus ón gComhairle an 16 Meán Fómhair 2009 maidir le gníomhaireachtaí rátála creidmheasa<sup>(1)</sup> nó banc ceannais a eisíonn rátálacha creidmheasa atá díolmhaithe ó fheidhm Rialachán (CE) Uimh. 1060/2009.
- (99) Ciallaíonn "IMCS ainmnithe" IMCS a ainmníonn institiúid;
- (100) tá le 'ioncam cuimsitheach carntha eile' an bhrí atá leis faoin gCairdeán Cuntasáochta Idirnáisiúnta (CCI) 1, de réir mar is infheidhme faoi Rialachán (CE) Uimh. 1606/2002;
- (101) ciallaíonn 'cistí dílse bunúsacha' cistí dílse bunúsacha de réir bhrí Airteagal 88 de Threoir 2009/138/CE;
- (102) ciallaíonn 'ítimí árachais chistí dílse Leibhéal 1' ítimí bunúsacha cistí dílse de chuid gnóthas atá faoi réir cheanglais Threoir 2009/138/CE i gcás ina n-aicmítear na hítimí sin i Leibhéal 1 de réir bhrí Threoir 2009/138/CE i gcomhréir le mír 1 d'Airteagal 94 den Treoir sin;
- (103) ciallaíonn 'ítimí breise d'árachais cistí dílse de Leibhéal 1' ítimí bunúsacha cistí dílse de chuid gnóthas atá faoi réir cheanglais Threoir 2009/138/CE i gcás ina n-aicmítear na hítimí sin mar chaipiteal Leibhéal 1 de réir bhrí Threoir 2009/138/CE de réir Airteagal 94(1) den Treoir sin, agus ina bhfuil teorainn ar áirithiú na hítimí sin de bhun ghníomhartha tarmiligthe arna nglacadh i gcomhréir le hAirteagal 99 den Treoir sin;
- (104) ciallaíonn 'ítimí árachais chistí dílse Leibhéal 2' ítimí bunúsacha cistí dílse de chuid gnóthas atá faoi réir cheanglais Threoir 2009/138/CE i gcás ina n-aicmítear na hítimí sin i Leibhéal 2 de réir bhrí Threoir 2009/138/CE i gcomhréir le mír 2 d'Airteagal 94 den Treoir sin;
- (105) ciallaíonn 'ítimí d'árachais cistí dílse de Leibhéal 3' ítimí árachais bunúsacha chistí dílse ghnóthais atá faoi réir cheanglais Threoir 2009/138/CE i gcás ina n-aicmítear na hítimí sin i Leibhéal 3 de réir bhrí Threoir 2009/138/CE i gcomhréir le mír 3 d'Airteagal 94 den Treoir sin;
- (106) tá le 'sócmhainní cánach iarchurtha' an bhrí atá leis faoin gcreat cuntasáochta is infheidhme;
- (107) ciallaíonn 'sócmhainní cánach iarchurtha atá ag brath ar bhrabúsacht todhchaí sócmhainní cánach iarchurtha nach bhféadfai a luach todhchaí a réadú ach amháin sa chás go ngeineann an institiúid brabús inchánach sa todhchaí;

<sup>(1)</sup> IO L 302, 17.11.2009, lch. 1



**▼B**

- (108) tá le 'dliteanais cánach iarchurtha' an bhrí atá leis faoin gcreat cuntasáíochta is infheidhme
- (109) ciallaíonn 'sócmhainní ciste pinsin le sochar sainithe' sócmhainní ciste pinsin sainithe nó sócmhainní plean pinsin sainithe, de réir mar is infheidhme, arna ríomh tar éis iad a laghdú le méid na n-oibleagáidí faoin bplean nó faoin gciste sin;
- (110) ciallaíonn 'dáileacháin' íocaíocht díbhinní nó leas i bhfoirm ar bith;
- (111) tá le 'gnóthas airgeadais' an bhrí atá leis faoi phointí (b) agus (d) d'Airteagal 13(25) de Threoir 2009/138/CE;
- (112) tá le 'cistí do priacail baincéireachta ginearálta' an bhrí atá leis faoi Airteagal 38 de Threoir 86/635/CEE;
- (113) tá le 'cáilmheas' an bhrí atá leis faoin gcreat cuntasáíochta is infheidhme;
- (114) ciallaíonn 'sealúchas indireach' risíocht ar bith d'eintiteas idir-mheánach a bhfuil risíocht aige ar ionstraimí caipitil arna n-eisiúint ag eintiteas earnála airgeadais más rud é, sa chás go ndíscriobhtar ionstraimí caipitil arna eisiúint ag an eintiteas earnála airgeadais go buan, nach mbeadh aon difear ábharach idir an caillteanas a thabhódh an institiúid mar thoradh ar an díscriobh agus an caillteanas a thabhódh an institiúid ó shealúchas díreach na n-ionstraimí caipitil sin arna n-eisiúint ag an eintiteas earnála airgeadais;
- (115) tá le 'sócmhainní doláimhsithe' an bhrí atá leis faoin gcreat cuntasáíochta is infheidhme agus áirítear leis cáilmheas;
- (116) ciallaíonn 'ionstraimí caipitil eile' ionstraimí caipitil arna n-eisiúint ag eintitis ábhartha san earnáil airgeadais nach gcáilíonn mar ionstraimí Ghnáthchothromas Leibhéal 1, ionstraimí Breise Leibhéal 1, ionstraimí Breise Leibhéal 2, ítimí d'árachas cistí dílse de Leibhéal 1, ítimí breise d'árachas cistí dílse Leibhéal 1, ítimí d'árachas cistí dílse Leibhéal 2, ná ítimí árachais chistí dílse Leibhéal 3;
- (117) ciallaíonn 'cúlchistí eile' cúlchistí de réir bhrí an chreata cuntasáíochta is infheidhme nach foláir a nochtadh faoin gcaighdeán cuntasáíochta is infheidhme, cé is moite d'aon mhéideanna ar áireamh cheana féin in ioncam cuimsitheach carntha eile nó i dtuilleamh coimeáda;
- (118) ciallaíonn 'cistí dílse' suim chaipiteal Leibhéal 1 agus caipiteal Leibhéal 2;
- (119) ciallaíonn 'ionstraimí cistí dílse' ionstraimí chaipitil arna n-eisiúint ag an institiúid a cháilíonn mar ionstraimí Ghnáthchothromas Leibhéal 1, ionstraimí Breise Leibhéal 1 nó ionstraimí Breise Leibhéal 2;

**▼B**

- (120) ciallaíonn 'leas mionlaigh' an méid de chaipiteal Ghnáthchothromas Leibhéal 1 de chuid fochuideachta institiúide atá inchurtha i leith duine nádúrtha nó dlítheanach seachas iad siúd a áirítear i raon feidhme comhdhlúthaithe stuamachta na hinstiúide;
- (121) tá le 'brabús' an bhrí atá leis faoin gcreat cuntasáíochta is infheidhme;
- (122) ciallaíonn 'tras-shealúchas cómhalartach' sealúchas chuid institiúide ar ionstraimí cistí dílse nó ionstraimí caipitil eile arna n-eisiúint ag eintitis earnála airgeadais i gcás ina bhfuil ionstraimí cistí dílse arna n-eisiúint ag an institiúid i seilbh na n-eintiteas sin freisin;
- (123) ciallaíonn 'tuilleamh coimeáda' brabúis agus cailteanais a thugtar ar aghaidh mar thoradh ar chur chun feidhme deiridh an bhrabúis nó an chailteanais faoi na creataí cuntasáíochta is infheidhme;
- (124) tá le 'cuntas scairbhisigh' an bhrí atá leis faoin gcreat cuntasáíochta is infheidhme;
- (125) tá le 'difríochtaí sealadacha' an bhrí atá leis faoin gcreat cuntasáíochta is infheidhme.
- (126) ciallaíonn 'sealúchas sintéiseach' infheistíocht a dhéanfaidh institiúid in ionstraim airgeadais a bhfuil nasc díreach ag luach na hionstraime le luach na n-ionstraimí caipitil arna n-eisiúint ag eintiteas earnála airgeadais.
- (127) ciallaíonn 'scéim trasráthaíochta' scéim lena gcomhlíontar na coiníollacha uile seo a leanas:

**▼M8**

- (a) tá na hinstiúidí faoi chuimsiú na scéime cosanta institiúidí céanna dá dtagraítear in Airteagal 113(7) nó tá siad cleamhnaithe go buan le comhlacht lárnach trí bhíthin líonra;

**▼B**

- (b) tá na hinstiúidí comhdhlúite go hiomlán i gcomhréir le hAirteagal 1(1)(b), (c) nó (d) nó le hAirteagal 2 den Seachtú Treoir 83/349/CEE ón gComhairle maidir le cuntais chomhdhlúite agus áirítear iad sa mhaoirseacht a dhéantar, ar bhonn comhdhlúite, ar an institiúid arb é máthairinstitiúid i mBallstát é de réir Chaibidil 2 de Theideal II de Chuid a hAon agus atá faoi réir an cheanglais cistí dílse;
- (c) bunaítear máthairinstitiúid agus na fochuideachtaí sa Bhallstát céanna agus tá siad faoi réir údaraithe agus maoirseachta ag an údarás inniúil céanna;
- (d) tá comhaontú dlíteanais conarthach nó reachtúil ag an máthairinstitiúid i mBallstát agus ag na fochuideachtaí a thugann cosaint do na hinstiúidí sin agus a áiríonn a gcuid leachtachta agus a gcuid sócmhainneachta go háirithe d'fhonn féimheacht a sheachaint i gcás ina bhfuil gá sin a dhéanamh;

**▼ B**

- (e) tá socrúithe i bhfeidhm lena áirithiú go gcuifear acmhainn airgeadais ar fáil go pras i dtéarmaí caipitil agus leachtachta más gá faoin gcomhaontú dliteanais conarthach nó reachtúil dá dtagraítear i bpointe (d);
- (f) déanann an t-údarás inniúil faireachán ar leordhóthanacht na socrúithe dá dtagraítear i bpointe (d) agus (e) go rialta;
- (g) tá iostréimhse fógartha 10 mbliana ag fochuideachta imeacht dá deoin féin ón socrú dliteanais;
- (h) tá sé de chumhacht ag an údarás inniúil cosc a chur ar fhochuideachta imeacht dá deoin féin ón socrú dliteanais;

**▼ M8**

- (128) ciallaíonn 'ítimí indáilte' méid an bhrabúis ag deireadh na bliana airgeadais deiridh móide aon bhrabús a thugtar ar aghaidh agus aon chúlchistí atá ar fáil chuige sin sula ndéanfar dáileacháin ar shealbhóirí ionstraimí cistí dílse lúide aon chaillteanais a thugtar ar aghaidh, aon bhrabúis atá neamh-indáilte de bhun dhlí an Aontais nó an dlí náisiúnta nó fiodhlíthe na hinstitiúide, agus aon suimeanna a chuirtear i gcúlchistí neamh-indáilte i gcomhréir leis an dlí náisiúnta is nó le reachtanna na hinstitiúide, i ngach cás maidir le catagóir sonracha na n-ionstraimí cistí dílse lena mbaineann dlí an Aontais, an dlí náisiúnta, fiodhlíthe na n-institiúidí nó reachtanna; agus brabúis, caillteanais agus cúlchistí den chineál sin á gcinneadh ar bhonn chuntas aonair na hinstitiúide seachas ar bhonn na gcuntas comhdhlúite;

**▼ M5**

- (129) ciallaíonn 'seirbhíseoir' seirbhíseoir mar a shainmhínítear i bpointe (13) d'Airteagal 2 de Rialachán (AE) 2017/2402;

**▼ M8**

- (130) ciallaíonn 'údarás réitigh' údarás réitigh mar a shainmhínítear é i bpointe (18) d'Airteagal 2(1) de Threoir 2014/59/AE;
- (131) ciallaíonn 'eintiteas réitigh' eintiteas réitigh mar a shainmhínítear é i bpointe (83a) d'Airteagal 2(1) de Threoir 2014/59/AE;
- (132) ciallaíonn 'grúpa réitigh' grúpa réitigh mar a shainmhínítear é i bpointe (83b) d'Airteagal 2(1) de Threoir 2014/59/AE;
- (133) ciallaíonn 'institiúid dhomhanda a bhfuil tábhacht shistéamach léi' nó 'G-SII' G-SII a sainaithníodh i gcomhréir le hAirteagal 131(1) agus (2) de Threoir 2013/36/AE;
- (134) ciallaíonn 'institiúid dhomhanda neamh-AE a bhfuil tábhacht shistéamach léi 'nó' G-SII neamh-AE grúpa banc domhanda lena bhfuil tábhacht shistéamach nó banc (G-SIBanna) nach G-SII é agus atá ar liosta na G-SIBanna a fhoilsíonn an Bord um Chobhsaíocht Airgeadais, liosta a thabharfar cothrom le dáta go rialta;
- (135) ciallaíonn 'fochuideachta ábhartha' fochuideachta a chomhlíonann, ar bhonn aonair nó ar bhonn comhdhlúite, aon cheann de na coiníollacha seo a leanas:
- (a) sealbhaíonn an fochuideachta níos mó ná 5 % de shócmhainní comhdhlúite atá ualaithe ó thaobh priacal a máthairghnóthais bunaidh;

## ▼M8

(b) gineann an fhochuideachta níos mó ná 5 % d'ioncam oibriúcháin iomlán a máthairghnóthais bunaidh;

(c) is mó tomhas iomlán na risíochtaí, dá dtagraítear in Airteagal 429(4) den Rialachán seo, atá ag an bhfochuideachta ná 5 % de thomhas comhdhlúite iomlán na risíochtaí atá ag a máthairghnóthas bunaidh;

chun cinneadh cé hí an fhochuideachta ábhartha, i gcás ina mbeidh feidhm ag Airteagal 21b(2) de Threoir 2013/36/AE, glacfar leis an dá mháthairghnóthas idirmheánacha de chuid an Aontais mar fhochuideachta aonair ar bhonn a gcáis chomhdhlúite;

(136) ciallaíonn 'eintiteas G-SII' eintiteas ag a bhfuil pearsantacht dhlítheanach agus ar G-SII nó cuid de G-SII nó de G-SII neamh-AE é;

(137) ciallaíonn 'uirlis díluachála fiachais' uirlis díluachála fiachais mar a shainmhínítear í i bpointe (57) d'Airteagal 2(1) de Threoir 2014/59/AE);

(138) ciallaíonn 'grúpa' grúpa de ghnóthais ar institiúid é gnóthas amháin acu ar a laghad agus atá déanta de mháthairghnóthas agus dá fochuideachtaí, nó de ghnóthais a bhfuil baint acu lena chéile mar a leagtar amach ina Airteagal 22 de Threoir 2013/34/AE de Pharlaimint na hEorpa agus den Chomhairle <sup>(1)</sup>);

(139) ciallaíonn 'idirbheart maoinithe urrús' 'idirbheart athcheannaigh', idirbheart lena dtugtar nó lena bhfaightear urrúis nó tráchtearraí ar iasacht, nó idirbheart lena dtugtar corrlach ar iasacht;

(140) ciallaíonn 'corrlach tosaigh' nó 'CT' aon chomhthaobhacht, seachas an corrlach athrúcháin, a bailíodh ó eintiteas nó a postáladh chuige chun an risíocht atá ann faoi láthair agus an risíocht a d'fhéadfadh a bheith ann sa todhchaí ar idirbheart nó punann idirbheart le linn na tréimhse is gá chun na hidirbhearta sin a leachtú nó chun a bpriacal margaidh a athfhálú, tar éis mhainneachtain an chontrapháirtí san idirbheart nó i bpunann na n-idirbheart;

(141) ciallaíonn 'priacal margaidh' an priacal go dtiocfadh cailteanais as athruithe ar phraghsanna margaidh, lena n-áirítear rátaí malairte eachtraí nó praghsanna tráchtearraí;

(142) ciallaíonn 'priacal malairte eachtraí' an priacal go dtiocfadh cailteanais as athruithe ar rátaí malairte eachtraí;

(143) ciallaíonn 'priacal tráchtearraí' an priacal go dtiocfadh cailteanais as athruithe ar phraghsanna tráchtearraí;

(144) ciallaíonn 'deasc trádála', grúpa déileálaithe léir-shainaitheanta arna chur ar bun ag an institiúid chun combhainistiú a dhéanamh ar

<sup>(1)</sup> Treoir 2013/34/AE ó Pharlaimint na hEorpa agus ón gComhairle an 26 Meitheamh 2013 maidir leis na ráitis airgeadais bhliantúla, na ráitis airgeadais chomhdhlúite agus na tuarascálacha gaolmhara de chuid cineálacha áirithe gnóthas, lena leasaítear Treoir 2006/43/CE ó Pharlaimint na hEorpa agus ón gComhairle agus lena n-aisghairtear Treoir 78/660/CEE ón gComhairle agus Treoir 83/349/CEE ón gComhairle (IO L 182, 29.6.2013, lch. 19).

▼ **M8**

phunann de shuíomhanna leabhair trádála i gcomhréir le straitéis ghnó chomhsheasmhach dhea-shainithe agus é ag oibriú faoin aon struchtúr bainistithe priacail amháin;

(145) ciallaíonn 'institiúid bheag neamhchasta' institiúid a chomhlíonann gach ceann de na coinníollacha seo a leanas:

- (a) nach institiúid mhór í;
- (b) tá luach iomlán a sócmhainní ar bhonn aonair nó, más infheidhme, ar bhonn comhdhlúite i gcomhréir leis an Rialachán seo agus le Treoir 2013/36/AE, ar an meán, cothrom le tairseach EUR 5 bhiliún thar an tréimhse ceithre bliana atá díreach roimh an tréimhse bhliantúil reatha tuairiscithe nó níos lú ná an tairseach sin; Is ceadmhach do Bhallstáit an tairseach sin a íslíú;
- (c) níl sí faoi réir aon oibleagáidí, nó tá sí faoi réir oibleagáidí simplithe, i ndáil leis an bpleanáil téarnaimh agus réitigh i gcomhréir le hAirteagal 4 de Threoir 2014/59/AE;
- (d) rangáítear a gnó leabhar trádála mar ghnó beag de réir bhri Airteagal 94(1);
- (e) ní mó luach iomlán a suíomhanna díorthacha arna sealbhú le hintinn iad a thrádáil ná 2 % d'iomlán á sócmhainní laistigh agus lasmuigh den chlár comhardaithe agus ní mó luach iomlán a suíomhanna díorthach ná 5 %, i gcás ina ríomhfar an dá luach sin i gcomhréir le hAirteagal 273a(3);
- (f) baineann corradh le 75 % de shócmhainní iomlána agus comhdhlúite na hinstiúide agus de dhliteanais iomlána chomhdhlúite na hinstiúide, cé is moite de na risíochtaí laistigh de ghrúpa sa dá chás, baineann siad le gníomhaíochtaí le contrapháirtithe atá lonnaithe sa Limistéar Eorpach Eacnamaíoch;
- (g) ní úsáideann an institiúid samhlacha inmheánacha chun freastal ar na ceanglais stuamachta i gcomhréir leis an Rialachán seo cé is moite d'fhochuideachtaí a bhaineann úsáid as samhlacha inmheánacha a forbraíodh ar leibhéal an ghrúpa, ar choinnioll go bhfuil an grúpa faoi réir na gceanglas maidir le nochtadh a leagtar síos in Airteagal 433a nó in Airteagal 433c ar leibhéal comhdhlúite;
- (h) níor cuireadh agóid in iúl don údarás inniúil ag an institiúid i gcoinne a rangaithe mar institiúid bheag neamhchasta;
- (i) ní dhearna an t-údarás inniúil cinneadh nach measfar an institiúid a bheith mar institiúid bheag neamhchasta ar bhonn anailís ar a méid, a hidirnasacht, a castacht nó ar a próifíl priacail;

(146) ciallaíonn 'institiúid mhór' institiúid a chomhlíonann aon cheann de na coinníollacha seo a leanas:

- (a) is 'G-SII' í;
- (b) sainaitníodh í mar institiúid eile a bhfuil tábhacht shistéamach léi (O-SII) i gcomhréir le hAirteagal 131(1) agus (2) de Threoir 2013/36/AE;
- (c) tá sí, sa Bhallstát ina bhfuil sí bunaithe, ar na trí institiúid is mó de réir luach iomlán na sócmhainní;

**▼ M8**

(d) is comhionann le EUR 30 billiún nó níos mó ná sin é luach iomlán a sócmhainní ar bhonn aonair nó, más infheidhme, ar bhonn a cáis chomhdhlúite i gcomhréir leis an Rialachán seo agus le Treoir 2013/36/AE;

(147) ciallaíonn 'fochuideachta mhór' cuideachta a cháilíonn mar institiúid mhór;

(148) ciallaíonn 'institiúid neamhliostaithe' institiúid nár eisigh urrúis a ligtear isteach chun a dtrádála ar mhargadh rialáilte d'aon Bhallstát, de réir bhrí phointe (21) d'Airteagal 4(1) de Threoir 2014/65/AE;

(149) ciallaíonn 'tuarascáil airgeadais', chun chríocha Chuid a hOcht, tuarascáil airgeadais de réir bhrí Airteagail 4 agus 5 de Threoir 2004/109/CE ó Pharlaimint na hEorpa agus ón gComhairle <sup>(1)</sup>.

**▼ C2**

2. I gcás ina ndéantar tagairt sa Rialachán seo do mhaoin dhochorraithe, do mhaoin chónaithe nó do mhaoin tráchtála dhochorraithe nó do mhorgáiste ar mhaoin den chineál sin, áireofar léi nó leis scaireanna i gcuideachtaí tithíochta chónaithe Fionlannacha i gcomhréir leis an dlí Fionlannach maidir le cuideachtaí tithíochta (1991), nó i gcomhréir le reachtaíocht choibhéiseach iardain. Féadfaidh na Ballstáit nó a n-údaráis inniúla a cheadú go láimhseálfar scaireanna atá ina sealúchais indíreacha mhaoine dochorraithe choibhéiseacha mar shealúchas díreach mhaoine dochorraithe ar an gcoinníoll go rialófar an sealúchas indíreach sin go sonrach i ndlí náisiúnta an Bhallstáit agus nuair a chuirfear i ngeall mar chomhthabacht é go soláthróidh sé cosaint choibhéiseach do chreidiúnaithe.

**▼ B**

3. Bíonn maoiniú trádála mar dá dtagraítear i bpointe (80) de mhír 1 neamhcheangailteach de ghnáth agus éilíonn sé doiciméid tacaíochta idirbheartaíochta sásúla le haghaidh gach iarratais tarraingthe lena gceadófar an maoiniú a dhiúltú i gcás ina mbeidh amhras ar bith ann faoi hacmhainneacht creidmheasa nó faoi na doiciméid tacaíochta idirbheartaíochta. Bíonn aisíoc risíochtaí trádála airgeadais neamhspleách ón iasachtaí de ghnáth; ina ionad sin tagann na cistí ó airgead tirim a fuarthas ó allmhaireoirí nó bíonn siad mar thoradh ar fháltais ó na hearraí fholuiteacha a dhíol.

**▼ M8**

4. Déanfaidh ÚBE caighdeáin theicniúla rialála a fhorbairt lena sonrófar cé hiad na cásanna ina gcomhlíontar na coinníollacha a leagtar amach i bpointe (39) de mhír 1.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Meitheamh 2020.

Tarmligtear chuig an gCoimisiún an chumhacht chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

<sup>(1)</sup> Treoir 2004/109/CE ó Pharlaimint na hEorpa agus ón gComhairle an 15 Nollaig 2004 maidir le comhchuibhiú ceanglas trédhearcachta i ndáil le faisnéis i dtaobh eisitheoirí a ligtear isteach a gcuid urrús chun a dtrádála ar mhargadh rialáilte agus lena leasaítear Treoir 2001/34/CE (IO L 390, 31.12.2004, lch. 38).

**▼B***Airteagal 5***Sainmhínte is sonracha do cheaglais caipitil le haghaidh pricail chreidmheasa**

Chun críocha Chuid a Trí, Theideal II, beidh feidhm ag na sainmhínte seo a leanas:

- (1) ciallaíonn 'neamhchosaint', sócmhainn nó ítim atá lasmuigh den chlár comhardaithe.
- (2) ciallaíonn 'caillteanas' cailteanas eacnamaíoch, lena n-áirítear éifeachtaí lascaí móra, agus costais ábhartha dhíreacha agus indéreacha a bhaineann le hathghnóthú na hionstraime;
- (3) ciallaíonn 'caillteanas ionchasach' nó CI, cóimheas na méide a cheaptar a chaillfear ar risíocht i ngeall ar mhainneachtain chontrapháirtí nó caolúchán thar thréimhse bliana leis an tsuim gan íoc tráth na mainneachtana;

## TEIDEAL II

**LEIBHÉAL CUR I BHFEIDHM CEANGLAS***CAIBIDIL 1****Cur i bhfeidhm ceanglas ar bhonn aonair****Airteagal 6***Prionsabail ghinearálta**

1. Comhlíonfaidh institiúidí na hoibleagáidí atá leagtha síos i gCuid a Dó go Cuid a Cúig agus Cuid a hOcht ar bhonn aonair.

**▼M8**

1a. De mhaolú ar mhír 1 den Rialachán seo, is institiúidí a sain-aithníodh mar eintitis réitigh, ar G-SIIIna iad nó atá mar chuid de G-SII freisin, agus nach bhfuil fochuideachtaí acu, agus na hinstiúidí sin amháin a chomhlíonfaidh an ceanglas a leagtar síos in Airteagal 92a ar bhonn aonair.

Comhlíonfaidh fochuideachtaí ábhartha de G-SII neamh-AE Airteagal 92b ar bhonn aonair i gcás ina gcomhlíonfaidh siad na coiníollacha uile seo a leanas:

- (a) ní eintitis réitigh iad;
- (b) níl fochuideachtaí acu;
- (c) ní fochuideachtaí iad de mháthairinstitiúid AE.

**▼C2**

2. Maidir le haon institiúid ar fochuideachta í sa Bhallstát ina bhfuil sí údaraithe agus maoirsithe nó ar máthairghnóthas í, agus maidir le haon institiúid a áirítear sa chomhdhlúthú de bhun Airteagal 18, ní cheanglófar uirthi nó air na hoibleagáidí atá leagtha síos in Airteagal 89, Airteagal 90 agus Airteagal 91 a chomhlíonadh ar bhonn aonair.

3. Maidir le haon institiúid ar máthairghnóthas í nó ar fochuideachta í, agus gach institiúid a áirítear sa chomhdhlúthú de bhun Airteagal 18, ní cheanglófar uirthi nó air na hoibleagáidí atá leagtha síos i gCuid a hOcht a chomhlíonadh ar bhonn aonair.

**▼B**

4. Institiúidí creidmheasa agus gnólachtaí infheistíochta atá údaraithe chun na seirbhísí agus na gníomhaíochtaí infheistíochta atá liostaithe i bpointe 3 agus i bpointe 6 de Roinn A d'Iarscríbhinn I a ghabhann le Treoir 2004/39/CE a sholáthar, comhlíonfaidh siad na hoibleagáidí atá leagtha síos i gCuid a Sé ar bhonn aonair. Go dtí go dtíolfaidh an Coimisiún an tuarascáil i gcomhréir le hAirteagal 508(3), féadfaidh údaráis inniúla gnólachtaí infheistíochta a dhíolmhú ó na hoibleagáidí a leagtar síos i gCuid a Sé a chomhlíonadh agus cineál, scála agus castacht ghníomhaíochtaí na gnólachta infheistíochta á gcur san áireamh.

5. Déanfaidh institiúidí, seachas na gnólachtaí infheistíochta dá dtagraítear in Airteagal 95(1) agus in Airteagal 96(1) agus na hinstiúidí sin a fheidhmíonn na húdaráis inniúla an maolú atá sonraithe in Airteagal 7(1), nó in Airteagal 7(3), na hoibleagáidí atá leagtha síos i gCuid a Seacht a chomhlíonadh ar bhonn aonair.

*Airteagal 7***Maolú ar chur chun feidhme ceanglas stuamachta ar bhonn aonair**

1. Féadfaidh na húdaráis inniúla cur chun feidhme Airteagal 6(1) a tharscaoileadh i leith aon fochuideachta de chuid institiúide, i gcás ina bhfuil an fochuideachta agus an institiúid faoi réir údarú agus maoirseachta an Bhallstáit lena mbaineann, agus i gcás ina bhfuil an fochuideachta ar áireamh sa mhaoirseacht ar bhonn comhdhlúite ar an institiúid arb í an mháthairghnóthas í, agus i gcás ina gcomhlíontar na coinníollacha seo a leanas go léir, d'fhonn a áirithiú go ndáiltear cistí dílse go leordhóthanach idir an máthairghnóthas agus na fochuideachtaí:

- (a) ní ann d'aon bhac dlíthiúil, praiticiúil ná ábharach, ná súil le bac den sórt sin, leis an máthairghnóthas cistí dílse a aistriú agus dliteanais a aisíoc go pras;
- (b) sásaíonn an máthairghnóthas an t-údarás inniúil maidir le bainistíocht stuama na fochuideachta agus tá sé fógartha aige, le cead ón údarás inniúil, go ráthaíonn sé na gealltanais arna ndéanamh ag an bhfochuideachta, nó neachtar acu tá priacail an fochuideachta diomaibhseach;
- (c) cuimsíonn nósanna imeachta rialaithe, tomhais agus meastóireachta priacal na máthairchuideachta an fochuideachta freisin;
- (d) tá os cionn 50 % de na cearta vótála a bhaineann le scaireanna i gcaipiteal na fochuideachta i seilbh na máthairchuideachta nó neachtar acu tá sé de cheart ag an máthairchuideachta formhór bhail de chomhlacht bainistíochta na fochuideachta a cheapadh nó a chur as oifig.

2. Féadfaidh údaráis inniúla an rogha dá bhforáiltear i mír 1 a fheidhmiú i gcás ina bhfuil an mháthairchuideachta ina cuideachta shealbhaíochta airgeadais nó ina cuideachta shealbhaíochta airgeadais mheasctha arna bunú in aon Bhallstát leis an institiúid, ar an gcoinníoll go bhfuil sí faoi réir na maoirseachta céanna a fheidhmítear maidir le hinstiúidí, na caighdeáin atá leagtha síos in Airteagal 11(1) go háirithe.

3. Féadfaidh na húdaráis inniúla cur chun feidhme Airteagal 6(1) a tharscaoileadh maidir le máthairinstitiúid i mBallstát, i gcás go bhfuil an institiúid sin faoi réir údarú agus maoirseachta an Bhallstáit lena mbaineann, go bhfuil sí cuimsithe faoin maoirseacht ar bhonn comhdhlúite, agus go gcomhlíontar na coinníollacha seo a leanas, d'fhonn a áirithiú go ndáiltear na cistí dílse go leormhaith ar an máthairchuideachta agus ar na fochuideachtaí:

- (a) ní ann d'aon bhac dlíthiúil, praiticiúil ná ábharach, ná súil le bac den sórt sin, leis an máthairinstitiúid i mBallstát cistí dílse a aistriú agus dliteanais a aisíoc go pras;



**▼B**

- (b) cuimsítear an mháthairinstitiúid i mBallstát leis na nósanna imeachta rialaithe, tomhais agus meastóireachta priacal atá ábhartha don mhaoirseacht chomhdhlúite;

An t-údarás inniúil a bhaineann úsáid as an mír seo, cuirfidh sé údarás inniúla na mBallstát eile go léir ar an eolas ina leith.

*Airteagal 8***Maolú ar chur chun feidhme ceanglas leachtachta ar bhonn aonair**

1. Féadfaidh na húdarás inniúla cur chun feidhme Chuid a Sé a tharscaoileadh i bpáirt nó ina iomláine maidir le hinstiúid agus maidir lena fochuideachtaí go léir san Aontas, nó maidir le cuid acu, agus féadfaidh siad maoirseacht a dhéanamh orthu mar fhoghrúpa leachtachta aonair, fad a chomhlíonann siad na coinníollacha seo a leanas go léir:

- (a) déanann an mháthairinstitiúid ar bhonn comhdhlúite nó institiúid fochuideachta ar bhonn fochomhdhlúite na hoibleagáidí a leagtar síos i gCuid a Sé a chomhlíonadh;
- (b) déanann an mháthairinstitiúid ar bhonn comhdhlúite nó an institiúid fochuideachta ar bhonn fochomhdhlúite faireachán agus maoirseacht i gcónaí ar shuímh leachtachta gach institiúide atá laistigh den ghrúpa nó den fhoghrúpa, atá faoi réir na tarscaoilte agus áirithíonn sí go mbíonn leibhéal leordhóthanach leachtachta ann do na hinstiúidí sin uile;
- (c) tá na hinstiúidí tar éis dul i gconarthaí atá chun sástacht na n-údarás inniúil ina ndéantar foráil maidir le saorghluaiseacht maoinne eatarthu chun cur ar a gcumas a n-oibleagáidí aonair agus comhpháirteacha a chomhlíonadh de réir mar a bhíonn siad dlite;
- (d) ní ann d'aon bhac dlíthiúil, praiticiúil ná ábharach, ná súil le bac den sórt sin, maidir le comhlíonadh na gconarthaí dá dtagraítear i (c).

Faoin 1 Eanáir 2014, tabharfaidh an Coimisiún tuarascáil do Pharlaimint na hEorpa agus don Chomhairle maidir le constaicí dlí ar bith a bhféadfadh sé dá mbarr gur dodhéanta a bheadh sé pointe (c) den chéad fhomhír a chur i bhfeidhm agus iarrtar air togra reachtach a dhéanamh, más iomchuí, faoin 31 Nollaig 2015 maidir le cé acu de na na constaicí sin ba cheart a bhaint.

2. Féadfaidh na húdarás inniúla cur i bhfeidhm Chuid a Sé maidir le hinstiúid agus maidir lena bhfochuideachtaí uile, nó cuid díobh, a tharscaoileadh ina iomláine nó i bpáirt, i gcás ina bhfuil institiúidí uile an fhoghrúpa leachtachta aonair údaraithe sa Bhallstát céanna agus ar an gcoinníoll go gcomhlíontar na coinníollacha i mír 1.

3. I gcás ina bhfuil institiúidí uile an fhoghrúpa leachtachta aonair údaraithe i roinnt Ballstát, ní chuirfear mír 1 i bhfeidhm ach amháin tar éis an nós imeachta atá leagtha amach in Airteagal 21 a leanúint, agus ní dhéanfar é sin ach amháin i gcás institiúidí a n-aontaíonn a n-údarás inniúla maidir leis na gnéithe seo a leanas:

- (a) a measúnú ar chomhlíonadh na heagraíochta agus ar láimhseáil an priacal leachtachta leis na coinníollacha a cheanglaítear le hAirteagal 86 de Threoir (AE)201336 thar an bhfoghrúpa leachtachta aonair;
- (b) dáileadh méideanna, láthair agus úinéireacht na sócmhainní leachtacha arna gceangal atá le sealbhú laistigh den bhfoghrúpa leachtachta aonair;

**▼B**

- (c) cinneadh a dhéanamh i ndáil le híoslíon sócmhainní leachtacha arna sealbhú ag institiúidí a bhfuil cur chun feidhme Chuid a Sé tarscaoilte ina leith;
- (d) an gá atá le paraiméadair níos déine ná iad sin atá leagtha amach i gCuid a Sé;
- (e) roinnt neamhshrianta faisnéise iomláine idir na húdaráis inniúla.
- (f) tuiscint iomlán ar impleachtaí tarscaoilte den sórt sin.

►C2 4. Féadfaidh údaráis inniúla mír 1, mír 2 agus mír 2a a chur i bhfeidhm freisin maidir le hinstitiúidí atá ina mbaill den scéim chosanta institiúideach chéanna dá dtagraítear in Airteagal 113(7), ar an gcoinníoll go gcomhlíonann siad na coinníollacha go léir atá leagtha síos ann, agus maidir le hinstitiúidí eile atá nasctha trí chaidreamh dá dtagraítear in Airteagal 113(6) ar an gcoinníoll go gcomhlíonann siad na coinníollacha go léir atá leagtha síos ann. ◀ Sa chás sin, cinnfidh na húdaráis inniúla go bhfuil ceann amháin de na hinstitiúidí faoi réir na tarscaoilte chun Cuid a Sé a chomhlíonadh ar bhonn chás comhdhlúite na n-institiúidí go léir sa ghrúpa leachtachta aonair.

5. I gcás ina bhfuil tarscaoileadh tugtha faoi mhír 1 nó mhír 2, féadfaidh na húdaráis inniúla Airteagal 86 de Threoir 2013/36/AE, nó codanna de, a chur i bhfeidhm freisin, ar leibhéal an fhoghrúpa leachtachta aonair agus féadfaidh siad cur i bhfeidhm Airteagal 86 de Threoir 2013/36/AE, nó codanna de, ar bhonn aonair, a tharscaoileadh.

*Airteagal 9***An modh comhdhlúthaithe aonair**

1. Faoi réir mhír 2 agus mhír 3 den Airteagal seo agus Airteagal 144(3) de Threoir (AE)201336, féadfaidh na húdaráis inniúla cead a thabhairt do mháthairinstitiúidí, ag meas gach cás ar a fhiúntas féin, fochuideachtaí a chomhlíonann na coinníollacha atá leagtha síos i bpointí (c) agus (d) d'Airteagal 7(1) a ionchorprú i ríomh a gceanglas faoi Airteagal 6(1), i gcás gur leis an mháthairinstitiúid sin aon risíochtaí nó dliteanais ábharacha.

2. Ní cheadófar an láimhseáil a leagtar amach i mír 1 ach amháin i gcás ina léiríonn an mháthairinstitiúid go hiomlán do na húdaráis inniúla na dálaí agus na socrúithe, lena n-áirítear socrúithe dlí, a fhágann nach bhfuil aon bhac praiticiúil ná dlíthiúil ábharach ann, agus nach bhfuil súil le bac den chineál sin, maidir le haistriú pras chistí dílse, ná aisíoc dliteanas nuair atá siad dlite ón bhfochuideachta chuig a mháthairchuideachta.

3. I gcás ina bhfeidhmíonn údarás inniúil an discrédid atá leagtha síos i mír 1, cuirfidh sé údaráis inniúla gach Ballstát eile ar an eolas ar bhonn rialta agus uair amháin sa bhliain ar a laghad, maidir le húsáid mhír 1 agus maidir leis na dálaí agus na socrúithe dá dtagraítear i mír 2. I gcás ina bhfuil an fochuideachta i dtríú tír, cuirfidh na húdaráis inniúla an fhaisnéis chéanna ar fáil d'údaráis inniúla na tríú tíre sin freisin.

*Airteagal 10***Tarscaoileadh maidir le hinstitiúidí creidmheasa atá cleamhnaithe go buan le comhlacht lárnach**

1. Féadfaidh údaráis inniúla, i gcomhréir leis an dlí náisiúnta, cur i bhfeidhm na gceanglas atá leagtha amach i gCuid a Dó go Cuid a hOcht a tharscaoileadh i bpáirt nó ina iomláine maidir le hinstitiúid creidmheasa amháin nó níos mó atá lonnaithe in aon Bhallstát agus

**▼B**

atá cleamhnaithe go buan le comhlacht lárnach a dhéanann maoirsiú orthu agus atá bunaithe in aon Bhallstát, má chomhlíontar na coinníollacha seo a leanas:

- (a) is dliteanais chomhpháirteacha agus leithleacha iad gealltanais an chomhlachta lárnaigh agus institiúidí cleamhnaithe, nó tá gealltanais a institiúidí cleamhnaithe ráthaithe go hiomlán ag an gcomhlacht lárnach;
- (b) déantar faireachán ar shócmhainneacht agus ar leachtacht an chomhlachta lárnaigh agus na n-institiúidí cleamhnaithe uile ina n-iomlán ar bhonn chuntais chomhdhlúite na n-institiúidí sin;
- (c) tá sé de chumhacht ag bainistíocht an chomhlachta lárnaigh teoracha a eisiúint do bhainistíocht na n-institiúidí cleamhnaithe.

**▼C2**

Féadfaidh Ballstáit an dlí náisiúnta atá ann cheana féin a choinneáil agus leas a bhaint as maidir leis an tharscaoileadh dá dtagraítear sa chéad fhomhír a chur i bhfeidhm a mhéid is nach mbeidh sé ag teacht salach ar an Rialachán sin nó ar Threoir 2013/36/AE.

**▼B**

2. Nuair a bheidh na húdaráis inniúla sásta go bhfuil na coinníollacha atá leagtha amach sa chéad mhír á gcomhlíonadh, agus má tá dliteanais agus gealltanais an chomhlachta lárnaigh ráthaithe go hiomlán ag na h-institiúidí cleamhnaithe, féadfaidh na húdaráis inniúla cur i bhfeidhm Chodanna a Dó go dtí a ceathair agus cur i bhfeidhm Chodanna a Sé go dtí a hOcht a tharscaoileadh chuig an gcomhlacht lárnach ar bhonn aonair.

*CAIBIDIL 2****Comhdhlúthú stuamachta*****Roinn 1****Cur i bhfeidhm ceanglas ar bhonn comhdhlúite***Airteagal 11***Láimhseáil ghinearálta**

1. Comhlíonfaidh máthairinstitiúidí i mBallstát, sa mhéid agus ar an modh a leagtar síos in Airteagal 18, na hoibleagáidí atá leagtha síos i gCuid a Dó go Cuid a Ceathair agus i gCuid a Seacht ar bhonn a gcáis chomhdhlúite. Bunóidh na máthairghnóthais agus a gcuid bhfochuideachtaí atá faoi réir an Rialacháin seo struchtúr eagraíochtúil cuí agus sásraí rialaithe inmheánaigh atá iomchuí d'fhonn a áirithiú go ndéantar na sonraí is gá don chomhdhlúthú a phróiseáil go cuí agus a chur ar aghaidh. Go háirithe, áiritheoidh siad go ndéanfaidh na fochuideachtaí sin nach bhfuil faoi réir an Rialacháin seo socruithe, próisis agus sásraí a chur chun feidhme chun comhdhlúthú cuí a áirithiú.

2. Comhlíonfaidh institiúidí arna rialú ag máthairchuideachta shealbhaíochta airgeadais nó máthairchuideachta shealbhaíochta airgeadais mheasctha i mBallstát, sa mhéid agus ar an modh a leagtar síos in Airteagal 18, na hoibleagáidí atá leagtha síos i gCuid a Dó go Cuid a Ceathair agus i gCuid a Seacht ar bhonn chás comhdhlúite na cuideachta sealbhaíochta airgeadais nó na cuideachta sealbhaíochta airgeadais measctha sin.

**▼B**

I gcás ina bhfuil níos mó ná institiúid amháin rialaithe ag máthairchuideachta shealbhaíochta airgeadais nó ag máthairchuideachta shealbhaíochta airgeadais mheasctha i mBallstát, ní bheí dh feidhm ag an gcéad fhomhír ach amháin i leith na hinstitiúide lena mbaineann maoirseacht ar bhonn comhdhlúite i gcomhréir le hAirteagal 111 de Threoir 2013/36/AE.

**▼C2**

3. Comhlíonfaidh máthairinstitiúidí AE, institiúidí arna rialú ag máthairchuideachta shealbhaíochta airgeadais AE agus institiúidí arna rialú ag máthairchuideachta shealbhaíochta airgeadais mheasctha na hoibleagáidí atá leagtha síos i gCuid a Sé ar bhonn chás comhdhlúite na máthairinstitiúide, na cuideachta shealbhaíochta airgeadais nó na cuideachta shealbhaíochta airgeadais measctha sin, má tá sa ghrúpa institiúid chreidmheasa nó gnólacht infheistíochta amháin nó níos mó atá údaraithe chun na seirbhísí agus na gníomhaíochtaí infheistíochta atá liostaithe i bpointe (3) agus i bpointe (6) de Roinn A d'Iarscibhinn I a ghabhann le Treoir 2004/39/CE a sholáthar. Go dtí go dtíolfacfaidh an Coimisiún an tuarascáil i gcomhréir le hAirteagal 508(2) den Rialachán seo, agus mura mbeidh ach gnólachtaí infheistíochta sa ghrúpa, féadfaidh údarais inniúla gnólachtaí infheistíochta a dhiolmhú ó na hoibleagáidí a leagtar síos i gCuid a Sé a chomhlíonadh ar bhonn comhdhlúite, agus cineál, scála agus castacht ghníomhaíochtaí na gnólachta infheistíochta á gcur san áireamh.

**▼M8**

3a. De mhaolú ar mhír 1 den Airteagal seo, is institiúidí a sain-aithníodh mar eintitis réitigh ar G-SIInna, cuid de G-SII nó cuid de G-SII neamh-AE iad agus iad sin amháin a chomhlíonfaidh Airteagal 92a den Rialachán seo ar bhonn comhdhlúite, a mhéid agus ar an modh a leagtar amach in Airteagal 18 den Rialachán seo.

Is máthairghnóthais de chuid an Aontais Eorpaigh ar fochuideachta iad de G-SII neamh-AE agus nach eintitis réitigh iad, agus iadsan amháin, a chomhlíonfaidh Airteagal 92b den Rialachán seo ar bhonn comhdhlúite a mhéid agus ar an modh a leagtar amach in Airteagal 18 den Rialachán seo. I gcás ina mbeidh feidhm ag Airteagal 21b(2) de Threoir 2013/36/AE, comhlíonfaidh an dá mháthairghnóthas idirmheánacha AE faoi seach, ar sainaitníodh go comhpháirteach iad mar fhochuideachta ábhartha, Airteagal 92b den Rialachán seo ar bhonn a gcáis comhdhlúite.

**▼B**

4. I gcás ina gcuirtear Airteagal 10 i bhfeidhm, comhlíonfaidh an comhlacht lárnach dá dtagraítear san Airteagal sin ceanglais Chuid a Dó go Cuid a hOcht ar bhonn chás comhdhlúite an iomláin arb éard atá ann an chomhlacht lárnach i dteannta a institiúidí chleamhnaithe.

5. De bhreis ar na ceanglais i mír 1 go mír 4, agus gan dochar d'fhorálacha eile an Rialacháin seo agus Threoir 2013/36/AE nuair a bheidh bonn cirt ann chun críocha maoirseachta de bharr sonraíochtaí an priacal nó an struchtúir chaipitil de chuid institiúide, nó i gcás ina nglacfaidh na Ballstáit dlíthe náisiúnta lena gceanglaítear go ndéantar gníomhaíochtaí laistigh de ghrúpa baincéireachta a scaradh go struchtúrach, féadfaidh na húdarais inniúla na hinstitiúidí atá scartha go struchtúrach na hoibleagáidí a leagtar síos i gCuid a Dó go Cuid a Ceathair agus i gCuid a Sé go Cuid a hOcht den Rialachán seo agus i dTeideal VII de chuid Threoir 2013/36/ (AE)2013 a chomhlíonadh ar bhonn fochomhdhlúite.

Beidh cur i bhfeidhm an cur chuige a leagtar amach sa chéad fhomhír gan dochar do mhaoriseacht éifeachtach ar bhonn comhdhlúite agus ní bheidh éifeachtaí díobhálacha díréireacha i gceist don chóras airgeadais i bpáirt nó ina iomláine i mBallstáit eile nó san Aontas ina iomláine ná ní fhoirmeoidh sé ná ní chruthóidh sé constaic i gcoinne fheidhmiú an mhargaidh inmheánaigh.

**▼B***Airteagal 12***Cuideachta shealbháíochta airgeadais nó cuideachta shealbháíochta airgeadais mheasctha ag a bhfuil fochuideachta atá ina hinstitiúid chreidmheasa agus fochuideachta atá ina ghnólacht infheistíochta araon**

I gcás ina bhfuil ar a laghad institiúid chreidmheasa amháin agus gnólacht infheistíochta amháin mar fhochuideachtaí ag cuideachta shealbháíochta airgeadais nó ag cuideachta shealbháíochta airgeadais mheasctha, beidh na ceanglais a bhfuil feidhm leo ar bhonn chás chomhdhlúite na cuideachta creidmheasa airgeadais nó na cuideachta creidmheasa airgeadais measctha, beidh siad infheidhme maidir leis an institiúid chreidmheasa.

**▼M8***Airteagal 12a***Ríomh comhdhlúite le haghaidh G-SIIInna ag a bhfuil il-eintitis réitigh**

I gcás inar eintiteas réitigh dhá eintiteas G-SII ar a laghad ar leis an aon G-SII iad, ríomhfaidh máthairinstitiúid AE an G-SII sin an méid cistí dílse agus dliteanas incháilithe dá dtagraítear i bpointe (a) d'Airteagal 92a(1) den Rialachán seo. Déanfar an ríomh sin ar bhonn chás comhdhlúite mháthairinstitiúid AE amhail dá mba é an t-aon eintiteas réitigh amháin de chuid an G-SII sin é.

I gcás ina mbeidh an méid a ríomhadh i gcomhréir leis an gcéad mhír den Rialachán seo níos lú ná suim na méideanna cistí dílse agus dliteanas incháilithe dá dtagraítear i bpointe (a) d'Airteagal 92a(1) den Rialachán seo atá ag na heintitis uile ar leis an G-SII sin iad, gníomhóidh na húdaráis réitigh i gcomhréir le hAirteagail 45d(3) agus 45h(2) de Threoir 2014/59/AE.

I gcás ina mbeidh an méid a ríomhadh i gcomhréir leis an gcéad mhír den Airteagal seo níos mó ná suim na méideanna cistí dílse agus dliteanas incháilithe dá dtagraítear i bpointe (a) d'Airteagal 92a(1) den Rialachán seo atá ag na heintitis uile ar leis an G-SII sin iad, féadfaidh na húdaráis réitigh gníomhú i gcomhréir le hAirteagail 45d(3) agus 45h(2) de Threoir 2014/59/AE.

*Airteagal 13***Cur i bhfeidhm ceanglais maidir le nochtadh ar bhonn comhdhlúite**

1. Comhlíonfaidh máthairinstitiúidí AE Cuid a hOcht ar bhonn a gcáis chomhdhlúite.

Nochtfaidh fochuideachtaí móra máthairinstitiúidí AE an fhaisnéis a shonraítear in Airteagail 437, 438, 440, 442, 450, 451, 451a agus 453 ar bhonn aonair nó, más infheidhme i gcomhréir leis an Rialachán seo agus le Treoir 2013/36/AE, ar bhonn fo-chomhdhlúite.

2. Déanfaidh institiúidí a sainaitníodh mar eintitis réitigh ar G-SIIInna nó atá mar chuid de G-SII Airteagal 437a agus pointe (h) d'Airteagal 447 a chomhlíonadh ar bhonn cás comhdhlúite a ngrúpa réitigh.

3. Ní bheidh feidhm ag an gcéad fhomhír de mhír 1 maidir le máthairinstitiúidí AE, máthairchuideachtaí sealbháíochta airgeadais AE, máthairchuideachtaí sealbháíochta airgeadais measctha AE, nó

**▼M8**

eintitis réitigh má áirítear iad laistigh de nochtaí coibhéiseacha ar bhonn comhdhlúite ag máthairghnóthas atá bunaithe i dtríú tír.

Beidh feidhm ag an dara fómhír de mhír 1 maidir le fochuideachtaí máthairghnóthas atá suite i dtríú tír ina bhfuil na fochuideachtaí sin cáilithe mar fhochuideachtaí móra.

4. I gcás ina bhfuil feidhm ag Airteagal 10, comhlíonfaidh an comhlacht lárnach dá dtagraítear san Airteagal sin rialacha Chuid a hOcht ar bhonn chás comhdhlúite an chomhlachta lárnaigh. Beidh feidhm ag Airteagal 18(1) maidir leis an gcomhlacht lárnach agus láimhseálfar na hinstiúidí cleamhnaithe mar fhochuideachtaí de chuid an chomhlachta lárnaigh.

*Airteagal 14***Ceanglais Airteagal 5 de Rialachán (AE) 2017/2402 a chur i bhfeidhm ar bhonn comhdhlúite**

1. Cuirfear de cheangal ar mháthairghnóthais agus a bhfochuideachtaí atá faoi réir an Rialacháin seo na hoibleagáidí a leagtar síos in Airteagal 5 de Rialachán (AE) 2017/2402 a chomhlíonadh ar bhonn comhdhlúite nó ar bhonn fo-chomhdhlúite, lena áirithiú go bhfuil na socrúithe, na próisis agus na sásraí a cheanglaítear leis na forálacha sin comhsheasmhach agus comhtháite agus gur féidir aon sonraí agus aon fhaisnéis atá ábhartha do chuspóir na maoirseachta a chur ar fáil. Go háirithe, áiritheoidh siad go gcuireann fochuideachtaí nach bhfuil faoi réir an Rialacháin seo socrúithe, próisis agus sásraí chun feidhme lena áirithiú go gcomhlíonfar na forálacha sin.

2. Cuirfidh instiúidí ualú priacail breise i bhfeidhm i gcomhréir le hAirteagal 270a den Rialachán seo nuair a bheidh Airteagal 92 den Rialachán seo á chur i bhfeidhm ar bhonn comhdhlúite nó fo-chomhdhlúite, má sháraítear na ceanglais a leagtar síos in Airteagal 5 de Rialachán (AE) 2017/2402 ag leibhéal eintitis atá bunaithe i dtríú tír agus a áirítear sa chomhdhlúthú de réir Airteagal 18 den Rialachán seo má tá an sárú ábhartha de réir phróifíl priacail foriomlán an ghrúpa.

**▼B***Airteagal 15***Maolú ar chur chun feidhme ceanglais chistí dílse ar bhonn comhdhlúite maidir le grúpaí gnólachtaí infheistíochta****▼C2**

1. Féadfaidh an maoirseoir comhdhlúthaithe, ag meas gach cás ar a fhiúntas féin, cur i bhfeidhm Chuid a Trí den Rialachán seo agus Theideal VII de Chaibidil 4 de Threoir (AE)201336 ar bhonn comhdhlúite a tharscaoileadh, ar an gcoinníoll go bhfuil na dálaí seo a leanas ann:

- (a) baineann gach gnólacht infheistíochta AE sa ghrúpa úsáid as an ríomh malartach de mhéid iomlán an risíochta ar priacal dá dtagraítear in Airteagal 95(2) nó in Airteagal 96(2);
- (b) tá gach gnólacht infheistíochta sa ghrúpa laistigh de na catagóirí dá dtagraítear in Airteagal 95(1) nó in Airteagal 96(1);
- (c) comhlíonann gach gnólacht infheistíochta AE sa ghrúpa na ceanglais a fhorchuirtear in Airteagal 95 nó in Airteagal 96 ar

▼ C2

bhonn aonair agus ag an am céanna asbhaineann sé ó ítimí Ghnáth-chothromas Leibhéal 1 aon dliteanas teagmhasach i bhfabhar gnólachtaí infheistíochta, institiúidí airgeadais, cuideachtaí bainistíochta sócmhainní agus gnóthais seirbhísí choimhdeacha, a bheadh comhdhlúite mura ndéanfaí sin;

▼ B

(d) aon chuideachta shealbhaíochta airgeadais atá ina máthairchuideachta shealbhaíochta airgeadais i mBallstát aon ghnólachta infheistíochta sa ghrúpa, a bhfuil ar seilbh aici, ar a laghad, an méid caipitil atá sainmhínithe anseo mar shuim na nithe dá dtagraítear in Airteagal 26(1), in Airteagal 51(1) agus in Airteagal 62(1); d'fhonn suim na nithe seo a leanas a chumhdach:

(i) suim luach iomlán, de réir na leabhar, aon sealúchais, éilimh fho-ordaithe agus ionstraimí dá dtagraítear in Airteagail 36(1)(h) agus (i), 56(c) agus (d), agus 66(c) agus (d) i ngnólachtaí infheistíochta, in institiúidí airgeadais, i gcuideachtaí bainistíochta sócmhainní agus i ngnóthais seirbhísí choimhdeacha a bheadh comhdhlúite mura ndéanfaí sin; agus

(ii) suim iomlán aon dliteanais teagmhasaigh i bhfabhar gnólachtaí infheistíochta, institiúidí airgeadais, cuideachtaí bainistíochta sócmhainní agus gnóthais seirbhísí choimhdeacha, a bheadh comhdhlúite mura ndéanfaí sin;

(e) ní chuimsíonn an grúpa institiúidí creidmheasa.

I gcás ina gcomhlíontar critéir an chéad fho-ailt, beidh córais i bhfeidhm ag gach gnólacht infheistíochta AE chun faireachán agus rialú a dhéanamh ar fhoincís caipitil agus maoinithe gach cuideachta sealbhaíochta airgeadais, gnólacht infheistíochta, institiúide airgeadais, cuideachta bainistíochta sócmhainní agus gnóthais seirbhísí choimhdeacha laistigh den ghrúpa.

2. Féadfaidh na húdaráis inniúla an tarscaoileadh a chur i bhfeidhm freisin má tá suim níos ísle cistí dílse ag na cuideachtaí sealbhaíochta airgeadais ná an méid a ríomhtar faoi mhír 1(d), ach gan é a bheith níos ísle ná suim na ceanglas cistí dílse a fhorchuirtear ar bhonn aonair do ghnólachtaí infheistíochta, institiúidí airgeadais, cuideachtaí bainistíochta sócmhainní agus gnóthais seirbhísí choimhdeacha a bheadh comhdhlúite mura ndéanfaí sin, agus suim iomlán aon dliteanas teagmhasach i bhfabhar gnólachtaí infheistíochta, institiúidí airgeadais, cuideachtaí bainistíochta sócmhainní agus gnóthais seirbhísí choimhdeacha, a bheadh comhdhlúite mura ndéanfaí sin. Chun críocha na míre seo, is ceanglas barúlach cistí dílse atá sa cheanglas cistí dílse i gcás gnóthais infheistíochta tríú tíortha, institiúidí airgeadais, cuideachtaí bainistíochta sócmhainní agus gnóthais seirbhísí choimhdeacha.

*Airteagal 16***Maolú ar chur i bhfeidhm cheanglais an chóimheasa luamhánaithe ar bhonn comhdhlúite maidir le grúpaí gnólachtaí infheistíochta**

I gcás inar gnólachtaí infheistíochta atá díolmhaithe ó na ceanglais a leagtar síos i gCuid a Seacht a chur i bhfeidhm ar bhonn aonair i gcomhréir le hAirteagal 6(5) iad gach eintiteas i ngrúpa de ghnólachtaí



**▼B**

infheistíochta, lena n-áirítear an máthaireintiteas, féadfaidh an máthairghnólacht infheistíochta a shocrú gan na ceanglais a leagtar síos i gCuid a Seacht a chur i bhfeidhm ar bhonn comhdhlúite.

*Airteagal 17***Maoirseacht ar ghnólachtaí infheistíochta a tharscaoileadh ó chur i bhfeidhm ceanglas cistí dílse ar bhonn comhdhlúite**

1. Gnólachtaí infheistíochta i ngrúpa dár tugadh an tarscaoileadh dá bhforáiltear in Airteagal 15, cuirfidh siad na húdaráis inniúla ar an eolas maidir leis na priacail a d'fhéadfadh an bonn a bhaint óna suímh airgeadais, lena n-áirítear iad siúd a bhaineann le comhdhéanamh agus foinsí a gcistí dílse, caipiteal inmheánach agus maoiniú.
2. I gcás ina dtarscaoileann na húdaráis inniúla atá freagrach as an maoirseacht stuamachta a dhéanamh ar an ngnólacht infheistíochta an oibleagáid maoirseacht a dhéanamh ar bhonn comhdhlúite dá bhforáiltear in Airteagal 15, déanfaidh siad bearta iomchuí eile chun faireachán a dhéanamh ar na priacail, go háirithe risíochtaí leathana, a bhaineann leis an ngrúpa ina iomláine, lena n-áirítear aon ghnóthas nach bhfuil lonnaithe i mBallstát.
3. I gcás ina dtarscaoileann na húdaráis inniúla atá freagrach as an maoirseacht stuamachta a dhéanamh ar an ngnólacht infheistíochta cur i bhfeidhm ceanglas cistí dílse ar bhonn comhdhlúite de réir mar a fhoráiltear in Airteagal 15, beidh feidhm ag ceanglais Chuid a hOcht ar bhonn aonair.

## Roinn 2

**Modhanna chun comhdhlúthú stuamachta a dhéanamh****▼M8***Airteagal 18***Modhanna comhdhlúthaithe stuamachta****▼B**

1. Na hinstitiúidí ar a gceanglaítear na ceanglais dá dtagraítear i Roinn 1 a chomhlíonadh, ar bhonn a stádas comhdhlúite, déanfaidh siad comhdhlúthú iomlán ar gach institiúid agus institiúid airgeadais atá ina bhfochuideachtaí aige, ►C2 nó, nuair is ábhartha, ina bhfochuideachtaí ag an máthairchuideachta shealbhaíochta airgeadais chéanna nó ag an máthairchuideachta shealbhaíochta airgeadais mheasctha chéanna. ◀ Ní bheidh feidhm ag mír 2 go mír 8 den Airteagal seo i gcás ina bhfuil feidhm ag Cuid a Sé ar bhonn cáis chomhdhlúite institiúide.

**▼M8**

Chun críocha Airteagal 11(3a), na hinstitiúidí nach mór dóibh na ceanglais dá dtagraítear in Airteagal 92a nó 92b a chomhlíonadh ar bhonn comhdhlúite, déanfaidh siad comhdhlúthú ar na hinstitiúidí agus na hinstitiúidí airgeadais uile arb iad a bhfochuideachtaí iad sna grúpaí réitigh ábhartha.

**▼B**

2. Féadfaidh na húdaráis áitiúla comhdhlúthú comhréireach a cheadú, ag meas gach cás ar a fhiúntas féin, de réir an scair caipitil a shealbhaíonn an mháthairchuideachta san fhochuideachta. Ní cheadófar comhdhlúthú comhréireach ach amháin i gcás ina gcomhlíontar na coiníollacha seo a leanas go léir:

- (a) tá dliteanas an mháthairghnóthais teoranta don scair caipitil a shealbhaíonn sé san fhochuideachta i dtaca le dliteanas scair-shealbhóirí nó ball eile;



**▼B**

- (b) tá sócmhainneacht na scairshealbhóirí nó na gcomhaltaí eile sásúil;
- (c) tá dliteanas na scairshealbhóirí agus na gcomhaltaí eile bunaithe go soiléir ar bhealach atá ceangailteach ó thaobh dlí de;

3. I gcás ina bhfuil gnóthais nasctha lena chéile trí ghaol de réir bhri Airteagal 12(1) de Threoir 83/349/CEE, socróidh na húdaráis inniúla conas a dhéanfar an comhdhlúthú.

4. Cuirfidh an maoirseoir comhdhlúthaithe de cheangal go ndéanfar an comhdhlúthú comhréireach de réir an scair chaipitil arna sealbhú de rannpháirtíochtaí in institiúidí agus in institiúidí airgeadais arna mbainistiú ag gnóthas a áirítear sa chomhdhlúthú mar aon le gnóthas amháin nó níos mó nach n-áirítear sa chomhdhlúthú, i gcás ina bhfuil dliteanas na gnóthas sin teoranta don scair den chaipiteal atá ina seilbh.

5. ►**C2** I gcás rannpháirtíochtaí nó naisc chaipitiúla seachas iad sin dá dtagraítear i mír 1 agus i mír 4, cinnfidh na húdaráis inniúla ◀ an bhfuil comhdhlúthú le déanamh agus conas a dhéanfar é. Go háirithe, féadfaidh siad úsáid an mhodha chothromais a cheadú nó a cheangal. Mar sin féin, ní hionann an modh sin a úsáid agus na gnóthais lena mbaineann a bheith ar áireamh faoin maoirseacht ar bhonn comhdhlúite.

6. Cinnfidh na húdaráis inniúla an bhfuil comhdhlúthú le déanamh agus conas a dhéanfar é sna cásanna seo a leanas:

- (a) i gcás ina bhfuil, i dtuairim na n-údarás inniúil, tionchar suntasach ag institiúid ar institiúid amháin nó ar institiúid airgeadais amháin nó níos mó, ach gan seilbh a bheith aici ar rannpháirtíocht ná naisc chaipitiúla eile sna hinstitiúidí sin; agus
- (b) i gcás ina bhfuil dhá institiúid nó dhá institiúid airgeadais nó níos mó curtha faoi bhainistíocht aonair ach amháin má tá sé sin de bhun conartha nó clásail atá ina meabhráin nó ina n-airteagail chomhlachais.

Go háirithe, féadfaidh na húdaráis inniúla úsáid an mhodha dá bhforáiltear in Airteagal 12 de Threoir 83/349/CEE a cheadú, nó a cheangal. Ní hionann an modh sin a úsáid agus na gnóthais lena mbaineann a bheith ar áireamh faoin maoirseacht ar bhonn comhdhlúite.

7. Forbróidh an ÚBE dréachtchaighdeáin theicniúla rialála d'fhonn na coinniollacha a shonrú a gcuirfear an comhdhlúthú i bhfeidhm dá réir sna cásanna dá dtagraítear i mír 2 go mír 6 den Airteagal seo.

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 16.

Déantar an chumhacht a tharmligean don Choimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

8. I gcás ina bhfuil gá le maoirseacht comhdhlúite de bhun Airteagal 111 de Threoir 2013/36/AE, áireofar gnóthais seirbhísi coimhdeacha agus cuideachtaí bainistíochta sócmhainní, mar a shainítear iad i bpointe (5) d'Airteagal 2 de Threoir 2002/87/CE i gcomhdhlúthuithe sna cásanna atá leagtha síos san Airteagal seo agus de réir na modhanna atá leagtha síos san Airteagal seo.

**▼M8**

9. Forbróidh ÚBE dréachtchaighdeáin theicniúla rialála chun na coinniollacha a shonrú ar dá réir a gcuirfear an comhdhlúthú i bhfeidhm sna cásanna dá dtagraítear i míreanna 3 go 6 agus mír 8.

**▼M8**

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2020.

Tarmligtear chuig an gCoimisiún an chumhacht chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

**▼B**

## Roinn 3

**Raon feidhme an chomhdhlúthaithe stuamachta***Airteagal 19***Eintitis arna n-eisiamh ó raon feidhme an chomhdhlúthaithe stuamachta**

1. Aon institiúid, institiúid airgeadais nó gnóthas seirbhísi coimhdeacha atá ina fochuideachta nó ina ghnóthas ina bhfuil seilbh ar rannpháirtíocht, ní gá í a áirithiú sa chomhdhlúthú i gcás ina bhfuil méid iomlán shócmhainní agus ítimí lasmuigh de chlár comhardaithe an ghnóthais lena mbaineann níos lú ná an ceann is ísle den dá shuim seo a leanas:

- (a) EUR 10 milliún;
- (b) 1 % de shuim iomlán shócmhainní agus ítimí lasmuigh de chlár comhardaithe an mháthairchuideachta nó an ghnóthais a shealbhaíonn an rannpháirtíocht.

2. Sna cásanna thíos féadfaidh na húdaráis inniúla atá freagrach as maoirseacht a dhéanamh ar bhonn comhdhlúite de réir Airteagal 111 de Threoir (AE)201336 cinneadh a dhéanamh, ag meas gach cás ar a fhiúntas féin, nach gá a áirithiú sa chomhdhlúthú institiúid, institiúid airgeadais nó gnóthas seirbhísi coimhdeacha atá ina fochuideachta nó ina sealbhaítear rannpháirtíocht:

- (a) i gcás ina bhfuil an gnóthas lena mbaineann lonnaithe i dtríú tír ina bhfuil baic dhlíthiúla le haistriú na faisnéise is gá;

**▼C2**

- (b) i gcás nach bhfuil ach tábhacht dhiomaibhseach ag an ngnóthas lena mbaineann i leith chuspóirí an fhaireacháin ar institiúidí;

**▼B**

► **C3** (c) i gcás ina mbeadh sé mí-oiriúnach nó míthreorach comhdhlúthú a dhéanamh ar shuíomh airgeadais an ghnóthais lena mbaineann, a fhad a bhaineann le cuspóirí an fhaireacháin ar institiúidí ◀, dar leis an údarás inniúil atá freagrach as maoirseacht a fheidhmiú ar bhonn comhdhlúite.

3. Más rud é, sna cásanna dá dtagraítear i mír 1 agus i bpointe (b) de mhír 2, go gcomhlíonann roinnt gnóthas na critéir a leagtar amach iontu, áireofar iad sa chomhdhlúthú ina ainneoin sin i gcás ina bhfuil tábhacht dhiomaibhseach ag baint leo i dteannta a chéile i leith na gcuspóirí sainithe.

*Airteagal 20***Cinntí comhpháirteacha maidir le ceanglais stuamachta**

1. Oibreoidh na húdaráis inniúla lena chéile agus iad i lánchomhairle le chéile:

- (a) i gcás iarratas ar an gcead dá dtagraítear in Airteagail 143(1), 151(4), 151(9), 283, 312(2), 363, faoi seach, arna chur isteach ag máthairinstitiúid AE agus a fochuideachtaí, nó i gcomhpháirt a chéile ag fochuideachtaí máthairchuideachta shealbhaíochta airgeadais AE nó máthairchuideachta shealbhaíochta airgeadais

**▼B**

mheasctha AE, chun cinneadh a dhéanamh cé acu a thabharfar nó nach dtabharfar an cead atá á lorg agus chun na téarmaí agus na coinníollacha, más ann dóibh, a chinneadh, a mbeadh cead den chineál seo faoina réir;

- (b) chun a dhéanamh amach an bhfuil na critéir maidir le láimhseáil shonrach idirghrúpa dá dtagraítear in Airteagal 422(9) agus in Airteagal 425(5) arna gcomhlánú le caighdeáin teicniúla rialála an ÚBE dá dtagraítear in Airteagal 422(10) agus in Airteagal 425(6) á gcomhlíonadh.

Chuir an maoirseoir comhdhlúthaithe amháin a chuirfear iarratais isteach.

Beidh san iarratas dá dtagraítear in Airteagal 312(2) cur síos ar an modheolaíocht a úsáideadh chun caipiteal priacal oibriúcháin a leithdháileadh ar eintitis éagsúla an ghrúpa. Cuirfidh an t-iarratas in iúl an bhfuil sé beartaithe éifeachtaí an éagsúlaithe a chur san áireamh sa chóras chun priacal a thomhas, agus má tá, cén chaoi a ndéanfar sin.

2. Déanfaidh na húdaráis inniúla gach ní ar a gcumas chun teacht ar cheadh comhpháirteach laistigh de shé mhí maidir leis na nithe seo:

- (a) an t-iarratas dá dtagraítear i bpointe (a) de mhír 1;
- (b) na critéir a mheas agus an láimhseáil shonrach dá dtagraítear i mír 1(b) a dhéanamh amach;

Beidh an cinneadh comhpháirteach seo leagtha amach i ndoiciméad ina mbeidh an cinneadh lán-réasúnaithe, doiciméad a chuirfidh an t-údarás inniúil dá dtagraítear i mír 1 ar fáil don iarratasóir.

3. Tosóidh an tréimhse dá dtagraítear i mír 2:

- (a) an dáta a fhaigheann an maoirseoir comhdhlúthaithe an t-iarratas iomlán dá dtagraítear i mír 1(a). Cuirfidh an maoirseoir comhdhlúthaithe an t-iarratas iomlán ar aghaidh chuid na húdaráis inniúla eile gan mhoill;
- (b) an dáta a fhaigheann na húdaráis inniúla tuarascáil arna hullmhú ag an maoirseoir comhdhlúthaithe ag déanamh anailíse ar thiomantais idirghrúpa laistigh den ghrúpa.

4. Mura dtagann na húdaráis inniúla ar cheadh comhpháirteach laistigh de shé mhí, déanfaidh an maoirseoir comhdhlúthaithe a chinneadh féin maidir le mír 1(a). Ní chuirfidh cinneadh an mhaoirseora comhdhlúthaithe teorainn ar chumhachtaí na n-údarás inniúil faoi Airteagal 105 de Threoir 2013/36/AE.

Beidh an cinneadh leagtha amach i ndoiciméad ina bhfuil an cinneadh lán-réasúnaithe agus cuirfear san áireamh ann tuairimí agus cúiseanna inní na n-údarás inniúla eile, arna gcur in iúl le linn na tréimhse sé mhí.

Cuirfidh an maoirseoir comhdhlúthaithe an cinneadh seo ar fáil don mháthairinstitiúid AE, don mháthairchuideachta shealbhaíochta airgeadais AE nó don mháthairchuideachta shealbhaíochta airgeadais mheasctha AE agus do na húdaráis inniúla eile.

**▼B**

Más rud é, ag deireadh na tréimhse sé mhí, go bhfuil aon cheann de na húdaráis inniúla tar éis an t-ábhar a chur faoi bhráid an ÚBE de réir Airteagal 19 de Rialachán (AE) Uimh. 1093/2010, cuirfidh an maoirseoir comhdhlúthaithe a chinneadh maidir le mír 1(a) siar agus fanfaidh sé ar aon chinneadh a d'fhéadfadh an ÚBE a dhéanamh de réir Airteagal 19(3) den Rialachán sin maidir lenachinneadh, agus déanfaidh sé a chinneadh i gcomhréir le cinneadh an ÚBE. Measfar gurb é an tréimhse sé mhí an tréimhse idir-réitigh de réir bhrí an Rialacháin sin. Déanfaidh an ÚBE an cinneadh laistigh d'aon mhí amháin. Ní chuirfear an t-ábhar faoi bhráid an ÚBE tar éis dheireadh na tréimhse sé mhí ná tar éis cinneadh comhpháirteach a bheith déanta.

5. Mura dtagann na húdaráis inniúla ar cheadh comhpháirteach laistigh de shé mhí, déanfaidh an t-údarás inniúil atá freagrach as maoirseacht a dhéanamh ar an bhfochuideachta ar bhonn aonair a chinneadh féin maidir le mír 1(b).

Beidh an cinneadh leagtha amach i ndoiciméad ina bhfuil an cinneadh lán-réasúnaithe agus cuirfear san áireamh ann tuairimí agus cúiseanna inní na n-údaráis inniúla eile, arna gcur in iúl le linn na tréimhse sé mhí.

Cuirfidh an maoirseoir comhdhlúthaithe an cinneadh seo ar fáil don mhaoriseoir comhdhlúthaithe a thugann fógra don máthairinstitiúid AE, don mháthairchuideachta shealbhaíochta airgeadais AE nó don mháthairchuideachta shealbhaíochta airgeadais mheasctha AE.

Más rud é, ag deireadh na tréimhse sé mhí, go bhfuil an maoirseoir comhdhlúthaithe tar éis an t-ábhar a chur faoi bhráid an ÚBE de réir Airteagal 19 de Rialachán (AE) Uimh. 1093/2010, cuirfidh an t-údarás inniúil atá freagrach as maoirseacht a dhéanamh ar an bhfochuideachta ar bhonn aonair a chinneadh maidir le mír 1(b) den Airteagal seo siar agus fanfaidh sé ar aon chinneadh a fhéadfaidh an ÚBE a dhéanamh de réir Airteagal 19(3) den Rialachán sin maidir leis an gcinneadh sin, agus déanfaidh sé a chinneadh i gcomhréir le cinneadh an ÚBE. Measfar gurb é an tréimhse sé mhí an tréimhse idir-réitigh de réir bhrí an Rialacháin sin. Déanfaidh an ÚBE an cinneadh laistigh d'aon mhí amháin. Ní chuirfear an t-ábhar faoi bhráid an ÚBE tar éis dheireadh na tréimhse sé mhí ná tar éis cinneadh comhpháirteach a bheith déanta.

6. I gcás ina mbaineann máthairinstitiúid AE agus a fochuideachtaí, fochuideachtaí mháthairchuideachta shealbhaíochta airgeadais AE nó máthairchuideachta shealbhaíochta airgeadais mheasctha AE úsáid as Ardmodh an Tomhais dá dtagraítear in Airteagal 312(2) nó cur chuige IBR dá dtagraítear in Airteagal 143 ar bhonn aontaithe, ceadóidh na húdaráis inniúla na critéir cháilíochta atá leagtha síos in Airteagal 321 agus in Airteagal 322 nó i gCuid a Trí, Teideal II, Caibidil 3, Roinn a Sé faoi seach, a chomhlíonadh trí bhreithniú a dhéanamh ar an máthairchuideachta agus na fochuideachtaí i dteannta a chéile, ar bhealach atá i gcomhréir le struchtúr, modheolaíochtaí, próisis agus córais bhainistíochta priacal an ghrúpa.

7. Déanfaidh na húdaráis inniúla sna Ballstáit lena mbaineann na cinntí dá dtagraítear i mír 2, i mír 4 agus i mír 5 a aithint mar chinntí cinntitheacha agus cuirfidh siad i bhfeidhm iad.

8. Forbróidh an ÚBE dréachtchaighdeáin theicniúla cur chun feidhme d'fhonn an próiseas a bhaineann leis an gcinneadh comhpháirteach dá dtagraítear i bpointe a (a) de mhír 1 a shonrú, maidir leis na hiarratais ar chead dá dtagraítear in Airteagail 143(1), 151(4), 151(9), 283, 312(2), agus 363 d'fhonn cinntí comhpháirteacha a éascú.

**▼B**

Cuirfidh an ÚBE na dréachtchaighdeáin theicniúla sin faoi bhráid an Choimisiúin faoin 31 Nollaig 2014.

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

*Airteagal 21***Cinntí comhpháirteacha maidir le leibhéal cur i bhfeidhm na gceanglas leachtachta**

1. Ar iarratas ó mháthairinstitiúid AE nó ó mháthairchuideachta shealbhaíochta airgeadais AE nó ó mháthairchuideachta shealbhaíochta airgeadais mheasctha AE nó ó fhochuideachta fo-chomhdhlúthaithe de chuid máthairinstitiúide AE nó de chuid máthairchuideachta shealbhaíochta airgeadais AE nó de chuid máthairchuideachta shealbhaíochta airgeadais mheasctha AE, déanfaidh an maoirseoir comhdhlúthaithe agus na húdaráis inniúla atá freagrach as maoirseacht a dhéanamh ar fhochuideachtaí mháthairinstitiúid AE nó máthairchuideachta shealbhaíochta airgeadais AE nó máthairchuideachta shealbhaíochta airgeadais mheasctha AE, déanfaidh siad gach a bhfuil ar a gcumas chun teacht ar cheadh comhpháirteach maidir lena bhfuil coinníollacha phointí (a) go (d) d'Airteagal 8(1) á gcomhlíonadh agus lena sainaitheofar foghrúpa leachtachta amháin do chur chun feidhme Airteagal 8.

Déanfar an cinneadh comhpháirteach laistigh de sé mhí ón dáta a sheolann an maoirseoir comhdhlúthaithe isteach tuarascáil a shain-aithníonn foghrúpaí leachtachta aonair ar bhonn na gcrítéar atá leagtha síos in Airteagal 8. I gcás easaontú i rith na tréimhse sé mhí, rachaidh an maoirseoir comhdhlúthaithe i gcomhairle leis an ÚBE arna iarraidh sin d'aon cheann de na húdaráis inniúla eile atá i gceist. Féadfaidh an maoirseoir comhdhlúthaithe dul i gcomhairle leis an ÚBE as a stuaim féin.

Féadfaidh an cinneadh comhpháirteach srianta a chur freisin ar láthair agus ar úinéireacht sócmhainní leachtacha agus a cheangal go mbeidh íoslíon sócmhainní leachtacha ina seilbh ag institiúidí atá díolmhaithe ó chur chun feidhme Chuid a Sé.

Leagfar an cinneadh comhpháirteach amach i ndoiciméad ina léireofar an cinneadh lán-réasúnaithe a thíolacfaidh an maoirseoir comhdhlúthaithe do mháthairinstitiúid an fhoghrúpa leachtachta.

2. Mura ndéantar cinneadh comhpháirteach laistigh de shé mhí, tiocfaidh gach údarás inniúil atá freagrach as maoirseacht a dhéanamh ar bhonn aonair ar a chinneadh féin.

Mar sin féin, féadfaidh aon údarás inniúil ábhartha dul i gcomhairle leis an ÚBE i rith na tréimhse sé mhí maidir le cé acu atá coinníollacha (a) go (d) d'Airteagal 8(1) á gcomhlíonadh nó nach bhfuil. Sa chás sin, is féidir leis an ÚBE idirghabháil neamhcheangailteach a dhéanamh de réir Airteagal 31(c) de Rialachán Uimh (AE) 1093/2010 agus Sa chás sin, cuirfidh na húdaráis inniúla go léir lena mbaineann a gcinntí siar go dtí go dtabharfár i gcrích an idirghabháil neamhcheangailteach. Más rud é nach dtagann na húdaráis inniúla ar chinneadh laistigh de thri mhí, i rith

**▼B**

na hidirghabhála, tiocfaidh gach údarás inniúil atá freagrach as maoirseacht a dhéanamh ar bhonn aonair ar a chinneadh féin, agus comhréireacht na sochar agus na bpríacal ar leibhéal Bhallstáit na máthairinstitiúide á cur san áireamh mar aon le comhréireacht na sochar agus na bpríacal ar leibhéal Bhallstát na fochuideachta. Ní chuirfear an t-ábhar faoi bhráid an ÚBE tar éis dheireadh na tréimhse sé mhí ná tar éis cinneadh comhpháirteach a bheith déanta.

Beidh an cinneadh comhpháirteach dá dtagraítear i mír 1 agus na cinntí dá dtagraítear a dara fómhír den mhír seo ceangailteach.

3. Féadfaidh aon údarás inniúil ábhartha dul i gcomhairle leis an ÚBE freisin i rith na tréimhse sé mhí i gcás easaontais maidir le coinníollacha (a) go (d) d'Airteagal 8(3). Sa chás sin, is féidir leis an ÚBE idirghabháil neamhcheangailteach a dhéanamh de réir Airteagal 31(c) de Rialachán Uimh (AE) 1093/2010 agus, cuirfidh na húdaráis inniúla go léir lena mbaineann a gcinntí siar ar feitheamh chur i gcrích na hidirghabhála neamhcheangailte. Más rud é nach dtagann na húdaráis inniúla ar chinneadh laistigh de thrí mhí, i rith na hidirghabhála, tiocfaidh gach údarás inniúil atá freagrach as maoirseacht a dhéanamh ar bhonn aonair ar a chinneadh féin.

*Airteagal 22***Fo-chomhdhlúthú i gcás eintiteas i dtríú tíortha**

►**C2** Déanfaidh institiúidí fochuideachta na ceanglais atá leagtha síos in Airteagal 89 go hAirteagal 91 de Chuid a Trí agus i gCuid a Ceathair a chur i bhfeidhm ar bhonn a suímh fhochohdhlúite ◀ má tá acu, nó ag an máthairchuideachta i gcás gur cuideachta shealbhaíochta airgeadais nó cuideachta shealbhaíochta airgeadais mheasctha atá ann, institiúid nó institiúid airgeadais mar fochuideachta i dtríú tír, nó má tá rannpháirtíocht i ngnóthas den chineál sin ina seilbh acu.

*Airteagal 23***Gnóthais i dtríú tíortha**

Chun críocha maoirseacht a chur i bhfeidhm ar bhonn comhdhlúite de réir na Caibidle seo, beidh feidhm ag na téarmaí 'gnólacht infheistíochta', 'institiúid chreidmheasa', 'institiúid airgeadais' agus 'institiúid' maidir le gnóthais atá bunaithe i dtríú tíortha freisin, ar gnóthais iad a chomhlíonfadh sainiú na dtéarmaí sin in Airteagal 4 dá mba san Aontas a bheidís bunaithe.

*Airteagal 24***Luacháil na sócmhainní agus na n-ítimí lasmuigh den chlár-comhardaithe**

1. Cuirfear luacháil na sócmhainní agus na n-ítimí lasmuigh den chlár comhardaithe i gcrích i gcomhréir leis an gcreat cuntasáíochta is infheidhme.

2. De mhaolú ar mhír 1, féadfaidh na húdaráis inniúla a cheangal go gcuirfidh na hinstiúidí luacháil na sócmhainní agus na n-ítimí lasmuigh den chlár comhardaithe i gcrích i gcomhréir leis na Caighdeáin Chuntasaíochta Idirnáisiúnta (CCI) 1, de réir mar is infheidhme faoi Rialachán (CE) Uimh. 1606/2002.

▼**B**

CUID A DÓ

▼**M8**

CISTÍ DÍLSE AGUS DLITEANAIS INCHÁILITHE

▼**B**

TEIDEAL I

EILIMINTÍ DE CHISTÍ DÍLSE

*CAIBIDIL 1***Caipiteal Leibhéal 1***Airteagal 25***Caipiteal Leibhéal 1**

Is éard atá i gcaipiteal Leibhéal 1 institiúide suim chaipiteal Ghnáthchothromas Leibhéal 1 agus chaipiteal breise Leibhéal 1 na hinstitiúide.

*CAIBIDIL 2***Caipiteal Ghnáthchothromas Leibhéal 1**

Roinn 1

**Ítimí agus ionstraimí ghnáthchothromas leibhéal 1**

*Airteagal 26***Ítimí Ghnáthchothromas Leibhéal 1**

1. Is éard atá in ítimí Ghnáthchothromas Leibhéal 1 institiúidí na nithe seo a leanas:

- (a) ionstraimí caipitil, ar an gcoinníoll go gcomhlíontar na coinníollacha atá leagtha síos in Airteagal 28, nó, i gcás inarb infhedhme, Airteagal 29;
- (b) na cuntais scairbhisigh a bhaineann leis na hionstraimí dá dtagraítear i bpointe (a);
- (c) tuilleamh coimeáda;
- (d) ioncam cuimsitheach carntha eile;
- (e) cúlchistí eile
- (f) cistí do priacail baincéireachta ginearálta.

Ní aithneofar na hítimí dá dtagraítear i bpointe (c) go pointe (f) mar Ghnáthchothromas Leibhéal 1 ach amháin má tá siad ar fáil don institiúid lena úsáid láithreach, gan srian, chun priacail nó caillteanas a chumhdach a luaithe a thagann siad chun cinn.

2. Chun críocha phointe (c) de mhír 1, mura mbeidh cead faighte roimh ré ón údarás inniúil ní fhéadfaidh institiúidí brabúis eastramhacha nó brabúis dheireadh na bliana a chur ar áireamh i gcaipiteal Ghnáthchothromas Leibhéal 1 sula mbeidh cinneadh foirmiúil déanta ag an institiúid á dhearbhu brabús nó caillteanas deiridh na hinstitiúide don bhliain. Tabharfaidh an t-údarás inniúil cead i gcás ina gcomhlíonfar na coinníollacha seo a leanas:

**▼B**

- (a) go mbeidh fíorú déanta ar na brabúis sin ag daoine atá neamhspleách ar an institiúid atá freagrach as iniúchadh a dhéanamh ar chuntais na hinstitiúide sin;
- (b) go mbeidh sé léirithe ag an institiúid chun shásamh an údaráis inniúil go bhfuil aon mhúirear nó díbhinn intuartha asbhainte ó mhéid na mbrabús sin.

Tabharfaidh fíorú ar bhrabúis eatramhacha nó ar bhrabúis deiridh bliana na hinstitiúide leibhéal leormhaith forchinnithe go bhfuil meastóireacht déanta ar na brabúis sin de réir na bprionsabal atá leagtha amach sa chreat cuntasáiochta is infheidhme.

**▼M8**

3. Déanfaidh na húdaráis inniúla meastóireacht ar a bhfuil na critéir a leagtar síos in Airteagal 28, nó, i gcás inarb infheidhme, Airteagal 29 á gcomhlíonadh ag eisiúintí ionstraimí caipitil. Ní aicmeoidh na hinstitiúidí eisiúintí ionstraimí caipitil mar ionstraimí Gnáthchothromas Leibhéal 1 ach amháin tar éis cead a fháil ó na húdaráis inniúla.

De mhaolú ar an gcéad fhomhír, féadfaidh na hinstitiúidí eisiúintí a dhéanfar ina dhiaidh sin i bhfoirm ionstraimí Gnáthchothromas Leibhéal 1 dár tugadh cead don institiúid cheana féin, a aicmiú mar ionstraimí Gnáthchothromas Leibhéal 1, ar choinníoll go gcomhlíontar ar dá choinníoll seo a leanas:

- (a) gurb ionann, a bheag nó a mhór, na forálacha lena rialaítear na heisiúintí sin a dhéanfar ina dhiaidh sin agus na forálacha lena rialaítear na heisiúintí sin dár tugadh cead don institiúid cheana féin;
- (b) gur thug na hinstitiúidí fógra luath go leor do na húdaráis inniúla faoi na heisiúintí sin a dhéanfar ina dhiaidh sin sula ndéanfar iad a aicmiú mar ionstraimí Gnáthchothromas Leibhéal 1.

Rachaidh na húdaráis inniúla i gcomhairle le ÚBE sula dtabharfaidh siad an cead sin le haghaidh cineálacha nua ionstraimí caipitil a aicmiú mar ionstraimí Gnáthchothromas Leibhéal 1. Tabharfaidh na húdaráis inniúla aird chuí ar thuairim ÚBE agus, i gcás ina gcinntíodh siad imeacht uathí, scríobhfaidh siad chuig ÚBE laistigh de thrí mhí ón dáta a bhfaighidh siad tuairim ÚBE, d'fhonn an réasúnaíocht ba bhun leis an imeacht sin uathí a leagan amach. Níl feidhm ag an bhfomhír seo maidir leis na hionstraimí caipitil dá dtagraítear in Airteagal 31.

Ar bhonn na faisnéise a bhailítear ó na húdaráis inniúla, déanfaidh ÚBE liosta d'fhoirmeacha uile ionstraimí caipitil a bhunú, a chothabháil agus a fhoilsiú i ngach Ballstát, ar ionstraimí iad a cháilíonn mar ionstraimí Gnáthchothromas Leibhéal 1. I gcomhréir le hAirteagal 35 de Rialachán (AE) Uimh. 1093/2010, féadfaidh ÚBE aon fhaisnéis a bhailiú i ndáil le hionstraimí Gnáthchothromas Leibhéal 1 a mheasann sé is gá chun a bhunú go gcomhlíonfar na critéir a leagtar amach in Airteagal 28, nó i gcás inarb infheidhme, in Airteagal 29 den Rialachán seo, agus d'fhonn an liosta dá dtagraítear san fhomhír seo a chothabháil agus a nuashonrú.

I ndiaidh athbhreithniú a dhéanamh de réir an phróisis a leagtar amach in Airteagal 80, agus i gcás ina bhfuil fianaise leordhóthanach nach gcomhlíonann na hionstraimí caipitil ábhartha na critéir a leagtar amach in Airteagal 28, nó, i gcás inarb infheidhme, in Airteagal 29, nó gur scoir siad den chomhlíonadh sin, is ceadmhach do ÚBE a chinneadh gan na hionstraimí dá dtagraítear sa cheathrú fomhír a chur leis an liosta sin nó iad a bhaint den liosta, de réir an cháis. Tabharfaidh ÚBE fógra chun na críche sin ina dtagrófar freisin do sheasamh an údaráis inniúil ábhartha i leith an ábhair féin. Níl feidhm ag an bhfomhír seo maidir leis na hionstraimí caipitil dá dtagraítear in Airteagal 31.



**▼B**

4. Forbróidh an ÚBE dréachtchaighdeáin theicniúla rialála chun an bhrí atá le 'intuartha' a shonrú d'fhonn a chinneadh ar asbhaineadh aon dhíbhinn nó muirear intuartha.

**▼C1**

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 27*

**Ionstraimí caipítíl cumann frithpháirteach, comharchumann, institiúidí coigiltis nó institiúidí comhchosúla in ítimí Ghnáthchothromas Leibhéal 1**

1. Cuimseoidh ítimí Ghnáthchothromas Leibhéal 1 aon ionstraim chaipítíl arna heisiúint ag institiúid faoina théarmaí reachtúla ar na gcoinníoll go gcomhlíontar na coinníollacha seo a leanas:

- (a) tá an institiúid den chineál sin a shainítear faoin dlí náisiúnta infheidhme agus a mheasann údaráis inniúla a bheith mar cheann ar bith díobh seo a leanas:
- (i) cumann frithpháirteach;
  - (ii) comharchumann;
  - (iii) institiúid coigiltis;
  - (iv) institiúid den chineál sin;
  - (v) institiúid chreidmheasa atá faoi úinéireacht iomlán cheann amháin de na hinstiúidí dá dtagraítear i bpointí (i) go (iv), agus a bhfuil cead faighte aici ón údarás inniúil ábhartha leas a bhaint as forálacha an Airteagail seo ar an gcoinníoll agus a mhéid is go bhfuil 100 % de na gnáthscaireanna atá eisithe san institiúid chreidmheasa á sealbhú, go díreach nó go neamhdhíreach, ag institiúid dá dtagraítear sna pointí sin;
- (b) comhlíontar na coinníollacha atá leagtha síos in Airteagal 28 nó, i gcás inarb infheidhme Airteagal 29;

Na cumainn frithpháirteacha, na comharchumainn, na hinstiúidí coigiltis nó na hinstiúidí cosúla sin a aithníodh amhlaidh faoin dlí náisiúnta ab infheidhme roimh an 31 Nollaig 2012, leanfar dá n-aicmiú amhlaidh chun críocha na Coda seo, ar choinníoll go mbeidh na critéir lenar cinneadh an t-aitheantas sin á gcomhlíonadh acu i gcónaí.

2. Forbróidh an ÚBE dréachtchaighdeáin theicniúla rialála d'fhonn na coinníollacha ar dá réir a dhéanfaidh údaráis inniúla cinneadh go gcáilíonn cineál gnóthais a aithnítear faoin dlí náisiúnta infheidhme mar chumann frithpháirteach, mar chomharchumann, mar institiúid coigiltis nó mar institiúid eile den chineál sin chun críocha na Coda seo.

**▼C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na dréacht caighdeáin theicniúla rialála sin dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

**▼B***Airteagal 28***Ionstraimí Ghnáthchothromas Leibhéal 1**

1. Ní cháileoidh ionstraimí caipitil mar ionstraimí Ghnáthchothromas Leibhéal 1 ach amháin má chomhlíontar na coinníollacha seo a leanas:

(a) is í an institiúid féin a eisíonn na hionstraimí le cead roimh ré ó úinéirí na hinstitiúide, nó, i gcás ina bhfuil sé ceadmhach faoin dlí náisiúnta infheidhme, is é comhlacht bainistíochta na hinstitiúide a eisíonn;

**▼M8**

(b) tá na hionstraimí láníoctha agus ní dhéanann an institiúid, go díreach nó go hindíreach, éadáil úinéireacht na n-ionstraimí sin a chistiú;

**▼B**

(c) comhlíonann na hionstraimí na coinníollacha seo a leanas go léir maidir lena n-aicmiú:

(i) cáilíonn siad mar chaipiteal de réir bhrí Airteagal 22 de Threoir 86/635/CEE;

(ii) tá siad aicmithe mar chothromas de réir bhrí an chreata chun-tasaíochta is infheidhme;

(iii) tá siad aicmithe mar chaipiteal cothromais chun críocha dócmhainneacht chlár comhardaithe a chinneadh, nuair is infheidhme faoin dlí dócmhainneachta náisiúnta;

(d) tá na hionstraimí nochtá go soiléir agus go leithleach ar an gclár comhardaithe i ráitis airgeadais na hinstitiúide;

(e) is ionstraimí síoraí iad;

(f) ní féidir príomhshuim na n-ionstraimí a laghdú ná a aisíoc, seachas i gceann de na cásanna seo a leanas:

(i) leachtú na hinstitiúide;

(ii) athcheannach lánroghnach na n-ionstraimí nó bealaí lánroghnacha eile chun caipiteal a laghdú, i gcás ina bhfuil cead faighte roimh ré ag an institiúid ón údarás inniúil i gcomhréir le Airteagal 77;

(g) ní thugtar le fios go sainráite nó go hintuigthe sna forálacha a rialaíonn na hionstraimí go ndéanfaí nó go bhféadfaí príomhshuim na n-ionstraimí a laghdú nó a aisíoc seachas trí leachtú na hinstitiúide, agus ní thugann an institiúid é sin le fios ar aon slí eile roimh ná le linn eisiúint na n-ionstraimí, cé is moite de chás na n-ionstraimí dá dtagraítear in Airteagal 27 ina bhfuil toirmeasc faoin dlí náisiúnta infheidhme ar an institiúid diúltú ionstraimín chineál sin a fhuascailt;

(h) comhlíonann na hionstraimí na coinníollacha seo a leanas maidir le dáileacháin:

(i) ní hann do láimhseáil fhabhrach dáileacháin maidir le hord na n-íocaíochtaí dáileacháin, lena n-áirítear i leith ionstraimí Ghnáthchothromas Leibhéal 1, agus ní chuirtear ar fáil leis na téarmaí lena rialaítear na hionstraimí cearta fabhracha i leith íoc na ndáileachán;

**▼B**

- (ii) is as ítimí indáilte amháin is féidir dáileacháin ar shealbhóirí na n-ionstraimí a íoc;
  - (iii) níl caidhp ná srian eile ar an uasleibhéal dáileacháin sna coinníollacha lena rialaítear na hionstraimí, seachas i gcás na n-ionstraimí dá dtagraítear in Airteagal 27.
  - (iv) ní chinntear an leibhéal dáileachán ar bhonn na méide a íocadh as na hionstraimí tráth a n-eisithe, seachas i gcás na n-ionstraimí dá dtagraítear in Airteagal 27;
  - (v) sna coinníollacha lena rialaítear na hionstraimí níl aon oibleagáid ar an institiúid dáileacháin a dhéanamh ar a sealbhóirí, agus níl aon oibleagáid den chineál sin ar an institiúid ar aon slí eile;
  - (vi) ní ionann neamhíoc na ndáileachán agus mainneachtain na hinstiúide;
  - (vii) ní fhorchuireann an cealú dáileachán aon srianta ar an institiúid;
- (i) i gcomparáid leis na hionstraimí caipitil uile arna n-eisiúint ag an institiúid, ionsúnn na hionstraimí an chéad sciar caillteanas, is é sin an sciar is mó go comhréireach, de réir mar a tharlaíonn siad, agus ionsúnn gach ionstraim caillteanais sa mhéid chéanna is a ionsúnn gach ionstraim Ghnáthchothromas Leibhéal 1 eile iad;
  - (j) tá na hionstraimí aicmithe faoi bhun gach éileamh eile i gcás dhócmhainneacht nó leachtacht na hinstiúide;
  - (k) tugann na hionstraimí an teidlíocht do na húinéirí éileamh a dhéanamh ar shócmhainní iarmharacha na hinstiúidí, éileamh atá, i gcás leachtachta agus tar éis gach éileamh sinsearach a bheith íoctha, comhréireach le méid na n-ionstraimí a eisíodh agus nach bhfuil socraithe nó faoi réir caidhpe, seachas i gcás na n-ionstraimí caipitil dá dtagraítear in Airteagal 27;
  - (l) níl na hionstraimí urraithe, ná faoi réir ráthaíochta lena gcuirtear le sinsearach an éilimh ag aon cheann díobh seo a leanas:
    - (i) an institiúid nó a fochuideachtaí;
    - (ii) máthairghnóthas na hinstiúide nó fochuideachtaí na hinstiúide;
    - (iii) an mháthairchuideachta shealbhaíochta airgeadais nó a fochuideachtaí;
    - (iv) an chuideachta shealbhaíochta ghníomhaíochtaí measctha nó a fochuideachtaí;
    - (v) an chuideachta shealbhaíochta airgeadais mheasctha agus a fochuideachtaí;
    - (vi) aon ghnóthas a bhfuil dlúthnaisc aige leis na heintitis dá dtagraítear i bpointe (i) go pointe (v);
  - (m) níl na hionstraimí faoi réir aon socrú, is cuma cé acu socrú conarthach nó conradh de chineál eile é, a chuireann le sinsearach na n-éileamh faoi na hionstraimí i gcás dócmhainneachta nó leachtachta.

**▼B**

Measfar go gcomhlíontar an coinníoll a leagtar amach i bpointe (j) den chéad fhomhír, d'ainneoin go n-áirítear na hionstraimí i gCaipiteal Breise Leibhéal 1 agus i gCaipiteal Leibhéal 2 de bhua Airteagal 484(3), ar choinníoll go bhfuil siad ar chomhchéim.

**▼M8**

Chun críocha phointe (b) den chéad fhomhír, ní bheidh ach an chuid den ionstraim chaipitil atá láníoctha i dteideal a cháilithe mar ionstraim Gnáthchothromais Leibhéal 1.

**▼B**

2. Measfar go gcomhlíontar na coinníollacha atá leagtha síos i bpointe (i) de mhír 1 d'ainneoin díluacháil ar bhonn buan ar phríomhshuim ionstraimí Chaipiteal Breise Leibhéal 1 nó Chaipiteal Leibhéal 2.

Measfar go gcomhlíontar an coinníoll atá leagtha síos i bpointe (f) de mhír 1 d'ainneoin an laghdú ar phríomhshuim na hionstraime caipitil laistigh de nós imeachta réitigh nó mar thoradh ar díluacháil ar ionstraimí caipitil a éilíonn an t-údarás réitigh atá freagrach as an institiúid.

Measfar go gcomhlíontar an coinníoll atá leagtha síos i bpointe (g) de mhír 1 d'ainneoin na bhforálacha lena rialaítear an ionstraim caipitil ina dtugtar le fios go sainráite nó go hintuigthe go ndéanfaí nó go bhféadfaí príomhmhéid na hionstraime a laghdú laistigh de nós imeachta réitigh nó mar thoradh ar díluacháil ar ionstraimí caipitil a éilíonn an t-údarás réitigh atá freagrach as an institiúid.

3. Measfar go gcomhlíonfar an coinníoll atá leagtha síos i bpointe (h)(iii) de mhír 1 d'ainneoin na hionstraime lena n-íoctar iolraí díbhinne, ar choinníoll nach ndáiltear an t-iolraí díbhinne sin ar bhealach a chuireann ró-ualach díréireachach ar chistí dílse.

**▼M8**

Measfar go gcomhlíonfar an coinníoll a leagtar amach i bpointe (h)(v) den chéad fhomhír de mhír 1 d'ainneoin fochuideachta a bheith faoi réir comhaontú leis an máthairghnóthas maidir le brabús agus cailleanas a aistriú, ar dá réir a bhfuil sé d'oibleagáid ar an bhfochuideachta an toradh bliantúil a aistriú chuig an máthairghnóthas, tar éis di a ráitis airgeadais bhliantúla a ullmhú, i gcás ina gcomhlíonfar na coinníollacha uile a leanas:

- (a) gur leis an máthairghnóthas 90 %, nó níos mó, de chearta vótála agus de chaipiteal na fochuideachta;
- (b) go bhfuil an máthairghnóthas agus an fhochuideachta lonnaithe sa Bhallstát céanna;
- (c) gur chun críocha dlisteanacha cánach a tugadh an comhaontú i gcrích;
- (d) go bhfuil sé de rogha ag an bhfochuideachta suim na ndáileachán a laghdú, agus an ráiteas airgeadais bliantúil á ullmhú aici, trí chuid dá brabús nó an brabús ar fad a leithdháileadh ar a cúlchistí dílse nó ar a cistí do phriacal baincéireachta ginearálta sula ndéanfaidh sí aon íocaíocht leis an máthairghnóthas;
- (e) go bhfuil sé d'oibleagáid ar an máthairghnóthas faoin gcomhaontú sin an fhochuideachta a chúiteamh go hiomlán ar na cailleanais uile a thabhaíonn sí;
- (f) go bhfuil an comhaontú faoi réir tréimhse fógra ar dá réir is féidir an comhaontú a fhoirceannadh faoi dheireadh na bliana cunta-saíochta, agus faoi sin amháin, agus éifeacht ag an bhfoirceannadh sin tráth nach luaithe ná tosach na bliana cunta-saíochta dár gcionn,

**▼M8**

rud a fhágann nach dtagann aon athrú ar an oibleagáid atá ar an máthairghnóthas an fhochuideachta a chúiteamh go hiomlán ar na cailiteanais uile a thabhaíonn sí le linn na bliana cuntasáíochta reatha.

I gcás ina bhfuil comhaontú maidir le brabús agus cailiteanas a aistriú déanta ag institiúid, tabharfaidh sí fógra don údarás inniúil gan mhoill agus cuirfidh sí cóip den chomhaontú ar fáil don údarás inniúil. Tabharfaidh an institiúid fógra freisin don údarás inniúil gan mhoill má thagann aon athrú ar an gcomhaontú maidir le brabús agus cailiteanas a aistriú agus má fhoirceanntar é. Ní dhéanfaidh institiúid níos mó ná aon chomhaontú amháin maidir le brabús agus cailiteanas a aistriú.

**▼B**

4. Chun críche phointe (h)(i) de mhír 1, nídhéanfar ach cearta vótála difreáilte, agus iad sin amháin, a léiriú i ndáileadh difreáilte. Ar an gcaoi sin, ní bheidh dáileadh níos airde i bhfeidhm ach amháin maidir le hionstraimí Ghnáthchothromas Leibhéal 1 lena ngabhann níos lú cearta vótála nó nach ngabhann cearta vótála ar bith leo.

5. Forbróidh an ÚBE dréacht-chaighdeán theicniúla rialála d'fhonn na nithe seo a leanas a shonrú:

- (a) leaganacha agus cineálacha maoinithe indíriúcháin ionstraimí caipitil is infheidhme;
- (b) Cé acu a gcuirfeadh ildáileacháin ró-ualach díreireach ar chistí dílse agus dá gcuirfeadh, cathain;
- (c) an bhrí atá le dáileacháin fhabhracha;

**▼C1**

Cuirfidh an ÚBE na dréachtchaighdeán theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na caighdeán theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 29*

**Ionstraimí caipitil arna n-eisiúint ag cumainn fhrithpháirteacha, ag comharchumainn, ag institiúidí coigiltis agus ag institiúidí atá cosúil leo**

1. Ionstraimí caipitil arna n-eisiúint ag cumainn fhrithpháirteacha, ag comharchumainn, ag institiúidí coigiltis agus ag institiúidí atá cosúil leo, ní cháileoidh siad mar ionstraimí Ghnáthchothromas Leibhéal 1 ach amháin má chomhlíontar na coinníollacha atá leagtha síos in Airteagal 28 mar aon le modhnuithe a thig as an Airteagal seo a chur i bhfeidhm.
2. Comhlíonfar na coinníollacha seo a leanas maidir le fuascailt na n-ionstraimí caipitil:
  - (a) seachas i gcás ina dtoirmeasctear é faoin dlí náisiúnta infheidhme, beidh sé ar chumas na hinstitiúide fuascailte na n-ionstraimí a dhiúltú;
  - (b) i gcás ina bhfuil toirmeasc faoin dlí náisiúnta infheidhme ar an institiúid diúltú ionstraimí a fhuascailt, cuirfidh na forálacha a rialaíonn na hionstraimí ar chumas na hinstitiúide a bhfuascailt a theorannú;

**▼B**

(c) ní teagmhas mainneachtana de chuid na hinstitiúide a bheidh i ndiúltú na hionstraimí a fhuascailt, ná i dteorainn a chur le fuascailt na n-ionstraimí nuair is infheidhme.

3. Ní fhéadfaidh caidhp ná srian ar an uasleibhéal dáileacháin a bheith sna hionstraimí caipitil ach amháin i gcás ina bhfuil an chaidhp nó an srian sin leagtha amach faoin dlí náisiúnta infheidhme nó faoi reacht na hinstitiúide.

4. I gcás ina gcuireann na hionstraimí caipitil cearta ar fáil don úinéir maidir le cúlchistí na hinstitiúide i gcás dócmhainneachta nó leachtachta atá teoranta do luach ainmniúil na n-ionstraimí, beidh feidhm ag teorainn den chineál sin sa mhéid chéanna i gcás shealbhóirí uile gach ionstraim Ghnáthchothromas Leibhéal 1 arna heisiúint ag an institiúid sin.

An coinníoll a leagtar síos sa chéad fhomhír, ní dochar é don deis a bheith ag cumann frithpháirteach, ag comharchumann, ag institiúid coigiltis nó ag institiúid atá cosúil leis ionstraimí a aithint laistigh de Ghnáthchothromas Leibhéal 1 nach mbronntar cearta vótála don sealbhóir leo agus lena gcomhlíontar an dá choinníoll seo araon a leanas:

(a) éileamh shealbhóirí na n-ionstraimí neamh-vótála i ndócmhainneacht nó i leachtacht na hinstitiúide, is comhréireach é le scair na n-ionstraimí iomlána sin de chuid Ghnáthchothromas Leibhéal 1 arb ionann í agus na hionstraimí neamh-vótála sin;

(b) cáilíonn na hionstraimí ar shlí eile mar ionstraimí Ghnáthchothromas Leibhéal 1.

5. I gcás ina dtugann na hionstraimí caipitil teidlíocht do na húinéirí éileamh a dhéanamh ar shócmhainní na hinstitiúidí i gcás dócmhainneachta nó leachtachta atá socraithe nó faoi réir caidhpe, beidh feidhm ag teorainn den chineál sin sa mhéid chéanna i gcás shealbhóirí uile gach ionstraim Ghnáthchothromas Leibhéal 1 arna eisiúint ag an institiúid.

6. Forbróidh an ÚBE dréachtchaighdeáin theicniúla rialála chun sainiú a dhéanamh na cineálacha teorainneacha is gá ar fhuascailt, i gcás ina bhfuil toirmeasc faoin dlí náisiúnta infheidhme ar an institiúid diúltú ionstraimí cistí dílse a fhuascailt.

**▼C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 30***Na hiarmhairtí nuair a scoirtear de bheith ag comhlíonadh na gcoinníollacha maidir le hionstraimí Ghnáthchothromas Leibhéal 1**

Beidh feidhm acu seo a leanas, i gcás ionstraim Ghnáthchothromas Leibhéal 1, nuair a scoirtear de bheith ag comhlíonadh na gcoinníollacha atá leagtha síos in Airteagal 28 nó, i gcás inarb infheidhme, Airteagal 29:

**▼B**

- (a) scoirfidh an ionstraim láithreach bonn de bheith cáilithe mar ionstraim Ghnáthchothromas Leibhéal 1;
- (b) scoirfidh na cuntais scairbhisigh a bhaineann leis an ionstraim sin de bheith cáilithe mar itimí Ghnáthchothromas Leibhéal 1, láithreach bonn.

*Airteagal 31***Ionstraimí caipitil suibscríofa ag údaráis phoiblí i gcásanna géarchéime**

1. I gcásanna éigeandála, féadfaidh na húdaráis inniúla cead a thabhairt d'institiúidí ionstraimí caipitil a chomhlíonann ar a laghad na coinníollacha a leagtar síos i bpointe (b) go (e) d'Airteagal 28(1) a áireamh i nGhnáthchothromas Leibhéal 1, ar choinníoll go gcomhlíontar na coinníollacha seo a leanas:

- (a) Gur eisíodh na hionstraimí tar éis 1 Eanáir 2014.
- (b) Go measann an Coimisiún gur Státchabhair atá sna hionstraimí caipitil.
- (c) Go n-eisítear na hionstraimí caipitil i gcomhthéacs scéime athchaitlithe de bhun na rialacha maidir le Státchabhair atá ann ag an am.
- (d) Go bhfuil na hionstraimí caipitil suibscríofa go hiomlán agus ina seilbh ag an Stát nó ag údarás ábhartha poiblí nó ag eintiteas faoi úinéireacht phoiblí.
- (e) Go bhfuil na hionstraimí caipitil in ann cailleanais a sheasamh.
- (f) Ach amháin i gcás na n-ionstraimí caipitil dá dtagraítear in Airteagal 25, go dtabharfaidh na hionstraimí an teidlíocht do na húinéirí éileamh a dhéanamh ar shócmhainní iarmharacha na hionstitiúidí, i gcás leachtaithe, tar éis gach éileamh sinsearach a bheith íoctha.
- (g) Go bhfuil sásraí leordhóthanacha um imeacht ann don Stáit, nó i gcás inarb infheidhme, don údarás ábhartha poiblí nó don eintiteas faoi úinéireacht phoiblí.
- (h) Go mbeidh cead tugtha roimh ré ag an údarás inniúil agus go mbeidh a chinneadh foilsithe aige in éineacht le míniú ar an gcinneadh sin.

2. Ar iarraidh réasúnaithe a fháil ón údarás inniúil ábhartha agus i gcomhar leis, measfar don ÚBE go bhfuil na hionstraimí caipitil sin dá dtagraítear i mír 1 cóibhéiseach le hionstraimí Ghnáthchothromas Leibhéal 1 chun críocha an Rialacháin seo.

## R o i n n 2

**Scagairí stuamachta***Airteagal 32***Sócmhainní urrúsaithe**

1. Déanfaidh institiúid aon mhéadú ar a cothromas faoin gcreat cuntasaiochta is infheidhme a eascraíonn as sócmhainní urrúsaithe a eisiamh ó aon eilimint de na cistí dílse, iad seo a leanas san áireamh:

- (a) méadú den chineál sin atá gaolmhar le hioncam corrlaigh todhchaí a mbíonn gnóthachan ar dhíolachán don institiúid mar thoradh air;

**▼B**

(b) i gcás gur tionscnóir an urrúisithe an institiúid, gnóthachain ghilana a eascraíonn as caipitliú ioncaim todhchaí ó na sócmhainní urrúisithe a chuireann feabhsú creidmheasa ar fáil do shuímh san urrúsú.

2. Forbróidh an ÚBE dréachtchaighdeáin theicniúla rialála d'fhonn na coincheapa maidir le gnóthachan ar dhíolachán dá dtagraítear i bpointe (a) de mhír 1 a shonrú a thuilleadh.

**▼C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir leis an nós imeachta atá leagtha síos in Airteagail 10 go 14 de Rialachán (AE) Uimh. 1093/2010.

*Airteagal 33***Fálú sreabhadh airgid agus athruithe ar luach dliteanas dílis**

1. Ní áireoidh institiúidí na hítimí seo a leanas in aon eilimint de na cistí dílse:

- (a) na cúlchistí luacha chóir a bhaineann le gnóthachain nó cailteanais ar fhálú sreabhadh airgid d'ionstraimí airgeadais nach bhfuil luacháilte ag luach cóir, lena n-áirítear sreabhadh airgid réamh-mheasta;
- (b) gnóthachain nó cailteanais ar dhliteanais na hinstitiúide atá luacháilte ag luach cóir a eascraíonn ó athruithe ar acmhainneacht creidmheasa dílse na hinstitiúide.

**▼M8**

(c) gnóthachain agus cailteanais ar luach cóir ar dhliteanais díorthach de chuid na hinstitiúide as a dtagann athruithe ar priacal creidmheasa dhílis na hinstitiúide sin.

**▼B**

2. Chun críocha phointe (c) de mhír 1, ní fhéadfaidh institiúidí gnóthachain ná cailteanais ar luach cóir a eascraíonn as priacal creidmheasa na n-institiúidí féin a fhritháireamh ina gcoinne siúd a eascraíonn as priacal creidmheasa an chontrapháirtí.

3. Gan dochar do phointe (b) de mhír 1, féadfaidh institiúidí méid na ngnóthachan agus na gcailteanas ar a dhliteanais a áireamh i gcistí dílse i gcás ina gcomhlíontar na coinníollacha uile seo a leanas:

- (a) is i bhfoirm bannaí dá dtagraítear in Airteagal 52(4) de Threoir 2009/65/CE iad atá na dliteanais;
- (b) is mar thoradh ar na hathruithe céanna i seasamh creidmheasa dílse na hinstitiúide na hathruithe ar luach sócmhainní agus dliteanas na hinstitiúide;
- (c) tá luach na mbannaí dá dtagraítear i bpointe (a) agus luach sócmhainní na hinstitiúide ag teacht go dlúth le chéile;
- (d) is féidir na hiasachtaí morgáiste a fhuascailt trí na bannaí atá ag maoiniú na hiasachtaí morgáiste a cheannach ar ais ar luach an mhargaidh nó ar an luach ainmniúil.



**▼B**

4. Forbróidh an ÚBE dréachtchaighdeáin theicniúla rialála ina sonrúfar cad is brí le luach na mbannaí agus luach na sócmhainní, a luaitear i bpointe (c) de mhír 3, bheith ag teacht go dlúth le chéile.

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúinfaoin 30 Meán Fómhair 2013.

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 34***Coigeartuithe luacha breise**

Cuirfidh institiúidí ceanglais Airteagal 105 i bhfeidhm ar a sócmhainní uile arna dtomhas ag luach cóir nuair a ríomhtar méid a gcistí dílse agus asbhainfidh siad méid aon choigeartuithe luacha breise is gá ó chaipiteal Ghnáthchothromas Leibhéal 1.

*Airteagal 35***Gnóthachain agus cailteanais neamhréadaithe arna dtomhas ag luach cóir**

Seachas i gcás na n-ítimí dá dtagraítear in Airteagal 33, ní dhéanfaidh institiúidí coigeartuithe chun gnóthachain nó cailteanais neamhréadaithe ar a sócmhainní nó ar a dlíteanais arna dtomhas ag luach cóir a bhaint óna gcistí dílse.

## Roinn 3

**Asbhaintí as ítimí ghnáthchothromas leibhéal 1, díolúintí agus roghanna eile asbhainte**

## Foroinn 1

**Asbhaintí as ítimí ghnáthchothromas leibhéal 1***Airteagal 36***Asbhaintí as Ítimí Ghnáthchothromas Leibhéal 1**

1. Asbhainfidh institiúidí na nithe seo a leanas as ítimí Ghnáthchothromas Leibhéal 1:

- (a) cailteanais don bhliain airgeadais reatha;
- (b) sócmhainní doláimhsithe;
- (c) sócmhainní cánach iarchurtha atá ag brath ar bhrabúsacht todhchaí;
- (d) i gcás institiúidí a ríomhann méideanna risíochta atá ualaithe ó thaobh priacal trí úsáid a bhaint as an gCur Chuige Inmheánach Bunaithe ar Rátálacha (Cur Chuige IBR), méideanna diúltacha a thig ó ríomh méideanna an chailteanais ionchasaigh atá leagtha síos in Airteagal 158 agus Airteagal 159;

**▼B**

- (e) sócmhainní cistí pinsin le sochar sainithe ar chláir comhardaithe na hinstitiúide.
- (f) sealúchais dhíreacha, indíreacha agus shintéiseacha d'ionstraimí dílse Ghnáthchothromas Leibhéal 1 atá ag institiúid, lena n-áirítear ionstraimí dílse Ghnáthchothromas Leibhéal 1 atá d'oibleagáid iarbhír nó theagmhasach ar institiúid a cheannach de bhua oibleagáide conarthaí atá ann cheana;
- (g) sealúchais dhíreacha, indíreacha agus shintéiseacha d'ionstraimí Ghnáthchothromas Leibhéal 1 eintiteas earnála airgeadais sa chás ina bhfuil tras-sealúchas cómhalartach ag an institiúid leis na heintitis sin a measann an t-údarás inniúil gur ceapadh é chun cistí dílse na hinstitiúide a bhoilsciú go saorga;
- (h) méid infheidhme na sealúchas díreach, indíreach agus sintéiseach d'ionstraimí Ghnáthchothromas Leibhéal 1 eintiteas earnála airgeadais atá ag an institiúid i gcás nach bhfuil infheistíocht shuntasach ag an institiúid sna heintitis sin;
- (i) méid infheidhme na sealúchas díreach, indíreach agus sintéiseach d'ionstraimí Ghnáthchothromas Leibhéal 1 eintiteas earnála airgeadais atá ag an institiúid i gcás ina bhfuil infheistíocht shuntasach ag an institiúid sna heintitis sin;

**▼C3**

- (j) méid na n-ítimí is gá a asbhaint as ítimí Breise Leibhéal 1 de bhun Airteagal 56 a sháraíonn ítimí Breise Leibhéal 1 na hinstitiúide;

**▼B**

- (k) méid risíochta na n-ítimí seo a leanas a cháilíonn i gcomhair ualú priacal 1 250 %, i gcás ina n-asbhaineann an institiúid an méid risíochta sin ó mhéid Chaipiteal Ghnáthchothromas Leibhéal 1 mar mhalairt ar ualú priacal 1 250 % a chur i bhfeidhm:

- (i) sealúchais cháilitheacha lasmuigh den earnáil airgeadais;

**▼M5**

- (ii) suíomhanna urrúsúcháin, i gcomhréir le pointe (b) d'Airteagal 244(1), le pointe (b) d'Airteagal 245(1) agus le hAirteagal 253;

**▼B**

- (iii) seachadtaí in aisce, i gcomhréir le hAirteagal 379(3);
    - (iv) suímh i mbascaed nach bhféadfaidh institiúid an t-ualú priacal a chinneadh ina leith faoi chur chuige IRB, i gcomhréir le hAirteagal 153(8);
    - (v) risíochtaí ar chothromas faoi chur chuige na samhlacha inmheánacha, i gcomhréir le hAirteagal 155(4).
  - (l) aon mhuirear cánach a bhaineann le hítimí Ghnáthchothromas Leibhéal 1 a bheidh intuartha tráth a ríofa, cé is moite de chás ina ndéanann an institiúid oiriúnú cuí ar mhéid na n-ítimí Ghnáthchothromas Leibhéal 1 a mhéid is a laghdaíonn muirir chánach den sórt sin an t-uasmhéid ar féidir na hítimí sin a chur i bhfeidhm air chun priacail nó cailteanais a chumhdach;

**▼M7**

(m) méid infheidhme an chumhdaigh neamhdhóthanaigh le haghaidh risíochtaí neamhthuillmheacha.

**▼B**

2. Forbróidh an ÚBE dréachtchaighdeáin theicniúla rialála d'fhonn cur i bhfeidhm na hasbhaintí dá dtagraítear i bpointí (a), (c), (e), (f), (h), (i) agus (l) de mhír 1 a shonrú, mar aon leis na hasbhaintí dá dtagraítear i bpointí (a), (c), (d) agus (f) d'Airteagal 56 agus pointí (a), (c) agus (d) d'Airteagal 66.

**▼C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

3. Forbróidh an ÚBE dréachtchaighdeáin theicniúla rialála d'fhonn sonrú a dhéanamh ar na cineálacha ionstraimí caipitil atá ag institiúidí airgeadais agus, i gcomhairle leis an Údarás Maoirseachta Eorpach (An tÚdarás Eorpach um Árachas agus Pinsin Cheirde) UAPGE, arna bhunú le Rialachán (AE) Uimh.1094/2010 <sup>(1)</sup> ó Pharlaimint na hEorpa agus ón gComhairle an 24 Samhain 2010., ag gnóthais árachais agus athárachais tríú tíre, agus ag gnóthais arna n-eisiamh ó raon feidhme Threoir 2009/138/CE de réir Airteagal 4 den Treoir sin, agus a asbhainfead as na gnéithe seo a leanas de chistí dílse:

- (a) Ítimí Ghnáthchothromas Leibhéal 1;
- (b) Ítimí Breise Leibhéal 1;
- (c) Ítimí Leibhéal 2.

**▼C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

**▼M8**

4. Forbróidh ÚBE dréachtchaighdeáin theicniúla rialála chun cur i bhfeidhm na n-asbhaintí dá dtagraítear i bpointe (b) de mhír 1 a shonrú, lena n-áirítear ábharthacht na n-éifeachtaí diúltacha ar an luach nach ábhar inní iad ó thaobh stuamachta de.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Meitheamh 2020.

Tarmligtear chuig an gCoimisiún an chumhacht chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

<sup>(1)</sup> IO L 331, 15.12.2010, lch. 48.

**▼B***Airteagal 37***Sócmhainní doláimhsithe a asbhaint**

Déanfaidh na hinstitiúidí méid na sócmhainní doláimhsithe a bheidh le hasbhaint a chinneadh mar seo a leanas:

- (a) laghdófar an méid atá le hasbhaint de réir mhéid na ndlíteanas cánach iarchurtha gaolmhar a mhúchfaí dá dtiocfadh lagú ar na sócmhainní doláimhsithe nó dá mbainfí den chlár comhardaithe iad faoin gcreat cuntasaióchta is infheidhme;
- (b) cuimseoidh an méid atá le hasbhaint cáilmheas arna áireamh sa luacháil ar infheistíochtaí suntasacha na hinstitiúide;

**▼M8**

- (c) bainfeadh méid na hathluachála cuntasaióchta ar shócmhainní doláimhsithe na gcuideachtaí arna dhíorthú ó chomhdhlúthú fochuideachtaí is inchurtha i leith daoine seachas na gnóthais atá sa chomhdhlúthú de bhun Chaibidil 2 de Theideal II de Chuid a hAon, bainfeadh an méid sin den mhéid atá le hasbhaint.

**▼B***Airteagal 38***Sócmhainní cánach iarchurtha atá ag brath ar bhrabúsacht todhchaí a asbhaint**

1. Déanfaidh institiúidí méid na sócmhainní cánach iarchurtha atá ag brath ar bhrabúsacht todhchaí a chaithfeadh a asbhaint i gcomhréir leis an Airteagal seo a chinneadh.

2. Seachas i gcás ina gcomhlíontar na coinníollacha atá leagtha síos i mír 3, ríomhfar méid na sócmhainní cánach iarchurtha atá ag brath ar bhrabúsacht todhchaí gan é a laghdú de réir mhéid na ndlíteanas cánach iarchurtha gaolmhar atá ag an institiúid.

3. Féadfar méid na sócmhainní cánach iarchurtha atá ag brath ar bhrabúsacht todhchaí a laghdú de réir mhéid na ndlíteanas cánach iarchurtha gaolmhar atá ag an institiúid, ar an gcoinníoll go gcomhlíontar na coinníollacha seo a leanas:

- (a) tá ceart ag an eintiteas faoin dlí náisiúnta is infheidhme, ar ceart é atá infhorghníomhaithe ó thaobh dlí de, chun na sócmhainní cánach reatha sin a fhritháireamh in aghaidh dlíteanas cánach reatha;
- (b) baineann na sócmhainní cánach iarchurtha sin agus na dlíteanais chánach iarchurtha le cánacha ioncaim a ghearrann an t-údarás cánachais céanna ar an eintiteas inchánach céanna.

4. Ní fhéadfar dlíteanais chánach iarchurtha, a laghdaíonn méid na sócmhainní doláimhsithe nó na sócmhainní cistí pinsin le sochar sainithe a chaithfeadh a asbhaint, a áireamh faoi dhlíteanais chánach iarchurtha ghaolmhara na hinstitiúide a úsáidtear chun críocha mhír 3.

5. Déanfar méid na ndlíteanas cánach iarchurtha gaolmhar dá dtagraítear i mír 4 a leithdháileadh orthu seo a leanas:

- (a) sócmhainní cánach iarchurtha atá ag brath ar bhrabúsacht todhchaí agus a thagann ó dhifriochtaí sealadacha nach n-asbhaintear i gcomhréir le hAirteagal 48(1);

**▼B**

- (b) na sócmhainní cánach iarchurtha eile go léir atá ag brath ar bhrabúsacht todhchaí.

Déanfaidh institiúidí na dliteanais chánach iarchurtha ghaolmhara a leithdháileadh de réir an chion de shócmhainní cánach iarchurtha atá ag brath ar bhrabúsacht todhchaí a bhfuil na hítimí dá dtagraítear i bpointí (a), (b), agus (c) in ionannas leis.

*Airteagal 39*

**Ró-íocaíochtaí cánach, tabhairt siar cailteanais chánach agus sócmhainní cánach iarchurtha nach bhfuil ag brath ar bhrabúsacht todhchaí**

1. Ní asbhainfeadh na hítimí a leanas ó na cistí dílse agus beidh siad faoi réir ualú priacal i gcomhréir le Caibidil 2 nó Caibidil 3 de Theideal II de Chuid a Trí, de réir mar is infheidhme,:

- (a) ró-íocaíochtaí cánach a rinne an institiúid sa bhliain reatha;
- (b) cailteanais chánach na hinstiúide sa bhliain reatha arna dtabhairt siar go blianta roimhe sin as a dtig éileamh ar, nó earra infhaighte ó, rialtas láir, rialtas réigiúnach nó údarás cánach áitiúil.

2. ► **M8** Beidh na sócmhainní cánach iarchurtha nach bhfuil ag brath ar bhrabúsacht todhchaí teoranta do shócmhainní cánach iarchurtha a cruthaíodh roimh 23 Samhain 2016 agus a eascraíonn as difríochtaí sealadacha, i gcás ina gcomhlíontar na coinníollacha seo a leanas ar fad: ◀

- (a) cuirtear creidmheas cánach ina n-ionad go huathoibríoch agus go héigeantach gan mhoill, i gcás ina dtuairiscíonn an institiúid cailteanas nuair a fhorghéar ráitis airgeadais bhliantúla na hinstiúide go foirmiúil, agus i gcás leachtú nó dócmhainneacht na hinstiúide;
- (b) beidh an institiúid in ann, de réir an dlí cánach náisiúnta is infheidhme, creidmheas cánach dá dtagraítear in bpointe (a) a fhri-tháireamh i gcoinne aon dliteanais chánach atá ag an institiúid nó aon ghnóthais eile ar áireamh sa chomhdhlúthú céanna agus an institiúid chun críocha cánach de réir an dlí sin nó aon ghnóthais eile faoi réir na maoirseachta ar bhonn comhdhlúthaithe i gcomhréir le Caibidil 2 de Theideal II de Chuid a hAon;
- (c) i gcás ina sáraíonn méid na gcreidmheasanna cánach dá dtagraítear i bpointe (b) na dliteanais chánach dá dtagraítear sa phointe sin, cuirtear éileamh díreach ar rialtas láir an Bhallstáit ina ionchorpraítear an institiúid in ionad barrachais den chineál sin gan mhoill.

Cuirfidh na hinstiúidí ualú priacal de 100 % i bhfeidhm maidir le sócmhainní cánach iarchurtha i gcás ina gcomhlíontar na coinníollacha atá leagtha síos i bpointí a) b) agus c).

*Airteagal 40*

**Méideanna diúltacha a thig ó ríomh méideanna an chaillteanais ionchasaigh a asbhaint**

**▼C2**

Ní dhéanfar an méid a bheidh le hasbhaint i gcomhréir le pointe (d) d'Airteagal 36(1) a laghdú trí mhéadú i leibhéal na sócmhainní cánach iarchurtha atá ag brath ar bhrabúsacht todhchaí, nó trí éifeacht chánach bhreise eile, a d'fhéadfadh a bheith ann dá dtarlódh sé go méadódh soláthairtí go leibhéal an chaillteanais ionchasaigh dá dtagraítear i Roinn 3 de Chaibidil 3 de Theideal II de Chuid a Trí.

**▼B***Airteagal 41***Sócmhainní cistí pinsin le sochar sainithe a asbhaint****▼C2**

1. Chun críocha phointe (e) d'Airteagal 36(1), déanfar méid na sócmhainní cistí pinsin le sochar sainithe a bheidh le hasbhaint a laghdú an méid seo leanas:

- (a) méid aon dliteanais cánach iarchurtha ghaolmhair arbh fhéidir go múchfaí é dá dtiocfadh lagú ar na sócmhainní nó dá ndéanfaí iad a bhaint den chláir comhardaithe faoin gcreat cuntasaióchta is infheidhme;
- (b) méid na sócmhainní sa chiste pinsin le sochar sainithe nach bhfuil srian ar chumas na hinstiúide iad a úsáid, ar an gcoinníoll go bhfuil cead roimh ré faighte ag an instiúid ón údarás inniúil.

Na sócmhainní sin a úsáidtear chun an méid a asbhainfear a laghdú, cuirfear ualú priacal leo i gcomhréir le Caibidil 2 nó Caibidil 3 de Theideal II de Chuid a Trí, de réir mar is infheidhme.

**▼B**

2. Forbróidh an ÚBE dréachtchaighdeáin theicniúla rialála d'fhonn na critéir a shonrú lena dtabharfaidh údarás inniúil cead d'instiúid méid na sócmhainní sa chiste pinsin le sochar sainithe, arna shainiú i bpointe (b) de mhír 1, a laghdú.

**▼C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go 14 de Rialachán (AE) Uimh. 1093/2010.

*Airteagal 42***Sealúchais ionstraimí dílse Ghnáthchothromas Leibhéal 1 a asbhaint**

Chun críocha phointe (f) d'Airteagal 36(1) i gcomhréir le hAirteagal 36, ríomhfaidh instiúidí sealúchais d'ionstraimí dílse Ghnáthchothromas Leibhéal 1 ar bhonn ollsuíomh fada faoi réir na n-eisceachtaí seo a leanas:

- (a) féadfaidh instiúidí méid na sealúchais d'ionstraimí dílse Ghnáthchothromas Leibhéal 1 a ríomh ar bhonn an ghlansuímh fhada ar an gcoinníoll go gcomhlíonfar an dá choinníoll seo a leanas:
  - (i) go bhfuil an risíocht fholuiteach chéanna ag na suímh fhada agus ghearra agus nach bhfuil aon priacal contrapháirtí ag baint leis na suímh ghearra;
  - (ii) go gcoimeádtar na suímh ghearra nó na suímh fhada araon sa leabhar trádála, nó go gcoimeádtar iad araon sa leabhar neamhtrádála;
- (b) déanfaidh instiúidí an méid a asbhainfear i dtaca le sealúchais dhíreacha, indíreacha agus shintéiseacha d'urrúis innéacsanna a chinneadh tríd an risíocht fholuiteach ar ionstraimí dílse Ghnáthchothromas Leibhéal 1 sna hinnéacsanna sin a ríomh;

**▼B**

- (c) féadfaidh institiúidí ollsuímh fhada in ionstraimí dílse Ghnáthchothromas Leibhéal 1 a thig ó shealúchais d'urrúis innéacsanna a ghlanluacháil i gcoinne suíomh gearr in ionstraimí dílse Ghnáthchothromas Leibhéal 1 a thig ó shuímh ghearra sna hinnéacsanna foluiteacha, lena n-áirítear an cás ina bhfuil priacal contrapháirtí ag baint leis na suímh ghearra sin, ar an gcoinníoll go gcomhlíonfar na coinníollacha seo a leanas:
- (i) go bhfuil na suímh fhada agus na suímh ghearra sna hinnéacsanna foluiteacha céanna;
  - (ii) go gcoimeádtar na suímh ghearra nó na suímh fhada araon sa leabhar trádála, nó go gcoimeádtar iad araon sa leabhar neamhtrádála.

*Airteagal 43***Infheistíocht shuntasach in eintiteas earnála airgeadais**

Chun críocha asbhaint a dhéanamh, tiocfaidh infheistíocht shuntasach institiúide in eintiteas earnála airgeadais chun cinn sa chás ina gcomhlíontar aon cheann de na coinníollacha seo a leanas

- (a) tá os cionn 10 % de na hionstraimí ghnáthchothromas Leibhéal 1 arna n-eisiúint ag an eintiteas sin faoi úinéireacht na hinstitiúide;
- (b) tá dlúthnais ag an institiúid leis an eintiteas sin agus tá ionstraimí Ghnáthchothromas Leibhéal 1 arna n-eisiúint ag an eintiteas sin faoi úinéireacht na hinstitiúide;
- (c) tá ionstraimí Ghnáthchothromas Leibhéal 1 arna n-eisiúint ag an eintiteas sin faoi úinéireacht na hinstitiúide agus ní áirítear an t-eintiteas sa chomhdhlúthú de bhun Chaibidil 2 de Theideal II de Chuid a hAon, ach áirítear é sa chomhdhlúthú cuntasáiochta céanna leis an institiúid ar mhaithe le tuairisciú airgeadais faoin gcreat cuntasáiochta is infheidhme.

*Airteagal 44***Sealúchais d'ionstraimí Ghnáthchothromas Leibhéal 1 eintiteas na hearnála airgeadais a asbhaint i gcás ina bhfuil tras-sealúchas cómhalartach a ceapadh go saorga chun cistí dílse a bhoilsciú ag institiúid**

Déanfaidh institiúidí na hasbhaintí dá dtagraítear i bpointí (g), (h) agus (i) d'Airteagal 36(1) i gcomhréir leis an méid seo a leanas:

- (a) déanfar sealúchais d'ionstraimí Ghnáthchothromas Leibhéal 1 agus d'ionstraimí caipitil eile arna n-eisiúint ag eintitis earnála airgeadais a ríomh ar bhonn na n-ollsuíomh fada;
- (b) déanfar ítimí chistí dílse d'árachas Leibhéal 1 a láimhseáil mar shealúchais d'ionstraimí Ghnáthchothromas Leibhéal 1 chun críocha asbhainte.

**▼B***Airteagal 45***Sealúchais d'ionstraimí ghnáthchothromas Leibhéal 1 de chuid eintiteas earnála airgeadais a asbhaint**

Déanfaidh institiúidí na hasbhaintí a cheanglaítear faoi phointe (h) agus pointe (i) d'Airteagal 36(1) i gcomhréir leis an méid seo a leanas:

- (a) féadfaidh siad sealúchais dhíreacha, indíreacha agus sintéiseacha d'ionstraimí Ghnáthchothromas Leibhéal leintiteas earnála airgeadais a ríomh ar bhonn an ghlansuímh fhada atá sa risíocht fholuitech chéanna ar an gcoinníoll go gcomhlíontar an dá choinníoll seo a leanas:

**▼M8**

- (i) dáta aibíochta an tsuímh ghearr, is ionann é agus dáta aibíochta an tsuímh fhada nó is déanaí é ná an dáta sin, nó is é bliain amháin, ar a laghad, aibíocht iarmhair an tsuímh ghearr;

**▼B**

- (ii) go gcoimeádtar na suímh ghearra agus na suímh fhada araon sa leabhar neamhtrádála nó go gcoimeádtar iad araonsa leabhar trádála;
- (b) déanfaidh institiúidí an méid a asbhainfear i dtaca le sealúchais dhíreacha, indíreacha agus shintéiseacha d'urrúis innéacsanna a chinneadh tríd an risíocht fholuitech ar ionstraimí caipitil na n-eintiteas earnála airgeadais sna hinnéacsanna sin a ríomh.

*Airteagal 46***Sealúchais ionstraimí Ghnáthchothromas Leibhéal 1a asbhaint i gcás nach bhfuil infheistíocht shuntasach ag institiúid in eintiteas earnála airgeadais**

1. Chun críocha phointe (h) d'Airteagal 36(1), ríomhfaidh institiúidí an méid is infheidhme a asbhainfear tríd an méid dá dtagraítear i bpointe (a) den mhír seo a iolrú faoin bhfachtóir a dhíorthaítear ón ríomh dá dtagraítear i bpointe (b) den mhír seo:

- (a) an méid comhiomlán a sháraítear leis na sealúchais dhíreacha, indíreacha agus shintéiseacha d'ionstraimí Ghnáthchothromas Leibhéal 1, de Chaipiteal Breise Leibhéal 1 agus de Chaipiteal Leibhéal 2 eintiteas earnála airgeadais nach bhfuil infheistíocht shuntasach ag an institiúid iontu 10 % de chomhiomláin na hítimí Ghnáthchothromas Leibhéal 1 atá ag an institiúid agus ríomhtar an méid comhiomlán sin tar éis iad seo a leanas a chur i bhfeidhm maidir leis na hítimí Ghnáthchothromas Leibhéal 1:
- (i) Airteagail 32 go 35;
- (ii) na hasbhaintí dá dtagraítear i bpointí (a) go (g), i bpointí k(ii) go k(v) agus i bpointe (l) d'Airteagal 36(1), cé is moite den mhéid a bheidh le hasbhaint i dtaca le sócmhainní cánach iarchurtha atá ag brath ar bhrabúsacht todhchaí agus a thig ó dhifríochtaí sealadacha;

- (iii) Airteagal 44 agus Airteagal 45



**▼B**

- (b) an méid comhiomlán a sháraítear le sealúchais dhíreacha, indíreacha agus shintéiseacha ionstraimí Ghnáthchothromas Leibhéal 1 d'eintitis earnála airgeadais nach bhfuil infheistíocht shuntasach ag an institiúid iontu a ►C2 roinnt faoi mhéid foriomlán na sealúchais díreach, indíreach agus sintéiseach atá i seilbh na hinstitiúide d'ionstraimí Ghnáthchothromas Leibhéal 1, Leibhéal Breise 1 agus Leibhéal Breise 2 na n-eintiteas sin san earnáil airgeadais. ◀

2. Déanfaidh institiúidí suímh fhrithgheallta arna sealbhú ar feadh cúig lá oibre nó níos giorra a eisiáimh ón méid dá dtagraítear i bpointe (a) de mhír 1 agus ó ríomh an fhachtóra dá dtagraítear i bpointe (b) de mhír 1.

**▼C2**

3. Déanfar an méid atá le hasbhaint de bhun mhír 1 a chionroinnt thar gach ionstraim Ghnáthchothromas Leibhéal 1 arna sealbhú. Déanfaidh institiúidí méid gach ionstraime Ghnáthchothromas Leibhéal 1 a asbhaintear de bhun mhír 1 a chinneadh tríd an méid atá sonraithe i bpointe (a) den mhír seo a mhéadú faoin gcion atá sonraithe i bpointe (b) den mhír seo:

**▼B**

- (a) méid na sealúchais is gá a asbhaint de bhun mhír 1;
- (b) an méid comhiomlán de na sealúchais dhíreacha, indíreacha agus shintéiseacha atá i seilbh na hinstitiúide d'ionstraimí Ghnáthchothromas Leibhéal 1 d'eintitis earnála airgeadais nach bhfuil infheistíocht shuntasach ag an institiúid iontu a léirítear le gach ionstraim Ghnáthchothromas Leibhéal 1 atá sealbhaithe.

4. Ní asbhainfear méid na sealúchais dá dtagraítear i bpointe (h) d'Airteagal 36(1) atá cothrom le nó níos lú ná 10 % de na hítimí Ghnáthchothromas Leibhéal 1 atá ag an institiúid tar éis na forálacha atá leagtha síos i bpointí (a)(i) go (iii) de mhír 1 a chur i bhfeidhm agus beidh siad faoi réir na n-ualaí príacal is infheidhme i gcomhréir le Caibidil 2 nó Caibidil 3 de Theideal II de Chuid a Trí agus na gceanglas atá leagtha síos i dTeideal IV de Chuid a Trí, de réir mar is infheidhme.

**▼C2**

5. Déanfaidh institiúidí méid gach ionstraime Ghnáthchothromas Leibhéal 1 atá ualaithe de réir príacal de bhun mhír 4 a chinneadh tríd an méid atá sonraithe i bpointe (a) den mhír seo a iolrú leis an méid atá sonraithe i bpointe (b) den mhír seo:

(a) méid na sealúchais is gá a ualú de réir príacal de bhun mhír 4;

(b) an cion a eascraíonn as an ríomh i bpointe (b) de mhír 3.

**▼B***Airteagal 47***Sealúchais ionstraimí Ghnáthchothromas Leibhéal 1 a asbhaint i gcás ina bhfuil infheistíocht shuntasach ag institiúid in eintiteas earnála airgeadais**

Chun críocha phointe (i) d'Airteagal 36(1), ní dhéanfar suímh frithgheallta arna sealbhú ar feadh cúig lá oibre nó níos giorra a áireamh sa mhéid infheidhme a asbhainfear as ítimí Ghnáthchothromas Leibhéal 1 agus socrófar iad i gcomhréir le hAirteagal 44 agus Airteagal 45 agus le foroinn 2.

**▼M7***Airteagal 47a***Risíochtaí neamhthuillmheacha**

1. Chun críocha phointe (m) d'Airteagal 36(1), áireofar le risíocht aon cheann de na hítimí seo a leanas, ar choinníoll nach gcuirtear iad ar áireamh i leabhar trádála na hinstitiúide:

- (a) ionstraim fiachais, lena n-áirítear urrús fiachais, iasacht, airleacan, agus taisce phrapéilimh;
- (b) gealltanais iasachta a tugadh, ráthaíocht airgeadais a tugadh nó aon ghealltanais eile a tugadh, is cuma cé acu atá sé in-chúlghairthe nó neamh-inchúlghairthe, cé is moite de shaoráidí creidmheasa neamh-tharraingthe a fhéadfar a chur ar ceal gan choinníoll tráth ar bith gan fógra, nó a bhforáiltear go héifeachtach iontu d'uathchealú mar thoradh ar mheathlú in acmhainneacht chreidmheasa an iasachtaí.

2. Chun críocha phointe (m) d'Airteagal 36(1), beidh luach risíochta aon ionstraime fiachais cothrom leis an luach cuntasáíochta atá uirthi, rud a thomhaisfear gan aon choigeartuithe sonracha i leith priacal creidmheasa, coigeartuithe luacha breise i gcomhréir le hAirteagail 34 agus 105, méideanna arna n-asbhaint i gcomhréir le pointe (m) d'Airteagal 36(1), laghduithe eile ar chistí dílse a bhaineann leis an risíocht nó discríobh i bpáirt arna ndéanamh ag an institiúid ón tráth deireanach ar aicmíodh an risíocht mar risíocht neamhthuillmheach a chur san áireamh.

Chun críocha phointe (m) d'Airteagal 36(1), áireofar an difríocht idir an luach ceannaigh agus an méid atá dlite ón bhféichiúnaí ar luach risíochta ionstraime fiachais a ceannaíodh ar phraghas níos ísle ná an méid atá dlite ón bhféichiúnaí.

Chun críocha phointe (m) d'Airteagal 36(1), beidh luach risíochta aon cheangaltais iasachta a thugtar, aon ráthaíochta airgeadais a thugtar nó aon cheangaltas eile a thugtar dá dtagraítear i bpointe (b) de mhír 1 den Airteagal seo cothrom leis an luach ainmniúil atá air nó uirthi, rud a bheidh cothrom le risíocht uasta na hinstitiúide ar phriacal creidmheasa gan aird a thabhairt ar aon chosaint chreidmheasa chistithe nó neamhchistithe. Beidh luach ainmniúil aon cheangaltais iasachta a tugadh cothrom leis an méid neamhtharraingthe ar gheall an institiúid go dtabharfadh sí ar iasacht é agus beidh luach ainmniúil aon ráthaíochta airgeadais a tugadh cothrom leis an méid uasta a d'fhéadfadh a bheith ar an eintiteas a íoc dá nglaofaí an ráthaíocht.

Ní chuirfear san áireamh leis an luach ainmniúil dá dtagraítear sa tríú fomhír den mhír seo aon choigeartú sonracha i leith priacal creidmheasa, aon choigeartuithe luacha breise i gcomhréir le hAirteagail 34 agus 105, méideanna arna n-asbhaint i gcomhréir le pointe (m) d'Airteagal 36(1) nó laghduithe eile ar chistí dílse a bhaineann leis an risíocht.

## ▼M7

3. Chun críocha phointe (m) d'Airteagal 36(1), aicmeofar na risíochtaí seo a leanas mar risíochtaí neamhthuillmheacha:

- (a) risíocht ar ina leith a mheastar go raibh mainneachtain ann i gcomhréir le hAirteagal 178;
- (b) risíocht a mheastar a bheith lagaithe i gcomhréir leis an gcreat cuntasaíochta is infheidhme;
- (c) risíocht atá faoi phromhadh de bhun mhír 7, i gcás ina ndeonaítear bearta staonta breise nó ina bhfuil an risíocht thar téarma níos faide ná 30 lá;
- (d) risíocht atá i bhfoirm ceangaltas ar dóigh nach n-aisiocfaí ina hiomláine é gan comhthaobhacht a réadú dá dtarraingeofaí anuas é nó dá n-úsáidfí ar shlí eile é;
- (e) risíocht atá i bhfoirm ráthaíocht airgeadais ar dóigh go nglaofaidh an páirtí ráthaithe í, lena n-áirítear i gcás ina gcomhlíonann an risíocht ráthaithe fholuiteach na critéir maidir lena meas mar bheith neamhthuillmheach.

Chun críche phointe (a), i gcás ina bhfuil risíochtaí sa chlár comhardaithe ag institiúid ar oibleagáideoir, ar risíochtaí iad atá thar téarma níos faide ná 90 lá agus a chomhfhreagraíonn do níos mó ná 20 % de na risíochtaí uile sa chlár comhardaithe ar an oibleagáideoir sin, measfar gach risíocht sa chlár comhardaithe agus lasmuigh den chlár comhardaithe ar an oibleagáideoir sin a bheith neamhthuillmheach.

4. Maidir le risíochtaí nach bhfuil faoi réir aon bhirt staonta, scoirfear dá n-aicmiú mar risíochtaí neamhthuillmheacha chun críocha phointe (m) d'Airteagal 36(1) i gcás ina gcomhlíontar gach ceann de na coinníollacha seo a leanas:

- (a) comhlíonann an risíocht na critéir imeachta a chuireann an institiúid i bhfeidhm chun scor de risíocht a aicmiú mar risíocht lagaithe i gcomhréir leis an gcreat cuntasaíochta is infheidhme agus chun scor de risíocht a aicmiú mar risíocht a mhainnigh i gcomhréir le hAirteagal 178;
- (b) tá an oiread sin feabhais tagtha ar staid an oibleagáideora gur deimhin leis an institiúid gur dócha go ndéanfar aisíocaíocht iomlán thráthúil;
- (c) ní ag an oibleagáideoir aon mhéid atá thar téarma níos faide ná 90 lá.

5. Ní scoirfear de risíocht a aicmiú mar risíocht neamhthuillmheach chun críocha phointe (m) d'Airteagal 36(1) i gcás ina n-aicmeofar risíocht neamhthuillmheach mar shócmhainn neamhreacha atá á sealbhú lena díol i gcomhréir leis an gcreat cuntasaíochta is infheidhme.

6. Maidir le risíochtaí neamhthuillmheacha atá faoi réir bearta staonta, scoirfear dá n-aicmiú mar risíochtaí neamhthuillmheacha chun críocha phointe (m) d'Airteagal 36(1) i gcás ina gcomhlíontar gach ceann de na coinníollacha seo a leanas:

- (a) tá scortha ag na risíochtaí sin de bheith i staid a d'fhágfadh go n-aicmeofaí iad mar risíochtaí neamhthuillmheacha faoi mhír 3;
- (b) tá bliain amháin ar a laghad imithe thart ón dáta a deonaíodh na bearta staonta nó ón dáta a aicmíodh na risíochtaí mar risíochtaí neamhthuillmheacha, cibé tráth acu is déanaí;
- (c) níl aon mhéid thar téarma ann tar éis na mbearta staonta agus is deimhin leis an institiúid, bunaithe ar an anailís ar staid airgeadais an oibleagáideora, gur dócha go ndéanfar aisíocaíocht iomlán thráthúil i leith na risíochta.

▼ **M7**

Ní mheasfar gur dócha go ndéanfar aisíocaíocht iomlán thráthúil i gcás ina ndéanann an t-oibleagáideoir íocaíochtaí rialta tráthúla atá cothrom le ceann amháin díobh seo a leanas:

- (a) an méid a bhí thar téarma sular deonaíodh an beart staonta, i gcás ina raibh méideanna thar téarma ann;
- (b) an méid a díscríobhadh faoi na bearta staonta a deonaíodh, i gcás nach raibh aon mhéideanna thar téarma ann.

7. I gcás ina scoirfeadh de risíocht a aicmiú mar risíocht neamhthuillmheach de bhun mhír 6, beidh an risíocht sin faoi phromhadh go dtí go gcomhlíonfar gach ceann de na coinníollacha seo a leanas:

- (a) chuaigh dhá bhliain ar a laghad thart ón dáta a athaicmíodh an risíocht atá faoi réir bearta staonta mar risíocht thuillmheach;
- (b) rinneadh íocaíochtaí rialta tráthúla le linn leath na tréimhse ar a laghad ina raibh an risíocht faoi phromhadh, rud a d'fhág gur íocadh méid comhiomlán suntasach príomhshuime nó úis;
- (c) níl aon cheann de na risíochtaí ar an oibleagáideoir thar téarma níos faide ná 30 lá.

*Airteagal 47b***Bearta staonta**

1. Is é atá i gceist le beart staonta aon lamháltas a dhéanfaidh institiúid i leith oibleagáideoir a bhfuil deacrachtaí aige a ghealltanais airgeadais a shásamh nó ar dócha go mbeidh deacrachtaí den sórt sin aige. Féadfar cailleanas don iasachtóir a bheith i gceist le lamháltas agus bainfidh sé le ceann amháin de na gníomhaíochtaí seo a leanas:

- (a) athrú ar théarmaí agus ar choinníollacha oibleagáide fiachais, i gcás nach ndéanfaí athrú den sórt sin murach deacrachtaí a bheith ag an oibleagáideoir a ghealltanais airgeadais a shásamh;
- (b) athmhaoiniú iomlán nó páirteach oibleagáide fiachais, i gcás nach ndéanfaí athmhaoiniú den sórt sin murach deacrachtaí a bheith ag an oibleagáideoir a ghealltanais airgeadais a shásamh.

2. Measfar gur bearta staonta iad na staideanna seo a leanas ar a laghad:

- (a) téarmaí conartha nua atá níos fabhraí don oibleagáideoir ná na téarmaí conartha roimhe sin, i gcás ina bhfuil deacrachtaí ag an oibleagáideoir a ghealltanais airgeadais a shásamh nó ar dócha go mbeidh deacrachtaí den sórt sin aige;
- (b) téarmaí conartha nua atá níos fabhraí don oibleagáideoir ná na téarmaí conartha arna dtairiscint ag an institiúid chéanna d'oibleagáideoirí a raibh próifíl priacal den chineál céanna acu ag an am sin, i gcás ina bhfuil deacrachtaí ag an oibleagáideoir a ghealltanais airgeadais a shásamh nó ar dócha go mbeidh deacrachtaí den sórt sin aige;
- (c) bhí an risíocht faoi na téarmaí conartha tosaigh aicmithe mar risíocht neamhthuillmheach sula ndearnadh an t-athrú ar na téarmaí conartha nó bheadh an risíocht aicmithe mar risíocht neamhthuillmheach dá mba rud é nach ndearnadh aon athrú ar na téarmaí conartha;
- (d) is é an toradh atá ar an mbeart gur cuireadh an oibleagáid fiachais iomlán nó cuid di ar ceal;
- (e) formheasann an institiúid feidhmiú clásal lena gcumasaítear don oibleagáideoir téarmaí an chonartha a athrú agus bhí an risíocht

▼ **M7**

aicmithe mar risíocht neamhthuillmheach sular feidhmíodh na clásail sin, nó d'aicmeofaí an risíocht mar risíocht neamhthuillmheach mura bhfeidhmeofaí na clásail sin;

- (f) tráth a deonaíodh an fiachas, nó gar don tráth sin, rinne an t-oibleagáideoir íocaíochtaí príomhshuime nó úis ar oibleagáid fiachais eile leis an institiúid chéanna, ar oibleagáid í a bhí aicmithe mar risíocht neamhthuillmheach nó a bheadh aicmithe mar risíocht neamhthuillmheach mura ndéanfaí na híocaíochtaí sin;
- (g) is é atá i gceist leis an athrú ar théarmaí an chonartha aisíocaíochtaí a dhéanamh trí sheilbh a ghlacadh ar chomhthaobhacht, i gcás inarb ionann athrú den sórt sin agus lamhálas.

3. Tá na himthosca seo a leanas ina dtáscairí á léiriú go bhféadfadh gur glacadh bearta staonta:

- (a) bhí an conradh tosaigh thar téarma níos faide ná 30 lá uair amháin ar a laghad le linn na trí mhí sula ndearnadh athrú air nó bheadh sé thar téarma níos faide ná 30 lá mura ndéanfaí aon athrú air;
- (b) tráth a tugadh an comhaontú creidmheasa i gcéim, nó gar don tráth sin, rinne an t-oibleagáideoir íocaíochtaí príomhshuime nó úis ar oibleagáid fiachais eile leis an institiúid chéanna, ar oibleagáid í a bhí thar téarma níos faide ná 30 lá uair amháin ar a laghad le linn na trí mhí sular deonaíodh an fiachas nua;
- (c) formheasann an institiúid feidhmiú clásal lena gcumasaítear don oibleagáideoir téarmaí an chonartha a athrú agus tá an risíocht thar téarma 30 lá nó bheadh an risíocht thar téarma 30 lá mura bhfeidhmeofaí na clásail sin.

4. Chun críocha an Airteagail seo, déanfar deacrachtaí atá ag oibleagáideoir i ndáil lena ghealltanais airgeadais a shásamh a mheas ar leibhéal an oibleagáideora, agus aird á tabhairt ar na heintitis dhlíthiúla uile atá i ngrúpa an oibleagáideora agus atá i gcomhdhlúthú cunta-saíochta an ghrúpa, agus na daoine nádúrtha a rialaíonn an grúpa sin.

*Airteagal 47c***Asbhaint le haghaidh risíochtaí neamhthuillmheacha**

1. Chun críocha phointe (m) d'Airteagal 36(1), is tríd an méid a chinnfear i bpointe (b) den mhír seo a dhealú ón méid a chinnfear i bpointe (a) den mhír seo a chinnfidh institiúidí an méid cumhdaigh neamhdhóthanaigh is infheidhme le haghaidh gach risíochta neamhthuillmhí ar leithligh a asbhainfear ó ítimí Ghnáthchothromas Leibhéal 1, i gcás inar mó an tsuim dá dtagraítear i bpointe (a) ná an tsuim dá dtagraítear i bpointe (b):

- (a) suim na nithe seo a leanas:
  - (i) an chuid neamhurráithe de gach risíocht neamhthuillmheach, más ann di, arna hionlú faoin bhfachtóir is infheidhme dá dtagraítear i mír 2;
  - (ii) an chuid urráithe de gach risíocht neamhthuillmheach, más ann di, arna hionlú faoin bhfachtóir is infheidhme dá dtagraítear i mír 3;
- (b) suim na n-ítimí seo a leanas ar choinníoll go mbaineann siad leis an risíocht neamhthuillmheach chéanna:
  - (i) coigeartuithe sonracha i leith priacal creidmheasa;
  - (ii) coigeartuithe luacha breise i gcomhréir le hAirteagail 34 agus 105;

## ▼M7

- (iii) laghduithe eile ar chistí dílse;
- (iv) i gcás institiúidí a ríomhann méideanna risíochta atá ualaithe ó thaobh priacal trí úsáid a bhaint as an gCur Chuige Bunaithe ar Rátálacha Inmheánacha, dearbhluach na méideanna arna n-asbhaint de bhun phointe (d) d'Airteagal 36(1) a bhaineann le risíochtaí neamhthuillmheacha, i gcás ina gcinnfear an dearbhluach is inchurtha i leith gach risíochta neamhthuillmhí trí na méideanna arna n-asbhaint de bhun phointe (d) d'Airteagal 36(1) a iolrú faoin rannchuidiú a dhéanfaidh an méid cailleanais ionchasaigh le haghaidh na risíochta neamhthuillmhí maidir leis na méideanna iomlána cailleanais ionchasaigh le haghaidh risíochtaí a mhainnigh nó nár mhainnigh, de réir mar is infheidhme;
- (v) i gcás ina gceannófar risíocht neamhthuillmheach ar phraghas níos ísle ná an méid atá dlite ón bhféichiúnaí, an difríocht idir an luach ceannaigh agus an méid atá dlite ón bhféichiúnaí;
- (vi) méideanna a dhíscríobh an institiúid ó aicmíodh an risíocht mar risíocht neamhthuillmheach.

Is í an chuid urraithe de risíocht neamhthuillmheach an chuid den risíocht a mheastar, chun críche ceanglais cistí dílse de bhun Theideal II de Chuid a Trí a ríomh, go bhfuil sí cumhdaithe le cosaint chreidmheasa chistithe nó neamhchistithe nó urraithe go huile agus go hiomlán le morgáistí.

Comhfhreagraíonn an chuid neamhurratithe de risíocht neamhthuillmheach don difríocht, más ann di, idir luach na risíochta dá dtagraítear in Airteagal 47a(1) agus an chuid urraithe den risíocht, más ann di.

2. Chun críocha phointe (a)(i) de mhír 1, beidh feidhm ag na fachtóirí seo a leanas:

- (a) 0,35 don chuid neamhurratithe de risíocht neamhthuillmheach a chuirfear i bhfeidhm le linn na tréimhse idir an chéad lá agus an lá deireanach den tríú bliain tar éis í a aicmiú mar risíocht neamhthuillmheach;
- (b) 1 don chuid neamhurratithe de risíocht neamhthuillmheach a chuirfear i bhfeidhm amhail ón gcéad lá den cheathrú bliain tar éis í a aicmiú mar risíocht neamhthuillmheach.

3. Chun críocha phointe (a)(ii) de mhír 1, beidh feidhm ag na fachtóirí seo a leanas:

- (a) 0,25 don chuid urraithe de risíocht neamhthuillmheach a chuirfear i bhfeidhm le linn na tréimhse idir an chéad lá agus an lá deireanach den cheathrú bliain tar éis í a aicmiú mar risíocht neamhthuillmheach;
- (b) 0,35 don chuid urraithe de risíocht neamhthuillmheach a chuirfear i bhfeidhm le linn na tréimhse idir an chéad lá agus an lá deireanach den chúigiú bliain tar éis í a aicmiú mar risíocht neamhthuillmheach;
- (c) 0,55 don chuid urraithe de risíocht neamhthuillmheach a chuirfear i bhfeidhm le linn na tréimhse idir an chéad lá agus an lá deireanach den séú bliain tar éis í a aicmiú mar risíocht neamhthuillmheach;
- (d) 0,70 don chuid de risíocht neamhthuillmheach arna hurrú ag maoin dhochorraithe de bhun Theideal II de Chuid a Trí nó ar iasacht chónaitheach í arna rathú ag soláthraí cosanta incháilithe dá dtagraítear in Airteagal 201, a chuirfear i bhfeidhm le linn na tréimhse idir an chéad lá agus an lá deireanach den seachtú bliain tar éis í a aicmiú mar risíocht neamhthuillmheach;

▼ M7

- (e) 0,80 don chuid de risíocht neamhthuillmheach arna hurrú ag cosaint chreidmheasa chistithe nó neamhchistithe eile de bhun Theideal II de Chuid a Trí a chuirfear i bhfeidhm le linn na tréimhse idir an chéad lá agus an lá deireanach den seachtú bliain tar éis í a aicmiú mar risíocht neamhthuillmheach;
- (f) 0,80 don chuid de risíocht neamhthuillmheach arna hurrú ag maoin dhochorraithe de bhun Theideal II de Chuid a Trí nó ar iasacht chónaitheach í arna rathú ag soláthraí cosanta incháilithe dá dtagraítear in Airteagal 201, a chuirfear i bhfeidhm le linn na tréimhse idir an chéad lá agus an lá deireanach den ochtú bliain tar éis í a aicmiú mar risíocht neamhthuillmheach;
- (g) 1 don chuid de risíocht neamhthuillmheach arna hurrú ag cosaint chreidmheasa chistithe nó neamhchistithe eile de bhun Theideal II de Chuid a Trí a chuirfear i bhfeidhm amhail ón gcéad lá den ochtú bliain tar éis í a aicmiú mar risíocht neamhthuillmheach;
- (h) 0,85 don chuid de risíocht neamhthuillmheach arna hurrú ag maoin dhochorraithe de bhun Theideal II de Chuid a Trí nó ar iasacht chónaitheach í arna rathú ag soláthraí cosanta incháilithe dá dtagraítear in Airteagal 201, a chuirfear i bhfeidhm le linn na tréimhse idir an chéad lá agus an lá deireanach den naoú bliain tar éis í a aicmiú mar risíocht neamhthuillmheach;
- (i) 1 don chuid de risíocht neamhthuillmheach arna hurrú ag maoin dhochorraithe de bhun Theideal II de Chuid a Trí nó ar iasacht chónaitheach í arna rathú ag soláthraí cosanta incháilithe dá dtagraítear in Airteagal 201, a chuirfear i bhfeidhm amhail ón gcéad lá den deichiú bliain tar éis í a aicmiú mar risíocht neamhthuillmheach.

4. De mhaolú ar mhír 3, beidh feidhm ag na fachtóirí seo a leanas maidir leis an gcuid den risíocht neamhthuillmheach arna rathú nó arna hárachú ag gníomhaireacht chreidmheasa onnmhairiúcháin oifigiúil:

- (a) 0 don chuid urraithe den risíocht neamhthuillmheach a chuirfear i bhfeidhm le linn na tréimhse idir bliain amháin agus seacht mbliana tar éis í a aicmiú mar risíocht neamhthuillmheach; agus
- (b) 1 don chuid urraithe den risíocht neamhthuillmheach a chuirfear i bhfeidhm amhail ón gcéad lá den ochtú bliain tar éis í a aicmiú mar risíocht neamhthuillmheach.

5. Déanfaidh ÚBE measúnú ar an raon cleachtas a chuirtear i bhfeidhm chun risíochtaí neamhthuillmheacha urraithe a luacháil agus féadfaidh sé treoirínte a fhorbairt chun modheolaíocht chomhchoiteann a shonrú, lena n-áirítear ceanglais íosta fhéideartha i leith athluacháil ó thaobh modhanna uainithe agus modhanna ad hoc de, i leith luacháil stuamachta a dhéanamh ar chineálacha incháilithe cosanta creidmheasa cistithe agus neamhchistithe, go háirithe maidir le toimhdí a bhaineann le hin-aisghabhálacht agus le hin-fhorfheidhmitheacht. Féadfar a áireamh leis na treoirínte sin modheolaíocht chomhchoiteann chun an chuid urraithe de risíocht neamhthuillmheach dá dtagraítear i mír 1 a chinneadh.

Eiseofar na treoirínte sin i gcomhréir le hAirteagal 16 de Rialachán (AE) Uimh. 1093/2010.

6. De mhaolú ar mhír 2, i gcás inar deonaíodh beart staonta do risíocht idir bliain amháin agus dhá bhliain tar éis í a aicmiú mar risíocht neamhthuillmheach, an fachtóir is infheidhme i gcomhréir le mír 2 an dáta a ndeonófar an beart staonta, beidh sé infheidhme go ceann bliain bhreise.

**▼M7**

De mhaolú ar mhír 3, i gcás inar deonaíodh beart staonta do risíocht idir dhá bhliain agus sé bliana tar éis í a aicmiú mar risíocht neamhthuillmheach, an fachtóir is infheidhme i gcomhréir le mír 3 an dáta a ndeonófar an beart staonta, beidh sé infheidhme go ceann bliain bhreise.

Ní bheidh feidhm ag an mír seo ach amháin maidir leis an gcéad bheart staonta a deonaíodh ón tráth ar aicmíodh an risíocht mar risíocht neamhthuillmheach.

**▼B**

## F o r o i n n 2

**Díolúintí ó asbhaintí as ítimí ghnáthchothromas Leibhéal 1 agus roghanna eile asbhainte***Airteagal 48***Díolúintí tairsí ó asbhaint as ítimí Gnáthchothromas Leibhéal 1**

1. Le linn dóibh na hasbhaintí is gá de bhun phointí (c) agus (i) d'Airteagal 36(1) a dhéanamh, níl sé de cheanglas ar na hinstiúidí méideanna na n-ítimí atá liostaithe i bpointí (a) agus (b) den mhír seo atá, i bhfoirm chomhiomlán, cothrom le, nó níos lú ná, an méid na tairsí dá dtagraítear i mír 2:

(a) sócmhainní cánach iarchurtha atá spleách ar bhrabúsacht todhchaí agus a thig ó dhifríochtaí sealadacha, agus atá, i bhfoirm chomhiomlán, cothrom le nó níos lú ná 10 % de na hítimí Ghnáthchothromas Leibhéal 1 atá ag an instiúid a ríomhtar tar éis iad seo a leanas a chur i bhfeidhm:

(i) Airteagail 32 go 35;

(ii) pointí (a) go (h), pointí (k)(ii) go k(v) agus pointe (1) d'Airteagal 36(1), cé is moite de shócmhainní cánach iarchurtha atá ag brath ar bhrabúsacht todhchaí agus a thig ó dhifríochtaí sealadacha.

(b) i gcás ina bhfuil infheistíocht shuntasach ag instiúid in eintiteas earnála airgeadais, sealúchais dhíreacha, indíreacha agus shintéiseacha d'ionstraimí Ghnáthchothromas Leibhéal 1 na n-eintiteas sin atá ag an instiúid atá, i bhfoirm chomhiomlán, cothrom le nó níos lú ná 10 % de na hítimí Ghnáthchothromas Leibhéal 1 atá ag an instiúid a ríomhtar tar éis iad seo a leanas a chur i bhfeidhm:

(i) Airteagail 32 go 35;

(ii) pointí (a) go (h) agus pointí (k)(ii) go k(v) agus pointe (1) d'Airteagal 36(1) cé is moite de shócmhainní cánach iarchurtha atá ag brath ar bhrabúsacht todhchaí agus a thig ó dhifríochtaí sealadacha.

2. Chun críocha mhír 1, beidh méid na tairsí comhionann leis an méid dá dtagraítear ii bpointe (a) den mhír seo iolraithe faoin gcéatadán dá dtagraítear i bpointe (b) den mhír seo:

(a) méid iarmharach maidir le hítimí Ghnáthchothromas Leibhéal 1 tar éis na coigeartuithe agus na hasbhaintí in Airteagal 32 gohAirteagal 35 a chur i bhfeidhm ina n-iomláine agus gan na díolúintí a shonraítear san Airteagal seo a chur i bhfeidhm;



**▼B**

(b) 17.65 %.

3. Chun críocha mhír 1, cinnfidh institiúid an cion de shócmhainní cánach iarchurtha as méid iomlán na n-ítimí Ghnáthchothromas Leibhéal 1 nach gá a asbhaint tríd an méid a shonraítear i bpointe (a) den mhír seo a roinnt ar an méid a shonraítear i bpointe (b):

(a) sócmhainní cánach iarchurtha atá spleách ar bhrabúsacht todhchaí agus a thig ó dhifriochtaí sealadacha, agus atá, i bhfoirm chomhiomlán, cothrom le 10 % de na hítimí Ghnáthchothromas Leibhéal 1 atá ag an institiúid nó níos lú ná 10 % de na hítimí sin;

(b) suim na nithe seo a leanas:

(i) an méid dá dtagraítear i bpointe (a);

(ii) méid na sealúchas díreach, indíreach agus sintéiseach d'ionstraimí cistí dílse d'eintitis earnála airgeadais a bhfuil infheistíocht shuntasach ag an institiúid iontu agus atá, i bhfoirm chomhiomlán, cothrom le 10 % de na hítimí Ghnáthchothromas Leibhéal 1 atá ag an institiúid nó níos lú ná 10 % de na hítimí sin.

Tá an cion d'infheistíochtaí suntasacha as méid iomlán na n-ítimí nach gá a asbhaint cothrom lena a haon lúide an cion dá dtagraítear sa chéad fhómhír.

4. Déanfar méideanna na n-ítimí nach n-asbhaintear de bhun mhír 1 a ualú de réir príacal ag 250 %.

*Airteagal 49*

**Ceanglas ar asbhaint i gcás ina gcuirtear comhdhlúthú, maoirseacht fhorlíontach nó scéimeanna cosanta institiúideacha i bhfeidhm**

1. Chun críocha cistí dílse a ríomh ar bhonn aonair, ar bhonn fochomhdhlúite agus ar bhonn comhdhlúite, sa chás ina gcuirfidh na húdaráis inniúla de cheangal ar institiúidí nó ina gceadóidh siad d'institiúidí modh 1, modh 2 nó modh 3 d'Iarscríbhinn I a ghabhann le Treoir 2002/87/CE a chur i bhfeidhm, féadfaidh na húdaráis inniúla a cheadú d'institiúidí gan sealúchais ionstraimí cistí dílse de chuid eintitis earnála airgeadais a asbhaint, ar eintiteas é ina bhfuil infheistíocht shuntasach ag an máthairinstitiúid, ag an máthairchuideachta shealbhaíochta airgeadais, ag an máthairchuideachta nó ag máthairinstitiúid shealbhaíochta airgeadais mheasctha, ar choinníoll go gcomhlíonfar na coinníollacha a leagtar síos i bpointe (a) go pointe (e) den mhír seo:

(a) is gnóthas árachais, gnóthas ath-árachais nó cuideachta shealbhaíochta árachais é an t-eintiteas earnála airgeadais;

(b) áirítear an gnóthas árachais sin, an gnóthas ath-árachais sin nó an chuideachta shealbhaíochta árachais sin sa mhaoirseacht fhorlíontach chéanna faoi Threoir 2002/87/CE agus atá an mháthairinstitiúid, an mháthairchuideachta shealbhaíochta airgeadais nó an mháthairchuideachta nó máthairinstitiúid shealbhaíochta airgeadais mheasctha a bhfuil an sealúchas aici;

**▼B**

- (c) fuair an institiúid cead roimh ré ó na húdaráis inniúla;
- (d) sula ndeonóidh siad an cead sin dá dtagraítear i bpointe (c), agus ar bhonn leanúnach, tá na húdaráis inniúla sásta gur leor leibhéal na bainistíochta comhtháite, na bainistíochta priacal agus na rialaithe inmheánaí maidir leis na heintitis a chuirfí san áireamh faoi chuimsiú mhodh 1, mhodh 2 nó mhodh 3;
- (e) is le ceann díobh seo a leanas na sealúchais san eintiteas:
  - (i) an mháthairinstitiúid chreidmheasa;
  - (ii) an mháthairchuideachta shealbhaíochta airgeadais;
  - (iii) an mháthairchuideachta shealbhaíochta airgeadais mheasctha;
  - (iv) an institiúid;
  - (v) fochuideachta ceann de na heintitis dá dtagraítear i bpointe (i) go pointe (iv) a áirítear sa raon feidhme comhdhlúthúcháin de bhun Chaibidil 2 de Theideal II de Chuid a hAon;

Déanfar an modh a roghnófar a chur i bhfeidhm ar bhealach comhsheasmhach thar am.

2. Ar mhaithe le cistí dílse a ríomh ar bhonn aonair agus ar bhonn fo-chomhdhlúite, ní dhéanfaidh institiúidí atá faoi réir maoirseachta ar bhonn comhdhlúite i gcomhréir le Caibidil 2 de Theideal II de Chuid a hAon sealúchais ionstraimí cistí dílse de chuid eintiteas earnála airgeadais a asbhaint, ar eintitis iad atá san áireamh i raon feidhme na maoirseachta comhdhlúite, ach amháin má chinneann na húdaráis inniúla go gceanglaítear na hasbhaitní sin chun críocha sonracha, go háirithe chun gníomhaíochtaí baincéireachta a scaradh go struchtúrach, agus pleanáil réitigh.

Agus an cur chuige seo dá dtagraítear sa chéad fhomhír á chur i bhfeidhm ní fhéadfaidh go mbeidh éifeachtaí díobhálacha díréireacha i gceist don chóras airgeadais i bpáirt nó ina iomláine i mBallstáit eile nó de chuid an AE ina iomláine ina fhoirmeoidh nó ina chruthóidh sé constaic i gcoinne fheidhmiú an mhargaidh inmheánaigh.

**▼M8**

Ní bheidh feidhm ag an mír seo nuair a bheifear ag ríomh cistí dílse chun críocha na gceanglas a leagtar síos in Airteagail 92a agus 92b, rud a ríomhfar i gcomhréir leis an gcreat asbhainte a leagtar amach in Airteagal 72e(4).

**▼B**

3. Chun críocha cistí dílse a ríomh ar bhonn aonair nó ar bhonn fo-chomhdhlúite, féadfaidh na húdaráis inniúla a cheadú do na hinstitiúidí gan sealúchais ionstraimí cistí dílse a asbhaint sna cásanna a leanas:

- (a) áit a bhfuil sealúchas ag institiúid in institiúid eile agus áit a gcomhlíontar na coinníollacha dá dtagraítear i bpointí (i) go (v);
  - (i) tá na hinstitiúidí faoi chuimsiú na scéime cosanta institiúideach céanna dá dtagraítear in Airteagal 113(7);
  - (ii) tá an cead dá dtagraítear in Airteagal 113(7) tugtha ag na húdaráis inniúla;

## ▼B

- (iii) comhlíonadh na coinníollacha atá leagtha síos in Airteagal 113(7);
- (iv) leis an scéim chosanta institiúideach déantar clár comhardaithe comhdhlúite dá dtagraítear i bpointe (e) d'Airteagal 113(7) a tharraingt suas, áit nach gceanglaítear é cuntais chomhdhlúite a tharraingt suas, déanfar ríomh comhiomlán leathnaithe atá, chun sástachta na n-údarás inniúil, coibhéiseach leis na forálacha i dTreoir 86/635/CCE, Treoir a ionchorpraíonn oiriúnuithe áirithe a rinneadh ar fhorálacha Sheachtú Treoir 83/349/CEE ón gComhairle an 13 Meitheamh 1983 nó Rialachán (CE) Uimh. 1606/2002, a rialaíonn cuntais chomhdhlúite na n-institiúidí creidmheasa. Déanfar coibhéise an ríomha comhiomláin leathnaithe a fhíorú trí iniúchóir seachtrach agus fíorófar go háirithe go ngeofar réidh le hil-úsáidí gnéithe atá incháilithe chun cistí dílse a ríomh chomh maith le cistí dílse ar bith a chruthaítear go míchuí idir comhaltaí na scéime cosanta institiúid maidir leis an ríomh sin; ► **M8** Déanfar an clár comhardaithe comhdhlúite nó an ríomh comhiomlán leathnaithe a thuairisciú chuig na húdaráis inniúla chomh minic agus a leagtar amach sna ceanglais theicniúla chur chun feidhme dá dtagraítear in Airteagal 430(7); ◀
- **M8** (v) comhlíonann na hinstiúidí atá ar áireamh i scéim chosanta institiúideach na ceanglais a leagtar síos in Airteagal 92 ar bhonn comhdhlúite nó ar bhonn comhiomlán fadaithe agus déanann siad comhlíonadh na gceanglas sin a thuairisciú i gcomhréir le hAirteagal 430. ◀ Laistigh de scéim chosanta institiúideach, níl sé de cheangal ús na gcomhaltaí comhar-chumainn nó na n-eintiteas dlíthiúil a asbhaint, nach comhaltaí den Scéim Chosanta Institiúideach iad, ar an gcoinníoll go bhfaighfear réidh le hil-úsáidí gnéithe atá incháilithe chun cistí dílse a ríomh chomh maith le cistí dílse ar bith a chruthaítear go míchuí idir comhaltaí na scéime cosanta institiúidí agus an scairshealbhóir mion-laigh, nuair atá institiúid i gceist.
- (b) i gás ina bhfuil sealúchas ag institiúid chreidmheasa réigiúnach ina hinstiúid chreidmheasa lárnach nó in institiúid chreidmheasa réigiúnach eile agus go gcomhlíontar na coinníollacha atá leagtha síos i bpointí (a)(i) go (v).
4. Na sealúchais sin nach ndéantar asbhaint ina leith i gcomhréir le mír 1, le mír 2 nó le mír 3, cáileoidh siad mar risíochtaí cothromais agus déanfar iad a ualú ó thaobh pricail i gcomhréir le Caibidil 2 nó le Caibidil 3 de Theideal II de Chuid a Trí, de réir mar is infheidhme.
- **C2** 5. Áit ina gcuirfidh institiúid modh 1, modh 2 nó modh 3 d'Iarscríbhinn I a ghabhann le Treoir 2002/87/CE i bhfeidhm, nochtfaidh an institiúid ◀ ceanglas forlíontach na geistí dílse agus an cóimheas leordhóthanacht chaipitil den ilchuideachta airgeadais mar a ríomhfar i gcomhréir le hAirteagal 6 den treoir sin agus le hIarscríbhinn I a ghabhann leis an Treoir sin.
6. Forbróidh an ÚBE, an UAPGE (an tÚdarás Árachais agus Pinsin Ghairme Eorpach) agus an tÚdarás Maoirseachta Eorpach (an tÚdarás Eorpach um Urrúis agus Margái) (ÚEUM) arna bhunú le Rialachán (AE) Uimh. 1095/2010 ó Pharlaimint na hEorpa agus ón gComhairle an 24 Samhain 2010 <sup>(1)</sup>, trí bhithin an Chomhchoiste, dréachtchaighdeán theicniúla rialála d'fhonn a shonrú chun críocha an Airteagail seo na coinníollacha maidir leis na modhanna ríofa atá liostaithe in Iarscríbhinn I, Cuid II de Threoir 2002/87/CE a chur i bhfeidhm chun críocha na roghanna eile asbhainte dá dtagraítear i mír 1 den Rialachán seo.

(<sup>1</sup>) IO L 331, 15.12.2010, lch. 84.

**▼C1**

Cuirfidh an ÚBE, an ÚAPGE agus an tÚdarás Eorpach Urrús na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1094/2010 agus de Rialachán (AE) Uimh. 1095/2010, faoi seach.

## F o r o i n n 4

**Caipiteal ghnáthchothromas leibhéal 1***Airteagal 50***Gnáthchothromas Leibhéal 1**

Is é atá i gCaipiteal Ghnáthchothromas Leibhéal 1 institiúide ítimí Ghnáthchothromas Leibhéal 1 tar éis na coigeartuithe is gá de réir Airteagail 32 go 35, na hasbhaintí de bhun Airteagal 36 agus na díolúintí agus na roghanna eile asbhainte atá leagtha síos in Airteagal 48, in Airteagal 49 agus in Airteagal 79 a chur i bhfeidhm.

*CAIBIDIL 3***Caipiteal Breise Leibhéal 1**

## R o i n n 1

**Ítimí agus ionstraimí chaipiteal breise leibhéal 1***Airteagal 51***Ítimí Chaipiteal Breise Leibhéal 1**

Is iad seo a leanas atá in ítimí Chaipiteal Breise Leibhéal 1:

- (a) ionstraimí caipitil, i gcás ina gcomhlíontar na coinníollacha atá leagtha síos in Airteagal 52(1);
- (b) na cuntais scairbhisigh a bhaineann leis na hionstraimí dá dtagraítear i bpointe (a).

Ionstraimí a chuimsítear faoi phointe (a), ní cháileoidh siad mar ítimí Ghnáthchothromas Leibhéal 1 ná mar ítimí Ghnáthchothromas Leibhéal 2.

*Airteagal 52***Ionstraimí Chaipiteal Breise Leibhéal 1**

1. Cáileoidh na hionstraimí mar ionstraimí Chaipiteal Breise Leibhéal 1 ar an gcoinníoll go gcomhlíonfar na coinníollacha seo a leanas:

**▼M8**

- (a) eisiúinn institiúid na hionstraimí go díreach agus tá siad íoctha go hiomlán;
- (b) ní le haon cheann díobh seo a leanas na hionstraimí:

**▼B**

- (i) an institiúid nó a fochuideachtaí;

**▼B**

- (ii) gnóthas ina bhfuil rannpháirtíocht ag an institiúid ann i bhfoirm úinéireachta dhíreach ar 20 % nó níos mó de na cearta vótála nó de chaipiteal an ghnóthais sin, nó i bhfoirm úinéireachta trí na nithe sin a rialú;

**▼M8**

- (c) ní dhéanann an institiúid éadáil úinéireacht na n-ionstraimí a chistiú go díreach nó go hindíreach;

**▼B**

- (d) tá na hionstraimí aicmithe níos ísle ná ionstraimí Chaipiteal Leibhéal 2 i gcás dhócmhainneacht na hinstitiúide;
- (e) níl na hionstraimí urraithe, ná faoi réir ráthaíochta lena gcuirtear le sinsearach na n-éileamh ag aon cheann díobh seo a leanas:
  - (i) an institiúid nó a fochuideachtaí;
  - (ii) máthairghnóthas na hinstitiúide nó fochuideachtaí na hinstitiúide;
  - (iii) an mháthairchuideachta shealbhaíochta airgeadais nó a fochuideachtaí;
  - (iv) an chuideachta shealbhaíochta ghníomhaíochtaí measctha nó a fochuideachtaí;
  - (v) an chuideachta shealbhaíochta airgeadais mheasctha agus a fochuideachtaí;
  - (vi) aon ghnóthas a bhfuil dlúthnaisc aige le heintitis dá dtagraítear i bpointe (i) go pointe (v)
- (f) níl na hionstraimí faoi réir ag aon socrú, idir shocrú conarthach nó eile, a chuireann le sinsearach an éilimh faoi na hionstraimí atá dócmhainneach nó faoi leachtú;
- (g) is ionstraimí síoraí iad agus níl aon dreasacht áirithe sna forálacha lena rialaítear iad ionas go mbeidh an institiúid in ann iad a fhuascailt;

**▼M8**

- (h) i gcás ina n-áirítear leis na hionstraimí luathrogha amháin ar fhuascailt, nó níos mó, lena n-áirítear céadroghanna ar cheannach, féadfár na roghanna a fheidhmiú de réir lánrogha iomlán an eistheora;

**▼B**

- (i) ní fhéadfár na hionstraimí a ghlaoch, a fhuascailt nó a athcheannach ach amháin i gcás ina gcomhlíontar na coinníollacha atá leagtha síos in Airteagal 77, agus tráth nach túsce ná cúig bliana tar éis na heisiúna ach amháin i gcás ina gcomhlíontar na coinníollacha atá leagtha síos in Airteagal 78(4);

**▼M8**

- (j) ní thugtar le fios go sainráite ná go hintuigthe sna forálacha lena rialaítear na hionstraimí go ndéanfadh an institiúid ionstraimí a cheannach, a fhuascailt nó a athcheannach, de réir mar is infheidhme, ach amháin i gcás dhócmhainneacht nó leachtú na hinstitiúide agus nach dtugann an institiúid an méid sin le fios ar aon tslí eile;

**▼B**

- (k) ní thugann an institiúid le fios go sainráite nó go hintuigthe go dtabharfadh an t-údarás inniúil toiliú d'iarratas chun na hionstraimí a ghlaoch, a fhuascailt nó a athcheannach;
- (l) comhlíonann dáileacháin faoi na hionstraimí na coinníollacha seo a leanas:
  - (i) íoctar amach as ítimí indáilte iad;

**▼B**

- (ii) ní leasófar leibhéal na ndáileachán a dhéanfar faoi na hionstraimí ar bhonn sheasamh creidmheasa na hinstitiúide nó a máthairghnóthas;
- (iii) tugann na forálacha lena rialaítear na hionstraimí lánrogha don institiúid tráth ar bith na dáileacháin faoi na hionstraimí a chur ar ceal ar feadh tréimhse gan teorainn agus ar bhonn neamhcharnach, agus féadfaidh an institiúid íocaíochtaí cealaithe den sórt sin a úsáid gan srian chun a cuid oibleagáidí a chomhlíonadh de réir mar a bheidh siad dlite;
- (iv) ní hionann cealú na ndáileachán agus mainneachtain na hinstitiúide;
- (v) ní fhorchuireann an cealú dáileachán aon srianta ar an institiúid;
- (m) ní rannchuidíonn na hionstraimí le cinneadh go sáraíonn dliteanais institiúide a cuid sócmhainní, i gcás ina gcuimsíonn cinneadh den sórt sin tástáil dócmhainneachta faoin dlí náisiúnta is infheidhme;
- (n) ceanglaíonn na forálacha lena rialaítear na hionstraimí go ndéanfaí, tráth a dtarlaíonn eachtra thucaide, díluacháil ar bhonn buan nó sealadach ar mhéid príomhshuim na n-ionstraimí, nó go ndéanfaí na hionstraimí a chomhshó ina n-ionstraimí Ghnáthchothromas Leibhéal 1,.
- (o) ní áirítear leis na forálacha lena rialaítear na hionstraimí aon ghné a d'fhéadfadh bac a chur ar athchaipitliú na hinstitiúide;

**▼M8**

- (p) i gcás ina bhfuil an t-eisitheoir bunaithe i dtríú tír agus ar ainmníodh é i gcomhréir le hAirteagal 12 de Threoir 2014/59/AE mar chuid de ghrúpa réitigh a bhfuil a eintiteas réitigh bunaithe san Aontas, nó i gcás ina bhfuil an t-eisitheoir bunaithe i mBallstát, de réir an dlí nó de réir forálacha conartha lena rialaítear na hionstraimí, ní mór, ar chinneadh ón údarás réitigh an chumhacht díluachála agus comhshó dá dtagraítear in Airteagal 59 den Treoir sin a fheidhmiú, príomhshuim na n-ionstraimí a dhíluacháil ar bhonn buan nó na hionstraimí a chomhshó ina n-ionstraimí Gnáthchothromas Leibhéal 1;

i gcás ina bhfuil an t-eisitheoir bunaithe i dtríú tír agus nár ainmníodh é i gcomhréir le hAirteagal 12 de Threoir 2014/59/AE mar chuid de ghrúpa réitigh a bhfuil a eintiteas réitigh bunaithe san Aontas, ceanglaítear leis an dlí, nó le forálacha conartha, lena rialaítear na hionstraimí, nach mór, ar chinneadh ón údarás ábhartha sa tríú tír, príomhshuim na n-ionstraimí a dhíluacháil ar bhonn buan nó na hionstraimí a chomhshó ina n-ionstraimí Gnáthchothromas Leibhéal 1;

- (q) i gcás ina bhfuil an t-eisitheoir bunaithe i dtríú tír agus ar ainmníodh é i gcomhréir le hAirteagal 12 de Threoir 2014/59/AE mar chuid de ghrúpa réitigh a bhfuil a eintiteas réitigh bunaithe san Aontas, nó i gcás ina bhfuil an t-eisitheoir bunaithe i mBallstát, is i gcás ina bhfuil feidhmiú na cumhachta díluachála agus comhshó dá dtagraítear in Airteagal 59 den Treoir sin de réir dlíthe tríú tír, ina bhfuil an feidhmiú sin éifeachtach agus infheidhmithe ar bhonn forálacha reachtacha nó forálacha conartha a aithníonn gníomhartha réitigh nó gníomhartha díluachála nó comhshó eile, agus sa chás sin amháin, a fhéadfar ionstraimí a eisiúint faoi dhlíthe tríú tír nó a chur faoi réir na ndlíthe sin ar dhóigh eile;

**▼M8**

- (r) níl na hionstraimí faoi réir socrúithe fritháirimh nó socrúithe glanluachála a chuirfeadh isteach ar a n-acmhainn ionsúite caillteanas.

**▼B**

Measfar go gcomhlíonfar an coinníoll a leagtar amach i bpointe (d) den chéad fhomhír, d'ainneoin go n-áirítear na hionstraimí i gCaipiteal Breise Leibhéal 1 agus i gCaipiteal Leibhéal 2 de bhua Airteagal 484(3), ar choinníoll go bhfuil siad ar chomhchéim.

**▼M8**

Chun críocha phointe (a) den chéad fhomhír, ní bheidh ach an chuid den ionstraim chaipitil atá láníoctha i dteideal a cháilithe mar ionstraim de Chaipiteal Breise Leibhéal 1.

**▼B**

2. Forbróidh an ÚBE dréacht-chaighdeáin theicniúla rialála d'fhonn na nithe seo a leanas a shonrú:

- (a) foirm agus cineál na ndreasachtaí fuascailte;
- (b) cineál aon uasluachála mhéid na príomhshuime d'ionstraim de Chaipiteal Breise Leibhéal 1 tar éis mhéid a príomhshuime a dhíluacháil ar bhonn sealadach.
- (c) na nósanna imeachta agus an t-uainiú dóibh seo a leanas:
- (i) cinneadh a dhéanamh gur tharla eachtra thucaide;
- (ii) uasluacháil mhéid na príomhshuime d'ionstraim de Chaipiteal Breise Leibhéal 1 tar éis mhéid a príomhshuime a dhíluacháil ar bhonn sealadach;
- (d) gnéithe d'ionstraimí a d'fhéadfadh bac a chur ar athchaipitliú na hinstitiúide;
- (e) eintitis shainchuspóireacha a úsáid chun ionstraimí cistí dílse a eisiúint go hindíreach.

**▼C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go 14 de Rialachán (AE) Uimh. 1093/2010.

*Airteagal 53*

**Srianta ar dháileacháin faoi ionstraimí Chaipiteal Breise Leibhéal 1 a chur ar ceal agus gnéithe a d'fhéadfadh bac a chur ar athchaipitliú na hinstitiúide**

Chun críocha phointí (l)(v) agus (o) d'Airteagal 52(1), ní áireofar iad seo a leanas go háirithe sna forálacha lena rialaítear ionstraimí Chaipiteal Breise Leibhéal 1:

- (a) ceanglas maidir le dáileacháin faoi na hionstraimí a dhéanamh i gcás ina ndéantar dáileachán faoi ionstraim arna heisiúint ag an institiúid atá aicmithe ar chomhchéim, nó níos ísle ná, ionstraim de Chaipiteal Breise Leibhéal 1, lena n-áirítear ionstraim de Ghnáthchothromas Leibhéal 1;
- (b) ceanglas chun íocaíocht dáileacháin faoi ionstraimí Ghnáthchothromas Leibhéal 1, de Chaipiteal Breise Leibhéal 1 nó de Chaipiteal Leibhéal 2 a chur ar ceal i gcás nach ndéantar dáileacháin faoi na hionstraimí sin de Chaipiteal Breise Leibhéal 1;

**▼B**

- (c) oibleagáid maidir le híocaíocht in aon fhoirm eile a chur in ionad na híocaíochta úis nó díbhinne. Ní bheidh an institiúid faoi réir ag oibleagáid den sórt sin ar aon shlí eile.

*Airteagal 54***Ionstraimí Chaipiteal Breise Leibhéal 1 a dhíluacháil nó a chomhshó**

1. Chun críocha phointe (n) d'Airteagal 52(1), beidh feidhm ag na forálacha seo a leanas maidir le hionstraimí Chaipiteal Breise Leibhéal 1:

- (a) tarlóidh eachtra thucaide nuair a thitfidh an cóimheas de Ghnáthchothromas Leibhéal 1 atá ag an institiúid dá dtagraítear i bpointe (a) d'Airteagal 92(1) faoi bhun ceachtar díobh seo a leanas:
- (i) 5.125 %;
- (ii) leibhéal níos airde ná 5.125 %, i gcás inar chinntigh an institiúid é agus inar sonraíodh é sna forálacha lena rialaítear an ionstraim;
- (b) Féadfaidh institiúidí eachtra thucaide amháin nó níos mó a shonrú sna forálacha lena rialaítear an ionstraim, de bhreis ar an eachtra a dtagraítear di i bpointe(a);
- (c) i gcás ina gceanglaíonn na forálacha lena rialaítear na hionstraimí iad a chomhshó ina ionstraimí Ghnáthchothromas Leibhéal 1, tráth a dtarlaíonn eachtra thucaide, sonrúidh na forálacha sin ceachtar díobh seo a leanas:
- (i) ráta comhshóite den sórt sin agus teorainn ar an méid comhshóite a cheadófar;
- (ii) raon, ar laistigh de, a chomhshóidh na hionstraimí ina n-ionstraimí Ghnáthchothromas Leibhéal 1;
- (d) i gcás ina gceanglaíonn na forálacha lena rialaítear na hionstraimí méid a bpríomhshuime a dhíluacháil tráth a dtarlaíonn eachtra thucaide, laghdófar na nithe seo a leanas ar fad sa díluacháil:
- (i) éileamh shealbhóir na hionstraime i ndócmhainneacht nó i leachtú na hinstitiúide;
- (ii) an méid a cheanglaítear a íoc i gcás ina ndéantar an ionstraim a ghlaoch nó a fhuascailt;
- (iii) na dáileacháin a dhéantar faoin ionstraim;

**▼M8**

- (e) i gcás ina n-eisíonn gnóthas fochuideachta atá bunaithe i dtríú tír na hionstraimí Leibhéal 1 Breise, déanfar an tricear dar méid 5,125 % nó níos airde, dá dtagraítear i bpointe (a) a ríomh i gcomhréir le dlí náisiúnta an tríú tír sin nó leis na forálacha conarthacha lena rialaítear na hionstraimí, ar choinníoll gur deimhin leis an údarás inniúil, tar éis dó dul i gcomhairle le ÚBE, go bhfuil na forálacha sin comhionann, ar a laghad, leis na ceanglais a leagtar amach san Airteagal seo.

**▼B**

2. Le díluacháil nó le comhshó ionstraim de Chaipiteal Breise Leibhéal 1, déanfar, faoin gcreat cuntasaochta is infheidhme, ítimí a ghiniúint a cháilíonn mar ítimí Ghnáthchothromas Leibhéal 1.



**▼B**

3. Tá méid na n-ionstraimí Chaipiteal Breise Leibhéal 1 a aithnítear in ítimí Chaipiteal Breise Leibhéal 1 teoranta d'íosmhéid na n-ítimí Ghnáthchothromas Leibhéal 1 a ghinfí dá ndéanfaí méid phríomhshuim na n-ionstraimí Chaipiteal Breise Leibhéal 1 a dhíluacháil go hiomlán nó a chomhshó ina n-ionstraimí Ghnáthchothromas Leibhéal 1.

4. Maidir le méid comhiomlán ionstraimí Chaipiteal Breise Leibhéal 1 nach mór a dhíluacháil nó a chomhshó tráth a dtarlaíonn eachtra thucaide, ní bheidh sé níos lú ná an ceann is ísle de na méideanna seo a leanas:

(a) an méid a theastaíonn chun an cóimheas caipitil de Ghnáthchothromas Leibhéal 1 institiúide a chur ar ais go hiomlán go 5.125 %;

(b) méid iomlán phríomhshuim na hionstraime.

5. Nuair a tharlóidh eachtra thucaide déanfaidh institiúidí an méid seo a leanas:

(a) na hinstitiúidí inniúla a chur ar an eolas láithreach bonn;

(b) sealbhóirí na n-ionstraimí Chaipiteal Breise Leibhéal 1 a chur ar an eolas;

(c) príomhshuim na n-ionstraimí a dhíluacháil, nó na hionstraimí a chomhshó ina n-ionstraimí Ghnáthchothromas Leibhéal 1 gan mhoill, ach tráth nach déanaí ná i gceann mí amháin, i gcomhréir leis an gceanglas a leagtar síos san Airteagal seo.

6. Déanfaidh institiúid a eisíonn ionstraimí Chaipiteal Breise Leibhéal 1 a chomhshóinn ina n-ionstraimí Ghnáthchothromas Leibhéal 1 tráth a dtarlaíonn eachtra thucaide a áirithiú gur leor i gcónaí a scairchaipiteal údaraithe chun na hionstraimí Chaipiteal Breise Leibhéal 1 inchomhshóite sin go léir a chomhshó ina scaireanna má tharlaíonn eachtra thucaide. Gheofar na húdaruithe uile is gá ar dháta eisiúna na n-ionstraimí Chaipiteal Breise Leibhéal 1 in-chomhshóite sin. Coinneoidh an institiúid an réamhúdarú is gá chun na hionstraimí Ghnáthchothromas Leibhéal 1 a eisiúint, ar ionstraimí iad ina gcomhshódh na hionstraimí Chaipiteal Breise Leibhéal 1 sin tráth a tharlóidh eachtra thucaide.

7. Déanfaidh institiúid a eisíonn ionstraimí Chaipiteal Breise Leibhéal 1 a chomhshóinn ina n-ionstraimí Ghnáthchothromas Leibhéal 1 tráth a dtarlaíonn eachtra thucaide a áirithiú nach mbeidh baic nós imeachta ann leis an gcomhshó sin de bhun a hionchorpraithe nó a reachtanna nó de bhun socruithe reachtúla nó conarthacha.

*Airteagal 55***Na hiarmhairtí nuair a scoirtear de bheith ag comhlíonadh na gcoinníollacha maidir le hionstraimí Chaipiteal Breise Leibhéal 1**

Beidh feidhm ag an méid seo a leanas i gcás ina scoirtear, i gcás ionstraime de Chaipiteal Breise Leibhéal 1, de bheith ag comhlíonadh na gcoinníollacha atá leagtha síos in Airteagal 52(1):

(a) scoirfidh an ionstraim láithreach bonn de bheith cáilithe mar ionstraim de Chaipiteal Breise Leibhéal 1;

**▼B**

- (b) scoirfidh an chuid sin de na cuntais scairbhisigh, ar cuid í a bhaineann leis an ionstraim sin, láithreach bonn de bheith cáilithe mar ítimí Chaipiteal Breise Leibhéal 1.

## Roinn 2

**Asbhaintí as ítimí chaipiteal breise leibhéal 1***Airteagal 56***Asbhaintí as ítimí Chaipiteal Breise Leibhéal 1**

Asbhainfidh institiúidí na nithe seo a leanas as ítimí Chaipiteal Breise Leibhéal 1:

- (a) sealúchais dhíreacha, indíreacha agus sintéiseacha d'ionstraimí dílse de Chaipiteal Breise Leibhéal 1 atá ag institiúid, lena n-áirítear ionstraimí dílse de Chaipiteal Breise Leibhéal 1 a d'fhéadfadh a bheith d'oibleagáid ar institiúid a cheannach mar thoradh ar oibleagáidí conarthacha atá ann cheana;
- (b) sealúchais, bíodh siad díreach, indíreach nó sintéiseach, d'ionstraimí Chaipiteal Leibhéal 1 eintiteas earnála airgeadais ina bhfuil tras-sealúchais chómhálartacha ag an institiúid leis na heintitis sin agus a mheasann an t-údarás inniúl gur ceapadh iad chun cistí dílse na hinstitiúide a bhoilsciú go saorga;
- (c) méid infheidhme, a chinntear i gcomhréir le hAirteagal 60, na sealúchais díreach, indíreach agus sintéiseach d'ionstraimí Chaipiteal Breise Leibhéal 1 eintiteas earnála airgeadais, i gcás nach bhfuil infheistíocht shuntasach ag institiúid sna heintitis sin;
- (d) sealúchais dhíreacha, indíreacha agus shintéiseacha d'ionstraimí Chaipiteal Breise Leibhéal 1 eintiteas earnála airgeadais atá ag an institiúid i gcás ina bhfuil infheistíocht shuntasach ag an institiúid sna heintitis sin, cé is moite de shuímh frithgheallta arna sealbhú ar feadh chúig lá oibre nó níos giorra;

**▼C3**

- (e) méid na n-ítimí is gá a asbhaint as ítimí Breise Leibhéal 2 de bhun Airteagal 66 a sháraíonn ítimí Leibhéal 2 na hinstitiúide;

**▼B**

- (f) aon mhuirear cánach a bhaineann le hítimí Chaipiteal Breise Leibhéal 1 a bheidh intuartha tráth a ríofa, cé is moite de chás ina ndéanann an institiúid oiriúnú cuí ar mhéid na n-ítimí Chaipiteal Breise Leibhéal 1 a mhéid is a laghdaíonn muirir chánach den sórt sin an t-uasmhéid ar féidir na hítimí sin a chur i bhfeidhm air chun priacail nó cailteanais a chumhdach.

**▼B***Airteagal 57***Sealúchais d'ionstraimí dílse de Chaipiteal Breise Leibhéal 1 a asbhaint**

Chun críocha phointe (a) d'Airteagal 56, ríomhfaidh institiúidí sealúchais d'ionstraimí dílse de Chaipiteal Breise Leibhéal 1 ar bhonn ollsúiomh fada faoi réir na n-eisceachtaí seo a leanas:

- (a) féadfaidh institiúidí méid na sealúchais d'ionstraimí dílse Ghnáthchothromas Leibhéal 1 a ríomh ar bhonn an ghlansuímh fhada ar an gcoinníoll go gcomhlíonfar an dá choinníoll seo a leanas:
  - (i) go bhfuil an risíocht fholuitech chéanna ag na suímh fhada agus ghearra agus nach bhfuil aon priacal contrapháirtí ag baint leis na suímh ghearra;
  - (ii) go gcoimeádtar suímh ghearra agus fhada araon sa leabhar neamhthrádála nó go gcoimeádtar iad araon sa leabhar trádála;
- (b) déanfaidh institiúidí an méid a asbhainfear i dtaca le sealúchais dhíreacha, indíreacha nó shintéiseacha d'urrúis innéacsanna a chinneadh tríd an risíocht fholuitech ar ionstraimí dílse de Chaipiteal Breise Leibhéal 1 sna hinnéacsanna sin a ríomh;
- (c) féadfaidh institiúidí ollsúimh fhada in ionstraimí dílse de Chaipiteal Breise Leibhéal 1 a thig ó shealúchais d'urrúis innéacsanna a ghlannluacháil i gcoinne suíomh gearr in ionstraimí dílse de Chaipiteal Breise Leibhéal 1 a thig ó shuímh ghearra sna hinnéacsanna foluitechacha, lena n-áirítear an cás ina bhfuil priacal contrapháirtí ag baint leis na suímh ghearra sin, ar an gcoinníoll go gcomhlíonfar an dá choinníoll seo a leanas:
  - (i) go bhfuil na suímh fhada agus ghearra sna hinnéacsanna foluitechacha céanna;
  - (ii) go gcoimeádtar na suímh ghearra agus na suímh fhada araon sa leabhar neamhthrádála nó sa leabhar trádála;

*Airteagal 58***Sealúchais d'ionstraimí Chaipiteal Breise Leibhéal 1 de chuid eintiteas eárnála airgeadais a asbhaint i gcás ina bhfuil tras-sealúchais cómhálartach a ceapadh go saorga chun cistí dílse a bhoilsciú ag institiúid**

Déanfaidh institiúidí na hasbhaintí a cheanglaítear faoi phointe (b), phointe (c) agus phointe (d) d'Airteagal 53 i gcomhréir leis an méid seo a leanas:

- (a) déanfar sealúchais d'ionstraimí Chaipiteal Breise Leibhéal 1 a ríomh ar bhonn na n-ollsúiomh fada;

**▼B**

- (b) déanfar ítimí chistí dílse d'árachas breise Leibhéal 1 a láimhseáil mar shealúchais d'ionstraimí Chaipiteal Breise Leibhéal 1 chun críocha asbhainte.

*Airteagal 59***Sealúchais d'ionstraimí Chaipiteal Breise Leibhéal 1 de chuid eintiteas earnála airgeadais a asbhaint**

Déanfaidh institiúidí na hasbhaintí a cheanglaítear faoi phointe (c) agus faoi phointe (d) d'Airteagal 56 i gcomhréir leis an méid seo a leanas:

- (a) féadfaidh siad sealúchais dhíreacha, indíreacha agus shintéiseacha d'ionstraimí Chaipiteal Breise Leibhéal 1 eintiteas earnála airgeadais a ríomh ar bhonn an ghlansuímh fhada atá sa risíocht fholuiteach chéanna ar an gcoinníoll go gcomhlíontar an dá choinníoll seo a leanas:

**▼M8**

- (i) dáta aibíochta an tsuímh ghearr, is ionann é agus dáta aibíochta an tsuímh fhada nó is déanaí é ná an dáta sin, nó is é bliain amháin, ar a laghad, aibíocht iarmhair an tsuímh ghearr;

**▼B**

- (ii) go gcoimeádtar suímh ghearra agus fhada araon sa leabhar neamhtrádála nó go gcoimeádtar iad araon sa leabhar trádála;
- (b) déanfaidh institiúidí an méid a asbhainfear i dtaca le sealúchais dhíreacha, indíreacha agus shintéiseacha d'urrúis innéacsanna a chinneadh tríd an risíocht fholuiteach ar ionstraimí caipitil na n-eintiteas earnála airgeadais sna hinnéacsanna sin a ríomh;

*Airteagal 60***Sealúchais d'ionstraimí Chaipiteal Breise Leibhéal 1 a asbhaint i gcás nach bhfuil infheistíocht shuntasach ag institiúid in eintiteas earnála airgeadais**

1. Chun críocha phointe (c) d'Airteagal 56, ríomhfaidh institiúidí an méid is infheidhme a asbhainfear tríd an méid dá dtagraítear i bpointe (a) den mhír seo a iolrú faoin bhfachtóir a dhíorthaítear ón ríomh dá dtagraítear i bpointe (b) den mhír seo:

**▼C2**

- (a) an méid comhiomlán a sháraíonn na sealúchais dhíreacha, indíreacha agus shintéiseacha d'ionstraimí Ghnáthchothromas Leibhéal 1, de Chaipiteal Breise Leibhéal 1 agus de Chaipiteal Leibhéal 2 eintiteas earnála airgeadais nach bhfuil infheistíocht shuntasach ag an institiúid iontu 10 % de na hítimí Ghnáthchothromas Leibhéal 1 atá ag an institiúid agus ríomhtar an méid comhiomlán sin tar éis iad seo a leanas a chur i bhfeidhm:

**▼B**

- (i) Airteagail 32 go 35;
- (ii) pointí (a) go (g) agus pointe (k)(ii) go pointe k(v) agus mír (1) d'Airteagal 36(1), cé is moite de shócmhainní cánach iarchurtha atá ag brath ar bhrabúsacht todhchaí agus a thig ó dhifriochtaí sealadacha;
- (iii) Airteagal 44 agus Airteagal 45;

**▼B**

(b) an méid comhiomlán a sháraithear leis na sealúchais dhíreacha, indíreacha agus shintéiseacha d'ionstraimí Chaipiteal Breise Leibhéal 1 d'eintitis sin na hearnála airgeadais nach bhfuil infheistíocht shuntasach ag an institiúid iontu a roinnt faoi mhéid foriomlán na sealúchais díreach, indíreach agus sintéiseach atá i seilbh na hinsti-tiúide d'ionstraimí Ghnáthchothromas Leibhéal 1, ionstraimí Chaipiteal Breise Leibhéal 1 agus ionstraimí Chaipiteal Breise Leibhéal Breise 2 n-eintiteas eárnála airgeadais sin.

2. Déanfaidh institiúidí suímh fhrithgheallta arna sealbhú ar feadh chúig lá oibre nó níos giorra a eisiamh ón méid dá dtagraítear i bpointe (a) de mhír 1 agus ó ríomh an fhachtóra dá dtagraítear i bpointe (b) de mhír 1.

**▼C2**

3. Déanfar an méid atá le hasbhaint de bhun mhír 1 a chionroinnt thar gach ionstraim de Chaipiteal Breise Leibhéal 1 arna sealbhú. Déanfaidh na hinstiúidí an méid a bheidh le hasbhaint ó gach ionstraim de Chaipiteal Breise Leibhéal 1 de bhun mhír 1 a chinneadh tríd an méid atá sonraithe i bpointe (a) den mhír seo a iolrú leis an gcion atá sonraithe i bpointe (b) den mhír seo:

(a) méid na sealúchais is gá a asbhaint de bhun mhír 1;

(b) cion mhéid comhiomlán na sealúchais díreach, indíreach agus sintéiseach d'ionstraimí Chaipiteal Breise Leibhéal 1 eintiteas eárnála airgeadais atá ag an institiúid agus nach bhfuil infheistíocht shuntasach ag an institiúid sna heintitis sin atá in ionannas le gach ionstraim Chaipiteal Breise Leibhéal 1 arna sealbhú.

**▼B**

4. Ní asbhainfeadh méid na sealúchais dá dtagraítear i bpointe (c) d'Airteagal 56 atá cothrom le nó níos lú ná 10 % de na hítimí Ghnáthchothromas Leibhéal 1 atá ag an institiúid tar éis na forálacha atá leagtha síos i bpointí (a)(i), (ii) agus (iii) de mhír 1 a chur i bhfeidhm agus beidh siad faoi réir na n-ualaí príacal is infheidhme i gcomhréir le Caibidil 2 nó Caibidil 3 de Theideal II de Chuid a Trí agus na gceanglas atá leagtha síos i dTeideal IV de Chuid a Trí, de réir mar is infheidhme.

**▼C2**

5. Déanfaidh institiúidí méid gach ionstraim Chaipiteal Breise Leibhéal 1 atá ualaithe de réir príacal de bhun mhír 4 a chinneadh tríd an méid atá sonraithe i bpointe (a) den mhír seo a iolrú leis an méid atá sonraithe i bpointe (b) den mhír seo:

(a) méid na sealúchais is gá a ualú de réir príacal de bhun mhír 4;

(b) an cion a eascraíonn as an ríomh i bpointe (b) de mhír 3.

**▼B**

## Roinn 3

**Caipiteal breise leibhéal 1***Airteagal 61***Caipiteal Breise Leibhéal 1**

Is é atá i gCaipiteal Breise Leibhéal 1 institiúide ítimí Chaipiteal Breise Leibhéal 1 tar éis na hítimí dá dtagraítear in Airteagal 56 a asbhaint agus tar éis Airteagal 79 a chur i bhfeidhm.

*CAIBIDIL 4***Caipiteal Leibhéal 2**

## Roinn 1

**Ítimí agus ionstraimí chaipiteal leibhéal 2***Airteagal 62***Ítimí Leibhéal 2**

Is iad seo a leanas atá in ítimí Chaipiteal Leibhéal 2:

**▼M8**

(a) ionstraimí caipitil, ar an gcoinníoll go gcomhlíontar na coinníollacha a leagtar amach in Airteagal 63, agus a mhéid a shonraítear in Airteagal 64;

**▼B**

(b) na cuntais scairbhisigh a bhaineann le hionstraimí dá dtagraítear i bpointe (a);

(c) maidir le hinstitiúidí a ríomhann méideanna risíochta atá ualaithe ó thaobh priacal i gcomhréir le Caibidil 2 de Theideal II de Chuid a Trí, coigeartuithe ginearálta i leith priacal creidmheasa, agus éifeachtaí cánach san áireamh, go dtí 1.25 % de mhéideanna risíochta atá ualaithe ó thaobh priacal arna ríomh i gcomhréir le Caibidil 2 de Theideal II de Chuid a Trí;

(d) maidir le hinstitiúidí a dhéanann méideanna risíochta atá ualaithe ó thaobh priacal a ríomh faoi Chaibidil 3 de Theideal II de Chuid a Trí méideanna deimhneacha, agus éifeachtaí cánach san áireamh, a thig ón ríomh atá leagtha síos in Airteagal 158 agus Airteagal 158 go dtí 0.6 % de mhéideanna risíochta atá ualaithe ó thaobh priacal a ríomhtar faoi Chaibidil 3 de Theideal II de Chuid a Trí.

Ní cháileoidh ítimí a áirítear faoi phointe (a) mar ítimí Ghnáthchrothromas Leibhéal 1 ná Chaipiteal Breise Leibhéal 1.

*Airteagal 63***Ionstraimí Chaipiteal Leibhéal 2****▼M8**

Cáileoidh ionstraimí caipitil mar ionstraimí Leibhéal 2 ar an gcoinníoll go gcomhlíontar na coinníollacha seo a leanas:

**▼M8**

- (a) eisíonn institiúid na hionstraimí go díreach agus tá siad foctha ina n-iomláine;
- (b) ní le haon cheann díobh seo a leanas na hionstraimí:

**▼B**

- (i) an institiúid nó a fochuideachtaí;
- (ii) gnóthas ina bhfuil rannpháirtíocht ag an institiúid ann i bhfoirm úinéireachta dhíreach ar 20 % nó níos mó de na cearta vótála nó de chaipiteal an ghnóthais sin, nó i bhfoirm úinéireachta trí na nithe sin a rialú;

**▼M8**

- (c) ní dhéanann an institiúid éadáil úinéireacht na n-ionstraimí a chistiú go díreach nó go hindíreach;
- (d) tá an t-éileamh ar mhéid príomhshuim na n-ionstraimí faoi na forálacha lena rialaítear na hionstraimí rangaithe faoi bhun aon éilimh ó ionstraimí dliteanas incháilithe;
- (e) níl na hionstraimí urraithe, ná faoi réir ráthaiocht lena gcuirtear le sinsearach an éilimh ag aon cheann díobh seo a leanas:

**▼B**

- (i) an institiúid nó a fochuideachtaí;
- (ii) máthairghnóthas na hinstitiúide nó fochuideachtaí na hinstitiúide;
- (iii) an mháthairchuideachta shealbhaíochta airgeadais nó a fochuideachtaí;
- (iv) an chuideachta shealbhaíochta ghníomhaíochtaí measctha nó a fochuideachtaí;
- (v) an chuideachta shealbhaíochta airgeadais mheasctha nó a fochuideachtaí;
- (vi) aon ghnóthas a bhfuil dlúthnaisc aige le heintitis dá dtagraítear i bpointe (i) go pointe (v);

**▼M8**

- (f) níl na hionstraimí faoi réir aon socrú a chuireann le sinsearach an éilimh faoi na hionstraimí;
- (g) tá aibíocht bunaidh cúig bliana ar a laghad ag na hionstraimí;
- (h) sna forálacha lena rialaítear na hionstraimí, níl aon dreasacht do na hinstitiúidí chun a méid príomhshuime a fhuascailt nó a aisíoc, mar is infheidhme, roimh thráth a n-aibíochta;
- (i) i gcás ina n-áirítear leis na hionstraimí luathrogha amháin ar aisíoc, nó níos mó, lena n-áirítear céadroghanna ar cheannach, féadfar na roghanna a fheidhmiú de réir lánrogha iomlán an eisitheora;
- (j) ní fhéadfar na hionstraimí a cheannach, a fhuascailt, a aisíoc nó a athcheannach go luath, ach amháin i gcás ina gcomhlíontar na coinníollacha a leagtar amach in Airteagal 77, agus tráth nach túisce ná cúig bliana tar éis an dáta eisiúna ach amháin i gcás ina gcomhlíontar na coinníollacha a leagtar amach in Airteagal 78(4);

## ▼M8

- (k) ní thugtar le fios go sainráite ná go hintuigthe sna forálacha lena rialaítear na hionstraimí go ndéanfadh an institiúid ionstraimí a cheannach, a fhuascaílt, a aisíoc nó a athcheannach go luath, de réir mar is infheidhme, ach amháin i gcás dhócmhainneacht nó leachtú na hinstitiúide agus nach dtugann an institiúid an méid sin le fios ar aon tslí eile;
- (l) ní thugann na forálacha lena rialaítear na hionstraimí an ceart don sealbhóir dlús a chur faoi íocaíocht sceidealta an úis nó na príomhshuime amach anseo, ach amháin i gcás dhócmhainneacht nó leachtú na hinstitiúide;
- (m) ní leasófar an leibhéal úis nó na hiocaíochtaí díbhinne, de réir mar is infheidhme, a bheidh dlite ar na hionstraimí ar bhonn sheasamh creidmheasa na hinstitiúide nó a máthairghnóthas;
- (n) i gcás ina bhfuil an t-eisitheoir bunaithe i dtríú tír agus ar ainmníodh é i gcomhréir le hAirteagal 12 de Threoir 2014/59/AE mar chuid de ghrúpa réitigh a bhfuil a eintiteas réitigh bunaithe san Aontas, nó i gcás ina bhfuil an t-eisitheoir bunaithe i mBallstát, de réir an dlí nó de réir forálacha conartha lena rialaítear na hionstraimí, ní mór, ar chinneadh ón údarás réitigh an chumhacht díluachála agus comhshó dá dtagraítear in Airteagal 59 den Treoir sin a fheidhmiú, príomhshuim na n-ionstraimí a dhíluacháil ar bhonn buan nó na hionstraimí a chomhshó ina n-ionstraimí Gnáthchothromas Leibhéal 1;
- i gcás ina bhfuil an t-eisitheoir bunaithe i dtríú tír agus nár ainmníodh é i gcomhréir le hAirteagal 12 de Threoir 2014/59/AE mar chuid de ghrúpa réitigh a bhfuil a eintiteas réitigh bunaithe san Aontas, ceanglaítear leis an dlí, nó le forálacha conartha, lena rialaítear na hionstraimí, nach mór, ar chinneadh ón údarás ábhartha sa tríú tír, príomhshuim na n-ionstraimí a dhíluacháil ar bhonn buan nó na hionstraimí a chomhshó ina n-ionstraimí Gnáthchothromas Leibhéal 1;
- (o) i gcás ina bhfuil an t-eisitheoir bunaithe i dtríú tír agus ar ainmníodh é i gcomhréir le hAirteagal 12 de Threoir 2014/59/AE mar chuid de ghrúpa réitigh a bhfuil a eintiteas réitigh bunaithe san Aontas, nó i gcás ina bhfuil an t-eisitheoir bunaithe i mBallstát, is i gcás ina bhfuil feidhmiú na cumhachta díluachála agus comhshó dá dtagraítear in Airteagal 59 den Treoir sin de réir dlíthe tríú tír, ina bhfuil an feidhmiú sin éifeachtach agus infheidhmithe ar bhonn forálacha reachtacha nó forálacha conartha a aithníonn gníomhartha réitigh nó gníomhartha díluachála nó comhshó eile, agus sa chás sin amháin, a fhéadfar ionstraimí a eisiúint faoi dhlíthe tríú tír nó a chur faoi réir na ndlíthe sin ar dhóigh eile;
- (p) níl na hionstraimí faoi réir socrúithe fritháirimh nó socrúithe glanluachála a chuirfeadh isteach ar a n-acmhainn ionsúite caillteanas.

Chun críocha phointe (a) den chéad mhír, ní bheidh ach an chuid den ionstraim chaipitil atá láníoctha i dteideal a cháilithe mar ionstraim Leibhéal 2.

*Airteagal 64***Ionstraimí de Chaipiteal Leibhéal 2 a amúchadh**

1. Measfar gur ítimí Leibhéal 2 méid iomlán ionstraimí Leibhéal 2 ag a bhfuil aibíocht iarmhair os cionn cúig bliana.



**▼M8**

2. Déantar an méid a cháilíonn ionstraimí Leibhéal 2 mar ítimí Leibhéal 2 sna cúig bliana deireanacha d'aibíocht na n-ionstraimí a ríomh tríd an toradh a dhíorthaítear ón ríomh dá dtagraítear i bpointe (a) a iolrú faoin méid dá dtagraítear i bpointe (b) mar seo a leanas:

- (a) roinntear suim ainmniúil na n-ionstraimí ar an gcéad lá den tréimhse deiridh cúig bliana dá n-aibíocht chonarhach ar líon na laethanta sa tréimhse sin;
- (b) líon na laethanta d'aibíocht chonarhach atá fágtha maidir leis na hionstraimí.

**▼B***Airteagal 65***Na hiarmhairtí nuair a scoirtear de bheith ag comhlíonadh na gcoinníollacha maidir le hionstraimí Chaipiteal Leibhéal 2**

Beidh feidhm ag an méid seo a leanas i gcás ina scoirtear de bheith ag comhlíonadh na gcoinníollacha atá leagtha síos in Airteagal 63:

- (a) scoirfidh an ionstraim sin láithreach bonn de bheith cáilithe mar ionstraim de Chaipiteal Leibhéal 2;
- (b) scoirfidh an chuid de na cuntais scairbhisigh a bhaineann leis an ionstraim sin de bheith cáilithe mar ítimí Chaipiteal Leibhéal 2, láithreach bonn.

## Roinn 2

**Asbhaintí as ítimí chaipiteal leibhéal 2***Airteagal 66***Asbhaintí as ítimí Chaipiteal Leibhéal 2**

Asbhainfear na nithe seo a leanas as ítimí Chaipiteal Leibhéal 2:

- (a) sealúchais dhíreacha, indíreacha agus shintéiseacha d'ionstraimí dílse de Chaipiteal Leibhéal 2 atá ag institiúid, lena n-áirítear ionstraimí dílse de Chaipiteal Leibhéal 2 a d'fhéadfadh a bheith d'oibleagáid ar institiúid a cheannach mar thoradh ar oibleagáidí conarthacha atá ann cheana;
- (b) sealúchais, bíodh siad díreach, indíreach nó sintéiseach, d'ionstraimí Chaipiteal Leibhéal 2 eintiteas eanála airgeadais ina bhfuil tras-sealúchais chómhálartacha ag an institiúid leis na heintitis sin agus a mheasann an t-údarás inniúil a gur ceapadh iad chun cistí dílse na hinstitiúide a bhoilsciú go saorga;
- (c) méid infheidhme, a chinntear i gcomhréir le hAirteagal 70, sealúchas díreach, indíreach agus shintéiseach d'ionstraimí Chaipiteal Leibhéal 2 eintiteas eanála airgeadais, i gcás nach bhfuil infheistíocht shuntasach ag institiúid sna heintitis sin;
- (d) sealúchais dhíreacha, indíreacha agus shintéiseacha d'ionstraimí Chaipiteal Leibhéal 2 eintiteas eanála airgeadais atá ag an institiúid i gcás ina bhfuil infheistíocht shuntasach ag an institiúid sna heintitis sin, cé is moite de shuímh frithgheallta arna sealbhú ar feadh tréimhse níos giorra ná cúig lá oibre;

**▼M8**

- (e) méid na n-ítimí is gá a asbhaint as ítimí dliteanas incháilithe de bhun Airteagal 72e a sháraíonn ítimí dliteanas incháilithe na hinstitiúide.

**▼B***Airteagal 67***Sealúchais d'ionstraimí dílse de Chaipiteal Leibhéal 2 a asbhaint**

Chun críocha phointe (a) d'Airteagal 66, déanfaidh institiúidí sealúchais a ríomh ar bhonn ollsúiomh fada faoi réir na n-eisceachtaí seo a leanas:

- (a) féadfaidh institiúidí méid na sealúchais sa leabhar trádála a ríomh ar bhonn an ghlansuímh fhada ar an gcoinníoll go gcomhlíontar an dá choinníoll seo a leanas:
  - (i) go bhfuil an risíocht fholuiteach chéanna ag na suímh fhada agus na suímh fhada ghearra agus nach bhfuil aon pricacal contrapháirtí ag baint leis na suímh ghearra;
  - (ii) go gcoimeádtar na suímh ghearra agus na suímh fhada araon sa leabhar neamhthrádála nó go gcoimeádtar iad araon sa leabhar trádála;
- (b) déanfaidh institiúidí an méid a asbhainfeadh i dtaca le sealúchais dhíreacha, indíreacha agus shintéiseacha atá mar shealúchais d'urrúis innéacsanna a chinneadh tríd an risíocht fholuiteach ar ionstraimí dílse de Chaipiteal Leibhéal 2 sna hinnéacsanna sin a ríomh;
- (c) féadfaidh institiúidí ollsúimh fhada in ionstraimí dílse de Chaipiteal Leibhéal 2 a thig ó shealúchais d'urrúis innéacsanna a ghlanluacháil i gcoinne suíomh gearr in ionstraimí dílse de Chaipiteal Leibhéal 2 a thig ó shuímh ghearra sna hinnéacsanna foluiteacha, lena n-áirítear an cás ina bhfuil pricacal contrapháirtí ag baint leis na suímh ghearra sin; ar an gcoinníoll go gcomhlíontar an dá choinníoll seo a leanas:
  - (i) go bhfuil an suíomh gearr agus an suíomh fada sna hinnéacsanna foluiteacha céanna;
  - (ii) go gcoimeádtar na suímh ghearra agus na suímh fhada araon sa leabhar neamhthrádála nó go gcoimeádtar iad araon sa leabhar trádála.

*Airteagal 68*

**Sealúchais d'ionstraimí Chaipiteal Leibhéal 2 eintiteas earnála airgeadais a asbhaint i gcás ina bhfuil tras-sealúchais cómhalmartach a ceapadh go saorga chun cistí dílse a bhoilsciú ag institiúid**

Déanfaidh institiúidí na hasbhaintí a cheanglaítear faoi pointí (b), (c) agus (d) d'Airteagal 66 i gcomhréir leis na forálacha seo a leanas:

- (a) déanfar sealúchais d'ionstraimí Chaipiteal Leibhéal 2 a ríomh ar bhonn na n-ollshuíomh fada;
- (b) déanfar sealúchais d'itimí chistí dílse d'árachas Leibhéal 2 agus Leibhéal 3 a láimhseáil mar shealúchais d'ionstraimí Chaipiteal Leibhéal 2 chun críocha asbhainte.

**▼B***Airteagal 69***Sealúchais d'ionstraimí Chaipiteal Leibhéal 2 de chuid eintiteas earnála airgeadais a asbhaint**

Déanfaidh institiúidí na hasbhaintí a cheanglaítear faoi phointí (c) agus (d) d'Airteagal 66 i gcomhréir leis an méid seo a leanas:

- (a) féadfaidh siad sealúchais dhíreacha, indíreacha agus sintéiseacha d'ionstraimí Chaipiteal Leibhéal 2 eintiteas de chuid na hearnála airgeadais a ríomh ar bhonn an ghlanuimh fhada atá sa risíocht fholuitech chéanna ar an gcoinníoll go gcomhlíontar an dá choinníoll seo a leanas:

**▼M8**

- (i) dáta aibíochta an tsuimh ghearr, is ionann é agus dáta aibíochta an tsuimh fhada nó is déanaí é ná an dáta sin, nó is é bliain amháin, ar a laghad, aibíocht iarmhair an tsuimh ghearr;

**▼B**

- (ii) go gcoimeádtar suimh ghearra agus fhada araon sa leabhar neamhtrádála nó go gcoimeádtar iad araon sa leabhar trádála;
- (b) déanfaidh siad an méid a asbhainfear i dtaca le sealúchais dhíreacha, indíreacha agus shintéiseacha d'urrúis innéacsanna a chinneadh ar bhonn na risíochta bunúsaí ar ionstraimí caipitil na n-eintiteas earnála airgeadais ábhartha sna hinnéacsanna sin.

*Airteagal 70***Ionstraimí Chaipiteal Leibhéal 2 a asbhaint i gcás nach bhfuil infheistíocht shuntasach ag institiúid in eintiteas ábhartha**

1. Chun críocha phointe (c) d'Airteagal 66, ríomhfaidh institiúidí an méid is infheidhme a asbhainfear tríd an méid dá dtagraítear i bpointe (a) den mhír seo a iolrú faoin bhfachtóir a dhíorthaítear ón ríomh dá dtagraítear i bpointe (b) den mhír seo:

**▼C2**

- (a) an méid comhiomlán a sháraíonn na sealúchais dhíreacha, indíreacha agus shintéiseacha d'ionstraimí Ghnáthchothromas Leibhéal 1, de Chaipiteal Breise Leibhéal 1 agus de Chaipiteal Leibhéal 2 eintiteas earnála airgeadais nach bhfuil infheistíocht shuntasach ag an institiúid iontu 10 % de na hítimí Ghnáthchothromas Leibhéal 1 atá ag an institiúid agus ríomhtar an méid comhiomlán sin tar éis iad seo a leanas a chur i bhfeidhm:

(i) Airteagail 32 go 35;

(ii) pointí (a) go (g), pointe k(ii) go (v) agus (l) d'Airteagal 36(1), cé is moite den mhéid a bheidh le hasbhaint i dtaca le sócmhainní cánach iarchurtha atá ag brath ar bhrabúsacht todhchaí agus a thig ó dhifriochtaí sealadacha;

(iii) Airteagal 44 agus Airteagal 45;

- (b) méid na sealúchas díreach, indíreach agus sintéiseach d'ionstraimí Chaipiteal Leibhéal 2 eintiteas earnála airgeadais atá ag institiúid arna roinnt ar mhéid comhiomlán na sealúchas díreach, indíreach agus sintéiseach go léir nach bhfuil infheistíocht shuntasach iontu ag an institiúid d'ionstraimí Ghnáthchothromas Leibhéal 1, de Chaipiteal Breise Leibhéal 1 agus de Chaipiteal Leibhéal 2 na n-eintiteas earnála airgeadais sin.

**▼B**

2. Déanfaidh institiúidí suímh fhrithgheallta arna sealbhú ar feadh chúig lá oibre nó níos giorra a eisiámh ón méid dá dtagraítear i bpointe (a) de mhír 1 agus ó ríomh an fhachtóra dá dtagraítear i bpointe (b) de mhír 1.

**▼C2**

3. Déanfar an méid atá le hasbhaint de bhun mhír 1 a chionroinnt thar gach ionstraim Leibhéal 2 arna sealbhú. Déanfaidh institiúidí an méid a bheidh le hasbhaint as gach ionstraim Chaipiteal Leibhéal 2 a asbhaintear de bhun mhír 1 a chinneadh tríd an méid atá sonraithe i bpointe (a) den mhír seo a iolrú faoin gcion atá sonraithe i bpointe (b) den mhír seo:

- (a) méid iomlán na sealúchas is gá a asbhaint de bhun mhír 1;
- (b) cion mhéid comhiomlán na sealúchas díreach, indíreach agus sintéiseach d'ionstraimí Chaipiteal Leibhéal 2 eintiteas earnála airgeadais atá ag an institiúid agus nach bhfuil infheistíocht shuntasach ag an institiúid sna heintitis sin atá in ionannas le gach ionstraim arna sealbhú.

**▼B**

4. Ní asbhainfear méid na sealúchas dá dtagraítear i bpointe (c) d'Airteagal 66(1) atá cothrom le nó níos lú ná 10 % de na hítimí Ghnáthchothromas Leibhéal 1 atá ag an institiúid tar éis na forálacha atá leagtha síos i bpointí (a)(i) go (iii) de mhír 1 a chur i bhfeidhm agus beidh siad faoi réir na n-ualaí priacal is infheidhme i gcomhréir le Caibidil 2 nó Caibidil 3 de Theideal II de Chuid a Trí agus na gceanglas atá leagtha síos i dTeideal IV de Chuid a Trí, de réir mar is infheidhme.

**▼C2**

5. Déanfaidh institiúidí méid gach ionstraim Leibhéal 2 atá ualaithe de réir priacal de bhun mhír 4 a chinneadh tríd an méid atá sonraithe i bpointe (a) den mhír seo a roinnt ar an méid atá sonraithe i bpointe (b) den mhír seo:

- (a) méid na sealúchas is gá a ualú de réir priacal de bhun mhír 4;
- (b) an cion a eascraíonn as an ríomh atá i bpointe (b) de mhír 3.

**▼B**

## Roinn 3

**Caipiteal leibhéal 2***Airteagal 71***Caipiteal Leibhéal 2**

Is é atá i gCaipiteal Leibhéal 2 institiúide ítimí Chaipiteal Leibhéal 2 na hinstiúide tar éis na hítimí dá dtagraítear in Airteagal 66 a asbhaint agus tar éis Airteagal 79 a chur chun feidhme.

**▼B***CAIBIDIL 5**Cistí dílse**Airteagal 72***Cistí dílse**

Is é atá i gcistí dílse institiúide suim Chaipiteal Leibhéal 1 na hinsti-tiúide agus Chaipiteal Leibhéal 2 na hinstiúide.

**▼M8***CAIBIDIL 5a****Dlíteanais incháilithe***

## Roinn 1

**Ítimí agus ionstraimí dlíteanas incháilithe***Airteagal 72a***Ítimí dlíteanas incháilithe**

1. Is iad na nithe seo a leanas a bheidh ina n-ítimí dlíteanas incháilithé, mura bhfuil siad in aon cheann de na catagóirí de dhlíteanais eisiata a leagtar síos i mír 2 den Airteagal seo, agus a mhéid a shonraítear in Airteagal 72c:

- (a) ionstraimí dlíteanas incháilithe má chomhlíontar na coinníollacha a leagtar amach in Airteagal 72b, a mhéid nach gcáilíonn siad mar ítimí Gnáthchothromas Leibhéal 1, Leibhéal 1 Breise nó Leibhéal 2;
- (b) Ionstraimí Leibhéal 2 ag a bhfuil aibíocht iarmhair bliana amháin ar a laghad, a mhéid nach gcáilíonn siad mar ítimí Leibhéal 2 i gcomhréir le hAirteagal 64.

2. Eisiafar na dlíteanais seo a leanas ó ítimí dlíteanas incháilithe:

- (a) taiscí cumhdaithe;
- (b) taiscí ar amharc agus taiscí gearrthearma a bhfuil a n-aibíocht bunaidh faoi bhun bliain amháin;
- (c) an chuid sin de thaiscí incháilithe ó dhaoine nádúrtha agus ó mhicreaghnóthais, gnóthais bheaga agus gnóthais mheánmhéide a sháraíonn an leibhéal cumhdaigh dá dtagraítear in Airteagal 6 de Threoir 2014/49/AE ó Pharlaimint na hEorpa agus ón gComhairle <sup>(1)</sup>;
- (d) taiscí a bheadh ina dtaiscí incháilithe ó dhaoine nádúrtha agus ó mhicreafhiontair, fiontair bheaga agus fiontair mheánmhéide, gur taisceadh iad trí bhraintí a bhí lonnaithe lasmuigh den Aontas ó institiúidí atá bunaithe san Aontas;
- (e) dlíteanais urraithe lena n-áirítear bannaí cumhdaithe agus dlíteanais i bhfoirm ionstraimí airgeadais a úsáidtear chun críocha fáilithe agus ar cuid lárnach iad den chomhthiomsú cumhdaigh agus dhéantar a urrú, i gcomhréir leis an dlí náisiúnta, ar bhealach comhchosúil le bannaí cumhdaithe, ar choinníoll nach ndéanfar difear d'aon sócmhainní urraithe a bhaineann le comhthiomsú cumhdaigh agus

<sup>(1)</sup> Treoir 2014/49/AE ó Pharlaimint na hEorpa agus ón gComhairle an 16 Aibreán 2014 maidir le scéimeanna ráthaíochta taiscí (IO L 173, 12.6.2014, lch. 149).

## ▼M8

go leanfar dá ndóthain cistiúcháin a thabhairt dóibh agus seachas aon chuid de dhliteanas urraithe nó de dhliteanas a mbeidh comhthaobhacht geallta ina leith ar mó é ná luach na sócmhainní, an ghealltáin, an liain nó na comhthaobhachta lena bhfuil sé urraithe;

- (f) aon dliteanas a thagann chun cinn mar gheall ar shócmhainní cliaint nó airgead cliaint i seilbh lena n-áirítear sócmhainní cliaint agus airgead cliaint atá i seilbh ar son gnóthais chomhinfheistíochta, ar choinníoll ar choinníoll go mbeidh an cliant sin faoi chosaint an dlí dócmhainneachta is infheidhme;
- (g) aon dliteanas a eascraíonn de bhua caidrimh mhuinínigh idir an t-eintiteas réitigh nó aon cheann dá fhochuideachtaí (mar mhuiníneach) agus duine eile (mar thairbhí), ar choinníoll go mbeidh an tairbhí sin faoi chosaint an dlí dócmhainneachta nó sibhialta is infheidhme;
- (h) dliteanas d'institiúidí, gan dliteanas d'eintitis ar cuid den ghrúpa céanna iad a áireamh, a bhfuil aibíocht bunaidh níos lú ná seacht lá acu;
- (i) dliteanas a bhfuil aibíocht níos lú ná seacht lá fágtha iontu, atá dlite do na heintitis seo a leanas:
  - (i) córais nó oibreoirí córas a ainmnítear i gcomhréir le Treoir 98/26/CE ó Pharlaimint na hEorpa agus ón gComhairle <sup>(1)</sup>;
  - (ii) rannpháirtithe i gcóras a ainmnítear i gcomhréir le Treoir 98/26/CE agus a eascraíonn as rannpháirtíocht i gcóras den sórt sin; nó
  - (iii) CPL tríú tír a aithnítear i gcomhréir le hAirteagal 25 de Rialachán (AE) Uimh. 648/2012;
- (j) dliteanas i leith aon cheann díobh seo a leanas:
  - (i) Fostaí, maidir le tuarastal fabhráithe, sochair phinsin nó luach saothair socraithe eile, seachas comhpháirt athraitheach an luacha saothair nach bhfuil rialáilte le comhaontú cómhargála agus seachas an chomhchuid inathraithe de luach saothair glacadóirí priacail ábhartha dá dtagraítear in Airteagal 92(2) de Threoir 2013/36/AE;
  - (ii) creidiúnaí tráchtála nó trádála má thagann an dliteanas as soláthar, don institiúid nó don mháthairghnóthas, earraí nó seirbhísí a bhfuil gá leo chun go bhfeidhmeodh oibríochtaí na hinstitiúide nó an mháthairghnóthais, lena n-áirítear seirbhísí TF, fónais agus cíos, seirbhísíú agus cothabháil an áitribh;
  - (iii) údaráis chánach agus údaráis slándála sóisialta, ar choinníoll go mbeidh tosaíocht ag na dliteanas sin faoin dlí is infheidhme;

<sup>(1)</sup> Treoir 98/26/CE ó Pharlaimint na hEorpa agus ón gComhairle an 19 Bealtaine 1998 maidir le críochnaitheacht socraíochta i gcórais íocaíochta agus socraíochta urrús (IO L 166, 11.6.1998, lch. 45).

▼ **M8**

- (iv) scéimeanna ráthaithe taiscí má thagann an dliteanas as ranníocaíochtaí atá dlite i gcomhréir le Treoir 2014/49/AE;
- (k) dliteanais a thagann as díorthaigh;
- (l) dliteanais a thagann as ionstraimí fiachais ag a bhfuil díorthaigh leabaithe.

Chun críocha phointe (l) den chéad fhomhír, ionstraimí fiachais ina bhfuil roghanna ar luathfhuascailt is féidir a fheidhmiú de réir rogha an eisitheora nó an tsealbhóra, agus ionstraimí fiachais ag a bhfuil ús athraitheach a dhíorthaítear ó ráta tagartha a úsáidtear go leitheadach amhail Euribor nó Libor, ní mheasfar gur ionstraimí fiachais ag a bhfuil díorthaigh leabaithe iad ar bhonn gnéithe den sórt sin amháin.

*Airteagal 72b***Ionstraimí dliteanas incháilithe**

1. Cáileoidh dliteanais mar ionstraimí dliteanas incháilithe ar choinníoll go gcomhlíonann siad na coinníollacha a leagtar amach san Airteagal seo agus a mhéid a shonraítear san Airteagal seo.
2. Cáileoidh dliteanais mar ionstraimí dliteanas incháilithe ar choinníoll go gcomhlíontar na coinníollacha seo a leanas uile:
  - (a) eisíonn institiúid go díreach nó faigheann institiúid na dliteanais, de réir mar is infheidhme, agus tá siad íoctha go hiomlán;
  - (b) ní le haon cheann díobh seo a leanas na dliteanais:
    - (i) institiúid nó eintiteas atá sa ghrúpa réitigh céanna;
    - (ii) gnóthas ina bhfuil rannpháirtíocht dhíreach nó indíreach ag an institiúid ann i bhfoirm úinéireacht dhíreach, nó i bhfoirm rialaithe, ar 20 % nó níos mó de na cearta vótála nó de chaipiteal an ghnóthais sin;
  - (c) ní dhéanann an t-eintiteas réitigh éadail úinéireacht na ndliteanas a chistiú go díreach nó go hindíreach;
  - (d) tá an t-éileamh ar phríomhshuim na ndliteanas faoi na forálacha lena rialaítear na hionstraimí go hiomlán fo-ordaithe maidir le héilimh a thagann as na dliteanais eisiata dá dtagraítear in Airteagal 72a(2); measfar gur comhlíonadh an ceanglas fo-ordúcháin sin in aon cheann de na cásanna seo a leanas:
    - (i) sonraíonn na forálacha conartha lena rialaítear na dliteanais go mbeidh, i gcás gnáthimeachtaí dócmhainneachta mar a shainmhínítear iad i bpointe (47) d'Airteagal 2(1) de Threoir 2014/59/AE, an t-éileamh ar phríomhshuim na n-ionstraimí rangaithe faoi bhun na n-éileamh a thagann as aon cheann de na dliteanais eisiata dá dtagraítear in Airteagal 72a(2) den Rialachán seo;
    - (ii) sonraítear sa dlí is infheidhme go mbeidh, i gcás gnáthimeachtaí dócmhainneachta mar a shainmhínítear iad i bpointe (47) d'Airteagal 2(1) de Threoir 2014/59/AE, an t-éileamh ar phríomhshuim na n-ionstraimí rangaithe faoi bhun na n-éileamh a thagann as aon cheann de na dliteanais eisiata dá dtagraítear in Airteagal 72a(2) den Rialachán seo;

## ▼M8

- (iii) is eintiteas réitigh nach bhfuil aon dliteanais eisiata dá dtagraítear in Airteagal 72a(2) den Rialachán seo a rangaítear *pari passu* le hionstraimí dliteanas incháilithe nó níos sóisearaí ná iad ar a chlár comhordaithe a eisiann na hionstraimí;
- (e) níl na dliteanais urraithe, ná faoi réir ráthaíochta ná aon socrú eile lena gcuirtear le sinsearach an éilimh, ag aon cheann díobh seo a leanas:
  - (i) institiúid nó a fochuideachtaí;
  - (ii) máthairghnóthas na hinstiúide nó fochuideachtaí na hinstiúide;
  - (iii) aon ghnóthas a bhfuil dlúthnaisc aige le heintitis dá dtagraítear i bpointí (i) agus (ii);
- (f) níl na dliteanais faoi réir socrúithe fritháirimh nó socrúithe glanluachála a chuirfeadh isteach ar a n-acmhainn ionsúite cailleanas i gcás réitigh;
- (g) ní áirítear sna forálacha lena rialaítear na dliteanais aon dreasacht don institiúid chun a méid príomhshuime a cheannach, a fhuascailt nó a athcheannach roimh a n-aibíocht nó a aisíoc, de réir mar is infheidhme, ach amháin sna cásanna dá dtagraítear in Airteagal 72c(3);
- (h) níl féidir le sealbhóirí na n-ionstraimí na dliteanais a fhuascailt roimh thráth a n-aibíochta, ach amháin sna cásanna dá dtagraítear in Airteagal 72c(2);
- (i) faoi réir Airteagal 72c(3) agus (4), i gcás ina n-áirítear leis na dliteanais luathrogha amháin ar aisíoc, nó níos mó, lena n-áirítear céadroghanna ar cheannach, féadfar na roghanna a fheidhmiú de réir lánrogha iomlán an eisitheora, ach amháin sna cásanna dá dtagraítear in Airteagal 72c(2);
- (j) ní fhéadfar na dliteanais a cheannach, a fhuascailt, a aisíoc nó a athcheannach go luath ach i gcás ina gcomhlíontar na coinníollacha a leagtar amach in Airteagail 77 agus 78a;
- (k) ní thugtar le fios go sainráite ná go hintuigthe sna forálacha lena rialaítear na dliteanais go ndéanfadh an t-eintiteas réitigh dliteanais a cheannach, a fhuascailt, a aisíoc nó a athcheannach go luath, de réir mar is infheidhme, ach amháin i gcás dhócmhainneacht nó leachtú na hinstiúide agus nach dtugann an institiúid an méid sin le fios ar aon tslí eile;
- (l) ní thugann na forálacha lena rialaítear na dliteanais an ceart don sealbhóir dlús a chur faoi íocaíocht sceidealta an úis nó na príomhshuime amach anseo, ach amháin i gcás dhócmhainneacht nó leachtú an eintitis réitigh;
- (m) ní leasófar an leibhéal úis nó na híocaíochtaí díbhinne, de réir mar is infheidhme, a bheidh dlite ar na dliteanais, de réir mar is infheidhme, ar bhonn sheasamh creidmheasa an eintitis réitigh nó a mháthairghnóthas;
- (n) i gcás ionstraimí a eisítear tar éis 28 Meitheamh 2021, luafar go sainráite sa doiciméadacht chonarhach ábhartha agus, i gcás inarb infheidhme, sa réamheolaire a bhaineann leis an eisiúint, go bhféadfaí an chumhacht díluachála agus comhshó a fheidhmiú i gcomhréir le hAirteagal 48 de Threoir 2014/59/AE.



## ▼M8

Chun críocha phointe (a) den chéad fhomhír, ní bheidh ach na codanna sin de na dliteanais atá íoctha go hiomlán i dteideal a gcáilithe mar ionstraimí dliteanais incháilithe.

Chun críocha phointe (d) den chéad fhomhír den Airteagal seo, i gcás ina bhfuil roinnt de na dliteanais eisiata dá dtagraítear in Airteagal 72a(2) fo-ordaithe maidir le gnáthéilimh neamhurraithe faoin dlí dócmhainneachta náisiúnta, ar an ábhar, inter alia, go bhfuil siad á sealbhú ag creidiúnaí a bhfuil dlúthnaisc aige leis an bhféichiúnaí, go bhfuil, nó go raibh, an creidiúnaí ina scairshealbhóir, i ngaolmhaireacht rialaithe nó grúpa, gur comhalta den chomhlacht bainistíochta an creidiúnaí nó go bhfuil an creidiúnaí bainteach le haon duine de na daoine sin, ní dhéanfar an fo-ordú a mheas trí thagairt d'éilimh a éiríonn as dliteanais eisiata den sórt sin.

3. Le cois na ndliteanas dá dtagraítear i mír 2 den Airteagal seo, féadfaidh an t-údarás réitigh ligean do dhliteanais a bheith incháilithe mar ionstraimí dliteanas go dtí méid comhiomlán nach mó ná 3,5 % de mhéid iomlán na risíochta ar phriacal arna ríomh i gcomhréir le hAirteagal 92(3) agus (4), ar choinníoll:

- (a) go gcomhlíontar na coinníollacha uile a leagtar amach i mír 2 cé is moite den choinníoll i bpointe (d) den chéad fhomhír de mhír 2;
- (b) go rangáitear na dliteanais *pari passu* leis na dliteanais eisiata is ísle rangú dá dtagraítear in Airteagal 72a(2) cé is moite de dhliteanais eisiata atá fo-ordaithe maidir le gnáthéilimh neamhurraithe faoin dlí dócmhainneachta náisiúnta dá dtagraítear sa tríú fhomhír de mhír 2 den Airteagal seo; agus
- (c) nach dtiocfadh, mar thoradh ar na dliteanais sin a áireamh in ítimí dliteanas incháilithe, priacal ábhartha d'agóid dhlíthiúil rathúil ná d'éilimh bhailí ar chúiteamh mar a mheas an t-údarás réitigh iad i ndáil leis na prionsabail dá dtagraítear i bpointe (g) d'Airteagal 34(1) agus d'Airteagal 75 de Threoir 2014/59/AE.

4. Féadfaidh an t-údarás réitigh ligean do dhliteanais a bheith incháilithe mar ionstraimí dliteanais incháilithe sa bhreis ar na dliteanais dá dtagraítear i mír 2 ar choinníoll go ndéantar an méid a leanas:

- (a) nach gceadaítear don institiúid dliteanais dá dtagraítear i mír 3 a áireamh i ndliteanais incháilithe;
- (b) go gcomhlíontar na coinníollacha uile a leagtar amach i mír 2 cé is moite den choinníoll i bpointe (d) den chéad fhomhír de mhír 2 den Airteagal seo;
- (c) go rangáitear na dliteanais *pari passu* leis na dliteanais eisiata is ísle rangú dá dtagraítear in Airteagal 72a(2), nó gur sinsearaí na dliteanais ná iad, cé is moite de na dliteanais eisiata atá fo-ordaithe maidir le gnáthéilimh neamhurraithe faoin dlí dócmhainneachta náisiúnta dá dtagraítear sa tríú fhomhír de mhír 2;
- (d) ar chlár comhordaithe na hinstitiúide, nach mó ná 5 % de mhéid cistí dílse agus dliteanas incháilithe na hinstitiúide an méid dliteanas eisiata dá dtagraítear in Airteagal 72a(2) a rangáitear *pari passu* leis na dliteanais sin i ndócmhainneacht nó níos ísle ná iad;

▼ **M8**

(e) nach dtiocfadh, mar thoradh ar na dliteanais sin a áireamh in ítimí dliteanas incháilithe, priacal ábhartha d'agóid dhlíthiúil rathúil ná d'éilimh bhailí ar chúiteamh mar a mheas an t-údarás réitigh iad i ndáil leis na prionsabail dá dtagraítear i bpointe (g) d'Airteagal 34(1) agus d'Airteagal 75 de Threoir 2014/59/AE.

5. Ní fhéadfaidh údarás réitigh a cheadú d'institiúid ach na dliteanais sin dá dtagraítear i mír 3 nó 4, agus iad sin amháin, a áireamh mar ítimí dliteanas incháilithe.

6. Rachaidh an t-údarás réitigh i gcomhairle leis an údarás inniúil agus é ag déanamh scrúdú féachaint an bhfuil coinniollacha a leagtar amach san Airteagal seo comhlíonta.

7. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú:

(a) leaganacha agus cineálacha maoinithe indíriú infheidhme na n-ionstraimí dliteanas incháilithe;

(b) foirm agus cineál na ndreasachtaí atá le fuascailt chun críocha an choinníll a leagtar amach i bpointe (g) den chéad fhomhír de mhír 2 den Airteagal seo agus chun críocha Airteagal 72c(3).

Déanfar na dréachtchaighdeáin theicniúla rialála sin a ailíniú go hiomlán leis an ngníomh tarmlichte dá dtagraítear i bpointe (a) d'Airteagal 28(5) agus i bpointe (a) d'Airteagal 52(2).

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Nollaig 2019.

Tarmlichtear chuig an gCoimisiún an chumhacht chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

*Airteagal 72c***Ionstraimí dliteanas incháilithe a amúchadh**

1. Ionstraimí dliteanas incháilithe ag a bhfuil aibíocht iarmhair bliana amháin ar a laghad, cáileoidh siad go hiomlán mar ítimí dliteanas incháilithe.

Ionstraimí dliteanas incháilithe ag a bhfuil aibíocht iarmhair faoi bhun bliain amháin, ní cháileoidh siad go mar ítimí dliteanas incháilithe.

2. Chun críocha mhír 1, i gcás ina gcuimsíonn ionstraim dliteanas incháilithe rogha fuascailte don sealbhóir is infheidhmíthe roimh thráth aibíochta na hionstraime mar a sonraíodh é ar dtús, saineofar tráth aibíochta na hionstraime mar an dáta is luaithe is féidir leis an sealbhóir an rogha fuascailte a fheidmiú agus fuascailt nó aisíoc na hionstraime a iarraidh.

3. Chun críocha mhír 1, má chuimsíonn ionstraim dliteanas incháilithe dreasacht don eiseitheoir an ionstraim a cheannach, a fuascailt, a athcheannach nó a aisíoc roimh thráth aibíochta na hionstraime mar a sonraíodh é ar dtús, saineofar tráth aibíochta na hionstraime mar an dáta is luaithe is féidir leis an eiseitheoir an rogha sin a fheidmiú agus fuascailt nó aisíoc na hionstraime a iarraidh.

## ▼M8

4. Chun críocha mhír 1, má chuimsíonn ionstraim dliteanas incháilithe luathroghanna ar fhuascailt is infheidhmithe de réir lánrogha iomlán an eistheora roimh thráth aibíochta na hionstraime mar a sonraíodh é ar dtús, ach nach gcuimsíonn na forálacha lena rialaítear an ionstraim dreasacht ar bith an ionstraim a cheannach, a fhuascailt, a aisíoc nó a athcheannach roimh thráth a haibíochta agus nach gcuimsíonn siad rogha ar bith fuascailte nó aisíoctha de réir lánrogha na sealbhóirí, saineofar tráth aibíochta na hionstraime mar an tráth aibíochta a sonraíodh ar dtús.

*Airteagal 72d***Na hiarmhairtí le deireadh a bheith le comhlíonadh na gcoinníollacha incháilitheachta**

Más rud é, i gcás ionstraim dliteanas incháilithe, gur stadadh de chomhlíonadh na gcoinníollacha a leagtar amach in Airteagal 72b, stadfaidh na dliteanais láithreach de cháiliú mar ionstraimí dliteanas incháilithe.

Féadfar glacadh le dliteanais dá dtagraítear in Airteagal 72b(2) mar ionstraimí dliteanas incháilithe ar choinníoll go gcáilíonn siad mar ionstraimí dliteanas incháilithe faoi Airteagal 72b(3) nó (4).

## Roinn 2

**Asbhaintí as ítimí dliteanas incháilithe***Airteagal 72e***Asbhaintí as ítimí dliteanas incháilithe**

1. Asbhainfidh institiúidí atá faoi réir Airteagal 92a an méid seo a leanas as ítimí dliteanas incháilithe:

- (a) sealúchais dhíreacha, indíreacha agus shintéiseacha d'ionstraimí dílse atá ag an institiúid, lena n-áirítear dliteanais dhílse a bhfeadfadh oibleagáid a bheith ar an institiúid iad a cheannach mar thoradh ar oibleagáidí conarthacha atá ann cheana;
- (b) sealúchais, bíodh siad díreach, indíreach nó sintéiseach, atá ag an institiúid ar ionstraimí de chuid eintitis G-SII agus ina bhfuil tras-sealúchais chómhalartacha ag an institiúid leis na heintitis sin agus a mheasann an t-údarás inniúil gur ceapadh iad chun cumas ionsúcháin cailteanas agus cumas athchaipitlithe na hinstiúide a mhéadú go saorga;
- (c) méid infheidhme, a chinntear i gcomhréir le hAirteagal 72i, sealúchais díreach, indíreach agus sintéiseach ionstraimí dliteanas incháilithe de chuid eintitis G-SII, i gcás nach bhfuil infheistíocht shuntasach ag an institiúid sna heintitis sin;
- (d) sealúchais dhíreacha, indíreacha agus shintéiseacha atá ag an institiúid ar ionstraimí de chuid eintitis G-SII i gcás ina bhfuil infheistíocht shuntasach ag an institiúid sna heintitis sin, cé is moite de shuíomhanna frithgheallta arna sealbhú ar feadh tréimhse níos giorra ná cúig lá gnó.

2. Chun críocha na Roinne seo, láimhseálfar na hionstraimí uile a rangáitear *pari passu* le hionstraimí dliteanas incháilithe mar ionstraimí dliteanas incháilithe, cé is moite d'ionstraimí a rangáitear *pari passu* le hionstraimí a aithnítear mar ionstraimí dliteanas incháilithe de bhun Airteagal 72b(3) agus (4).

▼ **M8**

3. Chun críocha na Roinne seo, féadfaidh institiúidí méid sealúchas na n-ionstraimí dliteanas incháilithe dá dtagraítear in Airteagal 72b(3) a ríomh mar a leanas:

$$h = \sum_i \left( H_i \cdot \frac{I_i}{L_i} \right)$$

nuair:

$h$  = méid sealúchas na n-ionstraimí dliteanas incháilithe dá dtagraítear in Airteagal 72b(3);

$i$  = an t-innéacs lena gcuirtear institiúid eisiúna in iúl;

$H_i$  = méid sealúchas dhliteanais incháilithe na hinstitiúide eisiúna  $i$  dá dtagraítear in Airteagal 72b(3);

$I_i$  = méid na sealúchas a áiríonn an institiúid eisiúna  $i$  in ítimí dliteanas incháilithe laistigh de na teorainneacha a shonraítear in Airteagal 72b(3) de réir an nochta is déanaí ón institiúid eisiúna; agus

$L_i$  = méid iomlán dhliteanais gan íoc na hinstitiúide eisiúna  $i$  dá dtagraítear in Airteagal 72b(3) de réir an nochta is déanaí ón institiúid eisiúna.

4. I gcás ina bhfuil sealúchais dhíreacha, indíreacha nó shintéiseacha ar ionstraimí cistí dílse nó ar ionstraimí dliteanas incháilithe ó fhochuideachta amháin nó níos mó nach bhfuil in aon ghrúpa réitigh amháin léi ag máthairinstitiúid AE nó máthairinstitiúid i mBallstát atá faoi réir Airteagal 92a, féadfaidh sí, tar éis di barúil údaráis réitigh aon fhochuideachtaí lena mbaineann a thabhairt ar aird mar ba chuí, cead a thabhairt don mháthairchuideachta na sealúchais sin a asbhaint, trí mhéid níos lú arna shonrú ag údarás réitigh na máthairchuideachta sin a asbhaint. Beidh an méid coigeartaithe sin ar a laghad cothrom leis an méid ( $m$ ) a ríomhfar mar a leanas:

$$m_i = \text{uasmhéid}\{0; OP_i + LP_i - \text{uasmhéid}\{0; \beta \cdot [O_i + L_i - r_i \cdot aRWA_i]\}\}$$

nuair:

$i$  = an t-innéacs lena gcuirtear an fhochuideachta in iúl;

$OP_i$  = an méid ionstraimí cistí dílse atá eisithe ag fochuideachta  $i$  agus atá i seilbh na máthairinstitiúide;

$LP_i$  = an méid ítimí dliteanas incháilithe atá eisithe ag fochuideachta  $i$  agus atá i seilbh na máthairinstitiúide;

$\beta$  = céatadán na n-ionstraimí cistí dílse agus na n-ítimí dliteanas incháilithe atá eisithe ag fochuideachta  $i$  agus atá i seilbh na mháthairghnóthais;

$O_i$  = méid chistí dílse fhochuideachta  $i$ , gan an asbhaint a ríomhtar i gcomhréir leis an mír seo a chur san áireamh;

$L_i$  = méid dhliteanais incháilithe fhochuideachta  $i$ , gan an asbhaint a ríomhtar i gcomhréir leis an mír seo a chur san áireamh;

## ▼M8

$r_i$  = an cóimheas is infheidhme maidir le fochuideachta i ar leibhéal a grúpa réitigh i gcomhréir le pointe (a) d'Airteagal 92a(1) den Rialachán seo agus Airteagal 45d de Threoir 2014/59/AE; agus

$aRWA_i$  = méid iomlán risíochta ar phriacal an eintitis G-SII, ar méid é a ríomhtar i gcomhréir le hAirteagal 92(3) agus (4), agus coigeartuithe a leagtar amach in Airteagal 12a á gcur san áireamh.

I gcás ina bhfuil cead ag an máthairinstitiúid an méid coigeartaithe a asbhaint i gcomhréir leis an gcéad fhomhír, asbhainfidh an fhochuideachta an difríocht idir méid shealúchas na n-ionstraimí cistí dílse agus na n-ionstraimí dliteanas incháilithe dá dtagraítear sa chéad fhomhír agus an méid coigeartaithe sin.

*Airteagal 72f***Sealúchais ionstraimí dílse dliteanas incháilithe a asbhaint**

Chun críocha phointe (a) d'Airteagal 72e(1), ríomhfaidh institiúidí sealúchais ar bhonn ollsúiomhanna fada faoi réir na n-eisceachtaí seo a leanas:

- (a) féadfaidh institiúidí méid na sealúchas sa leabhar trádála a ríomh ar bhonn an ghlansuímh fhada ar an gcoinníoll go gcomhlíonfar an dá choinníoll seo a leanas:
  - (i) tá an risíocht fholuiteach chéanna ag na suíomhanna fada agus na suíomhanna gearra agus níl aon phriacal contrapháirtí ag baint leis na suíomhanna gearra;
  - (ii) coimeádtar na suíomhanna gearra agus na suíomhanna fada araon sa leabhar trádála nó coimeádtar iad araon sa leabhar neamhthrádála;
- (b) déanfaidh institiúidí an méid a asbhainfear i dtaca le sealúchais dhíreacha, indíreacha agus shintéiseacha atá mar shealúchais d'urrúis innéacsanna a chinneadh tríd an risíocht fholuiteach ar ionstraimí dliteanas dílis incháilithe sna hinnéacsanna sin a ríomh;
- (c) féadfaidh institiúidí ollsúiomhanna fada in ionstraimí dílse dliteanas incháilithe a thagann as sealúchais d'urrúis innéacsanna a ghlanluacháil i gcoinne suíomhanna gearra in ionstraimí dílse 72e(1) a thagann as suíomhanna gearra sna hinnéacsanna foluiteacha, lena n-áirítear i gcás ina bhfuil priacal contrapháirtí ag baint leis na suíomhanna gearra sin. ar an gcoinníoll go gcomhlíonfar an dá choinníoll seo a leanas:
  - (i) tá an suíomh gearr agus an suíomh fada sna hinnéacsanna foluiteacha céanna;
  - (ii) coimeádtar na suíomhanna gearra agus na suíomhanna fada araon sa leabhar trádála nó coimeádtar iad araon sa leabhar neamhthrádála.

*Airteagal 72g***Bunachar asbhainte le haghaidh ítimí dliteanas incháilithe**

Chun críocha phointe (b), phointe (c) agus phointe (d) d'Airteagal 723(1), asbhainfidh institiúidí na hollsúiomhanna fada faoi réir na n-eisceachtaí a leagtar síos in Airteagal 72h agus 72i.

▼ **M8***Airteagal 72h***Sealúchais de dhliteanais incháilithe de chuid eintitis G-SII eile a asbhaint**

Institiúidí nach bhfuil ag úsáid na heisceachta a leagtar síos in Airteagal 72j, déanfaidh siad na hasbhaintí dá dtagraítear i bpointí (c) agus (d) d'Airteagal 72e(1) i gcomhréir leis an méid seo a leanas:

- (a) féadfaidh siad sealúchais dhíreacha, indíreacha agus shintéiseacha ionstraimí dliteanas incháilithe a ríomh ar bhonn an ghlansuímh fhada atá sa risíocht bhunúsach chéanna ar choinníoll go gcomhlíonfar na coinníollacha a leanas:
  - (i) dáta aibíochta an tsuímh ghearr, is ionann é agus dáta aibíochta an tsuímh fhada nó is déanaí é ná an dáta sin, nó is é bliain amháin, ar a laghad, aibíocht iarmhair an tsuímh ghearr;
  - (ii) go gcoimeádtar suímh ghearra agus fhada araon sa leabhar neamhthrádála nó go gcoimeádtar iad araon sa leabhar trádála;
- (b) déanfaidh siad an méid a asbhainfear i dtaca le sealúchais dhíreacha, indíreacha agus shintéiseacha atá mar shealúchais d'urrúis innéacsanna a chinneadh trí dhearcadh ar an risíocht fholuiteach ar ionstraimí dliteanas incháilithe sna hinnéacsanna sin.

*Airteagal 72i***Dlíteanais incháilithe a asbhaint i gcás nach bhfuil infheistíocht shuntasach ag an institiúid in eintitis G-SII**

1. Chun críocha pointe (c) d'Airteagal 72e(1), ríomhfaidh institiúidí an méid is infheidhme a asbhainfear tríd an méid dá dtagraítear i bpointe (a) den mhír seo a iolrú faoin bhfachtóir a díorthaíodh ón ríomh dá dtagraítear i bpointe (b) den mhír seo:

- (a) an méid comhiomlán a sháraíonn na sealúchais dhíreacha, indíreacha agus shintéiseacha d'ionstraimí Gnáthchothromas Leibhéal 1, Leibhéal 1 Breise, Leibhéal 2 eintiteas earnála airgeadais agus eintitis, ionstraimí dliteanas de chuid eintiteas G-SII nach bhfuil infheistíocht shuntasach ag an institiúid in aon cheann acu, a sháraíonn 10 % de na hítimí Gnáthchothromas Leibhéal 1 atá ag an institiúid agus ríomhfar an méid comhiomlán sin tar éis iad seo a leanas a chur i bhfeidhm:
  - (i) Airteagail 32 go 35;
  - (ii) pointí (a) go (g), pointí k(ii) go k(v) agus pointe (l) d'Airteagal 36(1), cé is moite den mhéid a bheidh le hasbhaint i dtaca le sócmhainní cánach iarchurtha atá ag brath ar bhrabúsacht todhchaí agus a thig ó dhifriochtaí sealadacha;
  - (iii) Airteagail 44 agus 45;
- (b) an méid comhiomlán sealúchas díreach, indíreach agus sintéiseach ar ionstraimí dliteanas incháilithe atá ag eintitis G-SII nach bhfuil infheistíocht shuntasach ag an institiúid iontu arna roinnt ar mhéid foriomlán na sealúchas díreach, indíreach agus sintéiseach atá ag an institiúid d'ionstraimí Gnáthchothromas Leibhéal 1, Leibhéal 1 breise agus Leibhéal 2 de chuid eintiteas san earnáil airgeadais agus ionstraimí dliteanas de chuid eintitis G-SII nach bhfuil infheistíocht shuntasach ag an eintiteas réitigh in aon cheann acu.

▼ **M8**

2. Déanfaidh institiúidí suíomhanna frithgheallta arna sealbhú ar feadh cúig lá gnó nó níos lú a eisiadh ón méid dá dtagraítear i bpointe (a) de mhír 1 agus ó ríomh an fhachtóra i gcomhréir le pointe (b) de mhír 1.

3. Dáilfear an méid atá le hasbhaint de bhun mhír 1 ar gach ionstraim dliteanas incháilithe de chuid eintiteas G-SII. Déanfaidh institiúidí méid gach ionstraime dliteanas incháilithe a asbhaintear de bhun mhír 1 a chinneadh tríd an méid a shonraítear i bpointe (a) a mhéadú faoin gcion a shonraítear i bpointe (b) den mhír seo:

(a) méid na sealúchas is gá a asbhaint de bhun mhír 1;

(b) an méid comhiomlán de na sealúchais dhíreacha, indíreacha agus shintéiseacha atá i seilbh na hinstiúide d'ionstraimí dliteanas incháilithe de chuid eintitis G-SII nach bhfuil infheistíocht shuntasach ag an institiúid iontu arna léiriú ag gach ionstraim dliteanas incháilithe atá i seilbh na hinstiúide.

4. Ní asbhainfear méid na sealúchas dá dtagraítear i bpointe (c) d'Airteagal 72e(1) atá cothrom le nó níos lú ná 10 % d'ítimí Gnáthchothromas Leibhéal 1 atá ag an institiúid tar éis na forálacha leagtar síos i bpointí (a)(i), (a)(ii) agus (a)(iii) de mhír 1 den Airteagal seo a chur i bhfeidhm agus beidh siad faoi réir na n-ualuithe priacaíl is infheidhme i gcomhréir le Caibidil 2 nó Caibidil 3 de Theideal II de Chuid a Trí agus na gceanglas a leagtar síos i dTeideal IV de Chuid a Trí, de réir mar is infheidhme.

5. Déanfaidh institiúidí méid gach ionstraime dliteanas incháilithe atá priacal-ualaithe de bhun mhír 1 a chinneadh tríd an méid sealúchas a cheanglaítear a bheith priacal-ualaithe i bpointe (a) a mhéadú faoin gcion a thiocfaidh as an ríomh a shonraítear i bpointe (b) de mhír 3.

*Airteagal 72j*

**Díolmhú leabhair trádála ó asbhaintí as ítimí dliteanas incháilithe**

1. Féadfaidh institiúidí cinneadh a dhéanamh gan cuid ainmnithe dá sealúchais dhíreacha, indíreacha agus shintéiseacha ar ionstraimí dliteanas incháilithe, atá, ina méid comhiomlán agus arna thomhas ar bhonn comhlán fada, cothrom le nó níos lú ná 5 % d'ítimí Gnáthchothromas Leibhéal 1 de chuid na hinstiúide tar éis dóibh Airteagail 32 go 36, ar choinníoll go gcomhlíontar na coinníollacha seo a leanas go léir:

(a) tá na sealúchais sa leabhar trádála;

(b) ní choinnítear na hionstraimí dliteanas incháilithe níos faide ná 30 lá gnó.

2. Beidh méideanna na n-ítimí nár asbhaineadh de bhun mhír 1 faoi réir ceanglais cistí dílse maidir le hitimí sa leabhar trádála.

3. Más rud é, i gcás sealúchais nár asbhaineadh i gcomhréir le mír 1, nach gcomhlíontar na coinníollacha a leagtar amach sa mhír sin a thuilleadh, asbhainfear na sealúchais i gcomhréir le hAirteagal 72g gan na heisceachtaí a leagtar síos in Airteagail 72h agus 72i a chur i bhfeidhm.

**▼M8**

## Roinn 3

**Cistí dílse agus dliteanais incháilithe***Airteagal 72k***Ionstraimí dliteanas incháilithe**

Is éard a bheidh i ndliteanais incháilithe institiúide, ítimí dliteanais incháilithe na hinstitiúide tar éis na n-asbhaintí dá dtagraítear in Airteagal 72e.

*Airteagal 72l***Cistí dílse agus dliteanais incháilithe**

Is éard a bheidh i gcistí dílse agus dliteanais incháilithe, suim a cistí dílse agus a dliteanais incháilithe.

**▼B***CAIBIDIL 6***▼M8*****Ceanglais ghinearálta maidir le cistí dílse agus dliteanais incháilithe*****▼B***Airteagal 73***▼M8****Dáileacháin ar ionstraimí**

1. Maidir le hionstraimí caipitil agus dliteanais a bhfuil lánrogha iomlán ag institiúid a chinneadh ina leith dáileacháin a íoc in aon fhoirm seachas mar airgead tirim nó ionstraimí cistí dílse, ní bheidh sé incháilithe cáiliú mar ionstraimí Gnáthchothromas Leibhéal 1, Leibhéal 1 Breise, Leibhéal 2 nó ionstraimí dliteanas incháilithe ach amháin i gcás ina bhfuil réamhchead faighte ag an institiúid ó na húdaráis inniúla.

2. Ní thabharfaidh na húdaráis inniúla an réamhchead dá dtagraítear i mír 1 ach amháin i gcás ina measann siad go gcomhlíontar na coiníollacha seo a leanas:

- (a) nach ndéanfaidh an rogha dá dtagraítear i mír 1, nó an fhoirm ina bhféadfaí dáileacháin a dhéanamh, dochar do chumas na hinstitiúide íocaíochtaí a chur ar ceal faoin ionstraim;
- (b) nach ndéanfaidh an rogha dá dtagraítear i mír 1, nó an fhoirm ina bhféadfaí dáileacháin a dhéanamh, dochar do chumas na hionstraime caipitil nó an dliteanais cailteanais a sheasamh;
- (c) nach laghdódh an rogha dá dtagraítear i mír 1 nó an fhoirm ina bhféadfaí na dáileacháin a dhéanamh cáilíocht na hionstraime caipitil nó an dliteanais ar aon slí eile.



**▼M8**

Rachaidh an t-údarás inniúil i gcomhairle leis an údarás réitigh maidir leis an institiúid a bheith ag comhlíonadh na gcoinníollacha sin sula dtabharfaidh sé an réamhchead dá dtagraítear i mír 1.

3. Maidir le hionstraimí caipitil agus dliteanais a bhfuil sé de rogha ag duine dlítheanach seachas an institiúid a eisíonn iad a chinneadh nó a cheangal ina leith go ndéanfar na dáileacháin faoi na hionstraimí sin a íoc in aon fhoirm seachas mar airgead tirim nó ionstraimí cistí dílse, ní bheidh sé incháilithe cáiliú mar ionstraimí Gnáthchothromas Leibhéal 1, Leibhéal 1 Breise, Leibhéal 2 nó ionstraimí dliteanas incháilithe.

4. Féadfaidh institiúidí innéacs leathan margaidh a úsáid mar cheann amháin de na boinn lena gcinntear leibhéal na ndáileachán ar ionstraimí Leibhéal 1 Breise, Leibhéal 2 agus ionstraimí dliteanas incháilithe.

**▼B**

5. Ní bheidh feidhm ag mír 4 sa chás gurb eintiteas tagartha í an institiúid in innéacs leathan an mhargaidh sin ach amháin sa chás go gcomhlíontar an dá choinníoll seo a leanas

(a) measann an institiúid nach bhfuil na gluaiseachtaí in innéacs leathan an mhargaidh comhghaolaithe go suntasach le seasamh creidmheasa na hinstitiúide, a máthairinstitiúide nó na máthairchuideachta sealbhaíochta airgeadais nó na máthairchuideachta sealbhaíochta airgeadais measctha nó na máthairchuideachta sealbhaíochta gníomhaíochta measctha;

(b) nár bhain an t-údarás inniúil amach cinneadh atá éagsúil ón gcinneadh dá dtagraítear i bpointe (a).

**▼M8**

6. Tuairisceoidh agus nochtfaidh institiúidí na hinnéacsanna margaidh leathana ar a mbraitheann a n-ionstraimí caipitil agus a n-ionstraimí dliteanas incháilithe.

**▼B**

7. Forbróidh an ÚBE dréacht-chaighdeáin theicniúla rialála d'fhonn a shonrú na coinníollacha lena gcinnteofar an meastar go bhfuil innéacsanna cáilithe mar innéacsanna leathana margaidh chun críocha mhír 4.

**▼C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na dréacht-chaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 74***Sealúchas d'ionstraimí caipitil arna n-eisiúint ag eintitis eárnála airgeadais nach gcáilíonn mar chaipiteal rialála**

Ní dhéanfaidh nstitiúidí aon eilimint a asbhaint dá gcistí féin, bíodh siad ina sealúchais dhíreacha, indíreacha nó shintéiseacha d'ionstraimí caipitil arna n-eisiúint ag eintiteas rialaithe na heárnála airgeadais nach gcáilíonn mar chaipiteal rialála an eintitis sin. Cuirfidh institiúidí ualuithe priacal i bhfeidhm maidir le sealúchais den sórt sin i gcomhréir le Caibidil 2 nó Caibidil 3 de Theideal II de Chuid a Trí, de réir mar is infheidhme.

**▼B***Airteagal 75***Ceanglais i ndáil le hasbhaint agus aibíocht le haghaidh suíomh gearr****▼M8**

Measfar go gcomhlíontar na ceanglais aibíochta i ndáil le suíomhanna gearra dá dtagraítear i bpointe (a) d'Airteagal 45(a), pointe (a) d'Airteagal 59, pointe (a) d'Airteagal 69 agus pointe (a) d'Airteagal 72h maidir le suíomhanna a thógtar nuair a chomhlíonfar na coinníollacha seo a leanas go léir:

**▼B**

- (a) tá sé de cheart conarthach ag an institiúid an suíomh fada atá á fhálú a dhíol leis an gcontrapháirtí a chuireann an fálú ar fáil, ar dháta ar leith sa todhchaí;
- (b) tá oibleagáid chonarthach ar chontrapháirtí a chuireann an fálú ar fáil don institiúid an suíomh fada dá dtagraítear i bpointe (a) a cheannach ón institiúid ar an dáta sin ar leith sa todhchaí

*Airteagal 76***Sealúchais innéacsanna d'ionstraimí caipitil****▼M8**

1. Chun críocha phointe (a) d'Airteagal 42, pointe (a) d'Airteagal 45, pointe (a) d'Airteagal 57, pointe (a) d'Airteagal 59, pointe (a) d'Airteagal 67, pointe (a) d'Airteagal 69 agus pointe (a) d'Airteagal 72h, féadfaidh institiúidí méid suímh fhada in ionstraim chaipitil a laghdú le cion innéacs atá comhdhéanta den risíocht fholuiteach chéanna atá á fálú, ar an gcoinníoll go gcomhlíontar na coinníollacha seo a leanas:

- (a) sealbhaítear an suíomh fada atá á fhálú, agus coimeádtar an suíomh gearr arna úsáid in innéacs chun an suíomh fada sin a fhálú sa leabhar trádála nó sealbhaítear iad araon sna leabhair neamh-thrádála;
- (b) sealbhaítear na suímh dá dtagraítear i bpointe (a) ag luach chóir ar chláir comhordaithe na hinstitiúide;
- (c) cáilíonn an suíomh gearr dá dtagraítear i bpointe (a) mar fhálú éifeachtach faoi phróisis rialaithe inmheánaigh na hinstitiúide;
- (d) déanann na húdaráis inniúla measúnú ar leordhóthanacht na bpróiseas inmheánach rialaithe dá dtagraítear i bpointe (c) ar bhonn bliantúil ar a laghad agus tá siad sásta lena oiriúnaí atá na próisis i gcónaí.

2. Féadfaidh institiúid, i gcás inar dheonaigh an t-údarás inniúil réamhchead, meastachán coimeádach a úsáid ar risíocht fholuiteach na hinstitiúide ar ionstraimí a áirítear sna hinnéacsanna mar rogha eile ar institiúid a bheith ag ríomh na risíochta atá aici ar na hitimí dá dtagraítear i gceann amháin nó níos mó de na pointí seo a leanas:

- (a) ionstraimí dílse Gnáthchothromas Leibhéal 1, Leibhéal 1 Breise, Leibhéal 2 agus ionstraimí dliteanas incháilithe, a áirítear sna hinnéacsanna;
- (b) ionstraimí Gnáthchothromas Leibhéal 1, Leibhéal 1 Breise agus Leibhéal 2 de chuid eintiteas san earnáil airgeadais, a áirítear sna hinnéacsanna;
- (c) ionstraimí dliteanas incháilithe, a áirítear sna hinnéacsanna.

**▼M8**

3. Ní thabharfaidh údaráis inniúla an réamhchead dá dtagraítear i mír 2 ach amháin nuair atá sé léirithe ag an institiúid chun sástacht na n-údarás inniúil go gcuirfeadh sé ualach rómhór ar an institiúid faireachán a dhéanamh ar a risíocht fholuiteach ar na hítimí dá dtagraítear i gceann amháin nó níos mó de phointí mhír 2, de réir mar is infheidhme.

**▼B**

4. Forbróidh an ÚBE dréacht-chaighdeáin theicniúla rialála d'fhonn na nithe seo a leanas a shonrú:

- (a) cén uair a bheidh meastachán a úsáidtear mar rogha eile chun an risíocht fholuiteach dá dtagraítear i mír 2 a ríomh coimeádach go leordhóthanach;
- (b) an bhrí atá le ródhian ó thaobh na hoibre de chun críocha mhír 3.

**▼C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

**▼M8***Airteagal 77***Coinníollacha maidir le cistí dílse agus dliteanais incháilithe a laghdú**

1. Gheobhaidh institiúid réamhchead ón údarás inniúil chun aon cheann acu seo a leanas a dhéanamh:

- (a) ionstraimí Gnáthchothromas Leibhéal 1 arna n-eisiúint ag an institiúid ar shlí a cheadaítear faoin dlí náisiúnta is infheidhme a laghdú, a fhuascailt nó a athcheannach;
- (b) na cuntais scairbhisigh a bhaineann le hionstraimí cistí dílse a laghdú, a dháileadh nó a athaicmiú mar ítim cistí dílse;
- (c) ceannach, fuascailt, aisíoc nó athcheannach ionstraimí Leibhéal 1 Breise nó ionstraimí Leibhéal 2, a chur i gcrích roimh dháta a n-aibíochta conarthaí.

2. Gheobhaidh institiúid réamhchead ón údarás réitigh ceannach, fuascailt, aisíoc nó athcheannach ionstraimí dliteanais incháilithe nach gcumhdaítear faoi mhír 1 a chur i gcrích, roimh dháta a n-aibíochta conarthaí.

*Airteagal 78***Cead maoirseachta chun cistí dílse a laghdú**

1. Tabharfaidh an t-údarás inniúil cead d'institiúid chun ionstraimí Gnáthchothromas Leibhéal 1, Leibhéal 1 Breise nó Leibhéal 2 a laghdú, a cheannach, a fhuascailt, a aisíoc, nó a athcheannach, nó na cuntais scairbhisigh ghaolmhara a laghdú, a dháileadh nó a athaicmiú, i gcás ina gcomhlíontar aon cheann de na coinníollacha seo a leanas:

- (a) tráth roimh beart ar bith dá dtagraítear in Airteagal 77(1), nó an tráth céanna le beart ar bith acu sin, déanfaidh an institiúid na hionstraimí nó na cuntais scairbhisigh ghaolmhara dá dtagraítear in Airteagal 77(1) a ionadú le hionstraimí cistí dílse a mbeidh an cháilíocht chéanna nó cáilíocht níos airde iontu faoi théarmaí atá inbhuanaithe maidir le hinniúlacht ioncaim na hinstitiúide;

## ▼M8

- (b) léirigh an institiúid chun sástacht an údaráis inniúil go sáródh cistí dílse agus dliteanais incháilithe na hinstitiúide, tar éis an bhirt dá dtagraítear in Airteagal 77(1) den Rialachán seo, na ceanglais a leagtar amach sa Rialachán seo, agus i dTreoir 2013/36/AE agus i dTreoir 2014/59/AE de chorrach a mheasann an t-údarás inniúil a bheith riachtanach.

Má thugann institiúid ráthaíochtaí leordhóthanacha maidir lena cumas oibriú le cistí dílse os cionn na méideanna a cheanglaítear sa Rialachán seo agus i dTreoir 2013/36/AE, féadfaidh an t-údarás inniúil réamhchead ginearálta a thabhairt don institiúid sin aon cheann de na gníomhartha a leagtar síos in Airteagal 77(1) den Rialachán seo a dhéanamh, faoi réir critéir lena n-áiríteofar go mbeidh aon ghníomh den sórt sin i gcomhréir leis na coinníollacha a leagtar amach i bpointí (a) agus (b) den mhír seo. Ní thabharfar an réamhchead ginearálta sin ach le haghaidh tréimhse sonracha nach mó ná bliain amháin, agus féadfar é a athnuachan tar a éis sin. Tabharfar an réamhchead ginearálta le haghaidh méid áirithe réamhchinnte a shocróidh an t-údarás inniúil. I gcás ionstraimí Gnáthchothromas Leibhéal 1, ní sháróidh an méid réamhchinnte sin 3 % den aschur ábhartha agus ní sháróidh sé 10 % den mhéid a sháraíonn caipiteal Gnáthchothromas Leibhéal 1 suim na gceanglas maidir maidir le caipiteal Gnáthchothromas Leibhéal 1 a leagtar amach sa Rialachán seo, i dTreoir 2013/36/AE agus i dTreoir 2014/59/AE le corrlach a mheasann an t-údarás inniúil atá riachtanach. I gcás ionstraimí Leibhéal 1 Breise nó Leibhéal 2, ní sháróidh an méid réamhchinnte sin 10 % den aschur ábhartha agus ní sháróidh sé 3 % de mhéid iomlán ionstraimí Leibhéal 1 Breise nó Leibhéal 2 gan íoc, de réir mar is infheidhme.

Aistarraingeoidh na húdaráis inniúla an réamhchead ginearálta má sháraíonn institiúid aon cheann de na critéir a tugadh chun críocha an cheada sin.

2. Agus inbhuanaitheacht na n-ionstraimí athsholáthair d'inniúlacht ioncaim na hinstitiúide dá dtagraítear i bpointe (a) de mhír 1 á measúnú, measfaidh na húdaráis inniúla a mhéid a mbeadh na hionstraimí athsholáthair chaipitil sin níos costasaí don institiúid ná na hionstraimí caipitil nó na cuntais scairbhíisigh a mbeidís ag gabháil ina n-ionad.

3. I gcás ina ndéanfaidh institiúid beart dá dtagraítear i bpointe (a) d'Airteagal 77(1) agus go dtoirmiscfear de réir an dlí náisiúnta is infheidhme diúltú d'ionstraimí Gnáthchothromas Leibhéal 1 dá dtagraítear in Airteagal 27 a fhuascailt, féadfaidh an t-údarás inniúil na coinníollacha a leagtar amach i mír 1 den Airteagal seo a tharscaoileadh ar an gcoinníoll go gceanglóidh an t-údarás inniúil ar an institiúid teorainn a chur le fuascailt na n-ionstraimí sin ar bhonn iomchuí.

4. Féadfaidh na húdaráis inniúla cead a thabhairt d'institiúidí ionstraimí Leibhéal 1 Breise nó Leibhéal 2 nó cuntais scairbhíisigh ghaolmhara a cheannach, a fhuascailt, a athcheannach nó a aisíoc le linn na gcúig bliana tar éis a ndáta eisiúna má chomhlíontar na coinníollacha a leagtar amach i mír 1 agus ceann de na coinníollacha seo a leanas:

- (a) tháinig athrú ar aicmiú rialála na n-ionstraimí sin ar dóigh go mbeadh mar thoradh air eisiáimh na n-ionstraimí ó chistí dílse nó athaicmiú mar chistí dílse de chineál cáilíochta níos ísle, agus comhlíontar na coinníollacha seo a leanas:

▼ **M8**

- (i) measann an t-údarás inniúil gur leor an chinnteacht a bhaineann leis an athrú sin;
- (ii) léiríonn an institiúid chun sástacht na n-údarás inniúil nach raibh athaicmiú rialála na n-ionstraimí sin intuartha go réasúnach tráth a n-eisiúna;
- (b) tháinig athrú ar an láimhseáil cánach is infheidhme i ndáil leis na hionstraimí sin a léiríonn an institiúid chun sástacht na n-údarás inniúil gur athrú ábhartha é agus nach raibh sé intuartha go réasúnach tráth a n-eisiúna;
- (c) déantar na hionstraimí agus na cuntais scairbhisigh ghaolmhara a mharthanú faoi Airteagal 494b;
- (d) tráth roimh an mbeart nó an tráth céanna leis an mbeart dá dtagraítear in Airteagal 77(1), déanfaidh an institiúid na hionstraimí nó na cuntais scairbhisigh ghaolmhara dá dtagraítear in Airteagal 77(1) a ionadú le hionstraimí cistí dílse ar an gcáilíocht chéanna nó ar cháilíocht níos airde faoi théarmaí atá inbhuanaithe maidir le hacmhainn ioncaim na hinstitiúide agus cheadaigh an t-údarás inniúil an gníomh sin ar bhonn an chinnidh go mbainfeadh sochar leis ó thaobh na stuamachta de agus go mbeadh údar leis de bharr cás eisceachtúil a bheith ann;
- (e) athcheannaítear ionstraimí Leibhéal 1 Breise nó Leibhéal 2 chun críocha cruthaithe margaidh.

5. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú:

- (a) an bhrí atá le “inbhuanaithe maidir le hinniúlacht ioncaim na hinstitiúide”;
- (b) na bunúis iomchuí le teorannú na fuascailte dá dtagraítear i mír 3;
- (c) an próiseas, lena n-áirítear na teorainneacha agus na nósanna imeachta maidir leis na húdaráis inniúil an formheas a dhéanamh roimh ré i gcás beart atá liostaithe in Airteagal 77(1), agus na ceanglais sonraí a theastóidh nuair a dhéanfaidh institiúid iarratas ar chead an údaráis inniúil chun beart atá liostaithe ann a dhéanamh, lena n-áirítear an próiseas atá le cur i bhfeidhm i gcás fhuascailt na scaireanna arna n-eisiúint do chomhaltaí comharchumann, agus an teorainn ama atá leis an iarratas sin a phróiseáil.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

Tarmligtear chuig an gCoimisiún an chumhacht chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

*Airteagal 78a*

**Cead ionstraimí dliteanas incháilithe a laghdú**

1. Tabharfaidh an t-údarás réitigh cead d'institiúid ionstraimí dliteanas incháilithe a cheannach, a fhuascailt, a aisíoc nó a athcheannach i gcás ina gcomhlíontar ceann de na coinníollacha seo a leanas:

- (a) tráth níos luaithe ná an beart nó an tráth céanna le ceann ar bith de na gníomhartha dá dtagraítear in Airteagal 77(2), déanann an institiúid na hionstraimí dliteanas incháilithe a ionadú le hionstraimí cistí dílse nó le hionstraimí dliteanas incháilithe atá ar an gcáilíocht chéanna nó ar cháilíocht níos airde faoi théarmaí atá inbhuanaithe maidir le hinniúlacht ioncaim na hinstitiúide;

## ▼M8

- (b) léirigh an institiúid chun sástacht an údaráis réitigh go sáródh cistí dílse agus dliteanais incháilithe na hinstitiúide, tar éis an bhirt dá dtagraítear in Airteagal 77(2) den Rialachán seo, na ceanglais a leagtar amach sa Rialachán seo agus i dTreoracha 2013/36/AE agus 2014/59/AE, de chorrach a mheasann an t-údarás réitigh, agus an t-údarás inniúil ar aon intinn leis, atá riachtanach;
- (c) léirigh an institiúid chun sástacht an údaráis réitigh gur gá ionstraimí cistí dílse a chur in ionad dliteanais incháilithe, go hiomlán nó go páirteach, d'fhonn a áirithiú go gcomhlíontar na ceanglais maidir le cistí dílse a leagtar amach sa Rialachán seo agus i dTreoir 2013/36/AE, ionas go leanfar leis an údarú.

Má thugann institiúid ráthaíochtaí leordhóthanacha maidir lena cumas oibriú le cistí dílse agus le dliteanais incháilithe os cionn mhéid na gceanglas a leagtar amach sa Rialachán seo agus i dTreoracha 2013/36/AE agus 2014/59/AE, féadfaidh an t-údarás réitigh, tar éis dó dul i gcomhairle leis an údarás inniúil, réamhchead ginearálta a thabhairt don institiúid sin ceannach, fuascailt, aisíoc nó athcheannach ionstraimí dliteanas incháilithe a dhéanamh, faoi réir critéir lena n-áiríteofar go mbeidh aon ghníomh den sórt sin i gcomhréir leis na coinníollacha a leagtar amach i bpointí (a) agus (b) den mhír seo. Ní thabharfar an réamhchead ginearálta sin ach le haghaidh tréimhse sonracha nach mó ná bliain amháin, agus féadfar é a athnuachan tar a éis sin. Tabharfar an réamhchead ginearálta le haghaidh méid áirithe réamhchinnte a shocróidh an t-údarás réitigh. Cuirfidh na húdaráis réitigh na húdaráis inniúla ar an eolas faoi aon réamhchead ginearálta a tugadh.

Aistarraingeoidh an t-údarás réitigh an réamhchead ginearálta má sháraíonn institiúid aon cheann de na critéir a tugadh chun críocha an cheada sin.

2. Agus inbhuanaitheacht na n-ionstraimí athsholáthair d'inniúlacht ioncaim na hinstitiúide dá dtagraítear i bpointe (a) de mhír 1 á measúnú, measfaidh na húdaráis réitigh a mhéid a mbeadh na hionstraimí athsholáthair chaipítíl sin agus na dliteanais athsholáthair incháilithe sin níos costasaí don institiúid ná iad siúd a mbeidís ag gabháil ina n-ionad.

3. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú:

- (a) an próiseas don chomhordú idir an t-údarás inniúil agus an t-údarás réitigh;
- (b) an nós imeachta, lena n-áirítear na teorainneacha ama agus na ceanglais faisnéise, chun cead a dheonú i gcomhréir leis an gcéad fhomhír de mhír 1;
- (c) an nós imeachta, lena n-áirítear na teorainneacha ama agus na ceanglais faisnéise, chun an réamhchead ginearálta a dheonú i gcomhréir leis an dara fhomhír de mhír 1;
- (d) an bhrí atá le “inbhuanaithe d'acmhainn ioncaim na hinstitiúide”.

Chun críocha phointe (d) den chéad fhomhír den mhír seo, déanfar na dréachtchaighdeáin theicniúla rialála a ailíniú go hiomlán leis an ghníomh tarmligthe dá dtagraítear in Airteagal 78.

**▼ M8**

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Nollaig 2019.

Tarmligtear chuig an gCoimisiún an chumhacht chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

**▼ B***Airteagal 79***▼ M8****Tarscaoileadh sealadach ó asbhaint ó chistí dílse agus ó dliteanais incháilithe**

1. I gcás ina sealbhaíonn institiúid ionstraimí caipítíl nó dliteanais a cháilíonn mar ionstraimí cistí dílse in eintiteas earnála airgeadais nó mar dliteanais incháilithe in institiúid agus ina measann an t-údarás inniúil go bhfuil na sealúchais sin ann chun críocha oibríochta cúnaimh airgeadais a ceapadh chun inmharthanacht an eintitis nó na hinstitiúide sin a atheagrú agus a athshlánú, féadfaidh an t-údarás inniúil na forálacha maidir le hasbhaint a mbeadh feidhm aici ar shlí eile maidir leis na hionstraimí sin a tharscaoileadh ar bhonn sealadach.

**▼ B**

2. Forbróidh an ÚBE dréachtchaighdeáin theicniúla rialála chun an coincheap 'sealadach' a shonrú chun críocha mhír 1 agus chun na coiníollacha a shonrú ar dá réir a measann údarás inniúil gur chun críocha oibríochta cúnaimh airgeadais a ceapadh chun eintiteas ábhartha a atheagrú agus a shábháil iad na sealúchais shealadacha sin dá dtagraítear.

**▼ C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼ B**

Déantar an chumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go 14 de Rialachán (AE) Uimh. 1093/2010.

**▼ M8***Airteagal 79a***Measúnú ar chomhlíonadh na gcoinníollacha maidir le cistí dílse agus ionstraimí dliteanas incháilithe**

Is ar ghnéithe substaintiúla na n-ionstraimí agus ní ar a bhfoirm dhlí-thiúil amháin a thabharfaidh na hinstitiúidí aird agus measúnú á dhéanamh ar chomhlíonadh na gceanglas a leagtar síos i gCuid a Dó. Áireofar sa mheasúnú ar ghnéithe substaintiúla ionstraimí na socrúithe go léir a bhaineann leis na hionstraimí, fiú i gcás socrúithe nach leagtar amach go sainráite i dtéarmaí agus i gcoinníollacha na n-ionstraimí féin, d'fhonn a chinneadh an gcomhlíontar cuspóir na bhforálacha ábhartha le héifeachtaí comhcheangailte eacnamaíocha na socrúithe sin.

**▼ B***Airteagal 80***▼ M8****Athbhreithniú leantach ar cháilíocht cistí dílse agus ionstraimí dliteanas incháilithe**

1. Déanfaidh ÚBE monatóireacht ar chaighdeán na n-ionstraimí cistí dílse agus dliteanas incháilithe arna n-eisiúint ag institiúidí ar fud an

**▼M8**

Aontais agus tabharfaidh sé fógra don Choimisiún láithreach i gcás ina bhfuil fianaise shuntasach ann nach gcomhlíonann na hionstraimí sin na critéir incháilitheachta lena mbaineann a leagtar amach sa Rialachán seo.

Ar iarratas ó ÚBE agus gan aon mhoill, cuirfidh údaráis inniúla gach faisnéis ar aghaidh chuig ÚBE a mheasann ÚBE a bhaineann le hábhar i ndáil le hionstraimí nua caipitil nó cineálacha nua dliteanas a eisíodh chun é a chur ar chumas ÚBE faireachán a dhéanamh ar cháilíocht ionstraimí cistí dílse agus dliteanas incháilithe arna n-eisiúint ag institiúidí ar fud an Aontais.

**▼B**

2. Beidh an méid seo a leanas ar áireamh san fhógra:
  - (a) míniú mionsonraithe ar chineál agus ar mhéid an easnaimh atá aitheanta;
  - (b) comhairle theicniúil maidir leis an mbeart de chuid an Choimisiúin a mheasann an ÚBE a bheith riachtanach.
  - (c) forbairtí móra sa mhodheolaíocht a úsáideann an ÚBE chun tástáil struis a dhéanamh ar shócmhainneacht institiúidí.

**▼M8**

3. Tabharfaidh ÚBE comhairle theicniúil don Choimisiún maidir le haon athruithe suntasacha a mheasann sé a theastaíonn don sainmhíniú ar chistí dílse mar thoradh ar aon cheann díobh seo a leanas:

**▼B**

- (a) forbairtí ábhartha i gcaighdeáin nó i gcleachtais an mhargaidh;
  - (b) athruithe i gcaighdeáin ábhartha dlí nó cuntasáíochta;
  - (c) forbairtí móra sa mhodheolaíocht a úsáideann an ÚBE chun tástáil struis a dhéanamh ar shócmhainneacht institiúidí.
4. Tabharfaidh an ÚBE comhairle theicniúil don Choimisiún faoin 1 Eanáir 2014 ar bhealaí ina bhféadfaí gnóthachain neamhréadaithe ag a luach cóir a láimhseáil seachas iad a áireamh gan choigeartú faoi Ghnáthchothromas Leibhéal 1. Tabharfar aird i moltaí den sórt sin ar fhorbairtí ábhartha i gcaighdeáin chuntasaíochta idirnáisiúnta agus i gcomhaontuithe idirnáisiúnta maidir le caighdeáin stuamachta i gcomhair na mbanc.

## TEIDEAL II

**LEAS MIONLAIGH AGUS IONSTRAIMÍ CHAIPITEAL BREISE  
LEIBHÉAL 1 AGUS DE CHAIPITEAL LEIBHÉAL 2 ARNA N-  
EISIÚINT AG FOCUIDEACHTAÍ**

*Airteagal 81*

**Leasanna mionlaigh atá cáilithe mar Ghnáthchothromas Leibhéal 1  
comhdhlúite**

**▼M8**

1. Is leasanna mionlaigh iad suim na n-itimí Gnáthchothromas Leibhéal 1 de chuid fochuideachta, i gcás ina gcomhlíonfar na coiníollacha seo a leanas:

- (a) is ceann díobh seo a leanas í an fochuideachta:
  - (i) institiúid;



**▼M8**

- (ii) gnóthas atá faoi réir cheanglais an Rialacháin seo agus Threoir 2013/36/AE, de bhua an dlí náisiúnta is infheidhme;
  - (iii) cuideachta inmheánach sealbhaíochta airgeadais i dtríú tír atá faoi réir ceanglais stuamachta atá chomh dian céanna leis na ceanglais stuamachta a bhfuil institiúidí creidmheasa an tríú tír sin faoina réir agus má chinn an Coimisiún i gcomhréir le hAirteagal 107(4) go bhfuil na ceanglais stuamachta sin coibhéiseach, ar a laghad, le ceanglais stuamachta an Rialacháin seo;
- (b) tá an fhochuideachta áirithe go hiomlán sa chomhdhlúthú de bhun Chaibidil 2 de Theideal II de Chuid a hAon;
- (c) is le daoine seachas na gnóthais a áirítear sa chomhdhlúthú de bhun Chaibidil 2 de Theideal II de Chuid a hAon na hítimí Gnáthchothromas Leibhéal 1 dá dtagraítear sa chuid réamhráiteach den mhír seo.

**▼B**

2. Ní cháileofar mar Ghnáthchothromas Leibhéal 1 comhdhlúite leasanna mionlaigh atá cistithe go díreach nó go hindíreach, trí eintiteas sainchuspóireach nó ar shlí eile, ag máthairghnóthas na hinsti-tiúide, nó ag a gcuid fochuideachtaí.

**▼M8***Airteagal 82***Caipiteal cáilitheach Breise Leibhéal 1, caipiteal Leibhéal 1 agus Leibhéal 2 agus cistí dílse cáilitheacha**

Is é a bheidh i gcaipiteal cáilitheach Leibhéal 1 Breise, Leibhéal 1 agus Leibhéal 2 agus i gcistí dílse cáilitheacha, an leas mionlaigh, ionstraimí Leibhéal 1 Breise, Leibhéal 1 nó Leibhéal 2, de réir mar is infheidhme, móide an tuilleamh coimeáda gaolmhar agus cuntais scairbhisigh, de chuid fochuideachta, i gcás ina gcomhlíonfar na coinníollacha seo a leanas:

- (a) is ceann díobh seo a leanas í an fhochuideachta:
- (i) institiúid;
  - (ii) gnóthas atá faoi réir cheanglais an Rialacháin seo agus Threoir 2013/36/AE, de bhua an dlí náisiúnta is infheidhme;
  - (iii) cuideachta inmheánach sealbhaíochta airgeadais i dtríú tír atá faoi réir ceanglais stuamachta atá chomh dian céanna leis na ceanglais stuamachta a bhfuil institiúidí creidmheasa an tríú tír sin faoina réir agus i gcás ina gcinnfidh an Coimisiún i gcomhréir le hAirteagal 107(4) go bhfuil na ceanglais stuamachta sin coibhéiseach, ar a laghad, le ceanglais stuamachta an Rialacháin seo;
- (b) tá an fhochuideachta áirithe go hiomlán faoi raon feidhme an chomhdhlúthaithe de bhun Chaibidil 2 de Theideal II de Chuid a hAon;
- (c) is le daoine seachas na gnóthais a áirítear sa chomhdhlúthú de bhun Chaibidil 2 de Theideal II de Chuid a hAon na hionstraimí sin.

**▼B***Airteagal 83***Caipiteal cáilitheach Breise Leibhéal 1 agus Caipiteal cáilitheach Leibhéal 2 arna eisiúint ag eintiteas sainchuspóireach****▼M8**

1. Go dtí an 31 Nollaig 2021, níl ionstraimí Leibhéal 1 Breise agus Leibhéal 2 arna n-eisiúint ag eintiteas sainchuspóireach, agus na cuntais scairbhisigh ghaolmhara ar áireamh i gcaipiteal cáilitheach Leibhéal 1 Breise nó i Leibhéal 1 nó Leibhéal 2 nó i gcistí dílse cáilitheacha, de réir mar is infheidhme, ach amháin i gcás ina gcomhlíonfar na coinníollacha seo a leanas:

**▼B**

- (a) toisc nach bhfuil an fhochuideachta áirithe go hiomlán sa chomhdhlúthú de bhun Chaibidil 2 de Theideal II de Chuid a hAon.
- (b) níl na hionstraimí, agus na cuntais scairbhisigh ghaolmhara, ar áireamh i gCaipiteal cáilitheach Breise Leibhéal 1 ach amháin i gcás ina gcomhlíontar na coinníollacha atá leagtha amach in Airteagal 52(1);
- (c) níl na hionstraimí, agus na cuntais scairbhisigh ghaolmhara, ar áireamh i gCaipiteal cáilitheach Leibhéal 2 ach amháin i gcás ina gcomhlíontar na coinníollacha atá leagtha amach in Airteagal 63;
- (d) is í an t-aon sócmhainn atá ag an eintiteas sainchuspóireach a infheistíocht i gcistí dílse an mháthairghnóthais nó fhochuideachta an mháthairghnóthais a áirítear go hiomlán sa chomhdhlúthú de bhun Chaibidil 2, Theideal II de Chuid a hAon, agus comhlíonann a foirm na coinníollacha iomchuí atá leagtha amach in Airteagal 52(1) nó Airteagal 63, de réir mar is infheidhme.

I gcás ina measann an t-údarás inniúil gur mionsócmhainní agus sócmhainní neamhthábhachtacha i gcás eintitis shainchuspóirigh iad na sócmhainní atá ag eintiteas sainchuspóireach seachas a infheistíocht i gcistí dílse an mháthairghnóthais nó fhochuideachta an mháthairghnóthais a áirítear i raon feidhme an chomhdhlúthaithe de bhun Chaibidil 2 de Theideal II de Chuid a hAon, féadfaidh an t-údarás inniúil an coinníoll a shonraítear i bpointe (d) den chéad fhomhír a tharscaoileadh.

2. Forbróidh an ÚBE dréachtchaighdeáin theicniúla rialála d'fhonn na cineálacha sócmhainní ar féidir go mbaineannsiad le feidhmiú eintiteas sainchuspóireach agus na coincheapa 'mionsócmhainní' agus 'sócmhainní neamhthábhachtacha' dá dtagraítear sa dara fhomhír de mhír 1 a shonrú.

**▼C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 84***Leasanna mionlaigh atá ar áireamh i nGnáthchothromas Leibhéal 1 comhdhlúite**

1. Déanfaidh institiúidí méid na leasanna mionlaigh atá ag fochuideachta a áireofar i gcaipiteal Ghnáthchothromas Leibhéal 1 comhdhlúite a chinneadh tríd an toradh a bheidh ar an méid dá dtagraítear i bpointe (a) agus é iolraithe faoin gcéatadán dá dtagraítear i bpointe (b) a dhealú ó leasanna mionlaigh an ghnóthais sin:

**▼B**

(a) caipiteal Ghnáthchothromas Leibhéal 1 na fochuideachta lúide an ceann is ísle díobh seo a leanas:

(i) an méid de chaipiteal Ghnáthchothromas Leibhéal 1 atá ag an bhfochuideachta sin a theastaíonn chun an tsuim atá sa cheanglas a leagtar síos i bpointe (a) d'Airteagal 87(1) a chomhlíonadh, na ceanglais dá dtagraítear in Airteagal 458 agus 459, na ceanglais shonracha cistí dílse dá dtagraítear in Airteagal 104 de Threoir 2013/36/AE, an ceanglas maoláin chomhcheangailte a shainmhínítear i bpointe (6) d'Airteagal 128 de Threoir 2013/36/AE, na ceanglais dá dtagraítear in Airteagal 500 agus aon Rialacháin mhaoirseachta áitiúla breise i dtríú tíortha a mhéid atá na ceanglais sin le comhlíonadh le Gnáthchothromas Leibhéal 1;

(ii) an méid de chaipiteal Ghnáthchothromas Leibhéal 1 comhdhlúite a bhaineann leis an bhfochuideachta sin faoi cheangal ar bhonn comhdhlúite an tsuim atá sa cheanglas atá leagtha amach i bpointe (b) d'Airteagal 87(1) a chomhlíonadh, na ceanglais dá dtagraítear in Airteagal 458 agus 459, na ceanglais shonracha cistí dílse dá dtagraítear in Airteagal 104 de Threoir 2013/36/AE, an ceanglas ómaoláin chomhcheangailte a shainmhínítear i bpointe (6) d'Airteagal 128 de Threoir 2013/36/AE, na ceanglais dá dtagraítear in Airteagal 500 agus aon Rialacháin mhaoirseachta áitiúla breise i dtríú tíortha iad a mhéid atá na ceanglais sin le comhlíonadh le caipiteal Ghnáthchothromas Leibhéal 1;

(b) leasanna mionlaigh na fochuideachta arna sloinneadh mar chéatadán de na hionstraimí uile de Ghnáthchothromas Leibhéal 1 atá ag an ngnóthas sin móide na cuntais scairbhísigh ghaolmhara, an tuilleamh coimeáda agus cúlchistí eile.

2. Déanfar an ríomh dá dtagraítear i mír 1 ar bhonn fo-chomhdhlúite le haghaidh gach fochuideachta dá dtagraítear in Airteagal 81(1).

Féadfaidh institiúid rogha a dhéanamh gan an ríomh sin a dhéanamh le haghaidh fochuideachta dá dtagraítear in Airteagal 81(1). I gcás ina ndéanann institiúid cinneadh mar sin, d'fhéadfaí nach n-áireofaí leas mionlach na fochuideachta sin i gcaipiteal Ghnáthchothromas Leibhéal 1 comhdhlúite.

3. I gcás ina maolaíonn údarás inniúil ó chur i bhfeidhm ceanglas stuamachta ar bhonn aonair, mar a leagtar síos in Airteagal 7, ní aithneofar an leas mionlach sna fochuideachtaí a gcuirfean an tarscaoileadh i bhfeidhm ina leith i gcistí dílse ar an leibhéal fo-chomhdhlúite nó ar an leibhéal comhdhlúite, mar is infheidhme.

4. Forbróidh an ÚBE dréachtchaighdeáin theicniúla rialála d'fhonn an ríomh fo-chomhdhlúite a éilítear i gcomhréir le mír 2 den Airteagal seo, le hAirteagal 85 agus le hAirteagal 87, a shonrú.

**▼C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

**▼B**

5. Féadfaidh údarais inniúla tarscaoileadh ó fheidhmiú an Airteagail seo a thabhairt do mháthairchuideachta shealbhaíochta airgeadais a chomhlíonann na coinníollacha seo go léir:

- (a) is é a príomhghníomhaíocht sealúchas a fháil;
- (b) tá sé faoi réir maoirseachta stuamachta ar bhonn comhdhlúite;
- (c) déanann sí comhdhlúthú ar fho-institiúid nach bhfuil ach sealbhaíocht mhionlach aici inti de bhua na gaolmhaireacht rialaithe a shainítear in Airteagal 1 den Seachtú Treoir 83/349/CEE ón gComhairle;
- (d) tagann níos mó ná 90 % den chaipiteal Ghnáthchothromas Leibhéal 1 comhdhlúite a éilítear ón bhfo-institiúid dá dtagraítear i pointe c) agus a ríomhtar ar bhonn fho-chomhdhlúite.

►C1 I gcás, tar éis an 28 Meitheamh 2013, ina n-éireoidh máthairchuideachta ◀ shealbhaíochta airgeadais a chomhlíonann na coinníollacha a leagtar síos sa chéad fhomhír, ina máthairchuideachta sealbhaíochta airgeadais mheasctha, féadfaidh údarais inniúla an tarscaoileadh dá dtagraítear sa chéad fhomhír a dheonú don mháthairchuideachta sealbhaíochta airgeadais mheasctha sin ar an gcoinníoll go gcomhlíonann sí na coinníollacha a leagtar síos san fhomhír sin.

6. I gcás ina mbeidh scéim trasráthaíochta curtha ar bun ag institiúidí creidmheasa atá cleamhnaithe go buan i líonra le comhlacht lárnach agus institiúidí a bhunaítear laistigh de scéim cosanta institiúideach faoi réir na gcoinníollacha a leagtar síos in Airteagal 113(7) lena bhforáiltear nach ann d'aon bhac dlíthiúil, praiticiúil ná ábharach, ná súil le bac den sórt sin, i gcás aistriú cistí dílse os cionn na gceanglas rialála ón gcontrapháirtí chuig an institiúid chreidmheasa, beidh díolúine ag na hinstitiúidí sin ó fhorálacha an Airteagail sin maidir le laghduithe agus féadfaidh sé aon leas mionlach a eascraíonn laistigh den scéim trasráthaíochta a aithint ina iomláine.

*Airteagal 85***Ionstraimí cáilitheacha Leibhéal 1 atá ar áireamh i gCaipiteal Leibhéal 1 comhdhlúite****▼C2**

1. Déanfaidh institiúidí an méid de chaipiteal cáilitheach Leibhéal 1 a bheidh ag fochuideachta a áirítear i gcistí dílse comhdhlúite a chinneadh tríd an toradh a bheidh ar an méid dá dtagraítear i bpointe (a) agus é iolraithe faoin gcéatadán dá dtagraítear i bpointe (b) a dhealú ó chaipiteal cáilitheach Leibhéal 1 an ghnóthais sin:

**▼B**

- (a) Caipiteal Leibhéal 1 atá ag an bhfochuideachta lúide an ceann is ísle díobh seo a leanas:
  - (i) an méid de chaipiteal Leibhéal 1 atá ag an bhfochuideachta sin a theastaíonn chun an tsuim atá sa cheanglas atá leagtha amach i bpointe (b) d'Airteagal 92(1) a chomhlíonadh, na ceanglais dá dtagraítear in Airteagal 458 agus 458, na ceanglais shonracha cistí dílse dá dtagraítear in Airteagal 104 de Threoir 2013/36/AE, an ceanglas maoláin chomhcheangailte a shainmhínítear i bpointe (6) d'Airteagal 128 de Threoir 2013/36/AE, na ceanglais dá dtagraítear in Airteagal 500 agus aon Rialacháin mhaoirseachta áitiúla breise i dtríú tíortha a mhéid agus atá na ceanglais sin le comhlíonadh le Caipiteal Leibhéal 1;
  - (ii) an méid de chaipiteal Leibhéal 1 comhdhlúite a bhaineann leis an bhfochuideachta sin atá faoi cheangal ar bhonn comhdhlúite an tsuim atá sa cheanglas atá leagtha amach i bpointe (b) d'Airteagal 92(1) a chomhlíonadh, na ceanglais dá dtagraítear in Airteagal 458 agus 458, na ceanglais shonracha cistí dílse dá

**▼B**

dtagraítear in Airteagal 104 de Threoir 2013/36/AE, an ceanglas maoláin chomhcheangailte a shainmhínítear i bpointe (6) d'Airteagal 128 de Threoir 2013/36/AE, na ceanglais dá dtagraítear in Airteagal 500 agus aon Rialacháin mhaoirseachta áitiúla breise i dtríú tíortha a mhéid agus atá na ceanglais sin le comhlíonadh le Caipiteal Leibhéal

- (b) caipiteal cáilitheach Leibhéal 1 na fochuideachta arna shloinneadh mar chéatadán d'ionstraimí uile Leibhéal 1 atá ag an ngnóthas sin móide na cuntais scairbhisigh ghaolmhara, an tuilleamh coimeáda agus cúlchistí eile.

2. Déanfar an ríomh dá dtagraítear i mír 1 ar bhonn fo-chomhdhlúite le haghaidh gach fochuideachta dá dtagraítear in Airteagal 81(1).

Féadfaidh institiúid rogha a dhéanamh gan an ríomh sin a dhéanamh le haghaidh fochuideachta dá dtagraítear in Airteagal 81(1). I gcás ina ndéanfaidh institiúid cinneadh mar sin, ní fhéadfar caipiteal cáilitheach Leibhéal 1 na fochuideachta sin a áireamh sa chaipiteal Leibhéal 1 comhdhlúite.

3. I gcás ina maolaíonn údarás inniúil ó chur i bhfeidhm ceanglas stuamachta ar bhonn aonair, mar a leagtar amach in Airteagal 6, ní aithneofar ionstraimí Leibhéal 1 sna fochuideachtaí a gcuirfear an tarscaoileadh i bhfeidhm ina leith i gcistí dílse ar an leibhéal fo-chomhdhlúite nó ar an leibhéal comhdhlúite, de réir mar is infheidhme.

*Airteagal 86***Caipiteal cáilitheach Leibhéal 1 atá ar áireamh i gCaipiteal Breise Leibhéal 1 comhdhlúite**

Gan dochar d'Airteagal 84 (5) agus (6), déanfaidh institiúidí an méid de chaipiteal cáilitheach Leibhéal 1 a bheidh ag fochuideachta a áireofar i gCaipiteal Breise Leibhéal 1 comhdhlúite a chinneadh trí leasanna mionlaigh an ghnóthais sin atá ar áireamh i nGnáthchothromas Leibhéal 1 comhdhlúite a dhealú ó chaipiteal cáilitheach Leibhéal 1 an ghnóthais sin atá ar áireamh i gCaipiteal Leibhéal 1 comhdhlúite.

*Airteagal 87***Cistí dílse cáilitheacha atá ar áireamh i gcistí dílse comhdhlúite**

1. Déanfaidh institiúidí an méid de chistí dílse cáilitheacha a bheidh ag fochuideachta a áireofar i gcistí dílse comhdhlúite a chinneadh tríd an toradh a bheidh ar an méid dá dtagraítear i bpointe (a) agus é iolraithe faoin gcéatadán dá dtagraítear i bpointe (b) a dhealú ó chistí dílse cáilitheacha an ghnóthais sin.

(a) cistí dílse na fochuideachta lúide an ceann is ísle díobh seo a leanas:

- (i) líon cistí dílse de chuid na fochuideachta a éilítear chun an tsuim atá sa cheanglas a leagtar amach i bpointe (c) d'Airteagal 92(1) a chomhlíonadh, na ceanglais dá dtagraítear in Airteagal 458 agus 458, na ceanglais shonracha cistí dílse dá dtagraítear in Airteagal 104 de Threoir 2013/36/AE, an ceanglas maoláin chomhcheangailte a shainmhínítear i bpointe (6) d'Airteagal 128

**▼B**

de Threoir 2013/36/AE, na ceanglais dá dtagraítear in Airteagal 500 agus aon Rialacháin mhaoirseachta áitiúla breise i dtríú tíortha a mhéid atá na ceanglais sin le comhlíonadh le Caipiteal Leibhéal 1;

- (ii) líon cistí dílse a bhaineann leis an bhfochuideachta a éilítear ar bhonn comhdhlúite chun an tsuim atá sa cheanglas a leagtar amach i bpointe (c) d'Airteagal 92(1) a chomhlíonadh, na ceanglais dá dtagraítear in Airteagal 458 agus 458, na ceanglais shonracha cistí dílse dá dtagraítear in Airteagal 104 de Threoir 2013/36/AE, an ceanglas maoláin chomhcheangailte a shainmhínítear i bpointe (6)d'Airteagal 128 de Threoir 2013/36/AE, na ceanglais dá dtagraítear in Airteagal 500 agus aon Rialacháin mhaoirseachta áitiúla breise i dtríú tíortha a mhéid agus atá na ceanglais sin le comhlíonadh le Caipiteal Leibhéal 1;
- (b) cistí dílse cáilitheacha an ghnóthais, arna sloinneadh mar chéatadán de na hionstraimí uile cistí dílse atá ag an bhfochuideachta agus atá ar áireamh in Ítimí Ghnáthchothromas Leibhéal 1, de Chaipiteal Breise Leibhéal 1 agus Leibhéal 2 agus na cuntais scairbhisigh ghaolmhara, an tuilleamh coimeáda agus cúlchistí eile.

2. Déanfar an ríomh dá dtagraítear i mír 1 ar bhonn fo-chomhdhlúite le haghaidh gach fochuideachta dá dtagraítear in Airteagal 81(1).

Féadfaidh institiúid rogha a dhéanamh gan an ríomh sin a dhéanamh le haghaidh fochuideachta dá dtagraítear in Airteagal 81(1). I gcás ina nglacfaidh institiúid cinneadh mar sin, ní fhéadfar leas mionlaigh na fochuideachta sin a chur san áireamh i nGnáthchothromas Leibhéal 1 comhdhlúite.

3. I gcás ina maolaíonn údarás inniúil ó chur i bhfeidhm ceanglas stuamachta ar bhonn aonair, mar a leagtar amach in Airteagal 6, ní aithneofar ionstraimí cistí dílse sna fochuideachtaí a gcuirfear an tarscaoileadh i bhfeidhm ina leith i gcistí dílse ar an leibhéal fo-chomhdhlúite nó ar an leibhéal comhdhlúite, mar is infheidhme.

*Airteagal 88***Ionstraimí cáilitheacha de chistí dílse atá ar áireamh i gCaipiteal Leibhéal 2 comhdhlúite**

Gan dochar d'Airteagal 84 (5) agus (6), déanfaidh institiúidí an méid de chistí dílse cáilitheacha a bheidh ag fochuideachta a áireofar i gCaipiteal Leibhéal 2 comhdhlúite a chinneadh trí chaipiteal cáilitheach Leibhéal 1 an ghnóthais atá ar áireamh i gCaipiteal Leibhéal 1 comhdhlúite a dhealú ó chistí dílse cáilitheacha an ghnóthais sin atá ar áireamh i gcistí dílse comhdhlúite.

## TEIDEAL III

**SEALÚCHAIS CHÁILITHEACHA LASMUIGH DEN EARNÁIL AIRGEADAIS***Airteagal 89***Ualú priacal agus toirmeasc ar shealúchais cháilitheacha lasmuigh den earnáil airgeadais**

1. Beidh sealúchas cáilitheach, ar mó a mhéid ná 15 % de chaipiteal incháilithe na hinstiúide, i ngnóthas nach ceann díobh seo a leanas é faoi réir ag na forálacha atá leagtha amach i mír 3:

**▼B**

- (a) eintiteas earnála airgeadais;
  - (b) gnóthas, nach eintiteas earnála airgeadais é, a bhfuil gníomhaíochtaí ar bun aige a measann an t-údarás inniúil gurb ionann iad agus aon cheann de na nithe seo a leanas:
    - (i) síneadh díreach ar bhaincéireacht;
    - (ii) seirbhísí atá coimhdeach le baincéireacht;
    - (iii) léasú, fachtóireacht, bainistiú ar iontaobhais aonad, bainistiú ar sheirbhísí próiseála sonraí nó aon ghníomhaíocht eile dá samhail.
2. Beidh méid iomlán na sealúchas cáilitheach atá ag institiúid i ngnóthais seachas na gnóthais sin dá dtagraítear i bpointí (a) agus (b) de mhír 1 agus ar mó iad ná 60 % dá chaipiteal incháilithe faoi réir na bhforálacha atá leagtha amach i mír 3.
3. Cuirfidh údaráis inniúla na ceanglais atá leagtha amach i bpointe (a) nó i bpointe (b) i bhfeidhm maidir le sealúchais cháilitheacha na n-institiúidí dá dtagraítear i mír 1 agus mír 2:
- (a) chun an ceanglas caipitil a ríomh i gcomhréir le Cuid a Trí cuirfidh institiúidí ualú priacal 1 250 % leis an gceann is mó de na cinn a leanas:
    - (i) méid na sealúchas cáilitheach dá dtagraítear i mír 1 ar mó iad ná 15 % den chaipiteal incháilithe;
    - (ii) méid iomlán na sealúchas cáilitheach dá dtagraítear i mír 2 ar mó iad ná 60 % de chaipiteal incháilithe na hinstitiúide;
  - (b) cuirfidh na húdaráis inniúla toirmeasc ar institiúidí sealúchais cháilitheacha dá dtagraítear i míreanna 1 agus 2 a bheith acu nuair is mó é a méid ná na céatadáin de chaipiteal incháilithe atá leagtha amach sna míreanna sin.

Foilseoidh na húdaráis inniúla a rogha idir (a) nó (b).

4. Chun críoch phointe (b) de mhír 1, eiseoidh an ÚBE treoirlínte lena sonraítear na coincheapa seo a leanas:

- (a) gníomhaíochtaí ar síneadh díreach ar bhaincéireacht iad;
- (b) gníomhaíochtaí atá coimhdeach le baincéireacht;
- (c) gníomhaíochtaí comhchosúla.

Glacfar na treoirlínte sin i gcomhréir le hAirteagal 16 de Rialachán (AE) Uimh. 1093/2010.

*Airteagal 90*

**Rogha eile ar ualú priacal 1 250 %**

Mar rogha eile ar ualú priacal 1 250 % a chur i bhfeidhm maidir leis na méideanna ar mó iad ná na teorainneacha atá sonraithe i mír 1 agus mír 2 d'Airteagal 89, féadfaidh institiúidí na méideanna sin a asbhaint as itimí Ghnáthchothromas Leibhéal 1 i gcomhréir le pointe (k) d'Airteagal 36(1).

**▼B***Airteagal 91***Eisceachtaí**

1. Ní dhéanfar scaireanna gnóthas nach dtagraítear dóibh i bpointí (a) agus (b) de mhír 1 d'Airteagal 89 a áireamh nuair a ríomhfar na teorainneacha do chaipiteal incháilithe atá sonraithe san Airteagal sin i gcás ina gcomhlíontar aon cheann de na coinníollacha seo a leanas:

- (a) sealbhaítear na scaireanna sin go sealadach le linn oibríocht tarrthála airgeadais a bheith ar bun, dá dtagraítear in Airteagal 79;
- (b) is suíomh frithgheallta arna shealbhú ar feadh chúig lá oibre nó níos giorra é sealúchas na scaireanna sin;
- (c) sealbhaítear na scaireanna sin in ainm na hinstitiúide féin agus thar ceann daoine eile.

2. Ní dhéanfar scaireanna nach sócmhainní seasta airgeadais iad mar a thagraítear dóibh in Airteagal 38(2) de Threoir 86/635/CEE a áireamh sa ríomh atá sonraithe in Airteagal 89.

## CUID A TRÍ

**CEANGLAIS CHAIPITIL**

## TEIDEAL I

**CEANGLAIS GHINEARÁLTA, LUACHÁIL AGUS TUAIRISCIÚ***CAIBIDIL 1****Leibhéal cistí dílse arna cheangal***

## Roinn 1

**Ceanglais cistí dílse le haghaidh institiúidí***Airteagal 92***Ceanglais cistí dílse**

1. Faoi réir Airteagal 93 agus Airteagal 94, comhlíonfaidh institiúidí tráth ar bith na ceanglais cistí dílse seo a leanas:

- (a) cóimheas caipitil 4.5 % de Ghnáthchothromas Leibhéal 1;
- (b) cóimheas caipitil Leibhéal 1 6 %;
- (c) cóimheas caipitil iomlán 8 %.

2. Ríomhfaidh institiúidí a gcóimheasa caipitil mar seo a leanas:

- (a) is ionann cóimheas caipitil Ghnáthchothromas Leibhéal 1 agus caipiteal Ghnáthchothromas Leibhéal 1 na hinstitiúide, arna shloinneadh mar chéatadán de mhéid iomlán na risíochta ar priacal;



**▼B**

- (b) is ionann cóimheas caipitil Leibhéal 1 agus Caipiteal Leibhéal 1 na hinstitiúide, arna shloinneadh mar chéatadán de mhéid iomlán na risíochta ar priacal;
  - (c) is ionann an cóimheas caipitil iomlán agus cistí dílse na hinstitiúide, arna shloinneadh mar chéatadán de mhéid iomlán na risíochta ar priacal.
3. Ríomhfar méid iomlán na risíochta ar priacal mar shuim phointí
- (a) go (f) den mhír seo tar éis na forálacha atá leagtha amach i mír 4 a chur san áireamh:
    - (a) na méideanna risíochta atá ualaithe ó thaobh priacal i gcás priacal creidmheasa agus priacal caolúcháin, arna ríomh i gcomhréir le Teideal II agus Airteagal 379, maidir le gníomhaíochtaí gnó uile institiúide, cé is moite de mhéideanna risíochta atá ualaithe ó thaobh priacal ó ghnó na hinstitiúide a bhaineann leis an leabhar trádála;
    - (b) na ceanglais cistí dílse, arna gcinneadh i gcomhréir le Teideal IV den Chuid seo nó de Chuid a Ceathair, de réir mar is infheidhme, do ghnó institiúide a bhaineann leis an leabhar trádála, i gcás an méid a leanas:
      - (i) priacal an tsuímh;
      - (ii) risíochtaí móra ar mó iad ná na teorainneacha atá sonraithe in Airteagail 395 go 401, a mhéid is ceadmhach d'institiúid na teorainneacha sin a shárú;
    - (c) na ceanglais cistí dílse arna gcinneadh i gcomhréir le Teideal IV nó Teideal V cé is moite d'Airteagal 379, de réir mar is infheidhme, dóibh seo a leanas:
      - (i) priacal malairte eachtraí;
      - (ii) priacal socraíochta;
      - (iii) priacal tráchtearraí;
    - (d) na ceanglais cistí dílse arna ríomh i gcomhréir le Teideal VI i gcás priacal a bhaineann le coigeartú luachála creidmheasa na n-ionstraimí díorthach thar an gcuntar seachas díorthaigh chreidmheasa atá aitheanta chun méideanna risíochta atá ualaithe ó thaobh priacal a laghdú le haghaidh priacal creidmheasa;
    - (e) ceanglais cistí dílse arna gcinneadh i gcomhréir le Teideal III le haghaidh priacal oibriúcháin;
    - (f) na méideanna risíochta atá ualaithe ó thaobh priacal arna gcinneadh i gcomhréir le Teideal II le haghaidh priacal contrapháirtí a thig as gnó na hinstitiúide a bhaineann leis an leabhar trádála do na cineálacha idirbheart agus comhaontuithe a leanas:
      - (i) conarthaí a liostaítear in Iarscríbhinn II agus díorthaigh chreidmheasa;
      - (ii) idirbhearta athcheannaigh, idirbhearta iasachtaithe nó iasachtaíochta urrús nó tráchtearraí bunaithe ar urrúis nó ar thráchtearraí;

**▼B**

- (iii) idirbhearta iasachtaithe corrlaigh bunaithe ar urrúis nó ar thráchtarraí;
- (iv) idirbhearta socraíochta iarchurtha.

**▼C2**

4. Beidh feidhm ag na forálacha seo a leanas nuair a bheidh an méid iomlán risíochta priacail dá dtagraítear i mír 3 á ríomh:

**▼B**

- (a) áireofar sna ceanglais cistí dílse dá dtagraítear i bpointí (c), (d) agus(e) den mhír sin na ceanglais sin a thig ó ghníomhaíochtaí gnó uile institiúide;
- (b) déanfaidh institiúidí na ceanglais cistí dílse atá leagtha amach i bpointí (b) go (e) den mhír sin a iolrú faoi 12,5.

**▼M8***Airteagal 92a***Ceanglais ar G-SIIInna maidir le cistí dílse agus dliteanais incháilithe**

1. Faoi réir Airteagail 93 agus 94 agus na n-eisceachtaí a leagtar amach i mír 2 den Airteagal seo, comhlíonfaidh na hinstiúidí a shain-aithnítear mar eintitis réitigh agus ar G-SII iad nó ar cuid de G-SII iad na ceanglais seo a leanas i gcónaí maidir le cistí dílse agus dliteanais incháilithe:

- (a) cóimheas priacalbhunaithe 18 %, a bhaineann le cistí dílse agus dliteanais incháilithe na hinstiúide arna sloinneadh mar chéatadán de mhéid iomlán na risíochta ar phriacal a ríomhtar i gcomhréir le hAirteagal 92(3) agus (4);
- (b) cóimheas 6.75 % nach cóimheas priacalbhunaithe é, a bhaineann le cistí dílse agus dliteanais incháilithe na hinstiúide arna sloinneadh mar chéatadán den tomhas iomlán risíochta dá dtagraítear in Airteagal 492(4).

2. Ní bheidh feidhm leis na ceanglais a leagtar síos i mír 1 sna cásanna seo a leanas:

- (a) faoi cheann thrí bliana i ndiaidh an dáta ar sainaitníodh an instiúid nó an grúpa ar cuid den instiúid é mar G-SII;
- (b) faoi cheann dhá bhliain tar éis an dáta ar chuir an t-údarás réitigh an uirlis díluachála fiachais i bhfeidhm i gcomhréir le Treoir 2014/59/EU;
- (c) faoi cheann an dá bhliain tar éis an dáta ar chuir an t-eintiteas réitigh beart malartach ón earnáil phriobháideach i bhfeidhm dá dtagraítear i bpointe (b) d'Airteagal 32(1) de Threoir 2014/59/EU lena ndéanadh ionstraimí caipitil agus dliteanais eile a dhíluacháil nó a chomhshó ina n-ítimí de Ghnáthchothromas Leibhéal 1 chun an t-eintiteas réitigh a athchaipitliú gan uirlisí réitigh a chur i bhfeidhm.

3. I gcás ina sáróidh an comhiomlán a thiocfaidh as cur i bhfeidhm na gceanglas a leagtar síos i bpointe (a) de mhír 1 den Airteagal seo ar gach eintiteas réitigh den G-SII céanna an ceanglas maidir le cistí dílse agus dliteanais incháilithe a ríomhtar i gcomhréir le hAirteagal 12a den

**▼M8**

Rialachán seo, féadfaidh údarás réitigh mháthairinstitiúid AE, tar éis dó dul i gcomhairle leis na húdaráis réitigh ábhartha eile, gníomhú i gcomhréir le hAirteagal 45d(4) nó 45h(1) de Threoir 2014/59/AE.

*Airteagal 92a***Ceanglais ar G-SIIInna neamh-AE maidir le cistí dílse agus dliteanais incháilithe**

1. Comhlíonfaidh institiúidí ar fochuideachtaí ábhartha iad de G-SIIInna neamh-AE agus nach eintitis réitigh iad ceanglais i gcónaí maidir le cistí dílse agus dliteanais incháilithe ar combhionann iad agus 90 % de na ceanglais maidir le cistí dílse agus dliteanais incháilithe a leagtar síos in Airteagal 92a.

2. Ar mhaithe le mír 1 a chomhlíonadh, ní chuirfear ionstraimí breise Leibhéal 1, Leibhéal 2 agus ionstraimí dliteanas incháilithe san áireamh ach i gcás gur le máthairghnóthas deiridh G-SII neamh-AE iad agus gur eisíodh iad, go díreach nó go hindíreach, trí eintitis eile sa ghrúpa céanna, ar choinníoll go bhfuil na heintitis sin go léir bunaithe sa tríú tír céanna is atá an máthairghnóthas deiridh nó i mBallstát.

3. Ní chuirfear aon ionstraim dliteanas incháilithe san áireamh chun mír 1 a chomhlíonadh ach amháin i gcás ina gcomhlíonfaidh sí gach ceann de na coinníollacha seo a leanas:

- (a) i gcás gnáthimeachtaí dócmhainneachta mar a shainmhínítear i bpointe (47) d'Airteagal 2(1) de Threoir 2014/59/AE, beidh an t-éileamh a eascróidh ón dliteanas rangaithe faoi bhun na n-éileamh a thiocfaidh as dliteanais nach gcomhlíonfaidh na coinníollach a leagtar amach i mír 2 den Airteagal seo nach bhfuil incháilithe mar ionstraimí cistí dílse;
- (b) tá sí faoi réir na gcumhachtaí díluachála nó comhshó i gcomhréir le hAirteagal 59 go hAirteagal 61 de Threoir 2014/59/AE.

**▼B***Airteagal 93***Ceanglas caipitil tosaigh ar ghnóthas leantach**

1. Ní fhéadfaidh cistí dílse institiúide titim faoin méid caipitil tosaigh arna cheangal tráth a údaraithe.

2. Maidir le hinstiúidí creidmheasa a bhí ar an bhfód cheana féin an 1 Eanáir 1993, nach mbaineann méid a gcuid cistí dílse amach an méid caipitil tosaigh arna cheangal, féadfaidh siad leanúint dá gcuid gníomhaíochtaí. Sa chás sin, ní fhéadfaidh méid chistí dílse na n-institiúidí sin titim faoin leibhéal is airde a baineadh amach le héifeacht ón 22 Nollaig 1989.

3. Féadfaidh gnólachtaí infheistíochta agus gnólachtaí atá údaraithe a cumhdaíodh le hAirteagal 6 de Threoir 2006/49/CE a bhí ann roimh an 31 Nollaig 1995, méid a gcuid cistí dílse nach mbaineann amach an méid caipitil tosaigh arna cheangal leanúint lena gcuid gníomhaíochtaí a dhéanamh. Ní thitfidh cistí dílse gnólachtaí mar sin nó gnólachtaí infheistíochta faoin leibhéal tagartha is airde a ríomhadh tar éis an

**▼B**

dáta a tugadh an fógra atá i dTreoir 93/6/CEE ón gComhairle an 15 Márta 1993 <sup>(1)</sup>. Beidh an leibhéal tagartha sin ina mheánleibhéal laethúil de chistí dílse arna ríomh thar thréimhse sé mhí roimh dháta an ríomha. Ríomhfar é gach sé mhí i ndáil leis na tréimhse chomhfhreagrach roimhe sin.

4. I gcás ina nglacann duine nádúrtha nó dlítheanach seachas an duine a raibh rialú aige ar an institiúid roimhe sin rialú ar institiúid atá laistigh den chatagóir dá dtagraítear i mír 2 nó i mír 3, bainfidh méid chistí dílse na hinstitiúide sin amach an méid caipitil tosaigh arna cheangal.

5. I gcás ina bhfuil cumasc á dhéanamh ar dhá institiúid nó níos mó atá laistigh den chatagóir dá dtagraítear i mír 2 nó i mír 3, ní thitfidh méid chistí dílse na hinstitiúide a thig as an gcumasc faoi chistí dílse iomlána na n-institiúidí cumaiscthe tráth a ndéantar an cumasc, fad is nach bhfuil an méid caipitil tosaigh arna cheangal faighte.

6. I gcás ina measann údaráis inniúla gur gá d'fhonn sócmhainneacht institiúide a áirithiú nach bhfuil an ceanglas atá leagtha amach i mír 1 comhlíonta, ní bheidh feidhm ag na forálacha atá leagtha amach i míreanna 2 go 5.

*Airteagal 94***Maolú do ghnó beag a bhaineann leis an leabhar trádála**

1. Féadfaidh institiúidí an ceanglas caipitil dá dtagraítear i bpointe (b) de mhír 3 d'Airteagal 92 a ionadú le ceanglas caipitil arna ríomh i gcomhréir le pointe (a) den mhír sin maidir lena ngnó a bhaineann leis an leabhar trádála, ar choinníoll go gcomhlíonfaidh méid an ghnó atá acu laistigh agus lasmuigh den chlár comhardaithe a bhaineann leis an leabhar trádála an dá choinníoll seo a leanas:

- (a) go mbíonn sé de ghnáth níos lú ná 5 % de na sócmhainní iomlána agus EUR15 milliún;
- (b) nach mbíonn sé riamh níos mó ná 6 % de na sócmhainní iomlána agus EUR20 milliún.

2. Agus méid an ghnó laistigh agus lasmuigh den chlár comhardaithe á ríomh déanfaidh institiúidí an méid seo a leanas a chur i bhfeidhm:

- (a) déanfar luacháil ar ionstraimí fiachais ag a gcuid praghsanna ar an margadh nó ag a gcuid luachanna ainmniúla, ar chothromas ag a phraghsanna ar an margadh agus ar dhíorthaigh de réir luachanna ainmniúla nó margaidh na n-ionstraimí a fholuáinn siad;
- (b) déanfar suimiú ar luach absalóideach shuimh fhada agus ar luach absalóideach shuimh ghearra.

3. I gcás ina dteipfidh ar institiúid an coinníoll i bpointe (b) de mhír 1 a chomhlíonadh tabharfaidh sé fógra láithreach don údarás inniúil. Má chinneann an t-údarás inniúil, tar éis measúnú a dhéanamh, nár comhlíonadh an ceanglas i bpointe (a) de mhír 1 agus má thugann sé fógra don institiúid ina leith sin, scoirfidh an institiúid d'úsáid a bhaint as mír 1 ón gcéad dáta tuairiscithe eile.

<sup>(1)</sup> OJ L 141, 11.6.1993, p. 1.

**▼B**

## Roinn 2

**Ceanglais cistí dílse i gcomhair gnólachtaí infheistíochta a bhfuil údarú teoranta acu seirbhísí infheistíochta a sholáthar***Airteagal 95***Ceanglais cistí dílse i gcomhair gnólachtaí infheistíochta a bhfuil údarú teoranta acu seirbhísí infheistíochta a sholáthar**

1. Chun críocha Airteagal 92(3), déanfaidh gnólachtaí infheistíochta nach bhfuil údaraithe na seirbhísí infheistíochta agus na gníomhartha atá liostaithe i bpointí (3) agus (6) de Roinn A d'Iarscríbhinn I a ghabhann le Threoir 2004/39/CE a sholáthar an ríomh ar mhéid iomlán na risíochta ar priacal atá sonraithe i mír 2 a úsáid.

2. Déanfaidh na gnólachtaí infheistíochta dá dtagraítear i mír 1 den Airteagal seo agus gnólachtaí dá dtagraítear i bpointe (c) de phointe (2) d'Airteagal 4(1) a chuireann na seirbhísí infheistíochta agus na gníomhaíochtaí a liostáitear i bpointe (2) agus i bpointe (4) de Roinn A d'Iarscríbhinn 1 de Threoir 2004/39/CE méid iomlán na risíochta ar priacal a ríomh mar a bheith níos airde ná an méid a leanas:

(a) méid na n-ítimí dá dtagraítear i bpointí (a) go (d) agus (f) d'Airteagal 92(3) tar éis d'Airteagal 92(4) a chur i bhfeidhm;

(b) 12,5 iolraithe faoin méid atá sonraithe in Airteagal 97.

Déanfaidh na gnólachtaí dá dtagraítear i bpointe (c) de phointe (2) d'Airteagal 4(1) a chuireann na seirbhísí infheistíochta agus na gníomhaíochtaí atá liostaithe i bpointe (2) agus i bpointe (4) de Roinn A d'Iarscríbhinn 1 de Threoir 2004/39/CE na ceanglais atá in Airteagal 92(1) agus (2) a chomhlíonadh, bunaithe ar mhéid iomlán na risíochta ar priacal dá dtagraítear sa chéad fhomhír.

Féadfaidh údaráis inniúla na ceanglais cistí dílse le haghaidh gnólachtaí dá dtagraítear i bpointe (c) de phointe (2) d'Airteagal 4(1) lena bhforáiltear go mbeidh na seirbhísí infheistíochta agus na gníomhaíochta atá liostaithe in uimhir (2) agus (4) de Roinn A d'Iarscríbhinn 1 de Threoir 2004/39/CE mar na ceanglais cistí dílse a cheanglófar ar na gnólachtaí sin i gcomhréir leis na bearta náisiúnta trasuimh a bheidh i bhfeidhm an 31 Nollaig 2013 le haghaidh Threoir 2006/49/CE agus Threoir 2006/48/CE.

**▼C2**

3. Tá gnólachtaí infheistíochta dá dtagraítear i mír 1 faoi réir ag gach foráil eile maidir le priacal oibriúcháin atá leagtha amach i dTeideal VII, Caibidil 2, Roinn II, Foroinn 2 de Threoir 2013/36/AE.

**▼B***Airteagal 96***Ceanglais cistí dílse i gcomhair gnólachtaí infheistíochta ina sealbhaítear caipiteal tosaigh mar atá leagtha amach in Airteagal 28(2) de Threoir 36 (AE)2013**

1. Chun críocha Airteagal 92(3), úsáidfidh na catagóirí seo a leanas de ghnólachtaí infheistíochta ina sealbhaítear caipiteal tosaigh i gcomhréir le hAirteagal 28(2) de Threoir 2013/36/AE an ríomh maidir le méid iomlán na risíochta ar priacal atá sonraithe i mír 2 den Airteagal seo:

**▼B**

- (a) gnólachtaí infheistíochta a dhéileálann ar a gcuntas féin amháin ar mhaithe le hordú cliant a chomhlíonadh nó a chur i bhfeidhm nó ar mhaithe le dul isteach i gcóras socraíochta agus imréitigh nó i malartán aitheanta nuair a bheidh siad ag gníomhú i gcáil gníomhaireachta nó ag cur ordú cliant i bhfeidhm;
- (b) gnólachtaí infheistíochta a chomhlíonann na coinníollacha seo a leanas uile:
  - (i) nach bhfuil airgead nó urrúis cliant ina seilbh;
  - (ii) a ghabhann de dhéileáil ar a gcuntas féin amháin;
  - (iii) nach bhfuil aon chustaiméirí seachtracha acu;
  - (iv) a ndéantar feidhmiú agus socrú na n-idirbheart sin ina leith faoi chúram institiúide imréitigh agus atá ráthaithe ag an institiúid imréitigh sin.

2. Maidir le gnólachtaí infheistíochta dá dtagraítear i mír 1, ríomhfar méid iomlán na risíochta ar priacal mar shuim na nithe seo a leanas:

- (a) pointí (a) go (d) agus (f) d'Airteagal 92(3) tar éis Airteagal 92(4) a chur i bhfeidhm;
- (b) an méid dá dtagraítear in Airteagal 97 a iolrú faoi 12,5.

3. Tá gnólachtaí infheistíochta dá dtagraítear i mír 1 faoi réir gach foráil eile maidir le priacal oibriúcháin atá leagtha amach i dTeideal VII, Caibidil 3, Roinn II, Foroinn 1 de Threoir 2013/36/AE.

*Airteagal 97***Cistí dílse bunaithe ar Fhorchostais Sheasta**

1. I gcomhréir le hAirteagal 95 agus le hAirteagal 96, déanfaidh gnólacht infheistíochta agus gnólachtaí dá dtagraítear i bpointe (c) de phointe (2) d'Airteagal 4(1) lena bhforáiltear na seirbhísí infheistíochta agus na gníomhaíochtaí atá liostaithe ibpointe (2) agus pointe (4) de Roinn A d'Iarscríbhinn 1 a ghabhann le Treoir 2004/39/CE caipiteal incháilithe a shealbhú d'aon cheathrú ar a laghad d'fhorchostais na bliana roimhe sin.

2. I gcás ina dtagann athrú ar ghnó gnólachta infheistíochta ón mbliain roimhe sin agus ina measann an t-údarás inniúil go bhfuil sé ábhartha, féadfaidh an t-údarás inniúil coigeartú a dhéanamh ar an gceanglas atá leagtha amach i mír 1.

3. I gcás nach bhfuil gnó curtha i gcrích ag gnólacht infheistíochta ar feadh bliana amháin, ag tosú ar an lá a dtosaíonn an gnó, sealbhóidh gnólacht infheistíochta caipiteal incháilithe d'aon cheathrú ar a laghad de na forchostais sheasta atá réamh-mheasta ina phlean gnó, cé is moite de chás ina gceanglaíonn an t-údarás inniúil an plean gnó a choigeartú.

4. Forbróidh an ÚBE, i gcomhairle leis an ÚEÚM, dréachtchaighdeáin theicniúla rialála d'fhonn an méid seo a leanas a shonrú ar bhealach níos mionsonraithe:

**▼B**

- (a) ríomh an cheanglais caipiteal incháilithe d'aon cheathrú ar a laghad d'fhorchostais sheasta na bliana roimhe sin a shealbhú;
- (b) na coinníollacha ina ndéanfaidh an t-údarás inniúil coigeartú ar an gceanglas caipiteal incháilithe d'aon cheathrú ar a laghad d'fhorchostais na bliana roimhe sin a shealbhú;
- (c) forchostais sheasta réamh-mheasta a ríomh i gcás gnólachta infheistíochta nár chuir aon ghnó i gcrích ar feadh bliana amháin.

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 1 Márta 2014.

Déantar an chumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 98***Cistí dílse do ghnólachtaí infheistíochta ar bhonn comhdhlúite**

1. I gcás gnólachtaí infheistíochta dá dtagraítear in Airteagal 95(1) i ngrúpa, i gcás nach n-áirítear institiúidí creidmheasa sa ghrúpa sin, cuirfidh máthairghnólacht infheistíochta i mBallstát Airteagal 92 i bhfeidhm ag leibhéal comhdhlúite mar seo a leanas:

- (a) úsáidfidh sé an ríomh ar mhéid iomlán na risíochta ar priacal atá sonraithe in Airteagal 95(2);
- (b) cistí dílse arna ríomh ar bhonn staid chomhdhlúite an mháthairghnólachta infheistíochta, na cuideachta sealbhaíochta airgeadais nó na cuideachta sealbhaíochta airgeadais mheasctha, de réir mar is infheidhme.

2. I gcás gnólachtaí infheistíochta dá dtagraítear in Airteagal 96(1) i ngrúpa, i gcás nach n-áirítear institiúidí creidmheasa sa ghrúpa sin, cuirfidh máthairghnólacht infheistíochta i mBallstát agus gnólacht infheistíochta arna rialú ag cuideachta shealbhaíochta airgeadais nó ag cuideachta sealbhaíochta airgeadais measctha Airteagal 92 i bhfeidhm ar bhonn comhdhlúite mar seo a leanas:

- (a) úsáidfidh sé an ríomh ar mhéid iomlán na risíochta ar priacal atá sonraithe in Airteagal 96(2);
- (b) úsáidfidh sé cistí dílse arna ríomh ar bhonn staid chomhdhlúite an mháthairghnólachta infheistíochta nó staid na cuideachta sealbhaíochta airgeadais nó staid na cuideachta sealbhaíochta airgeadais mheasctha, de réir mar is infheidhme, agus Caibidil 2 de Theideal II de Chuid a hAon á chomhlíonadh go hiomlán.

**▼B***CAIBIDIL 2**Ceanglais ríofa agus tuairiscithe**Airteagal 99***Tuairisciú ar cheanglais cistí dílse agus ar fhaisnéis airgeadais**

1. Tabharfaidh na hinstitiúidí tuarascálacha do na hinstitiúidí inniúla maidir leis na hoibleagáidí a leagtar síos in Airteagal 92 ar bhonn leathbhliantúil ar a laghad.

2. Déanfaidh na hinstitiúidí sin atá faoi réir Airteagal 4 de Rialachán (CE) Uimh 1606/2002 agus na hinstitiúidí creidmheasa, seachas na cinn dá dtagraítear in Airteagal 4 den Rialachán sin a ullmhaíonn a gcuntais chomhdhlúite i gcomhréir leis na caighdeáin idirnáisiúnta cuntasáíochta a glacadh i gcomhréir leis an nós imeachta a leagtar síos in Airteagal 6(2) den Rialachán sin, faisnéis airgeadais a thuairisciú freisin.

3. Féadfaidh údarais inniúla a chur de cheangal ar na hinstitiúidí creidmheasa sin a bhfuil caighdeáin idirnáisiúnta cuntasáíochta á bhfeidhmiú acu mar is infheidhme faoi Rialachán (CE) Uimh. 1606/2002 chun a gcistí dílse a thuairisciú ar bhonn comhdhlúite de bhua Airteagal 23(2) den Rialachán sin tuairisciú a dhéanamh ar fhaisnéis airgeadais mar a leagtar amach i mhír 2 den Airteagal seo freisin.

**▼C2**

4. Déanfar an fhaisnéis airgeadais dá dtagraítear i mír 2 agus mír 3 a thuairisciú a mhéid a bheidh sin riachtanach chun léargas cuimsitheach a fháil ar phróifíl priacal ghníomhaíochtaí institiúide agus i bhfianaise na priacail shistéamacha a thugann na hinstitiúidí don earnáil airgeadais nó don fhíorgheilleagar i gcomhréir le Rialachán (AE) Uimh. 1093/2010.

**▼B**

5. Forbróidh an ÚBE dréachtchaighdeáin theicniúla cur chun feidhme chun na formáidí aonfhoirmeacha, na minicíochtaí, na dátaí tuairiscithe, na sainmhínte agus na réitigh TF a chuirfear i bhfeidhm san Aontas le haghaidh an tuairisciú dá dtagraítear i mír 1 go dtí mír 4.

Beidh na ceanglais tuairiscithe i gcomhréir le cineál, le scála agus le castacht ghníomhaíochtaí na n-institiúidí.

**▼C1**

Cuirfidh an ÚBE na dréachtchaighdeáin theicniúla chur chun feidhme sin faoi bhráid an Choimisiúin faoin 28 Iúil 2013.

**▼B**

Tugtar an chumhacht don Choimisiún chun na caighdeáin chur chun feidhme teicniúil dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

6. I gcás ina measann údarás inniúil go bhfuil gá leis an bhfaisnéis airgeadais a éilítear le mír 2 chun léargas cuimsitheach a fháil ar phróifíl priacal ghníomhaíochtaí institiúidí seachas na cinn dá dtagraítear i mír 2 agus mír 3, agus chun léargas a fháil ar na priacail shistéamacha a thugann siad, don earnáil airgeadais nó don fhíorgheilleagar, ar institiúidí iad atá faoi réir creata cuntasáíochta a bhunaítear ar Threoir 86/635/CCE, rachaidh sn t-údarás inniúil i gcomhairle leis an ÚBE maidir leis na ceanglais tuairiscithe i ndáil le faisnéis airgeadais a leathnú ar bhonn comhdhlúite chuig na hinstitiúidí sin, ar an gcoinníoll nach bhfuil siad ag tuairisciú cheana ar bhonn mar sin.



**▼B**

Forbróidh an ÚBE dréachtchaighdeáin theicniúla cur chun feidhme chun na formáidí atá le húsáid ag institiúidí a shonrú trína bhféadfaidh na húdaráis inniúla na ceanglais thuairiscithe maidir le faisnéis airgeadais institiúidí a leathnú i gcomhréir leis an gcéad fhomhír.

**▼C1**

Cuirfidh an ÚBE na dréachtchaighdeáin theicniúla chur chun feidhme sin faoi bhráid an Choimisiúin faoin 28 Iúil 2013.

**▼B**

Déantar an chumhacht a tharmligean chuig an gCoimisiún chun na caighdeáin rialála teicniúla dá dtagraítear sadara fhomhír a ghlacadh i gcomhréir leis an nós imeachta atá leagtha síos in Airteagail 15 de Rialachán (AE) Uimh. 1093/2010.

7. I gcás ina measann údarás inniúil gur gá faisnéis nach gcumhdaítear le caighdeán cur chun feidhme teicniúla dá dtagraítear i mír 4 chun na gcríoch a leagtar amach sa chéad fhomhír, cuirfidh sé an ÚBE agus an BERS ar an eolas faoin fhaisnéis bhreise a mheasann sé is gá áireamh sna caighdeáin cur chun feidhme teicniúla dá dtagraítear i mír 4.

*Airteagal 100***Ceanglais bhreise maidir le tuairisciú**

Tuairisceoidh na hinstitiúidí do na húdaráis inniúla, i dtéarmaí comhiomláine ar a laghad, leibhéal a gcomhaontuithe athcheannaigh, iasachtaithe urrús agus gach cineál eire sócmhainní.

Cuirfidh an ÚBE an fhaisnéis sin san áireamh sa chaighdeán cur chun feidhme teicniúil maidir le tuairisciú dá dtagraítear in Airteagal 99, mír 5

*Airteagal 101***Oibleagáidí sonracha maidir le tuairisciú****▼C2**

1. Tabharfaidh institiúidí tuairisc do na húdaráis inniúla ar bhonn leathbhliantúil ar na mionsonraí seo a leanas maidir le gach margadh maoin dochorraithe náisiúnta ar a bhfuil siad ar ris:

- (a) cailleanas a eascraíonn as risíochtaí a bhfuil maoin chónaithe aitheanta ag institiúid mar chomhthaobhacht, suas go dtí an tsuim is ísle den méid atá curtha i ngeall den mhargadhluach nó 80 % de luach iasachta morgáiste mura gcinnfear a mhalairt faoi Airteagal 124(2);
- (b) cailleanais fhoriomlána a eascraíonn ó risíochtaí a bhfuil maoin chónaithe aitheanta mar chomhthaobhacht ag institiúid ina leith, suas go dtí an chuid den risíocht a dhéantar a láimhseáil mar a bheith urraithe go hiomlán leis an maoin chónaithe i gcomhréir le hAirteagal 124(1);
- (c) luach risíochta na risíochtaí uile atá gan íoc atá aitheanta le maoin chónaithe dhochorraithe mar chomhthaobhacht ag institiúid, teoranta don chuid den risíocht a dhéantar a láimhseáil mar a bheith urraithe go hiomlán leis an maoin chónaithe i gcomhréir le hAirteagal 124(1);

**▼B**

- (d) cailteanas a eascraíonn as risíochtaí a bhfuil maoin thráchtála dhochorraithe aitheanta ag institiúid mar chomhthaobhacht ina leith, suas go dtí an tsum is ísle den méid atá curtha i ngeall agus 50 % den mhargadhluach nó 60 % de luach iasachta morgáiste mura gcinnfear a mhalairt faoi Airteagal 124(2);
- (e) cailteanais fhoriomlána a eascraíonn ó risíochtaí a bhfuil maoin thráchtála dhochorraithe aitheanta mar chomhthaobhacht ag institiúid ina leith, suas go dtí an chuid den risíocht a dhéantar a láimhseáil mar a bheith urraithe go hiomlán leis an maoin thráchtála dhochorraithe i gcomhréir le hAirteagal 124(1).
- (f) luach risíochta na risíochtaí uile atá gan íoc a bhfuil maoin thráchtála dhochorraithe aitheanta mar chomhthaobhacht ag institiúid ina leith, teoranta don chuid den risíocht a dhéantar a láimhseáil mar a bheith urraithe go hiomlán leis an maoin thráchtála dhochorraithe i gcomhréir le hAirteagal 124(1).

**▼C2**

2. Tuairisceofar na sonraí dá dtagraítear chuig údarás inniúil Bhallstát baile na hinstitiúide ábhartha. I gcás ina bhfuil brainse ag institiúid i mBallstát eile, déanfar na sonraí a bhaineann leis an mbrainse sin a thuairisciú d'údarás inniúla an Bhallstáit áfach. Déanfar na sonraí a thuairisciú go leithleach do gach margadh maoine dochorraithe laistigh den Aontas a bhfuil an institiúid ábhartha risithe air.

3. Foilseoidh na húdaráis inniúla ar bhonn comhiomlán agus bliantúil na sonraí atá sonraithe i bpointí (a) go (f) de mhír 1, mar aon le sonraí stairiúla, nuair atá siad ar fáil. Déanfaidh údarás inniúil, arna iarraidh sin ag údarás inniúil eile i mBallstát nó ag ÚBE, faisnéis níos mionsonraithe faoi staid na margaí maoine cónaithe nó maoine tráchtála dochorraithe sa Bhallstát sin a chur ar fáil don údarás inniúil sin nó don ÚBE.

**▼B**

4. Forbróidh an ÚBE dréachtchaighdeáin theicniúla cur chun feidhme d'fhonn an méid seo a leanas a shonrú:
- (a) formáidí aonfhoirmeacha, sainmhínithe, minicíochtaí agus dátaí tuairiscithe, chomh maith le réitigh TF, na n-ítimídá dtagraítear i mír 1;
- (b) formáidí aonfhoirmeacha, sainmhínithe, minicíochtaí agus dátaí tuairiscithe, chomh maith le réitigh TF, na sonraí comhiomlána dá dtagraítear i mír 2.

**▼C1**

Cuirfidh an ÚBE na dréachtchaighdeáin theicniúla chur chun feidhme sin faoi bhráid an Choimisiúin faoin 28 Iúil 2013.

**▼B**

Déantar an chumhacht a tharmligean chuig an gCoimisiún chun na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.



*CAIBIDIL 3*

**Leabhar trádála**

*Airteagal 102*

**Ceanglais maidir leis an Leabhar Trádála**

1. Beidh na suímh sa leabhar trádála saor ó shrianta ar a gcumas trádála nó beifear in ann iad a fhálú.
2. Beidh fianaise ann ar intinn trádála ar bhonn na straitéisí, na mbeartas agus na nósanna imeachta arna mbunú ag an institiúid chun an suíomh nó an phunann a bhainistiú i gcomhréir le hAirteagal 103.
3. I gcomhréir le hAirteagal 104 agus Airteagal 105, déanfaidh institiúidí córais agus rialuithe chun a leabhar trádála a bhainistiú a bhunú agus a choimeád ar bun.
4. Féadfaidh institiúidí fálú inmheánach a áireamh sa ríomh ar cheanglais chaipitil le haghaidh príacal an tsuímh ar an gcoinníoll go bhfuil siad á sealbhú le hintinn trádála agus go gcomhlíontar ceanglais Airteagail 103 go 106.

*Airteagal 103*

**An leabhar trádála a bhainistiú**

Agus í ag bainistiú a cuid suíomh nó a foirne suíomh sa leabhar trádála, comhlíonfaidh an institiúid na ceanglais a leanas ar fad:

- (a) beidh straitéis trádála a bheidh doiciméadaithe go soiléir, agus faofa ag an lucht bainistíocht sinsearaí, i bhfeidhm ag an institiúid don suíomh/ionstraim nó do na punanna, agus áireofar an tréimhse shealbháíochta ionchasach ann;
- (b) beidh beartais agus nósanna imeachta a bheidh sainmhínithe go soiléir i bhfeidhm ag an institiúid d'fhonn bainistíocht ghníomhach a dhéanamh ar shuímh a rachfar isteach iontu ar dheasc trádála. Áireofar na nithe seo a leanas sna beartais agus sna nósanna imeachta sin:
  - (i) cé na suímh is féidir dul isteach iontu agus cén deasc trádála a bheidh i gceist;
  - (ii) socraítear teorainneacha suímh agus déantar faireachán orthu féachaint cé chomh hoiriúnach is atá siad;
  - (iii) beidh an uathriail ag déileálaithe dul isteach i suíomh agus é a bhainistiú laistigh de theorainneacha a bheidh comhaontaithe agus de réir na straitéise faofa;
  - (iv) tuairiscítear suímh don lucht bainistíochta sinsearaí mar chuid lárnach de phróiseas bainistíochta príacal na hinstiúide;
  - (v) déanfar faireachán gníomhach ar shuímh agus tabharfar aird ar fhoinsí faisnéise an mhargaidh agus ar mheasúnú a dhéanfar ar an gcumas an suíomh nó na príacail comhpháirte a bhaineann leis a mhargú nó a fhálú, lena n-áirítear measúnú, cáilíocht agus infhaighteacht ionchuir an mhargaidh sa phróiseas luachála, leibhéal láimhdeachais an mhargaidh, méideanna na suíomh a dhéantar a thrádáil ar an margadh;

**▼B**

- (vi) nósanna imeachta agus rialuithe gníomhacha frithchalaíse.
- (c) beidh beartais agus nósanna imeachta a bheidh sainmhínithe go soiléir i bhfeidhm ag an institiúid chun faireachán a dhéanamh ar na suímh i gcomparáid le straitéis trádála na hinstitiúide lena n-áirítear faireachán ar láimhdeachas agus ar shuímh a bhfuil an tréimhse shealbháíochta a bhí i gceist leo ag an tús sáráithe ina leith.

*Airteagal 104***Áireamh sa Leabhar Trádála**

1. Beidh beartais agus nósanna imeachta a bheidh sainmhínithe go soiléir i bhfeidhm ag institiúidí chun cinneadh a dhéanamh cén suíomh a áireofar sa leabhar trádála ar mhaithe lena gceanglais cistí dílse a ríomh, i gcomhréir leis na ceanglais atá leagtha amach in Airteagal 102 agus an sainmhíniú ar leabhar trádála i gcomhréir le pointe (86) den Airteagal 4(1), agus cuirfidh siad inniúlachtaí agus cleachtais bainistíochta priacal na hinstitiúide san áireamh. Tabharfaidh an institiúid doiciméadú iomlán ar cé mar atá sí ag comhlíonadh na mbeartas agus na nósanna imeachta sin agus déanfaidh sí iniúchadh inmheánach tréimhsiúil orthu.
2. Beidh beartais agus nósanna imeachta a bheidh sainmhínithe go soiléir i bhfeidhm ag institiúidí maidir le bainistíocht fhoriomlán an leabhair trádála. Rachaidh na beartais agus na nósanna imeachta sin i ngleic leo seo a leanas ar a laghad:
- (a) na gníomhaíochtaí a mheasann an institiúid gur gníomhaíochtaí trádála iad agus go bhfuil siad mar chuid den leabhar trádála chun críocha ceanglas cistí dílse;
- (b) a mhéid is féidir suíomh a mharcáil go laethúil ón margadh trí thagairt a dhéanamh do mhargadh dhá threo leachtach, gníomhach;
- (c) maidir le suímh atá marcáilte de réir samhla, an méid is féidir leis an institiúid:
- (i) priacail ábhartha an tsuímh ar fad a aithint;
- (ii) gach priacal ábhartha den suíomh a fhálú le hionstraimí a bhfuil margadh dhá threo leachtach, gníomhach ann ina leith;
- (iii) meastacháin iontaofa a dhíorthú do na príomhthoimhdí agus do na paraiméadair a úsáidtear sa tsamhail;
- (d) a mhéid is féidir leis an institiúid, agus a mhéid a cheanglaítear uirthi, luachálacha a ghiniúint don suíomh, luachálacha is féidir a bhailíochtú go seachtrach agus go comhleanúnach;
- (e) a mhéid a chuirfeadh srianta dlí nó ceanglais oibriúcháin eile bac ar chumas na hinstitiúide an suíomh a leachtú nó a fhálú go gearrt-héarmach;
- (f) a mhéid is féidir leis an institiúid, agus a mhéid a cheanglaítear uirthi, priacail na suíomh laistigh dá hoibriocht trádála a bhainistiú;
- (g) a mhéid a fhéadfaidh an institiúid priacal nó suímh a aistriú idir na leabhair neamhtrádála agus na leabhair trádála agus na critéir maidir le haistrithe den sórt sin.

## ▼M8

*Airteagal 104b***Ceanglais le haghaidh na deisce trádála**

1. Chun críocha na gceanglas tuairiscithe a leagtar amach in Airteagal 430b(3), bunóidh institiúidí deasca trádála agus sannfaidh siad gach suíomh leabhair trádála acu do cheann de na deasca trádála sin. Ní shannfar suíomhanna leabhair trádála don deasc trádála chéanna ach amháin i gcás ina gcomhlíonfaidh siad an straitéis ghnó a comhaontaíodh le haghaidh na deisce trádála agus i gcás ina ndéanfar bainistiú agus faireachán go comhsheasmhach orthu i gcomhréir le mír 2 den Airteagal seo.

2. Comhlíonfaidh deasca trádála na n-institiúidí na ceanglais seo a leanas i gcónaí:

- (a) beidh ag gach deasc trádála straitéis ghnó atá soiléir sainiúil agus struchtúr bainistithe priacail atá oiriúnach dá straitéis ghnó;
- (b) beidh ag gach deasc trádála struchtúr soiléir eagrúcháin; déanfaidh déileálaithe ainmnithe de chuid na hinstitiúide na suíomhanna in aon deasc trádála ar leith a bhainistiú; beidh a shainfheidhmeanna féin ag gach déileálaí i dtaca leis an deasc trádála; ní shannfar d'aon deasc trádála ar leith ach an t-aon déileálaí amháin;
- (c) socrófar teorainneacha suímh laistigh de gach deasc trádála de réir straitéis gnó na deisce trádála sin;
- (d) déanfar tuarascálacha ar na gníomhaíochtaí, ar an mbrabúsacht, ar an mbainistiú priacail agus ar na ceanglais rialála ar leibhéal na deisce trádála a sholáthar ar bhonn seachtainiúil ar a laghad agus cuirfear iad in iúl don chomhlacht bainistíochta ar bhonn rialta;
- (e) beidh plean gnó bliantúil soiléir ag gach deasc trádála lena n-áireofar beartas dea-shainithe luacha saothair bunaithe ar chritéir fhónta a úsáidtear chun feidhmíocht a thomhas;
- (f) ullmhófar tuarascálacha maidir le suíomhanna a aibíonn go laethúil, sárúithe teorann trádála ionlae agus laethúla agus gníomhaíochtaí a dhéanann an institiúid chun aghaidh a thabhairt ar na sárúithe sin, chomh maith le measúnú ar leachtacht an mhargaidh le haghaidh gach deisce trádála ar bhonn míosúil agus cuirfear ar fáil do na húdaráis inniúla iad.

3. De mhaolú ar phointe (b) de mhír 2, féadfaidh institiúid déileálaí a shannadh do níos mó ná aon deasc trádála amháin ar choinníoll go léiríonn an institiúid, chun sástachta a údaráis inniúil, go ndearnadh an sannadh de bharr cúinsí gnó nó acmhainní eile agus go gcaomhnóidh an sannadh na ceanglais cháilíochtúla eile a leagtar amach san Airteagal seo is infheidhme i ndáil le déileálaithe agus le deasca trádála.

4. Tabharfaidh na hinstitiúidí fógra do na húdaráis inniúla faoin gcaoi a gcomhlíonfaidh siad mír 2. Féadfaidh na húdaráis inniúla a chur de cheangal ar institiúid struchtúr nó eagrú a deasc trádála a athrú le go mbeidh siad i gcomhréir leis an Airteagal seo.

**▼B***Airteagal 105***Ceanglas maidir le Luacháil Stuama**

1. Beidh gach suíomh i leabhar trádála faoi réir na gcaighdeán maidir le luacháil stuama atá sonraithe san Airteagal seo. Áiritheoidh institiúidí go háirithe go mbainfidh an luacháil stuama a dhéanfar ar a gcuid suíomh sa leabhar trádála leibhéal cinnteachta iomchuí amach ag féachaint don mhianach dinimiciúil a bhaineann le suímh leabhair thrádála, na héilimh a bhaineann le fíontacht stuamachta agus an modh oibríochta agus cuspóir na gceanglas caipitil maidir le suímh leabhair trádála.

2. Déanfaidh institiúidí córais agus rialuithe a bheidh leordhóthanach chun meastacháin luachála stuama agus iontaofa a sholáthar a bhunú agus a choimeád ar bun. Áireofar na gnéithe seo a leanas ar a laghad sna córais agus sna rialuithe sin:

(a) beartais agus nósanna imeachta doiciméadaithe don phróiseas luachála, lena n-áirítear freagrachtaí a bheidh sainmhínithe go soiléir maidir leis na réimsí éagsúla a bhaineann leis an luacháil a chinneadh, foinsí faisnéise an mhargaidh agus athbhreithniú ar cé chomh hoiriúnach is atá siad, treoirlínte maidir le hionchuir dhobhraite a úsáid, a léiríonn toimhdí na hinstiúidí maidir le cad a d'úsáidfeadh rannpháirtithe sa mhargadh agus an suíomh á phraghsáil acu, minicíocht na luachála neamhspleáiche, uainiú na bpraghsanna scoir, nósanna imeachta chun luachálacha a choigeartú, nósanna imeachta fíorúcháin ad-hoc agus deireadh míosa;

**▼C2**

(b) línte tuairiscithe don roinn a bheidh freagrach as an bpróiseas luachála a bheidh soiléir agus neamhspleách ón oifig thosaigh, ar línte chuig an gcomhlacht bainistíochta a bheidh iontu sa deireadh.

**▼B**

3. Déanfaidh institiúidí athluacháil ar shuímh leabhair trádála ar bhonn laethúil ar a laghad.

4. Déanfaidh institiúidí a gcuid suímh a mharcáil ón margadh nuair is féidir sin a dhéanamh, lena n-áirítear nuair a bheidh láimhseáil caipitil sa leabhar trádála á cur i bhfeidhm.

5. Nuair a dhéanfar marcáil ón margadh, ní bhainfidh institiúid leas as an taobh is stuama de thairiscint agus atairscint ach amháin sa chás gur féidir léi an cuntas a ghlanadh sa mheánmhargadh. I gcás ina mbaineann institiúidí leas as an maolú seo, tabharfaidh siad faisnéis gach sé mhí dá n-údarais inniúla faoi na suímh lena mbaineann agus fianaise a chur ar fáil gur féidir léi an cuntas a ghlanadh sa mheánmhargadh.

6. Nuair nach féidir marcáil ón margadh a dhéanamh, déanfaidh institiúidí marcáil choimeádach de réir samhla ar a suímh agus ar a bpunanna, lena n-áirítear nuair a bheidh ceanglais cistí dílse á ríomh le haghaidh suíomh sa leabhar trádála.

**▼B**

7. Comhlíonfaidh institiúidí na ceanglais seo a leanas nuair a bheidh siad ag marcáil de réir samhla:

- (a) beidh eolas ag an lucht bainistíochta sinsearaí ar na gnéithe den leabhar trádála nó de shuímh eile a bhfuil luach cóir ag gabháil leo agus atá faoi réir ag marcáil de réir samhla agus tuigfidh siad ábharthacht na neamhchinnteachta a chruthófar leis sin sa tuairisciú ar an bpriacal /ar fheidhmíocht an ghnó;
- (b) déanfaidh institiúidí na hionchuir mhargaidh a fhoinsiú, nuair is féidir, i gcomhréir le praghsanna an mhargaidh, agus déanfaidh siad measúnú ar cé chomh hoiriúnach is atá ionchuir mhargaidh an tsuímh áirithe a bhfuil luach á chur air agus ar pharaiméadair na samhla agus déanfar é sin go minic;
- (c) nuair a bheidh fáil orthu, bainfidh institiúidí úsáid as modheolaíochtaí luachála atá glactha mar chleachtas ar an margadh i gcás ionstraimí nó tráchtearraí airgeadais áirithe;
- (d) i gcás gurb í an institiúid féin a fhorbraíonn an tsamhail, beidh sí bunaithe ar thiomhdí iomchuí, a bhfuil measúnú déanta orthu agus a bhfuil a ndúshlán tugtha ag páirtithe atá cáilithe go cuí agus atá neamhspleách ar an bpróiseas forbartha;
- (e) beidh nósanna imeachta foirmiúla i bhfeidhm ag institiúidí chun athruithe a rialú agus beidh cóip shlán den tsamhail ina seilbh acu agus úsáidfeair í go tréimhsiúil chun luachálacha a sheiceáil;
- (f) tabharfar faoi deara i mbainistíocht priacal na laigeachtaí atá ag na samhlacha atá in úsáid agus conas is féidir na laigeachtaí sin a léiriú san aschur luachála; agus
- (g) beidh samhlacha institiúidí faoi réir ag athbhreithniú tréimhsiúil chun cruinneas a bhfeidhmíochta a chinneadh, agus áireofar leis sin measúnú ar cé chomh hoiriúnach is atá na toimhdí ar bhonn leanúnach, anailís ar bhrabús agus ar chaillteanas i gcoinne fachtóirí priacail, luachanna glanta cuntais iarbhir a chur i gcomparáid le haschuir na samhla.

Chun críocha phointe (d), forbrófar nó faomhfar an tsamhail go neamhspleách ar an deasc trádála agus déanfar tástáil neamhspleách uirthi, lena n-áirítear bailíochtú ar an matamaitic, ar na toimhdí agus ar chur chun feidhme na mbogearraí.

8. Déanfaidh institiúidí fíorú neamhspleách ar phraghsanna anuas ar mharcáil laethúil ón margadh nó marcáil de réir samhla. Déanfaidh duine nó aonad a bheidh neamhspleách ar dhaoine nó ar aonaid a fhaigheann buntáiste ón leabhar trádála fíorú ar phraghsanna an mhargaidh agus ar ionchuir na samhla, agus déanfar é sin uair amháin sa mhí ar a laghad, nó níos minice ag brath ar an gcineál margaidh nó gníomhaíochta trádála. I gcás nach bhfuil foinsí praghsála neamhspleacha ar fáil nó go bhfuil foinsí praghsála níos suibichtúla, féadfaidh bearta stuama amhail coigeartuithe ar an luacháil níos oiriúnaí.

9. Déanfaidh institiúidí nósanna imeachta chun coigeartuithe ar luachálacha a bhreithniú a bhunú agus a choimeád ar bun.

10. Breithneoidh institiúidí go foirmiúil na coigeartuithe seo a leanas ar luacháil: raonta difríochta creidmheasa neamhthuillte, costais ghlanta cuntais, priacail oibriúcháin, neamhchinnteacht phraghas an mhargaidh, luathfhoirceannadh, costais infheistíochta agus chistithe, costais riaracháin todhchaí agus, nuair is ábhartha, priacal de bharr samhaltaithe.

**▼B**

11. Déanfaidh institiúidí nósanna imeachta chun coigeartú don luacháil reatha ar aon suímh bheagleachtacha a ríomh a bhunú agus a choimeád ar bun, ar suímh iad ar féidir leo go háirithe teacht ó theaghmáis ar an margadh nó cásanna a bhaineann le hinstiúid amháil suímh chomhchruinnithe agus/nó suímh a bhfuil an tréimhse shealbhaíochta a bhí leagtha amach dóibh ag an tús sáraithe. Déanfaidh institiúidí, más gá, coigeartuithe den sórt sin anuas ar aon athruithe ar luach an tsuímh a bheidh riachtanach chun críocha tuairiscithe airgeadais agus dearfar coigeartuithe den sórt sin mar léiriú ar neamhleachtacht an tsuímh. Faoi na nósanna imeachta sin, breithneoidh institiúidí roinnt fachtóirí nuair a bheifear ag cinneadh an bhfuil gá le coigeartú luachála ar shuímh bheagleachtacha. Áirítear leis na fachtóirí sin:

- (a) an méid ama a thógfadh sé an suíomh nó na priacail laistigh den suíomh sin a fháil amach;
- (b) luaineacht agus meán raonta difríochta tairisceana/atairisceana;
- (c) infhaighteacht na gcuótaí margaidh (líon agus céannacht na gcru-thaitheoirí margaidh) agus luaineacht agus meán na méideanna trádála lena n-áirítear méideanna trádála le linn tréimhsí struis sa mhargadh;
- (d) comhdhlúthacht an mhargaidh;
- (e) aosú na suíomh;
- (f) a mhéid a bhíonn luacháil ag brath ar mharcáil de réir samhla;
- (g) an tionchar a bhíonn ag priacail eile de bharr samhaltaithe.

12. Agus luachálacha tríú páirtí nó marcáil de réir samhla á n-úsáid, breithneoidh institiúidí cibé a chuirfidh nó nach gcuirfidh siad coigeartú i bhfeidhm maidir le luacháil. Ina theannta sin, breithneoidh institiúidí an bhfuil gá le coigeartuithe a bhunú do shuímh bheagleachtacha agus déanfaidh siad athbhreithniú leanúnach ar a n-oiriúnacht leantach. Déanfaidh institiúidí measúnú sainráite freisin ar an ngá atá le coigeartuithe luachála a bhaineann le neamhchinnteacht ionchuir pharaiméadair a úsáideann samhlacha.

13. Maidir le táirgí casta, lena n-áirítear risíochtaí urrúsaithe agus na diorthaigh chreidmheasa don n-ú mainneachtain, déanfaidh institiúidí measúnú sainráite ar an ngá le coigeartuithe ar luacháil mar léiriú ar an bpríacal de bharr samhaltaithe a bhaineann le modheolaíocht luachála a d'fhéadfadh a bheith mícheart a úsáid agus an príacal de bharr samhaltaithe a bhaineann le paraiméadair chalabraithe dhobhraite (agus b'fhéidir mícheart) a úsáid sa tsamhail luachála.

14. Forbróidh ÚBE dréachtchaighdeáin theicniúla rialála chun na coinníollacha ar dá réir a chuirfear ceanglais Airteagal 105 i bhfeidhm chun críocha mhír 1 den Airteagal seo.



**▼C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar an chumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 106***Fálú Inmheánach**

1. Comhlíonfaidh fálú inmheánach go háirithe na ceanglais seo a leanas:

- (a) ní bheidh sé i gceist go príomha ceanglais cistí dílse a sheachaint nó a laghdú leis;
- (b) déanfar é a dhoiciméadú i gceart agus beidh sé faoi réir faomhadh inmheánach áirithe agus nósanna imeachta iniúchta;
- (c) déileálfar leis ag coinníollacha an mhargaidh;
- (d) déanfar bainistiú dinimiciúil sa leabhar trádála ar an bpriacal margaidh a ghnífeadh leis an bhfálú inmheánach agus déanfar an bainistiú sin laistigh de na teorainneacha údaraithe;

**▼C2**

(e) déanfar faireachán cúramach air i gcomhréir le nósanna imeachta dóthanacha.

**▼B**

Áiritheofar go ndéanfar faireachán air trí nósanna imeachta leordhóthanacha.

2. Beidh feidhm ag ceanglais mhír 1 gan dochar do na ceanglais is infheidhme maidir leis an suíomh fálaíthe sa leabhar neamhtrádála.

3. De mhaolú ar mhír 1 agus ar mhír 2, nuair a dhéanann institiúid fálú ar risíocht ar priacal creidmheasa leabhair neamhtrádála nó ar risíocht ar priacal contrapháirtí ag úsáid díorthaigh chreidmheasa atá cláraithe ina leabhar trádála trí fhálú inmheánach, ní mheasfar go bhfuil an risíocht ar priacal sa leabhar neamhtrádála nó an risíocht ar priacal contrapháirtí fálaíthe ar mhaithe le méideanna risíochta atá ualaithe ó thaobh priacal a ríomh mura gceannaíonn an institiúid díorthach creidmheasa ó sholáthraí cosanta tríú páirtí incháilithe a chomhlíonann na ceanglais maidir le cosaint neamhchistithe creidmheasa sa leabhar neamhtrádála. Gan dochar do phointe (h) d'Airteagal 299(2), i gcás ina gceannaítear agus ina n-aithnítear cosaint tríú páirtí den sórt sin mar fhálú ar risíocht leabhair neamhtrádála ar mhaithe le ceanglais cistí dílse a ríomh, ní chuimseofar an fálú inmheánach nó seachtrach ar dhíorthach creidmheasa sa leabhar trádála ar mhaithe le ceanglais cistí dílse a ríomh.

**▼B**

## TEIDEAL II

## CEANGLAIS CHAIPITIL LE HAGHAIDH PRIACAL CREIDMHEASA

## CAIBIDIL 1

**Prionsabail ghinearálta***Airteagal 107***Cineálacha cur chuige maidir le priacal creidmheasa**

1. Cuirfidh institiúidí an Cur Chuige Caighdeánaithe dá bhforáiltear i gCaibidil 2 nó, má cheadaíonn na húdaráis inniúla é i gcomhréir le hAirteagal 143, an Cur Chuige Inmheánach Bunaithe ar Rátálacha dá bhforáiltear i gCaibidil 3, i bhfeidhm chun a gcuid méideanna risíochta atá ualaithe ó thaobh priacal a ríomh chun críocha phointí (a) agus (f) d'Airteagal 92(3).

2. I gcás risíochtaí trádála ar ranníocaíochtaí an chiste mainneachtana le contrapháirtí lárnach, cuirfidh institiúidí i bhfeidhm an láimhseáil a leagtar amach i gCaibidil 6, Roinn 9 chun méideanna risíochta atá ualaithe ó thaobh priacal a ríomh ar mhaithe le pointí (a) go (f) d'Airteagal 92(3). I gcás gach cineál eile risíochta ar chontrapháirtí lárnach, déanfaidh institiúidí iad a láimhseáil mar a leanas:

- (a) mar risíochtaí ar institiúid i gcás gach cineáil eile risíochta ar chontrapháirtí cáilitheach;
- (b) mar risíochtaí ar chorparáid i gcás gach cineáil eile risíochta ar chontrapháirtí neamhcáilitheach.

3. Chun críocha an Rialacháin seo, láimhseálfar risíochtaí ar ghnó-lachtaí infheistíochta tríú tíortha agus risíochtaí ar institiúidí creidmheasa tríú tíortha agus risíochtaí ar thithe imréitigh tríú tíortha agus malartuithe mar risíochtaí ar institiúid má chuireann an tríú tír ceanglais stuamachta agus mhaoirseachta i bhfeidhm maidir leis an eintiteas sin, ar ceanglais iad atá ar a laghad cóibhéiseach leo siúd a chuirtear i bhfeidhm san Aontas, agus sa chás sin amháin.

**▼C2**

4. Chun críocha mhír 3, féadfaidh an Coimisiún, trí bhíthin gníomhartha cur chun feidhme, agus faoi réir an nós imeachta scrúdúcháin dá dtagraítear in Airteagal 464(2), cinneadh a ghlacadh an gcuireann tríú tír ceanglais stuamachta maoirseachta agus rialála i bhfeidhm atá ar a laghad coibhéiseach leis na socrúithe sin a chuirtear i bhfeidhm san Aontas. In éagmais cinnidh den sórt sin, féadfaidh institiúidí leanúint de risíochtaí ar na heintitis dá dtagraítear i mír 3 a láimhseáil mar risíochtaí ar institiúidí, go dtí an 1 Eanáir 2015, ar choinníoll go mbeidh an tríú tír sin faofa ag na húdaráis inniúla iomchuí mar thír atá incháilithe don láimhseáil sin roimh an 1 Eanáir 2014.

**▼B***Airteagal 108***Teicníc um maolú priacal creidmheasa a úsáid faoin gCur Chuige Caighdeánaithe agus faoin gCur Chuige IRB**

1. Maidir le risíocht a gcuirfidh institiúid an Cur Chuige Caighdeánaithe i bhfeidhm ina leith faoi Chaibidil 2 nó a gcuireann sí an Cur Chuige IRB i bhfeidhm ina leith faoi Chaibidil 3 ach gan a cuid meastachán féin ar chailleanas i gcás mainneachtana (LGD) agus a factóirí coimhbheartachta féin a úsáid faoi Airteagal 151, féadfaidh an

**▼B**

institiúid maolú priacal creidmheasa a úsáid i gcomhréir le Caibidil 4 nuair a bheidh sí ag ríomh méideanna risíochta atá ualaithe ó thaobh priacal chun críocha phointí (a) agus (f) d'Airteagal 92(3) nó, mar is iomchuí, méideanna cailteanais ionchasaigh chun críocha an ríofa dá dtagraítear i bpointe (d) d'Airteagal 36(1) agus pointe (c) d'Airteagal 62.

2. Maidir le risíocht a gcuirfidh institiúid an Cur Chuige IRB i bhfeidhm ina leith trína cuid meastachán féin ar LGD agus a fachtóirí coibhéartachta féin a úsáid faoi Airteagal 151, féadfaidh an institiúid maolú priacal creidmheasa a úsáid i gcomhréir le Caibidil 3.

**▼M5***Airteagal 109***Láimhseáil suíomhanna urrúsúcháin**

Ríomhfaidh institiúidí méid na risíochta atá ualaithe ó thaobh priacail i gcás suíomh atá ina seilbh in urrúsú i gcomhréir le Caibidil 5.

**▼B***Airteagal 110***Coigeartú ginearálta i leith priacal creidmheasa a láimhseáil**

1. Déanfaidh institiúidí a chuirfidh an Cur Chuige Caighdeánaithe i bhfeidhm coigeartuithe ginearálta i leith priacal creidmheasa a láimhseáil i gcomhréir le hAirteagal 62 (c).

2. Déanfaidh institiúidí a bhfuil an Cur Chuige IRB á chur i bhfeidhm acu na coigeartuithe i leith priacal creidmheasa a láimhseáil i gcomhréir le hAirteagal 159, Airteagal 62 (d) agus Airteagal 36 (1)(d).

Chun críocha an Airteagail seo agus Chaibidil 2 agus Chaibidil 3, ní bheidh cistí le haghaidh priacal ginearálta baincéireachta san áireamh i gcoigeartuithe ginearálta agus sonracha i leith priacal creidmheasa.

3. Déanfaidh institiúidí a úsáideann an Cur Chuige IRB agus a chuireann an Cur Chuige Caighdeánaithe i bhfeidhm maidir le cuid dá risíochtaí ar bhonn comhdhlúite nó aonair, cinneadh i gcomhréir le hAirteagal 148 agus Airteagal 150 faoin gcuid sin den choigeartú ginearálta i leith priacal creidmheasa a shannfar chun coigeartú ginearálta i leith priacal creidmheasa a láimhseáil faoin gCur Chuige Caighdeánaithe agus chun coigeartú ginearálta i leith priacal creidmheasa a láimhseáil faoin gCur Chuige IRB mar seo a leanas:

- (a) nuair is infheidhme, i gcás ina gcuireann institiúid atá ar áireamh sa chomhdhlúthú an Cur Chuige IRB i bhfeidhm go heisiach, sannfar coigeartuithe ginearálta i leith priacal creidmheasa na hinstiúide don láimhseáil atá leagtha amach i mír 2;
- (b) nuair is infheidhme, i gcás ina gcuireann institiúid atá ar áireamh sa chomhdhlúthú an Cur Chuige Caighdeánaithe i bhfeidhm go heisiach, sannfar coigeartú ginearálta i leith priacal creidmheasa na hinstiúide don láimhseáil atá leagtha amach i mír 1;
- (c) Sannfar an t-iarmhar den choigeartú i leith priacal creidmheasa ar bhonn pro rata de réir an chion de na méideanna risíochta atá ualaithe ó thaobh priacal atá faoi réir ag an gCur Chuige Caighdeánaithe agus atá faoi réir ag an gCur Chuige IRB.

**▼B**

4. Forbróidh ÚBE dréachtchaighdeáin theicniúla rialála chun ríomh na gcoigeartuithe sonracha i leith priacal creidmheasa agus na gcoigeartuithe ginearálta i leith priacal creidmheasa a shonrú faoin gcreat infheidhme cuntasáíochta maidir leo seo a leanas:

- (a) luach na risíochta faoin gCur Chuige Caighdeánaithe dá dtagraítear in Airteagal 111;
- (b) luach na risíochta faoin gCur Chuige IRB dá dtagraítear in Airteagail 166 go 168;
- (c) láimhseáil méideanna an chailteanais ionchasaigh dá dtagraítear in Airteagal 159;
- (d) luach na risíochta chun méideanna risíochta atá ualaithe ó thaobh priacal a ríomh i dtaca leis an suíomh urrúsaithe dá dtagraítear in Airteagal 246 agus Airteagal 266;
- (e) mainneachtain a chinneadh faoi Airteagal 178;

**▼C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*CAIBIDIL 2**Cur Chuige Caighdeánaithe*

## Roinn 1

**Prionsabail ghinearálta***Airteagal 111***Luach na risíochta****▼M7**

1. Beidh luach na risíochta ar ítim shócmhainne cothrom leis an luach cuntasáíochta a bheidh fágtha tar éis na gcoigeartuithe sonracha i leith priacal creidmheasa i gcomhréir le hAirteagal 110, na coigeartuithe luacha breise i gcomhréir le hAirteagail 34 agus 105, méideanna arna n-asbhaint i gcomhréir le pointe (m) d'Airteagal 36(1) agus laghduithe eile i leith cistí dílse a bhaineann leis an ítim shócmhainne a chur i bhfeidhm. Beidh luach na risíochta ar ítim shócmhainne lasmuigh den chlár comhardaithe atá liostaithe in Iarscríbhinn I cothrom leis an gcéatadán seo a leanas dá luach ainmniúil tar éis coigeartuithe sonracha i leith priacal creidmheasa a laghdú agus méideanna a asbhaint i gcomhréir le pointe (m) d'Airteagal 36(1):

**▼B**

- (a) 100 % más ítim lánpriacal atá i gceist;
- (b) 50 % más ítim mheánpriacal atá i gceist;
- (c) 20 % más ítim mheánpriacal /íospriacal atá i gceist;
- (d) 0 % más ítim íospriacal atá i gceist.

Déanfar na hítimí lasmuigh den chlár comhardaithe dá dtagraítear sa dara habairt den chéad fhomhír a shannadh do chatagóirí priacal mar a thugtar le fios in Iarscríbhinn I.

Nuair a bheidh an Modh Cuimsitheach Comhthaobhach Airgeadais faoi Airteagal 223 in úsáid ag institiúid, déanfar luach risíochta na n-urrús nó na dtráchtearraí a dhíolfar, a bhreacfar nó a thabharfar ar iasacht faoi

**▼B**

idirbheart athcheannaigh nó faoi idirbheart iasachtaithe nó iasachtaíochta urrús nó tráchtearraí, agus idirbhearta iasachtaithe corrlaigh, a mhéadú ag brath ar an gcoigeartú luaineachta a bheidh oiriúnach d'urrús nó do thráchtearraí den sórt sin arna leagan síos in Airteagail 223 go 225.

2. Déanfar an luach risíochta a bheidh ag ionstraim dhíorthach atá liostaithe in Iarscríbhinn II a chinneadh i gcomhréir le Caibidil 6 agus cuirfear na héifeachtaí a bheidh ag conarthaí nuachana agus ag comhaontuithe glanluachála eile san áireamh chun críocha na modhanna sin i gcomhréir le Caibidil 6. Féadfar an luach risíochta a bheidh ag idirbheart athcheannaigh, ag idirbhearta iasachtaithe nó iasachtaíochta urrús nó tráchtearraí, ag idirbhearta socraíochta iarchurtha agus ag idirbhearta iasachtaithe corrlaigh a chinneadh i gcomhréir le Caibidil 6 nó Caibidil 4.

3. I gcás ina mbeidh risíocht faoi réir ag cosaint chistithe creidmheasa, féadfar an luach risíochta a bheidh infheidhme maidir leis an ítim sin a leasú i gcomhréir le Caibidil 4.

*Airteagal 112***Aicmí risíochta**

Déanfar gach risíocht a shannadh do cheann de na haicmí risíochta seo a leanas:

- (a) risíochtaí ar rialtais láir nó bainc cheannais
- (b) risíochtaí ar rialtais réigiúnacha nó ar údaráis áitiúla;
- (c) risíochtaí ar eintitis san earnáil phoiblí;
- (d) risíochtaí ar bhainc forbartha iltaobhacha;
- (e) risíochtaí ar eagraíochtaí idirnáisiúnta;
- (f) risíochtaí ar institiúidí;
- (g) risíochtaí ar chorporáidí;
- (h) risíochtaí ar mhiondíol;
- (i) risíochtaí arna n-urrú le morgáistí ar mhaoin dhochorraithe;
- (j) risíochtaí ar mhainneachtain;
- (k) risíochtaí a bhaineann le priacal atá fíor-ard;
- (l) risíochtaí i bhfoirm bannaí faoi chumhdach;
- (m) ítimí atá in ionannas le suímh urrúsaithe;
- (n) risíochtaí ar institiúidí agus ar chorporáidí a bhfuil measúnú creidmheasa gearrthéarmach acu;
- (o) risíochtaí i bhfoirm aonad nó scaireanna i ngnóthais chomhinfheistíochta (GCanna);
- (p) risíochtaí ar chothromas;
- (q) ítimí eile.

*Airteagal 113***Méideanna risíochta atá ualaithe ó thaobh priacal a ríomh**

1. D'fhonn méideanna risíochta atá ualaithe ó thaobh priacal a ríomh, cuirtear ualaí priacal i bhfeidhm maidir le gach risíocht, mura mbaintear ó chistí dílse iad, i gcomhréir leis na forálacha i Roinn 2. Beidh cur i bhfeidhm na n-ualaí priacal bunaithe ar an aicme risíochta a bhfuil an

**▼B**

risíocht sannta di agus, a mhéid atá sonraithe i Roinn 2, ar a cháilíocht chreidmheasa. Féadfar cáilíocht chreidmheasa a chinneadh trí thagairt a dhéanamh do mheasúnuithe creidmheasa na IMCSanna nó measúnuithe creidmheasa na nGníomhaireachtaí um Chreidmheas Onnmhairiúcháin i gcomhréir le Roinn 3.

2. Ar mhaithe le hualú priacal a chur i bhfeidhm, dá dtagraítear i mír 1, iolrófar luach na risíochta faoin ualú priacal atá sonraithe nó cinnte i gcomhréir le Roinn 2.

3. I gcás ina mbeidh risíocht faoi réir ag cosaint chreidmheasa féadfar an t-ualú priacal is infheidhme maidir leis an ítim sin a leasú i gcomhréir le Caibidil 4.

4. Déanfar méideanna risíochta atá ualaithe ó thaobh priacal le haghaidh risíochtaí urrúsaithe a ríomh i gcomhréir le Caibidil 5.

5. Sannfar ualú priacal 100 % ar risíochtaí nach bhfuil aon ríomh a bhaineann leo ar fáil i Roinn 2.

6. Cé is moite de risíochtaí as a dtagann Gnáthchothromas Leibhéal 1, de Chaipiteal Breise Leibhéal 1 nó de Chaipiteal Leibhéal 2, féadfaidh institiúid, faoi réir fhaomhadh na n-údarás inniúil a fháil roimh ré, cinneadh a dhéanamh gan ceanglais mhír 1 den Airteagal seo a chur i bhfeidhm maidir le risíochtaí na hinstitiúide sin ar chontrapháirtí arb é a máthairghnóthas, a fochuideachta, fochuideachta de chuid a máthairghnóthas nó gnóthas atá nasctha trí ghaol de réir bhí Airteagal 12(1) de Threoir 83/349/CEE é. Tá sé de chumhacht ag údaráis inniúla faomhadh a dheonú má chomhlíontar na coinníollacha seo a leanas:

**▼C2**

(a) is é atá sa chontrapháirtí institiúid, institiúid airgeadais nó gnóthas seirbhísí coimhdeacha faoi réir ceanglas stuamachta iomchuí;

**▼B**

(b) tá an contrapháirtí ar áireamh sa chomhdhlúthú céanna leis an institiúid ar bhonn iomlán;

(c) tá an contrapháirtí faoi réir ag an meastóireacht céanna ar priacail, agus ag na nósanna imeachta tomhais agus rialaithe céanna leis an institiúid;

(d) tá an contrapháirtí bunaithe sa Bhallstát céanna leis an institiúid;

(e) níl aon bhac praiticiúil ná dlíthiúil ábhartha reatha ná ionchais ann maidir le haistriú pras cistí dílse nó aisiocaíocht dliteanas ón gcontrapháirtí chuig an institiúid.

I gcás ina bhfuil institiúid údaraithe, i gcomhréir leis an mír seo, gan ceanglais mhír 1 a chur i bhfeidhm, féadfaidh sí ualú priacal 0 % a shannadh.

7. Cé is moite de risíochtaí as a dtagann Gnáthchothromas Leibhéal 1, itimí Chaipiteal Breise Leibhéal 1 agus Leibhéal 2, féadfaidh institiúidí, faoi réir chead na n-údarás inniúil a fháil roimh ré, gan ceanglais mhír 1 den Airteagal seo a chur i bhfeidhm maidir le risíochtaí ar chontrapháirtithe a bhfuil scéim chosanta institiúideach déanta ag an institiúid leo ar comhaontú dliteanais conarthach nó reachtúil é a thugann cosaint do na hinstitiúidí agus a áirithíonn a gcuid leachtachta agus a gcuid sócmhainneachta go háirithe d'fhonn féimheacht a sheachaint más gá. Tá sé de chumhacht ag údaráis inniúla cead a dheonú má chomhlíontar na coinníollacha seo a leanas:

**▼B**

- (a) níl na ceanglais atá leagtha amach i bpointí (a), (d) agus (e) de mhír 6 comhlíonta;
- (b) áirithíonn na socrúithe go bhfuil an scéim chosanta institiúideach in ann tacaíocht a thabhairt atá riachtanach faoina thiomantas ó chistí atá ar fáil go héasca dó;
- (c) tá córais chonarhacha oiriúnacha agus aonfhoirmeacha sa scéim chosanta institiúideach chun faireachán agus aicmiú a dhéanamh ar priacal, agus a thugann léargas iomlán ar staid priacal gach comhalta aonair agus na scéime cosanta institiúidí trí chéile, agus féidearthachtaí ag gabháil leis chun tionchar a imirt; déanfaidh na córais sin faireachán iomchuí ar risíochtaí a mhainnigh i gcomhréir le hAirteagal 178(1);
- (d) déanann an scéim chosanta institiúideach a athbhreithniú féin ar priacal a chuirtear in iúl do na comhaltaí aonair;
- (e) déanann an scéim chosanta institiúideach ceachtar den dá thuarascáil seo a leanas a tharraingt suas agus a fhoilsiú gach bliain: tuarascáil chomhdhlúite ina mbeidh an clár comhardaithe, an cuntas brabúis agus cailteanais, an tuarascáil staide agus an tuarascáil ar priacal, a bhaineann leis an scéim chosanta institiúideach trí chéile; nó tuarascáil ina mbeidh an clár comhardaithe comhiomlánaithe, an cuntas brabúis agus cailteanais comhiomlánaithe, an tuarascáil staide agus an tuarascáil ar priacal, a bhaineann leis an scéim chosanta institiúideach trí chéile;
- (f) tá sé de dhualgas ar chomhaltaí na scéime cosanta institiúidí fógra roimh ré a thabhairt 24 mí ar a laghad más mian leo deireadh a chur leis an scéim chosanta institiúideach;
- (g) gheofar réidh le hil-úsáidí gnéithe atá incháilithe chun cistí dílse a ríomh (dá ngairtear 'ilghiaráil' anseo feasta) chomh maith le cistí dílse ar bith a chruthaítear go míchuí idir comhaltaí na scéime cosanta institiúidí;
- (h) Beidh an scéim chosanta institiúideach bunaithe ar bhallraíocht leathan d'institiúidí creidmheasa a mbeidh próifíl ghnó aonchineálach acu den chuid is mó;
- (i) déanann na húdaráis inniúla ábhartha leordhóthanacht na gcóras dá dtagraítear i bpointe (c) and (d) a fhaomhadh go rialta agus déanann siad faireachán orthu go rialta.

I gcás ina gcinneadh institiúid, i gcomhréir leis an mír seo, gan ceanglais mhír 1 a chur i bhfeidhm, féadfaidh sí ualú priacal 0 % a shannadh.

## Roinn 2

### Ualuithe priacal

#### *Airteagal 114*

#### **Risíochtaí ar rialtais láir nó ar bhainc cheannais**

1. Déanfar ualú priacal 100 % a shannadh do risíochtaí ar rialtais láir agus ar bhainc cheannais, ach amháin má tá feidhm leis na láimhseálacha atá leagtha amach i míreanna 2 go 7.
2. Déanfar ualú priacal i gcomhréir le Tábla 1 a shannadh do risíochtaí ar rialtais láir agus ar bhainc cheannais a bhfuil measúnú creidmheasa a rinne IMCS ainmnithe ar fáil ina leith agus comhfheagraíonn an t-ualú sin don mheasúnú creidmheasa a rinne IMCS i gcomhréir le hAirteagal 136.

**▼B***Tábla 1*

Céim na cáilíochta creidmheasa	1	2	3	4	5	6
Ualú priacal	0 %	20 %	50 %	100 %	100 %	150 %

3. Déanfar ualú priacal 0 % a shannadh do risíochtaí ar BCE.

4. Déanfar ualú priacal 0 % a shannadh do risíochtaí ar rialtais láir agus ar bhainc cheannais Ballstát atá ainmnithe agus cistithe in airgeadra intíre an rialtais láir agus an bhainc cheannais sin.

**▼C2**

6. I gcás na risíochtaí a léirítear in Airteagal 495(2):

(a) in 2018 is éard a bheidh san ualú priacal a chuirfear i bhfeidhm maidir le luachanna na risíochta 20 % den ualú priacal a shanntar do na risíochtaí sin i gcomhréir le mír 2;

(b) in 2019 is éard a bheidh san ualú priacal a chuirfear i bhfeidhm maidir le luachanna na risíochta 50 % den ualú priacal a shanntar do na risíochtaí sin i gcomhréir le hAirteagal 114(2);

(c) in 2020 agus ón mbliain sin ar aghaidh, is éard a bheidh san ualú priacal a chuirfear i bhfeidhm maidir le luachanna na risíochta 100 % den ualú priacal a shanntar do na risíochtaí sin i gcomhréir le mír 2.

**▼B**

7. I gcás ina ndéanfaidh údaráis inniúla tríú tír a chuireann socrúithe maoirseachta agus rialála i bhfeidhm atá cothrom ar a laghad leo sin san Aontas ualú priacal atá níos ísle ná an t-ualú priacal sin atá tugtha le fios i míreanna 1 go 2 a shannadh do risíochtaí ar a rialtas láir agus a mbanc ceannais atá ainmnithe agus cistithe san airgeadra intíre, féadfaidh institiúidí ualú priacal a chur i bhfeidhm maidir le risíochtaí den sórt sin ar an tslí chéanna.

Chun críocha na míre seo, féadfaidh an Coimisiún, trí ghníomhartha cur chun feidhme a úsáid, agus faoi réir an nós imeachta scrúdúcháin dá dtagraítear in Airteagal 464(2), cinneadh a ghlacadh maidir lena gcuirfidh tríú tír socrúithe maoirseachta agus rialála i bhfeidhm atá cothrom ar a laghad leis na socrúithe sin atá i bhfeidhm san Aontas. In éagmais cinnidh den sórt sin, féadfaidh institiúidí leanúint den láimhseáil atá leagtha amach sa mhír seo a chur i bhfeidhm maidir leis na risíochtaí ar rialtas láir nó ar bhanc ceannais de chuid tríú tíre, go dtí an 1 Eanáir 2015, i gcás ina bhfuil an tríú tír sin faofa ag na húdaráis inniúla iomchuí mar thír atá incháilithe don láimhseáil sin roimh an 1 Eanáir 2014.





*Airteagal 115*

**Risíochtaí ar rialtais réigiúnacha nó ar údaráis áitiúla**

1. Déanfar risíochtaí ar rialtais láir agus ar údaráis áitiúla a ualú ó thaobh priacal mar risíochtaí ar institiúidí mura láimhseáiltear iad mar risíochtaí ar rialtais láir faoi mhír 2 nó mír 4 nó mura bhfhaigheann siad ualú priacal mar a shonraítear i mír 5. Ní chuirfear i bhfeidhm an láimhseáil fhabhrach i gcás risíochtaí gearrthéarmacha atá sonraithe in Airteagal 119(2) agus Airteagal 120(2).

2. Déanfar risíochtaí ar rialtais réigiúnacha nó ar údaráis áitiúla a láimhseáil mar risíochtaí ar an rialtas láir sin a bhfuil siad bunaithe ina dlínse i gcás nach bhfuil aon difríocht ó thaobh priacal idir risíochtaí den sórt sin toisc go bhfuil cumhachtaí sonracha tiomsaithe ioncaim ag na rialtais réigiúnacha agus ag na húdaráis áitiúla, agus toisc go bhfuil socruithe institiúideacha sonracha ann a bhfuil sé d'éifeacht acu a priacal mainneachtana a laghdú.

Coimeádfaidh ÚBE bunachar sonraí a bheidh ar fáil don phobal ina mbeidh na rialtais réigiúnacha uile agus na húdaráis áitiúla uile san Aontas a dhéanann na húdaráis inniúla ábhartha a láimhseáil mar risíochtaí ar a rialtais lárnacha.

3. Déanfar risíochtaí ar eaglaisí nó ar phobail reiligiúnacha arna gcomhdhéanamh i bhfoirm duine dhlítheanaigh faoin dlí poiblí, sa mhéid is go mbailíonn siad cánacha i gcomhréir le reachtaíocht a thugann de cheart dóibh sin a dhéanamh, a láimhseáil mar risíochtaí ar rialtais réigiúnacha agus ar údaráis áitiúla. Sa chás seo, ní bheidh feidhm ag mír 2 agus chun críocha Airteagal 150(1)(a), ní eiseofar cead chun an Cur Chuige Caighdeánaithe a chur i bhfeidhm.

4. I gcás ina ndéanfaidh údaráis inniúla dlínse tríú tír a chuireann socruithe maoirseachta agus rialála i bhfeidhm atá cothrom ar a laghad leo sin a chuirtear i bhfeidhm san Aontas risíochtaí ar rialtais réigiúnacha nó ar údaráis áitiúla a láimhseáil mar risíochtaí ar a rialtas láir féin agus nach bhfuil difríocht ar bith ó thaobh priacal idir risíochtaí den sórt sin toisc go bhfuil cumhachtaí sonracha tiomsaithe ioncaim ag an rialtas réigiúnach nó ag údaráis áitiúla agus mar gheall ar shocruithe institiúideacha sonracha chun an priacal mainneachtana a laghdú, féadfaidh institiúidí risíochtaí ar rialtais réigiúnacha agus ar údaráis áitiúla den sórt sin a ualú ar an tslí chéanna ó thaobh priacal.

Chun críocha na míre seo, féadfaidh an Coimisiún, trí ghníomhartha cur chun feidhme a úsáid, agus faoi réir an nós imeachta scrúdúcháin dá dtagraítear in Airteagal 464(2), cinneadh a ghlacadh maidir lena guirfidh tríú tír socruithe maoirseachta agus rialála i bhfeidhm atá cothrom ar a laghad leis na socruithe sin atá i bhfeidhm san Aontas. In éagmais cinnidh den sórt sin, féadfaidh institiúidí leanúint den láimhseáil atá leagtha amach sa mhír seo a chur i bhfeidhm, go dtí an 1 Eanáir 2015, maidir leis an tríú tír ina bhfuil an tríú tír sin faofa ag na húdaráis inniúla iomchuí mar thír atá incháilithe don láimhseáil sin roimh an 1 Eanáir 2014.

5. Déanfar ualú priacal cothrom le 20 % a shannadh do risíochtaí ar rialtais réigiúnacha nó ar údaráis áitiúla na mBallstát nach dtagraítear dóibh i míreanna 2 go 4 agus atá ainmnithe agus cistithe in airgeadra intíre an rialtais láir agus an údaráis áitiúil sin.



*Airteagal 116*

**Risíochtaí ar eintitis san earnáil phoiblí**

1. I gcás risíochtaí ar eintitis san earnáil phoiblí nach bhfuil measúnú creidmheasa a rinne IMCS ainmnithe ar fáil ina leith, déanfar ualú priacal a shannadh dóibh de réir na céime cáilíochta creidmheasa a bhfuil risíochtaí ar rialtas láir na dlínse ina bhfuil an t-eintiteas sin den earnáil phoiblí corpraithe sannta dó i gcomhréir le Tábla 2 seo a leanas:

*Tábla 2*

Céim cáilíochta creidmheasa a bhfuil an rialtas láir sannta dó	1	2	3	4	5	6
Ualú priacal	20 %	50 %	100 %	100 %	100 %	150 %

I gcás risíochtaí ar eintitis san earnáil phoiblí atá corpraithe i dtíortha ina bhfuil an rialtas láir gan rátáil, beidh an t-ualú priacal cothrom le 100 %.

2. Déanfar risíochtaí ar eintitis san earnáil phoiblí a bhfuil measúnú creidmheasa a rinne IMCS ainmnithe ar fáil ina leith a láimhseáil i gcomhréir le hAirteagal 120. Ní chuirfear an láimhseáil fhabhrach i bhfeidhm maidir leis na heintitis sin i gcás risíochtaí gearrthéarmacha atá sonraithe in Airteagal 119(2) agus Airteagal 120(2).

3. I gcás risíochtaí ar eintitis san earnáil phoiblí a bhfuil aibíocht bhunaidh trí mhí nó níos giorra ag gabháil leo, beidh an t-ualú priacal cothrom le 20 %.

4. I gcúinsí eisceachtúla, féadfar risíochtaí ar eintitis san earnáil phoiblí a láimhseáil mar risíochtaí ar an rialtas láir, ar an rialtas réigiúnach nó ar an údarás áitiúil sin a bhfuil siad bunaithe ina dlínse i gcás nach bhfuil aon difríocht, i dtuairim údaráis inniúla na dlínse sin, ó thaobh priacal idir risíochtaí den sórt sin toisc go bhfuil ráthaíocht iomchuí ann ón rialtas láir, ón rialtas réigiúnach nó ón údarás áitiúil.

5. I gcás ina ndéanfaidh údaráis inniúla i ndlínse tríú tír, a chuireann socruithe maoirseachta agus rialála i bhfeidhm atá cothrom ar a laghad leo sin san Aontas Eorpach, risíochtaí ar eintitis san earnáil phoiblí a láimhseáil i gcomhréir le mír 1 nó mír 2, féadfaidh institiúidí ualú priacal a chur i bhfeidhm maidir le risíochtaí ar eintitis den sórt sin san earnáil phoiblí ar an tslí cheanna. Mura ndéantar é sin, cuirfidh na hinstiúidí ualú priacal de 100 % i bhfeidhm.

Chun críocha na míre seo, féadfaidh an Coimisiún, trí ghníomhartha cur chun feidhme a úsáid, agus faoi réir an nós imeachta scrúdúcháin dá dtagraítear in Airteagal 464(2), cinneadh a ghlacadh maidir lena gcuirfidh tríú tír socruithe maoirseachta agus rialála i bhfeidhm atá cothrom ar a laghad leis na socruithe sin atá i bhfeidhm san Aontas. In éagmais cinnidh den sórt sin, féadfaidh institiúidí leanúint den láimhseáil atá leagtha amach sa mhír seo a chur i bhfeidhm, go dtí an 1 Eanáir 2015, maidir leis an tríú tír ina bhfuil an tríú tír sin faofa ag na húdaráis inniúla iomchuí mar thír atá incháilithe don láimhseáil sin roimh an 1 Eanáir 2014.

**▼B***Airteagal 117***Risíochtaí ar bhainc forbartha iltaobhacha**

1. Déanfar risíochtaí ar bhainc forbartha iltaobhacha nach dtagraítear dóibh i mír 2 a láimhseáil ar an tslí chéanna le risíochtaí ar institiúidí. Ní chuirfear i bhfeidhm an láimhseáil fhabhrach i gcás risíochtaí gearrt-héarmacha mar atá sonraithe in Airteagal 119(2), 120(2) agus 121 (3).

Measfar gur bainc forbartha iltaobhacha iad an Chorparáid Idir-Mheiriceánach Infheistíochta, Banc Trádála agus Forbartha na Mara Duibhe, an Banc Lár-Mheiriceánach um Lánpháirtíocht Eacnamaíoch agus CAF-Banc Forbartha Mheiriceá Laidineach.

2. Déanfar ualú priacal 0 % a shannadh do risíochtaí ar na bainc forbartha iltaobhacha seo a leanas:

- (a) an Banc Idirnáisiúnta Athfhoirgníochta agus Forbartha;
- (b) an Chorparáid Airgeadais Idirnáisiúnta;
- (c) an Banc Forbartha Idir-Mheiriceánach;
- (d) Banc Forbartha na hÁise;
- (e) Banc Forbartha na hAfraice;
- (f) Banc Forbartha Chomhairle na hEorpa;
- (g) an Banc Nordach Infheistíochta;
- (h) Banc Forbartha Mhuir Chairib;
- (i) an Banc Eorpach Athfhoirgníochta agus Forbartha;
- (j) an Banc Eorpach Infheistíochta;
- (k) an Ciste Eorpach Infheistíochta;
- (l) an Ghníomhaireacht Iltaobhach Rathaithe Infheistíochtaí;
- (m) an tSaoráid Airgeadais Idirnáisiúnta um Imdhíonadh;
- (n) an Banc Ioslamach um Fhorbraíocht;

**▼M8**

- (o) an Comhlachas Forbartha Idirnáisiúnta;
- (p) Banc na hÁise don Infheistiú sa Bhonneagar.

Tugtar de chumhacht don Choimisiún an Rialachán seo a leasú trí ghníomhartha tarmlichte a ghlacadh i gcomhréir le hAirteagal 462 lena leasítear, i gcomhréir le caighdeáin idirnáisiúnta, liosta na mbanc forbartha iltaobhach dá dtagraítear sa chéad fhomhír.

**▼B**

3. Déanfar ualú priacal 20 % a shannadh don chion de chaipiteal neamhíochta atá suibscríofa leis an gCiste Eorpach Infheistíochta.

*Airteagal 118***Risíochtaí ar eagraíochtaí idirnáisiúnta**

Déanfar ualú priacal 0 % a shannadh do risíochtaí ar na heagraíochtaí idirnáisiúnta seo a leanas:

**▼M8**

- (a) an tAontas Eorpach agus an Comhphobal Eorpach do Fhuinneamh Adamhach;

**▼B**

- (b) an Ciste Airgeadaíochta Idirnáisiúnta;
- (c) an Banc le haghaidh Socruithe Idirnáisiúnta;
- (d) an tSaoráid um Chobhsaíocht Airgeadais;
- (e) an Sásra Cobhsaíochta Eorpach;
- (f) institiúid airgeadais idirnáisiúnta arna bhunú ag dhá Bhallstát nó níos mó, a bhfuil sé mar aidhm aici cistiú a chur ar bun agus cúnaimh airgeadais a thabhairt ar mhaithe lena cuid comhaltaí a bhfuil deacrachtaí móra maoinithe acu nó atá i mbaol deacrachtaí móra maoinithe.

*Airteagal 119***Risíochtaí ar institiúidí**

1. Déanfar risíochtaí ar institiúidí a bhfuil measúnú creidmheasa a rinne IMCS ainmnithe ar fáil ina leith a ualú ó thaobh priacal i gcomhréir le hAirteagal 120. Déanfar risíochtaí ar institiúidí nach bhfuil measúnú creidmheasa a rinne IMCS ainmnithe ar fáil ina leith a ualú ó thaobh priacal i gcomhréir le hAirteagal 121.
2. I gcás risíochtaí ar institiúidí a bhfuil aibíocht iarmhair trí mhí nó níos giorra iontu agus atá ainmnithe agus cistithe in airgeadra náisiúnta an iasachtaí, déanfar ualú priacal a shannadh dóibh a bheidh catagóir amháin nach lú fabhar ná an t-ualú priacal fabhrach, a thuairiscítear in Airteagal 114(4) go hAirteagal 114(7), atá sannta do risíochtaí ar an rialtas láir ina ionchorpraítear an institiúid.
3. Ní dhéanfar ualú priacal níos lú ná 20 % a shannadh d'aon risíochtaí a bhfuil aibíocht iarmhair trí mhí nó níos giorra iontu agus atá ainmnithe agus cistithe in airgeadra náisiúnta an iasachtaí.
4. Féadfar risíocht ar institiúid i bhfoirm cúlchistí íosta a cheanglaíonn BCE nó banc ceannais Ballstáit iad a bheith sealbhaithe ag institiúid a ualú ó thaobh priacal mar risíochtaí ar bhanc ceannais an Bhallstáit atá i gceist ar an gcoinníoll:
  - (a) go sealbhaítear na cúlchistí i gcomhréir le Rialachán (CE) Uimh. 1745/2003 ón mBanc Ceannais Eorpach an 12 Meán Fómhair 2003 maidir le cur i bhfeidhm na gcúlchistí íosta <sup>(1)</sup>nó i gcomhréir leis na ceanglais náisiúnta i ngach cás ábhartha atá coibhéiseach leis an Rialachán sin;
  - (b) i gcás féimheachta nó dócmhainneachta na hinstitiúide ina sealbhaítear na cúlchistí, déantar na cúlchistí a aisíoc go hiomlán leis an institiúid ar shlí thráthúil agus ní chuirtear ar fáil iad chun fónamh do dhliteanais eile na hinstitiúide.
5. Déanfar risíochtaí ar institiúidí airgeadais arna n-údarú agus arna maoirsiú ag na húdaráis inniúla agus atá faoi réir ceanglas stuamachta atá inchomparáide leo sin a chuirtear i bhfeidhm maidir le hinstitiúidí i dtéarmaí stóinseachta a láimhseáil mar risíochtaí ar institiúidí.

<sup>(1)</sup> IO L 250, 2.10.2003, lch. 10.

## ▼B

*Airteagal 120***Risíochtaí ar institiúidí rátáilte**

1. I gcás risíochtaí ar institiúidí a bhfuil aibíocht iarmhair breis is trí mhí iontu a bhfuil measúnú creidmheasa a rinne IMCS ainmnithe ar fáil ina leith, déanfar ualú priacal a shannadh dóibh i gcomhréir le Tábla 3 a chomhfhreagraíonn don mheasúnú creidmheasa a rinne IMCS i gcomhréir le hAirteagal 136.

*Tábla 3*

Céim na cáilíochta creidmheasa	1	2	3	4	5	6
Ualú priacal	20 %	50 %	50 %	100 %	100 %	150 %

2. I gcás risíochtaí ar institiúid a bhfuil aibíocht iarmhair suas le trí mhí iontu agus a bhfuil measúnú creidmheasa a rinne an IMCS ainmnithe ar fáil ina leith, déanfar ualú priacal a shannadh dóibh i gcomhréir le Tábla 4 a chomhfhreagraíonn don mheasúnú creidmheasa a rinne an IMCS i gcomhréir le hAirteagal 136:

*Tábla 4*

Céim na cáilíochta creidmheasa	1	2	3	4	5	6
Ualú priacal	20 %	20 %	20 %	50 %	50 %	150 %

3. Is mar seo a leanas a bheidh an idirghníomhaíocht idir an tslí ina láimhseáiltear measúnú creidmheasa gearrthéarmach faoi Airteagal 131 agus an láimhseáil fhabhrach ghinearálta a chuirtear i bhfeidhm maidir le risíochtaí gearrthéarmacha atá leagtha amach i mír 2:

- (a) Mura ndéantar aon mheasúnú ar risíocht ghearrthéarmach, beidh feidhm ag an láimhseáil fhabhrach ghinearálta do risíochtaí gearrthéarmacha mar atá sonraithe i mír 2 maidir le gach risíocht ar institiúidí a bhfuil aibíocht iarmhair suas le trí mhí iontu;
- (b) Má dhéantar measúnú gearrthéarmach agus má chinntear le measúnú den sórt sin go gcuirfear ualú priacal níos fabhraí nó ualú priacal comhionann i bhfeidhm seachas an láimhseáil fhabhrach ghinearálta do risíochtaí gearrthéarmacha, mar atá sonraithe i mír 2, úsáidfear an measúnú gearrthéarmach i gcás na risíochta sonraí sin amháin. Cuirfear an láimhseáil fhabhrach ghinearálta do risíochtaí gearrthéarmacha, mar atá sonraithe i mír 2, i bhfeidhm maidir le risíochtaí gearrthéarmacha eile;
- (c) Má dhéantar measúnú gearrthéarmach agus má chinntear le measúnú den sórt sin go gcuirfear ualú priacal nach lú fabhar ná an láimhseáil fhabhrach ghinearálta do risíochtaí gearrthéarmacha, mar atá sonraithe i mír 2, i bhfeidhm, ní úsáidfear an láimhseáil fhabhrach ghinearálta do risíochtaí gearrthéarmacha agus déanfar an t-ualú priacal céanna is a chuirtear i bhfeidhm leis an measúnú gearrthéarmach sonrach a shannadh do gach éileamh gearrthéarmach gan rátáil.

▼B*Airteagal 121***Risíochtaí ar institiúidí gan rátáil**

1. I gcás risíochtaí ar institiúidí nach bhfuil measúnú creidmheasa a rinne IMCS ainmnithe ar fáil ina leith, déanfar ualú priacal a shannadh dóibh de réir na céime cáilíochta creidmheasa a bhfuil risíochtaí ar rialtas láir na dlínse ina bhfuil an institiúid corpraithe sannta dó i gcomhréir le Tábla 5.

*Tábla 5*

Céim cáilíochta creidmheasa a bhfuil an rialtas láir sannta dó	1	2	3	4	5	6
Ualú priacal na risíochta	20 %	50 %	100 %	100 %	100 %	150 %

2. I gcás risíochtaí ar institiúidí gan rátáil atá corpraithe i dtíortha ina bhfuil an rialtas láir gan rátáil, beidh an t-ualú priacal cothrom le 100 %.

3. I gcás risíochtaí ar institiúidí gan rátáil a bhfuil aibíocht bhunaidh iarbhair de thrí mhí nó níos lú ag gabháil leo, beidh an t-ualú priacal cothrom le 20 %.

4. In ainneoin mhír 2 agus mhír 3 maidir le risíochtaí trádála airgeadais dá dtagraítear pointe (b) den dara fómhír d'Airteagal 162(3) ar institiúidí gan rátáil, beidh an t-ualú priacal cothrom le 50 % agus i gcás ina mbeidh aibíocht iarmhair na risíochtaí trádála airgeadais ar institiúidí gan rátáil trí mhí nó níos lú, beidh an t-ualú priacal cothrom le 20 %.

*Airteagal 122***Risíochtaí ar chorparáidí**

1. I gcás risíochtaí a bhfuil measúnú creidmheasa a rinne IMCS ainmnithe ar fáil ina leith, déanfar ualú priacal a shannadh dóibh i gcomhréir le Tábla 6 a chomhfhreagraíonn don mheasúnú creidmheasa a rinne an IMCS i gcomhréir le hAirteagal 136.

*Tábla 6*

Céim na cáilíochta creidmheasa	1	2	3	4	5	6
Ualú priacal	20 %	50 %	100 %	100 %	150 %	150 %

2. I gcás risíochtaí nach bhfuil measúnú creidmheasa ar fáil ina leith, déanfar ualú priacal cothrom le 100 % nó ualú priacal na risíochtaí ar rialtais láir na dlínse ina bhfuil an chorparáid ionchorpraithe, cibé acu is airde, a shannadh dóibh.

**▼B***Airteagal 123***Risíochtaí ar mhiondíol**

Déanfar ualú priacal cothrom le 75 % a shannadh do risíochtaí a chomhlíonann na critéir seo a leanas:

- (a) is ar dhuine nó ar dhaoine nádúrtha, nó ar fhiontar beag nó meánmhéide (FBM), a bheidh risíocht;
- (b) beidh an risíocht ar cheann amháin de líon suntasach risíochtaí a mbeidh tréithe cosúla acu sa mhéid is go laghdaítear go mór na priacaíl a bhaineann le hiasachtú den sórt sin;
- (c) i gcás an mhéid iomlán a bheidh dlite don institiúid agus do na máthairghnóthais agus a fochuideachtaí, lena n-áirítear aon risíocht ar mainneachtain, ag an oibleagáideoir cliant nó ag grúpa cliant nasctha, gan risíochtaí atá urraithe go hiomlán agus ar fad ar chomhthaobhacht a bhaineann le maoin chónaithe a áireamh, ar éilimh iad a sannadh d'aicme na risíochta a leagtar síos in Airteagal 112 (i), ní sháróidh sé, a mhéid is feasach don institiúid, EUR 1 milliún. Déanfaidh an institiúid bearta réasúnta chun an t-eolas sin a fháil.

Ní bheidh urrúis incháilithe mar risíocht ar mhiondíol.

Ní bheidh risíochtaí nach gcomhlíonann na critéir dá dtagraítear i bpointe (a) go (c) den chéad fhomhír incháilithe mar risíocht ar mhiondíol.

Beidh luach láithreach na n-íocaíochtaí léasa fosta ar mhiondíol incháilithe mar risíocht ar mhiondíol.

*Airteagal 124***Risíochtaí arna n-urrú le morgáistí ar maoin dhochorraithe****▼C2**

1. I gcás risíocht nó aon chuid de risíocht atá urraithe go hiomlán le morgáiste ar mhaoin dhochorraithe, déanfar ualú priacal cothrom le 100 % a shannadh di, i gcás nach gcomhlíontar na coinníollacha faoi Airteagal 125 nó Airteagal 126, cé is moite d'aon chuid den risíocht atá sannta d'aicme risíochta eile. Déanfar an t-ualú priacal is infheidhme maidir le risíochtaí gan urrú an chontrapháirtí lena mbaineann a shannadh don chuid den risíocht lena sáraítear luach morgáiste na maoin dochorraithe.

Ní bheidh an chuid sin de risíocht a láimhseáiltear mar risíocht atá urraithe go hiomlán le maoin dhochorraithe níos airde ná an méid atá curtha i ngeall den mhargadhluach nó, sna Ballstáit sin a bhfuil critéir dhiana leagtha síos acu i bhforálacha reachtúla nó rialála chun measúnú a dhéanamh ar an luach iasachta morgáiste, luach morgáiste na maoin atá i gceist.

**▼B**

2. Bunaithe ar na sonraí a bailíodh faoi Airteagal 101, agus aon táscairí iomchuí eile, déanfaidh na húdaráis inniúla measúnú tréimhsiúil, agus measúnú bliantúil ar a laghad, féachaint an bhfuil an t-ualú priacal 35 % i gcás risíochtaí atá urraithe le morgáistí ar mhaoin chónaithe dá dtagraítear in Airteagal 125, agus an t-ualú priacal 50 % i gcás risíochtaí atá urraithe ar mhaoin thráchtála dhochorraithe dá dtagraítear in Airteagal 126, is é sin le rá maoin atá suite ina chríoch, oiriúnach bunaithe ar an méid a leanas:

**▼B**

- (a) caillteanas taithí na risíochtaí atá urraithe le maoin dhochorraithe;
- (b) forbairtí réamhbhreathnaitheacha sna margaí maoin dochorraithe;

Féadfaidh na húdaráis inniúla ualú priacal níos airde nó critéir níos déine a shocrú ná iad sin atá leagtha amach in Airteagal 125(2) agus Airteagal 126(2), nuair is iomchuí, ar bhonn comaoineacha cobhsaíochta airgeadais.

I gcás risíochtaí atá urraithe le morgáistí ar mhaoin chónaithe, socróidh an t-údarás inniúil an t-ualú priacal ag céatadán ó 35 % go 150 %.

I gcás risíochtaí atá urraithe le morgáistí ar mhaoin thráchtála dhochorraithe, socróidh an t-údarás inniúil an t-ualú priacal ag céatadán ó 50 % go 150 %.

Laistigh de na réimsí sin, déanfar an t-ualú priacal is airde a shocrú, bunaithe ar chaillteanas priacal agus forbairtí réamhbhreathnaitheacha sna margaí agus comaoineacha cobhsaíochta airgeadais á gcur san áireamh. I gcás ina dtaispeántar leis an measúnú nach léirítear leis na hualuithe priacal a leagtar amach in Airteagal 125(2) agus in Airteagal 126(2) na priacail iarbhir do cheann amháin nó níos mó de na deighleoga maoin a bhaineann le risíochtaí mar sin, a urraítear go hiomlán le morgáistí ar mhaoin chónaithe nó ar mhaoin thráchtála dhochorraithe a lonnaithe ar chuid amháin nó níos mó dá chríoch, déanfaidh na húdaráis inniúla, i gcás na risíochtaí sin ar dheighleoga maoin, ualú priacal níos airde a shocrú a chomhfhreagróidh do na priacail iarbhir.

Rachaidh na húdaráis inniúla i gcomhairle le ÚBE maidir leis na coigeartuithe ar na hualáí priacal agus ar na critéir a chuirfear i bhfeidhm, a ríomhfar i gcomhréir leis na critéir a leagtar amach sa mhír seo, mar a shonraítear leis na caighdeáin rialála theicniúla dá dtagraítear i mír 4 den Airteagal seo. ► **C2** Foilseoidh ÚBE na hualáí priacal agus na critéir arna socrú ag na húdaráis inniúla le haghaidh risíochtaí dá dtagraítear in Airteagail 125, 126 agus 199(1)(a). ◀

3. I gcás ina ndéanfaidh na húdaráis inniúla ualú priacal níos airde nó critéir níos déine a shocrú, beidh idirthréimhse 6 mí ag institiúidí chun an t-ualú priacal nua a chur i bhfeidhm.

**▼M8**

4. Déanfaidh ÚBE, i ndlúthchomhar le BERS, dréachtchaighdeáin theicniúla a fhorbairt chun na critéir dhiana chun measúnú a dhéanamh ar an luach iasachta morgáiste dá dtagraítear i mír 1 a shainiú agus na cineálacha fachtóirí atá le meas chun a iomchuí atá na hualuithe priacail dá dtagraítear sa chéad fhomhír de mhír 2 a mheasúnú.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2019.

Tugtar de chumhacht don Choimisiún an chumhacht chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.



**▼M8**

5. Féadfaidh BERS, trí bhíthin moltaí i gcomhréir le hAirteagal 16 de Rialachán (AE) Uimh. 1092/2010, agus i ndlúthchomhar le ÚBE, treoir a thabhairt do na húdaráis a ainmneofar i gcomhréir le mír 1a den Airteagal seo maidir leis an méid seo a leanas:

- (a) fachtóirí a d'fhéadfadh “difear díobhálach a dhéanamh do chobhsaíocht airgeadais faoi láthair nó amach anseo” dá dtagraítear sa dara fómhír de mhír 2; agus
- (b) tagarmharcanna táscacha atá le cur san áireamh ag an údarás arna ainmniú i gcomhréir le mír 1a agus ualuithe priacail níos airde á socrú.

**▼B***Airteagal 125***Risíochtaí arna n-urrú go hiomlán le morgáistí ar mhaoin chónaithe**

1. Mura gcinneann na húdaráis inniúla a mhalairt i gcomhréir le hAirteagal 124(2), is mar seo a leanas a láimhseálfar risíochtaí arna n-urrú go hiomlán le morgáistí ar mhaoin chónaithe:

- (a) déanfar ualú priacal 35 % a shannadh do risíochtaí nó d'aon chuid de risíocht arna n-urrú go hiomlán le morgáistí ar mhaoin chónaithe atá nó a bheidh áitithe nó ar cíos ag an úinéir, nó ag an úinéir tairbhiúil i gcás cuideachtaí infheistíochta pearsanta;
- (b) déanfar ualú priacal cothrom le 35 % a shannadh do risíochtaí ar thionónta faoi idirbheart léasaithe maoin maidir le maoin chónaithe faoinarb í an institiúid an léasóir agus tá sé de rogha ag an tionónta í a cheannach, ar an gcoinníoll go bhfuil an risíocht ar an institiúid urraithe go hiomlán lena húinéireacht ar an maoin.

2. Ní mheasfaidh institiúidí go bhfuil risíocht nó aon chuid de risíocht urraithe go hiomlán chun críocha mhír 1, ach amháin nuair a chomhlíontar na coinníollacha seo a leanas:

- (a) ní bheidh luach na maoin ag brath go hábhartha ar cháilíocht chreidmheasa an iasachtaí. Féadfaidh institiúidí cásanna a fhágáil ar lár i gcás go mbíonn tionchar ag tosca atá go hiomlán maicreacnamaíoch ar luach na maoin agus ar fheidhmíocht an iasachtaí araon óna gcinneadh maidir le hábharthacht spleáchais den sórt sin;
- (b) ní bheidh priacal an iasachtaí ag brath go hábhartha ar fheidhmíocht na maoin nó an tionscadail a fholuíonn é, ach ar chumas foluiteach an iasachtaí an fiachas a aisíoc ó fhoinsí eile, agus mar iarmhairt air sin, ní bheidh aisíoc na saoráide ag brath go hábhartha ar aon sreabhadh airgid arna ghiniúint ag an maoin fholuiteach agus í ag fónamh mar chomhthaobhacht. Maidir leis na foinsí eile sin, déanfaidh institiúidí na cóimheasa uasta iasachtaí/ioncain mar chuid dá mbeartas iasachtaithe agus gheobhaidh siad fianaise oiriúnach ar an ioncam iomchuí nuair a thabharfaidh siad an iasacht.
- (c) comhlíontar na ceanglais atá leagtha amach in Airteagal 208 agus na rialacha luachála atá leagtha amach in Airteagal 229(1);

**▼B**

(d) mura gcinntear a mhalairt faoi Airteagal 124(2), an chuid den iasacht a bhfuil ualú priacal cothrom le 35 % sannta di, ní sháráidh sí 80 % de mhargadhluach na maoin atá i gceist, nó 80 % de luach iasachta morgáiste na maoin atá i gceist sna Ballstáit sin inar leagadh síos critéir dhiana i bhforálacha reachtúla nó rialála chun measúnú a dhéanamh ar an luach iasachta morgáiste.

3. Féadfaidh institiúidí pointe (b) de mhír 2 a mhaolú i gcás risíochtaí arna n-urrú go hiomlán le morgáistí ar mhaoin chónaithe atá suite laistigh de chríoch Ballstáit, i gcás inar fhoilsigh údarás inniúil an Bhallstáit sin fianaise a léiríonn go bhfuil margadh maoin chónaithe atá dea-fhorbartha agus seanbhunaithe sa chríoch sin ag a bhfuil rátaí caillteanais nach mó ná na teorainneacha seo a leanas:

(a) caillteanais a eascraíonn ó iasachtú atá comhthaobhaithe le maoin chónaithe suas go dtí 80 % den mhargadhluach nó ní sháraíonn 80 % den luach iasachta morgáiste, mura gcinntear a mhalairt faoi Airteagal 124(2), 0.3 % de na hiasachtaí gan íoc atá comhthaobhaithe le maoin chónaithe in aon bhliain faoi leith;

(b) caillteanais fhoirmiúlana a eascraíonn ó iasachtú atá comhthaobhaithe le maoin chónaithe nach mó ná 0.5 % de na hiasachtaí gan íoc atá comhthaobhaithe le maoin chónaithe in aon bhliain faoi leith.

4. I gcás nach gcomhlíontar ceann na teorainneacha dá dtagraítear i mír 3 in aon bhliain faoi leith, scoirfear de bheith incháilithe chun mír 3 a úsáid agus beidh feidhm ag an gcoinníoll atá i mír 2(b) go dtí go gcomhlíontar na coinníollacha i mír 3 i mbliain ina dhiaidh sin.

*Airteagal 126***Risíochtaí arna n-urrú go hiomlán le morgáistí ar mhaoin thráchtála dhochorraithe**

1. Mura gcinneann na húdaráis inniúla a mhalairt i gcomhréir le hAirteagal 124(2), is mar seo a leanas a láimhseálfar risíochtaí arna n-urrú go hiomlán le morgáistí ar mhaoin thráchtála dhochorraithe:

(a) féadfar ualú priacal cothrom le 50 % a shannadh do risíochtaí nó d'aon chuid de risíocht arna n-urrú go hiomlán le morgáistí ar oifigí nó ar áitribh thráchtála eile;

(b) féadfar ualú priacal cothrom le 50 % a shannadh do risíochtaí a bhaineann le hidirbhearta léasaithe maoin maidir le hoifigí nó áitribh thráchtála eile faoinarb í an institiúid an léasóir agus tá sé de rogha ag an tionónta í a cheannach, ar an gcoinníoll go bhfuil an risíocht ar an institiúid urraithe go hiomlán lena húninéireacht ar an maoin.

2. Ní mheasfaidh institiúidí go bhfuil risíocht nó aon chuid de risíocht urraithe go hiomlán chun críocha mhír 1, ach amháin nuair a chomhlíontar na coinníollacha seo a leanas:

**▼B**

- (a) ní bheidh luach na maoin ag brath go hábhartha ar cháilíocht chreidmheasa an iasachtaí. Féadfaidh institiúidí cásanna a fhágáil ar lár i gcás go mbíonn tionchar ag tosca atá go hiomlán maicreacnamaíoch ar luach na maoin agus ar fheidhmíocht an iasachtaí araon óna gcinneadh maidir le hábharthacht spleáchais den sórt sin;
- (b) ní bheidh priacal an iasachtaí ag brath go hábhartha ar fheidhmíocht na maoin nó an tionscadail a fholuionn é, ach ar chumas foluiteach an iasachtaí an fiachas a aisíoc ó fhoinsí eile, agus mar iarmhairt air sin, ní bheidh aisíoc na saoráide ag brath go hábhartha ar aon sreabhadh airgid arna ghiniúint ag an maoin fholuiteach agus í ag fónamh mar chomhthaobhacht.
- (c) comhlíontar na ceanglais atá leagtha amach in Airteagal 208 agus na rialacha luachála atá leagtha amach in Airteagal 229(1);
- (d) Déanfar ualú priacal cothrom le 50 %, mura bhforáiltear a mhalairt faoi Airteagal 124(2), a shannadh don chuid sin den iasacht nach mó ná 50 % de mhargadhluach na maoin nó 60 %, mura bhforáiltear a mhalairt faoi Airteagal 124(2), de luach iasachta morgáiste na maoin atá i gceist sna Ballstáit sin inar leagadh síos critéir dhiana i bhforálacha reachtúla nó rialála chun measúnú a dhéanamh ar an luach iasachta morgáiste.

**▼C2**

3. Féadfaidh institiúidí pointe (b) de mhír 2 a mhaolú i gcás risíochtaí arna n-urrú go hiomlán le morgáistí ar mhaoin thráchtála dhochorraithe atá suite laistigh de chríoch Ballstáit, i gcás inar fhoilsigh údarás inniúil an Bhallstáit sin fianaise a léiríonn go bhfuil margadh maoin dochorraithe atá dea-fhorbartha agus seanbhunaithe sa chríoch sin ag a bhfuil rátaí cailleanais nach sáraíonn na teorainneacha seo a leanas:

**▼B**

- (a) cailleanais a eascraíonn ó iasachtú atá comhthaobhaithe le maoin thráchtála dhochorraithe suas go dtí 50 % den mhargadhluach nó nach sáraíonn 60 % den luach iasachta morgáiste mura gcinntear a mhalairt faoi Airteagal 124(2) 0,3 % de na hiasachtaí gan íoc atá comhthaobhaithe le maoin thráchtála dhochorraithe;
- (b) cailleanais fhoriomlána a eascraíonn ó iasachtú atá comhthaobhaithe le maoin thráchtála dhochorraithe nach mó ná 0.5 % de na hiasachtaí gan íoc atá comhthaobhaithe le maoin thráchtála dhochorraithe.

4. I gcás nach gcomhlíontar ceann de na teorainneacha dá dtagraítear i mír 3 in aon bhliain faoi leith, scoirfead de bheith incháilithe chun mír 3 a úsáid agus beidh feidhm ag an gcoinníoll atá i mír 2(b) go dtí go gcomhlíontar na coinníollacha i mír 3 i mbliain ina dhiaidh sin.

*Airteagal 127***Risíocht ar mhainneachtain****▼M7**

1. I gcás na coda neamhurráithe d'aon ítim ar ina leith a mhainnigh an t-oibleagáideoir i gcomhréir le hAirteagal 178, nó i gcás risíochtaí ar mhiondíol, sannfar ualú priacail atá cothrom leis na nithe seo a leanas don chuid neamhurráithe d'aon saoráid chreidmheasa a mhainnigh i gcomhréir le hAirteagal 178:

**▼M7**

- (a) 150 %, i gcás ina mbeadh suim na gcoigeartuithe sonracha i leith priacal creidmheasa agus na méideanna arna n-asbhaint i gcomhréir le pointe (m) d'Airteagal 36(1) níos lú ná 20 % den chuid neamhurráithe de luach na risíochta dá mba rud é nár cuireadh na coigeartuithe sonracha i leith priacal creidmheasa agus na hasbhaintí sin i bhfeidhm;
- (b) 100 %, i gcás nach mbeadh suim na gcoigeartuithe sonracha i leith priacal creidmheasa agus na méideanna arna n-asbhaint i gcomhréir le pointe (m) d'Airteagal 36(1) níos lú ná 20 % den chuid neamhurráithe de luach na risíochta dá mba rud é nár cuireadh na coigeartuithe sonracha i leith priacal creidmheasa agus na hasbhaintí sin i bhfeidhm.

**▼B**

2. Ar mhaithe leis an gcuid urraithe den ítim atá thar téarma a chinneadh, is í an chomhthaobhacht incháilithe agus na ráthaíochtaí incháilithe iad sin atá incháilithe chun críocha maolaithe priacal creidmheasa faoi Chaibidil 4.
3. Sannfar ualú priacal cothrom le 100 % do luach na risíochta a bheidh ann tar éis coigeartuithe sonracha maidir le priacal creidmheasa ar risíochtaí, arna n-urrú go hiomlán le morgáistí ar mhaoín chónaithe i gcomhréir le hAirteagal 125 i gcás gur tharla mainneachtain i gcomhréir le hAirteagal 178.
4. Sannfar ualú priacal cothrom le 100 % do luach na risíochta a bheidh ann tar éis coigeartuithe sonracha maidir le priacal creidmheasa ar risíochtaí, arna n-urrú go hiomlán le morgáistí ar mhaoín thráchtála dhochorraithe i gcomhréir le hAirteagal 126 i gcás gur tharla mainneachtain i gcomhréir le hAirteagal 178.

*Airteagal 128***Ítimí a mbaineann priacal fíor-ard leo**

1. Déanfaidh institiúidí ualú priacal 150 % a shannadh do risíochtaí, lena n-áirítear risíochtaí i bhfoirm scaireanna nó aonad in GC a mbaineann priacal fíor-ard leo, nuair is iomchuí.
2. Áireofar aon cheann de na risíochtaí seo a leanas le risíochtaí a mbaineann priacal fíor-ard leo:
  - (a) infheistíochtaí i ngnólachtaí caipitil frontair;
  - (b) infheistíochtaí i gcistí infheistíochta malartacha mar a sainítear in Airteagal 4(1)(a) de Threoir 2011/61/AE seachas i gcás nach gceadaítear, le sainordú an chiste, luamhánú níos airde ná an ceann a éilítear faoi Airteagal 51(3) de Threoir 2009/65/CE;
  - (c) infheistíochtaí i gcothromas príobháideach;
  - (d) maoiniú amhantrach ar mhaoín dhochorraithe.
3. Agus measúnú á dhéanamh féachaint an bhfuil baint ag risíocht seachas risíochtaí dá dtagraítear i mír 2 le priacal fíor-ard, cuirfidh institiúidí na saintréithe priacal seo a leanas san áireamh:
  - (a) tá priacal ard cailleanais ann mar thoradh ar mhainneachtain an oibleagáideora;
  - (b) ní féidir a mheas go leormhaith an dtagann an risíocht faoi phointe (a).

Eiseoidh ÚBE treoirlínte ag sonrú cé na cineálacha risíochtaí a bhfuil priacal fíor-ard ag baint leo agus na dálaí faoina bhfuil sé sin amhlaidh.

Glacfar leis na treoirlínte sin i gcomhréir le hAirteagal 16 de Rialachán (AE) Uimh. 1093/2010.



*Airteagal 129*

**Risíochtaí i bhfoirm bannaí faoi chumhdach**

1. Le bheith incháilithe don láimhseáil fhabhrach atá leagtha amach i mír 4 agus i mír 5, comhlíonfar leis na bannaí dá dtagraítear in Airteagal 52(4) de Threoir 2009/65/CE (bannaí faoi chumhdach) na ceanglais a leagtar amach i mír 7 agus déanfar iad a chomhthaobhú le haon cheann de na sócmhainní incháilithe seo a leanas:

- (a) risíochtaí ar nó ráthaithe ag rialtais láir, bainc cheannais CEBC, eintitis san earnáil phoiblí, rialtais réigiúnacha nó údaráis áitiúla san Aontas;
- (b) risíochtaí ar nó ráthaithe ag rialtais láir tríú tíortha, bainc cheannais tríú tíortha, bainc forbartha iltaobhacha, eagraíochtaí idirnáisiúnta a cháilíonn do bheart cáilíochta creidmheasa 1 mar atá leagtha amach sa Chaibidil seo, agus risíochtaí ar nó ráthaithe ag eintitis na hearnála poiblí tríú tíortha, rialtais réigiúnacha tríú tíortha nó údaráis áitiúla tríú tíortha atá ualaithe ó thaobh priacal mar risíochtaí ar institiúidí nó ar rialtais láir nó ar bhainc cheannais i gcomhréir le hAirteagal 115(1) nó (2), nó le hAirteagal 116(1), (2) nó (4) faoi seach agus a cháilíonn don bheart cáilíochta creidmheasa 1 mar atá leagtha amach sa Chaibidil seo, agus risíochtaí i gcomhthéacs an phointe seo a cháilíonn do bheart cáilíochta creidmheasa 2 mar atá leagtha amach sa Chaibidil seo, ar an gcoinníoll nach mó iad ná 20 % de mhéid ainmniúil na mbannaí faoi chumhdach gan íoc atá ag institiúidí eisiúna;
- (c) risíochtaí ar institiúidí a cháilíonn do bheart cáilíochta creidmheasa 1 mar atá leagtha amach sa Chaibidil seo. Ní bheidh risíocht iomlán den sórt sin níos mó ná 15 % de mhéid ainmniúil na mbannaí faoi chumhdach gan íoc atá ag an institiúid eisiúna. Ní bheidh risíochtaí ar institiúidí san Aontas a bhfuil aibíocht nach mó ná 100 lá ag gabháil leo cuimsithe faoi cheanglas bheart 1 ach cáileoidh na hinstitiúidí sin ar a laghad do bheart cáilíochta creidmheasa 2 mar atá leagtha amach sa Chaibidil seo;
- (d) iasachtaí a urraítear leis an méid a leanas:
  - (i) maoin chónaithe suas go dtí an méid is ísle as méideanna phríomhshuimeanna na lian atá cónasctha le haon lian roimhe sin agus 80 % de luach na maoin atá curtha i ngeall; nó
  - (ii) aonaid shinsearacha a eiseoidh Fonds Communs de Titrisation na Fraince nó eintitis urrúsaithe coibhéiseacha a rialaítear le dlíthe Ballstáit a dhéanann urrúsú ar risíochtaí ar mhaoin chónaithe. I gcás ina n-úsáidtear aonaid shinsearacha den sórt sin mar chomhthaobhacht, áiritheoidh an mhaoirseacht phoiblí speisialta chun sealbhóirí bannaí a chosaint mar a ndéantar foráil di in Airteagal 52(4) de Threoir 2009/65/CE go mbeidh na sócmhainní a fholuáin aonaid den sórt sin, aon tráth le linn dóibh a bheidh áirithe sa chomhthiomsú cumhdaigh, comhdhéanta de 90 % ar a laghad de mhorgáistí ar mhaoin chónaithe atá cónasctha le haon lian roimhe sin suas go dtí an méid is ísle as méideanna na bpríomhshuimeanna atá dlite faoi na haonaid, méideanna phríomhshuimeanna na lian, agus 80 % de luach na maoin atá curtha i ngeall, go gcáileoidh na haonaid do bheart cáilíochta creidmheasa 1 mar atá leagtha amach sa Chaibidil seo agus nach mó aonaid den sórt sin ná 10 % de mhéid ainmniúil na heisiúna gan íoc.

## ▼B

(e) iasachtaí cónaithe arna n-urrú ag soláthraí cosanta incháilithe dá dtagraítear in Airteagal 201, a cháilíonn le haghaidh céim 2 den cháilíocht chreidmheasa nó os a chionn, mar a leagtar amach sa Chaibidil seo, i gcás nach mbeidh an chuid de gach ceann de na hiasachtaí a úsáidtear chun an gceanglas a leagtar amach sa mhír seo maidir le hurrús comhthaobhach an bhanna faoi chumhdach a chomhlíonadh níos mó ná 80 % de luach na maoine cónaithe comhfhreagraí a bheidh lonnaithe sa Fhrainc, agus i gcás ina n-urráítear cóimheas iasacht/ioncaim 33 % ar a mhéid i gcás ina gceadaítear iasacht. Ní bheidh níos mó lian morgáiste ar an maoin chónaithe nuair a cheadófar an iasacht, agus i gcás na n-iasachtaí a cheadófar ón 1 Eanáir 2014, beidh an t-iasachtaí faoi cheangal conarthach gan liain mar sin a cheadú gan toiliú ón institiúid chreidmheasa a cheadaíonn an iasacht. Seasann an cóimheas iasachta/ioncaim do sciar d'ollioncam an iasachtaí lena gcumhdaítear aisíoc na hiasachta, ús san áireamh. Is institiúid airgeadais a bheidh údaraithe ag na húdaráis inniúla agus a ndéanfaidh na húdaráis maoirseacht orthu a bheidh i soláthraí na cosanta agus beidh sí faoi réir ceanglas stuamachta atá inchomparáide leo sin a chuirtear i bhfeidhm maidir le hinstitiúidí i dtéarmaí stóinseachta institiúide nó gnóthais árachais. Bunóidh sé comhchiste ráthaíochta nó cosaint choibhéiseach do ghnóthais árachais chun cailleanais pricacal creidmheas a sheasamh, agus déanfaidh na húdaráis inniúla an calabrú a athbhreithniú ar bhonn tréimhsiúil. ►C2 Déanfaidh an institiúid chreidmheasa agus soláthraí na cosanta araon measúnú ar acmhainneacht creidmheasa ar an iasachtaí; ◀

(f) iasachtaí a urraítear leis an méid a leanas:

(i) maoin thráchtála dhochorraithe suas go dtí an méid is ísle as méideanna phríomhshuimeanna na lian atá cónasctha le haon lian roimhe sin agus 60 % de luach na maoine atá curtha i ngeall; nó

(ii) aonaid shinsearacha a eiseoidh Fonds Communs de Titrisation na Fraince nó eintitis urrúsaithe coibhéiseacha a rialaítear le dlíthe Ballstáit a dhéanann urrúsú ar risíochtaí ar mhaoin thráchtála dhochorraithe. I gcás ina n-úsáidtear aonaid shinsearacha den sórt sin mar chomhthaobhacht, áiritheoidh an mhaoirseacht phoiblí speisialta chun sealbhóirí bannaí a chosaint mar a ndéantar foráil di in Airteagal 52(4) de Threoir 2009/65/CE go mbeidh na sócmhainní a fholuionn aonaid den sórt sin, aon tráth le linn dóibh a bheidh áirithe sa chomhthiomsú cumhdaigh, comhdhéanta de 90 % ar a laghad de mhorgáistí ar mhaoin thráchtála atá cónasctha le haon lian roimhe sin suas go dtí an méid is ísle as méideanna na bpríomhshuimeanna atá dlite faoi na haonaid, méideanna phríomhshuimeanna na lian, agus 60 % de luach na maoine atá curtha i ngeall, go gcáileoidh na haonaid do bheart cáilíochta creidmheasa 1 mar atá leagtha amach sa Chaibidil seo agus nach mó aonaid den sórt sin ná 10 % de mhéid ainmniúil na heisiúna gan íoc.

Tá iasachtaí arna n-urrú le maoin thráchtála dhochorraithe incháilithe i gcás ina ndéantar an cóimheas Iasachta/Luacha 60 % a sháru suas go dtí uasleibhéal 70 % más mó ná 10 % ar a laghad an sárú a dhéanann luach na sócmhainní iomlána atá curtha i ngeall mar chomhthaobhacht do na bannaí faoi chumhdach ar an méid ainmniúil gan íoc ar an mbanna faoi chumhdach, agus go gcomhlíonann éileamh na sealbhóirí bannaí na ceanglais maidir le deimhneacht dhlíthiúil atá leagtha amach i gCaibidil 4. Beidh tús áite ag éileamh na sealbhóirí bannaí thar gach éileamh eile a dhéanfar ar an gcomhthaobhacht.

(g) iasachtaí a urraítear le liain mhuirí ar longa suas go dtí an difríocht idir 60 % de luach na longa atá curtha i ngeall agus luach aon lian muirí a bhí ann roimhe sin.

**▼B**

Chun críocha phointí (c), (d)(ii) agus (f)(ii) den chéad fhomhír, ní bheidh ceangal na teorainneacha dá dtagraítear thuas a ríomh i gcás a tharla de dhroim tharchur agus bhainistiú íocaíochtaí na n-oibleagáid-deoirí i leith iasachtaí, nó de bharr fáltais leachtacha maidir le hiasachtaí, arna n-urrú le maoin na n-aonad sinsearach atá curtha i ngeall nó na n-urrús fiachais.

Féadfaidh na húdaráis inniúla, tar éis dul i gcomhairle le ÚBE, cur i bhfeidhm pointe (c) den chéad fhomhír a tharscaoileadh i bpáirt agus céim 2 den cháilíocht chreidmheasa a cheadú suas go dtí 10 % den risíocht iomlán ar mhéid ainmniúil na mbannaí faoi chumhdach gan íoc atá ag an institiúid eisiúna, ar an gcoinníoll gur féidir fadhbanna móra comhchruinnithe a d'fhéadfadh tarlú sna Ballstáit lena mbaineann a dhoiciméadú mar gheall ar fheidhmiú an cheanglais faoi bheart cáilíochta creidmheasa 1 dá dtagraítear sa phointe sin.

2. Áireofar freisin sna cásanna dá dtagraítear i mír 1(a) go (f) comhthaobhacht atá srianta go heisiach ag reachtaíocht chun sealbhóirí bannaí a chosaint i gcoinne caillteanas.

3. Déanfaidh institiúidí, i gcás maoine dochorraithe a dhéanann bannaí faoi chumhdach a chomhthaobhú, na ceanglais atá leagtha amach in Airteagal 208 agus na rialacha luachála atá leagtha amach in Airteagal 229(1) a chomhlíonadh.

4. I gcás bannaí faoi chumhdach a bhfuil measúnú creidmheasa a rinne IMCS ainmnithe ar fáil ina leith, déanfar ualú priacal a shannadh dóibh i gcomhréir le Tábla 6a a chomhfhreagraíonn don mheasúnú creidmheasa a rinne an IMCS i gcomhréir le hAirteagal 136.

*Tábla 6a*

Céim na cáilíochta creidmheasa	1	2	3	4	5	6
Ualú priacal	10 %	20 %	20 %	50 %	50 %	100 %

5. I gcás bannaí faoi chumhdach nach bhfuil measúnú creidmheasa a rinne IMCS ainmnithe ar fáil ina leith, déanfar ualú priacal a shannadh dóibh ar bhonn an ualaithe priacal a sannadh do risíochtaí neamhurraithe sinsearacha ar an institiúid a eisiúna. Beidh feidhm ag an gcomhfhreagairt seo a leanas idir ualáí priacal:

- (a) má dhéantar ualú priacal 20 % a shannadh do na risíochtaí ar an institiúid, déanfar ualú priacal 10 % a shannadh don bhanna faoi chumhdach;
- (b) má dhéantar ualú priacal 50 % a shannadh do na risíochtaí ar an institiúid, déanfar ualú priacal 20 % a shannadh don bhanna faoi chumhdach;
- (c) má dhéantar ualú priacal 100 % a shannadh do na risíochtaí ar an institiúid, déanfar ualú priacal 50 % a shannadh don bhanna faoi chumhdach;
- (d) má dhéantar ualú priacal 150 % a shannadh do na risíochtaí ar an institiúid, déanfar ualú priacal 100 % a shannadh don bhanna faoi chumhdach.

**▼B**

6. Níl bannaí faoi chumhdach a eisíodh roimh an 31 Nollaig 2007 faoi réir ag ceanglais mhír 1 agus mhír 3. Tá siad incháilithe don láimhseáil fhabhrach faoi mhír 4 agus mhír 5 go dtí a n-aibíocht.

7. Tá risíochtaí i bhfoirm bannaí faoi chumhdach incháilithe don láimhseáil fhabhrach, ar an gcoinníoll go mbeidh an institiúid a bhfuil infheistíocht á déanamh aici sna bannaí faoi chumhdach in ann an méid a leanas a léiriú do na húdaráis inniúla:

- (a) go bhfaigheann sí faisnéis punainne maidir leis an méid a leanas ar a laghad:
- (i) luach an chomhthiomsaithe chumhdaigh agus na mbannaí faoi chumhdach gan íoc;
  - (ii) dáileadh geografach agus cineál na sócmhainní cumhdaigh, méid na hiasachta, an ráta úis agus priacail airgeadra;
  - (iii) struchtúr aibíochta na sócmhainní cumhdaigh agus na bannaí faoi chumhdach; agus
  - (iv) céatadán na n-iasachtaí atá níos mó ná nócha lá thar téarma;
- (b) cuireann an t-eisitheoir an fhaisnéis dá dtagraítear i bpointe (a) ar fáil don institiúid ar a laghad dhá uair sa bhliain.

*Airteagal 130***Ítimí atá in ionannas le suímh urrúsaithe**

Déanfar méideanna risíochta atá ualaithe ó thaobh priacal i dtaca le suímh urrúsaithe a chinneadh i gcomhréir le Caibidil 5.

*Airteagal 131***Risíochtaí ar institiúidí agus ar chorparáidí a bhfuil measúnú creidmheasa gearrthéarmach acu**

I gcás risíochtaí ar institiúidí agus ar chorparáidí a bhfuil measúnú creidmheasa gearrthéarmach a rinne IMCS ainmnithe ar fáil ina leith, déanfar ualú priacal a shannadh dóibh i gcomhréir le Tábla 7 a chomhfhreagraíonn don mheasúnú creidmheasa a rinne an IMCS i gcomhréir le hAirteagal 136.

*Tábla 7*

Céim Creidmheasa	Cáilíochta	1	2	3	4	5	6
Ualú priacal		20 %	50 %	100 %	150 %	150 %	150 %

*Airteagal 132***Risíochtaí i bhfoirm aonad nó scaireanna in GCanna**

1. Déanfar ualú priacal 100 % a shannadh do risíochtaí i bhfoirm aonad nó scaireanna in GCanna mura gcuirfidh an institiúid an modh measúnaithe ar priacal creidmheasa faoi mhír 2, nó cur chuige na tréd-hearcachta faoi mhír 4 nó an cur chuige maidir le meánualú priacal faoi mhír 5 i bhfeidhm nuair a chomhlíontar na coinníollacha i mír 3.



**▼B**

2. I gcás risíochtaí i bhfoirm aonad nó scaireanna in GCanna a bhfuil measúnú creidmheasa a rinne IMCS ainmnithe ar fáil ina leith, déanfar ualú priacal a shannadh dóibh i gcomhréir le Tábla 8 a chomhfhreagraíonn don mheasúnú creidmheasa a rinne an IMCS i gcomhréir le hAirteagal 136.

Tábla 8

Céim na cáilíochta creidmheasa	1	2	3	4	5	6
Ualú priacal	20 %	50 %	100 %	100 %	150 %	150 %

3. Féadfaidh institiúidí an t-ualú priacal a shannfar do GC a chinneadh i gcomhréir le mír 4 agus mír 5, má chomhlíontar na critéir incháilitheachta seo a leanas:

- (a) is cuideachta atá faoi réir maoirseachta i mBallstát a dhéanann bainistiú ar an GC nó, i gcás GC i dtríú tír, nuair a chomhlíontar na coinníollacha seo a leanas:
  - (i) is cuideachta atá faoi réir maoirseachta a mheastar a bheith coibhéiseach leis an mhaoirseacht atá leagtha amach i ndlí an Aontais a dhéanann bainistiú ar an GC;
  - (ii) áirithítear go bhfuil dóthain comhair ann idir údaráis inniúla;
- (b) beidh siad seo a leanas go léir le fáil i réamheolaire an GC nó i ndoiciméad coibhéiseach:
  - (i) catagóirí na sócmhainní a bhfuil an GC údaraithe infheistíocht a dhéanamh iontu;
  - (ii) na teorainneacha coibhneasta agus na modheolaíochtaí chun iad a ríomh, más rud é go bhfuil feidhm ag teorainneacha infheistíochta;
- (c) tuairiscítear gnó an GC ar bhonn bliantúil ar a laghad ionas gur féidir measúnú a dhéanamh ar shócmhainní agus ar dhliteanais, agus ar ioncam agus ar oibríochtaí thar an tréimhse tuairiscithe.

Chun críocha phointe (a), féadfaidh an Coimisiún, trí ghníomhartha cur chun feidhme a úsáid, agus faoi réir an nós imeachta scrúdúcháin dá dtagraítear in Airteagal 464(2), cinneadh a ghlacadh maidir lena gcuirfidh tríú tír socruithe maoirseachta agus rialála i bhfeidhm atá cothrom ar a laghad leis na socruithe sin atá i bhfeidhm san Aontas. In éagmais cinnidh den sórt sin, féadfaidh institiúidí leanúint den láimhseáil atá leagtha amach sa mhír seo a chur i bhfeidhm, go dtí an 1 Eanáir 2015, maidir le risíochtaí i bhfoirm aonad nó scaireanna in GCanna ó thríú tíortha i gcás ina bhfuil an tríú tír sin faofa ag na húdaráis inniúla ábhartha mar thír atá incháilithe don láimhseáil sin roimh an 1 Eanáir 2014.

4. I gcás inarb eol don institiúid risíochtaí fholuiteacha an GC, féadfaidh sí na risíochtaí fholuiteacha sin a thrébhreathnú d'fhonn meánluach priacal a ríomh dá risíochtaí i bhfoirm aonad nó scaireanna sna GCanna i gcomhréir leis na modhanna atá leagtha amach sa Chaibidil seo. I gcás gur risíocht i bhfoirm aonad nó scaireanna in GC eile a chomhlíonann critéir mhír 3 í risíocht fholuiteach an GC, féadfaidh an institiúid risíochtaí fholuiteacha an GC eile sin a thrébhreathnú.

**▼B**

5. I gcás nach eol d'institiúid risíochtaí fholuiteacha an GC, féadfaidh sí meánluach priacal a ríomh dá risíochtaí i bhfoirm aonaid nó scaire sa GC i gcomhréir leis na modhanna atá leagtha amach sa Chaibidil seo faoi réir an bhoinn tuisceana go ndéanfaidh an GC infheistíocht ar dtús, go dtí an t-uasmhéid a cheadaítear faoina shainordú, sna risíochtaí a mheallann an ceanglas caipitil is airde, agus go leanann sé ansin ag déanamh infheistíochtaí in ord íslitheach go dtí go mbainfear amach an uasteorainn infheistíochta iomlán.

Féadfaidh institiúidí a bheith ag brath ar na tríú páirtithe seo a leanas chun ualú priacal a ríomh agus a thuairisciú maidir leis an GC, i gcomhréir leis na modhanna atá leagtha amach i mír 4 agus mír 5:

- (a) institiúid taisclainne nó institiúid taisclainne airgeadais an GC ar an gcoinníoll go ndéanann an GC infheistíocht eisiach in urrúis agus go ndéanann sé gach urrús a chur i dtaisce ag an institiúid taisclainne sin nó san institiúid airgeadais;
- (b) i gcás GCanna eile, cuideachta bhainistíochta an GC, ar choinníoll go gcomhlíonann cuideachta bhainistíochta an GC na critéir atá leagtha amach i bpointe (a) de mhír 3.

Deimhneoidh iniúchóir seachtrach cruinneas an ríofa dá dtagraítear sa chéad fhomhír.

**▼M8***Airteagal 132a***Cineálacha cur chuige chun na méideanna risíochta, ualaithe ó thaobh priacail, de GCanna a ríomh**

4. Ceapfaidh ÚBE dréachtchaighdeáin theicniúla rialála lena shonrú conas a dhéanfaidh institiúidí an méid risíochta atá ualaithe ó thaobh priacal dá dtagraítear i mír 2 a ríomh i gcás nach bhfuil fáil ar cheann amháin nó níos mó de na hionchuir is gá le haghaidh an ríomha sin.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Márta 2020.

Tarmligtear chuig an gCoimisiún an chumhacht chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

**▼B***Airteagal 133***Risíochtaí ar chothromas**

1. Measfar gur risíochtaí ar chothromas iad na risíochtaí seo a leanas:

- (a) risíochtaí ar neamhfhiachas a chuireann fo-éileamh iarmharach in iúl ar shócmhainní nó ar ioncam an eisitheora;
- (b) risíochtaí ar fhiachas agus urrúis eile, comhpháirtíochtaí, díorthaigh, nó uirlisí eile, a bhfuil a dtábhacht eacnamaíoch cosúil leis na risíochtaí atá sonraithe i bpointe (a).

2. Déanfar ualú priacal 100 % a shannadh do risíochtaí ar chothromas, mura gceanglaítear iad a asbhaint i gcomhréir le Cuid a Dó, ualú priacal 250 % a shannadh dóibh i gcomhréir le hAirteagal 48(4), ualú priacal 1,250 % i gcomhréir le hAirteagal 89(3) nó déanfar iad a láimhseáil mar ítimí a bhfuil priacal fíor-ard ag baint leo i gcomhréir le hAirteagal 128.

**▼B**

3. Déanfar infheistíochtaí in ionstraimí caipitil chothromais nó caipitil rialála arna n-eisiúint ag institiúidí a aicmiú mar éilimh iarmharacha, mura n-asbhaintear iad as cistí dílse nó má mheallann siad ualú priacal 250 % faoi Airteagal 48(4) nó má láimhseáiltear iad mar ítimí a bhfuil priacal fíor-ard ag baint leo i gcomhréir le hAirteagal 128.

*Airteagal 134***Ítimí eile****▼C2**

1. Déanfar ualú priacal 100 % a shannadh do shócmhainní inláimhsithe de réir bhrí ítim 10 faoin gceannteideal 'Sócmhainní' in Airteagal 4 de Threoir 86/635/CEE.

**▼B**

2. Déanfar ualú priacal 100 % a shannadh do réamhíocaíochtaí agus d'ioncam fabhráithe nach bhfuil institiúid ábalta an contrapháirtí a chinneadh ina leith i gcomhréir le Treoir 86/635/CEE.

3. Déanfar ualú priacal 20 % a shannadh d'ítimí airgid atá á gruinniú. Déanfar ualú priacal 0 % a shannadh d'airgead ar láimh agus d'ítimí airgid coibhéiseacha.

4. Déanfar ualú priacal 0 % a shannadh d'órbhuilleán arna shealbhú ina bhogthaí féin nó ar bhonn leithdháilte, sa mhéid is go bhfuil sé cumhdaithe ag dliteanais bhuillin.

5. I gcás comhaontuithe díolacháin agus athcheannaigh sócmhainne agus réamhcheannacháin glan amach, is é an t-ualú priacal a shannfar an t-ualú priacal sin a shannfar do na sócmhainní atá i gceist agus ní do na contrapháirtithe sna hidirbhearta.

**▼M5**

6. I gcás ina dtugann institiúid cosaint chreidmheasa do roinnt risíochtaí faoi réir an choinníll go spreagfaidh an n<sup>ú</sup> mainneachtain i measc na risíochtaí íocaíocht agus go ndéanfar an Conradh a fhoirceannadh leis an teagmhas creidmheasa sin, déanfar comhiomlánú ar na hualuithe priacail a áireofar sa bhascaed, agus risíochtaí n-1 á n-eisiamh, suas go huasmhéid<sup>1</sup> 1 250 % agus iolraithe faoi mhéid ainmniúil na cosanta arna soláthar ag an díorthach creidmheasa chun méid na risíochta a bheidh ualaithe ó thaobh priacail a fháil. Cinnfear na risíochtaí n-1 a bheidh le eisiamh ón gcomhiomlánú ar an mbonn go gcuimseoidh siad na risíochtaí sin a dtáirgeann gach ceann acu méid risíochta níos ísle atá ualaithe ó thaobh priacail ná an méid risíochta atá ualaithe ó thaobh priacail d'aon cheann de na risíochtaí atá áirithe sa chomhiomlánú.

**▼B**

7. Beidh luach na risíochta do léasanna cothrom leis na híocaíochtaí léasa iosta lascainithe. Is é a bheidh sna híocaíochtaí léasa iosta na híocaíochtaí thar an téarma léasa a cheanglaítear nó a cheanglófar ar an léasaí a dhéanamh agus aon céadrogha ar cheannach sladmhargaidh a bhfuil a fheidhmiú réasúnta cinnte. Féadfar a cheangal ar pháirtí seachas an léasaí íocaíocht a dhéanamh a bhaineann le luach iarmharach ar mhaoin léasaithe agus comhlíonann an oibleagáid íocaíochta sin an tsraith coinníollacha in Airteagal 201 maidir le hincháilitheacht soláthraithe cosanta chomh maith leis na ceanglais chun cineálacha eile ráthaíochtaí a aithint dá bhforáiltear in Airteagail 213 go 215, agus féadfar an oibleagáid íocaíochta sin a chur san áireamh mar chosaint

**▼B**

neamhchistithe creidmheasa faoi Chaibidil 4. Déanfar na risíochtaí sin a shannadh don aicme risíochta iomchuí i gcomhréir le hAirteagal 112. Nuair is luach iarmharach de shócmhainní léasaithe í an risíocht, déanfar na méideanna risíochta atá ualaithe ó thaobh priacal a ríomh mar seo a leanas:  $1/t * 100 \% * \text{an luach iarmharach}$ , i gcás ina bhfuil  $t$  ar an méid is airde idir 1 agus an líon is gaire de bhlianta iomlána atá fágtha sa léas.

## Roinn 3

**Measúnú priacal creidmheasa a aithint agus a mhapáil**

## Foroinn 1

**Imcsanna a aithint***Airteagal 135***Measúnuithe creidmheasa á n-úsáid ag IMCSanna**

1. Féadfar measúnú creidmheasa seachtrach a úsáid chun an t-ualú priacal a bheidh ar risíocht a chinneadh faoin gCaibidil seo ach amháin má d'eisigh IMCS é nó má tá sé formhuinithe ag IMCS i gcomhréir le Rialachán (CE) Uimh. 1060/2009.
2. Foilseoidh ÚBE liosta na IMCSanna ar a láithreán gréasáin i gcomhréir le hAirteagal 2(4) agus le hAirteagal 18(3) de Rialachán (CE) Uimh. 1060/2009.

## Foroinn 2

**Measúnaithe creidmheasa an imcs a mhapáil***Airteagal 136***Measúnuithe creidmheasa an IMCS a mhapáil**

1. Forbróidh ÚBE, UAPGE agus ÚEUM, tríd an gComhchoiste, dréachtchaighdeáin theicniúla cur chun feidhme le go sonrúfar maidir le gach IMCS cé na bearta cáilíochta creidmheasa atá leagtha amach i Roinn 2 lena gcomhfhreagraíonn measúnuithe creidmheasa ábhartha an IMCS ('mapáil'). Beidh na cinntí sin oibiachtúil agus comhsheasmhach.

Cuirfidh ÚBE, UAPGE agus ÚEUM na dréachtchaighdeáin theicniúla chur chun feidhme sin faoi bhráid an Choimisiúin faoin 1 Iúil 2014 agus cuirfidh sé dréachtchaighdeáin theicniúla cur chun feidhme athbheithnithe faoi bhráid an Choimisiúin más gá.

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010, de Rialachán (AE) Uimh. 1094/2010 agus de Rialachán (AE) Uimh. 1095/2010 faoi seach.

2. Nuair a bheidh mapáil na measúnuithe creidmheasa á cinneadh, comhlíonfaidh ÚBE, UAPGE agus ÚEUM na ceanglais seo a leanas:
  - (a) d'fhonn idirdhealú a dhéanamh idir na céimeanna coibhneasta priacal a dhéantar le gach measúnú creidmheasa, déanfaidh ÚBE, UAPGE agus ÚEUM fachtóirí cainníochtúla a mheas amhail an ráta mainneachtana fadtéarmach a bhaineann le gach ítim a sanntar an measúnú creidmheasa céanna orthu. I gcás IMCSanna a bunaidh le

**▼B**

déanaí agus i gcás na IMCSanna sin nár thiomsaigh ach taifead gearr de shonraí mainneachtana, fiafróidh ÚBE, UAPGE agus ÚEUM den IMCS cad a chreideann sé an ráta mainneachtana fadtéarmach a bhaineann le gach ítim ar a sanntar an measúnú creidmheasa céanna a bheith;

- (b) d'fhonn idirdhealú a dhéanamh idir na céimeanna coibhneasta priacal arna sloinneadh ag gach measúnú creidmheasa, déanfaidh ÚBE, UAPGE agus ÚEUM fachtóirí cailíochtúla a mheas amhail an comhthiomsú eisitheoirí arna chumhdach ag an IMCS, raon na measúnuithe creidmheasa arna sannadh ag an IMCS, an bhrí atá le gach measúnú creidmheasa agus an sainmhíniú a thugann an IMCS ar mhainneachtain;
- (c) cuirfidh ÚBE, UAPGE agus ÚEUM na rátaí mainneachtana a bhí mar thoradh ar gach measúnú creidmheasa IMCS áirithe i gcomparáid le tagarmharc atá tógtha ar bhonn na rátaí mainneachtana a bhí mar thoradh ag IMCSanna eile maidir le líon eisitheoirí a léiríonn leibhéal coibhéiseach priacal creidmheasa;
- (d) i gcás ina bhfuil na rátaí mainneachtana a bhí mar thoradh ar mheasúnú creidmheasa IMCS áirithe níos airde ar bhonn ábhartha agus ar bhonn córasach ná an tagarmharc, déanfaidh ÚBE, UAPGE agus ÚEUM céim cáilíochta creidmheasa níos airde sa scála measúnaithe cáilíochta creidmheasa a shannadh do mheasúnú creidmheasa an IMCS;
- (e) i gcás ina bhfuil an t-ualú priacal gaolmhar ardaithe ag ÚBE, ag UAPGE agus ag ÚEUM do mheasúnú creidmheasa sonrath IMCS áirithe, agus i gcás nach bhfuil na rátaí mainneachtana a bhí mar thoradh ar mheasúnú creidmheasa an IMCS sin níos airde a thuilleadh ar bhonn ábhartha agus ar bhonn córasach ná an tagarmharc, féadfaidh ÚBE, UAPGE agus ÚEUM an chéim cáilíochta creidmheasa bhunaidh a chur ar ais sa scála measúnaithe cáilíochta creidmheasa do mheasúnú creidmheasa an IMCS.

3. Forbróidh ÚBE, UAPGE agus ÚEUM dréachtchaighdeáin theicniúla cur chun feidhme chun na fachtóirí cainníochtúla dá dtagraítear i bpointe (a), na fachtóirí cailíochtúla dá dtagraítear i bpointe (b) agus an tagarmharc dá dtagraítear i bpointe (c) de mhír 2 a shonrú.

Cuirfidh ÚBE, UAPGE agus ÚEUM na dréachtchaighdeáin theicniúla cur chun feidhme sin faoi bhráid na Choimisiúin faoin 1 Iúil 2014.

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010, de Rialachán (AE) Uimh. 1094/2010 agus de Rialachán (AE) Uimh. 1095/2010 faoi seach.

### F o r o i n n 3

#### **M e a s ú n u i t h e   c r e i d m h e a s a   ó   g h n í o m h a i r e a c h t a í c r e i d m h e a s a   o n n m h a i r i ú c h á i n   a   ú s á i d**

#### *Airteagal 137*

#### **M e a s ú n u i t h e   c r e i d m h e a s a   ó   G h n í o m h a i r e a c h t a í   C r e i d m h e a s a O n n m h a i r i ú c h á i n   a   ú s á i d**

1. Chun críocha Airteagal 114, féadfaidh institiúidí measúnuithe creidmheasa ó Ghníomhaireacht Chreidmheasa Onnmhairiúcháin a d'ainmnigh an institiúid a úsáid, má chomhlíontar na coinníollacha seo a leanas:

**▼B**

- (a) is scór priacal na coitiantachta é ó Ghníomhaireachtaí Creidmheasa Onnmhairiúcháin atá rannpháirteach sa 'Socrú maidir le Treoirlínte do Chreidmheasanna Onnmhairiúcháin a Fhaigheann Tacaíocht Oifigiúil' de chuid an ECFE;
- (b) foilsíonn an Ghníomhaireacht Chreidmheasa Onnmhairiúcháin a measúnuithe creidmheasa, agus glacann an Ghníomhaireacht Chreidmheasa Onnmhairiúcháin le modheolaíocht chomhaontaithe an ECFE, agus tá baint ag an measúnú creidmheasa le ceann de na hocht íosphréimheanna árachais onnmhairiúcháin a bhunaítear le modheolaíocht chomhaontaithe an ECFE. Féadfaidh institiúid a hainmniúchán de Ghníomhaireacht Chreidmheasa Onnmhairiúcháin a chúlghairm. Tabharfaidh institiúid bunús leis an gcúlghairm sin má tá tásca nithiúla ann gurb é atá mar aidhm bhunúsach aici na ceanglais maidir le leordhóthanacht chaipitil a laghdú.

2. I gcás risíochtaí a n-aithnítear measúnú creidmheasa ó Ghníomhaireacht Chreidmheasa Onnmhairiúcháin ina leith chun críocha ualaithe priacal, déanfar ualú priacal a shannadh dóibh i gcomhréir le Tábla 9.

*Tábla 9*

MEIP	0	1	2	3	4	5	6	7
Ualú priacal	0 %	0 %	20 %	50 %	100 %	100 %	100 %	150 %

Roinn 4

**Measúnuithe creidmheasa an imcs a úsáid chun ualú priacal a chinneadh**

*Airteagal 138*

**Ceanglais ghinearálta**

Féadfaidh institiúid IMCS amháin nó níos mó a ainmniú a úsáidfear chun ualú priacal a bheidh le sannadh d'ítimí sócmhainne agus d'ítimí lasmuigh den chlár comhardaithe a chinneadh. Féadfaidh institiúid a hainmniúchán de Ghníomhaireacht Chreidmheasa Onnmhairiúcháin a chúlghairm. Tabharfaidh institiúid bunús leis an gcúlghairm sin má tá tásca nithiúla ann gurb é atá mar aidhm bhunúsach aici na ceanglais maidir le leordhóthanacht chaipitil a laghdú. Ní úsáidfear na measúnuithe creidmheasa ar bhonn roghnaitheach. Úsáidfídh institiúid measúnuithe creidmheasa atá iarrtha. Ní fhéadfaidh sí measúnuithe creidmheasa gan iarraidh a úsáid, áfach, ach amháin má tá sé deimhnithe ag ÚBE nach bhfuil difríocht ó thaobh cáilíochta idir measúnuithe creidmheasa gan iarraidh de IMCS agus measúnuithe creidmheasa den IMCS sin atá iarrtha. Diúltóidh ÚBE nó cúlghairfidh sé an deimhniú sin go háirithe má tá measúnú creidmheasa gan iarraidh úsáidte ag an IMCS chun brú a chur ar an eintiteas rátáilte ord a chur isteach le haghaidh measúnaithe creidmheasa nó seirbhísí eile. Agus measúnú creidmheasa á úsáid, comhlíonfaidh institiúidí na ceanglais seo a leanas:

- (a) maidir le hinstitiúid a chinneadh na measúnuithe creidmheasa arna ndéanamh ag IMCS a úsáid d'aicme áirithe ítimí, úsáidfídh sí na measúnuithe creidmheasa sin ar bhonn comhsheasmhach maidir leis na risíochtaí go léir atá san aicme sin;
- (b) maidir le hinstitiúid a chinneadh na measúnuithe creidmheasa arna ndéanamh ag IMCS a úsáid, úsáidfídh sí iad ar bhealach leanúnach agus comhsheasmhach le himeacht ama;

**▼B**

- (c) ní úsáidfidh institiúid ach measúnuithe creidmheasa de chuid IMCS ina gcuirtear san áireamh na méideanna go léir, i bhfoirm príomhshuime agus úis, atá dlite di;
- (d) i gcás nach bhfuil ach measúnú creidmheasa amháin ar fáil ó IMCS ainmnithe a bhaineann le hítim rátáilte, úsáidfear an measúnú creidmheasa sin chun an t-ualú priacal don ítim sin a chinneadh;
- (e) i gcás ina bhfuil dhá mheasúnú creidmheasa ar fáil ó IMCSanna ainmnithe agus go gcomhfhreagraíonn an dá cheann d'ualú priacal éagsúil le haghaidh ítime rátáilte, déanfar an t-ualú priacal is airde a shannadh;
- (f) i gcás ina bhfuil níos mó ná dhá mheasúnú creidmheasa ar fáil ó IMCSanna ainmnithe a bhaineann le hítim rátáilte, tagrófar don dá mheasúnú a ghineann an dá ualú priacal is ísle. Má tá an dá ualú priacal is ísle éagsúil, déanfar an t-ualú priacal is airde díobh a shannadh. Más ionann an dá ualú priacal is ísle, déanfar an t-ualú priacal sin a shannadh.

*Airteagal 139***Measúnú creidmheasa an eisitheora agus na heisiúna**

1. I gcás ina bhfuil measúnú creidmheasa ann a bhaineann le clár sonrach nó le saoráid shonrach eisiúna ar leis nó léi an ítim arb í an risíocht í, úsáidfear an measúnú creidmheasa sin chun an t-ualú priacal a shannfar don ítim sin a chinneadh.
2. I gcás nach bhfuil aon mheasúnú creidmheasa atá infheidhme go díreach ann a bhaineann le hítim áirithe, ach go bhfuil measúnú creidmheasa ann a bhaineann le clár sonrach nó le saoráid shonrach eisiúna nach leis nó léi an ítim arb í an risíocht í nó go bhfuil measúnú ginearálta creidmheasa ann a bhaineann leis an eisitheoir, úsáidfear an measúnú creidmheasa sin i gceachtar de na cásanna seo a leanas:
  - (a) léiríonn sé ualú priacal níos airde ná mar a bheadh amhlaidh thairis sin agus rangáitear an risíocht atá i gceist ar chomhchéim nó ar chéim níos sóisearaí i ngach cás i gcomparáid leis an gelár sonrach nó leis an tsaoráid shonrach eisiúna nó le risíochtaí neamhurráithe sinsearacha an eisitheora sin, de réir mar is iomchuí;
  - (b) léiríonn sé ualú priacal níos ísle agus rangáitear an risíocht atá i gceist ar chomhchéim nó ar chéim níos sinsearaí i ngach cás i gcomparáid leis an gelár sonrach nó leis an tsaoráid shonrach eisiúna nó le risíochtaí neamhurráithe sinsearacha an eisitheora sin, de réir mar is iomchuí.

I ngach cás eile, láimhseálfar an risíocht mar risíocht gan rátáil.

3. Níl sé i gceist le mír 1 agus mír 2 cur chun feidhme Airteagal 129 a chosc.
4. Ní féidir measúnuithe creidmheasa a bhaineann le heisitheoirí laistigh de ghrúpa corparáideach a úsáid mar mheasúnú creidmheasa ar eisitheoir eile laistigh den ghrúpa corparáideach céanna.



*Airteagal 140*

**Measúnuithe creidmheasa fadtéarmacha agus gearrthéarmacha**

1. Ní fhéadfar measúnuithe creidmheasa gearrthéarmacha a úsáid ach le haghaidh ítimí sócmhainne gearrthearmaí agus ítimí lasmuigh den chlár comhardaithe ar risíochtaí ar institiúidí agus ar chorparáidí iad.
2. Ní bheidh feidhm ag aon mheasúnú creidmheasa gearrthéarmach ach amháin maidir leis an ítim a dtagraíonn an measúnú creidmheasa gearrthéarmach dó, agus ní úsáidfeadh é chun ualú priacal a dhíorthú maidir le hítim eile, cé is moite de na cásanna seo a leanas:
  - (a) má dhéantar ualú priacal 150 % a shannadh do shaoráid rátáilte ghearrthéarmach, déanfar ualú priacal 150 % a shannadh freisin do gach risíocht neamhurráithe gan rátáil maidir leis an oibleagáideoir sin, bíodh siad gearrthéarmach nó fadtéarmach;
  - (b) má dhéantar ualú priacal 50 % a shannadh do shaoráid rátáilte ghearrthéarmach, ní dhéanfar ualú priacal níos ísle ná 100 % a shannadh d'aon risíocht ghearrthéarmach gan rátáil.

*Airteagal 141*

**Ítimí airgeadra intíre agus eachtraigh**

Ní féidir measúnú creidmheasa a thagraíonn d'ítim atá ainmnithe in airgeadra intíre an oibleagáideora a úsáid chun ualú priacal a dhíorthú do risíocht eile maidir leis an oibleagáideoir céanna sin atá ainmnithe in airgeadra eachtrach.

Nuair a thagann risíocht chun cinn trí rannpháirtíocht institiúide in iasacht arna shíneadh ag banc forbartha iltaobhach a n-aithnítear a stádas mar chreidiúnaí tosaíochta sa mhargadh, féadfar an measúnú creidmheasa ar ítim airgeadra intíre an oibleagáideora a úsáid ar mhaithe le hualú ó thaobh priacal a dhéanamh.

*CAIBIDIL 3*

***Cur Chuige Bunaithe ar Rátálacha Inmheánacha***

**Roinn 1**

**Cead ó údaráis inniúla an cur chuige irb a úsáid**

*Airteagal 142*

**Sainmhínithe**

1. Chun críocha na Coda seo, beidh feidhm ag na sainmhínithe seo a leanas:
  - (1) ciallaíonn 'córas rátála' gach modh, próiseas, rialuithe, córas bailiúcháin sonraí agus TF a thacaíonn le priacal creidmheasa a mheasúnú, risíochtaí a shannadh do ghráid nó do chomhthiomsuithe rátála, agus meastacháin ar mhainneachtain agus ar chailleanais a forbraíodh le haghaidh cineálacha áirithe risíochtaí a chainníochtú;



**▼B**

- (2) ciallaíonn cineál risíochtaí' grúpa risíochtaí arna mbainistiú go haonchineálach agus atá foirmithe ag cineál áirithe saoráidí agus a fhéadfaidh a bheith teoranta d'eintiteas amháin nó d'fho-fhoireann aonair eintiteas laistigh de ghrúpa ar an gcoinníoll go ndéantar bainistiú éagsúil ar an gcineál céanna risíochtaí in eintitis eile den ghrúpa;
- (3) ciallaíonn 'aonad gnó' aon eintiteas eagraíochtúil nó dlíthiúil faoi leith, réimeanna gnó, suímh thíreolaíocha

**▼C2**

- (4) ciallaíonn 'mór-eintiteas earnála airgeadais' aon eintiteas earnála airgeadais a chomhlíonann na coinníollacha seo a leanas:

**▼B**

- (a) ar mó ná, nó cothrom leis, an tairseach EUR 70 billiún iomlán a chuid sócmhainní, a ríomhtar ar bhonn aonair nó ar bhonn comhdhlúite, agus leas á bhaint as an ráiteas airgeadais iniúchta is déanaí nó as an ráiteas airgeadais chomhdhlúite d'fhonn méid na sócmhainne a chinneadh; agus
- (b) tá an t-eintiteas féin nó ceann dá fhochuideachtaí faoi réir rialála stuamachta san Aontas nó faoi réir dlíthe tríú tíre a chuireann ceanglais faireacháin agus rialála stuamachta i bhfeidhm, a bheidh coibhéiseach ar a laghad leo siúd a chuirtear i bhfeidhm san Aontas;
- C2 (5) ciallaíonn 'eintiteas earnála airgeadais neamhrialáilte' aon eintiteas eile nach eintiteas earnála airgeadais rialáilte é ◀ ach a dhéanann, mar phríomhghnó dá chuid, ceann nó níos mó de na gníomhaíochtaí atá liostaithe in Iarscríbhinn I a ghabhann le Treoir 2013/36/AE nó atá liostaithe in Iarscríbhinn I a ghabhann le Treoir 2004/39/CE;
- (6) ciallaíonn 'grád oibleagáideora catagóir priacal laistigh de scála rátála oibleagáideora de chóras rátála, a sanntar d'oibleagáideoirí ar bhonn sraith critéar rátála sonracha agus sainiúil, óna ndíorthaítear meastacháin ar dhóchúlacht mainneachtana (PD);
- (7) ciallaíonn 'grád saoráide' catagóir priacal laistigh den scála saoráide atá ag córas rátála, a sanntar risíochtaí dó ar bhonn sraith critéar rátála sonracha agus sainiúil, óna ndíorthaítear meastacháin dhílse ar LGDanna.

**▼M5****▼B**

2. Chun críocha mhír 1(4)(b) den Airteagal seo, féadfaidh an Coimisiún, trí ghníomhartha cur chun feidhme a úsáid, agus faoi réir an nós imeachta scrúdúcháin dá dtagraítear in Airteagal 447(2), cinneadh a ghlacadh maidir lena gcuirfidh tríú tír socrúithe maoirseachta agus rialála i bhfeidhm atá cothrom ar a laghad leis na socrúithe sin atá i bhfeidhm san Aontas. In éagmais cinnidh den sórt sin, go dtí an 1 Eanáir 2014, féadfaidh institiúidí an láimhseáil atá leagtha amach sa mhír sin a chur i bhfeidhm maidir le tríú tír i gcás ina bhfuil an tríú tír sin faofa ag na húdaráis inniúla iomchuí mar thír atá incháilithe don láimhseáil sin roimh an 1 Eanáir 2014.

*Airteagal 143***Cead chun an Cur Chuige IRB a úsáid**

1. I gcás ina gcomhlíontar na coinníollacha atá leagtha amach sa Chaibidil seo, tabharfaidh an t-údarás inniúil cead d'institiúidí an Cur Chuige Inmheánach Bunaithe ar Rátálacha (dá ngairtear 'Cur Chuige IRB' anseo feasta) a úsáid chun a gcuid méideanna risíochta atá ualaithe ó thaobh priacal a ríomh.

**▼B**

2. Beidh gá cead a iarraidh roimh ré chun an Cur Chuige IRB a úsáid, lena n-áirítear a meastacháin féin ar LGDanna agus beidh gá le fachtóirí coinbhéartachta do gach aicme risíochta agus do gach córas rátála, modhanna na samhla inmheánaí i dtaca le risíochtaí ar chothromas agus do gach cur chuige maidir le meastachán a thabhairt ar LGDanna agus ar fhachtóirí coinbhéartachta.

3. Gheobhaidh institiúidí cead na n-údarás inniúil dóibh seo a leanas roimh ré:

- (a) athruithe ábharacha ar raon feidhme córais rátála nó mhodh na samhla inmheánacha maidir le risíochtaí ar chothromas a bhfuair an institiúid cead a úsáid;
- (b) athruithe ábhartha ar chóras rátála nó ar mhodh na samhla inmheánacha maidir le risíochtaí ar chothromas a bhfuair an institiúid cead a úsáid.

Beidh raon feidhme córais rátála comhdhéanta de na risíochtaí go léir den cineál ábhartha risíochta ar forbraíodh an córas rátála sin lena aghaidh.

4. Tabharfaidh institiúidí fógra do na húdaráis inniúla maidir le gach athrú ar na córais rátála agus ar chineálacha modhanna na samhla inmheánacha maidir le risíochtaí ar chothromas.

5. Forbróidh ÚBE dréachtchaighdeáin theicniúla rialála chun na coin-níollacha a shonrú chun measúnú a dhéanamh ar ábharthacht úsáid córais rátála atá ann cheana féin le haghaidh risíochtaí breise eile nach bhfuil cumhdaithe cheana faoin gcóras rátála sin agus athruithe ar chórais rátála nó ar bhealaí cur chuige na samhla inmheánacha maidir le risíochtaí ar chothromas faoin gCur Chuige IRB.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2013.

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 144***Measúnú na n-údarás inniúil ar iarratas chun an Cur Chuige IRB a úsáid**

1. Ní thabharfaidh an t-údarás inniúil cead d'institiúid, de bhun Airteagal 143, an Cur Chuige IRB a úsáid, lena n-áirítear a meastacháin féin ar LGD agus fachtóirí coinbhéartachta a úsáid, ach amháin má tá an t-údarás inniúil sásta gur comhlíonadh na ceanglais atá leagtha síos sa Chaibidil seo, go háirithe na ceanglais sin a leagadh síos i Roinn 6, agus go bhfuil córais na hinstiúide chun risíochtaí ar priacal creidmheasa a bhainistiú agus a rátáil fóna agus curtha chun feidhme ina n-iomláine agus, go háirithe, gur léirigh an institiúid chun sástachta an údarás inniúil gur comhlíonadh na caighdeáin seo a leanas:

- (a) tugann córais rátála na hinstiúide deis measúnú fóinteach a dhéanamh ar thréithe an oibleagáideora agus na n-idirbheart, idirdhealú fóinteach a dhéanamh ar priacal agus meastacháin bheachta agus chomhsheasmhacha chainníochtúla a dhéanamh ar priacal;

**▼B**

- (b) tá rátálacha inmheánacha agus meastacháin ar mhainneachtain agus ar chailleanas, a úsáidtear chun ceanglais cistí dílse agus córais agus próisis ghaolmhara a ríomh, fíor-riachtanach don phróiseas bainistíochta priacal agus cinnteoireachta, agus d'fheidhmeanna na hinstitiúide a bhaineann le formheas creidmheasa, leithdháileadh caipitil inmheánaigh agus rialachas corparáideach;
- (c) tá aonad rialaithe priacal creidmheasa san institiúid atá freagrach as córais rátála na hinstitiúide agus atá neamhspleách go hiomchuí agus saor ó thionchar míchuí;
- (d) bailíonn agus stóráil an institiúid na sonraí ábhartha go léir chun tacaíocht éifeachtach a thabhairt dá próiseas chun priacal creidmheasa a thomhas agus a bhainistiú;
- (e) déanann an institiúid doiciméadú ar a córais rátála agus ar an réasúnaíocht a bhaineann lena ndearadh agus déanann sí bailíochtú ar a córais rátála;
- (f) rinne an institiúid bailíochtú ar gach córas rátála agus ar gach modh na samhlacha inmheánacha i gcás risíochtaí ar chothromas i dtréimhse ama iomchuí sula bhfaighidh sí cead an córas rátála sin nó modh na samhlacha inmheánacha a úsáid i gcás risíochtaí ar chothromas, rinne sí measúnú le linn na tréimhse sin féachaint an oireann an córas rátála nó modhanna na samhlacha inmheánacha i gcás risíochtaí ar chothromas do raon feidhme an chórais rátála nó modha na samhlacha inmheánacha i gcás risíochtaí ar chothromas, agus, bunaithe ar an measúnú a rinne sí, rinne sí athruithe is gá ar na córais rátála sin nó ar mhodhanna sin na samhlacha inmheánacha i gcás risíochtaí ar chothromas;
- (g) rinne an institiúid na ceanglais cistí dílse a thig óna cuid meastachán ar pharaiméadair priacal a ríomh faoin gCur Chuige IRB agus tá sí in ann an tuairisciú a cheanglaítear le hAirteagal 99 a chur isteach;
- (h) tá an institiúid tar éis gach risíocht a shannadh, agus leanfaidh sé den sannadh sin, i réimse chur i bhfeidhm córais rátála maidir le grád rátála nó comhthiomsú an chórais rátála seo; tá an institiúid tar éis gach risíocht a shannadh agus leanfaidh sé den sannadh sin i réimse chur i bhfeidhm an chur chuige do risíochtaí cothromais maidir le cur chuige na samhlacha inmheánacha seo.

Tá feidhm freisin leis na ceanglais chun an Cur Chuige IRB a úsáid, lena n-áirítear a meastacháin féin ar LGD agus fachtóirí coinbhéartachta, i gcás inar chuir institiúid córas rátála, nó samhail arna húsáid laistigh de chóras rátála, a cheannaigh sí ó dhíoltóir tríú-páirtí, i bhfeidhm.

2. Forbróidh an ÚBE dréachtchaighdeáin theicniúla rialála chun an mhodheolaíocht mheasúnaithe a shonrú a mbeidh ar na údarais inniúla a leanúint chun measúnú a dhéanamh féachaint ar chomhlíon institiúid na ceanglais chun an Cur Chuige IRB a úsáid.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2014.

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.



#### *Airteagal 145*

##### **Taithí roimhe seo maidir le cur chuige IRB a úsáid**

1. Institiúid a dhéanfaidh iarratas ar an gCur Chuige IRB a úsáid, beidh córais rátála i gcás na n-aicmí risíochta IRB atá i gceist in úsáid aici cheana féin a bhí i gcomhréir tríd is tríd leis na ceanglais atá leagtha amach i Roinn 6 ar mhaithe le príocal inmheánach a thomhas agus a bhainistiú ar feadh trí bliana ar a laghad sular cháiligh sí chun an Cur Chuige IRB a úsáid.

2. Institiúid a dhéanfaidh iarratas ar a meastacháin féin ar LGDanna agus fachtóirí coinbhéartachta a úsáid, léireoidh sí chun sástachta na n-údarás inniúil go raibh sí i mbun a cuid meastachán féin ar LGDanna agus fachtóirí coinbhéartachta a mheas agus a úsáid ar bhealach a bhí comhsheasmhach tríd is tríd leis na ceanglais maidir le meastacháin féin na bparaiméadar sin atá leagtha amach i Roinn 6 a úsáid le trí bliana ar a laghad sular cháiligh sí chun a meastacháin féin ar LGDanna agus fachtóirí coinbhéartachta a úsáid.

3. I gcás ina sínfidh an institiúid úsáid an Chur Chuige IRB i ndiaidh an chéad chead a bheith faighte aici, is leor taithí na hinstitiúide chun ceanglais mhír 1 agus mhír 2 a chomhlíonadh maidir leis na risíochtaí breise a chumhdaítear. Má shíntear úsáid na gcóras rátála chuig risíochtaí atá an-éagsúil ó raon feidhme an chumhdaigh atá ann cheana, amhail is nach féidir glacadh leis go réasúnach gur leor í an taithí chun ceanglais na bhforálacha seo maidir leis na risíochtaí breise a chomhlíonadh, beidh feidhm ar leithligh ag ceanglais mhír 1 agus mhír 2 maidir leis na risíochtaí breise.

#### *Airteagal 146*

##### **Bearta a ghlacfar i gcás ina scoirfear de bheith ag comhlíonadh ceanglais na Caibidle seo**

I gcás ina scoireann institiúid de chomhlíonadh na gceanglas atá leagtha amach sa Roinn seo, tabharfaidh sí fógra don údarás inniúil agus déanfaidh sí ceann de na nithe seo a leanas:

- (a) tiolacfaidh sí plan chun sástacht an údaráis inniúil ionas go gcomhlíonfar na ceanglais arís go tráthúil agus bainfidh sí amach an plan sin laistigh de thréimhse ama a chomhaontóidh an t-údarás inniúil;
- (b) taispeánfaidh sí chun sástachta an údaráis inniúil go bhfuil éifeacht an neamhchomhlíonta neamhábhartha.

#### *Airteagal 147*

##### **Modheolaíocht chun risíocht a shannadh d'aicmí risíochta**

1. Beidh an mhodheolaíocht a úsáidfídh an institiúid chun risíochtaí a shannadh d'aicmí risíochta éagsúla iomchuí agus comhsheasmhach le himeacht ama.

2. Déanfar gach risíocht a shannadh do cheann de na haicmí risíochta seo a leanas:

- (a) risíochtaí ar rialtais láir agus ar bhainc cheannais;

**▼B**

- (b) risíochtaí ar institiúidí;
  - (c) risíochtaí ar chorparáidí;
  - (d) risíochtaí ar mhiondíol;
  - (e) risíochtaí ar chothromas;
  - (f) ítimí atá in ionannas le suímh urrúisithe;
  - (g) sócmhainní eile oibleagáide neamhchreidmheasa.
3. Déanfar na risíochtaí seo a leanas a shannadh don aicme atá leagtha amach i bpointe (a) de mhír 2:
- (a) risíochtaí ar rialtais réigiúnacha, ar údaráis áitiúla nó ar eintitis san earnáil phoiblí a láimhseáiltear mar risíochtaí ar rialtais láir faoi Airteagal 115 agus Airteagal 116.
  - (b) risíochtaí ar bhainc forbartha iltaobhacha dá dtagraítear in Airteagal 117(2);
  - (c) risíochtaí ar Eagraíochtaí Idirnáisiúnta, dá dtagraítear in Airteagal 118, a mheallann ualú priacal 0 % faoi na hAirteagail sin.
4. Déanfar na risíochtaí seo a leanas a shannadh don aicme atá leagtha amach i bpointe (b) de mhír 2:
- (a) risíochtaí ar rialtais réigiúnacha agus ar údaráis áitiúla nach láimhseáiltear mar risíochtaí ar rialtais láir i gcomhréir le hAirteagal 115(2) agus (4);
  - (b) risíochtaí ar Eintitis san Earnáil Phoiblí nach láimhseáiltear mar risíochtaí ar rialtais láir i gcomhréir le hAirteagal 116(4);
  - (c) risíochtaí ar bhainc forbartha iltaobhacha nach sanntar ualú priacal 0 % dóibh faoi Airteagal 117; agus
  - (d) risíochtaí ar institiúidí airgeadais a láimhseáiltear mar risíochtaí ar institiúidí i gcomhréir le hAirteagal 119(5).
5. Le bheith incháilithe d'aicme na risíochtaí ar mhiondíol atá leagtha amach i bpointe (d) de mhír 2, comhlíonfaidh risíochtaí na critéir seo a leanas:
- (a) beidh ceann díobh seo a leanas i gceist leo:
    - (i) risíochtaí ar dhuine nádúrtha amháin nó níos mó;
    - (ii) risíochtaí ar FBM, ar an gcoinníoll sa chás sin nach sáróidh an méid iomlán a bheidh dlite don institiúid agus do na máthairgh-nóthais agus a fochuideachtaí, lena n-áirítear aon risíocht atá thar téarma, ag an oibleagáideoir cliant nó ag an ngrúpa cliant nasctha, gan risíochtaí atá urraithe ar chomhthaobhacht a bhaineann le maoin chónaithe a áireamh, a mhéid is feasach don institiúid, a rinne bearta réasúnta chun an cás a dheimhniú, EUR 1 milliún;

**▼B**

- (b) déanann an institiúid iad a láimhseáil sa bhainistíocht priacal a bhíonn ar bun aici agus déantar é sin go comhsheasmhach le himeacht ama agus ar bhealach dá samhail;
- (c) ní dhéantar bainistiú orthu chomh haonair is a dhéantar ar risíochtaí in aicme na risíochtaí ar chorparáidí;
- (d) tá gach ceann in ionannas le ceann as líon suntasach risíochtaí a bhainistítear ar an gcaoi chéanna.

Anuas ar na risíochtaí atá liostaithe sa chéad fhomhír, áireofar luach láithreach na n-íocaíochtaí léasa íosta ar mhiondíol in aicme na risíochtaí ar mhiondíol.

6. Déanfar na risíochtaí seo a leanas a shannadh d'aicme na risíochtaí ar chothromas atá leagtha amach i bpointe (e) de mhír 2;

- (a) risíochtaí ar neamhfhiachas a chuireann fo-éileamh iarmharach in iúl ar shócmhainní nó ar ioncam an eisitheora;
- (b) risíochtaí ar fhiachas agus urrúis eile, comhpháirtíochtaí, díorthaigh, nó uirlisí eile, a bhfuil a dtábhacht eacnamaíoch cosúil leis na risíochtaí atá sonraithe i bpointe (a).

7. Maidir le haon hoibleagáid chreidmheasa nach bhfuil sannta do na haicmí risíochta atá leagtha amach i bpointí (a), (b), (d), (e) agus (f) de mhír 2, déanfar iad a shannadh d'aicme na risíochtaí ar chorparáidí dá dtagraítear i bpointe (c) den mhír sin.

8. Laistigh d'aicme na risíochtaí ar chorparáidí atá leagtha amach i bpointe (c) de mhír 2, déanfaidh institiúidí risíochtaí a bhfuil na tréithe seo a leanas acu a aithint ar leithligh mar risíochtaí ar iasachtú speisialaithe:

- (a) is risíocht ar eintiteas a cruthaíodh go sonrach chun sócmhainní fisiciúla a mhaoiniú nó a oibriú atá i gceist nó is risíocht í atá inchomparáide go heacnamaíoch;
- (b) tugann na socrúithe conarthacha roinnt mhaith rialaithe don iasachtóir ar na sócmhainní agus ar an ioncam a ghintear leo;
- (c) is é príomhfhoinsé aisiocaíochta na hoibleagáide an t-ioncam a ghintear leis na sócmhainní a bheith maoinithe, seachas an cumas neamhspleách atá ag fiontar tráchtála níos leithne.

9. Déanfar luach iarmharach na maoine léasaithe a shannadh don aicme risíochta atá leagtha amach i bpointe (g) de mhír 2, cé is moite a mhéid is atá luach iarmharach ar áireamh cheana féin sa risíocht ar léas atá leagtha amach in Airteagal 166(4).

10. Déanfar an risíocht ar chosaint a sholáthar faoin díorthach creidmheasa bascaeid don n-ú mainneachtain a shannadh don aicme chéanna a leagtar síos i mír 2, a shannfaí na risíochtaí sa bhascaed dóibh, ach amháin dá sannfaí na risíochtaí aonair sa bhascaed d'aicmí áirithe risíochtaí agus go sannfaí an risíocht sa chás sin do na haicmí risíochta corparáidí a leagtar síos i bpointe (c) de mhír 2.



*Airteagal 148*

**Coinníollacha maidir leis an gCur Chuige IRB a chur chun feidhme thar aicmí éagsúla risíochta agus aonad gnó**

1. Cuirfidh institiúidí agus aon mháthairghnóthas agus a fochuideachtaí an Cur Chuige IRB chun feidhme maidir le gach risíocht, mura bhfuair siad cead ó na húdaráis inniúla an Cur Chuige Caighdeánaithe a úsáid go buan i gcomhréir le hAirteagal 150.

Faoi réir réamhchead na n-údarás inniúil, féadfar an cur chun feidhme a dhéanamh go seicheamhach feadh na n-aicmí éagsúla risíochta, dá dtagraítear in Airteagal 147, laistigh den aonad gnó céanna, feadh aonad éagsúil gnó sa ghrúpa céanna nó ar mhaithe lena meastacháin féin ar LGDanna nó factóirí coinbhéartachta a úsáid chun ualaí priacal a ríomh le haghaidh risíochtaí ar chorparáidí, risíochtaí ar institiúidí, agus ar rialtais láir agus ar bhainc cheannais.

I gcás aicme na risíochtaí ar mhiondíol dá dtagraítear in Airteagal 147(5), féadfar an cur chun feidhme a dhéanamh go seicheamhach feadh na gcatagóirí risíochtaí lena gcomhfhreagraíonn an comhghaol éagsúil in Airteagal 154.

2. Cinnfidh na húdaráis inniúla an tréimhse ama a cheanglófar ar institiúid agus ar aon mháthairghnóthas agus a fochuideachtaí an Cur Chuige IRB a chur chun feidhme maidir le gach risíocht. Beidh an tréimhse ama seo ar cheann a mheasann na húdaráis inniúla gur tréimhse iomchuí í ar bhonn chineál agus scála ghníomhaíochtaí na n-institiúidí, nó aon mháthairghnóthas agus a fochuideachtaí, agus líon agus chineál na gcóras rátála a chuirfear chun feidhme.

3. Déanfaidh institiúidí an Cur Chuige IRB a chur chun feidhme de réir na gcoinníollacha arna gcinneadh ag na húdaráis inniúla. Leagfaidh an t-údarás inniúil amach na coinníollacha sin amhail is go n-áirithíonn siad nach n-úsáidfear go roghnaitheach an tsolúbthacht faoi mhír 1 ar mhaithe le ceanglais cistí dílse laghdaithe a bhaint amach maidir leis na haicmí risíochta sin nó na haonaid ghnó atá le cur san áireamh fós sa Chur Chuige IRB nó chun a meastacháin féin ar LGDanna agus factóirí coinbhéartachta a úsáid.

4. Institiúidí a thosaigh ag úsáid an Cur Chuige IRB tar éis an 1 Eanáir 2013 amháin nó institiúidí a cheanglaíonn na húdaráis inniúla orthu a bheith in ann a gceanglais chapitil a ríomh tríd an gCur Chuige Caighdeánaithe a úsáid go dtí an dáta sin, coinneoidh siad an cumas atá acu ceanglais cistí dílse a ríomh ag úsáid an Cur Chuige Caighdeánaithe i gcás a risíochtaí go léir le linn na tréimhse cur chun feidhme go dtí go dtabharfaidh na húdaráis inniúla fógra dóibh go bhfuil siad sásta go ndéanfar cur chun feidhme an Chur Chuige IRB a chríochnú le cinnteacht réasúnta.

5. Institiúid a gceadófar di an Cur Chuige IRB a úsáid i gcás aon aicme risíochta, úsáidfídh sí an Cur Chuige IRB d'aicme na risíochtaí ar chothromas atá leagtha síos in Airteagal 147(2)(e), seachas nuair a thugtar cead don institiúid sin an Cur Chuige Caighdeánaithe a chur i bhfeidhm maidir le risíochtaí ar chothromas de bhun Airteagal 150 agus d'aicme na risíochtaí ar shócmhainní eile nach oibleagáid chreidmheasa iad atá leagtha síos in Airteagal 147(2)(g).

6. Forbróidh ÚBE dréachtchaighdeáin theicniúla rialála chun na coinníollacha a shonrú ar dá réir a chinnfidh údaráis inniúla cineál agus uainiú iomchuí an rolláil amach sheicheamhach nó an Chur Chuige IRB trasna aicmí na risíochtaí dá dtagraítear i mír 3.

**▼B**

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2014.

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 149***Coinníollacha chun filladh ar chur chuige nach bhfuil chomh sofaisticiúil céanna a úsáid**

1. Institiúid atá ag úsáid an Cur Chuige IRB le haghaidh aicme risíochtaí nó chineál risíochta ar leith, ní stadfaidh sí den chur chuige sin a úsáid agus an gCur Chuige Caighdeánaithe a úsáid ina ionad chun méideanna risíochta atá ualaithe ó thaobh priacal a ríomh, mura gcomhlíonfar na coinníollacha seo a leanas:

(a) tá sé léirithe ag an institiúid chun sástachta an údaráis inniúil nach bhfuil sé beartaithe an Cur Chuige Caighdeánaithe a úsáid d'fhonn ceanglais chistí dílse na hinstitiúide a laghdú, go bhfuil sé riachtanach ar bhonn chineál agus chastacht na risíochtaí ar fad den chineál sin atá ag an institiúid agus nach mbeadh tionchar díobhálach ábhartha aige ar shócmhainneacht na hinstitiúide ná ar an gcumas atá inti priacal a bhainistiú go héifeachtach;

(b) fuair an institiúid cead roimh ré ón údarás inniúil.

2. Maidir le hinstitiúidí a fuair cead faoi Airteagal 151(9) chun a meastacháin féin ar LGDanna agus fachtóirí coinbhéartachta a úsáid, ní fhillfidh siad ar luachanna LGD agus fachtóirí coinbhéartachta dá dtagraítear in Airteagal 151(8) a úsáid, mura gcomhlíonfar na coinníollacha seo a leanas:

(a) léirigh an institiúid chun sástachta an údaráis inniúil nach bhfuil sé i gceist na LGDanna agus na fachtóirí coinbhéartachta atá leagtha amach in Airteagal 151(8) le haghaidh aicme risíochtaí nó cineál risíochta ar leith a úsáid d'fhonn ceanglas cistí dílse na hinstitiúide a laghdú amháin, go bhfuil sé riachtanach ar bhonn chineál agus chastacht na risíochtaí ar fad den chineál sin atá ag an institiúid agus nach mbeadh tionchar díobhálach ábhartha aige ar shócmhainneacht na hinstitiúide ná ar an gcumas atá inti priacal a bhainistiú go héifeachtach;

(b) fuair an institiúid cead roimh ré ón údarás inniúil.

3. Tá cur chun feidhme mhír 1 agus mhír 2 faoi réir na gcoinníollacha maidir leis an gCur Chuige IRB arna chinneadh ag na húdaráis inniúla a rolladh amach i gcomhréir le hAirteagal 148 agus an cead maidir le páirtúsáid bhuan dá dtagraítear in Airteagal 150.

*Airteagal 150***Coinníollacha maidir le páirtúsáid bhuan**

1. I gcás ina bhfuair institiúidí cead roimh ré ó na húdaráis inniúla, féadfaidh institiúidí a bhfuil cead faighte acu an Cur Chuige IRB a úsáid chun méideanna risíochta atá ualaithe ó thaobh priacal agus méideanna an chailleanais ionchasaigh d'aicme risíochta amháin nó níos mó a ríomh, féadfaidh siad an Cur Chuige Caighdeánaithe a chur i bhfeidhm maidir leis na risíochtaí seo a leanas:



**▼B**

- (a) an aicme risíochta atá leagtha amach in Airteagal 147(2)(a), i gcás ina bhfuil teorainn le líon na gcontrapháirtithe ábhartha agus go mbeadh sé ródhian ar an institiúid córas rátála a chur chun feidhme do na contrapháirtithe sin;
- (b) an aicme risíochta atá leagtha amach in Airteagal 147(2)(b), i gcás ina bhfuil teorainn le líon na gcontrapháirtithe ábhartha agus go mbeadh sé ródhian ar an institiúid córas rátála a chur chun feidhme do na contrapháirtithe sin;
- (c) risíochtaí in aonaid ghnó nach bhfuil tábhachtach chomh maith le haicmí risíochta nó cineálacha risíochtaí atá neamhábhhartha ó thaobh méide agus na próifíle priacal a bhraitear leo;
- (d) risíochtaí ar rialtais láir agus ar bhainc cheannais na mBallstát agus a gcuid rialtas réigiúnach, údarás áitiúil, comhlachtaí riaracháin agus a n-eintitis san earnáil phoiblí ar an gcoinníoll:
  - (i) nach bhfuil aon difríocht ó thaobh priacal idir na risíochtaí ar an rialtas láir sin agus ar na bainc cheannais agus na risíochtaí eile sin i ngeall ar shocruithe poiblí sonracha, agus

**▼C2**

- (ii) go ndéantar ualú priacal 0 % a shannadh do risíochtaí ar an rialtas láir agus ar an mbanc ceannais faoi Airteagal 114(2), Airteagal 114(4) nó Airteagal 495(2);

**▼B**

- (e) risíochtaí institiúide ar chontrapháirtí arb é a máthairghnóthas, a fochuideachtaí nó fochuideachta a máthairghnóthais é ar an gcoinníoll gurb é atá sa chontrapháirtí ná institiúid nó cuideachta shealbhaíochta airgeadais, cuideachta shealbhaíochta airgeadais atá ag plé le gníomhaíochtaí measctha, institiúid airgeadais, cuideachta bhainistíochta sócmhainní nó gnóthas seirbhísí coimhdeacha atá faoi réir ag ceanglais stuamachta iomchuí nó gnóthas atá nasctha trí ghaolmhaireacht de réir bhrí Airteagal 12(1) de Threoir 83/349/CEE;
- (f) risíochtaí idir institiúidí a chomhlíonann na ceanglais atá leagtha amach in Airteagal 113(7);
- (g) risíochtaí cothromais ar eintitis a sanntar ualú priacal 0 % ar a gcuid oibleagáidí creidmheasa faoi Chaibidil 2 lena n-áirítear na heintitis sin atá urraithe go poiblí áit is féidir ualú priacal 0 % a chur i bhfeidhm;
- (h) risíochtaí ar chothromas arna dtabhú faoi chláir reachtacha chun earnálacha sonraithe den gheilleagar a chur chun cinn a sholáthraíonn fóirdheontais mhóra le hinfeistiú don institiúid agus lena mbaineann roinnt formhaoirseachta agus srianta a chuireann an rialtas ar na hinfeistiúcháin cothromais áit a bhféadfaí risíochtaí den sórt sin a eisiaimh, i bhfoirm chomhiomlán, ón gCur Chuige IRB suas go dtí teorainn 10 % de chistí dílse amháin;
- (i) risíochtaí a aithníodh in Airteagal 119(4) a chomhlíonann na coinníollacha atá sonraithe ann;

**▼B**

- (j) ráthaíochtaí Stáit agus ráthaíochtaí ath-árachaithe Stáit dá dtagraítear in Airteagal 215(2).

Ceadóidh na húdaráis inniúla an Cur Chuige Caighdeánaithe a chur i bhfeidhm maidir le risíochtaí ar chothromas dá dtagraítear i bpointí (g) agus (h) den chéad fhomhír a ceadáidh a láimhseáil mar sin i mBallstáit eile. Déanfaidh ÚBE liosta ina bhfuil na risíochtaí dá dtagraítear sna pointí sin agus atá le láimhseáil i gcomhréir leis an gCur Chuige Caighdeánaithe a fhoilsiú ar a láithreán gréasáin agus a nuashonrú go rialta.

2. Chun críocha mhír 1, beidh ábharthacht ag baint le haicme na risíochtaí ar chothromas a bheidh ag institiúid más mó a luach comhiomlán, ►**C2** gan risíochtaí ar chothromas arna dtabhú faoi chláir reachtacha dá dtagraítear i bpointe (h) de mhír 1 a áireamh ◄, ar an meán thar an mbliain roimhe sin ná 10 % de chistí dílse na hinstitiúide. I gcás ina bhfuil líon na risíochtaí sin ar chothromas níos ísle ná 10 sealúchas aonair, beidh an tairseach sin ionann le 5 % de chistí dílse na hinstitiúide.

3. Forbróidh ÚBE dréachtchaighdeáin theicniúla rialála d'fhonn na coinniollacha maidir le pointí (a), (b) agus (c) de mhír 1 a chur i bhfeidhm a chinneadh.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2014.

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

4. Eiseoidh ÚBE treoirlínte maidir le cur chun feidhme pointe (d) de mhír 1 in 2018, ina molfar teorainneacha i dtéarmaí céatadán den chláir comhardaithe iomlán agus/nó sócmhainní ualaithe ó thaobh priacal atá le ríomh i gcomhréir leis an gCur Chuige Caighdeánaithe.

Glacfar leis na treoirlínte sin i gcomhréir le hAirteagal 16 de Rialachán (AE) Uimh. 1093/2010.

## Roinn 2

### **Méideanna risíochta atá ualaithe ó thaobh priacal a ríomh**

#### Foroinn 1

#### **Láimhseáil de réir aicme risíochta**

##### *Airteagal 151*

#### **Láimhseáil de réir aicme risíochta**

**▼C2**

1. Déanfar méideanna risíochta atá ualaithe ó thaobh priacal le haghaidh priacal creidmheasa ar risíochtaí atá i gceann de na haicmí risíochta dá dtagraítear i bpointí (a) go (e) agus (g) d'Airteagal 147(2), mura n-asbhaintear iad as cistí dílse, a ríomh i gcomhréir le Foroinn 2 ach amháin nuair a asbhaintear na risíochtaí sin as ítimí Ghnáthchothromas Leibhéal 1, ítimí de Chaipiteal Breise Leibhéal 1 nó ítimí de Chaipiteal Leibhéal 2.

**▼B**

2. Déanfar méideanna risíochta atá ualaithe ó thaobh priacal le haghaidh priacal caolúcháin ar earraí infhaighte ceannaithe a ríomh i gcomhréir le hAirteagal 157. I gcás inar féidir le hinstiúid dul ar iontaoibh iomlán díoltóra earraí infhaighte ceannaithe le haghaidh priacal mainneachtana agus priacal caolúcháin, ní bheidh feidhm ag forálacha an Airteagail seo agus Airteagal 152 agus Airteagal 158(1) go (4) maidir le hearraí infhaighte ceannaithe agus láimhseálfar an risíocht mar risíocht chomhthaobhaithe.

3. Beidh an ríomh a dhéanfar ar mhéideanna risíochta atá ualaithe ó thaobh priacal le haghaidh priacal creidmheasa agus priacal caolúcháin bunaithe ar na paraiméadair ábhartha a bhaineann leis an risíocht atá i gceist. Orthu sin tá PD, LGD, aibíocht (dá ngairtear 'M' anseo feasta) agus luach risíochta na risíochta. Féadfar PD agus LGD a mheas ar leithligh nó le chéile, i gcomhréir le Roinn 4.

4. Déanfaidh instiúidí méideanna risíochta atá ualaithe ó thaobh priacal a ríomh le haghaidh priacal creidmheasa ar na risíochtaí ar fad atá in aicme na risíochtaí 'cothromas' dá dtagraítear i bpointe (e) d'Airteagal 147(2) i gcomhréir le hAirteagal 155. Féadfaidh instiúidí na cur chuigí atá leagtha amach in Airteagal 155(3) agus (4) a úsáid i gcás ina bhfuil cead faighte acu roimh ré ó na húdaráis inniúla. Tabharfaidh údaráis inniúla cead d'instiúid modh na samhlacha inmheánacha atá leagtha amach in Airteagal 155(4) a úsáid, ar an gcoinníoll go gcomhlíonann an instiúid na ceanglais atá leagtha amach i bhForoinn 4 de Roinn 6.

5. Déanfar mhéideanna risíochta atá ualaithe ó thaobh priacal le haghaidh priacal creidmheasa ar risíochtaí ar iasachtú speisialaithe a ríomh i gcomhréir le hAirteagal 153(5).

6. Maidir le risíochtaí atá sna haicmí risíochta dá dtagraítear i bpointí (a) go (d) d'Airteagal 147(2), cuirfidh instiúidí a meastacháin féin ar PDanna ar fáil i gcomhréir le hAirteagal 143 agus Roinn 6.

7. Maidir le risíochtaí atá san aicme risíochta dá dtagraítear i bpointe (d) d'Airteagal 147(2), cuirfidh instiúidí a meastacháin féin ar LGDanna agus fachtóirí coinbhéartachta ar fáil i gcomhréir le hAirteagal 143 agus Roinn 6.

8. Maidir le risíochtaí atá sna haicmí risíochta dá dtagraítear i bpointí (a) go (c) d'Airteagal 147(2), cuirfidh instiúidí na luachanna LGD atá leagtha amach in Airteagal 161(1), agus na fachtóirí coinbhéartachta atá leagtha amach in Airteagal 166(8) (a) go (d), i bhfeidhm ach amháin má ceadáíodh di a meastachán féin ar LGDanna agus fachtóirí coinbhéartachta a úsáid i gcás na n-aicmí risíochta sin i gcomhréir le mír 9.

9. Maidir le gach risíocht atá sna haicmí risíochta dá dtagraítear i bpointí (a) go (c) d'Airteagal 147(2), tabharfaidh an t-údarás inniúil cead d'instiúidí a meastacháin féin ar LGDanna agus fachtóirí coinbhéartachta a úsáid i gcomhréir le hAirteagal 143 agus le hAirteagal 6.

10. Déanfar na méideanna risíochta atá ualaithe ó thaobh priacal le haghaidh risíochtaí urrúsaithe agus le haghaidh risíochtaí atá san aicme risíochta dá dtagraítear i bpointe (f) d'Airteagal 147(2) a ríomh i gcomhréir le Caibidil 5.

**▼B***Airteagal 152***Risíochtaí i bhfoirm aonad nó scaireanna i GCanna a láimhseáil**

1. I gcás ina gcomhlíonann risíochtaí i bhfoirm aonad nó scaireanna i GCanna na critéir atá leagtha amach in Airteagal 132(3) agus gurb eol don institiúid gach cuid nó codanna de risíochtaí fholuiteacha an GC, déanfaidh an institiúid na risíochtaí fholuiteacha sin a thrébhreathnú d'fhonn méideanna risíochta atá ualaithe ó thaobh priacal agus méideanna an chailteanais ionchasaigh a ríomh i gcomhréir leis na modhanna atá leagtha amach sa Chaibidil seo.

I gcás gur risíocht eile i bhfoirm aonad nó scaireanna in GC eile í risíocht fholuiteach an GC, déanfaidh an chéad institiúid risíochtaí fholuiteacha an GC eile a thrébhreathnú freisin.

2. I gcás nach gcomhlíonann an institiúid na coinníollacha maidir leis na modhanna atá leagtha amach sa Chaibidil seo a úsáid do gach cuid nó codanna de risíochtaí fholuiteacha an GC, déanfar méideanna risíochta atá ualaithe ó thaobh priacal agus méideanna an chailteanais ionchasaigh a ríomh i gcomhréir leis na cineálacha cur chuige seo a leanas:

- (a) maidir le risíochtaí atá san aicme risíochta 'cothromas' dá dtagraítear in Airteagal 147(2)(e), cuirfidh institiúidí an cur chuige simplí maidir le hualú priacal i bhfeidhm atá leagtha amach in Airteagal 155(2);
- (b) maidir le gach risíocht fholuiteach eile dá dtagraítear i mír 1, cuirfidh institiúidí an Cur Chuige Caighdeánaithe atá leagtha amach i gCaibidil 2 i bhfeidhm, faoi réir acu seo a leanas:
  - (i) maidir le risíochtaí atá faoi réir ag ualú priacal sonrath i gcás risíochtaí gan rátáil nó atá faoi réir ag an gcéim cáilíochta creidmheasa a shaothraíonn an t-ualú priacal is airde i gcás aicme risíochta ar leith, déanfar an t-ualú priacal a iolrú faoi fhachtóir a dó ach ní bheidh an t-ualú priacal níos airde ná 1,250 %;
  - (ii) maidir le gach risíocht eile, déanfar an t-ualú priacal a iolrú faoi fhachtóir 1,1 agus beidh sé faoi réir ualú íosta 5 %.

Más rud é, chun críocha phointe (a), nach bhfuil an institiúid in ann idirdhealú a dhéanamh idir risíochtaí ar chothromas príobháideach, risíochtaí ar chothromas atá trádáilte ar an malartán agus risíochtaí ar chothromas eile, déanfaidh sí na risíochtaí lena mbaineann a láimhseáil mar risíochtaí ar chothromas eile. I gcás nach bhfuil ábharthacht ag baint leis na risíochtaí sin, de réir bhrí Airteagal 150(2), nuair a chuirtear le chéile iad le risíochtaí díreacha na hinstitiúide san aicme risíochta sin, féadfar Airteagal 150(1) a chur i bhfeidhm faoi réir chead na n-údarás inniúil.

**▼C2**

3. I gcás nach gcomhlíonann risíochtaí i bhfoirm aonad nó scaireanna in GC na critéir atá leagtha amach in Airteagal 132(3), nó i gcás nach eol don institiúid risíochtaí fholuiteacha uile an GC nó risíochtaí foluiteacha uile aonaid nó scaire in GC, ar risíocht fholuiteach de chuid an GC é féin nó í féin, déanfaidh an institiúid na risíochtaí foluiteacha sin a thrébhreathnú agus ríomhfaidh sí méideanna risíochta atá ualaithe ó thaobh priacal agus méideanna an chailteanais ionchasaigh i gcomhréir leis an gcur chuige simplí maidir le hualú priacal atá leagtha amach in Airteagal 155(2).

**▼B**

I gcás nach bhfuil an institiúid in ann idirdhealú a dhéanamh idir risíochtaí ar chothromas príobháideach, risíochtaí ar chothromas atá trádáilte ar an malartán agus risíochtaí ar chothromas eile, déanfaidh sí na risíochtaí lena mbaineann a láimhseáil mar risíochtaí ar chothromas eile. Déanfaidh sí risíochtaí ar chaipiteal nach cothromas é a shannadh don aicme risíochtaí ar chothromas eile.

4. Mar rogha eile ar an modh a bhfuil cur síos déanta air i mír 3, féadfaidh institiúidí a ríomh féin a dhéanamh nó dul i muinín na dtríú páirtithe seo a leanas chun na méideanna risíochta atá ualaithe ó thaobh priacal a ríomh agus a thuairisciú bunaithe ar risíochtaí fholuiteacha an GC i gcomhréir leis na cineálacha cur chuige dá dtagraítear i bpointí (a) agus (b) de mhír 2 sna cásanna seo a leanas:

- (a) institiúid taisclainne nó institiúid airgeadais an GC ar an gcoinníoll go ndéanann an GC infheistiú eisiach in urrúis agus go gcuireann sé gach urrús i dtaisce san institiúid taisclainne nó san institiúid airgeadais sin;
- (b) maidir le GCanna eile, cuideachta bhainistíochta an GC, ar an gcoinníoll go gcomhlíonann cuideachta bhainistíochta an GC na critéir atá leagtha amach in Airteagal 132(3)(a).

Deimhneoidh iniúchóir seachtrach go bhfuil an ríomh cruinn.

5. Forbróidh ÚBE dréachtchaighdeáin theicniúla rialála d'fhonn na coinníollacha a shonrú lena bhféadfaidh údaráis inniúla cead a thabhairt d'institiúidí an Cur Chuige Caighdeánaithe dá dtagraítear in Airteagal 150(1) a úsáid faoi phointe (b) de mhír 2 den Airteagal seo.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 30 Meitheamh 2014.

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

## F o r o i n n 2

### **Méideanna risíochta atá ualaithe ó thaobh priacal a ríomh do priacal creidmheasa**

#### *Airteagal 153*

### **Méideanna risíochta atá ualaithe ó thaobh priacal i gcás risíochtaí ar chorparáidí, institiúidí agus rialtais láir agus ar bhainc cheannais.**

1. Faoi réir ag cur chun feidhme na láimhseálacha sonracha atá leagtha amach i míreanna 2, 3 agus 4, déanfar na méideanna risíochta atá ualaithe ó thaobh priacal i gcás risíochtaí ar chorparáidí, institiúidí agus rialtais láir agus ar bhainc cheannais a ríomh de réir na foirmle seo a leanas:

$$\text{Méid neamhchosanta atá ualaithe ó thaobh riosca} = RW \cdot \text{luach na neamhchosanta}$$

mar a bhfuil an t-uálú priacal RW arna shainiú mar a leanas:

- (i) má tá  $PD = 0$ , beidh RW cothrom le 0;

**▼ C2**

(ii) má tá PD = 1, i.e. le haghaidh risíochtaí a mhainnigh:

- i gcás ina gcuireann institiúidí na luachanna LGD atá leagtha amach in Airteagal 161(1) i bhfeidhm, beidh RW cothrom le 0;
- i gcás ina n-úsáideann institiúidí a meastacháin féin ar LGDanna, beidh RW amhlaidh le

$$RW = \max\{0; 12,5 \cdot (LGD - EL_{BE})\};$$

**▼ B**

mar a mbeidh an meastachán is fearr maidir leis an gcaillteanas ionchasach (dá ngairtear 'EL<sub>BE</sub>' anseo feasta) ionann leis an meastachán is fearr atá ag an institiúid ar chailteanas ionchasach don risíochta mhainnigh i gcomhréir le hAirteagal 181(1)(h);

(iii) má tá  $0 < PD < 1$

$$RW = \left( LGD \cdot N \left( \frac{1}{\sqrt{1-R}} \cdot G(PD) + \sqrt{\frac{R}{1-R}} \cdot G(0.999) \right) - LGD \cdot PD \right) \cdot \frac{1 + (M - 2,5) \cdot b}{1 - 1,5 \cdot b} \cdot 12,5 \cdot 1,06$$

nuair atá

N(x) = an fheidhm dáileacháin charnaigh d'athróg randamach normálta caighdeánach (i.e. an dóchúlacht go bhfuil athróg randamach normálta le meán de nialas agus athraitheas d'aon níos lú ná, nó cothrom le, x);

G(Z) = an fheidhm dáileacháin charnaigh inbhéartaigh d'athróg randamach normálta caighdeánach (i.e. luach x sa chaoi is go bhfuil N(x) = z);

R = an chomhéifeacht comhghaolúcháin, arna sainiú mar

$$R = 0.12 \cdot \frac{1 - e^{-50 \cdot PD}}{1 - e^{-50}} + 0.24 \cdot \left( 1 - \frac{1 - e^{-50 \cdot PD}}{1 - e^{-50}} \right)$$

b = an fachtóir coinbhéartachta aibíochta, arna shainiú mar.

$$b = (0.11852 - 0.05478 \cdot \ln(PD))^2.$$

2. Maidir le gach risíocht ar mhóreintitis san eanáil airgeadais, iolraítear comhéifeacht comhghaolúcháin mhír 1(iii) faoi 1,25.

► **C2** Maidir le gach risíocht ar eintitis eanála airgeadais neamhriailíte, iolraítear comhéifeachtaí comhghaolúcháin a leagtar amach i mír 1(iii) agus i mír 4, de réir mar is ábhartha, faoi 1,25. ◀

3. Féadfar an méid risíochta atá ualaithe ó thaobh priacal maidir le gach risíochta chomhlíonann na ceanglais atá leagtha amach in Airteagal 202 agus 217 a choigeartú de réir na foirmle seo a leanas:

$$\text{Méid neamhchosanta atá ualaithe ó thaobha riosca} = RW \cdot \text{luach na neamhchosanta} \cdot (0.15 + 160 \cdot PD_{pp})$$

nuair atá:

$$PD_{pp} = PD \text{ sholáthraí na cosanta.}$$

## ▼B

Déanfar RW a ríomh ag úsáid na foirmle ábhartha maidir le hualú priacal atá leagtha amach i bpointe 1 i gcás na risíochta, PD an oibleagáideora agus LGD ó risíocht dhíreach inchoimparáide ar sholáthraí na cosanta. Ríomhfar an fachtóir aibíochta (b) ag úsáid an PD is ísle as measc PD sholáthraí na cosanta agus PD an oibleagáideora.

4. Maidir le risíochtaí ar chuideachtaí ina bhfuil líon na ndíolachán bliantúil don ghrúpa comhdhlúite a bhfuil an gnólacht ina chuid de níos lú ná EUR 50 milliún, féadfaidh institiúidí an fhoirmle chomhghaoil seo a leanas i mír 1 (iii) a úsáid chun ualaí priacal ar risíochtaí ar chorparáidí a ríomh. San fhoirmle seo sloinntear S mar an díolachán bliantúil iomlán i milliúin Euro, mar a bhfuil  $EUR\ 5\ \text{milliún} \leq S \leq EUR\ 50\ \text{milliún}$ . Déanfar díolacháin thuairiscithe níos ísle ná EUR 5 milliún a láimhseáil amhail is go raibh siad ionann le EUR 5 milliún. I gcás earra infhaighte ceannaithe beidh an díolachán bliantúil iomlán ionann leis an meán ualaithe de réir risíochtaí aonair an chomhthiomsaithe.

$$R = 0.12 \cdot \frac{1 - e^{-50 \cdot PD}}{1 - e^{-50}} + 0.24 \cdot \left( 1 - \frac{1 - e^{-50 \cdot PD}}{1 - e^{-50}} \right) - 0.04 \cdot \left( 1 - \frac{\min\{\max\{5, S\}, 50\} - 5}{45} \right)$$

Déanfaidh institiúidí an díolachán bliantúil iomlán a chur in ionad shócmhainní iomlána an ghrúpa comhdhlúite nuair nach táscaire fóinteach é an díolachán bliantúil iomlán ar mhéid an ghnólachta agus nuair is táscaire níos fóintí iad iomlán na sócmhainní ná an díolachán bliantúil iomlán.

5. Maidir le risíochtaí ar iasachtú speisialaithe nach bhfuil institiúid in ann meastachán a thabhairt ar PDanna ina leith nó nach gcomhlíonann meastacháin PD na n-institiúidí na ceanglais atá leagtha amach i Roinn 6, déanfaidh an institiúid ualaí priacal a shannadh do na risíochtaí sin de réir Thábla 1, mar seo a leanas:

Tábla 1

Aibíocht Iarmhair	Catagóir 1	Catagóir 2	Catagóir 3	Catagóir 4	Catagóir 5
Níos lú ná 2.5 bliain	50 %	70 %	115 %	250 %	0 %
Cothrom le, nó níos mó ná, 2,5 bliain	70 %	90 %	115 %	250 %	0 %

Agus ualaí priacal á sannadh do risíochtaí ar iasachtú speisialaithe, cuirfidh institiúidí na fachtóirí seo a leanas san áireamh: láidreacht airgeadais, an timpeallacht pholaitiúil agus dhlíthiúil, tréithe idirbhirt agus/nó sócmhainne, láidreacht an urraitheora agus an fhorbróra, lena n-áirítear aon sruth ioncaim ó chomhpháirtíocht phríobháideach phoiblí, agus pacáiste slándála.

6. Maidir lena gcuid earraí infhaighte ceannaithe corparáideacha, comhlíonfaidh institiúidí na ceanglais atá leagtha amach in Airteagal 184. Maidir le hearraí infhaighte ceannaithe corparáideacha a chomhlíonann freisin na coinníollacha atá leagtha amach in Airteagal 154(5), agus i gcás ina mbeadh sé ródhian ar institiúid na caighdeáin chainníochtaithe priacal a úsáid i gcás risíochtaí ar chorparáidí mar atá leagtha amach i Roinn 6 do na hearraí infhaighte sin, féadfar na caighdeáin chainníochtaithe priacal i gcás risíochtaí ar mhiondíol mar atá leagtha amach i Roinn 6 a úsáid.

**▼M5**

7. Maidir le hearraí infhaighte ceannaithe corparáideacha, lascainí ceannaigh inaisíochta, ráthaíochtaí comhthaobhachta nó páirteacha a thugann cosaint chéadchailiteanais ar chailiteanais mhainneachtana, chailiteanais chaolúcháin, nó an dá chineál cailiteanais sin, féadfaidh ceannaitheoir na n-earraí infhaighte nó tairbhí na ráthaíochta comhthaobhachta nó páirtí iad a láimhseáil mar chosaint chéadchailiteanais i gcomhréir le Foroinn 2 agus Foroinn 3 i Roinn 3 de Chaibidil 5. An díoltóir a sholáthraíonn an lascaine ceannaigh inaisíochta agus an té a sholáthraíonn ráthaíochtaí comhthaobhachta nó páirteacha, déanfaidh siad iad a láimhseáil mar risíocht ar shuíomh céadchailiteanais i gcomhréir le Foroinn 2 agus Foroinn 3 de Roinn 3 de Chaibidil 5.

8. I gcás ina dtugann institiúid cosaint chreidmheasa do roinnt risíochtaí ar an gcoinníoll go spreagfaidh an n-ú mainneachtain i measc na risíochtaí íocaíocht agus go ndéanfar an Conradh a fhoirceannadh leis an teagmhas creidmheasa sin, déanfar comhiomlánú ar ualaí priacal na risíochtaí a áireofar sa bhascaed, agus risíochtaí n-1 á n-eisiáimh, i gcás nach mó suim mhéid an chailiteanais ionchasaigh iolraithe faoi 12, 5 agus méid na risíochta atá ualaithe ó thaobh priacal ná méid ainmniúil na cosanta arna tabhairt ag an díorthach creidmheasa iolraithe faoi 12,5. Cinnfear na risíochtaí n-1 atá le heisiáimh ón gcomhiomlánú ar an mbonn go n-áireofar na risíochtaí sin a dtáirgeann gach ceann acu méid risíochta atá ualaithe ó thaobh priacal atá níos ísle ná an méid risíochta atá ualaithe ó thaobh priacal d'aon cheann de na risíochtaí atá áirithe sa chomhiomlánú. Beidh feidhm ag ualú priacal 1 250 % maidir le suíomhanna i mbascaed nach féidir le hinstitiúid an t-ualú priacal a chinneadh ina leith faoin gCur Chuige IRB.

**▼B**

9. Forbróidh an ÚBE dréachtchaighdeáin theicniúla rialála d'fhonn a léiriú mar a chuirfidh institiúidí na fachtóirí dá dtagraítear sa dara fomhír de mhír 5 san áireamh nuair a bheidh ualaí priacal á sannadh do risíochtaí ar iasachtú speisialaithe.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2014.

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fomhír a ghlacadh i gcomhréir le HAirteagail 10 go 14 de Rialachán (AE) Uimh. 1093/2010.

*Airteagal 154***Méideanna risíochta atá ualaithe ó thaobh priacal i gcás risíochtaí ar mhiondíol**

1. Déanfar méideanna risíochta atá ualaithe ó thaobh priacal i gcás risíochtaí ar mhiondíol a ríomh de réir na foirmle seo a leanas:

*Méid na neamhchöse nta ualaithe ó thaobh riosca = RW · luach na neamhchöse nta*

mar a bhfuil an t-ualú priacal RW arna shainiú mar a leanas:

- (i) má tá PD = 1, i.e. le haghaidh risíochtaí a mhainnigh, beidh RW amháil le

$$RW = \max \{0, 12.5 \cdot (LGD - EL_{BE})\};$$

mar a mbeidh  $EL_{BE}$  ionann leis an meastachán is fearr atá ag an institiúid ar chailiteanas ionchasach don risíochta mhainnigh i gcomhréir le hAirteagal 181(1)(h);



**▼B**

- (ii) má tá  $0 < PD < 1$ , i.e., maidir le haon luach do PD seachas mar atá faoi (i)

$$RW = \left( LGD \cdot N \left( \frac{1}{\sqrt{1-R}} \cdot G(PD) + \sqrt{\frac{R}{1-R}} \cdot G(0.999) \right) - LGD \cdot PD \right) \cdot 12,5 \cdot 1,06$$

nuair atá

$N(x)$  = an fheidhm dáileacháin charnaigh d'athróg randamach normálta caighdeánach (i.e. an dóchúlacht go bhfuil athróg randamach normálta le meán de nialas agus athraitheas d'aon níos lú ná, nó cothrom le,  $x$ );

$G(Z)$  = an fheidhm dáileacháin charnaigh inbhéartaigh d'athróg randamach normálta caighdeánach (i.e. luach  $x$  sa chaoi is go bhfuil  $N(x) = z$ );

$R$  = an chomhéifeacht comhghaolúcháin, arna sainiú mar

$$R = 0.03 \cdot \frac{1 - e^{-35 \cdot PD}}{1 - e^{-35}} + 0.16 \cdot \left( 1 - \frac{1 - e^{-35 \cdot PD}}{1 - e^{-35}} \right)$$

2. Féadfar an méid risíochta atá ualaithe ó thaobh priacal maidir le gach risíocht ar FBM dá dtagraítear in Airteagal 147(5) a chomhlíonann na ceanglais atá leagtha amach in Airteagal 202 agus Airteagal 217 a ríomh i gcomhréir le hAirteagal 153(3).

3. Maidir le risíochtaí ar mhiondíol arna n-urrú le comhthaobhacht maoine dochorraithe, cuirfear comhéifeacht comhghaolúcháin  $R$  de 0,15 in ionad an fhigiúir a thig ón bhfoirmle chomhghaoil i mír 1.

4. Maidir le risíochtaí imrothlacha cáilitheacha ar mhiondíol i gcomhréir le pointí (a) go (e), cuirfear comhéifeacht comhghaolúcháin  $R$  de 0,04 in ionad an fhigiúir a thig ón bhfoirmle chomhghaoil i mír 1.

Cáileoidh risíochtaí mar risíochtaí imrothlacha cáilitheacha ar mhiondíol má chomhlíonann siad na coinníollacha seo a leanas:

- (a) is ar dhaoine aonair a dhéantar na risíochtaí;
- (b) is risíochtaí imrothlacha iad, tá siad neamhurráithe, agus sa mhéid is nach dtarraingítear láithreach iad agus iad inchealaithe go neamhchoinníollach ag an institiúid. Sa chomhthéacs sin, sainmhínítear risíochtaí imrothlacha mar risíochtaí ina gceadaítear iarmhéideanna custaiméirí luainiú bunaithe ar a gcuid cinní iasacht a fháil agus a aisíoc, suas go dtí teorainn arna leagan síos ag an institiúid. Féadfar a mheas go bhfuil na línte creidmheasa miondíola inchealaithe go neamhchoinníollach má cheadaíonn na téarmaí don institiúid na línte sin a chealú an oiread atá ceadaithe faoi reachtaíocht cosanta tomhaltóirí agus faoi reachtaíocht ghaolmhar;
- (c) is ionann an risíocht uasta ar dhuine aonair san fho-phunann agus EUR 100 000 nó níos lú;

**▼B**

- (d) tá úsáid an chomhghaoil sa mhír seo teoranta do phunanna a thaispeáin luaineacht íseal maidir le rátaí cailiteanais, i gcoibhneas lena meánleibhéal rátaí cailiteanais, go háirithe laistigh de bhannaí íseal PD;
- (e) beidh an láimhseáil mar risíocht imrothlach cháilitheach ar mhiondíol comhsheasmhach le saintréithe fholuiteacha priacal na fo-phunainne.

De mhaolú ar phointe (b), ní bheidh feidhm ag an gceanglas a bheith neamhurráithe maidir le saoráidí creidmheasa comhthaobhaithe atá nasctha le cuntas pá. Sa chás sin, ní chuirfear san áireamh méideanna a ghnóthófar ón gcomhthaobhacht sa mheastachán LGD.

Déanfaidh údaráis inniúla athbheithniú ar luaineacht choibhneasta na rátaí cailiteanais ar fud na bhfo-phunann de risíochtaí imrothlacha cáilitheacha ar mhiondíol, chomh maith leis an bpunann comhiomlán de risíochtaí imrothlacha cáilitheacha ar mhiondíol, agus roinnfidh siad faisnéis faoi ghnáth-shaintréithe na rátaí cailiteanais de risíochtaí imrothlacha cáilitheacha ar mhiondíol ar fud na mBallstát.

5. Le bheith incháilithe don láimhseáil mhiondíola, comhlíonfaidh na hearraí infhaighte ceannaithe na ceanglais atá leagtha amach in Airteagal 184 agus na coinníollacha seo a leanas:

- (a) cheannaigh an institiúid na hearraí infhaighte ó dhíoltóirí tríú páirtí neamhghaolmhara, agus ní áirítear lena risíocht ar oibleagáideoir an earra infhaighte aon risíochtaí arna dtionscnamh go díreach nó go hindíreach ag an institiúid féin;
- (b) ginfear na hearraí infhaighte ceannaithe ar neamhthuilleamaí idir an díoltóir agus an t-oibleagáideoir. Dá bhrí sin, ní bheidh cuntais infhála idir chuideachtaí ná earraí infhaighte faoi réir ag cuntais chontra idir gnólachtaí a cheannaíonn óna chéile agus a dhíolann lena chéile incháilithe;
- (c) tá éileamh ag an institiúid cheannaigh ar gach fáltas ó na hearraí infhaighte ceannaithe nó tá ús pro-rata aici sna fáltais; agus
- (d) tá punann na n-earraí infhaighte ceannaithe éagsúlaithe a dhóthain.

**▼M5**

6. Maidir le hearraí infhaighte ceannaithe miondíola, lascainí ceannaigh inaisíoctha, ráthaíochtaí comhthaobhachta nó páirteacha a thugann cosaint chreidmheasa chéadchailiteanais ar chailiteanais mhainneachtana, cailiteanais chaolúcháin, nó an dá chineál cailiteanais sin, féadfaidh ceannaitheoir na n-earraí infhaighte iad a láimhseáil mar chosaint chéadchailiteanais i gcomhréir le Foroinn 2 agus Foroinn 3 de Roinn 3 de Chaibidil 5. An díoltóir a sholáthraíonn an lascaine ceannaigh inaisíoctha agus an té a sholáthraíonn ráthaíocht comhthaobhachta nó ráthaíocht páirteach, déanfaidh siad iad a láimhseáil mar risíocht ar shuíomh céadchailiteanais i gcomhréir le Foroinn 2 agus Foroinn 3 de Roinn 3 de Chaibidil 5.

**▼B**

7. Maidir le comhthiomsuithe hibrideacha d'earraí infhaighte miondíola ceannaithe, i gcás nach féidir le hinstiúidí ceannaigh risíochtaí arna n-urrú le comhthaobhacht maoine dochorraithe agus risíochtaí imrothlacha cáilitheacha ar mhiondíol a scaradh ó risíochtaí eile ar mhiondíol, beidh feidhm maidir leis na risíochtaí sin ag an bhfeidhm ualaithe priacal ar mhiondíol a tháirgeann na ceanglais cistí dílse is airde.



*Airteagal 155*

**Méideanna risíochta atá ualaithe ó thaobh priacal i gcás risíochtaí ar chothromas**

1. Socróidh institiúidí a gcuid méideanna risíochta atá ualaithe ó thaobh priacal i gcás risíochtaí ar chothromas, cé is moite díobh sin a asbhaintear i gcomhréir le Cuid a Dó nó atá faoi réir ag ualú priacal 250 % i gcomhréir le hAirteagal 48, i gcomhréir leis na cur chuige atá leagtha amach i mír 2, i mír 3 agus i mír 4 den Airteagal seo. Féadfaidh institiúid cur chuige éagsúil a chur i bhfeidhm maidir le punanna éagsúla cothromais i gcás ina n-úsáideann an institiúid féin cineálacha cur chuige éagsúla chun críocha bainisithe priacal inmheánach. I gcás ina n-úsáideann institiúid cineálacha éagsúla cur chuige, déanfar an rogha maidir le cur chuige PD/LGD nó cur chuige samhlacha inmheánacha go comhsheasmhach, lena n-áirítear le himeacht ama agus leis an gcur chuige a mbaintear úsáid as le haghaidh bainisithe priacal inmheánach na risíochtaí ábhartha ar chothromas, agus ní chinnfear é trí chomaoineacha arbatráiste rialála.

Féadfaidh institiúidí risíochtaí cothromais ar ghnóthais seirbhísí coimhdeacha a láimhseáil de réir mar a láimhseáiltear sócmhainní eile nach oibleagáid chreidmheasa iad.

2. Faoin gcur chuige ualaithe priacal Simplí, ríomhfar méid na risíochta ualaithe ó thaobh priacal de réir na foirmle seo:

*Méid na risíochta ualaithe ó thaobh priacal = RW \* luach na risíochta,*

Ualú priacal (RW) = 190 % i gcás risíochtaí ar chothromas príobháideach i bpunanna atá éagsúlaithe a ndóthain.

Ualú priacal (RW) = 290 % i gcás risíochtaí ar chothromas atá trádáilte ar an malartán.

Ualú priacal (RW) = 370 % do risíochtaí uile eile ar chothromas.

I gcás suíomh gearr airgid agus ionstraimí díorthacha arna sealbhú sa leabhar neamhtrádála, féadfaidh siad suímh fhada a fhritháireamh sna stoic aonair chéanna ar an gcoinníoll gur ainmníodh go sainráite na hionstraimí sin mar fhálú ar risíochtaí ar chothromas sonrach agus go dtabharfaidh siad fálú ar feadh bliana eile ar a laghad. Láimhseálfar suímh ghearra eile amhail is gur suímh fhada iad agus beidh an t-ualú priacal ábhartha sannta do luach absalóideach gach suímh. I gcomhthéacs na suímh mhí-oiriúnaithe maidir le haibíocht, is é an modh a úsáidtear ná an modh sin a úsáidtear i gcás risíochtaí ar chorparáidí mar atá leagtha amach in Airteagal 162(5).

Féadfaidh institiúidí cosaint neamhchistithe creidmheasa a aithint a fuarthas ar risíocht ar chothromas i gcomhréir leis na modhanna atá leagtha amach i gCaibidil 4.

3. Faoin gcur chuige PD/LGD, déanfar na méideanna risíochta atá ualaithe ó thaobh priacal a ríomh de réir na bhfoirmlí in Airteagal 153(1). Mura bhfuil dóthain faisnéise ag institiúidí chun úsáid a bhaint as an sainmhíniú ar mhainneachtain atá leagtha amach in Airteagal 178, déanfar fachtóir scálúcháin 1,5 a shannadh do na hualaí priacal.

**▼B**

Ar leibhéal na risíochta aonair, ní bheidh méid an chaillteanais ionchasaigh arna iolrú faoi 12,5 móide méid na risíochta atá ualaithe ó thaobh priacal níos airde ná luach na risíochta arna iolrú faoi 12,5.

Féadfaidh institiúidí cosaint neamhchistithe creidmheasa a aithint a fuarthas ar risíocht ar chothromas i gcomhréir leis na modhanna atá leagtha amach i gCaibidil 4. Beidh sé sin faoi réir LGD 90 % ar an risíocht ar sholáthraí an fhálaithe. Maidir le risíochtaí ar chothromas príobháideach i bpunanna atá éagsúlaithe a ndóthain, féadfar LGD 65 % a úsáid. Chun na críocha sin beidh M cothrom le cúig bliana.

4. Faoi mhodh na samhlacha inmheánacha, beidh méid na risíochta ualaithe ó thaobh priacal cothrom leis an gcaillteanas ionchasach ar risíochtaí na hinstitiúide ar chothromas arna dhíorthú ag úsáid na samhlacha inmheánacha den luach faoi phriacal faoi réir ag an 99ú peircintíl, eastramh muiníne aonfhoircneach den difríocht idir tuairisceáin ráithiúla agus ráta saor ó priacal iomchuí arna ríomh thar thréimhse shamplach fhadtéarmach, arna iolrú faoi 12,5. Ní bheidh na méideanna risíochta atá ualaithe ó thaobh priacal ar leibhéal na punainne cothromais níos lú ná iomlán na suimeanna seo a leanas:

- (a) na méideanna risíochta atá ualaithe ó thaobh priacal atá ceangailte faoin gCur Chuige PD/LGD; agus
- (b) méideanna comhfhreagracha an chaillteanais ionchasaigh arna iolrú faoi 12,5.

Déanfar na méideanna dá dtagraítear i bpointí (a) agus (b) a ríomh ar bhonn na luachanna PD atá leagtha amach in Airteagal 165(1) agus na luachanna LGD comhfhreagracha atá leagtha amach in Airteagal 165(2).

Féadfaidh institiúidí cosaint neamhchistithe creidmheasa a aithint a fuarthas ar shuímh chothromais.

*Airteagal 156***Méideanna risíochta atá ualaithe ó thaobh priacal i gcás sócmhainní eile nach oibleagáid chreidmheasa iad**

Déanfar méideanna risíochta atá ualaithe ó thaobh priacal i gcás sócmhainní eile nach oibleagáid chreidmheasa iad a ríomh de réir na foirmle seo a leanas:

$$\text{Risk} - \text{weighted exposure amount} = 100 \% \cdot \text{exposure value},$$

ach amháin sna cásanna seo a leanas:

- (a) airgead ar láimh agus ítimí coibhéiseacha airgid chomh maith le hórhuilleán arna shealbhú ina bhoghtaí féin nó ar bhonn leithdháilte, sa mhéid is go bhfuil sé cumhdaithe ag dliteanais bhuillín, déanfar ualú priacal 0 % a shannadh dóibh;
- (b) nuair is luach iarmharach de shócmhainní léasaithe í an risíocht, is mar seo a leanas a ríomhfar í:

$$\frac{1}{t} \cdot 100 \% \cdot \text{exposure value}$$

**▼B**

i gcás ina bhfuil t ar an méid is airde idir 1 agus an líon is gaire de bhlianta iomlána atá fágtha sa léas.

## F o r o i n n 3

**Méideanna risíochta atá ualaithe ó thaobh priacal a ríomh le haghaidh priacal caolúcháin ar earraí infhaighte ceannaithe**

*Airteagal 157*

**Méideanna risíochta atá ualaithe ó thaobh priacal le haghaidh priacal caolúcháin ar earraí infhaighte ceannaithe**

1. Déanfaidh institiúidí na méideanna risíochta atá ualaithe ó thaobh priacal le haghaidh priacal caolúcháin ar earraí infhaighte ceannaithe corparáideacha agus miondíola a ríomh de réir na foirmle atá leagtha amach in Airteagal 153(1).
2. Déanfaidh institiúidí na paraiméadair ionchuir maidir le PD agus LGD a chinneadh i gcomhréir le Roinn 4.
3. Déanfaidh institiúidí luach na risíochta a chinneadh i gcomhréir le Roinn 5.
4. Chun críocha an Airteagail seo, tá luach M ionann le bliain amháin.
5. Déanfaidh na húdaráis inniúla institiúid a dhíolmhú ó ríomh agus aithint na méideanna risíochta atá ualaithe ó thaobh priacal le haghaidh priacal caolúcháin maidir le cineál risíochta a tharlaíonn de bharr earraí infhaighte ceannaithe corparáideacha nó miondíola i gcás inar léirigh an institiúid chun sástachta an údarais inniúil go bhfuil an priacal caolúcháin neamhábhartha don institiúid sin maidir le risíocht den chineál sin.

## R o i n n 3

**Méideanna an chaillteanais ionchasaigh**

*Airteagal 158*

**Láimhseáil de réir chineál na risíochta**

1. Ríomhfar méideanna an chaillteanais ionchasaigh ar bhonn na bhfigiúirí ionchuir céanna maidir le PD, LGD agus luach na risíochta do gach risíocht a úsáidtear chun méideanna risíochta atá ualaithe ó thaobh priacal a ríomh i gcomhréir le hAirteagal 151.
2. Ríomhfar méideanna an chaillteanais ionchasaigh do risíochtaí urrúsaithe i gcomhréir le Caibidil 5.
3. Is ionann agus nialas méid an chaillteanais ionchasaigh do risíochtaí a bhaineann leis an aicme "sócmhainní eile gan oibleagáidí creidmheasa" dá dtagraítear i bpointe (g) in Airteagal 147(2).
4. Ríomhfar méideanna an chaillteanais ionchasaigh i gcás risíochtaí i bhfoirm scaireanna agus aonad GC dá dtagraítear in Airteagal 152 i gcomhréir leis na modhanna atá leagtha amach san Airteagal seo.

## ▼B

5. Ríomhfar an cailteanas ionchasach (EL) agus méideanna an chaillteanais ionchasaigh i gcás risíochtaí ar chorparáidí, ar institiúidí, ar rialtais láir agus ar bhainc cheannais agus ar risíochtaí ar mhiondiól de réir na bhfoirmlí seo a leanas:

$$\text{Cailteanas ionchasach (EL)} = PD * LGD$$

Méid an chaillteanais ionchasaigh = EL [iolraithe faoi] luach na risíochta.

I gcás risíochtaí a mhainnigh (PD =100 %) nuair a úsáideann institiúidí a meastachán féin ar LGD, beidh EL cothrom le  $EL_{BE}$ , an meastachán is fearr de chuid na hinstitiúide ar an gcaillteanas ionchasach i gcás na risíochta a mhainnigh, i gcomhréir le hAirteagal 181(1)(h).

I gcás risíochtaí atá faoi réir na láimhseála atá leagtha amach in Airteagal 153(3), beidh EL cothrom le 0 %.

6. Is de réir Thábla 2 a shannfar luachanna EL na risíochtaí ar iasachtú speisialaithe i gcás ina n-úsáideann institiúidí na modhanna atá leagtha amach in Airteagal 153(5) maidir le hualuithe priacal a shannadh.

Tábla 2

Aibíocht Iarmhair	Catagóir 1	Catagóir 2	Catagóir 3	Catagóir 4	Catagóir 5
Níos lú ná 2.5 bliain	0 %	0,4 %	2,8 %	8 %	50 %
Cothrom le 2.5 bliain nó níos mó ná sin	0,4 %	0,8 %	2,8 %	8 %	50 %

7. Is de réir na foirmlí seo thíos a ríomhfar méideanna an chaillteanais ionchasaigh maidir le risíochtaí ar chothromas i gcás ina ríomhtar na méideanna risíochta atá ualaithe ó thaobh priacal de réir chur chuige simplí an ualaithe priacal:

$$\text{Expected loss amount} = EL \cdot \text{exposure value}$$

Is iad seo a leanas luachanna EL:

Cailteanas ionchasach (EL) = 0.8 % do risíochtaí ar chothromas príobháideach i bpunanna atá éagsúlaithe a ndóthain.

Cailteanas ionchasach (EL) = 0.8 % do risíochtaí ar chothromas arna thrádáil ar an stocmhalartán.

Cailteanas ionchasach (EL) = 2.4 % do gach risíocht eile ar chothromas.

8. Is de réir na bhfoirmlí seo thíos a ríomhfar an cailteanas ionchasach agus méideanna an chaillteanais ionchasaigh maidir le risíochtaí ar chothromas sa chás ina ríomhtar na méideanna risíochta atá ualaithe ó thaobh priacal de réir an chuir chuige PD/LGD:

$$\text{Expected loss (EL)} = PD \cdot LGD$$

$$\text{Expected loss amount} = EL \cdot \text{exposure value}$$

**▼B**

9. Is ionann agus nialas méideanna an chaillteanais ionchasaigh maidir le risíochtaí ar chothromas i gcás ina ríomhtar na méideanna risíochta atá ualaithe ó thaobh priacal de réir chur chuige na samhlacha inmheánacha.

10. Ríomhfar méideanna an chaillteanais ionchasaigh maidir le priacal caolúcháin na n-earraí infhaighte ceannaithe de réir na foirmle seo a leanas:

$$\text{Expected loss (EL)} = PD \cdot LGD$$

$$\text{Expected loss amount} = EL \cdot \text{exposure value}$$

**▼M7***Airteagal 159***Láimhseáil mhéideanna an chaillteanais ionchasaigh**

Dealóidh na hinstiúidí méideanna an chaillteanais ionchasaigh arna ríomh i gcomhréir le hAirteagal 158(5), (6) agus (10) ó na coigeartuithe ginearálta agus sonracha i leith priacal creidmheasa i gcomhréir le hAirteagal 110, ó choigeartuithe luacha breise i gcomhréir le hAirteagal 34 agus 105 agus laghduithe eile i leith cistí dílse a bhaineann leis na risíochtaí sin, ach amháin i gcás na n-asbhaintí arna ndéanamh i gcomhréir le pointe (m) d'Airteagal 36(1). Láimhseálfar lascaíní ar risíochtaí sa chlár comhardaithe arna gceannach agus iad ar mainneachtain i gcomhréir le pointe (m) d'Airteagal 166(1) ar an mbealach céanna a láimhseálfar coigeartuithe sonracha i leith priacal creidmheasa. Ní úsáidfeadh coigeartuithe sonracha i leith priacal creidmheasa ar risíochtaí ar mainneachtain chun méideanna caillteanais ionchasaigh ar risíochtaí eile a chumhdach. Ní áireofar sa ríomh sin méideanna caillteanais ionchasaigh le haghaidh risíochtaí urrúsaithe agus le haghaidh coigeartuithe ginearálta agus sonracha i leith priacal creidmheasa a bhaineann leis na risíochtaí sin.

**▼B**

cuid 4

**PD, LGD agus aibíocht**

Foroinn 1

**Risíochtaí ar chorparáidí, instiúidí agus rialtais láir agus ar bhainc cheannais**

*Airteagal 160***Dóchúlacht mainneachtana (PD)**

1. Beidh PD de chuid risíochta ar chorparáid nó ar instiúid cothrom le 0.03 % ar a laghad.

2. I gcás earraí infhaighte corparáideacha ceannaithe nach bhfuil instiúid in ann meastachán a dhéanamh ar PDanna ina leith nó i gcás nach gcomhlíonann meastacháin PD na hinstiúidí do na ceanglais atá leagtha amach i Roinn 6, cinnfeadh PDanna na risíochtaí sin de réir na modhanna seo mar a leanas:

- (a) i gcás éileamh sinsearach ar earraí infhaighte corparáideacha ceannaithe, is éard a bheidh in PD meastachán EL na hinstiúidí arna roinnt ar LGD do na hearraí infhaighte sin;

**▼B**

- (b) i gcás fo-éileamh ar earraí infhaighte corparáideacha ceannaithe, is é meastachán EL na hinstitiúide a bheidh in PD;
- (c) institiúid a mbeidh cead faighte aici ón údarás inniúil úsáid a bhaint as a meastachán féin ar LGD le haghaidh risíochtaí corparáideacha de bhun Airteagal 143 agus a fhéadfaidh a meastachán EL le haghaidh earraí infhaighte corparáideacha ceannaithe a mhiondealú ina PDanna agus ina LGDanna ar shlí a mheasfaidh an t-údarás inniúil a bheith iontaofa, féadfaidh sí úsáid a bhaint as an meastachán PD a thig ón miondealú seo.
3. 100 % an PD a bheidh ag oibleagáideoirí mainneachtana.
4. Féadfaidh institiúidí cosaint neamhchistithe creidmheasa sa PD a chur san áireamh i gcomhréir le forálacha Chaibidil 4. I gcás priacal caolúcháin, mar aon le soláthraithe na cosanta dá dtagraítear in Airteagal 201(1)(g), tá díoltóir na n-earraí infhaighte ceannaithe incháilithe má chomhlíontar na coinníollacha seo a leanas:
- (a) tá measúnú creidmheasa ag an eintiteas corparáideach ó IMCS a bhfuil sé deimhnithe ag ÚBE go mbaineann sé le beart cáilíochta creidmheasa 3 nó le beart níos airde, de réir na rialacha ualaithe priacal maidir le risíochtaí ar chorparáidí faoi Chaibidil 2;
- (b) i gcás institiúidí a dhéanann méideanna risíochta atá ualaithe ó thaobh priacal agus méideanna an chailleanais ionchasaigh a ríomh de réir an Chuir Chuige IRB, níl measúnú creidmheasa ó IMCS aitheanta ag an eintiteas corparáideach agus tá sé rátáilte go himmheánach mar chorparáidí a bhfuil PD acu atá coibhéiseach leis an PD a bhaineann le measúinthe creidmheasa IMCSanna a bhfuil sé deimhnithe ag ÚBE go mbaineann siad le beart cáilíochta creidmheasa 3 nó le beart níos airde de réir na rialacha ualaithe priacal maidir le risíochtaí ar chorparáidí faoi Chaibidil 2;
5. Féadfaidh institiúidí a úsáideann a meastachán LGD féin cosaint neamhchistithe creidmheasa a aithint trí bhíthin na PDanna a choigeartú faoi réir Airteagal 161(3).
6. I gcás priacal caolúcháin i leith earraí infhaighte corparáideacha ceannaithe, beidh PD cothrom le meastachán EL na hinstitiúide ar an bpriacal caolúcháin. Institiúid a mbeidh cead faighte aici ón údarás inniúil de bhun Airteagal 143 úsáid a bhaint as a meastachán LGD féin le haghaidh risíochtaí corparáideacha agus ar féidir léi a meastachán EL le haghaidh earraí infhaighte corparáideacha ceannaithe a mhiondealú ina PDanna agus ina LGDanna ar shlí a mheasfaidh an t-údarás inniúil a bheith iontaofa, féadfaidh sí úsáid a bhaint as an meastachán PD a thig ón miondealú seo. Féadfaidh institiúidí cosaint neamhchistithe creidmheasa a aithint sa PD i gcomhréir le forálacha Chaibidil 4. I gcás priacal caolúcháin, mar aon le soláthraithe na cosanta dá dtagraítear in Airteagal 201(1)(g), tá díoltóir na n-earraí infhaighte ceannaithe incháilithe ar an gcoinníoll go gcomhlíontar na coinníollacha atá leagtha amach i mír 4.
7. De mhaolú ar Airteagal 201(1)(g), tá na heintitis corparáideacha a chomhlíonann na coinníollacha atá leagtha amach i mír 4 incháilithe.



**▼B**

Aon institiúid a mbeidh cead faighte aici ón údarás inniúil de bhun Airteagal 143 a meastacháin LGD féin a úsáid do priacal caolúcháin i leith earraí infhaighte corparáideacha ceannaithe, féadfaidh sí cosaint neamhchistithe creidmheasa a aithint trí bhíthin na PDanna a choigeartú faoi réir Airteagal 161(3).

*Airteagal 161***Cailteanas i gcás Mainneachtana (LGD)**

1. Úsáidfídh na hinstitiúidí na luachanna LGD a leanas:
  - (a) risíochtaí sinsearacha gan comhthaobhacht incháilithe: 45 %;
  - (b) fo-risíochtaí gan comhthaobhacht incháilithe: 75 %;
  - (c) féadfaidh institiúidí cosaint chistithe creidmheasa agus cosaint neamhchistithe creidmheasa a aithint san LGD i gcomhréir le Caibidil 4;
  - (d) is féidir luach LGD 11.25 % a shannadh do bhannaí faoi chumhdach atá incháilithe don láimhseáil a leagtar amach in Airteagal 129(4) nó in Airteagal 129(5);
  - (e) i gcás risíochtaí sinsearacha ar earraí infhaighte corparáideacha ceannaithe, i gcás nach mbeidh an institiúid in ann PDanna a mheas nó nuair nach gcomhlíonann meastacháin PD na hinstitiúide na ceanglais atá leagtha amach i Roinn 6: 45 %;
  - (f) i gcás fo-risíochtaí ar earraí infhaighte corparáideacha ceannaithe, nuair nach féidir le hinstitiúid meastachán a dhéanamh ar PDanna nó i gcás nach gcomhlíonann meastacháin PD na hinstitiúide na ceanglais atá leagtha amach i Roinn 6: 100 %;
  - (g) I gcás priacal caolúcháin i leith earraí infhaighte corparáideacha ceannaithe: 75 %.
  
2. I gcás priacal caolúcháin agus mainneachtana, má tá cead faighte ag institiúid ón údarás inniúil a meastacháin LGD féin a úsáid le haghaidh risíochtaí corparáideacha de bhun Airteagal 143 agus más féidir léi a meastacháin EL le haghaidh earraí infhaighte corparáideacha ceannaithe a mhiondealú ina PDanna agus ina LGDanna ar shlí a mheasfaidh an t-údarás inniúil a bheith iontaofa, féadfar úsáid a bhaint as an meastachán LGD le haghaidh earraí infhaighte corparáideacha ceannaithe.
  
3. Má tá cead faighte ag institiúid ón údarás inniúil a meastacháin LGD féin le haghaidh risíochtaí ar chorparáidí, institiúidí, rialtais láir agus ar bhainc cheannais a úsáid de bhun Airteagal 143, féadfar cosaint neamhchistithe creidmheasa a aithint trí bhíthin an PD nó an LGD a choigeartú faoi réir na gceanglas atá sonraithe i Roinn 6 agus faoi réir chead na n-údarás inniúil. Ní shannfaidh institiúid PD ná LGD coigeartaithe do risíochtaí faoi ráthaíocht ar chaoi gurbh ísle an t-ualú priacal coigeartaithe ná an t-ualú priacal a bheadh ag risíocht dhíreach inchomparáide ar an ráthóir.

**▼B**

4. Chun críocha na ngealltanais dá dtagraítear in Airteagal 153(3), is éard a bheidh in LGD na risíochta díri inchomparáide ar sholáthraí na cosanta an LGD a bhaineann le saoráid neamhfháilithe chun an ráthóra, nó le saoráid neamhfháilithe an oibleagáideora; beidh sé sin de réir an méid a thugann an fhianaise atá le fáil agus struchtúr na ráthaíochta le tuiscint, maidir le cé acu ar staid airgeadais an ráthóra nó an oibleagáideora faoi seach, a bhraithfeadh an méid a ghnóthófaí i gcás ina mainneodh an ráthóir agus an t-oibleagáideoir faoi seach le linn shaolré an idirbhirt fhálaithe.

*Airteagal 162***Aibíocht**

1. Institiúidí nach bhfuil cead faighte acu úsáid a bhaint as a gcuid LGDanna agus fachtóirí coinbhéartachta féin le haghaidh risíochtaí ar chorparáidí, institiúidí nó rialtais láir agus ar bhainc cheannais, déanfaidh siad luach aibíochta (M) 0,5 bliain a shannadh do risíochtaí a thagann as idirbhearta athcheannaigh nó as idirbhearta iasachtaithe nó iasachtaíochta i leith urrús nó tráchtarraí, agus luach (M) 2,5 bliain a shannadh do gach risíocht eile.

De rogha air sin, mar chuid den chead dá dtagraítear in Airteagal 143, cinntídh na húdaráis inniúla cé acu a úsáidfidh nó nach n-úsáidfidh an institiúid aibíocht (M) do gach risíocht, mar atá leagtha amach faoi mhír 2.

2. Institiúidí a bhfuil cead faighte acu ón údarás inniúil úsáid a bhaint as a LGDanna agus fachtóirí coinbhéartachta féin le haghaidh risíochtaí ar chorparáidí, institiúidí nó rialtais láir agus ar bhainc cheannais de bhun Airteagal 143, ríomhfaidh siad M do gach ceann de na risíochtaí sin mar atá leagtha amach i bpointe (a) go (e) den mhír seo agus faoi réir mhír 3 go mír 5 den Airteagal seo. Ní bheidh M níos mó ná cúig bliana seachas i gcásanna a shonraítear in Airteagal 384(1) áit a úsáidfeadh M mar a shonraítear ansin é:

(a) I gcás ionstraime atá faoi réir sceideal sreafa airgid, ríomhfar M de réir na foirmle seo a leanas:

$$M = \max \left\{ 1, \min \left\{ \frac{\sum_t t \cdot CF_t}{\sum_t CF_t}, 5 \right\} \right\}$$

mar a gciallaíonn  $CF_t$  na sreafaí airgid (an phríomhshuim, íocaíochtaí úis agus táillí), a bhfuil oibleagáid chonarthathe ar an oibleagáideoir a íoc i dtéimhse  $t$ ;

(b) i gcás díorthach atá faoi réir máistir-chomhaontú glanluachála, is éard a bheidh in M meánaibíocht ualaithe iarmhair na risíochta, mar a mbeidh aon bhliain amháin ar a laghad in M, agus úsáidfeadh méid barúlach gach risíochta chun an aibíocht a ualú;

## ▼B

- (c) i gcás risíochtaí a thagann as ionstraimí díorthacha atá lánchomhthaobhaithe, nó geall leis, arna liostú in Iarscríbhinn II, agus as idirbhearta iasachta corrlaigh atá lánchomhthaobhaithe, nó geall leis, agus atá faoi réir máistir-chomhaontú glanluachála, is éard a bheidh in M meánaibíocht ualaithe iarmhair na n-idirbheart, mar a mbeidh 10 lá ar a laghad in M;
- (d) i gcás idirbheart athcheannaigh nó idirbheart i leith urrús nó tráchtearraí a iasachtú nó a fháil ar iasacht atá faoi réir máistir-chomhaontú glanluachála, is éard a bheidh in M meánaibíocht ualaithe iarmhair na n-idirbheart mar a mbeidh 5 lá ar a laghad in M. Úsáidfeadh méid barúlach gach idirbhirt d'fhonn an aibíocht a ualú;
- (e) maidir le hinstitiúid a bhfuil cead faighte aici ón údarás inniúil de bhun Airteagal 143 a meastacháin PD féin a úsáid le haghaidh earraí infhaighte corparáideacha ceannaithe, i gcás méideanna a tarraingíodh beidh M cothrom le meánaibíocht ualaithe na risíochta ar earraí infhaighte ceannaithe, mar a mbeidh 90 lá ar a laghad in M. Úsáidfeadh luach céanna seo M do mhéideanna neamhtharraingthe faoi shaoráid thiomanta ceannaigh ar an gcoinníoll go bhfuil sa tsaoaráid cúnaint éifeachtacha, truícir um luathamúcadh, nó gnéithe eile a chosnaíonn an institiúid ceannaigh ar aon mheath suntasach ar cháilíocht na n-earraí infhaighte todhchaí a cheanglófar uirthi a cheannach le linn théarma na saoráide. In éagmais cosaintí éifeachtacha den sórt sin, ríomhfar M do mhéideanna neamhtharraingthe mar shuim an infháltais fhéideartha is faide ó dháta de réir an chomhaontaithe ceannaigh agus aibíocht iarmhair na saoráide ceannaigh, mar a mbeidh 90 lá ar a laghad in M;
- (f) i gcás aon ionstraim seachas iad siúd atá luaite sa mhír seo nó i gcás nach bhfuil an institiúid in ann M a ríomh mar atá leagtha amach in (a), is éard a bheidh in M an tréimhse is faide a bheidh fágtha (i mblianta) a bheidh ceadaithe don oibleagáideoir le go gcomhlíonadh sé a oibleagáidí conarthacha, mar a mbeidh aon bhliain amháin ar a laghad in M;
- (g) i gcás institiúidí a úsáideann Modh na Samhla Inmheánaí mar atá leagtha amach i Roinn 6 de Chaibidil 6 chun luachanna na risíochta a ríomh, ríomhfar M do na risíochtaí ar a gcuireann siad an modh sin i bhfeidhm agus ar mó ná bliain amháin aibíocht an chonartha is faide ó dháta acu sa tacar glanluachála, de réir na foirmle seo a leanas:

$$M = \min \left\{ \frac{\sum_k \text{Effective} EE_{t_k} \cdot \Delta t_k \cdot df_{t_k} \cdot s_{t_k} + \sum_k EE_{t_k} \cdot \Delta t_k \cdot df_{t_k} \cdot (1 - s_{t_k})}{\sum_k \text{Effective} EE_{t_k} \cdot \Delta t_k \cdot df_{t_k} \cdot s_{t_k}} \right\}_{,5}$$

nuair atá:

$S_{t_k}$  = athróg táscaire arb ionann a luach sa tréimhse todhchaí  $t_k$  agus 0 má tá  $t_k > 1$  bliain agus 1 má tá  $t_k \leq 1$ ;

$EE_{t_k}$  = an risíocht ionchasach ag tréimhse todhchaí  $t_k$ ;

**▼B**

$EffectiveEE_{tk}$  = an risíocht ionchasach éifeachtach ag tréimhse todhchaí  $t_k$ ;

$df_{tk}$  = an fachtóir lascaine saor ó priacal don tréimhse todhchaí  $t_k$ ;

$\Delta t_k = t_k - t_{k-1}$ ;

- (h) féadfaidh institiúid a úsáideann samhail inmheánach chun coigeartú leataobhach ar luacháil creidmheasa a ríomh úsáid a bhaint as an ré iarbhír creidmheasa arna meas ag an tsamhail inmheánach mar M, faoi réir chead na n-údarás inniúil.

Faoi réir mhír 2, cuirfear an fhoirmle atá i bpointe (a) i bhfeidhm maidir le tacair ghlanluachála ar lú ná bliain amháin an aibíocht tosaigh acu;

- (i) i gcás institiúidí a úsáideann Modh na Samhla Inmheánaí atá leagtha amach i Roinn 6 de Chaibidil 6, chun luachanna na risíochta a ríomh, agus a bhfuil cead samhla inmheánaí acu le haghaidh an priacal shonraigh a bhaineann le suímh fhiachais arna dtrádáil i gcomhréir le Roinn a Trí, Teideal IV, Caibidil 5, socrófar M ar 1 san fhoirmle atá leagtha amach in Airteagal 153(1), ar an gcoinníoll gur féidir leis an institiúid a thaispeáint do na húdaráis inniúla go bhfuil iarmhairtí imirce rátála ar áireamh sa tsamhail inmheánach don Priacal sonrach a bhaineann le suímh fhiachais intrádála, a chuirtear i bhfeidhm in Airteagal 383;
- (j) chun críocha Airteagal 153(3), beidh M cothrom le haibíocht iarmhír na cosanta creidmheasa ach gan é a bheith níos giorra ná bliain amháin.

3. Nuair is gá an doiciméadacht a ataisceadh agus a athluacháil gach lá agus go bhfuil forálacha inti lena gceadaítear leachtú nó fritháireamh pras na comhthaoibhachta i gcás mainneachtana nó i gcás nach ndéantar an t-ataisceadh, beidh M cothrom le lá amháin ar a laghad i gcás na nithe seo a leanas:

- (a) ionstraimí díorthacha atá lánchomhthaoibhachtaí, nó geall leis, arna liostú in Iarscríbhinn II;
- (b) idirbhearta iasachta corrlaigh atá lánchomhthaoibhachtaí nó geall leis;
- (c) idirbhearta athcheannaigh, idirbhearta iasachtaithe agus iasachtaíochta i leith urrús agus tráchtarraí;

Ina theannta sin, i gcás risíochtaí gearrthéarmacha cáilitheacha nach cuid iad de mhaoiniú leanúnach an oibleagáideora ar an institiúid, beidh M cothrom le lá amháin ar a laghad. Áireofar iad seo a leanas ar risíochtaí gearrthéarmacha cáilitheacha:

- (a) risíochtaí ar institiúidí a thagann as oibleagáidí malairte eachtraí a ghlantar;

**▼B**

- (b) idirbhearta maoiniúcháin trádála gearrthéarmacha atá féinleachtaitheach a bhaineann le malartú earraí nó seirbhísí ag a bhfuil aibíocht iarmhair suas le bliain amháin dá dtagraítear i bpointe (80)d'Airteagal 4 (1);
- (c) risíochtaí a thagann as díol agus ceannach urrús a ghlantar laistigh den ghnáth-thréimhse sheachadta nó laistigh de dhá lá gnó;
- (d) risíochtaí a thagann as aistrithe socraíochtaí airgid de shreang agus socraíochtaí idirbhearta ríomhíocaíochta agus costais réamhíochta, lena n-áirítear rótharraingtí a thagann as idirbhearta loicthe nach faide iad ná líon gearr, socrúithe de laethanta gnó arna chomhaontú.

4. I gcás risíochtaí ar chorparáidí atá lonnaithe san Aontas agus ar lú a ndíolacháin chomhdhlúite agus a sócmhainní comhdhlúite ná EUR 500 milliún, beidh de rogha ag institiúidí M a shocrú go seasmhach mar atá leagtha amach i mír 1 seachas mír 2 a chur i bhfeidhm. Féadfaidh institiúidí iomlán sócmhainní is fiú 1 000 milliún a chur in ionad iomlán sócmhainní is fiú 500 milliún i gcás corparáidí ar leo, agus a ligeann ar cíós, maoin chónaithe neamh-amhantrach go príomha.

5. Láimhseálfar neamhréireanna aibíochta mar a shonraítear i gCaibidil 4.

## F o r o i n n 2

**Risíochtaí ar mhiondíol***Airteagal 163***Dóchúlacht mainneachtana (PD)**

1. Beidh PD aon risíochta cothrom le 0,03 % ar a laghad.
2. Beidh PD oibleagáideoirí, nó PD risíochtaí ar mainneachtain má úsáidtear cur chuige oibleagáide, beidh sé cothrom le 100 %.
3. I gcás priacal caolúcháin ar earraí infhaighte ceannaithe, socrófar PD ar luach atá cothrom le meastacháin EL ar priacal caolúcháin. Más féidir le hinstiúid a meastacháin EL ar priacal caolúcháin na n-earraí infhaighte ceannaithe a mhiondealú ina PDanna agus ina LGDanna ar shlí a mheasfaidh an t-údarás inniúil a bheith iontaoifa, féadfar an meastachán PD a úsáid.
4. Is féidir cosaint neamhchistithe creidmheasa a chur san áireamh trí bhíthin na PDanna a choigeartú faoi réir Airteagal 164(2). I gcás priacal caolúcháin, mar aon le soláthraithe na cosanta dá dtagraítear in Airteagal 201(1)(g), tá díoltóir na n-earraí infhaighte ceannaithe incháilithe má chomhlíontar na coinníollacha atá leagtha amach in Airteagal 160(4).

**▼B***Airteagal 164***Caillteanas i gcás Mainneachtana (LGD)**

1. Cuirfidh na hinstiúidí a meastacháin féin ar LGDanna ar fáil faoi réir na gceanglas atá sonraithe i Roinn 6 agus ar an gcoinníoll go bhfaighidh siad cead ó na húdaráis inniúla i gcomhréir le hAirteagal 143. I gcás priacal caolúcháin ar earraí infhaighte ceannaithe, úsáidfear luach LGD atá cothrom le 75 %. Más féidir le hinstiúid a meastacháin EL ar priacal caolúcháin na n-earraí infhaighte ceannaithe a mhiondealú ina PDanna agus ina LGDanna ar bhealach iontaofa, féadfaidh an instiúid a meastachán LGD féin a úsáid.

2. Féadfar cosaint neamhchistithe creidmheasa a aithint mar ghné atá incháilithe ach na meastacháin PD nó LGD a choigeartú faoi réir na gceangaltas atá sonraithe in Airteagal 183(1), (2) agus (3) agus faoi réir chead na n-údarás inniúil ag tacú le risíocht ar leith nó le comhthiomsú risíochtaí. Ní shannfaidh instiúid PD ná LGD coigeartaithe do risíochtaí faoi ráthaíocht ar chaoi gurbh ísle an t-ualú priacal coigeartaithe ná an t-ualú priacal a bheadh ag risíocht dhíreach inchomparáide ar an ráthóir.

3. Chun críocha Airteagal 154(2), is ionann LGD na risíochta díri inchomparáide ar sholáthraí na cosanta dá dtagraítear in Airteagal 153(3) agus an LGD a bhaineann le saoráid neamhfháilaithe chun an ráthóra, é sin nó saoráid neamhfháilaithe an oibleagáideora, nó neachtar acu saoráid neamhfháilaithe an oibleagáideora; beidh sé sin de réir an méid a thugann an fhianaise atá le fáil agus struchtúr na ráthaíochta le tuiscint maidir le cé acu ar staid airgeadais an ráthóra nó an oibleagáideora a bhraithfeadh an méid a ghnóthófaí i gcás ina mainneodh an ráthóir agus an t-oibleagáideoir araon le linn shaolré an idirbhirt fháilaithe.

4. An meánluach LGD ualaithe ó thaobh na risíochta do gach risíocht arna hurrú le maoin dhochorraithe agus gan ráthaíochtaí ó rialtais láir acu, ní bheidh sé níos ísle ná 10 %.

**▼C2**

An meánluach LGD ualaithe ó thaobh na risíochta do gach risíocht arna hurrú le maoin tráchtála dhochorraithe agus gan ráthaíochtaí ó rialtais láir acu, ní bheidh sé níos ísle ná 15 %.

5. Bunaithe ar fhaisnéis a bailíodh faoi Airteagal 101 agus forbairtí réamhbhreathnaitheacha sna margaí maoin dochorraithe agus aon táscairí ábhartha eile á gcur san áireamh, déanfaidh na húdaráis inniúla a mheas go tréimhsiúl, ar a laghad uair sa bhliain, an bhfuil na luachanna íosta LGA i mír 4 den Airteagal seo iomchuí do risíochtaí atá urraithe le maoin chónaithe nó le maoin tráchtála dhochorraithe atá suite ar a gcríoch. Féadfaidh údaráis inniúla, i gcás inarb iomchuí, ar bhonn comaoineacha cobhsaíochta airgeadais, luachanna íosta níos airde a shocrú do mheán LGA atá ualaithe do risíochtaí a urraítear le maoin dhochorraithe atá suite ar a gcríoch.

**▼B**

Cuirfidh údaráis inniúla ÚBE ar an eolas faoi aon athruithe a dhéanfar ar na luachanna íosta LGD i gcomhréir leis an gcéad fhomhír agus foilseoidh ÚBE na luachanna LGD sin.

**▼B**

6. Forbróidh ÚBE dréachtchaighdeáin theicniúla rialála lena sonrófar na coinníollacha a chuirfidh na húdaráis inniúla san áireamh nuair a bheidh luach íosta LGD níos airde á gcinneadh acu.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2014.

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go 14 de Rialachán (AE) Uimh. 1093/2010.

**▼C2**

7. Cuirfidh institiúidí Ballstáit amháin na luachanna íosta LGD níos airde arna gcinneadh ag údaráis inniúla Ballstáit eile i bhfeidhm maidir le risíochtaí atá urraithe le maoin dhochorraithe atá suite sa Bhallstát sin.

**▼M8**

8. Déanfaidh ÚBE, i ndlúthchomhar le BERS, dréachtchaighdeáin theicniúla rialála a fhorbairt d'fhonn na coinníollacha a shonrú a chuirfidh an t-údarás a ainmneofar i gcomhréir le mír 5 san áireamh agus oiriúnacht na luachanna LGD á meas acu mar chuid den mheasúnú dá dtagraítear i mír 6.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2019.

Tabharfar de chumhacht don Choimisiún an chumhacht chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

9. Féadfaidh BERS trí nhithín moltaí i gcomhréir le hAirteagal 16 de Rialachán (AE) Uimh. 1092/2010, agus i ndlúthchomhar le ÚBE, treoir a thabhairt do na húdaráis a ainmneofar i gcomhréir le mír 5 den Airteagal seo maidir leis an méid seo a leanas:

- (a) na fachtóirí a d'fhéadfadh “dífear díobhálach a dhéanamh do chobhsaíocht airgeadais faoi láthair nó amach anseo” dá dtagraítear i mír 6; agus
- (b) tagarmharcanna táscacha a chuirfidh an t-údarás arna ainmniú i gcomhréir le mír 5 san áireamh agus luachanna LGD níos airde á socrú.

**▼B**

## Foroinn 3

**Risíochtaí ar chothromas faoi réir an mhodha PD/LGD***Airteagal 165***Risíochtaí ar chothromas faoi réir an mhodha PD/LGD**

1. Cinnfear PDanna de réir na modhanna a úsáidtear le haghaidh risíochtaí corparáideacha.

Beidh feidhm ag na PDanna íosta seo a leanas:

- (a) 0,09 % i gcás risíochtaí ar chothromas arna thrádáil ar an stocmhalartán i gcás gur cuid de chaidreamh fadtéarmach leis an gcustaiméir í an infheistíocht;
- (b) 0,09 % i gcás risíochtaí nach risíochtaí ar chothromas arna dtrádáil ar an stocmhalartán iad, má tá na fáiltais ar an infheistíocht bunaithe ar shreafaí rialta agus tréimhsiúla airgid nach dtagann as gnóthachain chaipitiúla;

**▼B**

- (c) 0,40 % i gcás risíochtaí ar chothromas arna thrádáil ar an stocmhalartán lena n-áirítear suímh ghearra eile mar atá leagtha amach in Airteagal 155(2);
  - (d) 1,25 % i gcás gach risíochta eile ar chothromas lena n-áirítear suímh ghearra eile mar atá leagtha amach in Airteagal 155(2).
2. Maidir le risíochtaí ar chothromas príobháideach i bpunanna atá éagsúlaithe a ndóthain, féadfar LGD 65 % a shannadh dóibh. Sannfar LGD 90 % do gach risíocht eile den sórt sin.
3. Beidh an M a shannfar do gach risíocht cothrom le cúig bliana.

## R o i n n 5

**Luach na risíochta***Airteagal 166***Risíochtaí ar chorparáidí, institiúidí, rialtais láir agus ar bhainc cheannais agus risíochtaí ar mhiondíol**

1. Mura dtugtar a mhalairt le fios, is ionann luach risíochta na risíochtaí laistigh den chlár comhardaithe agus an luach cuntasáíochta, arna thomhas gan aon choigeartuithe i leith an priacal creidmheasa a chur san áireamh.

Tá feidhm ag an riall seo freisin maidir le sócmhainní a ceannaíodh ar praghas nach ionann é agus an méid atá dlite.

I gcás sócmhainní ceannaithe, meastar gur lascaine ar an difríocht idir an méid atá dlite agus an luach cuntasáíochta a fhanann ar chlár comhardaithe na hinstitiúide agus í ag ceannach na sócmhainne, tar éis di na coigeartuithe sonracha ar an bpricacal creidmheasa a chur i bhfeidhm, más mó an méid atá dlite, agus meastar gur préimh í más lú an méid atá dlite.

2. Ríomhfar an luach risíochta i gcomhréir le Caibidil 4 nó le Caibidil 6 i gcás ina n-úsáideann institiúidí Máistir-chomhaontuithe glanluachála maidir le hidirbhearta athcheannaigh nó maidir le hidirbhearta iasachtaithe nó iasachtaíochta i leith urrús nó tráchtearraí.

3. Chun luach na risíochta a ríomh i gcás glanluachála iasachtaí agus taiscí laistigh den chlár comhardaithe, cuirfidh institiúidí isteach ar na modhanna atá leagtha amach i gCaibidil 4.

4. Beidh luach na risíochta do léasanna cothrom leis na híocaíochtaí léasa íosta lascainithe. Beidh na híocaíochtaí léasa íosta comhdhéanta de na híocaíochtaí a cheanglaítear nó is féidir a cheangal ar an léasaí a dhéanamh i rith théarma an léasa agus aon rogha margaidh (i.e. rogha a bhfuil a feidhmiú réasúnta cinnte). Más féidir a cheangal ar pháirtí seachas an léasaí íocaíocht a dhéanamh a bhaineann le luach iarmharach sócmhainne léasaithe agus má chomhlíonann an oibleagáid íocaíochta sin an tacar coinníollacha atá in Airteagal 201 maidir le hincháilitheacht sholáthraithe na cosanta, chomh maith leis na ceanglais maidir le cineálacha eile ráthaíochtaí a aithint mar a fhoráiltear in Airteagal 213, féadfar an oibleagáid íocaíochta sin a chur san áireamh mar chosaint neamhchistithe creidmheasa i gcomhréir le Caibidil 4.



**▼B**

5. I gcás aon chonartha atá liostaithe in Iarscríbhinn II, cinnfear luach na risíochta de réir na modhanna atá leagtha amach i gCaibidil 6 agus ní chuirfear aon choigeartú i leith an pricail creidmheasa san áireamh.

6. Is ionann luach na risíochta a úsáidfear chun na méideanna risíochta atá ualaithe ó thaobh pricail d'earraí infhaighte ceannaithe a ríomh agus an luach arna ríomh i gcomhréir le mír 1 lúide na ceanglais cistí dílse le haghaidh an pricail caolúcháin roimh an maolú pricail creidmheasa.

7. I gcás risíochta i bhfoirm urrús nó tráchtearraí a díoladh, a breacadh chun cuntais nó a tugadh ar iasacht faoi idirbhearta athcheannaigh nó idirbhearta iasachtaithe nó iasachtaíochta i leith urrús nó tráchtearraí, idirbhearta socraíochta iarchurtha agus idirbhearta iasachta corrlaigh, is ionann luach na risíochta agus luach na n-urrús nó na dtráchtearraí arna chinneadh i gcomhréir le hAirteagal 24. I gcás ina n-úsáidfear an Modh Cuimsitheach Comhthaobhach Airgeadais de réir mar atá sé leagtha amach in Airteagal 223, méadófar luach na risíochta den choigeartú luaineachta is iomchuí d'urrús nó do thráchtearraí den sórt sin, mar atá leagtha amach ann. Féadfar luach risíochta na n-idirbheart athcheannaigh, na n-idirbheart iasachtaithe nó iasachtaíochta i leith urrús nó tráchtearraí, na n-idirbheart socraíochta iarchurtha agus na n-idirbheart iasachta corrlaigh a chinneadh i gcomhréir le Caibidil 6 nó le hAirteagal 220(2).

**▼C2**

8. Ríomhfar luach risíochta na n-ítimí seo a leanas mar an méid atá tiomanta ach nár tarraingíodh fós arna iolrú faoi fhachtóir coinbhéartachta. Úsáidfidh na hInstitiúidí na fachtóirí coinbhéartachta a leanas i gcomhréir le hAirteagal 151(8) maidir le risíochtaí ar chorparáidí, ar institiúidí, ar rialtais láir agus ar bhainc cheannais:

- (a) i gcás línte creidmheasa is féidir leis an institiúid a chealú go neamhchoinníollach aon tráth gan fógra a thabhairt roimh ré, nó lena ndéantar foráil go hiarbhair gur féidir iad a chealú go huathoibríoch má thagann meath ar acmhainn creidmheasa an iasachtaí, cuirfear fachtóir coinbhéartachta 0 % i bhfeidhm. Chun fachtóir coinbhéartachta 0 % a chur i bhfeidhm, déanfaidh institiúidí faireachán gníomhach ar staid airgeadais an oibleagáideora agus cuirfidh a gcórais rialaithe inmheánaigh ar a gcumas aon mheathlú ar cháilíocht chreidmheasa an oibleagáideora a bhrath láithreach. Féadfar a mheas go bhfuil na línte creidmheasa miondíola inchealaithe go neamhchoinníollach má cheadaíonn na téarmaí don institiúid na línte sin a chealú an oiread atá ceadaithe faoi reachtaíocht cosanta tomhaltóirí agus faoi reachtaíocht ghaolmhar;
- (b) i gcás litreacha creidmheasa gearrthéarmacha a thagann as gluaiseacht earraí, cuirfear fachtóir coinbhéartachta 20 % i bhfeidhm maidir leis na hinstiúidí eisiúna agus na hinstiúid daingniúcháin araon;
- (c) i gcás ceangaltais cheannaigh neamhtharraingthe i leith earraí infhaighte ceannaithe imrothlacha is féidir a chealú go neamhchoinníollach nó a dhéanann foráil go bhféadfaidh an institiúid iad a chealú tráth ar bith gan fógra a thabhairt roimh ré, cuirfear fachtóir coinbhéartachta 0 % i bhfeidhm. Chun fachtóir coinbhéartachta 0 % a chur i bhfeidhm, déanfaidh institiúidí faireachán gníomhach ar staid airgeadais an oibleagáideora agus cuirfidh a gcórais rialaithe inmheánaigh ar a gcumas aon mheath ar cháilíocht chreidmheasa an oibleagáideora a bhrath láithreach;

**▼ C2**

(d) i gcás línte creidmheasa eile, saoráidí eisiúna nótaí (NIFanna) agus saoráidí frithgheallta imrothlacha (RUFanna), cuirfear fachtóir coinbhéartachta 75 % i bhfeidhm.

Féadfaidh institiúidí a chomhlíonann na ceanglais maidir le húsáid a bhaint as a meastacháin féin ar fhachtóirí coinbhéartachta, mar a shonraítear i Roinn 6, a meastacháin féin a úsáid thar chineálacha táirgí éagsúla mar a luaitear i bpointí (a) go (d), faoi réir chead na n-údarás inniúil.

**▼ B**

9. I gcás ina dtagraítear i gceangaltas do shíneadh ceangaltais eile, is é an ceann is ísle den dá fhachtóir coinbhéartachta a bhaineann leis an gceangaltas aonair a úsáidfear.

10. I gcás ítimí lasmuigh den chlár comhardaithe, seachas iad sin ar a bhfuil trácht i míreanna 1 go 8, beidh luach na risíochta dóibh uile cothrom leis an gcéatadán seo a leanas dá luach:

- (a) 100 % más ítim lánpriacal atá i gceist;
- (b) 50 % más ítim mheánpriacal atá i gceist;
- (c) 20 % más ítim mheánpriacal /íospriacal atá i gceist;
- (d) 0 % más ítim íospriacal atá i gceist.

Chun críocha na míre seo sannfar na hítimí lasmuigh den chlár comhardaithe do chatagóirí priacal mar a thugtar le fios in Iarscríbhinn I.

*Airteagal 167***Risíochtaí ar chothromas**

1. Beidh luach na risíochta i gcás risíochtaí ar chothromas cothrom leis an luach cuntasaíochta a bheidh fágtha nuair a chuirfear an coigeartú sonrath ar an bpriacal creidmheasa i bhfeidhm.

2. Beidh luach na risíochta do risíochtaí ar chothromas lasmuigh den chlár comhardaithe cothrom lena luach ainmniúil nuair a laghdófar a luach ainmniúil le coigeartuithe sonracha ar an bpriacal creidmheasa don risíocht seo.

*Airteagal 168***Sócmhainní eile nach sócmhainní oibleagáide creidmheasa iad**

Is ionann luach na risíochta i gcás sócmhainní eile nach sócmhainní oibleagáide creidmheasa iad agus an luach cuntasaíochta a bheidh fágtha nuair a chuirfear coigeartuithe sonracha ar an bpriacal creidmheasa i bhfeidhm.

**Roinn 6****Ceanglais maidir le cur chuige irb****Foironn 1****Córais rátála***Airteagal 169***Prionsabail ghinearálta**

1. I gcás ina n-úsáideann institiúid roinnt córas rátála, doiciméadófar an réasúnaíocht ba bhun le hoibleagáideoir nó idirbheart a shannadh do chóras rátála ar leith agus déanfar sin ar bhealach a léiríonn mar is ceart leibhéal an priacal.

**▼B**

2. Déanfar athbhreithniú tréimhsiúil ar chritéir agus ar phróisis an tsannta lena chinneadh an bhfuil siad iomchuí i gcónaí don phunann reatha agus do na dálaí seachtracha.

3. I gcás ina n-úsáideann institiúid meastacháin dhíreacha ar pharaiméadair priacal d'obleagáideoirí aonair nó do risíochtaí, is féidir iad a mheas mar mheastacháin a shannfar do ghráid ar scála rátála leanúnach.

*Airteagal 170***Struchtúr na gcóras rátála**

1. Comhlíonfaidh struchtúr na gcóras rátála maidir le risíochtaí ar chorparáidí, institiúidí agus rialtais láir agus ar bhainc cheannais na ceanglais seo a leanas:

- (a) cuirfear saintréithe priacal an oibleagáideora agus an idirbhirt san áireamh sa chóras rátála;
- (b) beidh scála rátála oibleagáideora sa chóras rátála nach léireoidh ach an cainníochtú ar priacal mainneachtana an oibleagáideora. Beidh ar a laghad 7 ngrád sa scála rátála féichiúnaí d'obleagáideoirí neamh-mhainneachtana agus ceann amháin d'obleagáideoirí mainneachtana;
- (c) déanfaidh institiúid doiciméadú ar an ngaol atá idir na gráid oibleagáideora ar bhonn leibhéal an priacal mainneachtana a bhaineann le gach grád agus ar bhonn na gcritéir a úsáidtear d'fhonn an leibhéal sin de priacal mainneachtana a aithint;
- (d) institiúidí a bhfuil punanna acu atá comhchruinnithe i ndeighleog mhargaidh ar leith agus i raon priacal mainneachtana ar leith, beidh a ndóthain grád oibleagáideora acu laistigh den raon sin le nach mbeidh an iomarca oibleagáideoirí comhchruinnithe in aon ghrád ar leith. I gcás comhchruinnithe suntasacha in aon ghrád amháin, tabharfar fianaise eimpíreach dhiongbháilte go gcumhdaíonn an grád oibleagáideora banda réasúnta caol PD agus go bhfuil priacal mainneachtana gach oibleagáideoir sa ghrád sin laistigh den bhanda sin;
- (e) le go mbeidh cead ag an údarás inniúil a meastacháin féin ar LGDanna a úsáid chun a gceanglais cistí dílse a ríomh, ní mór scála rátála saoráidí ar leith a bheith sa chóras rátála nach léiríonn ach saintréithe na n-idirbheart a bhaineann le LGD. Beidh i sainiú an ghráid saoráide cur síos ar an gcaoi a sanntar risíochtaí don ghrád sin agus cur síos ar na critéir a úsáidtear chun leibhéal an priacal sna gráid éagsúla a aithint;
- (f) i gcás comhchruinnithe suntasacha in aon ghrád saoráide ar leith, tabharfar fianaise eimpíreach dhiongbháilte go gcumhdaíonn an grád saoráide banda réasúnta caol LGD agus go bhfuil priacal gach risíochta sa ghrád sin laistigh den bhanda sin.

2. Institiúidí a úsáideann na modhanna atá leagtha amach in Airteagal 153(5) chun ualuithe priacal a shannadh do risíochtaí ar iasachtú speisialaithe, tá siad díolmhaithe ón gceanglas scála rátála oibleagáideora a bheith acu nach léiríonn ach an cainníochtú ar priacal mainneachtana

**▼B**

an oibleagáideora i leith na risíochtaí sin. Beidh ar a laghad 4 ghrád ag na hinstiúidí sin do na risíochtaí sin ar oibleagáideoirí neamh-mhainneachtana agus grád amháin ar a laghad d'oibleagáideoirí mainneachtana;

3. Comhlíonfaidh struchtúr na gcóras rátála do risíochtaí ar mhíodíol na ceanglais seo a leanas:

- (a) léireofar an bpríacal oibleagáideora agus an príacal idirbhirt araon sna córais rátála, agus gabhfar saintréithe iomchuí uile an oibleagáideora agus an idirbhirt iontu;
- (b) áiríteoidh leibhéal difreála an príacal gur leor líon na risíochtaí in aon ghrád nó in aon chomhthiomsú ar leith le gur féidir cainníochtú agus bailíochtú fóinteach a dhéanamh ar na saintréithe cailleanais ar leibhéal an ghráid nó an chomhthiomsaithe. Dáilfear na risíochtaí agus na hoibleagáideoirí ar na gráid nó na comhthiomsuithe ar chaoi nach mbeidh an iomarca comhchruinnithe ann;
- (c) fágfaidh próiseas sannta na risíochtaí do ghráid agus do chomhthiomsuithe go bhféadfár difreáil fhóinteach a dhéanamh ar na príacail, go ngrúpálfar na risíochtaí atá aonchineálach a ndóthain agus go bhféadfár meastachán beacht comhsheasmhach a dhéanamh ar shaintréithe an chaillteanais ar leibhéal an ghráid nó an chomhthiomsaithe. I gcás earraí infhaighte ceannaithe, léireoidh an ghrúpáil cleachtaí frithgheallta an díoltóra agus ilchineálacht a chustaiméirí.

4. Cuirfidh na hinstiúidí na spreagaithe príacal seo a leanas san áireamh agus iad ag sannadh risíochtaí do ghráid nó do chomhthiomsuithe:

- (a) saintréithe an phríacail oibleagáideora;
- (b) saintréithe an phríacail idirbhirt, lena n-áirítear na cineálacha táirge nó comhthaobhachta nó iad araon. Tabharfaidh instiúidí aghaidh go sainráite ar chásanna mar a dtéann an chomhthaobhacht chéanna chun tairbhe do roinnt risíochtaí;
- (c) faillí, ach amháin i gcás ina dtaispeánann instiúid chun sástachta a údaráis inniúil nach spreagaí ábhartha príacal don risíocht í an fhaillí.

*Airteagal 171***Grádanna nó comhthiomsuithe a shannadh**

1. Beidh sainmhínte, próisis agus critéir ar leith ag instiúid chun risíochtaí a shannadh do ghráid nó do chomhthiomsuithe laistigh de chóras rátála a chomhlíonann na ceanglais seo a leanas:

- (a) beidh sainmhínte agus critéir na ngrád agus na gcomhthiomsuithe mionsonraithe a ndóthain le gur féidir leo siúd a bhfuil sé de chúram orthu rátálacha a shannadh na hoibleagáideoirí nó na saoráidí a bhfuil an príacal céanna ag baint leo a shannadh go comhsheasmhach don ghrád nó don chomhthiomsú céanna. Beidh an chomhsheasmhacht sin le fáil thar línte gnó, ranna agus suímh gheografacha;
- (b) cuirfidh doiciméadú an phróisis rátála ar chumas tríú páirtithe sannadh na risíochtaí do ghráid nó do chomhthiomsuithe a thuiscint, an sannadh do ghráid nó do chomhthiomsuithe a mhacasamhlú agus meastachán a dhéanamh ar oiriúnacht an tsannta don ghrád nó don chomhthiomsú;

**▼B**

- (c) ina theannta sin, beidh na critéir comhsheasmhach le caighdeáin inmheánacha iasachtaithe na hinstitiúide agus lena beartais maidir leis an gcaoi a bpléitear le hoibleagáideoirí nó le saoráidí struis.

2. Cuirfidh institiúid gach faisnéis ábhartha san áireamh agus í ag sannadh oibleagáideoirí agus saoráidí do ghráid nó do chomhthiomsuithe. Dá laghad faisnéis a bheidh ag an institiúid, is ea is coimeádaí a bheidh sí agus í ag sannadh risíochtaí do ghráid nó do chomhthiomsuithe oibleagáideoirí nó saoráidí. Má bhaineann institiúid úsáid as rátáil sheachtrach mar phríomhfhachtóir chun sannadh rátála inmheánaí a chinneadh, áiríteoidh an institiúid go gcuirfear faisnéis ábhartha eile san áireamh.

*Airteagal 172***Sannadh risíochtaí**

1. I gcás risíochtaí ar chorparáidí, institiúidí agus rialtais láir agus ar bhainc cheannais, agus i gcás risíochtaí ar chothromas ina mbaineann institiúid úsáid as an cur chuige PD/LGS a leagtar amach in Airteagal 155(3), sannfar na risíochtaí i gcomhréir leis na critéir seo a leanas:

- (a) sannfar gach oibleagáideoir do ghrád oibleagáideora ar leith mar chuid den phróiseas chun creidmheas a fhaomhadh;
- (b) i gcás na risíochtaí sin a bhfuil cead faighte ag institiúid ón údarás inniúil a meastacháin féin ar LGDanna agus ar fhachtóirí coinbhéartachta a úsáid de bhun Airteagal 143, sannfar gach risíocht do ghrád saoráide freisin mar chuid den phróiseas chun creidmheas a fhaomhadh;
- (c) institiúidí a úsáideann na modhanna atá leagtha amach in Airteagal 153(5) chun ualuithe priacal a shannadh do risíochtaí ar iasachtú speisialaithe, sannfaidh siad gach ceann de na risíochtaí sin do ghrád ar leith i gcomhréir le hAirteagal 170(2);
- (d) déanfar rátáil ar leith ar gach eintiteas dlíthiúil ar leith ar a bhfuil an institiúid ar ris. Beidh beartais iomchuí ag institiúid maidir leis an gcaoi a láimhseálfar cliaint aonair ar oibleagáideoirí iad agus le grúpaí de chliant atá bainteach le chéile;
- (e) déanfar risíochtaí leithleacha ar an oibleagáideoir céanna a shannadh don ghrád oibleagáideora céanna, beag beann ar aon difríocht idir cineál gach idirbhirt ar leith. Mar sin féin, i gcás ina mbíonn grád éagsúla ag an oibleagáideoir céanna de bharr risíochtaí leithleacha, beidh feidhm ag an méid seo a leanas:
- (i) priacal aistrithe tíre, rud a bhíonn ag brath ar cé acu in airgeadra áitiúil nó in airgeadra eachtrach a ainmnítear na risíochtaí;
- (ii) féadfar láimhseáil ráthaíochtaí gaolmhara ar risíocht a léiriú i sannadh coigeartaithe do ghrád oibleagáideora;

**▼B**

(iii) toirmeascann an reachtaíocht maidir le cosaint tomhaltóirí, rúndacht bhaincéireachta nó reachtaíocht eile malartú sonraí na gcliant.

2. I gcás risíochtaí ar mhiondíol, sannfar gach risíocht do ghrád nó do chomhthiomsú ar leith mar chuid den phróiseas chun creidmheas a fhaomhadh.

3. I gcás sanntaí do ghráid agus do chomhthiomsuithe, doiciméadóidh institiúidí na cásanna ina bhféadfaidh breithiúnas daonna ionchuir agus aschuir an phróisis sannta a shárú agus an pearsanra a bhfuil de chúram orthu na sárúithe sin a fhaomhadh. Doiciméadóidh institiúidí na sárúithe sin agus déanfaidh siad nóta den phearsanra atá freagrach. Déanfaidh institiúidí anailís ar fheidhmíocht na risíochtaí ar sáraíodh a sanntaí. Áireofar san anailís sin measúnú ar fheidhmíocht na risíochtaí ar sháraigh duine ar leith a rátáil, agus cuirfear an pearsanra freagrach uile san áireamh.

*Airteagal 173***Sláine an phróisis sannta**

1. I gcás risíochtaí ar chorparáidí, institiúidí agus rialtais láir agus ar bhainc cheannais, agus i gcás neamhcosaintí ar chothromas ina mbaineann institiúid leas as an gcur chuige PD/LGD a leagtar amach in Airteagal 155(3), ar comhlíonfaidh an próiseas sannta na ceanglais sláine seo a leanas:

- (a) Is páirtí neamhspleách nach mbaineann aon tairbhe dhíreach as aon chinneadh síneadh a chur leis an gcreidmheas a dhéanfaidh nó a fhaomhfaidh na sanntaí agus na hathbhreithnithe tréimhsiúla ar na sanntaí;
- (b) Athbhreithneoidh institiúidí na sanntaí uair amháin in aghaidh na bliana ar a laghad agus déanfaidh siad an sannadh a choigeartú mura mbeidh údar an sannadh reatha a iompar ar aghaidh de réir torthaí an athbhreithnithe. Déanfar athbhreithnithe níos minice ar oibleagáideoirí ardpriacal agus ar risíochtaí a bhfuil fadhb ag baint leo. Gabhfaidh institiúidí sannadh nua ar láimh má bhíonn faisnéis ábhartha ar an oibleagáideoir nó ar an risíocht ar fáil;
- (c) Beidh próiseas éifeachtach ag institiúid chun faisnéis ábhartha maidir le saintréithe oibleagáideora a dhéanann difear do PDanna agus faisnéis maidir le saintréithe idirbhirt a dhéanann difear do LGDanna nó d'fhachtóirí coinbhéartacha a fháil agus a nuashonrú.

2. I gcás risíochtaí ar mhiondíol, uair amháin in aghaidh na bliana ar a laghad athbhreithneoidh institiúid na sanntaí oibleagáideora agus saoraíde agus déanfaidh sí an sannadh a choigeartú mura mbeidh údar an sannadh reatha a iompar ar aghaidh de réir torthaí an athbhreithnithe, nó déanfaidh sí athbhreithniú ar shaintréithe caillteanais agus ar stádas faillí gach comhthiomsaithe aitheanta de priacail, cibé acu is infheidhme. Uair amháin ar a laghad in aghaidh na bliana arís eile, déanfaidh institiúid athbhreithniú i sampla ionadaíoch ar stádas risíochtaí ar leith laistigh de gach comhthiomsú, lena áirithiú go sannfar na risíochtaí don chomhthiomsú ceart i gcónaí, agus déanfaidh sí an sannadh a choigeartú mura mbeidh údar an sannadh reatha a iompar ar aghaidh de réir torthaí an athbhreithnithe.

**▼B**

3. Forbróidh ÚBE dréachtchaighdeáin theicniúla rialála i gcomhair mhodheolaíochtaí na n-údarás inniúil chun sláine an phróisis sannta agus an measúnú neamhspleách rialta a dhéantar ar priacail a mheas.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2014.

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 174***Úsáid samhlacha**

Má úsáideann institiúid samhlacha staitistiúla agus modhanna meicniúla eile chun risíochtaí a shannadh do ghráid nó do chomhthiomsuithe oibleagáideoirí nó saoráide, comhlíonfar na ceanglais seo a leanas:

- (a) beidh acmhainn mhaith réamhaisnéise ag an tsamhail agus ní chuirfear na riachtanais chaipitil as a riocht de bharr í a úsáid. Beidh na hathróa ionchuir ina mbonn réasúnta éifeachtach ag na réamhaisnéisí a a sholáthrófar. Ní bheidh aon laofacht ábhartha sa tsamhail;
- (b) beidh próiseas i bhfeidhm ag an institiúid chun na hionchuir sonraí sa tsamhail a sheiceáil, lena n-áirítear measúnú ar bheachtas, ar chomhláine agus ar oiriúnacht na sonraí;
- (c) beidh na sonraí a úsáidfear chun an tsamhail a thógáil ionadaíoch do dhaonna oibleagáideoirí nó risíochtaí iarbhir na hinstiúide;
- (d) beidh timthriall rialta bailíochtaithe samhla ag an institiúid lena n-áireofar faireachán ar fheidhmíocht agus ar chobhsaíocht na samhla; athbhreithniú ar shonraíocht na samhla; agus tástáil ar aschuir na samhla in aghaidh na dtorthaí;
- (e) comhlánóidh an institiúid an tsamhail staitistiúil le breithiúnas daonna agus le formhaoirseacht dhaonna chun athbhreithniú a dhéanamh ar na sanntaí atá bunaithe ar an tsamhail agus lena áirithiú go n-úsáidfear na samhlacha go hionchuí. Is é aidhm a bheidh ag na nósanna imeachta athbhreithnithe na hearráidí a thagann as laigí na samhla a aimsiú agus a theorannú. Déanfaidh an breithiúnas daonna gach faisnéis ábhartha nár cuireadh san áireamh sa tsamhail a chur san áireamh. Doiciméadóidh an institiúid an chaoi nach mór an breithiúnas daonna agus torthaí na samhla a thabhairt le chéile.

*Airteagal 175***Doiciméadú na gcóras rátála**

1. Doiciméadóidh institiúidí dearadh agus mionsonraí oibríochta a córas rátála. Cuirfidh an doiciméadú fianaise ar fáil go bhfuiltear ag comhlíonadh ceanglas na Roinne seo, agus déileálfaidh sé le hábhair lena n-áirítear difreáil punann, critéir rátála, freagrachtaí na bpáirtithe a rátálann na hoibleagáideoirí agus na risíochtaí, minicíocht na n-athbhreithnithe ar shanntaí agus an mhaoirseacht bhainistíochta ar an bpróiseas rátála.

**▼B**

2. Doiciméadóidh an institiúid an réasúnaíocht is bun leis na critéir rátála arna roghnú aici agus an anailís a thacaíonn leis an rogha sin. Doiciméadóidh an institiúid aon athrú mór a dhéanfar ar an bpróiseas rátála priacal agus beidh an doiciméadú ag tacú leis na hathruithe a rinneadh ar an bpróiseas rátála priacal ón uair a rinne na húdaráis inniúla athbhreithniú go deireanach air a aithint. Déanfar doiciméadú freisin ar eagrú an tsannta rátála, lena n-áirítear an próiseas sannta rátála agus an struchtúr rialaithe inmheánaigh.

3. Doiciméadóidh an institiúid na sainmhínte ar leith ar mhainneachtain agus ar chailteanas a úsáidtear go himmheánach agus áirítheoidh sí go mbeidh siad comhsheasmhach leis na sainmhínte atá leagtha amach sa Rialachán seo.

4. I gcás ina n-úsáideann an institiúid samhlacha staitistiúla sa phróiseas rátála, doiciméadóidh an institiúid a modheolaíochtaí. Déanfar an méid seo a leanas sa doiciméadacht sin:

- (a) achoimre mhionsonraithe a sholáthar ar an teoiric, ar na toimhdí agus ar an mbunús matamaiticiúil agus eimpiriciúil is bonn le sannadh na meastachán do ghráid, d'oibleagáideoirí aonair, do risíochtaí nó do comhthiomsuithe, agus ar an bhfoinse/na foinsí sonraí a úsáideadh chun an tsamhail a mheas;
- (b) dianphróiseas staitistiúil a bhunú, lena n-áirítear trialacha feidhmíochta as am agus as sampla chun an tsamhail a bhailíochtú;
- (c) na dálaí a thabhairt le fios nach n-oibríonn an tsamhail go éifeachtach iontu.

5. Léireoidh an institiúid chun sástachta an údaráis inniúil go bhfuil ceanglais an Airteagail seo á gcomhlíonadh, i gcás ina bhfuil córas rátála, nó samhail a úsáidtear laistigh de chóras rátála, faighte ag institiúid ó dhíoltóir tríú páirtí agus go ndiúltaíonn sé rochtain a thabhairt don institiúid ar fhaisnéis a bhaineann le modheolaíocht an chórais rátála nó na samhla sin, nó ar shonraí foluiteacha a úsáideadh chun an mhodheolaíocht nó an tsamhail sin a fhorbairt, nó go dteorannaíonn sé an fhaisnéis sin, ar an mbonn go bhfuil an fhaisnéis sin dílsithe.

*Airteagal 176***Cothabháil sonraí**

1. Cruinneoidh agus stórálfaidh institiúidí sonraí ar ghnéithe a bhaineann lena rátálacha inmheánacha mar a cheanglaítear faoi Chuid a hOcht.

2. I gcás risíochtaí ar chorparáidí, ar institiúidí agus ar rialtais láir agus ar bhainc cheannais, agus i gcás risíochtaí ar chothromas ina mbaineann institiúidí leas as an gcur chuige PD/LGD a leagtar amach in Airteagal 155(3), baileoidh agus stórálfaidh institiúidí na nithe seo a leanas:

- (a) tuairiscí iomlána rátála ar oibleagáideoirí agus ar ráthóirí aitheanta;
- (b) na dátaí ar ar sannadh na rátálacha;



**▼B**

- (c) na príomhshonraí agus an mhodheolaíocht a úsáideadh le teacht ar an rátáil;
- (d) an duine atá freagrach as an sanndh rátála;
- (e) céannacht na n-oibleagáideoirí agus na risíochtaí a mhainnigh;
- (f) dáta agus na dálaí na mainneachtana sin;
- (g) sonraí maidir leis na PDanna agus na rátaí mainneachtana réadaithe a bhaineann le gráid rátála agus le himirce rátálacha.

3. Institiúidí nach n-úsáideann a meastacháin féin ar LGDanna agus ar fhachtóirí coinbhéartachta, baileoidh siad agus stórálfaidh siad sonraí ar chomparáidí idir LGDanna réadaithe agus na luachanna mar atá leagtha amach in Airteagal 161(1) agus idir fachtóirí coinbhéartachta réadaithe agus na luachanna mar atá leagtha amach in Airteagal 166(8).

4. Baileoidh agus stórálfaidh institiúidí a úsáideann a meastacháin féin ar LGDanna agus ar fhachtóirí coinbhéartachta na nithe seo a leanas:

- (a) tuairiscí iomlána na sonraí ar na rátálacha saoráide agus ar na meastacháin ar LGD agus ar fhachtóirí coinbhéartachta a bhaineann le gach aon scála rátála;
- (b) na dátaí ar ar sannadh na rátálacha agus ar a ndearnadh na meastacháin;
- (c) na príomhshonraí agus an mhodheolaíocht a úsáideadh le teacht ar na rátálacha saoráide agus ar na meastacháin ar LGD agus ar fhachtóirí coinbhéartachta;
- (d) an duine a shann an rátáil saoráide agus an duine a sholáthair na meastacháin ar LGD agus ar fhachtóirí coinbhéartachta;
- (e) sonraí maidir leis na LGDanna agus na fachtóirí coinbhéartachta measta agus réadaithe a bhaineann le gach risíochta mhainnigh;
- (f) sonraí maidir le LGD na risíochta roimh mheastóireacht a dhéanamh ar iarmhairtí ráthaíochta nó díorthaigh chreidmheasa agus ina dhiaidh sin, i gcás na n-institiúidí sin a chuireann i gcuntas sa LGD an chaoi a maolaíonn na ráthaíochtaí nó na díorthaigh chreidmheasa an príacal creidmheasa;
- (g) sonraí maidir le comhpháirteanna an chailleanais i gcás gach risíochta a mhainnigh.

**▼B**

5. I gcás risíochtaí ar mhiondíol, baileoidh agus stórálfaidh institiúidí na nithe seo a leanas:
- (a) na sonraí á úsáidtear agus risíochtaí á sannadh do ghráid nó do chomhthiomsuithe;
  - (b) sonraí maidir leis na PDanna, na LGDanna agus na fachtóirí coinbhéartachta measta a bhaineann le gráid nó le comhthiomsuithe risíochtaí;
  - (c) céannacht na n-oibleagáideoirí agus na risíochtaí a mhainnigh;
  - (d) i gcás risíochtaí a mhainnigh, sonraí maidir leis na gráid nó na comhthiomsuithe ar sannadh dóibh an risíocht i rith na bliana roimh an mainneachtain agus na torthaí réadaithe ar LGD nó ar an bhfachtóir coinbhéartachta;
  - (e) sonraí maidir le rátaí cailteanais i gcás risíochtaí imrothlacha cáilitheacha ar mhiondíol.

*Airteagal 177***Tástálacha struis a úsáidtear chun leordhóthanacht caipitil a mheasúnú**

1. Beidh próisis fhóna tástála struis ar bun ag institiúid le leordhóthanacht a caipitil a mheasúnú. Aithneofar teagmhais fhéideartha nó athruithe sa todhchaí sna dálaí eacnamaíocha a rachadh i gcion go mífhabhrach ar risíochtaí creidmheasa na hinstitiúide agus déanfar measúnú leis ar chumas na hinstitiúide dul i ngleic le hathruithe den sórt sin.

2. Déanfaidh institiúid tástáil struis go rialta ar an bpríacal creidmheasa le measúnú a dhéanamh ar an éifeacht a d'fhéadfadh a bheith ag dálaí ar leith ar cheanglais chaipitil iomlána do príacal creidmheasa. Is í an institiúid a roghnóidh an tástáil, faoi réir athbheithniú maoirseachta. Beidh an tástáil a dhéanfar fóinteach agus cuirfear i gcuntas na héifeachtaí a bheadh ag cásanna cúlaithe eacnamaíochta atá gear ach dealraitheach. Déanfaidh institiúid measúnú ar an imirce ina rátálacha faoi na cásanna á áirítear sa tástáil struis. Áireofar formhór mór de risíochtaí iomlána na hinstitiúide i bpunanna struis.

3. Institiúidí a bhaineann úsáid as an láimhseáil atá leagtha amach in Airteagal 153(3), cuirfidh siad san áireamh sa chreat tástála struis atá acu an éifeacht a bheadh ag meath ar cháilíocht chreidmheasa sholáthraithe na cosanta, go háirithe an éifeacht a bheadh ag soláthraithe cosanta nach gcomhlíonann na critéir incháilitheachta.

## F o r o i n n 2

**C a i n n í o c h t ú p r i a c a l***Airteagal 178***M a i n n e a c h t a i n o i b l e a g á i d e o r a**

1. Measfar go mbeidh mainneachtain tar éis tarlú maidir le hoibleagáideoir ar leith má tharlaíonn ceachtar den dá rud a leanas nó an dá rud:

**▼B**

- (a) measann an institiúid nach dócha go n-íocfaidh an t-oibleagáideoir iomlán a oibleagáidí creidmheasa leis an institiúid, leis an máthairchuideachta nó le ceann ar bith dá fochuideachtaí gan an institiúid dul i muinín birt amhail urrús a réadú;

**▼M7**

- (b) tá an t-oibleagáideoir thar téarma níos faide ná 90 lá in aon oibleagáid chreidmheasa ábhartha i leith na hinstitiúide, an mháthairghnóthais nó ceann ar bith dá fochuideachtaí. Féadfaidh údarás inniúla 180 lá a chur in ionad na 90 lá i gcás risíochtaí arna n-urrú ag maoin chónaithe nó ag maoin dhochorraithe tráchtála de chuid FBM atá in aicme na risíochta ar mhiondíol, agus i gcás risíochtaí ar eintitis earnála poiblí. Ní bheidh feidhm ag na 180 lá chun críocha phointe (m) d'Airteagal 36(1) nó Airteagal 127.

**▼B**

I gcás risíochtaí ar mhiondíol, féadfaidh institiúidí an sainmhíniú ar mhainneachtain a leagtar síos i bpointe (a) agus i bpointe (b) den chéad fhomhír a chur i bhfeidhm ar leibhéal na saoráide aonair creidmheasa seachas ar na hoibleagáidí iomlána a bheidh ag iasachtaí.

2. Beidh feidhm ag an méid seo a leanas chun críocha phointe (b) de mhír 1:

- (a) i gcás rótharraingtí, tosaíonn na laethanta thar téarma a luaithe a sháraíonn an t-oibleagáideoir teorainn mholta, a luaithe a mholtar teorainn dó atá níos lú ná na suimeanna gan íoc, nó a luaithe atá creidmheas tarraingthe aige gan údarás, nuair atá an méid bunúsach ábhartha;
- (b) chun críocha phointe (a), cuimsíonn teorainn mholta aon teorainn chreidmheasa a chinn an institiúid agus a d'fhógair an institiúid don oibleagáideoir;
- (c) i gcás cártaí creidmheasa, tosaíonn na laethanta thar téarma ar an dáta a bhfuil an íos-íocaíocht dlite.
- (d) ábharthacht oibleagáid chreidmheasa thar théarma a mheasúnófar le tairseach, arna sainiú ag na húdarás inniúla. Cuirfear i gcuntas sa tairseach seo an leibhéal priacal is dóigh leis an údarás inniúil a bheith réasúnta;
- (e) beidh beartais dhoiciméadaithe ag institiúidí i leith áireamh na laethanta thar téarma, go háirithe maidir le hathaosú na saoráidí agus le síntí, leasuithe nó iarchur a cheadú, athnuachaintí, agus glanluacháil a dhéanamh ar chuntais atá ann cheana. Cuirfear na beartais sin i bhfeidhm go comhsheasmhach le himeacht ama, agus beidh siad i gcomhréir le próisis chinnteoireachta agus le bainistíocht priacal inmheánach na hinstitiúide.

3. Chun críocha phointe (a) de mhír 1, áireofar na heilimintí seo a leanas mar tháscairí ar mhídhóichúlacht na híocaíochta:

- (a) tugann an institiúid an stádas “neamhfhabhráithe” don oibleagáid chreidmheasa;
- (b) sainathníonn an institiúid coigeartú sonrath i leith priacal creidmheasa a thig ó mheathlú suntasach atá le sonrú sa cháilíocht chreidmheasa tar éis don institiúid glacadh leis an risíocht;

**▼B**

- (c) díolann an institiúid an oibleagáid chreidmheasa faoi chaillteanas eacnamaíoch ábhartha a bhaineann le creidmheas;
- (d) toilíonn an institiúid le hathchóiriú struis na hoibleagáide creidmheasa i gcás inar dóigh go mbeadh mar thoradh air oibleagáid airgeadais níos lú mar gur maitheadh nó gur cuireadh siar an phríomhshuim, an t-ús nó, nuair is iomchuí, na táillí. Cuimsíonn sé sin, i gcás na risíochtaí ar chothromas a mheasúnaítear faoi Chur Chuige PD/LGD, athchóiriú struis ar an gcothromas féin;
- (e) tá an institiúid tar éis iarratas oifigiúil a dhéanamh ar ordú féimheachta nó ordú dá leithéid i leith oibleagáid chreidmheasa an oibleagáideora i leith na hinstitiúide, an mháthairghnóthais nó ceann ar bith dá fochuideachtaí;
- (f) tá an t-oibleagáideoir tar éis féimheacht a iarraidh nó breithníodh é ina fhéimheach nó tá sé tar éis cosaint dá samhail a iarraidh nó a fháil i gcás ina mbaicfaí nó ina gcuirfi moill ar aisíocaíocht na hoibleagáide creidmheasa i leith na hinstitiúide, na máthairchuideachta nó ceann ar bith dá fochuideachtaí dá bharr.

4. Institiúidí a úsáideann sonraí seachtracha nach bhfuil comhsheasmhach iontu féin leis an sainmhíniú ar mhainneachtain atá leagtha síos i mír 1, déanfaidh siad na coigeartuithe iomchuí le go mbeidh siad coibhéseach, tríd is tríd, leis an sainmhíniú ar mhainneachtain.

5. Má mheasann an institiúid go bhfuil risíocht a mhainnigh cheana de chineál a chiallaíonn nach bhfuil feidhm a thuilleadh le trucear mainneachtana, rátaífaidh an institiúid an t-oibleagáideoir nó an tsaoráid mar a dhéanfaidh sí i gcás risíochta nár mhainnigh. I gcás ina spreagfaí sainiú na mainneachtana ina dhiaidh sin, mheasfaí go mbeadh mainneachtain eile ann.

6. Forbróidh ÚBE dréachtchaighdeáin theicniúla rialála chun na coiníollacha a shonrú ar dá réir a chinneadh údarás inniúil an tairseach dá dtagraítear i mír 2(d).

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2014.

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

7. Eiseoidh ÚBE treoirlínte maidir le cur chun feidhme an Airteagail seo. Glacfar leis na treoirlínte i gcomhréir le hAirteagal 16 de Rialachán (AE) Uimh. 1093/2010.

*Airteagal 179***Ceanglais fhoriomlána maidir le meastachán a dhéanamh**

1. Agus na paraiméadair priacal a bhainfidh leis na gráid agus leis na comhthiomsuithe rátála á gcainníochtú acu, cuirfidh institiúidí na ceanglais seo a leanas i bhfeidhm.

**▼B**

- (a) beidh gach sonra, faisnéis agus modh ábhartha ar áireamh i meastacháin na hinstitiúide féin ar na paraiméadair priacal, PD, LGD, fachtóirí coinbhéartachta agus EL. Díorthófar na meastacháin trí úsáid a bhaint as an tairí stairiúil agus as an bhfianaise eimpireach araon, gan dul i muinín ceisteanna breithiúnais amháin. Beidh na meastacháin dealraitheach agus iomasach agus iad bunaithe ar spreagaí gach paraiméadair priacal faoi seach. Dá laghad sonraí a bheidh ag institiúid, is amhlaidh is coimeádaí a bheidh sí ina meastachán;
- (b) beidh institiúid in ann miondealú a chur ar fáil ar stair a chaillteanais maidir le minicíocht na mainneachtana, LGD, fachtóir coinbhéartachta, nó cailteanas i gcás ina n-úsáidtear meastachán EL, ar bhonn na bhfachtóirí a mheasann sí a bheith ina spreagaithe le gach paraiméadair priacal faoi leith. Beidh an tairí fhadtéarmach curtha san áireamh i meastacháin na hinstitiúide;
- (c) cuirfear san áireamh aon athrú a thiofáidh ar an gcleachtas iasachtaithe nó ar an bpróiseas chun fiacha a ghnóthú dá dtagraítear in Airteagal 180(1)(h) agus (2)(e), in Airteagal 181(1)(j) agus (2), agus in Airteagal 182(2) agus (3). Cuirfear san áireamh i meastacháin na hinstitiúide impleachtaí an dul chun cinn teicniúil agus sonraí nua agus faisnéis eile, de réir mar a chuirfear iad sin ar fáil. Déanfaidh na hinstitiúidí athbhreithniú ar a meastacháin nuair a thiofáidh faisnéis nua chun solais agus ar a laghad uair amháin in aghaidh na bliana;
- (d) beidh líon na risíochtaí atá san áireamh sna sonraí a úsáideadh le haghaidh an mheastacháin, na caighdeáin iasachtaithe a úsáideadh nuair a gineadh na sonraí, agus saintréithe ábhartha eile, beidh siad inchomparáide leo siúd a bhaineann le risíochtaí agus le caighdeáin na hinstitiúide. Beidh dálaí an mhargaidh nó dálaí eacnamaíocha is bonn leis na sonraí ábhartha do na dálaí reatha nó ionchasacha. Beidh líon na risíochtaí sa sampla agus an tréimhse shonraí a úsáideadh le haghaidh an chainníochtú leordhóthanach le go mbeidh muinín ag an institiúid as beachtas agus as stóinseacht a meastachán;
- (e) i gcás earraí infhaighte ceannaithe, cuirfear i gcuntas sna meastacháin gach faisnéis iomchuí a bheidh ar fáil don institiúid cheannaigh maidir le caighdeán na n-earraí infhaighte foluiteacha, lena n-áirítear sonraí maidir le comhthiomsuithe comhchosúla arna gcur ar fáil ag an díoltóir, ag an institiúid cheannaigh, nó ag foinsí seachtracha. Déanfaidh an institiúid cheannaigh meastóireacht ar aon sonra a chuirtear san áireamh arbh é an díoltóir a chuir ar fáil é;
- (f) cuirfidh institiúid corrlach choimeádachais lena meastacháin a bhaineann le raon ionchasach na n-earraí meastacháin. I gcás ina meastar nach bhfuil na modhanna agus na sonraí sásúil nó go bhfuil raon ionchasach na n-earraí níos mó, bheidh an corrlach choimeádachais níos mó.

I gcás ina n-úsáideann institiúidí meastacháin éagsúla chun na hualuithe priacal a ríomh nó chun críocha inmheánacha, doiciméadófar é sin agus beidh sé réasúnta. Más féidir le hinstitiúidí a léiriú dá n-údarais inniúla go ndearnadh coigeartuithe iomchuí ar na sonraí a bailíodh roimh an 1 Eanáir 2007 sa chaoi is go bhfuil siad coibhéseach, tríd is tríd, leis an sainmhíniú ar mhainneachtain atá leagtha síos in Airteagal 178 nó le cailteanas, féadfaidh údarais inniúla roinnt solúbthachta a cheadú do na hinstitiúidí maidir le cur chun feidhme na gcaighdeán arna gceangal maidir le sonraí.

**▼B**

2. I gcás ina n-úsáideann institiúid sonraí atá comhthiomsaithe thar institiúidí éagsúla, comhlíonfaidh sí na ceanglais seo a leanas:
- (a) tá córais rátála agus critéir na n-institiúidí eile sa chomhthiomsú cosúil lena cuid córas rátála agus critéar féin;
  - (b) tá an comhthiomsú ionadaíoch don phunann a n-úsáidtear na sonraí comhthiomsaithe lena aghaidh;
  - (c) úsáideann an institiúid na sonraí comhthiomsaithe go comhsheasmhach le himeacht ama dá meastacháin;
  - (d) leanfaidh an institiúid de bheith freagrach as sláine a córais rátála;
  - (e) coimeádfaidh an institiúid ar bun an t-eolas atá ag a foireann ar chórais rátála i gcónaí, lena n-áirítear an cumas faireachán agus iniúchóireacht éifeachtach a dhéanamh ar an bpróiseas rátála.

*Airteagal 180***Ceanglais a bhaineann go sonrath le meastachán ar PD**

1. Agus na paraiméadair priacal a bhainfidh leis na gráid agus leis na comhthiomsuithe rátála á gcainníochtú acu, déanfaidh na hinstitiúidí na ceanglais seo a leanas a bhaineann go sonrath le meastachán ar PD a chur i bhfeidhm maidir le risíochtaí ar chorparáidí, ar institiúidí, agus ar rialtas láir agus ar bhainc cheannais agus maidir le risíochtaí ar chothromas i gcás ina mbaineann institiúid leas as an gcur chuige PD/LGD a leagtar amach in Airteagal 155(3):
- (a) déanfaidh institiúidí meastachán ar PDanna de réir grád oibleagáideora ar bhonn meán fadtréimhseach rátaí mainneachtana aon bhliain amháin. Cuirfear san áireamh i meastacháin PD oibleagáideoirí atá dianluamhánaithe nó oibleagáideoirí ar sócmhainní trádáilte den chuid is mó a sócmhainní feidhmíocht na sócmhainní foluiteacha ar bhonn tréimhsí luaineachta struis;
  - (b) i gcás earraí infhaighte corparáideacha ceannaithe féadfaidh institiúidí an EL de réir an ghráid oibleagáideora a mheas ar bhonn meán fadtréimhseach rátaí mainneachtana réadaithe aon bhliain amháin;
  - (c) má dhéanann institiúid na meánmheastacháin fhadtréimhseacha ar PDanna agus LGDanna i leith earraí infhaighte corparáideacha ceannaithe ó mheastachán EL, agus ar mheastachán iomchuí ar PD nó ar LGD, comhlíonfaidh an próiseas chun na cailteanais iomlána a mheas na caighdeáin ghinearálta maidir le meastacháin ar PDanna agus LGDanna atá leagtha amach sa chuid seo, agus beidh an toradh comhsheasmhach le coincheap an LGD mar atá sé leagtha amach in Airteagal 181(1)(a);
  - (d) ní bhainfidh institiúidí úsáid as teicnící measta PD gan anailís a chur mar thaca leo. Cuirfidh institiúidí san áireamh an tábhacht a bhaineann le breithiúnas maidir le torthaí na dteicnící a chur le chéile agus coigeartuithe a dhéanamh i ngeall ar easnamh na dteicnící agus na faisnéise;

**▼B**

- (e) sa mhéid go n-úsáideann institiúid sonraí maidir leis an taithí inmheánach ar an mainneachtain chun PDanna a mheas, cuirfear san áireamh sna meastacháin na caighdeáin frithgheallta agus na difríochtaí sa chóras rátála a ghin na sonraí agus an córas rátála reatha. I gcás ina bhfuil athrú ar chaighdeáin frithgheallta nó ar na córais rátála, cuirfidh an institiúid corrlach choimeádachais lena meastachán PD;
- (f) sa mhéid go gcomcheanglaíonn nó go mapálann institiúid a gráid inmheánacha leis an scála a úsáideann IMCS nó eagraíochtaí dá leithéid agus go sannann sí ansin an ráta mainneachtana atá le haithint ar ghráid na heagraíochta seachtraí do ghráid na hinstitiúide, beidh na mapálacha bunaithe ar chomparáid idir na critéir rátála inmheánacha agus na critéir a úsáideann an eagraíocht sheachtrach agus ar chomparáid idir na rátálacha inmheánacha agus na rátálacha seachtracha i gcás aon oibleagáideoir atá i bpáirt acu. Seachnófar laofachtaí nó neamhréireanna sa chur chuige mapála nó sna bunsonraí. Beidh critéir na heagraíochta seachtraí a fholuionn na sonraí a úsáidfead don chainníochtú dírithe ar an bpríacal mainneachtana amháin agus ní cuirfidh siad saintréithe na n-idirbheart san áireamh. Áireofar san anailís a dhéanfaidh an institiúid comparáid idir na sainmhínte ar mhainneachtain arna n-úsáid, faoi réir na gceanglas in Airteagal 178. Doiciméadóidh an institiúid bunús na mapála;
- (g) sa mhéid go n-úsáideann institiúid samhlacha staitistiúla chun mainneachtain a thuar, is ceadmhach meastachán a dhéanamh ar na PDanna mar mheán simplí na meastachán ar dhóchúlacht mainneachtana oibleagáideoirí aonair in aon ghrád ar leith. An úsáid a bhainfidh an institiúid as samhlacha um dhóchúlacht mainneachtana chun na críche seo, comhlíonfaidh sí na caighdeáin atá leagtha amach in Airteagal 174;
- (h) is cuma cé acu foinsí sonraí seachtracha, inmheánacha nó comhthiomsaithe, nó meascán den trí rud sin a úsáideann an institiúid dá meastachán PD, beidh fad na tréimhse breathnóireachta stairiúla bunúsaí cothrom le cúig bliana ar a laghad i gcás foinse amháin díobh ar a laghad. Más faide ná sin an tréimhse bhreathnóireachta a bheidh le fáil d'aon fhoinsé ar leith agus má tá na sonraí sin ábhartha, is í an tréimhse is faide a úsáidfead. Tá feidhm aige sin freisin maidir leis an gCur Chuige PD/LGD i leith cothromais. Tá feidhm aige sin freisin maidir leis an gCur Chuige PD/LGD i leith cothromais. faoi réir chead na n-údarás inniúil, institiúidí nach mbeidh cead faighte acu ón údarás inniúil de bhun Airteagal 143 a meastacháin féin ar LGD ná ar fhachtóirí coinbhéartachta a úsáid, féadfaidh siad sonraí ábhartha a chumhdóidh tréimhse dhá bhliain a úsáid le linn dóibh an Cur Chuige IRB a chur i bhfeidhm. Cuirfear aon bhliain amháin in aghaidh na bliana leis an tréimhse a bheidh le cumhdach gach bliain nó go gcumhdóidh na sonraí ábhartha tréimhse cúig bliana.
2. I gcás risíochtaí ar mhiondíol, beidh feidhm ag na ceanglais seo a leanas:
- (a) déanfaidh institiúidí meastacháin ar PDanna de réir an ghráid nó an chomhthiomsaithe oibleagáideoira ar bhonn meán fadtréimhseach rátaí mainneachtana aon bhliain amháin.
- (b) féadfar meastacháin PD a dhéanamh freisin ar bhonn meastachán na gcaillteanas iomlán agus ar bhonn meastachán ábhartha ar LGDanna;

**▼B**

- (c) measfaidh na hinstitiúidí gurb iad na sonraí inmheánacha maidir le risíochtaí a shannadh do ghráid nó do chomhthiomsuithe príomhfhoinsí na faisnéise chun meastachán a dhéanamh ar shaintréithe an chaillteanais. Féadfaidh institiúidí úsáid a bhaint as sonraí seachtracha (lena n-áirítear sonraí comhthiomsaithe) nó samhlacha staitistiúla don chainníochtú ar an gcoinníoll go mbeidh an dá nasc láidir seo i gceist:
- (i) idir próiseas na hinstitiúide maidir le risíochtaí a shannadh do ghráid nó do chomhthiomsuithe agus an próiseas a úsáideann foinsí na sonraí seachtracha; agus
  - (ii) idir próifil priacal inmheánach na hinstitiúide agus comhdhéanamh na sonraí seachtracha;
- **C2** (d) má dhéanann institiúid na meánmheastacháin fhadtréimhseacha ar PD agus LGD i leith risíochtaí miondíola a dhiorthú ó mheastachán ar chaillteanais iomlána ◀ agus ar mheastachán ábhartha ar PD nó an LGD, comhlíonfaidh an próiseas chun meastachán a dhéanamh ar na caillteanais iomlána na caighdeáin ghinearálta maidir leis meastacháin PD agus LGD atá leagtha amach sa chuid seo, agus beidh an toradh comhsheasmhach le coincheap an LGD mar atá sé leagtha amach i bpointe (a) d'Airteagal 181(1);
- (e) is cuma cé acu foinsí sonraí seachtracha, inmheánacha nó comhthiomsaithe, nó meascán den trí rud sin a úsáideann an institiúid dá meastachán ar shaintréithe an chaillteanais, beidh fad na tréimhse breathnóireachta stairiúla bunúsaí cothrom le cúig bliana ar a laghad d'fhoinsí amháin díobh ar a laghad. Más faide ná sin an tréimhse bhreathnóireachta a bheidh le fáil d'aon fhoinsí ar leith agus má tá na sonraí sin ábhartha, is í an tréimhse is faide a úsáidfeá. Ní gá gur comhthábhachtach leis an institiúid na sonraí stairiúla agus sonraí is déanaí más fearr an réamhtháscaire iad seo ar na rátaí caillteanais. Faoi réir chead na n-údarás inniúil, féadfaidh institiúidí, le linn dóibh an Cur Chuige IRB a chur chun feidhme, sonraí ábhartha a chumhdóidh tréimhse dhá bhliain a úsáid. Is mó d'aon bhliain an tréimhse a bheidh le cumhdach gach bliain nó go gcumhdóidh na sonraí ábhartha tréimhse cúig bliana;
- (f) sainnithneoidh institiúidí na hathruithe ionchasacha ar na paraiméadair priacal thar shaolré na risíochtaí creidmheasa (éifeachtaí stáilaithe) agus déanfaidh siad anailís orthu.

I gcás earraí infhaighte ceannaithe, féadfaidh institiúidí sonraí tagartha inmheánacha agus seachtracha a úsáid. Bainfidh na hinstitiúidí úsáid as gach foinsí sonraí ábhartha mar phointí comparáide.

3. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú:

- (a) na dálaí ar dá réir a fhéadfaidh na húdaráis inniúla na ceadanna sin a thabhairt dá dtagraítear i bpointe (h) de mhír 1 agus i bpointe (e) de mhír 2;
- (b) na modheolaíochtaí ar dá réir a mheasúnóidh údaráis inniúla modheolaíocht institiúide maidir le PD a mheas de bhun Airteagal 143.



**▼B**

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2014.

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 181***Ceanglais a bhaineann go sonrach le féinmheastachán ar LGDanna**

1. Agus na paraiméadair priacal a bhainfidh leis na gráid agus leis na comhthiomsaithe rátála á gcainníochtú acu, cuirfidh institiúidí na ceanglais seo a leanas a bhaineann go sonrach le féinmheastachán ar LGDanna i bhfeidhm.

- (a) déanfaidh institiúidí meastachán ar LGDanna de réir an ghráid nó an chomhthiomsaithe saoráide ar bhonn na meán-LGDanna réadaithe de réir an ghráid nó an chomhthiomsaithe saoráide, ag baint úsáide di as gach mainneachtain a breathnaíodh laistigh de na foinsí sonraí (an meán mainneachtain-ualaithe);
- (b) úsáidfidh institiúidí meastacháin ar LGDanna atá ábhartha do ghéarchor eacnamaíoch má tá siad sin níos coimeádaí ná an meán fadréimhseach. Sa mhéid go meastar go soláthróidh córas rátála LGDanna réadaithe ar leibhéal seasmhach de réir an ghráid nó an chomhthiomsaithe thar imeacht ama, déanfaidh institiúidí coigear-tuithe ar a meastacháin ar pharaiméadair priacal de réir an ghráid nó an chomhthiomsaithe chun iarmhairt an ghéarchoir sa gheilleagar ar an gcaipiteal a theorannú;
- (c) breithneoidh institiúid a mhéid a bhraitheann priacal an oibleagáideora agus priacal na comhthaobhachta nó sholáthraí na comhthaobhachta ar a chéile. Caithfear go coimeádach leis na cásanna ina bhfuil spleáchas suntasach;
- (d) déileálfar go coimeádach le neamhréireanna airgeadra idir an bhunoibleagáid agus an chomhthaobhacht maidir le measúnú na hinstiúide ar an LGD;
- (e) sa mhéid go gcuirfear san áireamh sna meastacháin ar LGDanna comhthaobhacht a bheith ann, ní bheidh na meastacháin sin bunaithe ar mhargadhluach measta na comhthaobhachta sin amháin. Cuirfear san áireamh sna meastacháin ar LGDanna cén chaoi a rachadh sé i gcion ar na hinstiúidí gan a bheith in ann a gcomhthaobhacht a ghabháil go gasta agus í a leachtú;
- (f) sa mhéid go gcuirfear san áireamh sna meastacháin ar LGDanna comhthaobhacht a bheith ann, bunóidh na hinstiúidí ceanglais inmheánacha maidir le bainistiú na comhthaobhachta, deimhneacht dhlíthiúil agus bainistíocht priacal a bheidh comhsheasmhach, tríd is tríd, leis na cinn atá leagtha amach i gCaibidil 4, Roinn 3;
- (g) sa mhéid go gcuireann an institiúid an chomhthaobhacht san áireamh maidir le luach na risíochta ar priacal creidmheasa an chontrapháirtí a chinneadh i gcomhréir le Caibidil 6, Roinn 5 nó 6, ní chuirfear san áireamh sna meastacháin ar LGDanna aon suim a bhfuiltear ag súil a ghnóthú ón gcomhthaobhacht;

**▼B**

- (h) maidir le sainchás na risíochtaí atá ar mainneachtain cheana, úsáidfidh an institiúid suim an mheastacháin is fearr atá aici ar an gcaillteanas ionchasach do gach risíocht díobh de réir dálaí eacnamaíocha reatha agus stádas na risíochta agus a meastachán faoin ardú ar an ráta cailteanais a bheidh ann mar gheall ar chailteanais eile a d'fhéadfadh a bheith ann nach raibh súil leo i rith na tréimhse aisghnóthaithe, i.e. idir an dáta a ndéanfar an mainneachtain agus dáta leachtú deiridh na risíochta;
- (i) sa mhéid go gcaipitlítear táillí gan íoc déanacha i ráiteas ioncain na hinstitiúide, cuirfear iad sin le tomhas na hinstitiúide ar an risíochtagus ar an gcaillteanas;
- (j) i gcás risíochtaí ar chorparáidí, ar institiúidí agus ar rialtais láir agus ar bhainc cheannais, bunófar na meastacháin ar LGDanna ar shonraí cúig bliana ar a laghad, agus cuirfear bliain amháin in aghaidh na bliana leis an tréimhse sin tar éis a chuir chun feidhme nó go sroichfear seacht mbliana ar a laghad, i gcás aon fhoinse sonraí amháin ar a laghad. Más faide ná sin an tréimhse bhreathnóireachta a bheidh le fáil d'aon fhoinse ar leith agus má tá na sonraí ábhartha, is í an tréimhse is faide a úsáidfear.

2. I gcás risíochtaí ar mhiondíol, féadfaidh institiúidí an méid seo a leanas a dhéanamh:

- (a) na meastacháin ar LGDanna a dhíorthú ó na cailteanais réadaithe agus ar mheastacháin ábhartha ar PDanna;
- (b) tarraingtí todhchaí a chur san áireamh ina bhfachtóirí coinbhéartachta nó ina meastacháin ar LGDanna;
- (c) I gcás earraí infhaighte ceannaithe, sonraí tagartha inmheánacha agus seachtracha a úsáid chun LGDanna a mheas.

I gcás risíochtaí ar mhiondíol, bunófar meastacháin ar LGDanna ar shonraí thar chúig bliana ar a laghad. Ní gá gur comhthábhachtach leis an institiúid na sonraí stairiúla agus sonraí is déanaí más fearr an réamhtháscaire na sonraí is déanaí i leith na rátaí cailteanais. Faoi réir chead na n-údarás inniúil, féadfaidh institiúidí, le linn dóibh an Cur Chuige IRB a chur chun feidhme, sonraí ábhartha a chumhdóidh tréimhse dhá bhliain a úsáid. Cuirfear aon bhliain amháin in aghaidh na bliana leis an tréimhse a bheidh le cumhdach gach bliain nó go cumhdóidh na sonraí ábhartha tréimhse cúig bliana.

3. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú:

- (a) cineál, géire agus fad an ghéarchoir eacnamaíoch dá dtagraítear i mír 1;

**▼C2**

- (b) na coinníollacha ar dá réir a fhéadfaidh údarás inniúil cead a thabhairt d'institiúid de bhun mhír 2 sonraí ábhartha a chumhdaíonn tréimhse dhá bhliain a úsáid, nuair a chuireann an institiúid an Cur Chuige IRB chun feidhme.

**▼B**

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2014.

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 182***Ceanglais a bhaineann go sonrach le féinmheastachán ar fhachtóirí coinbhéartachta**

1. Agus na paraiméadair priacal a bhainfidh leis na gráid agus leis na comhthiomsuithe rátála á gcainníochtú acu, déanfaidh institiúidí na ceanglais seo a leanas a bhaineann go sonrach le féinmheastachán ar fhachtóirí coinbhéartachta a chur i bhfeidhm:

- (a) déanfaidh institiúidí fachtóirí coinbhéartachta a mheas de réir an ghráid nó an chomhthiomsaithe saoráide ar bhonn mheán na bhfachtóirí coinbhéartachta réadaithe de réir an ghráid nó an chomhthiomsaithe saoráide, ag baint úsáide dí as an meán mainneachtain-ualaithe a thig ó gach mainneachtain a breathnaíodh laistigh de na foinsí sonraí;
- (b) úsáidfidh na hinstitiúidí meastacháin ar fhachtóirí coinbhéartachta LGD atá ábhartha do ghéarchor eacnamaíoch má tá siad níos coimeádaí ná an meán fadtréimhseach. Sa mhéid go meastar go soláthróidh córas rátála fachtóirí coinbhéartachta réadaithe ar leibhéal seasmhach de réir an ghráid nó an chomhthiomsaithe thar imeacht ama, déanfaidh institiúidí coigeartuithe ar a meastacháin ar pharaiméadair priacal de réir an ghráid nó an chomhthiomsaithe chun éifeacht an ghéarchoir eacnamaíoch ar an gcaipiteal a theorannú;
- (c) cuirfear san áireamh i meastacháin na n-institiúidí ar fhachtóirí coinbhéartachta go bhféadfadh an t-oibleagáideoir tarraingtí breise a dhéanamh go dtí go spreagfar teagmhas mainneachtana agus ina dhiaidh. Cuimseofar sa mheastachán ar an bhfachtóirí coinbhéartachta corrlach choimeádachais níos mó más féidir súil a bheith acu go réasúnach le comhghaol deimhneach níos láidre idir minicíocht na mainneachtana agus méad an fhachtóra coinbhéartaigh;
- (d) le linn dóibh teacht ar mheastacháin ar fhachtóirí coinbhéartachta, cuirfidh na hinstitiúidí san áireamh na beartais agus na straitéisí sonracha lenar ghlac siad maidir leis an bhfaireachán ar chuntais agus le próiseáil na n-íocaíochtaí. Cuirfidh na hinstitiúidí san áireamh freisin a mhéid atá siad ábalta agus toilteanach tarraingtí eile a chosc i ndálaí atá gar don mhainneachtain, amhail sárúithe cúnaint nó teagmhais mhainneachtana theicniúla eile;
- (e) beidh córais agus nósanna imeachta leormhaithe ar bun ag institiúidí le faireachán a dhéanamh ar mhéideanna saoráide, ar mhéideanna gan íoc i gcomparáid leis na línte atá tiomanta agus ar na hathruithe ar na méideanna gan íoc de réir an oibleagáideora agus an ghráid. Beidh an institiúid i riocht faireachán a dhéanamh go laethúil ar aon iarmhaid gan íoc;

**▼B**

(f) Má úsáideann institiúidí meastacháin éagsúla ar na fachtóirí coinbhéartachta le méideanna na risíochta atá ualaithe ó thaobh priacal a ríomh agus chun críocha inmheánacha, doiciméadófar é sin agus beidh sé réasúnta.

2. I gcás risíochtaí ar chorparáidí, ar institiúidí agus ar rialtais láir agus bhainc cheannais, bunófar na meastacháin ar na fachtóirí coinbhéartachta ar shonraí cúig bliana ar a laghad, agus cuirfear bliain amháin in aghaidh na bliana leis an tréimhse sin tar éis a chuir chun feidhme nó go sroichfear seacht mbliana ar a laghad, i gcás aon fhoinse sonraí amháin ar a laghad. Más faide ná sin an tréimhse bhreathnóirreachta a bheidh le fáil d'aon fhoinse ar leith agus má tá na sonraí ábhartha, is í an tréimhse is faide a úsáidfear.

3. I gcás risíochtaí ar mhiondíol, féadfaidh institiúidí tarraingtí todhchaí a áireamh ina bhfachtóirí coinbhéartachta nó ina meastacháin ar LGDanna.

I gcás risíochtaí ar mhiondíol, bunófar meastacháin ar fhachtóirí coinbhéartachta ar shonraí thar cúig bliana ar a laghad. De mhaolú ar phointe (a) de mhír 1, ní gá gur comhthábhachtach leis an institiúid iad na sonraí stairiúla más fearr an réamhtháscaire iad na sonraí is déanaí ar íostarraingtí. Faoi réir chead na n-údarás inniúil, féadfaidh institiúidí, le linn dóibh an Cur Chuige IRB a chur chun feidhme, sonraí ábhartha a chumhdóidh tréimhse dhá bhliain a úsáid. Cuirfear aon bhliain amháin in aghaidh na bliana leis an tréimhse a bheidh le cumhdach gach bliain nó go gcumhdóidh na sonraí ábhartha tréimhse cúig bliana.

4. Forbróidh ÚBE dréachtchaighdeán theicniúla rialála d'fhonn na nithe seo a leanas a shonrú:

- (a) cineál, géire agus fad an ghéarchoir eacnamaíoch dá dtagraítear i mír 1;
- (b) na coinníollacha ar dá réir a fhéadfaidh údarás inniúil cead a thabhairt d'institiúid sonraí ábhartha a chumhdaíonn tréimhse dhá bhliain a úsáid nuair a chuireann an institiúid an Cur Chuige IRB chun feidhme den chéad uair.

Cuirfidh ÚBE na dréachtchaighdeán theicniúla rialála sin faoi bhráid an Choimisiúin faoin 31 Nollaig 2014.

Déantar cumhacht a tharmligean chuig an gCoimisiún chun na dréachtchaighdeán theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 183***▼C2**

**Ceanglais maidir le measúnú a dhéanamh ar iarmhairt ráthaíochtaí agus díorthaigh chreidmheasa ar risíochtaí ar chorparáidí, ar institiúidí agus ar rialtais láir agus ar bhainc cheannais nuair a úsáidtear féinmheastacháin ar LGDanna agus risíochtaí ar mhiondíol**

**▼B**

1. Beidh feidhm ag na ceanglais seo a leanas maidir le ráthóirí agus ráthaíochtaí incháilithe:

**▼B**

- (a) beidh ag institiúidí critéir atá sonraithe go soiléir maidir leis na cineálacha ráthóirí a aithníonn siad chun na méideanna risíochta atá ualaithe ó thaobh priacal a ríomh;
- (b) i gcás ráthóirí aitheanta beidh feidhm ag na rialacha céanna sin a bhaineann le hoibleagáideoirí mar atá leagtha amach in Airteagal 171, Airteagal 172 agus Airteagal 173;
- (c) beidh an ráthaíocht fianaithe i scríbhinn, beidh sí neamh-inchealaithe ó thaobh an ráthóra, beidh sí i bhfeidhm nó go gcomhlíonfar an oibleagáid ina hiomláine (go feadh mhéid agus bhí na ráthaíochta) agus beidh sí inchurtha i bhfeidhm le dlí i gcoinne an ráthóra i ndlínse ina bhfuil sócmhainní ag an ráthóir a fhéadfár a urghabháil chun breithiúnas a fhorfheidhmiú. Ráthaíochtaí coinníollacha lena leagtar síos téarmaí a shonraíonn na coinníollacha nach bhféadfár oibleagáid chomhlíonta a chur ar an ráthóir fúthu, féadfár iad a aithint faoi réir chead na n-údarás inniúil. Tabharfaidh na critéir shannacháin aghaidh go leormhaith ar aon laghdú a d'fhéadfadh teacht ar an éifeacht mhaolaithe priacal.

2. Beidh ag institiúid critéir atá sonraithe go soiléir maidir leis na gráid, na comhthiomsuithe nó na meastacháin ar LGDanna a choigeartú agus, i gcás earraí infhaighte ceannaithe incháilithe agus miondíola, an próiseas maidir le risíochtaí a shannadh do ghráid nó do comhthiomsuithe, chun iarmhairt na ráthaíochtaí ar ríomh na méideanna risíochta atá ualaithe ó thaobh priacal a chur san áireamh. Comhlíonfaidh na critéir sin na ceanglais atá leagtha amach in Airteagal 171, Airteagal 172 agus Airteagal 173.

Beidh na critéir dealraitheach iomasach. Tabharfaidh siad aghaidh ar chumas agus ar thoil an ráthóra feidhmiú faoin ráthaíocht, an uair is dócha a dhéanfaidh an ráthóir aon íocaíocht, a mhéid atá cumas an ráthóra maidir leis na téarmaí a chomhlíonadh comhghaolaithe le cumas an oibleagáideora an aisíocaíocht a dhéanamh agus a mhéid a fhanann an priacal iarmharach i leith an oibleagáideora.

3. Beidh feidhm freisin ag na ceanglais maidir le ráthaíochtaí san Airteagal seo i leith díorthaigh chreidmheasa aonainm. I gcás neamhréire idir an bhunoibleagáid agus oibleagáid tagartha an díorthaigh chreidmheasa nó an oibleagáid lena gcinntear ar tharla teagmhas creidmheasa nó nár tharla, beidh feidhm ag na ceanglais atá leagtha amach in Airteagal 216(2). Maidir le risíochtaí ar mhiondíol agus ar earraí infhaighte ceannaithe incháilithe, tá feidhm ag an mír seo maidir leis an bpróiseas chun na risíochtaí a shannadh do ghráid nó do chomhthiomsuithe;

Tabharfaidh na critéir aghaidh ar struchtúr eisíocaíochta an díorthaigh chreidmheasa agus measúnóidh siad go coimeádach a iarmhairt ar leibhéal agus ar uainiú na n-aisghnóthuithe. Cuirfidh an institiúid san áireamh a mhéid atá cineálacha eile priacal iarmharaigh fanta.

4. Ní bheidh feidhm ag na ceanglais atá leagtha amach i míreanna 1 go 3 le ráthaíochtaí a sholáthair institiúidí, rialtas láir agus bainc cheannais, ná maidir le heintitis chorparáideacha a chomhlíonann na ceanglais atá leagtha síos in Airteagal 201(1)(g), má tá cead faighte ag an institiúid an Cur Chuige Caighdeánaithe a chur i bhfeidhm i gcás risíochtaí ar eintitis den chineál sin de bhun Airteagal 148 agus Airteagal 150. Sa chás sin beidh feidhm ag ceanglais Chaibidil 4.

**▼B**

5. I gcás ráthaíochtaí miondíola, beidh feidhm freisin ag na ceanglais atá leagtha amach i mír 1, i mír 2 agus i mír 3 maidir le sannadh na risíochtaí do ghráid nó do chomhthiomsuithe, agus le meastacháin ar PD a dhéanamh.

6. Forbróidh ÚBE dréachtchaighdeáin theicniúla rialála chun na coinníollacha a shonrú ar dá réir a fhéadfaidh údaráis inniúla cead a thabhairt ráthaíochtaí coinníollacha a aithint.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2014.

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 184***Ceanglais maidir le hearraí infhaighte ceannaithe**

1. Agus na paraiméadair priacal á gcainníochtú acu a bhainfidh leis na gráid agus leis na comhthiomsuithe rátála d'earraí infhaighte ceannaithe, áiritheoidh institiúidí go gcomhlíonfar na coinníollacha atá leagtha síos i míreanna 2 go 6.

2. Áiritheoidh struchtúr na saoráide, i ngach cás is féidir a thuar, go mbeidh úinéireacht agus rialú iarbhir ag an institiúid ar gach íocaíocht airgid a thagann as na hearraí infhaighte. Nuair a dhéanann an t-oibleagáideoir íocaíochtaí díreacha le díoltóir nó le seirbhíseoir, deimhneoidh an institiúid go rialta go gcuirfear na híocaíochtaí ina n-iomláine ar aghaidh de réir théarmaí a bheidh aontaithe de réir conartha. Beidh nósanna imeachta ag institiúidí lena áirithiú go mbeidh úinéireacht na n-earraí infhaighte agus na bhfáltais airgid cosanta ar bhaic fhéimheachta nó ar agóidí dlí a d'fhéadfadh moill shuntasach a chur ar chumas an iasachtóra na hearraí infhaighte a leachtú nó a shannadh nó na fáltais airgid a rialú.

3. Déanfaidh an institiúid faireachán ar cháilíocht na n-earraí infhaighte ceannaithe agus freisin ar staid airgeadais an díoltóra agus an tseirbhíseora. Beidh feidhm ag an méid seo a leanas:

- (a) déanfaidh an institiúid measúnú ar an gcomhghaol atá idir cáilíocht na n-earraí infhaighte ceannaithe agus staid airgeadais an díoltóra agus an tseirbhíseora, beidh beartais agus nósanna imeachta inmheánacha ar bun aici a mbeidh ina gcosaint iomchuí ar aon teagmhas, lena n-áirítear rátáil priacal inmheánach a shannadh do gach díoltóir agus gach seirbhíseoir;
- (b) beidh beartais agus nósanna imeachta soiléire éifeachtacha ag an institiúid le hincháilitheacht an díoltóra agus an tseirbhíseora a chinneadh. Déanfaidh an institiúid nó a gníomhaire athbhreithnithe tréimhsiúla ar dhíoltóirí agus ar sheirbhíseoirí le beachtas thuarascálacha an díoltóra nó an tseirbhíseora a dheimhniú, le calaois nó laigí oibriúcháin a aimsiú agus le cáilíocht bheartais chreidmheasa an díoltóra agus cáilíocht bheartais agus nósanna imeachta bailiúcháin an tseirbhíseora a dheimhniú. Doiciméadófar torthaí na n-athbhreithnithe sin;

**▼B**

- (c) measúnóidh an institiúid saintréithe na gcomhthiomsaithe d'earraí infhaighte ceannaithe, lena n-áirítear ró-airleacain; stair riaráistí agus dhrochfhiacha an díoltóra agus stair a lamháltas in aghaidh drochfhiach; téarmaí iocaíochta agus cuntais contra ionchasacha;
- (d) beidh beartais agus nósanna imeachta éifeachtacha ag an institiúid le faireachán a dhéanamh ar bhonn comhiomláin ar chomhchruinnithe oibleagáideoirí aonair trasna comhthiomsuithe d'earraí infhaighte ceannaithe agus laistigh díobh;
- (e) áiritheoidh an institiúid go bhfaighidh sí tuarascálacha tráthúla mionsonraithe a ndóthain ón seirbhíseoir ar aosú agus ar chaolú na n-earraí infhaighte lena áirithiú go gcomhlíonfar critéir incháilitheachta na hinstitiúide agus na beartais airleacain a rialaíonn na hearraí infhaighte ceannaithe, agus le modh éifeachtach a chur ar fáil le faireachán a dhéanamh ar théarmaí díolta agus caolúcháin an díoltóra agus iad sin a dhaingniú.

4. Beidh córais agus nósanna imeachta ag an institiúid le haon mheath ar staid airgeadais an díoltóra agus ar cháilíocht na n-earraí infhaighte ceannaithe a bhrath go luath, agus le haghaidh a thabhairt go réamhghníomhach ar aon fhadhb a bheadh ag teacht chun cinn. Go háirithe, beidh beartais, nósanna imeachta agus córais fhaisnéise shoiléire agus éifeachtacha ag an institiúid le faireachán a dhéanamh ar aon sárú cúnaint agus beidh beartais agus nósanna imeachta soiléire éifeachtacha aici le caingne dlí a thionscnamh agus le plé le hearraí infhaighte ceannaithe fadhbacha.

5. Beidh beartais agus nósanna imeachta soiléire éifeachtacha ag an institiúid le rialú a dhéanamh ar earraí infhaighte ceannaithe, ar an gcreidmheas agus ar an airgead tirim. Go háirithe, sonrúidh beartais inmheánacha scríofa gach eilimint ábhartha sa chlár chun earraí infhaighte a cheannach, lena n-áirítear na rátaí airleacain, an chomhthaobhacht incháilithe, an doiciméadacht riachtanach, na srianta ar chomhchruinniú agus an chaoi nach mór fáltais airgid a láimhseáil. Áireofar sna gnéithe sin gach toisc ábhartha agus iomchuí, lena n-áirítear staid airgeadais an díoltóra agus an tseirbhíseora, na comhchruinnithe príacal, agus treohtaí maidir le cáilíocht na n-earraí infhaighte ceannaithe agus cáilíocht bhonn custaiméirí an díoltóra, agus áiritheoidh na córais inmheánacha nach dtabharfar cistí ar airleacan gan comhthaobhacht agus doiciméadacht tacaíochta a bheith ann.

6. Beidh próiseas inmheánach éifeachtach ag an institiúid chun measúnú a dhéanamh ar chomhlíonadh na mbeartas agus na nósanna imeachta inmheánacha ar fad. Beidh sa phróiseas sin iniúchóireacht rialta ar gach staid chriticiúil de chlár a hinstitiúide chun earraí infhaighte a cheannach, deimhniú go bhfuil na dualgais arna ndeighilt idir measúnú an díoltóra agus an tseirbhíseora agus measúnú an oibleagáideoira, ar an gcéad dul síos, agus, ar an dara dul síos, idir measúnú an díoltóra agus an tseirbhíseora agus iniúchadh allamuigh an díoltóra agus an tseirbhíseora, agus an mheastóireacht ar na hoibríochtaí cúloifige, agus beidh béim ar leith ann ar na cáilíochtaí, an taithe, na leibhéil soláthair foirne agus na córais uathoibríthe tacaíochta.

**▼B**

## Foroinn 3

**Bailíochtú na meastachán inmheánach***Airteagal 185***Bailíochtú na meastachán inmheánach**

Déanfaidh institiúidí bailíochtú ar a gcuid meastachán faoi réir na gceanglas seo a leanas:

- (a) beidh córais stóinsithe i bhfeidhm ag an institiúid chun cruinneas agus comhsheasmhacht na gcóras rátála agus na bpróiseas a bhailíochtú, mar aon leis an meastachán ar gach paraiméadar priacal ábhartha. Cuirfidh an próiseas bailíochtaithe inmheánach ar chumas na hinstitiúide measúnú a dhéanamh ar fheidhmiú na gcóras rátála agus na meastachán priacal inmheánach go comhsheasmhach agus go fóinteach;
- (b) déanfaidh institiúidí comparáid go rialta idir na rátaí mainneachtana a réadaíodh agus PDanna measta gach gráid agus, má tá na rátaí mainneachtana lasmuigh den raon a bhfuil súil leis sa ghrád sin, déanfaidh na hinstitiúidí anailís shonrach ar na cúiseanna is bun leis an diall. Institiúidí a úsáideann a meastacháin féin ar LGDanna agus a bhfachtóirí coinbhéartachta féin, déanfaidh siad anailís den chineál céanna i gcás na meastachán sin. Bainfidh na comparáidí seo úsáid as sonraí stairiúla a chumhdaíonn an tréimhse is faide is féidir. Tabharfaidh an institiúid tuairisc ar na modhanna agus ar na sonraí a úsáideadh i gcomparáidí den sórt sin. Tabharfar an anailís agus an doiciméadacht cothrom le dáta uair amháin in aghaidh na bliana ar a laghad;
- (c) úsáidfidh institiúidí uirlisi bailíochtaithe cainníochtúla eile freisin mar aon le comparáidí le foinsí sonraí seachtracha ábhartha. Bunófar an anailís ar shonraí atá oiriúnach don phunann, a nuashonraítear go rialta agus a chumhdaíonn tréimhse bhreathnóireachta ábhartha. Bunófar measúnuithe inmheánacha na n-institiúidí maidir le feidhmiú a gcóras rátála ar an tréimhse is faide is féidir;
- (d) beidh na modhanna agus na sonraí a úsáidfeá don bhailíochtú cainníochtúil comhsheasmhach go fadtéarmach. Tuairisceofar na hathruithe ar na modhanna agus ar na sonraí meastacháin agus bailíochtaithe (foinsí na sonraí agus na tréimhsí a chumhdaíonn siad);
- (e) beidh caighdeáin fhóna inmheánacha ag na hinstitiúidí le haghaidh cásanna ina bhfuil na diallais ó na luachanna ionchasacha sna PDanna, sna LGDanna, sna fachtóirí coinbhéartachta agus sna caillteanais iomlána, nuair a úsáidtear an EL, suntasach a ndóthain le bheith in amhras faoi bhailíocht na meastachán. Cuirfeá san áireamh sna caighdeáin sin timthriallta gnó agus inathraitheachtaí córasacha comhchosúla i stair an mhainneachtana. Más airde i gcónaí na luachanna réadaithe ná na luachanna ionchasacha, leasóidh an institiúid na meastacháin in airde chun a stair mhainneachtana agus chaillteanais a chur san áireamh iontu;



## ▼B

## Foroinn 4

**Ceanglais maidir le risíochtaí ar chothromas de réir chur chuige na samhlacha inmheánacha***Airteagal 186***Ceanglas maidir le cistí dílse agus cainníochtaí priacal**

D'fhonn na ceanglais maidir le cistí dílse a ríomh, comhlíonfaidh institiúidí na caighdeáin seo a leanas:

- (a) beidh an meastachán ar an gcaillteanas ionchais stóinsithe go leor le gluaiseachtaí díobhálacha margaidh a bhaineann le próifíl priacal fhadtéarmach na hinstitiúide a chur sa chuntas. Léireoidh na sonraí a úsáidfeadh d'fhonn na dáileacháin ioncain a léiriú an tréimhse shamplach is faide dá bhfuil sonraí ar fáil atá fóinteach maidir le próifíl priacal na risíochtaí sonracha ar chothromas na hinstitiúide a léiriú. Beidh na sonraí a úsáidfeadh leordhóthanach chun meastacháin choimeádacha ar an gcaillteanas a chur ar fáil a bheidh stóinsithe agus iontaofa go staitistiúil agus nach mbeidh bunaithe ar an mbreithiúnas pearsanta ná ar chúrsaí suibíachtúla amháin. Cuirfidh an turraing a úsáidfeadh meastachán coimeádach ar fáil de na cailleanais ionchasacha thar thimthriall fadtéarmach ábhartha margaidh nó gnó. Déanfaidh an institiúid anailís eimpíreach ar na sonraí atá ar fáil agus ina theannta sin coigear-tuithe atá bunaithe ar fhachtóirí éagsúla d'fhonn samhlacha aschuir a fháil atá réalaíoch agus coimeádach mar is cuí. Agus iad ag ceapadh samhla 'Luach faoi Phriacal' (VaR) chun measúnú a dhéanamh ar na cailleanais ráithiúla ionchasacha, féadfaidh institiúidí sonraí ráithiúla a úsáid nó coibhéis ráithiúil a dhéanamh de shonraí tréimhse níos giorra, ag baint úsáide as modh anailíse iomchuí arna thacú ag fianaise eimpíreach agus próiseas réasúnaíochta agus fianaise dea-fhorbartha doiciméadaithe. Cuirfeadh cur chuige dá leithéid chun feidhme go comhsheasmhach agus go coimeádach thar thréimhse ama. I gcás nach bhfuil ach méid teoranta sonraí ábhartha ar fáil, cuirfidh an institiúid corrlaigh choimeádachais iomchuí leo;
- (b) déanfaidh na samhlacha a úsáidfeadh gach priacal ábhartha atá cuimsithe sa toradh ar chothromas a ghabháil go hiomchuí, lena n-áirítear an bpriacal margaidh ginearálta agus an risíocht ar priacal sonracha a bhaineann le punann cothromais na hinstitiúide. Míneofar go leormhaith sna samhlacha inmheánacha na hathruithe stairiúla ar phraghsanna, gabfaidh siad méid na gcomhchruinnithe féideartha agus na hathruithe ar a gcomhdhéanamh sin, agus beidh siad in ann ag dálaí margaidh díobhálacha. Beidh líon na risíochtaí ar priacal arna léiriú sna sonraí a úsáidfeadh le haghaidh an mheastacháin an-chosúil, nó ar a laghad beidh siad inchomparáide, le risíochtaí na hinstitiúide ar chothromas;
- (c) beidh an tsamhail inmheánach ag teacht le próifíl priacal agus le castacht phunann cothromais na hinstitiúide. Má tá sealúchais ábhartha ag institiúid agus luachanna acu atá de chineál atá thar a bheith neamhlíneach, ceapfar na samhlacha inmheánacha sa chaoi is go ngabfaidh siad go hiomchuí na priacail a bhaineann le hionstraimí den sórt sin;
- (d) beidh mapáil na suíomh aonair i leith seachshonraí, innéacsanna margaidh agus fachtóirí priacal dealraitheach, iomasach agus fóna ó thaobh an choincheapa;

**▼B**

- (e) taispeánfaidh institiúidí trí bhíthin anailíse eimpíirí oiriúnacht na bhfachtóirí priacal, lena n-áirítear an cumas atá acu an priacal sonrach agus an priacal ginearálta araon a chumhdach;
- (f) sna meastacháin ar luaineacht fháltais na risíochtaí ar chothromas, ionchorprófar na sonraí, an fhaisnéis agus na modhanna ábhartha atá ar fáil. Úsáidfear sonraí inmheánacha a athbhreithníodh go neamhspleách nó sonraí ó fhoinsí seachtracha, lena n-áirítear sonraí comhthiomsaithe;
- (g) beidh clár dian cuimsitheach tástála struis i bhfeidhm.

*Airteagal 187***Próiseas agus rialú an bhainistithe priacal**

Maidir le forbairt agus le húsáid samhlacha inmheánacha chun críocha an cheanglais a bhaineann le cistí dílse, bunóidh institiúidí beartais, nósanna imeachta agus rialuithe d'fhonn sláine na samhla agus an phróisis shamhaltaithe a áirithiú. Cuimseoidh na beartais, na nósanna imeachta agus na rialuithe an méid seo a leanas:

- (a) lánchomhtháthú iomlán na samhla inmheánaí i gcórais ghinearálta faisnéise bainistíochta na hinstiúidí agus i mbainistiú na punainne cothromais sa leabhar neamhthrádála. Déanfar na samhlacha inmheánacha a lánpháirtiú go hiomlán i mbonneagar bainistíochta priacal na hinstiúidí má úsáidtear iad go háirithe chun feidhmiú na punainne cothromais a thomhas agus a mheasúnú, lena n-áirítear an feidhmiú priacal -choigeartaithe, sannadh an chaipitil eacnamaíoch do na risíochtaí ar chothromas agus measúnú ar leordhóthanacht fhoriomlán an chaipitil, agus an próiseas bainistithe infheistíochta;
- (b) córais bhainistíochta, nósanna imeachta agus feidhmeanna rialaithe seanbhunaithe d'fhonn athbhreithniú tréimhsiúil neamhspleách ar gach gné den phróiseas samhaltaithe inmheánach a áirithiú, lena n-áirítear na leasuithe ar an tsamhail a fhorghnó, ionchuir na samhla a phromhadh agus athbhreithniú ar thorthaí na samhla, amhail ríomhaireacht an priacal a fhíorú go díreach. Déanfar measúnú sna hathbhreithnithe sin ar chruinneas, ar chomhláine agus ar oiriúnacht ionchuir agus thorthaí na samhla agus díreoidh siad ar earráidí féideartha a bhaineann le laigí aithnidiúla a aimsiú agus a theorannú, agus chomh maith ar laigí nach aithnid a bheadh sa tsamhail a shainaitheint. Féadfaidh aonad inmheánach neamhspleách, nó tríú páirtí seachtrach neamhspleách athbhreithnithe den sórt sin a dhéanamh;
- (c) córais agus nósanna imeachta leordhóthanacha chun faireachán a dhéanamh ar theorainneacha infheistíochta agus risíochtaí ar phriacal na risíochtaí ar chothromas;
- (d) beidh na haonaid atá freagrach as dearadh agus cur chun feidhme na samhla neamhspleách ó thaobh feidhme de ar na haonaid atá freagrach as infheistíochtaí aonair a bhainistiú;
- (e) beidh na páirtithe atá freagrach as aon ghné den phróiseas samhaltaithe cáilithe mar ba cheart. Sannfaidh an bhainistíocht a ndóthain acmhainní sciliúla inniúla d'fheidhm an tsamhaltaithe.

**▼B***Airteagal 188***Bailíochtú agus doiciméadú**

Beidh córais stóinsithe i bhfeidhm ag institiúidí chun cruinneas agus comhsheasmhacht a gcuid samhlacha inmheánacha agus a gcuid próiseas samhaltaithe a bhailíochtú. Tabharfar tuairisc maidir le gach gné ábhartha de na samhlacha inmheánacha agus den phróiseas samhaltaithe agus den bhailíochtú.

Beidh bailíochtú agus doiciméadú shamhlacha inmheánacha agus próisis samhaltaithe na n-institiúidí faoi réir na gceanglas seo a leanas:

- (a) bainfidh institiúidí úsáid as an bpróiseas bailíochtaithe inmheánach chun measúnú a dhéanamh ar fheidhmiú a gcuid samhlacha agus a gcuid próiseas ar bhealach comhsheasmhach fóinteach;

**▼C2**

- (b) beidh na modhanna agus na sonraí a úsáidfear don bhailíochtú cainníochtúil comhsheasmhach go factéarmach. Tabharfar tuairisc ar athruithe ar na modhanna meastacháin agus bailíochtaithe agus ar athruithe ar fhoinsí sonraí agus na tréimhsí a chumhdaíonn siad;

**▼B**

- (c) déanfaidh institiúidí comparáidí rialta idir an toradh iarbhír ar chothromas, arna ríomh agus leas á bhaint as na gnóthachain agus caillteanais réadaithe agus neamhréadaithe, agus meastacháin de réir samhlacha. Bainfidh na comparáidí seo úsáid as sonraí stairiúla a chumhdaíonn an tréimhse is faide is féidir. Tabharfaidh an institiúid tuairisc ar na modhanna agus ar na sonraí a úsáideadh i gcomparáidí den sórt sin. Tabharfar an anailís agus an doiciméadacht cothrom le dáta uair amháin in aghaidh na bliana ar a laghad;
- (d) úsáidfídh an institiúid uirlisí bailíochtaithe cainníochtúla eile freisin, mar aon le comparáidí le foinsí sonraí seachtracha. Bunófar an anailís ar shonraí atá oiriúnach don phunann, a nuashonraítear go rialta agus a chumhdaíonn tréimhse bhreathnóireachta ábhartha. Bunófar measúnuithe inmheánacha na n-institiúidí maidir le feidhmiú a gcuid samhlacha ar an tréimhse is faide is féidir;
- (e) beidh caighdeáin fhóna inmheánacha ag an institiúid chun aghaidh a thabhairt ar chásanna ina gcaitheann an chomparáid idir an toradh iarbhír ar chothromas agus meastacháin na samhlacha amhras ar bhailíocht na meastachán nó na samhlacha. Cuirfidh na caighdeáin sin san áireamh timthriallta gnó agus inathraitheachtaí córasacha den sórt céanna i dtoradh ar chothromas. Tabharfar tuairisc ar gach coigeartú a dhéanfar ar na samhlacha inmheánacha mar fhreagairt ar athbhreithnithe ar shamhlacha agus beidh siad comhsheasmhach le caighdeáin athbhreithnithe samhlacha na h-institiúide;
- (f) déanfar tuairisciú ar an tsamhail inmheánach agus ar an bpróiseas samhaltaithe, lena n-áirítear freagrachtaí na bpáirtithe a bhfuil baint acu leis an samhaltú agus na próisis fhorhmeasta agus athbhreithnithe a chuirtear i bhfeidhm maidir leis an tsamhail.



## Foroinn 5

**Rialachas inmheánach agus formhaoirseacht***Airteagal 189***Rialachas Corparáideach**

1. Formheasfaidh comhlacht bainistíochta na hinstitiúide nó choiste ainmnithe den chomhlacht sin, mar aon leis an mbainistíocht shinsearach, gach gné de na próisis rátála agus meastacháin. Beidh tuiscint ghinearálta ag na páirtithe sin ar chórais rátála na hinstitiúide agus miontuiscint acu ar na tuarascálacha bainistíochta bainteacha.

2. Beidh an bhainistíocht shinsearach faoi réir na gceanglas seo a leanas:

- (a) fógróidh siad don chomhlacht bainistíochta nó don choiste ainmnithe den chomhlacht sin aon athrú ábhartha ar, nó aon eisceacht ó, na beartais bhunaithe a dhéanfaidh difear ábhartha d'oiríochtaí chórais rátála na hinstitiúide;
- (b) beidh tuiscint mhaith acu ar dhearadh agus ar oibríochtaí na gcóras rátála;
- (c) áiritheoidh siad go seasta go bhfuil na córais rátála ag feidhmiú mar ba cheart;

Cuirfidh na haonaid rialaithe priacal creidmheasa an bhainistíocht shinsearach ar an eolas faoi fheidhmiú an phróisis rátála, faoi ghnéithe nár mhór a fheabhsú agus faoi stádas na n-iarrachtaí atá déanta le feabhas a chur ar easnaimh a sainaitníodh roimhe sin.

3. Beidh an anailís inmheánach a dhéanfar de réir na rátálacha ar phróifíl priacal creidmheasa na hinstitiúide ina Cuid bhunúsach den tuairiscíú bainistíochta chun na bpáirtithe sin. Áireofar sa tuairiscíú, ar a laghad, an phróifíl priacal de réir an ghráid, an imirce thar na gráid, meastachán ar na paraiméadair ábhartha de réir an ghráid agus comparáidí idir na rátaí mainneachtana a réadaíodh agus, má úsáidtear meastacháin, comparáidí idir na LGDanna a réadaíodh agus na fachtóirí coimbhéartachta a réadaíodh in aghaidh na n-ionchas agus in aghaidh thorthaí na tástála struis. Braithfidh minicíocht an tuairiscithe ar thábhacht agus ar chineál na faisnéise agus ar leibhéal an fhaighteora.

*Airteagal 190***Rialú priacal creidmheasa**

1. Beidh an t-aonad rialaithe priacal creidmheasa neamhspleách ar na feidhmeanna pearsanra agus na feidhmeanna bainistíochta atá freagrach as risíochtaí a thionscnamh nó a athnuachan agus tuairisceoidh sé go díreach chun na bainistíochta sinsearaí. Beidh an t-aonad freagrach as dearadh nó roghnú, cur chun feidhme agus feidhmíocht na gcóras rátála, agus formhaoirseacht orthu. Ullmhóidh sé tuairiscí go rialta maidir le haschur na gcóras rátála agus déanfaidh sé anailís orthu.

**▼B**

2. Cuimseoidh réimsí freagrachta an aonaid nó na n-aonad rialaithe priacal creidmheasa:

(a) gráid agus comhthiomsuithe a thástáil agus faireachán a dhéanamh orthu;

**▼C2**

(b) tuairiscí achoimre de chuid chórais rátála na hinstitiúide a ullmhú agus anailís a dhéanamh orthu;

**▼B**

(c) nósanna imeachta a chur chun feidhme chun a dheimhniú go bhfuil sainmhínte na ngrád agus na gcomhthiomsuithe á gcur i bhfeidhm go comhsheasmhach thar ranna agus thar limistéir gheografacha;

(d) aon athrú ar an bpróiseas rátála a athbhreithniú agus a dhoiciméadú, lena n-áirítear na cúiseanna atá leis na hathruithe;

(e) athbhreithniú a dhéanamh ar na critéir rátála chun a mheas an bhfuil siad fós réamhfháistineach maidir le priacal. Déanfar na hathruithe ar an bpróiseas rátála, agus ar chritéir nó ar pharaiméadair rátála aonair a dhoiciméadú agus a choinneáil;

(f) rannpháirtíocht ghníomhach i ndearadh nó roghnú, i gcur chun feidhme agus i mbailíochtú na shamhlacha a úsáidtear sa phróiseas rátála;

(g) formhaoirseacht agus maoirseacht ar shamhlacha a úsáidtear sa phróiseas rátála;

(h) athbhreithniú leanúnach agus athruithe ar shamhlacha a úsáidtear sa phróiseas rátála.

3. Féadfaidh institiúidí a úsáideann sonraí comhthiomsaithe i gcomhréir le hAirteagal 179(2) na cúraimí seo a leanas a sheachfhoinsiú:

(a) faisnéis a tháirgeadh atá ábhartha maidir le gráid agus comhthiomsuithe a thástáil agus faireachán a dhéanamh orthu;

(b) tuairiscí achoimre a tháirgeadh ó chórais rátála na hinstitiúide;

(c) faisnéis a tháirgeadh atá ábhartha maidir le hathbhreithniú a dhéanamh ar na critéir rátála chun a mheas an bhfuil siad fós réamhfháistineach maidir le priacal;

(d) athruithe ar an bpróiseas rátála, ar chritéir nó ar pharaiméadair rátála aonair a dhoiciméadú;

(e) faisnéis a tháirgeadh atá ábhartha don athbhreithniú leanúnach ar shamhlacha a úsáidtear sa phróiseas rátála agus do na hathruithe orthu.

4. Áiritheoidh institiúidí a bhainfidh úsáid as mír 3 go bhfuil rochtain ag na húdaráis inniúla ar an bhfaisnéis iomchuí go léir ón tríú páirtí atá riachtanach chun scrúdú a dhéanamh ar chomhlíonadh na gceanglas, agus go bhféadfaidh na húdaráis inniúla scrúduithe ar an láthair a dhéanamh a mhéid chéanna a dhéantar laistigh den institiúid.



*Airteagal 191*

**Iniúchadh Inmheánach**

Déanfaidh an t-aonad iniúchta inmheánaigh nó aonad iniúchta neamhspleách inchomparáide eile athbheithniú bliantúil ar a laghad ar chórais rátála na hinstitiúide agus ar a Cuid oibríochtaí, lena n-áirítear oibríochtaí na feidhme creidmheasa agus an meastachán ar PDanna, LGDanna, ELanna agus ar fhachtóirí coinbhéartachta. Áireofar sna réimsí athbheithnithe comhlíonadh na ceanglais go léir is infheidhme.

*CAIBIDIL 4*

**Maolú priacal creidmheasa**

Roinn 1

**Sainmhínithe agus ceanglais ghinearálta**

*Airteagal 192*

**Sainmhínithe**

Chun críocha na Coda seo, beidh feidhm ag na sainmhínithe seo a leanas:

- (1) ciallaíonn 'institiúid iasachtaí' an institiúid ag a bhfuil an risíocht i gceist;
- (2) Ciallaíonn 'idirbheart iasachta urraithe' aon idirbheart as a dtagann risíocht atá urraithe ag comhthaobhacht nach bhfuil foráil ann lena mbronntar ar an institiúid an ceart chun corrlach a fháil ar a laghad gach lá;
- (3) Ciallaíonn 'idirbheart caipitil atá faoi thionchar an mhargaidh' aon idirbheart as a dtagann risíocht atá urraithe ag comhthaobhacht nach bhfuil foráil ann lena mbronntar ar an institiúid an ceart chun corrlach a fháil ar a laghad gach lá;
- (4) Ciallaíonn 'GC bunúsach' GC a bhfuil infheistíocht déanta ag GC eile ina scaireanna nó a aonaid.

*Airteagal 193*

**Prionsabail maidir le héifeacht teicnící maolaithe priacal creidmheasa a aithint**

1. Maidir le haon risíocht a bhfaigheann institiúid maolú ar an bpriacal creidmheasa ina leith, ní bheidh méid na risíochta atá ualaithe ó thaobh priacal nó méid an chaillteanais ionchasaigh a bhaineann leis an risíocht níos airde ná risíocht atá comhionann i ngach slí eile ach nach bhfuil maolú priacal creidmheasa ag institiúid ina leith.

2. I gcás ina bhfuil cosaint creidmheasa faoi Chaibidil 2 nó faoi Chaibidil 3, de réir mar is infheidhme, curtha san áireamh cheana maidir leis an méid risíochta atá ualaithe ó thaobh priacal, ní chuirfidh na hinstitiúidí an chosaint creidmheasa sin san áireamh sna ríomhanna faoin gCaibidil seo.

3. I gcás ina gcomhlíontar na forálacha atá i Roinn 2 agus Roinn 3, féadfaidh institiúidí ríomh na méideanna risíochta atá ualaithe ó thaobh priacal a leasú faoin gCur Chuige Caighdeánaithe agus féadfaidh siad ríomh na méideanna risíochta atá ualaithe ó thaobh priacal agus méideanna an chaillteanais ionchasaigh a mhodhnú faoin gCur Chuige IRB i gcomhréir le forálacha Ranna 4, 5, agus 6.

**▼B**

4. Láimhseálfaidh institiúidí mar chomhthaobhacht aon airgead tirim, urrúis nó tráchtearraí a cheannaítear, a fhaightear ar iasacht nó a fhaightear in idirbheart athcheannaigh nó in idirbherart maidir le hurrúis nó tráchtearraí a iasachtú nó a fháil ar iasacht.

5. I gcás ina bhfuil níos mó ná cineál amháin maolaithe priacal creidmheasa lena gcumhdaítear risíocht amháin ag institiúid a bhfuil méideanna risíochta atá ualaithe ó thaobh priacal á ríomh aici faoin gCur Chuige Caighdeánaithe, déanfaidh sí an dá ní seo a leanas:

- (a) an risíocht a fhoroinnt sna codanna atá cumhdaithe ag gach aon chineál uirlise maolaithe priacal creidmheasa;
- (b) an méid risíochta atá ualaithe ó thaobh priacal a ríomh maidir le gach cuid a fhaightear i bpointe (a) ar leithligh i gcomhréir le forálacha Chaibidil 2 agus na Caibidle seo.

6. Maidir le hinstitiúid a bhfuil méideanna risíochta atá ualaithe ó thaobh priacal á ríomh aici faoin gCur Chuige Caighdeánaithe, i gcás ina gcumhdaíonn sí risíocht amháin le cosaint creidmheasa arna soláthar ag soláthraí na cosanta amháin agus ina bhfuil aibíochtaí éagsúla ag an gcosaint sin, déanfaidh sí an dá ní seo a leanas:

- (a) an risíocht a fhoroinnt sna codanna atá cumhdaithe ag gach aon chineál uirlise maolaithe priacal creidmheasa;
- (b) an méid risíochta atá ualaithe ó thaobh priacal a ríomh maidir le gach cuid a fhaightear i bpointe (a) ar leithligh i gcomhréir le forálacha Chaibidil 2 agus na Caibidle seo.

*Airteagal 194***Prionsabail lena rialaítear incháilitheacht teicnící maolaithe priacal creidmheasa**

1. An teicníc a úsáidfidh an institiúid iasachta chun cosaint creidmheasa a chur ar fáil, mar aon leis na gníomhaíochtaí agus na bearta a dhéanfaidh an institiúid iasachtaí sin agus na nósanna imeachta agus na beartais a chuirfidh sí chun feidhme, beidh siad de shaghas go mbeidh socrúithe cosanta creidmheasa mar thoradh orthu a bheidh éifeachtach agus inchurtha i bhfeidhm le dlí i ngach dlínse iomchuí.

An leagan is déanaí den tuairim nó de na tuairimí dlíthiúla réasúnaithe neamhspleácha i scríbhinn a d'úsáid an institiúid lena cruthú cibé an gcomhlíontar an coinníoll a leagtar síos sa chéad fhomhír lena socrú nó a socrúithe cosanta creidmheasa nó nach gcomhlíontar an coinníoll sin, déanfaidh an institiúid iasachta é a chur ar fáil, arna iarraidh sin don údarás inniúil.

2. Déanfaidh an institiúid iasachtaí gach céim is iomchuí chun éifeachtacht an tsocráithe cosanta creidmheasa a áirithiú agus chun aghaidh a thabhairt ar na priacail a bhaineann leis an socrú sin.

3. Ní fhéadfaidh institiúidí cosaint creidmheasa cistithe a aithint agus éifeacht an mhaolaithe ar phriacal creidmheasa á ríomh ach amháin i gcás ina mbeidh an dá choinníoll seo a leanas á gcomhlíonadh ag na sócmhainní a bhfuiltear ag brath orthu chun cosanta:

**▼B**

- (a) tá siad san áireamh i liosta na sócmhainní incháilithe atá leagtha amach in Airteagail 197 go 200, de réir mar is infheidhme;
- (b) tá siad sách leachtach agus tá a luach thar thréimhse ama sách seasmhach le cinnteacht a thabhairt maidir leis an gcosaint creidmheasa atá bainte amach, ag féachaint don chur chuige a úsáideadh chun méideanna risíochta atá ualaithe ó thaobh priacal a ríomh agus ag féachaint don mhéid aitheanta atá ceadaithe.
4. Ní fhéadfaidh institiúidí cosaint creidmheasa cistithe a aithint agus éifeacht an mhaolaithe ar phriacal creidmheasa á ríomh ach amháin i gcás ina mbeidh sé de cheart ag an institiúid iasachtaí na sócmhainní óna ndíorthaítear an chosaint a leachtú nó a choinneáil, ar shlí thráthúil, i gcás mhainneachtain, dhócmhainneacht nó fhéimheacht — nó teagmhas creidmheasa eile arna leagan amach i ndoiciméadacht an idirbhirt — an oibleagáideora, agus, más infheidhme, an choimeádaí a bhfuil an chomhthaobhacht aige. Ní bheidh méid an chomhghaoil idir luach na sócmhainní a mbraitear orthu i gcomhair cosanta agus caighdeán creidmheasa an oibleagáideora ró-ard.
5. I gcás cosanta neamhchistithe creidmheasa, ní cháileoidh soláthraí cosanta mar sholáthraí cosanta incháilithe ach amháin i gcás ina mbeidh sé san áireamh i liosta na soláthraithe cosanta incháilithe a leagtar amach in Airteagal 201 nó in Airteagal 202, de réir mar is infheidhme.
6. I gcás cosanta neamhchistithe creidmheasa, cáileoidh comhaontú cosanta mar chomhaontú cosanta incháilithe sa chás ina gcomhlíonfar an dá choinníoll seo a leanas, agus sa chás sin amháin:
- (a) tá sé san áireamh i liosta na gcomhaontuithe cosanta incháilithe atá leagtha amach in Airteagal 203 agus in Airteagal 204(1);
- (b) tá sé éifeachtach agus inchurtha i bhfeidhm ó thaobh dlí de sna dlínsí dlíthiúla, ionas gur féidir cinnteacht iomchuí a chur ar fáil maidir leis an gcosaint creidmheasa atá baint amach, ag féachaint don chur chuige a úsáidtear chun méideanna risíochta atá ualaithe ó thaobh priacal a ríomh agus ag féachaint don mhéid aitheanta atá ceadaithe.
- (c) comhlíonann soláthraí na cosanta na critéir a leagtar síos i mír 5.
7. Comhlíonfaidh cosaint creidmheasa na ceanglais atá leagtha amach i Roinn 3, de réir mar is infheidhme.
8. Beidh an institiúid ábalta a léiriú do na húdaráis inniúla go bhfuil próisis leordhóthanacha bainistithe priacal aici chun na priacail a rialú a bhféadfadh sí a bheith ar ris orthu mar thoradh ar chleachtais maolaithe priacal creidmheasa a chur i gcrích.
9. D'ainneoin go gcuirtear maolú priacal creidmheasa san áireamh d'fhonn méideanna risíochta atá ualaithe ó thaobh priacal a ríomh agus, nuair is infheidhme, méideanna an chaillteanais ionchasaigh a ríomh, leanfaidh institiúidí orthu de bheith ag tabhairt faoi mheasúnú priacal creidmheasa ar an risíocht fholuiteach iomlán agus beidh siad in ann comhlíonadh an cheanglais sin a léiriú do na húdaráis inniúla. I gcás idirbheart athcheannaigh agus idirbheart maidir le hurrúis nó tráchtarraí a iasachtú nó a fháil ar iasacht, measfar gurb ionann an risíocht fholuiteach, chun críocha na míre seo amháin, agus glanmhéid na risíochta.



**▼B**

10. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú cad is sócmhainní atá sách leachtach ann agus cathain is féidir a mheas go bhfuil luachanna sócmhainne sách cobhsaí chun críche mhír 3.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 30 Meán Fómhair 2014.

Déantar an chumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

## Roinn 2

**Foirmeacha incháilithe maolaithe priacal creidmheasa**

## Foirinn 1

**Cosaint cistithe creidmheasa***Airteagal 195***Glanluacháil laistigh den chlár comhardaithe**

Féadfaidh institiúid úsáid a bhaint as glanluacháil laistigh den chlár comhardaithe ar éilimh fhrithpháirteacha idir í féin agus a contrapháirtí mar fhoirm incháilithe maolaithe priacal creidmheasa.

Gan dochar d'Airteagal 196, tá incháilitheacht teoranta d'iarhméideanna airgid cómhálartacha idir an institiúid agus an contrapháirtí. Féadfaidh institiúidí méideanna risíochta atá ualaithe ó thaobh priacal a leasú agus, nuair is iomchuí, méideanna an chaillteanais ionchasaigh a mhodhnú le haghaidh iasachtaí agus taiscí a fuair siad féin agus atá faoi réir comhaontú glanluachála laistigh den chlár comhardaithe, agus chun na críche sin amháin.

*Airteagal 196*

**Máistir-chomhaontuithe glanluachála lena gcumhdaítear idirbhearta athcheannaigh nó idirbhearta maidir le hurrúis nó tráchtearraí a iasachtú nó a fháil ar iasacht nó idirbhearta caipitil eile atá faoi thionchar an mhargaidh.**

Institiúidí a ghlacann an Modh Cuimsitheach Comhthaobhach Airgeadais atá leagtha amach in Airteagal 223, féadfaidh siad a chur san áireamh éifeachtaí conarthaí déthaobhacha glanluachála lena gcumhdaítear idirbhearta athcheannaigh, idirbhearta maidir le hurrúis nó tráchtearraí a iasachtú nó a fháil ar iasacht, nó idirbhearta caipitil eile atá faoi thionchar an mhargaidh, le contrapháirtí. Gan dochar d'Airteagal 299, an chomhthaobhacht a ghlacfar agus na hurrúis nó na tráchtearraí a gheofar ar iasacht laistigh de chomhaontuithe nó d'idirbhearta den sórt sin, comhlíonfaidh siad na ceanglais incháilitheachta maidir le comhthaobhacht atá leagtha amach in Airteagal 197 agus Airteagal 198.

*Airteagal 197*

**Incháilitheacht na comhthaobhachta faoi gach cineál cur chuige agus gach modh**

1. Féadfaidh institiúidí na nithe seo a leanas a úsáid mar chomhthaobhacht incháilithe faoi gach cineál cur chuige agus gach modh:

**▼B**

- (a) airgead i dtaisce leis an institiúid iasachtaí, nó ionstraimí comhshamhlaithe airgid arna sealbhú aici;
- (b) urrúis fiachais arna n-eisiúint ag rialtais láir nó ag bainc cheannais, a bhfuil measúnú creidmheasa ina leith ag IMCS nó ag gníomhairacht chreidmheasa onnmhairiúcháin a aithnítear a bheith incháilithe chun críocha Chaibidil 2, a bhfuil sé deimhnithe ag ÚBE go mbaineann sé le céim 4 den cháilíocht chreidmheasa nó le céim níos airde, de réir na rialacha ualaithe priacal maidir leis na risíochtaí ar rialtais láir agus ar bhainc cheannais faoi Chaibidil 2;
- (c) urrúis fiachais arna n-eisiúint ag institiúidí, a bhfuil measúnú creidmheasa ina leith ag IMCS a bhfuil sé deimhnithe ag ÚBE go mbaineann sé le céim 3 den cháilíocht chreidmheasa nó le céim níos airde, de réir na rialacha ualaithe priacal maidir leis na risíochtaí ar institiúidí faoi Chaibidil 2;
- (d) urrúis fiachais arna n-eisiúint ag eintitis eile, a bhfuil measúnú creidmheasa ina leith ag IMCS a bhfuil sé deimhnithe ag ÚBE go mbaineann sé le céim 3 den cháilíocht chreidmheasa nó le céim níos airde, de réir na rialacha ualaithe priacal maidir leis na risíochtaí ar chorporáidí faoi Chaibidil 2;
- (e) urrúis fiachais a bhfuil measúnú creidmheasa gearrthéarmach ina leith ag IMCS a bhfuil sé deimhnithe ag ÚBE go mbaineann sé le céim 3 den cháilíocht chreidmheasa nó le céim níos airde, de réir na rialacha ualaithe priacal maidir le risíochtaí gearrthéarmacha faoi Chaibidil 2;
- (f) cothromas nó na bannaí in-chomhshóite a áirítear i bpríomhinnéacs;
- (g) ór;

**▼M5**

- (h) suíomhanna urrúsúcháin nach suíomhanna ath-urrúsúcháin iad agus atá faoi réir ualú priacail 100 % nó níos lú i gcomhréir le hAirteagal 261 go go hAirteagal 264.

**▼B**

2. Chun críocha phointe (b) de mhír 1, áireofar in 'urrúis fiachais arna n-eisiúint ag rialtais láir nó ag bainc cheannais' iad seo ar fad a leanas:

- (a) urrúis fiachais arna n-eisiúint ag rialtais réigiúnacha nó ag údaráis áitiúla, a láimhseáiltear risíochtaí orthu mar risíochtaí ar an rialtas láir a bhfuil siad bunaithe ina dhlínse, faoi Airteagal 115(2);
- (b) urrúis fiachais arna n-eisiúint ag eintitis eamnála poiblí a láimhseáiltear mar risíochtaí ar rialtais láir i gcomhréir le hAirteagal 116(4);
- (c) urrúis fiachais arna n-eisiúint ag bainc forbartha iltaobhacha a sanntar ualú priacal 0 % dóibh faoi Airteagal 117(2);
- (d) urrúis fiachais arna n-eisiúint ag eagraíochtaí idirnáisiúnta a sanntar ualú priacal 0 % dóibh faoi Airteagal 118.

**▼B**

3. Chun críocha phointe (c) de mhír 1, áireofar in 'urrúis fiachais arna n-eisiúint ag institiúidí' iad seo ar fad a leanas:

- (a) urrúis fiachais arna n-eisiúint ag rialtais réigiúnacha nó ag údaráis áitiúla seachas na hurrúis fiachais sin dá dtagraítear i bpointe (a) de mhír 2;
- (b) urrúis fiachais arna n-eisiúint ag eintitis earnála poiblí, a láimhseáiltear risíochtaí orthu de réir Airteagal 116(1) agus (2);
- (c) urrúis fiachais arna n-eisiúint ag bainc forbartha iltaobhacha seachas iad sin a sanntar ualú priacal 0 % dóibh faoi Airteagal 117(2);

4. Urrúis fiachais a eisíonn institiúidí eile agus nach bhfuil measúnú creidmheasa ina leith ag IMCS, féadfaidh institiúid iad a úsáid mar chomhthaobhacht incháilithe i gcás ina gcomhlíonfaidh na hurrúis fiachais sin na critéir seo a leanas ar fad:

- (a) tá siad liostaithe ar mhalartán aitheanta;
- (b) cáilíonn siad mar fhiachas sinsearach;
- (c) maidir leis na heisiúintí rátáilte ón institiúid eisithe a mbaineann an tsinsearach chéanna leo, tá measúnú creidmheasa ina leith ag IMCS a bhfuil sé cinnte ag ÚBE go mbaineann sé le céim 3 den cháilíocht chreidmheasa nó le céim níos airde de réir na rialacha ualaithe priacal maidir le risíochtaí ar institiúidí nó risíochtaí gearrt-héarmacha faoi Chaibidil 2;
- (d) níl aon fhaisnéis ag an institiúid iasachtaí a thabharfadh le fios go mbeadh údar le measúnú creidmheasa a bheadh níos ísle ná an ceann a shonraítear i bpointe (c);
- (e) is leor leachtacht mhargaidh na hionstraime chun na críocha sin.

5. Féadfaidh institiúidí aonaid nó scaireanna in GCanna a úsáid mar chomhthaobhacht incháilithe i gcás ina gcomhlíonfar na coinníollacha seo a leanas go léir:

- (a) tá praghas luaite poiblí laethúil ag na haonaid nó ag na scaireanna;

**▼C2**

- (b) tá na GCanna teoranta d'infheistiú in ionstraimí atá incháilithe d'aitheantas faoi mhír 1 agus mhír 4;

**▼B**

- (c) comhlíonann na GCanna na coinníollacha a leagtar síos in Airteagal 132(3).

I gcás ina n-infheistíonn GC i scaireanna nó in aonaid GC eile, beidh na coinníollacha atá leagtha síos i bpointí (a) go (c) den chéad fhomhír i bhfeidhm go cothrom maidir le haon GC bunúsach den sórt sin.

I gcás ina n-úsáideann GC ionstraimí díorthaigh chun infheistíochtaí ceadaithe a fháil, ní choiscfear aonad ná scaireanna sa ghnóthas sin a bheith incháilithe mar chomhthaobhacht dá bharr sin.

**▼B**

6. Chun críocha mhír 5, i gcás nach bhfuil GC ('an GC bunaidh') nó aon cheann dá GCanna foluiteacha teoranta d'infheistiú in ionstraimí atá incháilithe faoi mhír 1 agus mhír 4, féadfaidh institiúidí aonaid nó scaireanna sa GC sin a úsáid mar chomhthaobhacht go dtí méid atá cothrom le luach na sócmhainní incháilithe arna sealbhú ag an GC sin, á ghlacadh leis gur infheistigh an GC nó aon cheann dá GCanna foluiteacha i sócmhainní neamh-incháilithe go dtí an t-uasmhéid a cheadaítear faoina gcuid sainorduithe féin.;

I gcás ina bhfuil GCanna foluiteacha dá chuid féin aige ag aon GC bunúsach, féadfaidh institiúidí aonaid nó scaireanna sa GC bunaidh a úsáid mar chomhthaobhacht incháilithe ar an gcoinníoll go ndéanfaidh siad an mhodheolaíocht a leagtar síos sa chéad fhomhír a chur i bhfeidhm.

I gcás ina bhféadfadh luach diúltach a bheith ag sócmhainní neamh-incháilithe mar gheall ar dhliteanas nó ar dhliteanas theagmhasacha a thig ó úinéireacht, déanfaidh institiúidí an dá ní seo a leanas:

- (a) ríomhfaidh siad luach iomlán na sócmhainní neamh-incháilithe;
- (b) i gcás ina bhfuil an méid a gheofar faoi phointe (a) diúltach, dealóidh siad luach absalóideach an mhéid sin ó luach iomlán na sócmhainní incháilithe.

7. Maidir le pointí (b) go (e) de mhír 1, i gcás ina bhfuil dhá mheasúnú creidmheasa ag urrús ó IMCSanna, cuirfidh institiúidí an measúnú is lú fabhar i bhfeidhm. I gcás ina bhfuil níos mó ná dhá mheasúnú creidmheasa ag urrús ó IMCSanna, cuirfidh institiúidí an dá mheasúnú is fabhraí i bhfeidhm. I gcás ina bhfuil an dá mheasúnú creidmheasa is fabhraí éagsúil, cuirfidh institiúidí an measúnú is lú fabhar i bhfeidhm.

8 Forbróidh ÚEUM dréachtchaighdeáin theicniúla cur chun feidhme d'fhonn an méid seo a leanas a shonrú:

- (a) na príomhinnéacsanna dá dtagraítear i bpointe (f) de mhír 1 den Airteagal seo, i bpointe (a) d'Airteagal 198(1), in Airteagal 224(1) agus (4), agus i bpointe (e) d'Airteagal 299(2);
- (b) na malartuithe aitheanta dá dtagraítear i bpointe (a) de mhír 4 den Airteagal seo, i bpointe (a) d'Airteagal 198(1), in Airteagal 224(1) agus (4), i bpointe (e) d'Airteagal 299(2), i bpointe (k) d'Airteagal 400(2), i bpointe (e) d'Airteagal 416(3), i bpointe (c) d'Airteagal 428(1), agus i bpointe 12 d'Iarscríbhinn III i gcomhréir leis na coinníollacha a leagtar síos i bpointe (72) d'Airteagal 4(1).

Cuirfidh ÚEUM na dréachtchaighdeáin theicniúla cur chun feidhme sin faoi bhráid an Choimisiúin faoin 31 Nollaig 2014.

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1095/2010.

**▼B***Airteagal 198***Incháilitheacht bhreise na comhthaobhachta faoin Modh Cuimsitheach Comhthaobhach Airgeadais**

1. I dteannta na comhthaobhachta a bhunaítear in Airteagal 197, i gcás ina n-úsáideann institiúid an Modh Cuimsitheach Comhthaobhach Airgeadais atá leagtha amach in Airteagal 223, féadfaidh an institiúid sin na nithe seo a leanas a úsáid mar chomhthaobhacht incháilithe:

- (a) cothromais nó bannaí in-chomhshóite nach n-áirítear i bpríomhinnéacs ach a thrádáiltear ar mhalartán aitheanta;
- (b) aonaid nó scaireanna in GCanna i gcás ina gcomhlíontar an dá choinníoll seo a leanas:
  - (i) tá praghas luaite poiblí laethúil ag na haonaid nó ag na scaireanna;
  - (ii) tá an GC teoranta d'infheistiú in ionstraimí atá incháilithe d'aitheantas faoi Airteagal 197(1) agus (4) agus na hitimí a luaitear i bpointe (a) den fhomhír seo.

I gcás ina n-infheistíonn GC i scaireanna nó in aonaid GC eile, beidh na coinníollacha atá leagtha síos i bpointí (a) agus (b) den mhír seo i bhfeidhm go cothrom maidir le haon GC bunúsach den sórt sin.

I gcás ina n-úsáideann GC ionstraimí díorthaigh chun infheistíochtaí ceadaithe a fháil, ní choiscfeadh incháilitheacht aonad ná scaireanna sa ghnóthas sin mar chomhthaobhacht dá bharr sin.

2. I gcás nach bhfuil GC ná aon cheann dá GCanna foluiteacha teoranta d'infheistiú in ionstraimí atá incháilithe i gcomhair aitheantais faoi Airteagal 197(1) agus (4) agus sna nithe a luaitear i bpointe (a) de mhír 1 den Airteagal seo, féadfaidh institiúidí aonaid nó scaireanna sa GC sin a úsáid mar chomhthaobhacht go dtí méid atá cothrom le luach na sócmhainní incháilithe arna sealbhú ag an GC sin, á ghlacadh leis gur infheistigh an GC nó aon cheann dá GCanna foluiteacha i sócmhainní neamh-incháilithe go dtí an t-uasmhéid a cheadaítear faoina gcuid sainorduithe faoi seach.

I gcás ina bhféadfadh luach diúltach a bheith ag sócmhainní neamh-incháilithe mar gheall ar dhliteanas nó ar dhliteanas theagmhasacha a thig ó úinéireacht, déanfaidh institiúidí an dá ní seo a leanas:

- (a) ríomhfaidh siad luach iomlán na sócmhainní neamh-incháilithe;
- (b) i gcás ina bhfuil an méid a gheofar faoi phointe (a) diúltach, dealóidh siad luach absalóideach an mhéid sin ó luach iomlán na sócmhainní incháilithe.

*Airteagal 199***Incháilitheacht bhreise do chomhthaobhacht faoin gCur Chuige IRB**

1. I dteannta na comhthaobhachta dá dtagraítear in Airteagail 197 agus 198, féadfaidh institiúidí a ríomhann méideanna risíochta atá ualaithe ó thaobh pricail agus méideanna an chailteanais ionchasaigh faoin gCur Chuige IRB na cineálacha comhthaobhachta seo a úsáid freisin:

**▼B**

- (a) comhthaobhacht maoiné dochorraithe i gcomhréir le mír 2, mír 3 agus mír 4;
- (b) earraí infhaighte i gcomhréir le mír 5;
- (c) comhthaobhacht fhisiceach eile i gcomhréir le míreanna 6 agus 8;
- (d) léasú i gcomhréir le mír 7.

2. Mura sonrúfar a mhalairt faoi Airteagal 124(2), féadfaidh institiúidí comhthaobhacht incháilithe a úsáid mar mhaoín chónaithe atá nó a bheidh á háitiú nó á ligean ar cíós ag an úinéir, nó ag an úinéir tairbhiúil i gcás cuideachtaí infheistíochta pearsanta, agus maoiní dochorraithe tráchtála, lena n-áirítear oifigí agus áitribh tráchtála eile, i gcás ina gcomhlíonfar an dá choinníoll seo a leanas:

- (a) ní bhraitheann luach na maoiné go hábhartha ar cháilíocht chreidmheasa an oibleagáideora. Féadfaidh institiúidí cásanna a fhágáil ar lár i gcás go mbíonn tionchar ag tosca atá go hiomlán maicreacnamaíoch ar luach na maoiné agus ar fheidhmíocht an iasachtaí araon óna gcinneadh maidir le hábharthacht spleáchais den sórt sin;
- (b) ní bhraitheann priacal an iasachtaí go hábhartha ar fheidhmíocht na maoiné bunúsaí ná an tionscadail fholuitigh, ach ar chumas bunúsach an iasachtaí an fiachas a aisíoc ó fhoinsí eile, agus mar thoradh air sin, ní bheidh aisíocáíocht na saoráide ag brath go hábhartha ar aon sreabhadh airgid arna ghiniúint ag an maoin bhunúsach a fheidhmíonn mar chomhthaobhacht.

3. Féadfaidh institiúidí maolú ó phointe (b) de mhír 2 i gcás risíochtaí arna n-urrú le maoin chónaithe atá lonnaithe laistigh de chríoch Ballstáit, más rud é gur fhoilsigh údarás inniúil an Bhallstáit sin fianaise lena léirítear go bhfuil margadh maoiné cónaithe dea-fhorbartha agus fadbhunaithe sa chríoch sin ag a bhfuil rátaí cailteanais nach sáraíonn aon cheann de na teorainneacha seo a leanas:

- (a) ní mó ná 0,3 % de na hiasachtaí gan íoc arna gcomhthaobhú le maoin chónaithe in aon bhliain faoi leith na cailteanais atá ag teacht ó iasachtaí arna gcomhthaobhú le maoin chónaithe suas le 80 % den mhargadhluach nó 80 % den luach iasachtaí morgáiste, mura bhforáiltear a mhalairt faoi Airteagal 124(2).
- (b) ní mó ná 0,5 % de na hiasachtaí gan íoc arna gcomhthaobhú le maoin chónaithe in aon bhliain faoi leith na cailteanais fhoriomlána atá ag teacht ó iasachtaí arna gcomhthaobhú le maoin chónaithe in aon bhliain faoi leith.

I gcás nach gcomhlíonfar ceachtar de na coinníollacha i bpointí (a) agus (b) den chéad fhomhír in aon bhliain faoi leith, ní úsáidfidh institiúidí an láimhseáil a leagtar amach san fhomhír sin go dtí go gcomhlíonfar an dá choinníoll i mbliain ina dhiaidh sin.

**▼C2**

4. Féadfaidh institiúidí maolú ó phointe (b) de mhír 2 i gcás maoiné tráchtála dochorraithe atá lonnaithe laistigh de chríoch Ballstáit, más rud é gur fhoilsigh údarás inniúil an Bhallstáit sin fianaise lena léirítear go bhfuil margadh maoiné tráchtála dochorraithe dea-fhorbartha agus fadbhunaithe sa chríoch sin ag a bhfuil rátaí cailteanais nach sáraítear aon cheann de na teorainneacha seo a leanas leo:

**▼ C2**

- (a) caillteanais atá ag teacht ó iasachtaí arna gcomhthaobhú le maoin thráchtála dhochorraithe suas le 50 % den mhargadhluach nó 60 % den luach iasachta morgáiste, ní mó iad ná 0,3 % de na hiasachtaí gan íoc arna gcomhthaobhú le maoin thráchtála dhochorraithe in aon bhliain faoi leith;
- (b) caillteanais fhoriomlána atá ag teacht ó iasachtaí arna gcomhthaobhú le maoin thráchtála dhochorraithe, ní mó iad ná 0,5 % de na hiasachtaí gan íoc arna gcomhthaobhú le maoin thráchtála dhochorraithe in aon bhliain faoi leith.

**▼ B**

I gcás nach gcomhlíonfar ceachtar de na coinníollacha i bpointí (a) agus (b) den chéad fhomhír in aon bhliain faoi leith, ní úsáidfidh institiúidí an láimhseáil a leagtar amach san fhomhír sin go dtí go gcomhlíonfar an dá choinníoll i mbliain ina dhiaidh sin.

5. Féadfaidh institiúidí earraí infhaighte a bhaineann le hidirbheart nó le hidirbhearta tráchtála ag a bhfuil aibíocht tosaigh níos lú ná bliain amháin nó cothrom le bliain amháin a úsáid mar mhéideanna comhthaobhachta incháilithe. Ní áirítear ar earraí infhaighte incháilithe na cinn a bhaineann le hurrúsuithe, le fo-rannpháirteachas, le díorthaigh chreidmheasa ná le méideanna atá dlite ó pháirtithe cleamhnaithe.

6. Tabharfaidh údaráis inniúla cead d'institiúid comhthaobhacht fhisiceach de chineál seachas na cinn atá léirithe i mír 2, mír 3 agus mír 4 a úsáid mar comhthaobhacht incháilithe i gcás ina gcomhlíonfar na coinníollacha ar fad a leanas:

- (a) tá margaí leachtacha ann, arna bhfianú ag idirbhearta minice, agus cineál na sócmhainne á chur san áireamh, chun comhthaobhacht a dhiúscairt ar mhodh atá gasta agus éifeachtúil ó thaobh an gheilleagair de. Déanfaidh institiúidí measúnú ar an gcoinníoll seo go tréimhsiúil agus i gcás inar léir ón fhaisnéis go bhfuil athruithe ábhartha sa mhargadh;
- (b) tá praghsanna margaidh ann don chomhthaobhacht atá dea-bhunaithe agus ar fáil don phobal. Féadfaidh institiúidí a mheas gur praghsanna dea-bhunaithe iad praghsanna an mhargaidh i gcás ina dtagann siad as foinsí iontaofa faisnéise amhail innéacsanna poiblí agus gur léiriú iad ar phraghas na n-idirbheart faoi ghnáthdhálaí. Féadfaidh institiúidí a mheas gur praghsanna atá fáil don phobal iad praghsanna an mhargaidh, sa chás go nochtar praghsanna, go bhfuil rochtain éasca orthu, agus gur féidir iad a fháil go rialta agus gan aon ualach míchuí riaracháin nó airgeadais ag baint leo;
- (c) déanann an institiúid anailís ar phraghsanna an mhargaidh, ar an am agus ar na costais a bhaineann leis an gcomhthaobhacht a réadú agus ar na fáiltais réadaithe ón gcomhthaobhacht;
- (d) léiríonn an institiúid nach bhfuil na fáiltais réadaithe ón gcomhthaobhacht faoi 70 % de luach na comhthaobhachta i níos mo ná 10 % de na leachtuithe ar fad i gcás cineál áirithe comhthaobhachta. I gcás ina bhfuil luaineacht ábhartha i bpraghsanna an mhargaidh, léireoidh an institiúid chun sástachta na n-údarás inniúil go bhfuil a luacháil ar an gcomhthaobhacht sách coimeádach.

Doiciméadóidh an institiúid comhlíonadh na gcoinníollacha atá sonraithe i bpointí (a) go (d) sa chéad fhomhír agus na coinníollacha sin atá sonraithe in Airteagal 210.

**▼B**

7. Faoi réir fhorálacha Airteagal 230(2), i gcás ina gcomhlíonfar na ceanglais atá leagtha amach in Airteagal 211, féadfar risíochtaí a thagann as idirbhearta trína léasaíonn institiúid maoin le tríú páirtí a láimhseáil ar an tslí chéanna a láimhseáiltear iasachtaí atá comhthaoibhais leis an gcineál maoin atá léasaithe.

8. Cuirfidh ÚBE liosta de na cineálacha comhthaoibhachta fisicí ar fáil lena bhféadfaidh institiúidí glacadh leis go gcomhlíontar na coiníollacha dá dtagraítear i bpointí (a) agus (b) de mhír 6 lena n-aghaidh.

*Airteagal 200***Cosaint chistithe creidmheasa eile**

Féadfaidh institiúidí an chosaint chistithe creidmheasa eile seo a leanas a úsáid mar chomhthaoibhacht incháilithe:

- (a) airgead i dtaisce le hinstitiúid tríú páirtí i socrú neamhchoinneála nó ionstraimí comhshamlaithe airgid atá ina seilbh agus atá curtha i ngeall don institiúid iasachtaí;
- (b) polasaithe árachas saoil atá curtha i ngeall don institiúid iasachtaí;
- (c) ionstraimí arna n-eisiúint ag institiúidí tríú páirtí a athcheannóidh an institiúid sin arna iarraidh sin.

## F o r o i n n 2

**Cosaint neamhchistithe creidmheasa***Airteagal 201***Incháilitheacht sholáthraithe na cosanta faoi gach cur chuige**

1. Féadfaidh institiúidí na páirtithe seo a leanas a úsáid mar sholáthraithe incháilithe na cosanta neamhchistithe creidmheasa:

- (a) rialtais láir agus bainc cheannais;
- (b) rialtais réigiúnacha nó údarais áitiúla;
- (c) bainc forbartha iltaobhacha;
- (d) risíochtaí ar eagraíochtaí idirnáisiúnta a sanntar ualú priacal 0 % dóibh faoi Airteagal 117;
- (e) eintitis earnála poiblí a láimhseáiltear éilimh orthu i gcomhréir le hAirteagal 116;
- (f) institiúidí, agus institiúidí airgeadais a ndéantar risíochtaí ar an institiúid airgeadais ina leith a láimhseáil mar risíochtaí ar institiúidí i gcomhréir le hAirteagal 119(5);

► **C2** (g) eintitis chorparáideacha eile, lena n-áirítear máthairghnóthais, fochuideachtaí agus eintitis chorparáideacha chleamhnaithe na hinstitiúide, ◀ i gcás ina gcomhlíonfar ceachtar de na coiníollacha seo a leanas:



**▼B**

- (i) tá measúnú creidmheasa ag na heintitis chorparáideacha eile sin ó IMCS;
- (ii) i gcás institiúidí a ríomhann méideanna risíochta atá ualaithe ó thaobh priacal agus méideanna an chaillteanais ionchasaigh de réir an Chuir Chuige IRB, níl measúnú creidmheasa ó IMCS aitheanta ag na heintitis chorparáideacha eile sin agus déanann an institiúid iad a rátáil go himhneánach;

(h) contrapháirtithe lárnacha.

2. I gcás ina ríomhann institiúidí méideanna risíochta atá ualaithe ó thaobh priacal agus méideanna an chaillteanais ionchasaigh de réir an Chuir Chuige IRB, le bheith incháilithe mar sholáthraí na cosanta neamhchistithe creidmheasa, déanfaidh an institiúid ráthóir a rátáil go himhneánach i gcomhréir le forálacha Roinn 6 de Chaibidil 3.

Foilseoidh agus coinneoidh údaráis inniúla liosta de na hinstitiúidí airgeadais sin ar soláthraithe incháilithe na cosanta neamhchistithe creidmheasa iadi bpointe (f) de mhír 1, nó na treoirchritéir chun soláthraithe incháilithe na cosanta neamhchistithe creidmheasa den chineál sin a aithint, mar aon le cur síos ar na ceanglais stuamachta is infheidhme, agus roinnfidh siad a liosta le húdaráis inniúla eile i gcomhréir le hAirteagal 117 de Threoir 2013/36/AE.

*Airteagal 202*

**Incháilitheacht soláthraithe na cosanta de réir an Chuir Chuige IBR a cháilíonn don láimhseáil a leagtar amach in Airteagal 153(3)**

Féadfaidh institiúidí úsáid a bhaint as institiúidí, gnóthais árachais agus as athárachais agus gníomhaireachtaí creidmheasa onnmhairiúcháin mar sholáthraithe incháilithe na cosanta neamhchistithe creidmheasa a cháilíonn don láimhseáil a leagtar amach in Airteagal 153(3) i gcás ina gcomhlíonann siad na coinníollacha seo a leanas:

- (a) tá saineolas a ndóthain acu ar chosaint neamhchistithe creidmheasa a sholáthar;
- (b) déantar iad a rialú ar mhodh atá coibhéiseach leis na rialacha a leagtar síos sa Rialachán seo, nó, bhí measúnú creidmheasa acu tráth a soláthraíodh an chosaint creidmheasa, ó IMCS aitheanta a bhfuil sé deimhnithe ag ÚBE go mbaineann sé le céim 3 den cháilíocht chreidmheasa nó le céim níos airde, de réir na rialacha ualaithe priacal maidir le risíochtaí ar chorparáidí a leagtar amach i gCaibidil 2;
- (c) tráth a soláthraíodh an chosaint creidmheasa, nó ar feadh tréimhse ar bith ina dhiaidh sin, bhí rátáil inmheánach acu ag a raibh PD atá coibhéiseach leis an PD a bhaineann le céim 2 nó níos airde den cháilíocht chreidmheasa, nó atá níos ísle ná an PD sin, i gcomhréir leis na rialacha ualaithe priacal maidir le risíochtaí ar chorparáidí a leagtar amach i gCaibidil 2;
- (d) tá rátáil inmheánach acu ag a bhfuil PD atá coibhéiseach leis an PD a bhaineann le céim 2 nó níos airde den cháilíocht chreidmheasa, nó atá níos ísle ná an PD sin, i gcomhréir le rialacha ualú priacal na risíochtaí ar chorparáidí mar a leagtar amach i gCaibidil 2.

**▼B**

Chun críche an Airteagail seo, ní rachaidh aon fhrithráthaíocht fhol-lasach ón rialtas láir chun tairbhe na cosanta creidmheasa arna soláthar ag gníomhaireachtaí creidmheasa onnmhairiúcháin.

*Airteagal 203***Incháilitheacht ráthaíochtaí mar chosaint neamhchistithe creidmheasa**

Féadfaidh institiúidí leas a bhaint as ráthaíochtaí mar chosaint neamhchistithe creidmheasa incháilithe.

## F o r o i n n 3

**Cineálacha díorthach***Airteagal 204***Cineálacha díorthach creidmheasa incháilitheach**

1. Féadfaidh institiúidí na cineálacha seo a leanas de dhíorthaigh chreidmheasa, agus ionstraimí a a bheadh comhdhéanta de dhíorthaigh chreidmheasa den sórt sin nó de chinn a bhfuil éifeacht eacnamaíoch chomhchosúil acu, a úsáid mar chosaint creidmheasa incháilithe:

- (a) babhtálacha mainneachtain chreidmheasa;
- (b) babhtálacha an toraidh iomláin;
- (c) nótaí creidmheas-nasctha, go feadh mhéid a cistithe airgid.

I gcás ina gceannaíonn institiúid cosaint creidmheasa trí bhabhtáil an toraidh iomláin agus ina ndéanann sí taifead ar na glaníocaíochtaí arna bhfáil ar an mbabhtáil mar ghlanioncam, ach nach ndéanann sí taifeadadh ar an meath fritháirimh i luach na sócmhainne atá cosanta faoi laghduithe i luach cothrom nó trí mhéid breise a bheith curtha le cúlchistí, ní cháilíonn an chosaint creidmheasa sin mar chosaint creidmheasa incháilithe.

2. I gcás ina ndéanann institiúid fálú inmheánach ag baint úsáide as díorthach creidmheasa, ionas go gcáileofar an chosaint creidmheasa mar chosaint creidmheasa incháilithe chun críche na Caibidle seo, déanfar an bpríacal creidmheasa a aistríodh chuig an leabhar trádála a aistriú chuig tríú páirtí nó páirtithe.

I gcás ina ndearnadh fálú inmheánach de réir na chéad fhomhíre agus inar comhlíonadh na ceanglais sa Chaibidil seo, cuirfidh institiúidí na rialacha a leagtar amach i Roinn 4 go 6 i bhfeidhm maidir le méideanna risíochta a ualaítear ualaítear ó thaobh príacal agus méideanna an chailleanais ionchasaigh a ríomh i gcás ina bhfaigheann siad cosaint neamhchistithe creidmheasa.



### Roinn 3

### Ceanglais

#### Foroinn 1

#### Cosaint cistithe creidmheasa

##### *Airteagal 205*

#### **Ceanglais maidir le comhaontuithe glanluachála laistigh den chlár chomhardaithe dá dtagraítear in Airteagal 206 seachas máistir-chomhaontuithe glanluachála**

Cáileoidh comhaontuithe glanluachála laistigh den chlár chomhardaithe, seachas máistir-chomhaontuithe glanluachála dá dtagraítear in Airteagal 206, mar fhoirm incháilithe de mhaolú priacal creidmheasa i gcás ina gcomhlíonfar na coinníollacha seo a leanas ar fad:

- (a) tá éifeacht dlí ag na comhaontuithe sin agus tá siad inchurtha i bhfeidhm ó thaobh dlí, i ngach dlínse ábhartha, lena n-áirítear i gcás dócmhainneachta nó féimheachta contrapháirtí;
- (b) is féidir le hinstiúidí na sócmhainní nó na dlíteanais atá faoi réir na gcomhaontuithe sin a chinneadh aon tráth;
- (c) déanann instiúidí faireachán ar na priacail a bhaineann le foirceannadh na cosanta creidmheasa agus rialaíonn siad iad ar bhonn leanúnach;
- (d) déanann instiúidí faireachán ar na risíochtaí ábhartha agus rialaíonn siad iad ar bhonn glanluachála agus ar bhonn leanúnach.

##### *Airteagal 206*

#### **Ceanglais maidir le máistir-chomhaontuithe glanluachála lena gcumhdaítear idirbhearta athcheannaigh nó idirbhearta maidir le hurrúis nó tráchtearraí a iasachtú nó a fháil ar iasacht nó idirbhearta caipitil eile atá faoi thionchar an mhargaidh**

Máistir-chomhaontuithe glanluachála lena gcumhdaítear idirbhearta athcheannaigh, idirbhearta maidir le hurrúis nó tráchtearraí a iasachtú nó a fháil ar iasacht nó idirbhearta caipitil eile atá faoi thionchar an mhargaidh, cáileoidh siad mar fhoirm incháilithe de mhaolú priacal creidmheasa i gcás ina gcomhlíonfaidh an chomhthaobhacht a bheidh curtha ar fáil faoi na comhaontuithe sin na ceanglais uile a leagtar síos in Airteagal 207(2) go (4) agus i gcás ina gcomhlíonfar na coinníollacha seo a leanas ar fad:

- (a) tá éifeacht dlí ag na comhaontuithe sin agus tá siad inchurtha i bhfeidhm ó thaobh dlí, i ngach dlínse ábhartha, lena n-áirítear i gcás dócmhainneachta nó féimheachta contrapháirtí;
- (b) tugtar an ceart iontu don pháirtí neamh-mhainneachtana gach idirbheart a fhoirceannadh nó a dhúnadh go tráthúil faoin gcomhaontú i gcás mainneachtana, lena n-áirítear i gcás féimheachta nó dócmhainneachta contrapháirtí;
- (c) déantar foráil leo maidir le gnóthachain agus cailteanais a ghlanluacháil ar idirbhearta a dúnadh faoi chomhaontú sa chaoi is go mbeidh aon ghlanluach amháin ag páirtí amháin ar an bpáirtí eile.



*Airteagal 207*

**Ceanglais maidir le comhthaobhacht airgeadais**

1. Faoi na cineálacha cur chuige agus modhanna uile, cáileoidh comhthaobhacht airgeadais agus óir mar chomhthaobhacht incháilithe i gcás ina gcomhlíonfar na ceanglais uile a leagtar síos i míreanna 2 go 4.

2. Ní bheidh comhghaol deimhneach ábhartha idir cáilíocht chreidmheasa an oibleagáideora agus luach na comhthaobhachta. I gcás ina dtiocfaidh laghdú suntasach ar luach na comhthaobhachta, ní mar thoradh air sin amháin a thiocfadh meathlú suntasach ar chaighdeán creidmheasa an oibleagáideora. I gcás ina n-éireoidh caighdeán creidmheasa an oibleagáideora criticiúil, ní mar thoradh air sin amháin a thiocfadh laghdú suntasach ar luach na comhthaobhachta.

Ní cháileofar urrúis arna n-eisiúint ag an oibleagáideoir, ná ag aon eintiteas grúpa gaolmhar, mar chomhthaobhacht incháilithe. D'ainneoin sin, cáilítear eisiúintí an oibleagáideora féin de bhannaí faoi chumhdach a thagann faoi chuimsiú théarmaí Airteagal 129 mar chomhthaobhacht incháilithe nuair a bhreactar iad mar chomhthaobhacht le haghaidh idirbhirt athcheannaigh, ar an gcoinníoll go gcomhlíonfaidh siad an coinníoll a leagtar amach sa chéad fhomhír.

3. Comhlíonfaidh institiúidí aon cheanglais chonartha nua nó reachtúla i ndáil le hin-fhorfheidhmitheacht na socruithe comhthaobhachta faoin dlí is infheidhme maidir lena leas sa chomhthaobhacht, agus déanfaidh siad na bearta is gá d'fhonn é sin a áirithiú.

Beidh athbhreithniú dlíthiúil leordhóthanach déanta ag institiúidí lena ndearbhaítear in-fhorfheidhmitheacht na socruithe comhthaobhachta i ngach dlínse iomchuí. Déanfaidh siad athbhreithnithe den chineál sin arís de réir mar is gá d'fhonn in-fhorfheidhmitheacht leanúnach a áirithiú.

4. Comhlíonfaidh institiúidí na ceanglais oibriúcháin uile a leanas:

- (a) déanfaidh siad na socruithe comhthaobhachta a dhoiciméadú mar is cuí agus beidh nósanna imeachta soiléire agus stóinsithe i bhfeidhm acu le haghaidh leachtú tráthúil na comhthaobhachta;
- (b) úsáidfidh siad nósanna imeachta agus próisis stóinsithe chun rialú a dhéanamh ar priacail a thagann as úsáid comhthaobhachta, lena n-áirítear priacail cosanta creidmheasa teipthe nó laghdaithe, priacail measúnaithe, priacail a bhaineann le foirceannadh na cosanta creidmheasa, priacal comhchruinnithe a thagann as úsáid comhthaobhachta agus as an idirghníomhaíocht le próifíl priacal fhoriomlán na hinstitiúide;
- (c) beidh beartais agus próisis dhoiciméadaithe i bhfeidhm acu a bhaineann le cineálacha agus méideanna na comhthaobhachta a nglactar leo;
- (d) ríomhfaidh siad margadhluach na comhthaobhachta, agus déanfaidh siad é a athluacháil dá réir sin, uair amháin gach sé mhí ar a laghad agus aon am a mbeidh cúis acu le creidiúint go bhfuil laghdú suntasach tagtha ar mhargadhuach na comhthaobhachta;
- (e) i gcás in bhfuil an chomhthaobhacht i seilbh tríú páirtí, déanfaidh siad bearta réasúnta lena áirithiú go leithscarfaidh an tríú páirtí an chomhthaobhacht óna sócmhainní féin;

**▼B**

- (f) áiritheoidh siad go ndíreoidh siad acmhainní leordhóthanacha ar fheidhmiú ordúil na gcomhaontuithe corrlaigh le díorthaigh thar an gcuntar agus contrapháirtithe um maoiniú urrús, mar a thomhaistear é le tráthúlacht agus beachtas a nglanna corrlaigh amach agus leis an aga freagartha ar ghlaonna corrlaigh isteach;
- (g) beidh beartais bhainistíochta i leith comhthaobhachta i bhfeidhm acu d'fhonn faireachán a dhéanamh ar an méid seo a leanas agus chun é a rialú agus a thuairisciú:
  - (i) na priacail ar a mbíonn siad risíochta de thoradh na gcomhaontuithe corrlaigh;
  - (ii) an priacal comhchruinnithe do chineálacha éagsúla de shócmhainní comhthaobhachta;
  - (iii) athúsáid na comhthaobhachta lena n-áirítear na heasnaimh leachtachta a d'fhéadfadh tarlú mar thoradh ar athúsáid na comhthaobhachta a fhaightear ó chontrapháirtithe;
  - (iv) géilleadh na gceart maidir le comhthaobhacht breactha go dtí contrapháirtithe.

5. Chomh maith leis na ceanglais uile a leagtar amach i mír 2 go mír 4 a chomhlíonadh, chun go gcáileofar comhthaobhacht airgeadais mar chomhthaobhacht incháilithe faoin Modh Simplí Comhthabhach Airgeadais beidh aibíocht iarmhair na cosanta ar a laghad chomh fada le haibíocht iarmhair na risíochta.

*Airteagal 208***Ceanglais maidir le comhthaobhacht maoine dochorraithe**

1. Cáileofar maoin mar chomhthaobhacht incháilithe i gcás ina gcomhlíonfar na ceanglais uile a leagtar síos i mír 2 go mír 5 agus sa chás sin amháin.
2. Comhlíonfar na ceanglais seo a leanas maidir le deimhneacht dhlíthiúil:
  - (a) beidh morgáiste nó muirear inchurtha i bhfeidhm i ngach dlínse a bheidh iomchuí an tráth a chuirfear an comhaontú creidmheasa i gcrích agus déanfar é a chomhdú mar is cuí ar bhonn tráthúil;
  - (b) comhlíonadh gach ceanglas dlíthiúil maidir leis an ngealltán a bhunú;
  - (c) fágann an comhaontú cosanta agus an próiseas dlíthiúil is bonn leis go bhfuil sé ar chumas na hinstitiúide luach na cosanta a réadú laistigh de fhráma ama réasúnta.
3. Comhlíonfar na ceanglais seo a leanas maidir le faireachán a dhéanamh ar luachanna maoine agus ar luacháil maoine:
  - **C2** (a) déanfaidh institiúidí faireachán ar luach na maoine go minic agus uair amháin sa bhliain ar a laghad i gcás maoine tráchtála dochorraithe agus uair amháin gach trí bliana i gcás maoine cónaithe. ◀ Déanfaidh institiúidí faireachán níos minice i gcás ina dtagann athruithe móra ar dhálaí an mhargaidh;

**▼B**

- (b) déanfar athbhreithniú ar an luacháil maoiné nuair is léir ón bhfaisnéis atá ar fáil d'institiúidí go bhféadfadh sé gur tháinig laghdú ábhartha ar luach na maoiné i gcoibhneas le praghsanna gearálta an mhargaidh agus déanfaidh luachálaí ag a bhfuil na cáilíochtaí, an taithí agus an cumas cuí chun luacháil a chur i gcrích agus atá neamhspleách ón bpróiseas cinnteoireachta creidmheasa an t-athbhreithniú sin. I gcás iasachtaí os cionn EUR 3 mhilliún nó 5 % de chistí dílse na hinstitiúide, déanfaidh luachálaí den sórt sin athbhreithniú ar luacháil na maoiné gach trí bliana ar a laghad.

**▼C2**

Féadfaidh institiúidí modhanna staitistiúla a úsáid chun faireachán a dhéanamh ar luach na maoiné dochorraithe agus chun maoin dochorraithe a shainaithint ar gá athluacháil a dhéanamh uirthi.

4. Déanfaidh institiúidí cineálacha na maoiné cónaithe agus na maoiné tráchtála dochorraithe a nglacann siad leo agus a mbeartaí iasachtaí i dtaca leis sin a dhoiciméadú go soiléir.
5. Beidh nósanna imeachta i bhfeidhm ag institiúidí chun fíorú go bhfuil an mhaoin dochorraithe a bheidh glactha mar chosaint creidmheasa árachaithe a dóthain i gcoinne priacal damáiste.

**▼B***Airteagal 209***Ceanglais maidir le hearraí infhaighte**

1. Cáileofar earraí infhaighte mar chomhthaobhacht incháilithe i gcás ina gcomhlíonfar na ceanglais ar fad a leagtar síos i míreanna 2 go 3.
2. Comhlíonfar na ceanglais seo a leanas maidir le deimhneacht dhlíthiúil:
- (a) beidh an sásra dlíthiúil lena soláthrófar an chomhthaobhacht d'institiúid iasachtaí stóinsithe agus éifeachtach agus áiritheoidh sí go mbeidh cearta soiléire ag an institiúid ar an gcomhthaobhacht lena n-áirítear an ceart ar na fáiltais tar éis an chomhthaobhacht a dhíol;
- (b) déanfaidh institiúidí gach beart is gá chun riachtanais áitiúla a chomhlíonadh maidir le hin-fhorfheidhmitheacht leas urrúis. Beidh éileamh chéadtoisíochta ag institiúidí iasachtaí ar an gcomhthaobhacht cé go bhféadfadh sé go mbeadh éilimh den sórt sin faoi réir éileamh na gcreidiúnaithe tosaíochta dá bhforáiltear i bhforálacha reachtaíochta;
- (c) beidh athbhreithniú dlíthiúil leordhóthanach déanta ag institiúidí lena ndearbhaítear in-fhorfheidhmitheacht na socrúithe comhthaobhachta i ngach dlínse iomchuí;
- (d) déanfaidh siad a socrúithe comhthaobhachta a dhoiciméadú mar is cuí agus beidh nósanna imeachta soiléire agus stóinsithe i bhfeidhm acu maidir le comhthaobhacht a bhailiú go tráthúil;
- (e) beidh nósanna imeachta i bhfeidhm ag institiúidí lena n-áirítear go gcomhlíonfar aon choinníollacha dlíthiúla is gá chun mainneachtain iasachtaí a dhearbhu agus comhthaobhacht a bhailiú go tráthúil;

**▼B**

(f) i gcás struis nó mainneachtana airgeadais iasachtaí, beidh údarás dlíthiúil ag institiúidí na hearraí infhaighte a dhíol le páirtithe eile nó a shannadh dóibh gan toiliú oibleagáideoirí na n-earraí infhaighte.

3. Comhlíonfar na ceanglais seo a leanas maidir le bainistíocht priacal:

- (a) beidh próiseas fóna i bhfeidhm ag institiúid chun an priacal creidmheasa a bhaineann leis na hearraí infhaighte a chinneadh. Áireofar i bpróiseas den sórt sin anailísí ar ghnólacht agus ar thionscal an iasachtaí agus ar na cineálacha custaiméirí lena ndéanann an t-iasachtaí sin gnó. I gcás go mbraitheann institiúid ar a hiasachtaithe chun priacal creidmheasa na gcustaiméirí a fhionnadh, déanfaidh an institiúid athbhreithniú ar chleachtais chreidmheasa na n-iasachtaithe d'fhonn a chreidiúnaí agus a fhónta atá siad a fhionnadh;
- (b) léireoidh an difríocht idir méid na risíochta agus luach na n-earraí infhaighte na fachtóirí iomchuí uile, lena n-áirítear costas an bhailithe, comhchruinniú laistigh de chomhthiomsú na n-earraí infhaighte arna gcur i ngeall ag iasachtaí ar leith, agus an comhchruinniú priacal a d'fhéadfadh a bheith ann laistigh de risíochtaí iomlána na hinstitiúide os cionn an méid a rialaítear le modheolaíocht ghinearálta na hinstitiúide. Déanfaidh institiúidí próiseas faireacháin leanúnach atá oiriúnach do na hearraí infhaighte. Déanfaidh siad athbhreithniú, ar bhonn rialta chomh maith, ar chomhlíonadh cúnant iasachtaí, srianta comhshaoil, agus ceanglas dlíthiúil eile;
- (c) déanfar earraí infhaighte arna gcur i ngeall ag iasachtaí a éagsúlú agus ní dhéanfar iad a a chomhghaolú go míchuí leis an iasachtaí sin. I gcás go bhfuil comhghaol deimhneach ábhartha i gceist, cuirfidh institiúidí priacal coimhdeach san áireamh i socrú na n-corrlaigh le haghaidh chomhthiomsú na comhthaobhachta ina hiomláine;
- (d) ní úsáidfidh institiúidí earraí infhaighte ó chleamhnaithe iasachtaí, lena n-áirítear fochuideachtaí agus fostaithe, mar chosaint creidmheasa incháilithe;
- (e) beidh próiseas doiciméadaithe i bhfeidhm ag institiúid trína mbailéofar íocaíochtaí infhála i gcásanna struis. Beidh na saoráidí riachtanacha ag institiúidí le híocaíochtaí a bhailiú fiú amháin más gnách leo brath ar a gcuid iasachtaithe lena mbailiú.

*Airteagal 210***Ceanglais maidir le comhthaobhacht fhisiceach eile**

Cáileoidh comhthaobhacht fhisiceach seachas comhthaobhacht maoiné dochorraithe mar chomhthaobhacht incháilithe faoin gChur Chuige IBR i gcás ina gcomhlíonfar na coinníollacha seo a leanas ar fad:

- (a) beidh an comhaontú comhthaobhachta faoina soláthraítear an chomhthaobhacht fhisiceach d'institiúid éifeachtach agus inchurtha i bhfeidhm le dlí i ngach dlínse iomchuí agus cuirfear ar chumas na hinstitiúide sin luach na comhthaobhachta a réadú laistigh d'amchlár réasúnta;

**▼B**

- (b) cé is moite de na héilimh chéadtosaíochta incheadaithe dá dtagraítear in Airteagal 209(2)(b), ní cháileofar ach túsliain nó muirir ar chomhthaobhacht mar chomhthaobhacht incháilithe agus beidh tús áite ag institiúid thar gach iasachtaí eile ó thaobh fháltais réadaithe na comhthaobhachta;
- (c) déanfaidh institiúidí faireachán ar luach na comhthaobhachta go minic agus uair amháin sa bhliain ar a laghad. Déanfaidh institiúidí faireachán níos minice sa chás go bhfuil an margadh faoi réir athruithe suntasacha dálaí;
- (d) áireofar ar an gcomhaontú iasachta tuairiscí mionsonraithe ar an gcomhthaobhacht mar aon le sonraíochtaí mionsonraithe ar mhodh agus ar mhinicíocht an athluachála;
- (e) déanfaidh institiúidí na cineálacha comhthaobhachta fisicí a nglacann siad leo agus na beartais agus na cleachtais atá i bhfeidhm acu maidir le méid iomchuí gach cineáil chomhthaobhachta i gcoibhneas le méid na risíochta a dhoiciméadú go soiléir i mbeartais agus i nósanna imeachta creidmheasa a bheidh ar fáil lena scrúdú;
- (f) tabharfar aghaidh i mbeartais chreidmheasa institiúidí maidir le struchtúr na n-idirbheart ar na nithe seo a leanas:
  - (i) ceanglais chomhthaobhachta iomchuí i gcoibhneas le méid na risíochta;
  - (ii) an cumas an chomhthaobhacht a leachtú go héasca;
  - (iii) an cumas praghas nó margadhluach a bhunú go hoibiachtúil;
  - (iv) an mhinicíocht lenar féidir an luach a fháil go héasca, lena n-áirítear breithmheas gairmiúil nó luacháil ghairmiúil;
  - (v) luaineacht nó ionadaí luaineacht luach na comhthaobhachta.
- (g) cuirfidh institiúidí san áireamh ina iomláine gach meath nó dífheidhmeacht maidir leis an gcomhthaobhacht agus an luacháil tosaigh agus an athluacháil á ndéanamh acu, agus tabharfaidh siad aird faoi leith ar an tionchar a bhíonn ag imeacht ama ar chomhthaobhachtaí atá íogair ó thaobh cúrsaí faisin nó dáta;
- (h) beidh an ceart ag institiúidí iniúchadh fisiceach a dhéanamh ar an gcomhthaobhacht. Beidh beartais agus nósanna imeachta i bhfeidhm acu freisin ina dtabharfar aghaidh ar fheidhmiú a gcirt chun iniúchadh fisiceach a dhéanamh;
- (i) beidh an chomhthaobhacht a nglacfar leis mar chosaint árachaithe a dóthain i gcoinne priacal damáiste agus beidh nósanna imeachta i bhfeidhm ag institiúidí chun faireachán a dhéanamh air sin.

*Airteagal 211***▼C2****Ceanglais maidir le risíochtaí ar léasanna a láimhseáil mar risíochtaí comhthaobhaithe****▼B**

Láimhseálfad institiúidí risíochtaí a thagann as idirbhearta léasaithe mar risíochtaí atá comhthaobhaithe leis an gcineál maoine atá léasaithe, i gcás ina gcomhlíonfar na coinníollacha seo a leanas ar fad:



**▼B**

- (a) comhlíonfar na coinníollacha a leagtar amach in Airteagal 208 nó 210, de réir mar is infheidhme, maidir leis an gcineál maoinne a bheidh léasaithe le cáiliú mar chomhthaobhacht incháilithe;
- (b) tá bainistíocht priacal stóinsithe i bhfeidhm ag an léasóir maidir leis an úsáid a bhaintear as an tsócmhainn léasaithe, an suíomh ina bhfuil sí agus an aois atá aici agus an tréimhse atá beartaithe í a úsáid, lena n-áirítear faireachán iomchuí a dhéanamh ar luach an urrúis;
- (c) tá úinéireacht dhlíthiúil ag an léasóir ar an tsócmhainn agus tá sé ábalta a chearta mar úinéir a fheidhmiú go tráthúil;
- (d) sa chás nár fionnadh é sin agus leibhéal an LGD á ríomh, níl an difríocht idir luach an méid gan amúchadh agus margadhluach an urrúis chomh mór sin is go ndéanfaí meastachán thar ceart ar an maolú priacal creidmheasa a chuirtear i leith na sócmhainní léasaithe.

*Airteagal 212***Ceanglais maidir le cosaint chistithe creidmheasa eile**

1. Beidh airgead i dtaisce le hinstitiúid tríú páirtí nó ionstraimí comhshamhlaithe airgid ina seilbh incháilithe don láimhseáil a leagtar amach in Airteagal 232(1), i gcás ina gcomhlíonfar na coinníollacha seo a leanas ar fad:

- (a) tá éileamh an iasachtaí i gcoinne na hinstitiúide tríú páirtí curtha i ngeall go hoscailte nó sannta don institiúid iasachtaí agus tá an gealltán nó an sannadh sin éifeachtach agus inchurtha i bhfeidhm le dlí i ngach dlínse iomchuí agus tá sé neamhchoinníollach agus neamh-inchúlghairthe;
- (b) tugtar fógra don institiúid tríú páirtí maidir leis an ngealltán nó an sannadh;
- (c) mar thoradh ar an bhfógra, ní féidir leis an institiúid tríú páirtí íocaíochtaí a dhéanamh leis an institiúid iasachtaí agus sin amháin nó le páirtithe eile mura bhfaigheann sí toiliú na hinstitiúide iasachtaí roimh ré;

2. Cáileoidh polasaithe árachas saoil atá curtha i ngeall don institiúid iasachtaí mar chomhthaobhacht incháilithe i gcás ina gcomhlíonfar na coinníollacha seo a leanas ar fad:

- (a) tá an polasaí árachas saoil curtha i ngeall nó sannta go hoscailte don institiúid iasachtaí;
- (b) tugtar fógra maidir leis an ngealltán nó an sannadh don chuideachta atá ag soláthar an árachais saoil, agus mar thoradh ar an bhfógra, ní fhéadfaidh sí méideanna atá iníoctha faoin geonradh a íoc gan toiliú na hinstitiúide iasachtaí roimh ré;
- (c) tá sé de cheart ag an institiúid iasachtaí an polasaí a chur ar ceal agus an luach géilliúna a fháil i gcás mhainneachtain an iasachtaí;
- (d) cuirtear in iúl don institiúid aon íocaíochtaí faoin bpolasaí nach ndearna sealbhóir an pholasáí;

**▼B**

- (e) cuirtear an chosaint creidmheasa ar fáil go ceann théarma na hiasachta. Sa chás nach féidir é sin a dhéanamh toisc go gcríochnaíonn an caidreamh árachais sular n-éagann an caidreamh iasachta, cinnteoidh an institiúid go n-úsáidfean an méid a thagann ón gconradh árachais mar urrús don institiúid go dtí deireadh thréimhse an chomhaontaithe creidmheasa;
- (f) tá an gealltán nó an sannadh éifeachtach agus inchurtha i bhfeidhm go dlíthiúil an tráth a chuirfean an comhaontú creidmheasa i gcrích;
- (g) dearbhaíonn an chuideachta atá ag soláthar an árachais an luach géilliúna agus tá sé neamh-inlaghdaithe;
- (h) tá an luach géilliúna le híoc go tráthúil ag an gcuideachta atá ag soláthar an árachais saoil, arna iarraidh sin;
- (i) ní iarrfar an luach géilliúna gach toiliú na hinstitiúide roimh ré;
- (j) tá an chuideachta atá ag soláthar an árachais saoil faoi réir Threoir 2009/138/CE nó tá sí faoi réir maoirseachta ag údarás inniúil tríú tír a chuireann socruithe maoirseachta agus rialála i bhfeidhm atá coibhéiseach ar a laghad leis na cinn a chuirtear i bhfeidhm san Aontas.

## F o r o i n n 2

**Cosaint neamhchistithe creidmheasa agus nótaí creidmheas-nasctha***Airteagal 213***Ceanglais a bhaineann le ráthaíochtaí agus le díorthaigh chreidmheasa araon**

1. Faoi réir Airteagal 214(1), cáileoidh cosaint creidmheasa a eascraíonn ó ráthaíocht nó ó dhíorthaigh chreidmheasa mar chosaint neamhchistithe creidmheasa incháilithe i gcás ina gcomhlíonfar na coinníollacha seo a leanas ar fad:

- (a) is cosaint creidmheasa dhíreach í an chosaint creidmheasa;
- (b) tá méid na cosanta creidmheasa sainithe go soiléir agus ní fhéadfar é a chonspóid;
- (c) níl aon chlásal i gconradh na cosanta creidmheasa, a bhfuil a chomhlíonadh faoi rialú díreach an iasachtóra, a d'fhágadh:
  - (i) go bhféadfadh soláthraí na cosanta an chosaint a chealú go haontaobhach;
  - (ii) go dtiocfadh laghdú ar chostas éifeachtach na cosanta mar thoradh ar cháilíocht chreidmheasa na risíochta faoi chosaint a bheadh ag meathlú;
  - (iii) go bhféadfaí cosc a chur ar oibleagáid a bheith ar sholáthraí na cosanta íocaíocht a dhéanamh go tráthúil i gcás ina mainneodh an oibleagáideoir bunaidh íocaíochtaí atá dlite ar bith a íoc, nó i gcás ina mbeadh an conradh léasaithe éagtha chun luach iarmharach ráthaithe a aithint faoi Airteagail 134(7) agus 166(4);
  - (iv) go bhféadfadh soláthraí na cosanta aibíocht na cosanta creidmheasa a laghdú;

**▼B**

- (d) tá Conradh na Cosainta Creidmheasa éifeachtach agus inchurtha i bhfeidhm go dlíthiúil i ngach dlínse is iomchuí tráth an comhaontú creidmheasa a thabhairt i gcrích.

2. Léireoidh institiúid d'údaráis inniúla go bhfuil córais i bhfeidhm aici chun comhchruinniú priacal a d'fhéadfadh teacht chun cinn de thoradh na húsáide a bhaineann sí as ráthaíochtaí agus díorthaigh chreidmheasa a bhainistiú. Beidh institiúid ábalta an chaoi a n-idirgh-níomhaíonn a straitéis maidir leis an úsáid a bhaineann sí as díorthaigh chreidmheasa agus as ráthaíochtaí leis an bhainistíocht a dhéanann sí ar a próifíl priacal fhoriomlán a léiriú chun sástachta na n-údarás inniúil.

3. Comhlíonfaidh institiúid aon cheanglas conartha agus reachtúil i leith in-fhorfheidhmitheacht a gcosanta neamhchistithe creidmheasa faoin dlí is infheidhme maidir lena leas sa chosaint chreidmheasa, agus déanfaidh sí na bearta is gá d'fhonn é sin a áirithiú.

Beidh athbhreithniú dlíthiúil leordhóthanach déanta ag institiúid lena ndearbhaítear in-fhorfheidhmitheacht na cosanta neamhchistithe creidmheasa i ngach dlínse iomchuí. Déanfaidh sí athbhreithniú den sórt sin arís de réir mar is gá d'fhonn in-fhorfheidhmitheacht leanúnach a áirithiú.

*Airteagal 214***Frithráthaíochtaí cheannasacha agus frithráthaíochtaí eile de chuid na hearnála poiblí**

1. Féadfaidh institiúidí na risíochtaí dá dtagraítear i mír 2 a láimhseáil mar risíocht atá faoi chosaint ráthaíochta arna soláthar ag na heintitis a liostaítear sa mhír sin, ar an gcoinníoll go gcomhlíonfar na coinníollacha seo a leanas ar fad:

- (a) cumhdaítear gach eilimint priacal creidmheasa den éileamh faoin bhfrithráthaíocht;
- (b) comhlíonann an ráthaíocht bhunaidh agus an fhrithráthaíocht na ceanglais le haghaidh ráthaíochtaí a leagtar amach in Airteagail 213 agus 215(1), ach amháin nach gcaithfidh an fhrithráthaíocht a bheith díreach;
- (c) tá an cumhdach stóinsithe agus ní léir ó aon rud san fhianaise stairiúil nach bhfuil cumhdach na frithráthaíochta coibhéiseach le cumhdach ráthaíochta díri ón eintiteas i gceist.

2. Beidh feidhm ag an láimhseáil a leagtar amach i mír 1 maidir le risíochtaí faoi chosaint ráthaíochta arna bhfrithráthú ag aon cheann de na heintitis seo a leanas:

- (a) rialtais láir nó bainc cheannais;
- (b) rialtas réigiúnach nó údarás áitiúil;
- (c) eintiteas earnála poiblí, a láimhseáiltear éilimh air mar éilimh ar an rialtais láir i gcomhréir le hAirteagal 116(4);

**▼B**

- (d) banc forbartha iltaobhach nó eagraíocht idirnáisiúnta, dá sanntar ualú priacal 0 % faoi Airteagal 117(2) agus Airteagal 118 nó de bhua Airteagal 117(2) agus Airteagal 118 faoi seach;
- (e) eintiteas earnála poiblí, a láimhseáiltear éilimh air i gcomhréir le hAirteagal 116(1) agus le hAirteagal 116(2).

3. Cuirfidh institiúidí an láimhseáil a leagtar amach i mír 1 i bhfeidhm freisin maidir le risíocht nach bhfuil frithráthaithe ag aon eintiteas a liostaítear i mír 2 i gcás ina mbeidh frithráthaíocht na risíochta sin ráthaithe go díreach ag ceann de na heintitis sin agus i gcás ina gcomhlíonfar na coinníollacha a liostaítear i mír 1.

*Airteagal 215***Ceanglais bhreise maidir le ráthaíochtaí**

1. Cáileoidh ráthaíochtaí mar chosaint neamhchistithe creidmheasa incháilithe i gcás ina gcomhlíonfar na coinníollacha ar fad in Airteagal 213 agus na coinníollacha seo a leanas ar fad:

- (a) ar mhainneachtain cháilitheach an chontrapháirtí, nó ar an méid dlite gan a bheith íochta aige, tá an ceart ag an institiúid iasachtaí an ráthóir a thóraíocht go tráthúil i leith airgid ar bith atá dlite faoin éileamh a bhfuil an chosaint á soláthar ina leith agus ní bheidh ar an institiúid iasachtaí an ráthóir a thóraíocht ar dtús chun íocaíocht a fháil;

I gcás cosanta neamhchistithe creidmheasa ina gcuimsítear iasachtaí morgáiste áit chónaithe, tá tréimhse 24 mí ann chun na ceanglais in Airteagal 213(1)(c)(iii) agus sa chéad fhomhír den pointe seo a chomhlíonadh.

- (b) is oibleagáid atá doiciméadaithe go sainráite arna gabháil ag an ráthóir atá sa ráthaíocht;

- (c) comhlíontar ceachtar de na coinníollacha seo a leanas:

- (i) cumhdaítear gach cineál íocaíochta atáthar ag súil go ndéanfadh an oibleagáideoir maidir leis an éileamh faoin ráthaíocht;
- (ii) i gcás ina ndéantar cineálacha faoi leith íocaíochta a eisiamh ón ráthóir, tá luach na ráthaíochta coigeartaithe ag an institiúid iasachtaí chun an cumhdach teoranta a léiriú.

2. I gcás na ráthaíochtaí a sholáthraítear i gcomhthéacs comhscéimeanna ráthaíochta nó a sholáthraíonn nó a fhrithráthaíonn na heintitis a liostaítear in Airteagal 214(2), measfar go mbeidh na ceanglais i bpointe (a) de mhír 1 den Airteagal seo comhlíonta i gcás ina gcomhlíonfar ceachtar de na coinníollacha seo a leanas:

- (a) tá an ceart ag an institiúid iasachtaí íocaíocht shealadach a fháil go tráthúil ón ráthóir, ar íocaíocht í a chomhlíonann an dá choinníoll seo a leanas:

**▼B**

- (i) léiríonn sé meastachán stóinsithe ar an gcaillteanas, lena n-áirítear caillteanais a thig ón ús gan a bheith íoctha agus cineálacha eile íocaíochta a bhfuil oibleagáid ar an iasachtaí iad a dhéanamh, ar méideanna iad is dócha a thabhoíd an institiúid iasachtaí;
- (ii) tá sé comhréireach le cumhdach na ráthaíochta;
- (b) is féidir leis an institiúid iasachtaí a léiriú chun sástachta na n-údarás inniúil go dtugann éifeachtaí na ráthaíochta, a chumhdóidh caillteanais a thig ó ús gan a bheith íoctha agus cineálacha íocaíochta eile a bhfuil oibleagáid ar an iasachtaí iad a dhéanamh freisin, go dtugann siad údar le láimhseáil den sórt sin.

*Airteagal 216***Ceanglais bhreise maidir le díorthaigh chreidmheasa**

1. Cáileoidh díorthaigh chreidmheasa mar chosaint neamhchistithe creidmheasa incháilithe i gcás ina gcomhlíonfar na coinníollacha ar fad in Airteagal 213 agus na coinníollacha seo a leanas ar fad:

- (a) áirítear ar na teagmhais chreidmheasa a shonraítear sa chonradh díorthach creidmheasa:
  - (i) mainneachtain na méideanna atá dlite faoi théarmaí na hoibleagáide foluití a íoc atá i bhfeidhm tráth na mainneachtana sin, agus tréimhse chairde ann atá comhionann leis an tréimhse chairde nó atá níos giorra ná an tréimhse chairde sa bhunoibleagáid;
  - (ii) féimheacht, dócmhainneacht nó neamhábalacht an oibleagáideora a fhiacha a íoc, nó mainneachtain nó admháil i scríbhinn an oibleagáideora maidir lena neamhábalacht go ginearálta a fhiacha a íoc de réir mar a thagann siad chun bheith dlite, agus teagmhais comhchosúla.
  - (iii) athchóiriú na hoibleagáide foluití trí bhíthin na príomhshuime, an úis nó na dtáillí as a dtig teagmhas caillteanas creidmheasa a mhaitheamh nó a chur siar;
- (b) i gcás ina ndéantar foráil do shocraíochtaí airgid le díorthaigh chreidmheasa:
  - (i) tá próiseas luachála stóinsithe i bhfeidhm ag institiúidí d'fhonn caillteanas a mheas go hiontaofa;
  - (ii) tá tréimhse ann a shonraítear go soiléir chun luachálacha na hoibleagáide foluití a fháil tar éis an teagmhais chreidmheasa;
- (c) i gcás ina bhfuil ceart agus cumas cheannaitheoir na cosanta an oibleagáid fholuiteach a aistriú chuig soláthraí na cosanta ag teastáil chun socrú a dhéanamh, foráiltear le téarmaí na hoibleagáide foluití nach gcoinneofar siar gan chall aon toiliú a bheadh ag teastáil chun aistriú den chineál sin a dhéanamh;
- (d) tá sainithe go soiléir céannacht na bpáirtithe atá freagrach as a chinneadh cé acu a tharla teagmhas creidmheasa nó nár tharla;
- (e) níl sé faoi sholáthraí na cosanta agus faoi-sean amháin an teagmhas creidmheasa a chinneadh;

**▼B**

- (f) tá sé de cheart nó de chumas ag ceannaitheoir na cosanta teagmhas creidmheasa a tharla a chur in iúl do sholáthraí na cosanta.

I gcás nach n-áirítear athchóiriú na hoibleagáide foluití ar na teagmhais chreidmheasa mar a thuairiscítear i bpointe (a)(iii), d'fhéadfadh an chosaint creidmheasa a bheith incháilithe mar sin féin faoi réir laghdaithe sa luach mar a shonraítear in Airteagal 233(2);

2. Aon neamhréir idir an oibleagáid fholuiteach agus an oibleagáid tagartha faoin díorthach creidmheasa nó idir an oibleagáid fholuiteach agus an oibleagáid a úsáidtear lena chinneadh cé acu a tharla nó nár tharla teagmhas creidmheasa, ní ceadmhach í a úsáid ach i gcás go gcomhlíonfar an dá choinníoll seo a leanas:

- (a) tá an oibleagáid tagartha nó an oibleagáid a úsáidtear lena chinneadh cé acu a tharla nó nár tharla teagmhas creidmheasa, de réir mar a bheidh, *pari passu* leis an oibleagáid fholuiteach nó tá sí sóisearach dó;
- (b) tá an oibleagáideoir céanna ag an oibleagáid fholuiteach agus ag an oibleagáid tagartha nó an oibleagáid a úsáidtear lena chinneadh cé acu a tharla nó nár tharla teagmhas creidmheasa, de réir mar a bheidh, agus tá clásail um thrasmhainneachtain nó um thras-luathú is inchurtha i bhfeidhm le dlí i bhfeidhm.

*Airteagal 217***Ceanglais le cáiliú don láimhseáil a leagtar amach in Airteagal 153(3)**

1. Le bheith incháilithe don láimhseáil a leagtar amach in Airteagal 153(3), comhlíonfaidh cosaint creidmheasa a thig as ráthaíocht nó as díorthach creidmheasa na coinníollacha seo a leanas:

- (a) Is i leith ceann de na risíochtaí seo a leanas atá an bhunoibleagáid:
- (i) risíocht chorparáideach dá dtagraítear in Airteagal 147, gan gnóthais árachais nó athárachais a áireamh;
  - (ii) risíocht ar rialtas réigiúnach, údarás áitiúil nó ar eintiteas earnála poiblí nach láimhseáiltear mar risíocht ar rialtas láir nó ar bhanc ceannais i gcomhréir le hAirteagal 147;
  - (iii) risíocht ar FBM, atá aicmithe mar risíocht ar mhiondíol i gcomhréir le hAirteagal 147(5);
- (b) Níl na hoibleagáideoirí foluiteacha ina gcomhaltaí den ghrúpa céanna le soláthraí na cosanta;
- (c) tá an risíocht fáilithe le ceann de na hionstraimí seo a leanas:
- (i) díorthaigh chreidmheasa neamhchistithe aonainm nó ráthaíochtaí aonainm;
  - (ii) táirgí bascaeid den chéad mhainneachtain;
  - (iii) táirgí bascaeid don n-ú mainneachtain;

**▼B**

- (d) comhlíonann an chosaint creidmheasa na ceanglais a leagtar amach in Airteagal 213, in Airteagal 215 agus in Airteagal 216, mar is infheidhme;
- (e) níl an t-ualú priacal a bhaineann leis an risíocht roimh an láimhseáil a leagtar amach in Airteagal 153(3) san áireamh in aon ghné den chosaint creidmheasa;
- (f) tá an ceart ag institiúid agus is féidir léi bheith ag coinne le híocaíocht a fháil ón soláthraí cosanta gan a bheith uirthi caingean dlí a thionscnamh chun an contrapháirtí a thóraíocht chun go n-íocfaidh sé. A mhéad is féidir, déanfaidh an institiúid bearta lena dheimhniú di féin go bhfuil an soláthraí cosanta toilteanach íoc go pras dá dtarlódh teagmhas creidmheasa;
- (g) glacann an chosaint creidmheasa cheannaithe chuici féin na caillteanais chreidmheasa uile ar an gcuid fhálaithe de risíocht a thagann chun cinn mar gheall ar theagmhais chreidmheasa a tharlaíonn a leagtar amach sa chonradh;
- (h) I gcás ina ndéantar foráil i struchtúr eisíocaíochta na cosanta creidmheasa maidir le socraíocht fhisiceach, tá deimhneacht dhlí-thíúil ann gur féidir iasacht, banna nó dliteanas teagmhasach a sheachadadh;
- (i) i gcás ina mbeidh sé beartaithe ag institiúid oibleagáid seachas an risíocht fholuiteach a sheachadadh, áiritheoidh sí go bhfuil an oibleagáid inseachadta sách leachtach ionas go mbeadh ar chumas na hinstiúide í a cheannach lena seachadadh i gcomhréir leis an gconradh;
- (j) tá téarmaí agus coinníollacha na socrúithe cosanta creidmheasa dearbhaithe le dlí i scríbhinn ag soláthraí na cosanta agus an institiúid araon;
- (k) tá próiseas i bhfeidhm ag institiúidí d'fhonn comhghaol iomarcach a bhrath idir acmhainneacht creidmheasa sholáthraí na cosanta agus oibleagáideoir na risíochta foluití toisc go mbraitheann a bhfeidhmíocht ar chomhfhachtóirí thar an bhfachtóir priacal córasach;
- (l) i gcás cosanta i gcoinne priacal caolúcháin, níl díoltóir na n-earraí infhaighte ceannaithe ina chomhalta den ghrúpa céanna agus atá soláthraí na cosanta.

2. Chun críocha phointe (c)(ii) de mhír 1, cuirfidh institiúidí an láimhseáil a leagtar amach in Airteagal 153(3) i bhfeidhm maidir leis an tsócmhainn laistigh den bhascaed ag a bhfuil an méid is ísle risíochta a ualaíteara ualaítear ó thaobh priacal.

3. Chun críocha phointe (c)(iii) de mhír 1, ní cháileoidh an chosaint arna fáil lena háireamh faoin gcreat sin i gcás ina bhfuarthas cosaint mhainneachtana (n-1)ú incháilithe chomh maith nó i gcás inar mhainnigh (n-1) de na sócmhainní laistigh den bhascaed cheana. Más amhlaidh atá sé, cuirfidh institiúidí an láimhseáil a leagtar amach in Airteagal 153(3) i bhfeidhm maidir leis an tsócmhainn laistigh den bhascaed ag a bhfuil an méid is ísle risíochta a ualaítear ó thaobh priacal.



## Roinn 4

### Éifeachtaí an mhaolaithe priacal creidmheasa a ríomh

#### Foroinn 1

#### Cosaint cistithe creidmheasa

##### *Airteagal 218*

#### Nótaí creidmheas-nasctha

Féadfár infheistíochtaí i nótaí creidmheas-nasctha arna n-eisiúint ag institiúid iasachtaí a láimhseáil mar chomhthaobhacht airgid d'fhonn éifeacht na cosanta cistithe creidmheasa a ríomh i gcomhréir leis an bhForoinn seo, ar an gcoinníoll go gcáileoidh an bhabhtáil mainneachtain chreidmheasa atá leabaithe sa nóta creidmheas-nasctha mar chosaint neamhchistithe creidmheasa incháilithe. Lena chinneadh an gcáileoidh an bhabhtáil mainneachtain chreidmheasa atá leabaithe sa nóta creidmheas-nasctha mar chosaint neamhchistithe creidmheasa incháilithe, féadfaidh an institiúid a mheas gur comhlíonadh an coinníoll i bpointe (c) d'Airteagal 194(6).

##### *Airteagal 219*

#### Glanluacháil laistigh den chlár comhardaithe

Iasachtaí agus taiscí leis an institiúid iasachtaí atá faoi réir glanluachála laistigh den chlár comhardaithe, láimhseálfaidh an institiúid sin iad mar chomhthaobhacht airgid d'fhonn éifeacht na cosanta cistithe creidmheasa a ríomh maidir leis na hiasachtaí agus na taiscí sin de chuid na hinstiúitíde iasachtaí atá faoi réir glanluachála laistigh den chlár comhardaithe atá ainmnithe san airgeadra céanna.

##### *Airteagal 220*

#### An Cur Chuige Maoirseachta maidir le Coigeartuithe Luaineachta nó an Cur Chuige bunaithe ar a Meastacháin Féin maidir le Coigeartuithe Luaineachta a úsáid le haghaidh máistir-chomhaontuithe glanluachála

1. Nuair a ríomhann institiúidí 'luach na risíochta lánchoigeartaithe' (E\*) maidir leis na risíochtaí atá faoi réir máistir-chomhaontú glanluachála incháilithe ina gcuimsítear idirbhearta athcheannaigh nó idirbhearta maidir le hurrúis nó tráchtarraí a iasachtú nó a fháil ar iasacht nó idirbhearta caipitil eile atá faoi thionchar an mhargaidh, ríomhfaidh siad na coigeartuithe luaineachta is gá dóibh a chur i bhfeidhm tríd an gCur Chuige Maoirseachta maidir le Coigeartuithe Luaineachta nó tríd an gCur Chuige bunaithe ar a Meastacháin Féin maidir le Coigeartuithe Luaineachta a úsáid ('Cur Chuige bunaithe ar a Meastacháin Féin') arna leagan amach in Airteagail 223 go 226 maidir leis an Modh Cuimsitheach Comhthaobhach Airgeadais.

Beidh úsáid an Chuir Chuige bunaithe ar a Mheastacháin Féin faoi réir na gcoinníollacha agus na gceanglas céanna is infheidhme faoin Modh Cuimsitheach Comhthaobhach Airgeadais.

2. Chun críocha E\* a ríomh, déanfaidh institiúidí an méid a leanas:

- (a) ríomhfaidh siad an suíomh glan i ngach grúpa urrús nó i ngach cineál tráchtarra trí bhithin an méid i bpointe (ii) a dhealú ón méid i bpointe (i):



**▼B**

- (i) luach iomlán grúpa urrús nó tráchtearraí den chineál céanna a iasachtaíodh, a díoladh nó a soláthraíodh faoin máistir-chomhaontú glanluachála;
  - (ii) luach iomlán grúpa urrús nó tráchtearraí den chineál céanna a fuarthas ar iasacht, a ceannaíodh nó a fuarthas faoin máistir-chomhaontú glanluachála;
- (b) ríomhfaidh institiúidí an suíomh glan i ngach airgeadra, seachas airgeadra socraíochta an mháistir-chomhaontaithe glanluachála, trí bhíthin an méid i bpointe (ii) a dhealú ón méid i bpointe (i):
- (i) suim luach iomlán na n-urrús atá ainmnithe san airgeadra sin a iasachtaíodh, a díoladh nó a soláthraíodh faoin máistir-chomhaontú glanluachála agus méid an airgid thirim san airgeadra sin a iasachtaíodh nó a aistríodh faoin gcomhaontú sin;
  - (ii) suim luach iomlán na n-urrús atá ainmnithe san airgeadra sin a fuarthas ar iasacht, a ceannaíodh nó a fuarthas faoin máistir-chomhaontú glanluachála agus méid an airgid thirim san airgeadra sin a fuarthas ar iasacht nó a fuarthas faoin gcomhaontú sin;
- (c) cuirfidh institiúidí an coigeartú luaineachta is iomchuí do ghrúpa ar leith urrús nó do shuíomh airgid i bhfeidhm maidir le luach absalóideach an tsuimh ghlain dheimhnigh nó dhiúltaigh sna hurrúis sa ghrúpa sin;
- (d) cuirfidh siad an coigeartú luaineachta maidir le priacal malairte eachtraí (fx) i bhfeidhm maidir leis an suíomh glan deimhneach nó diúltach i ngach airgeadra seachas airgeadra socraíochta an mháistir-chomhaontaithe glanluachála.

3. Ríomhfaidh institiúidí E\* de réir na foirmle seo a leanas:

$$E^* = \max \left\{ 0, \left( \sum_i E_i - \sum_i C_i \right) + \sum_j |E_j^{sec}| \cdot H_j^{sec} + \sum_k |E_k^{fx}| \cdot H_k^{fx} \right\}$$

nuair atá:

$E_i$  = luach risíochta gach risíochta ar leith faoin gcomhaontú a bheadh i bhfeidhm in éagmais na cosanta creidmheasa, i gcás ina ríomhann institiúidí méideanna risíochta a ualaíteara ualaítear ó thaobh priacal faoin gCur Chuige Caighdeánaithe nó i gcás ina ríomhann siad na méideanna risíochta a ualaíteara ualaítear ó thaobh priacal agus méideanna an chailteanais ionchasaigh faoin gCur Chuige IRB;

$C_i$  = luach na n-urrús i ngach aon ghrúpa nó tráchtearraí den chineál céanna a fuarthas ar iasacht, a ceannaíodh nó a fuarthas nó an t-airgead a fuarthas ar iasacht nó a fuarthas maidir le gach aon risíocht i;

$E_j^{sec}$  = an suíomh glan (deimhneach nó diúltach) i ngrúpa ar leith urrús j;

$E_k^{fx}$  = an suíomh glan (deimhneach nó diúltach) in airgeadra ar leith k seachas airgeadra socraíochta an chomhaontuithe arna ríomh faoi bpointe (b) de mhír 2;

**▼B**

$H_j^{sec}$  = an coigeartú luaineachta is iomchuí do ghrúpa áirithe urrús j;

$H_k^{fx}$  = coigeartú luaineachta airgeadra k i leith airgeadra eachtraigh.

4. Ar mhaithe le méideanna risíochta a ualaíteara ualaítear ó thaobh priacal agus méideanna an chailleanais ionchasaigh le haghaidh idirbheart athcheannaigh nó idirbhearta maidir le hurrúis nó tráchtearraí a iasachtú nó a fháil ar iasacht nó idirbhearta caipitil eile atá faoi thionchar an mhargaidh a chumhdaítear faoin máistir-chomhaontú glanluachála a ríomh, úsáidfidh institiúidí E\* arna ríomh faoi mhír 3 mar luach risíochta na risíochta ar an gcontrapháirt a thagann as na hidirbhearta atá faoi réir an mháistir-chomhaontaithe glanluachála chun críocha Airteagal 113 faoin gCur Chuige Caighdeánaithe nó chun críocha Chaibidil 3 faoin gCur Chuige IRB.

5. Chun críocha mhíreanna 2 agus 3, ciallaíonn 'grúpa urrús' urrúis a eisíonn an t-eintiteas céanna, urrúis ag a bhfuil an dáta eisiúna céanna, an aibíocht chéanna, atá faoi réir na dtéarmaí agus na gcoinníollacha céanna, agus atá faoi réir na dtréimhsí leachtaithe céanna arna léiriú in Airteagal 224 agus 225, de réir mar is infheidhme.

*Airteagal 221***Cur Chuige na Samhlacha Inmheánacha a úsáid le haghaidh máistir-chomhaontuithe glanluachála**

1. Mar mhalairt ar an gCur Chuige Maoirseachta maidir le Coigeartuithe Luaineachta nó ar an gCur Chuige bunaithe ar a Meastacháin Féin a úsáid chun luach na risíochta lánchoigeartaithe a ríomh (E\*) a thig ó mháistir-chomhaontú glanluachála incháilithe a chur i bhfeidhm ag cuimsiú idirbheart athcheannaigh nó idirbheart maidir le hurrúis nó tráchtearraí a iasachtú nó a fháil ar iasacht nó idirbheart caipitil eile atá faoi thionchar an mhargaidh seachas idirbhearta díorthach, féadfaidh institiúidí, faoi réir chead na n-údarás inniúil, cur chuige na samhlacha inmheánacha a úsáid ina gcuirtear san áireamh éifeachtaí comhghaoilaithe idir na súimh urrúis atá faoi réir an mháistir-chomhaontaithe glanluachála mar aon le leachtacht na n-ionstraimí lena mbaineann.

2. Faoi réir chead na n-údarás inniúil, féadfaidh institiúidí a samhlacha inmheánacha féin a úsáid chomh maith le haghaidh idirbheart iasachta corrlaigh, i gcás ina bhfuil na hidirbhearta cuimsithe faoi mháistir-chomhaontú déthaobhach glanluachála a chomhlíonann na ceanglais a leagtar amach i gCaibidil 6, Roinn 7.

3. Féadfaidh institiúid cur chuige na samhlacha inmheánacha a úsáid is cuma cé acu an Cur Chuige Caighdeánaithe nó an Cur Chuige IRB atá roghnaithe acu chun méideanna risíochta a ualaíteara ualaítear ó thaobh priacal a ríomh. Mar sin féin, i gcás ina bhféachann institiúid le cur chuige na samhlacha inmheánacha a úsáid, déanfaidh sí amhlaidh i gcás gach contrapháirtí agus gach urrúis, gan punanna neamhábhartha a áireamh i gcás ina bhféadfaidh sí an Cur Chuige Maoirseachta maidir le Coigeartuithe Luaineachta nó an Cur Chuige bunaithe ar a Meastacháin Féin a leagtar síos in Airteagal 220 a úsáid.

►**C2** Féadfaidh institiúidí a bhfuil cead faighte acu samhail inmheánach tomhas priacal a úsáid faoi Theideal IV, Caibidil 5 ◀ cur chuige na samhlacha inmheánacha a úsáid. I gcás nach bhfuil cead den sórt sin faighte ag institiúid, féadfaidh sí iarratas a dhéanamh ar na húdaráis inniúla fós chun cead a fháil cur chuige na samhlacha inmheánacha a úsáid chun críocha an Airteagail seo.

**▼B**

4. Ní thabharfaidh údaráis inniúla cead d'institiúid cur chuige na samhlacha inmheánacha a úsáid ach amháin i gcás inar deimhin leo go bhfuil córas na hinstitiúide maidir leis na priacail a thagann as na hidirbhearta a chuimsíonn an máistir-chomhaontú glanluachála slán ar bhonn coincheapúil agus curtha chun feidhme le hionracas agus i gcás ina gcomhlíonfar na caighdeáin cháilíochtúla seo a leanas:
- (a) tá an tsamhail tomhas priacal inmheánach a úsáidtear chun luaineacht praghsanna fhéideartha a ríomh le haghaidh na n-idirbheart comhtháite go dlúth le próiseas bainistithe priacal laethúil na hinstitiúide agus úsáidtear í mar an bhonn le risíochtaí ar priacal a thuairisciú do bhainistíocht shinsearach na hinstitiúide;
  - (b) tá aonad rialaithe priacal ag an institiúid a chomhlíonann na ceanglais seo a leanas:
    - (i) tá sé neamhspleách ar aonaid trádála gnó agus tuairiscíonn sé go díreach don bainistíocht shinsearach;
    - (ii) tá sé freagrach as córas bainistíochta priacal na hinstitiúide a dhearadh agus a chur chun feidhme;
    - (iii) déanann sé tuairiscí laethúla ar aschur na samhla tomhas priacal agus ar na bearta iomchuí atá le déanamh i dtéarmaí teorainneacha suímh agus déanann sé anailís orthu.
  - (c) athbhreithnítear na tuairiscí laethúla a dhéantar san aonad rialaithe priacal ar leibhéal bainistíochta ag a bhfuil údarás leordhóthanach le laghdúithe a fhorfheidhmiú ar shuímh a glacadh agus le laghdúithe ar risíocht fhoriomlán ar priacal a fhorfheidhmiú;
  - (d) tá a dóthain ball foirne ag an institiúid san aonad rialaithe priacal atá oile i samhlacha sofaisticiúla a úsáid;
  - (e) tá nósanna imeachta bunaithe ag an institiúid le faireachán a dhéanamh ar shraith dhoiciméadaithe de bheartais agus rialuithe inmheánacha a bhaineann le feidhmiú foriomlán an chórais chun priacal a thomhas agus lena áirithiú go gcomhlíonfar na beartais agus na rialuithe sin;
  - (f) tá cuntas teiste cruthaithe ag samhlacha na hinstitiúide maidir le cruinneas réasúnta i priacail a thomhas arna léiriú trí thástáil a théann siar ar a haschur ag úsáid sonraí bliana ar a laghad;
  - (g) déanann an institiúid dianchlár tástála struis go minic agus déanann an bhainistíocht shinsearach athbhreithniú ar thorthaí na dtástálacha sin agus léirítear iad sna beartais agus sna teorainneacha a shocraíonn sí;
  - (h) déanann an institiúid, mar chuid dá próisis iniúchóireachta inmheánaí rialta, athbhreithniú neamhspleách ar a córas chun priacal a thomhas. Áireofar leis an athbhreithniú sin gníomhaíochtaí na n-aonad trádála gnó agus an aonaid neamhspleáigh rialaithe priacal ar aon.

**▼B**

- (i) Uair amháin sa bhliain ar a laghad, déanfaidh an institiúid athbheithniú ar a próiseas foriomlán bainistithe priacal.
- (j) comhlíonann an tsamhail inmheánach na ceanglais a leagtar síos in Airteagal 292(8) agus (9) agus in Airteagal 294.

5. Gabhfar líon leordhóthanach fachtóirí priacal i samhail inmheánach tomhas priacal na hinstitiúide d'fhonn na priacail praghais ábhartha uile a ghabháil.

Féadfaidh institiúid comhghaoil eimpíreacha úsáid laistigh de chatagóirí priacal agus thar chatagóirí priacal i gcás ina bhfuil a córas tomhaiste comhghaoil fóna agus go gcuirtear chun feidhme é go hionraic.

6. Déanfaidh institiúidí atá ag úsáid chur chuige na samhlacha inmheánacha  $E^*$  a ríomh de réir na foirmle seo a leanas:

$$E^* = \max \left\{ 0, \left( \sum_i E_i - \sum_i C_i \right) + \text{potential change in value} \right\}$$

nuair atá:

$E_i$  = luach risíochta gach risíochta ar leith faoin gcomhaontú a bheadh i bhfeidhm in éagmais na cosanta creidmheasa, i gcás ina ríomhann institiúidí na méideanna risíochta a ualaíteara ualaítear ó thaobh priacal faoin gCur Chuige Caighdeánaithe nó i gcás ina ríomhann siad na méideanna risíochta a ualaíteara ualaítear ó thaobh priacal agus méideanna an chaillteanais ionchasaigh faoin gCur Chuige IRB;

$C_i$  = luach na n-urrús a fuarthas ar iasacht, a ceannaíodh nó a fuarthas nó an t-airgead a fuarthas ar iasacht nó a fuarthas maidir le gach aon risíocht i den sórt sin.

Agus méideanna risíochta a ualaítear ó thaobh priacal á ríomh ag úsáid samhlacha inmheánacha, úsáidfidh institiúidí aschur shamhail an lae gnó roimhe sin.

7. Beidh ríomh an athraithe a d'fhéadfadh tarlú i luach dá dtagraítear i mír 6 faoi réir na gcaighdeán seo a leanas ar fad:

- (a) déanfar é gach lá ar a laghad;
- (b) beidh sé bunaithe ar eatramh muiníne aonfhoircneach 99ú peircintíl;
- (c) beidh sé bunaithe ar thréimhse leachtaithe atá coibhéiseach le 5 lá, ach amháin i gcás idirbheart seachas idirbhearta athcheannaigh i leith urrús nó idirbheart maidir le hurrúis a iasachtú nó a fháil ar iasacht mar a n-úsáidfear tréimhse leachtaithe atá coibhéiseach le 10 lá;
- (d) tréimhse bhreathnóireachta stairiúil iarbhír 1 bhliana ar a laghad ach amháin nuair atá údar le tréimhse bhreathnóireachta níos giorra i ngeall ar bhorradh suntasach i luaineacht praghsanna;
- (e) déanfar an tacar sonraí a úsáidtear sa ríomh a nuashonrú gach trí mhí.

**▼B**

I gcás ina bhfuil idirbheart athcheannaigh ag institiúid, nó idirbheart maidir le hurrúis nó tráchtearraí a iasachtú nó a fháil ar iasacht agus idirbheart iasachta corrlaigh nó idirbheart dá shamhail nó tacar glanluachála a chomhlíonann na critéir a leagtar amach in Airteagal 285(2), (3) agus (4), beidh an íostréimhse shealbhaíochta i gcomhréir leis an tréimhse corrlaigh faoi phriacal a bheadh i bhfeidhm faoi na míreanna sin, i gcomhar le hAirteagal 285(5).

8. Ar mhaithe le méideanna risíochta a ualaítear ó thaobh priacal agus méideanna an chaillteanais ionchasaigh le haghaidh idirbheart athcheannaigh nó idirbhearta maidir le hurrúis nó tráchtearraí a iasachtú nó a fháil ar iasacht nó idirbhearta caipitil eile atá faoi thionchar an mhargaidh a chumhdaítear faoin máistir-chomhaontú glanluachála a ríomh, úsáidfidh institiúidí E\* arna ríomh faoi mhír 6 mar luach risíochta na risíochta ar an gcontrapháirt a thagann as na hidirbhearta atá faoi réir an mháistir-chomhaontaithe glanluachála chun críocha Airteagal 113 faoin gCur Chuige Caighdeánaithe nó chun críocha Chaibidil 3 faoin gCur Chuige IRB.

9. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú:

- (a) cad is punann neamhábharta ann chun críocha mhír 3;
- (b) na critéir lena chinneadh an bhfuil an tsamhail inmheánach fóna agus curtha chun feidhme le hionracas chun críocha mhír 4 agus mhír 5 agus chun críocha na máistir-chomhaontuithe glanluachála.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2015.

Déantar an chumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

### *Airteagal 222*

#### **Modh Simplí Comhthaobhach Airgeadais**

1. Ní fhéadfaidh institiúidí an Modh Simplí Comhthaobhach Airgeadais a úsáid ach amháin i gcás ina ríomhann siad méideanna risíochta a ualaítear ó thaobh priacal faoin gCur Chuige Caighdeánaithe. Ní úsáidfidh institiúidí an Modh Simplí Comhthaobhach Airgeadais agus an Modh Cuimsitheach Comhthaobhach Airgeadais araon, ach amháin chun críocha Airteagail 148(1) agus 150(1). Ní úsáidfidh institiúidí an eisceacht seo go roghnaitheach ar mhaithe le ceanglais cistí dílse a bhaint amach nó ar mhaithe le arbatráiste rialála a stiúradh.

2. Faoin Modh Simplí Comhthaobhach Airgeadais sannfaidh institiúidí luach atá cothrom lena margadhluach do comhthaobhacht airgeadais incháilithe arna chinneadh i gcomhréir le pointe (d) d'Airteagal 207(4).

3. Sannfaidh institiúidí an t-ualú priacal a shannfaidís faoi Chaibidil 2 mar a raibh risíocht dhíreach ag an institiúid iasachtaí ar an ionstraim chomhthaobhachta do na codanna sin de luachanna na risíochta atá comhthaobhaithe le margadhluach na comhthaobhachta incháilithe. Chun na críocha sin, beidh luach risíochta na hítíme lasmuigh den chlár comhardaithe a liostaítear in Iarscríbhinn I cothrom le 100 % de luach na hítíme seachas luach na risíochta a shonraítear in Airteagal 111(1) a bheith ann.

**▼B**

Beidh an t-uálú priacal a bhaineann leis an gcuid chomhthaobhaithe cothrom le 20 % ar a laghad ach amháin mar a shonraítear i míreanna 4 go 6. Cuirfidh institiúidí an t-uálú priacal a shannfaidís do risíocht neamhurráithe ar an gcontrapháirtí faoi Chaibidil 2 i bhfeidhm maidir leis an gcuid eile de luach na risíochta.

4. Sannfaidh institiúidí ualú priacal 0 % don chuid chomhthaobhaithe den risíocht a thagann as idirbhearta athcheannaigh agus idirbhearta maidir le hurrúis a iasachtú nó a fháil ar iasacht a chomhlíonann na critéir in Airteagal 227. I gcás nach príomhpháirtí sa mhargadh é an contrapháirtí san idirbheart, sannfaidh institiúidí ualú priacal 10 %.

5. Sannfaidh institiúidí ualú priacal 0 %, de réir mhéid an tsoláthair urrúis chomhthaobhaigh, do luachanna na risíochta arna gcinneadh faoi Chaibidil 6 i gcás na n-ionstraimí díorthacha a liostaítear in Iarscríbhinn II agus faoi réir marcáil laethúil ón margadh, luachanna a bheidh comhthaobhaithe le hairgead nó le hionstraimí comhshamhlaithe airgid i gcás nach bhfuil neamhréir airgeadra i gceist.

Sannfaidh institiúidí ualú priacal 10 %, de réir mhéid an tsoláthair urrúis chomhthaobhaigh, do luachanna risíochta na n-idirbheart sin a bheidh comhthaobhaithe le hurrúis fiachais arna n-eisiúint ag rialtais láir nó ag bainc cheannais dá sanntar ualú priacal 0 % faoi Chaibidil 2.

6. I gcás idirbheart seachas na cinn sin dá dtagraítear i míreanna 4 agus 5, féadfaidh institiúidí ualú priacal 0 % a shannadh i gcás ina mbeidh an risíocht agus an chomhthaobhacht ainmnithe san airgeadra céanna, agus i gcás ina gcomhlíonfar ceachtar de na coinníollacha seo a leanas:

- (a) airgead i dtaisce nó ionstraim chomhshamhlaithe airgid is ea an chomhthaobhacht;
- (b) tá an chomhthaobhacht i bhfoirm urrúis fiachais arna n-eisiúint ag rialtas láir nó ag bainc cheannais a cháilíonn d'ualú priacal 0 % faoi Airteagal 114, agus rinneadh lascaine 20 % ar a mhargadhluach.

7. Chun críocha mhíreanna 5 agus 6, áireofar ar 'urrúis fiachais arna n-eisiúint ag rialtais láir nó ag bainc cheannais' na nithe seo a leanas:

- (a) urrúis fiachais arna n-eisiúint ag rialtais réigiúnacha nó ag údaráis áitiúla, risíochtaí a láimhseáiltear mar risíochtaí ar an rialtas láir a bhfuil siad bunaithe ina dhlínse faoi Airteagal 115;
- (b) urrúis fiachais arna n-eisiúint ag bainc forbartha iltaobhacha a sanntar ualú priacal 0 % dóibh faoi Airteagal 117(2) nó de bhua Airteagal 117(2);

**▼B**

- (c) urrúis fiachais arna n-eisiúint ag eagraíochtaí idirnáisiúnta a sanntar ualú priacal 0 % dóibh faoi Airteagal 118.
- (d) urrúis fiachais arna n-eisiúint ag eintitis earnála poiblí a láimhseáiltear mar risíochtaí ar rialtais láir i gcomhréir le hAirteagal 116(4).

*Airteagal 223***Modh Simplí Comhthaobhach Airgeadais**

1. D'fhonn luaineacht praghsanna a chur san áireamh, cuirfidh institiúidí coigeartuithe luaineachta i bhfeidhm maidir le margadhluach na comhthaobhachta, mar a leagtar amach in Airteagail 224 go 227, agus comhthaobhacht airgeadais á luacháil chun críocha an Mhodha Chuimsithigh Chomhthaobhaigh Airgeadais.

I gcás ina mbeidh comhthaobhacht ainmnithe in airgeadra atá éagsúil leis an airgeadra ina bhfuil an risíocht fholuiteach ainmnithe, cuirfidh institiúidí coigeartú leis a léireoidh luaineacht airgeadra ar an gcoigeartú luaineachta atá iomchuí don chomhthaobhacht mar a leagtar amach in Airteagail 224 go 227.

I gcás idirbheart díorthach thar an gcuntar arna gcumhdach faoi chomhaontuithe glanluachála a aithníonn na húdaráis inniúla faoi Chaibidil 6, cuirfidh institiúidí coigeartú luaineachta i bhfeidhm a léireoidh luaineacht airgeadra ar an gcoigeartú luaineachta nuair a bheidh neamhréir idir an t-airgeadra comhthaobhachta agus an t-airgeadra socraíochta. Fiú nuair atá airgeadraí éagsúla i gceist sna hidirbhearta arna gcumhdach faoin gcomhaontú glanluachála, cuirfidh institiúidí coigeartú luaineachta aonair i bhfeidhm.

2. Ríomhfaidh institiúidí luach na comhthaobhachta arna choigeartú de réir na luaineachta ( $C_{VA}$ ) nach mór dóibh a chur san áireamh mar a leanas:

$$C_{VA} = C \cdot (1 - H_C - H_{fx})$$

nuair atá:

$C$  = luach na comhthaobhachta;

$H_C$  = an coigeartú luaineachta is iomchuí don chomhthaobhacht, arna ríomh faoi Airteagail 224 agus 227;

$H_{fx}$  = an coigeartú luaineachta is iomchuí do neamhréir airgeadra, arna ríomh faoi Airteagail 224 agus 227.

Úsáidfidh institiúidí an fhoirmle sa mhír seo agus luach na comhthaobhachta arna choigeartú de réir na luaineachta á ríomh acu le haghaidh gach idirbheart seachas na hidirbhearta sin atá faoi réir mháistir-chomhaontuithe glanluachála aitheanta a bhfuil feidhm ag na forálacha a leagtar amach in Airteagail 220 agus 221 maidir leo.

3. Ríomhfaidh institiúidí luach na risíochta arna choigeartú de réir na luaineachta ( $E_{VA}$ ) nach mór dóibh a chur san áireamh mar a leanas:

$$E_{VA} = E \cdot (1 + H_E)$$

**▼B**

nuair atá:

$E$  = luach na risíochta mar a chinnfí é faoi Chaibidil 2 nó faoi Chaibidil 3 de réir mar is infheidhme, i gcás nach raibh an risíocht comhthaobhaithe;

$H_E$  = an coigeartú luaineachta is iomchuí don neamhchosaint, arna ríomh faoi Airteagail 2224 agus 227.

I gcás idirbheart díorthach thar an gcuntar ríomhfaidh institiúidí  $E_{VA}$  mar a leanas:

$$E_{VA} = E.$$

4. Chun críocha  $E$  a ríomh i mír 3, beidh feidhm ag an méid seo a leanas:

(a) i gcás institiúidí a ríomhann méideanna risíochta a ualaítear ó thaobh priacal faoin gCur Chuige Caighdeánaithe, beidh luach risíochta ítime lasmuigh den chlár comhardaithe a liostaítear in Iarscríbhinn I cothrom le 100 % de luach na hítíme sin seachas a bheith cothrom le luach na risíochta a shonraítear in Airteagal 111(1);

(b) maidir le hinstitiúidí a ríomhann méideanna risíochta a ualaítear ó thaobh priacal faoin gCur Chuige IRB, ríomhfaidh siad luach risíochta na n-ítimí a liostaítear liostaítear in Airteagal 166(8) go (10) trí fhachtóir coibhéartachta 100 % a úsáid seachas na fachtóirí coibhéartachta nó na céatadáin a shonraítear sna míreanna sin.

5. Ríomhfaidh institiúidí luach na risíochta lánchoigeartaithe ( $E^*$ ), agus éifeachtaí luaineachta agus maolaithe priacal na comhthaobhachta á gcur san áireamh mar a leanas:

$$E^* = \max \{0, E_{VA} - C_{VAM}\}$$

nuair atá:

$E_{VA}$  = luach na risíochta arna choigeartú de réir na luaineachta mar a ríomhadh é i mír 3;

$C_{VAM}$  =  $C_{VA}$  arna choigeartú tuilleadh le haghaidh aisioncronacht aibíochta ar bith i gcomhréir le forálacha Roinn 5;

6. Féadfaidh institiúidí coigeartuithe luaineachta a ríomh tríd an gCur Chuige Maoirseachta maidir le Coigeartuithe Luaineachta dá dtagraítear in Airteagal 224 nó tríd an gCur Chuige bunaithe ar a Meastacháin Féin dá dtagraítear in Airteagal 225 a úsáid.

Féadfaidh institiúidí an Cur Chuige Maoirseachta maidir le Coigeartuithe Luaineachta nó an Cur Chuige bunaithe ar a Meastacháin Féin a úsáid is cuma cé acu an Cur Chuige Caighdeánaithe nó an Cur Chuige IBR atá roghnaithe acu chun na méideanna risíochta a ualaítear ó thaobh priacal a ríomh.







Tábla 2

An chéim den cháilíochta chreidmheasa lena bhfuil baint ag measúnú creidmheasa ar urrús fiachais gearrthéarmach	Coigeartuithe luaineachta le haghaidh urrús fiachais arna n-eisiúint ag eintitis a bhfuil cur síos orthu in Airteagal 197(1)(b) a ngabhann measúnuithe creidmheasa gearrthéarmacha leo			Coigeartuithe luaineachta le haghaidh urrús fiachais arna n-eisiúint ag eintitis a bhfuil cur síos orthu in Airteagal 197(1)(c) agus (d) a ngabhann measúnuithe creidmheasa gearrthéarmacha leo			Coigeartuithe luaineachta le haghaidh suíomh urrúsúcháin agus a chomhlíonann na critéir a leagtar amach in Airteagal 197(1)(h)		
	tréimhse leachtaithe 20 lá (%)	tréimhse leachtaithe 10 lá (%)	tréimhse leachtaithe 5 lá (%)	tréimhse leachtaithe 20 lá (%)	tréimhse leachtaithe 10 lá (%)	tréimhse leachtaithe 5 lá (%)	tréimhse leachtaithe 20 lá (%)	tréimhse leachtaithe 10 lá (%)	tréimhse leachtaithe 5 lá (%)
1	0,707	0,5	0,354	1,414	1	0,707	2,829	2	1,414
2-3	1,414	1	0,707	2,828	2	1,414	5,657	4	2,828

Tábla 3

## Cineálacha eile comhthaobhachta nó risíochta

	tréimhse leachtaithe 20 lá (%)	tréimhse leachtaithe 10 lá (%)	tréimhse leachtaithe 5 lá (%)
Cothromais Phríomhinnéacs, Bannaí In-chomhshóite Príomhinnéacs	21,213	15	10,607
Cothromas eile nó Bannaí In-chomhshóite a liostaítear liostaítear ar mhalartán aitheanta	35,355	25	17,678
Airgead tírím	0	0	0
Ór	21,213	15	10,607

Tábla 4

## Coigeartú luaineachta le haghaidh neamhréire airgeadra

tréimhse leachtaithe 20 lá (%)	tréimhse leachtaithe 10 lá (%)	tréimhse leachtaithe 5 lá (%)
11,314	8	5,657

2. Beidh ríomh na gcoigeartuithe luaineachta i gcomhréir le mír 1 faoi réir na gcoinníollacha seo a leanas:

- (a) i gcás idirbheart iasachta urraithe beidh an tréimhse leachtaithe cothrom le 20 lá gnó;
- (b) i gcás idirbheart athcheannaigh, ach amháin a mhéid is a bhaineann na hidirbhearta sin le haistriú na dtráchtearraí nó na gceart faoi ráthaíocht a bhaineann le teideal chun tráchtearraí, agus idirbhearta maidir le hurrús a iasachtú nó a fháil ar iasacht, beidh an tréimhse leachtaithe cothrom le 5 lá gnó;
- (c) i gcás idirbheart caipítíl eile faoi thionchar an mhargaidh, beidh an tréimhse leachtaithe cothrom le 10 lá gnó;

I gcás ina bhfuil idirbheart nó tacar glanluachála ag institiúid trína gcomhlíontar na critéir a leagtar amach in Airteagal 285(2), (3) agus (4), beidh an íostréimhse shealbhaíochta i gcomhréir leis an tréimhse corrlaigh faoi phriacal a bheadh i bhfeidhm faoi na míreanna sin.

**▼B**

3. I dTáblaí 1 go 4 de mhír 1 agus i míreanna 4 go 6, is ionann an chéim den cháilíocht chreidmheasa lena mbaineann measúnú creidmheasa ar an urrús fiachais agus an chéim den cháilíocht chreidmheasa lena gcinneann ÚBE an measúnú creidmheasa a bheidh le comhcheangal faoi Chaibidil 2.

Ar mhaithe leis an gcéim den cháilíocht chreidmheasa lena mbaineann measúnú creidmheasa ar an urrús fiachais dá dtagraítear san chéad fhomhír a chinneadh, tá feidhm ag Airteagal 197(7) chomh maith.

4. I gcás urrús neamhcháilithe nó tráchtearraí arna n-iasachtú nó arna ndíol faoi idirbhearta athcheannaigh nó idirbhearta maidir le hurrúis nó tráchtearraí a iasachtú nó a fháil ar iasacht, baineann an coigeartú luaineachta céanna leo is a bhaineann leis an gcothromas neamh-phríomhinnéacs a liostaítear ar mhalartán aitheanta.

5. I gcás aonaid incháilithe i GCanna, tá an coigeartú luaineachta cothrom leis na meánchoigeartuithe luaineachta ualaithe a mbeadh feidhm acu, ag féachaint do thréimhse leachtaithe an idirbhirt a shonraítear i mír 2, maidir leis na sócmhainní inar infheistigh an ciste.

I gcás nach eol don institiúid cad iad na sócmhainní inar infheistigh an ciste, tá an coigeartú luaineachta cothrom leis an gcoigeartú luaineachta is airde a mbeadh feidhm aige maidir le ceann ar bith de na sócmhainní a bhfuil sé de cheart ag an gciste infheistiú iontu.

6. I gcás urrús fiachais gan rátáil arna n-eisiúint ag institiúidí agus a chomhlíonann na critéir incháilitheachta in Airteagal 197(4) is ionann an coigeartú luaineachta agus an coigeartú luaineachta a dhéantar ar urrúis arna n-eisiúint ag institiúidí nó ag corparáidí a bhfuil measúnú creidmheasa seachtrach acu a bhaineann le céimeanna 2 nó 3 den cháilíocht chreidmheasa.

*Airteagal 225***A meastacháin féin ar choigeartuithe luaineachta faoin Modh Cuimsitheach Comhthaobhach Airgeadais**

1. Tabharfaidh na húdaráis inniúla cead d'institiúidí a meastacháin luaineachta féin a úsáid chun na coigeartuithe luaineachta a bheidh le cur i bhfeidhm maidir le comhthaobhacht agus risíochtaí a ríomh i gcás ina gcomhlíonfaidh na hinstitiúidí sin na ceanglais a leagtar amach i míreanna 2 agus 3. Institiúidí a mbeidh cead faighte acu a meastacháin luaineachta féin a úsáid, ní rachaidh siad i muinín modhanna eile arís ach amháin má léiríonn siad cúis mhaith a bheith leis sin agus beidh sé faoi réir chead na n-údarás inniúil.

I gcás urrús fiachais ag a bhfuil measúnú creidmheas ó IMCS atá coibhéiseach le grád infheistíochta nó níos airde, féadfaidh institiúidí meastachán luaineachta a ríomh do gach catagóir den urrús.

I gcás urrús fiachais ag a bhfuil measúnú creidmheas ó IMCS atá coibhéiseach le grád infheistíochta nó níos ísle ná sin, agus i gcás gach comhthaobhachta incháilithe eile, féadfaidh institiúidí na coigeartuithe luaineachta a ríomh maidir le gach ítim ar leith.

Déanfaidh institiúidí a úsáideann an Cur Chuige bunaithe ar a Meastacháin féin luaineacht na comhthaobhachta nó na neamhréire malairte eachtraí a mheas gan comhghaoil ar bith idir an t-urrús neamhurráithe, an chomhthaobhacht nó rátaí malairte a chur san áireamh.

**▼B**

Agus catagóirí ábhartha á gcinneadh, cuirfidh institiúidí cineál eisitheora an urrúis, measúnú creidmheasa seachtrach na n-urrús, a n-aibíocht iarmhair, agus a marthanacht leasaithe san áireamh. Beidh na meastacháin luaineachta ionadaíoch do na hurrúis a bheidh curtha ar áireamh sa chatagóir ag an institiúid.

2. Beidh ríomh na gcoigeartuithe luaineachta faoi réir na gcritéar seo a leanas ar fad:

- (a) bunóidh institiúidí an ríomh ar eatramh muiníne aonfhoircneach 99ú peircintíl;
- (b) bunóidh institiúidí an ríomh ar na tréimhse leachtaithe seo a leanas:
  - (i) 20 lá gnó i gcás idirbhearta iasachta urraithe;
  - (ii) 5 lá gnó i gcás idirbhearta athcheannaigh, ach amháin a mhéid a bhaineann na hidirbhearta sin le haistriú na dtráchtearraí nó na gceart faoi ráthaíocht a bhaineann le teideal chun idirbheart maidir le hurrúis nó tráchtearraí a iasachtú nó a fháil ar iasacht;
  - (iii) 10 lá gnó i gcás idirbheart caipitil eile faoi thionchar an mhar-gaidh;
- (c) féadfaidh institiúidí uimhreacha coigeartúcháin luaineachta a úsáid arna ríomh de réir tréimhsí leachtaithe níos giorra nó níos faide, arna méadú nó arna laghdú ó scála ar an tréimhse leachtaithe a leagtar amach i bpointe (b) maidir leis an gcineál idirbhirt atá i gceist, ag úsáid na foirmle um fhréamh chearnach ama:

$$H_M = H_N \cdot \sqrt{\frac{T_M}{T_N}}$$

nuair atá:

$T_M$  = an tréimhse leachtaithe iomchuí;

$H_M$  = an coigeartú luaineachta arna bhunú ar an tréimhse leachtaithe  $T_M$ ;

$H_N$  = an coigeartú luaineachta arna bhunú ar an tréimhse leachtaithe  $T_N$ .

- (d) cuirfidh institiúidí neamhleachtacht na sócmhainní ísealcháilíochta san áireamh. Déanfaidh siad an tréimhse leachtaithe a choigeartú in airde i gcásanna ina bhfuil amhras faoi leachtacht na comhthaobhachta. Ina theannta sin sainaithneoidh siad cásanna ina bhféadfadh an luaineacht fhéideartha bheith measta faoi bhun an chirt sna sonraí stairiúla. Déileálfar le cásanna den sórt sin le cás struis;
- (e) beidh fad na tréimhse breathnóireachta stairiúla a úsáideann institiúidí chun coigeartuithe luaineachta a ríomh cothrom le bliain amháin ar a laghad. I gcás institiúidí a úsáideann scéim ualaithe nó modhanna eile don tréimhse bhreathnóireachta stairiúil, beidh fad na tréimhse breathnóireachta éifeachtaí cothrom le bliain amháin ar a laghad. Féadfaidh na húdaráis inniúla a cheangal ar institiúid a coigeartuithe luaineachta a ríomh ag úsáid tréimhse bhreathnóireachta níos giorra i gcás ina bhfuil údar leis sin, dar leis na húdaráis inniúla, mar gheall ar bhorradh suntasach i luaineacht praghsanna;

**▼B**

- (f) déanfaidh institiúidí a dtacair shonraí a nuashonrú agus ríomhfaidh siad coigeartuithe luaineachta uair amháin gach trí mhí ar a laghad. Déanfaidh siad athmheasúnú ar a dtacair shonraí chomh maith nuair a bheidh praghsanna an mhargaidh faoi réir athruithe ábhartha.
3. Déanfar na critéir cháilíochtúla seo a leanas a chomhlíonadh maidir leis na coigeartuithe luaineachta a mheas:
- (a) úsáidfidh institiúidí na meastacháin luaineachta sa phróiseas bainistithe priacal ó lá go lá agus maidir lena teorainneacha inmheánacha risíochta chomh maith.
- (b) i gcás ina bhfuil an tréimhse leachtaithe a úsáideann institiúid ina próiseas bainistithe priacal ó lá go lá níos faide ná an tréimhse a leagtar amach sa Roinn seo le haghaidh an chineáil idirbhirt atá i gceist, déanfaidh an institiúid sin a coigeartuithe luaineachta a mhéadú ó scála i gcomhréir leis an bhfoirmle um fhréamh chearnach ama a leagtar amach i bpointe (c) de mhír 2;
- (c) beidh nósanna imeachta i bhfeidhm ag institiúid le faireachán a dhéanamh ar shraith dhoiciméadaithe de bheartais agus rialuithe inmheánacha a bhaineann le feidhmiú a córais chun coigeartuithe luaineachta a mheas agus chun na coigeartuithe luaineachta sin a chomhtháthú lena próiseas bainistithe priacal agus lena áirithiú go gcomhlíonfar na beartais agus na rialuithe sin;
- (d) déanfar athbhreithniú neamhspleách ar chóras na hinstitiúide chun coigeartuithe luaineachta a mheas ar bhonn rialta laistigh de phróiseas iniúchóireachta inmheánach na hinstitiúide féin. Déanfar athbhreithniú ar an gcóras iomlán chun coigeartuithe luaineachta a mheas agus chun na meastacháin sin a chomhtháthú le próiseas bainistithe priacal na hinstitiúide uair amháin sa bhliain ar a laghad. Cuimseofar na gnéithe seo a leanas ar a laghad san athbhreithniú sin:
- (i) comhtháthú na mbeart CCR le bainistíocht laethúil priacal;
- (ii) bailíochtú aon athraithe shuntasaigh ar an bpróiseas chun coigeartuithe luaineachta a mheas;
- (iii) fíorú ar chomhsheasmhacht, ar thráthúlacht agus ar iontaofacht na bhfoinsí sonraí a úsáidtear chun samhlacha a rith d'fhonn coigeartuithe luaineachta a mheas, lena n-áirítear neamhspleáchas na bhfoinsí sonraí sin;
- (iv) cruinneas agus oiriúnacht na dtoimhdí luaineachta.

*Airteagal 226***Coigeartú luaineachta a mhéadú ó scála faoin Modh Cuimsitheach Comhthaobhach Airgeadais**

Is iad na coigeartuithe luaineachta a leagtar amach in Airteagal 224 na coigeartuithe luaineachta a chuirfidh institiúid i bhfeidhm i gcás ina ndéantar athluacháil laethúil. Mar an gcéanna, i gcás ina n-úsáideann institiúid a meastacháin féin ar na coigeartuithe luaineachta i gcomhréir le hAirteagal 225, ríomhfaidh sí iad sa chéad dul síos ar bhonn na hathluachála laethúla. I gcás nach ndéantar an athluacháil gach lá, cuirfidh institiúidí coigeartuithe luaineachta níos mó i bhfeidhm. Ríomhfaidh institiúidí iad trí choigeartuithe luaineachta na hathluachála laethúla a mhéadú ó scála, ag úsáid na foirmle um fhréamh chearnach ama a leanas:

**▼B**

$$H = H_M \cdot \sqrt{\frac{N_R + (T_M - 1)}{T_M}}$$

nuair atá:

H = an coigeartú luaineachta atá le cur i bhfeidhm;

H<sub>M</sub> = an coigeartú luaineachta i gcás ina ndéantar athluacháil laethúil;

N<sub>R</sub> = líon iarbhir na laethanta gnó idir athluachálacha;

T<sub>M</sub> = an tréimhse leachtaithe don chineál idirbhirt lena mbaineann.

*Airteagal 227***Coinníollacha maidir le coigeartú luaineachta 0 % a chur i bhfeidhm faoin modh Cuimsitheach Comhthaobhach Airgeadais**

1. I gcás idirbheart athcheannaigh agus idirbheart maidir le hurrúis a iasachtú nó a fháil ar iasacht, i gcás ina n-úsáideann institiúid an Cur Chuige Maoirseachta maidir le Coigeartuithe Luaineachta faoi Airteagal 224 nó an Cur Chuige bunaithe ar a Meastacháin Féin faoi Airteagal 225 agus i gcás ina gcomhlíontar na coinníollacha a leagtar amach i bpointí (a) go (h) de mhír 2, féadfaidh institiúidí coigeartú luaineachta 0 % a chur i bhfeidhm in ionad na gcoigeartuithe luaineachta arna ríomh faoi Airteagail 224 go 226 a chur i bhfeidhm. Ní úsáidfidh institiúidí a úsáideann cur chuige na samhlacha inmheánacha a leagtar amach in Airteagal 221 an láimhseáil a leagtar amach san Airteagal seo.

2. Féadfaidh institiúidí coigeartú luaineachta 0 % a chur i bhfeidhm i gcás ina gcomhlíontar na coinníollacha seo a leanas ar fad:

- (a) Urrúis in airgead tirim nó urrúis fiachais arna n-eisiúint ag rialtas láir nó ag bainc cheannais incháilithe is ea an risíocht agus an chomhthaobhacht de réir bhri Airteagal 197(1)(b) agus cáilíonn siad d'uallú príacal 0 % faoi Chaibidil 2;
- (b) tá an risíocht agus an chomhthaobhacht araon ainmnithe san airgeadra céanna;
- (c) ní faide ná lá amháin aibíocht an idirbhirt nó tá an risíocht agus an chomhthaobhacht araon faoi réir marcáil laethúil ón margadh nó ataisceadh laethúil;
- (d) ní faide ná ceithre lá gnó an tréimhse idir an mharcáil laethúil dheireanach ón margadh sular mhainnigh an contrapháirtí ataisceadh a déanamh agus leachtú na comhthaobhachta;
- (e) socraítear an t-idirbheart i gcóras socraíochta atá cruthaithe don chineál sin idirbhirt;
- (f) is é atá sa doiciméadacht ina gcuimsítear an comhaontú nó an t-idirbheart an doiciméadacht mhargaidh chaighdeánach le haghaidh idirbheart athcheannaigh nó idirbheart maidir le hurrúis a iasachtú nó a fháil ar iasacht laistigh de na hurrúis lena mbaineann;

**▼B**

- (g) tá an t-idirbheart faoi rialú ag doiciméadacht ina sonraítear gur féidir an t-idirbheart a fhoirceannadh láithreach i gcás ina mainníonn an contrapháirtí oibleagáid a chomhlíonadh maidir le hairgead tirim nó urrúis nó corrlach a sheachadadh nó má mhainníonn sé ar shlí eile;
- (h) measann na húdaráis inniúla gur príomhpháirtí sa mhargadh é an contrapháirtí.
3. Áireofar ar na príomhpháirtithe sa mhargadh dá dtagraítear i bpointe (h) de mhír 2 na heintitis seo a leanas:
- (a) na heintitis atá luaite in Airteagal 197(1)(b), risíochtaí dá sanntar ualú priacal 0 % faoi Chaibidil 2;
- (b) institiúidí;
- (c) gnóthais airgeadais eile de réir bhrí phointe 25(b) agus phointe 25(d) d'Airteagal 13 de Threoir 2009/138/CE a sanntar ualú priacal 20 % do risíochtaí orthu faoin gCur Chuige Caighdeánaithe nó, i gcás institiúidí a ríomhann méideanna risíochta a ualaítear ó thaobh priacal agus méideanna an chailleanais ionchasaigh de réir an Chuir Chuige IRB, nach bhfuil measúnú creidmheasa acu ó IMCS aitheanta agus atá rátáilte go himmheánach ag an institiúid.
- (d) GCanna rialáilte atá faoi réir riachtanais chaipitil nó luamhánachta;
- (e) cistí pinsean rialáilte;
- (f) eagraíochtaí aitheanta imréitigh.

*Airteagal 228*

**Méideanna risíochta a ualaítear ó thaobh priacal agus méideanna an chailleanais ionchasaigh a ríomh faoin modh Cuimsitheach Comhthaobhach Airgeadais**

1. Faoin gCur Chuige Caighdeánaithe, úsáidfidh institiúidí E\* arna ríomh faoi Airteagal 223(5) mar luach na risíochta chun críocha Airteagal 113. I gcás ítimí lasmuigh den chláir comhardaithe a liostaítear in Iarscribhinn 1, úsáidfidh institiúidí E\* mar an luach a bhfuil na céatadán a shonraítear in Airteagal 111(1) le cur i bhfeidhm maidir leis chun luach na risíochta a ríomh.

2. Faoin gCur Chuige IRB, úsáidfidh institiúidí an LGD iarbhír (LGD\*) mar an LGD chun críocha Chaibidil 3. Déanfaidh institiúidí LGD\* a ríomh mar a leanas:

$$LGD^* = LGD \cdot \frac{E^*}{E}$$

nuair atá:

LGD = an LGD a mbeadh feidhm aige maidir leis an risíocht faoi Chaibidil 3 áit nach raibh an risíocht comhthaobhaithe;

**▼B**

E = luach na risíochta i gcomhréir le hAirteagal 223(3);

E\* = luach na risíochta lánchoigeartaithe i gcomhréir le hAirteagal 223(5).

*Airteagal 229***Prionsabail luachála do chomhthaobhacht incháilithe eile faoin gCur Chuige IRB**

1. I gcás comhthaobhachta maoin, déanfaidh luachálaí neamhspleách an chomhthaobhacht a luacháil ar an margadhluach nó níos ísle ná an margadhluach. Ceanglóidh institiúid ar an luachálaí neamhspleách an margadhluach a dhoiciméadú ar mhodh trédhearcach soiléir.

► **C2** Sna Ballstáit sin a bhfuil critéir dhiana leagtha síos acu chun measúnú a dhéanamh ar an luach iasachta morgáiste i bhforálacha reachtúla nó rialúcháin, féadfaidh luachálaí neamhspleách an mhaoin chónaithe a luacháil ina ionad ar an luach iasachta morgáiste nó ar níos ísle ná an luach iasachta morgáiste. ◀ Éileoidh institiúidí nach n-áireoidh an luachálaí neamhspleách gnéithe amhantracha le linn dó an luach iasachta morgáiste a ríomh agus go ndéanfaidh sé an luach sin a dhoiciméadú ar mhodh trédhearcach agus soiléir.

Beidh luach na comhthaobhachta cothrom leis an margadhluach nó leis an luach iasachta morgáiste arna laghdú de réir mar is iomchuí d'fhonn ► **C2** torthaí an fhaireacháin a cheanglaítear faoi Airteagal 208(3) a léiriú, agus d'fhonn aon éileamh tosaíochta ar an maoin dhochorraithe a áireamh. ◀

2. I gcás earraí infhaighte, beidh luach na n-earraí infhaighte cothrom leis an méid is infhaighte.

3. Déanfaidh institiúidí comhthaobhacht fhisiceach seachas maoin dhochorraithe a luacháil ar a margadhluach. Chun críocha an Airteagail seo, is ionann an margadhluach agus an méid measta ar a ndéanfaí an mhaoin a mhalartú dáta na luachála idir ceannaitheoir toilteanach agus díoltóir toilteanach in idirbheart ar neamhthuilleamaí.

*Airteagal 230***Méideanna risíochta a ualaítear ó thaobh priacal agus méideanna an chailleanais ionchasaigh i leith comhthaobhachta incháilithe eile faoin gCur Chuige IRB**

1. Úsáidfidh institiúidí LGD \*arna ríomh i gcomhréir leis an mír seo agus mír 2 mar an LGD chun críocha Chaibidil 3.

I gcás ina bhfuil an cóimheas idir luach na comhthaobhachta (C) agus luach na risíochta (E) faoin íosleibhéal is gá ó thaobh urrús comhthaobhach a sholáthar i leith na risíochta (C\*) mar a leagtar síos i dTábla 5, is é LGD\*an LGD a leagtar síos i gCaibidil 3 le haghaidh risíochtaí neamh-chomhthabhairte ar an gcontrapháirtí. Chun na críocha seo, ríomhfaidh institiúidí luach risíochta na n-ítimí a liostaítear in Airteagail 166(8) go (10) trí fhachtóir coinbhéartachta nó trí chéatadán de 100 % a úsáid seachas na fachtóirí coinbhéartachta nó na céatadáin a shonraítear sna míreanna sin.



**▼B**

Sa chás gur mó an cóimheas idir luach na comhthaobhachta agus luach na risíochta ná leibhéal tairsí C\*\* eile atá níos airde mar a leagtar síos i dTábla 5, beidh LGD\* leagtha síos i dTábla 5 sa chás sin.

Sa chás nach mbaintear amach an leibhéal de sholáthar urrúis chomhthaobhaigh C\*\* is gá i leith na risíochta ina hiomláine, measfaidh institiúidí gur dhá risíocht atá sa risíocht — ceann amháin a chomhfhreagraíonn don chuid a mbaintear amach an leibhéal is gá ó thaobh urrús comhthaobhach a sholáthar C\*\* ina leith agus ceann eile a chomhfhreagraíonn don chuid eile.

2. Tá leagtha amach i dTábla 5 den mhír seo an LGD\* is infheidhme agus na leibhéil de sholáthar urrúis chomhthaobhaigh is gá i leith codanna urraithe na risíochtaí.

*Tábla 5*

**LGD íosta le haghaidh codanna urraithe de risíochtaí**

	LGD* le haghaidh risíochta shinsearaigh	LGD* le haghaidh fo-risíochtaí	Íosleibhéal is gá ó thaobh urrús comhthaobhach a sholáthar i leith na risíochta (C*)	Íosleibhéal is gá ó thaobh urrús comhthaobhach a sholáthar i leith na risíochta (C**)
Earraí infhaighte	35 %	65 %	0 %	125 %
►C2 Maoin chónaithe/ maoin tráchtála dhochorraithe ◀	35 %	65 %	30 %	140 %
Comhthaobhacht eile	40 %	70 %	30 %	140 %

3. Mar mhalairt ar an láimhseáil a leagtar amach i míreanna 1 agus 2, agus faoi réir Airteagal 124(2), féadfaidh institiúidí ualú priacal 50 % a shannadh don chuid den risíocht atá ►C2 lánchomhthaobhaithe le maoin chónaithe nó le maoin tráchtála dhochorraithe atá lonnaithe laistigh de chríoch Ballstáit i gcás ina gcomhlíonfar na coinníollacha ar fad in Airteagal 199(3) nó (4). ◀

*Airteagal 231*

**Méideanna risíochta a ualaítear ó thaobh priacal agus méideanna an chaillteanais ionchasaigh i gcás comhthiomsuithe measctha comhthaobhachta**

1. Ríomhfaidh institiúid luach an LGD \* a úsáidfidh sí mar an LGD chun críocha Chaibidil 3 i gcomhréir le míreanna 2 agus 3 i gcás ina gcomhlíonfar an dá choinníoll seo a leanas:

- úsáideann an institiúid an Cur Chuige IBR d'fhonn méideanna risíochta a ualaítear ó thaobh priacal agus méideanna an chaillteanais ionchasaigh a ríomh;
- tá risíocht comhthaobhaithe le comhthaobhacht airgeadais agus le comhthaobhacht incháilithe araon.

2. Maidir le luach na risíochta arna choigeartú i bhfianaise na luaineachta, arna fháil tríd an gcoigeartú luaineachta a leagtar amach in Airteagal 223(5) a chur i bhfeidhm maidir le luach na risíochta, ceanglófar ar institiúidí é a fhoroinnt ina chodanna ionas gur féidir leo na codanna seo a leanas a fháil de réir mar is infheidhme; an chuid atá faoi chumhdach comhthaobhacht airgeadais incháilithe, an chuid atá faoi chumhdach earraí infhaighte, an chuid atá faoi chumhdach comhthaobhacht maoin dochorraithe tráchtála nó maoin cónaithe, an chuid atá faoi chumhdach comhthaobhacht incháilithe eile, agus an chuid neamhurráithe.

**▼B**

3. Is i gcomhréir le forálacha iomchuí na Caibidle seo a ríomhfaidh institiúidí LGD\* gach cuid den risíocht atá faighte i mír 2 ar leithligh.

*Airteagal 232***Cosaint chistithe creidmheasa eile**

1. I gcás ina gcomhlíonfar na coinníollacha a leagtar amach in Airteagal 212(1), féadfar taiscí le hinstiúidí tríú páirtí a láimhseáil mar ráthaíocht ón institiúid tríú páirtí.

2. I gcás ina gcomhlíonfar na coinníollacha a leagtar amach in Airteagal 212(2), déanfaidh institiúidí an cion den risíocht atá comhthaobhaithe le luach géilliúna reatha na bpolasaithe árachais atá curtha i ngeall don institiúid iasachtaí a láimhseáil mar a leanas:

- (a) i gcás ina mbeidh an risíocht faoi réir an Chuir Chuige Chaighdeánaigh, déanfar í a ualú ó thaobh priacal ag úsáid na n-ualuithe priacal atá sainithe i mír 3;
- (b) i gcás ina bhfuil an risíocht faoi réir an Chuir Chuige IBR ach nach bhfuil sí faoi réir meastacháin na hinstiúide féin ar LGD, sannfar LGD 40 % di.

Má tharlaíonn neamhréir airgeadra, laghdóidh institiúidí an luach géilliúna reatha i gcomhréir le hAirteagal 233(3), arb é luach na cosanta creidmheasa luach géilliúna reatha an pholasáí árachas saoil.

3. Chun críocha phointe (a) de mhír 2, sannfaidh institiúidí na hualuithe priacal seo a leanas ar bhonn an ualaithe priacal arna shannadh do risíocht neamhurráithe shinsearach ar an ngnóthas a sholáthraíonn an t-árachas saoil:

- (a) ualú priacal 20 %, mar a bhfuil ualú priacal 20 % sannta don risíocht neamhurráithe shinsearach ar an ngnóthas a sholáthraíonn an t-árachas saoil;
- (b) ualú priacal 35 %, mar a bhfuil ualú priacal 50 % sannta don risíocht neamhurráithe shinsearach ar an ngnóthas a sholáthraíonn an t-árachas saoil;
- (c) ualú priacal 70 %, mar a bhfuil ualú priacal 100 % sannta don risíocht neamhurráithe shinsearach ar an ngnóthas a sholáthraíonn an t-árachas saoil;
- (d) ualú priacal 150 %, mar a bhfuil ualú priacal 150 % sannta don risíocht neamhurráithe shinsearach ar an ngnóthas a sholáthraíonn an t-árachas saoil;

4. Féadfaidh institiúidí ionstraimí arna n-athcheannach ar iarraidh atá incháilithe faoi Airteagal 200(c) a láimhseáil mar ráthaíocht ón institiúid eisiúna. Beidh luach na cosanta creidmheasa cothrom leis na méideanna seo a leanas:

- (a) mar a n-athcheannófar an ionstraim ar a haghaidhluach, beidh luach na cosanta cothrom leis an méid sin;

**▼B**

- (b) mar a n-athcheannófar an ionstraim ar phraghas an mhargaidh, beidh luach na cosanta cothrom le luach na hionstraim arna luacháil ar an dóigh chéanna leis na hurrúis fiachais lena gcomhlíontar na coinníollacha atá in Airteagal 197(4).

## F o r o i n n 2

**Cosaint neamhchistithe creidmheasa***Airteagal 233***Luacháil**

1. Ar mhaithe le héifeachtaí na cosanta neamhchistithe creidmheasa a ríomh i gcomhréir leis an bhForoinn seo, is éard a bheidh i luach na cosanta neamhchistithe creidmheasa (G) an méid a bhfuil sé geallta ag soláthraí na cosanta a íoc i gcás ina mainníonn an t-iasachtaí nó nach n-íocann sé nó i gcás ina dtarlaíonn teagmhais chreidmheasa shonraithe eile.

2. Más rud é nach n-áirítear mar theagmhas creidmheasa i ndíorthach creidmheasa athchóiriú na hoibleagáide foluití a bhaineann le príomhshuim, ús nó táillí a mhaitheamh nó a chur ar atráth as a dtig teagmhas caillteanais chreidmheasa, beidh feidhm ag an méid seo a leanas:

- (a) i gcás nach mó ná luach na risíochta an méid atá geallta ag soláthraí na cosanta a íoc, déanfaidh institiúidí luach na cosanta creidmheasa arna ríomh faoi mhír 1 a laghdú 40 %;
- (b) i gcás ar mó ná luach na risíochta an méid atá geallta ag soláthraí na cosanta a íoc, ní bheidh luach na cosanta creidmheasa níos airde ná 60 % de luach na risíochta.

3. I gcás ina bhfuil an chosaint neamhchistithe creidmheasa ainmnithe in airgeadra atá éagsúil ón airgeadra ina bhfuil an risíocht ainmnithe, laghdóidh institiúidí luach na cosanta creidmheasa trí choigeartú luaineachta a chur i bhfeidhm mar a leanas:

$$G^* = G \cdot (1 - H_{fx})$$

nuair atá:

$G^*$  = méid na cosanta creidmheasa arna choigeartú i leith priacal malairte eachtraí,

$G^*$  = méid ainmniúil na cosanta creidmheasa;

$H_{fx}$  = an coigeartú luaineachta le haghaidh neamhréire airgeadra ar bith idir an chosaint chreidmheasa agus an oibleagáid fholuiteach arna chinneadh i gcomhréir le mír 4.

I gcás nach bhfuil neamhréir airgeadra ar bith i gceist tá  $H_{fx}$  cothrom le nialas.

4. Bunóidh institiúidí na coigeartuithe luaineachta le haghaidh neamhréire airgeadra ar bith ar thréimhse leachtaithe 10 lá gnó, ag glacadh leis go ndéantar athluacháil laethúil, agus féadfaidh siad iad a ríomh bunaithe ar an gcur chuige Maoirseachta maidir le Coigeartuithe Luaineachta nó ar an gCur Chuige bunaithe ar a Meastacháin Féin mar a leagtar amach in Airteagal 224 agus Airteagal 225 faoi seach. Déanfaidh institiúidí na coigeartuithe luaineachta a mhéadú ó scála i gcomhréir le hAirteagal 226.

**▼B***Airteagal 234***Méideanna risíochta a ualaítear ó thaobh priacal agus méideanna an chaillteanais ionchasaigh i gcás cosanta páirtí agus tráinsiú**

I gcás ina n-aistríonn institiúid cuid de priacal na hiasachta i dtráinse amháin nó níos mó, beidh feidhm ag na rialacha a leagtar amach i gCaibidil 5. Féadfaidh institiúidí tairseacha ábharthachta ar íocaíochtaí nach ndéanfar íocaíocht ar bith fúthu a mheas i gcás caillteanais a bheadh coibhéiseach le suímh céadchailteanais coinnithe agus a chuirfeadh aistriú priacal i dtráinsí faoi deara.

*Airteagal 235***Méideanna risíochta a ualaítear ó thaobh priacal a ríomh faoin gCur Chuige Caighdeánaithe**

1. Chun críocha Airteagal 113(3), déanfaidh institiúidí na méideanna risíochta a ualaítear ó thaobh priacal a ríomh i gcomhréir leis an bhfoirmle seo a leanas:

$$\max \{0, E - G_A\} \cdot r + G_A \cdot g$$

nuair atá:

E = luach na risíochta i gcomhréir le hAirteagal 111; chun na críche sin, beidh luach risíochta ítime atá lasmuigh den chlár comhardaithe a liostaítear in Iarscríbhinn I cothrom le 100 % dá luach seachas luach na risíochta a shonraítear in Airteagal 106(1);

$G_A$  = méid na cosanta priacal creidmheasa arna ríomh faoi Airteagal 233(3) ( $G^*$ ) arna choigeartú tuilleadh le haghaidh aisioncronachta aibíochta ar bith mar a leagtar síos i Roinn 5;

r = ualú priacal na risíochtaí ar an oibleagáideoir mar a shonraítear faoi Chaibidil 2;

g = ualú priacal na risíochtaí ar sholáthraí na cosanta mar a shonraítear faoi Chaibidil 2.

2. I gcás ar lú an méid cosanta ( $G_A$ ) ná an risíocht (E), ní fhéadfaidh institiúidí an fhoirmle a shonraítear i mír 1 a chur i bhfeidhm ach amháin i gcás ina bhfuil na codanna cosanta agus na codanna risíochta den risíocht ar chomhshinsearach.

3. Féadfaidh institiúidí an láimhseáil a leagtar amach in Airteagal 114(4) agus (7) a leathnú chun risíochtaí nó codanna de risíochtaí atá ráthaithe ag an rialtas láir nó ag an mbanc ceannais a chumhdach, i gcás ina bhfuil an rátháíocht ainmnithe in airgeadra intíre an iasachtaí agus ina bhfuil an risíocht cistithe san airgeadra sin.

*Airteagal 236***Méideanna risíochta a ualaítear ó thaobh priacal agus méideanna an chaillteanais ionchasaigh a ríomh faoin gCur Chuige IRB**

1. I gcás na coda cumhdaithe de luach na risíochta (E), atá bunaithe ar luach choigeartaithe na cosanta creidmheasa  $G_A$ , chun críocha Roinn 4 de Chaibidil 3, féadfaidh sé gurb é an PD PD sholáthraí na cosanta, nó PD idir PD an iasachtaí agus PD an ráthóra i gcás ina meastar nach dteastaíonn ionadú iomlán. I gcás fo-risíochtaí agus cosanta neamhchistithe neamh-fho-ordaithe, féadfaidh sé gurb é an LGD atá le cur i bhfeidhm ag institiúidí chun críocha Roinn 4 de Chaibidil 3 an LGD a bhaineann le héilimh shinsearach.

**▼B**

2. I gcás aon choda neamhchumhdaithe de luach na risíochta (E) is é an PD PD an iasachtaí agus is é an LGD LGD na risíochta foluití.

3. Chun críocha an Airteagail seo, is é  $G_A$  luach  $G^*$  arna ríomh faoi Airteagal 233(3) arna choigeartú tuilleadh le haghaidh aon aisioncronachta aibíochta mar a leagtar síos i Roinn 5. Is é E luach na risíochta arna chinneadh i gcomhréir le Roinn 5 de Chaibidil 3. Chun na críche sin, ríomhfaidh institiúidí luach risíochta na n-ítimí a liostaítear in Airteagal 166(8) go (10) trí fhachtóir coinbhéartachta nó céatadán 100 % a úsáid seachas na fachtóirí coinbhéartachta nó na céatadán a shonraítear sna míreanna sin.

## Roinn 5

**Aisioncronachtaí aibíochta***Airteagal 237***Aisioncronacht aibíochta**

1. Chun méideanna risíochta a ualaítear ó thaobh priacal a ríomh, tarlaíonn aisioncronacht aibíochta nuair atá aibíocht iarmhair na cosanta creidmheasa níos lú ná aibíocht iarmhair na risíochta faoi chosaint. I gcás ina bhfuil aibíocht iarmhair na cosanta níos lú ná trí mhí agus go bhfuil aibíocht na cosanta níos lú ná aibíocht na risíochta foluití ní cháilíonn an chosaint sin mar chosaint chreidmheasa incháilithe.

2. I gcás ina bhfuil aisioncronacht aibíochta ann, ní cháileoidh an chosaint chreidmheasa mar chosaint chreidmheasa incháilithe i gcás ina gcomhlíonfar ceachtar de na coinníollacha seo a leanas:

- (a) tá aibíocht tosaigh na cosanta níos lú ná bliain amháin;
- (b) risíocht ghearrthéarmach is ea an risíocht arna sonrú ag na húdaráis inniúla mar risíocht atá faoi réir iocráta ríomha aon lae seachas iocráta ríomha aon bhliana maidir leis an luach aibíochta (M) faoi Airteagal 162(3).

*Airteagal 238***Aibíocht na cosanta creidmheasa**

1. Faoi réir uastréimhse cúig bliana, is éard a bheidh in aibíocht iarbhír na cosanta foluití an tréimhse is faide is féidir a bheith fágtha sula mbeidh an oibleagáideoir in ainm a oibleagáidí a chomhlíonadh. Faoi réir mhír 2, is éard a bheidh in aibíocht na cosanta creidmheasa an tréimhse go dtí an dáta is luaithe a bhféadfaidh an chosaint foirceannadh nó a bhféadfár i a fhoirceannadh.

2. I gcás inar féidir an chosaint a fhoirceannadh de rogha dhíoltóir na cosanta, measfaidh institiúidí gurb í aibíocht na cosanta an tréimhse go dtí an dáta is luaithe ar a bhféadfár an rogha sin a fheidhmiú. I gcás inar féidir an chosaint a fhoirceannadh de rogha cheannaitheoir na cosanta agus ina bhfuil dreasacht dhearfach i dtéarmaí an tsocráithe ag túsphointe na cosanta don institiúid an t-idirbheart a ghlaoch roimh an aibíocht chonarhach, glacfaidh institiúid leis gurb í aibíocht na cosanta an tréimhse go dtí an dáta is luaithe ar a bhféadfaí an rogha sin a fheidhmiú; ar shlí eile féadfaidh an institiúid a mheas nach ndéanann rogha den sórt sin difear d'aibíocht na cosanta.

**▼B**

3. I gcás nach gcuirtear cosc ar dhíorthach creidmheasa foirceannadh sula n-éagfaidh aon tréimhse chairde a bhfuil gá léi chun go dtarlódh mainneachtain ar an oibleagáid fholuiteach mar gheall ar mhainneachtain an méid atá dlite a íoc, laghdóidh institiúidí aibíocht na cosanta le fad na tréimhse cairde.

*Airteagal 239***Cosaint a luacháil**

1. I gcás idirbheart atá faoi réir cosanta cistithe creidmheasa faoin Modh Simplí Comhthaobhach Airgeadais, nuair atá aisioncronacht ann idir aibíocht na risíochta agus aibíocht na cosanta, ní cháilíonn an chomhthaobhacht mar chosaint chistithe creidmheasa incháilithe.

2. I gcás idirbheart atá faoi réir cosanta cistithe creidmheasa faoin Modh Cuimsitheach Comhthaobhach Airgeadais, léireoidh institiúidí aibíocht na cosanta creidmheasa agus na risíochta i luach coigeartaithe na comhthaobhachta de réir na foirmle seo a leanas:

$$C_{VAM} = C_{VA} \cdot \frac{t - t^*}{T - t^*}$$

nuair atá:

$C_{VA}$  = luach na comhthaobhachta arna choigeartú de réir luaineachta mar a shonraítear in Airteagal 218(2) nó méid na risíochta, cibé acu **is ísle**;

$t$  = líon na mblianta atá fágtha go dtí dáta aibíochta na cosanta creidmheasa arna ríomh i gcomhréir le hAirteagal 238, nó luach  $T$ , cibé acu is ísle;

$T$  = líon na mblianta atá fágtha go dtí dáta aibíochta na cosanta creidmheasa arna ríomh de réir Airteagal 238, nó cúig bliana, cibé acu is ísle;

$t^*$  = 0,25.

Úsáidfídh institiúidí  $C_{VAM}$  mar  $C_{VA}$  arna choigeartú tuilleadh le haghaidh aisioncronachta aibíochta san fhoirmle chun luach na risíochta atá coigeartaithe go hiomlán ( $E^*$ ) a ríomh mar a leagtar amach in Airteagal 223(5).

3. I gcás idirbheart atá faoi réir cosanta neamhchistithe creidmheasa, léireoidh institiúidí aibíocht na cosanta creidmheasa agus na risíochta i luach coigeartaithe na cosanta creidmheasa de réir na foirmle seo a leanas:

$$G_A = G^* \cdot \frac{t - t^*}{T - t^*}$$

nuair atá:

$G_A$  =  $G^*$  arna choigeartú i leith aisioncronachta aibíochta ar bith;

$G^*$  = méid na cosanta arna choigeartú i leith neamhréire airgeadra ar bith;

**▼B**

- t = líon na mblianta atá fágtha go dtí dáta aibíochta na cosanta creidmheasa arna ríomh i gcomhréir le hAirteagal 238, nó luach T, cibé acu is ísle;
- T = líon na mblianta atá fágtha go dtí dáta aibíochta na risíochta arna ríomh i gcomhréir le hAirteagal 238, nó cúig bliana, cibé acu is ísle;
- t\* = 0,25.

Úsáidfidh institiúidí  $G_A$  mar luach na cosanta chun críocha Airteagail 233 go 236.

## Roinn 6

**Teicnící bascaeid um maolú priacal creidmheasa***Airteagal 240***Díorthaigh chreidmheasa don chéad mhainneachtain**

I gcás ina bhfaigheann institiúid cosaint chreidmheasa le haghaidh roinnt risíochtaí faoi na téarmaí go spreagfaidh an chéad mhainneachtain i measc na risíochtaí íocaíocht agus go ndéanfar an Conradh a fhoirceannadh mar gheall ar an teagmhas creidmheasa sin, féadfaidh an institiúid leasú a dhéanamh ar ríomh an mhéid risíochta a ualaítear ó thaobh priacal agus, de réir mar is iomchuí, ar ríomh mhéid an chaillteanais ionchasaigh i leith na risíochta, a mbeadh, in éagmais na cosanta creidmheasa, an méid is ísle den mhéid risíochta a ualaítear ó thaobh priacal i gcomhréir leis an gCaibidil seo.

- (a) nó i gcás institiúidí a bhfuil an Cur Chuige Caighdeánaithe á úsáid acu, is é an méid risíochta a ualaítear ó thaobh priacal a ríomhfar faoin gCur Chuige Caighdeánaithe;
- (b) i gcás institiúidí a bhfuil an Cur Chuige IBR á úsáid acu, beidh an méid risíochta a ualaítear ó thaobh priacal ionann is suim an mhéid risíochta a ualaítear ó thaobh priacal a ríomhtar faoin gCur Chuige IBR móide méid an chaillteanais ionchasaigh atá iolraithe faoi 12.5.

Ní bheidh feidhm ag an láimhseáil a leagtar amach san Airteagal seo ach amháin i gcás ina bhfuil luach na risíochta níos lú ná, nó cothrom le, luach na cosanta creidmheasa.

*Airteagal 241***Díorthaigh chreidmheasa don n-ú mainneachtain**

I gcás ina spreagann an n-ú mainneachtain i measc na risíochtaí íocaíocht faoin gcosaint chreidmheasa, ní fhéadfaidh an institiúid atá ag ceannach na cosanta ach an chosaint a bhaineann le ríomh méideanna risíochta a ualaítear ó thaobh priacal agus, de réir mar is iomchuí, le ríomh mhéideanna an chaillteanais ionchasaigh a aithint i gcás ina bhfuarthas cosaint freisin le haghaidh mainneachtain 1 go n-1 nó i gcás gur tharla n-1 mainneachtain cheana. Sna cásanna sin, féadfaidh an institiúid leasú a dhéanamh ar ríomh an mhéid risíochta a ualaítear ó thaobh priacal agus, de réir mar is infheidhme, ar ríomh mhéid an chaillteanais ionchasaigh i leith na risíochta a mbeadh, in éagmais na cosanta creidmheasa, an n-ú méid risíochta is ísle, a ualaítear ó thaobh priacal, mar thoradh air i gcomhréir leis an gCaibidil seo. Déanfaidh institiúidí an n-ú méid is ísle a ríomh mar a shonraítear i bpointí (a) agus (b) d'Airteagal 240.

**▼B**

Ní bheidh feidhm ag an láimhseáil a leagtar amach san Airteagal seo ach amháin i gcás ina bhfuil luach na risíochta níos lú ná, nó cothrom le, luach na cosanta creidmheasa.

Comhlíonfaidh na risíochtaí uile sa bhascaed na ceanglais a leagtar síos in Airteagal 204(2) agus in Airteagal 216(1)(d).

**▼M5***CAIBIDIL 5**Urrúsú*

## Roinn 1

**Sainmhínithe agus critéir maidir le hurrúsuithe simplí trédhearcacha caighdeánaithe***Airteagal 242***Sainmhínithe**

Chun críocha na Caibidle seo, beidh feidhm ag na sainmhínithe seo a leanas:

- (1) ciallaíonn ‘céadrogha ar cheannach farasbair’ rogha chonarthaigh lena dtugtar cead don tionscnóir na suíomhanna urrúsúcháin a cheannach sula n-aisíocfar na risíochtaí urrúsaithe uile, cibé acu trí fhuíoll na risíochtaí foluiteacha a athcheannach i gcás urrúsuithe traidisiúnta nó tríd an gcosaint chreidmheasa a fhoirceannadh i gcás urrúsuithe sintéiseacha agus, sa dá chás sin, nuair a bheidh líon na risíochtaí foluiteacha gan íoc ar leibhéal áirithe réamhshonraithe nó faoina bhun;
- (2) ciallaíonn ‘stráice feabhsaithe creidmheasa úis amháin’ sócmhainn laistigh den chlár comhardaithe ar luacháil í ar shreafaí airgid atá gaolmhar le hioncam corrlaigh amach anseo agus ar tráinse is foirdaithe í san urrúsú;
- (3) ciallaíonn ‘saoráid leachtachta’ saoráid leachtachta mar a shainmhínítear i bpointe (14) d’Airteagal 2 de Rialachán (AE) 2017/2402 ;
- (4) ciallaíonn ‘suíomh gan rátáil’ suíomh urrúsúcháin nach ndearnadh measúnú creidmheasa incháilithe air i gcomhréir le Roinn 4;
- (5) ciallaíonn ‘suíomh rátáilte’ suíomh urrúsúcháin a ndearnadh measúnú creidmheasa incháilithe air i gcomhréir le Roinn 4;
- (6) ciallaíonn ‘suíomh sinsearach urrúsúcháin’ suíomh atá bunaithe nó urrúsaithe ag céadéileamh ar iomlán na risíochtaí foluiteacha, gan beann, chun na geríoch seo, ar mhéideanna atá dlite faoi chonarthai díorthach ráta úis nó airgeadra, táillí nó íocaíochtaí comhchosúla eile, agus gan beann ar aon difríocht in aibíocht le haon tráinse sinsearach eile (nó níos mó díobh) lena roinneann an suíomh sin cailleanais ar bhonn pro rata;
- (7) ciallaíonn ‘comhthiomsú IRB’ comhthiomsú de risíochtaí foluiteacha den chineál a bhfuil cead ag an institiúid Cur Chuige IRB a úsáid ina leith agus lenar féidir méideanna risíochtaí atá ualaithe de réir prícaíl a ríomh i gcomhréir le Caibidil 3 i gcás na risíochtaí sin uile;



▼ M5

- (8) ciallaíonn ‘comhthiomsú measctha’ comhthiomsú de risíochtaí foluiteacha den chineál a bhfuil cead ag institiúid Cur Chuige IRB a úsáid ina leith agus lenar féidir méideanna risíochta atá ualaithe de réir priacail a ríomh i gcomhréir le Caibidil 3 i gcás cuid de na risíochtaí ach ní i gcás na risíochtaí uile;
- (9) ciallaíonn ‘ró-urrúsú comhthaobhach’ aon chineál feabhsaithe creidmheasa lena bpostáiltear risíochtaí foluiteacha ar luach atá os cionn luach na suíomh urrúsúcháin;
- (10) Ciallaíonn ‘urrúsú simplí trédhearcach caighdeánaithe’ nó ‘urrúsú STC’ urrúsú a chomhlíonann na ceanglais a leagtar amach in Airteagal 18 de Rialachán (AE) 2017/2402 ;
- (11) ciallaíonn ‘clár páipéar tráchtála sócmhainn-bhunaithe’ nó ‘clár ABCP’ clár páipéar tráchtála sócmhainn-bhunaithe nó clár ABCP mar a shainmhínítear i bpointe (7) d’Airteagal 2 de Rialachán (AE) 2017/2402;
- (12) ciallaíonn ‘idirbheart páipéar tráchtála sócmhainn-bhunaithe (ABCP)’ nó ‘idirbheart ABCP’ idirbheart páipéar tráchtála sócmhainn-bhunaithe (ABCP) nó idirbheart ABCP mar a shainmhínítear i bpointe (8) d’Airteagal 2 de Rialachán (AE) 2017/2402;
- (13) ciallaíonn ‘urrúsú traidisiúnta’ urrúsú traidisiúnta mar a shainmhínítear i bpointe (9) d’Airteagal 2 de Rialachán (AE) 2017/2402;
- (14) ciallaíonn ‘urrúsú sintéiseach’ urrúsú sintéiseach mar a shainmhínítear i bpointe (10) d’Airteagal 2 de Rialachán (AE) 2017/2402;
- (15) ciallaíonn ‘risíocht imrothlach’ risíocht imrothlach mar a shainmhínítear i bpointe (15) d’Airteagal 2 de Rialachán (AE) 2017/2402;
- (16) ciallaíonn ‘foráil maidir le luathamúchadh’ foráil maidir le luathamúchadh mar a shainmhínítear i bpointe 17 d’Airteagal 2 de Rialachán (AE) 2017/2402;
- (17) ciallaíonn ‘tráinse céadchailteanais’ tráinse céadchailteanais mar a shainmhínítear i bpointe (18) d’Airteagal 2 de Rialachán (AE) 2017/2402;
- (18) ciallaíonn ‘suíomh urrúsúcháin mezzanine’ suíomh in urrúsú atá faoi réir an tsuímh urrúsúcháin shinsearaigh agus ar sinsearaí é ná an tráinse céadchailteanais, agus atá faoi réir ualú priacail is ísle ná 1 250 % agus is airde ná 25 % i gcomhréir le Foroinn 2 agus Foroinn 3 de Roinn 3;
- (19) ciallaíonn ‘eintiteas cur chun cinn’ aon ghnóthas nó eintiteas a bhunaíonn rialtas láir, réigiúnach, nó áitiúil de chuid Ballstáit, a dheonaíonn iasachtaí cur chun cinn nó a dheonaíonn ráthaíochtaí cur chun cinn, agus arb é is príomhaidhm dó gan brabús a dhéanamh ná an sciar den mhargadh a uasmhéadú ach cuspóirí bheartas poiblí an rialtais sin a chur chun cinn, ar choinníoll, faoi réir rialacha Státhabhrach, go bhfuil oibleagáid ar an rialtas sin bonn eacnamaíoch an ghnóthais a chosaint agus a inmharthanacht a choinneáil ar feadh a shaoil, nó go ráthaíonn rialtas láir, réigiúnach nó áitiúil an Bhallstáit, go díreach nó go hindíreach, ar a laghad 90 % dá chaipiteal bunaidh nó dá chistiú bunaidh nó den iasacht cur chun cinn a dheonaíonn sé.

## ▼M5

*Airteagal 243***Critéir le haghaidh Urrúsaithe STC a cháilíonn do láimhseáil dhifreáilte caipitil**

1. Beidh suíomhanna i gclár ABCP nó in idirbheart ABCP a cháilíonn mar shuíomhanna in urrúsú STC incháilithe don láimhseáil a leagtar amach in Airteagal 260, Airteagal 262 agus Airteagal 264 i gcás ina gcomhlíontar na ceanglais seo a leanas:

- (a) maidir leis na risíochtaí foluiteacha, comhlíonfaidh siad, tráth a gcuirfear leis an gclár ABCP iad, chomh fada agus is eol don tionscnóir nó don iasachtóir bunaidh, na coinníollacha maidir lena sannadh, faoin gCur Chuige Caighdeánaithe agus aon mhaolú incháilithe ar phriacal á chur san áireamh, agus beidh acu ualú priacail is cothrom le 75 % nó is ísle ná sin ar bhonn risíocht aonair más risíocht mhiondíola í an risíocht nó 100 % i gcás aon risíochtaí eile; agus
- (b) ní mó ná 2 % de luach na risíochtaí uile atá laistigh den chlár ABCP luach risíochta comhiomlánaithe na risíochtaí uile ar oibleagáideoir aonair ar leibhéal an chláir ABCP tráth a gcuirfear na risíochtaí leis an gclár ABCP. Chun críocha an ríomha sin, measfar gur risíochtaí ar oibleagáideoir aonair iasachtaí nó léasanna do ghrúpa cliant atá nasctha le chéile, chomh fada agus is eol don urraitheoir.

I gcás earraí infhaighte trádála, ní bheidh feidhm ag pointe (b) den chéad fho-mhír má tá priacal creidmheasa na n-earraí infhaighte trádála sin faoi chumhdach iomlán ag cosaint chreidmheasa incháilithe i gcomhréir le Caibidil 4, ar choinníoll gur institiúid, gnóthas árachais nó gnóthas ath-árachais é soláthraí na cosanta sa chás sin. Chun críocha na fohíre seo, is é cion na n-earraí infhaighte trádála atá fágtha tar éis éifeacht aon lascaire ar an bpraghas ceannaigh agus ró-urrúsú comhthaobhach a chur san áireamh, agus an cion sin amháin, a úsáidfear chun a fháil amach an bhfuil siad faoi chumhdach iomlán agus an gcomhlíontar teorainn an chomhchruinnithe.

I dtaca le luachanna léasaithe iarmharacha urrúsaithe, ní bheidh feidhm ag pointe (b) den chéad fhomhír i gcás nach bhfuil na luachanna sin ar ris ar phriacal um athmhaoiniú nó um athcheannach i ngeall ar ghealltanais is infhorghníomhaithe le dlí a thug an tríú páirtí is incháilithe faoi Airteagal 201(1) maidir leis an risíocht sin a athcheannach nó a athmhaoiniú ar shuim réamhchinntithe.

De mhaolú ar phointe (a) den chéad fhomhír, i gcás ina gcuireann an institiúid an fhoráil a leagtar síos in Airteagal 248(3), i bhfeidhm nó inar tugadh cead di úsáid a bhaint as Cur Chuige an Mheasúnaithe Imheánaigh i gcomhréir le hAirteagal 265, is coibhéiseach le 100 % nó níos lú an t-ualú priacail sin a shannfadh an institiúid sin do shaoráid leachtachta lena gcuimsítear go hiomlán an ABCP a eisítear faoin gclár.

2. Suíomhanna in urrúsú, seachas clár ABCP nó idirbheart ABCP a cháilíonn mar shuíomhanna in urrúsú STC, beidh siad incháilithe maidir leis an láimhseáil a leagtar amach in Airteagal 260, Airteagal 262 agus Airteagal 264 i gcás ina gcomhlíontar na ceanglais seo a leanas:

- (a) níl luach risíochta comhiomlánaithe na risíochtaí uile ar oibleagáideoir aonair sa chomhthiomsú os cionn 2 % de luachanna risíochta na luachanna risíochta gan íoc comhiomlánaithe i gcomhthiomsú na risíochtaí foluiteacha tráth a gcuimsithe san urrúsú. Chun críocha an ríomha sin, measfar gur risíochtaí ar oibleagáideoir aonair iasachtaí nó léasanna do ghrúpa cliant atá nasctha le chéile.

▼ **M5**

I dtaca le luachanna léasaithe iarmharacha urrúsaithe, ní bheidh feidhm ag an gcéad fhomhír den phointe seo i gcás nach bhfuil na luachanna sin ar ris ar phriacal um athmhaoiniú nó um athcheannach i ngeall ar ghealltanais is infhorghníomhaithe le dlí a thug tríú páirtí is incháilithe faoi Airteagal 201(1) maidir leis an risíocht sin a athcheannach nó a athmhaoiniú ar shuim réamhchinn-tithe;

- (b) i gcás ina gcomhlíonann na risíochtaí foluiteacha na coinníollacha maidir le sannadh, faoin gCur Chuige Caighdeánaithe tráth a gcuimsithe san urrúsú agus aon mhaolú incháilithe ar phriacal á chur san áireamh, tá an t-ualú priacail cothrom leis an méid seo a leanas nó faoina bhun:
  - (i) 40 % ar bhonn mheánualú na risíochtaí le haghaidh na punainne i gcás ina bhfuil na risíochtaí ina n-iasachtaí arna n-urrú ag morgáistí cónaithe nó iasachtaí cónaithe atá ráthaithe go hiomlán, amhail dá dtagraítear i bpointe (e) d'Airteagal 129(1);
  - (ii) 50 % ar bhonn risíocht aonair i gcás inar iasacht arna hurrú ag morgáiste tráchtála í an risíocht;
  - (iii) 75 % ar bhonn risíocht aonair i gcás inar risíocht mhiondíola í an risíocht;
  - (iv) i gcás aon risíochtaí eile, 100 % ar bhonn risíocht aonair;
- (c) i gcás ina bhfuil feidhm ag pointe (b)(i) agus (b)(ii), ní chuireofar na hiasachtaí a urraíodh le cearta urrúis ar chéim níos ísle ar shócmhainn áirithe san urrúsú ach amháin i gcás ina bhfuil na hiasachtaí uile a urraíodh le cearta urrúis réamhthosaíochta ar an tsócmhainn sin cuimsithe san urrúsú freisin;
- (d) i gcás ina bhfuil feidhm ag pointe (b)(i) den mhír seo, ní bheidh cóimheas iasacht/luach os cionn 100 % ag aon iasacht i gcomhthiomsú na risíochtaí foluiteacha tráth an chuimsithe san urrúsú, arna thomhas i gcomhréir le pointe (d)(i) d'Airteagal 129(1) agus le hAirteagal 229(1).

## Roinn 2

**Aistriú priacail shuntasach a aithint***Airteagal 244***Urrúsú traidisiúnta**

1. Féadfaidh institiúid tionscnóra de chuid urrúsú traidisiúnta risíochtaí foluiteacha a eisiáimh le linn di méideanna risíochta atá ualaithe ó thaobh priacail agus méideanna an chaillteanais ionchasaigh a ríomh, más ábhartha, i gcás ina gcomhlíontar ceachtar den dá choinníoll seo a leanas:

- (a) aistriodh priacal creidmheasa suntasach a bhaineann leis na risíochtaí foluiteacha chuig tríú páirtithe;
- (b) cuireann an institiúid tionscnóra ualú priacail 1 250 % i bhfeidhm maidir leis na suíomhanna urrúsúcháin go léir atá ina seilbh laistigh den urrúsú nó asbhaineann sí na suíomhanna urrúsúcháin sin as ítimí Ghnáthchothromas Leibhéal 1 i gcomhréir le pointe (k) d'Airteagal 36(1).

## ▼M5

2. Measfar gur aistríodh priacal creidmheasa suntasach i gceachtar de na cásanna seo a leanas:

- (a) na méideanna risíochta atá ualaithe ó thaobh priacail de chuid na suíomhanna urrúsúcháin mezzanine atá i seilbh na hinstitiúide tionscnóra laistigh den urrúsú sin, ní sháraíonn siad 50 % de mhéideanna risíochta atá ualaithe ó thaobh priacail de chuid na suíomhanna urrúsúcháin mezzanine go léir atá ann laistigh den urrúsú sin;
- (b) níl i seilbh na hinstitiúide tionscnóra níos mó ná 20 % de luach risíochta an tráinse céadchailteanais san urrúsú, ar an gcoinníoll go gcomhlíonfar an dá choinníoll seo a leanas:
  - (i) tá an tionscnóir in ann a léiriú go sáraíonn luach risíochta an tráinse céadchailteanais meastachán réasúnaithe ar an gcaillteanas ionchasach ar na risíochtaí foluiteacha faoi chorrach suntasach;
  - (ii) níl aon suíomhanna urrúsúcháin mezzanine ann.

I gcás nach bhfuil bonn cirt, mar gheall ar aistriú priacail creidmheasa ar cóimhéid chuig tríú páirtithe, leis an laghdú féideartha ar mhéideanna risíochta atá ualaithe ó thaobh priacail a bhainfeadh an institiúid tionscnóra amach tríd an urrúsú faoi phointe (a) nó faoi phointe (b), féadfaidh údaráis inniúla a chinneadh ar bhonn gach cáis nach measfar gur aistríodh priacal creidmheasa suntasach chuig tríú páirtithe.

3. De mhaolú ar mhír 2, féadfaidh údaráis inniúla a ligean d'institiúidí tionscnóra aistriú priacail creidmheasa shuntasaigh a aithint i ndáil le hurrúsú i gcás ina léiríonn an institiúid tionscnóra i ngach cás, go bhfuil bonn cirt, mar gheall ar aistriú priacail creidmheasa ar cóimhéid chuig tríú páirtithe, leis an laghdú ar riachtanais cistí dílse a bhaineann an tionscnóir amach leis an urrúsú. Ní fhéadfar cead a thabhairt ach amháin i gcás ina gcomhlíonfaidh an institiúid an dá choinníoll seo a leanas:

- (a) tá beartais agus modheolaíochtaí inmheánacha bainistithe priacail leordhóthanacha ag an institiúid le haistriú an phriacail creidmheasa a mheasúnú;
- (b) d'aithin an institiúid an t-aistriú priacail creidmheasa chuig tríú páirtithe i ngach cás ar mhaithe le bainistiú priacail inmheánaigh agus leithdháileadh caipitil inmheánaigh na hinstitiúide.

4. Chomh maith leis na ceanglais a leagtar amach i mír 1, i mír 2 agus i mír 3, comhlíonfar gach coinníoll díobh seo a leanas:

- (a) léiríonn doiciméadacht an idirbhirt tábhacht eacnamaíoch an tsuímh urrúsúcháin;
- (b) ní hionann na suíomhanna urrúsúcháin agus oibleagáidí íocaíochta na hinstitiúide tionscnóra;
- (c) fágadh nach bhfuil breith ag an institiúid tionscnóra gona creidiúnaithe ar na risíochtaí foluiteacha i gcaoi a gcomhlíonann an ceanglas a leagtar amach in Airteagal 20(1) de Rialachán (AE) 2107/2402;
- (d) ní choinníonn an institiúid tionscnóra rialú ar na risíochtaí foluiteacha. Measfar go mbeidh rialú éifeachtach coinnithe ar na risíochtaí foluiteacha má tá sé de cheart ag an tionscnóir na risíochtaí a aistríodh roimhe sin a athcheannach ón aistriú d'fhonn a dtairbhí a réadú nó má tá ceanglas eile air an priacal aistrithe a ghlacadh arís. Má tá institiúid tionscnóra ag coinneáil na gceart nó na n-oibleagáidí seirbhísithe i leith na risíochtaí foluiteacha, ní leor sin ann féin mar rialú ar na risíochtaí;

▼ **M5**

- (e) níl téarmaí ná coinníollacha i ndoiciméadacht an urrúsúcháin:
- (i) a chuireann ceangal ar an institiúid tionscnóra comhdhéanamh na risíochtaí foluiteacha a athrú chun meáncháilíocht an chomhthiomsaithe a fheabhsú; nó
  - (ii) a mhéadaíonn an toradh is iníoctha le sealbhóirí suíomhanna nó a chuirfeadh feabhas de chineál eile ar na suíomhanna i gcaoi eile laistigh den urrúsú mar fhreagairt ar mheath ar cháilíocht chreidmheasa na risíochtaí foluiteacha;
- (f) más infheidhme, is léir i ndoiciméadacht an idirbheart nach bhféadfaidh an tionscnóir nó an t-urraitheoir suíomhanna urrúsúcháin a cheannach nó a athcheannach nó na risíochtaí foluiteacha a athcheannach, a athstruchtúró nó a ionadú thar a n-oibleagáidí conarthacha i gcás ina ndéantar na socrúithe sin i gcomhréir le coinníollacha an mhargaidh atá i réim agus ina ngníomhaíonn na páirtithe lena mbaineann lena leas féin mar pháirtithe saora neamhspleácha (ar neamhthuilleamaí);
- (g) i gcás ina bhfuil céadrogha ar cheannach farasbairr ann, comhlíonfaidh an rogha sin gach coinníoll seo a leanas freisin:
- (i) tá sí infheidhmithe de rogha na hinstitiúide tionscnóra;
  - (ii) ní féidir í a fheidhmiú ach amháin nuair atá 10 % nó níos lú de luach bunaidh na risíochtaí foluiteacha fós gan amúchadh;
  - (iii) níl sí struchtúraithe sa chaoi nach leithdháilfear cailteanais ar shuíomhanna feabhsaithe creidmheasa ná ar shuíomhanna eile atá i seilbh infheisteoirí san urrúsú agus níl sí struchtúraithe in aon chaoi eile chun feabhsú creidmheasa a chur ar fáil;
- (h) tá tuairim faighte ag an institiúid tionscnóra ó dhlíodóir cáilithe lena ndeimhnítear go gcomhlíonann an t-urrúsú na coinníollacha a leagtar amach i bpointe (c) den mhír seo.

5. Cuirfidh na húdaráis inniúla ÚBE ar an eolas faoi na cásanna sin inar chinn siad nach raibh bonn cirt, mar gheall ar aistriú priacail creidmheasa ar cóimhéid chuig tríú páirtithe i gcomhréir le mír 2, leis an laghdú féideartha ar mhéideanna risíochta atá ualaithe ó thaobh priacail, agus leis na cásanna inar roghnaigh institiúidí forálacha mhír 3 a chur i bhfeidhm.

6. Déanfaidh ÚBE faireachán ar an raon cleachtas maoirseachta i ndáil le haistriú priacail shuntasaigh in urrúsuithe traidisiúnta a shain-aithint i gcomhréir leis an Airteagal seo. Go háirithe, déanfaidh ÚBE athbhreithniú ar:

- (a) na coinníollacha maidir le haistriú priacail creidmheasa shuntasaigh chuig tríú páirtithe i gcomhréir le mír 2, mír 3 agus mír 4;
- (b) léiriú ar ‘aistriú priacail creidmheasa ar cóimhéid chuig tríú páirtithe’ chun críocha mheasúnú na n-údarás inniúil dá bhforáiltear sa dara fómhír de mhír 2 agus de mhír 3;
- (c) na ceanglais le haghaidh mheasúnú na n-údarás inniúil ar idirbhearta urrúsúcháin a n-iarrann an tionscnóir aitheantas ar aistriú priacail creidmheasa shuntasaigh chuig tríú páirtithe ina leith i gcomhréir le mír 2 nó mír 3.

▼ **M5**

Cuirfidh ÚBE na torthaí faoi bhráid an Choimisiúin faoin 2 Eanáir 2021. Féadfaidh an Coimisiún, tar éis an tuarascáil ó ÚBE a chur san áireamh, gníomh tarmligthe a ghlacadh i gcomhréir le hAirteagal 462, mar fhorlíonadh ar an Rialachán seo, trí shonrú breise a dhéanamh ar na hitimí a liostaítear i bpointe (a), pointe (b) agus pointe (c) den mhír seo.

*Airteagal 245***Urrúsú sintéiseach**

1. Féadfaidh an institiúid tionscnóra a bhíonn ag urrúsú sintéiseach méideanna risíochta atá ualaithe ó thaobh priacail a ríomh, agus, nuair is íomchuí, méideanna cailiteanais ionchasaigh i leith na risíochtaí foluiteacha i gcomhréir le hAirteagal 251 agus le hAirteagal 252, i gcás ina gcomhlíontar ceachtar de na coinníollacha seo a leanas:

- (a) tá priacal creidmheasa suntasach aistrithe chuig tríú páirtithe trí chosaint chistithe chreidmheasa nó trí chosaint neamhchistithe chreidmheasa;
- (b) cuireann an institiúid tionscnóra ualú priacail 1 250 % i bhfeidhm maidir leis na suíomhanna urrúsúcháin go léir atá ina seilbh laistigh den urrúsú sin nó asbhaineann sí na suíomhanna urrúsúcháin sin as ítimí Ghnáthchothromas Leibhéal 1 i gcomhréir le pointe (k) d'Airteagal 36(1).

2. Measfar gur aistríodh priacal creidmheasa suntasach i gceachtar de na cásanna seo a leanas:

- (a) méideanna risíochta atá ualaithe ó thaobh priacail de chuid na suíomhanna urrúsúcháin mezzanine atá i seilbh na hinstitiúide tionscnóra laistigh den urrúsú sin, ní sháraíonn siad 50 % de mhéideanna risíochta ualaithe ó thaobh priacail de chuid na suíomhanna urrúsúcháin mezzanine go léir atá ann laistigh den urrúsú sin;
- (b) níl i seilbh na hinstitiúide tionscnóra níos mó ná 20 % de luach risíochta an tráinse céadchailiteanais san urrúsú, ar an gcoinníoll go gcomhlíonfar an dá choinníoll seo a leanas:
  - (i) tá an tionscnóir in ann a léiriú go sáraíonn luach risíochta an tráinse céadchailiteanais meastachán réasúnaithe ar an gcaillteanas ionchasach ar na risíochtaí foluiteacha faoi chorrlach suntasach;
  - (ii) ní ann d'aon suíomhanna urrúsúcháin mezzanine.

I gcás nach bhfuil bonn cirt, mar gheall ar aistriú priacail creidmheasa ar cóimhéid chuig tríú páirtithe, leis an laghdú féideartha ar mhéideanna risíochta atá ualaithe ó thaobh priacail a bhainfeadh an institiúid tionscnóra amach tríd an urrúsú seo, féadfaidh údaráis inniúla a chinneadh, agus iad ag meas gach cáis ar a fhiúntas féin, nach measfar gur aistríodh priacal creidmheasa suntasach chuig tríú páirtithe.

3. De mhaolú ar mhír 2, féadfaidh údaráis inniúla a ligean d'institiúidí tionscnóra aistriú creidmheasa shuntasaigh a aithint i ndáil le hurrúsú i gcás ina léiríonn an institiúid tionscnóra i ngach cás, go bhfuil bonn cirt, mar gheall ar aistriú priacail creidmheasa ar cóimhéid chuig tríú páirtithe, leis an laghdú ar cheanglais cistí dílse a bhaineann an tionscnóir amach leis an urrúsú. Ní fhéadfar cead a thabhairt ach amháin i gcás ina gcomhlíonfaidh an institiúid an dá choinníoll seo a leanas:

- (a) tá beartais agus modheolaíochtaí leordhóthanacha inmheánacha bainistithe priacail ag an institiúid le haistriú an phriacail a mheasúnú;

## ▼M5

(b) d'aithin an institiúid an t-aistriú priacail creidmheasa chuig tríú páirtithe i ngach cás ar mhaithe le bainistiú priacail inmheánaigh agus leithdháilleadh caipitil inmheánaigh na hinstitiúide.

4. Chomh maith leis na ceanglais a leagtar amach i mír 1, i mír 2 agus i mír 3, comhlíonfar gach coinníoll díobh seo a leanas:

(a) léiríonn doiciméadacht an idirbhirt tábhacht eacnamaíoch an tsuímh urrúsúcháin;

(b) an chosaint chreidmheasa ar dá bua a aistrítear an priacail creidmheasa, comhlíonann sí Airteagal 249;

(c) níl téarmaí ná coinníollacha i ndoiciméadacht an urrúsúcháin lena ndéantar an méid seo a leanas:

(i) tairseacha ábharthachta suntasacha a fhorchur a meastar nár spreagadh cosaint chreidmheasa faoina mbun i gcás teagmhas creidmheasa;

(ii) foirceannadh na cosanta a cheadú mar gheall ar mheath ar cháilíocht chreidmheasa na risíochtaí foluiteacha;

(iii) a cheangal ar an institiúid tionscnóra comhdhéanamh na risíochtaí foluiteacha a athrú chun meáncháilíocht an chomhthiomsaithe a fheabhsú; nó

(iv) costas cosanta creidmheasa na hinstitiúide nó an toradh is iníochta le sealbhóirí suíomhanna laistigh den urrúsú a mhéadú mar fhreagairt ar mheath ar cháilíocht chreidmheasa an chomhthiomsaithe fholuitigh;

(d) tá an chosaint chreidmheasa infhorghníomhaithe i ngach dlínse ábhartha;

(e) más infheidhme, is léir i ndoiciméadacht an idirbhirt nach bhféadfaidh an tionscnóir ná an t-urraitheoir suíomhanna urrúsúcháin a cheannach ná na risíochtaí foluiteacha a athcheannach, a athstruchtúrú ná a ionadú thar a n-oibleagáidí conarthacha i gcás ina ndéantar socruithe den sórt sin i gcomhréir le coinníollacha an mhargaidh atá i réim agus ina ngníomhaíonn na páirtithe lena mbaineann ar mhaithe leo féin mar pháirtithe saora neamhspleácha (ar neamhthuilleamaí);

(f) i gcás ina bhfuil céadrogha ar cheannach farasbairr ann, comhlíonann an rogha sin na coinníollacha uile seo a leanas:

(i) féadfar í a fheidhmiú de rogha na hinstitiúide tionscnóra;

(ii) ní féadfar í a fheidhmiú ach amháin nuair atá 10 % nó níos lú de luach bunaidh na risíochtaí foluiteacha fós gan amúchadh;

(iii) níl sí struchtúraithe ionas nach leithdháilfear cailteanais ar shuíomhanna feabhsaithe creidmheasa ná ar shuíomhanna eile atá i seilbh infheisteoirí san urrúsú agus níl sí struchtúraithe ar chaoi eile chun feabhsú creidmheasa a sholáthar;

(g) tá tuairim faighte ag an institiúid tionscnóra ó dhliodóir cáilithe lena ndeimhnítear go gcomhlíonann an t-urrúsú na coinníollacha a leagtar amach i bpointe (d) den mhír seo;

5. Cuirfidh na húdaráis inniúla ÚBE ar an eolas faoi na cásanna sin inar chinn siad nach raibh bonn cirt, mar gheall ar aistriú priacail creidmheasa ar cóimhéid chuig tríú páirtithe i gcomhréir le mír 2, leis an laghdú féideartha ar mhéideanna risíochta atá ualaithe ó thaobh priacail, agus faoi na cásanna inar roghnaigh institiúidí mír 3 a chur i bhfeidhm.

## ▼M5

6. Déanfaidh ÚBE faireachán ar an raon cleachtas maoirseachta i ndáil le haistriú priacail shuntasach in urrúsuithe sintéiseacha a aithint i gcomhréir leis an Airteagal seo. Go háirithe, déanfaidh ÚBE athbhreithniú:

- (a) ar na coinníollacha maidir le haistriú priacail creidmheasa shuntasach chuig tríú páirtithe i gcomhréir le mír 2, mír 3 agus mír 4;
- (b) ar an léiriú ar ‘aistriú priacail creidmheasa ar cóimhéis chuig tríú páirtithe’ chun críocha mheasúnú na n-údarás inniúil dá bhforáiltear sa dara fómhír de mhír 2 agus i mír 3; agus
- (c) ar na ceanglais le haghaidh mheasúnú na n-údarás inniúil ar idirbhearta urrúsúcháin a n-iarrann an tionscnóir aitheantas ar aistriú priacail creidmheasa shuntasach chuig tríú páirtithe ina leith i gcomhréir le mír 2 nó mír 3.

Cuirfidh ÚBE na torthaí faoi bhráid an Choimisiúin faoin 2 Eanáir 2021. Féadfaidh an Coimisiún, tar éis an tuarascáil ó ÚEB a chur san áireamh, gníomh tarmligthe a ghlacadh i gcomhréir le hAirteagal 462, mar fhorlíonadh ar an Rialachán seo, trí shonrú breise a dhéanamh ar na hitimí a liostaítear i bpointe (a), pointe (b) agus pointe (c) den mhír seo.

*Airteagal 246***Ceanglais oibríochtúla maidir le forálacha i ndáil le luathamúchadh**

I gcás ina n-áirítear risíochtaí imrothlacha agus forálacha i ndáil le luathamúchadh nó forálacha comhchosúla san urrúsú, ní mheasfar go bhfuil priacal creidmheasa suntasach aistrithe ag an institiúid tionscnóra ach amháin i gcás ina gcomhlíontar na ceanglais a leagtar amach in Airteagal 244 agus Airteagal 245 agus nach ndéantar leis an bhforáil maidir le luathamúchadh, a luaithe a spreagtar é, an méid seo a leanas:

- (a) éileamh sinsearach nó *pari passu* na hinstitiúide ar na risíochtaí foluiteacha a chur faoi réir éilimh na n-infheisteoirí eile;
- (b) éileamh na hinstitiúide ar na risíochtaí foluiteacha a chur faoi réir éilimh páirtithe eile tuilleadh; nó
- (c) risíocht na hinstitiúide ar chailteanas a bhaineann le risíochtaí imrothlacha foluiteacha a mhéadú ar bhealach eile.

## Roinn 3

**Méideanna risíochta atá ualaithe ó thaobh priacail a ríomh**

## Fóroinn 1

**Forálacha ginearálta***Airteagal 247***Méideanna risíochta atá ualaithe ó thaobh priacail a ríomh**

1. I gcás inar aistrigh institiúid tionscnóra priacal creidmheasa suntasach a bhaineann le risíochtaí foluiteacha an urrúsaithe i gcomhréir le Roinn 2, féadfaidh an institiúid sin:



## ▼M5

- (a) i gcás urrúsú traidisiúnta, na risíochtaí foluiteacha a eisiamh le linn di méideanna risíochta atá ualaithe ó thaobh priacail, agus mar is ábhartha, méideanna an chaillteanais ionchasaigh a ríomh;
- (b) i gcás urrúsú sintéiseach, méideanna risíochta atá ualaithe ó thaobh priacail agus, más ábhartha, méideanna an chaillteanais ionchasaigh a ríomh, i leith na risíochtaí foluiteacha i gcomhréir le hAirteagal 251 agus le hAirteagal 252.

2. I gcás inar chinn an institiúid tionscnóra mír 1 a chur i bhfeidhm, ríomhfaidh sí na méideanna risíochta atá ualaithe ó thaobh priacail a leagtar síos sa Chaibidil seo i leith na suíomhanna a d'fhéadfadh sí a shealbhú laistigh den urrúsú sin.

I gcás nár aistrigh an institiúid tionscnóra priacal creidmheasa suntasach nó gur chinn sí gan mír 1 a chur i bhfeidhm, ní chuirfear de cheangal uirthi méideanna risíochta atá ualaithe ó thaobh priacail a ríomh i leith aon suíomh a d'fhéadfadh a bheith aici laistigh den urrúsú ach leanfaidh sí de na risíochtaí foluiteacha agus, i gcás inarb ábhartha, méideanna an chaillteanais ionchasaigh, a áireamh le linn di méideanna risíochta atá ualaithe ó thaobh priacail a ríomh amhail is nár urrúsaíodh riamh iad.

3. I gcás ina bhfuil risíocht ann ar shuíomhanna i dtráinsí éagsúla laistigh d'urrúsú, measfar gur suíomh urrúsúcháin ar leith í an risíocht ar gach aon tráinse. Measfar go mbeidh suíomhanna san urrúsú á sealbhú ag soláthraithe na cosanta creidmheasa do shuíomhanna urrúsúcháin. Aireofar sna suíomhanna urrúsúcháin risíochtaí ar urrúsú a thagann as conarthaí díorthach ráta úis nó airgeadra atá déanta ag an institiúid tráth an idirbhirt.

4. Mura n-asbhaintear suíomh urrúsúcháin as ítimí Ghnáthchothromas Leibhéal 1 de bhun phointe (k) d'Airteagal 36(1), áireofar an méid risíochta atá ualaithe ó thaobh priacail in iomlán na méideanna risíochta atá ualaithe ó thaobh priacail de chuid na hinstitiúide chun críocha Airteagal 92(3).

5. Déanfar an méid risíochta atá ualaithe ó thaobh priacail suímh urrúsúcháin a ríomh trí luach risíochta an tsuímh, luach a ríomhtar mar a leagtar amach in Airteagal 248, a iolrú faoin ualú iomlán priacail ábhartha.

6. Socrófar an t-ualú iomlán priacail mar shuim an ualaithe priacail a leagtar amach sa Chaibidil seo agus aon ualaithe priacail breise i gcomhréir le hAirteagal 270a.

*Airteagal 248***Luach na risíochta**

1. Déanfar luach risíochta suímh urrúsúcháin a ríomh mar seo a leanas:

- (a) is é a bheidh i luach risíochta suíomhanna urrúsúcháin laistigh den chlár comhardaithe ná a luach cuntasáíochta a bheidh fágtha tar éis aon choigeartuithe sonracha i leith aon phriacal creidmheasa a chur i bhfeidhm, ar choigeartuithe iad a cuireadh i bhfeidhm i gcomhréir le hAirteagal 110;
- (b) is é a bheidh i luach risíochta suíomh urrúsúcháin lasmuigh den chlár comhardaithe ná a luach ainmniúil lúide aon choigeartuithe ábhartha sonracha i leith priacal creidmheasa a bhaineann leis an suíomh urrúsúcháin i gcomhréir le hAirteagal 110, iolraithe faoin bhfachtóir coinbhéartaithe ábhartha a leagtar amach sa phointe seo. Beidh an fachtóir coinbhéartaithe cothrom le 100 %, ach amháin i gcás na saoráidí airleacan airgid. Féadfadh fachtóir coinbhéartaithe 0 % a chur i bhfeidhm maidir le méid ainmniúil saoráide leachtachta

## ▼M5

atá inchealaithe go neamhchoinníollach chun luach risíochta chion neamhtharraingthe na saoráidí airleacan airgid a chinneadh ar an gcoinníoll go bhfuil aisíoc na dtarraingtí ar an tsaoráid níos sinsearaí ná aon éilimh eile ar an sreabhadh airgid a thagann as na risíochtaí foluiteacha agus gur léirigh an institiúid chun sástacht an údaráis inniúil go bhfuil modh coimeádach iomchuí á chur i bhfeidhm aici chun an méid den chion neamhtharraingthe a thomhas;

- (c) déanfar luach na risíochta ar phriacal creidmheasa suíomhanna urrúsúcháin don chontrapháirtí a thagann ó ionstraim díorthaigh a liostaítear in Iarscribhinn II a chinneadh i gcomhréir le Caibidil 6;
- (d) féadfaidh institiúid tionscnóra méid na gcoigeartuithe i leith na bpriacal creidmheasa sonracha maidir leis na risíochtaí foluiteacha i gcomhréir le hAirteagal 110 a asbhaint de luach risíochta suímh urrúsúcháin a bhfuil ualú priacail 1 250 % sannta dó i gcomhréir le Foroinn 3 nó a asbhaintear de chaipiteal Ghnáthchothromas Leibhéal 1 i gcomhréir le pointe (k) d'Airteagal 36(1), agus aon lascaí neamh-inaisíochta ar an bpraghas ceannaigh atá nasctha le risíochtaí foluiteacha den chineál sin a mhéid a bhfuil a gcistí dílse laghdaithe acu.

Forbróidh ÚBE dréachtchaighdeáin theicniúla rialála chun a shonrú cad is modh coimeádach iomchuí ann chun an méid den chion neamhtharraingthe dá dtagraítear i bpointe (b) den chéad fhomhír a thomhas.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 18 Eanáir 2019.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa tríú fhomhír den mhír seo a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

2. I gcás ina bhfuil dhá shuíomh fhorluiteacha nó níos mó ag institiúid in urrúsú, ní áireoidh sí ach ceann amháin dá suíomhanna le linn di méideanna risíochta atá ualaithe ó thaobh priacail a ríomh.

I gcás ina bhfuil na suíomhanna forluiteach i bpáirt, féadfaidh an institiúid an suíomh a dheighilt ina dhá chuid agus gan an forluí a aithint ach i ndáil le cuid amháin i gcomhréir leis an gcéad fhomhír. De mhalairt air sin, féadfaidh an institiúid déileáil leis na suíomhanna amhail is go raibh siad iomlán forluiteach tríd an suíomh a thugann na méideanna risíochta atá ualaithe níos airde ó thaobh priacail a fhairsingiú chun críocha ríomh caipitil.

Féadfaidh an institiúid forluí a aithint idir na ceanglais cistí dílse faoi phriacal sonracha i leith suíomhanna sa leabhar trádála agus na ceanglais cistí dílse i leith suíomhanna urrúsúcháin sa leabhar neamhtrádála, ar an gcoinníoll gur féidir leis an institiúid ceanglais cistí dílse i leith na suíomhanna ábhartha a ríomh agus a chur i gcomparáid le chéile.

Chun críocha na míre seo measfar dhá shuíomh a bheith forluiteach i gcás ina bhfuil siad ag fritháireamh a chéile go frithpháirteach i gcaoi ar féidir leis an institiúid na cailteanais a thioctadh as suíomh amháin a sheachaint trí na hoibleagáidí a cheanglaítear faoin suíomh eile a chomhlíonadh.

## ▼M5

3. I gcás ina bhfuil feidhm ag pointe d d’Airteagal 270c maidir le suíomhanna san ABCP, féadfaidh an institiúid an t-ualú priacail atá sannta do shaoráid leachtachta a úsáid d’fhonn an méid risíochta atá ualaithe ó thaobh priacail don ABCP a ríomh, ar an gcoinníoll go gcumhdaíonn an tsaoráid leachtachta 100 % den ABCP atá eisithe ag an gclár ABCP agus go bhfuil an tsaoráid leachtachta ar comhchéim leis an ABCP ionas gur suíomhanna forluiteacha iad. I gcás inar chuir sí na forálacha a leagtar síos sa mhír seo i bhfeidhm, tabharfaidh an institiúid fógra do na húdaráis inniúla faoi sin. Chun an cumhdach 100 % a leagtar amach sa mhír seo a fháil amach, féadfaidh an institiúid saoráidí leachtachta eile sa chlár ABCP a chur san áireamh, ar an gcoinníoll go bhfuil suíomh forluiteach acu leis an ABCP.

*Airteagal 249***Maolú priacail creidmheasa a aithint le haghaidh suíomhanna urrúsúcháin**

1. Féadfaidh institiúid cosaint chistithe nó neamhchistithe chreidmheasa a aithint i ndáil le suíomh urrúsúcháin i gcás ina gcomhlíontar na ceanglais maidir le maolú priacail creidmheasa a leagtar síos sa Chaibidil seo agus i gCaibidil 4.

2. Níl i gcosaint chistithe chreidmheasa incháilithe ach comhthaobhacht airgeadais atá incháilithe chun méideanna risíochta atá ualaithe ó thaobh priacail a ríomh faoi Chaibidil 2 mar a leagtar síos faoi Chaibidil 4 agus beidh aithint mhaolú an phriacail creidmheasa faoi réir chomhlíonadh na gceanglas ábhartha mar a leagtar síos faoi Chaibidil 4.

Maidir le cosaint neamhchistithe creidmheasa agus soláthraithe na cosanta neamhchistithe creidmheasa, ní bheidh ach na daoine sin atá incháilithe i gcomhréir le Caibidil 4 incháilithe agus beidh aithint mhaolú an phriacail creidmheasa faoi réir chomhlíonadh na gceanglas ábhartha mar a leagtar síos faoi Chaibidil 4.

3. De mhaolú ar mhír 2, beidh measúnú creidmheasa sannta ag IMCS aitheanta do sholáthraithe incháilithe cosanta neamhchistithe creidmheasa a liostaítear i bpointí (a) go (h) d’Airteagal 201(1), rud ar céim cáilíocht 2 í nó os a chionn tráth a aithníodh an chosaint chreidmheasa den chéad uair agus ar céim 3 í nó os a chionn ina dhiaidh sin. Ní bheidh feidhm ag an gceanglas a leagtar amach san fhómhír seo maidir le contrapháirtithe lárnacha cáilitheacha.

Féadfaidh institiúidí a ligtear dóibh an Cur Chuige IRB a chur i bhfeidhm maidir le risíocht dhíreach ar sholáthraí na cosanta incháilitheacht a mheasúnú i gcomhréir leis an gcéad fhómhír bunaithe ar dhóchúlacht mhainneachtana (PD) sholáthraí na cosanta a bheith coibhéiseach leis an PD a bhaineann leis na céimeanna cáilíochta creidmheasa dá dtagraítear in Airteagal 136.

4. De mhaolú ar fhómhír 2, beidh SSPenna ina soláthraithe cosanta incháilithe i gcás ina gcomhlíontar na coinníollacha uile a leanas:

(a) tá sócmhainní ag SSPE a cháilíonn mar chomhthaobhacht airgeadais incháilithe i gcomhréir le Caibidil 4;

## ▼M5

(b) níl na sócmhainní dá dtagraítear i bpointe (a) faoi réir éilimh ná éilimh theagmhasacha a bhfuil réamhthosaíocht acu ar éileamh nó éileamh teagmhasach na hinstiúide a fhaigheann cosaint chreidmheasa neamhchistithe, nó atá *pari passu* leis; agus

(c) comhlíontar na ceanglais uile maidir le haithint comhthaobhachta airgeadais a leagtar amach i gCaibidil 4.

5. Chun críocha mhír 4, ní bheidh i méid na cosanta coigeartaithe i leith aon neamhréir airgeadra agus aibíochta (Ga) i gcomhréir le Caibidil 4 ach margadhluach na sócmhainní sin arna choigeartú de réir luaineachta agus déanfar ualú priacail na risíochtaí ar sholáthraí na cosanta mar a shonraítear faoin gCur Chuige Caighdeánaithe (g) a chinneadh mar an t-ualú meánphriacal ualaithe a mbeadh feidhm aige maidir leis na sócmhainní sin mar chomhthaobhacht airgeadais faoin gCur Chuige Caighdeánaithe.

6. I gcás ina bhfuil cosaint chreidmheasa iomlán nó cosaint chreidmheasa pháirteach ar bhonn pro-rata ag suíomh urrúsúcháin, beidh feidhm ag na ceanglais seo a leanas:

(a) déanfaidh an instiúid a sholáthraíonn cosaint chreidmheasa méideanna risíochta atá ualaithe ó thaobh priacail a ríomh don chion sin den suíomh urrúsúcháin atá ag fáil cosaint chreidmheasa i gcomhréir le Foroinn 3 amhail is go raibh an cion sin den suíomh sin ina seilbh dhíreach féin;

(b) ríomhfaidh an instiúid a bheidh ag ceannach cosaint chreidmheasa méideanna risíochta atá ualaithe ó thaobh priacail i gcomhréir le Caibidil 4 don chion chosanta.

7. I ngach cás nach gcumhdaítear le mír 6, beidh feidhm ag na ceanglais seo a leanas:

(a) láimhseálfaidh an instiúid a sholáthraíonn cosaint chreidmheasa an cion den suíomh atá ag fáil cosaint chreidmheasa mar shuíomh urrúsúcháin agus ríomhfaidh sí méideanna risíochta atá ualaithe ó thaobh priacail amhail is go raibh an suíomh ina seilbh dhíreach féin i gcomhréir le Foroinn 3, faoi réir mhíreanna 8, 9 agus 10;

(b) déanfaidh an instiúid a bheidh ag ceannach cosaint chreidmheasa méideanna risíochta atá ualaithe ó thaobh priacail a ríomh don chion den suíomh atá cosanta dá dtagraítear i bpointe (a) i gcomhréir le Caibidil 4. Maidir leis an gcion den suíomh urrúsúcháin nach bhfaigheann cosaint chreidmheasa, láimhseálfaidh an instiúid é mar shuíomh urrúsúcháin ar leith agus ríomhfaidh sí méideanna risíochta atá ualaithe ó thaobh priacail i gcomhréir le Foroinn 3, faoi réir mhír 8, mhír 9 agus mhír 10.

8. Déanfaidh instiúidí a úsáideann an Cur Chuige Bunaithe ar Rátálacha Inmheánacha (SEC-IRBA) nó nó an Cur Chuige Caighdeánaithe (SEC-SA) faoi Foroinn 3 an pointe ceangaltáin (A) agus an pointe dí-astaithe (D) a chinneadh ar leithligh i gcás gach suímh arna dhíorthú i gcomhréir le mír 7 amhail is gur eisíodh iad mar shuíomhanna urrúsúcháin ar leithligh tráth ar tionscnaíodh an t-idirbheart. Ríomhfar luach  $K_{IRB}$  nó  $K_{SA}$ , faoi seach, agus comhthiomsú bunaidh risíochtaí foluiteacha an tsuímh urrúsúcháin á chur san áireamh.

9. Déanfaidh instiúidí a úsáideann an Cur Chuige Bunaithe ar Rátálacha Seachtracha (SEC-ERBA) faoi Foroinn 3 le haghaidh an tsuímh urrúsúcháin bunaidh na méideanna risíochta atá ualaithe ó thaobh priacail a ríomh do na suíomhanna a dhíorthaítear i gcomhréir le mír 7 mar seo a leanas:

## ▼M5

- (a) i gcás ina bhfuil sinsearach níos airde ag an suíomh díorthaithe, sannfar ualú priacail an tsuímh urrúsúcháin bunaidh dó;
- (b) i gcás ina bhfuil sinsearach níos ísle ag an suíomh díorthaithe, féadfar rátáil atá bunaithe ar thátal a shannadh dó i gcomhréir le hAirteagal 263(7). Ríomhfar tiús ionchur T sa chás sin ar bhonn an tsuímh díorthaithe amháin. I gcás nach bhfuil rátáil bunaithe ar thátal ann, féadfaidh an institiúid an t-ualú priacail is airde a chur i bhfeidhm de thoradh ceachtar acu seo a leanas:
  - (i) SEC-SA a chur i bhfeidhm i gcomhréir le mír 8 agus Foroinn 3; nó
  - (ii) ualú priacail an tsuímh urrúsúcháin bunaidh faoi SEC-ERBA.

10. Maidir leis an suíomh díorthaithe le sinsearach níos ísle, déanfar é sin a láimhseáil mar shuíomh urrúsúcháin neamhshinsearach fiú má cháilíonn an suíomh urrúsúcháin bunaidh roimh chosaint mar shuíomh urrúsúcháin sinsearach.

*Airteagal 250***Tacaíocht intuigthe**

1. Institiúid is urraitheoir, nó institiúid tionscnóra a bhain úsáid as Airteagal 247(1) agus (2) maidir le hurrúsú le linn di méideanna risíochta atá ualaithe ó thaobh priacail a ríomh nó a bhfuil ionstraimí óna leabhar trádála díolta aici sa chaoi is nach gceanglaítear uirthi a thuilleadh cistí dílse a shealbhú maidir le priacail na n-ionstraimí sin, ní thabharfaidh sí tacaíocht, go díreach nó go hindíreach, don urrúsú thar a hoibleagáidí conarthacha ar mhaithe le caillteanais fhéideartha nó iarbhír a laghdú d'infheisteoirí.

2. Ní mheasfar go bhfuil idirbheart ina thacaíocht chun críocha mhír 1 i gcás inar cuireadh an t-idirbheart san áireamh go hiomchuí agus aistriú priacail creidmheasa shuntasaigh á mheasúnú agus go ndearna an dá pháirtí an t-idirbheart agus iad ag gníomhú ar a leas féin mar pháirtithe saora neamhspleácha (ar neamhthuilleamaí). Chun na gcríoch sin, tabharfaidh an institiúid faoi athbhreithniú creidmheasa iomlán ar an idirbheart agus, ar a laghad, cuirfidh sí na hítimí seo a leanas san áireamh:

- (a) an praghas athcheannaigh;
- (b) suíomh caipitil agus leachtachta na hinstitiúide roimh an athcheannach agus ina dhiaidh;
- (c) feidhmiú na risíochtaí foluiteacha;
- (d) feidhmiú na suíomhanna urrúsúcháin;
- (e) tionchar na tacaíochta ar na caillteanais a mheastar a thabhóidh an tionscnóir i gcomparáid leis na hinfeisteoirí.

3. Tabharfaidh an institiúid tionscnóra agus an institiúid is urraitheoir fógra don údarás inniúil i leith aon idirbheart a rinneadh i ndáil leis an urrúsú i gcomhréir le mír 2.

4. Déanfaidh ÚBE, i gcomhréir le hAirteagal 16 de Rialachán (AE) Uimh. 1093/2010, treoirlínte a eisiúint faoina bhfuil i gceist le ‘ar neamhthuilleamaí’ chun críocha an Airteagail seo agus na n-imthosca nach bhfuil idirbheart ina idirbheart struchtúrtha chun tacaíocht a sholáthar.

▼ **M5**

5. Má mhainníonn institiúid tionscnóra nó institiúid is urraitheoir mír 1 a chomhlíonadh maidir le hurrúsú, áireoidh an institiúid risíochtaí uile an tsuímh urrúsúcháin sin ina ríomh ar na méideanna risíochta atá ualaithe ó thaobh priacail amhail is nár urrasaíodh riamh iad agus nochtfaidh sí:

- (a) gur thug sí tacaíocht don suíomh urrúsúcháin agus mír 1 á sárú aici; agus
- (b) tionchar na tacaíochta a soláthraíodh ó thaobh ceanglais cistí dílse.

*Airteagal 251***Méideanna risíochta atá ualaithe ó thaobh priacail arna n-urrúsú in urrúsú sintéiseach agus arna ríomh ag institiúidí tionscnóra**

1. Chun méideanna risíochta atá ualaithe ó thaobh priacail a ríomh do na risíochtaí foluiteacha, úsáidfí institiúid tionscnóra urrúsúcháin shintéisigh na modheolaíochtaí ríomha a leagtar amach sa Roinn seo más infheidhme seachas na modheolaíochtaí a leagtar amach i gCaibidil 2. I gcás institiúidí atá ag ríomh méideanna risíochta atá ualaithe ó thaobh priacail agus, i gcás inarb ábhartha, méideanna an chaillteanais ionchasaigh i leith na risíochtaí foluiteacha faoi Chaibidil 3, beidh méid an chaillteanais ionchasaigh i leith na risíochtaí sin cothrom le nialas.

2. Beidh feidhm ag na ceanglais a leagtar amach i mír 1 den Airteagal seo maidir le comhthiomsú iomlán na risíochtaí ar a bhfuil an suíomh urrúsúcháin bunaithe. Faoi réir Airteagal 252, ríomhfaidh an institiúid tionscnóra na méideanna risíochta atá ualaithe ó thaobh priacail i ndáil leis na tráinsí uile san urrúsú i gcomhréir leis an Roinn seo, lena n-áirítear na suíomhanna inar féidir leis an institiúid maolú ar phriacal creidmheasa a aithint ina leith i gcomhréir le hAirteagal 249. Féadfar an t ualú priacail atá le cur i bhfeidhm maidir le suíomhanna a thairbhíonn de mhaolú priacail creidmheasa a leasú i gcomhréir le Caibidil 4.

*Airteagal 252***Neamhréir aibíochta in urrúsuithe sintéiseacha a láimhseáil**

Ar mhaithe le méideanna risíochta atá ualaithe ó thaobh priacail a ríomh i gcomhréir le hAirteagal 251, déanfar aon neamhréir aibíochta idir an chosaint chreidmheasa faoina mbaintear amach an t-aistriú priacail agus na risíochtaí foluiteacha a ríomh mar seo a leanas:

- (a) glacfar leis gurb í aibíocht na risíochtaí foluiteacha aibíocht aon cheann de na risíochtaí sin a bhfuil an aibíocht is faide aici, faoi réir uasteorainn 5 bliana. Cinnfear aibíocht na cosanta creidmheasa i gcomhréir le Caibidil 4;
- (b) déanfaidh institiúid tionscnóra neamhaird d'aon neamhréir i méideanna risíochtaí atá ualaithe do shuíomhanna urrúsúcháin a ríomh faoi réir ualú priacail 1 250 % i gcomhréir leis an Roinn seo. I gcás gach suímh eile, cuirfear an tslí a láimhseáiltear neamhréir aibíochta a leagtar amach i gCaibidil 4 i bhfeidhm i gcomhréir leis na foirmle seo a leanas:

$$RW^* = RW_{SP} \cdot [(t - t^*) / (T - t^*)] + RW_{Ass} \cdot [(T - t) / (T - t^*)]$$

i gcás inarb é:

▼ **M5**

- $RW^*$  = méideanna risíochta atá ualaithe ó thaobh priacail chun críocha phointe (a) d'Airteagal 92(3);
- $RW_{Ass}$  = méideanna risíochta atá ualaithe ó thaobh priacail i leith risíochtaí foluiteacha murar urrúsaíodh riamh iad, arna ríomh ar bhonn pro rata;
- $RW_{SP}$  = méideanna risíochta atá ualaithe ó thaobh priacail arna ríomh faoi Airteagal 251 mura raibh aon neamhréir aibíochta ann;
- $T$  = aibíocht na risíochtaí foluiteacha, arna sloinneadh i mblianta;
- $t$  = aibíocht na cosanta creidmheasa arna sloinneadh i mblianta;
- $t^*$  = 0,25.

*Airteagal 253***Méideanna risíochta atá ualaithe ó thaobh priacail a laghdú**

1. I gcás ina sanntar ualú priacail 1 250 % do shuíomh urrúsúcháin faoin bhForoinn seo, féadfaidh institiúidí luach risíochta an tsuímh sin a asbhaint de chaipiteal Ghnáthchothromas Leibhéal 1 i gcomhréir le pointe (k) d'Airteagal 36(1) de rogha ar an suíomh a áireamh ina ríomh ar na méideanna risíochta atá ualaithe ó thaobh priacail. Chun na críche sin, féadfaidh ríomh luach na risíochta cosaint chreidmheasa chistithe incháilithe a léiriú i gcomhréir le hAirteagal 249.
2. I gcás ina mbaineann institiúid tionscnóra úsáid as an rogha a leagtar amach i mír 1, féadfaidh sí an méid a asbhaineadh i gcomhréir le pointe (k) d'Airteagal 36(1) a bhaint as an méid a shonraítear in Airteagal 268 mar uascheanglas caipitil a ríomhfaí i ndáil leis na risíochtaí foluiteacha amhail is nár urrúsaíodh iad.

## F o r o i n n 2

**Ordlathas modhanna agus paraiméadair choiteanna***Airteagal 254***Ordlathas modhanna**

1. Úsáidfidh institiúidí ceann de na modhanna a leagtar amach i bhForoinn 3 chun méideanna risíochta atá ualaithe ó thaobh priacail a ríomh i gcomhréir leis an ordlathas seo a leanas:
  - (a) i gcás ina gcomhlíontar na coinníollacha a leagtar amach in Airteagal 258, úsáidfidh institiúid SEC-IRBA i gcomhréir le hAirteagal 259 agus le hAirteagal 260;
  - (b) i gcás nach bhféadtar SEC-ERBA a úsáid, úsáidfidh institiúid an (SEC-SA) i gcomhréir le hAirteagal 261 agus le hAirteagal 262;
  - (c) i gcás nach bhféadtar SEC-SA a úsáid, úsáidfidh institiúid an SEC-ERBA i gcomhréir le hAirteagal 263 agus le hAirteagal 264 le haghaidh suíomhanna rátáilte nó suíomhanna ar féidir rátáil atá bunaithe ar thátal a úsáid ina leith.



## ▼M5

2. I gcás suíomhanna rátáilte nó suíomhanna ar féidir rátáil atá bunaithe ar thátal a úsáid ina leith, úsáidfidh institiúid SEC-ERBA seachas SEC-SA i ngach ceann de na cásanna seo a leanas:

- (a) i gcás ina mbeadh, mar thoradh ar chur i bhfeidhm SEC-SA, ualú priacail ann a bheadh níos airde ná 25 % do shuíomhanna a cháilíonn mar shuíomhanna in urrúsú STC;
- (b) i gcás ina mbeadh, mar thoradh ar chur i bhfeidhm SEC-SA, ualú priacail ann a bheadh níos airde ná 25 % nó ina mbeadh, mar thoradh ar chur i bhfeidhm SEC-ERBA, ualú priacail ann a bheadh níos airde ná 75 % do shuíomhanna nach gcáilíonn mar shuíomhanna in urrúsú STC;
- (c) le haghaidh idirbhearta urrúsúcháin bunaithe ar chomhthiomsuithe d'iasachtaí gluaisteáin, de léasanna gluaisteán agus de léasanna trealaimh.

3. I gcásanna nach gcumhdaítear faoi mhír 2, agus de mhaolú ar phointe (b) de mhír 1, féadfaidh institiúidí a chinneadh SEC-ERBA a chur i bhfeidhm seachas SEC-SA maidir lena cuid suíomhanna urrúsúcháin rátáilte uile nó lena suíomhanna uile ar ina leith a bhféadfar rátáil bunaithe ar thátal a úsáid.

Chun críocha na chéad fhomhíre, déanfaidh institiúid fógra faoina chinneadh a thabhairt don údarás inniúil tráth nach déanaí ná an 17 Samhain 2018.

Aon chinneadh ina dhiaidh sin a dhéanfaí chun an cur chuige a cuireadh i bhfeidhm maidir lena cuid suíomhanna urrúsúcháin rátáilte uile a athrú tuilleadh, déanfaidh an institiúid fógra ina leith a thabhairt dá húdarás inniúil roimh an 15 lá de mhí na Samhna a thagann díreach tar éis an chinnidh sin.

Más rud é nach ndéanfaidh an t-údarás inniúil aon agóid faoin 15 lá den mhí Nollag sin a thagann díreach tar éis an spriocdháta dá dtagraítear sa dara fómhír nó sa tríú fómhír, de réir mar is iomchuí, beidh éifeacht ag an gcinneadh ar thug an institiúid fógra ina leith ón 1 Eanáir den bhliain dar gcionn agus beidh sé bailí go dtí go mbeidh éifeacht ag cinneadh ina dhiaidh sin dá dtugtar fógra. Ní bhainfidh institiúid úsáid as cuir chuige éagsúla san aon bhliain amháin.

4. De mhaolú ar mhír 1, féadfaidh údarás inniúla cose a chur ar institiúidí, de réir an cháis, SEC-SA a chur i bhfeidhm i gcás nach bhfuil an méid risíochta, atá ualaithe ó thaobh priacail, a thagann as cur i bhfeidhm SEC-SA ar cóimhéid leis na priacail atá ann don institiúid nó don chobhsaíocht airgeadais, lena n-áirítear an priacal creidmheasa atá leabaithe i risíochtaí foluiteacha an urrúsaithe ach gan bheith teoranta don phriacal creidmheasa sin. I gcás risíochtaí nach gcáilíonn mar shuíomhanna in urrúsú STC, féachfar go háirithe d'urrúsuithe a bhfuil gnéithe atá fíorchasta agus a bhfuil priacail mhóra ag gabháil leo.

5. Gan dochar do mhír 1 den Airteagal seo, féadfaidh institiúidí Cur Chuige an Mheasúnaithe Inmheánaigh a úsáid chun méideanna risíochta atá ualaithe ó thaobh priacail a ríomh i ndáil le suíomh gan rátáil i gclár ABCP nó in idirbheart ABCP i gcomhréir le hAirteagal 266, ar an gcoinníoll go gcomhlíonfar na coinníollacha a leagtar amach in Airteagal 265. I gcás ina bhfuil cead faighte ag institiúid leas a bhaint as an as an gCur chuige an Mheasúnaithe Inmheánaigh i gcomhréir le hAirteagal 265(2) agus má thagann suíomh sonrath i gclár ABCP nó in idirbheart ABCP laistigh den raon feidhme a chumhdaítear leis an gcead sin, bainfidh an institiúid feidhm as Cur chuige an Mheasúnaithe Inmheánaigh chun méid na risíochta atá ualaithe ó thaobh priacail a ríomh don suíomh sin.

6. I gcás suíomh ath-urrúsúcháin, cuirfidh institiúidí SEC-SA i bhfeidhm i gcomhréir le hAirteagal 261, leis na modhuithe a leagtar amach in Airteagal 269.



▼ **M5**

7. I ngach cás eile, sannfar ualú priacail 1 250 % do shuíomhanna urrúsúcháin.

8. Cuirfidh na húdaráis inniúla ÚBE ar an eolas faoi aon fhógra a thabharfar de bhun mhír 3 den Airteagal seo. Déanfaidh ÚBE faireachán ar thionchar an Airteagail seo ar cheanglais chaipitil agus ar an raon cleachtas maoirseachta a bhaineann le mír 4, den Airteagal seo agus tabharfaidh sé tuarascáil gach bliain don Choimisiún faoin méid a aimseoidh sé agus eiseoidh sé treoirilínte i gcomhréir le hAirteagal 16 de Rialachán (AE) Uimh. 1093/2010.

*Airteagal 255***K<sub>IRB</sub> agus K<sub>SA</sub> a chinneadh**

1. I gcás ina gcuireann institiúid SEC-IRBA i bhfeidhm faoi Fhoroinn 3, ríomhfaidh an institiúid K<sub>IRB</sub> i gcomhréir le mír 2 go mír 5.

2. Cinnfidh institiúidí K<sub>IRB</sub> trí na méideanna risíochta atá ualaithe ó thaobh priacail a ríomhfaí faoi Chaibidil 3 i ndáil leis na risíochtaí foluiteacha amhail is nár urrúsaíodh iad a iolrú faoi 8 %, arna roinnt faoi luach risíochta na risíochtaí foluiteacha. Sloinnfear K<sub>IRB</sub> i bhfoirm dheachúil idir nialas agus a haon.

3. Chun críocha K<sub>IRB</sub> a ríomh, áireofar ar na méideanna risíochta atá ualaithe ó thaobh priacail a ríomhfaí faoi Chaibidil 3 i ndáil leis na risíochtaí foluiteacha an méid seo a leanas:

- (a) méid na gcaillteanas ionchasach a bhaineann le risíochtaí foluiteacha uile an urrúsaithe lena n-áirítear risíochtaí foluiteacha, agus iad ar mainneachtain, atá fós mar chuid den chomhthiomsú i gcomhréir le Caibidil 3; agus
- (b) méid na gcaillteanas gan choinne a bhaineann leis na risíochtaí foluiteacha uile lena n-áirítear risíochtaí foluiteacha, agus iad ar mainneachtain, atá sa chomhthiomsú i gcomhréir le Caibidil 3;

4. Féadfaidh institiúidí K<sub>IRB</sub> a ríomh i ndáil le risíochtaí foluiteacha an urrúsaithe i gcomhréir leis na forálacha a leagtar amach i gCaibidil 3 chun riachtanais chaipitil le haghaidh earraí infhaighte ceannaithe a ríomh. Chun na gcríoch sin, láimhseálfar risíochtaí miondíola amhail earraí infhaighte miondíola ceannaithe agus láimhseálfar risíochtaí neamh-mhiondíola mar earraí infhaighte corparáideacha ceannaithe.

5. Ríomhfaidh na hinstitiúidí K<sub>IRB</sub> as féin do phriacal caolúcháin i ndáil le risíochtaí foluiteacha suíomhanna urrúsúcháin má bhíonn priacal caolúcháin ábhartha i gcás na risíochtaí sin.

I gcás ina láimhseáiltear cailteanas ó phriacail chaolúcháin agus creidmheasa ar bhealach comhiomlán san urrúsú, déanfaidh institiúidí K<sub>IRB</sub> do phriacal caolúcháin agus creidmheasa faoi seach a chomhcheangal in aon K<sub>IRB</sub> amháin chun críocha Fhoroinn 3. Féadfar a mheas, i gcás cúlchiste aonair nó ró-urrúsú comhthaobhach atá ar fáil chun cailteanas de bharr priacal creidmheasa nó caolúcháin a chumhdach, gur tásca é sin go bhfuil na priacail seo á láimhseáil ar bhealach comhiomlán.

## ▼M5

I gcás nach láimhseáiltear priacal caolúcháin agus creidmheasa ar bhealach comhiomlán san urrúsú, modhnóidh institiúidí an láimhseáil a leagtar amach sa dara mír chun an  $K_{IRB}$  faoi seach do phriacal caolúcháin agus creidmheasa a chomhcheangal ar bhealach stuama.

6. I gcás ina gcuireann institiúid SEC-SA i bhfeidhm faoi Fhoroinn 3, déanfaidh sí  $K_{SA}$  a ríomh trí na méideanna risíochta atá ualaithe ó thaobh priacail, a ríomhfaí faoi Chaibidil 2 i ndáil leis na risíochtaí foluiteacha amhail is nár urrúsaíodh iad, a iolrú faoi 8 % arna roinnt faoi luach na risíochtaí foluiteacha. Sloinnfear  $K_{SA}$  i bhfoirm dheachúil idir nialas agus a haon.

Chun críocha na míre seo, ríomhfaidh institiúidí luach risíochta na risíochtaí foluiteacha gan aon choigeartuithe priacail creidmheasa sonracha agus coigeartuithe luacha breise a ghlanluacháil i gcomhréir le hAirteagal 34 agus le hAirteagal 110 agus laghduithe cistí dílse eile.

7. Chun críocha mhír 1 go mhír 6, i gcás ina mbaineann úsáid SSPE le struchtúr urrúsúcháin, láimhseálfar risíochtaí uile SSPE a bhaineann leis an urrúsú mar risíochtaí foluiteacha. Gan dochar don mhéid thuas, féadfaidh an institiúid risíochtaí SSPE a eisiáimh ón gcomhthiomsú risíochtaí foluiteacha chun críocha  $K_{IRB}$  nó  $K_{SA}$  a ríomh mura mbeidh an priacal ó risíochtaí SSPE ábhartha nó mura ndéanfaidh sé difear do shuíomh urrúsúcháin na hinstitiúide.

I gcás urrúsuithe sintéiseacha cistithe, déanfar aon fháltais ábhartha ó eisiúint nótaí creidmheas-nasctha nó oibleagáidí cistithe eile de chuid SSPE a fhónann mar chomhthaobhacht le haghaidh aisíocaíocht na suíomhanna urrúsúcháin a áireamh i ríomh  $K_{IRB}$  nó  $K_{SA}$  má bhíonn priacal creidmheasa na comhthaobhachta faoi réir leithdháileadh an tráinse caillteanais.

8. Chun críocha an tríú fómhír de mhír 5 den Airteagal seo, eiseoidh ÚBE treoirlínte i gcomhréir le hAirteagal 16 de Rialachán (AE) Uimh. 1093/2010 maidir leis na modhanna iomchuí le  $K_{IRB}$  a chomhcheangal le haghaidh priacal caolúcháin agus creidmheasa i gcás nach láimhseáiltear na priacail sin ar bhealach comhiomlán in urrúsú.

9. Forbróidh ÚBE dréachtchaighdeáin theicniúla rialála t chun na coinníollacha a shonrú tuilleadh chun a cheadú d'institiúidí  $K_{IRB}$  a ríomh do chomhthiomsuithe risíochtaí foluiteacha i gcomhréir le mír 4, go háirithe maidir leis na nithe seo a leanas:

- (a) beartas creidmheasa inmheánach agus samhlacha chun  $K_{IRB}$  a ríomh le haghaidh urrúsuithe;
- (b) fachtóirí éagsúla priacail a úsáid a bhaineann leis an gcomhthiomsú risíochtaí foluiteacha agus, i gcás nach mbeidh go leor sonraí iontaofa nó cruinne faoin gcomhthiomsú sin ar fáil, sonraí ionadacha a úsáid chun meastachán a dhéanamh ar PD agus LGD; agus
- (c) ceanglais díchill chuí chun faireachán a dhéanamh ar na gníomhaíochtaí agus ar na beartais de chuid díoltóirí earraí infhaighte nó tionscnóirí eile.

Cuirfidh ÚBE na dréachtchaighdeáin rialála sin faoi bhráid an Choimisiúin faoin 18 Eanáir 2019.

▼ **M5**

Tarmligfear an chumhacht chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa dara fómhír den mhír seo a ghlacadh i gcomhréir leis an nós imeachta a leagtar síos in Airteagal 10 go hAirteagal 14 de Rialachán (AE) Uimh. 1093/2010.

*Airteagal 256***Pointe astaithe (A) agus pointe dí-astaithe (D) a chinneadh**

1. Chun críocha Fhoroinn 3, déanfaidh na hinstitiúidí an pointe astaithe (A) a shocrú ar an tairseach ar a dtosófaí ag dáileadh cailiteanais atá laistigh de chomhthiomsú na risíochtaí foluiteacha ar an suíomh urrúsúcháin ábhartha.

Sloinnfear an pointe astaithe (A) mar luach deachúil idir nialas agus a haon agus beidh sé cothrom leis an gceann is mó de nialas agus an cóimheas idir iarmhéid gan íoc chomhthiomsú na risíochtaí foluiteacha san urrúsú lúide iarmhéid gan íoc na dtráinsí uile atá níos sinsearaí nó *pari passu* maidir leis an tráinse ina bhfuil an suíomh urrúsúcháin ábhartha len n-áirítear an risíocht í féin agus maidir le hiamhéid gan íoc na risíochtaí foluiteacha uile san urrúsú.

2. Chun críocha Fhoroinn 3, déanfaidh na hinstitiúidí an pointe dí-astaithe (D) a chinneadh ar an tairseach ar a mbeadh cailiteanas iomlán phríomhshuim an tráinse ina bhfuil an suíomh urrúsúcháin ábhartha mar thoradh ar chailiteanais laistigh de chomhthiomsú na risíochtaí foluiteacha.

Sloinnfear an pointe dí-astaithe (D) mar luach deachúil idir nialas agus a haon agus beidh sé cothrom leis an gceann is mó de nialas agus an cóimheas idir iarmhéid gan íoc chomhthiomsú na risíochtaí foluiteacha san urrúsú lúide iarmhéid gan íoc na dtráinsí uile atá níos sinsearaí ná an tráinse ina bhfuil an suíomh urrúsúcháin ábhartha agus iarmhéid gan íoc na risíochtaí foluiteacha uile san urrúsú.

3. Chun críocha mhír 1 agus mír 2, láimhseálfaidh na hinstitiúidí ró-urrúsú comhthaobhach agus cuntais cúlchiste cistithe mar thráinsí agus na sócmhainní ina bhfuil na cuntais chúlchiste sin mar risíochtaí foluiteacha.

4. Chun críocha mhír 1 agus mhír 2, déanfaidh institiúidí neamhaird de chuntais chúlchiste neamhchistithe agus sócmhainní nach feabhsú creidmheasa iad, amhail sócmhainní nach soláthraíonn ach tacaíocht leachtach, babhtálacha airgeadra nó úis agus cuntais chomhthaobhacha airgid a bhaineann leis na suíomhanna sin san urrúsú. Maidir le cuntais chúlchiste chistithe agus sócmhainní a sholáthraíonn feabhsú creidmheasa, ní láimhseálfaidh an institiúid mar shuíomhanna urrúsúcháin ach na codanna sin de na cuntais nó na sócmhainní a bhfuil cumas glacadh cailiteanais iontu.

5. I gcás ina bhfuil aibíochtaí éagsúla ag dhá cheann de shuíomhanna sinsearacha nó níos mó den idirbheart céanna ach go bhfuil an leithdháileadh cailiteanais pro rata chéanna acu, déanfar ríomh na bpointí astaithe (A) agus na bpointí dí-astaithe (D) a bhunú ar iarmhéid comhiomlánaithe gan íoc na suíomhanna sin agus beidh na pointí astaithe (A) agus na pointí dí-astaithe (D) a thagann as sin mar an gcéanna.

▼ **M5***Airteagal 257***An tráinse aibíochta ( $M_T$ ) a chinneadh**

1. Chun críocha Fhoroinn 3 agus faoi réir mhír 2, féadann institiúidí aibíocht tráinse ( $M_T$ ) a thomhas:

- (a) mar mheánaibíocht ualaithe na n-íocaíochtaí conarthacha atá dlite faoin tráinse i gcomhréir leis an bhfoirmle a leanas:

$$\sum_t t \cdot CF_t / \sum_t CF_t,$$

i gcás ina gcuireann  $CF_t$  gach íocaíocht chonarthach in iúl (príomhshuim, ús agus táillí) atá iníoctha ag an iasachtaí le linn an tréimhse  $t$ ; nó

- (b) mar aibíocht dhlíthiúil deiridh an tráinse i gcomhréir leis an bhfoirmle seo a leanas:

$$M_T = 1 + (M_L - 1) * 80 \%,$$

i gcás inarb é  $M_L$  aibíocht dhlíthiúil deiridh an tráinse.

2. Chun críocha mhír 1, beidh an cinneadh faoi aibíocht tráinse ( $M_T$ ) faoi réir íostairseach bliain amháin agus uastairseach 5 bliana i ngach cás.

3. Nuair a d'fhéadfadh institiúid a bheith ar ris cailteanais ionchasacha ó na risíochtaí foluiteacha de bhua conartha, déanfaidh an institiúid aibíocht suíomhanna urrúsúcháin a chinneadh trí aird a thabhairt ar aibíocht an chonartha agus ar an aibíocht is faide i gcás risíochtaí foluiteacha den chineál sin. Maidir le risíochtaí imrothlacha, beidh feidhm ag an aibíocht risíochta iarmhír is faide is féidir de réir conartha a d'fhéadfaí a chur leo le linn na tréimhse imrothlaí.

4. Déanfaidh ÚBE faireachán ar an raon cleachtas sa réimse seo, agus aird ar leith á tabhairt aige do chur i bhfeidhm phointe (a) de mhír 1 den Airteagal seo, agus déanfaidh sé, i gcomhréir le hAirteagal 16 de Rialachán (AE) Uimh. 1093/2010, treoirilínte a eisiúint faoin 31 Nollaig 2019.

## F o r o i n n 3

**Modhanna chun méideanna risíochta atá ualaithe ó thaobh priacail a ríomh***Airteagal 258***Coinníollacha maidir leis an gCur Chuige Bunaithe ar Rátálacha Inmheánach (SEC-IRBA) a úsáid**

1. Bainfidh institiúidí úsáid as SEC-IRBA chun méideanna risíochta atá ualaithe ó thaobh priacail a ríomh maidir le suíomh urrúsúcháin i gcás ina gcomhlíontar na coinníollacha seo a leanas:

▼ **M5**

- (a) tá an suíomh bunaithe ar chomhthiomsú IRB nó ar chomhthiomsú measctha, ar an gcoinníoll maidir leis an dara cás, gur féidir leis an institiúid  $K_{IRB}$  a ríomh i gcomhréir le Roinn 3 ar 95 % ar a laghad den mhéid risíochta foluiteach;
- (b) is leor an méid faisnéise atá ar fáil maidir le risíochtaí foluiteacha an urrúsaithe chun go mbeidh an institiúid in ann  $K_{IRB}$  a ríomh; agus
- (c) níl bac ar an institiúid SEC-IRBA a úsáid maidir le suíomh urrúsúcháin áirithe i gcomhréir le mír 2.

2. Féadfaidh údarais inniúla ar bhonn gach cáis ar leith bac a chur ar úsáid SEC-IRBA i gcás ina bhfuil gnéithe an-chasta ag urrúsaithe nó ina bhfuil gnéithe a bhfuil go leor priacail ag baint leo acu. Chun na gcríoch sin, féadfar a mheas gur gnéithe an-chasta nó gnéithe a bhfuil go leor priacail ag baint leo na gnéithe a leanas:

- (a) feabhsú creidmheasa a d'fhéadfaí a chreimeadh ar chúiseanna eile seachas cailteanais punainne;
- (b) comhthiomsuithe risíochtaí foluiteacha ina bhfuil leibhéal ard comhghaoil inmheánaigh mar thoradh ar risíochtaí ródhlúth ar earnálacha ar leith nó ar limistéir gheoghrafacha;
- (c) idirbhearta ina bhfuil aisioc na suíomhanna urrúsúcháin ag brath go mór ar spreagaithe priacail nach bhfuil léirithe sa  $K_{IRB}$ ; nó
- (d) leithdháiltí an-chasta cailteanais idir tráinsí.

*Airteagal 259***Méideanna risíochta atá ualaithe ó thaobh priacail a ríomh faoi SEC-IRBA**

1. Faoi SEC-IRBA, déanfar an méid risíochta atá ualaithe ó thaobh priacail maidir le suíomh urrúsúcháin a ríomh trí luach risíochta an tsuimh, a ríomhtar i gcomhréir le hAirteagal 248, a iolrú faoin ualú priacail is infheidhme a chinnfear mar a leanas, faoi réir iostairseach 15 % i ngach cás:

$$\begin{aligned}
 RW &= 1\,250\% && \text{nuair atá } D \leq K_{IRB} \\
 RW &= 12,5 \cdot K_{SSFA(K_{IRB})} && \text{nuair atá } A \geq K_{IRB} \\
 RW &= \left[ \left( \frac{K_{IRB}-A}{D-A} \right) \cdot 12,5 \right] + \left[ \left( \frac{D-K_{IRB}}{D-A} \right) \cdot 12,5 \cdot K_{SSFA(K_{IRB})} \right] && \text{nuair atá } A < K_{IRB} < D
 \end{aligned}$$

i gcás inarb ionann:

$K_{IRB}$  agus muirear caipitil chomhthiomsú na risíochtaí foluiteacha mar a shainmhínítear in Airteagal 255

D agus an pointe dí-astaithe arna chinneadh i gcomhréir le hAirteagal 256

A agus an pointe astaithe arna chinneadh i gcomhréir le hAirteagal 256

$$K_{SSFA(K_{IRB})} = \frac{e^{a \cdot u} - e^{a \cdot l}}{a(u - l)}$$

i gcás inarb ionann:

$$a = - (1/(p * K_{IRB}))$$

$$u = D - K_{IRB}$$

$$l = \text{uasmhéid } (A - K_{IRB}; 0)$$

▼ **M5**

i gcás inarb ionann:

$$p = \max [0,3; (A + B*(1/N) + C*K_{IRB} + D*LGD + E*M_T)]$$

i gcás inarb ionann:

N agus líon éifeachtach na risíochtaí i gcomhthiomsú na risíochtaí foluiteacha, arna ríomh i gcomhréir le mír 4.

LGD agus an meánchailteanas i gcás mainneachtana atá ualaithe ó thaobh na risíochtaí i gcomhthiomsú na risíochtaí foluiteacha, arna ríomh i gcomhréir le mír 5.

M<sub>T</sub> agus aibíocht an tráinse arna cinneadh i gcomhréir le hAirteagal 257.

Déanfar na paraiméadair A,B,C, D agus E a chinneadh i gcomhréir leis an tábla cuardaigh seo:

		A	B	C	D	E
Neamh-mhiondíol	Sinsearach, gráinneach (N ≥ 25)	0	3,56	-1,85	0,55	0,07
	Sinsearach, neamhgráinneach (N < 25)	0,11	2,61	-2,91	0,68	0,07
	Neamhshinsearach, gráinneach (N ≥ 25)	0,16	2,87	-1,03	0,21	0,07
	Neamhshinsearach, neamhgráinneach (N < 25)	0,22	2,35	-2,46	0,48	0,07
Miondíol	Sinsearach	0	0	-7,48	0,71	0,24
	Neamhshinsearach	0	0	-5,78	0,55	0,27

2. Má tá risíochtaí miondíola agus neamh-mhiondíola araon sa chomhthiomsú foluiteach IRB, roinnfear an comhthiomsú i bhfochomhthiomsú miondíola amháin agus i bhfochomhthiomsú neamh-mhiondíola amháin, agus maidir le gach fochomhthiomsú, déanfar meastachán ar p-pharaiméadar ar leithligh (agus ar na paraiméadair ionchuir freagracha N, K<sub>IRB</sub> agus LGD). Ina dhiaidh sin, déanfar meán p-pharaiméadar ualaithe a ríomh don idirbheart ar bhonn p-pharaiméadair gach fochomhthiomsaithe agus mhéid ainmniúil na risíochtaí i ngach fochomhthiomsú.

3. I gcás ina gcuireann institiúid SEC-IRBA i bhfeidhm maidir le comhthiomsú measctha, déanfar ríomh an p-pharaiméadair a bhunú ar na risíochtaí foluiteacha faoi réir an Chur Chuige IRB amháin. Déanfar neamhaird ar na risíochtaí foluiteacha atá faoi réir an Chur Chuige Caihdeánaithe chun na gcríoch seo.

4. Ríomhfáir líon éifeachtach na risíochtaí (N) mar a leanas:

$$N = \frac{(\sum_i EAD_i)^2}{\sum_i EAD_i^2}$$

i gcás ina léiríonn EAD<sub>i</sub> an luach risíochta a bhaineann leis an i<sup>ú</sup> risíocht sa chomhthiomsú.

Comhdhlúthófar risíochtaí iolracha ar an oibleagáideoir céanna agus láimhseálfar iad mar risíocht amháin.

5. Ríomhfáir an meánLGD atá ualaithe ó thaobh risíochta, mar a leanas:

$$LGD = \frac{\sum_i LGD_i \cdot EAD_i}{\sum_i EAD_i}$$

## ▼M5

i gcás ina léiríonn LGDi an meán LGD a bhaineann le gach risíocht ar an  $i^{\text{ú}}$  oibleagáideoir.

I gcás ina láimhseáiltear priacail chreidmheasa agus chaolúcháin le haghaidh earraí infhaighte ceannaithe ar bhealach comhiomlán laistigh d'urrúsú, measfar an t-ionchur LGD a bheith mar mheán ualaithe an LGD i gcás priacal creidmheasa agus mar 100 % an LGD i gcás priacal caolúcháin. Is iad ceanglais chaipitil dhílse neamhspleácha an Cur chuige IRB a bhaineann le priacal creidmheasa agus le priacal caolúcháin faoi seach a bheidh ina n-ualaí. Chun na gcríoch seo, féadfar a mheas gur léiriú é cúlchiste aonair nó ró-urrúsú comhthaobhach atá ar fáil chun cailteanais de bharr priacal creidmheasa nó priacal caolúcháin a chumhdach go bhfuil na priacail seo á mbainistiú ar bhealach comhiomlán.

6. I gcás nach mó ná 3 % sciar na risíochta foluití is mó sa chomhthiomsú ( $C_1$ ), féadfaidh institiúidí an modh simplithe seo a leanas a úsáid chun  $N$  agus na meánLGDanna atá ualaithe ó thaobh risíochta a ríomh:

$$N = \left( C_1 \cdot C_m + \left( \frac{C_m - C_1}{m - 1} \right) \cdot \max\{1 - m \cdot C_1, 0\} \right)^{-1}$$

$$\text{LGD} = 0,50$$

i gcás inarb ionann

$C_m$  agus an sciar den chomhthiomsú a chomhfhreagraíonn do shuim na m-risíochtaí is mó; agus

$m$  is í an institiúid a leagann síos  $m$ .

Mura bhfuil le fáil ach  $C_1$  agus murar mó an méid seo ná 0.03, féadfaidh an institiúid an LGD a leagan síos mar 0.50 agus  $N$  mar  $1/C_1$ .

7. I gcás ina bhfuil an suíomh bunaithe ar chomhthiomsú measctha agus ina bhfuil an institiúid in ann  $K_{\text{IRB}}$  a ríomh ar 95 % de na méideanna risíochta foluiteacha ar a laghad i gcomhréir le pointe (a) d'Airteagal 258(1), ríomhfaidh an institiúid an muirear caipitil don chomhthiomsú risíochtaí foluiteacha mar:

$$d \cdot K_{\text{IRB}} + (1 - d) \cdot K_{\text{SA}},$$

i gcás inarb ionann

$d$  agus an sciar de mhéid risíochta na risíochtaí foluiteacha a bhfuil an institiúid in ann  $K_{\text{IRB}}$  a ríomh ina leith thar mhéid risíochta na risíochtaí foluiteacha go léir.

8. I gcás ina bhfuil suíomh urrúsúcháin i bhfoirm díorthaigh ag institiúid chun priacail mhargaidh, lena n-áirítear priacail ráta úis nó airgeadra a fhálú, féadfaidh an institiúid ualú priacail atá bunaithe ar thátal a shannadh don díorthach sin, ualú atá coibhéiseach le hualú priacail an tsuímh tagartha arna ríomh i gcomhréir leis an Airteagal seo.

Chun críocha na chéad fhomhíre, is éard a bheidh sa suíomh tagartha ná an suíomh atá *pari passu* ar gach bealach leis an díorthach, nó i gcás nach ann don suíomh *pari passu* sin, an suíomh atá díreach faoi réir an díorthaigh.

▼ **M5***Airteagal 260***Urrúisithe STC a láimhseáil faoi SEC-IRBA**

Faoi SEC-IRBA, ríomhfar an t-ualú priacail maidir le suíomh in urrúsú STC i gcomhréir le hAirteagal 259, faoi réir na modhnuithe seo a leanas:

íosualú priacail do shuíomhanna urrúsúcháin sinsearacha = 10 %

$$p = \max [0,3; 0,5 \cdot (A + B \cdot (1/N) + C \cdot K_{IRB} + D \cdot LGD + E \cdot M_T)]$$

*Airteagal 261***Méideanna risíochta atá ualaithe ó thaobh priacail a ríomh faoin gCur Chuige Caighdeánaithe (SEC-SA)**

1. Faoi SEC-SA, déanfar an méid risíochta atá ualaithe ó thaobh priacail maidir le suíomh in urrúsú a ríomh trí luach risíochta an tsuimh arna ríomh i gcomhréir le hAirteagal 248 a iolrú faoin ualú priacail is infheidhme a chinnfear mar a leanas, faoi réir íostairseach 15 % i ngach cás:

$$\begin{aligned} RW &= 1250 \% && \text{nuair atá } D \leq K_A \\ RW &= 12.5 \cdot K_{SSFA(K_A)} && \text{nuair atá } A \geq K_A \\ RW &= \left[ \left( \frac{K_A - A}{D - A} \right) \cdot 12.5 \right] + \left[ \left( \frac{D - K_A}{D - A} \right) \cdot 12.5 \cdot K_{SSFA(K_A)} \right] && \text{when } A < K_A < D \end{aligned}$$

i gcás inarb ionann:

D agus an pointe dí-astaithe arna chinneadh i gcomhréir le hAirteagal 256;

A agus an pointe astaithe arna chinneadh i gcomhréir le hAirteagal 256;

$K_A$  Is paraiméadar é  $K_A$  a ríomhtar i gcomhréir le mír 2;

$$K_{SSFA(K_A)} = \frac{e^{a \cdot u} - e^{a \cdot l}}{a(u - l)}$$

i gcás inarb ionann:

$$a = - (1/(p \cdot K_A))$$

$$u = D - K_A$$

$$l = \text{uasmhéid } (A - K_A; 0)$$

$p$  = maidir le risíocht urrúsúcháin nach risíocht ath-urrúsúcháin í

2. Chun críocha mhír 1, ríomhfar  $K_A$  mar a leanas:

$$K_A = (1 - W) \cdot K_{SA} + W \cdot 0.5$$

i gcás inarb ionann:

$K_{SA}$  agus muirear caipítail an chomhthiomsaithe fholuitigh mar a shainmhínítear in Airteagal 255;

ina bhfuil  $W$  = an cóimheas idir:

(a) suim mhéid ainmniúil na risíochtaí foluiteacha ar mainneachtain, agus

(b) suim mhéid ainmniúil na risíochtaí foluiteacha uile.



▼ **M5**

Chun na gcríoch seo, ciallóidh risíocht ar mainneachtain risíocht fholuiteach atá: (i) 90 lá nó níos mó thar téarma; (ii) faoi réir ag imeachtaí fêimheachta nó dócmhainneachta; (iii) faoi réir ag imeacht foriaimh nó imeacht comhchosúil; nó (iv) ar mainneachtain i gcomhréir leis an doiciméadacht urrúsúcháin.

I gcás nach eol d'institiúid stádas faillí 5 % nó níos lú de na risíochtaí foluiteacha sa chomhthiomsú, féadfaidh an institiúid SEC-SA a úsáid i gcomhréir leis an gcoigeartú seo a leanas maidir le  $K_A$  a ríomh:

$$K_A = \left( \frac{EAD_{\text{Subpool 1 where W known}}}{EAD \text{ Total}} \times K_A^{\text{Subpool 1 where W known}} \right) + \frac{EAD_{\text{Subpool 2 where W unknown}}}{EAD \text{ Total}}$$

I gcás nach eol d'institiúid stádas faillí níos mó ná 5 % de na risíochtaí foluiteacha sa chomhthiomsú, ní mór an suíomh san urrúsú a ualú ó thaobh priacail ag 1 250 %.

3. I gcás ina bhfuil suíomh urrúsúcháin i bhfoirm díorthaigh ag institiúid chun priacail mhargaidh, lena n-áirítear priacail ráta úis nó airgeadra a fhálú, féadfaidh an institiúid ualú priacail atá bunaithe ar tháil a shannadh don díorthach sin, ualú atá coibhéiseach le hualú priacail an tsuímh tagartha arna ríomh i gcomhréir leis an Airteagal seo.

Chun críocha na chéad mhíre seo, is éard a bheidh sa suíomh tagartha ná an suíomh atá *pari passu* ar gach bealach leis an díorthach, nó i gcás nach ann don suíomh *pari passu* sin, an suíomh atá díreach faoi réir an díorthaigh.

*Airteagal 262***Urrúisithe STC a láimhseáil faoi SEC-SA**

Faoi SEC-IRBA, déanfar an t-ualú priacail maidir le suíomh in urrúsú STC a ríomh i gcomhréir le hAirteagal 261, faoi réir na modhnuithe seo a leanas:

íosualú priacail do shuíomhanna urrúsúcháin sinsearacha = 10 %

$p = 0.5$

*Airteagal 263***Méideanna risíochta atá ualaithe ó thaobh priacail a ríomh faoin gCur Chuige Bunaithe ar Rátálacha Seachtracha (SEC-IRBA)**

1. Faoi SEC-IRBA, déanfar an méid risíochta atá ualaithe ó thaobh priacail maidir le suíomh urrúsúcháin a ríomh trí luach risíochta an tsuímh, a ríomhtar i gcomhréir le hAirteagal 248, a iolrú faoin ualú priacail is infheidhme i gcomhréir leis an Airteagal seo.

2. Maidir le risíochtaí a mbaineann measúnuithe creidmheasa gearrthéarmacha leo nó nuair is féidir rátáil atá bunaithe ar mheasúnú creidmheasa gearrthéarmach a bhunú de réir rátáil i gcomhréir le mír 7, beidh feidhm ag na hualáí priacail a leanas:

*Tábla 1*

Céim Creidmheasa	Cáilíochta	1	2	3	Gach rátáil eile
Ualú priacail		15 %	50 %	100 %	1 250 %

▼ **M5**

3. Maidir le risíochtaí a mbaineann measúnuithe creidmheasa fadtéarmacha leo nó nuair is féidir rátáil atá bunaithe ar mheasúnú creidmheasa fadtéarmach a bhunú de réir tática i gcomhréir le mír 7 den Airteagal seo, beidh feidhm ag na hualuithe prícaíl i dTábla 2 agus iad coigeartaithe mar is infheidhme maidir le haibíocht tráinse ( $M_T$ ) i gcomhréir le hAirteagal 257 agus mír 4 den Airteagal seo agus maidir le tiús tráinse le haghaidh tráinsí neamhshinsearacha i gcomhréir le mír 5 den Airteagal seo:

Tábla 2

Céim Cáilíochta Creidmheasa	Tráinse is sinsearaí		Tráinse neamhshinsearach (tanaí)	
	Aibíocht tráinse ( $M_T$ )		Aibíocht tráinse ( $M_T$ )	
	1 bhliain	5 bliana	1 bhliain	5 bliana
1	15 %	20 %	15 %	70 %
2	15 %	30 %	15 %	90 %
3	25 %	40 %	30 %	120 %
4	30 %	45 %	40 %	140 %
5	40 %	50 %	60 %	160 %
6	50 %	65 %	80 %	180 %
7	60 %	70 %	120 %	210 %
8	75 %	90 %	170 %	260 %
9	90 %	105 %	220 %	310 %
10	120 %	140 %	330 %	420 %
11	140 %	160 %	470 %	580 %
12	160 %	180 %	620 %	760 %
13	200 %	225 %	750 %	860 %
14	250 %	280 %	900 %	950 %
15	310 %	340 %	1 050 %	1 050 %
16	380 %	420 %	1 130 %	1 130 %
17	460 %	505 %	1 250 %	1 250 %
Gach ceann eile	1 250 %	1 250 %	1 250 %	1 250 %

4. D'fhonn an t-ualú prícaíl do thráinsí ina bhfuil aibíocht idir 1 bhliain agus 5 bliana a chinneadh, úsáidfidh institiúidí idirshuíomh líneach idir na hualuithe prícaíl is infheidhme maidir le haibíocht aon bhliain amháin agus 5 bliana faoi seach i gcomhréir le Tábla 2.

5. D'fhonn an tiús tráinse a chur san áireamh, déanfaidh institiúidí an t-ualú prícaíl do thráinsí neamhshinsearacha a ríomh mar a leanas:

$$RW = [RW \text{ tar éis coigeartú maidir le haibíocht de réir mhír 4 a dhéanamh}] \cdot [1 - \text{íos}(T; 50\%)]$$

▼ **M5**

i gcás inarb ionann

$T = \text{tiús an tráinse arna thomhas mar } D - A$

i gcás inarb ionann

D agus an pointe dí-astaithe arna chinneadh i gcomhréir le hAirteagal 256

A agus an pointe astaithe arna chinneadh i gcomhréir le hAirteagal 256

6. Beidh na hualuithe priacail maidir le tráinsí neamhshinsearacha de thoradh mhír 3 go mhír 5 faoi réir íostairseach 15 %. Ina theannta sin, ní bheidh na hualuithe priacail mar thoradh air sin níos ísle ná an t-ualú priacail a fhreagraíonn do thráinse hipitéiseach sinsearach den urrúsú céanna leis agus an measúnú creidmheasa agus an aibíocht chéanna.

7. Chun rátálacha atá bunaithe ar thátal a úsáid, sannfaidh institiúidí rátáil atá bunaithe ar thátal do shuíomh gan rátáil agus beidh an rátáil sin coibhéiseach le measúnú creidmheasa suímh tagartha rátáilte a chomhlíonann na coinníollacha seo go léir:

- (a) tá an suíomh tagartha ar comhchéim ar gach bealach leis an suíomh urrúsúcháin gan rátáil nó, i gcás nach ann d'aicmiú *pari passu*, tá an suíomh tagartha díreach faoi réir an tsuímh gan rátáil;
- (b) ní bhaineann an suíomh tagartha aon tairbhe as ráthaíochtaí tríú páirtí nó as aon fheabhsuithe creidmheasa eile nach bhfuil ar fáil ag an suíomh gan rátáil;
- (c) beidh aibíocht an tsuímh tagartha cothrom le haibíocht an tsuímh gan rátáil atá i gceist nó níos faide ná í;
- (d) ar bhonn leanúnach, tabharfar aon rátáil bunaithe ar thátal cothrom le dáta chun aon athruithe maidir le measúnú creidmheasa an tsuímh tagartha a léiriú.

8. I gcás ina bhfuil suíomh urrúsúcháin i bhfoirm díorthaigh ag institiúid chun priacail mhargaidh, lena n-áirítear priacail ráta úis nó airgeadra, a fhálú, féadfaidh an institiúid ualú priacail atá bunaithe ar thátal a shannadh don díorthach sin, ualú atá coibhéiseach le hualú priacail an tsuímh tagartha arna ríomh i gcomhréir leis an Airteagal seo.

Chun críocha na chéad fhomhíre, is éard a bheidh sa suíomh tagartha ná an suíomh atá *pari passu* ar gach bealach leis an díorthach, nó i gcás nach ann don suíomh *pari passu* sin, an suíomh atá díreach faoi réir an díorthaigh.

*Airteagal 264*

**Urrúsuithe STC a láimhseáil faoi SEC-ERBA**

1. Faoi SEC-ERBA, ríomhfar an t-ualú priacail maidir le suíomh in urrúsú STC i gcomhréir le hAirteagal 263, faoi réir na modhnuithe a leagtar síos san Airteagal seo.

2. Maidir le risíochtaí a mbaineann measúnuithe creidmheasa gearrthéarmacha leo nó nuair is féidir rátáil atá bunaithe ar mheasúnú creidmheasa gearrthéarmach a bhunú de réir rátáil i gcomhréir le hAirteagal 263(7), beidh na hualuithe priacail a leanas infheidhme:

▼ **M5**

Tábla 3

Céim Créidmheasa	Cáilíochta	1	2	3	Gach rátáil eile
Ualú priacail		10 %	30 %	60 %	1 250 %

3. Maidir le risíochtaí a mbaineann measúnuithe creidmheasa fadtéarmacha leo nó nuair is féidir rátáil atá bunaithe ar mheasúnú creidmheasa fadtéarmach a bhunú de réir taitail i gcomhréir le hAirteagal 263(7), cinnfear ualuithe priacail i gcomhréir le Tábla 4 agus iad coigeartaithe maidir le haibíocht tráinse ( $M_T$ ) i gcomhréir le hAirteagal 257 agus le hAirteagal 263(4) agus maidir le tiús tráinse le haghaidh tráinse neamhshinsearacha i gcomhréir le hAirteagal 263(5):

Tábla 4

Céim Cáilíochta Créidmheasa	Tráinse is sinsearaí		Tráinse neamhshinsearach (tanaí)	
	Aibíocht tráinse ( $M_T$ )		Aibíocht tráinse ( $M_T$ )	
	1 bhliain	5 bliana	1 bhliain	5 bliana
1	10 %	10 %	15 %	40 %
2	10 %	15 %	15 %	55 %
3	15 %	20 %	15 %	70 %
4	15 %	25 %	25 %	80 %
5	20 %	30 %	35 %	95 %
6	30 %	40 %	60 %	135 %
7	35 %	40 %	95 %	170 %
8	45 %	55 %	150 %	225 %
9	55 %	65 %	180 %	255 %
10	70 %	85 %	270 %	345 %
11	120 %	135 %	405 %	500 %
12	135 %	155 %	535 %	655 %
13	170 %	195 %	645 %	740 %
14	225 %	250 %	810 %	855 %
15	280 %	305 %	945 %	945 %
16	340 %	380 %	1 015 %	1 015 %
17	415 %	455 %	1 250 %	1 250 %
Gach ceann eile	1 250 %	1 250 %	1 250 %	1 250 %

## Airteagal 265

**Raon feidhme agus ceanglais oibríochtúla Chur Chuige an Mheasúnaithe Inmheánaigh**

1. Féadfaidh institiúidí méideanna risíochta atá ualaithe ó thaobh priacail do shuíomhanna gan rátáil ar chláir ABCP nó in idirbhearta ABCP faoi Chur Chuige an Mheasúnaithe Inmheánaigh a ríomh i gcomhréir le hAirteagal 266 nuair a chomhlíontar na coinníollacha a leagtar amach i mír 2 den Airteagal seo.

I gcás ina bhfuil B cead faighte ag institiúid chun Cur Chuige an Mheasúnaithe Inmheánaigh a chur i bhfeidhm i gcomhréir le mír 2 den

## ▼M5

Airteagal seo, agus ina dtagann suíomh sonrath i gclár ABCP nó in idirbheart ABCP laistigh den raon feidhme a chumhdaítear leis an gcead sin, cuirfidh an institiúid an chur chuige sin i bhfeidhm chun méid na risíochta atá ualaithe ó thaobh príacaíl a ríomh don suíomh sin.

2. Tabharfaidh na húdaráis inniúla cead d'institiúidí Cur Chuige an Mheasúnaithe Inmheánaigh a chur i bhfeidhm laistigh de raon feidhme atá sainithe go soiléir i gcás ina gcomhlíontar na coinníollacha seo a leanas go léir:

- (a) is suíomhanna rátáilte na suíomhanna go léir sa pháipéar tráchtála arna eisiúint ag an gclár ABCP;
- (b) léiríonn an measúnú inmheánach ar cháilíocht chreidmheasa an tsuímh an mhodheolaíochta mheasúnaithe atá ag IMCS amháin nó níos mó atá ar fáil don phobal, chun suíomhanna urrúsúcháin atá bunaithe ar risíochtaí foluiteacha den chineál atá urrúsuithe a rátáil;
- (c) an páipéar tráchtála a eisítear ón gclár ABCP, den chuid is mó eisítear d'infheisteoirí tríú páirtí é;
- (d) tá próiseas measúnaithe inmheánach na hinstitiúide chomh coimeádach ar a laghad agus measúnuithe na IMCSanna sin atá ar fáil don phobal a sholáthair rátáil sheachtrach don pháipéar tráchtála arna eisiúint ag an gclár ABCP, go háirithe maidir le fachtóirí struis agus gnéithe cainníochtúla ábhartha eile;
- (e) cuireann modheolaíocht na hinstitiúide maidir le measúnú inmheánach san áireamh gach modheolaíocht rátála ábhartha, atá ar fáil don phobal, de chuid na IMCSanna faoina rátáiltear páipéar tráchtála an chláir ABCP agus cuirtear san áireamh gráid rátála a fhreagraíonn do mheasúnuithe creidmheasa IMCSanna. Tabharfaidh an institiúid ina taifid inmheánacha ráiteas miniúcháin ina ndéanfar cur síos ar an gcaoi ar comhlíonadh na ceanglais a leagtar amach sa phointe seo agus tabharfaidh sí an ráiteas sin cothrom le dáta ar bhonn rialta;
- (f) úsáideann an institiúid an mhodheolaíocht um measúnú inmheánach chun críocha bainistithe príacaíl inmheánaigh, lena n-áirítear a próisis cinnteoireachta, bainistíochta faisnéise agus a próisis inmheánacha maidir le leithdháileadh caipitil;
- (g) déanann iniúcháirí inmheánacha nó seachtracha, IMCS, nó feidhm inmheánach athbhreithnithe creidmheasa nó bainistíochta príacaíl na hinstitiúide athbhreithniú rialta ar an bpróiseas measúnaithe inmheánaigh agus ar cháilíocht na measúnuithe inmheánacha arna ndéanamh ar cháilíocht chreidmheasa risíochtaí na hinstitiúide ar chláir ABCP nó ar idirbheart ABCP;
- (h) déanfaidh an institiúid feidhmíocht a rátálacha inmheánacha a rianú le himeacht ama chun meastóireacht a dhéanamh ar fheidhmíocht a modheolaíochta um measúnú inmheánach agus déanfaidh sí an mhodheolaíocht sin a choigeartú, de réir mar is gá, má bhíonn difríocht rialta idir feidhmíocht na risíochtaí agus an fheidhmíocht arna léiriú ag na rátálacha inmheánacha;
- (i) áireofar leis an gclár ABCP caighdeáin um bainistíocht frithgheallta agus dliteanais i bhfoirm treoirilnte do riarthóir an chláir maidir leis an méid seo a leanas, ar a laghad:
  - (i) na critéir maidir le hincháilitheacht sócmhainní, faoi réir phointe (j);
  - (ii) cineálacha agus luach airgeadaíoch na risíochtaí mar thoradh ar sholáthar saoráidí leachtachta agus feabhsuithe creidmheasa;

## ▼M5

- (iii) an dáileachán cailteanais idir na suíomhanna urrúsúcháin sa chlár nó san idirbheart ABCP;
- (iv) aonrú dlíthiúil agus eacnamaíoch na sócmhainní aistrithe ón eintiteas atá i mbun na sócmhainní a dhíol;
- (j) leis na critéir maidir le hincháilitheacht sócmhainní sa chlár ABCP déantar foráil maidir leis an méid seo a leanas, ar a laghad:
  - (i) eisiámh ceannach sócmhainní atá go mór thar téarma nó ar mainneachtain;
  - (ii) teorannú ró-chomhchruinnithe maidir le limistéar geografach nó oibleagáideoir aonair; agus
  - (iii) teorannú éirim na sócmhainní a bheidh le ceannach;
- (k) go ndéantar anailís ar phriacail chreidmheasa agus ar phróifíl ghnó dhíoltóir na sócmhainne, lena n-áireofar ar a laghad measúnú:
  - (i) ar fheidhmíocht airgeadais an díoltóra roimhe seo agus ar an bhfeidhmíocht airgeadais is dóigh a bheidh aige amach anseo;
  - (ii) ar shuíomh reatha an díoltóra ar an margadh, agus ar an iomaíochas is dócha a bheidh ann amach anseo;
  - (iii) ar luamhánacht, sreabhadh airgid, cumhdach úis agus rátáil fiachais an díoltóra; agus
  - (iv) ar chaighdeán frithgheallta, cumas fiachas a sheirbhísiú, agus próisis bailiúcháin an díoltóra;
- (l) tá beartais agus próisis bailiúcháin ag an gclár ABCP a chuireann cumas oibriúcháin agus cáilíocht chreidmheasa an tseirbhíseora san áireamh agus a chuimsíonn gnéithe a mhaolaíonn priacail a bhaineann le feidhmíocht an díoltóra agus an tseirbhíseora. Chun críocha an phointe seo, féadfar priacail a bhaineann le feidhmíocht a mhaolú trí thucaidí a bheidh bunaithe ar cháilíocht chreidmheasa reatha an díoltóra nó an tseirbhíseora cosc a chur ar mheascadh cistí i gcás mhainneachtain an díoltóra nó an tseirbhíseora;
- (m) cuirtear san áireamh sa mheastachán comhiomlánaithe cailteanais ar chomhthiomsú sócmhainní a d'fhéadfaí a cheannach faoin gclár ABCP gach foinse a d'fhéadfadh priacal a beith ag baint leo, amhail priacal creidmheasa agus caolúcháin;
- (n) i gcás ina bhfuil méid na bhfeabhsuithe creidmheasa a sholáthair an díoltóir bunaithe ar chailteanais a bhaineann le creidmheas agus orthu sin amháin, agus más iomchuí an priacal caolúcháin i gcás an chomhthiomsaithe sócmhainní ar leith sin, is cúlchiste ar leithligh a bheidh sa chlár ABCP le haghaidh priacal caolúcháin;
- (o) déantar méid an leibhéil fheabhsaithe is gá sa chlár ABCP a ríomh trí aird a thabhairt ar roinnt blianta d'fhaisnéis stairiúil, lena n-áirítear cailteanais, ciontóireacht, caoluithe, agus ráta láimhdeachais earraí infhaighte;
- (p) sa chlár ABCP, tá gnéithe struchtúracha i gceist le linn risíochtaí a cheannach d'fhonn meathlú creidmheasa féideartha na punainne fóluití a mhaolú. D'fhéadfaí tairseacha clabhsúir a bhaineann go sonrach le comhthiomsú risíochtaí a bheith ina ngnéithe sin;

▼ **M5**

(q) déanfaidh an institiúid meastóireacht ar na gnéithe a bhaineann leis an gcomhthiomsú sócmhainní foluiteach, amhail an meánscore creidmheasa atá ualaithe, agus sainaithneoidh sí aon chomhchruinnithe d'oibleagáideoir aonair nó do limistéar geografach agus do ghráinneacht an chomhthiomsaithe sócmhainní.

3. Má dhéanann feidhm inmheánach iniúchóireachta, athbhreithnithe creidmheasa, nó bainistíochta priacail na hinstitiúide an t-athbhreithniú, dá bhforáiltear i bpointe (g) de mhír 2, beidh na feidhmiúcháin sin neamhspleách ar fheidhmiúcháin inmheánacha na hinstitiúide a bhaineann le gnó an chláir ABCP agus ar an gcaidreamh le custaiméirí.

4. Maidir le hinstitiúidí a bhfuil cead faighte acu Cur Chuige an Mheasúnaithe Inmheánaigh a úsáid, ní fhillfidh siad ar mhodhanna eile a úsáid maidir le suíomhanna a thagann faoi raon feidhme acu Cur Chuige an Mheasúnaithe Inmheánaigh, mura gcomhlíontar an dá choinníoll seo a leanas:

(a) tá léirithe ag an institiúid chun sástachta an údaráis inniúil go bhfuil cúis mhaith ag an institiúid déanamh amhlaidh;

(b) tá cead faighte ag an institiúid roimh ré ón údarás inniúil.

*Airteagal 266***Méideanna risíochta atá ualaithe ó thaobh priacail a ríomh faoi Chur Chuige an Mheasúnaithe Inmheánaigh**

1. Faoi Chur Chuige an Mheasúnaithe Inmheánaigh, sannfaidh an institiúid an suíomh gan rátáil sa chlár ABCP nó san idirbheart ABCP do cheann amháin de na gráid rátála a leagtar síos i bpointe (e) d'Airteagal 265(2) ar bhonn a measúnaithe inmheánaigh. Sannfar rátáil arna díorthú don suíomh, rátáil a bheidh ar aon dul leis na measúnuithe creidmheasa a fhreagraíonn don ghrád rátála sin mar a leagtar síos i bpointe (e) d'Airteagal 265(2).

2. An rátáil arna díorthú i gcomhréir le mír 1, is rátáil ar leibhéal gráid infheistíochta nó níos fearr a bheidh inti an tráth a chéadsannfar í agus measfar gur measúnú creidmheasa incháilithe ó IMCS í chun méideanna risíochta atá ualaithe ó thaobh priacail a ríomh i gcomhréir le hAirteagal 263 nó le hAirteagal 264, de réir mar is infheidhme.

## F o r o i n n 4

**Uastairseacha le haghaidh suíomhanna urrúsúcháin***Airteagal 267***Ualú priacail uasta le haghaidh suíomhanna urrúsúcháin shinsearacha: Cur chuige an trébhreathnaithe**

1. Féadfaidh institiúid, a bhfuil comhdhéanamh na risíochtaí foluiteacha ar eolas aici an t-am ar fad, ualú priacail uasta a shannadh don suíomh urrúsúcháin shinsearach atá cothrom leis an meánualú priacail atá ualaithe ó thaobh risíochta a bheadh infheidhme maidir leis na risíochtaí foluiteacha amhail is nach ndearnadh na risíochtaí foluiteacha sin a urrúsú.

2. I gcás comhthiomsuithe risíochtaí foluiteacha nach mbaineann an institiúid úsáid ach as an gCur Chuige Caighdeánaithe nó as an gCur Chuige IRB ina leith, beidh ualú priacail uasta an tsuímh urrúsúcháin shinsearaigh cothrom leis an meánualú priacail atá ualaithe ó thaobh

▼ **M5**

risíochta a bheadh i bhfeidhm maidir leis na risíochtaí foluiteacha faoi Chaibidil 2 nó faoi Chaibidil 3, faoi seach, amhail is nach ndearnadh iad a urrúsú.

I gcás comhthiomsuithe measctha, déanfar an t-ualú priacail uasta a ríomh mar seo a leanas:

- (a) i gcás ina gcuirfidh an institiúid SEC-IRBA i bhfeidhm, sannfar ualú priacail an Chur Chuige Chaighdeánaithe agus ualú priacail an Chur Chuige IRB do chion an Chur Chuige Chaighdeánaithe agus do chion an Chur Chuige IRB den chomhthiomsú foluiteach faoi seach;
- (b) i gcás ina gcuirfidh an institiúid SEC-SA nó SEC-ERBA i bhfeidhm, beidh an t-ualú priacail uasta do shuíomhanna urrúsúcháin sinsearacha cothrom leis an ualú priacail meánualaithe faoin gCur Chuige Caighdeánaithe atá ag na risíochtaí foluiteacha.

3. Chun críocha an Airteagail seo, san áireamh leis an ualú priacail a bheadh infheidhme faoin gCur Chuige IRB i gcomhréir le Caibidil 3, beidh cóimheas idir:

- (a) na cailleanais ionchasacha iolraithe faoi 12.5, agus
- (b) luach risíochta na risíochtaí foluiteacha.

4. I gcás ina mbeidh an t-ualú priacail uasta ríofa i gcomhréir le mír 1 níos lú ná na hualuithe priacail íosta a leagtar amach in Airteagal 259 go hAirteagal 264, de réir mar is infheidhme, bainfear úsáid as an ualú priacail níos lú sin seachas an t-ualú priacail íosta.

*Airteagal 268***Ceanglais maidir le caipiteal uasta**

1. Féadfaidh institiúid tionscnóra, institiúid is urraitheoir nó institiúid eile a úsáideann SEC-IRBA, nó institiúid tionscnóra nó institiúid is urraitheoir a úsáideann SEC-SA nó SEC-ERBA, féadfaidh sí ceanglas caipitil uasta a chur i bhfeidhm le haghaidh an tsuímh urrúsúcháin atá ina seilbh atá cothrom leis na ceanglais chaipitil a bheadh le ríomh faoi Chaibidil 2 nó faoi Chaibidil 3 i ndáil leis na risíochtaí forluiteacha amhail is nach ndearnadh iad a urrúsú. Chun críocha an Airteagail seo, beidh méid na gcaillteanas ionchasach a bhaineann leis na risíochtaí sin a ríomhadh faoi Chaibidil 3, agus méid na gcaillteanas neamhionchasach, san áireamh i gceanglas caipitil an Chur Chuige IRB.

2. I gcás comhthiomsuithe measctha, déanfar an ceanglas caipitil uasta a chinneadh trí mheánualú risíochta cheanglais chaipitil chodanna an Chur Chuige IRB agus an Chur Chuige Chaighdeánaithe de na risíochtaí foluiteacha a ríomh, i gcomhréir le mír 1.

3. Is é a bheidh sa cheanglas uasta caipitil an toradh a fhaightear nuair a iolraítear an méid arna ríomh i gcomhréir le mír 1 nó le mír 2 faoin gcion is mó úis atá i seilbh na hinstitiúide sna tráinsí ábhartha (V), arna shloinneadh mar chéatadán agus arna ríomh mar a leanas:

- (a) i gcás institiúid a bhfuil suíomh urrúsúcháin amháin nó níos mó aici in aon tránse amháin, beidh  $V$  cothrom le cóimheas mhéid ainmniúil na suíomhanna urrúsúcháin atá i seilbh na hinstitiúide sin sa tránse sin agus méid ainmniúil an tránse;



▼ **M5**

(b) i gcás institiúid a bhfuil suíomhanna urrúsúcháin aici i dtráinsí éagsúla, beidh V cothrom leis an gcion uasta úis thar na tráinsí. Chun na geríoch sin, déanfar cion an úis i gcomhair gach ceann de na tráinsí éagsúla a ríomh mar a leagtar amach i bpointe (a).

4. Agus an ceanglas caipitil uasta á ríomh i gcomhair suíomh urrúsúcháin i gcomhréir leis an Airteagal seo, bainfear an méid iomlán d'aon fháltas ar dhíolachán agus ar stríoca úis amháin feabhsaithe creidmheasa a eascraíonn as an idirbheart urrúsúcháin ó ítimí Ghnáthchothromas Leibhéal 1 i gcomhréir le pointe (k) d'Airteagal 36(1).

## F o r o i n n 5

**F o r á l a c h a i l g h n é i t h e a c h a***Airteagal 269***Ath-urrúsuithe**

1. I gcás suíomh in ath-urrúsú, cuirfidh institiúidí SEC-SA i bhfeidhm i gcomhréir le hAirteagal 261, agus na hathruithe seo a leanas air:

- (a)  $W = 0$  i gcás aon risíocht ar thráinse urrúsúcháin laistigh *den* chomhthiomsú risíochtaí foluiteacha;
- (b)  $p = 1.5$ ;
- (c) beidh an t-ualú priacail a thioctaidh as sin faoi réir ualú priacail íosta 100 %.

2. Déanfar  $K_{SA}$  le haghaidh na risíochtaí urrúsúcháin foluiteacha a ríomh i gcomhréir le Foroinn 2.

3. Ní chuirfear na ceanglais chaipitil uasta a leagtar amach i bhForoinn 4 i bhfeidhm maidir le suíomhanna ath-urrúsúcháin.

4. Sa chás gur meascán de thráinsí urrúsúcháin agus de chineálacha eile sócmhainní atá i gcomhthiomsú risíochtaí foluiteacha, déanfar an paraiméadar  $K_A$  a chinneadh mar an meánualú ainmniúil risíochta den  $K_A$  a dhéanfar a ríomh ar bhonn aonair le haghaidh gach fothacair risíochtaí.

*Airteagal 270***Suíomhanna sinsearacha in urrúsúcháin FBM**

Féadfaidh institiúid tionscnóra méideanna risíochta atá ualaithe ó thaobh priacail a ríomh i ndáil le suíomh urrúsúcháin i gcomhréir le hAirteagal 260, le hAirteagal 262 nó le hAirteagal 264, de réir mar is infheidhme, i gcás ina gcomhlíontar na coinníollacha seo a leanas:

- (a) comhlíonann an t-urrúsúchán na ceanglais i ndáil le hurrúsúchán STC a leagtar amach i gCaibidil 4 de Rialachán (AE) /2017/2402 de réir mar is infheidhme, seachas Airteagal 20(1) go (6) den Rialachán sin;
- (b) cáilíonn an suíomh mar an suíomh urrúsúcháin sinsearach;
- (c) tá an t-urrúsú bunaithe ar chomhthiomsú risíochtaí le haghaidh gnóthas, ar choinníoll go gcáilíonn ar a laghad 70 % díobh, ó thaobh chothroime na punainne de, mar FBManna de réir bhrí Airteagal 501, tráth eisiúna an urrúsaithe nó i gcás urrúsaithe inrothlacha tráth a gcuirtear risíocht leis an urrúsú;

▼ **M5**

- (d) déantar an priacal creidmheasa a bhaineann leis na suíomhanna nach gcoinníonn an institiúid tionscnóra a aistriú trí ráthaíocht nó contra-ráthaíocht a chomhlíonann na ceanglais le haghaidh cosaint neamhchistithe chreidmheasa a leagtar amach i gCaibidil 4 den Chur Chuige Caighdeánaithe i leith priacal creidmheasa;
- (e) is ceann amháin nó níos mó díobh seo a leanas an tríú páirtí a n-aistrítear an priacal creidmheasa chuige:
- (i) rialtas láir nó banc ceannais Ballstáit, banc forbartha iltaobhach, eagraíocht idirnáisiúnta nó eintiteas le haghaidh spreagtha, ar choinníoll go gcáilíonn na risíochtaí ar an ráthóir nó ar an gcontraráthóir d'ualú priacail 0 % faoi Chaibidil 2;
  - (ii) infheisteoir institiúideach mar a shainmhínítear i bpointe (12) d'Airteagal 2 de Rialachán (AE) 2017/2402 ar choinníoll go gcomhthaobhaítear an ráthaíocht nó an chontraráthaíocht go hiomlán le hairgead i dtaisce san institiúid tionscnóra.

*Airteagal 270a***Ualú priacail breise**

1. I gcás nach gcomhlíonann institiúid na ceanglais i gCaibidil 2 de Rialachán (AE) 2017/2402 in aon cháil ábhartha mar gheall ar fhailli nó neamhghníomh na hinstitiúide, forchuirfidh na húdaráis inniúla ualú priacail breise comhréireach nach lú ná 250 % den ualú priacail (agus tairseach 1 250 % leis), ualú a mbeidh feidhm aige maidir leis na suíomhanna urrúsúcháin iomchuí ar an tslí a shonraítear in Airteagal 247(6) nó Airteagal 337(3) den Rialachán seo faoi seach. Méadóidh an t-ualú priacail breise de réir a chéile le gach sárú a dhéanfar ina dhiaidh sin ar na forálacha maidir le dícheall cuí agus le bainistiú riosca. Cuirfidh na húdaráis inniúla san áireamh na díolúintí d'urrúsuithe áirithe a thugtar in Airteagal 6(5) de Rialachán (AE) 2017/2402 tríd an ualú priacail a d'fhorchuirfí murach sin faoin Airteagal seo a laghdú i leith urrúsú a bhfuil feidhm ag Airteagal 6(5) den Rialachán (AE) 2017/2402 maidir leis.

2. Forbróidh ÚBE dréachtchaighdeáin theicniúla cur chun feidhme d'fhonn cóineasú cleachtas maoirseachta a éascú i dtaca le mír 1 den Airteagal seo a chur chun feidhme, lena n-áirítear na bearta a ghlacfar i gcás ina sárófar na hoibleagáidí maidir le dícheall cuí agus bainistíocht priacail. Cuirfidh ÚBE na dréachtchaighdeáin theicniúla cur chun feidhme sin faoi bhráid an Choimisiúin faoin 1 Eanáir 2014.

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír den mhír seo a ghlacadh i gcomhréir le hAirteagal 15 de Rialachán (AE) Uimh. 1093/2010.

## Roinn 4

**Measúnuithe creidmheasa seachtracha***Airteagal 270b***Measúnuithe creidmheasa á n-úsáid ag IMCSanna**

Ní fhéadfaidh institiúidí measúnuithe creidmheasa a úsáid chun ualú priacail de chuid suíomh urrúsúcháin a chinneadh i gcomhréir leis an gCaibidil seo ach amháin sa chás ina bhfuil an measúnú creidmheasa eisithe nó formhuinithe ag IMCS i gcomhréir le Rialachán (CE) Uimh. 1060/2009.

▼ **M5***Airteagal 270c***Ceanglais a bheidh le comhlíonadh ag measúnuithe creidmheasa IMCSanna**

Chun méideanna risíochta atá ualaithe ó thaobh priacail a ríomh i gcomhréir le Roinn 3, ní úsáidfídh institiúidí measúnú creidmheasa de chuid IMCS ach amháin má chomhlíontar gach ceann de na coinníollacha seo a leanas:

- (a) níl neamhréir ar bith idir na cineálacha íocaíochtaí atá léirithe sa mheasúnú creidmheasa agus na cineálacha íocaíochtaí a bhfuil an institiúid ina dteideal faoin gconradh as a dtagann an suíomh urrúsúcháin atá i gceist;
- (b) foilsíonn an IMCS na measúnuithe creidmheasa agus an fhaisnéis maidir leis an anailís chailteanais agus sreabhadh airgid, íogaireacht na rátálacha i leith athruithe i dtuimhde foluiteacha na rátálacha, lena n-áirítear feidhmíocht na risíochtaí foluiteacha, agus maidir leis na nósanna imeachta, na modheolaíochtaí, na toimhdí agus na príomhghnéithe atá ina mbuntaca leis na measúnuithe creidmheasa i gcomhréir le Rialachán (CE) Uimh. 1060/2009. Chun críocha an phointe seo, measfar faisnéis a bheith ina faisnéis atá ar fáil go poiblí má dhéantar í a fhoilsiú i bhformáid inrochtana. Ní mheasfar faisnéis nach gcuirtear ar fáil ach do líon teoranta eintiteas a bheith ina faisnéis atá ar fáil go poiblí;
- (c) tá na measúnuithe creidmheasa san áireamh i mairtís thrasdultach an IMCS;
- (d) níl na measúnuithe creidmheasa bunaithe ná bunaithe i bpáirt ar thacaíocht neamhchistithe arna soláthar ag an institiúid féin. I gcás ina mbeidh suíomh bunaithe nó bunaithe i bpáirt ar thacaíocht neamhchistithe, measfaidh an institiúid an suíomh sin amháin is go raibh sé gan rátáil ar mhaithe le méideanna risíochta atá ualaithe ó thaobh priacail a ríomh don suíomh sin i gcomhréir le Roinn 3;
- (e) tá gealltanais tugtha ag an IMCS mínithe a fhoilsiú maidir leis an tionchar a bheidh ag feidhmíocht risíochtaí foluiteacha ar an measúnú creidmheasa.

*Airteagal 270d***Measúnuithe creidmheasa a úsáid**

1. Féadfaidh institiúid a chinneadh IMCS amháin nó níos mó a ainmniú, agus úsáidfear measúnuithe creidmheasa ón institiúid/ó na h-institiúidí sin chun an chuid sin dá méideanna risíochta atá ualaithe ó thaobh priacail a ríomh faoin gCaibidil seo ('IMCS ainmnithe').

2. Bainfidh institiúid úsáid as measúnuithe creidmheasa ar a suíomhanna urrúsúcháin go comhsheasmhach agus ní go roghnach agus, chun na geríoch sin, comhlíonfaidh an institiúid na ceanglais seo a leanas:

- (a) ní úsáidfídh institiúid measúnuithe creidmheasa IMCS dá suíomhanna i dtránsí áirithe agus measúnuithe creidmheasa de chuid IMCS eile dá suíomhanna i dtránsí eile laistigh den urrúsú céanna a d'fhéadfadh a bheith nó gan bheith rátáilte ag an gcéad IMCS;
- (b) i gcás ina bhfuil dhá mheasúnú creidmheasa ó IMCSanna ainmnithe ann maidir le suíomh, bainfidh an institiúid úsáid as an measúnú creidmheasa is lú fabhar;

▼ **M5**

- (c) i gcás ina bhfuil trí mheasúnú creidmheasa nó níos mó ó IMCSanna ainmnithe ann maidir le suíomh, bainfear úsáid as an dá mheasúnú creidmheasa is fabhraí. I gcás ina bhfuil an dá mheasúnú creidmheasa is fabhraí éagsúil le chéile, bainfear úsáid as an measúnú is lú fabhar;
- (d) ní iarrfaidh institiúid go ndéanfar rátálacha is lú fabhar a tharraingt siar.

3. I gcás ina mbaineann na risíochtaí a fholuonn urrús leas as cosaint chreidmheasa incháilithe iomlán nó i bpáirt i gcomhréir le Caibidil 4 agus gur léirigh IMCS ainmnithe an tionchar atá ag an gcosaint sin sa mheasúnú creidmheasa ar shuíomh urrúsúcháin, úsáidfídh an institiúid an t-ualú priacail a bhaineann leis an measúnú creidmheasa sin. I gcás nach bhfuil an chosaint chreidmheasa dá dtagraítear sa mhír seo incháilithe faoi Chaibidil 4, ní aithneofar an measúnú creidmheasa agus láimhseálfar an suíomh urrúsúcháin mar shuíomh gan rátáil.

4. I gcás ina mbaineann suíomh urrúsúcháin leas as cosaint chreidmheasa incháilithe i gcomhréir le Caibidil 4 agus gur léirigh IMCS ainmnithe an tionchar atá ag an gcosaint sin ina mheasúnú creidmheasa, láimhseálfad an institiúid an suíomh urrúsúcháin amhail is go raibh sé gan rátáil agus déanfaidh sí na méideanna risíochta atá ualaithe ó thaobh priacail a ríomh i gcomhréir le Caibidil 4.

*Airteagal 270e***Urrús a mhapáil**

Forbróidh ÚBE dréachtchaighdeáin theicniúla cur chun feidhme chun na céimeanna cáilíochta creidmheasa a leagtar amach sa Chaibidil seo a bhaineann le measúnuithe creidmheasa ábhartha gach IMCS a mhapáil ar bhealach oibiachtúil comhsheasmhach. Chun críocha an Airteagail seo, déanfaidh ÚBE an méid seo a leanas, go háirithe:

- (a) idirdhealú idir na céimeanna coibhneasta priacail a chuirtear in iúl i ngach measúnú;
- (b) fachtóirí cainníochtúla a mheas, amhail rátaí mainneachtana nó caillteanais agus feidhmíocht stairiúil na measúnuithe creidmheasa a rinne gach IMCS thar aicmí sócmhainne éagsúla;
- (c) fachtóirí cáilíochtúla a mheas, amhail raon na n-idirbheart arna mheasúnú ag an IMCS, a mhodheolaíocht agus an bhír atá lena mheasúnuithe creidmheasa, go háirithe cé acu a chuirtear an caillteanas ionchasach nó an chéad chaillteanas Euro, agus íocaíocht thráthúil úis nó íocaíocht deiridh úis san áireamh;
- (d) iarracht lena áirithiú go mbaineann suíomhanna urrúsúcháin lena gcuirtear an t-ualú priacail céanna i bhfeidhm ar bhonn measúnuithe creidmheasa IMCSanna, go mbaineann céimeanna coibhéiseacha priacail chreidmheasa leo.

Cuirfidh ÚBE na dréachtchaighdeáin theicniúla cur chun feidhme sin faoi bhráid an Choimisiúin faoin 1 Iúil 2014.

Tugtar an chumhacht don Choimisiún na caighdeáin theicniúla cur chun feidhme dá dtagraítear sa chéad fhomhír den mhír seo a ghlacadh i gcomhréir le hAirteagal 15 de Rialachán (AE) Uimh. 1093/2010.



*CAIBIDIL 6*

*Priacal creidmheasa an chontrapháirtí*

Roinn 1

**Sainmhínithe**

*Airteagal 271*

**Luach na risíochta a chinneadh**

1. Cinnfidh institiúid luach na risíochta a bhaineann le hionstraimí díorthacha a liostaítear in Iarscríbhinn II i gcomhréir leis an gCaibidil seo.
2. Féadfaidh institiúid luach risíochta na n-idirbheart athcheannaigh, na n-idirbheart iasachtaithe nó iasachtaíochta i leith urrús nó tráchtearraí, na n-idirbheart socraíochta iarchurtha agus na n-idirbheart iasachtaithe corrlaigh a chinneadh i gcomhréir leis an gCaibidil seo in ionad úsáid a bhaint as Caibidil 4.

*Airteagal 272*

**Sainmhínithe**

Chun críocha na Caibidle seo agus Theideal VI den Chuid seo, beidh feidhm ag na sainmhínithe seo a leanas:

Téarmaí ginearálta

- (1) ciallaíonn 'priacal creidmheasa an chontrapháirtí' nó 'CCR' an priacal a d'fhéadfadh contrapháirtí in idirbheart mainneachtain roimh shocraíocht chríochnaitheach shreabha airgid an idirbhirt;

Cineálacha idirbheart

- (2) ciallaíonn 'idirbhearta socraíochta iarchurtha' idirbhearta i gcás ina ngeallann contrapháirtí urrús, tráchtearra nó suim malairte eachtraí a sheachadadh i gcoinne airgid thirim, ionstraimí airgeadais eile, nó tráchtearraí, nó a mhalairt, ag dáta socraíochta nó seachadta arna shonrú i gconradh atá níos déanaí ná caighdeán an mhargaidh don chineál idirbhirt ar leith seo nó cúig lá gnó tar éis an dáta ina dtéann an institiúid i mbun an idirbhirt, cibé acu is luaithe;
- (3) ciallaíonn 'idirbhearta iasachta corrlaigh' idirbhearta ina síneann institiúid creidmheas i ndáil le hurrúis a cheannach, a dhíol, a iompar nó a thrádáil. Níl iasachtaí eile atá urraithe le comhthaobhacht i bhfoirm urrús san áireamh in idirbhearta iasachta corrlaigh;

Tacar glanluachála, tacar fáilaithe agus téarmaí gaolmhara

- (4) ciallaíonn 'tacar glanluachála' grúpa idirbheart idir institiúid agus contrapháirtí amháin atá faoi réir ag socrú glanluachála déthaobhach is infheidhme le dlí a aithnítear faoi Roinn 7 agus Caibidil 4;

Déanfar gach idirbheart nach bhfuil faoi réir ag socrú glanluachála déthaobhach is infheidhme le dlí a aithnítear faoi Roinn 7 a láimhseáil mar a thacar glanluachála féin chun cuspóirí na Caibidle seo;

**▼B**

Faoi Mhodh na Samhla Inmheánaí a leagtar amach i Roinn 6, féadfar gach tacar glanluachála le contrapháirtí amháin a láimhseáil mar thacar glanluachála amháin má shocraítear luachanna margaidh ionsamhlaithe diúltacha na dtacar glanluachála aonair go 0 sa mheastachán den risíochtíonchasach (dá ngairtear 'EE' anseo feasta);

- (5) ciallaíonn 'suíomh priacal' uimhir priacal a shanntar d'idirbheart faoin Modh Caighdeánaithe a leagtar amach i Roinn 5 de réir algartaim réamhchinntithe;
- (6) ciallaíonn 'tacar fáilaithe' grúpa de shuímh priacal a thagann as na hidirbhearta laistigh de thacar glanluachála amháin, sa chás nach n-úsáidtear ach iarmhéid na suíomh priacal sin chun luach na risíochta a chinneadh faoin Modh Caighdeánaithe a leagtar amach i Roinn 5;
- (7) ciallaíonn 'comhaontú corrlaigh' comhaontú nó forálacha comhaontaithe faoinar gá do chontrapháirtí amháin comhthaobhacht a sholáthar do dhara contrapháirtí eile nuair a sháraíonn risíocht den dara contrapháirtí sin ar an gcéad chontrapháirtí leibhéal sonraithe;
- (8) ciallaíonn 'tairseach corrlaigh' an méid is mó de risíochta fhanann gan íoc sula mbeidh ceart ag páirtí amháin glao a dhéanamh ar chomhthaobhacht;
- (9) ciallaíonn 'tréimhse corrlaigh faoi phriacal' an tréimhse ama ón malartú comhthaobhachta is déanaí ina gcuimsítear tacar glanluachála idirbheart le contrapháirtí mainneachtana go dtí go ndúntar amach na hidirbhearta agus go ndéantar an bpriacal margaidh atá ann dá bharr a ath-fhálú;

**▼C2**

- (10) ciallaíonn 'aibíocht iarbhír' faoi Mhodh na Samhla Inmheánaí le haghaidh tacar glanluachála le haibíocht de níos mó ná bliain amháin cóimheas shuim na risíochta ionchasaí thar shaolré na n-idirbheart sa tacar glanluachála lascainithe ag an ráta toraidh saor ó priacal, arna roinnt ar shuim na risíochta ionchasaí thar bhliain amháin i dtacar glanluachála lascainithe ag an ráta saor ó priacal;

**▼B**

Féadfar an aibíocht iarbhír sin a oiriúnú chun an priacal tar-rollta a léiriú má dhéantar an risíocht ionchasach a ionadú leis an risíocht ionchasach iarbhír do thréimhsí réamhaisnéise níos lú ná bliain amháin;

- (11) ciallaíonn 'glanluacháil trastáirgí' idirbhearta de chatagóirí éagsúla táirgí a áireamh laistigh den tacar glanluachála céanna de bhun na rialacha um Ghlanluacháil Trastáirgí a leagtar amach sa Chaibidil seo;
- (12) ciallaíonn 'Margadhluach Reatha' (dá ngairtear 'CMV' anseo feasta) chun críocha Roinn 5 margadhluach glan den phunann idirbheart laistigh de thacar glanluachála, sa chás ina n-úsáidtear na luachanna margaidh deimhneacha agus diúltacha araon chun an CMV a ríomh;

Dáileacháin

- (13) ciallaíonn 'dáileadh margadhluachanna' réamhaisnéis maidir le dáileadh dóchúlachta de ghlan-mhargadhluachanna na n-idirbheart laistigh de thacar glanluachála do dháta sa todhchaí (an tréimhse réamhaisnéise), má thugtar margadhluach réadaithe na n-idirbheart sin ar dháta na réamhaisnéise;

**▼B**

- (14) ciallaíonn 'dáileadh risíochtaí' réamhaisnéis maidir le dáileadh dóchúlachta na margadhluachanna a ghintear trí áisc réamhaisnéise de ghlan-mhargadhluachanna diúltacha a shocrú cothrom le nialas;
- (15) ciallaíonn 'dáileadh priacal -neodrach' dáileadh margadhluachanna nó risíochtaí thar thréimhse ama sa todhchaí nuair a dhéantar an dáileadh a ríomh ag úsáid luachanna intuigthe an mhargaidh amhail luaineachtaí intuigthe;
- (16) ciallaíonn 'dáileadh iarbhír' dáileadh margadhluachanna nó risíochtaí ag tréimhse ama sa todhchaí nuair a dhéantar an dáileadh a ríomh ag úsáid luachanna stairiúla nó réadaithe amhail luaineachtaí arna ríomh ag úsáid athruithe ar phraghsanna nó ar rátaí ón am atá thart;

Anaoid tomhais agus coigeartuithe risíochta

- (17) ciallaíonn 'risíocht reatha' an ceann is mó idir nialas agus margadhluach idirbheart nó punainne idirbheart laistigh de thacar glanluachála le contrapháirtí a chaillfí ar mhainneachtain an chontrapháirtí, ag glacadh leis nach ndéanfaí gnóthú ar luach na n-idirbheart sin i ndócmhainneacht nó i leachtacht;
- (18) ciallaíonn 'risíocht bhuaice' peircintíl ard de dháileadh na risíochtaí ar dháta faoi leith sa todhchaí roimh dháta aibíochta an idirbheart is faide sa tacar glanluachála;
- (19) ciallaíonn 'risíocht ionchasach' (dá ngairtear 'EE' anseo feasta) an meán de dháileadh na risíochtaí ar dháta faoi leith sa todhchaí sula n-aibeoidh an t-idirbheart is faide sa tacar glanluachála;
- (20) ciallaíonn 'risíocht ionchasach iarbhír ar dháta sonrach' (dá ngairtear 'EE iarbhír' anseo feasta) an risíocht ionchasach uasta a bhíonn ann an dáta sin nó aon dáta roimhe sin. A mhalairt sin, féadfar é a shainiú do dháta sonrach mar an gceann is mó idir risíocht ionchasach ar an dáta sin nó an risíocht ionchasach iarbhír ar dháta ar bith roimhe sin;
- (21) ciallaíonn 'risíocht dheimhneach ionchasach' (dá ngairtear 'EPE' anseo feasta) meán ualaithe le himeacht ama de risíochtaí ionchasacha, sa chás gurb iad na hualuithe an cion den tréimhse ama iomlán a bhfuil an risíocht ionchasach aonair in ionannas léi;

Agus an ceanglas cistí dílse á ríomh, úsáidfidh institiúidí an meán thar an gcéad bhliain nó, má aibíonn gach ceann de na conarthaí laistigh den tacar glanluachála faoi cheann bliana amháin, thar an tréimhse ama go dtí go n-aibeoidh an conradh leis an aibíocht is faide sa tacar glanluachála.

- (22) ciallaíonn 'risíocht dheimhneach ionchasach iarbhír' (dá ngairtear 'EPE iarbhír' anseo feasta), meán ualaithe den risíocht ionchasach iarbhír thar an gcéad bhliain de thacar glanluachála nó, má aibíonn gach ceann de na conarthaí laistigh den tacar glanluachála faoi cheann bliana amháin, thar thréimhse ama an chonartha leis an aibíocht is faide sa tacar glanluachála, sa chás gurb iad na hualuithe an cion den tréimhse ama iomlán a bhfuil an risíocht ionchasach aonair in ionannas leis;

Priacail a bhaineann le CCR

- (23) ciallaíonn 'priacal tar-rollta' an méid faoina ndéantar an EPE a ghanniontráil nuair atáthar ag súil leis go ndéanfar idirbhearta sa todhchaí le contrapháirtí ar bhonn leanúnach;

**▼B**

Níl an risíocht bhreise arna giniúint ag na hidirbhearta sin sa todhchaí ar áireamh agus EPE á ríomh;

- (24) ciallaíonn 'contrapháirtí' chun críocha Roinn 7 duine nádúrtha nó duine dlítheanach ar bith a dhéanann comhaontú glanluachála, agus a bhfuil an cumas conarthach aige nó aici é sin a dhéanamh;
- (25) ciallaíonn 'comhaontú glanluachála trastáirge conarthach' comhaontú conarthach déthaobhach i scríbhinn idir institiúid agus contrapháirtí faoina gcruthaítear oibleagáid dhlíthiúil amháin (bunaithe ar ghlanluacháil na n-idirbheart atá clúdaithe) a chumhdaíonn gach máistir-chomhaontú déthaobhach agus gach idirbheart déthaobhach a bhaineann le catagóirí éagsúla táirgí atá ar áireamh laistigh den chomhaontú;

Chun críocha an tsainmhínte seo, ciallaíonn 'catagóirí éagsúla táirgí':

- (a) idirbhearta athcheannaigh, idirbhearta iasachtaithe agus iasachtaíochta i leith urrús agus tráchtearraí;
- (b) idirbhearta iasachta corrlaigh;
- (c) na conarthaí a liostaítear in Iarscríbhinn II;
- (26) ciallaíonn 'cuid d'íocaíocht' an íocaíocht a chomhaontaítear in idirbheart díorthach thar an gcuntar le próifíl líneach prical ina sonraítear go ndéanfar ionstraim airgeadais a mhalartú le haghaidh íocaíochta.

I gcás na n-idirbheart ina sonraítear go ndéanfar íocaíocht a mhalartú in aghaidh íocaíochta, beidh an dá chuid d'íocaíocht sin comhdhéanta de na híocaíochtaí comhlána comhaontaithe, lena n-áirítear méid barúlach an idirbhirt.

## Roinn 2

**Modhanna chun luach na risíochta a ríomh***Airteagal 273***Modhanna chun luach na risíochta a ríomh**

1. Cinnfidh institiúidí luach risíochta na gconarthaí a liostaítear in Iarscríbhinn II ar bhonn ceann de na modhanna a leagtar amach i Roinn 3 go Roinn 6 i gcomhréir leis an Airteagal seo.

Ní úsáidfidh institiúid nach bhfuil incháilithe don láimhseáil a leagtar amach in Airteagal 94 an modh a leagtar amach i Roinn 4. Ní úsáidfidh institiúid an modh a leagtar amach i Roinn 4 chun luach na risíochta a chinneadh maidir leis na conarthaí a liostaítear i bpointe 3 d'Iarscríbhinn II. Féadfaidh institiúidí na modhanna a leagtar amach i Ranna 3 go 6 a úsáid i dteaghlaim ar bhonn buan laistigh de ghrúpa. Ní úsáidfidh institiúid amháin na modhanna a leagtar amach i Roinn 3 go Roinn 6 i dteaghlaim ar bhonn buan ach ceadófar di modhanna a leagtar amach i Roinn 3 agus i Roinn 5 a úsáid i dteaghlaim má úsáidtear ceann de na modhanna sna cásanna a leagtar amach in Airteagal 282(6).

2. Féadfaidh institiúid luach na risíochta a chinneadh maidir leis na hitimí seo a leanas ag baint úsáide as Modh na Samhla Innheánaí a leagtar amach i Roinn 6 sa chás ina gceadaíonn na húdaráis inniúla é sin a dhéanamh i gcomhréir le hAirteagal 283(1) agus (2):

- (a) na conarthaí a liostaítear in Iarscríbhinn II;
- (b) idirbhearta athcheannaigh;



**▼B**

- (c) idirbhearta maidir le hurrúis nó tráchtearraí a iasachtú nó a fháil ar iasacht;
- (d) idirbhearta iasachta corrlaigh;
- (e) idirbhearta socraíochta iarchurtha.

3. Má cheannaíonn institiúid cosaint trí dhíorthach creidmheasa i gcoinne risíochta ar leabhar neamhthrádála nó i gcoinne risíochta ar priacal an chontrapháirtí, féadfaidh sí a ceanglas cistí dílse féin don risíochtfhálaithe a ríomh i gcomhréir le ceachtar díobh seo a leanas:

- (a) Airteagail 233 go 236;
- (b) i gcomhréir le hAirteagal 153(3), nó Airteagal 183, sa chás gur tugadh cead i gcomhréir le hAirteagal 143.

Nialas a bheidh i luach na risíochta le haghaidh CCR i gcás na ndíorthach creidmheasa sin, ach amháin má chuireann institiúidí cur chuige (ii) i bpointe (h) d'Airteagal 299(2) i bhfeidhm.

4. D'ainneoin mhír 3, féadfaidh institiúid rogha a dhéanamh gach díorthach creidmheasa nach bhfuil san áireamh sa leabhar trádála, agus a ceannaíodh mar chosaint i gcoinne risíochta ar leabhar neamhthrádála nó i gcoinne risíochta ar priacal creidmheasa an chontrapháirtí, a chur san áireamh go comhsheasmhach ar mhaithe le ceanglais cistí dílse do priacal creidmheasa an chontrapháirtí a ríomh, i gcás ina n-aithnítear an chosaint chreidmheasa faoin Rialachán seo.

5. I gcás ina láimhseálann institiúid babhtálacha mainneachtana creidmheasa arna ndíol ag institiúid mar chosaint chreidmheasa arna sholáthar ag an institiúid sin agus go bhfuil siad faoi réir ag ceanglas cistí dílse le haghaidh priacal creidmheasa den ionstraim fholuiteach don mhéid barúlach iomlán, beidh luach na risíochta cothrom le nialas chun críocha CCR sa leabhar neamhthrádála.

6. Faoi gach modh a leagtar amach i Ranna 3 go 6, beidh luach na risíochta le haghaidh contrapháirtí áirithe cothrom le suim na luachanna risíochta arna ríomh do gach tacar glanluachála leis an gcontrapháirtí sin.

Le haghaidh contrapháirtí faoi leith, beidh luach na risíochta le haghaidh tacar glanluachála áirithe d'ionstraimí díorthacha thar an gcuntar a liostaítear in Iarscríbhinn II arna ríomh i gcomhréir leis an gCaibidil seo cothrom leis an gceann is mó idir nialas agus an difríocht idir suim na luachanna risíochta thar gach tacar glanluachála leis an gcontrapháirtí agus suim  $C_{VA}$  don chontrapháirtí sin arna aithint ag an institiúid mar dhíluacháil thabhairthe. Déanfar na coigeartuithe luachála creidmheasa a ríomh gan aon choigeartuithe luachála dochair fhritháirimh a chur san áireamh a thugtar do priacal creidmheasa na gnólachta airgeadais féin atá eisiata cheana ó na cistí dílse faoi Airteagal 33(b).

7. Déanfaidh institiúidí luach na risíochta le haghaidh risíochtaí a thagann as idirbhearta socraíochta iarchurtha a chinneadh trí cheann ar bith de na modhanna a leagtar amach i Ranna 3 go 6, beag beann ar an modh atá roghnaithe ag an institiúid chun díorthaigh thar an gcuntar agus idirbhearta athcheannaigh, idirbhearta iasachtaí nó iasachtaíochta i leith urrús nó tráchtearraí agus idirbhearta iasachta corrlaigh a láimhseáil. Agus ceanglais cistí dílse á ríomh le haghaidh idirbhearta socraíochta iarchurtha, féadfaidh institiúid a úsáideann an cur chuige a leagtar amach i gCaibidil 3 ualuithe priacal a shannadh faoin gcur chuige a leagtar amach i gCaibidil 2 ar bhonn buan agus beag beann ar ábharthacht suíomh den sórt sin.

## ▼B

8. Maidir leis na modhanna a leagtar amach i Roinn 3 agus i Roinn 4, glacfaidh an institiúid modheolaíocht chomhsheasmhach chun an méid barúlach a chinneadh i gcás cineálacha éagsúla táirgí, agus áiritheoidh sí go dtugann an méid barúlach atá le cur san áireamh tomhas iomchuí ar an bpríacal is gné den chonradh. I gcás ina ndéantar foráil sa chonradh maidir le hiolrú na sreabh airgid, leasóidh institiúid an méid barúlach chun iarmhairtí an iolraithe ar struchtúr príacal an chonartha sin a chur san áireamh.

I dtaca leis na modhanna a leagtar amach i roinn 3 go roinn 6, idirbhearta ina ndearnadh sainpríacal comhghaolmhaireachta a aithint i gcomhréir le hAirteagal 291(2), (4), (5) agus (6) láimhseálfaidh institiúidí iad mar idirbhearta iomchuí.

## Roinn 3

## Modh um marcáil ón margadh

## Airteagal 274

## Modh um Marcáil ón Margadh

1. D'fhonn an costas athsholáthair reatha maidir le gach conradh a bhfuil luach deimhneach acu a chinneadh, déanfaidh institiúidí luachanna reatha margaidh a cheangal leis na conarthaí.

2. D'fhonn an risíocht fhéideartha todhchaí ar chreidmheas a chinneadh, déanfaidh institiúidí na méideanna barúlacha nó na luachanna foluiteacha, de réir mar is infheidhme, a iolrú faoi na céatadáin i dTábla 1 agus i gcomhréir leis na prionsabail seo a leanas:

- (a) láimhseálfar conarthaí nach dtagann faoi cheann de na cúig chatagóir a thugtar le fios i dTábla 1 mar chonarthaí a bhaineann le tráchtarraí seachas miotail lómhara;
- (b) maidir le conarthaí le malartuithe iolracha príomhshuime, déanfar na céatadáin a iolrú faoi líon na n-íocaíochtaí atá fágtha a bheidh fós le déanamh i gcomhréir leis an gconradh;
- (c) maidir le conarthaí a bhfuil struchtúr acu chun risíocht gan íoc a shocrú tar éis dátaí íocaíochta sonraithe agus nuair a dhéantar na téarmaí a athshocrú le go mbeidh margadhluach nialasach ag an gconradh ar na dátaí sonraithe sin, beidh an aibíocht iarmhair cothrom leis an tréimhse idir an pointe sin agus an chéad dáta athshocraithe eile. I gcás conarthaí ráta úis a chomhlíonann na critéir sin agus a bhfuil aibíocht iarmhair d'os cionn bliana amháin acu, ní bheidh an céatadán níos lú ná 0,5 %.

Tábla 1

Aibíocht iarmhair	Conarthaí ráta úis	Conarthaí i malairt eachtrach agus conarthaí maidir le hór	Conarthaí a bhaineann le cothromas	Conarthaí a bhaineann le miotail lómhara cé is moite d'ór	Conarthaí a bhaineann le tráchtarraí seachas miotail lómhara
Bliain amháin nó níos lú	0 %	1 %	6 %	7 %	10 %
Os cionn bliana amháin, nach mó ná cúig bliana	0,5 %	5 %	8 %	7 %	12 %
Os cionn cúig bliana	1,5 %	7,5 %	10 %	8 %	15 %

## ▼B

3. Maidir le conarthaí a bhaineann le tráchtearraí eile seachas ór, dá dtagraítear dóibh i bpointe 3 d'Iarscríbhinn II, féadfaidh institiúid, mar mhalairt ar na céatadán i dTábla 1 a chur i bhfeidhm, na céatadán i dTábla 2 a chur i bhfeidhm ar an gcoinníoll go leanfaidh an institiúid an cur chuige dréimire aibíochta leathnaithe a leagtar amach in Airteagal 361 le haghaidh na gconarthaí sin.

Tábla 2

Aibíocht Iarmhair	Miotail lómhara (cé is moite d'ór)	Miotail neamhlómhara	Táirgí talmhaíochta (táirgí boga)	Eile, lena n-áirítear táirgí fuinnimh
Bliain amháin nó níos lú	2 %	2,5 %	3 %	4 %
Os cionn bliana amháin, nach mó ná cúig bliana	5 %	4 %	5 %	6 %
Os cionn cúig bliana	7,5 %	8 %	9 %	10 %

4. Is é luach na risíochta suim an chostais athsholáthair reatha agus na risíochta féideartha todhchaí ar chreidmheas.

## Roinn 4

**Modh na risíochta tosaigh***Airteagal 275***Modh na Risíochta Tosaigh**

1. Is ionann luach na risíochta agus méid barúlach gach ionstraime iolraithe faoi na céatadán a leagtar amach i dTábla 3.

Tábla 3

Aibíocht bhunaidh	Conarthaí ráta úis	Conarthaí i malairt eachtrach agus conarthaí maidir le hór
Bliain amháin nó níos lú	0,5 %	2 %
Os cionn bliana amháin, nach mó ná dhá bhliain	1 %	5 %
Liúntas breise maidir le gach bliain bhreise	1 %	3 %

2. Féadfaidh institiúid rogha a dhéanamh an aibíocht tosaigh nó an aibíocht iarmhair a úsáid chun luach na risíochta de chonarthaí ráta úis a ríomh.

*Airteagal 276***Modh caighdeánaithe**

1. Ní fhéadfaidh institiúidí an Modh Caighdeánaithe (dá ngairtear 'SM' anseo feasta) a úsáid ach amháin chun luach na risíochta a ríomh le haghaidh díorthach thar an gcuntar agus idirbheart socraíochta iarchurtha.

**▼B**

2. Agus an SM á chur i bhfeidhm, déanfaidh institiúidí luach na risíochta a ríomh ar leithligh maidir le gach tacar glanluachála, glan ar chomhthaobhacht, mar a leanas:

$$\text{Exposure value} = \beta \cdot \max \left\{ CMV - CMC, \sum_j \left| \sum_i RPT_{ij} - \sum_l RPC_{lj} \right| \cdot CCRM_j \right\}$$

nuair atá:

CMV = margadhluach reatha na punainne idirbheart laistigh den tacar glanluachála le contrapháirtí, comhthaobhacht san áireamh, mar a bhfuil:

$$CMV = \sum_i CMV_i$$

nuair atá:

$CMV_i$  = margadhluach reatha idirbheart  $i$ ;

CMC = margadhluach reatha den chomhthaobhacht atá sannta don tacar glanluachála, mar a bhfuil:

$$CMC = \sum_l CMC_l$$

nuair atá

$CMC_l$  = margadhluach reatha chomhthaobhacht  $l$ ;

$i$  = innéacs lena n-ainmnítear idirbheart;

$l$  = innéacs lena n-ainmnítear comhthaobhacht;

$j$  = innéacs lena n-ainmnítear catagóir tacar fáilaithe;

Tá na tacair fháilaithe chun na críche seo ag freagairt d'fhachtóirí priacal ar féidir suíomh priacal leis an gcomhartha malartach a fhritháireamh ina leith ionas go mbeidh suíomh priacal glan ann dá bharr ar a mbunaítear an beart risíochta.

$RPT_{ij}$  = suíomh priacal ó idirbheart  $i$  i ndáil leis an tacar fáilaithe  $j$ ;

$RPC_{lj}$  = suíomh priacal ó chomhthaobhacht  $l$  i ndáil leis an tacar fáilaithe  $j$ ;

$CCRM_j$  = iolraitheoir CCR a leagtar amach i dTábla 5 i ndáil leis an tacar fáilaithe  $j$ ;

$\beta$  = 1,4.

3. Chun críocha an ríomha faoi mhír 2:

(a) beidh comhartha deimhneach ag comhthaobhacht incháilithe a fhaightear ó chontrapháirtí agus beidh comhartha diúltach ag comhthaobhacht a bhreactar i leith contrapháirtí;

**▼B**

- (b) ní úsáidfeadh ach comhthaobhacht atá incháilithe faoi Airteagal 197, Airteagal 198 agus Airteagal 299(2)(d) don SM;
- (c) féadfaidh institiúid neamhaird a dhéanamh den priacal ráta úis ó chodanna d'íocaíocht le haibíocht iarmhair de níos lú ná bliain amháin;
- (d) féadfaidh institiúid idirbhearta atá comhdhéanta de dhá chuid d'íocaíocht atá ainmnithe san airgeadra céanna a láimhseáil mar idirbheart comhiomlán amháin. Tá feidhm maidir leis an idirbheart comhiomlán ag an láimhseáil do na codanna d'íocaíocht.

*Airteagal 277***Idirbhearta le próifil líneach riosca**

1. Déanfaidh institiúidí idirbhearta le próifil líneach priacal a mhapáil ar shuíomh priacal i gcomhréir leis na forálacha seo a leanas:

- (a) déanfar idirbhearta le próifil líneach priacal le cothromas (lena n-áirítear innéacsanna cothromais), ór, miotail lómhara eile nó tráchtarraí eile mar ionstraim fholuiteach a mhapáil ar shuíomh priacal sa chothromas sin (nó innéacs cothromais) nó tráchtarraí sin agus suíomh priacal ráta úis don chuid d'íocaíocht;
- (b) déanfar idirbhearta le próifil líneach priacal le hionstraim fiachais mar ionstraim fholuiteach a mhapáil ar shuíomh priacal ráta úis don ionstraim fiachais agus suíomh priacal ráta úis eile don chuid d'íocaíocht;
- (c) déanfar idirbhearta le próifil líneach priacal faoina sonraítear go ndéanfar íocaíocht a mhalartú i gcoinne íocaíochta, lena n-áirítear réamhchonartháí i malairt eachtrach, a mhapáil ar shuíomh priacal ráta úis maidir le gach ceann de na codanna d'íocaíocht.

Más rud é, faoi idirbheart a luaitear i bpointe (a), (b) nó (c), go bhfuil cuid d'íocaíocht nó an bhunionstraim fiachais ainmnithe in airgeadra eachtrach, mapálfar an chuid d'íocaíocht nó an bhunionstraim sin ar shuíomh priacal san airgeadra sin freisin.

2. Chun críocha mhír 1, is é an méid a bheidh i suíomh priacal ó idirbheart le próifil líneach priacal ná an luach barúlach iarbhír (praghas an mhargaidh iolraithe faoin gcainníocht) de na bunionstraimí airgeadais nó na tráchtarraí comhshóite in airgeadra intíre na hinstitiúide trí iolrú leis an ráta malairte iomchuí, cé is moite d'ionstraimí fiachais.

3. Maidir le hionstraimí fiachais agus codanna d'íocaíocht, beidh méid an tsuímh priacal cothrom le luach barúlach iarbhír na n-íocaíochtaí comhlána gan íoc (lena n-áirítear an méid barúlach) comhshóite in airgeadra an Bhallstáit baile, arna iolrú faoi mharthanacht leasaithe na hionstraime fiachais nó na coda d'íocaíocht, cibé acu atá i gceist.

**▼B**

4. Is é an méid a bheidh ag suíomh priacal ó bhabhtáil mainneachtana creidmheasa ná luach barúlach na hionstraime fiachais tagartha iolraithe faoin aibíocht iarmhair den bhabhtáil mainneachtana creidmheasa.

**▼M8**

5. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú:

- (a) an modh chun na hidirbhearta sin nach bhfuil ach aon spreagáí priacail ábhartha amháin acu a shaináithint;
- (b) an modh chun idirbhearta a aithint ag a bhfuil níos mó ná spreagáí priacail ábhartha amháin agus chun an spreagáí is ábhartha de na spreagaithe priacail sin a aithint chun críocha mhír 3.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Nollaig 2019.

Tarmligtear chuig an gCoimisiún an chumhacht chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

**▼B***Airteagal 278***Idirbhearta le próifil neamhlíneach riosca**

1. I Socróidh institiúidí méid na suíomh priacal d'idirbhearta le próifil neamhlíneach priacal i gcomhréir leis na míreanna seo a leanas.
2. Beidh méid suímh priacal ó dhíorthach thar an gcuntar le próifil neamhlíneach priacal, lena n-áirítear roghanna agus roghtálacha, nach ionstraim fiachais nó cuid d'íocaíocht í an bhunionstraim, cothrom le deiltechoibhéis an luacha bharúláigh iarbhir den ionstraim airgeadais a fhorluíonn an t-idirbheart i gcomhréir le hAirteagal 280(1).
3. Beidh méid suímh priacal ó dhíorthach thar an gcuntar le próifil neamhlíneach priacal, lena n-áirítear roghanna agus roghtálacha, ar ionstraim fiachais nó cuid d'íocaíocht í an bhunionstraim, cothrom le deiltechoibhéis an luacha bharúláigh iarbhir den ionstraim airgeadais nó den chuid d'íocaíocht, arna iolrú faoi mharthanacht leasaithe na hionstraime fiachais nó na coda d'íocaíocht, de réir mar a bheidh.

*Airteagal 279***Comhthaobhacht a láimhseáil**

Chun suímh priacal a chinneadh, láimhseálfaidh institiúidí comhthaobhacht mar a leanas:

**▼C2**

- (a) láimhseálfar comhthaobhacht a fhaightear ó chontrapháirtí mar oibleagáid don chontrapháirtí faoi chonradh díorthach (suíomh gearr) atá dlite ar an lá a dhéantar an cinneadh;
- (b) láimhseálfar comhthaobhacht atá breactha aici le contrapháirtí mar éileamh ar an gcontrapháirtí (suíomh fada) atá dlite ar an lá a dhéantar an cinneadh.

**▼M8***Airteagal 279a***Deilte mhaoirseachta**

3. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú:

- (a) i gcomhréir leis na forbairtí rialála idirnáisiúnta, an fhoirmle a úsáidfidh institiúidí chun ríomh a dhéanamh ar dheilte mhaoirseachta na gcéadroghanna ar cheannach agus ar dhíol arna mapáil ar an gcatagóir priacail ráta úis atá comhoiriúnach le dálaí margaidh faoina bhféadfadh rátaí úis a bheith diúltach agus faoina bhféadfadh luaineacht mhaoirseacht atá oiriúnach don fhoirmle sin a bheith diúltach freisin;
- (b) an modh chun a chinneadh cé acu suíomh fada nó gearr é idirbheart sa phríomhspreagaí priacail nó sa spreagaí priacail is ábhartha de na spreagaíthe priacail i gcatagóir áirithe idirbheart dá dtagraítear in Airteagal 277(3).

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Nollaig 2019.

Tarmligtear chuig an gCoimisiún an chumhacht chun an Rialachán seo a fhorlónadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

**▼B***Airteagal 280***Suímh priacal a ríomh**

1. Cinnfidh institiúid méid agus comhartha suímh priacal mar a leanas:

- (a) maidir le gach ionstraim nach ionstraimí fiachais iad:
  - (i) mar luach barúlach iarbhír i gcás idirbhirt le próifil líneach priacal;
  - (ii) mar dheiltechoibhéis an luacha bharúlaigh,  $p_{\text{ref}} \cdot \frac{\partial V}{\partial p}$ , i gcás idirbhirt le próifil neamhlíneach priacal;

nuair atá:

$P_{\text{ref}}$  = praghas na bunionstraime, arna shloinneadh san airgeadra tagartha;

$V$  = luach na hionstraime airgeadais (i gcás rogha, is é praghas na rogha an luach);

$p$  = praghas na bunionstraime, arna shloinneadh san airgeadra céanna le  $V$ ;

**▼B**

(b) maidir le hionstraimí fiachais agus na codanna d'íocaíocht de na hidirbhearta ar fad:

(i) mar luach barúlach iarbhír arna iolrú faoin marthanacht leasaithe i gcás idirbhirt le próifíl líneach priacal;

(ii) mar dheiltechoibhéis an luacha bharúlaigh arna iolrú faoin marthanacht leasaithe,  $\frac{\partial V}{\partial r}$ , i gcás idirbhirt le próifíl neamhlíneach priacal,

nuair atá:

$V$  = luach na hionstraime airgeadais (i gcás rogha, is é praghas na rogha é);

$r$  = leibhéal an ráta úis.

Má tá  $V$  ainmnithe in airgeadra seachas an t-airgeadra tagartha, déanfar an díorthach a chomhshó san airgeadra tagartha trí iolrú a dhéanamh faoin ráta malairte iomchuí.

2. Déanfaidh institiúidí na suímh priacal a ghrúpáil i dtacair fhálaithe. Déanfar méid an luacha absalóidigh de shuim na suíomh priacal atá ann dá bharr a ríomh maidir le gach tacar fálaithe. Beidh an suíomh priacal glan cothrom le toradh an ríomha sin agus déanfar é a ríomh chun críocha Airteagal 276(2) mar a leanas:

$$\left| \sum_i RPT_{ij} - \sum_l RPC_{lj} \right|$$

*Airteagal 281***Suímh maidir le priacal an ráta úis**

1. D'fhonn suíomh maidir le priacal an ráta úis a ríomh, cuirfidh institiúidí na forálacha seo a leanas i bhfeidhm.

2. I gcás suíomh maidir le priacal an ráta úis a thig uathu seo a leanas:

(a) corrlaigh airgid faighte ón gcontrapháirtí mar chomhthaobhacht;

(b) codanna d'íocaíocht;

(c) bunionstraimí fiachais,



**▼B**

lena bhfuil feidhm ag muirear caipitil 1,60 % nó níos lú i ngach cás i gcomhréir le Tábla 1 d'Airteagal 336, sannfaidh institiúidí na suímh seo do cheann den sé thacar fálaithe i gcás gach airgeadra a leagtar amach i dTábla 4.

*Tábla 4*

	Rátaí úis le tagairt rialtais	Rátaí úis gan tagairt rialtais
Aibíocht	< 1 bhliain	< 1 bhliain
	> 1 ≤ 5 bliana	> 1 ≤ 5 bliana
	> 5 bliana	> 5 bliana

3. I gcás suíomh maidir le priacal an ráta úis ó bhunionstraimí fiachais nó ó chodanna d'íocaíocht lena bhfuil an ráta úis nasctha le ráta úis tagartha a léiríonn leibhéal úis ginearálta margaidh, beidh an aibíocht iarmhair cothrom le fad an eatraimh ama chomh fada leis an gcéad athchoigeartú eile ar an ráta úis. I ngach cás eile, is é an saolré atá fágtha ag an mbunionstraim fiachais a bheidh ann, nó, i gcás coda d'íocaíocht, an saolré atá fágtha ag an idirbheart.

*Airteagal 282*

**Tacair fhálaithe**

1. Bunóidh institiúidí tacair fhálaithe i gcomhréir le míreanna (2) go (5).

2. Beidh tacar fálaithe amháin ann do gach eisitheoir d'ionstraim fiachais tagartha a fholuionn babhtáil mainneachtana creidmheasa.

Láimhseálfar babhtálacha mainneachtana creidmheasa bascaeid don n-ú mainneachtain mar a leanas:

(a) beidh méid suímh priacal in ionstraim fiachais tagartha i mbascaed a fholuionn babhtáil mainneachtana creidmheasa don n-ú mainneachtain cothrom le luach barúlach iarbhír na hionstraime fiachais tagartha, arna iolrú faoi mharthanacht leasaithe an díorthaigh don n-ú mainneachtain i leith athrú i raon difríochta creidmheasa na hionstraime fiachais tagartha;

(b) beidh tacar fálaithe amháin le haghaidh gach ionstraime fiachais i mbascaed a fholuionn babhtáil mainneachtana creidmheasa ar leith don n-ú mainneachtain'. Ní bheidh suímh priacal ó bhabhtálacha mainneachtana creidmheasa éagsúla don n-ú mainneachtain san áireamh sa tacar fálaithe céanna;

(c) beidh an t-íolraitheoir CCR is infheidhme maidir le gach tacar fálaithe a chruthaítear le haghaidh ceann de na hionstraimí fiachais tagartha de chuid díorthaigh don n-ú mainneachtain mar a leanas:

**▼B**

(i) 0,3 % le haghaidh ionstraimí fiachais tagartha a bhfuil measúnú creidmheasa acu ó IMCS aitheanta atá coibhéiseach le céimeanna 1 go 3 den cháilíocht chreidmheasa;

(ii) 0,6 % le haghaidh ionstraimí fiachais eile.

3. I gcás suíomh maidir le priacal an ráta úis:

(a) corrlaigh airgid atá breactha le contrapháirtí mar chomhthaobhacht nuair nach bhfuil oibleagáidí fiachais de priacal íseal sonrath gan ioc ag an gcontrapháirtí sin;

(b) bunionstraimí fiachais, a bhfuil muirear caipitil níos mó ná 1,60 % i bhfeidhm ina leith de réir Thábla 1 d'Airteagal 336

Beidh tacar fálaithe amháin ann le haghaidh gach eisitheora.

Nuair a dhéanann cuid d'íocaíocht aithris ar ionstraim fiachais den sórt sin, beidh tacar fálaithe amháin ann freisin do gach eisitheoir d'ionstraim fiachais tagartha.

Féadfaidh institiúid suímh priacal a thagann chun cinn as ionstraimí fiachais eisitheora ar leith, nó ó ionstraimí fiachais tagartha den eisitheoir céanna a ndéanann codanna d'íocaíocht aithris orthu, nó a fholuionn babhtáil mainneachtana creidmheasa, a shannadh don tacar fálaithe céanna.

4. Ní shannfar ionstraimí airgeadais foluiteacha nach ionstraimí fiachais iad don tacar fálaithe céanna ach amháin más ionstraimí combhionanna nó cosúla iad. I ngach cás eile sannfar iad do thacair fhálaithe ar leithligh.

Chun críocha na míre seo, cinnfidh institiúidí an bhfuil na bunionstraimí cosúil le chéile nó nach bhfuil i gcomhréir leis na prionsabail seo a leanas:

(a) i gcás cothromais, bíonn an bhunionstraim cosúil más rud é gurb é an t-eisitheoir céanna a d'eisigh í. Láimhseálfar innéacs cothromais mar eisitheoir ar leithligh;

(b) i gcás miotal lómhar, bíonn an bhunionstraim cosúil más rud é gurb é an miotal céanna é. Láimhseálfar innéacs miotal lómhar mar mhíotal lómhar ar leithligh;

(c) i gcás cumhachta leictirigh, tá an bhunionstraim cosúil más rud é go bhfuil na cearta agus oibleagáidí seachadta ag tagairt don eatramh ama lódála buaice nó neamhbhuaice céanna laistigh de thréimhse 24 uair an chloig ar bith;

(d) i gcás tráchtearraí, tá an bhunionstraim cosúil más rud é gurb é an tráchtearra céanna é. Láimhseálfar innéacs tráchtearraí mar thráchtearra ar leithligh.

5. Leagtar amach na hiolraitheoirí CCR (dá ngairtear CCRM' anseo feasta) le haghaidh na gcatagóirí éagsúla tacar fálaithe sa tábla seo a leanas:



*Tábla 5*

	Catagóirí tacar fálaíthe	CCRM
1.	Rátaí Úis	0,2 %
2.	Rátaí Úis le haghaidh suíomh priacal ó ionstraim fiachais tagartha a fholuionn babhtáil mainneachtana creidmheasa agus lena bhfuil feidhm ag muirear caipitil 1.60 %, nó níos lú, ina leith faoi Thábla 1 de Chaibidil 2 de Theideal IV.	0,3 %
3.	Rátaí Úis le haghaidh suíomh priacal ó ionstraim fiachais nó ionstraim fiachais tagartha lena bhfuil feidhm ag muirear caipitil os cionn 1.60 % ina leith faoi Thábla 1 de Chaibidil 2 de Theideal IV.	0,6 %
4.	Rátaí Malairte	2,5 %
5.	Cumhacht Leictreach	4 %
6.	Ór	5 %
7.	Cothromas	7 %
8.	Miotail Lómhara (seachas ór)	8,5 %
9.	Tráchtearraí eile (cé is moite de mhiotail lómhara agus cumhacht leictreach)	10 %
10.	Bunionstraimí dhíorthaigh thar an gcuntar nach bhfuil i gceann ar bith de na catagóirí thuas	10 %

Déanfar bunionstraimí dhíorthaigh thar an gcuntar, dá dtagraítear i bpointe 10 de Thábla 5, a shannadh do thacair fhálaithe aonair ar leithligh maidir le gach catagóir bunionstraime.

6. Maidir le hidirbhearta le próifil neamhlíneach priacal nó codanna d'focaiócht agus idirbhearta le hionstraimí fiachais foluiteacha nach féidir leis an institiúid an deilt nó an mharthanacht leasaithe a chinneadh ina leith, de réir mar a bheidh, le samhail ionstraime atá faofa ag an údarás inniúil d'fhonn na ceanglais cistí dílse a chinneadh don priacal margaidh, déanfaidh an t-údarás inniúil méid na suímh priacal agus na CCRManna is infheidhme a chinneadh go coimeádach, nó ceanglóidh sí ar an institiúid an modh a leagtar amach i Roinn 3 a úsáid. Ní aithneofar an ghlanluacháil (is é sin, cinnfear luach na risíochta amhail is dá mbeadh tacar glanluachála ann nach bhfuil comhdhéanta ach d'idirbheart aonair).

7. Beidh nósanna imeachta inmheánacha ag institiúid lena fhíorú, sula gcuirtear idirbheart i dtacar fálaíthe, go bhfuil an t-idirbheart clúdaithe ag conradh glanluachála is infheidhme le dlí a chomhlíonann na ceanglais a leagtar amach i Roinn 7.

8. Beidh nósanna imeachta inmheánacha ag institiúid a úsáideann comhthaobhacht chun a CCR a mhaolú d'fhonn a fhíorú, sula ndéantar éifeacht na comhthaobhachta ina ríomhanna a aithint, go gcomhlíonann an chomhthaobhacht na caighdeáin um chinnteacht dhlí-thiúil a leagtar amach i gCaibidil 4.



## Roinn 6

### Modh na samhla inmheánaí

#### *Airteagal 283*

#### **Cead chun Modh na Samhla Inmheánaí a úsáid**

1. Ar an gcoinníoll go bhfuil na húdaráis inniúla sásta gur chomhlíon institiúid an ceanglas i mír 2, tabharfaidh siad cead don institiúid sin Modh na Samhla Inmheánaí (IMM) a úsáid chun luach na risíochta a ríomh le haghaidh ceann ar bith de na hidirbhearta seo a leanas:

(a) idirbhearta in Airteagal 273(2)(a);

(b) idirbhearta in Airteagal 273(2)(b), (c) agus (d);

(c) idirbhearta in Airteagal 273(2)(a) go (d),

I gcás ina dtugtar cead d'institiúid an IMM a úsáid chun luach na risíochta a ríomh maidir le haon cheann de na hidirbhearta a luaitear i bpointí (a) go (c) den chéad fhomhír, féadfaidh sí an IMM a úsáid maidir leis na hidirbhearta in Airteagal 273(2)(e) freisin.

D'ainneoin an tríú fomhír d'Airteagal 273(1), féadfaidh institiúid an rogha a dhéanamh gan an modh seo a chur i bhfeidhm i leith risíochtaí atá neamhábhartha ó thaobh méide agus priacal de. I gcás mar sin, cuirfidh an institiúid ceann de na modhanna a leagtar amach i Ranna 3 go 5 i bhfeidhm i leith na risíochtaí sin i gcás ina gcomhlíontar na ceanglais ábhartha uile maidir le gach cur chuige.

2. Ní thabharfaidh na húdaráis inniúla cead d'institiúidí IMM a úsáid do na ríomhanna dá dtagraítear dóibh i mír 1 ach amháin má tá sé léirithe ag an institiúid go bhfuil sí ag comhlíonadh na gceanglas a leagtar amach sa Roinn seo, agus go bhfuil sé fíoraíthe ag na húdaráis inniúla go bhfuil na córais chun an CCR a bhainistiú atá á gcoinneáil ag an institiúid slán agus curtha i bhfeidhm i gceart.

3. Féadfaidh na húdaráis áitiúla cead a thabhairt d'institiúidí an IMM a chur i bhfeidhm go seicheamhach thar chineálacha éagsúla idirbhirt ar feadh tréimhse teoranta. I rith na tréimhse sin de chur chun feidhme seicheamhach, féadfaidh institiúidí na modhanna a leagtar amach i Roinn 3 nó Roinn 5 a úsáid don chineál idirbhirt nach bhfuil an IMM in úsáid acu ina leith.

4. Maidir le gach idirbheart díorthach thar an gcuntar agus idirbhearta socraíochta iarchurtha nach bhfuil cead faighte ag institiúid an IMM a úsáid ina leith faoi mhír 1, bainfidh an institiúid úsáid as na modhanna a leagtar amach i Roinn 3 nó Roinn 5.

Féadfar na modhanna sin a úsáid i dteaghlaim ar bhonn buan laistigh de ghrúpa. Laistigh d'institiúid, ní fhéadfar na modhanna sin a úsáid i dteaghlaim ach amháin sa chás go n-úsáidtear ceann de na modhanna sin le haghaidh na gcásanna a leagtar amach in Airteagal 282(6).

**▼B**

5. Ní fhillfidh institiúid a bhfuil cead faighte aici an IMM a úsáid i gcomhréir le mír 1 ar na modhanna a leagtar amach i Roinn 3 nó Roinn 5 ach amháin má fhaigheann sí cead ón údarás inniúil é sin a dhéanamh. Tabharfaidh na húdaráis inniúla cead den sórt sin má léiríonn an institiúid go bhfuil cúis mhaith leis.

6. I gcás ina scoireann institiúid de chomhlíonadh na gceanglas a leagtar amach sa Roinn seo, tabharfaidh sí fógra don údarás inniúil agus déanfaidh sí ceann de na nithe seo a leanas:

- (a) cuirfidh sí plean faoi bhráid an údaráis inniúil ionas go gcomhlíonfar na ceanglais arís go tráthúil;
- (b) taispeánfaidh sí chun sástachta an údaráis inniúil go bhfuil éifeacht an neamhchomhlíonta neamhábhartha.

*Airteagal 284***Luach na risíochta**

1. I gcás ina dtugtar cead d'institiúid an IMM a úsáid, i gcomhréir le hAirteagal 283(1), chun luach na risíochta a ríomh le haghaidh roinnt de na hidirbhearta a luaitear sa mhír sin, nó iad ar fad, déanfaidh sí luach na risíochta de na hidirbhearta sin a thomhas ar leibhéal an tacair ghlanluachála.

Déanfaidh an tsamhail arna húsáid ag an institiúid chun na críche sin:

- (a) an dáileachán réamhaisnéise a shonrú le haghaidh athruithe i margadhluach an tacair ghlanluachála de thoradh ar chomhathruithe in athróa ábhartha an mhargaidh, amhail rátaí úis agus rátaí malairte eachtraí;
- (b) luach na risíochta a ríomh don tacair glanluachála ar gach ceann de na dátaí sa todhchaí ar bhonn na gcomhathruithe in athróa an mhargaidh.

**▼C2**

2. Ionas go ndéanfaidh an tsamhail éifeachtaí an tsocraithe corrlaigh a ghabháil, comhlíonfaidh samhail luach na comhthaobhachta na ceanglais chainníochtúla, cháilíochtúla agus sonraí don IMM i gcomhréir leis an Roinn seo agus ní fhéadfaidh an institiúid ach comhthaobhacht airgeadais incháilithe dá dtagraítear in Airteagal 197 agus, Airteagal 198 agus i bpointe (c) agus i bpointe (d) d'Airteagal 299(2) a chur san áireamh ina dáileachán réamhaisnéise maidir le hathruithe i margadhluach an tacair ghlanluachála.

**▼B**

3. Beidh an ceanglas cistí dílse do priacal creidmheasa an chontrapháirtí i ndáil leis na risíochtaí ar CCR a gcuireann institiúid an IMM i bhfeidhm ina leith, cothrom leis an gceann is airde díobh seo a leanas:

- (a) an ceanglas cistí dílse do na risíochtaí sin arna ríomh ar bhonn an EPE iarbhír ag úsáid sonraí reatha an mhargaidh;
- (b) an ceanglas cistí dílse do na risíochtaí sin arna ríomh ar bhonn an EPE iarbhír ag úsáid calabhrú struis amháin do gach risíocht ar CCR a gcuireann siad an IMM i bhfeidhm maidir leis.

**▼B**

4. Cé is moite de na contrapháirtithe a aithnítear a bhfuil Sainpriacal Comhghaolmhaireachta acu a thagann faoi raon feidhme Airteagal 291(4) agus (5), déanfaidh institiúidí luach na risíochta a ríomh mar an toradh ar alfa ( $\alpha$ ) uair an EPE iarbhír, mar a leanas:

$$\text{Exposure value} = \alpha \cdot \text{Effective EPE}$$

nuair atá:

$\alpha = 1.4$ , ach amháin má bhíonn  $\alpha$  níos airde de dhíth ar údaráis inniúla nó má cheadaíonn siad a meastacháin féin a úsáid i gcomhréir le mír 9;

Déanfar an EPE iarbhír a ríomh trí mheastachán a dhéanamh den risíocht ionchasach (EEt) mar an risíocht mheánach ar dháta sa todhchaí  $t$ , i gcás ina ndéantar an meán a thógáil thar luachanna féideartha fachtóirí priacal margaidh ábhartha.

Déanfaidh an tsamhail meastachán ar EE ar shraith dátaí sa todhchaí,  $t_1$ ,  $t_2$ ,  $t_3$ , etc.

5. Déanfar EE iarbhír a ríomh go hathchúrsach mar a leanas:

$$\text{Effective } EE_{t_k} = \max \{ \text{Effective } EE_{t_{k-1}}, EE_{t_k} \}$$

nuair atá:

an dáta reatha curtha in iúl mar  $t_0$ ;

Tá EE $t_0$  iarbhír cothrom leis an risíocht reatha.

6. Is é atá in EPE iarbhír meán an EE iarbhír i rith na chéad bhliana de risíocht todhchaí. Má aibíonn gach conradh sa tacar glanluachála faoi cheann bliana amháin, beidh an EPE cothrom le meán an EE go dtí go n-aibíodh gach conradh sa tacar glanluachála. ► **C3** Déanfar an EPE iarbhír a ríomh mar mheán ualaithe den EE iarbhír:

$$\text{Effective EPE} = \frac{1}{\min\{1 \text{ year}, \text{maturity}\}} \cdot \sum_{k=1}^{\min\{1 \text{ year}, \text{maturity}\}} \text{Effective } EE_{t_k} \cdot \Delta t_k$$

i gcás ina gceadaítear leis na hualuithe  $\Delta t_k = t_k - t_{k-1}$  gur féidir an risíocht todhchaí a ríomh ar dhátaí nach bhfuil an méid ama céanna eatarthu. ◀

7. Ríomhfaidh institiúidí an EE nó na bearta risíochta buaice ar bhonn dáilte risíochtaí arb ionann iad agus neamh-normáltacht fhéideartha dháileadh na risíochtaí.

**▼C2**

8. Féadfaidh institiúid aonad tomhais den dáileadh arna ríomh ag an IMM a úsáid atá níos coimeádaí ná  $\alpha$  iolraithe faoi EPE iarbhír arna ríomh i gcomhréir leis an gcothromóid i mír 4 maidir le gach contrapháirtí.

**▼B**

9. D'ainneoin mhír 4, féadfaidh údaráis inniúla cead a thabhairt d'institiúidí a meastacháin féin ar alfa a úsáid sa chás seo a leanas:

**▼B**

- (a) beidh alfa cothrom leis an gcóimheas idir an caipiteal inmheánach ó ionsamhlú iomlán de risíocht CCR thar chontrapháirtithe (uimhreoir) agus an caipiteal inmheánach bunaithe ar EPE (ainmneoir);
- (b) san ainmneoir, bainfear úsáid as EPE amhail is dá mba shuim sheasta gan íoc í.

Nuair a dhéantar meastachán ar alfa i gcomhréir leis an mír seo, ní bheidh sé níos ísle ná 1.2.

10. Ar mhaithe le meastachán a dhéanamh ar alfa faoi mhír 9, áirítheoidh institiúid go ndéanfar an t-uimhreoir agus an t-ainmneoir a ríomh ar bhealach atá comhsheasmhach leis an modheolaíocht ionsamhlaithe, sonraíochtaí na bparaiméadar agus comhdhéanamh na punainne. Beidh an cur chuige a úsáidfear chun meastachán a dhéanamh ar  $\alpha$  bunaithe ar chur chuige na hinstitiúide maidir le caipiteal inmheánach; déanfar é a dhoiciméadú go maith agus beidh sé faoi réir bailíochtú neamhspleách. Ina theannta sin, déanfaidh institiúid athbheithniú ar a cuid meastachán maidir le halfa ar bhonn ráithiúil ar a laghad, agus níos minice nuair a bhíonn éagsúlacht ar chomhdhéanamh na punainne ag amanna éagsúla. Déanfaidh institiúid measúnú ar priacal na samhla freisin.

11. Déanfaidh institiúid measúnú ar priacal na samhla freisin. Léireoidh institiúid chun sástachta na n-údarás inniúil go bhfuil a meastacháin inmheánacha den ghabháil alfa i bhfoinsí ábhartha spleáchais de dháileadh margadhluachanna idirbheart nó punanna idirbheart thar chontrapháirtithe. Cuirfear gráinneacht na bpunann san áireamh sna meastacháin inmheánacha ar alfa.

12. Agus maoirseacht á déanamh ar úsáid na meastachán faoi mhír 9, tabharfaidh na húdaráis inniúla aird ar an éagsúlacht shuntasach i meastacháin den alfa a thagann chun cinn ón bhféidearthacht míshonraíocht a dhéanamh sna samhlacha a úsáidtear don uimhreoir, go háirithe nuair a bhíonn dronnacht i gceist.

13. Nuair is iomchuí, beidh fachtóir an priacal creidmheasa mar choinníoll do na luaineachtaí agus na táblaí comhghaoil d'fhachtóirí an priacal margaidh a úsáidtear i gcomh-ionsamhlú an mhargaidh agus an priacal creidmheasa chun méaduithe féideartha i luaineacht nó comhghaoil i gcor chun donais eacnamaíoch a léiriú.

*Airteagal 285***Luach na risíochta maidir le tacair ghlanuachála atá faoi réir ag comhaontú éarlaise****▼C2**

1. Má tá an tacar glanuachála faoi réir ag comhaontú corrlaigh agus luacháil laethúil marcála ón margadh, déanfaidh an institiúid EPE iarbhrí faoi mar a leagtar amach é sa mhír seo a ríomh. Más rud é go ndéantar iarmhairtí socraithe corrlaigh a ghabháil sa tsamhail agus an EE á ríomh, féadfaidh an institiúid, faoi réir ceada ón údarás inniúil, tomhas EE na samhla a úsáid go díreach sa chothromóid in Airteagal 284(5). Ní bhronnfaidh údarás inniúla cead den sórt sin ach amháin má dhéanann siad a fhíorú go ndéanann an tsamhail iarmhairtí an tsocraithe corrlaigh a ghabháil i gceart agus meastachán á dhéanamh ar EE. Déanfaidh institiúid nach bhfuil an cead sin faighte aici ceann de na tomhais EPE iarbhrí seo a leanas a úsáid:

- (a) EPE iarbhrí, arna ríomh gan comhthaobhacht ar bith atá á sealbhú nó atá breactha mar corrlach a chur san áireamh móide comhthaobhacht ar bith breactha le contrapháirtí, neamhspleách ón bpróiseas laethúil luachála agus corrlaigh nó ón risíocht reatha;

**▼ C2**

- (b) EPE iarbhír arna ríomh mar an méadú féideartha sa risíocht thar an tréimhse corrlaigh faoi phriacal, móide an ceann is mó idir:
- (i) an risíocht reatha lena n-áirítear an chomhthaobhacht uile atá á sealbhú nó atá breactha, seachas comhthaobhacht atá glaoite nó faoi dhíospóid;
  - (ii) an risíocht ghlan is mó, lena n-áirítear comhthaobhacht faoin gcomhaontú corrlaigh, nach spreagfadh glao ar chomhthaobhacht. Léireofar sa tsuim seo gach tairseach, íosmhéideanna aistrithe, méideanna neamhspleácha agus corrlaigh tosaigh is infheidhme faoi chomhaontú corrlaigh;

**▼ B**

Chun críocha phointe (b), déanfaidh institiúidí an forlíontán a ríomh mar an t-athrú deimhneach a bhfuiltear ag súil leis i luach marcála ón margadh na n-idirbheart i rith na tréimhse corrlaigh faoi phriacal. Léireofar athruithe ar luach comhthaobhachta ag baint úsáide as coigear-tuithe luaineachta maoirseachta i gcomhréir le Roinn 3 de Chaibidil 4 nó sna meastacháin féin den choigeartú luaineachta sa Mhodh Cuimsitheach Comhthaobhach Airgeadais, ach ní dhéanfar talamh slán d'aon íocaíochtaí comhthaobhachta i rith na tréimhse corrlaigh faoi phriacal. Tá an tréimhse corrlaigh faoi phriacal faoi réir ag na híosstréimhsí a leagtar amach i míreanna 2 go 54.

2. Maidir le hidirbhearta atá faoi réir ag athshocrú laethúil corrlaigh agus luacháil marcála ón margadh, ní bheidh an tréimhse corrlaigh faoi phriacal a úsáidtear chun críocha ionsamhlaithe ar luach na risíochta le comhaontuithe corrlaigh níos lú ná:

(a) 5 lá gnó maidir le tacair ghlanluachála atá comhdhéanta d'idirbhearta athcheannaigh, idirbhearta iasachtaithe nó iasachtaíochta i leith urrús nó tráchtarraí agus idirbhearta iasachta corrlaigh amháin;

(b) 10 lá gnó maidir le gach tacar glanluachála eile.

3. Beidh pointe (a) agus pointe (b) de mhír 2 faoi réir ag na heisceachtaí seo a leanas:

(a) maidir le gach tacar glanluachála ina bhfuil líon na dtrádálacha níos mó ná 5,000 ag tráth ar bith i rith ráithe, ní bheidh an tréimhse corrlaigh faoi phriacal don chéad ráithe eile níos lú ná 20 lá gnó. Ní bheidh feidhm ag an eisceacht seo maidir le risíochtaí trádála institiúidí;

(b) maidir le tacair ghlanluachála ina bhfuil trádáil amháin nó níos mó lena bhfuil comhthaobhacht neamhleachtach i gceist, nó díorthach thar an gcuntar nach féidir a ionadú go héasca, ní bheidh an tréimhse corrlaigh faoi phriacal níos lú ná 20 lá gnó.



**▼B**

Cinnfidh institiúid an bhfuil comhthaobhacht neamhleachtach nó nach bhfuil nó ar féidir díorthaigh thar an gcuntar a athsholáthar go héasca i gcomhthéacs na ndálaí struis sa mhargadh, rud a chiallaíonn go bhfuil easpa margaí atá gníomhach go leanúnach ann i gcás ina bhfaigheadh contrapháirtí, laistigh de dhá lá nó níos lú ná sin, praghsanna iolracha reatha nach ndéanfaidh an margadh a bhogadh ná praghas a léiriú lena ndéanfaí lascaine margaidh (i gcás comhthaobhachta) nó préimh (i gcás díorthach thar an gcuntar) a léiriú.

Déanfaidh institiúid a mheas an bhfuil trádálacha agus urrúis arna sealbhú aici comhdhlúite i gcontrapháirtí áirithe nó nach bhfuil agus, dá bhfágfadh an contrapháirtí sin an margadh go rite, an mbeadh an institiúid in ann na trádálacha nó na hurrúis sin a athsholáthar nó nach mbeadh.

4. Má bhí baint ag institiúid le níos mó ná dhá dhíospóid um ghlaio ar corrlach maidir le tacar glanluachála áirithe thar an dá ráithe go díreach roimhe a mhair níos faide ná an tréimhse corrlaigh atá infheidhme faoi mhír 2 agus mhír 3, bainfidh an institiúid úsáid as tréimhse corrlaigh faoi phriacal dhá oiread ar a laghad na tréimhse a shonraítear i mír 2 agus mír 3 le haghaidh an tacair ghlanluachála sin don dá ráithe ina dhiaidh sin.

5. Maidir le hathshocrú corrlaigh lena mbaineann tréimhse N lá, beidh an tréimhse corrlaigh faoi phriacal cothrom ar a laghad leis an tréimhse a shonraítear i mír 2 agus mír 3, F, móide N lá lúide lá amháin. Is é sin:

$$\text{Tréimhse Corrlaigh faoi Phriacal} = F + N - 1$$

6. Má tá éifeacht an tsocraithe corrlaigh ar athruithe ar margadhluach an tacair ghlanluachála san áireamh sa tsamhail inmheánach, déanfaidh institiúid comhthaobhacht, seachas airgead tirim den airgeadra céanna ina bhfuil an risíocht í féin, a shamhaltú go comhpháirteach leis an risíocht ina ríomhanna um luach risíochta maidir le díorthaigh thar an gcuntar agus idirbhearta maoinithe urrús.

7. Mura bhfuil institiúid in ann comhthaobhacht a shamhaltú go comhpháirteach leis an neamhchosaint, ní dhéanfaidh sí éifeacht na comhthaobhachta a aithint ina ríomhanna den luach risíochta maidir le díorthaigh thar an gcuntar agus idirbhearta maoinithe urrús seachas airgead tirim den airgeadra céanna ina bhfuil an risíocht í féin, mura n-úsáideann sí coigeartuithe luaineachta lena gcomhlíontar caighdeáin an mhodha chuimsithigh chomhthaobhaigh airgeadais lena meastacháin féin ar choigeartuithe luaineachta nó na coigeartuithe luaineachta maoirseachta caighdeánacha de réir Chaibidil 4.

8. Tabharfaidh institiúid a úsáideann an IMM neamhaird ina samhlacha ar éifeacht laghdú i luach na risíochta mar gheall ar aon chlálal i gcomhaontú comhthaobhachta óna dteastaíonn comhthaobhacht a fháil nuair a mheathlaíonn cáilíocht chreidmheasa an chontrapháirtí.

*Airteagal 286***Bainistíocht ar CCR – Beartais, próisis agus córais**

1. Déanfaidh institiúid creat bainistíochta CCR a bhunú agus a choimeád ar bun, lena gcuimsítear na nithe seo a leanas:

**▼B**

- (a) beartais, próisis agus córais chun aithint, tomhas, bainistíocht, faomhadh agus tuairisciú inmheánach a áirithiú maidir le CCR;
- (b) nósanna imeachta chun a áirithiú go gcomhlíontar na beartais, na próisis agus na córais sin.

Beidh na beartais, na próisis agus na córais sin bunaithe ar bhonn coincheapúil fóna, arna bhfeidhmiú le hionracas agus arna ndoiciméadú. Áireofar leis an doiciméadú míniú ar na teicnící eimpíreacha a úsáideadh chun CCR a thomhas.

2. Cuirfear priacail margaidh, leachtachta agus priacail dlíthiúla agus oibriúcháin a bhaineann le CCR san áireamh sa chreat bainistíochta CCR a cheanglaítear le mír 1. Áiritheoidh an creat go háirithe go gcomhlíonann an institiúid na prionsabail seo a leanas:

- (a) ní dhéanann sí gnó le contrapháirtí gan a hacmhainneacht creidmheasa a mheasúnú;
- (b) cuireann sí priacal creidmheasa socraíochta agus réamhshocraíochta san áireamh go hiomlán;
- (c) déanann sí priacail den sórt sin a bhainistiú chomh cuimsitheach agus is féidir ar leibhéal an chontrapháirtí trí risíochtaí CCR a chomhiomlánú le risíochtaí creidmheasa eile ar fud an ghnóilachta.

3. Áiritheoidh institiúid a úsáideann an IMM go gcomfhreagraíonn a creat bainistíochta CCR, chun sástachta an údaráis inniúil, do na priacail leachtachta a bhaineann leis na nithe seo a leanas go léir:

- (a) glaonna ionchasacha ar corrlach a thiocfadh isteach i gcomhthéacs malartuithe corrlaigh athrúcháin nó cineálacha corrlaigh eile, amhail corrlach tosaigh nó neamhspleách, faoi shuaití neamhfhabhracha sa mhargadh;
- (b) glaonna ionchasacha a thiocfadh isteach ar aisíoc comhthaobhachta iomarcaí a dhéantar a thaisceadh ag contrapháirtithe;
- (c) glaonna mar thoradh ar íosghrádú ionchasach ar a measúnú seachtrach féin ar cháilíocht chreidmheasa.

Áiritheoidh institiúid go bhfuil cineál agus scóip athúsáid na comhthaobhachta comhsheasmhach lena riachtanais leachtachta agus nach gcuirtear a cumas comhthaobhacht a bhreacadh nó a aisíoc ar bhealach tráthúil i gcontúirt.

4. Beidh baint ghníomhach ag comhlacht bainistíochta agus lucht bainistíochta sinsearaí institiúide le bainistíocht an CCR, agus déanfaidh siad a áirithiú go ndéantar dóthain acmhainní a leithdháileadh ina leith. Beidh an lucht bainistíochta sinsearaí ar an eolas faoi teorainneacha agus thiomhdí na samhla a úsáidtear agus faoin tionchar a d'fhéadfadh a bheith ag na teorainneacha agus ag na toimhdí sin ar iontaofacht an aschuir trí phróiseas foirmiúil. Beidh an lucht bainistíochta sinsearaí ar an eolas freisin faoi neamhchinnteachtaí thimpallacht an mhargaidh agus saincheisteanna oibríochta agus an dóigh a léirítear iad seo sa tsamhail.

## ▼B

5. Déanfar athbhreithniú ar na tuarascálacha laethúla a ullmhaítear maidir le risíochtaí institiúide ar CCR de réir Airteagal 287(2)(b) ag leibhéal bainistíochta ag a mbeidh sinsearach agus údarás leodhóthanach chun laghdúithe i suímh a ghlacann bainisteoirí creidmheasa nó trádálaithe aonair a fhorfheidhmiú chomh maith le laghdúithe i risíocht fhoriomlán na hinstitiúide ar CCR.

6. Bainfear úsáid as creat bainistíochta CCR institiúide agus bunófar an creat sin de réir mhír 1 i gcomhcheangal le teorainneacha creidmheasa agus trádála inmheánacha. Beidh baint ag teorainneacha creidmheasa agus trádála le samhail tomhais priacal na hinstitiúide ar bhealach a bheidh comhsheasmhach thar am agus ar a mbeidh deathuisicint ag bainisteoirí creidmheasa, ag trádálaithe agus ag bainistíocht shinsearach. Beidh próiseas foirmiúil ag institiúid chun sárúithe ar theorainneacha creidmheasa a thuairisciú don leibhéal bainistíochta iomchuí.

7. Áireofar le tomhas institiúide ar CCR tomhas laethúil agus úsáid ionlae as línte creidmheasa. Déanfaidh an institiúid risíocht reatha a thomhas le comhthaobhacht san áireamh agus glan ar chomhthaobhacht. Ar leibhéal na punainne agus an chontrapháirtí, déanfaidh an institiúid risíocht nó risíocht fhéideartha thodhchaí a ríomh agus déanfaidh sí faireachán orthu ag an eatramh muiníne a roghnóidh an institiúid. Cuirfidh an institiúid suímh mhóra nó chomhdhlúite san áireamh, lena n-áirítear suímh a ghlacann grúpaí de chontrapháirtithe gaolmhara, tionscail agus an margadh.

8. Déanfaidh institiúid clár dian rialta de thástáil struis a bhunú agus a choimeád ar bun. Déanfaidh lucht bainistíochta sinsearaí athbhreithniú rialta ar thorthaí na tástála struis sin gach ráithe ar a laghad agus déanfar iad a léiriú i mbeartais agus i dtéorainneacha CCR a leagfaidh an comhlacht bainistíochta nó an bhainistíocht shinsearach síos. I gcás ina ndéantar leochaileacht áirithe a nochtadh leis na tástálacha struis maidir le sraith imthosca áirithe, glacfaidh an institiúid céimeanna prasa chun na priacail sin a bhainistiú.

*Airteagal 287***Struchtúir eagrúcháin maidir le bainistíocht CCR**

1. Déanfaidh institiúid a úsáideann an IMM na nithe seo a leanas a bhunú agus a choimeád ar bun:

- (a) aonad rialaithe priacal a chomhlíonann le mír 2;
- (b) aonad bainistíochta comhthaobhachta a chomhlíonann le mír 3.

2. Beidh an t-aonad rialaithe priacal freagrach as bainistíocht CCR na hinstitiúide a dheardh agus a chur chun feidhme, lena n-áirítear bailíochtú tosaigh agus leanúnach na samhla, agus déanfaidh sé na feidhmeanna seo a leanas agus comhlíonfaidh sé na ceanglais seo a leanas:

- (a) beidh sé freagrach as córas bainistíochta CCR na hinstitiúide a dheardh agus a chur chun feidhme;
- (b) déanfaidh sé tuarascálacha laethúla a tháirgeadh maidir le haschur shamhail tomhais priacal na hinstitiúide agus déanfaidh sé anailís air. Áireofar leis an anailís sin meastóireacht ar an gcaidreamh idir toisí luachanna na risíochtaí CCR agus teorainneacha trádála;

**▼B**

- (c) déanfaidh sé sláine na sonraí ionchuir a rialú agus déanfaidh sé tuarascálacha a tháirgeadh agus a anailísiú maidir le haschur shamhail tomhais priacal na hinstitiúide, lena n-áirítear meastóireacht ar an gcaidreamh idir toisí luachanna na risíochta ar priacal agus teorainneacha creidmheasa agus trádála;
  - (d) beidh sé neamhspleách ó aonaid atá freagrach as risíochtaí a thionscnamh, a athnuachan nó a thrádáil agus beidh sé saor ó thionchar míchuí;
  - (e) beidh dóthain foirne ann;
  - (f) déanfaidh sé tuairiscí a chur díreach chuig lucht bainistíochta sinsearaí na hinstitiúide;
  - (g) beidh a chuid oibre comhtháite go dlúth le próiseas laethúil bainistithe priacal creidmheasa na hinstitiúide;
  - (h) beidh a aschur ina chuid rithábhachtach den phróiseas pleanála, faireacháin agus rialaithe maidir le próifil chreidmheasa agus priacal fhoriomláin na hinstitiúide.
3. Cuirfidh an t-aonad bainistíochta comhthaobhachta na cúraimí agus na feidhmeanna seo a leanas i gcrích:
- (a) glaonna ar chorrach a ríomh agus a dhéanamh, díospóidí maidir le glaonna ar corrlach a bhainistiú agus leibhéil na méideanna neamhspleácha, corrlaigh tosaigh agus corrlaigh athrúcháin a thuairisciú go beacht ar bhonn laethúil;
  - (b) sláine na sonraí a rialú a úsáidtear chun glaonna ar chorrach a dhéanamh, agus a áirithiú go bhfuil siad comhsheasmhach agus go ndéantar iad a réiteach go rialta le foinsí sonraí ábhartha uile laistigh den institiúid;
  - (c) rianú a dhéanamh ar cé chomh mór is a dhéantar athúsáid ar chomhthaobhacht agus ar aon leasú ar chearta na hinstitiúide ar an gcomhthaobhacht a thaisceann sí nó maidir leis an gcomhthaobhacht sin;
  - (d) tuairisciú don leibhéal bainistíochta iomchuí maidir leis na cineálacha sócmhainní comhthaobhachta a athúsáidtear, agus téarmaí athúsáide den sórt sin lena n-áirítear an ionstraim, cáilíocht an chreidmheasa agus aibíocht;
  - (e) rianú a dhéanamh ar chomhdhlúthacht chuig cineálacha aonair sócmhainní comhthaobhachta a nglacann an institiúid leo;
  - (f) faisnéis bainistíochta comhthaobhachta a thuairisciú ar bhonn rialta, agus gach ráithe ar a laghad, don lucht bainistíochta sinsearaí, lena n-áirítear faisnéis maidir le cineál na comhthaobhachta a fhaightear agus a dhéantar a bhreacadh, méid, aosú agus an chúis maidir le díospóidí um ghlaonna ar chorrach. Léireofar claontaí sna figiúirí seo sa tuairisciú inmheánach sin.

**▼B**

4. Déanfaidh lucht bainistíochta sinsearaí dóthain acmhainní a leithdháileadh ar an aonad bainistíochta comhthaobhachta a theastaíonn faoi mhír 1(b) lena áirithiú go mbaintear leibhéal iomchuí feidhmíochta oibríochta amach lena chórais, arna thomhas le tráthúlacht agus le beachtas na nglanna ar chorrach arna ndéanamh ag an institiúid agus tráthúlacht fhreagra na hinstitiúide ar ghlaonna ar chorrach arna ndéanamh ag a contrapháirtithe. Áiritheoidh an lucht bainistíochta sinsearaí go mbeidh dóthain foirne ag an aonad chun glaonna agus díospóidí a phróiseáil ar bhealach tráthúil fiú faoi ghéarchéim throm sa mhargadh, agus chun cur ar chumas na hinstitiúide teorainn a chur le líon mór na ndíospóidí a tharlaíonn mar thoradh ar mhéideanna trádála.

*Airteagal 288***Athbhreithniú ar chóras bainistíochta CCR**

Déanfaidh institiúid athbhreithniú neamhspleách rialta ar a córas bainistíochta CCR trína próiseas iniúchta inmheánaigh. Áireofar leis an athbhreithniú sin gníomhaíochtaí na n-aonad bainistíochta rialaithe agus comhthaobhachta araon a cheanglaítear le hAirteagal 287 agus tabharfar aghaidh ar na nithe seo a leanas go sainiúil, ar a laghad:

- (a) leordhóthanacht dhoiciméadú an chórais agus an phróisis bhainistíochta CCR a cheanglaítear le hAirteagal 286;
- (b) eagrúchán an aonaid rialaithe CCR a cheanglaítear le hAirteagal 287(1)(a);
- (c) eagrúchán an aonaid bhainistíochta comhthaobhachta a cheanglaítear le hAirteagal 287(1)(b);
- (d) comhtháthú na mbeart CCR le bainistíocht laethúil priacal;
- (e) an próiseas faofa maidir le samhlacha praghsála priacal agus córais luachála arna n-úsáid ag pearsanra na hoifige tosaigh agus na cúloifige;
- (f) bailíochtú aon athraithe shuntasaigh ar an bpróiseas tomhais CCR;
- (g) raon feidhme an CCR arna ghabháil ag an tsamhail tomhais priacal;
- (h) sláine an chórais faisnéise bainistíochta;
- (i) beachtas agus iomláine na sonraí CCR;
- (j) léiriú beacht na dtéarmaí dlíthiúla i gcomhaontuithe comhthaobhachta agus glanluachála go tomhais luachanna risíochtaí;
- (k) fíorú ar chomhsheasmhacht, ar thráthúlacht agus ar iontaofacht na bhfoinsí sonraí a úsáidtear chun samhlacha a rith, lena n-áirítear neamhspleáchas foinsí sonraí den sórt sin;
- (l) beachtas agus oiriúnacht na dtoimhdí luaineachta agus comhghaoilchán;

**▼B**

- (m) beachtas na ríomhanna luachála agus claochlaithe priacal;
- (n) fíorú ar bheachtas na samhla trí chúlástáil a dhéanamh go minic mar a leagtar amach i bpointí (b) go (e) d'Airteagal 293(1);
- (o) comhlíonadh na gceanglas rialála ábhartha ag an aonad rialaithe agus aonad bainistíochta comhthaobhachta CCR.

*Airteagal 289***Tástáil úsáide**

1. Áiritheoidh institiúidí go ndéanfar leithdháileadh na risíochtaí arna nginiúint ag an tsamhail a úsáidtear chun EPE iarbhír a ríomh a chomhtháthú go dlúth le próiseas bainistithe laethúil CCR na hinstitiúide, agus go gcuirfear aschur na samhla san áireamh sa phróiseas a bhaineann le faomhadh creidmheasa, bainistíocht CCR, leithdháileadh caipitil inmheánaigh agus rialachas corparáideach.
2. Taispeánfaidh an institiúid chun sástachta na n-údarás inniúil go raibh sí ag baint úsáide as samhail chun leithdháileadh na risíochtaí a ríomh ar a bhfuil an ríomh EPE bunaithe lena gcomhlíontar, tríd is tríd, na ceanglais a leagtar amach sa Roinn seo le haghaidh bliana amháin ar a laghad roimh fhaomhadh a fháil ó na húdaráis inniúla an IMM a úsáid i gcomhréir le hAirteagal 283.
3. Beidh an tsamhail arna húsáid chun leithdháileadh risíochtaí ar CCR a ghiniúint ina cuid den chreat bainistíochta CCR a cheanglaítear le hAirteagal 286. Áireofar leis an gcreat sin tomhas ar úsáid línte creidmheasa, agus risíochtaí ar CCR á gcomhiomlánú le risíochtaí creidmheasa eile, agus leithdháileadh caipitil inmheánaigh.
4. I dteannta an EPE, déanfaidh institiúid risíochtaí reatha a thomhas agus a bhainistiú. Nuair is iomchuí, déanfaidh an institiúid risíocht reatha a thomhas le comhthaobhacht san áireamh agus glan ar chomhthaobhacht. Comhlíontar an tástáil úsáide má úsáideann institiúid bearta eile CCR, amhail risíocht bhuaice, bunaithe ar leithdháileadh risíochtaí arna nginiúint ag an tsamhail chéanna a úsáidtear chun EPE a ríomh.
5. Beidh an cumas córais ag institiúid EE a mheas ar bhonn laethúil más gá, mura dtaispeánann sí chun sástachta a n-údarás inniúil go dteastaíonn ríomh níos lú minicíochta óna risíochtaí ar CCR. Déanfaidh an institiúid EE a mheas feadh phróifíil ama de thréimhsí réamhaisnéise lena léirítear go leordhóthanach struchtúr ama sreabh airgid sa todhchaí agus aibíocht na gconarthaí agus ar bhealach atá comhsheasmhach le hábharthacht agus le comhdhéanamh na risíochtaí.
6. Déanfar risíocht a thomhas, a mhonatóiriú agus a rialú thar shaolré na gconarthaí uile sa tacar glanluachála agus ní amháin thar shaolré tréimhse bliana amháin. Beidh nósanna imeachta i bhfeidhm ag an institiúid chun na priacail a aithint agus a rialú do chontrapháirtithe nuair a ardaítear an risíocht thar thréimhse aon bhliana. Beidh an méadú ar risíocht atá tuartha ina ionchur i samhail caipitil inmheánaigh na hinstitiúide.



### *Airteagal 290*

#### **Tástáil struis**

1. Beidh clár cuimsitheach um thástáil struis maidir le CCR ag an institiúid, lena n-áirítear úsáid a bhaint as chun ceanglais cistí dílse maidir le CCR a mheasúnú, lena gcomhlíontar na ceanglais a leagtar síos i míreanna 2 go 10.

2. Aithneofar teagmhais fhéideartha nó athruithe sa todhchaí sna dálaí eacnamaíocha a rachadh i gcion go mífhabhrach ar risíochtaí creidmheasa na hinstitiúide agus déanfar measúnú leis ar chumas na hinstitiúide dul i ngleic le hathruithe den sórt sin.

3. Cuirfear na bearta struis faoin gclár i comparáid le teorainneacha priacal agus measfaidh an institiúid iad mar chuid den phróiseas a leagtar amach in Airteagal 81 de Threoir 201336/AE.

4. Déanfar trádálacha agus risíochtaí comhlána a ghabháil go cuimsitheach leis an gclár ar fud na bhfoirmeacha uile de priacal creidmheasa an chontrapháirtí ar leibhéal na gcontrapháirtithe sainiúla i bhfráma ama leordhóthanach chun tástáil struis rialta a dhéanamh.

5. Déanfar foráil leis maidir le tástáil struis risíochta ar bhonn míosúil ar a laghad ar phríomhfachtóirí priacal don mhargadh amhail rátaí úis, FX (airgeadraí eachtracha), cothromas, raonta difríochta creidmheasa agus praghsanna tráchtarraí do chontrapháirtithe uile na hinstitiúide, d'fhonn comhchruinnithe mórtomhais i priacail treocha sainiúla a aithint agus cur ar chumas na hinstitiúide iad a laghdú nuair is gá. Maidir le tástáil struis ar risíochtaí - lena n-áirítear priacail aonfhachtóireacha, priacail ilfhachtóireacha agus priacail neamhthreocha ábhartha - agus comhthástáil struis ar risíochtaí agus ar acmhainneacht creidmheasa déanfar iad ar leibhéal an chontrapháirtí shainiúil, ar leibhéal an ghrúpa contrapháirtithe agus ar leibhéal comhlán CCR ar fud na hinstitiúide.

6. Cuirfear cásanna ráithiúla tástála struis ilfhachtóirigh i bhfeidhm agus déanfar measúnú ar priacail neamhthreocha ábhartha lena n-áirítear risíocht cuar toraidh agus bunpriacail. Mar íosmhéid, tabharfar aghaidh ar na cásanna a leanas ina dtarlaíonn na nithe seo a leanas le tástálacha struis ilfhachtóirigh:

(a) teagmhais thromchúiseacha eacnamaíocha nó margaidh;

(b) laghdú suntasach ar leachtacht leathan an mhargaidh;

(c) tá suímh á leachtú ag mór-idirghabhálaí airgeadais.

7. Beidh déine shuaitheadh na bhfachtóirí priacal foluiteacha comhsheasmhach le cuspóir na tástála struis. Nuair a dhéantar sócmhainneacht faoi strus a mheasúnú, beidh suaitheadh na bhfachtóirí priacal foluiteacha de dhéine leordhóthanach chun timpeallachtaí margai foircneacha stairiúla agus dálaí struis foircneacha ach sochreidte sa mhargadh a ghabháil. Déanfar measúnú sna tástálacha struis ar thionchar suaithe den sórt sin ar chistí dílse, ar cheanglais cistí dílse agus ar thuilleamh. D'fhonn faireachán laethúil a dhéanamh ar phunanna, ar fhálú, agus ar chomhchruinnithe a bhainistiú breithneofar sa chlár tástála cásanna de dhéine níos ísle agus de dhóchúlacht níos airde.

**▼B**

8. Áireofar leis an gclár foráil, nuair is iomchuí, maidir le tástálacha struis droim ar ais chun cásanna diana, ach sochreidte, a aithint a bhféadfadh torthaí neamhfhabhracha suntasacha a bheith leo. Tabharfaidh tástáil struis droim ar ais cuntas ar an tionchar a bhíonn ag neamhlíneacht ábhartha sa phunann.

9. Déanfar torthaí na tástála struis faoin gclár a thuairisciú go rialta, ar bhonn ráithiúil ar a laghad, don lucht bainistíochta sinsearaí. Clúdófar sna tuarascálacha agus san anailís ar na torthaí an tionchar is mó ar leibhéal na gcontrapháirtithe ar fud na punainne, chomh maith le comhchruinnithe ábhartha laistigh de dheighleoga na punainne (laistigh den tionscal céanna nó den réigiún céanna) agus claontaí ábhartha a bhaineann le punanna nó contrapháirtithe saineiúla.

10. Beidh príomhról ag lucht bainistíochta sinsearaí i gcomhtháthú na tástála struis le creat bainistíochta priacal agus cultúr priacal na hinsti-tiúide agus déanfar a áirithiú go bhfuil na torthaí fóinteach agus go mbainfear úsáid astu chun CCR a bhainistiú. Déanfar torthaí na tástála struis maidir le risíochtaí suntasacha a mheasúnú i gcoinne treoirilnte lena léirítear fonn priacal na hinsti-tiúide, agus déanfar iad a atreorú chuig an lucht bainistíochta sinsearaí le haghaidh plé agus gnímh nuair a dhéanfar priacail iomarcacha nó comhchruinnithe a aithint.

*Airteagal 291***Priacal Comhghaolmhaireachta**

1. Chun críocha an Airteagail seo:
  - (a) tarlaíonn 'priacal ginearálta comhghaolmhaireachta' nuair a dhéantar dealraitheacht de mainneachtana ag contrapháirtithe a chur i gcomhchoibhneas deimhneach le fachtóirí ginearálta um priacail margaidh;
  - (b) tarlaíonn 'Sainpriacal Comhghaolmhaireachta' nuair a dhéantar risíocht todhchaí ar chontrapháirtí sonracha a chur i gcomhchoibhneas deimhneach le PD an chontrapháirtí de bharr nádúr na n-idirbheart leis an gcontrapháirtí. Measfar institiúid a bheith ar ris ar shainpriacal comhghaolmhaireachta má táthar ag súil go mbeidh an risíocht todhchaí ar chontrapháirtí sonracha ard tráth a mbeidh dóchúlacht mainneachtana an chontrapháirtí ard freisin.
2. Tabharfaidh institiúid aird chuí ar risíochtaí a d'fhéadfadh a bheith ina mbonn le méid suntasach de Shainpriacal agus de Priacal Ginearálta Comhghaolmhaireachta.
3. D'fhonn priacal ginearálta comhghaolmhaireachta a aithint, ceapfaidh institiúid tástáil struis agus anailísí ar chásanna chun fachtóirí priacal a chur faoi strus a bhaineann go neamhfhabhrach le haemhainneacht creidmheasa contrapháirtithe. Le tástáil den sórt sin, tabharfar aghaidh ar an bhféidearthacht go dtarlódh suaitheadh dian nuair a dhéantar na caidrimh idir fachtóirí priacal a athrú. Déanfaidh institiúid faireachán ar priacal ginearálta comhghaolmhaireachta de réir táirge, réigiúin, tionscail nó de réir catagóirí eile atá ábhartha don ghnó.
4. Déanfaidh institiúid nósanna imeachta a chothabháil chun cásanna de priacal comhghaolmhaireachta a aithint, a rialú agus chun faireachán a dhéanamh orthu i gcás gach eintitis dhlíthiúil, ag tosú le tionscnamh idirbheart agus ag leanúint feadh shaolré an idirbheart.



**▼B**

5. Déanfaidh institiúidí a gceanglas cistí dílse a ríomh le haghaidh CCR maidir le hidirbhearta i gcás ina ndearnadh sainpriacal comhghaolmhaireachta a aithint agus i gcás ina bhfuil baint dhlíthiúil idir an contrapháirtí agus eisitheoir bhunionstraim an díorthaigh bhunúsaí thar an gcuntar nó bhunionstraim na n-idirbheart dá dtagraítear i bpointe (b), i bpointe (c) agus i bpointe (d) d'Airteagal 273(2), i gcomhréir leis na príonsabail seo a leanas:

- (a) tá sainpriacal comhghaolmhaireachta ann ach ní dhéanfar na hionstraimí a áireamh sa tacar glanluachála céanna ina bhfuil idirbhearta eile leis an gcontrapháirtí, agus láimhseálfar gach ceann acu mar thacar glanluachála ar leith;
- (b) laistigh de thacar glanluachála ar leith den sórt sin, maidir le babhtálacha mainneachtana creidmheasa aonainm, is ionann luach na risíochta agus an caillteanas ionchasach iomlán i luach an luacha chóir atá fágtha de na bhunionstraimí bunaithe ar an toimhde go bhfuil an t-eisitheoir foluiteach faoi leachtú;
- (c) beidh an LGD d'institiúid a úsáideann an cur chuige a leagtar amach i gCaibidil 3 cothrom le 100 % le haghaidh idirbheart babhtála den sórt sin;
- (d) nó institiúid a úsáideann an cur chuige a leagtar amach i gCaibidil 2, beidh an t-ualú priacal infheidhme coibhéiseach leis sin a bhaineann le hidirbheart neamhurraithe;
- (e) maidir le gach idirbheart eile lena ndéantar aon ainm a thagairt i dtacar glanluachála ar leith den sórt sin, beidh ríomh luach na risíochta comhsheasmhach leis an toimhde go mainneofar na bunobleagáidí sin gan choinne i gcás ina bhfuil an t-eisitheoir ceangailte go dlíthiúil leis an gcontrapháirtí. Maidir le hidirbhearta lena ndéantar bascaed ainmneacha nó innéacs a thagairt, cuirfear i bhfeidhm mainneachtain na mbunobleagáidí faoi seach, i gcás ina bhfuil an t-eisitheoir ceangailte go dlíthiúil leis an gcontrapháirtí, más ábhartha;
- (f) a mhéid agus a úsáidtear ríomhanna um priacal margaidh leis seo le haghaidh ceanglas cistí dílse maidir le priacal mainneachtana agus priacal imirce incriminteach mar a leagtar amach i dTeideal IV, Caibidil 5, Roinn 4 ina bhfuil toimhde LGD cheana féin, is é 100 % an LGD a úsáidtear san fhoirmle.

6. Déanfaidh institiúidí tuarascálacha rialta ar shainpriacail agus priacail ginearálta comhghaolmhaireachta araon agus ar na céimeanna atá á ndéanamh chun na priacail sin a bhainistiú a thabhairt do lucht bainistíochta sinsearaí agus do choiste iomchuí an chomhlachta bainistíochta.

*Airteagal 292***Sláine an phróisis samhaltaithe**

1. Áiritheoidh institiúid sláine an phróisis samhaltaithe mar a leagtar amach in Airteagal 284 trí na bearta seo a leanas a ghlacadh ar a laghad:

- (a) léireofar téarmaí agus sonraíochtaí idirbheart leis an tsamhail ar bhealach tráthúil, iomlán agus coimeádach;
- (b) áireofar leis na téarmaí sin ar a laghad méideanna barúlacha, aibíocht, sócmhainní tagartha, socrúithe faoi shocrú corrlaigh agus socrúithe glanluachála a bhainfidh leis an gconradh;

**▼B**

- (c) déanfar na téarmaí agus sonraíochtaí sin a choinneáil i mbunachar sonraí a bheidh faoi réir ag iniúchadh foirmiúil tréimhsiúil;
- (d) próiseas chun socrúithe glanluachála a aithint óna dteastaíonn foireann dhlíthiúil chun a fhíorú go bhfuil glanluacháil faoi na socrúithe sin infheidhme le dlí;
- (e) cuirfidh aonad neamhspleách an fíorú a cheanglaítear le pointe (d) isteach sa bhunachar sonraí atá luaite i bpointe (c);
- (f) beidh tarchur téarmaí idirbheart agus sonraí na sonraíochtaí chuig an tsamhail EPE faoi réir ag iniúchadh inmheánach;
- (g) beidh próisis ann chun réiteach foirmiúil a dhéanamh idir an tsamhail agus córais na sonraí foinseacha chun fíorú a dhéanamh ar bhonn leanúnach go bhfuil téarmaí agus sonraíochtaí idirbheart á léiriú i gceart, nó go coimeádach ar a laghad, in EPE.

2. Bainfear úsáid as sonraí margaidh reatha chun risíochtaí reatha a chinneadh. Féadfaidh institiúid a samhail EPE a chalabrá agus sonraí margaidh stairiúla nó sonraí intuigthe ón margadh á n-úsáid chun paraiméadair na bpróiseas stocastach foluiteach a bhunú, amhail síobadh, luaineacht agus comhchoibhneas. Má úsáideann institiúid sonraí stairiúla, bainfidh sí úsáid as trí bliana ar a laghad de shonraí den sórt sin. Déanfar na sonraí a nuashonrú gach ráithe ar a laghad, agus níos minice más gá chun na dálaí margaidh a léiriú.

Chun an EPE iarbhír a ríomh le calabrá struis, déanfaidh institiúid EPE iarbhír a chalabrá agus trí bliana de shonraí, lena n-áirítear tréimhse struis i dtaca le raonta difríochta creidmheasa a contrapháirtithe, a úsáid nó sonraí intuigthe ón margadh ó thréimhse struis den sórt sin.

Cuirfidh an institiúid na ceanglais i míreanna 3, 4 agus 5 i bhfeidhm chun na críche sin.

3. Taispeánfaidh institiúid chun sástachta an údaráis inniúil, gach ráithe ar a laghad, go gcomhtharlaíonn an tréimhse struis a úsáidtear don ríomh faoin mír seo le tréimhse de bhabhtáil mainneachtana creidmheasa mhéadaithe nó raonta difríochta creidmheasa eile (amhail iasacht nó banna corparáideach) maidir le sampla ionadaíoch dá contrapháirtithe ag a bhfuil raonta difríochta creidmheasa trádáilte. I gcásanna nach bhfuil dóthain sonraí ag institiúid faoi raon difríochta creidmheasa a bhaineann le contrapháirtí, déanfaidh sí an contrapháirtí sin a mhapáil le sonraí sainiúla maidir le raon difríochta creidmheasa bunaithe ar réigiún, rátáil inmheánach agus cineálacha gnólachtaí.

4. Sa tsamhail EPE maidir leis na contrapháirtithe uile, bainfear úsáid as sonraí stairiúla nó sonraí intuigthe, lena n-áirítear na sonraí ón tréimhse creidmheasa faoi strus agus bainfear úsáid as sonraí den sórt sin ar bhealach atá comhsheasmhach leis an modh a úsáidtear chun an tsamhail EPE a chalabrá le sonraí reatha.

**▼B**

5. Chun meastóireacht a dhéanamh ar éifeachtacht an chalabraithe struis maidir le EEPE, déanfaidh institiúid roinnt punann tagarmharcála a chruthú atá leochaileach do na príomhfhachtóirí priacal ar a bhfuil an institiúid risíochta. Déanfar an risíocht ar na punanna tagarmharcála seo a ríomh ag úsáid (a) modheolaíocht struis bunaithe ar na luachanna margaidh reatha agus ar pharaiméadair shamhlacha atá calabraithe do dhálaí struis sa mhargadh, agus (b) an risíocht a rinneadh a ghiniúint sa tréimhse struis, ach an modh á chur i bhfeidhm a leagtar amach sa Roinn seo (luach margaidh dheireadh na tréimhse struis, luaineachtaí, agus réitigh ón tréimhse struis trí bliana).

Ceanglóidh na húdaráis inniúla ar institiúid an calabrá struis a choigeartú má athraíonn na risíochtaí ar na punanna tagarmharcála sin go suntasach óna chéile.

6. Déanfaidh institiúid an tsamhail a chur faoi phróiseas bailíochtaithe atá léirithe go soiléir i mbeartais agus i nósanna imeachta na n-institiúidí. Maidir leis an bpróiseas bailíochtaithe:

- (a) sonrú an cineál tástála is gá chun sláine na samhla a áirithiú agus dálaí a aithint faoi nach leor na toimhdí a fholuionn an tsamhail agus a bhféadfadh maolaisnéis i leith EPE a bheith mar thoradh orthu dá bhrí sin;
- (b) áireofar athbhreithniú ar chuimsitheacht na samhla.

**▼C2**

7. Déanfaidh institiúid faireachán ar na priacail ábhartha agus beidh próisis i bhfeidhm aici chun a meastachán ar EPE iarbhrí a choigeartú nuair a éiríonn na priacail sin suntasach. Déanfaidh an institiúid na nithe seo a leanas agus an mhír seo á comhlíonadh:

**▼B**

- (a) a risíochtaí ar shainpriacal comhghaolmhaireachta a tharlaíonn a aithint agus a bhainistiú mar a shonraítear in Airteagal 291(1)(b) agus a risíochtaí ar priacal ginearálta comhghaolmhaireachta a tharlaíonn a aithint agus a bhainistiú mar a shonraítear in Airteagal 291(1)(a);
- (b) maidir le risíochtaí lena mbaineann próifíl priacal atá ag dul i méid tar éis bliana amháin, déanfar comparáid ar bhonn rialta idir meastachán ar mhéid risíochta thar bhliain amháin leis an méid risíochta céanna thar shaolré na risíochta;
- (c) maidir le risíochtaí a bhfuil aibíocht iarmhair níos lú ná aon bhliain amháin acu, déanfar comparáid ar bhonn rialta idir an costas athsholáthair (risíocht reatha) agus próifíl na risíochta réadaithe, agus déanfar sonraí a stóráil a cheadódh comparáid den sórt sin.

8. Beidh nósanna imeachta inmheánacha ag institiúid lena fhíorú, sula n-áireofar idirbheart i dtacar glanluachála, go bhfuil an t-idirbheart clúdaithe ag conradh glanluachála inchurtha i bhfeidhm le dlí lena gcomhlíontar na ceanglais a leagtar amach i Roinn 7.

9. Beidh nósanna imeachta inmheánacha ag institiúid a úsáideann comhthaobhacht chun a CCR a mhaolú lena fhíorú, sula ndéanfar éifeacht na comhthaobhachta ina ríomhanna a aithint, go gcomhlíonann an chomhthaobhacht na caighdeáin maidir le deimhneacht dhlíthiúil a leagtar amach i gCaibidil 4.

**▼B**

10. Déanfaidh ÚBE faireachán ar an raon cleachtas sa réimse seo agus, i gcomhréir le hAirteagal 16 de Rialachán (AE) Uimh. 1093/2010, eiseoidh sé treoirlínte maidir le cur i bhfeidhm an Airteagail seo.

*Airteagal 293***Ceanglais maidir leis an gcóras bainistíochta priacal**

1. Comhlíonfaidh institiúid na ceanglais seo a leanas:
  - (a) comhlíonfaidh sí na ceanglais cháilíochtúla a leagtar amach i gCuid 3, Teideal IV, Caibidil 5;
  - (b) déanfaidh sí clár rialta de chúltástáil, agus na bearta priacal a ghineann an tsamhail á gcur i gcomparáid le bearta priacal réadaithe, agus athruithe hipitéiseacha bunaithe ar shuímh statacha á gcur i gcomparáid le bearta réadaithe;
  - (c) déanfaidh sí bailíochtú tosaigh agus athbhreithniú tréimhsiúil leanúnach ar samhail na risíochta ar CCR agus ar na bearta priacal arna nginiúint léi. Beidh an bailíochtú agus an t-athbhreithniú neamhspleách ó fhorbairt na samhla;
  - (d) beidh baint ag comhlacht bainistíochta agus lucht bainistíochta sinsearaí leis an bpróiseas rialaithe priacal agus áirítheoidh siad go leithdháilfear dóthain acmhainní ar rialú creidmheasa agus rialú priacal creidmheasa contrapháirtithe. I dtaca leis sin, déanfar athbhreithniú ar na tuarascálacha laethúla arna n-ullmhú ag an aonad rialaithe creidmheasa neamhspleách arna bhunú de réir Airteagal 287(1)(a) ar leibhéal bainistíochta ag a mbeidh sinsearach agus údarás imleor chun laghduithe i suímh a ghlacann trádálaithe aonair a fhorfheidhmiú chomh maith le laghduithe i risíocht fhoriomlán na hinstitiúide ar priacal;
  - (e) beidh an tsamhail inmheánach um thomhas risíochtaí ar priacal comhtháite go dlúth le próiseas laethúil um bainistiú priacal creidmheasa na hinstitiúide;
  - (f) bainfear úsáid as an gcóras chun priacal a thomhas in éineacht le teorainneacha inmheánacha maidir le trádáil agus le neamhchosaint. I dtaca leis sin, beidh baint ag teorainneacha risíochta le samhail tomhais priacal na hinstitiúide ar bhealach a bheidh comhsheasmhach thar am agus ar a mbeidh dea-thuisctint ag trádálaithe, an fheidhm chreidmheasa agus lucht bainistíochta sinsearaí;
  - (g) áirítheoidh institiúid go bhfuil a córas bainistíochta priacal doiciméadaithe go leormhaith. Go háirithe, déanfaidh sí tacar doiciméadaithe de bheartais, rialuithe agus nósanna imeachta inmheánacha a choinneáil a bhaineann le hoibriú an chórais tomhais priacal, chomh maith le socruithe chun a áirithiú go gcomhlíontar na beartais sin;
  - (h) déanfar athbhreithniú neamhspleách ar an gcóras tomhais priacal go rialta i bpróiseas iniúchta inmheánaigh na hinstitiúide. Áireofar leis an athbhreithniú sin gníomhaíochtaí na n-aonad trádála gnó agus an aonaid neamhspleáigh rialaithe priacal araon. Déanfar athbhreithniú ar an gcóras bainistíochta priacal foriomlán ag eatraimh rialta (agus tráth nach lú ná uair amháin sa bhliain) agus tabharfar faoi na pointí go léir dá dtagraítear in Airteagal 288 go háirithe;

**▼B**

- (i) déanfar athbhreithniú tréimhsiúil ar an mbailíochtú leanúnach ar shamhlacha priacal creidmheasa contrapháirtithe, lena n-áirítear cúlt-áistáil, ar leibhéal bainistíochta ag a mbeidh údarás leormhaith chun aghaidh a thabhairt ar laigí sna samhlacha.
2. Cuirfidh údaráis inniúla an méid a chomhlíonann institiúid na ceanglais i mír 1 san áireamh agus an leibhéal alfa a shocrú acu, mar a leagtar amach in Airteagal 284(4). Is iad na hinstitiúidí sin a chomhlíonann na ceanglais sin go hiomlán, agus na hinstitiúidí sin amháin, a bheidh incháilithe chun an fachtóir iolrúcháin fosta a chur i bhfeidhm.
3. Déanfaidh institiúid an próiseas maidir le bailíochtú tosaigh agus bailíochtú leanúnach a samhala um risíocht CCR agus maidir le ríomh na mbearta priacal a ghineann na samhlacha a dhoiciméadú go leibhéal mionsonraithe a chuirfeadh ar chumas tríú páirtí na bearta anailíse agus priacal, faoi seach, a athchruthú. Leagfar amach sa doiciméadú sin an mhiniúocht lena ndéanfar anailísí cúltástála agus aon bhailíochtú leanúnach eile a fheidhmiú, an dóigh a ndéanfar an bailíochtú a fheidhmiú maidir le sreabha sonraí agus punanna agus na hanailísí a úsáidtear.
4. Déanfaidh institiúid critéir a shainiú lena ndéanfar samhlacha na risíochta ar CCR agus na samhlacha a thugann ionchur i ríomh na risíochta a mheasúnú agus déanfaidh sí beartas i scríbhinn a choinneáil lena gcuirtear síos ar an bpróiseas trína ndéanfar feidhmíocht mhíshásúil a aithint agus a leigheas.
5. Déanfaidh institiúid an dóigh ina ndéantar punanna contrapháirtithe ionadaíocha a chruthú a shainiú chun samhail na risíochta ar CCR agus a bearta priacal a bhailíochtú.
6. Déanfar níos mó ná staitistic amháin ó leithdháileadh réamhaisnéise a bhreathnú i mbailíochtú shamhlacha na risíochta ar CCR agus a mbearta priacal lena dtáirgtear leithdháilí réamhaisnéise.

*Airteagal 294***Ceanglais bhailíochtaithe**

1. Mar chuid den bhailíochtú tosaigh agus leanúnach ar samhail na risíochta ar CCR agus a bearta priacal, áiríteoidh institiúid go gcomhlíonfar na ceanglais seo a leanas:
- (a) déanfaidh an institiúid cúltástáil ag úsáid sonraí stairiúla maidir le gluaiseachtaí i bhfachtóirí priacal an mhargaidh roimh an gcead ó na húdaráis inniúla i gcomhréir le hAirteagal 283(1). Breithneofar roinnt tréimhsí ama um réamhaithrisí sainiúla sa chúltástáil chomh fada amach le haon bhliain ar a laghad, thar raon dátaí túsaithe éagsúla agus lena gcumhdaítear raon leathan dálaí sa mhargadh;
- (b) déanfaidh an institiúid a úsáideann an cur chuige a leagtar amach i mír 12(b) d'Airteagal 284 bailíochtú rialta ar a samhail lena thástáil an bhfuil risíochtaí réadaithe reatha comhsheasmhach le réamhaisnéisí thar na tréimhsí corrlaigh ar fad laistigh d'aon bhliain. Má bhaineann aibíocht níos giorra ná aon bhliain le cuid de na trádálacha sa tacar glanluachála, agus má tá íogaireachtaí níos airde i dtaobh fachtóirí priacal ag an tacar glanluachála d'uireasa na trádálacha, cuirfear é seo san áireamh sa bhailíochtú;

**▼B**

- (c) déanfaidh sí cúlástáil ar fheidhmíocht shamhail na risíochta ar CCR agus ar bhearta priacal ábhartha na samhla chomh maith leis na réamhaithrisí maidir le fachtóirí priacal margaidh. Maidir le trádálacha comhthaobhaithe, cuirfear ar áireamh leis na tréimhsí ama réamhaithrise na cinn lena léirítear tréimhsí tipiciúla corrlaigh priacal a chuirtear i bhfeidhm i dtrádáil chomhthaobhaithe nó faoi chumhdach corrlaigh;
- (d) má léirítear le bailíochtú na samhla go bhfuil an EPE iarbhír gannmheasta, gníomhóidh an institiúid mar is gá chun aghaidh a thabhairt ar mhíchruinneas na samhla;
- (e) déanfaidh sí tástáil ar na samhlacha praghsála a úsáidtear chun risíocht ar CCR a ríomh maidir le cás áirithe de shuaitheadh amach anseo d'fhachtóirí priacal margaidh mar chuid den phróiseas bailíochtaithe tosaigh agus leanúnach. Tabharfar fáthanna sna samhlacha praghsála le neamhlíneacht luacha rogha maidir le fachtóirí priacal margaidh;
- (f) déanfar an fhaisnéis a bhaineann go saineiúil le hidirbhearta atá riachtanach le bheith in ann risíochtaí a chomhiomlánú ar leibhéal an tacair ghlanluachála a ghabháil le samhail na risíochta ar CCR. Deimhneoidh institiúid go ndéantar idirbhearta a shannadh don tacar glanluachála iomchuí laistigh den tsamhail;
- (g) áireofar le samhail na risíochta ar CCR faisnéis a bhaineann go saineiúil le hidirbhearta chun éifeachtaí an tsocráithe corrlaigh a ghabháil. Cuirfear an méid corrlaigh reatha agus an corrlach a dhéanfaí a aistriú idir contrapháirtithe sa todhchaí araon san áireamh leis. Tabharfaidh samhail den sórt sin cuntas ar nádúr na gcomhaontuithe corrlaigh atá aontaobhach nó déthaobhach, ar mhínicíocht na nglonna ar corrlaigh, an tréimhse corrlaigh faoi phriacal, íostairseach na risíochta nach bhfuil faoi chumhdach corrlaigh atá an institiúid toilteanach a ghlacadh, agus íosmhéid an aistrithe. Déanfar an t-athrú i leith marcáil ón margadh ar luach na comhthaobhachta a bhreactar a mheas le samhail den sórt sin nó cuirfear na rialacha a leagtar amach i gCaibidil 4 i bhfeidhm;
- (h) áireofar le próiseas bailíochtaithe na samhla cúlástáil stairiúil statach ar phunanna contrapháirtithe ionadaíocha. Déanfaidh institiúid cúlástáil den sórt sin ar roinnt punann contrapháirtithe ionadaíocha atá iarbhír nó hipitéiseach ag eatraimh rialta. Roghnófar na punanna ionadaíocha sin ar bhonn a n-íogaireachta maidir leis na fachtóirí priacal ábhartha agus meascán de na fachtóirí priacal ar a bhfuil an institiúid ar ris;
- (i) déanfaidh institiúid cúlástáil atá deartha chun tástáil a dhéanamh ar phríomhthoimhdí shamhail na risíochta ar CCR agus ar na bearta priacal ábhartha, lena n-áirítear an caidreamh samhaltaithe idir éirimí an fhachtóra priacal chéanna, agus na caidrimh shamhaltaithe idir na fachtóirí priacal;
- (j) beidh feidhmíocht shamhlacha na risíochta ar CCR agus a bearta priacal faoi réir ag cleachtas cúlástála iomchuí. Beidh an clár cúlástála in ann tearcfheidhmíocht i mbearta priacal na samhla EPE a aithint;

**▼B**

- (k) déanfaidh institiúid samhlacha na risíochta ar CCR agus na bearta priacal uile a bhailíochtú chomh fada amach le tréimhsí ama ar cóimhéid le haibíocht na dtrádálacha atá cumhdaithe ag an tarscaoileadh IMM i gcomhréir le hAirteagal 283;
- (l) déanfaidh institiúid tástáil rialta ar na samhlacha praghsála a úsáidtear chun risíocht contrapháirtithe a ríomh i gcoinne tagarmharcanna neamhspleácha iomchuí mar chuid den phróiseas leanúnach ar bhailíochtú na samhla;
- (m) áireofar measúnú ar leorgacht na feidhmíochta is déanaí sa bhailíochtú leanúnach ar shamhail na risíochta ar CCR atá ag an institiúid agus na bearta priacal ábhartha;
- (n) déanfaidh institiúid measúnú ar an minicíocht lena ndéantar paraiméadair shamhail na risíochta ar CCR a nuashonrú mar chuid den phróiseas ar bhailíochtú tosaigh agus leanúnach;
- (o) déanfar measúnú leis an mbailíochtú tosaigh agus leanúnach ar cibé acu atá ríomhanna na risíochta maidir le leibhéal an chontrapháirtí agus an tacair ghlanluachála iomchuí nó nach bhfuil.

2. Féadfar beart a úsáid atá níos coimeádaí ná an méadrach a úsáidtear chun luach na risíochta rialála a ríomh maidir le gach contrapháirtí in áit an alfa arna iolrú ag an EPE iarbhir le cead roimh ré ó na húdaráis inniúla. Déanfar méid an choimeádachais ábhartha a mheasúnú ach faomhadh tosaigh a fháil ó na húdaráis inniúla agus le linn na n-athbhreithnithe maoirseachta rialta ar shamhlacha EPE. Déanfaidh institiúid an choimeádachas a bhailíochtú go rialta. Clúdófar na contrapháirtithe uile dá n-úsáidtear na samhlacha sa mheasúnú leanúnach ar fheidhmíocht na samhla.

3. Má léirítear le cúlástáil nach bhfuil samhail beacht go leor, déanfaidh na húdaráis inniúla a gcead i leith na samhla a aisghairm, nó déanfaidh siad bearta iomchuí a fhorchur lena áirithiú go ndéanfar an tsamhail a fheabhsú go pras.

## Roinn 7

**Glanluacháil chonarthaigh***Airteagal 295***Glanluacháil chonarthaigh a aithint mar laghdú priacal**

Ní fhéadfaidh institiúidí a láimhseáil mar laghdú priacal i gcomhréir le hAirteagal 298 ach na cineálacha comhaontuithe seo a leanas a bhaineann le glanluacháil chonarthaigh i gcás ina bhfuil an comhaontú glanluachála aitheanta ag na húdaráis inniúla i gcomhréir le hAirteagal 296 agus i gcás ina gcomhlíonann an institiúid na ceanglais a leagtar amach in Airteagal 297:

**▼B**

- (a) conarthaí déthaobhacha le haghaidh nuachana idir institiúid agus a contrapháirtí faoina ndéantar éilimh agus oibleagáidí frithpháirteacha a chónascadh go huathoibríoch ar bhealach ina ndéantar aon mhéid aonair glan a shocrú leis an nuachan gach uair atá sé infheidhme chun conradh singil nua a chruthú a chuirtear in áit na gconarthaí agus na n-oibleagáidí uile roimhe sin idir páirtithe de bhun na gconarthaí sin agus tá sé ceangailteach ar na páirtithe;
- (b) comhaontuithe déthaobhacha eile idir institiúid agus a contrapháirtí;
- (c) comhaontuithe glanluachála trastáirgí conarthacha maidir le hinstiúidí a bhfuil cead faighte acu an modh a leagtar amach i Roinn 6 a úsáid i dtaca le hidirbhearta lasmuigh de raon feidhme an mhodha sin. Déanfaidh na húdaráis inniúla liosta de na comhaontuithe glanluachála trastáirgí conarthacha a formheasadh a thuairisciú do ÚBE.

Ní dhéanfar glanluacháil thar idirbhearta a dhéanann eintitis dhlíthiúla éagsúla i ngrúpa a aithint ar mhaithe leis na ceanglais cistí dílse a ríomh.

*Airteagal 296***Comhaontuithe glanluachála conarthacha a aithint**

1. Ní dhéanfaidh údaráis inniúla comhaontú glanluachála conarthach a aithint ach amháin i gcás ina gcomhlíontar na coinníollacha i mír 2 agus i gcás inarb ábhartha, i mír 3.
2. Comhlíonfaidh gach comhaontú glanluachála conarthach na coinníollacha uile a leanas a úsáideann institiúid ar mhaithe le luach na risíochta a chinneadh sa Chuid seo:
  - (a) thug an institiúid comhaontú glanluachála conarthach i gcrích lena contrapháirtí lena gcruthaítear oibleagáid dhlíthiúil aonair, lena gcumhdaítear gach idirbheart atá ar áireamh, ionas go mbeadh sí i dteideal, i gcás mainneachtana ar thaobh an chontrapháirtí, an tsuim ghlan amháin de luachanna deimhneacha agus diúltacha maidir le marcáil ón margadh idirbheart aonair atá ar áireamh a fháil nó iad a íoc;
  - (b) chuir an institiúid tuairimí dlíthiúla réasúnaithe i scríbhinn ar fáil do na húdaráis inniúla ionas nach mbeadh éilimh ná oibleagáidí na hinstiúidí níos mó ná na héilimh agus na hoibleagáidí sin dá dtagraítear i bpointe (a), i gcás ina ndéanfaí agóid dhlíthiúil i gcoinne an chomhaontaithe ghlanluachála. Déanfar tagairt don dlí is infheidhme sa tuairim dhlíthiúil:
    - (i) an dlínse ina bhfuil an contrapháirtí corpraithe;
    - (ii) má tá baint ag brainse gnóthais leis, atá suite i dtír eile seachas an tír ina bhfuil an gnóthas corpraithe, an dlínse ina bhfuil an brainse suite;
    - (iii) an dlínse ina ndéantar na hidirbhearta aonair atá ar áireamh sa chomhaontú glanluachála a rialú lena dlí;



**▼B**

- (iv) an dlínse ina ndéantar aon chonradh nó comhaontú a rialú lena dlí atá riachtanach chun an ghlanluacháil chonarthaigh a chur i gcrích;
- (c) déantar an bpríacal creidmheasa i leith gach contrapháirtí a chomhiomlánú chun risíocht dhlíthiúil aonair a chruthú thar idirbhearta le gach contrapháirtí. Déanfar an comhiomlánú sin a fhachtóiriú idir cuspóirí teorann creidmheasa agus cuspóirí caipitil inmheánaigh;
- (d) ní bheidh aon chlásal sa chonradh lena dtugtar cead, i gcás mainneachtana ar thaobh contrapháirtí, do chontrapháirtí neamh-mhainneachtana íocaíochtaí teoranta amháin a dhéanamh, nó gan íocaíochtaí ar bith a dhéanamh, le heastát an pháirtí mainneachtana, fiú má tá an páirtí mainneachtana ina ghlancreidiúnaí (i.e. clásáil tréigthe).

Mura bhfuil ceann ar bith de na húdaráis inniúla sásta go bhfuil an ghlanluacháil chonarthaigh baili go dlíthiúil agus infhorghníomhaithe faoi dhlí gach dlínse dá dtagraítear i bpointe (b) ní dhéanfar an comhaontú glanluachála conarthaigh a aithint mar laghdú príacal maidir le ceachtar de na contrapháirtithe. Cuirfidh údaráis inniúla é sin in iúl dá chéile dá réir sin.

3. Féadfar na tuairimí dlíthiúla dá dtagraítear i bpointe (b) a tharraingt suas trí thagairt do chineálacha glanluachála conarthaigh. Comhlíonfaidh comhaontuithe glanluachála trastáirge conarthaigh na coiníollacha breise seo a leanas:

- (a) is í an tsuim ghlan dá dtagraítear i bpointe (a) den mhír seo an tsuim ghlan de na luachanna imréitigh deimhneacha agus diúltacha d'aon mháistir-chomhaontú déthaobhach aonair atá ar áireamh agus de luach deimhneach agus diúltach um marcáil ón margadh na n-idirbheart aonair (an 'Méid Glan Trastáirge');
- (b) na tuairimí dlíthiúla dá dtagraítear i bpointe (a) den mhír seo, tabharfar eolas ar bhailíocht agus ar infhorghníomhacht an chomhaontaithe glanluachála trastáirgí chonarthaigh iomláin faoina théarmaí agus ar thionchar an chomhaontaithe glanluachála ar fhorálacha ábhartha atá in aon mháistir-chomhaontú déthaobhach aonair atá ar áireamh.

*Airteagal 297***Oibleagáidí na n-institiúidí**

1. Déanfaidh institiúid nósanna imeachta a bhunú agus a choimeád ar bun lena áirithiú go ndéantar athbhreithniú ar bhailíocht dhlíthiúil agus ar infhorghníomhacht a glanluachála conarthaigh ag féachaint d'athruithe ar dhlí na ndlínsí ábhartha dá dtagraítear in Airteagal 296(2)(b).
2. Déanfaidh an institiúid an doiciméadacht riachtanach uile a bhaineann lena glanluacháil chonarthaigh a choinneáil ina comhaid.
3. Cuirfidh an institiúid éifeachtaí na glanluachála isteach mar fhachtóir ina tomhas ar risíocht chomhiomlán ar príacal creidmheasa gach contrapháirtí agus déanfaidh an institiúid an CCR a bhainistiú ar bhonn éifeachtaí an tomhais sin.

**▼B**

4. I gcás na gcomhaontuithe glanluachála trastáirge conarthacha dá dtagraítear in Airteagal 295, déanfaidh an institiúid nósanna imeachta a choinneáil faoi Airteagal 296(2)(c) chun a fhíorú go bhfuil aon idirbheart atá le háireamh sa tacar glanluachála clúdaithe ag tuairim dhlíthiúil dá dtagraítear in Airteagal 296(2)(b).

Agus an comhaontú glanluachála trastáirgí á chur san áireamh, leanfaidh an institiúid de bheith ag comhlíonadh na gceanglas maidir le glanluacháil dhéthaobhach a aithint agus ceanglais Chaibidil 4 maidir le maolú priacal creidmheasa a aithint, de réir mar is infheidhme, maidir le gach máistir-chomhaontú déthaobhach aonair agus idirbheart atá ar áireamh.

*Airteagal 298***Na héifeachtaí a bhaineann le glanluacháil mar rud a laghdaíonn priacal a aithint**

1. Baineann an láimhseáil seo a leanas le comhaontuithe glanluachála conarthacha:

- (a) déanfar glanluacháil chun críocha Roinn 5 agus Roinn 6 a aithint mar atá leagtha amach sna Ranna sin;
- (b) i gcás conarthaí le haghaidh nuachana, féadfar na méideanna glana aonair atá socraithe ag conarthaí den sórt sin, seachas na méideanna comhlána atá i gceist, a ualú.

Nuair a chuirtear Roinn 3 i bhfeidhm, féadfaidh institiúidí an Conradh le haghaidh nuachana a chur san áireamh agus na nithe seo a leanas á gcinneadh:

- (i) an costas athsholáthair reatha dá dtagraítear in Airteagal 274(1);
- (ii) méideanna barúlacha na príomhshuime nó luachanna foluiteacha dá dtagraítear in Airteagal 274(2).

Nuair a chuirtear Roinn 4 i bhfeidhm, chun an méid barúlach dá dtagraítear in Airteagal 275(1) a chinneadh, féadfaidh institiúidí an Conradh le haghaidh nuachana a chur san áireamh ar mhaithe le méid barúlach na príomhshuime a ríomh. I gcásanna den sórt sin cuirfidh institiúidí na céatadáin i dTábla 3 i bhfeidhm.

(c) I gcás comhaontuithe glanluachála eile, cuirfidh institiúidí Roinn 3 i bhfeidhm mar seo a leanas:

- (i) déanfar an costas athsholáthair reatha dá dtagraítear in Airteagal 274(2) le haghaidh na gconarthaí atá ar áireamh i gcomhaontú glanluachála a fháil tríd an gcostas athsholáthair glan hipitéiseach iarbhir atá ina thoradh ar an gcomhaontú a chur san áireamh; i gcás ina bhfuil oibleagáid ghlan ina thoradh ar an nglanluacháil don institiúid a bhfuil an costas athsholáthair glan á ríomh aici, déanfar an costas athsholáthair reatha a ríomh mar '0';
- (ii) déanfar an figiúr maidir le risíocht fhéideartha todhchaí ar creidmheas dá dtagraítear in Airteagal 274(2) maidir leis na conarthaí uile atá san áireamh i gcomhaontú glanluachála a laghdú de réir na foirmle a leanas:

## ▼B

$$PCE_{red} = 0.4 \cdot PCE_{gross} + 0.6 \cdot NGR \cdot PCE_{gross}$$

nuair atá:

$PCE_{red}$  = an figiúr laghdaithe maidir le risíocht fhéideartha todhchaí ar chreidmheas i gcás na gconarthaí uile le contrapháirtí áirithe atá san áireamh i gcomhaontú glanluachála déthaobhach atá bailí faoin dlí;

$PCE_{gross}$  = suim na bhfigiúirí maidir le risíocht fhéideartha todhchaí ar chreidmheas i gcás na gconarthaí uile le contrapháirtí áirithe atá san áireamh i gcomhaontú glanluachála déthaobhach atá bailí faoin dlí agus a dhéantar a ríomh trí mhéideanna barúlacha na príomhshuime a iolrú faoi na céatadáin atá leagtha amach i dTábla 1;

NGR = an cóimheas glan/comhlán arna ríomh mar shainnímhír an chostais athsholáthair ghlain i gcás na gconarthaí uile le contrapháirtí áirithe (uimhreoír) atá san áireamh i gcomhaontú glanluachála déthaobhach atá bailí faoin dlí agus an chostais athsholáthair chomhlán i gcás na gconarthaí uile leis an gcontrapháirtí sin (ainmneoir) atá san áireamh i gcomhaontú glanluachála déthaobhach atá bailí faoin dlí.

2. Nuair a dhéantar an risíocht fhéideartha todhchaí ar chreidmheas a ríomh i gcomhréir leis an bhfoirmle a leagtar amach i mír 1, féadfaidh institiúidí conarthaí a lánmheaitseálann atá ar áireamh sa chomhaontú glanluachála a láimhseáil mar a bheadh Conradh Singil ann le príomhshuim bharúlach atá coibhéiseach leis na fáiltais ghlana.

Agus Airteagal 275(1) á chur i bhfeidhm, féadfaidh institiúidí conarthaí a lánmheaitseálann atá ar áireamh sa chomhaontú glanluachála a láimhseáil mar a bheadh Conradh Singil ann le príomhshuim bharúlach atá coibhéiseach leis na fáiltais ghlana, agus déanfar méideanna barúlacha na príomhshuime a iolrú faoi na céatadáin atá tugtha i dTábla 3.

Chun críocha na míre seo, is ionann conarthaí a lánmheaitseálann agus réamhchonarthaí i malairt eachtrach nó conarthaí dá samhail ina bhfuil príomhshuim bharúlach atá coibhéiseach le sreabha airgid thirim má tá na sreabha airgid thirim dlite ar an dáta luacha céanna agus dlite go hiomlán san airgeadra céanna.

3. Maidir le gach Conradh eile i gcomhaontú glanluachála, féadfar na céatadáin is infheidhme a laghdú mar atá léirithe i dTábla 6:

Tábla 6

Aibíocht bhunaidh	Conarthaí ráta úis	Conarthaí i malairt eachtrach
Bliain amháin nó níos lú	0,35 %	1,50 %
Níos mó ná bliana amháin ach nach faide ná dhá bhliain	0,75 %	3,75 %
Líuntas breise maidir le gach bliain bhreise	0,75 %	2,25 %

**▼B**

4. I gcás conarthaí ráta úis, féadfaidh institiúidí, faoi réir ag faomhadh a n-údarás inniúil, aibíocht tosaigh nó aibíocht iarmhair a roghnú.

## Roinn 8

**Ítimí sa leabhar trádála***Airteagal 299***Ítimí sa leabhar trádála**

1. D'fhonn an tAirteagal seo a chur i bhfeidhm, beidh tagairt in Iarscríbhinn II d'ionstraimí díorthacha le haghaidh priacal creidmheasa a aistriú mar atá luaite i bpointe (8) Roinn C d'Iarscríbhinn I a ghabhann le Treoir 2004/39/CE.

2. Agus méideanna risíochta atá ualaithe ó thaobh priacal á ríomh maidir le priacal contrapháirtí i dtaca le hítimí sa leabhar trádála, comhlíonfaidh institiúidí na prionsabail seo a leanas:

(a) i gcás díorthach creidmheasa um babhtáil an toraidh iomláin agus díorthach creidmheasa um babhtáil mainneachtana creidmheasa, chun figiúr a fháil maidir le risíocht fhéideartha todhchaí ar chreidmheas faoin modh atá leagtha amach i Roinn 3, déanfar méid ainmniúil na hionstraime a iolrú faoi na céatadáin seo a leanas:

(i) 5 %, i gcás inar oibleagáid thagartha í, dá mba rud é go mbeadh risíocht dhíreach na hinstitiúide mar thoradh uirthi, a bheadh ina hítim cháilitheach chun críocha Chuid a Trí, Teideal IV, Caibidil 2;

(ii) 10 %, i gcás inar oibleagáid thagartha í, dá mba rud é go mbeadh risíocht dhíreach na hinstitiúide mar thoradh uirthi, nach mbeadh ina hítim cháilitheach chun críocha Chuid a Trí, Teideal IV, Caibidil 2.

I gcás institiúide a bhfuil a risíocht a thig ó bhabhtáil mainneachtana creidmheasa in ionannas le suíomh fada san oibleagáid fholuiteach, féadfaidh 0 % a bheith sa chéatadán maidir le neamhcosaint fhéideartha todhchaí ar chreidmheas, mura bhfuil an bhabhtáil mainneachtana creidmheasa faoi réir socraíochta de bharr dhócmhainneacht an eintitis a bhfuil a risíocht a thig ón mbabhtáil in ionannas le suíomh gearr san oibleagáid fholuiteach, cé nár mhainnigh an oibleagáid fholuiteach.

Nuair a sholáthraítear leis an díorthach creidmheasa cosaint 'don n-ú mainneachtain' i measc roinnt oibleagáidí foluiteacha, cinntídh institiúid cén ceann de na figiúirí céatadáin a leagtar amach sa chéad fhomhír atá infheidhme trí thagairt a dhéanamh don oibleagáid leis an n-ú cáilíocht chreidmheasa is ísle, agus, má thabhaíonn an institiúid í, bheadh sí ina hítim cháilitheach chun críocha Chuid a Trí, Teideal IV, Caibidil 2;

(b) ní bhainfidh institiúidí úsáid as an Modh Simplí Comhthaobhach Airgeadais atá leagtha amach in Airteagal 222 chun éifeachtaí na comhthaobhachta airgeadais a aithint;

**▼B**

- (c) i gcás idirbheart athcheannaigh agus idirbheart iasachtaithe nó iasachtaíochta i leith urrús nó tráchtearraí a chuirtear sa leabhar trádála, féadfaidh institiúidí na hionstraimí airgeadais agus tráchtearraí uile a aithint mar chomhthaobhacht incháilithe atá le cur san áireamh sa leabhar trádála;
- (d) maidir le risíochtaí a thagann as ionstraimí díorthacha thar an gcuntar arna gcur sa leabhar trádála, féadfaidh institiúidí tráchtearraí atá incháilithe a áireamh sa leabhar trádála a aithint mar chomhthaobhacht incháilithe;
- (e) chun críocha coigeartuithe luaineachta a ríomh i gcás ina ndéantar ionstraimí airgeadais nó tráchtearraí den sórt sin nach bhfuil incháilithe faoi Chaibidil 4 a thabhairt ar iasacht, a dhíol nó a sholáthar, nó a fháil ar iasacht, a cheannach nó a fháil trí chomhthaobhacht nó trí mheán eile faoina leithéid d'idirbheart, agus nuair a úsáideann institiúid cur chuige na gcoigeartuithe luaineachta maoirseachta faoi Roinn 3 de Chaibidil 4, déanfaidh institiúidí ionstraimí agus tráchtearraí den sórt sin a láimhseáil ar an mbealach céanna agus a láimhseálann siad cothromas neamhphríomhinnéacs ar mhalartán aitheanta;
- (f) i gcás ina bhfuil institiúid ag úsáid an cur chuige bunaithe ar a meastacháin féin de choigeartuithe luaineachta faoi Roinn 3 de Chaibidil 4 maidir le hionstraimí airgeadais nó tráchtearraí nach bhfuil incháilithe faoi Chaibidil 4, ríomhfaidh sí coigeartuithe luaineachta do gach ítim ar leith. I gcás go bhfuil cead faighte ag institiúid Modh na Samhlacha Inmheánacha arna shainiú i gCaibidil 4 a úsáid, féadfaidh sí an cur chuige sin a chur i bhfeidhm sa leabhar trádála;
- (g) maidir le máistir-chomhaontuithe glanluachála a aithint ina gcuisítear idirbhearta athcheannaigh nó idirbhearta iasachtaithe nó iasachtaíochta i leith urrús nó tráchtearraí nó idirbhearta caipítíl eile atá faoi thionchar an mhargaidh, ní aithneoidh institiúidí ach glanluacháil thar shuímh sa leabhar trádála agus sa leabhar neamhthrádála nuair a chomhlíonann na hidirbhearta glanluacháilte na coinníollacha seo a leanas:
- (i) déantar gach idirbheart a mharcáil ón margadh ar bhonn laethúil;
- (ii) féadfar aon ítimí a fhaightear ar iasacht, a cheannaítear nó a fhaightear faoi na hidirbhearta a aithint mar chomhthaobhacht airgeadais incháilithe faoi Chaibidil 4 gan pointí (c) go (f) den mhír seo a chur i bhfeidhm;
- (h) i gcás gur cuid d'fhálú inmheánach é díorthach creidmheasa atá ar áireamh sa leabhar trádála agus go n-aithnítear an chosaint chreidmheasa faoin Rialachán seo i gcomhréir le hAirteagal 204, cuirfidh institiúidí ceann amháin de na modhanna seo a leanas i bhfeidhm:
- (i) láimhseálfad siad é amhail is nár thig aon priacal contrapháirtí ón suíomh sa díorthach creidmheasa sin;
- (ii) chun na ceanglais cistí dílse a ríomh maidir le priacal creidmheasa contrapháirtí, cuirfidh siad ar áireamh go comhsheasmhach na díorthaigh chreidmheasa go léir atá sa leabhar trádála agus atá ina gcuid d'fhálú inmheánach nó a ceannaíodh mar chosaint i gcoinne risíochta ar CCR sa chás go bhfuil an chosaint chreidmheasa aitheanta mar chosaint incháilithe faoi Chaibidil 4.

**▼B**

## Roinn 9

**Ceanglais cistí dílse maidir le risíochtaí ar  
chontrapháirtí lárnach***Airteagal 300***Sainmhínte**

Chun críocha na Roinne seo, beidh feidhm ag na sainmhínte seo a leanas:

- (1) ciallaíonn 'gan baint le féimheacht', maidir le sócmhainní cliant, go bhfuil socruithe éifeachtacha i bhfeidhm lena n-áirithítear nach mbeidh na sócmhainní sin ar fáil do chreidiúnaithe contrapháirtí lárnaigh nó chomhalta imréitigh i gcás dhócmhainneacht an chontrapháirtí lárnaigh nó an chomhalta imréitigh sin faoi seach nó nach mbeidh na sócmhainní ar fáil don comhalta imréitigh chun caillteanais a chumhdach a thabhaigh sé i ndiaidh mhainneachtain cliant nó cliant seachas iad siúd a chuir na sócmhainní sin ar fáil;
- (2) ciallaíonn 'idirbheart a bhaineann le contrapháirtí lárnach' conradh nó idirbheart atá liostaithe in Airteagal 301(1) idir cliant agus comhalta imréitigh a bhaineann go díreach le conradh nó idirbheart atá liostaithe sa mhír sin idir an comhalta imréitigh sin agus contrapháirtí lárnach;
- (3) ciallaíonn 'comhalta imréitigh' comhalta imréitigh mar atá sainmhínte i bpointe (14) d'Airteagal 2 de Rialachán(AE) Uimhir 648/2012
- (4) ciallaíonn 'cliant' cliant mar atá sainmhínte i bpointe (15) d'Airteagal 2 de Rialachán (AE) Uimhir 648/2012 nó gnóthás a bhfuil socruithe imréitigh indíreacha bunaithe acu le comhalta imréitigh, i gcomhréir le hAirteagal 4(3) den Rialachán sin.

*Airteagal 301***Raon feidhme ábhartha**

1. Baineann an Roinn seo leis na conarthaí agus na hidirbhearta seo a leanas fad agus atá siad gan réiteach le contrapháirtí lárnach:

- (a) na conarthaí atá liostaithe in Iarscríbhinn II agus díorthaigh chreidmheasa;
- (b) idirbhearta athcheannaigh;
- (c) idirbhearta maidir le hurrúis nó tráchtearraí a iasachtú nó a fháil ar iasacht;
- (d) idirbhearta socraíochta iarchurtha;
- (e) idirbhearta iasachta corrlaigh;

2. Féadfaidh institiúidí a roghnú an bhfuil siad chun ceann den dá láimhseáil a leanas a chur i bhfeidhm ar chonarthaí agus ar idirbhearta atá gan íoc le contrapháirtí lárnach cáilitheach arna liostú i mír 1:

- (a) an láimhseáil maidir le risíochtaí trádála agus le risíochtaí ó ranníocaíochtaí ciste mainneachtana a shonraítear in Airteagal 306, seachas an láimhseáil a shonraítear i mír 1(b) den Airteagal sin, agus in Airteagal 307, faoi seach;

**▼B**

(b) an láimhseáil a shonraítear in Airteagal 310.

3. Cuirfidh institiúidí an láimhseáil a shonraítear in Airteagal 306, seachas an láimhseáil a shonraítear i mír (1)(a) den Airteagal sin, agus in Airteagal 309 i bhfeidhm, de réir mar is infheidhme, maidir leis na conarthaí agus leis na hidirbhearta atá gan íoc le contrapháirtí lárnach neamhcháilitheach atá liostaithe i mír 1 den Airteagal seo.

*Airteagal 302***Faireachán a dhéanamh ar risíochtaí contrapháirtithe lárnacha**

1. Déanfaidh institiúidí faireachán ar a risíochtaí uile ar chontrapháirtithe lárnacha agus leagfaidh siad síos nósanna imeachta maidir le faisnéis a thuairisciú go rialta maidir leis na risíochtaí sin dá lucht bainistíochta sinsearaí agus do choiste iomchuí nó do choistí iomchuí an chomhlachta bainistíochta.

2. Maidir le leibhéal na gcistí dílse atá á sealbhú i gcoinne risíochtaí ar chontrapháirtithe lárnacha, lena n-áirítear risíochtaí creidmheasa ionchasacha sa todhchaí nó risíochtaí ar ranníocaíochtaí ciste mainneachtana agus, nuair atá an institiúid ag gníomhú mar chomhalta imréitigh, risíochtaí de thoradh ar shocruithe conarthacha mar atá leagtha síos in Airteagal 304, déanfaidh institiúidí a mheas, trí anailís iomchuí ar chnámha an scéil a dhéanamh, an leor iad le cois na priacail is gné dhílis de na risíochtaí sin.

*Airteagal 303***Risíochtaí na gcomhaltaí imréitigh ar chontrapháirtithe lárnacha a láimhseáil**

1. I gcás ina ngníomhaíonn institiúid mar chomhalta imréitigh, chun a críocha féin nó mar idirghabhálaí airgeadais idir cliant agus contrapháirtí lárnach, ríomhfaidh sí na ceanglais cistí dílse dá risíochtaí ar chontrapháirtí lárnach i gcomhréir le hAirteagail 301 (2) agus (3).

**▼C2****▼B***Airteagal 304***Risíochtaí na gcomhaltaí imréitigh ar chliant a láimhseáil**

1. I gcás ina ngníomhaíonn institiúid mar chomhalta imréitigh, agus sa cháiil sin, go ngníomhaíonn sí mar idirghabhálaí airgeadais idir cliant agus contrapháirtí lárnach, déanfaidh sí na ceanglais cistí dílse a ríomh dá hidirbhearta a bhaineann le contrapháirtí lárnach leis an gcliant i gcomhréir le Roinn 1 go Roinn 8 den Chaibidil seo, agus le Teideal VI de Chuid a Trí, de réir mar is infheidhme.

2. I gcás ina ndéanann institiúid a ghníomhaíonn mar chomhalta imréitigh socrú conarthach le cliant comhalta imréitigh eile lena n-éascaítear, i gcomhréir le hAirteagal 48(5) agus (6) de Rialachán (AE) Uimhir 648/2012, aistriú suíomh agus comhthaobhachta dá dtagraítear in Airteagal 305(2),(b) den Rialachán sin don chliant sin, agus go mbíonn oibleagáid theagmhasach don institiúid mar bharr ar an gcomhaontú conarthach sin féadfaidh an institiúid sin luach risíochta nialais a shannadh don oibleagáid theagmhasach sin.

**▼B**

3. Féadfaidh institiúid a ghníomhaíonn mar chomhalta imréitigh thréimhse corrlaigh priacal níos giorra a chur i bhfeidhm agus an ceanglas cistí dílse á ríomh i leith a risíochtaí ar chliant i gcomhréir le Modh na Samhla Inmheánaí. Ní bheidh an thréimhse corrlaigh priacal a chuirfidh an institiúid i bhfeidhm níos lú ná 5 lá.

4. Féadfaidh institiúid a ghníomhaíonn mar chomhalta imréitigh an EAD a iolrú le scálach agus an ceanglas cistí dílse á ríomh i leith a risíochtaí ar chliant i gcomhréir leis an Modh um Marcáil ón Margadh, leis an Modh Caighdeánaithe nó le Modh na Risíochta Tosaigh. Is iad na scálaigh go bhféadfaidh na hinstitiúidí a chur i bhfeidhm na scálaigh a leanas:

- (a) 0.71 do thréimhse corrlaigh priacal chúig lá;
- (b) 0.77 do thréimhse corrlaigh priacal shé lá;
- (c) 0.84 do thréimhse corrlaigh priacal seacht lá;
- (d) 0.89 do thréimhse corrlaigh priacal ocht lá;
- (e) 0.95 do thréimhse corrlaigh priacal naoi lá;
- (f) 1 do thréimhse corrlaigh priacal deich lá nó níos mó

5. Forbróidh ÚBE dréacht-chaighdeáin theicniúla rialála chun na thréimhsí corrlaigh faoi phriacal a shonrú go bhféadfaí institiúidí a úsáid chun críocha mhír 3 agus mhír 4.

Agus na dréacht-chaighdeáin theicniúla rialála sin á bhforbairt aige, cuirfidh an ÚBE na príonsabail a leanas i bhfeidhm:

- (a) sonróidh sé an thréimhse corrlaigh faoi phriacal i gcás gach cineál conarthaí agus idirbheart a liostaítear in Airteagal 301(1);
- (b) léireofar leis na thréimhsí corrlaigh faoi phriacal arna sonrú i bpointe
  - (a) thréimhse socraíochta na gconarthaí agus na n-idirbheart dá dtagraítear sa phointe sin.

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 30 Meitheamh 2014.

Déantar an chumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

*Airteagal 305***Risíochtaí na gcliant a láimhseáil**

1. I gcás gur cliant de chomhalta imréitigh í an institiúid, ríomhfaidh sí na ceanglais cistí dílse dá hidirbhearta a bhaineann le contrapháirtí lárnach lena comhalta imréitigh sin i gcomhréir le Rann 1 go Rann 8 den Chaibidil seo agus le Teideal VI de Chuid a Trí, de réir mar is infheidhme.



**▼B**

2. Gan dochar don chur chuige atá sonraithe i mír 1, i gcás gur cliant í an institiúid, féadfaidh sí na ceanglais cistí dílse dá risíochtaí trádála d'idirbhearta a bhaineann le contrapháirtí lárnach lena comhalta imréitigh a ríomh i gcomhréir le hAirteagal 306 ar an gcoinníoll go gcomhlíontar na coinníollacha uile seo a leanas:

- (a) tá suímh agus sócmhainní na hinstitiúide sin a bhaineann leis na hidirbhearta sin idirdhealaithe agus leithscartha, ar leibhéal an chomhalta imréitigh agus an chontrapháirtí lárnaigh araon, ó shuímh agus sócmhainní an chomhalta imréitigh agus chliaint eile an chomhalta imréitigh sin agus mar gheall ar an idirdhealú sin agus an leithscaradh sin níl baint ag na suímh agus sócmhainní sin le féimheacht i gcás mhainneachtain nó dhócmhainneacht an chomhalta imréitigh nó duine amháin nó níos mó dá chliaint eile;
- (b) éascaítear le dlíthe, rialacháin, rialacha agus socrúithe conarthacha is infheidhme maidir leis an institiúid sin nó leis an gcontrapháirtí lárnach atá ceangailteach orthu, go ndéanfar suímh an chliaint a bhaineann leis na conarthaí agus idirbhearta sin agus an chomhthaobhacht chomhfhreagrach a aistriú chuig comhalta imréitigh eile laistigh den tréimhse corrlaigh is infheidhme faoi phriacal i gcás dhócmhainneacht nó mhainneachtain an chontrapháirtí lárnaigh nó an chomhalta imréitigh bhunaidh. In imthosca mar sin, déanfar suímh agus comhthaobhacht an chliaint a aistriú ag luach an mhargaidh mura n-iarrann an cliant go ndéanfaí an suíomh a shocrú ar luach an mhargaidh;
- (c) tá tuairim neamhspleách, i scríbhinn agus réasúnaithe ar fáil ag an institiúid a deir go bhfaigheadh, i gcás ina ndéanfaí agóid dhlíthiúil, na cúirteanna ábhartha agus na húdaráis riaracháin ábhartha nach dtabhódh an cliant aon chaillteanas de bharr dhócmhainneacht a chomhalta imréitigh nó de bharr dhócmhainneacht aon cheann de chliaint an chomhalta imréitigh faoi dhlíthe dhlínse na hinstitiúide, dhlíthe a chomhalta imréitigh agus an chontrapháirtí lárnaigh, faoi dhlí lena rialaítear na hidirbhearta agus na conarthaí a imréitíonn an institiúid tríd an gcontrapháirtí lárnach, an dlí lena rialaítear an chomhthaobhacht, agus an dlí lena rialaítear aon chonradh nó aon chomhaontú atá riachtanach chun an coinníoll i bpointe (b) a chomhlíonadh,
- (d) is contrapháirtí lárnach cáilitheach é an contrapháirtí lárnach.

3. Gan dochar do na coinníollacha atá sonraithe i mír 2, i gcás nach gcosnaítear institiúid ar cliant í ó chaillteanas i gcás go gcomh-mhainneachtaíonn an comhalta imréitigh agus cliant eile de chuid an chomhalta imréitigh, ach go bhfuil na coinníollacha uile eile a leagtar amach i mír 2 á gcomhlíonadh, féadfaidh an cliant na ceanglais cistí dílse dá risíochtaí trádála d'idirbhearta a bhaineann le contrapháirtithe lárnacha lena chomhalta imréitigh a ríomh i gcomhréir le hAirteagal 306, faoi réir ualú priacal 4 % a chur in ionad an ualaithe priacal 2 % atá i mír 1 (a) den Airteagal sin.

4. Má bhaineann institiúid ar cliant í leas as seirbhísí contrapháirtí lárnaigh trí shocrúithe neamhdhíreacha imréitigh, i gcomhréir le hAirteagal 4(3) de Rialachán (AE) Uimhir 648/2012, ní fhéadfaidh an institiúid sin an láimhseáil a leagtar amach i mír 2 nó i mír 3 a chur i bhfeidhm ach amháin má chomhlíontar na coinníollacha i ngach mír ar gach leibhéal de shlabhra na n-idirghabhálaithe.



*Airteagal 306*

**Ceanglais cistí dílse maidir le risíochtaí trádála**

1. Cuirfidh institiúid an láimhseáil a leanas i bhfeidhm ar a risíochtaí trádála ar chontrapháirtithe lárnacha:

- (a) cuirfidh sí ualú priacal 2 % i bhfeidhm maidir le luachanna risíochta a risíochtaí trádála uile le contrapháirtithe lárnacha cáilitheacha;
- (b) cuirfidh sí i bhfeidhm an t-ualú priacal a úsáidtear don Chur chuige Caighdeánaithe maidir le priacal creidmheasa a leagtar amach in Airteagal 107(2)(b) ar a risíochtaí trádála uile le contrapháirtithe lárnacha neamhcháilitheacha.
- (c) i gcás ina bhfuil institiúid ag gníomhú mar idirghabhálaí airgeadais idir cliant agus contrapháirtí lárnach agus go bhforálann téarmaí an idirbhirt a bhaineann leis an gcontrapháirtí lárnach nach bhfuil sé d'oibleagáid ag an institiúid an cliant a aisíoc as aon chaillteanas a bhain dó de thoradh ar athruithe ar luach an idirbhirt sin má mhainníonn an contrapháirtí lárnach cothrom le nialas is ea luach risíochta an idirbhirt leis an gcontrapháirtí lárnach a chomhfheagraíonn don idirbheart sin a bhaineann le contrapháirtí lárnach.

2. D'ainneoin mhír 1, i gcás ina bhfuil sócmhainní a bhreactar mar chomhthaobhacht do chontrapháirtí lárnach nó do chomhalta imréitigh neamhbhainteach le féimheacht i gcás ina n-éireoidh an contrapháirtí lárnach, an comhalta imréitigh nó duine amháin nó níos mó de na cliaint eile dócmhainneach, féadfaidh institiúid luach risíochta de nialas a shannadh do risíochtaí priacal creidmheasa contrapháirtithe maidir leis na sócmhainní sin.

3. Ríomhfaidh institiúid luachanna risíochta a risíochtaí trádála le contrapháirtí lárnach i gcomhréir le Roinn 1 go 8 den Chaibidil seo, de réir mar is infheidhme.

4. Ríomhfaidh institiúid méideanna risíochta atá ualaithe ó thaobh priacal maidir lena risíochtaí trádála le contrapháirtithe lárnacha chun críocha Airteagal 92(3) mar shuim luachanna risíochta a risíochtaí trádála le contrapháirtithe lárnacha, arna ríomh i gcomhréir le mír 2 agus mír 3 den Airteagal seo, agus arna n-iolrú faoin ualú priacal a chinntear i gcomhréir le mír 1 den Airteagal seo.

*Airteagal 307*

**Ceanglais cistí dílse maidir le ranníocaíochtaí réamh-mhaoinithe le ciste mainneachtana contrapháirtí lárnaigh**

Cuirfidh institiúid a ghníomhaíonn mar chomhalta imréitigh an láimhseáil seo a leanas i bhfeidhm ar a risíochtaí a thagann as a ranníocaíochtaí le ciste mainneachtana contrapháirtí lárnaigh.

- (a) ríomhfaidh sí an ceanglas cistí dílse dá ranníocaíochtaí réamh-mhaoinithe le ciste mainneachtana contrapháirtí lárnaigh cháilithigh i gcomhréir leis an gcur chuige a leagtar amach in Airteagal 308;
- (b) ríomhfaidh sí an ceanglas cistí dílse dá ranníocaíochtaí réamh-mhaoinithe le ciste mainneachtana contrapháirtí lárnaigh neamhcháilithigh i gcomhréir leis an gcur chuige a leagtar amach in Airteagal 309.

## ▼B

## Airteagal 308

**Ceanglais cistí dílse maidir le ranníocaíochtaí le ciste mainneachtana contrapháirtí lárnaigh cháilithigh réamh-mhaoinithe**

1. An luach risíochta do ranníocaíocht réamh-mhaoinithe institiúide le ciste mainneachtana contrapháirtí lárnaigh cháilithigh ( $DF_i$ ), beidh sé cothrom leis an méid a íocadh isteach nó luach margaidh na sócmhainní arna seachadadh ag an institiúid sin, laghdaithe le haon chuid den ranníocaíocht sin atá úsáidte cheana féin ag an gcontrapháirtí lárnach cáilitheach chun a chaillteanas a sheasamh tar éis mainneachtana ceann amháin nó níos mó dá chuid comhaltaí imréitigh.

2. Is mar seo a leanas a ríomhfaidh institiúid an ceanglas cistí dílse ( $K_i$ ) chun an risíochta thagann as a ranníocaíocht réamh-mhaoinithe ( $DF_i$ ) a chumhdach:

$$K_i = \left(1 + \beta \cdot \frac{N}{N-2}\right) \cdot \frac{DF_i}{DF_{CM}} \cdot K_{CM}$$

nuair atá:

$\beta$  = an fachtóir comhchruinnithe a chuireann an contrapháirtí lárnach in iúl don institiúid;

$N$  = líon na gcomhaltaí imréitigh a chuireann an contrapháirtí lárnach in iúl don institiúid;

$DF_{CM}$  = suim ranníocaíochtaí réamh-mhaoinithe chomhaltaí imréitigh uile an chontrapháirtí lárnaigh ( $\sum_i DF_i$ ) a chuireann an contrapháirtí lárnach in iúl don institiúid;

$K_{CM}$  = suim ceanglais chistí dílse chomhaltaí imréitigh uile an chontrapháirtí lárnaigh arna ríomh de réir na foirmle is infheidhme atá sonraithe i mír 3 ( $\sum_i K_i$ ).

3. Déanfaidh institiúid  $K_{CM}$  a ríomh mar seo a leanas:

(a) mar a bhfuil  $K_{CPL} \leq DF_{CPL}$ , úsáidfídh an institiúid an fhoirmle seo a leanas:

$$K_{CM} = c_1 \cdot DF_{CM}^*;$$

(b) mar a bhfuil  $DF_{CPL} < K_{CPL} \leq DF^*$ , úsáidfídh an institiúid an fhoirmle seo a leanas:

$$K_{CM} = c_2 \cdot (K_{CCP} - DF_{CCP}) + c_1 \cdot (DF^* - K_{CCP});$$

(c) mar a bhfuil  $DF^* < K_{CPL}$ , úsáidfídh an institiúid an fhoirmle seo a leanas:

$$K_{CM} = c_2 \cdot \mu \cdot (K_{CCP} - DF^*) + c_2 \cdot DF_{CM}^*$$

**▼B**

nuair atá:

$DF_{CPL}$  = acmhainní airgeadais réamh-mhaoinithe an chontrapháirtí lárnaigh a chuireann an contrapháirtí lárnach in iúl don institiúid;

$K_{CPL}$  = caipiteal hipitéiseach an chontrapháirtí lárnaigh a chuireann an contrapháirtí lárnach in iúl don institiúid;

$DF$  = na ranníocaíochtaí réamh-mhaoinithe iomlána

$DF^*$  =  $DF_{CCP} + DF_{CM}^*$ ;

$DF_{CM}^*$  =  $DF_{CM} - 2 \cdot \overline{DF}_i$ ;

$\overline{DF}_i$  = an mheánranníocaíocht réamh-mhaoinithe,  $\frac{1}{N} \cdot DF_{CM}$ , a chuireann an contrapháirtí lárnach in iúl don institiúid;

$c_1$  = comhéifeacht chaipitil cothrom le

$$\max \left\{ \frac{1.6\%}{\left( \frac{DF^*}{K_{CCP}} \right)^{0.3}}, 0.16\% \right\}$$

$c_2$  = comhéifeacht chaipitil cothrom le 100 %;

$\mu$  = 1.2.

4. Déanfaidh institiúid méideanna risíochta atá ualaithe ó thaobh priacal a ríomh maidir le risíochtaí a thagann as ranníocaíocht réamh-mhaoinithe institiúide chun críche Airteagal 92(3) mar an ceanglas cistí dílse ( $K_i$ ) arna chinneadh i gcomhréir le mír 2 arna iolrú faoi 12.5.

5. Mar a bhfuil  $K_{CPL}$  cothrom le nialas, úsáidfidh institiúidí luach 0.16 % le haghaidh  $c_1$  chun críocha an ríofa i míreanna 3.

*Airteagal 309*

**Ceanglais cistí dílse maidir le ranníocaíochtaí le ciste mainneachtana contrapháirtí lárnaigh neamhcháilithe réamh-mhaoinithe agus le ranníocaíochtaí neamh-mhaoinithe le contrapháirtí lárnach neamhcháilitheach**

1. Cuirfidh an institiúid an fhoirmle seo a leanas i bhfeidhm chun an ceanglas cistí dílse ( $K_i$ ) a ríomh maidir le risíochtaí a thagann as ranníocaíochtaí réamh-mhaoinithe do chiste mainneachtana contrapháirtí neamhcháilitheach ( $DF_i$ ) agus as ranníocaíochtaí neamh-mhaoinithe ( $UC_i$ ) do chontrapháirtí lárnach den sórt sin:

**▼C2**

$$K_i = (c_2 \cdot \mu \cdot (DF_i + UC_i))$$

**▼B**

agus  $c_2$  and  $\mu$  á sainmhíniú mar a dhéantar in Airteagal 308(3).

**▼B**

2. Chun críche mhír 1, ciallaíonn ranníocaíochtaí neamhchistithe ranníocaíochtaí a gheallann institiúid atá ag gníomhú mar chomhalta imréitigh go conarthach a sholáthar do chontrapháirtí lárnach tar éis don chontrapháirtí lárnach a chiste mainneachtana a idiú chun caillteanais a chumhdach a thabhaigh sí tar éis mainneachtain ceann amháin nó níos mó dá chomhaltaí imréitigh.

3. Déanfaidh institiúid méideanna risíochta atá ualaithe ó thaobh priacal a ríomh maidir le risíochtaí a thagann as ranníocaíocht réamh-mhaoinithe institiúide chun críche Airteagal 92(3) mar an ceanglas cistí dílse ( $K_i$ ) arna chinneadh i gcomhréir le míreanna 1 arna iolrú faoi 12.5.

*Airteagal 310***Ceanglas cistí dílse maidir le risíochtaí ar chontrapháirtí lárnach cáilitheach a ríomh ar bhealach malartach**

Cuirfidh an institiúid an fhoirmle seo a leanas i bhfeidhm chun an ceanglas cistí dílse ( $K_i$ ) a ríomh maidir le risíochtaí a thagann as a risíochtaí trádála agus as risíochtaí trádála a cliant ( $TE_i$ ) agus ranníocaíochtaí reamh-mhaoinithe ( $DF_i$ ) le ciste mainneachtana an chontrapháirtí lárnaigh cháilitheach:

$$K_i = 8\% \cdot \min [2\% \cdot TE_i + 1.250\% \cdot DF_i; 20\% \cdot TE_i]$$

*Airteagal 311***Ceanglais cistí dílse do risíochtaí ar chontrapháirtithe lárnacha nach gcomhlíonann coinníollacha áirithe a thuilleadh**

1. Cuirfidh institiúid an láimhseáil a leagtar amach san Airteagal seo i bhfeidhm má chomhlíontar ceann amháin nó níos mó de na coinníollacha a leanas:

- (a) fuair an institiúid fógra ón gcontrapháirtí lárnach a cheanglaítear le pointe (j)(ii) d'Airteagal 50b de Rialachán (AE) Uimhir 648/2012 gur stad an contrapháirtí lárnach de  $K_{CPL}$  a ríomh;
- (b) tháinig institiúid de bheith ar an eolas – tar éis fógra phoiblí nó fógra ó údarás inniúil chontrapháirtí lárnaigh a úsáideann an institiúid nó ón gcontrapháirtí lárnach féin - nach gcomhlíonfaidh an contrapháirtí lárnach na coinníollacha maidir le húdarú nó le haitheantas, i gcás inarb infheidhme, níos mó;

2. I gcás nár comhlíonadh ach an coinníoll i bpointe (a) de mhír 1, fíoróidh údarás inniúil na hinstitiúide na fáthanna lenar stad an contrapháirtí lárnach  $K_{CPL}$  a ríomh.

Má mheasanna an t-údarás inniúil go bhfuil na fáthanna dá dtagraítear sa chéad fho-mhír bailí, féadfaidh sé na hinstitiúidí ina Bhallstát an láimhseáil a leagtar amach in Airteagal 310 a chur i bhfeidhm maidir lena chuid risíochtaí trádála ar an gcontrapháirtí lárnach sin agus maidir lena ranníocaíochtaí ciste mainneachtana leis. Má thugann sé an cead sin, déanfaidh sé na cúiseanna lena chinneadh a nochtadh.

**▼B**

Má mheasann an t-údarás inniúil nach bhfuil na cúiseanna dá dtagraítear sa chéad fho-mhír bailí, déanfaidh gach institiúid ina Bhallstát, beag beann ar an láimhseáil a roghnaigh siad i gcomhréir le hAirteagal 301(2), an láimhseáil a leagtar amach i bpointe (a) go pointe (d) de mhír 3, den Airteagal seo a chur i bhfeidhm.

3. I gcás gur comhlíonadh an coinníoll i mír 1(b)), beag beann ar an gcomhlíonadh an coinníoll i bpointe (a) den mhír sin nó nár comhlíonadh é, déanfaidh institiúid, laistigh de thrí mhí d'fheidhm a bheith ag na himthosca a leagtar amach i bpointe (b) den mhír sin), nó níos luaithe má éilíonn údarás inniúil na hinstiúidí sin é, an méid a leanas maidir lena risíochtaí ar an gcontrapháirtí lárnach sin:

- (a) scoirfidh sí an láimhseáil a roghnaigh sí a chur i bhfeidhm i gcomhréir le hAirteagal 301(2);
- (b) cuirfidh sí an láimhseáil a leagtar amach in Airteagal 306(1) (b) i bhfeidhm maidir lena risíochtaí trádála ar an gcontrapháirtí lárnach sin;
- (c) cuirfidh sí an láimhseáil a leagtar amach in Airteagal 309 i bhfeidhm maidir lena ranníocaíochtaí réamh-mhaoinithe le ciste mainneachtana an chontrapháirtí lárnaigh sin agus lena ranníocaíochtaí neamhmaoinithe ar an gcontrapháirtí lárnach sin;
- (d) risíochtaí seachas iad sin a liostaítear i bpointe (b) agus i bpointe (c) ar an gcontrapháirtí lárnach sin a láimhseáil mar risíochtaí ar eintiteas corparáideach i gcomhréir leis an gCur Chuige Caighdeánaithe maidir le priacal creidmheasa atá leagtha amach i gCaibidil 2.

## TEIDEAL III

## CEANGLAIS CISTÍ DÍLSE LE HAGHAIDH PRIACAL OIBRIÚCHÁIN

## CAIBIDIL 1

***Prionsabail ghinearálta lena rialaítear úsáid na gcineálacha éagsúla cur chuige****Airteagal 312***Cead agus fógra**

1. D'fhonn cáiliú chun an Cur Chuige Caighdeánaithe a úsáid, comhlíonfaidh institiúidí na critéir atá leagtha amach in Airteagal 320, i dteannta na gcaighdeán ginearálta um bainistíocht priacal atá leagtha amach in Airteagal 74 agus Airteagal 85 de Threoir 2013/36/AE. Tabharfaidh na hinstiúidí fógra do na húdaráis inniúla roimh an gcur chuige caighdeánaithe a úsáid.

**▼B**

Tabharfaidh na húdaráis inniúla cead do na hinstitiúidí táscaire ábhartha malartach a úsáid i gcomhair réimsí gnó na baincéireachta miondíola agus na baincéireachta tráchtála i gcás ina gcomhlíonfar na coinníollacha a leagtar amach in Airteagal 319(2) agus Airteagal 320.

2. Tabharfaidh na húdaráis inniúla cead do na hinstitiúidí Ardmhodhanna Tomhais a úsáid bunaithe ar a gcórais féin chun priacail oibriúcháin a thomhas, i gcás ina gcomhlíonfar na caighdeáin cháilíochtúla agus chainníochtúla go léir atá leagtha amach in Airteagal 321 agus Airteagal 322 faoi seach agus i gcás ina gcomhlíonfaidh na hinstitiúidí na caighdeáin ghinearálta um bainistíocht priacal atá leagtha amach in Airteagal 74 agus Airteagal 85 de Threoir (AE)/36/2013 agus i Roinn II, Caibidil 3, Teideal VII den Treoir sin.

Cuirfidh na hinstitiúidí isteach ar chead óna n-údaráis inniúla freisin i gcás inar mian leo síntí agus athruithe ábhartha a chur chun feidhme maidir leis na hArdmhodhanna Tomhais sin. Ní thabharfaidh na húdaráis inniúla cead ach amháin sna cásanna sin ina leanfadh institiúidí orthu ag comhlíonadh na gcaighdeán sin a shonraítear sa chéad fhomhír i ndiaidh na síntí agus na n-athruithe ábhartha sin.

3. Tabharfaidh na hinstitiúidí fógra do na húdaráis inniúla maidir le haon athruithe ar a gcuid samhlacha Cur Chuige Ardtomhais.

4. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú:

- (a) an mhodheolaíocht mheasúnaithe trína dtugann na húdaráis inniúla cead d'institiúidí leas a bhaint as Ardmhodhanna Tomhais;
- (b) na coinníollacha chun measúnú a dhéanamh ar ábharthacht na síntí agus na n-athruithe ar Ardmhodhanna Tomhais;
- (c) módúlachtaí an fhógra a éilítear le mír 3.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2014.

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

*Airteagal 313***Filleadh ar mhodhanna nach bhfuil chomh sofaisticiúil a úsáid**

1. Ní fhillfidh institiúidí a úsáideann an Cur Chuige Caighdeánaithe ar Chur Chuige an Bhuntáscaire mura gcomhlíonfar na coinníollacha i mír 3.

**▼B**

2. Maidir le hinstitiúidí a úsáideann na hArdmhodhanna Tomhais ní fhillfidh siad ar an gCur Chuige Caighdeánaithe ná ar Chur Chuige an Bhuntáscaire mura gcomhlíonfar na coinníollacha i mír 3.

3. Ní fhéadfaidh institiúid filladh ar chur chuige nach bhfuil chomh sofaisticiúil i gcás priacal oibriúcháin ach amháin i gcás ina mbeidh an dá choinníoll seo a leanas comhlíonta:

(a) tá sé léirithe ag an institiúid chun sástachta an údaráis inniúil nach bhfuil sé beartaithe cur chuige nach bhfuil chomh sofaisticiúil a úsáid d'fhonn ceanglais cistí dílse na hinstitiúide le haghaidh priacal oibriúcháin a laghdú, go bhfuil sé riachtanach ar bhonn chineál agus chastacht na hinstitiúide agus nach mbeadh tionchar díobhálach ábhartha aige ar shócmhainneacht na hinstitiúide ná ar a cumas priacal oibriúcháin a bhainistiú go héifeachtach;

(b) fuair an institiúid cead roimh ré ón údarás inniúil.

*Airteagal 314***Cineálacha éagsúla cur chuige a úsáid i dteannta a chéile**

1. Féadfaidh institiúidí leas a bhaint as cineálacha éagsúla cur chuige i dteannta a chéile ar an gcoinníoll go bhfaigheann siad cead ó na húdaráis inniúla. Tabharfaidh na húdaráis inniúla cead den sórt sin i gcás ina gcomhlíonfar na ceanglais atá leagtha amach i míreanna 2 go 4, de réir mar is infheidhme.

2. Féadfaidh institiúid Ardmodh Tomhais a úsáid i dteannta Chur Chuige an Bhuntáscaire nó an Chur Chuige Chaighdeánaithe, i gcás ina gcomhlíonfar an dá choinníoll seo a leanas:

(a) gabhtar priacail oibriúcháin ar fad na hinstitiúide leis na cineálacha Cur Chuige a úsáideann sí i dteannta a chéile agus tá na húdaráis inniúla sásta leis an modheolaíocht atá in úsáid ag an institiúid chun gníomhaíochtaí éagsúla, suímh geografacha, struchtúir dhlíthiúla nó rannáin ábhartha eile arna gcinneadh ar bhonn inmheánach a chumhdach;

(b) comhlíontar na critéir atá leagtha amach in Airteagal 320 agus na caighdeáin atá leagtha amach in Airteagal 321 agus Airteagal 322 i gcás na coda sin de na gníomhaíochtaí atá cumhdaithe leis an gCur Chuige Caighdeánaithe agus leis na hArdmhodhanna Tomhais faoi seach.

3. I gcás institiúidí ar mian leo Ardmodh Tomhais a úsáid i dteannta Chur Chuige an Bhuntáscaire nó an Chur Chuige Chaighdeánaithe, déanfaidh údaráis inniúla na coinníollacha breise seo a leanas a fhorchur, maidir le cead a thabhairt:

(a) ar an dáta a chuirfear Ardmodh Tomhais chun feidhme, go mbeidh cuid shuntasach de priacail oibriúcháin na hinstitiúide gafa leis an gCur Chuige sin;



**▼B**

- (b) tá an institiúid tiomanta an Ardmhodh Tomhais a chur i bhfeidhm i gcuid ábhartha dá hoibríochtaí laistigh de sceideal ama a cuireadh faoi bhráid na n-údarás inniúil agus a d'fhaomh siad.

4. Ní fhéadfaidh institiúid cead a iarraidh ó údarás inniúil Cur Chuige an Bhuntáscaire agus an Cur Chuige Caighdeánaithe a úsáid i dteannta a chéile ach amháin i gcúinsí eisceachtúla, mar shampla gnóthas nua a fuarthas mar éadail le déanaí agus a mbeadh idirthréimhse ag teastáil dó chun an Cur Chuige Caighdeánaithe a chur i bhfeidhm.

Ní thabharfaidh údarás inniúil cead den sórt sin ach amháin i gcás ina bhfuil an institiúid tiomanta an Chur Chuige Caighdeánaithe a chur i bhfeidhm laistigh de sceideal ama a cuireadh faoi bhráid an údarás inniúil agus a d'fhaomh siad.

5. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú:

- (a) na coinníollacha a úsáidfídh na húdarás inniúla agus measúnú á dhéanamh acu ar an modheolaíocht dá dtagraítear i bpointe (a) de mhír 2;
- (b) na coinníollacha a úsáidfídh na húdarás inniúla agus cinneadh á dhéanamh acu an bhforchuirfidh nó nach bhforchuirfidh siad na coinníollacha breise dá dtagraítear i mír 3.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2016.

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

*CAIBIDIL 2**Cur chuige an bhuntáscaire**Airteagal 315***Ceanglas cistí dílse**

1. Faoi Chur Chuige an Bhuntáscaire, tá an ceanglas cistí dílse le haghaidh príacal oibriúcháin cothrom le 15 % den mheán thar thréimhse trí bliana den táscaire ábhartha a leagtar amach in Airteagal 316.

Déanfaidh institiúidí meán an táscaire a ríomh thar thréimhse trí bliana den táscaire ábhartha ar bhonn na dtí bhreathnóireacht dhá mhí dhéag is deireanaí ag deireadh na bliana airgeadais. Mura bhfuil figiúirí iniúchta ar fáil, féadfaidh institiúidí meastacháin ghnó a úsáid.

**▼B**

2. I gcás ina bhfuil insitiúid ag feidhmiú ar feadh níos lú ná trí bliana, féadfaidh sé meastacháin réamhbhreathnaitheacha gnó a úsáid chun an táscaire ábhartha a ríomh, ar an gcoinníoll go dtosóidh sé ag úsáid sonraí stairiúla a thúisce a bheidh siad ar fáil.

3. I gcás inar féidir le hinstitiúid a chruthú dá húdarás inniúil go mbeadh - de bharr chumasc, éadail nó dhiúscairt na n-eintiteas nó na ngníomhaíochtaí - meastachán claonta mar thoradh ar an táscaire ábhartha a ríomh tríd an meán trí bliana a úsáid don cheanglas cistí dílse le haghaidh priacal oibriúcháin, féadfaidh an t-údarás inniúil ceadú do na hinstitiúidí an ríomh a leasú ar bhealach lena gcuirfí imeachtaí den chineál sin san áireamh agus cuirfidh sé ÚBE ar an eolas faoi. Sna himthosca sin, féadfaidh an t-údarás inniúil ceanglas a chur ar institiúid ar a thionscnamh féin, an ríomh a leasú.

4. Maidir le breathnóireacht ar bith, i gcás ina bhfuil an táscaire ábhartha diúltach nó cothrom le nialas, ní chuirfidh institiúidí an figiúr sin san áireamh le linn dóibh an meán thar thréimhse trí bliana a ríomh. Ríomhfaidh institiúidí an meán thar thréimhse trí bliana mar shuim na bhfigiúirí deimhneacha arna roinnt ar líon na bhfigiúirí deimhneacha.

*Airteagal 316***Táscaire ábhartha**

1. I gcás institiúidí a chuireann na caighdeáin chuntasaíochta a bunaíodh le Treoir 86/635/CEE i bhfeidhm, bunaithe ar na catagóirí cuntasaíochta do chuntas brabúis agus cailiteanais na n-institiúidí faoi Airteagal 27 den Treoir sin, is é an táscaire ábhartha suim na n-eilimintí atá liostaithe i dTábla 1 den mhír seo. Cuirfidh institiúidí gach eilimint lena comhartha deimhneach nó lena comhartha diúltach san áireamh sa tsuim.

*Tábla 1*

- 1 Ús infhála agus ioncam dá shamhail
- 2 Ús iníoctha agus muirir dá shamhail
- 3 Ioncam ó scaireanna agus ó urrúis toraidh athraitheigh/ toraidh sheasta
- 4 Coimisiúin/táillí infhála
- 5 Coimisiúin/táillí iníoctha
- 6 Glanbhrabús nó glanchailiteanas ar oibríochtaí airgeadais
- 7 Ioncam oibriúcháin eile

Déanfaidh institiúidí na heilimintí sin a choigeartú chun na cáilíochtaí seo a leanas a léiriú:

- (a) ríomhfaidh institiúidí an táscaire ábhartha sula n-asbhainfear aon soláthairtí agus caiteachais oibriúcháin. Áireoidh institiúidí mar caiteachais oibriúcháin na táillí a íocadh i leith eisfhoinsiú seirbhísí arna soláthar ag tríú páirtithe nach mathairchuideachta ná fochuideachta de chuid na hinstitiúide iad ná fochuideachta de chuid máthairchuideachta arb í máthairchuideachta na hinstitiúide í. Féadfaidh institiúidí an caiteachas ar eisfhoinsiú seirbhísí arna soláthar ag tríú páirtithe a úsáid chun an táscaire ábhartha a laghdú i gcás ina dtabhaítear an caiteachas ó ghnóthas atá faoi réir rialacha faoin Rialachán seo, nó faoi réir rialacha atá coibhéiseach leo;

**▼B**

(b) ní bhainfidh institiúidí feidhm as na heilimintí seo a leanas le linn dóibh an táscaire ábhartha a ríomh:

(i) brabúis/caillteanais ó dhíol ítimí ón leabhar neamhthrádála;

(ii) ioncam ó ítimí urghnácha nó neamhrialta;

(iii) ioncam díorthaithe ó árachas.

(c) féadfaidh institiúidí athluacháil ítimí trádála a áireamh nuair is cuid den ráiteas brabúis agus caillteanais í. Nuair a chuireann institiúidí Airteagal 36(2) de Threoir 86/635/CEE i bhfeidhm, áireoidh siad athluacháil arna cur sa chuntas brabúis agus caillteanais.

2. Nuair a chuireann institiúidí caighdeáin chuntasaiochta i bhfeidhm nach ionann iad agus na cinn a bunaíodh le Treoir 86/635/CEE, ríomhfaidh siad an táscaire ábhartha ar bhonn na sonraí is fearr a léiríonn an sainmhíniú atá leagtha amach san Airteagal seo.

3. Forbróidh ÚBE dréachtchaighdeáin theicniúla rialála d'fhonn an mhodheolaíocht a chinneadh chun an táscaire ábhartha dá dtagraítear i mír 2 a ríomh.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2017.

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

*CAIBIDIL 3****Cur Chuige Caighdeánaithe****Airteagal 317***Ceanglas cistí dílse**

1. Faoin gCur Chuige Caighdeánaithe, roinnfidh institiúidí a ngníomhaíochtaí ar na réimeanna gnó atá leagtha amach i dTábla 2 de mhír 4 agus i gcomhréir leis na prionsabail atá leagtha amach in Airteagal 318.

2. Is mar mheán thar thréimhse trí bliana de shuim na gceanglas cistí dílse bliantúla thar gach réim gnó dá dtagraítear i dTábla 2 de mhír 4 a ríomhfaidh institiúidí an ceanglas cistí dílse le haghaidh priacal oibriúcháin. Tá ceanglas cistí dílse bliantúil gach aon réime gnó cothrom le toradh an bhéite-fhachtóra chomhfhreagraigh dá dtagraítear sa Tábla sin agus leis an gcuid den táscaire ábhartha arna mapáil go dtí an réim gnó faoi seach.

## ▼B

3. In aon bhliain ar leith, féadfaidh institiúidí ceanglais cistí dílse dhiúltacha a thig ó chuid dhiúltach den táscaire ábhartha in aon réim gnó a fhritháireamh gan teorainn leis na ceanglais cistí dílse dheimhneacha i réimeanna gnó eile. Mar sin féin, i gcás ina bhfuil an ceanglas comhiomlán cistí dílse ar fud gach réime gnó i mbliain ar leith diúltach, tabharfaidh institiúidí luach nialais mar ionchur d'uimhreoír na bliana sin.

4. Déanfaidh institiúidí meán thar thréimhse trí bliana den tsuim dá dtagraítear i mír 2 a ríomh ar bhonn na dtrí bhreathnóireacht dhá mhí dhéag is deireanaí ag deireadh na bliana airgeadais. Mura bhfuil figiúirí iniúchta ar fáil, féadfaidh institiúidí meastacháin ghnó a úsáid.

I gcás inar féidir le hinstitiúid a chruthú dá húdarás inniúil go mbeadh - de bharr chumasc, éadail nó dhiúscairt na n-eintiteas nó na gníomhaíochtaí - meastachán claonta mar thoradh ar an táscaire ábhartha a ríomh tríd an meán trí bliana a úsáid don cheanglas cistí dílse le haghaidh priacal oibriúcháin, féadfaidh an t-údarás inniúil ceadú do na hinstitiúidí an ríomh a leasú ar bhealach lena gcuirfí imeachtaí den chineál sin san áireamh agus cuirfidh sé ÚBE ar an eolas faoi. Sna himthosca sin, féadfaidh an t-údarás inniúil ceanglas a chur ar institiúid ar a thionscnamh féin, an ríomh a leasú.

I gcás ina bhfuil insitiúid ag feidhmiú ar feadh níos lú ná trí bliana, féadfaidh sé meastacháin réamhbhreathnaitheacha gnó a úsáid chun an táscaire ábhartha a ríomh, ar an gcoinníoll go dtosóidh sé ag úsáid sonraí stairiúla a thúisce a bheidh siad ar fáil.

Tábla 2

Réim gnó	Liosta gníomhaíochtaí	Céatadán (Béite-fhactóir)
Maoiniúchán corparáideach	Ionstraimí airgeadais a fhrithghealladh nó ionstraimí airgeadais a sholáthar ar bhonn oibleagáide daingne Seirbhísí a bhaineann le frithghealladh Comhairle infheistíochta Comhairle do ghnóthais faoi struchtúr caipitil, straitéis thionsclaíoch agus ábhair ghaolmhara, agus comhairle agus seirbhísí a bhaineann le cumaisc agus le ceannach gnóthas Taighde infheistíochta agus anailís airgeadais agus cineálacha eile moltaí ginearálta a bhaineann le hidirbhearta in ionstraimí airgeadais	18 %
Trádáil agus Díolacháin	Déileáil ar a gcuntas féin Bróicéireacht airgid Orduithe i ndáil le hionstraim airgeadais amháin nó níos mó a ghlacadh agus a tharchur Orduithe a fhorghníomhú ar son cliant Ionstraimí airgeadais a sholáthar gan bonn oibleagáide daingne Oibriú Saoráidí Trádála Iltaobhacha	18 %

## ▼B

Réim gnó	Liosta gníomhaíochtaí	Céatadán (Béite-fhactóir)
Bróicéireacht mhiondíola (Gníomhaíochtaí le daoine nádúrtha nó le FBManna a chomhlíonann na critéir a leagtar amach in Airteagal 123 maidir le haicme na risíochta ar mhiondíol)	Orduithe i ndáil le hionstraim airgeadais amháin nó níos mó a ghlacadh agus a tharchur Orduithe a fhorghníomhú ar son cliant Ionstraimí airgeadais a sholáthar gan bonn oibleagáide daingne	12 %
Baincéireacht tráchtála	Taisc agus cistí inaisíochta eile a ghlacadh Iasachtú Léasú airgeadais Ráthaíochtaí agus Gealltanais	15 %
Baincéireacht mhiondíola (Gníomhaíochtaí le daoine nádúrtha nó le FBManna a chomhlíonann na critéir atá leagtha amach in Airteagal 123 maidir le haicme na risíochta ar mhiondíol)	Taisc agus cistí inaisíochta eile a ghlacadh Iasachtú Léasú airgeadais Ráthaíochtaí agus Gealltanais	12 %
Íocaíocht agus socraíocht	Seirbhísí tarchur airgid, Modhanna íocaíochta a eisiúint agus a riar	18 %
Seirbhísí gníomhairreachta	Ionstraimí airgeadais a chumhdach agus a riar chun cuntais na gcliant, lena n-airítear feighlíocht agus seirbhísí gaolmhara amhail bainistíocht airgid thirim nó comhthaobhachta	15 %
Bainistíocht sócmhainní	Bainistíocht punainne GCUI a bhainistiú Cineálacha eile bainistíochta	12 %

*Airteagal 318***Prionsabail maidir le réimeanna gnó a mhapáil**

1. Forbróidh institiúidí beartais agus critéir shonracha chun an táscaire ábhartha i gcomhair réimeanna agus gníomhaíochtaí gnó reatha a mhapáil sa chreat caighdeánaithe atá leagtha síos in Airteagal 317 agus déanfaidh siad doiciméadú orthu. Déanfaidh siad athbhreithniú agus coigeartú ar na beartais agus ar na critéir sin de réir mar is cuí le déileáil le priacail agus gníomhaíochtaí gnó atá ag athrú nó atá nua.

2. Cuirfidh institiúidí na prionsabail seo a leanas i bhfeidhm maidir le réimeanna gnó a mhapáil:

(a) mapálfaidh institiúidí na gníomhaíochtaí ina réimeanna gnó ar bhealach atá comheisiatach agus uileghabhálach le chéile;

**▼B**

- (b) murar féidir le hinstiúidí aon ghníomhaíocht a mhapáil go héasca i gcreat na réimeanna gnó, agus más ghníomhaíocht choimhdeach í a bhaineann le gníomhaíocht atá ar áireamh sa chreat oibre, déanfaidh na hinstiúidí an ghníomhaíocht sin a mhapáil sa réim gnó a dtugann sí tacaíocht di. I gcás ina bhfuil gníomhaíocht choimhdeach ag tacú le breis agus réim gnó amháin, úsáidfidh instiúidí critéar mapála oibiachtúil;
- (c) i gcás nach féidir gníomhaíocht a mhapáil i réim gnó ar leith bainfidh na hinstiúidí feidhm as an réim gnó a thugann an céatadán is airde. Baineann an réim gnó chéanna le haon ghníomhaíocht choimhdeach a ghabhann leis an ngníomhaíocht sin freisin;
- (d) féadfaidh instiúidí modhanna praghsála inmheánacha a úsáid chun an táscaire ábhartha a leithdháileadh ar réimeanna gnó éagsúla. Féadfar costas arna ghiniúint i réim gnó amháin is féidir a iontráil go barúlach i réim gnó eile a ath-leithdháileadh ar an réim gnó lena mbaineann siad;
- (e) beidh an chaoi a mapálfar gníomhaíochtaí i réimeanna gnó chun críocha caipitil priacal oibriúcháin comhsheasmhach leis na catagóirí a úsáideann na hinstiúidí i gcomhair priacail creidmheasa agus priacail margaidh;
- (f) beidh an lucht bainistíochta sinsearaí freagrach as an mbeartas mapála atá faoi rialú chomhlacht bainistíochta na hinstiúide;
- (g) cuirfidh instiúidí an próiseas mapála i réimeanna gnó faoi réir athbhreithnithe neamhspleáigh.

3. Forbróidh ÚBE dréachtchaighdeáin theicniúla cur chun feidhme d'fhonn na coinníollacha a chinneadh ar dá réir a chuirfear na prionsabail i ndáil le mapáil réimeanna gnó dá bhforáiltear san Airteagal seo i bhfeidhm.

Cuirfidh ÚBE na dréachtchaighdeáin theicniúla cur chun feidhme sin faoi bhráid na Choimisiúin faoin 31.12.17.

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

*Airteagal 319***Cur Chuige Caighdeánaithe Malartach**

1. Faoin gCur Chuige Caighdeánaithe Malartach, i gcás réimeanna gnó na baincéireachta miondiola agus na baincéireachta tráchtála, cuirfidh instiúidí an méid seo a leanas i bhfeidhm:

- (a) táscaire normalaithe ioncaim is ea an táscaire ábhartha atá cothrom le méid ainmniúil na n-iasachtaí agus na n-airleacan arna n-iolrú faoi 0.035;
- (b) is éard atá sna hiasachtaí agus sna hairleacain méideanna iomlána tarraingthe sna punanna creidmheasa comhfhreagracha. I gcás réim gnó na baincéireachta tráchtála, cuirfidh instiúidí urrúis arna sealbhú sa leabhar neamhthrádála ar áireamh i méid ainmniúil na n-iasachtaí agus na n-airleacan.

**▼B**

2. Ní mór d'institiúid na coinníollacha seo a leanas a chomhlíonadh le cead a bheith aici leas a bhaint as an gCur Chuige Caighdeánaithe Malartach:

- (a) is ó ghníomhaíochtaí baincéireachta miondíola nó tráchtála a fhaigheann sí ar a laghad 90 % dá hioncam;
- (b) beidh iasachtaí a bhfuil PD ard ag baint leo ina gcion suntasach dá gníomhaíochtaí baincéireachta miondíola nó tráchtála;
- (c) is bonn iomchuí é an Cur chuige Caighdeánaithe Malartach chun a ceanglas cistí dílse le haghaidh priacal oibriúcháin a ríomh.

*Airteagal 320***Critéir maidir leis an gCur chuige Caighdeánaithe**

Is iad seo a leanas na critéir dá dtagraítear sa chéad fhomhír d'Airteagal 312(1):

- (a) beidh córas atá doiciméadaithe go maith i bhfeidhm ag institiúid chun priacail oibriúcháin a mheasúnú agus a bhainistiú agus beidh freagrachtaí soiléire sannta don chóras sin. Déanfaidh sí a risíochtaí ar priacail oibriúcháin a aithint agus sonraí ábhartha maidir le priacail oibriúcháin a rianú, lena n-áirítear sonraí a bhaineann le caillteanas ábhartha. Beidh an córas sin faoi réir a athbhreithnithe go rialta ar bhonn neamhspleách arna dhéanamh ag páirtí inmheánach nó seachtrach a bhfuil an fhaisnéis riachtanach aige chun athbhreithniú den chineál sin a dhéanamh;
- (b) beidh córais na hinstitiúide chun priacail oibriúcháin a mheas comhtháite go dlúth le próisis um bainistiú priacal na hinstitiúide sin. Beidh a haschur ina dhlúthchuid den phróiseas chun próifil priacal oibriúcháin na hinstitiúide a rialú agus chun faireachán a dhéanamh uirthi;
- (c) cuirfidh institiúid córas chun feidhme maidir le tuairisciú chuig an lucht bainistíochta sinsearaí faoina soláthraítear tuairiscí ar priacal oibriúcháin do na feidhmeanna ábhartha laistigh de na hinstitiúidí. Beidh nósanna imeachta ag institiúid chun beart cuí a dhéanamh de réir an eolais atá sna tuarascálacha a thugtar don lucht bainistíochta.

*CAIBIDIL 4****Ardmhodhanna Tomhais****Airteagal 321***Caighdeáin cháilíochtúla**

Is iad seo a leanas na caighdeáin cháilíochtúla dá dtagraítear in Airteagal 312(2):

- (a) déanfar córas inmheánach na hinstitiúide chun priacail oibriúcháin a thomhas a chomhtháthú go dlúth lena próisis laethúla bainistíochta priacal;
- (b) beidh feidhm neamhspleách bainistíochta priacal maidir le priacal oibriúcháin i bhfeidhm ag institiúid;

**▼B**

- (c) beidh nósanna imeachta i bhfeidhm ag institiúid chun tuairisciú rialta a dhéanamh ar risíochtaí ar priacail oibriúcháin agus ar thaithí chailteanais agus beidh nósanna imeachta i bhfeidhm aici chun gníomh ceartaitheach cuí a dhéanamh;
- (d) beidh córas bainistíochta priacal na n-institiúidí doiciméadaithe go maith. Beidh gnáthaimh i bhfeidhm ag institiúid chun comhlíonadh a chinntiú mar aon le beartais chun neamhchomhlíonadh a láimhseáil;
- (e) áiritheoidh institiúid go ndéanfaidh iniúcháirí inmheánacha nó seachtracha athbhreithnithe rialta ar a bpróisis chun priacail oibriúcháin a bhainistiú agus ar a córais chun priacail oibriúcháin a thomhas;
- (f) feidhmeoidh próiseas bailíochtaithe inmheánach na n-institiúidí ar bhealach fónta agus éifeachtach;
- (g) beidh an sreabhadh sonraí agus na próisis a bhaineann le córas institiúide chun priacal a thomhas trédhearcach agus inrochtana.

*Airteagal 322***Caighdeán chainníochtúla**

1. Áirítear ar na caighdeán chainníochtúla dá dtagraítear in Airteagal 312(2) na caighdeán a bhaineann le próisis, le sonraí inmheánacha, le sonraí seachtracha, le hanailís ar chnámha scéil, le timpeallacht an ghnó agus le fachtóirí rialaithe inmheánaigh a leagtar síos i míreanna 2 go 6 faoi seach.
2. Is iad seo a leanas na caighdeán a bhaineann le próisis:
  - (a) ríomhfaidh institiúid a ceanglas cistí dílse mar mhéid ina mbeidh cailteanas ionchasach agus cailteanas gan choinne ar áireamh, mura ndéantar cailteanas ionchasach a áireamh go sásúil ina cleachtais ghnó inmheánacha. Gabhfaidh an beart um priacail oibriúcháin aon earrtheagmhais a d'fhéadfadh a bheith dian, agus beidh caighdeán na hiontaofachta lena mbaineann inchurtha le heatramh muiníne 99.9 % thar thréimhse bliana;
  - (b) áireofar ar chóras na hinstiúide chun priacail oibriúcháin a thomhas úsáid sonraí inmheánacha, sonraí seachtracha, anailís ar chnámha scéil agus fachtóirí a léiríonn timpeallacht an ghnó agus na córais rialaithe inmheánaigh mar atá leagtha amach i míreanna 3 go 6. Beidh cur chuige i bhfeidhm ag an institiúid a bheidh doiciméadaithe go maith chun úsáid na gceithre eilimint sin a ualú ina córas foriomlán chun priacail oibriúcháin a thomhas;
  - (c) gabhfaidh córas na hinstiúide chun priacal a thomhas na foinsí móra priacal a dhéanfaidh difear don chruth a bheidh ar an earr ar dháileadh measta na gcaillteanas;
  - (d) ní fhéadfaidh institiúid comhghaolta i gcaillteanais priacail oibriúcháin a aithint thar mheastacháin aonair ar priacail oibriúcháin ach amháin i gcás ina mbeidh córais fhónta aici chun comhghaolta a thomhas, go gcuirfear i bhfeidhm iad le hionracas, agus go gcuirfear san áireamh an neamhchinnteacht a bhaineann le haon mheastacháin ar chomhghaolta den sórt sin, go háirithe i dtréimhsí struis. Déanfaidh institiúid bailíochtú ar a cuid toimhdí comhghaolúcháin ag baint úsáide as teicnící cainníochtúla agus cáilíochtúla iomchuí;



## ▼B

- (e) beidh córas na hinstiúide chun priacal a thomhas comhsheasmhach go hinmheánach agus ní dhéanfar measúnuithe cáilíochtúla ná teicnící maolaithe priacal a aithnítear i réimsí eile den Rialachán seo a chomhaireamh níos mó ná uair amháin sa chóras sin.
3. Is iad seo a leanas na caighdeáin a bhaineann le sonraí inmheánacha:
- (a) bunóidh instiúid a bearta um priacail oibriúcháin a ghintear go hinmheánach ar thréimhse stairiúil bhreathnóireachta cúig bliana ar a laghad. Nuair a thosaíonn instiúid an tArdmhodh Tomhais a úsáid den chéad uair, féadfaidh sí tréimhse bhreathnóireachta stairiúil trí bliana a úsáid;
- (b) beidh instiúid in ann a gcuid sonraí stairiúla inmheánacha maidir le caillteanas a mhapáil sna réimeanna gnó arna sainmhíniú in Airteagal 317 agus sna cineálacha teagmhais arna sainmhíniú in Airteagal 324, agus na sonraí sin a sholáthar d'údaráis inniúla arna iarraidh sin dóibh. In imthosca eisceachtúla, féadfaidh instiúid teagmhais chaillteanais a dhéanfaidh difear don instiúid ar fad a leithdháileadh ar réim gnó bhreise na "n-ítimí corparáideacha". Beidh critéir oibiachtúla, dhoiciméadaithe ag instiúid chun caillteanais a leithdháileadh ar réimeanna gnó agus ar chineálacha teagmhas sonraithe. Is sna bunachair sonraí priacail oibriúcháin a thairfeadfaidh instiúid na caillteanais priacail oibriúcháin a bhaineann le priacal creidmheasa agus a bhíodh á n-áireamh aici roimhe sin sna bunachair shonraí inmheánacha um priacal creidmheasa agus déanfaidh sí iad a aithint ar leithligh. Ní bheidh caillteanas den sórt sin faoi réir an mhuirir um priacal oibriúcháin, ar an gcoinníoll go leanann an instiúid uirthi á láimhseáil mar priacal creidmheasa ar mhaithe le ceanglais cistí dílse a ríomh. Cuirfidh instiúid na caillteanais priacail oibriúcháin a bhaineann le priacail margaidh san áireamh faoi réim an cheanglais cistí dílse le haghaidh priacal oibriúcháin:
- (c) beidh sonraí inmheánacha na hinstiúide maidir le caillteanas cuimsitheach sa mhéid is go ngabfaidh siad na gníomhaíochtaí agus na risíochtaí ábhartha go léir a bhaineann le gach fochóras agus suíomh geografach iomchuí. Beidh instiúid in ann a léiriú nach mbeadh aon tionchar ábhartha ag aon ghníomhaíochtaí nó risíochtaí eisiata, cibé acu ina n-aonair nó i dteannta a chéile, ar na meastacháin fhoriomlána ar an bpriacal. Saineoidh instiúid íostairseacha caillteanais iomchuí i leith sonraí inmheánacha maidir le caillteanas a bhailiú;
- (d) le cois faisnéis a bhailiú faoi mhéideanna an chaillteanais chomhláin, baileoidh instiúid faisnéis faoi dháta an teagmhais chaillteanais, faoi mhéideanna an chaillteanais chomhláin a gnótháidh, mar aon le faisnéis thuairisciúil faoi na cúiseanna leis an teagmhas caillteanais nó na gníomhaithe nó na cúiseanna a spreag é;
- (e) maidir le sonraí caillteanais a thig ó theagmhas caillteanais i bhfeidhm láraithe nó i ngníomhaíocht a bhaineann le níos mó ná réim gnó amháin, agus iad siúd a thig ó theagmhais chaillteanais ghaolmhara thar thréimhse ama, beidh critéir shonracha i bhfeidhm ag instiúid chun iad a shannadh thar imeacht ama;
- (f) beidh nósanna imeachta doiciméadaithe i bhfeidhm ag instiúid chun measúnú a dhéanamh ar ábharthacht leanúnach sonraí an chaillteanais stairiúil, lena n-áirítear na cásanna inar féidir sárúithe ar bhreithiúnais, scálú nó coigeartuithe eile a úsáid, a mhéid is féidir iad a úsáid agus cé atá údaraithe chun cinntí den sórt sin a dhéanamh.

**▼B**

4. Is iad seo a leanas na caighdeáin cháilitheacha a bhaineann le sonraí seachtracha:

- (a) bainfear leas as sonraí seachtracha ábhartha sa chóras atá ag institiúidí chun priacail oibriúcháin a thomhas, go háirithe nuair atá cúis ann lena chreidiúint go bhfuil an institiúid ar ris ar chailleanais, agus bíodh is nach minic a bhíonn sí risíochta orthu go bhféadfaidís a bheith dian. Beidh próiseas córasach ag an institiúid chun cinneadh a dhéanamh cad iad na cásanna a n-úsáidfear sonraí seachtracha ina leith agus na modheolaíochtaí a úsáidfear chun na sonraí a ionchorprú ina córas tomhais;
- (b) déanfaidh institiúid athbhreithnithe rialta ar na coinníollacha agus ar na cleachtais le haghaidh sonraí seachtracha agus déanfaidh sí iad a dhoiciméadú agus áiritheoidh sí go ndéanfar athbhreithniú neamhspleách tréimhsiúil orthu.

5. Bainfidh an institiúid leas as anailís ar chnámha scéil bunaithe ar thuairim shaineolach mar aon le sonraí seachtracha le measúnú a dhéanamh ar a risíocht ar theagmhais an-dian. Le himeacht ama, déanfaidh an institiúid bailíochtú agus athmheasúnú ar na measúnuithe sin trí iad a chur i gcomparáid le cailleanas iarbhair ó thaithí lena áirithiú go bhfuil siad réasúnta.

6. Is iad seo a leanas na caighdeáin cháilitheacha a bhaineann le tosca thimpeallacht an ghnó agus le tosca rialaithe inmheánaigh:

- (a) cuimseofar príomhthosca thimpeallacht an ghnó agus na príomhthosca rialaithe inmheánaigh a d'fhéadfadh athrú a dhéanamh ar phróifíl priacal oibriúcháin na hinstiúide i modheolaíocht na hinstiúide chun priacal a mheasúnú i gcomhair an ghnólachta uile;
- (b) léireoidh institiúid go bhfuil údar maith le gach toisc a roghnaíonn sí toisc gur gníomhaí a spreagann priacal í, bunaithe ar thaithí agus ar bhreithiúnas saineolaithe sna réimsí gnó lena mbaineann;
- (c) beidh sé ar chumas institiúid a léiriú do na húdaráis inniúla go bhfuil údar maith leis na meastacháin ar an bpriacal a bheith íogair ó thaobh athruithe ar na fachtóirí agus ar ualú coibhneasta na bhfachtóirí éagsúla. Mar aon le hathruithe i priacal de bharr feabhsuithe i rialuithe priacal a ghabháil, gabhfar le creat na hinstiúide chun priacail a thomhas na méaduithe a d'fhéadfadh teacht ar priacal i ngeall ar ghníomhaíochtaí níos casta a bheith ar siúl nó i ngeall ar mhéadú ar an méid gnó a bheidh le déanamh;
- (d) déanfaidh an institiúid a creat chun priacal a thomhas a dhoiciméadú agus áiritheoidh sí go mbeidh sé faoi réir a athbhreithnithe ar bhonn neamhspleách laistigh den institiúid agus ag údaráis inniúla. Le himeacht ama, déanfaidh institiúidí bailíochtú agus athmheasúnú ar an bpróiseas agus ar na torthaí trí iad a chur i gcomparáid leis an gcaillteanas inmheánach iarbhair ó thaithí agus le sonraí ábhartha seachtracha.

*Airteagal 323***Tionchar an árachais agus na sásraí eile chun priacal a aistriú**

1. Ceadóidh údaráis inniúla d'institiúidí tionchar an árachais a aithint faoi réir na gcoinníollacha atá leagtha amach i míreanna 2 go 5 agus sásraí eile chun priacal a aistriú i gcás inar féidir leis an institiúid a léiriú go mbainfear amach éifeacht mhaolaitheach shuntasach maidir le priacal.

**▼B**

2. Beidh soláthraí an árachais údaraithe chun árachas nó athárachas a sholáthar agus beidh rátáil fosta aige maidir le hinniúlacht chun éilimh a íoc ó IMCS a bhfuil sé deimhnithe ag an ÚBE go mbaineann sé le céim 3 den cháilíocht chreidmheasa nó le céim níos airde, de réir na rialacha ualaithe priacal maidir le risíochtaí ar institiúidí faoi, Theideal II, Caibidil 2.

3. Comhlíonfaidh an t-árachas agus creat árachais na hinstitiúide na coinníollacha seo a leanas:

(a) tá téarma tosaigh nach lú ná bliain amháin ag an bpolasaí árachais. I gcás polasaithe a bhfuil téarma iarmharach níos lú ná bliain amháin acu, déanfaidh institiúid caolchorraigh iomchuí a léireoidh tréimhse iarmharach an pholasáí atá ag meath, agus í sin chomh hard le caolchorrlach iomlán 100 % i gcás polasaithe a bhfuil tréimhse iarmharach 90 lá nó níos lú acu;

(b) tá iostréimhse fógartha 90 lá ag an bpolasaí árachais chun an conradh a chealú;

(c) níl aon eisceachtaí ná teorainneacha ag an bpolasaí árachais a spreagtar de bharr gníomhaíochtaí maoirseachta nó, i gcás institiúide teipthe, a chuirfeadh bac ar ghlacadóir nó ar leachtaitheoir na hinstitiúide an damáiste a d'fhulaing an institiúid nó na caiteachais a thabhaigh sí a ghnóthú, ach amháin i leith teagmhas a tharlódh tar éis imeachtaí glacadóireachta nó leachtaithe a thionscnamh i leith na hinstitiúide. Mar sin féin, féadfaidh an polasaí árachais aon fhíneáil, aon phionós, nó aon damáistí pionósacha a thig ó ghníomhaíochtaí na n-údarás inniúil a eisiamh;

(d) léireoidh na ríomhanna maolaithe priacal an cumhdach árachais ar bhealach a bheidh trédhearcach ó thaobh an ghaoil atá aige le dóchúlacht iarbhír agus le tionchar an chaillteanais a bheidh in úsáid chun caipiteal priacail oibriúcháin a chinneadh ar an iomlán agus a bheidh comhsheasmhach leis an méid sin;

(e) cuireann eintiteas tríú páirtí an t-árachas ar fáil. I gcás árachais a chuirtear ar fáil trí chuideachtaí faoi chuing nó trí chleamhnaithe, ní mór an risíochta roinnt ar eintiteas neamhspleách tríú páirtí a chomhlíonann na critéir cháilitheachta a leagtar amach i mír 2;

(f) tá an creat chun árachas a aithint réasúnaithe agus doiciméadaithe go maith.

4. Déanfar na heilimintí seo a leanas go léir a ghabháil leis an modheolaíocht chun árachas a aithint trí lascainí nó trí chaolchorraigh i méid na haitheanta árachais:

(a) tréimhse iarmharach an pholasáí árachais, i gcás inar lú í ná bliain amháin;

(b) téarmaí cealúcháin an pholasáí, i gcás inar lú an tréimshe ná bliain amháin;

(c) neamhchinnteacht na hiocaíochta, chomh maith le neamhréireanna i gcumhdach na bpolasaithe árachais.

5. Maidir leis an laghdú ar cheanglais cistí dílse i ngeall ar árachais agus ar shásraí eile um aistriú priacal a aithint, ní sháróidh sé 20 % de na ceanglas cistí dílse le haghaidh priacal oibriúcháin roimh theicnící maolaithe priacal a aithint.

## ▼B

*Airteagal 324***Teagmhais chaillteanais a aicmiú de réir cineáil**

Is iad seo a leanas cineálacha na dteagmhais chaillteanais dá dtagraítear i bpointe (b) d'Airteagal 322(3):

*Tábla 3*

Catagóir de Chineál Teagmhais	Sainmhíniú
Calaois inmheánach	Caillteanais mar gheall ar ghníomhartha de chineál atá beartaíte chun calaois a dhéanamh, maoin a mhídhílsiú nó dul timpeall ar rialacháin, ar an dlí nó ar bheartas na cuideachta, ach gan éagsúlacht/teagmhais idirdhealaithe, a bhaineann le páirtí inmheánach amháin ar a laghad, a chur san áireamh
Calaois sheachtrach	Caillteanais mar gheall ar ghníomhartha tríú páirtí de chineál atá beartaíte chun calaois a dhéanamh, maoin a mídhílsiú nó dul timpeall ar an dlí
Cleachtais Fostaíochta agus Sábháilteacht san Ionad Oibre	Caillteanais a eascraíonn ó ghníomhartha atá ar neamhréir le dlíthe nó le comhaontuithe fostaíochta nó sláinte agus sábháilteachta, agus a eascraíonn ó éilimh chun díobháil phearsanta a ghnóthú a íoc, nó ó theagmhais éagsúlachta/idirdhealaithe
Cliaint, Táirgí & Cleachtais Ghnó	Caillteanais a eascraíonn ó mhainneachtain neamhbheartaithe nó fhaillíoch oibleagáide gairmiúla i leith cliant sonrach a chomhlíonadh (lena n-áirítear ceanglais mhuiníneacha agus oiriúnachta), nó ó nádúr nó ó dhearadh táirge
Damáiste do Shócmhainní Fisiceacha	Caillteanais a eascraíonn ó chaillteanas nó ó dhamáiste do shócmhainní fisiceacha de bharr tubaiste nádúrtha nó teagmhais eile
Míshocracht ghnó agus teipeanna córais	Caillteanais a eascraíonn ó mhíshocracht ghnó nó ó theipeanna córais
Forghníomhú, Seachadadh & Bainistíocht Próisis	Caillteanais ó phróiseáil idirbheart teipthe nó ó bhainistíocht próisis, ó chaidreamh le contrapháirtithe trádála agus le díoltóirí

## TEIDEAL IV

**CEANGLAIS CISTÍ DÍLSE LE HAGHAIDH PRIACAL MARGAIDH**

## ▼M8

*CAIBIDIL 1****Forálacha ginearálta****Airteagal 325***Cur chuige chun críche ceanglais cistí dílse a ríomh le haghaidh priacal margaidh**

1. Déanfaidh gach institiúid a ceanglais cistí dílse maidir le priacal margaidh gach suímh leabhar trádála agus gach suímh leabhar neamh-thrádála atá faoi réir priacal malairte eachtraí nó priacal tráchtearraí a ríomh i gcomhréir leis an gcur chuige seo a leanas:

## ▼M8

- (a) an cur chuige caighdeánaithe dá dtagraítear i mír 2;
- (b) an cur chuige samhla inmheánaí a leagtar amach i gCaibidil 5 den Teideal seo do na catagóirí priacail ar tugadh cead d'institiúid ina leith an cur chuige sin a úsáid i gcomhréir le hAirteagal 363.
2. Ciallóidh na ceanglais cistí dílse le haghaidh priacal margaidh a ríomhtar i gcomhréir leis an gcur chuige caighdeánaithe dá dtagraítear i bpointe (a) de mhír 1 suim na gceanglas cistí dílse, mar is infheidhme:
- (a) na ceanglais cistí dílse le haghaidh priacal suimh dá dtagraítear i gCaibidil 2;
- (b) na ceanglais cistí dílse le haghaidh priacal malairte eachtraí dá dtagraítear i gCaibidil 3;
- (c) na ceanglais cistí dílse le haghaidh priacal tráchtearraí dá dtagraítear i gCaibidil 4.
3. Aon institiúid nach bhfuil díolúine aici ó na ceanglais tuairiscithe a leagtar amach in Airteagal 430b i gcomhréir le hAirteagal 325a, déanfaidh an institiúid sin an ríomh a thuairisciú i gcomhréir le hAirteagal 430b do gach suíomh leabhar trádála agus gach suíomh leabhar neamhtrádála faoi réir priacal malairte eachtraí nó priacal tráchtearraí i gcomhréir leis na cuir chuige seo a leanas:
- (a) an cur chuige caighdeánaithe malartach a leagtar amach i gCaibidil 1a;
- (b) an cur chuige samhla inmheánaí malartach a leagtar amach i gCaibidil 1b.
4. Féadfaidh institiúid na cineálacha cur chuige a leagtar amach i bpointe (a) agus pointe (b) de mhír 1 den Airteagal seo a úsáid i gcomhcheangal ar bhonn buan laistigh de ghrúpa i gcomhréir le hAirteagal 363.
5. Ní úsáidfídh institiúid an cur chuige a leagtar amach i bpointe (b) de mhír 3 d'ionstraimí ina leabhar trádála ar suíomhanna urrúsúcháin iad nó suíomhanna a áirítear sa phunann trádála chomhghaoil mhalartach (ACTP) mar a leagtar amach i mír 6, i mír 7 agus i mír 8.
6. Maidir le suíomhanna urrúsúcháin agus díorthaigh chreidmheasa don n-<sup>ú</sup> mainneachtain a chomhlíonann na critéir uile seo a leanas, áireofar san ACTP iad:
- (a) ní suíomhanna athurrúsúcháin iad, ná roghanna ar thráinse urrúsúcháin, ná aon díorthaigh eile ó risíochtaí urrúsúcháin nach soláthraíonn sciar pro rata sna fáiltais ó thráinse urrúsúcháin;
- (b) is ionstraimí de na cinn seo a leanas iad na hionstraimí foluiteacha:
- (i) ionstraimí aonainm, lena n-áirítear díorthaigh chreidmheasa aonainm, a bhfuil margadh leachtach dhá threo ann ina leith;
- (ii) innéacsanna a thrádáiltear de ghnáth bunaithe ar na hionstraimí dá dtagraítear i bpointe (i).

▼ **M8**

Meastar go bhfuil margadh dhá threo ann má dhéantar tairiscintí neamh-spleácha bona fide chun earraí a cheannach agus a dhíol ionas gur féidir praghas a bhaineann go réasúnta leis an bpraghas díola deireanach nó le tairiscint iomaíoch bona fide agus luachanna tairisceana reatha a chinneadh laistigh de lá amháin agus a shocrú ar an bpraghas sin laistigh de thréimhse measartha gearr ag teacht le gnás trádála.

7. Ní áireofar sa phunann trádála chomhghaoil mhalartach aon suíomhanna ina bhfuil aon cheann de na hionstraimí seo a leanas:

- (a) ionstraimí foluiteacha a shanntar do na haicmí risíochtaí dá dtagraítear i bpointe (h) nó i bpointe (i) d'Airteagal 112;
- (b) éileamh ar eintiteas sainchuspóireach, arna chomhthaobhú, go díreach nó go hindíreach, le suíomh nach mbeadh incháilithe é féin le cur isteach sa phunann trádála chomhghaoil mhalartach i gcomhréir le mír 6.

8. Féadfaidh institiúidí suíomhanna a chur sa phunann trádála chomhghaoil mhalartach nach suíomhanna urrúsúcháin ná díorthaigh chreidmheasa don n-ú mainneachtain iad ach a fhálaíonn suíomhanna eile sa phunann sin, ar choinníoll go bhfuil margadh leachtach dhá threo, de réir na tuairisce sa dara fómhír de mhír 6, ann don ionstraim sin nó dá ionstraimí foluiteacha.

9. Déanfaidh ÚBE dréachtchaighdeáin theicniúla rialála a fhorbairt d'fhonn sonrú a thabhairt ar an dóigh ina ríomhfaidh na hinstitiúidí ceanglais cistí dílse le haghaidh priacal margaidh do shuíomhanna leabhar neamhtrádála atá faoi réir priacal malairte eachtraí nó priacal tráchtearraí i gcomhréir leis na cineálacha cur chuige a leagtar amach i bpointe (a) nó i bpointe (b) de mhír 3.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Meán Fómhair 2020.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

*Airteagal 325a*

**Díolúintí ó cheanglais shonracha tuairiscithe le haghaidh priacal margaidh**

1. Díolmhófar institiúid ón gceanglas tuairiscithe a leagtar amach in Airteagal 430b, ar choinníoll gur lú gnó na hinstitiúide laistigh agus lasmuigh den chlár comhardaithe atá faoi réir priacal margaidh ná gach ceann de na tairseacha seo a leanas, nó go bhfuil siad cothrom leo, ar bhonn measúnú a dhéantar go míosúil, agus na sonraí a úsáid ón lá deireanach den mhí:

- (a) 10 % de shócmhainní iomlána na hinstitiúide;
- (b) EUR 500 milliún.

2. Déanfaidh institiúidí méid a ngnó laistigh agus lasmuigh den chlár comhardaithe atá faoi réir priacal margaidh bunaithe ar shonraí amháin ón lá deireanach de gach mí i gcomhréir leis na ceanglais seo a leanas:

- (a) áireofar na suíomhanna go léir a shannfar don leabhar trádála, cé is moite de dhíorthaigh chreidmheasa a aithnítear mar fháluithe

## ▼M8

inmheánacha ar risíochtaí leabhair neamhthrádála ar phriacal creidmheasa agus idirbhearta díorthaigh chreidmheasa a fhri-tháiríonn go hiomlán priacal margaidh na bhfáluithe inmheánacha dá dtagraítear in Airteagal 106(3);

- (b) cuirfear gach suíomh leabhar neamhthrádála atá faoi réir priacal malairte eachtraí nó tráchtarraí san áireamh;
- (c) déanfar gach suíomh a luacháil ag a luachanna ar an margadh an dáta sin, seachas na suíomhanna dá dtagraítear i bpointe (b); i gcás nach bhfuil luach margaidh suímh ar fáil ar dháta áirithe, déanfaidh institiúidí luach cóir don suíomh a ghlacadh ar an dáta sin; I gcás nach bhfuil an luach cóir agus luach margaidh ar shuíomh ar fáil ar dháta ar leith, déanfaidh institiúidí an luach is déanaí, cibé an luach margaidh nó an luach cóir, don suíomh sin a ghlacadh;
- (d) déanfar gach suíomh leabhar neamhthrádála atá faoi réir priacal malairte eachtraí a mheas mar ghlansuíomh foriomlán in airgeadra eachtrach agus a luacháil i gcomhréir le hAirteagal 352;
- (e) déanfar gach suíomh leabhar neamhthrádála atá faoi réir priacal tráchtarra a mheas i gcomhréir le hAirteagail 357 agus 358;
- (f) déanfar luach absalóideach suíomhanna fada a shuimiú le luach absalóideach suíomhanna gearra.

3. Tabharfaidh institiúidí fógra do na húdaráis inniúla nuair a ríomhfaidh siad a gceanglais cistí dílse le haghaidh priacal margaidh i gcomhréir leis an Airteagal seo, nó nuair a scoirfidh siad de na ceanglais sin a ríomh.

4. Institiúid nach gcomhlíonfaidh a thuilleadh ceann amháin nó níos mó de na coinníollacha a leagtar amach i mír 1 tabharfaidh sí fógra ina leith don údarás inniúil gan mhoill.

5. Scoirfidh an díolúine ó na ceanglais tuairiscithe a leagtar síos in Airteagal 430b d'fheidhm a bheith aici laistigh de thrí mhí de cheachtar de na cásanna seo a leanas:

- (a) ní chomhlíonann an institiúid na coinníollacha a leagtar amach i bpointe (a) nó i bpointe (b) de mhír 1 ar feadh trí mhí as a chéile; nó
- (b) níor chomhlíon an institiúid na coinníollacha a leagtar amach i bpointe (a) nó i bpointe (b) de mhír 1 ar feadh níos mó ná 6 mhí de na 12 mhí dheireanacha.

6. I gcás ina bhfuil institiúid faoi féir na gceanglas tuairiscithe a leagtar síos in Airteagal 430b i gcomhréir le mír 5 den Airteagal seo, ní bheidh an institiúid díolmhaithe ó na ceanglais tuairiscithe sin ach amháin i gcás ina léiríonn sí don údarás inniúil gur comhlíonadh na coinníollacha go léir a leagtar amach i mír 1 den Airteagal seo ar feadh tréimhse bliana iomlán.

7. Ní thiofadh institiúid i suíomh ná ní dhéanfaidh sí suíomh a cheannach ná a dhíol, d'aon ghnó, chun ceann ar bith de na coinníollacha a leagtar amach i mír 1 a chomhlíonadh i rith an mheasúnaithe mhíosúil agus chun na críche sin amháin.

8. Aon institiúid atá incháilithe don láimhseáil a leagtar amach in Airteagal 94, beidh sí díolmhaithe ón gceanglas tuairiscithe atá leagtha amach in Airteagal 430b.

▼ **M8***Airteagal 325b***Cead i leith ceanglais chomhdhlúite**

1. Faoi réir mhír 2, agus ar mhaithe le glansuíomhanna agus ceanglais cistí dílse a ríomh i gcomhréir leis an Teideal seo ar bhonn comhdhlúite, agus ar mhaithe leis sin amháin, féadfaidh institiúidí suíomhanna in institiúid nó i ngnóthas amháin a úsáid chun suíomhanna in institiúid nó i ngnóthas eile a fhritháireamh.
2. Ní fhéadfaidh institiúidí mír 1 a chur i bhfeidhm ach amháin le cead ó na húdaráis inniúla, cead a thabharfar má chomhlíontar gach ceann de na coinníollacha seo a leanas:
  - (a) tá cistí dílse leithdháilte go sásúil laistigh den ghrúpa;
  - (b) ráthaítear leis an gcreat rialúcháin, dlíthiúil nó conarthach ina bhfeidhmíonn na hinstiúidí go bhfuil tacaíocht airgeadais fhrithpháirteach laistigh den ghrúpa.
3. I gcás ina bhfuil na gnóthais suite i dtríú tíortha, comhlíonfar gach ceann de na coinníollacha seo a leanas i dteannta na gcoinníollacha a leagtar amach i mír 2:
  - (a) tá na gnóthais sin údaraithe i dtríú tír agus comhlíonann siad an sainmhíniú ar institiúid creidmheasa nó is gnólachtaí infheistíochta aitheanta tríú tír iad;
  - (b) ar bhonn aonair, comhlíonann na gnóthais sin ceanglais cistí dílse atá coibhéiseach leis na cinn sin a leagtar síos sa Rialachán seo;
  - (c) níl aon rialacháin sna tríú tíortha atá i gceist a d'fhéadfadh difear suntasach a dhéanamh d'aistriú cistí laistigh den ghrúpa.

*CAIBIDIL 1a****An Cur Chuige Caighdeánaithe Malartach***

## Roinn 1

**Forálacha ginearálta***Airteagal 325c***Raon feidhme agus struchtúr an chur chuige mhalartaigh caighdeánaithe**

1. Níor cheart an cur chuige caighdeánaithe malartach mar a leagtar amach sa Chaibidil seo a úsáid ach amháin chun críocha an cheanglais tuairiscithe a leagtar síos in Airteagal 430b(1).
2. Déanfaidh na hinstiúidí a gceanglais cistí dílse le haghaidh priacal margaidh a ríomh i gcomhréir leis an gcur chuige caighdeánaithe malartach maidir le punann de shuíomhanna sa leabhar trádála agus de shuíomhanna leabhar neamhtrádála atá faoi réir priacal malairte eachtraí nó tráchtearraí mar shuim na dtrí chomhpháirt seo a leanas:
  - (a) an ceanglas cistí dílse de réir an mhodha íogaireacht-bhunaithe a leagtar amach i Roinn 2;
  - (b) an ceanglas cistí dílse i gcomhair priacal mainneachtana a leagtar amach i Roinn 5 a bhfuil feidhm aige maidir leis na suíomhanna leabhar trádála dá dtagraítear sa Roinn sin agus leis na suíomhanna sin amháin;



## ▼M8

- (c) an ceanglas cistí dílse le haghaidh priacail iarmharacha a leagtar amach i Roinn 4 a bhfuil feidhm aige maidir leis na suíomhanna leabhar trádála dá dtagraítear sa Roinn sin agus leis na suíomhanna sin amháin.

## Roinn 2

**Ceanglas íogaireacht-bhunaithe maidir le cistí dílse a ríomh***Airteagal 325d***Sainmhínte**

Chun críocha na Caibidle seo, beidh feidhm ag na sainmhínte seo a leanas:

- (1) ciallaíonn “aicme priacail” aon cheann de na seacht gcatagóir seo a leanas:
  - (i) priacal ráta úis ghinearálta;
  - (ii) priacal um raon difríochta creidmheasa (CSR) le haghaidh neamhurrúsúcháin;
  - (iii) priacal um raon difríochta creidmheasa le haghaidh urrúsúcháin nach n-áirítear sa phunann trádála neamhchomhghaoil mhalartach (CSR nach mbaineann le hurrúsúcháin ACTP);
  - (iv) priacal um raon difríochta creidmheasa le haghaidh urrúsúcháin a áirítear sa phunann trádála comhghaoil mhalartach (ACTP CSR);
  - (v) priacal cothromais;
  - (vi) priacal tráchtearraí;
  - (vii) priacal malairte eachtraí;
- (2) ciallaíonn “íogaireacht” an t-athrú cóimheasa ar luach suímh, mar thoradh ar athrú ar luach aon cheann d'fhachtóirí priacail ábhartha an tsuímh, a ríomhadh le samhail phraghsála na hinstitiúide i gcomhréir le Foroinn 2 de Roinn 3;
- (3) ciallaíonn “buicéad” fochatagóir suíomhanna laistigh d'aicme phriacail amháin a bhfuil próifíl phriacail aige a bhfuil priacal-ualú sannta di mar a shainmhínítear i bhForoinn 1 de Roinn 3.

*Airteagal 325e***Comhphárteanna an mhodha íogaireacht-bhunaithe**

1. Déanfaidh institiúidí a gceanglais cistí dílse féin le haghaidh priacal margaidh a ríomh de réir an mhodha íogaireacht-bhunaithe trí na trí cheanglas cistí dílse a chomhiomlánú i gcomhréir le hAirteagal 325h:

- (a) ceanglais cistí dílse le haghaidh priacal deilte lena ngabhtar an priacal go dtiocfaidh athruithe ar luach na hionstraime mar gheall ar ghluaiseachtaí sna fachtóirí priacail neamhluaineachta;
- (b) ceanglais cistí dílse le haghaidh priacal vega lena ngabhtar an priacal go dtiocfaidh athruithe ar luach ionstraime mar gheall ar ghluaiseachtaí sna fachtóirí priacail luaineachta;
- (c) ceanglais cistí dílse le haghaidh priacal cuaire lena ngabhtar an priacal go dtiocfaidh athruithe ar luach ionstraime mar gheall ar ghluaiseachtaí sna príomhfachtóirí priacail neamhluaineachta a bhaineann le fachtóirí priacail gaolmhara nach ngabhtar le ceanglais cistí dílse le haghaidh priacal deilte.

**▼M8**

2. Chun críche an ríomha dá dtagraítear i mír 1,
  - (a) beidh suíomhanna uile ionstraimí ina bhfuil roghnaíocht faoi réir na gceanglas cistí dílse dá dtagraítear i bpointí (a), (b) agus (c) de mhír 1;
  - (b) beidh suíomhanna uile ionstraimí gan roghnaíocht faoi réir na gceanglas cistí dílse dá dtagraítear i bpointe (a) de mhír 1.

Chun críocha na Caibidle seo, ar na hionstraimí ina bhfuil roghnaíocht tá, i measc ionstraimí eile: glaonna, céadroghanna, caidhpeanna, íosrátaí, roghtálacha, céadroghanna bacainneacha agus céadroghanna coimhthíocha. Measfar gur suíomhanna ar leithligh i roghanna iad roghanna leabaithe, amhail roghanna réamhíocaíochta nó iompraíochta, chun críche ceanglais cistí dílse le haghaidh priacal margaidh a ríomh.

Chun críocha na Caibidle seo, measfar gur ionstraimí gan roghnaíocht iad ionstraimí ar féidir a sreabhadh airgid thirim a scríobh mar fheidhm líneach de mhéid barúlach an fholuitigh.

*Airteagal 325f***Ceanglais cistí dílse maidir le priacail deilte agus vega**

1. Cuirfidh institiúidí na fachtóirí priacail deilte agus vega i bhfeidhm mar a thairiscítear i bhForoinn 1 de Roinn 3 chun ceanglais cistí dílse le haghaidh priacail deilte agus vega a ríomh.
2. Cuirfidh institiúidí an próiseas i bhfeidhm mar a leagtar amach i míreanna 3 go 8 chun ceanglais cistí dílse le haghaidh priacail deilte agus vega a ríomh.
3. Maidir le gach aicme phriacail, déanfar íogaireacht na n-ionstraimí uile faoi raon feidhme na gceanglas cistí dílse le haghaidh priacail deilte nó vega ar gach fachtóir priacail deilte nó vega is infheidhme atá san áireamh san aicme phriacail sin, déanfar sin a ríomh trí na foirmlí comhfhreagracha i bhForoinn 2 de Roinn 3 a úsáid. Má bhíonn luach ionstraime ag brath ar an iliomad fachtóirí priacail, déanfar an íogaireacht a chinneadh ar leithligh maidir le gach fachtóir priacail.
4. Déanfar íogaireachtaí a shannadh do cheann amháin de na buicéid “b” laistigh de gach aicme phriacail.
5. Laistigh de gach buicéad “b”, déanfar na híogaireachtaí deimhneacha agus diúltacha a ghlanluacháil, as a dtagann glaníogaireachtaí ( $s_k$ ) ar gach fachtóir priacail  $k$  laistigh de bhuicéad.
6. Déanfar na glaníogaireachtaí ar gach fachtóir priacail laistigh de gach buicéad a iolrú faoi na hualuithe priacail chomhfhreagracha mar a leagtar amach i Roinn 6, as a dtiocfaidh íogaireachtaí ualaithe ar gach fachtóir priacail laistigh den bhuicéad sin i gcomhréir leis an bhfoirmle seo a leanas:

$$WS_k = RW_k \cdot s_k$$

nuair:

$WS_k$  = na híogaireachtaí ualaithe;

$RW_k$  = na hualuithe priacail; agus

$s_k$  = an fachtóir priacail.

▼ **M8**

7. Déanfar na híogaireachtaí ualaithe ar na fachtóirí priacail difriúla laistigh de gach buicéad a chomhiomlánú i gcomhréir leis an bhfoirmle thíos, mar a socraítear iosteorainn an mhéid laistigh den fheidhm fréimhe cearnaí ag nialas, as a dtagann an íogaireacht bhuicéad-shonrach. Úsáidfean na comhghaolta comhfhreagracha maidir le híogaireachtaí ualaithe laistigh den bhuicéad céanna ( $\rho_{kl}$ ), a leagtar amach i Roinn 6.

$$K_b = \sqrt{\sum_k WS_k^2 + \sum_k \sum_{k \neq l} \rho_{kl} WS_k WS_l}$$

nuair:

$K_b$  = an íogaireacht bhuicéad-shonrach; agus

WS = na híogaireachtaí ualaithe.

8. Déanfar an íogaireacht bhuicéad-shonrach a ríomh maidir le gach buicéad atá laistigh d'aicme phriacail i gcomhréir le mír 5, mír 6 agus mír 7. Nuair a ríomhfar an íogaireacht bhuicéad-shonrach i leith na mbuicéad go léir, déanfar íogaireachtaí ualaithe ar gach fachtóir priacail a chomhiomlánú i gcomhréir leis an bhfoirmle thíos, trí na comhghaolta comhfhreagracha  $\gamma_{bc}$  maidir le híogaireachtaí ualaithe i mbuicéad difriúla a úsáid mar a leagtar amach i Roinn 6, as a dtagann an ceanglas cistí dílse a bhaineann go sonrach le haicme phriacail do phriacal deilte nó vega:

$$\text{Ceanglas cistí dílse a bhaineann go sonrach le haicme phriacail do phriacal deilte nó vega} = \sqrt{\sum_b K_b^2 + \sum_b \sum_{c \neq b} \gamma_{bc} S_b S_c}$$

nuair:

$S_b = \sum_k WS_k$  atá maidir le gach fachtóir priacail i mbuicéad b agus  $S_c = \sum_k WS_k$  i mbuicéad c; i gcás ina ngingeann suim luachanna  $S_b$  agus  $S_c$  uimhir dhiúltach mar shuim fhoriomlán  $\sum_b K_b^2 + \sum_b \sum_{c \neq b} \gamma_{bc} S_b S_c$ , déanfaidh an institiúid ceanglais cistí dílse a bhaineann go sonrach le haicme phriacail do phriacal deilte nó vega ar leith a ríomh trí úsáid a bhaint as sonrú malartach i gcás ina bhfuil

$S_b = \max [\min (\sum_k WS_k, K_b), -K_b]$  maidir le gach fachtóir priacail i mbuicéad b, agus

$S_c = \max [\min (\sum_k WS_k, K_c), -K_c]$  maidir le gach fachtóir priacail i mbuicéad c.

Déanfar na ceanglais cistí dílse le haghaidh priacail deilte nó vega a bhaineann go sonrach le haicme phriacail ar leith a ríomh maidir le gach aicme phriacail i gcomhréir le míreanna 1 go 8.

*Airteagal 325g***Ceanglais cistí dílse le haghaidh priacal cuaire**

Déanfaidh na hinstitiúidí ceanglais cistí dílse le haghaidh priacal cuaire a ríomh i gcomhréir leis an ngníomh tarmiligthe dá dtagraítear in Airteagal 461a.

▼ **M8***Airteagal 325h***Ceanglais cistí dílse a chomhiomlánú a bhaineann go sonrach le haicme phriacail ar leith le haghaidh priacail deilte, vega agus cuaire**

1. Comhiomlánóidh institiúidí ceanglais cistí dílse a bhaineann go sonrach le haicme phriacail ar leith le haghaidh na bpríacal deilte, vega agus cuaire i gcomhréir leis an bpróiseas a leagtar amach i míreanna 2, 3 agus 4.

2. An próiseas chun ceanglais cistí dílse a bhaineann go sonrach le haicmí priacail deilte, vega agus cuaire ar leith a ríomh mar a thuairiscítear in Airteagail 325f agus 325g, déanfar an próiseas sin trí huairde le haghaidh gach aicme phriacail, trí thacar paraiméadar comhghaoil difriúil a úsáid gach uair  $\rho_{kl}$  (an comhghaoil idir fachtóirí priacail laistigh de bhuicéad) agus  $\gamma_{bc}$  (an comhghaoil idir buicéid laistigh d'aicme phriacail). Beidh gach ceann de na trí thacar sin comhfhreagrach le cás difriúil, mar a leanas:

- (a) cás “na meán-chomhghaoil”, trína bhfágfar nach mbíonn aon difríocht idir na paraiméadair comhghaoil  $\rho_{kl}$  agus  $\gamma_{bc}$  a shonraítear i Roinn 6;
  - (b) “cás na gcomhghaoil arda”, trína ndéanfar na paraiméadair comhghaoil  $\rho_{kl}$  agus  $\gamma_{bc}$  a shonraítear i Roinn 6 a iolrú go haonfhoirmeach faoi 1,25, agus beidh  $\rho_{kl}$  agus  $\gamma_{bc}$  faoi réir uasteorainn 100 %.
  - (c) sonrófar “cás na gcomhghaoil ísle” sa ghníomh tarmligthe dá dtagraítear in Airteagal 461a.
3. Ríomhfaidh na hinstiúidí na ceanglais cistí dílse a bhaineann go sonrach le haicmí priacail deilte, vega agus cuaire ar leith maidir le gach cás chun trí cheanglas cistí dílse cás-sonracha a chinneadh.
4. Is éard a bheidh sa cheanglas cistí dílse faoin modh íogaireacht-bhunaithe an ceann is airde de na trí cheanglas cistí dílse cás-sonracha dá dtagraítear i mír 3.

*Airteagal 325i***Ionstraimí innéacs agus céadroghanna il-fholuiteacha a láimhseáil**

Déanfaidh na hinstiúidí láimhseáil na n-ionstraimí innéacs agus na gcéadroghanna il-fholuiteacha a shonrú i gcomhréir leis an ngníomh tarmligthe dá dtagraítear in Airteagal 461a.

*Airteagal 325j***Gnóthais chomhinfheistíochta a láimhseáil**

Déanfaidh na hinstiúidí láimhseáil na ngnóthais chomhinfheistíochta a shonrú i gcomhréir leis an ngníomh tarmligthe dá dtagraítear in Airteagal 461a.

*Airteagal 325k***Suíomhanna frithgheallta**

1. Féadfaidh institiúidí úsáid a bhaint as an bpróiseas a leagtar amach san Airteagal seo chun ceanglais cistí dílse le haghaidh priacal margaidh maidir le suíomhanna frithgheallta ionstraimí fiachais nó cothromais a ríomh.

## ▼M8

2. Déanfaidh institiúidí ceann amháin de na fachtóirí iolraithe iomchuí arna liostú i dTábla 1 a chur i bhfeidhm ar ghlaníogaireachtaí na suíomhanna frithgheallta i ngach eisiitheoir aonair, seachas na suíomhanna frithgheallta a ndéantar a shuibscríobh nó a fho-fhrithghealladh ag tríú páirtithe ar bhonn comhaontuithe foirmiúla, agus déanfaidh siad na ceanglais cistí dílse le haghaidh priacal margaidh a ríomh i gcomhréir leis an gcur chuige a leagtar amach sa Chaibidil seo ar bhonn na nglaníogaireachtaí coigeartaithe.

Tábla 1

Lá gnó 0	0 %
Lá gnó 1	10 %
Lá gnó 2 agus 3	25 %
Lá gnó 4	50 %
Lá gnó 5	75 %
Tar éis lá gnó 5	100 %

Chun críocha an Airteagail seo, ciallaíonn “lá gnó 0” an lá gnó ar a dtabharfaidh an institiúid gealltanais gan choinníoll glacadh le líon áirithe urrús ar phraghas comhaontaithe.

3. Tabharfaidh institiúidí fógra do na húdaráis inniúla maidir le cur i bhfeidhm an phróisis a leagtar amach san Airteagal seo.

## Roinn 3

**Sainmhínte ar fhachtóirí priacail agus ar íogaireacht**

## Foroinn 1

**Sainmhínte ar fhachtóirí priacail***Airteagal 325l***Fachtóirí priacail i dtaca le ráta úis ginearálta**

1. Maidir leis na fachtóirí priacail i dtaca le ráta úis ginearálta, lena n-áirítear priacal bolscaireachta agus priacal trasairgeadra-bhunaithe, beidh buicéad amháin in aghaidh an airgeadra a bhfuil cineálacha difriúla fachtóir priacail i ngach ceann acu.

Is éard a bheidh sna fachtóirí priacail deilte i dtaca le rátaí úis ginearálta mar is infheidhme maidir le hionstraimí atá íogair ar rátaí úis na rátaí ábhartha saor ó phriacal in aghaidh an airgeadra agus in aghaidh gach ceann de na haibíochtaí seo a leanas: 0,25 bliain, 0,5 bliain, 1 bhliain, 2 bhliain, 3 bliana, 5 bliana, 10 mbliana, 15 bliana, 20 bliain, 30 bliain. Déanfaidh institiúidí fachtóirí priacail a shannadh do na reanna a shonraítear trí idirshuíomh líneach nó trí mhodh a úsáid is mó atá comhsheasmhach leis na feidhmeanna praghsála a úsáidtear le feidhm rialaithe phriacail neamhspleách na hinstiúide chun priacal margaidh nó brabúis agus cailleanais a thuairisciú chun na bainistíochta sinsearaí.

2. Gheobhaidh na hinstiúidí na rátaí saor ó phriacal in aghaidh an airgeadra ó ionstraimí margaidh airgid atá i leabhar trádála na hinstiúide ag a bhfuil an priacal creidmheasa is ísle, amhail babhtálacha innéacsanna thar oíche.

## ▼M8

3. I gcás nach bhféadann institiúid an cur chuige dá dtagraítear i mír 2 a chur i bhfeidhm, bunófar na rátaí saor ó phriacal ar chuar babhtála intuigthe ón margadh amháin nó níos mó ná sin chun suíomhanna ar an margadh a mharcáil, amhail cuar babhtála ráta a thairgtear idir bainc.

I gcás nach leordhóthanach na sonraí maidir le cuara babhtála intuigthe ón margadh ar a bhfuil tuairisc i mír 2 agus sa chéad fhomhír den mhír sin, féadfar na rátaí saor ó phriacal a dhíorthú ón gcuar banna ceannais is oiriúnaí maidir le hairgeadra ar leith.

I gcás ina n-úsáideann institiúidí fachtóirí priacail ráta úis ghinearálta a dhíorthaítear i gcomhréir leis an nós imeachta a leagtar amach sa dara fhomhír den mhír sin maidir le hionstraimí fiachais cheannasaigh, ní bheidh díolúine ag an ionstraim fiachais cheannasaigh ón gceanglas cistí maidir le priacal um raon difríochta creidmheasa. Sna cásanna sin, nuair nach féidir an ráta saor ó phriacal a scaradh ó chomhpháirt an raoin difríochta, déanfar an íogaireacht ar an bhfachtóir priacail sin a leithdháileadh ar phriacal ráta úis ghinearálta agus ar aicmí priacail um raon difríochta.

4. I gcás fachtóirí priacail i dtaca le ráta úis ginearálta, is buicéad ar leithligh a bheidh i ngach airgeadra. Sannfaidh institiúidí fachtóirí priacail laistigh den bhuicéad céanna, ach beidh aibíochtaí difriúla ag gabháil leo, ualú priacail difriúil, i gcomhréir le Roinn 6.

Cuirfidh institiúidí fachtóirí priacail breise le haghaidh priacal boilscthe i bhfeidhm ar ionstraimí fiachais a bhfuil a sreabhadh airgid thirim ag brath go feidhmeach ar rátaí boilscthe. Is éard a bheidh sna fachtóirí priacail breise sin veicteoir amháin de rátaí boilscthe intuigthe ón margadh a bhfuil aibíochtaí difriúla acu in aghaidh an airgeadra. Maidir le gach ionstraim, beidh sa veicteoir a mhéid comhpháirteanna agus a bhfuil de rátaí boilscthe ann a úsáidtear mar athróa le samhail phraghsála na hinstiúide don ionstraim sin.

5. Déanfaidh institiúidí íogaireacht na hionstraime ar an bhfachtóir priacail breise le haghaidh priacal boilscthe dá dtagraítear i mír 4 a ríomh mar athrú ar luach na hionstraime, i gcomhréir lena samhail phraghsála, mar thoradh ar athrú 1 phointe boinn amháin i ngach ceann de chomhpháirteanna an veicteora. Buicéad ar leith a bheidh i ngach airgeadra. Laistigh de gach buicéad, déanfaidh institiúidí an boilsciú a láimhseáil mar fhachtóir priacail aonair, gan beann ar an líon comhpháirteanna i ngach veicteoir. Déanfaidh institiúidí gach íogaireacht ar bhoilsciú a fhritháireamh laistigh de bhuicéad, arna ríomh mar a thuairiscítear sa mhír seo, chun críche glaníogaireacht amháin in aghaidh an bhuicéid a chur faoi deara.

6. Beidh ionstraimí fiachais a bhaineann le híocaíochtaí in airgeadraí difriúla faoi réir freisin ag priacal trasairgeadra-bhunaithe idir na hairgeadraí sin. Chun críocha an mhodha íogaireacht-bhunaithe, is éard a bheidh sna fachtóirí priacail a bheidh le cur i bhfeidhm ag na hinstiúidí na priacail trasairgeadra-bhunaithe ar bhonn de réir dollar SAM nó ar bhonn de réir euro. Déanfaidh institiúidí boinn thrasairgeadra nach mbaineann le bonn de réir USD nó bonn de réir euro a ríomh ‘ar bhonn de réir dollar SAM nó “ar bhonn de réir euro”.

Is éard a bheidh sna fachtóirí ar bhonn trasairgeadra sin veicteoir amháin de rátaí boilscthe intuigthe ón margadh ag a bhfuil aibíochtaí difriúla acu in aghaidh an airgeadra. Maidir le gach ionstraim fiachais,

## ▼M8

beidh sa veicteoir a mhéid comhpháirteanna agus a bhfuil de bhoinn thrasairgeadra ann a úsáidtear mar athróga le samhail phraghsála don ionstraim sin. Buicéad difriúil a bheidh i ngach airgeadra.

Déanfaidh institiúidí íogaireacht na hionstraime ar an bhfachtóir ar bhonn trasairgeadra a ríomh mar athrú ar luach na hionstraime, i gcomhréir lena samhail phraghsála, mar thoradh ar athrú 1 phointe boinn amháin i ngach ceann de chomhpháirteanna an veicteora. Buicéad ar leith a bheidh i ngach airgeadra. Laistigh de gach buicéad beidh dhá fhachtóir priacail fhéideartha éagsúla: bonn de réir euro agus bonn de réir dollar SAM, gan beann ar an líon comhpháirteanna a bhíonn i ngach veicteoir lena bhfuil bonn trasairgeadra. Ní bheidh níos mó ná dhá ghlaníogaireacht i ngach buicéad.

7. Na fachtóirí priacail vega i dtaca le ráta úis ginearálta is infheidhme maidir le céadroghanna lena mbaineann ionstraimí foluitreacha atá íogair ar ráta úis ginearálta, is éard a bheidh sna fachtóirí sin luaineachtaí intuigthe na rátaí úis saor ó phriacal lena mbaineann mar a thuairiscítear i mír 2 agus mír 3, a ndéanfar a shannadh do bhuicéid ag brath ar an airgeadra agus arna mapáil ar na haibíochtaí seo a leanas laistigh de gach buicéad: 0,5 bliain, 1 bhliain, 3 bliana, 5 bliana, 10 mbliana. Buicéad amháin in aghaidh an airgeadra a bheidh ann.

Chun críocha mapála, measfaidh gach institiúid gur san fhachtóir priacail céanna a bheidh luaineachtaí intuigthe arna nascadh leis na rátaí céanna saor ó phriacal agus arna mapáil ar na haibíochtaí céanna.

I gás ina mapálann institiúidí luaineachtaí intuigthe leis na haibíochtaí dá dtagraítear sa mhír seo, beidh feidhm ag na ceanglais seo a leanas:

- (a) i gcás ina ndéantar an chéadrogha a ailíniú le haibíocht na hionstraime foluití, déanfar fachtóir priacail aonair a mheas, a dhéanfar a mhapáil don aibíocht sin;
- (b) i gcás inar giorra aibíocht na céadrogha ná aibíocht na hionstraime foluití, déanfar na fachtóirí priacail seo a leanas a mheas mar a leanas:
  - (i) déanfar an chéad fhachtóir priacail a mhapáil d'aibíocht na céadrogha;
  - (ii) déanfar an dara fachtóir priacail a mhapáil d'aibíocht iarmharach na hionstraime foluití dáta éaga na céadrogha.

8. Is éard a bheidh sna fachtóirí priacail maidir le rátaí ginearálta úis cuaire a bheidh le cur i bhfeidhm ag na hinstitiúidí veicteoir amháin de rátaí saor ó phriacal, arb éard a bheidh ann aon chuar toraidh shonrach amháin, in aghaidh an airgeadra. Buicéad difriúil a bheidh i ngach airgeadra. Maidir le gach ionstraim, beidh sa veicteoir a mhéid comhpháirteanna agus a bhfuil d'aibíochtaí difriúla rátaí saor ó phriacal ann a úsáidtear mar athróga le samhail phraghsála na hinstitiúide don ionstraim sin.

9. Déanfaidh na hinstitiúidí íogaireacht gach ionstraime ar gach fachtóir priacail arna úsáid san fhoirmle priacail cuaire a ríomh i gcomhréir le hAirteagal 325g. Chun críocha priacal cuaire, measfaidh institiúidí gurb é an fachtóir priacail céanna veicteoirí atá comhfhreagrach le cuara toradh difriúla agus a bhfuil líon comhpháirteanna difriúil acu, ar choinníoll go bhfuil na veicteoirí sin comhfhreagrach leis an airgeadra céanna. Déanfaidh institiúidí íogaireachtaí ar an bhfachtóir priacail céanna a fhritháireamh. Ní bheidh ach aon ghlaníogaireacht amháin le haghaidh gach buicéid.

▼ **M8**

Ní bheidh aon cheanglais cistí dílse priacail cuaire le haghaidh boillsciú agus priacail trasairgeadra-bhunaithe.

*Airteagal 325m***Fachtóirí priacail um raon difríochta le haghaidh neamhurrúsúcháin**

1. Is éard a bheidh sna fachtóirí priacail um raon difríochta deilte a bheidh le cur i bhfeidhm ag institiúidí maidir le hionstraimí neamhurrúsúcháin a bhíonn íogair ar raonta difríochta ná rátaí um raon difríochta eisisheora na n-ionstraimí sin, arna mbunú ar na hionstraimí fiachais ábhartha agus ar bhabhtálacha mainneachtana creidmheasa, agus arna mapáil ar gach ceann de na haibíochtaí seo a leanas: 0,5 bliain, 1 bhliain, 3 bliana, 5 bliana, 10 mbliana. Cuirfidh institiúidí fachtóir priacail amháin i bhfeidhm maidir le gach eisisheoir agus aibíocht, gan beann ar a bhfuil na rátaí um raon difríochta eisisheora sin bunaithe ar ionstraimí fiachais nó babhtálacha mainneachtana creidmheasa. Is éard a bheidh sna buicéid buicéid earnála, dá dtagraítear i Roinn 6, agus beidh na fachtóirí priacail arna leithdháileadh ar na fachtóirí priacail a shanntar don earnáil ábhartha.

2. Is éard a bheidh sna fachtóirí priacail vega um raon difríochta creidmheasa a bhíonn le cur i bhfeidhm ag institiúidí maidir le céadroghanna a bhfuil ionstraimí foluiteacha ag gabháil leo a bhíonn íogair ar raon difríochta creidmheasa ná luaineachtaí intuigthe rátaí um raon difríochta creidmheasa eisisheora na hionstraime foluití mar a leagtar síos i mír 1, a ndéanfar a mhapáil ar na haibíochtaí seo a leanas i gcomhréir le haibíocht na céadrogha faoi réir an cheanglais cistí dílse: 0,5 bliain, 1 bhliain, 3 bliana, 5 bliana, 10 mbliana. Bainfear úsáid as na buicéid chéanna a úsáideadh don phriacail um raon difríochta creidmheasa deilte i ndáil le neamhurrúsúchán.

3. Is éard a bheidh sna fachtóirí priacail um raon difríochta cuaire a bheidh le cur i bhfeidhm ag institiúidí maidir le hionstraimí neamhurrúsúcháin veicteoir amháin rátaí um raon difríochta, arb éard a bheidh ann cuair um raon difríochta creidmheasa a bhaineann go sonrach leis an eisisheoir. Maidir le gach ionstraim, beidh sa veicteoir a mhéid comhpháirteanna agus a bhfuil d'aibíochtaí difriúla rátaí um raon difríochta creidmheasa ann a úsáidtear mar athróa le samhail phraghsála na hinstiúidí don ionstraim sin. Bainfear úsáid as na buicéid chéanna a úsáideadh don phriacail um raon difríochta creidmheasa deilte i ndáil le neamhurrúsúchán.

4. Déanfaidh na hinstiúidí íogaireacht gach ionstraime ar gach fachtóir priacail arna úsáid san fhoirmle phriacail chuair a ríomh i gcomhréir le hAirteagal 325g. Chun críocha priacail cuair, measfaidh institiúidí gurb é an fachtóir priacail céanna veicteoirí atá bunaithe ar ionstraimí fiachais ábhartha nó babhtálacha mainneachtana creidmheasa agus a bhfuil líon comhpháirteanna difriúil acu, ar choinníoll go bhfuil na veicteoirí sin comhfhreagrach leis an eisisheoir céanna.

*Airteagal 325n***Fachtóirí priacail um raon difríochta i geomhair urrúsúcháin**

1. Cuirfidh institiúidí na fachtóirí priacail um raon difríochta creidmheasa dá dtagraítear i mír 3 i bhfeidhm ar shuíomhanna urrúsúcháin a áirítear i ACTP, dá dtagraítear i mír (6), mír (7) agus mír (8) d'Airteagal 325,



## ▼M8

Cuirfidh institiúidí na fachtóirí priacail um raon difríochta creidmheasa dá dtagraítear i mír 5 i bhfeidhm ar shuíomhanna urrúsúcháin nach n-áirítear i ACTP, dá dtagraítear i mír (6), mír (7) agus mír (8) d'Airteagal 325.

2. Is ionann na buicéid is infheidhme le priacal um raon difríochta creidmheasa le haghaidh urrúsúchán a áirítear i ACTP agus na buicéid is infheidhme le priacal um raon difríochta creidmheasa le haghaidh neamhurrúsúcháin, dá dtagraítear i Roinn 6.

Bainfidh na buicéid is infheidhme le priacal um raon difríochta creidmheasa le haghaidh urrúsúchán nach n-áirítear i ACTP go sonrach leis an gcatagóir aicme phriacail sin, dá dtagraítear i Roinn 6.

3. Is iad seo a leanas na fachtóirí priacail um raon difríochta creidmheasa ag institiúidí ar shuíomhanna urrúsúcháin a áirítear i ACTP:

- (a) is é a bheidh sna fachtóirí priacail rátaí um raon difríochta creidmheasa ábhartha uile eisitheoirí risíochtaí ionstraimí foluiteacha an tsuimh urrúsúcháin, a bhunaítear ar na hionstraimí fiachais agus babhtálacha mainneachtana creidmheasa, agus maidir le gach ceann de na haibíochtaí seo a leanas: 0,5 bliain, 1 bhliain, 3 bliana, 5 bliana, 10 mbliana.
- (b) is éard a bheidh sna fachtóirí priacail vega a bhíonn le cur i bhfeidhm maidir le céadroghanna a áirítear i ACTP mar ionstraimí foluiteacha ná luaineachtaí intuigthe um raon difríochta eisitheoirí risíochtaí foluiteacha an tsuimh urrúsúcháin, atá intuigthe mar a thuairiscítear i bpointe (a) den mhír seo, a ndéanfar a mhapáil ar na hurrúsúcháin seo a leanas i gcomhréir le haibíocht na céadrogha comhfhreagraí faoi réir an cheanglais cistí dílse: 0,5 bliain, 1 bhliain, 3 bliana, 5 bliana, 10 mbliana.
- (c) is éard a bheidh sna fachtóirí priacail chuair cuara toraidh ábhartha um raon difríochta creidmheasa eisitheoirí risíochtaí foluiteacha an tsuimh urrúsúcháin arna shloinneadh mar veicteoir rátaí um raon difríochta creidmheasa maidir le haibíochtaí difriúla, atá intuigthe ó phointe (a) den mhír seo; maidir le gach ionstraim, beidh sa veicteoir a mhéid comhphárteanna agus a bhfuil d'aibíochtaí difriúla rátaí um raon difríochta creidmheasa ann a úsáidtear mar athróga le samhail phraghsála na hinstitiúide don ionstraim sin.

4. Déanfaidh na hinstitiúidí íogaireacht gach urrúsúcháin ar gach fachtóir priacail arna úsáid san fhoirmle phriacail chuair a ríomh mar a leagtar amach in Airteagal 325g. Chun críocha priacal cuair, measfaidh institiúidí gurb é an fachtóir priacail céanna veicteoirí atá bunaithe ar ionstraimí fiachais ábhartha nó babhtálacha mainneachtana creidmheasa agus a bhfuil líon comhphárteanna difriúil acu, ar choinníoll go bhfuil na veicteoirí sin comhfhreagrach leis an eisitheoir céanna.

5. Déanfaidh na fachtóirí priacail um raon difríochta creidmheasa a bhíonn le cur i bhfeidhm ag institiúidí ar shuíomhanna urrúsúcháin nach n-áirítear i ACTP, déanfaidh siad tagairt do raon difríochta an tráinse seachas raon difríochta na n-ionstraimí foluiteacha agus is éard a bheidh iontu an méid seo a leanas:

- (a) is éard a bheidh sna fachtóirí priacail deilte na rátaí um raon difríochta creidmheasa arna mapáil ar na haibíochtaí seo a leanas, i gcomhréir le haibíocht an tráinse: 0,5 bliain, 1 bhliain, 3 bliana, 5 bliana, 10 mbliana.

## ▼M8

- (b) is éard a bheidh sna fachtóirí priacail vega a bhíonn le cur i bhfeidhm maidir le céadroghanna nach n-áirítear i ACTP mar ionstraimí foluiteacha ná luaineachtaí intuigthe um raon difríochta creidmheasa na dtráinsí, a ndéanfar a mhapáil ar na hurrúsúcháin seo a leanas i gcomhréir le haibíocht na céadrogha comhfhreagraí faoi réir an cheanglais cistí dílse: 0,5 bliain, 1 bhliain, 3 bliana, 5 bliana, 10 mbliana.
- (c) is ionann na fachtóirí priacail chuair agus na fachtóirí a thuariscítear i bpointe (a) den mhír seo; cuirfear ualú priacail coiteann i bhfeidhm ar na fachtóirí priacail sin uile, dá dtagraítear i Roinn 6.

*Airteagal 325o***Fachtóirí priacail cothromais**

1. Is éard a bheidh sna buicéid maidir le gach fachtóir priacail cothromais na buicéid earnála, dá dtagraítear i Roinn 6.
2. Is éard a bheidh sna fachtóirí priacail deilte cothromais a bhíonn le cur i bhfeidhm ag na hinstitiúidí na spotphragsanna cothromais uile agus na rátaí athcheannaigh cothromais uile.

Chun críocha priacal cothromais, is fachtóir priacail aonair, arna shloinneadh mar veicteoir rátaí athcheannaigh d'aibíochtaí difriúla, a bheidh i gcuair athcheannaigh cothromais sonrath. Maidir le gach ionstraim, beidh sa veicteoir a mhéid comhpháirteanna agus a bhfuil d'aibíochtaí difriúla rátaí athcheannaigh ann a úsáidtear mar athróa le samhail phragsála na hinstitiúide don ionstraim sin.

Déanfaidh institiúidí íogaireacht ionstraime ar an bhfachtóir priacail cothromais sin a ríomh mar athrú ar luach na hionstraime, i gcomhréir lena samhail phragsála, mar thoradh ar athrú 1 pointe boinn amháin i ngach ceann de chomhpháirteanna an veicteora. Déanfaidh institiúidí íogaireachtaí ar fhachtóir priacail ráta athcheannaigh an urrúis cothromais chéanna a fhritháireamh, gan beann ar an líon comhpháirteanna i ngach veicteoir.

3. Is éard a bheidh sna fachtóirí priacail cothromais a bhíonn le cur i bhfeidhm ag institiúidí maidir le céadroghanna a bhfuil ionstraimí foluiteacha ag gabháil leo a bhíonn íogair ar chothromas luaineachtaí intuigthe spotphragsanna cothromais, a ndéanfar a mhapáil ar na haibíochtaí seo a leanas i gcomhréir le haibíocht na gcéadroghanna comhfhreagracha faoi réir an cheanglais cistí dílse: 0,5 bliain, 1 bhliain, 3 bliana, 5 bliana, 10 mbliana. Ní bheidh aon cheanglais cistí dílse i gcomhair priacal vega ar rátaí athcheannaigh cothromais.
4. Is éard a bheidh sna fachtóirí priacail cuair a bhíonn le cur i bhfeidhm ag institiúidí maidir le céadroghanna a mbíonn ionstraimí foluiteacha ag gabháil leo atá íogair ar chothromas na spotphragsanna cothromais uile, gan beann ar aibíocht na gcéadroghanna comhfhreagracha. Ní bheidh aon cheanglais cistí dílse i gcomhair priacal cuair ar rátaí athcheannaigh cothromais.

*Airteagal 325p***Fachtóirí priacail tráchtearraí**

1. Is éard a bheidh sna buicéid maidir le gach fachtóir priacail tráchtearraí na buicéid earnála, dá dtagraítear i Roinn 6.
2. Is éard a bheidh sna fachtóirí priacail deilte a bhíonn le cur i bhfeidhm ag institiúidí maidir le hionstraimí atá íogair ar thráchtearraí ná na spotphragsanna tráchtearraí uile de réir cineáil tráchtearra agus de réir gach ceann de na haibíochtaí seo a leanas: 0,25 bliain, 0,5 bliain, 1 bhliain, 2 bhliain, 3 bliana, 5 bliana, 10 mbliana, 15 bliana, 20 bliain,

▼ **M8**

30 bliain. Ní dhéanfaidh institiúidí ach dhá phraghas tráchtearraí den chineál tráchtearra céanna, a bhfuil an aibíocht chéanna aige, a mheas mar an fachtóir priacail céanna i gcás inarb ionann an tacar téarmaí dlíthiúla maidir le suíomh a seachadta.

3. Is éard a bheidh sna fachtóirí priacail vega tráchtearraí a bhíonn le cur i bhfeidhm ag institiúidí maidir le céadroghanna a bhfuil ionstraimí foluiteacha atá íogair ar thráchtearra luaineachtaí intuigthe na bpragsanna tráchtearraí de réir cineál tráchtearra, a ndéanfar a mhapáil ar na haibíochtaí seo a leanas i gcomhréir le haibíochtaí na gcéadroghanna comhfhreagracha faoi réir an cheanglais cistí dílse: 0,5 bliain, 1 bhliain, 3 bliana, 5 bliana, 10 mbliana. Déanfaidh institiúidí íogaireachtaí ar an gcineál céanna tráchtearra agus a leithdháiltear ar an aibíocht chéanna a mheas mar fachtóir priacail aonair, a ndéanfaidh institiúidí a fhritháireamh ansin.

4. Is éard a bheidh sna fachtóirí priacail cuaire tráchtearraí a bhíonn le cur i bhfeidhm ag institiúidí maidir le céadroghanna a bhfuil ionstraimí foluiteacha atá íogair ar phraghsanna tráchtearraí ná tacar amháin de phraghsanna tráchtearraí ag a bhfuil aibíochtaí difriúla de réir cineál tráchtearra, arna shloinneadh mar veicteoir. Maidir le gach ionstraim, beidh sa veicteoir a mhéid comhpháirteanna agus a bhfuil ann de phraghsanna an tráchtearraí sin a úsáidtear mar athróga i samhail phraghsála na hinstitiúide don ionstraim sin. Ní dhéanfaidh institiúidí idirdhealú idir pragsanna tráchtearraí de réir suíomh seachadta.

Déanfar íogaireacht na hionstraime ar gach fachtóir priacail arna úsáid san fhoirmle phriacail chuaire a ríomh mar a leagtar amach in Airteagal 325g. Chun críocha priacal chuaire, measfaidh institiúidí gurb é an fachtóir priacail céanna veicteoirí a bhfuil líon comhpháirteanna difriúil acu, ar choinníoll go bhfuil na veicteoirí sin comhfhreagrach leis an gcineál tráchtearra céanna.

*Airteagal 325q***Fachtóirí priacail um phriacal malairte eachtraí**

1. Is éard a bheidh sna fachtóirí priacail malairte eachtraí deilte is ionchurtha i bhfeidhm ar ionstraimí atá íogair ar mhalartú eachtrach – na spotrátaí malairte go léir idir an t-airgeadra ina bhfuil an ionstraim ainmnithe agus airgeadra tuairiscithe na hinstitiúide. Buicéad amháin a bheidh ann in aghaidh gach péire airgeadraí, ina mbeidh fachtóir priacail aonair agus glaníogaireacht aonair.

2. Is éard a bheidh sna fachtóirí priacail vega um malairt eachtrach a bhíonn le cur i bhfeidhm ag institiúidí maidir le céadroghanna a bhfuil ionstraimí foluiteacha ag gabháil leo a bhíonn íogair ar mhalairt eachtrach ná luaineachtaí atá intuigthe ó rátaí malairt idir na péirí airgeadra dá dtagraítear i mír 1. Déanfar na luaineachtaí intuigthe rátaí malartuithe sin a mhapáil ar na haibíochtaí seo a leanas i gcomhréir le haibíochtaí na gcéadroghanna faoi réir an cheanglais cistí dílse: 0,5 bliain, 1 bhliain, 3 bliana, 5 bliana, 10 mbliana.

3. Is éard a bheidh sna fachtóirí priacail cuaire um malairt eachtrach a bhíonn le cur i bhfeidhm ag institiúidí maidir le céadroghanna a bhfuil ionstraimí foluiteacha ag gabháil leo a bhíonn íogair ar mhalartú eachtrach na fachtóirí priacail dá dtagraítear i mír 1.

▼ **M8**

4. Ní bheidh de cheanglas ar institiúidí idirdhealú a dhéanamh idir athróga intíre agus eischósta airgeadra i gcomhair gach fachtóra phriacail chuair, vega, deilte agus malairte eachtraí.

## F O R O I N N 2

**Sainmhínte íogaireachta***Airteagal 325r***Íogaireachtaí priacail deilte**

1. Déanfaidh institiúidí íogaireachtaí priacail deilte i dtaca le rátaí úis ginearálta (GIRR) a ríomh mar a leanas:

(a) déanfar na híogaireachtaí ar fhachtóirí priacail lena n-áirítear rátaí saor ó phriacal a ríomh mar a leanas:

$$S_{r_{kt}} = \frac{V_i(r_{kt} + 0,0001, x, y \dots) - V_i(r_{kt}, x, y \dots)}{0,0001}$$

nuair atá:

$S_{r_{kt}}$  = na híogaireachtaí ar fhachtóirí priacail lena n-áirítear rátaí saor ó phriacal;

$r_{kt}$  = ráta cuair saor ó phriacal k ag a bhfuil an aibíocht t;

$V_i(.)$  = feidhm praghsála na hionstraime i; agus

x,y = fachtóirí priacail seachas  $r_{kt}$  san fheidhm praghsála  $V_i$ ;

(b) déanfar na híogaireachtaí ar fhachtóirí priacail lena n-áirítear priacal boilscithe agus bonn trasairgeadra a ríomh mar a leanas:

$$S_{x_j} = \frac{V_i(\bar{x}_{ji} + 0,0001\bar{I}_m, y, z \dots) - V_i(\bar{x}_{ji}, y, z \dots)}{0,0001}$$

nuair:

$S_{x_j}$  = na híogaireachtaí ar fhachtóirí priacail lena n-áirítear priacal boilscithe agus bonn trasairgeadra;

$\bar{x}_{ji}$  = veicteoir de chomhpháirteanna m lena léirítear an chuar boilscithe intuigthe nó an chuar ar bhonn trasairgeadra maidir le hairgeadra ar leith j nuair a bhíonn m cothrom leis an líon athróg boilscithe nó trasairgeadra arna úsáid i samhail phraghsála na hionstraime i;

$\bar{I}_m$  = mairís aontachta ghné (1 x m);

$V_i(.)$  = feidhm praghsála na hionstraime i; agus

y, z = athróga eile sa tsamhail phraghsála.

2. Déanfaidh institiúidí na híogaireachta priacail deilte um raon difríochta creidmheasa i gcomhair gach suíomh urrúsúcháin agus neamhurrúsúcháin a ríomh mar a leanas:

$$S_{CS_{kt}} = \frac{V_i(CS_{kt} + 0,0001, x, y \dots) - V_i(CS_{kt}, x, y \dots)}{0,0001}$$

▼ **M8**

nuair:

$S_{CS_{kt}}$  = a hógairachta priacail deilte um raon difríochta creidmheasa i gcomhair gach suíomh urrúsúcháin agus neamhurrúsúcháin;

$cs_{kt}$  = luach ráta um raon difríochta creidmheasa eisitheora j ag aibíocht t;

$V_i(.)$  = feidhm praghsála na hionstraime i; agus

x,y = fachtóirí priacail seachas  $cs_{kt}$  san fheidhm praghsála  $V_i$ .

3. Déanfaidh institiúidí íogaireachtaí priacail cothromais deilte a ríomh mar a leanas:

(a) déanfar na hógairachtaí ar fhachtóirí priacail ar rátaí spotphraghsanna cothromais iad a ríomh mar a leanas:

$$S_k = \frac{V_i(1,01 EQ_k, x, y, \dots) - V_i(EQ_k, x, y, \dots)}{0,01}$$

nuair:

sk = na hógairachtaí ar fhachtóirí priacail ar rátaí spotphraghsanna cothromais;

k = urrús cothromais sonrath;

Eqk = luach spotphraghsais an urrúis cothromais sin;

$V_i(.)$  = feidhm praghsála na hionstraime i; agus

x,y = fachtóirí priacail seachas EQk san fheidhm praghsála  $V_i$ ;

(b) ina ndéanfar na hógairachtaí ar fhachtóirí priacail ar rátaí athcheannaigh gnáthchothromais iad a ríomh mar a leanas:

$$S_{x_k} = \frac{V_i(\bar{x}_{ki} + 0,0001 \bar{I}_m, y, z \dots) - V_i(\bar{x}_{ji}, y, z \dots)}{0,0001}$$

nuair atá:

$S_{x_k}$  = na hógairachtaí ar fhachtóirí priacail ar rátaí athcheannaigh gnáthchothromais;

k = an t-innéacs a chuireann na cothromais in iúl;

$\bar{x}_{ki}$  = veicteoir de chomhpháirteanna m lena léirítear an struchtúr téarma athcheannaigh i gcomhair cothromas ar leith k nuair a bhíonn m cothrom le líon na rátaí athcheannaigh atá comhfhreagrach leis na haibíochtaí a úsáidtear i samhail phraghsála na hionstraime i;

$\bar{I}_m$  = maitrís aontachta ghné (1 · m);

$V_i(.)$  = feidhm praghsála na hionstraime i; agus

y,z = fachtóirí priacail seachas  $\bar{x}_{ki}$  san fheidhm praghsála  $V_i$ .

4. Déanfaidh institiúidí na hógairachtaí priacail tráchtearraí deilte a ríomh ar gach fachtóir priacail k mar a leanas:

$$S_k = \frac{V_i(1,01 CTY_k, \gamma, z \dots) - V_i(CTY_k, \gamma, z \dots)}{0,01}$$

nuair:

$s_k$  = na hógairachtaí priacail tráchtearraí deilte;

**▼M8**

$k$  = fachtóir priacail tráchtearraí ar leith;

$CTY_k$  = luach fachtóir priacail  $k$ ;

$V_i(.)$  = luach margaidh na hionstraime  $i$  mar fheidhm d'fhachtóir priacail  $k$ ; agus

$y, z$  = fachtóirí priacail seachas  $CTY_k$  i samhail phraghsála na hionstraime  $i$ .

5. Déanfaidh institiúidí na híogaireachtaí priacail malairte airgid deilte a ríomh ar gach fachtóir priacail  $k$  mar a leanas:

$$S_k = \frac{V_i(1,01 FX_k, y, z \dots) - V_i(FX_k, y, z \dots)}{0,01}$$

nuair:

$sk$  = na híogaireachtaí priacail malairte airgid deilte;

$k$  = fachtóir priacail malairte eachtraí ar leith;

$FX_k$  = luach an fhachtóra phriacail;

$V_i(.)$  = luach margaidh na hionstraime  $i$  mar fheidhm d'fhachtóir priacail  $k$ ; agus

$y, z$  = fachtóirí priacail seachas  $FX_k$  i samhail phraghsála na hionstraime  $i$ .

*Airteagal 325s***Íogaireachtaí priacail vega**

1. Déanfaidh institiúidí íogaireacht priacail vega céadrogha ar fhachtóir priacail  $k$  a ríomh mar a leanas:

$$S_k = \frac{V_i(1,01 + vol_k, x, y) - V_i(vol_k, x, y)}{0,01}$$

nuair:

$sk$  = íogaireacht priacail vega céadrogha;

$k$  = fachtóir priacail vega ar leith, ina bhfuil luaineacht intuigthe;

$vol_k$  = luach an fhachtóra phriacail sin, ar cheart é a shloinneadh mar chéatadán; agus

$x, y$  = fachtóirí priacail seachas  $vol_k$  san fheidhm praghsála  $V_i$ .

2. I gcás aicmí priacail ina mbíonn gné aibíochta ag fachtóirí priacail vega, ach nach infheidhme na rialacha faoina mapáiltear na fachtóirí priacail toisc nach bhfuil aibíocht ag na céadroghanna, déanfaidh institiúidí na fachtóirí sin a mhapáil ar an aibíocht is faide a leagtar síos. Beidh na céadroghanna sin faoi réir na priacail forlíontáin iarmharacha.

▼ **M8**

3. I gcás céadroghanna nach bhfuil ceangal nó bacainn acu agus céadroghanna a bhfuil an iliomad ceangail agus bacainneacha acu, déanfaidh institiúidí an mhapáil a chur i bhfeidhm ar cheangail agus ar aibíocht a úsáidtear go himmheánach ag institiúid chun an chéadrogha a phraghsáil. Beidh na céadroghanna sin faoi réir na priacail forlíontáin iarmharacha chomh maith.

4. Ní dhéanfaidh institiúidí an priacal vega i gcomhair tráinsí urrúsúcháin a chumhdaítear le ACTP, amhail dá dtagraítear in Airteagal 325 (6), (7) agus (8) nach bhfuil luaineacht intuigthe acu. Déanfar ceanglais cisté dílse i gcomhair priacal deilte agus cuaire a ríomh do na tráinsí urrúsúcháin sin.

*Airteagal 325t***Ceanglais maidir le ríomhanna íogaireachta**

1. Agus na foirmlí a leagtar amach san Fhoroinn seo á n-úsáid acu, déanfaidh institiúidí íogaireachtaí a dhíorthú ó shamhlacha praghsála na hinstiúidí atá mar bhonn le brabúis agus le cailleanais a thuirisciú don bhainistíocht shinsearach.

De mhaolú ar an gcéad fhomhír, féadfaidh údarais inniúla a cheangal ar institiúid, dár tugadh cead úsáid a bhaint as an gcur chuige samhla inmheánaí malartaí a leagtar amach i gCaibidil 1b, feidhmeanna praghsála de chóras tomhais priacail a gcur chuige samhla inmheánaí a úsáid i dtaca le híogaireachtaí a ríomh faoin gCaibidil seo maidir leis na ceanglais cisté dílse i gcomhair priacal margaidh a ríomh i gcomhréir le hAirteagal 430b(3).

2. Agus íogaireachtaí priacail deilte ionstraimí ina bhfuil roghnaíocht dá dtagraítear i bpointe (a) d'Airteagal 325e(2) á ríomh ag institiúidí, féadfaidh siad a thoimhdiú go leanfaidh fachtóirí priacail na luaineachta intuigthe de bheith seasta.

3. Agus íogaireachtaí priacail vega ionstraimí ina bhfuil roghnaíocht dá dtagraítear i bpointe (b) d'Airteagal 325e(2) á ríomh, beidh feidhm ag na ceanglais seo a leanas:

- (a) maidir le priacal ráta úis ginearálta agus priacal um raon difríochta creidmheasa, toimhdeoidh na hinstiúidí, i gcás gach airgeadra, go leanfaidh ionstraim fholuiteach na bhfachtóirí priacail luaineachta, ar ina leith a dhéantar priacal vega a ríomh, dáileadh lognormalach nó normalach sna samhlacha praghsála a úsáidtear do na hionstraimí sin;
- (b) maidir le priacal cothromais, priacal tráchtearraí agus priacal malairte eachtraí, toimhdeoidh na hinstiúidí go leanfaidh ionstraim fholuiteach na bhfachtóirí priacail luaineachta, ar ina leith a dhéantar priacal vega a ríomh, dáileadh lognormalach sna samhlacha praghsála a úsáidtear do na hionstraimí sin.

4. Déanfaidh institiúidí na híogaireachtaí uile seachas na híogaireachtaí ar choigeartuithe luachála creidmheasa a ríomh.

▼ **M8**

5. De mhaolú ar mhír 1, faoi réir cead a fháil ó na húdaráis inniúla, féadfaidh institiúid sainmhínithe malartacha ar íogaireachtaí priacail deilte a úsáid chun na ceanglais cistí dílse maidir le suíomh leabhair trádála a ríomh faoin gCaibidil seo ar choinníoll go gcomhlíonfaidh an institiúid na coinníollacha uile seo a leanas:

- (a) úsáidtear na sainmhínithe malartacha sin chun críocha bainistithe priacail inmheánaigh agus chun brabúis agus cailteanais a thuairisciú don ardbhainistíocht, ar tuairisciú é sin a dhéanfaidh aonad neamhspleách rialaithe priacail laistigh den institiúid;
- (b) léireoidh an institiúid gur iomchuí na sainmhínithe malartacha seo chun na híogaireachtaí ábhartha maidir leis an suíomh a ghabháil ná na foirmlí a leagtar amach san Fhoroinn seo agus nach bhfuil aon difear ábharthach idir na híogaireachtaí a thagann astu agus na foirmlí sin.

6. De mhaolú ar mhír 1, faoi réir cead a fháil ó na húdaráis inniúla, féadfaidh institiúid íogaireachtaí vega a ríomh ar bhonn claochlú líneach sainmhínithe malartacha ar íogaireachta chun na ceanglais cistí dílse maidir le suíomh leabhair trádála a ríomh faoin gCaibidil seo, ar choinníoll go gcomhlíonfaidh an institiúid an dá choinníoll seo a leanas:

- (a) úsáidfeá na sainmhínithe malartacha sin chun críocha bainistithe phriacail inmheánaigh agus chun brabúis agus cailteanais a thuairisciú don ardbhainistíocht, ar tuairisciú é sin a dhéanfaidh aonad neamhspleách rialaithe priacail laistigh den institiúid;
- (b) léireoidh an institiúid gur iomchuí na sainmhínithe malartacha seo chun na híogaireachtaí ábhartha maidir leis an suíomh a ghabháil ná na foirmlí a leagtar amach san Fhoroinn seo agus gur léiriú é an claochlú líneach dá dtagraítear sa chéad fhomhír ar íogaireacht priacail vega.

## R o i n n 4

**A n f o r l í o n t á n p r i a c a i l i a r m h a r a i g h***Airteagal 325u***Ceanglais cistí dílse le haghaidh priacail iarmharacha**

1. I dteannta leis na ceanglais cistí dílse maidir le priacal margaidh a leagtar amach i Roinn 2, cuirfidh institiúidí ceanglais cistí dílse breise i bhfeidhm maidir le hionstraimí atá ar ris ar phriacail iarmharacha i gcomhréir leis an Airteagal seo.

2. Measfar gur ionstraimí ar ris ar phriacail iarmharacha iad ionstraimí a chomhlíonfaidh aon cheann de na coinníollacha seo a leanas:

- (a) tagraíonn an ionstraim d'ionstraim fholuiteach choimhthíoch, rud a chiallaíonnchun críocha na Caibidle seo, ionstraim leabhair trádála lena dtagraítear do nó cuaire faoin modh íogaireacht-bhunaithe a leagtar amach i Roinn 2 nó faoi na ceanglais cistí dílse i gcomhair priacal mainneachtana a leagtar amach i Roinn 5;



## ▼M8

- (b) iompraíonn an ionstraim priacal iarmharach eile, rud a chiallaíonn, chun críocha na Caibidle seo, aon cheann de na hionstraimí seo a leanas:
- (i) ionstraimí atá faoi réir ceanglais cistí dílse i gcomhair priacail vega agus cuaire faoin modh iogaireacht-bhunaithe a leagtar amach i Roinn 2 agus as a dtagann dea-thorthaí nach féidir aithris a dhéanamh orthu mar chomhcheangal líneach finideach de chéadroghanna loma le praghas cothromais foluiteach aonair, praghas tráchtearraí, ráta malairte, praghas banna, praghas um babhtáil mainneachtana creidmheasa nó babhtáil ráta úis;
  - (ii) ionstraimí ar suíomh urrúsúcháin iad a áirítear i ACTP, dá dtagraítear in Airteagal 325(6); ní bhreathnófar ar fháluithe a áirítear i ACTP, dá dtagraítear in Airteagal 325(8).

3. Déanfaidh institiúidí na ceanglais cistí dílse breise dá dtagraítear i mír 1 a ríomh mar shuim ollmhéideanna barúlacha na n-ionstraimí dá dtagraítear i mír 2 iolraithe faoi na hualuithe priacail seo a leanas:

- (a) 1,0 % i gcás na hionstraime dá dtagraítear i bpointe (a) de mhír 2;
- (b) 0,1 % i gcás na hionstraime dá dtagraítear i bpointe (b) de mhír 2.

4. De mhaolú ar mhír 1, ní dhéanfaidh institiúid an ceanglas cistí dílse a chur i bhfeidhm maidir le priacail iarmharacha ar ionstraim a chomhlíonann aon cheann de na coinníollacha seo a leanas:

- (a) tá an ionstraim liostaithe ar mhalartán aitheanta;
- (b) tá an ionstraim i dteideal imréiteach lárnach i gcomhréir le Rialachán (AE) Uimh. 648/2012;
- (c) déanann an ionstraim phriacail margaidh suímh eile sa leabhar trádála a fhritháireamh go hiomlán, agus sa chás sin beidh díolúine ag an dá shuíomh leabhar trádála lánchomhréireacha ón gceanglas cistí dílse i gcomhair priacail iarmharacha.

5. Déanfaidh ÚBE dréachtchaighdeáin theicniúla rialála a cheapadh le sonrú cad is ionstraim fholuiteach choimhthíoch ann agus cé na hionstraimí ar ionstraimí risíochta ar phriacail iarmharacha iad chun críocha mhír 2.

Agus na dréachtchaighdeáin theicniúla rialála sin á gceapadh aige, déanfaidh ÚBE scrúdú ar cheart priacal fadsaolaí, an aimsir, tubaistí nádúrtha agus luaineacht a réadófar sa todhchaí a mheas mar ionstraimí foluiteacha coimhthíocha.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoi cheann 28 Meitheamh 2021.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

## ▼M8

## Roinn 5

**Na ceanglais cistí dílse i gcomhair priacal mainneachtana***Airteagal 325v***Sainmhínte agus forálacha ginearálta**

1. Chun críocha na Roinne seo, beidh feidhm ag na sainmhínte seo a leanas:

- (a) ciallaíonn “risíocht ghearrthéarmach” gur gnóthachan don institiúid is toradh le mainneachtain eisitheora nó grúpa eisitheoirí, gan beann ar an gceinéal ionstraimé nó idirbhirt lena gcruthaítear an risíocht;
- (b) ciallaíonn “risíocht fhadtéarmach” gur cailteanas don institiúid is toradh le mainneachtain eisitheora nó grúpa eisitheoirí, gan beann ar an gceinéal ionstraimé nó idirbhirt lena gcruthaítear an risíocht;
- (c) ciallaíonn “ollmhéid na mainneachtana gan choinne (ollmhéid JTD)” méid measta an ghnóthachain nó an chaillteanais a thiocthadh as mainneachtain féichiúnaí maidir le risíocht ar leith;
- (d) ciallaíonn “glanmhéid na mainneachtana gan choinne (glanmhéid JTD)” méid measta an ghnóthachain nó an chaillteanais a thabhódh institiúid mar gheall ar mainneachtain féichiúnaí, tar éis fritháireamh a dhéanamh idir ollmhéideanna JTD,
- (e) ciallaíonn “cailteanas i gcás mainneachtana” nó “LGD” cailteanas i gcás mainneachtana an fhéichiúnaí maidir le hionstraim arna heisiúint ag an bhféichiúnaí sin arna shloinneadh mar sciar de mhéid bharúlach na hionstraimé;
- (f) ciallaíonn “ualú priacail mainneachtana” an céatadán lena léirítear dóchúlacht mainneachtana measta gach féichiúnaí, i gcomhréir le hacmhainneacht creidmheasa an fhéichiúnaí sin.

2. Beidh feidhm ag ceanglais cistí dílse i gcomhair priacal mainneachtana maidir le hionstraimí fiachais agus cothromais, ionstraimí díorthacha a bhfuil na hionstraimí sin a bhí ann cheana mar ionstraimí foluiteacha acu agus díorthaigh, a bhfuil éifeacht ar a ndea-thorthaí nó luachanna córa ag mainneachtain de chuid féichiúnaí nach contrapháirtí na hionstraimé díorthaí féin. Déanfaidh institiúidí na ceanglais i gcomhair priacal mainneachtana a ríomh go leithleach maidir le gach ceann de na cineálacha ionstraimé seo a leanas: neamhurrúsúcháin, urrúsúcháin nach gcumhdaítear le ACTP agus urrúsúcháin a chumhdaítear le ACTP. Is éard a bheidh sna ceanglais cistí dílse i gcomhair priacal mainneachtana deiridh institiúide suim na dtrí comhpháirteanna sin.

## Foroinn 1

**Ceanglais cistí dílse i gcomhair priacal mainneachtana le haghaidh neamhurrúsúchán***Airteagal 325w***Ollmhéideanna na mainneachtana gan choinne**

1. Déanfaidh institiúidí ollmhéideanna na mainneachtana gan choinne a ríomh maidir le gach risíocht fhadtéarmach ar ionstraimí fiachais mar a leanas:

▼ **M8**

$$JTD_{\text{long}} = \max\{\text{LGD } V_{\text{notional}} + \text{P\&L}_{\text{long}} + \text{Adjustment}_{\text{long}}; 0\}$$

nuair atá:

$JTD_{\text{long}}$  = ollmhéid JTD le haghaidh na risíochta fadtéarmaí;

$V_{\text{notional}}$  = méid barúlach na hionstraime;

$\text{P\&L}_{\text{long}}$  = téarma a oiriúnaíonn do ghnóthachain nó caillteanais arna gcur san áireamh cheana ag an institiúid de bharr athruithe ar luach cóir na hionstraime lena gcruthaítear an risíocht fhadtéarmach; iontrálfar gnóthachain san fhoirmle le comhartha deimhneach agus caillteanais le comhartha diúltach; agus

$\text{Adjustment}_{\text{long}}$  = an méid a mhéadófaí nó a laghdófaí, de bharr struchtúr na hionstraime díorthaí, caillteanas na hinstitiúide i gcás mainneachtana i gcoibhneas le caillteanas iomlán na hionstraime foluite; iontrálfar méaduithe in  $\text{Adjustment}_{\text{long}}$  agus comhartha deimhneach leo agus iontrálfar caillteanais agus comhartha diúltach leo.

2. Déanfaidh institiúidí ollmhéideanna JTD a ríomh maidir le gach risíocht ghearrthéarmach ar ionstraimí fiachais mar a leanas:

$$JTD_{\text{short}} = \min\{\text{LGD } V_{\text{notional}} + \text{P\&L}_{\text{short}} + \text{Adjustment}_{\text{short}}; 0\}$$

nuair atá:

$JTD_{\text{short}}$  = ollmhéid JTD le haghaidh risíochta gearrthéarmaí

$V_{\text{notional}}$  = méid barúlach na hionstraime a iontrálfar san fhoirmle agus comhartha diúltach leis;

$\text{P\&L}_{\text{short}}$  = téarma a oiriúnaíonn do ghnóthachain nó caillteanais arna gcur san áireamh cheana ag an institiúid de bharr athruithe ar luach cóir na hionstraime lena gcruthaítear an risíocht ghearrthéarmach; is le comhartha deimhneach a iontrálfar gnóthachain san fhoirmle agus is le comhartha diúltach a iontrálfar caillteanais; agus

$\text{Adjustment}_{\text{short}}$  = an méid a mhéadófaí nó a laghdófaí, de bharr struchtúr na hionstraime díorthaí, gnóthachan na hinstitiúide i gcás mainneachtana i gcoibhneas le caillteanas iomlán na hionstraime foluití; i gcás laghduithe, iontrálfar  $\text{Adjustment}_{\text{short}}$  agus comhartha deimhneach leis, agus i gcás méaduithe, agus comhartha diúltach leis.

3. Chun críche an ríomha a leagtar amach i mír 1 agus mír 2, beidh an méid seo a leanas in LGD i gcomhair ionstraimí fiachais a bhíonn le cur i bhfeidhm ag institiúidí:

- (a) sannfar LGD 100 % do risíochtaí ar ionstraimí fiachais neamhshinsearaigh;
- (b) sannfar LGD 75 % d'ionstraimí fiachais shinsearaigh;
- (c) sannfar LGD 25 % do risíochtaí ar bhannaí faoi chumhdach, dá dtagraítear in Airteagal 129.

4. Chun críocha an ríomha a leagtar amach i mír 1 agus mír 2, déanfar méideanna barúlacha a chinneadh mar seo a leanas:

▼ **M8**

- (a) is éard atá sa mhéid barúlach i gcás ionstraimí fiachais luach ainmniúil na hionstraime fiachais;
- (b) is éard atá sa mhéid barúlach i gcás ionstraimí díorthacha ag a bhfuil urrúis fiachais fholuiteacha méid barúlach na hionstraime díorthaí.

5. Maidir le risíochtaí ar ionstraimí cothromais, déanfaidh institiúidí ollmhéideanna JTD a ríomh leis na foirmlí seo a leanas, seachas na foirmlí dá dtagraítear i mír 1 agus mír 2:

$$JTD_{\text{long}} = \max\{\text{LGD } V + \text{P\&L}_{\text{long}} + \text{Adjustment}_{\text{long}}; 0\}$$

$$JTD_{\text{short}} = \min\{\text{LGD } V + \text{P\&L}_{\text{short}} + \text{Adjustment}_{\text{short}}; 0\}$$

nuair atá:

$JTD_{\text{long}}$  = ollmhéid JTD le haghaidh na risíochta fadtéarmaí;

$JTD_{\text{short}}$  = ollmhéid JTD le haghaidh risíochta gearrhéarmaí; agus

$V$  = luach cóir an chothromais, nó i gcás ionstraimí díorthacha ag a bhfuil cothromais fholuiteacha, luach cóir an chothromais fholuitigh.

6. Sannfaidh institiúidí LGD 100 % d'ionstraimí cothromais chun críocha an ríomha a leagtar amach i mír 5.

7. I gcás risíochtaí ar phiacal mainneachtana a thagann ó ionstraimí díorthacha nach bhfuil baint ag a ndea-thorthaí i gcás mhainneachtana an fhéichiúnaí le méid barúlach ionstraime ar leith arna heisiúint ag an bhféichiúnaí sin nó le LGD an fhéichiúnaí nó le hionstraim arna heisiúint ag an bhféichiúnaí sin, déanfaidh institiúidí modheolaíochtaí malartacha a úsáid chun ollmhéideanna JTD a mheas.

8. Ceapfaidh ÚBE dréachtchaighdeáin theicniúla rialála d'fhonn na nithe seo a leanas a shonrú:

- (a) an dóigh a bhfuil institiúidí le méideanna JTD a ríomh maidir le cineálacha difriúla ionstraimí i gcomhréir leis an Airteagal seo;
- (b) na modheolaíochtaí malartacha atá le húsáid ag institiúidí chun críocha ollmhéideanna JTD a mheas dá dtagraítear i mír 7.
- (c) méideanna barúlacha ionstraimí seachas na cinn dá dtagraítear i bpointe (a) agus i bpointe (b) de mhír 4.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoi cheann 28 Meitheamh 2021.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

*Airteagal 325x*

### **Glanmhéideanna na mainneachtana gan choinne**

1. Déanfaidh institiúidí na glanmhéideanna JTD a ríomh trí ollmhéideanna JTD risíochtaí gearrhéarmacha agus risíochtaí fadtéarmacha a fhritháireamh. Ní fhéadfar fritháireamh a dhéanamh ach amháin idir risíochtaí ar a bhféichiúnaí céanna i gcás ina mbíonn an tsinsearach chéanna nó sinsearach níos ísle ag na risíochtaí gearrhéarmacha ná na risíochtaí fadtéarmacha.

▼ **M8**

2. Beidh an fritháireamh iomlán nó páirteach, ag brath ar aibíochtaí na risíochtaí fritháirimh.
- (a) Déanfar fritháireamh iomlán i gcás ina mbíonn aibíochtaí de thréimhse bliana nó níos mó ag na risíochtaí fritháirimh.
- (b) Beidh an fritháireamh páirteach i gcás ina mbíonn aibíocht níos lú ná bliain amháin ag ceann de na risíochtaí fritháirimh, agus sa chás sin, déanfar méid JTD gach risíochta a bhfuil risíocht níos lú ná bliain amháin aige a iolrú faoi choibhneas aibíocht na risíochta i dtaca le bliain amháin.
3. I gcás nach bhféadtar fritháireamh a dhéanamh beidh ollmhéideanna JTD cothrom le glanmhéideanna JTD i gcás risíochtaí a bhfuil aibíochtaí de thréimhse bliana nó níos mó acu. Déanfar ollmhéideanna JTD a bhfuil aibíochtaí acu ar lú ná bliain iad a iolrú faoi choibhneas aibíocht na risíochta i dtaca le bliain amháin, agus iosráta trí mhí i gceist, chun glanmhéideanna JTD a ríomh.
4. Chun críocha mhíreanna 2 agus 3, déanfar aibíochtaí na gconarthaí díorthacha, seachas aibíochtaí a n-ionstraimí foluiteacha, a mheas. Déanfar aibíocht bliana nó trí mhí a shannadh do risíochtaí ar chothromas airgid thirim, ar rogha na hinstiúide.

*Airteagal 325y***Ceanglais cistí dílse i gcomhair priacal mainneachtana a ríomh**

1. Déanfar glanmhéideanna JTD, gan beann ar an gcineál contrapháirtí, a iolrú faoi na hualuithe priacail mainneachtana a chomhfhreagraíonn dá gcáilíocht chreidmheasa, mar a leagtar amach i dTábla 2:

*Tábla 2*

Catagóir cáilíochta creidmheasa	Ualú priacail mainneachtana
Céim cáilíochta creidmheasa 1	0,5 %
Céim cáilíochta creidmheasa 2	3 %
Céim cáilíochta creidmheasa 3	6 %
Céim cáilíochta creidmheasa 4	15 %
Céim cáilíochta creidmheasa 5	30 %
Céim cáilíochta creidmheasa 6	50 %
Gan rátáil	15 %
Maimithe	100 %

2. Risíochtaí a bhfaigheadh ualú priacail 0 % faoin gCur Chuige Caighdeánaithe maidir le priacal creidmheasa i gcomhréir le Caibidil 2 de Theideal II, gheobhaidh siad ualú priacail mainneachtana 0 % do na ceanglais cistí dílse i gcomhair priacal mainneachtana.
3. Déanfar glanmhéideanna ualaithe JTD a shannadh do na buicéid seo a leanas: corparáidí, flaithiúnais, agus rialtais áitiúla/bardais.

▼ **M8**

4. Déanfar glanmhéideanna ualaithe JTD a chomhiomlánú le gach buicéad i gcomhréir leis an bhfoirmle seo a leanas:

$$DRC_b = \max \{ (\sum_{i \in \text{long}} RW_i \cdot \text{net JTD}_i) WtS \cdot (\sum_{i \in \text{short}} RW_i |\text{net JTD}_i|); 0 \}$$

nuair atá:

$DRC_b$  = an ceanglas cistí dílse i gcomhair an phriacail mhainneachtana do bhuicéad  $b$ ;

$i$  = an t-innéacs a léiríonn ionstraim a bhaineann le buicéad  $b$ ;

$RW$  = an t-ualach priacail; agusmaidir le priacal

$WtS$  = coibhneas lena n-aithnítear leas le haghaidh gaolta fálaith laistigh de bhuicéad, a dhéanfar a ríomh mar a leanas:

$$WtS = \frac{\sum \text{netJTD}_{\text{long}}}{\sum \text{netJTD}_{\text{long}} + \sum |\text{netJTD}_{\text{short}}|}$$

Chun críocha  $DRC_b$  agus  $WtS$  a ríomh, déanfar suimiú na suíomhanna fada agus na suíomhanna gearra a chomhiomlánú maidir le gach suíomh laistigh de bhuicéad, gan beann ar an gcéim cáilíochta creidmheasa ar a ndéantar na suíomhanna sin a leithdháileadh, chun na ceanglais cistí dílse um phriacal mainneachtana a bhaineann go sonrach le buicéid ar leith a fháil.

5. Déanfar an ceanglas cistí dílse i gcomhair priacal mainneachtana maidir le hurrúsúcháin a ríomh mar shuim shimplí na gceanglas cistí dílse ar leibhéal an bhuicéid.

## F o r o i n n 2

**Ceanglais cistí dílse i gcomhair priacal mainneachtana le haghaidh urrúsúcháin nach n-áirítear i ACTP***Airteagal 325z***Méideanna na mainneachtana gan choinne**

1. Is éard a bheidh sna hollmhéideanna mainneachtana gan choinne i gcomhair risíochtaí urrúsúcháin a luach margaidh, nó, mura bhfuil fáil ar a luach margaidh, a luach cóir a chinnfear i gcomhréir leis an gcreat cuntasaíochta is infheidhme.

2. Déanfar glanmhéideanna mainneachtana gan choinne a chinneadh trí ollmhéideanna mainneachtana fadtéarmacha gan choinne agus ollmhéideanna mainneachtana gearrthéarmacha gan choinne a fhritháireamh. Ní fhéadfar fritháireamh a dhéanamh ach amháin idir risíochtaí urrúsúcháin a bhfuil an comhthiomsú sócmhainní foluiteacha céanna acu agus ar leis an tráinse céanna iad. Ní cheadófar aon fhritháireamh idir risíochtaí urrúsúcháin a bhfuil comhthiomsuithe sócmhainní foluiteacha difriúla acu, fiú amháin i gcás inarb ionann na pointí astaithe agus na pointí dí-astaithe.

3. I gcás inar féidir risíochtaí urrúsaithe eile atá ann cheana a aithris go hiomlán, trí risíochtaí urrúsúcháin atá ann cheana a dhí-chomhdhéanamh nó a chumasc, seachas gné na haibíochta, féadfar na risíochtaí a thiocthaidh as an dí-chomhdhéanamh sin nó as an gcumasc sin a úsáid in ionad na risíochtaí urrúsúcháin atá ann cheana chun críche fritháirimh.

▼ **M8**

4. I gcás inar féidir struchtúr tráinse iomláin risíochta urrúsúcháin atá ann cheana a aithris go hiomlán, trí risíochtaí atá ann cheana a dhí-chomhdhéanamh nó a chumasc in ainmneacha foluiteacha, féadfar na risíochtaí a thiocthaí as an dí-chomhdhéanamh sin nó as an gcumasc sin a úsáid in ionad na risíochtaí urrúsúcháin atá ann cheana chun críche fritháirimh. I gcás ina n-úsáidfeadh ainmneacha foluiteacha ar an dóigh sin, ní dhéanfar déileáil leo a thuilleadh mar phriacal mainneachtana neamh-urrúsúcháin.

5. Beidh feidhm ag Airteagal 325x maidir le risíochtaí ar urrúsúcháin atá ann cheana agus maidir le risíochtaí urrúsúcháin a úsáidfeadh i gcomhréir le mír 3 nó le mír 4 den Airteagal seo. Is éard a bheidh sna haibíochtaí ábhartha aibíochtaí ábhartha na dtráinsí urrúsúcháin.

*Airteagal 325aa***Ceanglas cistí dílse i gcomhair priacal mainneachtana le haghaidh urrúsúcháin a ríomh**

1. Déanfar glanmhéideanna JTD risíochtaí urrúsúcháin a iolrú faoi 8 % den ualú priacail a bhfuil feidhm aige maidir leis an risíocht urrúsúcháin ábhartha, lena n-áirítear urrúsúcháin atá simplí, trédhearcach agus caighdeánaithe (STS), sa leabhar neamhthrádála i gcomhréir le hordlathas na gcineálacha cur chuige a leagtar amach i Roinn 3 de Chaibidil 5 de Theideal II agus gan beann ar an gcineál contrapháirtí.

2. Cuirfeadh aibíocht bliana amháin i bhfeidhm ar gach tráinse i gcás ina ndéantar ualú priacail a ríomh i gcomhréir leis an gCur Chuige Urrúsaithe Bunaithe ar Rátálacha Immheánacha (SEC-IRBA) agus leis an gCur Chuige Urrúsaithe Bunaithe ar Rátálacha Seachtracha (SEC-ERBA).

3. Déanfar méideanna JTD priacal-ualaithe le haghaidh risíochtaí urrúsúcháin airgid thirim a uasteorannú ar luach cóir an tsuímh.

4. Déanfar glanmhéideanna JTD priacal-ualaithe a shannadh do na buicéid seo a leanas:

- (a) aon chomhbhuicéad amháin do na corparáidí go léir, gan beann ar an réigiún;
- (b) 44 bhuicéad éagsúla, is é sin buicéad amháin in aghaidh an réigiúin do gach ceann de an 11 aicme sócmhainne a shainmhínítear sa dara fómhír.

Chun críocha na chéad fhomhíre, is iad seo a leanas an 11 aicme sócmhainne: ABPC, iasachtaí /léasanna le haghaidh gluaisteáin, urrúis de bhun morgáistí cónaithe, cártaí creidmheasa, urrúis de bhun morgáistí tráchtála, oibleagáidí iasachta atá comhthaobhaithe, oibleagáidí fiachais atá comhthaobhaithe-cearnaithe, frontair bheaga agus mheánmhéide (“FBManna”), iasachtaí mic léinn, miondíol eile, mórdhíol eile. Is iad an Áise, an Eoraip, Meiriceá Thuaidh, agus an chuid eile den domhan na ceithre réigiún.

5. Chun risíocht urrúsúcháin a shannadh do bhuicéad, braithfidh institiúidí ar aicmiú a úsáidtear go coitianta sa mhargadh. Ní dhéanfaidh institiúidí gach risíocht urrúsúcháin a shannadh ach do cheann amháin de na buicéid dá dtagraítear i mír 4. Aon risíocht neamhurrúsúcháin nach bhféadfaidh institiúid a shannadh do bhuicéad i gcomhair aicme sócmhainne nó réigiúin, déanfar an risíocht sin a shannadh don aicme sócmhainne dar teideal “miondíol eile”, “mórdhíol eile” nó “an chuid eile den domhan”, faoi seach.

## ▼M8

6. Déanfar glanmhéideanna ualaithe JTD a chomhiomlánú laistigh de gach buicéad ar an dóigh chéanna a ndéantar maidir le risíochtaí neamhurrúsúcháin ar phriacal mainneachtana, agus an foirmle in Airteagal 325y(4) á úsáid, agus is as sin a gheofar an ceanglas cistí dílse i gcomhair priacal mainneachtana do gach buicéad.

7. Déanfar an ceanglas deiridh cistí dílse i gcomhair priacal mainneachtana le haghaidh urrúsúcháin nach n-áirítear i ACTP a ríomh mar shuim shimplí na gceanglas cistí dílse ar leibhéal an bhuicéid.

## F o r o i n n 3

**Ceanglais cistí dílse i gcomhair priacal mainneachtana maidir le hurrúsúcháin a áirítear i ACTP***Airteagal 325ab***Raon feidhme**

1. Maidir le ACTP, is éard a bheidh sna ceanglais cistí dílse an priacal mainneachtana i gcomhair risíochtaí urrúsúcháin agus i gcomhair fáluithe neamhurrúsúcháin. Déanfar na fáluithe sin a bhaint de ríomhanna an phriacail mainneachtana neamhurrúsúcháin. Ní bheidh aon éagsúlú idir na ceanglais cistí dílse i gcomhair priacal mainneachtana do neamhurrúsúcháin, na ceanglais cistí dílse i gcomhair priacal mainneachtana d'urrúsúcháin nach n-áirítear i ACTP agus na ceanglais cistí dílse i gcomhair priacal mainneachtana d'urrúsúcháin a áirítear i ACTP.

2. Maidir le díorthaigh chreidmheasa agus chothromais neamhurrúsaithe trádálaithe, déanfar méideanna JTD a chinneadh trí chur chuige trédhearcaithe a chur i bhfeidhm.

*Airteagal 325ac***Méideanna mainneachtana gan choinne i gcomhair ACTP**

1. Chun críocha an Airteagail seo, beidh feidhm ag na sainmhínte seo a leanas:

- (a) ciallaíonn “dí-chomhdhéanamh le samhail luachála” go luachálfar comhdhéanamh aonainm neamhurrúsúcháin mar an difríocht idir luach neamhchoinníollach an urrúsúcháin agus luach coinníollach an urrúsúcháin ag glacadh leis go mainneoidh an t-aonainm sin le LGD 100 %;
- (b) ciallaíonn “macasamhlú” go ndéantar an teaghlaim tráinsí innéacs neamhurrúsúcháin aonair a chumasc chun tráinse eile den tsraith innéacs sin a mhacasamhlú, nó chun suíomh nach bhfuil i dtráinse sa tsraith innéacs a mhacasamhlú;
- (c) ciallaíonn “dí-chomhdhéanamh” innéacs a mhacasamhlú trí urrúsúcháin inarb ionann na risíochtaí sa chomhthiomsú agus na risíochtaí aonainm lena gcomhdhéantar an t-innéacs.

2. Is éard a bheidh sna hollmhéideanna JTD i gcomhair risíochtaí urrúsúcháin agus i gcomhair risíochtaí neamhurrúsúcháin in ACTP a luach margaidh, nó, mura bhfuil fáil ar a luach margaidh, a luach cóir a chinnfear i gcomhréir leis an gcreat cuntasáíochta is infheidhme.



## ▼M8

3. Déileálfar le táirgí N<sup>ú</sup> mainneachtana mar tháirgí i dtráinsí a mbeidh na pointí astaithe agus na pointí dí-astaithe seo acu:

(a) pointe astaithe =  $(N - 1) / \text{Ainmneacha Iomlána}$ ;

(b) pointe dí-astaithe =  $N / \text{Ainmneacha Iomlána}$ ;

i gcás inarb é “Ainmneacha Iomlána” líon iomlán na n-ainmneacha sa bhascaed nó sa chomhthiomsú comhfhreagrach.

4. Déanfar glanmhéideanna JTD a chinneadh trí ollmhéideanna JTD fadtéarmacha agus ollmhéideanna JTD gearrthéarmacha a fhritháireamh. Ní fhéadfar fritháireamh a dhéanamh ach amháin idir risíochtaí arb ionann iad ar gach dóigh ach amháin maidir le haibíocht. Ní fhéadfar fritháireamh a dhéanamh ach amháin sna cásanna seo a leanas:

(a) maidir le hinnéacsanna, tráinsí innéacs agus tráinsí saincheaptha, féadfar fritháireamh a dhéanamh ar aibíochtaí sa chlann innéacs chéanna, sa tsraith innéacs chéanna agus sa tráinse innéacs céanna, faoi réir na bhforálacha maidir le risíochtaí ar lú ná bliain amháin iad mar a leagtar síos in Airteagal 325x; is féidir méideanna JTD fadtéarmacha agus méideanna JTD gearrthéarmacha, ar macasamhlaithe foirfe iad, a fhritháireamh trína ndí-chomhdhéanamh i risíochtaí coibhéiseacha aonainm agus shamhail luachála á húsáid; i gcásanna den chineál sin beidh suim na n-ollmhéideanna JTD de chuid risíochtaí coibhéiseacha aonainm arna bhfáil trí dhí-chomhdhéanamh cothrom le hollmhéid JTD na risíochta neamhdhí-chomhdhéanta.

(b) ní cheadófar fritháireamh, mar a leagtar síos i bpointe (a) é, trí dhí-chomhdhéanamh maidir le hathurrúsacháin nó le díorthaigh ar urrúsacháin.

(c) maidir le hinnéacsanna agus tráinsí innéacs, beidh fritháireamh indéanta ar aibíochtaí sa chlann innéacs chéanna, sa tsraith innéacs chéanna agus sa tráinse innéacs céanna trí mhacasamhlú nó trí dhí-chomhdhéanamh; i gcás ina mbeidh na risíochtaí fadtéarmacha agus na risíochtaí gearrthéarmacha coibhéiseach, seachas comhpháirt iarmharach aonair, ceadófar fritháireamh agus léireoidh glanmhéid JTD an risíocht iarmharach.

(d) ní cheadófar tráinsí difriúla sa tsraith innéacs chéanna, i sraitheanna difriúla den innéacs céanna agus i gclanna innéacs difriúla a fhritháireamh ar a chéile.

*Airteagal 325ad*

**Na ceanglais chistí dílse i gcomhair priacal mainneachtana le haghaidh ACTP a ríomh**

1. Déanfar glanmhéideanna JTD a iolrú:

(a) i gcás táirgí i dtráinsí, faoi na hualuithe priacail mainneachtana atá comhfhreagrach lena gcáilíocht chreidmheasa mar a shainítear i mír (1) agus mír (2) d'Airteagal 325y;

(b) i gcás táirgí nach bhfuil i dtráinsí, na hualuithe priacail mainneachtana dá dtagraítear in Airteagal 325aa(1).

2. Déanfar glanmhéideanna priacal-ualaithe JTD a shannadh do bhuicéid a bhíonn comhfhreagrach le hinnéacs.

**▼M8**

3. Déanfar glanmhéideanna ualaithe JTD a chomhiomlánú le gach buicéad i gcomhréir leis an bhfoirmle seo a leanas:

$$DRC_b = \max \{ (\sum_{i \in \text{long}} RW_i \cdot \text{net JTD}_i) - WtS_{ACTP} \cdot (\sum_{i \in \text{short}} RW_i \cdot |\text{net JTD}_i|); 0 \}$$

nuair atá:

$DRC_b$  = an ceanglas cistí dílse maidir le priacalmaidir leis an bpriacal mainneachtana do bhuicéad b;

i = ionstraim atá i mbuicéad b; agus

$WtS_{ACTP}$  = an cóimheas lena n-aithnítear tairbhe maidir le gaolta fálaíthe laistigh de bhuicéad, a ríomhfar i gcomhréir leis an bhfoirmle  $WtS$  a leagtar amach in Airteagal 325y(4), ach trí úsáid a bhaint as suíomhanna fada agus gearra ar ACTP iomlán seachas ar na suíomhanna i mbuicéad ar leith amháin.

4. Déanfaidh institiúidí na ceanglais cistí dílse um phriacal mainneachtana le haghaidh ACTP a ríomh tríd an bhfoirmle seo a leanas a úsáid:

$$DRC_{ACTP} = \max \left\{ \sum_b (\max[DRC_b, 0] + 0,5 \cdot (\min[DRC_b, 0])); 0 \right\}$$

nuair:

$DRC_{ACTP}$  = na ceanglais cistí dílse um phriacal mainneachtana le haghaidh ACTP; agus

$DRC_b$  = na ceanglais cistí dílse um phriacal mainneachtana do bhuicéad b.

## Roinn 6

### Ualaithe priacail agus comhghaolta

#### Foirinn 1

### Ualaithe priacail deilte agus comhghaolta

#### Airteagal 325ae

### Ualaithe priacail do phriacal ráta úis ginearálta

1. Maidir le hairgeadraí nach n-áirítear i bhfochatagóir na n-airgeadraí is leachtaí dá dtagraítear i bpointe (b) d'Airteagal 325bd(7), déanfar ualaí priacail na n-iogaireachtaí ar na fachtóirí priacail ráta saor ó phriacal do gach buicéad i dTábla 3 a shonrú de bhun an ghnímh tharmhligthe dá dtagraítear in Airteagal 461a.

Tábla 3

Buicéad	Aibíocht
1	0,25 bliain
2	0,5 bliain
3	1 bhliain
4	2 bhliain
5	3 bliana
6	5 bliana

▼ **M8**

Buicéad	Aibíocht
7	10 mbliana
8	15 bliana
9	20 bliain
10	30 bliain

2. Déanfar comhualú priacail a shonrú, sa ghníomh tarmlichte dá dtagraítear in Airteagal 461a, do gach íogaireacht maidir le boilsciú agus do fhachtóirí priacail ar bhonn trasairgeadra araon.

3. Maidir leis na hairgeadraí san fhochatagóir airgeadra is leachtaí dá dtagraítear i bpointe (b) d'Airteagal 325bd(7) agus airgeadra intíre na hinstiúide, is éard a bheidh in ualaí priacail na rátaí priacail saor ó phriacal na hualaí priacail dá dtagraítear i dTábla 3 arna roinnt ar√2.

*Airteagal 325af***Comhghaolta laistigh de bhuicéad maidir le priacal ráta úis ginearálta**

1. An comhghaol idir dhá íogaireacht ualaithe ar na fachtóirí priacail ráta úis ginearálta WSk agus WSl laistigh den bhuicéad céanna, a bhfuil an aibíocht shannta chéanna acu ach a bhíonn comhfhreagrach le cuair dhifriúla, socrófar an comhghaol pkl sin ar 99,90 %.

2. An comhghaol idir dhá íogaireacht ualaithe ar na fachtóirí priacail ráta úis ginearálta WSk agus WSl laistigh den bhuicéad céanna, a bhíonn comhfhreagrach leis an gcuair céanna, ach a bhfuil aibíochtaí difriúla acu, socrófar an comhghaol sin i gcomhréir leis an bhfoirmle seo a leanas:

$$\max \left[ e^{(-\theta \cdot \frac{|T_k - T_l|}{\min\{T_k, T_l\}})}; 40 \% \right]$$

nuair atá:

$T_k$  ( $T_l$  faoi seach) = an aibíocht a bhaineann leis an ráta priacail saor ó phriacal;

$\theta$  = 3 %.

3. An comhghaol idir dhá íogaireacht ualaithe ar na fachtóirí priacail ráta úis ginearálta WSk agus WSl laistigh den bhuicéad céanna, atá comhfhreagrach le cuair dhifriúla agus a bhfuil aibíochtaí difriúla acu, beidh an comhghaol pkl sin cothrom leis an bparaiméadar comhghaoil mar a shainítear i mír 2 iolraithe faoi 99,90 %.

4. Socrófar ar 40 % an comhghaol idir aon íogaireacht ualaithe ar leith ar na fachtóirí priacail ráta úis ginearálta WSk agus aon íogaireacht ualaithe ar leith ar na fachtóirí priacail boilscithe WSl.

5. Socrófar ar 0 % an comhghaol idir aon íogaireacht ualaithe ar na fachtóirí ar bhonn trasairgeadra WSk agus aon íogaireacht ualaithe ar leith ar na fachtóirí priacail ráta úis ginearálta WSl, lena n-áirítear fachtóir priacail eile ar bhonn trasairgeadra.

## ▼M8

*Airteagal 325ag***Comhghaolta i mbuicéid difriúla i gcomhair priacail ráta úis ginearálta**

1. Déanfar an paraiméadar  $\gamma_{bc} = 50\%$  a úsáid chun fachtóirí priacail a bhaineann le buicéid éagsúla a chomhiomlánú.
2. Déanfar an paraiméadar  $\gamma_{bc} = 80\%$  a úsáid chun fachtóir priacail ráta úis bunaithe ar airgeadra dá dtagraítear in Airteagal 325av(3) agus fachtóir priacail ráta úis bunaithe ar an euro a chomhiomlánú.

*Airteagal 325ah***Ualuithe priacail i gcomhair an phriacail um raon difríochta creidmheasa le haghaidh neamhurrúsúcháin**

1. Is ionann na hualuithe priacail do na híogaireachtaí ar fhachtóirí priacail um raon difríochta creidmheasa (neamhurrúsúcháin) i dtaca le gach aibíocht (0,5 bliain, 1 bhliain, 3 bliana, 5 bliana, 10 mbliana) laistigh de gach buicéad i dTábla 4:

*Tábla 4*

Uimhir buicéid	Cáilíocht creidmheasa	Earnáil	Ualú priacail (pointí céatadáin)
1.	Uile	Rialtas láir, lena n-áirítear bainc ceannais, Ballstáit	0,50 %
2.	Céim cáilíochta creidmheasa 1 go 3	Rialtas láir, lena n-áirítear bainc ceannais, tríú tír, bainc forbartha iltaobhaí agus eagraíochtaí idirnáisiúnta dá dtagraítear in Airteagal 117(2) nó Airteagal 118	0,5 %
3.		Rialtais réigiúnacha, údaráis áitiúla agus eintitis earnála poiblí	1,0 %
4.		Eintitis san earnáil airgeadais, lena n-áirítear institiúidí creidmheasa atá ionchorpraithe nó bunaithe ag rialtas láir, rialtas réigiúnach nó údarás áitiúil nó iasachtóirí cur chun cinn	5,0 %
5.		Ábhair bhunúsacha, fuinneamh, scaireanna tionsclaíocha, talmhaíocht, monarú, mianadóireacht agus cairéalacht	3,0 %
6.		Earraí agus seirbhísí tomhaltais, iompar agus stóráil, gníomhaíocht seirbhíse tacaíochta agus riaracháin	3,0 %
7.		Teicneolaíocht, teileachumarsáid	2,0 %
8.		Cúram sláinte, fiontais, gníomhaíochtaí gairmiúla agus teicniúla	1,5 %
9.		Bannaí faoi chumhdach arna n-eisiúint ag institiúidí creidmheasa i mBallstáit	1,0 %
11.		Céim cáilíochta creidmheasa 4 go 6	Rialtas láir, lena n-áirítear bainc ceannais, tríú tír, bainc forbartha iltaobhaí agus eagraíochtaí idirnáisiúnta dá dtagraítear in Airteagal 117(2) nó in Airteagal 118
12.	Rialtais réigiúnacha, údaráis áitiúla agus eintitis earnála poiblí		4,0 %

## ▼ M8

Uimhir buicéid	Cáilíocht creidmheasa	Earnáil	Ualú priacail (pointí céatadáin)
13.		Eintitis san earnáil airgeadais, lena n-áirítear institiúidí creidmheasa atá ionchorpraithe nó bunaithe ag rialtas láir, rialtas réigiúnach nó údarás áitiúil nó iasachtóirí cur chun cinn	12,0 %
14.		Ábhair bhunúsacha, fuinneamh, scaireanna tionsclaíocha, talmhaíocht, monarú, mianadóireacht agus cairéalacht	7,0 %
15.		Earraí agus seirbhísí tomhaltais, iompar agus stóráil, gníomhaíocht seirbhíse tacaíochta agus riaracháin	8,5 %
16.		Teicneolaíocht, teileachumarsáid	5,5 %
17.		Cúram sláinte, fónais, gníomhaíochtaí gairmiúla agus teicniúla	5,0 %
18.	Earnáil eile		12,0 %

2. Chun risíocht ar phriacal á sannadh d'earnáil, braithfidh institiúidí ar aicmiú a úsáidtear go coitianta sa mhargadh chun eisitheoirí a ghrúpáil de réir earnála. Déanfaidh institiúidí gach eisitheoir a shannadh do cheann amháin de na buicéid earnála i dTábla 4. Risíochtaí ar phriacal ó eisitheoir ar bith nach féidir le hinstitiúid a shannadh d'earnáil ar leith ar an gcaoi sin, déanfar na risíochtaí sin a shannadh do bhuicéad 18 i dTábla 4.

*Airteagal 325a***Comhghaolta laistigh de bhuicéad maidir le priacal um raon difríochta creidmheasa le haghaidh neamhurrúsúchán**

1. Socrófar an paraiméadar comhghaoil  $\rho_{kl}$ , idir dhá íogaireacht WS<sup>“k”</sup> agus WS<sup>“l”</sup> laistigh den bhuicéad céanna, mar a leanas:

$$\rho_{kl} = \rho_{kl}^{(\text{name})} \cdot \rho_{kl}^{(\text{tenor})} \cdot \rho_{kl}^{(\text{basis})}$$

nuair:

beidh  $\rho_{kl}^{(\text{name})}$  cothrom le 1 i gcás inarb ionann an dá ainm de chuid íogaireachtaí k agus l, agus 35 % i gcásanna eile;

beidh  $\rho_{kl}^{(\text{tenor})}$  cothrom le 1 i gcás inarb ionann an dá rinn de chuid íogaireachtaí k agus l, agus 65 % i gcásanna eile;

$\rho_{kl}^{(\text{basis})}$  cothrom le 1 i gcás ina mbaineann an dá íogaireacht leis na cuair chéanna, agus 99,90 % i gcásanna eile.

2. Ní bheid feidhm ag na paraiméadair comhghaoil dá dtagraítear i mír 1 den Airteagal seo maidir le buicéad 18 i dTábla 4 de Airteagal 325a(1). Beidh an ceanglas caipitil maidir leis an bhfoirmle comhiomlánaithe priacail deilte cothrom le suim luachanna absalóideacha na nglaníogaireachtaí ualaithe a leithdháiltear ar an mbuicéad sin:

$$K_{b(\text{buicéad } 18)} = \sum_k |WS_k|$$

## ▼M8

*Airteagal 325aj***Comhghaolta i mbuicéid difriúla i gcomhair priacail um raon difríochta creidmheasa le haghaidh neamhurrúsúchán**

Déanfar an paraiméadar comhghaoil  $\gamma_{bc}$  a bhfuil feidhm aige maidir le comhiomlánú na n-íogaireachtaí idir buicéid dhifriúla a shocrú mar a leanas:

$$\gamma_{bc} = \gamma_{bc}^{(\text{rating})} \gamma_{bc}^{(\text{sector})}$$

agus is amhlaidh an méid a leanas:

beidh  $\gamma_{bc}^{(\text{rating})}$  cothrom le 1 i gcás ina bhfuil an catagóir cáilíochta creidmheasa ag an dá bhuicéad sin (céim cáilíochta creidmheasa 1 go 3 nó céim cáilíochta creidmheasa 4 go 6 den cháilíocht chreidmheasa), agus 50 % i gcásanna eile. Chun críocha an ríomha sin, measfar go mbeidh an catagóir cáilíochta creidmheasa chéanna ag buicéad 1 agus atá ag buicéid a bhfuil céim cáilíochta creidmheasa 1 go 3 acu; agus

beidh  $\gamma_{bc}^{(\text{sector})}$  cothrom le 1 i gcás ina bhfuil an dá bhuicéad san earnáil chéanna, agus leis na céatadáin chomhfhreagracha a leagtar amach i dTábla 5 i gcásanna eile:

*Tábla 5*

Buicéad	1, 2 agus 11	3 agus 12	4 agus 13	5 agus 14	6 agus 15	7 agus 16	8 agus 17	9
1, 2 agus 11		75 %	10 %	20 %	25 %	20 %	15 %	10 %
3 agus 12			5 %	15 %	20 %	15 %	10 %	10 %
4 agus 13				5 %	15 %	20 %	5 %	20 %
5 agus 14					20 %	25 %	5 %	5 %
6 agus 15						25 %	5 %	15 %
7 agus 16							5 %	20 %
8 agus 17								5 %
9								—

*Airteagal 325ak***Ualuithe priacail i gcomhair urrúsúcháin phriacail um raon difríochta creidmheasa a áirítear i ACTP**

Is ionann na hualuithe priacail do na híogaireachtaí ar fhachtóirí priacail um raon difríochta creidmheasa le haghaidh urrúsúchán a áirítear i ACTP i dtaca le gach aibíocht (0,5 bliain, 1 bhliain, 3 bliana, 5 bliana, 10 mbliana) laistigh de gach buicéad agus sonrúfar iad do gach buicéad i dTábla 6 de bhun an ghnímh tharmligthe dá dtagraítear in Airteagal 461a:

*Tábla 6*

Uimhir buicéid	Cáilíocht creidmheasa	Earnáil
1	Uile	Rialtas láir, lena n-áirítear bainc ceannais, de chuid na mBallstát
2	Céim cáilíochta creidmheasa 1 go 3	Rialtas láir, lena n-áirítear bainc ceannais, tríú tír, bainc forbartha iltaobhaí agus eagraíochtaí idirnáisiúnta dá dtagraítear in Airteagal 117(2) nó in Airteagal 118
3		Rialtais réigiúnacha, údaráis áitiúla agus eintitis earnála poiblí

## ▼M8

Uimhir buicéid	Cáilíocht creidmheasa	Earnáil	
4		Eintitis san earnáil airgeadais, lena n-áirítear institiúidí creidmheasa atá ionchorpraithe nó bunaithe ag rialtas láir, rialtas réigiúnach nó údarás áitiúil nó iasachtóirí cur chun cinn	
5		Ábhair bhunúsacha, fuinneamh, scaireanna tionsclaíocha, talmhaíocht, monarú, mianadóireacht agus cairéalacht	
6		Earraí agus seirbhísí tomhaltais, iompar agus stóráil, gníomhaíocht seirbhíse tacaíochta agus riaracháin	
7		Teicneolaíocht, teileachumarsáid	
8		Cúram sláinte, fónais, gníomhaíochtaí gairmiúla agus teicniúla	
9		Bannaí faoi chumhdach arna n-eisiúint ag institiúidí creidmheasa i mBallstáit	
10		Bannaí faoi chumhdach arna n-eisiúint ag institiúidí creidmheasa i dtríú tíortha	
11		Céim cáilíochta creidmheasa 4 go 6	Rialtas láir, lena n-áirítear bainc ceannais, tríú tír, bainc forbartha iltaobhaí agus eagraíochtaí idirnáisiúnta dá dtagraítear in Airteagal 117(2) nó Airteagal 118
12			Rialtais réigiúnacha, údarás áitiúla agus eintitis earnála poiblí
13			Eintitis san earnáil airgeadais, lena n-áirítear institiúidí creidmheasa atá ionchorpraithe nó bunaithe ag rialtas láir, rialtas réigiúnach nó údarás áitiúil nó iasachtóirí cur chun cinn
14	Ábhair bhunúsacha, fuinneamh, scaireanna tionsclaíocha, talmhaíocht, monarú, mianadóireacht agus cairéalacht		
15		Earraí agus seirbhísí tomhaltais, iompar agus stóráil, gníomhaíocht seirbhíse tacaíochta agus riaracháin	
16		Teicneolaíocht, teileachumarsáid	
17		Cúram sláinte, fónais, gníomhaíochtaí gairmiúla agus teicniúla	
18	Earnáil eile		

*Airteagal 325al***Comhghaolta i gcomhair urrúsúcháin phriacaíl raon difríochta creidmheasa a áirítear i ACTP**

1. Déanfar comhghaol priacaíl deilte  $\rho_{kl}$  a dhíorthú i gcomhréir le hAirteagal 325ai, ach amháin go mbeidh  $1 \rho_{kl}^{(basis)}$ , chun críocha na míre seo, cothrom le 1 i gcás ina mbaineann an dá íogaireacht leis na cuair chéanna, agus cothrom le 99,90 % i gcásanna eile.

2. Déanfar an comhghaol  $\gamma_{bc}$  a dhíorthú i gcomhréir le hAirteagal 325aj.

## ▼M8

*Airteagal 325am***Ualuithe priacail i gcomhair urrúsúcháin phriacail raon difríochta creidmheasa nach n-áirítear i ACTP**

1. Is ionann na hualuithe priacail do na híogaireachtaí ar fhachtóirí priacail um raon difríochta creidmheasa le haghaidh hurrúsúchán nach n-áirítear i ACTP i dtaca le gach aibíocht (0,5 bliain, 1 bhliain, 3 bliana, 5 bliana, 10 mbliana) laistigh de gach buicéad i dTábla 7 agus sonrófáir iad do gach buicéad i dTábla 7 de bhun an ghnímh tharmligthe dá dtagraítear in Airteagal 461a:

*Tábla 7*

Uimhir buicéid	Cáilíocht creidmheasa	Earnáil
1	Céim cáilíochta sinsear agus creidmheasa 1 go 3	RMBS - Príomha
2		RMBS - Meán-Phríomha
3		RMBS - Fo-Phríomha
4		CMBS
5		Urrús de bhun sócmhainní (ABS) — Iasachtaí do mhic léinn
6		ABS - Cártaí creidmheasa
7		ABS - Mótár
8		Oibleagáidí iasachta comhthaobhaithe (CLO) nach mbaineann le ACTP
9	Céim cáilíochta neamhshinsear agus creidmheasa 1 go 3	RMBS - Príomha
10		RMBS - Meán-Phríomha
11		RMBS - Fo-Phríomha
12		CMBS
13		ABS - Iasachtaí do mhic léinn
14		ABS - Cártaí creidmheasa
15		ABS - Mótár
16		Oibleagáidí iasachta nach mbaineann le ACTP atá comhthaobhaithe
17	Céim cáilíochta creidmheasa 4 go 6	RMBS - Príomha
18		RMBS - Meán-Phríomha
19		RMBS - Fo-Phríomha
20		CMBS
21		ABS - Iasachtaí do mhic léinn
22		ABS - Cártaí creidmheasa
23		ABS - Mótár
24		CLO nach mbaineann le ACTP
25	Earnáil eile	



## ▼M8

2. Chun risíocht ar phriacal á sannadh d'earnáil, braithfidh institiúidí ar aicmiú a úsáidtear go coitianta sa mhargadh chun eisitheoirí a ghrúpáil de réir earnála. Déanfaidh institiúidí gach tráinse a shannadh do cheann amháin de na buicéid earnála i dTábla 7. Risíochtaí ar phriacal ó thráinse ar bith nach féidir le hinstitiúid a shannadh d'earnáil ar leith ar an gcaoi sin, déanfar na risíochtaí sin a shannadh do bhuicéad 25.

*Airteagal 325an***Comhghaolta laistigh de bhuicéad i gcomhair urrúsúcháin phriacail raon difríochta creidmheasa nach n-áirítear i ACTP**

1. Idir dhá íogaireacht WS<sup>k</sup> agus WS<sup>l</sup> laistigh den bhuicéad céanna, socrófar an paraiméadar comhghaoil  $\rho_{kl}$  mar a leanas:

$$\rho_{kl} = \rho_{kl}^{(\text{tranche})} \cdot \rho_{kl}^{(\text{tenor})} \cdot \rho_{kl}^{(\text{basis})}$$

nuair is amhlaidh an méid a leanas:

beidh  $\rho_{kl}^{(\text{tranche})}$  cothrom le 1 i gcás ina bhfuil an dá ainm de chuid íogaireachtaí k agus l laistigh den bhuicéad céanna agus ina mbaineann siad leis an tráinse céanna urrúsúcháin (níos mó ná 80 % d'fhorluí i dtéarmaí barúlacha) agus cothrom le 40 % i gcásanna eile;

beidh  $\rho_{kl}^{(\text{tenor})}$  cothrom le 1 i gcás inarb ionann an dá rinn de chuid íogaireachtaí k agus l, agus cothrom le 80 % i gcásanna eile; agus

beidh  $\rho_{kl}^{(\text{basis})}$  cothrom le 1 i gcás ina mbaineann an dá íogaireacht leis na cuair chéanna, agus cothrom le 99,90 % i gcásanna eile.

2. Ní bheidh feidhm ag na paraiméadair chomhghaoil dá dtagraítear i mír 1 maidir le buicéad 25 i dTábla 7 d'Airteagal 325am(1). Beidh an ceanglas cistí dílse maidir leis an bhfoirmle chomhiomlánaithe priacail deilte laistigh de bhuicéad 25 cothrom le suim luachanna absalóideacha na nglaníogaireachtaí ualaithe a leithdháilfear ar an mbuicéad sin:

$$K_{b(\text{buiicéad } 25)} = \sum_k |WS_k|$$

*Airteagal 325ao***Comhghaolta i mbuicéid dhifriúla i gcomhair urrúsúcháin phriacail raon difríochta creidmheasa nach n-áirítear i ACTP**

1. Beidh feidhm ag an bparaiméadar comhghaoil  $\gamma_{bc}$  maidir le comhiomlánú na n-íogaireachtaí idir buicéid dhifriúla agus déanfar é a shocrú ag 0 %.

2. Suimeofar an ceanglas cistí dílse do bhuicéad 25 leis an gcaipiteal oll-leibhéal aicme phriacail, gan aon éagsúlú nó éifeachtaí fálaith le buicéad ar bith eile a aithint.

*Airteagal 325ap***Ualuithe priacail i gcomhair priacal cothromais**

1. Déanfar na hualuithe priacail do na híogaireachtaí ar fhachtóirí priacail maidir le rátaí cothromais agus rátaí athcheannaigh cothromais a shonrú do gach buicéad i dTábla 8 de bhun an ghníomh tharmligthe dá dtagraítear in Airteagal 461a:

## ▼M8

Tábla 8

Uimhir buicéid	Caipitliú margaidh	An Geilleagar	Earnáil
1	Mór	Geilleagar margaidh i mbéal forbartha	Earraí agus seirbhísí tomhaltais, iompar agus stóráil, gníomhaíochtaí seirbhíse tacaíochta agus riaracháin, cúram sláinte, fónais
2			Teileachumarsáid, scaireanna tionsclaíocha
3			Ábhair bhunúsacha, fuinneamh, talmhaíocht, monarú, mianadóireacht agus cairéalacht
4			Scaireanna airgeadais lena n-áirítear scaireanna airgeadais le taca rialtais, gníomhaíochtaí réadmhaoine, teicneolaíocht
5		Geilleagar sárfhorbartha	Earraí agus seirbhísí tomhaltais, iompar agus stóráil, gníomhaíochtaí seirbhíse tacaíochta agus riaracháin, cúram sláinte, fónais
6			Teileachumarsáid, scaireanna tionsclaíocha
7			Ábhair bhunúsacha, fuinneamh, talmhaíocht, monarú, mianadóireacht agus cairéalacht
8			Scaireanna airgeadais lena n-áirítear scaireanna airgeadais le taca rialtais, gníomhaíochtaí réadmhaoine, teicneolaíocht
9	Beag	Geilleagar margaidh i mbéal forbartha	Na hearnálacha go léir a thuairiscítear faoi bhuicéid uimhir 1, 2, 3 agus 4
10		Geilleagar sárfhorbartha	Na hearnálacha go léir a thuairiscítear faoi bhuicéid uimhir 5, 6, 7 agus 8
11	Earnáil eile		

2. Chun críocha an Airteagail seo, sonrú na caighdeáin theicniúla rialála dá dtagraítear in Airteagal 325bd(7) céard is caipitliú margaidh beag agus céard is caipitliú margaidh mór ann.

3. Chun críocha an Airteagail seo, déanfaidh ÚBE dréachtchaighdeáin rialála theicniúla a cheapadh lena shonrú céard is geilleagar i mbéal forbartha agus céard is geilleagar lánforbartha ann.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoi cheann 28 Meitheamh 2021.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

## ▼M8

4. Agus risíocht ar phriacal á sannadh d'earnáil acu, braithfidh institiúidí ar aicmiú a úsáidtear go coitianta sa mhargadh chun eisitheoirí a ghrúpáil de réir earnála. Déanfaidh institiúidí gach eisitheoir a shannadh do cheann amháin de na buicéid earnála i dTábla 8, agus déanfaidh siad na heisitheoirí uile de chuid an tionscail chéanna a shannadh ar an earnáil chéanna. Risíochtaí ar phriacal ó eisitheoir ar bith nach féidir le hinstitiúid a shannadh d'earnáil ar leith ar an gcaoi sin, déanfar na risíochtaí sin a shannadh do bhuicéad 11 i dTábla 8. Déanfar eisitheoirí ilnáisiúnta nó il-earnála a shannadh do bhuicéad ar leith ar bhonn an réigiúin is mó lena mbaineann agus na hearnála ina n-oibríonn an t-eisitheoir cothromais.

*Airteagal 325aq***Comhghaolta laistigh de bhuicéad i gcomhair priacail cothromais**

1. Déanfar paraiméadar comhghaoil priacail deilte  $\rho_{kl}$  idir dhá íogaireacht  $WS^k$  agus  $WS^l$  laistigh den bhuicéad céanna a shocrú ag 99,00 %, i gcás ina bhfuil ceann amháin ina híogaireacht ar spotphraghas cothromais agus ina bhfuil an ceann eile ina híogaireacht ar ráta athcheannaigh cothromais, i gcás ina mbaineann an dá cheann leis an ainm eisitheora cothromais céanna.

2. I gcásanna eile seachas na cásanna dá dtagraítear i mír 1, déanfar an paraiméadar comhghaoil  $\rho_{kl}$  idir dhá íogaireacht  $WS^k$  agus  $WS^l$  ar spotphraghas cothromais laistigh den bhuicéad céanna a shocrú mar a leanas:

- (a) 15 % idir dhá íogaireacht laistigh den bhuicéad céanna a thagann faoin gcatagóir do chaipitliú margaidh mór, eacnamaíocht margaidh i mbéal forbartha (bhuicéad 1, 2, 3, nó 4);
- (b) 25 % idir dhá íogaireacht laistigh den bhuicéad céanna a thagann faoin gcatagóir do chaipitliú margaidh mór, geilleagar sárforbartha (bhuicéad 5, 6, 7, nó 8);
- (c) 7,5 % idir dhá íogaireacht laistigh den bhuicéad céanna a thagann faoin gcatagóir do chaipitliú margaidh beag, eacnamaíocht margaidh i mbéal forbartha (bhuicéad 9);
- (d) 12,5 % idir dhá íogaireacht laistigh den bhuicéad céanna a thagann faoin gcatagóir do chaipitliú margaidh beag, geilleagar sárforbartha (bhuicéad 10).

3. Déanfar an paraiméadar comhghaoil  $\rho_{kl}$  idir dhá íogaireacht  $WS_k$  agus  $WS_l$  ar ráta athcheannaigh cothromais laistigh den bhuicéad céanna a shocrú i gcomhréir le mír 2.

4. Idir dhá íogaireacht  $WS_k$  agus  $WS_l$  laistigh den bhuicéad céanna i gcás inar íogaireacht ar spotphraghas cothromais ceann amháin agus inar íogaireacht ar ráta athcheannaigh cothromais an ceann eile agus ina mbaineann an dá íogaireacht le hainm eisitheora cothromais difriúil, socrófar an paraiméadar comhghaoil  $\rho_{kl}$  ag na paraiméadair chomhghaoil a shonraítear i mír 2, iolraithe faoi 99,90 %.

5. Ní bheidh feidhm ag na paraiméadair chomhghaoil a shonraítear i mír 1 go mír 4 maidir le buicéad 11. Beidh an ceanglas caipitil maidir leis an bhfoirmle chomhiomlánaithe phriacail deilte laistigh de bhuicéad 11 cothrom le suim luachanna absalóideacha na nglaníogaireachtaí ualaithe a leithdháiltear ar an mbuicéad sin:

$$K_{b(\text{bucket } 11)} = \sum_k |WS_k|$$

▼ **M8***Airteagal 325ar***Comhghaolta i mbuicéid dhifriúla i gcomhair priacal cothromais**

Beidh feidhm ag an bparaiméadar comhghaoil  $\gamma_{bc}$  maidir le comhiomlánú na n-íogaireachtaí idir buicéid dhifriúla. Socrófar é ag 15 % i gcás inar buicéid as measc na gcinn dar uimhir 1 go 10 an dá bhuicéad sin.

*Airteagal 325as***Ualuithe priacail i gcomhair priacal tráchtearraí**

Déanfar na hualuithe priacail do na híogaireachtaí ar fhachtóirí priacail tráchtearraí a shonrú do gach buicéad i dTábla 9 de bhun an ghnímh tharmligthe dá dtagraítear in Airteagal 461a:

*Tábla 9*

Uimhir buicéid	Ainm buicéid
1	Fuinneamh - ábhair indóite sholadacha
2	Fuinneamh – ábhair indóite leachtacha
3	Fuinneamh - leictreachas agus carbóin a thrádáil
4	Lasta
5	Miotail – neamhlómhar
6	Ábhair indóite gásacha
7	Miotail lómhara (lena n-áirítear ór)
8	Gráin agus olashíol
9	Beostoc agus déiríocht
10	Táirgí boga agus táirgí talmhaíochta eile
11	Táirgí tráchtearraí eile

*Airteagal 325at***Comhghaolta laistigh de bhuicéad i gcomhair priacail tráchtearraí**

1. Chun críocha an Airteagail seo, measfar gur tráchtearraí éagsúla aon dá thráchtearra i gcás inarb ann ar an margadh dhá chonradh nach bhfuil de dhifear eatarthu ach an tráchtearra foluiteach a bheidh le seachadadh in aghaidh gach conartha acu.

2. Socrófar an paraiméadar comhghaoil  $\rho_{kl}$ , idir dhá íogaireacht  $WS_k$  agus  $WS_l$  laistigh den bhuicéad céanna, mar a leanas:

$$\rho_{kl} = \rho_{kl}^{(\text{commodity})} \cdot \rho_{kl}^{(\text{tenor})} \cdot \rho_{kl}^{(\text{basis})}$$

nuair is amhlaidh an méid a leanas:

beidh  $\rho_{kl}^{(\text{commodity})}$  cothrom le 1 i gcás inarb ionann an dá thráchtearra de chuid íogaireachtaí k agus l, agus beidh sé cothrom leis na comhghaoil laistigh de bhuicéad i dTábla 10 i gcásanna eile;

**▼M8**

beidh  $\rho_{kl}^{(\text{tenor})}$  cothrom le 1 i gcás inarb ionann an dá rinn de chuid íogaireachtaí k agus l, agus cothrom le 99 % i gcásanna eile; agus

$\rho_{kl}^{(\text{basis})}$  cothrom le 1 i gcás gurb ionann suíomh seachadta thráchtearra an dá íogaireacht, agus cothrom le 99,90 % i gcásanna eile.

3. Is éard atá sna comhghaoil laistigh de bhuicéad  $\rho_{kl}$  (commodity) ná:

*Tábla 10*

Uimhir Buicéid	Ainm Buicéid	Comhghaolú $\rho_{kl}$ (commodity)
1	Fuinneamh - ábhair indóite sholadacha	55 %
2	Fuinneamh – ábhair indóite leachtacha	95 %
3	Fuinneamh - leictreachas agus carbóin a thrádáil	40 %
4	Lasta	80 %
5	Miotail – neamhlómhar	60 %
6	Ábhair indóite gásacha	65 %
7	Miotail lómhara (lena n-áirítear ór)	55 %
8	Gráin agus olashíol	45 %
9	Beostoc agus déiríocht	15 %
10	Táirgí boga agus táirgí talmhaíochta eile	40 %
11	Táirgí tráchtearraí eile	15 %

4. In ainneoin mhír 1, beidh feidhm ag na forálacha seo a leanas:

- Measfar gur fachtóirí priacail tráchtearraí ar leithligh iad dhá fhachtóir priacail a leithdháiltear ar bhuicéad 3 i dTábla 10 agus a bhaineann le leictreachas a ghintear i réigiúin éagsúla nó a sheachadtar ag tréimhsí ama éagsúla faoin gcomhaontú conarthach;
- Measfar gur fachtóirí priacail tráchtearraí ar leithligh iad dhá fhachtóir priacail a leithdháiltear ar bhuicéad 4 i dTábla 10 agus a bhaineann le lasta i gcás ina mbíonn difríocht maidir lena mbealach lasta nó lena seachtain seachadta.

*Airteagal 325au*

**Comhghaolta i mbuicéid difriúla i gcomhair priacal tráchtearraí**

Déanfar an paraiméadar comhghaoil  $\gamma_{bc}$  a bhfuil feidhm aige maidir le comhiomlánú íogaireachtaí idir buicéid dhifriúla a shocrú é ag:

- 20 % i gcás inarb buicéid as measc na gcinn dar uimhir 1 go 10 an dá bhuicéad sin;
- 0 % i gcás inarb é buicéad 11 ceachtar den dá bhuicéad sin.

## ▼M8

*Airteagal 325av***Ualáí priacail maidir le priacal malairte eachtraí**

1. Déanfar an t-ualú priacail do gach íogaireacht ar fhachtóirí priacail malairte eachtraí a shonrú sa ghníomh tarmligthe dá dtagraítear in Airteagal 461a.

2. Is éard a bheidh in ualú priacail na bhfachtóirí priacail malairte eachtraí maidir le péirí airgeadraí atá comhdhéanta den euro agus d'airgeadra Ballstáit atá páirteach i meicníocht an ráta malairte (MRM II), arb é sin an dara céim den aontas eacnamaíoch agus airgeadaíochta, ceann de na hualuithe seo a leanas:

- (a) an t-ualú priacail dá dtagraítear i mír 1 roinnte ar 3;
- (b) an uasluaineacht laistigh den bhanda luaineachta a chomhaontaigh an Ballstát agus an Banc Ceannais Eorpach go foirmiúil i gcás ina bhfuil an banda luaineachta sin níos cúinge ná an banda luaineachta a shainítear faoi MRM II.

3. In ainneoin mhír 2, maidir le hualú priacail na bhfachtóirí priacail malairte eachtraí a bhaineann le hairgeadraí dá dtagraítear i mír 2 atá rannpháirteach in MRM II agus ag a mbeidh banda luaineachta, a comhaontaíodh go foirmiúil, a bheidh níos cúinge ná an banda caighdeánach (is é sin móide nó lúide 15 %), beidh sé comhionann le céatadán uasta na luaineachta laistigh den bhanda is cúinge sin.

4. Is éard a bheidh in ualú priacail na bhfachtóirí priacail malairte eachtraí a chuimsítear san fhochatagóir péirí airgeadraí is leachtaí dá dtagraítear i bpointe (c) de 325bd(7) an t-ualú priacail dá dtagraítear i mír 1 den Airteagal seo roinnte ar  $\sqrt{2}$ .

5. I gcás ina léirítear le sonraí ráta malairte laethúil na dtrí bliana roimhe sin gur péire tairiseach é péire airgeadraí atá comhdhéanta den Euro agus d'airgeadra Ballstáit nach Euro é an t-airgeadra sin, agus go bhféadfaidh an institiúid sin raon tairisceana is atairisceana nialais a bhaint amach i gcónaí i leith gach trádála faoi seach a bhaineann leis an bpéire airgeadra sin, féadfaidh an institiúid, ar choinníoll go bhfaighidh sí cead sainráite óna húdaráis inniúil, an t-ualú priacail dá dtagraítear i mír 1 a chur i bhfeidhm roinnte ar 2.

*Airteagal 325aw***Comhghaolta maidir le priacal malairte eachtraí**

Beidh feidhm ag paraiméadar comhghaoil aonfhoirmeach  $\gamma_{bc}$  ar cothrom é 60 % maidir le comhiomlánú na n-íogaireachtaí ar fhachtóirí priacail malairte eachtraí.

## F o r o i n n 2

**Ualáí priacail cuaire agus vega agus comhghaolta***Airteagal 325ax***Ualuithe priacail cuaire agus vega**

1. Bainfidh fachtóirí priacail vega úsáid as na buicéid deilte dá dtagraítear i bhforoinn 1.

## ▼M8

2. Déanfar an t-ualú priacail i gcomhair fachtóir priacail vega k ar leith a mheas mar sciar de luach reatha an fhachtóra phriacail sin k, lena léirítear luaineacht intuigthe ionstraime foluití, mar a thuairiscítear i Roinn 3.

3. Déanfar an sciar dá dtagraítear i mír 2 a bheith ag brath ar leachtacht intuigthe gach cineál fachtóra priacail i gcomhréir leis an bhfoirmle seo a leanas:

$$RW_k = (\text{Luach fachtóir priacail } k) \cdot \min \left\{ RW_\sigma \cdot \frac{\sqrt{LH_{\text{aicme priacail}}}}{\sqrt{10}}; 100 \% \right\}$$

nuair:

$RW_k$  = an t-ualú priacail i gcomhair fachtóir priacail vega k;

déanfar  $RW_\sigma$  a shocrú ag 55 %; agus

is é  $LH_{(\text{risk class})}$  an tréimhse leachtachta rialála a bheidh le leagan síos agus gach fachtóir priacail vega k á chinneadh. Cinntear  $LH_{(\text{risk class})}$  i gcomhréir leis an tábla seo a leanas:

Tábla 11

Aicme phriacail	$LH_{\text{risk class}}$
GIRR	60
CSR neamhurrúsúcháin	120
CSR urrúsúcháin (ACTP)(ACTP)	120
CSR urrúsúcháin (nach mbaineann le ACTP)	120
Cothromas (caidhp mhór)	20
Cothromas (caidhp bheag)	60
Tráchtarra	120
Malairt eachtrach	40

4. Déanfar buicéid a úsáidtear i gcomhthéacs priacail deilte i bhForoinn 1 a úsáid sa chomhthéacs priacail chuair mura shonraítear a mhálairt sa Chaibidil seo.

5. Maidir le fachtóirí priacail chuair cothromais agus malairte eachtraí, is éard a bheidh sna hualaithe priacail chuair athruithe coibhéiseacha cothrom leis na hualaí priacail deilte dá dtagraítear i bhForoinn 1.

6. Maidir le fachtóirí priacail cuair tráchtarraí, raon difríochta creidmheasa nó ráta úis ginearálta, is éard a bheidh san ualú priacail cuair athruithe comhthreomhara na reann go léir maidir le gach cuair ar bhonn an ualaithe priacail deilte is airde dá dtagraítear i bhForoinn 1 maidir leis an aicme phriacail ábhartha.

*Airteagal 325a*

**Comhghaolta priacail cuair agus vega**

1. Idir iogaireachtaí ar phriacail vega laistigh den bhucéad céanna den phriacail ráta úis ginearálta (RRUG), déanfar an paraiméadar rkl a shocrú mar a leanas:

▼ **M8**

$$\rho_{kl} = \min\{\rho_{kl}^{(\text{option maturity})} \cdot \rho_{kl}^{(\text{underlying maturity})}; 1\}$$

nuair:

beidh  $\rho_{kl}^{(\text{option maturity})}$  cothrom le  $e^{-\alpha \cdot \frac{|T_k - T_l|}{\min\{T_k, T_l\}}}$  i gcás ina socrófar  $\alpha$  ag 1 %, beidh  $T_k$  agus  $T_l$  cothrom le haibíochtaí na gcéadroghanna dá ndíorthaítear iogaireachtaí vega, arna sloinneadh mar líon blianta; agus

beidh  $\rho_{kl}^{(\text{underlying maturity})}$  cothrom le  $e^{-\alpha \cdot \frac{|T_k^U - T_l^U|}{\min\{T_k^U, T_l^U\}}}$ , i gcás ina bhfuil  $\alpha$  socraithe ar 1 %, beidh  $T_k^U$  agus  $T_l^U$  cothrom le haibíochtaí ionstraimí foluiteacha na gcéadroghanna dá ndíorthaítear iogaireachtaí vega, lúide aibíochtaí na gcéadroghanna comhfhreagracha, sloinnte sa dá chás mar líon blianta.

2. Idir iogaireachtaí ar phriacal vega laistigh de bhuicéad de na haicmí priacail eile, déanfar an paraiméadar comhghaoil  $\rho_{kl}$  a shocrú mar a leanas:

$$\rho_{kl} = \min\{\rho_{kl}^{(\text{DELTA})} \cdot \rho_{kl}^{(\text{option maturity})}; 1\}$$

nuair:

beidh  $\rho_{kl}^{(\text{DELTA})}$  cothrom leis an gcomhghaoil deilte laistigh de bhuicéad a bhíonn cothrom leis an mbuicéad dá sannfaí fachtóirí priacail vega  $k$  agus  $l$ ; agus

déanfar  $\rho_{kl}^{(\text{option maturity})}$  a shocrú i gcomhréir le mír 1.

3. Maidir le híogaireachtaí priacail vega idir buicéid laistigh d'aicme phriacail (GIRR agus neamh-GIRR), déanfar na paraiméadair comhghaoil chéanna i gcomhair  $\gamma_{bc}$ , mar a shonraítear maidir le comhghaoil deilte i gcomhair gach aicme phriacail i Roinn 4, a úsáid i gcomhthéacs an phriacail vega.

4. Ní aithneofar aon tairbhe éagsúlaithe nó fáilaithe sa chur chuige caighdeánaithe idir fachtóirí priacail vega agus fachtóirí priacail deilte. Déanfar muirir phriacail vega agus muirir phriacail deilte a chomhiomlánú trí mhodh an tsuimithe shimplí.

5. Is éard a bheidh sna comhghaoil cuaire líon cearnaithe na gcomhghaoil priacail deilte comhfhreagracha  $\rho_{kl}$  agus  $\gamma_{bc}$  dá dtagraítear i bhForoinn 1.

*CAIBIDIL 1B*

*An cur chuige malartach samhla inmheánaí*

Roinn 1

**Cead agus ceanglais cistí dílse**

*Airteagal 325az*

**Cur chuige na samhla inmheánaí malartaí agus cead samhlacha inmheánacha malartacha a úsáid**

1. Níor cheart cur chuige na samhla inmheánaí malartaí mar a leagtar amach sa Chaibidil seo a úsáid ach amháin chun críocha an cheanglais tuairiscithe a leagtar síos in Airteagal 430b(3).



## ▼M8

2. Tar éis dóibh a fhíorú gur chomhlíon na hinstitiúidí na ceanglais a leagtar amach in Airteagail 325bh, 325bi agus 325bj, ceadóidh údaráis inniúla d'institiúidí a gceanglais cistí dílse féin do phunann na suíomhanna go léir arna sannadh do dheasca trádála a ríomh trí úsáid a bhaint as a samhlacha inmheánacha i gcomhréir le hAirteagal 325ba, ar choinníoll go gcomhlíonfar na ceanglais uile seo a leanas:

- (a) bunaíodh na deasca trádála i gcomhréir le hAirteagal 104b;
- (b) tá sé mínithe ag an institiúid don údarás inniúil cad chuige ar chuimsigh sí deasca trádála i raon feidhme chur chuige na samhla inmheánaí malartaí;
- (c) tá na ceanglais chúlástála dá dtagraítear in Airteagal 325bf(3) comhlíonta ag na deasca trádála don bhliain roimhe sin;
- (d) tá tuarascáil tugtha ag an institiúid dá húdaráis inniúla maidir le torthaí cheanglas shannadh na mbrabús agus na gcaillteanas ('sannadh B&C') le haghaidh na ndeasca trádála a leagtar amach in Airteagal 325bg;
- (e) maidir le deasca trádála ar sannadh ceann amháin de na suíomhanna leabhair trádála dá dtagraítear in Airteagal 325bl, comhlíonann na deasca trádála na ceanglais a leagtar amach in Airteagal 325bm maidir leis an tsamhail phriacail mainneachtana inmheánach;
- (f) níor sannadh aon suíomhanna urrúsúcháin ná aon suíomhanna ath-urrúsúcháin do na deasca trádála.

Chun críocha phointe (b) den chéad fhomhír den mhír seo, ní bheidh sé ina dhreasacht gan deasca trádála a chuimsiú i raon feidhme chur chuige na samhla inmheánaí malartaí go mbeadh an ceanglas cistí dílse arna ríomh faoin gcur chuige malartach caighdeánaithe a leagtar amach i bpointe (a) d'Airteagal 325(3) níos ísle ná an ceanglas cistí dílse arna ríomh faoi chur chuige na samhla inmheánaí malartaí;

3. Institiúidí a fuair cead cur chuige na samhla inmheánaí malartaí a úsáid, tabharfaidh siad tuairisc do na húdaráis inniúla i gcomhréir le hAirteagal 430b(3).

4. Tabharfaidh institiúid dar tugadh an cead dá dtagraítear i mír 2 a fôgra gan mhoill dá húdaráis inniúla i gcás nach gcomhlíonfaidh ceann dá deasca trádála a thuilleadh ceann amháin, ar a laghad, de na ceanglais a leagtar amach sa mhír sin. Ní cheadófar a thuilleadh don institiúid an Caibidil sin a chur i bhfeidhm maidir le haon cheann de na suíomhanna a shanntar don deasc trádála sin agus déanfaidh sí na ceanglais cistí dílse i gcomhair priacal margaidh a ríomh i gcomhréir leis an gcur chuige a leagtar amach i gCaibidil 1a maidir leis na suíomhanna uile a shanntar don deasc trádála sin ón dáta tuairiscithe is luaithe agus go dtí go léireoidh an institiúid do na húdaráis inniúla go bhfuil na ceanglais go léir a leagtar amach i mír 2 á gcomhlíonadh ag an deasc trádála.

## ▼M8

5. De mhaolú ar mhír 4, in imthosca neamhghnácha, féadfaidh údaráis inniúla cead a thabhairt d'institiúid leanúint dá samhlacha inmheánacha malartacha a úsáid chun críche ceanglais cistí dílse i gcomhair priacail margaidh deisce trádála a ríomh nach gcomhlíonann na coinníollacha a thuilleadh dá dtagraítear i bpointe (c) de mhír 2 den Airteagal seo agus in Airteagal 325bg(1). Nuair a fheidhmeoidh údaráis inniúla an rogha sin, tabharfaidh siad fógra do ÚBE agus tabharfaidh siad bunús leis an gcinneadh sin.

6. Maidir le suíomhanna a shanntar do na deasca trádála nach bhfuil an cead dá dtagraítear i mír 2 faighte ina dtaobh ag institiúid, déanfaidh an institiúid sin na ceanglais cistí dílse i gcomhair priacal margaidh a ríomh i gcomhréir le Caibidil 1a den Teideal seo. Chun críocha an ríomha sin, déanfar na suíomhanna sin go léir a mheas ar bhonn leithleach mar phunann ar leithligh.

7. Maidir le hathruithe ábhartha ar úsáid na samhlacha inmheánacha malartacha a bhfuil cead faighte ag institiúid lena n-úsáid, maidir le síneadh ar úsáid na samhlacha inmheánacha malartacha a bhfuil cead faighte ag an institiúid lena n-úsáid, agus maidir le hathruithe ábhartha ar rogha na hinstiúidí d'fho-thacar na bhfachtóirí priacail insamhaltaithe dá dtagraítear in Airteagal 325bc(2), éileofar leis na hathruithe sin cead ar leithligh ó na húdaráis inniúla.

Cuirfidh na hinstiúidí na húdaráis inniúla ar an eolas maidir leis na sintí agus na hathruithe uile ar fad a dhéanfar ar an úsáid a bhaintear as na samhlacha inmheánacha malartacha dá bhfuil cead faighte ag an institiúid.

8. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú:

- (a) na coinníollacha faoina ndéanfar measúnú ar ábharthacht na sintí agus na n-athruithe ar úsáid samhlacha inmheánacha malartacha agus ar athruithe ar bhfo-thacar na bhfachtóirí priacail insamhaltaithe dá dtagraítear in Airteagal 325bc;
- (b) an mhodheolaíocht mheasúnaithe faoina bhforóidh údaráis inniúla an gcomhlíonann institiúid na ceanglais a leagtar amach in Airteagail 325bh, 325bi, 325bn, 325bo agus 325bp.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoi cheann 28 Meitheamh 2024.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

9. Déanfaidh ÚBE dréachtchaighdeáin rialála theicniúla a cheapadh chun na himthosca neamhghnácha a shonrú faoina bhféadfaidh údaráis inniúla cead a thabhairt d'institiúid an méid a leanas a dhéanamh:

- (a) leanúint dá samhlacha inmheánacha malartacha a úsáid chun críche ceanglais cistí dílse i gcomhair priacal margaidh deisce trádála a ríomh nach gcomhlíonann na coinníollacha a thuilleadh dá dtagraítear i bpointe (c) de mhír 2 den Airteagal seo agus in Airteagal 325bg(1);
- (b) teorainn a chur leis an bhforlíontán go dtí an forlíontán a thagann ó róluaineachtaí de bhun athruithe iarthástála hipitéiseacha.

**▼M8**

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoi cheann 28 Meitheamh 2024.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

*Airteagal 325ba***Ceanglais cistí dílse nuair a úsáidtear samhlacha inmheánacha**

1. Ríomhfaidh institiúid, a úsáideann samhail inmheánach mhalartach na ceanglais cistí dílse maidir le punann na suíomhanna uile a shannfar do na deasca trádála, ar tugadh, don institiúid sin, an cead ina dtaobh dá dtagraítear in Airteagal 325az(2), mar an luach is airde de na luachanna seo a leanas:

(a) suim na luachanna seo a leanas:

- (i) tomhas priacail easnaimh ionchasaigh na hinstitiúide le haghaidh an lae roimhe sin arna ríomh i gcomhréir le hAirteagal 325bb (ESt-1), agus
- (ii) tomhas priacail cáis struis na hinstitiúide don lá roimhe sin arna ríomh i gcomhréir le Roinn 5 (SS t-1); nó

(b) suim na luachanna seo a leanas:

- (i) meánluach thomhas priacail easnaimh ionchasaigh laethúil na hinstitiúide arna ríomh i gcomhréir le hAirteagal 325bb do gach lá den seasca lá gnó roimhe sin (ESavg), arna iolrú faoin bhfachtóir iolrúcháin (mc); agus
- (ii) meánluach thomhas priacail cáis struis laethúil na hinstitiúide arna ríomh i gcomhréir le Roinn 5 do gach lá den seasca lá gnó roimhe sin (SSavg).

2. Comhlíonfaidh institiúidí a bhfuil suíomhanna acu in ionstraimí fiachais thrádáilte agus cothromais a thagann faoi raon feidhme na samhla priacail mainneachtana inmheánaí agus a shanntar do na deasca trádála dá dtagraítear i mír 1, comhlíonfaidh siad ceanglas cistí dílse breise arna shloinneadh mar an luach is airde de na luachanna seo a leanas:

(a) an ceanglas cistí dílse is déanaí maidir le priacalmaidir leis an bpricail mainneachtana arna ríomh i gcomhréir le Roinn 3;

(b) meán an mhéid dá dtagraítear i bpointe (a) thar an 12 sheachtain roimhe sin.

▼ **M8**

## Roinn 2

**Ceanglais ghinearálta***Airteagal 325bb***Tomhas priacail easnaimh ionchasaigh**

1. Riomhfaidh institiúidí an tomhas priacail easnaimh ionchasaigh dá dtagraítear i bpointe (a) d'Airteagal 325ba(1) d'aon dáta ar leith “t” agus d'aon phunann ar leith de shuíomhanna leabhair trádála mar a leanas:

$$ES_t = \rho \cdot (UES_t) + (1 - \rho) \cdot \sum_i UES_t^i$$

nuair:

Est = an tomhas priacail easnaimh ionchasaigh;

i = innéacs lena léirítear na cúig chatagóir leathana d'fhachtóirí priacail arna liostú sa chéad cholún de Thábla 2 d'Airteagal 325bd;

UES<sub>t</sub> = an tomhas priacail easnaimh ionchasaigh neamhiallaithe arna ríomh mar a leanas:

$$UES_t = PES_t^{RS} \cdot \max\left(\frac{PES_t^{FC}}{PES_t^{RC}}, 1\right)$$

UES<sub>t</sub><sup>i</sup> = an tomhas easnaimh ionchasaigh neamhiallaithe don chatagóirí fachtóra phriacail leathan i arna ríomh mar a leanas:

$$UES_t^i = PES_t^{RS,i} \cdot \max\left(\frac{PES_t^{FC,i}}{PES_t^{RC,i}}, 1\right)$$

$\rho$  = an fachtóir comhghaoil maoirseachta i gcatagóirí priacail leathana;  $\rho = 50\%$ ;

$PES_t^{RS}$  = méid an easnaimh ionchasaigh pháirtigh a ríomhfar do na suíomhanna go léir sa phunann i gcomhréir le hAirteagal 325bc(2);

$PES_t^{RC}$  = méid an easnaimh ionchasaigh pháirtigh a ríomhfar do na suíomhanna go léir sa phunann i gcomhréir le hAirteagal 325bc(3);

$PES_t^{FC}$  = méid an easnaimh ionchasaigh pháirtigh a ríomhfar do na suíomhanna go léir sa phunann i gcomhréir le hAirteagal 325bc(4);

$PES_t^{RS,i}$  = méid an easnaimh ionchasaigh pháirtigh do chatagóirí fachtóra phriacail leathan “i” a ríomhfar do na suíomhanna go léir sa phunann i gcomhréir le hAirteagal 325bc(2);

$PES_t^{RC,i}$  = méid an easnaimh ionchasaigh pháirtigh do chatagóirí fachtóra phriacail leathan “i” a ríomhfar do na suíomhanna go léir sa phunann i gcomhréir le hAirteagal 325bd(3); agus

$PES_t^{FC,i}$  = méid an easnaimh ionchasaigh pháirtigh do chatagóirí fachtóra phriacail leathan “i” a ríomhfar do na suíomhanna go léir sa phunann i gcomhréir le hAirteagal 325bc(4).

▼ **M8**

2. Ní dhéanfaidh institiúidí cásanna suaithe amach anseo a chur i bhfeidhm ach amháin ar thacar sonrath na bhfachtóirí priacail insamhaltaithe is infheidhme ar mhéid gach easnaimh ionchasaigh pháirtigh mar a leagtar amach in Airteagal 325bc agus méid gach easnaimh ionchasaigh pháirtigh á cinneadh maidir leis an tomhas priacail easnaimh ionchasaigh a ríomh i gcomhréir le mír 1.

3. I gcás ina bhfuil fachtóir priacail insamhaltaithe amháin ar laghad a mapáladh ar an gcatagóir fachtóra priacail leathan “i” i gcomhréir le hAirteagal 325bd in idirbheart amháin ar a laghad den phunann, déanfaidh institiúidí an beart easnaimh ionchasaigh neamhiailaithe don chatagóir fachtóra priacail leathan “i” a ríomh agus é a chur san áireamh san fhoirmle don tomhas priacail easnaimh ionchasaigh dá dtagraítear i mír 1 den Airteagal seo.

4. De mhaolú ar mhír 1, féadfaidh institiúid minicíocht ríomh thomhais easnaimh ionchasaigh neamhiailaithe  $UES_t^i$  agus thomhais easnaimh ionchasaigh pháirtigh  $PES_t^{RS,i}$ ,  $PES_t^{RC,i}$  agus  $PES_t^{FC,i}$  a laghdú maidir leis na catagóirí fachtóra priacail leathana ó ríomh laethúil go ríomh seachtainiúil ar choinníoll go gcomhlíonfar an méid a leanas:

- (a) is féidir leis an institiúid a léiriú don údarás inniúil nach ndéantar ganmheastachán ar phriacal margaidh na suíomhanna leabhair trádála ábhartha agus tomhas easnaimh ionchasaigh neamhiailaithe  $UES_t^i$  á ríomh;
- (b) is féidir leis an institiúid minicíocht ríomh  $UES_t^i$ ,  $PES_t^{RS,i}$ ,  $PES_t^{RC,i}$  agus  $PES_t^{FC,i}$  a mhéadú ó ríomh seachtainiúil go ríomh laethúil i gcás ina gceanglóidh a údarás inniúil sin uirthi.

*Airteagal 325bc***Ríomhanna easnaimh ionchasaigh pháirtigh**

1. Déanfaidh institiúidí méideanna uile na n-easnamh ionchasach páirteach dá dtagraítear in Airteagal 325bb(1) a ríomh mar a leanas:

- (a) ríomhanna laethúla méideanna na n-easnamh ionchasacha páirteacha;
- (b) ag an 97,5ú peircintíl, eatramh muiníne aonfhoircneach;
- (c) le haghaidh punann ar leith de shuíomhanna leabhair trádála, déanfaidh institiúid méid an easnaimh ionchasaigh pháirtigh ag am “t” a ríomh i gcomhréir leis an bhfoirmle seo a leanas:

$$PES_t = \sqrt{(PES_t(T))^2 + \sum_{j \geq 2} \left( PES_t(T, j) \cdot \sqrt{\frac{(LH_j - LH_{j-1})}{10}} \right)}$$

nuair:

$PES_t$  = méid an easnaimh ionchasaigh pháirtigh ag am “t”;

j = an t-innéacs lena léirítear na cúig thréimhse leachtachta a liostaítear sa chéad cholún de Thábla 1;

$LH_j$  = fad na dtréimhsí leachtachta ionchasacha j mar a shloinntear i laethanta i dTábla 1;

T = tréimhse ionchasach bunaidh i gcás T= 10 lá;

## ▼M8

$PES_t(T)$  = méid an easnaimh ionchasaigh pháirtigh a chinntear trí chásanna suaite amach anseo a bhfuil tréimhse ama 10 lá acu a chur i bhfeidhm ar thacar sonrathachtóirí priacail insamhaltaithe na suíomhanna sa phunann a leagtar amach i mír 2, mír 3 agus mír 4 i gcomhair méid gach easnaimh ionchasaigh pháirtigh dá dtagraítear in Airteagal 325bb(1) agus ar an tacar sonrathacht sin amháin; agus

$PES_t(T, j)$  = méid an easnaimh ionchasaigh pháirtigh a chinntear trí chásanna suaite amach anseo a bhfuil tréimhse ama 10 lá acu a chur i bhfeidhm ar thacar sonrathachtóirí priacail insamhaltaithe na suíomhanna sa phunann a leagtar amach i mír 2, mír 3 agus mír 4 i gcomhair méid gach easnaimh ionchasaigh pháirtigh dá dtagraítear in Airteagal 325bb(1) agus dá bhfuil an tréimhse leachtachta éifeachtach, dá gcinntear i gcomhréir le hAirteagal 325bd(2), cothrom le  $LH_j$  nó níos faide ná é.

Tábla 1

Tréimhse leachtachta j	Fad na tréimhse leachtachta j (i laethanta)
1	10
2	20
3	40
4	60
5	120

2. Chun críocha méideanna easnaimh ionchasaigh pháirtigh  $PES_t^{RS}$  agus  $PES_t^{RS,i}$  dá dtagraítear in Airteagal 325bb(1) a ríomh, déanfaidh institiúidí, i dteannta leis na ceanglais a leagtar amach i mír 1 den Airteagal seo, na ceanglais seo a leanas a chomhlíonadh:

- (a) agus  $PES_t^{RS}$  á ríomh, ní dhéanfaidh institiúidí cásanna suaite amach anseo a chur i bhfeidhm ach amháin ar an bhfo-thacar d'fhachtóirí priacail insamhaltaithe na suíomhanna sa phunann, arna roghnú ag na hinstitiúidí inniúla, sa chaoi is go gcomhlíonfar an coinníoll seo, agus go dtógfá an tsuim ó thréimhse an 60 lá gnó roimhe sin:

$$\frac{1}{60} \cdot \sum_{k=0}^{59} \frac{PES_{t-k}^{RC}}{PES_{t-k}^{FC}} \geq 75\%$$

Tabharfaidh institiúid nach gcomhlíonann an ceanglas a thuilleadh sa chéad alt den phointe seo fógra gan mhoill do na húdaráis inniúla, lena mbaineann, agus déanfaidh sí an fo-thacar de na fachtóirí priacail insamhaltaithe a uasdátú laistigh de dhá sheachtain chun an ceanglas sin a chomhlíonadh; i gcás, tar éis dhá sheachtain, inar mhainnigh an institiúid an ceanglas a chomhlíonadh, rachaidh an institiúid sin ar ais chuig an gcur chuige a leagtar amach i gCaibidil 1a chun na ceanglais cistí dílse i gcomhair priacal margaidh maidir le deasca trádála áirithe, go dtí go bhféadfaidh an institiúid sin a léiriú don údarás inniúil go bhfuil sí ag comhlíonadh an cheanglais a leagtar amach sa chéad fho-alt den phointe seo;

## ▼M8

- (b) agus  $PES_t^{RS,i}$  á ríomh, ní dhéanfaidh institiúidí cásanna suaite amach anseo a chur i bhfeidhm ach amháin ar an bhfo-thacar d'fhachtóirí priacail insamhaltaithe na suíomhanna sa phunann, arna roghnú ag an institiúid chun críche phointe (a) den mhír seo, agus ar mapáladh iad ar an gcatagóir fachtóra phriacail leathan “i” i gcomhréir le hAirteagal 325bd;
- (c) calabrófar na hionchuir sonraí a úsáidtear chun na cásanna suaite amach anseo a chinneadh arna gcur i bhfeidhm ar na fachtóirí priacail insamhaltaithe dá dtagraítear i bpointe (a) agus i bpointe (b) do na sonraí stairiúla tréimhse leanúnaí struis airgeadais 12 mhí a shainaitheoidh an institiúid chun luach  $PES_t^{RS}$  a uasmhéadú; chun críche an tréimhse struis sin a aithint, úsáidfidh institiúidí tréimhse bhreathnaithe a thosóidh ar a laghad ón 1 Eanáir 2007, chun sástacht na n-údarás inniúla; agus
- (d) déanfar na hionchuir sonraí  $PES_t^{RS,i}$  a chalabrú don tréimhse struis 12 mhí atá sainaitheanta ag an institiúid chun críocha phointe (c).

3. Chun críche méideanna easnamh ionchasacha páirteacha  $PES_t^{RC}$  agus  $PES_t^{RC,i}$  dá dtágraítear in Airteagal 325bb(1) a ríomh, déanfaidh institiúidí, i dteannta leis na ceanglais a leagtar amach i mír 1 den Airteagal seo, na ceanglais seo a leanas a chomhlíonadh:

- (a) agus  $PES_t^{RC}$  á ríomh, ní dhéanfaidh institiúidí cásanna suaite amach anseo a chur i bhfeidhm ach amháin ar an bhfo-thacar de d'fhachtóirí priacail insamhaltaithe na suíomhanna sa phunann dá dtagraítear i bpointe (a) de mhír 2;
- (b) agus  $PES_t^{RC,i}$  á ríomh, ní dhéanfaidh institiúidí cásanna suaite amach anseo a chur i bhfeidhm ach amháin ar an bhfo-thacar de shuíomhanna fachtóra phriacail insamhaltaithe sa phunann dá dtagraítear i bpointe (b) de mhír 2;
- (c) maidir leis na hionchuir sonraí a úsáidfear chun na cásanna suaite amach anseo a chinneadh a chuirfear i bhfeidhm ar na fachtóirí priacail insamhaltaithe dá dtagraítear i bpointe (a) agus i bpointe (b) den mhír seo, calabrófar iad leis na sonraí stairiúla dá dtagraítear i bpointe (c) de mhír 4; déanfar na sonraí sin a uasdátú ar bhonn míosúil ar a laghad.

4. Chun críche méideanna easnaimh ionchasacha páirteacha  $PES_t^{FC}$  agus  $PES_t^{FC,i}$  dá dtagraítear in Airteagal 325bb(1) a ríomh, déanfaidh institiúidí, i dteannta leis na ceanglais a leagtar amach i mír 1 den Airteagal seo, na ceanglais seo a leanas a chomhlíonadh:

- (a) agus  $PES_t^{FC}$  á ríomh, déanfaidh institiúidí cásanna suaite amach anseo a chur i bhfeidhm ar fhachtóirí priacail insamhaltaithe uile na suíomhanna sa phunann;
- (b) agus  $PES_t^{FC,i}$  á ríomh, déanfaidh institiúidí cásanna suaite amach anseo a chur i bhfeidhm ar fhachtóirí priacail insamhaltaithe na suíomhanna sa phunann, ar mapáladh iad ar an gcatagóir fachtóra phriacail leathan “i” i gcomhréir le hAirteagal 325bd;

## ▼M8

(c) calabrófar na hionchuir sonraí a úsáidtear chun na cásanna suaite amach anseo a chinneadh arna gcur i bhfeidhm ar na fachtóirí priacail insamhaltaithe dá dtagraítear i bpointe (a) agus i bpointe (b) do na sonraí stairiúla ón tréimhse 12 mhí roimhe sin; i gcás ina mbeidh borradh suntasach i luaineacht praghsanna líon ábhartha d'fhachtóirí priacail insamhaltaithe i bpunann institiúide nach bhfuil i bhfo-thacar na bpriacal dá dtagraítear i bpointe (a) de mhír 2, féadfaidh údaráis inniúla ceanglas a chur ar institiúid sonraí stairiúla le haghaidh tréimhse ar giorra ná an 12 mhí roimhe sin í a úsáid, ach ní bheidh an tréimhse sin níos giorra ná tréimhse na sé mhí roimhe sin; tabharfaidh údaráis inniúla fógra do ÚBE maidir le cinneadh ar bith lena gcuirfear ceanglas ar institiúid sonraí stairiúla ó thréimhse ar giorra ná 12 mhí í a úsáid agus bunús a thabhairt leis an gcinneadh sin.

5. Agus méid easnaimh ionchasaigh pháirtigh ar leith dá dtagraítear in Airteagal 325bc(1) a ríomh, coimeádfaidh institiúidí luachanna na bhfachtóirí priacail insamhaltaithe nach bhfuil de cheanglas orthu, faoi mhír 2, mír 3 agus mír 4 den Airteagal seo, cásanna suaite amach anseo a chur i bhfeidhm le haghaidh méid an easnaimh ionchasaigh pháirtigh sin.

*Airteagal 325bd***Tréimhsí leachtachta**

1. Déanfaidh institiúidí gach fachtóir priacail suíomhanna a sannadh do dheasca trádála ar tugadh dóibh an cead ina leith dá dtagraítear in Airteagal 325az(2) nó atá i mbéal an cead sin a fháil ina leith, do cheann de na catagóirí leathana fachtóirí priacail arna liostú i dTábla 2, agus do cheann d'fhochatagóirí leathana na bhfachtóirí priacail arna liostú sa Tábla sin.

2. Is éard a bheidh i dtréimhse leachtachta fachtóra phriacail de chuid na suíomhanna dá dtagraítear i mír 1 tréimhse leachtachta fhochatagóir leathan chomhfhreagrach na bhfachtóirí priacail ar ar mapáladh í.

3. De mhaolú ar mhír 1 den Airteagal seo, maidir le deasc trádála ar leith, féadfaidh institiúid ceann amháin de thréimhse leachtachta is faide d'fhochatagóir leathan na bhfachtóirí priacail arna liostú i dTábla 1 d'Airteagal 325bc a chur in ionad na tréimhse leachtachta d'fhochatagóir na bhfachtóirí priacail leathain arna liostú i dTábla 2 den Airteagal seo. I gcás ina ndéanfaidh institiúid an cinneadh sin, beidh feidhm ag an tréimhse leachtachta is faide maidir le fachtóirí priacail insamhaltaithe uile na suíomhanna a sannadh don deasc trádála sin agus a mapáladh ar fhochatagóir leathan na bhfachtóirí priacail sin chun méideanna an easnaimh ionchasaigh pháirtigh a ríomh i gcomhréir le pointe (c) d'Airteagal 325bc(1).

Cuirfidh institiúid fógra chuig na húdaráis inniúla faoi na deasca trádála agus fochatagóirí leathana na bhfachtóirí priacail maidir lena geinnfidh sí an láimhseáil dá dtagraítear sa chéad fhomhír a chur i bhfeidhm.

4. Chun méideanna an easnaimh ionchasaigh pháirtigh a ríomh [...] i gcomhréir le pointe (c) d'Airteagal 325bc(1), déanfar tréimhse leachtachta éifeachtach d'fhachtóir priacail insamhaltaithe de chuid suíomh leabhair trádála ar leith a ríomh mar a leanas:



▼ **M8**

$$\text{EffectiveLH} = \begin{cases} \text{SubCatLH} & \text{if } \text{Mat} > \text{LH}_5 \\ \min(\text{SubCatLH}, \min_j \{ \text{LH}_j / \text{LH}_j \geq \text{Mat} \}) & \text{if } \text{LH}_1 \leq \text{Mat} \leq \text{LH}_5 \\ \text{LH}_1 & \text{if } \text{Mat} < \text{LH}_1 \end{cases}$$

nuair atá:

EffectiveLH = an tréimhse leachtacht éifeachtach;

Mat = aibíocht shuíomh an leabhair trádála;

SubCatLH = fad tréimhse leachtachta an fhachtóra phriacail insamhaltaithe arna chinneadh i gcomhréir le mír 1; agus

$\min_j \{ \text{LH}_j / \text{LH}_j \geq \text{Mat} \}$  = fad ceann amháin de na tréimhsí leachtachta a liostaítear i dTábla 1 d'Airteagal 325bc arb í an tréimhse leachtachta is gaire í os cionn aibíocht an tsuímh leabhair trádála.

5. Áireofar airgeadraí atá comhdhéanta den euro agus den airgeadra de chuid Ballstát atá páirteach in MRM II i bhfochatagóir na bpéirí airgeadra is leachtaí laistigh de chatagóir leathan fhachtóir priacail malairte eachtraí Thábla 2.

6. Fíoróidh institiúid chomh hiomchuí is atá an mhapáil dá dtagraítear i mír 1 ar bhonn míosúil ar a laghad.

7. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú:

- (a) an chaoi ina ndéanfaidh institiúidí fachtóirí priacail na suíomhanna leabhair trádála dá dtagraítear i mír 1 a mhapáil ar chatagóirí leathana fachtóra phriacail agus fochatagóirí leathana fachtóra phriacail chun críche mhír 1;
- (b) na hairgeadraí lena gcomhdhéantar fochatagóir na n-airgeadraí is leachtaí i gcatagóir leathan fhachtóir priacail ráta úis Thábla 2;
- (c) na péirí airgeadraí lena gcomhdhéantar fochatagóir na bpéirí airgeadraí is leachtaí i gcatagóir leathan fhachtóir priacail malairte eachtraí Thábla 2;
- (d) sainmhínte ar chaipitliú beag margaidh agus caipitliú mór margaidh i gcomhair fochatagóir an phraghais cothromais agus na luaineachta de chatagóir leathan fhachtóir priacail cothromais Thábla 2;

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Márta 2020.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

▼ **M8**

Tábla 2

Catagóirí leathana fachtóra riosca	Fochatagóirí leathana fachtóra phriacail	Tréimhsí leachtachta	Fad na tréimhse leachtachta (i laethanta)
Ráta úis	Airgeadraí is leachtaí agus airgeadra náisiúnta	1	10
	Airgeadraí eile (gan na hairgeadraí is leachtaí a chur san áireamh)	2	20
	Luaineacht	4	60
	Cineálacha eile	4	60
Raon difríochta creidmheasa	Rialtas láir, lena n-áirítear bainc ceannais, de chuid na mBallstát	2	20
	Bannaí faoi chumhdach arna n-eisiúint ag institiúidí creidmheasa sna Ballstáit (Grád Infheistíochta)	2	20
	Flaithiúnas (Grád infheistíochta)	2	20
	Flaithiúnas (Ard toraidh)	3	40
	Corparáideach (Grád infheistíochta)	3	40
	Corparáideach (Ard toraidh)	4	60
	Luaineacht	5	120
	Cineálacha eile	5	120
Cothromas	Praghas cothromais (Caipitliú mór margaidh)	1	10
	Praghas cothromais (Caipitliú beag margaidh)	2	20
	Luaineacht (Caipitliú mór margaidh)	2	20
	Luaineacht (Caipitliú mór margaidh)	4	60
	Cineálacha eile	4	60
Malairt Eachtrach	Péirí airgeadraí is leachtaí	1	10
	Péirí airgeadraí eile (gan na hairgeadraí is leachtaí a chur san áireamh)	2	20
	Luaineacht	3	40
	Cineálacha eile	3	40
Tráchtearra	Praghas fuinnimh agus praghas astaíochtaí carbóin	2	20
	Praghas miotail lómhair agus praghas miotail neamhfheiriúil	2	20
	Praghsanna tráchtearraí eile (seachas praghas fuinnimh, praghas astaíochtaí carbóin, praghas miotail lómhair agus praghas miotail neamhfheiriúil)	4	60
	Luaineacht fuinnimh agus luaineacht astaíochtaí carbóin	4	60
	Luaineacht miotail lómhair agus luaineacht miotail neamhfheiriúil	4	60
	Luaineachtaí tráchtearraí eile (seachas luaineacht fuinnimh, luaineacht astaíochtaí carbóin, luaineacht miotail lómhair agus luaineacht miotail neamhfheiriúil)	5	120
	Cineálacha eile	5	120

▼ **M8***Airteagal 325be***Insamhaltaitheacht na bhfachtóirí priacail a mheasúnú**

1. Déanfaidh institiúidí measúnú ar insamhaltaitheacht fhachtóirí priacail uile na suíomhanna a sannadh do na deasca trádála ar tugadh dóibh an cead dá dtagraítear in Airteagal 325az(2) ina leith nó atá i mbéal cead den sórt sin a fháil.

2. Mar chuid den mheasúnú sin dá dtagraítear i mír 1 den Airteagal seo, déanfaidh institiúidí na ceanglais cistí dílse i gcomhair priacal margaidh a ríomh i gcomhréir le hAirteagal 325bk le haghaidh na bhfachtóirí priacail sin nach bhfuil insamhaltaithe.

3. Déanfaidh ÚBE dréachtchaighdeáin theicniúla rialála a fhorbairt d'fhonn na critéir a shonrú lena ndéanfar measúnú, i gcomhréir le mír 1, cibé acu atá nó nach bhfuil na fachtóirí priacail insamhaltaithe agus d'fhonn minicíocht an mheasúnaithe sin a shonrú freisin.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Márta 2020.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

*Airteagal 325bf***Ceanglais cúltástála rialála agus fachtóirí iolrúcháin**

1. Chun críocha an Airteagail seo, ciallaíonn “róluaineacht” athrú aon lae ar luach punainne atá comhdhéanta de na suíomhanna go léir a sannadh don deasc trádála ar athrú luacha é a sháraíonn an luach faoi phriacal gaolmhar a ríomhtar ar bhonn shamhail inmheánach mhalartach na hinstiúide i gcomhréir leis na ceanglais seo a leanas:

- (a) beidh ríomh an luacha faoi phriacal faoi réir tréimhse shealbhaíochta dar fad lá amháin;
- (b) beidh feidhm ag cásanna suaití amach anseo maidir le fachtóirí priacail shuíomhanna na ndeasca trádála dá dtagraítear in Airteagal 325bg(3) agus measfar iad a bheith insamhaltaithe i gcomhréir le hAirteagal 325be;
- (c) ionchuir sonraí a úsáidtear chun na cásanna suaite amach anseo a chinneadh arna gcur i bhfeidhm ar na fachtóirí priacail insamhaltaithe, calabrófar iad leis na sonraí stairiúla dá dtagraítear i bpointe (c) d'Airteagal 325bc(4);
- (d) mura luafar a mhalairt san Airteagal seo, bunófar samhail inmheánach mhalartach na hinstiúide ar na toimhdí samhaltaithe céanna a úsáidtear chun an tomhas priacail easnaimh ionchasaigh a ríomh dá dtagraítear i bpointe (a) d'Airteagal 325ba(1).

2. Comhairfidh institiúidí róluaineachtaí laethúla ar bhonn cúltástáil ar na hathruithe iarbhir agus hipitéiseacha ar luach na punainne atá comhdhéanta de na suíomhanna go léir a sannadh don deasc trádála.

## ▼M8

3. Measfar go mbeidh na ceanglais chúltástála comhlionta ag deasc trádála institiúide i gcás nach sárófar, le líon na róluaineachtaí don deasc trádála sin a tharla in imeacht an 250 lá gnó is déanaí, aon cheann de na nithe seo a leanas:

- (a) 12 róluaineacht don uimhir luacha faoi phriacal, arna ríomh ar eatramh muiníne aonfhoircneach 99ú peircintíl ar bhonn cúltástáil ar na hathruithe hipitéiseacha ar luach na punainne;
- (b) 12 róluaineacht don uimhir luacha faoi phriacal, arna ríomh ar eatramh muiníne aonfhoircneach 99ú peircintíl ar bhonn cúltástáil ar na hathruithe iarbhír ar luach na punainne;
- (c) 30 róluaineacht don uimhir luacha faoi phriacal, arna ríomh ar eatramh muiníne aonfhoircneach 97,5ú peircintíl ar bhonn cúltástáil ar na hathruithe hipitéiseacha ar luach na punainne;
- (d) 30 róluaineacht don uimhir luacha faoi phriacal, arna ríomh ar eatramh muiníne aonfhoircneach 97,5ú peircintíl ar bhonn cúltástáil ar na hathruithe iarbhír ar luach na punainne.

4. Comhairfidh institiúidí róluaineachtaí aon lae i gcomhréir leis an méid seo a leanas:

- (a) beidh an chúltástáil ar athruithe hipitéiseacha ar luach na punainne bunaithe ar chomparáid idir luach deiridh lae na punainne agus, ag glacadh leis nach bhfuil athruithe ar shuíomhanna, luach na punainne ag deireadh an lae dár gcionn;
- (b) beidh an chúltástáil ar athruithe iarbhír ar luach na punainne bunaithe ar chomparáid idir luach deiridh lae na punainne agus luach iarbhír na punainne ag deireadh an lae dár gcionn cé is moite de tháillí agus de choimisiúin;
- (c) comhairfear róluaineacht le haghaidh gach lae gnó nach bhfuil an institiúid in ann luach na punainne a mheasúnú dó nó nach bhfuil sí in ann uimhir an luacha faoi phriacal dá dtagraítear i mír 3 a ríomh dó;

5. Ríomhfaidh institiúid, i gcomhréir le mír 6 agus mír 7 den Airteagal seo, an fachtóir iolrúcháin (mc) dá dtagraítear in Airteagal 325ba do phunann na suíomhanna go léir a sannadh do na deasca trádála ar tugadh an cead don institiúid sin samhlacha inmheánacha malartacha a úsáid dá dtagraítear in Airteagal 325az(2) ina leith.

6. Is éard a bheidh san fhachtóir iolrúcháin (mc) lánsuim luacha 1,5 móide forlíontán idir 0 agus 0,5 i gcomhréir le Tábla 3. Maidir leis an bpunann dá dtagraítear i mír 5, ríomhfar an forlíontán ar bhonn líon na róluaineachtaí a tharla le linn an 250 lá gnó is déanaí arna bhfianú le cúltástáil na hinstitiúide ar uimhir an luacha faoi phriacal a ríomhfar i gcomhréir le pointe (a) den fhomhír seo. Beidh ríomh an fhorlíontáin faoi réir na gceanglas seo a leanas:

## ▼M8

- (a) is é an rud a bheidh i róluaineacht athrú aon lae i luach na punainne a sháraíonn uimhir ghaolmhar an luacha faoi phriacal arna ríomh le samhail inmheánach na hinstitiúide i gcomhréir leis an méid seo a leanas:
- (i) tréimhse shealbhaíochta aon lae;
  - (ii) eatramh muiníne aonfhoircneach 99ú peircintíl;
  - (iii) beidh feidhm ag cásanna suaití amach anseo maidir le fachtóirí priacail shuíomhanna na ndeasca trádála dá dtagraítear in Airteagal 325bg(3) agus a mheastar a bheith insamhaltaithe i gcomhréir le hAirteagal 325be;
  - (iv) na hionchuir sonraí a úsáidtear chun na cásanna suaite amach anseo a chinneadh arna gcur i bhfeidhm ar na fachtóirí priacail insamhaltaithe, calabrófar iad leis na sonraí stairiúla dá dtagraítear i bpointe (c) d'Airteagal 325bc(4);
  - (v) mura luafar a mhalairt san Airteagal seo, bunófar samhail inmheánach na hinstitiúide ar na toimhdí samhaltaithe céanna a úsáidtear chun an tomhas priacail easnaimh ionchasaigh a ríomh dá dtagraítear i bpointe (a) d'Airteagal 325ba(1).
- (b) Beidh líon na róluaineachtaí cothrom leis an líon is airde de na róluaineachtaí faoi na hathruithe hipitéiseacha agus iarbhir i luach na punainne;

Tábla 3

Líon na róluaineachtaí	Forlíontán
Níos lú ná 5	0,00
5	0,20
6	0,26
7	0,33
8	0,38
9	0,42
Os cionn 9	0,50

In imthosca eisceachtúla, féadfaidh údaráis inniúla teorainn a chur leis an bhforlíontán a thagann ó róluaineachtaí de bhun cultástáil ar athruithe hipitéiseacha, nuair nach dtagann líon na róluaineachtaí faoi athruithe iarthástála iarbhir ó easpa sa tsamhail inmheánach.

7. Déanfaidh na húdaráis inniúla faireachán ar a iomchuí a bheidh an fachtóir iolrúcháin dá dtagraítear i mír 5 agus ar a mhéid a chomhlíonfaidh deasca trádála na ceanglais chultástála dá dtagraítear i mír 3. Déanfaidh institiúidí, gan mhoill, agus i gcás ar bith tráth nach déanaí ná cúig lá gnó tar éis do róluaineacht tarlú, fógra a thabhairt do na húdaráis inniúla faoi róluaineachtaí a thagann as a gclár cultástála agus tabharfaidh siad míniú ar na luaineachtaí sin.

## ▼M8

8. De mhaolú ar mhíreanna 2 agus 6 den Airteagal seo, féadfaidh údaráis inniúla ceadú d'institiúid gan róluaineacht a chur san áireamh i gcás ina mbeidh athrú aon lae i luach a punainne, a sháróidh uimhir an luacha faoi phriacal a ríomhtar le samhail inmheánach na hinstitiúide, insanta d'fhachtóir priacail nach bhfuil insamhaltaithe. Chun an méid sin a chur i gcrích, léireoidh an institiúid dá húdaráis inniúla go bhfuil an tomhas priacail cáis struis a ríomhfar i gcomhréir le hAirteagal 325bk maidir leis an bhfachtóir priacail neamh-shamhaltaithe sin níos airde ná an difríocht dheimhneach san athrú idir luach phunann na hinstitiúide agus uimhir ghaolmhar an luacha faoi phriacal.

9. Ceapfaidh ÚBE dréachtchaighdeáin theicniúla rialála d'fhonn na gnéithe teicniúla a shonrú a chuirfear san áireamh sna hathruithe iarbhír agus hipitéiseacha ar luach punainne institiúide chun críocho an Airteagail seo.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Márta 2020.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

*Airteagal 325bg*

**Ceanglas sannta brabúis agus cailteanais**

1. Comhlíonfaidh deasc trádála institiúide na ceanglais sannta B&C i gcás ina gcomhlíonfaidh an deasc trádála sin na ceanglais a leagtar amach san Airteagal seo.

2. Áiríteofar leis an gceanglas sannta B&C go mbeidh na hathruithe teoriciúla ar luach punainne deisce trádála, bunaithe ar shamhail tomhais phriacail na hinstitiúide, gar go leor do na hathruithe hipitéiseacha ar luach phunann na deisce trádála, bunaithe ar shamhail phraghsála na hinstitiúide.

3. Ach a gcomhlíonfaidh institiúid an ceanglas sannta brabúis agus cailteanais, maidir le gach suíomh de chuid deisce trádála ar leith, saineofar liosta cruinn d'fhachtóirí priacail a mheastar a bheith iomchuí chun fíorú a dhéanamh an gcomhlíonann an institiúid sin an ceanglas cultástála a leagtar amach in Airteagal 325bf.

4. Ceapfaidh ÚBE dréachtchaighdeáin theicniúla rialála d'fhonn na nithe seo a leanas a shonrú:

- (a) na critéir atá riachtanach chun a áirithiú go mbeidh na hathruithe teoriciúla ar luach punainne deisce trádála gar go leor do na hathruithe hipitéiseacha ar luach phunann na deisce trádála chun críocho mhír 2, agus forbairtí rialála idirnáisiúnta á gcur san áireamh;
- (b) na hiarmhairtí a thiofadh as d'institiúid, i gcás nach bhfuil na hathruithe teoriciúla ar luach punainne deasc trádála gar go leor do na hathruithe hipitéiseacha ar luach punainne deasca trádála chun críocho mhír 2;

▼ **M8**

- (c) a mhínic a bheidh ar an institiúid an aitreabúideacht B&C a chur i gcrích;
- (d) na gnéithe teicniúla a chuirfear san áireamh sna hathruithe teoriciúla agus hipitéiseacha ar luach punainne deasca trádála chun críocho an Airteagail seo;
- (e) an dóigh a gcaithfidh institiúidí a mbíonn an tsamhail inmheánach in úsáid acu na ceanglais cistí dílse i gcomhair priacal margaidh a suíomhanna leabhair trádála uile a chomhiomlánú agus suíomhanna leabhair neamhthrádála atá faoi réir priacal malairte eachtraí nó priacal tráchtearraí, agus na hiarmhairtí dá dtagraítear i bpointe (b) á gcur san áireamh acu.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Márta 2020.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

*Airteagal 325bh***Ceanglais maidir le priacal a thomhas**

1. Institiúidí a úsáideann samhail tomhais phriacail inmheánach chun na ceanglais cistí dílse i gcomhair priacal margaidh dá dtagraítear in Airteagal 325ba a ríomh, áiritheoidh na hinstitiúidí sin go gcomhlíonann an tsamhail na ceanglais seo a leanas go léir:
  - (a) gabhfar líon leordhóthanach fachtóirí priacail sa tsamhail tomhais phriacail inmheánach, lena n-áireofar ar a laghad na fachtóirí dá dtagraítear i bhForoinn 1 de Roinn 3 den Chaibidil 1a mura léiríonn an institiúid do na húdaráis inniúla nach ndéanann easnamh na bhfachtóirí priacail sin difear ábhartha do thorthaí an cheanglais sannta B&C dá dtagraítear in Airteagal 325bg; beidh institiúidí in ann a mhíniú do na húdaráis inniúla an fáth a ndearna siad fachtóirí priacail a ionchorprú ina samhail phraghsála agus gan é a ionchorprú ina samhail tomhais phriacail inmheánach.
  - (b) gabhfar leis an tsamhail tomhais phriacail neamhlíneachtaí maidir le céadroghanna agus táirgí eile chomh maith le priacal comhghaoil agus priacal boinn.
  - (c) ionchorprófar leis an tsamhail tomhais phriacail inmheánach sraith fachtóirí priacail a chomhfhreagraíonn do rátaí úis gach airgeadra ina bhfuil suíomhanna lena mbaineann íogaireacht ráta úis laistigh agus lasmuigh den chlár comhardaithe ag an institiúid; déanfaidh an institiúid na cuair toraidh a shamhaltú ag úsáid ceann de na cineálacha cur chuige a bhfuil glactha leo go ginearálta; déanfar an cuair toraidh a roinnt ina dheighleoga aibíochta, chun luaineachtaí rátaí feadh an chuair toraidh a ghabháil; maidir le risíochtaí ábhartha ar phriacal ráta úis sna hairgeadraí agus sna margáí móra, déanfar an cuair toraidh a shamhaltú ag úsáid sé dheighleog aibíochta ar a laghad, agus beidh líon na fachtóirí priacail a úsáidtear chun an cuair toraidh a shamhaltú comhréireach le cineál agus castacht straitéisí trádála na hinstitiúide; déanfaidh an tsamhail phriacail raon difríochta luaineachtaí nach bhfuil comhghaolaithe go foirfe idir cuair toraidh dhifriúla nó ionstraimí airgeadais dhifriúla ar an eisi-theoir foluiteach céanna a ghabháil.

## ▼M8

- (d) ionchorprófar leis an tsamhail tomhais phriacail inmheánach a fhreagraíonn d'ór agus do na hairgeadraí eachtracha aonair ina bhfuil suíomhanna na hinstiúide ainmnithe; i gcás GCanna, cuirfear suíomhanna iarbhir maidir le hairgeadra eachtrach an GC san áireamh; féadfaidh instiúidí dul i muinín tuairisciú tríú páirtí ar shuíomh an GC in airgeadra eachtrach ar choinníoll go bhfuil cruinneas na tuairisce sin áirithithe go leormhaith; déanfar suíomhanna malairte eachtraí GC nach eol d'instiúid a ghearradh amach de réir chur chuige na samhlacha inmheánacha agus a láimhseáil i gcomhréir le Caibidil 1a.
- (e) beidh sofaisticiúlacht na teicnící samhaltaithe coibhéiseach le hábharthacht ghníomhaíochtaí na hinstiúide ar na margáí cothromais; úsáidfidh an tsamhail tomhais-phriacail inmheánach fachtóir priacail ar leithligh maidir le gach margadh cothromais ar a laghad ina sealbhaíonn an instiúid suíomhanna suntasacha agus fachtóir priacail amháin ar a laghad lena ngabfar gluaiseachtaí i bpragsanna cothromais agus spleáchas an fhachtóra phriacail sin ar na fachtóirí priacail aonair maidir le gach margadh cothromais.
- (f) úsáidfidh an tsamhail tomhais-phriacail inmheánach fachtóir priacail ar leithligh maidir le gach tráchtearra ar a laghad ina sealbhaíonn an instiúid suíomhanna suntasacha mura bhfuil suíomh tráchtearraí comhiomlánaithe beag ag an instiúid i gcomparáid lena gníomhaíochtaí trádála go léir agus sa chás sin féadfaidh sí fachtóir priacail ar leithligh a úsáid maidir le gach cineál tráchtearra; maidir le risíochtaí ábhartha ar mhargáí tráchtearraí, déanfar a ghabháil leis an tsamhail an priacail a bhaineann le gluaiseachtaí nach bhfuil comhghaolaithe ar bhealach iomlán foirfe idir tráchtearraí atá cosúil ach nach bhfuil comhionann, an risíocht ar athruithe i réamhphragsanna a thagann as neamhréireacha aibíochta agus an toradh áise idir suíomhanna díorthach agus suíomhanna airgid thirim.
- (g) aon ionadaigh a mbainfear úsáid astu, taispeánfaidh siad cuntas teiste maithe i leith an tsuímh iarbhir a shealbhaítear, beidh siad coimeádach go hiomchuí agus ní úsáidfear iad ach amháin i gcás ina mbeidh na sonraí atá ar fáil neamhleor, mar shampla le linn na tréimhse struis dá dtagraítear i bpointe (c) d'Airteagal 325bc(2).
- (h) maidir le risíochtaí ar phriacail luaineachta in ionstraimí ina bhfuil roghnaíocht, déanfar a ghabháil leis an tsamhail tomhais phriacail inmheánach spleáchas luaineachtaí intuigthe i bpragsanna feidhmithe agus aibíochtaí céadroghanna.

2. Féadfaidh instiúidí úsáid a bhaint as comhghaolta eimpireacha laistigh de chatagóirí leathana fachtóirí priacail agus, ar mhaithe le ríomh an bhirt easnaimh neamhiallaithe UES, lena bhfuiltear ag súil, dá dtagraítear in Airteagal 325bb(1), thar chatagóirí leathana fachtóirí priacail i gcás ina bhfuil cur chuige na hinstiúide chun na comhghaolta sin a thomhas fóna, i gcomhréir leis na tréimhsí leachtachta is infheidhme agus curtha chun feidhme go hionraic, agus sa chás sin amháin.

3. Faoin 28 Meán Fómhair 2020, eiseoidh ÚBE treoirlínte, i gcomhréir le Airteagal 16 de Rialachán (AE) Uimh. 1093/2010, lena sonrúfar na critéir maidir le hionchuir sonraí a úsáid sa tsamhail tomhais phriacail dá dtagraítear in Airteagal 325bc.



## ▼M8

*Airteagal 325bi***Ceanglais cháilíochtúla**

1. Beidh aon samhail inmheánach tomhais phriacail arna húsáid chun críocha na Caibidle seo fóna ar bhonn coincheapúil, déanfar í a ríomh agus a chur i bhfeidhm go hionraic agus comhlíonfar léi na ceanglais cháilíochtúla uile a leanas:

- (a) aon samhail inmheánach tomhais phriacail a úsáidfeadh chun ceanglais chaipitil a ríomh le haghaidh priacal margaidh, beidh sí comhtháite go dlúth le próiseas laethúil bainistithe phriacail na hinstiúití agus úsáidfeadh í mar bhonn chun risíocht ar phriacal a tuairisciú don bhainistíocht shinsearach.
- (b) beidh aonad rialaithe phriacail atá neamhspleách ar aonaid trádála gnó ag instiúití agus tuairisceoidh an t-aonad go díreach chun na bainistíochta sinsearaí; beidh an t-aonad sin freagrach as aon samhail inmheánach tomhais phriacail a cheapadh agus a chur chun feidhme; déanfar bailíochtú tosaigh agus leanúnach san aonad sin ar aon samhail inmheánach arna húsáid chun críocha na Caibidle seo agus beidh sé freagrach as an gcóras foriomlán bainistíochta phriacail; san aonad sin, ullmhófar tuairiscí laethúla agus déanfar anailís orthu maidir le haschur aon samhla inmheánaí arna húsáid chun ceanglais chaipitil a ríomh le haghaidh priacal margaidh, chomh maith le tuairiscí maidir le hoiriúnacht na mbearta a bheidh le déanamh i dtéarmaí teorainneacha trádála.
- (c) Beidh an comhlacht bainistíochta agus an bhainistíocht shinsearach rannpháirteach go gníomhach sa phróiseas rialaithe phriacail agus déanfar athbhreithniú ar na tuairiscí laethúla arna ndéanamh ag an aonad rialaithe phriacail ar leibhéal bainistíochta a mbeidh údarás leordhóthanach aige chun laghdú ar shuíomhanna arna nglacadh ag trádálaithe aonair a cheangal agus laghdú ar risíocht fhoriomlán na hinstiúití ar phriacal a cheangal.
- (d) Beidh líon foirne leordhóthanach ag an instiúití a bhfuil na scileanna atá acu ar leibhéal is íomchuí maidir le sofaisticiúlacht na samhlacha inmheánacha tomhais phriacail a úsáidfeadh, agus líon foirne leordhóthanach a bhfuil scileanna acu sna réimsí trádála, rialaithe phriacail, iniúchta agus cúloifige.
- (e) Beidh tacar doiciméadaithe de bheartais, nósanna imeachta agus rialuithe inmheánacha i bhfeidhm ag an instiúití chun faireachán a dhéanamh ar fheidhmiú foriomlán a samhlacha inmheánacha tomhais phriacail agus chun a áirithiú go gcomhlíonfar iad.
- (f) Aon samhail inmheánach tomhais phriacail, lena n-áirítear aon samhail phraghsála, beidh cuntas teiste cruthaithe aige maidir le cruinneas réasúnach i bpriacail a thomhas, agus ní bheidh difear suntasach ann idir an tsamhail sin agus na samhlacha a úsáideann an instiúití dá bainistíocht phriacail inmheánach.
- (g) Déanfaidh an instiúití dianchláir tástála struis go minic, lena n-áirítear tástálacha struis droim ar ais, lena gcuimseofar aon samhail inmheánach tomhais phriacail; déanfaidh an bhainistíocht shinsearach athbhreithniú ar thorthaí na dtástálacha struis sin ar bhonn míosa ar a laghad agus beidh na torthaí i gcomhréir leis na bearta agus na teorainneacha atá faofa ag an gcomhlacht bainistíochta; déanfaidh an instiúití bearta íomchuí i gcás ina léireoidh torthaí na dtástálacha struis cailteanais iomarcacha a eascróidh as gnó na hinstiúití maidir le trádáil faoi imthosca áirithe;

▼ **M8**

- (h) Déanfaidh an institiúid athbhreithniú neamhspleách ar a samhlacha inmheánacha tomhais phriacail, mar chuid dá próisis iniúchóireachta inmheánaí rialta, nó trí shainordú a thabhairt do ghnóthas tríú páirtí an t-athbhreithniú sin a dhéanamh, athbhreithniú a dhéanfar chun sástacht na n-údarás inniúil.

Chun críocha phointe (h) den chéad fhomhír, is gnóthas tríú páirtí é gnóthas a chuireann seirbhísí iniúchóireachta nó seirbhísí comhairliúcháin ar fáil d'institiúidí agus a bhfuil líon foirne aige a bhfuil a ndóthain scileanna acu sa réimse a bhaineann le priacal margaidh i ngníomhaíochtaí trádála.

2. San áireamh san athbhreithniú dá dtagraítear i bpointe (h) de mhír 1 beidh gníomhaíochtaí na n-aonad trádála gnó agus an aonaid rialaithe phriacail neamhspleách araon. Déanfaidh an institiúid athbhreithniú ar a próiseas foriomlán bainistithe phriacail ar a laghad uair amháin sa bhliain. Déanfar measúnú ar na nithe seo a leanas san athbhreithniú:

- (a) leordhóthanacht dhoiciméadú an chórais agus an phróisis bainistíochta phriacail agus eagrúchán an aonaid rialaithe phriacail;
- (b) bearta phriacail a chomhtháthú leis an mbainistíocht phriacail laethúil agus sláine an chórais faisnéise bainistíochta;
- (c) na próisis atá in úsáid ag an institiúid chun na samhlacha phraghsála phriacail agus córais luachála atá in úsáid ag pearsanra na hoifige tosaigh agus na cúloifige a fhortheas;
- (d) raon feidhme na bpriacal arna ngabháil ag an tsamhail, cruinneas agus oiriúnacht an chórais tomhais phriacail agus bailíochtú aonathruithe suntasacha ar an tsamhail inmheánach tomhais phriacail;
- (e) beachtas agus iomláine na sonraí suímh, beachtas agus oiriúnacht na dtuairimí luaineachta agus comhghaoil, beachtas na ríomhanna luachála agus íogaireachta maidir le priacal agus beachtas agus oiriúnacht maidir le soláthar ionadach sonraí sa chás nach leor na sonraí atá ar fáil chun an ceanglas a leagtar amach sa Chaibidil seo a chomhlíonadh;
- (f) an próiseas fíoraithe atá in úsáid ag an institiúid chun meastóireacht a dhéanamh ar chomhsheasmhacht, ar thráthúlacht agus ar iontaofacht na bhfoinsí sonraí a úsáidtear chun aon cheann dá samhlacha inmheánacha tomhais phriacail a rith, lena n-áirítear neamhspleáchas na bhfoinsí sonraí sin;
- (g) an próiseas fíoraithe atá in úsáid ag an institiúid chun meastóireacht a dhéanamh ar cheanglais chúlástála agus ar cheanglais aitreabúideachta brabúis agus cailleanais a dhéantar chun measúnú a dhéanamh ar bheachtas na samhlacha inmheánacha tomhais phriacail;
- (h) i gcás go ndéanann gnóthas tríú páirtí an t-athbhreithniú i gcomhréir le pointe (h) de mhír 1 den Airteagal seo, comhlíonann an fíorú a leagtar amach leis an bpróiseas bailíochtaithe inmheánach in Airteagal 325bj a chuspóirí.

## ▼M8

3. Déanfaidh institiúidí nuashonrú ar na teicnící agus ar na cleachtais a úsáideann siad le haghaidh aon cheann de na samhlacha inmheánacha tomhais phriacail arna n-úsáid chun críocha na Caibidle seo chun forbairtí a dhéantar ar theicnící nua agus ar dhea-chleachtais nua i dtaca leis na samhlacha inmheánacha tomhais phriacail sin a chur san áireamh.

*Airteagal 325bj***Bailíochtú Inmheánach**

1. Beidh próisis ar bun ag institiúidí lena áirithiú go ndearna páirtithe atá cáilithe go cuí agus atá neamhspleách ar an bpróiseas forbartha, bailíochtú leordhóthanach ar aon samhlacha inmheánacha tomhais phriacail arna húsáid chun críocha na Caibidle seo lena áirithiú go bhfuil na samhlacha sin fóna ar bhonn coincheapúil agus go ngabhtar leo go leordhóthanach na priacail ábhartha uile.

2. Déanfaidh na hinstitiúidí an bailíochtú dá dtagraítear i mír 1 sna cúinsí seo a leanas:

- (a) nuair a dhéanfar aon samhail inmheánach tomhais phriacail a fhorbairt i dtosach agus nuair a dhéanfar aon athruithe suntasacha ar an tsamhail sin;
- (b) déanfar an bailíochtú freisin ar bhonn tráthúil agus i gcás ina mbeidh aon athruithe struchtúracha suntasacha sa mhargadh nó athruithe i gcomhdhéanamh na punainne a d'fhágfadh nach mbeadh an tsamhail inmheánach tomhais phriacail leordhóthanach a thuilleadh.

3. Ní bheidh bailíochtú ar na samhlacha inmheánacha tomhais phriacail a bhaineann le hinstitiúid teoranta do chúltástáil agus do cheanglais aitreabúideachta brabúis agus cailteanais, ach áireofar ar a laghad iad seo a leanas mar chuid de:

- (a) tástálacha lena fhíorú gur iomchuí aon toimhdí a dhéanfar laistigh den samhail inmheánach agus nach ndéanfar leo gannmheastachán nó rómheastachán ar an bpríacal;
- (b) tástálacha bailíochtaithe na n-institiúidí féin ar an tsamhail inmheánach, lena n-áirítear cúlástáil mar aon leis na cláir chúltástála rialála, maidir le priacail agus struchtúir a bpunann;
- (c) úsáid a bhaint as punanna hipitéiseacha lena áirithiú gur féidir cuntas a thabhairt leis an tsamhail inmheánach tomhais phriacail ar ghnéithe struchtúracha ar leith a d'fhéadfadh teacht chun cinn, mar shampla priacail ábhartha boinn agus priacal comhchruinnithe nó na priacail a bhaineann leis an úsáid a bhaintear as ionadaigh.

*Airteagal 325bk***Beart priacail maidir le cás struis a ríomh**

1. Ciallaíonn an “beart priacail maidir le cás struis d'fhachtóir priacail neamh-insamhaltaithe” an cailteanas a thabhaítear i suíomhanna leabhair trádála nó suíomhanna leabhair neamhthrádála atá faoi réir priacal malairte eachtraí nó priacal thráchtarraí na punainne lena n-áirítear an fachtóir priacail neamh-insamhaltaithe sin sa chás ina gcuirtear dianchás de shuaitheadh amach anseo i bhfeidhm maidir leis an bhfachtóir priacail sin.

## ▼M8

2. Forbróidh institiúidí chun sástacht na n-údarás inniúil dianchásanna de shuaitheadh amach anseo le haghaidh na bhfachtóirí priacail neamh-insamhaltaithe uile.
3. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú:
  - (a) conas a fhorbróidh institiúidí na dianchásanna de shuaitheadh amach anseo is infheidhme maidir le fachtóirí priacail neamh-insamhaltaithe agus conas a chuirfidh siad i bhfeidhm na dianchásanna sin de shuaitheadh amach anseo maidir leis na fachtóirí priacail sin;
  - (b) dianchás rialála de shuaitheadh amach anseo le haghaidh gach fochatagóir leathan fachtóirí priacail a liostaítear i dTábla 2 d'Airteagal 325bd a bhféadfaidh institiúidí a úsáid nuair nach féidir leo dianchás de shuaitheadh amach anseo a fhorbairt i gcomhréir le pointe (a) den fhomhír seo, nó a bhféadfaidh údaráis inniúla iarraidh ar an institiúid a chur i bhfeidhm mura bhfuil na húdaráis sin sásta leis an dianchás de shuaitheadh amach anseo arna fhorbairt ag an institiúid;
  - (c) na himthosca faoina bhféadfaidh institiúidí an beart priacail maidir le cás struis a ríomh le haghaidh níos mó ná aon fhachtóir priacail neamh-insamhaltaithe amháin;
  - (d) an chaoi a gcomhiomlánaidh institiúidí na bearta priacail maidir le cás struis d'fhachtóirí priacail neamh-insamhaltaithe uile a áirítear ina suíomhanna leabhair trádála agus sna suíomhanna leabhair neamhthrádála atá faoi réir priacal malairte eachtraí nó priacal tráchtarraí.

Agus na dréachtchaighdeáin theicniúla rialála sin á bhforbairt, cuirfidh ÚBE san áireamh an ceanglas go mbeidh leibhéal na gceanglas maidir le cistí dílse le haghaidh priacal margaidh an fhachtóra phriacail neamh-insamhaltaithe de réir mar a leagtar síos san Airteagal seo, go mbeidh sé chomh hard le leibhéal na gceanglas le haghaidh priacal margaidh a dhéanfaí a ríomh faoin gCaibidil dá bhféadfaí an fachtóir priacail sin a shamhaltú.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Meán Fómhair 2020.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

## Roinn 3

**An tsamhail inmheánach maidir leis an bpriacal mainneachtana***Airteagal 325bl***Raon feidhme na samhla inmheánaí maidir leis an bpriacal mainneachtana**

1. Suíomhanna uile institiúide a shanntar do na deasca trádála ar tugadh cead ina leith don institiúid mar a thagraítear dó in Airteagal 325az(2), beidh siad faoi réir ceanglas cistí dílse le haghaidh priacal mainneachtana i gcás ina bhfuil ar a laghad fachtóir priacail amháin sna suíomhanna a ndearnadh a mhapáil ar na catagóirí leathana fachtóirí priacail “cothromas” nó “raon difríochta creidmheasa” i gcomhréir le hAirteagal 325bd(1). Is ceanglas é an ceanglas maidir le

▼ **M8**

cistí dílse atá incriminteach ar na priacail arna ngabháil leis na ceanglais maidir le cistí dílse dá dtagraítear in Airteagal 325ba(1), agus déanfar é a ríomh le samhail inmheánach maidir leis an bpríacal mainneachtana na hinstiúide. Chomhlíonfaidh an tsamhail sin na ceanglais a leagtar síos sa Roinn seo.

2. Maidir le gach ceann de na suíomhanna dá dtagraítear i mír 1, sainaitheoidh instiúid eisiúnaí amháin ionstraimí fiachais thrádáilte nó ionstraimí cothromais thrádáilte a bhaineann le fachtóir priacail amháin ar a laghad.

*Airteagal 325bm***Cead samhail inmheánach maidir leis an bpríacal mainneachtana a úsáid**

1. Tabharfaidh na húdaráis inniúla cead d'instiúidí úsáid a bhaint as samhail inmheánach maidir leis an bpríacal mainneachtana chun ríomh a dhéanamh ar na ceanglais maidir le cistí dílse dá dtagraítear in Airteagal 325ba(2) le haghaidh na suíomhanna leabhair trádála uile dá dtagraítear in Airteagal 325bl a shanntar do dheasc trádála a gcomhlíonann a shamhail inmheánach maidir leis an bpríacal mainneachtana na ceanglais a leagtar síos in Airteagail 325bi, 325bj, 325bn 325bo agus 325bp.

2. I gcás nach gcomhlíonfaidh deasc trádála instiúide, dá sanntar ar a laghad ceann amháin de na suíomhanna leabhair trádála dá dtagraítear in Airteagal 325bl, na ceanglais a leagtar amach i mír 1 den Airteagal seo, déanfar na ceanglais cistí dílse i gcomhair príacal margaidh na suíomhanna uile sa deasc trádála sin a ríomh i gcomhréir leis an gcur chuige a leagtar amach i gCaibidil 1a.

*Airteagal 325bn***Ceanglais cistí dílse le haghaidh príacal mainneachtana trí úsáid a bhaint as samhail inmheánach maidir leis an bpríacal mainneachtana**

1. Déanfaidh instiúidí na ceanglais cistí dílse le haghaidh príacal mainneachtana a ríomh trí úsáid a bhaint as samhail inmheánach maidir leis an bpríacal mainneachtana do phunann na suíomhanna uile leabhar trádála dá dtagraítear in Airteagal 325bl mar seo a leanas:

- (a) beidh na ceanglais cistí dílse cothrom le huimhir luacha faoi phríacal lena ndéanfar tomhas ar chaillteanas a d'fhéadfadh a bheith ann i luach margaidh na punainne mar thoradh ar mhainneachtain eisiúnaithe a bhaineann leis na suíomhanna sin ag an eastramh muiníne 99.9 % thar thréimhse ionchasach bliana.
- (b) ciallaíonn an caillteanas a d'fhéadfadh a bheith ann dá dtagraítear i bpointe (a) caillteanas díreach nó indíreach i luach margaidh an tsuímh mar thoradh ar mhainneachtain na n-eisiúnaithe agus ar caillteanas incriminteach é ar aon chaillteanas a chuirfear san áireamh roimhe sin i luacháil reatha an tsuímh; déanfar mainneachtain eisiúnaithe na suíomhanna cothromais a léiriú trí luach phraghsanna cothromais na n-eisiúnaithe a chur go nialas.

## ▼M8

(c) cinnfidh institiúidí na comhghaolta mainneachtana idir eisiúnaithe éagsúla bunaithe ar mhodheolaíocht atá fóna ar bhonn coincheapúil agus trí úsáid a bhaint as sonraí stairiúla oibiachtúla maidir le raonta difríochta creidmheasa margaidh nó praghsanna cothromais a chumhdaíonn tréimhse 10 mbliana ar a laghad lena n-áirítear an tréimhse struis arna sainiú ag an institiúid i gcomhréir le hAirteagal 325bc(2); déanfar ríomh na gcomhghaolta mainneachtana idir na heisiúnaithe éagsúla a chalabhrú do thréimhse ionchasach bliana.

(d) beidh an tsamhail inmheánach maidir leis an bpríacal mainneachtana bunaithe ar thiomhde suímh sheasta bliana.

2. Déanfaidh institiúidí na ceanglais cistí dílse le haghaidh príacal mainneachtana a ríomh trí úsáid a bhaint as samhail inmheánach maidir leis an bpríacal mainneachtana dá dtagraítear i mír 1 ar bhonn seachtaine ar a laghad.

3. De mhaolú ar phointe (a) agus ar phointe (c) de mhír 1, féadfaidh institiúid tréimhse ionchasach seasca lá a chur in áit na tréimhse ionchasaí bliana chun críche príacal mainneachtana roinnt de na suíomhanna cothromais nó na suíomhanna cothromais ar fad a ríomh, i gcás inarb iomchuí. Sa chás sin, beidh an ríomh a dhéanfar ar chomhghaolta mainneachtana idir praghsanna cothromais agus dóchúlachtaí mainneachtana i gcomhréir le tréimhse ionchasach seasca lá agus beidh an ríomh a dhéanfar ar chomhghaolta mainneachtana idir praghsanna cothromais agus praghsanna bannaí i gcomhréir le tréimhse ionchasach bliana.

*Airteagal 325bo***Fálú a aithint i samhail inmheánach maidir leis an bpríacal mainneachtana**

1. Féadfaidh institiúidí fálaithe a ionchorprú ina samhail inmheánach maidir leis an bpríacal mainneachtana agus féadfaidh siad suíomhanna a ghlanluacháil sa chás ina dtagraíonn na suíomhanna fada agus gearra don ionstraim airgeadais chéanna.

2. Ní fhéadfaidh institiúidí fálaithe nó éifeachtaí éagsúlaithe a bhaineann le suíomhanna fada agus gearra lena mbaineann ionstraimí éagsúla nó úrrús éagsúla den fhéichiúnaí céanna a aithint ina samhlacha inmheánacha maidir leis an bpríacal mainneachtana, ach oiread le suíomhanna fada agus gearra in eisiúnaithe éagsúla ach trí na suíomhanna comhlána idir fhada agus ghearr sna hionstraimí éagsúla a shamhaltú go sainráite, lena n-áirítear samhaltú príacal boinn idir eisiúnaithe éagsúla.

3. Gabhfaidh institiúidí ina samhlacha inmheánacha maidir leis an bpríacal mainneachtana na príacaíl ábhartha idir ionstraim fálúcháin agus an ionstraim fhálaithe a d'fhéadfadh tarlú le linn an eatraimh idir aibíocht ionstraim fálúcháin agus an tréimhse ionchasach bliana chomh maith leis an bhféidearthacht go dtarlódh príacaíl boinn shuntasacha i straitéisí fálaithe a eascródh as difríochtaí i gcineál an táirge, sinsearach sa struchtúr caipitiúil, rátálacha inmheánacha nó seachtracha, aibíocht, bliain eisiúna agus difríochtaí eile. Ní aithneoidh institiúidí ionstraim fálúcháin ach a mhéid is féidir é a chothabháil fiú amháin nuair atá an féichiúnaí ag druidim le teagmhas creidmheasa nó teagmhas eile.

## ▼M8

*Airteagal 325bp***Ceanglais shonracha maidir le samhail inmheánach maidir leis an bpriacal mainneachtana**

1. Beidh sé de chumas ag an tsamhail inmheánach maidir leis an bpriacal mainneachtana dá dtagraítear in Airteagal 325bm(1) mainneachtain eisiúnaithe aonair mar aon le mainneachtain chomhuaineach ileisiúnaithe a shamhaltú agus, leis an tsamhail, cuirfear san áireamh tionchar na mainneachtain sin ar luachanna margaidh na suíomhanna a áirítear i raon feidhme na samhla sin. Chun na críche sin, déanfar mainneachtain gach eisitheora aonair a shamhlú trí úsáid a bhaint as dhá chineál fachtóirí priacail córasacha.

2. Leis an tsamhail inmheánach maidir leis an bpriacal mainneachtana, léireofar an timthriall eacnamaíoch lena n-áirítear a mhéid a bhraitheann rátaí téarnaimh agus fachtóirí priacail córasacha dá dtagraítear i mír 1 ar a chéile.

3. Leis an tsamhail inmheánach maidir leis an bpriacal mainneachtana, léireofar tionchar neamhlíneach na gcéadroghanna agus na suíomhanna eile lena mbaineann iompar neamhlíneach ábhartha i leith athruithe i bpragsanna. Beidh aird chuí ag an institiúid freisin ar mhéid an phriacail de bharr samháltú atá intuigthe i luacháil agus meastachán ar na priacail phraghais a bhaineann le táirgí den sórt sin.

4. Beidh an tsamhail inmheánach maidir leis an bpriacal mainneachtana bunaithe ar shonraí atá oibiachtúil agus cothrom le dáta.

5. Chun mainneachtain na n-eisiúnaithe a ionsamhlú sa tsamhail inmheánach maidir leis an bpriacal mainneachtana, comhlíonfaidh meastacháin na hinstitiúide ar dhóchúlachtaí mainneachtana na ceanglais seo a leanas:

- (a) socrófar íosteorainn na ndóchúlachtaí mainneachtana ag an ráta 0,03 %;
- (b) bunófar na dóchúlachtaí mainneachtana ar thréimhse ionchasach bliana, mura luaitear a mhalairt sa Roinn seo;
- (c) chun dóchúlachtaí mainneachtana a thomhas, úsáidfear sonraí maidir le mainneachtana a tharla san am atá caite agus meathlú móra i bpragsanna margaidh atá coibhéiseach le teagmhais mhainneachtana, ó thréimhse a théann siar cúig bliana ar a laghad, agus na sonraí sin amháin, nó úsáidfear na sonraí sin i dteannta le pragsanna margaidh reatha; ní bhunófar dóchúlachtaí mainneachtana ar phraghsanna margaidh reatha amháin.
- (d) i gcás institiúide ar tugadh cead di meastachán a dhéanamh ar dhóchúlacht mainneachtana i gcomhréir le Roinn 1 de Chaibidil 3 de Theideal II, úsáidfidh sí an mhodheolaíocht a leagtar amach inti chun dóchúlachtaí mainneachtana a ríomh;
- (e) i gcás institiúide nár tugadh cead di meastachán a dhéanamh ar dhóchúlacht mainneachtana i gcomhréir le Roinn 1 de Chaibidil 3 de Theideal II, forbróidh sí modheolaíocht inmheánach nó úsáidfidh sí foinsí seachtracha chun meastachán a dhéanamh ar dhóchúlachtaí mainneachtana; sa dá chás sin, beidh na meastacháin ar dhóchúlachtaí mainneachtana i gcomhréir leis na ceanglais a leagtar amach san Airteagal seo.

## ▼M8

6. Chun mainneachtain na n-eisiúnaithe a ionsamhlú sa tsamhail inmheánach maidir leis an bpríacal mainneachtana, comhlíonfaidh meastacháin na hinstiúití ar chaillteanas i gcás mainneachtana na ceanglais seo a leanas:

- (a) socrófar na meastacháin caillteanais i gcás mainneachtana ag an ráta 0 %;
- (b) léireoidh na meastacháin caillteanais i gcás mainneachtana sinsearach gach suímh;
- (c) i gcás instiúití ar tugadh cead di meastachán a dhéanamh ar chaillteanas i gcás mainneachtana i gcomhréir le Roinn 1 de Chaibidil 3 de Theideal II, úsáidfídh sí an mhodheolaíocht a leagtar amach inti chun caillteanas i gcás mainneachtana a ríomh;
- (d) i gcás instiúití nár tugadh cead di meastachán a dhéanamh ar chaillteanas i gcás mainneachtana i gcomhréir le Roinn 1 de Chaibidil 3 de Theideal II, forbróidh sí modheolaíocht inmheánach nó úsáidfídh sí foinsí seachtracha chun meastachán a dhéanamh ar an gcaillteanas i gcás mainneachtana; sa dá chás sin, beidh na meastacháin ar chaillteanas i gcás mainneachtana i gcomhréir leis na ceanglais a leagtar amach san Airteagal seo.

7. Mar chuid den athbhreithniú agus den bhailíochtú neamhspleách ar na samhlacha inmheánacha a úsáideann siad chun críocha na Caibidle seo, lena n-áirítear ar an gcóras tomhais phriacail, déanfaidh instiúití an méid a leanas:

- (a) a fhíorú go bhfuil a gcur chuige i leith shamhaltú na gcomhghaolta agus na n-athruithe i bpraghsanna oiriúnach dá bpunann, lena n-áirítear rogha agus ualaí na bhfachtóirí priacail córasacha sa tsamhail;
- (b) tástálacha struis éagsúla a dhéanamh, lena n-áirítear anailísí íogaireachta agus anailísí ar chásanna, chun réasúntacht chainníochtúil agus cháilíochtúil na samhla inmheánaí maidir leis an bpríacal mainneachtana a mheasúnú, go háirithe maidir le láimhseáil comhchruinnithe; agus
- (c) bailíochtú cainníochtúil iomchuí a chur i bhfeidhm, lena n-áirítear tagarmharcanna samhaltaithe inmheánacha iomchuí.

Na tástálacha dá dtagraítear i bpointe (b), ní bheidh siad teoranta don réimse teagmhas a tharla san am atá caite.

8. Leis an tsamhail inmheánach maidir leis an bpríacal mainneachtana, léireofar go hionchuí comhchruinnithe eisisheora agus comhchruinnithe a d'fhéadfadh teacht chun cinn thar aicmí táirgí agus laistigh díobh faoi dhálaí struis.

9. Beidh an tsamhail inmheánach maidir leis an bpríacal mainneachtana i gcomhréir le modheolaíochtaí inmheánacha bainistíochta priacail na hinstiúití arna n-úsáid chun priacail trádála a aithint, a thomhas agus a bhainistiú.

10. Beidh beartais agus nósanna imeachta a bheidh sainmhínithe go soiléir i bhfeidhm ag instiúití chun toimhdí mainneachtana chomhghaoil a chinneadh idir na heisitheoirí éagsúla i gcomhréir le pointe (c) d'Airteagal 325bn(1) agus rogha na tosaíochta de na modhanna chun meastachán a dhéanamh ar na dóchúlachtaí mainneachtana i bpointe (e) de mhír 5 den Airteagal seo agus an caillteanas i gcás mainneachtana i bpointe (d) de mhír 6 den Airteagal seo.



**▼M8**

11. Déanfaidh institiúidí a samhlacha inmheánacha a dhoiciméadú ionas go mbeidh a dtoimhdí comhghaoil agus a dtoimhdí samhaltaithe eile trédhearcach do na húdaráis inniúla.

12. Déanfaidh an tÚdarás Baincéireachta Eorpach (ÚBE) dréachtchaighdeáin theicniúla rialála a fhorbairt chun sonrú a dhéanamh ar na ceanglais atá lena bheith comhlíonta ag modheolaíocht inmheánach nó foinsí seachtracha institiúide chun meastachán a dhéanamh ar dhóchúlachtaí mainneachtana agus ar chaillteanas i gcás mainneachtana i gcomhréir le pointe (e) de mhír 5 agus pointe (d) de mhír 6.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Meán Fómhair 2020.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

**▼B***CAIBIDIL 2****Ceanglais na gcistí dílse le haghaidh priacal an tsuímh*****Roinn 1****Forálacha ginearálta agus ionstraimí ar leith***Airteagal 326***Ceanglais cistí dílse le haghaidh priacal an tsuímh**

Beidh ceanglais cistí dílse na hinstiúide le haghaidh priacal an tsuímh cothrom le suim na gceanglas cistí dílse le haghaidh priacal ginearálta agus sonracha a suímh laistigh d'ionstraimí fiachais agus cothromais. Láimhseálfar suímh urrúsúcháin sa leabhar trádála mar ionstraimí fiachais.

*Airteagal 327***Glanluacháil**

1. Maidir le luach absalóideach fharasbarr shuímh fhada (ghearra) na hinstiúide ar shuímh ghearra (fhada) na hinstiúide sna heisiúintí cothromais, fiachais agus in-chomhshóite céanna agus sna todhchaíochtaí airgeadais, roghanna, barántais agus barántais chumhdaithe chomhionanna, beidh an luach sin cothrom le glansuíomh na hinstiúide laistigh de gach ceann de na hionstraimí éagsúla sin. Láimhseálfar suímh laistigh d'ionstraimí díorthacha mar atá leagtha síos in Airteagail 328 go 330 agus an glansuíomh á ríomh. Agus ceanglais chaipitil le haghaidh priacal shonraigh á ríomh faoi Airteagal 336, déanfar neamhaird d'ionstraimí fiachais na hinstiúide arna sealbhú ag an institiúid féin.

**▼B**

2. Ní cheadófar aon ghlanluacháil idir suíomh in-chomhshóite agus suíomh fritháirimh san ionstraim fholuiteach, mura nglacann na húdaráis inniúla le cur chuige faoina gcuirtear san áireamh an dóchúlacht go gcomhshófaí suíomh in-chomhshóite faoi leith nó mura gceanglaíonn siad go gcumhdófar faoi cheanglas cistí dílse aon chaillteanas a d'fhéadfadh a bheith i gceist leis an suíomh a chomhshó. Cuirfear na cineálacha cur chuige sin nó na ceanglais cistí dílse sin in iúl do ÚBE. Déanfaidh ÚBE faireachán ar an raon cleachtas sa réimse seo agus eiseoidh sé treoirlínte i gcomhréir le hAirteagal 16 de Rialachán (AE) Uimh. 1093/2010.

3. Déanfar gach glansuíomh, is cuma cén comhartha atá air, a chomhshó gach lá in airgeadra tuairiscithe na hinstitiúide de réir an spotráta malartaithe atá i réim an tráth sin sula ndéantar é a chomhiomlánú.

*Airteagal 328***Todhchaíochtaí ráta úis agus réamhchonarthaí**

1. Déanfar todhchaíochtaí ráta úis, comhaontuithe ar réamhráta (FRAnna) agus réamhoibleagáidí chun ionstraimí fiachais a cheannach nó a dhíol a láimhseáil mar theaglamaí de shuímh fhada agus de shuímh ghearra. Dá bhrí sin, láimhseálfar suíomh todhchaíochtaí a bhfuil ráta fada úis ag baint leis mar theaglam d'iasacht a thiocfaidh in aibíocht dáta seachadta an chonartha todhchaíochtaí agus de shealúchas sócmhainne a bhfuil dáta aibíochta aige atá cothrom le dáta aibíochta na hionstraime nó an tsuímh bharúlaigh foluiteach an gconradh todhchaíochtaí atá i gceist. Ar an gcaoi chéanna láimhseálfar FRA díolta mar shuíomh fada a bhfuil dáta aibíochta aige atá cothrom leis an dáta socraíochta móide an tréimhse chonartha, agus mar shuíomh gearr a bhfuil dáta aibíochta aige atá cothrom leis an dáta socraíochta. Cuirfear an sealúchas iasachta agus sócmhainne ar áireamh sa chéad chatagóir atá leagtha amach i dTábla 1 in Airteagal 336 d'fhonn an ceanglas cistí dílse le haghaidh priacal shonraigh i gcomhair todhchaíochtaí ráta úis agus FRAnna a ríomh. Láimhseálfar réamhoibleagáid chun ionstraim fiachais a cheannach mar theaglam d'iasacht a thiocfaidh in aibíocht an dáta seachadta agus de (spot)suíomh fada san ionstraim fiachais féin. Cuirfear an iasacht ar áireamh sa chéad chatagóir atá leagtha amach i dTábla 1 in Airteagal 336 chun críocha an priacal shonraigh, agus cuirfear an ionstraim fiachais faoin gcolún is iomchuí dó sa tábla céanna.

2. Chun críocha an Airteagail seo, ciallaíonn 'suíomh fada' suíomh ina bhfuil an ráta úis a gheobhaidh institiúid am éigin sa todhchaí socraithe aici, agus ciallaíonn 'suíomh gearr' suíomh ina bhfuil an ráta úis a fíodfaidh sí am éigin sa todhchaí socraithe aici.

*Airteagal 329***Roghanna agus barántais**

1. Láimhseálfar roghanna agus barántais ar rátaí úis, ar ionstraimí fiachais, ar innéacsanna cothromais, ar thodhchaíochtaí airgeadais, ar bhabhtálacha agus ar airgeadraí eachtracha amháil is dá mba shuímh iad a bhfuil luach acu atá cothrom le luach mhéid na hionstraime foluiteach dá dtagraíonn an rogha seo, arna iolrú faoina deilte chun críocha na Caibidle seo. Féadfar na suímh dheireanacha sin a ghlanluacháil i gcoinne aon suímh fritháirimh sna hurrúis nó sna díorthaigh chomhionanna fholuiteacha. Is í an deilte a úsáidfear ceann na malairte lena mbaianeann. Le haghaidh roghanna thar an gcuntar, nó i gcás nach

**▼B**

bhfuil fáil ar deilte ón mhalairt lena mbaineann, d'fhéadfadh an institiúid féin an deilte a ríomh agus samhail chuí á úsáid, faoi riar cead a fháil ó na húdaráis inniúla. Tabharfar cead má mheastar ráta athraithe luach na rogha nó luach an bharántais go hionchuí leis an tsamhail i leith athruithe beaga i bpraghas margaidh na hionstraime foluiteach.

2. Léireoidh institiúidí priacail eile go sásúil, seachas an priacal deilte a bhaineann le roghanna sna ceanglais cistí dílse.

3. Forbróidh ÚBE dréachtchaighdeáin theicniúla rialála lena saineofar réimse modhanna chun priacail eile, seachas priacal deilte, dá dtagraítear i mír 2 a léiriú sna ceanglais cistí dílse ar bhealach a thagann le scála agus le castacht ghníomhaíochtaí na n-institiúidí maidir le roghanna agus le barántais.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2013.

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

4. Roimh theacht i bhfeidhm na gcaighdeán teicniúil dá dtagraítear i mír 3, féadfaidh institiúidí inniúla leanúint de na láimhseálacha náisiúnta atá ann cheana féin a chur i bhfeidhm, i gcás gur chuir na húdaráis inniúla an láimhseáil sin i bhfeidhm roimh an 31 Nollaig 2013

*Airteagal 330***Babhtálacha**

Láimhseálfar le babhtálacha chun críocha priacal an ráta úis ar an mbonn céanna is a láimhseáiltear le hionstraimí ar an gclár comhardaithe. Dá bhrí sin, i gcás babhtála ráta úis faoina bhfaigheann institiúid ús de réir ráta chomhlúthaigh agus faoina n-iocann sí ús de réir ráta sheasta, láimhseálfar í amhail is dá mbeadh sí coibhéiseach le suíomh fada in ionstraim ráta chomhlúthaigh a bhfuil aibíocht aici atá coibhéiseach leis an tréimhse go dtí go socrófar ús an chéad uair eile agus le suíomh gearr in ionstraim ráta sheasta a bhfuil an aibíocht chéanna aici is atá ag an mbabhtáil féin.

*Airteagal 331***Priacal ráta úis ar ionstraimí díorthacha**

1. Féadfaidh institiúidí a mharcálann ón margadh agus a bhainistíonn priacal ráta úis ar na hionstraimí díorthacha atá cumhdaithe in Airteagail 328 go 330 ar bhonn sreafa airgid lascainithe, faoi réir chead na n-údarás inniúil, leas a bhaint as samhlacha íogaireachta chun na suímh dá dtagraítear sna hAirteagail sin a ríomh agus féadfaidh siad iad a úsáid le haghaidh aon bhanna a amúchtar thar a shaolré iarmharach seachas tríd an bpríomhshuim a aisíoc in aon íocaíocht deiridh amháin. Tabharfar an cead seo má ghineann na samhlacha sin suímh a bhfuil an íogaireacht chéanna acu maidir le hathruithe sa ráta úis is atá ag na sreabha airgid foluiteacha. Déanfar an íogaireacht seo a mheas faoi threoir gluaiseachtaí neamhspleácha i rátaí samplacha ar fud an chuair toraidh, a bhfuil pointe íogaireachta amháin ar a laghad acu i ngach aon cheann de na bannaí aibíochta atá leagtha amach i dTábla 2 in Airteagal 339. Déanfar na suímh sin a áireamh agus ceanglais cistí dílse le haghaidh priacal sonracha na n-ionstraimí fiachais á ríomh.

**▼B**

2. Féadfaidh institiúidí nach n-úsáideann samhlacha faoi mhír 1, suímh laistigh d'ionstraimí díorthacha a chumhdaítear in Airteagail 328 go 330 agus a chomhlíonann na coinníollacha seo a leanas ar a laghad a láimhseáil mar shuímh lán-fhritháirimh:

- (a) tá an luach céanna ar na suímh agus tá siad ainmnithe san airgeadra céanna;
- (b) tá an ráta tagartha (i gcás suímh ráta chomhlúthaigh) nó an cúpón (i gcás suímh ráta sheasta) comhoiriúnaithe go dlúth;
- (c) freagraíonn an chéad dáta eile chun ús a shocrú, nó i gcas suímh chúpóin sheasta, an aibíocht iarmhair, do na srianta seo a leanas:
  - (i) níos lú ná mí amháin agus dá bhrí sin: an lá céanna;
  - (ii) idir mí amháin agus bliain amháin agus dá bhrí sin: laistigh de sheacht lá;
  - (iii) níos mó ná bliain amháin agus dá bhrí sin: laistigh de 30 lá.

*Airteagal 332***Díorthaigh chreidmheasa**

1. Nuair atá ceanglas cistí dílse le haghaidh priacal ginearálta agus priacal sonrach an pháirtí sin a ghlacann an priacal creidmheasa ('díoltóir na cosanta') á ríomh, mura sonraítear a mhalairt, úsáidfeair méid barúlach an chonartha díorthach creidmheasa. D'ainneoin na chéad abairte, féadfaidh an institiúid rogha a dhéanamh an luach barúlach móide an t-athrú i margadhluach glan an díorthaigh chreidmheasa ó thráth tionscanta na trádála, arb ionann é agus athrú glan síos ó thaobh dhíoltóir na cosanta de agus a mbeadh comhartha diúltach air, a chur in ionad an luacha bharúlach. Ar mhaithe leis an muirear um priacal sonrach a ríomh, seachas i gcás babhtálacha an toraidh iomláin, beidh feidhm ag aibíocht an chonartha díorthach creidmheasa, seachas ag aibíocht na hoibleagáide. Déantar suímh a chinneadh mar seo a leanas:

- (a) cruthaíonn babhtáil an toraidh iomláin suíomh fada i priacal ginearálta na hoibleagáide tagartha mar aon le suíomh gearr i priacal ginearálta an bhanna rialtais a bhfuil aibíocht aige atá coibhéiseach leis an tréimhse go dtí an chéad uair eile a shocrófar ús agus a sanntar ualú priacal 0% dó faoi Theideal II, Caibidil 2. Cruthaíonn sí suíomh fada freisin i priacal sonrach na hoibleagáide tagartha;
- (b) ní chruthaíonn babhtáil mainneachtana creidmheasa suíomh i gcomhair priacal ghinearálta. Chun críocha priacal shonraigh, déanfaidh an institiúid suíomh fada sintéiseach a thairfeadh in oibleagáid an eintitis tagartha, ach amháin sa chás go bhfuil rátáil sheachtrach á déanamh ar an díorthach agus comhlíonann sé na coinníollacha maidir le hítim féich cháilithigh, agus sa chás sin taifeadtar suíomh fada sa díorthach. Má tá íocaíochtaí préimhe nó úis dlite faoin toradh, déanfar na sreabha airgid sin a léiriú mar shuímh bharúlacha i mbannaí rialtais;

**▼B**

- (c) cruthaíonn nóta creidmheas-nasctha aonainm suíomh fada i priacal ginearálta an nóta féin, mar tháirge ráta úis. Chun críche priacal shonraigh, cruthaítear suíomh fada sintéiseach in oibleagáid an eintitis tagartha. Cruthaítear suíomh fada breise in eistitheoir an nóta. I gcás ina bhfuil rátáil sheachtrach ag nóta creidmheas-nasctha agus ina gcomhlíonann sé na coinníollacha maidir le hítim féich cháilithigh, ní gá ach suíomh fada aonair mar aon le priacal sonrath an nóta a thairfeadh;
- (d) chomh maith le suíomh fada i priacal sonrath eistitheoir an nóta, cruthaíonn nóta creidmheas-nasctha il-ainmneacha a sholáthraíonn cosaint chomhréireach suíomh laistigh de gach eintiteas tagartha, agus méid barúlach iomlán an chonartha sannta do na suímh de réir an chion den mhéid barúlach iomlán atá in ionannas le gach risíocht ar eintiteas tagartha. I gcás inar féidir níos mó ná oibleagáid amháin de chuid eintitis tagartha a roghnú, is de réir na hoibleagáide ag a bhfuil an t-uailú priacal is airde a chinntear an bpriacal sonrath.
- (e) cruthaíonn díorthach creidmheasa don chéad sócmhainn a mhainníonn suíomh don mhéid barúlach in oibleagáid gach aon eintiteas tagartha. I gcás ina bhfuil uasmhéid na híocaíochta i leith teagmhas creidmheasa níos ísle ná an ceanglas cistí dílse faoin modh sin a luaitear sa chéad abairt den phointe seo, féadfar an méid sin a ghlacadh mar an gceanglas cistí dílse le haghaidh priacal shonraigh.

Cruthaíonn díorthach creidmheasa don n-ú sócmhainn a mhainníonn suíomh don mhéid barúlach in oibleagáid gach aon eintitis tagartha lúide na heintitis tagartha n-1 a bhfuil an ceanglas cistí dílse is ísle le haghaidh priacal shonraigh acu. I gcás ina bhfuil uasmhéid na híocaíochta i leith teagmhas creidmheasa níos ísle ná an ceanglas cistí dílse faoin modh sin a luaitear sa chéad abairt den phointe seo, féadfar an méid sin a ghlacadh mar an ceanglas cistí dílse le haghaidh priacal shonraigh.

I gcás ina ndéantar rátáil sheachtrach ar dhíorthach creidmheasa don n-ú mainneachtain, ríomhfaidh díoltóir na cosanta an ceanglas cistí dílse le haghaidh priacal shonraigh ag baint leasa as rátáil an díorthaigh agus cuirfidh sé na hualuithe priacal urrúsúcháin faoi seach i bhfeidhm de réir mar is infheidhme;

2. I gcás an pháirtí a aistríonn priacal creidmheasa (ceannaitheoir na cosanta), cinntítear na suímh trí aithris a dhéanamh ar phrionsabal dhíoltóir na cosanta, cé is moite de nóta creidmheas-nasctha (nach bhfuil aon suíomh gearr san eistitheoir ag dul leis). Nuair atá an ceanglas cistí dílse le haghaidh 'ceannaitheoir na cosanta' á ríomh, úsáidfeá méid barúlach na chonartha díorthach creidmheasa. D'ainneoin na chéad abairte, féadfaidh an institiúid rogha a dhéanamh an luach barúlach móide an t-athrú i margadhluach glan an díorthaigh chreidmheasa ó thráth tionscanta na trádála, arb ionann é agus athrú glan síos ó thaobh dhíoltóir na cosanta de agus a mbeadh comhartha diúltach air, a chur in ionad an luacha bharúlaigh. Má tharlaíonn sé tráth faoi leith, go bhfuil céadrogha ar cheannach i dteannta banna uaschéimnigh ann, láimhseálfar tráth den sórt sin mar aibíocht na cosanta.

**▼B**

3. Ní áireofar na díorthaigh chreidmheasa i gcomhréir le hAirteagal 338 (1) nó (3) ach amháin chun an ceanglas cistí dílse le haghaidh priacal shonraigh a chinneadh i gcomhréir le hAirteagal 338 (4).

*Airteagal 333***Urrúis arna ndíol faoi chomhaontú athcheannaigh nó arna n-iasachtú**

AisTreoir na n-urrús nó na gceart faoi ráthaíocht a bhaineann le teidlíocht chun urrús i gcomhaontú athcheannaigh, agus iasachtóir na n-urrús in iasachtú urrús, cuirfidh siad na hurrúis sin ar áireamh agus ceanglas cistí dílse a ríomh faoin gCaibidil seo ar choinníoll gur suímh sa leabhar trádála iad na hurrúis sin.

## R o i n n 2

**Ionstraimí fiachais***Airteagal 334***Glansuímh in ionstraimí fiachais**

Déanfar glansuímh a aicmiú de réir an airgeadra ina bhfuil siad ainmnithe agus ríomhfaidh siad an ceanglas cistí dílse le haghaidh priacal ghinearálta agus priacal shonraigh i ngach airgeadra aonair ar leithligh.

## F o r o i n n 1

**Priacal sonrath***Airteagal 335***Uasteorainn ar an gceanglas cistí dílse le haghaidh glansuímh**

Féadfaidh an institiúid uasteorainn a chur ar an gceanglas cistí dílse le haghaidh priacal sonrath an ghlansuímh in ionstraimí fiachais ar uasleibhéal féideartha an chailleanais a bhaineann le priacal mainneachtana. I gcás suímh ghearr, is féidir an teorainn sin a ríomh mar athrú i luach toisc gur tháinig an ionstraim nó, i gcás inarb iomchuí sin, na hainmneacha foluiteach chun bheith saor ó priacal mainneachtana láithreach.

*Airteagal 336***Ceanglas cistí dílse le haghaidh ionstraimí fiachais nach ionstraimí urrúsúcháin iad**

1. Déanfaidh an institiúid a glansuímh sa leabhar trádála in ionstraimí nach suímh urrúsúcháin iad arna ríomh i gcomhréir le hAirteagal 327 a shannadh do na catagóirí iomchuí i dTábla 1 ar bhonn a n-eisitheora nó a n-obleagáideora, ar bhonn a measúnaithe creidmheasa inmheánaigh nó sheachtraigh, agus ar bhonn a n-aibíochta iarmhair, agus ansin déanfaidh sí iad a iolrú faoi na hualuithe a thaispeántar sa tábla sin. Suimeoidh sí a suímh ualaithe a thig ó chur i bhfeidhm an Airteagail seo, is cuma más suímh fhada nó suímh ghearra iad, d'fhonn a ceanglas cistí dílse le haghaidh priacal shonraigh a ríomh.



Tábla 1

Catagóirí	ceanglas cistí dílse le haghaidh priacal shonraigh
Urrúis fiachais a gheobhadh ualú priacal 0 % faoin gCur chuige Caighdeánaithe maidir le priacal creidmheasa	0 %
Urrúis fiachais a gheobhadh ualú priacal 20 % nó 50 % faoin gCur chuige Caighdeánaithe maidir le priacal creidmheasa agus ítimí cáilitheacha eile arna sainiú i mír 4.	0,25 % (tréimhse iarmharach sé mhí nó níos lú go dtí aibíocht deiridh) 1,00 % (tréimhse iarmharach níos mó ná sé mhí agus suas go dtí 24 mí, agus é sin san áireamh, go dtí aibíocht deiridh) 1,60 % (téarma iarmharach níos mó ná 24 mí go dtí aibíocht)
Urrúis fiachais a gheobhadh ualú priacal 100 % faoin gCur chuige Caighdeánaithe maidir le priacal creidmheasa	8,00 %
Urrúis fiachais a gheobhadh ualú priacal 150 % faoin gCur chuige Caighdeánaithe maidir le priacal creidmheasa	12,00 %

2. I gcás institiúidí a chuireann an Cur chuige IBR i bhfeidhm maidir le haicme sin na risíochta a bhfuil eisitheoir na hionstraime ina chuid de, d'fhonn cáiliú chun ualú priacal a fháil faoin gcur chuige caighdeánaithe maidir le priacal creidmheasa dá dtagraítear i mír 1, beidh rátáil inmheánach ag eisitheoir na risíochta ag a mbeidh PD a bheidh coibhéiseach leis an PD nó níos ísle ná an PD a bhaineann leis an gcéim iomchuí den cháilíocht chreidmheasa faoin gCur chuige Caighdeánaithe.

3. Féadfaidh institiúidí na ceanglais priacal shonraigh a bhaineann le haon bhannaí a cháilíonn d'ualú priacal 10 % i gcomhréir leis an láimhseáil a leagtar amach in Airteagal 129(4), (5) agus (6) a ríomh mar leath den cheanglas cistí dílse le haghaidh priacal shonraigh is infheidhme don dara catagóir i dTábla 1.

4. I measc na n-ítimí cáilitheacha eile tá:

(a) suímh fhada agus ghearra i sócmhainní nach bhfuil measúnú creidmheasa ó IMCS ainmnithe ar fáil ina leith, agus a chomhlíonann gach ceann de na coinníollacha seo a leanas:

(i) measann an institiúid lena mbaineann go bhfuil siad sách leachtach;

(ii) tá an cháilíocht infheistíochta atá acu, de réir bhreithiúnas na hinstiúide féin, ar a laghad coibhéiseach le cáilíocht infheistíochta na sócmhainní dá dtagraítear faoi Thábla 1 dara sraith;

(iii) tá siad liostaithe ar mhargadh rialáilte amháin ar a laghad i mBallstát nó ar stocmhalartán i dtríú tír ar choinníoll go n-aithníonn údarais inniúla an Bhallstáit ábhartha an malartán;

**▼B**

- (b) suímh fhada agus ghearra i sócmhainní arna n-eisiúint ag institiúidí faoi réir na gceanglas cistí dílse atá leagtha amach sa Rialachán seo a mheasann an institiúid lena mbaineann go bhfuil siad sách leachtach agus a bhfuil cáilíocht infheistíochta acu, de réir bhreithiúnas na hinstitiúide féin, atá coibhéiseach ar a laghad le cáilíocht infheistíochta na sócmhainní dá dtagraítear faoi Thábla 1 dara sraith;
- (c) urrúis arna n-eisiúint ag institiúidí a mheastar a bheith de cháilíocht chreidmheasa atá coibhéiseach leis an gcáilíocht chreidmheasa, nó níos airde ná é, a bhaineann le céim 2 den cháilíocht chreidmheasa faoin gCur chuige Caighdeánaithe maidir le priacal creidmheasa na risíochtaí ar institiúidí agus atá faoi réir socrúithe maoirseachta agus rialála atá inchomparáide leis na socrúithe faoin Rialachán seo agus faoi Threoir 2013/36/AE.

Beidh modheolaíocht dhoiciméadaithe i bhfeidhm ag institiúidí a bhaineann leas as pointe (a) nó pointe (b) chun measúnú a dhéanamh féachaint an gcomhlíonann na sócmhainní na ceanglais sna pointí sin, agus cuirfidh siad an mhodheolaíocht sin in iúl do na húdaráis inniúla.

**▼M5***Airteagal 337***Ceanglas cistí dílse le haghaidh ionstraimí urrúsúcháin**

1. Maidir le hionstraimí sa leabhar trádála ar suíomhanna urrúsúcháin iad, déanfaidh an institiúid ualú ar na suíomhanna glana arna ríomh i gcomhréir le hAirteagal 327(1) le 8 % den ualú priacail a chuirfeadh an institiúid i bhfeidhm maidir leis an suíomh ina leabhar neamhtrádála i gcomhréir le Roinn 3 de Chaibidil 5 de Theideal II.

2. Agus ualuithe priacail á ríomh chun críocha mhír 1, féadfar meastacháin ar PD agus ar LGD a chinneadh bunaithe ar na meastacháin a fhaightear ó shamhail inmheánach i gcomhair priacal na mainneachtana agus na himirce incrimintí (samhail IRC). de chuid institiúide ar tugadh cead di úsáid a bhaint as samhail inmheánach le haghaidh priacail shonraigh ionstraimí fiachais. Ní fhéadfar an rogha dheiridh sin a úsáid ach amháin le cead na n-údarás inniúil, cead a thabharfar má chomhlíonann na meastacháin sin na ceanglais chainníochtúla maidir leis an gCur Chuige Bunaithe ar Rátálacha Inmheánacha a leagtar amach i gCaibidil 3 de Theideal II.

I gcomhréir le hAirteagal 16 de Rialachán (AE) Uimh. 1093/2010, eiseoidh ÚBE treoirínte maidir le meastacháin ar PD agus ar LGD a úsáid mar ionchuir nuair atá na meastacháin sin bunaithe ar shamhail IRC.

3. I gcás suíomhanna urrúsúcháin atá faoi réir ualú priacail breise i gcomhréir le hAirteagal 247(6), cuirfear 8 % den ualú priacail iomlán i bhfeidhm.

4. Suimeoidh an institiúid a suíomhanna ualaithe a thagann ó chur i bhfeidhm mhír 1, mhír 2 agus mhír 3, is cuma más suíomhanna fada nó suíomhanna gearra iad, d'fhonn a ceanglas cistí dílse le haghaidh priacal sonrach a ríomh, seachas i gcás suíomhanna urrúsúcháin atá faoi réir Airteagal 338(4).

5. I gcás nach gcomhlíonann institiúid tionscnóra d'urrúsú traidisiúnta na coinníollacha maidir le haistriú priacail shuntasaigh a leagtar amach in Airteagal 244, áireoidh an institiúid tionscnóra, agus an ceanglas cistí dílse á ríomh, na risíochtaí a fholuionn an t-urrúsú amháin is nach ndearnadh na risíochtaí sin a urrúsú.



**▼M5**

I gcás nach gcomhlíonann institiúid tionscnóra d'urrúsú sintéiseach na coinníollacha maidir le haistriú priacail shuntasáigh a leagtar amach in Airteagal 245, áireoidh an institiúid tionscnóra, agus na ceanglais cistí dílse á ríomh, na risíochtaí a fholuionn an t-urrúsú amhail is nach ndearnadh na risíochtaí sin a urrúsú agus déanfaidh sí neamhaird de thionchar an urrúsaithe shintéisigh chun críocha cosaint chreidmheasa.

**▼B***Airteagal 338***Ceanglas cistí dílse maidir leis an bpunann trádála comhghaoil**

1. Is é a bheidh sa phunann trádála chomhghaoil suímh urrúsúcháin mar aon le díorthaigh chreidmheasa don n-ú mainneachtain a chomhlíonann gach ceann de na critéir seo a leanas:

- (a) ní suímh athurrúsúcháin iad, ná roghanna ar thráinse urrúsúcháin, ná aon díorthaigh eile de risíochtaí ar urrúsú nach soláthraíonn sciar pro-rata sna fáiltais ó thráinse urrúsúcháin;
- (b) is ceann amháin díobh seo a leanas gach ionstraim thagartha:
  - (i) ionstraimí aonainm, lena n-áirítear díorthaigh chreidmheasa aonainm, a bhfuil margadh dhá threo leachtach ann ina leith;
  - (ii) innéacsanna a thrádáiltear de ghnáth bunaithe ar na heintitis tagartha sin.

Meastar go bhfuil margadh dhá threo ann má dhéantar tairiscintí neamh-spleácha bona fide chun earraí a cheannach agus a dhíol ionas gur féidir praghas a bhaineann go réasúnach leis an bpraghas díola deireanach nó le tairiscint iomaíoch bona fide agus luachanna tairisceana reatha a chinneadh laistigh de lá amháin agus a shocrú ar an bpraghas sin laistigh de thréimhse measartha gearr ag teacht le gnás trádála.

2. Ní bheidh suímh faoina ndéantar tagairt d'aon cheann díobh seo a leanas mar chuid den phunann trádála chomhghaoil:

- (a) ionstraim fholuiteach is féidir a shannadh d'aicme na risíochta 'risíochtaí miondíola' nó d'aicme na risíochtaí maidir le 'risíochtaí arna n-urrúsú le morgáistí ar mhaoin dhochorraithe' faoin gCur chuige Caighdeánaithe maidir le priacal creidmheasa i leabhar neamhthrádála na hinstitiúide;
- (b) éileamh ar eintiteas sainchuspóireach, arna gcomhthaobhú, go díreach nó go hindíreach, le suíomh nach mbeadh incháilithe é féin le cur isteach sa phunann trádála comhghaoil i gcomhréir le mír 1 agus leis an mír seo.

3. Féadfaidh institiúid suímh a áireamh sa phunann trádála chomhghaoil nach suímh urrúsúcháin ná díorthaigh chreidmheasa don n-ú mainneachtain iad ach a fhálaíonn suímh eile den phunann sin, ar choinníoll go bhfuil margadh dhá threo leachtach, mar a mhínítear san fhómhír dheireanach de mhír 1 é, ann don ionstraim sin nó dá ionstraimí foluiteacha.

4. Socróidh institiúid an ceann is mó de na méideanna seo a leanas mar cheanglas cistí dílse le haghaidh priacal shonraigh i gcás na punainne trádála comhghaoil:

**▼B**

- (a) an ceanglas cistí dílse iomlán le haghaidh priacal shonraigh a mbeadh feidhm aige maidir le glansuímh fhada na punainne trádála comhghaoil agus leo sin amháin;
- (b) an ceanglas cistí dílse iomlán le haghaidh priacal shonraigh a mbeadh feidhm aige maidir le glansuímh ghearra na punainne trádála comhghaoil agus leo sin amháin.

## F o r o i n n 2

**P r i a c a l g i n e a r á l t a***Airteagal 339***Priacal ginearálta a ríomh bunaithe ar aibíocht**

1. D'fhonn ceanglais cistí dílse le haghaidh priacal ghinearálta a ríomh, déanfar gach suíomh a ualú de réir aibíochta mar a mhínítear i mír 2 chun méid na gceanglas cistí dílse a cheanglaítear ina n-aghaidh a ríomh. Déanfar an ceanglas seo a laghdú nuair a shealbhaítear suíomh ualaithe taobh le suíomh ualaithe urchomhaireach atá laistigh den bhanda aibíochta céanna. Déanfar laghdú ar an gceanglas freisin nuair atá na suímh ualaithe urchomhaireacha i mbandaí aibíochta éagsúla, agus braithfidh méid an laghdaithe sin ar cibé atá nó nach bhfuil an dá shuíomh laistigh den chrios céanna, agus ar na criosanna áirithe ina bhfuil siad.

2. Déanfaidh an institiúid a glansuímh a shannadh do na bandaí aibíochta iomchuí i gcolún 2 nó i gcolún 3, de réir mar is iomchuí, i dTábla 2 i mír 4. Déanfaidh sí é sin ar bhonn na haibíochta iarmhair i gcás ionstraimí ráta sheasta agus ar bhonn na tréimhse go dtí go socrófar an chéad ráta úis eile i gcás na n-ionstraimí sin ar a bhfuil ráta athraitheach úis roimh an aibíocht deiridh. Déanfaidh sí idirdhealú freisin idir ionstraimí fiachais a bhfuil cùpón 3 % nó níos mó acu agus na cinn sin a bhfuil cùpón níos lú ná 3 % acu agus déanfaidh sí iad a leithdháileadh ar an dóigh sin ar cholún 2 nó ar cholún 3 i dTábla 2. Déanfaidh sí gach aon cheann díobh a iolrú faoin ualú i gcomhair an bhanda aibíochta atá i gceist i gcolún 4 i dTábla 2.

3. Ina dhiaidh sin, ríomhfaidh an institiúid suim na suíomh fada ualaithe agus suim na suíomh gearr ualaithe i ngach aon bhanda aibíochta. Beidh suim na suíomh fada atá comhoiriúnaithe leis na suímh ghearra i mbanda aibíochta áirithe cothrom leis an suíomh ualaithe comhoiriúnaithe sa bhanda sin, agus beidh an suíomh iarmharach fada nó gearr cothrom leis an suíomh ualaithe gan chomhoiriúnú don bhanda céanna. Ríomhfar iomlán na suímh ualaithe chomhoiriúnaithe i ngach banda ansin.

4. Ríomhfaidh an institiúid iomlán na suíomh fada ualaithe gan chomhoiriúnú i gcomhair na mbandaí atá ar áireamh i ngach aon cheann de na criosanna i dTábla 2 d'fhonn an suíomh fada ualaithe gan chomhoiriúnú a fháil i gcomhair gach creasa. Ar an gcaoi chéanna, déanfar suim na suíomh gearr ualaithe gan chomhoiriúnú i gcomhair gach aon bhanda i gcrios áirithe a shuimiú chun an suíomh gearr ualaithe gan chomhoiriúnú a ríomh le haghaidh an chreasa sin. Beidh an chuid sin den suíomh fada ualaithe gan chomhoiriúnú do

## ▼B

chrios áirithe atá comhoiriúnaithe leis an suíomh gearr ualaithe gan chomhoiriúnú le haghaidh an chreasa chéanna cothrom leis an suíomh ualaithe comhoiriúnaithe le haghaidh an chreasa sin. Beidh an chuid sin den suíomh fada ualaithe gan chomhoiriúnú nó den suíomh gearr ualaithe gan chomhoiriúnú i gcomhair creasa nach féidir a chomhoiriúnú amhlaidh cothrom leis an suíomh ualaithe gan chomhoiriúnú i comhair an chreasa sin.

Tábla 2

Crios	Banda aibíochta		Ualú (%)	Athruithe toimhdíthe ar rátaí úis (%)
	Cúpón 3 % nó níos mó	Cúpón 3 % nó níos lú		
Uimhir a haon	0 ≤ 1 mhí	0 ≤ 1 mhí	0,00	—
	1 ≤ 3 mhí	1 ≤ 3 mhí	0,20	1,00
	3 ≤ 6 mhí	3 ≤ 6 mhí	0,40	1,00
	6 ≤ 12 mhí	6 ≤ 12 mhí	0,70	1,00
Uimhir a dó	> 1 ≤ 2 bliana	> 1.0 ≤ 1.9 bliana	1,25	0,90
	> 2 ≤ 3 bliana	> 1.9 ≤ 2.8 bliana	1,75	0,80
	> 3 ≤ 4 bliana	> 2.8 ≤ 3.6 bliana	2,25	0,75
Uimhir a trí:	> 4 ≤ 5 bliana	> 3.6 ≤ 4.3 bliana	2,75	0,75
	> 5 ≤ 7 bliana	> 4.3 ≤ 5.7 bliana	3,25	0,70
	> 7 ≤ 10 bliana	> 5.7 ≤ 7.3 bliana	3,75	0,65
	> 10 ≤ 15 bliana	> 7.3 ≤ 9.3 bliana	4,50	0,60
	> 15 ≤ 20 bliana	> 9.3 ≤ 10.6 bliana	5,25	0,60
	> 20 bliana	> 10,6 ≤ 12,0 bliana	6,00	0,60
		> 12.0 ≤ 20,0 bliana	8,00	0,60
		> 20 bliana	12,50	0,60

5. Beidh méid an tsuímh fhada nó an tsuímh ghearr ualaithe gan chomhoiriúnú i gcrios a haon atá comhoiriúnaithe leis an suíomh gearr nó fada ualaithe gan chomhoiriúnú i gcrios a dó cothrom leis an suíomh ualaithe comhoiriúnaithe idir crios a haon agus crios a dó. Déanfar an ríomh céanna ansin maidir leis an gcuid sin den suíomh ualaithe gan chomhoiriúnú i gcrios a dó atá fágtha agus an suíomh ualaithe gan chomhoiriúnú i gcrios a trí d'fhonn an suíomh ualaithe comhoiriúnaithe idir crios a dó agus crios a trí a ríomh.

6. Féadfaidh an institiúid an t-ord atá i mír 5 a chasadh droim ar ais chun an suíomh ualaithe comhoiriúnaithe idir crios a dó agus crios a trí a ríomh sula ríomhann sí an suíomh idir crios a haon agus crios a dó.

7. Déanfar fuilleach an tsuímh ualaithe gan chomhoiriúnú i gcrios a haon a chomhoiriúnú leis an bhfuilleach den suíomh sin i gcrios a trí tar éis dó a bheith comhoiriúnaithe le crios a dó, d'fhonn an suíomh ualaithe comhoiriúnaithe idir crios a haon agus crios a trí a fháil.

8. Déanfar na suímh iarmharacha a bheidh fágtha i ndiaidh na dtrí ríomh comhoiriúnaithe faoi leith i mír 5, mír 6 agus mír 7 a shuimiú.

9. Déanfar ceanglas cistí dílse na hinstitiúide a ríomh mar shuim:

- (a) 10 % de shuim na suíomh ualaithe comhoiriúnaithe i ngach banda aibíochta;

**▼B**

- (b) 40 % den suíomh ualaithe comhoiriúnaithe i gcríos a haon;
- (c) 30 % den suíomh ualaithe comhoiriúnaithe i gcríos a dó;
- (d) 30 % den suíomh ualaithe comhoiriúnaithe i gcríos a trí;
- (e) 40 % den suíomh ualaithe comhoiriúnaithe idir críosanna a haon agus a dó agus idir críosanna a dó agus a trí;
- (f) 150 % den suíomh ualaithe comhoiriúnaithe idir críosanna a haon agus a trí;
- (g) 100 % de na suímh ualaithe iarmharacha gan chomhoiriúnú.

*Airteagal 340***Priacal ghinearálta a ríomh bunaithe ar fhad tréimhse**

1. Féadfaidh institiúidí leas a bhaint as cur chuige a léiríonn fad tréimhse chun ceanglas cistí dílse le haghaidh priacal ghinearálta ar ionstraimí fiachais a ríomh, in ionad an chur chuige atá leagtha amach in Airteagal 339, ar choinníoll go ndéanann an institiúid amhlaidh ar bhonn comhsheasmhach.

2. Faoin gcur chuige bunaithe ar fhad tréimhse dá dtagraítear i mír 1, tógfaidh an institiúid margadhluach gach ionstraime fiachais ar ráta seasta agus ríomhfaidh sí a thoradh go dtí aibíocht dá bhrí sin, arb ionann é agus an ráta lascaire intuigthe don ionstraim sin. I gcás ionstraimí ráta chomhlúthaigh, tógfaidh an institiúid margadhluach gach ionstraime agus ríomhfaidh sí a toradh, dá bhrí sin, ar an toimhde go mbeidh an phríomhshuim dlite nuair a bheifear in ann an ráta úis a athrú an chéad uair eile.

3. Ina dhiaidh sin, ríomhfaidh an institiúid fad tréimhse leasaithe gach ionstraime fiachais ar bhonn na foirmle seo a leanas: sa mhéid gurb iad seo a leanas na noda:

$$\text{fad tréimhse leasaithe} = \frac{D}{1 + R}$$

nuair atá:

D = fad tréimhse arna ríomh de réir na foirmle seo a leanas:

$$D = \frac{\sum_{t=1}^M \frac{t \cdot C_t}{(1 + R)^t}}{\sum_{t=1}^M \frac{C_t}{(1 + R)^t}}$$

nuair atá:

R = toradh go dtí aibíocht;

C<sub>t</sub> = íocaíocht airgid i rith ama t;

M = aibíocht iomlán

Ceartófar ríomh na tréimhse leasaithe i gcás ionstraimí fiachais atá faoi réir priacal réamhíocaíochta. Eiseoidh ÚBE treoirlínte, i gcomhréir le hAirteagal 16 de Rialachán (AE) Uimh. 1093/2010, maidir leis an tslí ina gcuirtear ceartúcháin den chineál sin i bhfeidhm.

**▼B**

4. Leithdháilfidh an institiúid gach ionstraim fiachais ar an gcrios iomchuí i dTábla 3. Déanfaidh sé é sin ar bhonn fhad tréimhse leasaithe gach ionstraime.

*Tábla 3*

Crios	Marthanacht leasaithe (blianta)	Ús toimhdithe (athrú de réir %)
Uimhir a haon	$> 0 \leq 1,0$	1,0
Uimhir a dó	$> 1,0 \leq 3,6$	0,85
Uimhir a trí:	$> 3,6$	0,7

5. Ríomhfaidh an institiúid an suíomh ualaithe ó thaobh faid tréimhse i gcás gach ionstraime trína praghas margaidh a iolrú faoina fad tréimhse leasaithe agus faoi athrú toimhdithe an ráta úis i gcás ionstraime a bhfuil an fad tréimhse leasaithe áirithe sin aici (féach colún 3 i dTábla 3).

6. Ríomhfaidh an institiúid a suíomh fhada ualaithe ó thaobh faid tréimhse agus a suíomh ghearra ualaithe ó thaobh faid tréimhse laistigh de gach aon chrios. Beidh suim na suíomh fada atá comhoiriúnaithe leis na suíomh ghearra i ngach aon chrios cothrom leis an suíomh comhoiriúnaithe ualaithe ó thaobh faid tréimhse don chrios sin.

Ríomhfaidh an institiúid na suíomh gan chomhoiriúnú atá ualaithe ó thaobh faid tréimhse do gach aon chrios. Ansin leanfaidh sí na nósanna imeachta maidir le suíomh ualaithe gan chomhoiriúnú atá leagtha síos in Airteagal 339(5) go (8).

7. Ríomhfar ceanglas cistí dílse na hinstitiúide mar shuim na méideanna seo a leanas:

- (a) 2 % den suíomh comhoiriúnaithe ualaithe ó thaobh faid tréimhse do gach aon chrios;
- (b) 40 % de na suíomh comhoiriúnaithe ualaithe ó thaobh faid tréimhse idir criosanna a haon agus a dó agus idir criosanna a dó agus a trí;
- (c) 150 % den suíomh comhoiriúnaithe ualaithe ó thaobh faid tréimhse idir criosanna a haon agus a trí;
- (d) 100 % de na suíomh iarmharacha gan chomhoiriúnú, ualaithe ó thaobh faid tréimhse.

### Roinn 3

#### Cothromais

##### *Airteagal 341*

#### **Glansuímh in ionstraimí fiachais**

1. Déanfaidh an institiúid suim a glansuíomh fada agus suim a glansuíomh gearr a ríomh ar leithligh i gcomhréir le hAirteagal 327 Beidh suim luachanna absalóideacha an dá fhigiúr cothrom lena suíomh comhlán foriomlán.

**▼B**

2. Déanfaidh an institiúid an difríocht idir suim na nglansuíomh fada agus suim na nglansuíomh gearr a ríomh ar leithligh, i gcás gach margaidh. Beidh suim luachanna absalóideacha na ndifríochtaí sin cothrom lena glansuíomh foriomlán.

3. Forbróidh ÚBE dréachtchaighdeáin theicniúla rialála chun an téarma margaidh dá dtagraítear i mír 2 a shainiú.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Eanáir 2014.

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

*Airteagal 342***Priacal sonrach ionstraimí cothromais**

Déanfaidh an institiúid a suíomh comhlán foriomlán a iolrú faoi 8 % d'fhonn a ceanglas cistí dílse le haghaidh priacal shonraigh a ríomh.

*Airteagal 343***Priacal ginearálta ionstraimí cothromais**

Beidh an ceanglas cistí dílse le haghaidh priacal ghinearálta cothrom le glansuíomh foriomlán na hinstitiúide arna iolrú faoi 8 %.

*Airteagal 344***Innéacsanna stoic**

1. Forbróidh ÚBE dréachtchaighdeáin theicniúla cur chun feidhme ina liostaítear na hinnéacsanna stoic a mbeidh na láimhseálacha a leagtar amach sa dara abairt de mhír 4 ar fáil dóibh.

Cuirfidh ÚBE na dréachtchaighdeáin theicniúla cur chun feidhme sin faoi bhráid an Choimisiúin faoin 1 Eanáir 2014.

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

►C2 2. Roimh theacht i bhfeidhm na gcaighdeán teicniúil dá dtagraítear i mír 1, féadfaidh institiúidí leanúint den láimhseáil atá leagtha amach sa dara habairt de mhír 4 a chur i bhfeidhm, i gcás ◀ ina mbeidh an láimhseáil sin curtha i bhfeidhm ag na húdaráis inniúla roimh an 1 Eanáir 2014.

3. Féadfar todhchaíochtaí innéacsanna stoic arb ionann iad agus coibhéisí ualaithe ó thaobh deilte i leith na roghanna i dtodhchaíochtaí innéacsanna stoic agus in innéacsanna stoic, dá ngairtear 'todhchaíochtaí innéacsanna stoic' i dteannta a chéile anseo feasta, a mhiondealú ina suímh i ngach aon cheann dá gcothromais bhunaithe. Féadfar na suímh sin a láimhseáil mar shuímh foluiteacha sa chothromas atá i gceist, agus féadfar iad a ghlanluacháil i gcoinne suímh urchomhaireacha sa chothromas fholuiteach féin. Tabharfaidh institiúidí fógra don údarás inniúil faoin leas a bhaineann siad as an láimhseáil sin.

**▼B**

4. Sa chás nach miondealaítear todhchaíocht innéacsanna stoic ina suímh fholuiteacha, láimhseálfar í amhail is dá mba chothromas aonair í. Mar sin féin, is féidir neamhaird a dhéanamh den priacal sonrach ar an gcothromas aonair sin más rud é go bhfuil an todhchaíocht innéacsanna stoic atá i gceist á trádáil ar an stocmhalartán agus más innéacs ábhartha atá éagsúlaithe go hiomchuí í.

## Roinn 4

**Frithghealladh***Airteagal 345***Glansuímh a laghdú**

1. I gcás ina bhfrithghealltar fiachas agus ionstraimí cothromais, féadfaidh institiúid leas a bhaint as an nós imeachta seo a leanas chun a ceanglais cistí dílse a ríomh. Ríomhfaidh an institiúid a glansuímh ar dtús trí na suímh fhrithgheallta atá suibscríofa nó fo-fhrithgheallta ag tríú páirtithe ar bonn comhaontuithe foirmiúla a asbhaint. Laghdóidh an institiúid na glansuímh ansin de réir na bhfactóirí laghdaithe i dTábla 4 agus ríomhfaidh sí a ceanglais cistí dílse ag úsáid na suímh fhrithgheallta laghdaithe.

*Tábla 4*

lá oibre 0:	100 %
lá oibre 1:	90 %
laethanta oibre 2 go 3:	75 %
lá oibre 4:	50 %
lá oibre 5:	25 %
i ndiaidh lá oibre 5:	0 %.

Is éard a bheidh i 'lá oibre a náid' an lá oibre ar a dtabharfaidh an institiúid gealltanais gan choinníoll glacadh le líon áirithe urrús ar phraghas comhaontaithe.

2. Cuirfidh na hinstitiúidí an leas a bhaineann siad as mír 1 in iúl do na húdaráis inniúla.

## Roinn 5

**Ceanglais cistí dílse priacal shonraigh le haghaidh suímh atá fálaithe ag díorthaigh chreidmheasa***Airteagal 346***Lamháltas le haghaidh fálú ag díorthaigh chreidmheasa**

1. Tabharfar lamháltas le haghaidh fálú a chuireann díorthaigh chreidmheasa ar fáil, i gcomhréir leis na prionsabail atá leagtha amach i míreanna 2 go 6.

2. Láimhseálfaidh institiúidí an suíomh sa díorthach creidmheasa mar 'chéim' amháin agus an suíomh fálaithe a bhfuil an méid ainmniúil céanna, nó nuair is infheidhme, an méid barúlach céanna, aige mar an 'chéim' eile.

**▼B**

3. Tabharfar lamháltas iomlán nuair a ghluaiseann luachanna an dá chéim ar malairt treonna agus má ghluaiseann siad an méid céanna i gcónaí tríd is tríd. Beidh an scéal amhlaidh sna cásanna seo a leanas:

- (a) ionstraimí atá comhionann le chéile go hiomlán atá sa dá chéim;
- (b) tá suíomh fada airgid fálaíthe ag babhtáil ráta toraidh iomlán (nó vice versa) agus tá an oibleagáid tagartha comhoiriúnaithe go cruinn leis an risíocht fholuitheach (i.e. an suíomh airgid). D'fhéadfadh aibíocht na babhtála féin a bheith éagsúil ó aibíocht na risíochta foluiteach.

Sna cásanna sin, ní chuirfear ceanglas cistí dílse le haghaidh príacal shonraigh i bhfeidhm maidir le ceachtar taobh den suíomh.

4. Cuirfear fritháireamh 80 % i bhfeidhm nuair a ghluaiseann luachanna an dá chéim i malairt treonna agus nuair atá comhoiriúnú cruinn ann ó thaobh na hoibleagáide tagartha, ó thaobh aibíocht na hoibleagáide tagartha agus an díorthaigh chreidmheasa araon, agus ó thaobh airgeadra na risíochta foluiteach. Ina theannta sin, ní chuirfidh gnéithe tábhachtacha den chonradh díorthach creidmheasa faoi deara go mbeidh gluaiseacht praghsanna an díorthaigh chreidmheasa ag diall go hábhartha ó ghluaiseachtaí praghsanna an tsuímh airgid. A mhéid a ndéanann an t-idirbheart príacal a aistriú, cuirfear fritháireamh 80 % i bhfeidhm maidir le taobh an idirbhirt a bhfuil ceanglas cistí dílse níos airde aige, agus beidh na ceanglais príacal shonraigh ar an taobh eile cothrom le nialas.

5. Tabharfar lamháltas páirteach, sna cásanna seo a leanas, in éagmais na gcásanna i mír 3 agus mír 4:

- (a) tagann an suíomh faoi mhír 3(b) ach tá neamhréir sócmhainní ann idir an oibleagáid tagartha agus an risíocht fholuiteach. Mar sin féin, comhlíonann na suímh na ceanglais seo a leanas:
  - (i) tá an oibleagáid tagartha ar chomhchéim nó ar chéim níos sóisearaí ná an noibleagáid foluiteach;
  - (ii) tá an t-oibleagáideoir céanna ag an oibleagáid foluiteach agus ag an oibleagáid tagartha agus tá clásail um thrasmhainneachtain nó clásail um thras-luathú iontu atá infheidhme le dlí;
- (b) tagann an suíomh faoi mhír 3(a) nó faoi mhír 4 ach tá neamhréir airgeadra nó aisioncronacht aibíochta ann idir an chosaint chreidmheasa agus an sócmhainn fholuiteach. Áireofar neamhréir airgeadra den chineál sin sa cheanglas cistí dílse le haghaidh príacal malairte eachtraí;
- (c) tagann an suíomh faoi mhír 4 ach tá neamhréir sócmhainní ann idir an suíomh airgid agus an díorthach creidmheasa. Mar sin féin, tá an sócmhainn fholuiteach ar áireamh sna hoibleagáidí (inseachadta) i ndoiciméadacht an díorthaigh chreidmheasa.

D'fhonn lamháltas páirteach a thabhairt, seachas na ceanglais cistí dílse le haghaidh príacal shonraigh a chur le gach taobh den idirbheart, ní bheidh feidhm ach ag an gceann is airde den dá cheanglas cistí dílse.



**▼B**

6. I ngach cás nach dtagann faoi mhíreanna 3 go 5, déanfar ceanglas cistí dílse le haghaidh priacal shonraigh a ríomh ar leithligh don dá thaobh de na suímh.

*Airteagal 347***Lamháltas le haghaidh fálú ag díorthaigh chreidmheasa don chéad mhainneachtain agus don n-ú mainneachtain**

I gcás na ndíorthach creidmheasa don chéad mhainneachtain agus na ndíorthach creidmheasa don n-ú mainneachtain, beidh feidhm ag an láimhseáil seo a leanas maidir leis an lamháltas a bheidh le tabhairt i gcomhréir le hAirteagal 346:

- (a) i gcás ina bhfaigheann institiúid cosaint chreidmheasa i gcomhair roinnt eintiteas tagartha fholuiteach díorthach creidmheasa faoi théarmaí lena sanntar go ndéanfar íocaíocht a luaithe is a tharlaíonn an chéad mhainneachtain agus go gcuirfidh an teagmhas creidmheasa sin deireadh leis an gconradh, féadfaidh an institiúid fritháireamh a dhéanamh ar priacal sonracha an eintitis tagartha sin lena bhfuil feidhm ag an muirear céatadáin is ísle um priacal sonracha i measc na n-eintiteas tagartha foluiteach i gcomhréir le Tábla 1 in Airteagal 336;
- (b) i gcás ina spreagfar íocaíocht maidir le cosaint chreidmheasa a luaithe a tharlaíonn an n-ú mainneachtain sna risíochtaí, ní fhéadfaidh ceannaitheoir na cosanta an priacal sonracha sin a fhri-tháireamh ach amháin más rud é go bhfuil cosaint faighte chomh maith i gcomhair mainneachtainí 1 go n-1 nó má tá n-1 mainneachtain tarlaithe cheana féin. I gcásanna den sórt sin, leanfar den mhodheolaíocht a leagtar amach i bpointe (a) maidir le díorthaigh chreidmheasa don chéad mhainneachtain arna leasú mar is iomchuí i gcomhair táirgí don n-ú mainneachtain.

## Roinn 6

**Ceanglais cistí dílse le haghaidh gCanna***Airteagal 348***Ceanglais cistí dílse le haghaidh GCanna**

1. Gan dochar d'fhorálacha eile sa Roinn seo, beidh suímh in GCanna faoi réir ceanglas cistí dílse le haghaidh priacal an tsuímh, arb éard a bheidh ann priacal sonracha agus priacal ginearálta, arb ionann é agus 32%. Gan dochar d'Airteagal 353 a ghlactar in éineacht leis an modh leasaithe le hór a láimhseáil a leagtar amach in Airteagal 352(4) agus in Airteagal 367(2)(b), beidh suímh in GCanna faoi réir ceanglas cistí dílse le haghaidh priacal an tsuímh, arb éard a bheidh ann priacal sonracha agus priacal ginearálta, agus priacal malairte eachtraí 40 %;

2. Mura dtugtar a mhalairt le fios in Airteagal 350, ní cheadaítear aon ghlanluacháil idir infheistíochtaí foluiteacha GC agus suímh eile i seilbh na hinstitiúide.

**▼B***Airteagal 349***Critéir ghinearálta maidir le GCanna**

Beidh GCanna incháilithe don chur chuige atá leagtha amach in Airteagal 350, i gcás ina mbeidh na coinníollacha seo a leanas go léir comhlíonta:

- (a) beidh siad seo a leanas go léir le fáil i réamheolaire an GC nó i ndoiciméad coibhéiseach:
  - (i) catagóirí na sócmhainní a bhfuil an GC údaraithe infheistíocht a dhéanamh iontu;
  - (ii) na teorainneacha coibhneasta agus na modheolaíochtaí chun iad a ríomh, más rud é go bhfuil feidhm ag teorainneacha infheistíochta;
  - (iii) i gcás ina gceadaítear luamhánú, an t-uasleibhéal luamhánaithe;
  - (iv) i gcás ina gceadaítear idirbhearta díorthach creidmheasa thar an gcuntar nó idirbhearta athcheannaigh, nó iasachtú nó iasachtaíocht urrús a thabhairt i gcrích, beartas chun teorainn a chur le priacal contrapháirtí a eascraíonn as na hidirbhearta sin;
- (b) déanfar gnó an GC a thuairisciú i dtuarascálacha leathbhliantúla agus bliantúla chun go bhféadfar measúnú a dhéanamh ar na sócmhainní agus ar na dliteanais, ar ioncam agus ar oibríochtaí thar an tréimhse tuairiscithe;
- (c) is féidir scaireanna nó aonaid an GC a fhuascailt in airgead tirim, as sócmhainní an ghnóthais, ar bhonn laethúil arna iarraidh sin ag sealbhóir an aonaid;
- (d) coinneofar infheistíochtaí sa GC scartha ó shócmhainní bhainisteoir an GC;
- (e) déanfaidh an institiúid infheistíochta measúnú priacal sásúil ar an GC;
- (f) daoine a ndéanfar maoirseacht i gcomhréir le Treoir 2009/65/CE nó i gcomhréir le reachtaíocht choibhéiseach orthu a bheidh ina mbainisteoirí ar GCanna.

*Airteagal 350***Modhanna sonracha i gcomhair GCanna**

1. I gcás ina bhfuil an institiúid ar an eolas faoi infheistíochtaí foluiteacha an GC ar bhonn laethúil, féadfaidh an institiúid trébhreathnú a dhéanamh ar na hinfeistíochtaí foluiteacha sin d'fhonn ceanglais cistí dílse le haghaidh priacal an tsuímh a ríomh, arb éard a bheidh ann priacal sonracha agus priacal ginearálta. Faoi chur chuige den chineál sin, láimhseálfar suímh in GCanna mar shuímh in infheistíochtaí foluiteacha an GC. Ceadófar glanluacháil idir suímh in infheistíochtaí bunúsacha an GC agus suímh eile i seilbh na hinstitiúide, ar an gcoinníoll go sealbhaíonn an institiúid méid leordhóthanach scaireanna nó aonad chun go mbeifear in ann iad a fhuascailt nó a chruthú mar mhalairt ar na hinfeistíochtaí foluiteacha.

**▼B**

2. Féadfaidh institiúidí na ceanglais cistí dílse le haghaidh priacal an tsuímh a ríomh, arb éard a bheidh ann priacal sonrach agus priacal ginearálta, le haghaidh suíomh in GCanna trí ghlacadh leis go bhfuil suímh ann arb ionann iad agus na suímh sin atá riachtanach chun aithris a dhéanamh ar chomhdhéanamh agus ar fheidhmíocht an innéacs atá ginte go seachtrach nó an bhascaeid sheasta de chothromas nó d'urrús fiachais dá dtagraítear i bpointe (a) thíos, faoi réir na gcoinníollacha seo a leanas:

- (a) is é cuspóir do shainordú an GC aithris a dhéanamh ar chomhdhéanamh agus ar fheidhmíocht innéacs atá ginte go seachtrach nó bascaeid sheasta de chothromas nó d'urrúis fiachais;
- (b) is féidir a léiriú go soiléir thar thréimhse sé mhí ar a laghad go bhfuil comhéifeacht chomhghaoil íosta 0.9 idir an toradh laethúil ar an GC agus an t-innéacs nó an bascaed de chothromas nó d'urrúis fiachais a rianaíonn sé.

3. I gcás nach bhfuil an institiúid ar an eolas faoi infheistíochtaí foluiteacha an GC ar bhonn laethúil, féadfaidh an institiúid na ceanglais cistí dílse le haghaidh priacal an tsuímh a ríomh, arb éard a bheidh ann, priacal sonrach agus priacal ginearálta, faoi réir na gcoinníollacha seo a leanas:

- (a) glacfar leis go n-infheistíonn an GC ar dtús go dtí an t-uasmhéid a cheadaítear faoina shainordú sna haicmí sócmhainní sin a bhfuil an ceanglas cistí dílse is airde ag baint leo i leith priacal shonraigh agus priacal ghinearálta ar leithligh, agus ansin go leanann sé ar aghaidh ag infheistiú in ord íslitheach go dtí go mbainfear an teorainn uasta amach maidir le hinfeistíocht iomlán. Is mar shealúchas díreach sa suíomh a glacadh a láimhseálfar an suíomh sa GC;
- (b) cuirfidh institiúidí san áireamh an risíocht indéach is airde a d'fhéadfaidís a bhaint amach trí shuímh luamhánaithe a ghlacadh tríd an GC nuair atá a gceanglas cistí dílse le haghaidh priacal shonraigh agus priacal ghinearálta á ríomh ar leithligh acu, tríd an suíomh sa GC a mhéadú go comhréireach suas go dtí an risíocht uasta ar na hítimí infheistíochta foluiteacha a thig ón sainordú;
- (c) má sháraíonn an ceanglas cistí dílse le haghaidh priacal shonraigh agus priacal ghinearálta i dteannta a chéile i gcomhréir leis an mír seo an méid sin atá leagtha amach in Airteagal 348(1) cuirfear uasteorainn leis an gceanglas cistí dílse ar an leibhéal sin.

4. Féadfaidh institiúidí dul i muinín na dtríú páirtithe seo a leanas chun ceanglais cistí dílse le haghaidh priacal an tsuímh i gcás suíomh in GCanna a thagann faoi réim mhír 1 go mír 4 a ríomh agus a thuairisciú, i gcomhréir leis na modhanna atá leagtha amach sa Chaibidil seo:

- (a) taisclann an GC ar choinníoll go n-infheistíonn an GC in urrúis amháin agus go gcuireann sé gach urrús i dtaisce sa taisclann seo;
- (b) i gcás GCanna eile, cuideachta bhainistíochta an GC, ar choinníoll go gcomhlíonann cuideachta bhainistíochta an GC na critéir a leagtar amach in Airteagal 132(3)(a).

**▼B**

Deimhneoidh iniúchóir seachtrach go bhfuil an ríomh cruinn.

*CAIBIDIL 3**Ceanglais cistí dílse le haghaidh priacal malairte eachtraí**Airteagal 351***De minimis agus ualú maidir le priacal malairte eachtraí**

Más mó ná 2 % d'iomlán a cistí dílse suim ghlansuíomh foriomlán na hinstitiúide in airgeadra eachtrach agus ghlansuíomh óir na hinstitiúide, arna ríomh i gcomhréir leis an nós imeachta atá leagtha amach in Airteagal 352, lena n-áirítear aon suímh in airgeadra eachtrach nó suímh óir a ríomhtar ceanglais cistí dílse ina leith ag úsáid samhail inmheánach, ríomhfaidh an institiúid ceanglas cistí dílse le haghaidh priacal malairte eachtraí. Beidh an ceanglas cistí dílse le haghaidh priacal malairte eachtraí cothrom le suim a glansuímh fhoriomláin in airgeadra eachtrach agus a glansuímh óir san airgeadra tuairiscithe, arna iolrú faoi 8 %.

*Airteagal 352***An glansuíomh foriomlán in airgeadra eachtrach a ríomh**

1. Ríomhfar glansuíomh oscailte na hinstitiúide i ngach airgeadra (lena n-áirítear an t-airgeadra tuairiscithe) agus in ór mar shuim na n-eilimintí a leanas (deimhneach nó diúltach):

- (a) an spotsuíomh glan (i.e. gach ítim shócmhainne lúide gach ítim dhliteanais, lena n-áirítear ús fabhráithe, san airgeadra atá i gceist nó, maidir le hór, an spotsuíomh glan in ór);
- (b) an réamhshuíomh glan, is é sin na méideanna uile lena bhfáil lúide na méideanna uile lena n-íoc faoi idirbhearta réamh-mhalairte agus óir, lena n-áirítear todhchaíochtaí airgeadra agus óir agus an phríomhshuim ar bhábhálacha sealadacha airgeadraí nach n-áirítear sa spotsuíomh;
- (c) ráthaíochtaí neamh-inchúlghairthe agus ionstraimí dá samhail ar deimhin go nglaofar iad agus ar dóigh dóibh a bheith do-aisghabhála;
- (d) coibhéis an deilte ghlan, nó coibhéis bunaithe ar dheilte, na roghanna malairte eachtraí agus óir iomlána de réir na leabhar;
- (e) margadhluach na roghanna eile.

Is í an deilte a úsáidfear chun críocha phointe (d) deilte na malairte lena mbaineann. Le haghaidh roghanna thar an gcuntar, nó i gcás nach bhfuil fáil ar deilte ón mhalairt lena mbaineann, d'fhéadfadh an institiúid í féin an deilte a ríomh agus samhail chuí á húsáid, faoi riar cead a fháil ó na húdaráis inniúla. Tabharfar cead má mheastar ráta athraithe luach na rogha nó luach an bharántais go hiomchuí leis an tsamhail i leith athruithe beaga i bpraghas margaidh na ionstraime foluiteach.

**▼B**

Féadfaidh an institiúid ioncam/caiteachais todhchaí nár fabhraíodh fós ach atá fálaíthe go hiomlán cheana a chur san áireamh má dhéanann sé é go comhsheasmhach.

Féadfaidh an institiúid glansuímh in airgeadraí ilchodacha a mhiondealú ina n-airgeadraí comhpháirte de réir na gcúótaí atá i bhfeidhm.

2. Féadfar aon suímh arna nglacadh d'aonghnó ag institiúid d'fhonn fálú i gcoinne éifeacht dhíobhálach an ráta malairte ar a gcóimheasa i gcomhréir le hAirteagal 92(1) a eisiaimh nuair a dhéantar glansuímh in airgeadra oscailte a ríomh, faoi réir chead na n-údarás inniúil. Beidh suímh den sórt sin de chineál neamhthrádala nó struchtúrach agus beidh aon athrú i dtéarmaí a n-eisiaimh faoi réir ceada ar leith ó na húdaráis inniúla. Féadfar an láimhseáil chéanna faoi réir na gcoinníollacha céanna a chur i bhfeidhm maidir le suímh na hinstitiúide a bhaineann le hitimí atá asbhainte cheana agus a cistí dílse á ríomh.

3. Féadfaidh institiúid an glanluach láithreach a úsáid nuair a bheidh an glansuíomh oscailte i ngach airgeadra agus in ór á ríomh ar choinníoll go n-úsáideann an institiúid an cur chuige sin go comhsheasmhach.

4. Déanfar glansuímh ghearra agus fhada i ngach airgeadra seachas an t-airgeadra tuairiscithe agus an glansuíomh fada nó gearr in ór a chomhshó ag spotrátaí san airgeadra tuairiscithe. Beidh siad suimithe ansin ar leithligh chun iomlán na nglansuíomh gearr agus iomlán na nglansuíomh fada faoi seach a chruthú. Is é an ceann is airde den dá iomlán sin a bheidh i nglansuíomh foriomlán na hinstitiúide maidir le malairt eachtrach.

5. Léireoidh institiúidí go leormhaith sna ceanglais cistí dílse na priacail eile a bhaineann le roghanna seachas an priacal deilte.

6. Forbróidh ÚBE dréachtchaighdeáin theicniúla rialála lena saineofar raon modhanna chun priacail eile, seachas an priacal deilte, a léiriú i gceanglais cistí dílse ar bhealach atá comhréireach le scála agus castacht ghníomhaíochtaí na n-institiúidí i roghanna.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2013

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

Roimh theacht i bhfeidhm na gcaighdeán teicniúil dá dtagraítear sa chéad fhomhír, féadfaidh institiúidí inniúla leanúint de na cóireálacha náisiúnta atá ann cheana féin a chur i bhfeidhm, i gcás gur chuir na húdaráis inniúla an láimhseáil sin i bhfeidhm roimh an 31 Nollaig 2013



*Airteagal 353*

**Priacal malairte eachtraí na GCanna**

1. Chun críocha Airteagal 352, beidh, i gcás GCanna, suíomh iarbhir an CUI maidir le hairgeadra eachtrach curtha san áireamh.
2. Féadfaidh institiúidí dul i muinín thuairisciú na dtríú páirtithe seo a leanas maidir le suímh in airgeadra eachtrach sa GC:
  - (a) institiúid taisclainne an GC ar an gcoinníoll go ndéanann an GC infheistiú eisiach in urrúis agus go gcuireann sé gach urrús i dtaisce san institiúid taisclainne sin;
  - (b) i gcás GCanna eile, cuideachta bhainistíochta an GC, ar choinníoll go gcomhlíonann cuideachta bhainistíochta an GC na critéir atá leagtha amach i bpointe (a) d'Airteagal 132 (3).

Deimhneoidh iniúchóir seachtrach go bhfuil an ríomh cruinn.

3. I gcás nach feasach d'institiúid na suímh in airgeadra eachtrach atá in GC, glacfar leis go bhfuil an GC infheistithe go dtí an t-uasmhéid a cheadaítear faoi shainordú an GC maidir le hairgeadra eachtrach agus cuirfidh institiúidí san áireamh, maidir le suímh sa leabhar trádála, an risíocht indíreach ba mhó arbh fhéidir leo a bhaint amach trí shuímh luamhánaithe a ghlacadh tríd an GC nuair atá a gceanglais cistí dílse le haghaidh priacal malairte eachtraí á ríomh. Déanfar sin tríd an suíomh sa GC a mhéadú go comhréireach go dtí an risíocht uasta ar na hítimí infheistíochta foluiteacha a eascraíonn as an sainordú infheistíochta. Láimhseálfar suíomh toimhdíthe an GC maidir le malairt eachtrach mar airgeadra ar leithligh de réir láimhseáil na n-infheistíochtaí in ór, faoi réir iomlán an tsuímh fhada a chur le hiomlán an tsuímh fhada oscailte in airgeadra eachtrach agus iomlán an tsuímh ghearr a chur le hiomlán an tsuímh ghearr oscailte in airgeadra eachtrach nuair atá stiúradh infheistíocht GC ar fáil. Ní cheadófar glanluacháil idir shuímh den sórt sin roimh an ríomh.

*Airteagal 354*

**Airgeadraí dlúth-chomhghaolaithe**

1. Féadfaidh institiúidí ceanglais cistí dílse níos ísle a sholáthar i gcoinne suíomh in airgeadraí dlúth-chomhghaolaithe ábhartha. Ní mheastar péire airgeadraí a bheith dlúth-chomhghaolaithe ach sa chás ina mbeadh dóchúlacht chailleanais — arna ríomh ar bhonn sonraí ráta malairte na dtrí nó na gcúig bliana roimhe — ar shuímh chothroma agus urchomhaireacha in airgeadraí den sórt sin thar an 10 lá oibre dar gcionn, ar 4 % nó níos lú é de luach an tsuímh chomhoiriúnaithe atá i gceist (arna luacháil i dtéarmaí an airgeadra thuairiscithe), ina mbeadh an dóchúlacht sin ar a laghad 99 % nuair a d'úsáidfí tréimhse bhreathnóireachta trí bliana, agus 95 % nuair a d'úsáidfí tréimhse bhreathnóireachta cúig bliana. Beidh an ceanglas cistí dílse maidir leis an suíomh comhoiriúnaithe in dhá airgeadra dhlúth-chomhghaolaithe cothrom le 4 % arna iolrú faoi luach an tsuímh chomhoiriúnaithe.

**▼B**

2. Le linn cheanglais na Caibidle seo a ríomh, féadfaidh institiúidí neamhaird a dhéanamh de shuímh in airgeadraí atá faoi réir comhaontaithe idir-rialtasaigh atá ceangailteach ó thaobh dlí de chun teorainn a chur lena n-athrúchán i gcoibhneas le hairgeadraí eile arna gcumhdach faoin gcomhaontú céanna. Ríomhfaidh institiúidí a suímh chomhoiriúnaithe in airgeadraí den sórt sin agus déanfaidh siad ceanglas cistí dílse a chur i bhfeidhm maidir leo nach lú ná leath an athrúcháin uasta cheadaithe atá leagtha síos sa chomhaontú idir-rialtasach atá i gceist i leith na n-airgeadraí lena mbaineann.

3. Forbróidh ÚBE dréachtchaighdeáin theicniúla cur chun feidhme ina liostaítear na hairgeadraí a bhfuil an láimhseáil atá leagtha amach i mír 1 ar fáil dóibh.

Cuirfidh ÚBE na dréachtchaighdeáin theicniúla cur chun feidhme sin faoi bhráid an Choimisiúin faoin 1 Eanáir 2014.

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

4. Féadfar an ceanglas cistí dílse maidir leis na suímh chomhoiriúnaithe in airgeadraí na mBallstát a bheidh rannpháirteach i ndara céim an aontais eacnamaíoch agus airgeadaíochta a ríomh mar 1,6 % de luach na suíomh comhoiriúnaithe sin.

5. Ní bheidh ionchorpraithe sa ghlansuíomh oscailte foriomlán i gomhréir le hAirteagal 352(4) ach na suímh gan chomhoiriúnú in airgeadraí dá dtagraítear san Airteagal seo.

6. Maidir le sonraí ráta malairte laethúla na dtrí nó na gcúig bliana roimhe atá ar shuímh chothroma agus urchomhaireacha i bpéire airgeadra ar feadh na 10 lá oibre ina dhiaidh sin, i gcás ina léirítear leo go bhfuil an dá airgeadra sin i gcomhchoibhneas deimhneach foirfe lena chéile agus a bhféadfaidh an institiúid raon tairisceana is atairisceana nialais a bhaint amach i gcónaí i leith gach trádála faoi seach, féadfaidh an institiúid arna cheadú sin go follasach ag a húdaráis inniúil, ceanglas maidir le cistí dílse 0 % a chur i bhfeidhm go dtí deireadh na bliana 2017.

*CAIBIDIL 4**Ceanglais na gcistí dílse le haghaidh priacal tráchtearraí**Airteagal 355***Modh a roghnú maidir le priacal tráchtearraí**

Faoi réir Airteagal 356 go hAirteagal 358, ríomhfaidh institiúidí an ceanglas cistí dílse le haghaidh priacal tráchtearraí ag úsáid ceann de na modhanna a leagtar amach in Airteagal 359, Airteagal 360 nó Airteagal 361.

**▼B***Airteagal 356***Gnó tráchtearraí coimhdeacha**

1. Féadfaidh institiúidí a bhfuil gnó tráchtearraí coimhdeacha talmhaíochta acu na ceanglais cistí dílse maidir lena stoc tráchtearraí fisiciúla a shocrú ag deireadh gach bliana le haghaidh na bliana dar gcionn i gcás ina gcomhlíontar na coinníollacha seo a leanas go léir:

- (a) tráth ar bith den bhliain tá cistí dílse ina seilbh maidir leis an priacal sin nach lú iad ná an meáncheanglas cistí dílse i leith an priacal sin a bheidh measta ar bhonn coimeádach le haghaidh na bliana dar gcionn;
- (b) déanfaidh sí luaineacht ionchasach maidir leis an bhfigiúr atá ríofa faoi phointe (a) a mheas ar bhonn coimeádach;
- (c) níl a meáncheanglas cistí dílse i leith an priacal sin níos mó ná 5 % dá cistí dílse nó EUR 1 mhilliún agus, ag cur an luaineacht atá measta i gcomhréir le (b) san áireamh, ní bheidh buaic ionchasach na gceanglas cistí dílse níos mó ná 6.5 % dá cistí dílse;
- (d) déanann an institiúid faireachán ar bhonn leanúnach féachaint an meastacháin réadúla iad na meastacháin arna ndéanamh faoi phointe (a) agus phointe (b).

2. Tabharfaidh institiúidí fógra do na húdaráis inniúla faoin úsáid a bhaineann siad as an rogha dá ndéantar foráil i mír 1.

*Airteagal 357***Suímh i dtráchtearraí**

1. Sloinnfear gach suíomh i dtráchtearraí nó i ndíorthaigh tráchtearraí i dtéarmaí an aonaid tomhais chaighdeánaigh. Sloinnfear an spotphraghas i ngach tráchtearra san airgeadra tuairiscithe.

2. Measfar go bhfuil suímh in ór nó i ndíorthaigh óir faoi réir priacal malairte eachtraí agus láimhseálfar iad i gcomhréir le Caibidil 3 nó Caibidil 5, mar is iomchuí, ar mhaithe le priacal tráchtearraí a ríomh.

3. Chun críocha Airteagal 360(1), is glansuíomh institiúide i ngach tráchtearra a bheidh i mbarrachas a suíomh fada thar a suímh ghearra, nó a mhalairt, sa tráchtearra céanna agus i dtodhchaíochtaí tráchtearraí, i roghanna agus i mbarántais chomhionanna. Láimhseálfar ionstraimí díorthacha, mar atá leagtha síos in Airteagal 358, mar shuímh sa tráchtearra foluiteach.

4. Ar mhaithe le suíomh i dtráchtearra a ríomh, láimhseálfar na suímh seo a leanas mar shuímh sa tráchtearra céanna:



**▼B**

- (a) suímh i bhfo-chatagóirí éagsúla tráchtearraí i gcás ina bhfuil na fochatagóirí inseachadta i gcoinne a chéile;
- (b) suímh i dtráchtearraí comhchosúla más dlúthionadaithe iad agus nuair is féidir comhghaol íosta 0.9 idir ghluaiseachtaí praghsanna a bhunú go soiléir thar iostréimhse bliana.

*Airteagal 358***Ionstraimí áirithe**

1. Beidh todhchaíochtaí tráchtearraí agus réamhoibleagáidí tráchtearraí aonair a cheannach nó a dhíol ionchorpraithe sa chóras tomhais mar mhéideanna barúlacha i dtéarmaí an aonaid tomhais chaighdeánaigh agus sannfar aibíocht dóibh ag tagairt do dháta éaga.

2. Babhtálacha tráchtearraí i gcás inar praghas seasta taobh amháin den idirbheart agus inar praghas an mhargaidh an taobh eile, láimhseálfar iad mar shraith suíomh atá cothrom le méid barúlach an chonartha agus, nuair is ábhartha, le suíomh amháin i gcomhréir le gach íocaíocht i leith na babhtála agus suite isteach sna bandaí aibíochta in Airteagal 359(1). Is suímh fhada iad na suímh má bhíonn an institiúid ag íoc praghas seasta agus ag fáil praghas comhlúthach agus is suímh ghearra iad má bhíonn an institiúid ag fáil praghas seasta agus ag íoc praghas comhlúthach. Is gá babhtálacha tráchtearraí i gcás ina bhfuil taobhanna an idirbhirt i dtráchtearraí éagsúla a thuairisciú sa dréimire tuairiscithe ábhartha i leith chur chuige an dréimire aibíochta.

3. Láimhseálfar roghanna agus barántais ar thráchtearraí agus ar dhíorthaigh tráchtearraí amhail is dá mba shuímh iad atá cothrom i luach foluiteach lena mbaineann an rogha, arna iolrú faoi dheilte na rogha chun críocha na Caibidle seo. Féadfár na suímh dheireanacha sin a ghlanluacháil i gcoinne aon suímh fhritháirimh sa tráchtearra céanna nó sa díorthach céanna foluiteach. Is í an deilte a úsáidfear, deilte na malairte lena mbaineann. Le haghaidh roghanna thar an gcuntar, nó i gcás nach bhfuil fáil ar deilte ón mhalairt lena mbaineann, d'fhéadfadh an institiúid í féin an deilte a ríomh agus samhail chuí á úsáid, faoi riar cead a fháil ó na húdaráis inniúla. Tabharfar cead má mheastar ráta athraithe luach na rogha nó luach an bharántais go hionchuí leis an tsamhail i leith athruithe beaga i bpraghas margaidh na ionstraime foluiteach.

Léireoidh institiúidí go leormhaith sna ceanglais cistí dílse na priacail eile a bhaineann le roghanna seachas an priacal deilte.

4. Forbróidh ÚBE dréachtchaighdeáin theicniúla rialála lena saineofar raon modhanna chun priacail eile, seachas an priacal deilte, a léiriú i gceanglais cistí dílse ar bhealach atá comhréireach le scála agus castacht ghníomhaíochtaí na n-institiúidí i roghanna.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2013.

**▼B**

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

Roimh theacht i bhfeidhm na gcaighdeán teicniúil dá dtagraítear sa chéad fhomhír, féadfaidh institiúidí inniúla leanúint de na láimhseálacha náisiúnta atá ann cheana féin a chur i bhfeidhm, i gcás gur chuir na húdaráis inniúla na láimhseálacha sin i bhfeidhm roimh an 31 Nollaig 2013.

5. I gcás inar ceann de na cinn a leanas an institiúid, cuirfidh sí na tráchtearraí lena mbaineann san áireamh agus a ceanglas cistí dílse le haghaidh priacal tráchtearraí á ríomh:

- (a) aistreoir tráchtearraí nó ceart ráthaithe a bhaineann le teidlíocht chun na tráchtearraí i gcomhaontú athcheannaigh;
- (b) iasachtóir tráchtearraí i gcomhaontú maidir le tráchtearraí a iasachtú.

*Airteagal 359***Cur chuige an dréimire aibíochta**

1. Úsáidfidh an institiúid dréimire aibíochta ar leithligh i gcomhréir le Tábla 1 le haghaidh gach tráchtearra. Sannfar gach suíomh sa tráchtearra sin do na bandaí aibíochta iomchuí. Sannfar stoic fhisiciúla don chéad bhanda aibíochta idir 0 mí agus 1 mhí, í sin san áireamh.

*Tábla 1*

Banda aibíochta (1)	Ráta difríochta (%) (2)
0 ≤ 1 mhí	1,50
> 1 ≤ 3 mhí	1,50
> 3 ≤ 6 mhí	1,50
> 6 ≤ 12 mhí	1,50
> 1 ≤ 2 bliana	1,50
> 2 ≤ 3 bliana	1,50
> 3 bliana	1,50

2. Féadfar suímh sa tráchtearra céanna a fhritháireamh agus a shannadh do na bandaí aibíochta iomchuí ar bhonn glan maidir leo seo a leanas:

- (a) suímh i gconarthaí a thioctfaidh in aibíocht ar an dáta céanna;
- (b) suímh i gconarthaí a thioctfaidh in aibíocht laistigh de 10 lá dá chéile má thrádáiltear iad ar mhargaí a bhfuil dátaí seachadta laethúla acu.

**▼B**

3. Ríomhfaidh an institiúid suim na suíomh fada agus suim na suíomh gearr i ngach banda aibíochta. Beidh suim na suíomh fada atá comhoiriúnaithe leis na suíomh gearr i mbanda áirithe cothrom le suímh chomhoiriúnaithe sa bhanda sin, agus beidh an suíomh iarmharach fada nó gearr cothrom leis an suíomh gan chomhoiriúnú don bhanda céanna.

4. Beidh an chuid sin den suíomh fada gan chomhoiriúnú maidir le banda aibíochta áirithe atá comhoiriúnaithe leis an suíomh gearr gan chomhoiriúnú, nó a mhalairt, maidir le banda aibíochta níos faide amach cothrom leis an suíomh comhoiriúnaithe idir dhá bhanda aibíochta. Beidh an suíomh gan chomhoiriúnú cothrom leis an gcuid sin den suíomh fada gan chomhoiriúnú nó den suíomh gearr gan chomhoiriúnú nach féidir a chomhoiriúnú amhlaidh.

5. Ríomhfar ceanglas cistí dílse na hinstitiúide maidir le gach trácht-tearra ar bhonn an dréimire aibíochta ábhartha mar shuim na níthe seo a leanas:

- (a) suim na suíomh fada agus gearr comhoiriúnaithe, arna hionlú faoin ráta difríochta iomchuí mar atá tugtha le fios sa dara colún de Thábla 1 maidir le gach banda aibíochta agus arna hionlú faoi spotphraghas an trácht-tearra;
- (b) an suíomh comhoiriúnaithe idir dhá bhanda aibíochta maidir le gach banda aibíochta ina bhfuil suíomh gan chomhoiriúnú tugtha ar aghaidh, arna iolrú faoi 0,6 %, is é sin an ráta tugtha anonn, agus arna iolrú faoin spotphraghas don trácht-tearra;
- (c) suim na suíomh iarmharach gan chomhoiriúnú, arna hionlú faoi 15 %, is é sin an ráta glan amach, agus arna hionlú faoin spotphraghas don trácht-tearra.

6. Ríomhfar ceanglas cistí dílse na hinstitiúide le haghaidh priacal trácht-tearraí mar shuim na gceanglas cistí dílse arna ríomh maidir le gach trácht-tearra i gcomhréir le mír 5.

*Airteagal 360***Cur chuige simplithe**

1. Ríomhfar ceanglas cistí dílse na hinstitiúide maidir le gach trácht-tearra mar shuim na níthe seo a leanas:

- (a) 15 % den suíomh glan, fada nó gearr, arna iolrú faoi spotphraghas an trácht-tearra;
- (b) 3 % den suíomh comhlán, fada móide gearr, arna iolrú faoi spotphraghas an trácht-tearra.

2. Ríomhfar ceanglas cistí dílse na hinstitiúide le haghaidh priacal trácht-tearraí mar shuim na gceanglas cistí dílse arna ríomh maidir le gach trácht-tearra i gcomhréir le mír 1.



*Airteagal 361*

**Cur chuige an dréimire aibíochta sínte**

Féadfaidh institiúidí na rátaí íosta difríochta, tugtha anonn agus glan amach atá leagtha amach i dTábla 2 a leanas a úsáid seachas na rátaí sin atá luaite in Airteagal 359 ar an gcoinníoll go bhfuil na nithe seo a leanas comhlíonta ag na hinstiúidí:

- (a) déanann siad gnó suntasach tráchtearraí;
- (b) tá punann tráchtearraí acu atá éagsúlaithe go hiomchuí;
- (c) níl siad fós in ann samhlacha inmheánacha a úsáid ar mhaithe leis an gceanglas cistí dílse le haghaidh priacal tráchtearraí a ríomh.

*Tábla 2*

	Miotail lómhara (cé is moite d'ór)	Miotail neamhlómhara	Táirgí talm- haíochta (táirgí boga)	Eile, lena n- áirítear táirgí fuinnimh
Ráta difríochta (%)	1,0	1,2	1,5	1,5
Ráta tugtha (%)	0,3	0,5	0,6	0,6
Ráta glan amach (%)	8	10	12	15

Tabharfaidh institiúidí fógra dá n-údarais inniúla maidir leis an úsáid a bhaineann siad as an Airteagal seo i dteannta le fianaise faoina n-iarreachtaí samhail inmheánach a chur chun feidhme ar mhaithe leis an gceanglas cistí dílse le haghaidh priacal tráchtearraí a ríomh.

*CAIBIDIL 5*

***Samhlacha inmheánacha a úsáid chun ceanglais cistí dílse a ríomh***

**Roinn 1**

**Cead agus ceanglais cistí dílse**

*Airteagal 362*

**Priacail sonracha agus priacail ginearálta**

Chun críocha na Caibidle seo féadfar priacal an tsuímh ar ionstraim fiachais nó ar ionstraim cothromais intrádála nó ar dhíorthach díobh a roinnt ina dhá chomhpháirt. Beidh an chéad cheann cothrom lena chomhpháirt priacal shonraigh agus cuimseofar leis sin an priacal d'athrú i bpraghas na hionstraime lena mbaineann i ngeall ar fhachtóirí a bhaineann lena heisitheoir, nó i gcás díorthaigh, eisitheoir na hionstraime foluiteach. Cuimseofar leis an gcomhpháirt priacal ghinearálta priacal d'athrú i bpraghas na hionstraime i ngeall ar athrú i leibhéal na rátaí úis i gcás ionstraime fiachais intrádála nó díorthaigh fiachais nó i gcás cothromais nó díorthaigh cothromais i ngeall ar ghluaiseacht leathan sa mhargadh cothromais nach bhfuil baint aici le tréithe sonracha na n-urrús aonair.



*Airteagal 363*

**Cead chun samhlacha inmheánacha a úsáid**

1. Tar éis dóibh a fhíorú gur chomhlíon an institiúid na ceanglais de réir Ranna 2, 3 agus 4 mar atá ábhartha, tabharfaidh na húdaráis inniúla cead d'institiúidí a gceanglais cistí dílse a ríomh maidir le ceann amháin nó níos mó de na catagóirí príacal seo a leanas trína samhlacha inmheánacha a úsáid in áit na modhanna atá léirithe i gCaibidil 2 go Caibidil 4 nó i gcomhcheangal leo;

- (a) príacal ginearálta ionstraimí cothromais;
- (b) príacal sonrath ionstraimí cothromais;
- (c) príacal ginearálta ionstraimí fiachais;
- (d) príacal sonrath ionstraimí fiachais;
- (e) príacal malairte eachtraí;
- (f) príacal tráchtearraí.

2. I gcás catagóirí príacal nár tugadh an cead dá dtagraítear i mír 1 don institiúid ina leith chun a samhlacha inmheánacha a úsáid, leanfaidh an institiúid sin dá ceanglais cistí dílse a ríomh i gcomhréir leis na modhanna sin i gCaibidil 2, i gCaibidil 3 agus i gCaibidil 4 mar is ábhartha. Beidh cead ó na húdaráis inniúla ag teastáil i ndáil le húsáid na samhlacha inmheánacha maidir le gach catagóir príacal agus ní cheadófar sin ach amháin má chumhdaítear leis an tsamhail inmheánach cion suntasach de na suímh a bhaineann le catagóir áirithe príacal.

3. Éilítear cead ar leithligh ón údarás inniúil maidir le hathruithe ábhartha ar úsáid na samhlacha inmheánacha a bhfuil cead faighte ag an institiúid lena n-úsáid, maidir le síneadh ar úsáid na samhlacha inmheánacha a bhfuil cead faighte ag an institiúid lena n-úsáid, go háirithe maidir le catagóirí príacal breise, agus maidir le ríomh tosaigh an luacha faoi phríacal struis i gcomhréir le hAirteagal 365(2).

Cuirfidh na hinstiúidí na húdaráis inniúla ar an eolas maidir leis na síntí agus na hathruithe uile ar fad a dhéanfar ar an úsáid a bhaintear as na samhlacha inmheánacha sin a bhfuil cead faighte ag an institiúid leas a bhaint astu.

4. Forbróidh ÚBE dréacht-chaighdeáin theicniúla rialála d'fhonn na nithe seo a leanas a shonrú:

- (a) na coinníollacha chun measúnú a dhéanamh ar ábharthacht na síntí agus na n-athruithe ar úsáid samhlacha inmheánacha;
- (b) an mhodheolaíocht mheasúnaithe faoina dtugann na húdaráis inniúla cead d'institiúidí leas a bhaint as samhlacha inmheánacha;
- (c) Féachfar ar na coinníollacha faoina gcumhdaítear cion na suíomh leis an tsamhail inmheánach laistigh de chatagóir príacal mar coinníollacha suntasacha faoi mar a thagraítear dóibh i mír 2.

**▼B**

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2014

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 364***Ceanglais cistí dílse nuair a úsáidtear samhlacha inmheánacha**

1. Gach institiúid a úsáideann samhail inmheánach, comhlíonfaidh sí, i dteannta le ceanglais cistí dílse arna ríomh i gcomhréir le Caibidil 2, Caibidil 3 agus Caibidil 4 maidir leis na catagóirí priacal nár tugadh cead ina leith chun samhail inmheánach a úsáid, ceanglas cistí dílse arna shloinneadh mar shuim phointe (a) agus phointe (b):

(a) an luach is airde de na luachanna a leanas:

- (i) a huimhir luacha faoi phriacal (VaR) don lá roimhe arna ríomh sin i gcomhréir le hAirteagal 365(1) ( $VaR_{t-1}$ );
- (ii) meán na n-uimhreacha luacha faoi phriacal arna ríomh i gcomhréir le hAirteagal 365(1) do gach lá den seasca lá gnó roimhe sin ( $VaR_{avg}$ ), arna iolrú faoin bhfachtóir iolrúcháin (mc) i gcomhréir le hAirteagal 366;

(b) an luach is airde de na luachanna a leanas:

- (i) a huimhir luacha faoi phriacal struis is déanaí atá ar fáil arna ríomh i gcomhréir le hAirteagal 365(2) ( $sVaR_{t-1}$ ); agus
- (ii) meán na n-uimhreacha luacha faoi phriacal struis arna ríomh sa mhodh agus leis an minicíocht atá sonraithe in Airteagal 365(2) le linn an seasca lá gnó roimhe sin ( $sVaR_{avg}$ ), arna iolrú faoin bhfachtóir iolrúcháin (ms) i gcomhréir le hAirteagal 366;

2. Maidir le hinstitiúidí a úsáideann samhail inmheánach chun a gceanglas cistí dílse le haghaidh priacal sonracha na n-ionstraimí fiachais a ríomh, comhlíonfaidh siad ceanglas cistí dílse breise arna shloinneadh mar shuim phointe (a) agus phointe (b) a leanas:

- (a) an ceanglas cistí dílse arna ríomh de réir Airteagal 337 agus Airteagal 338 maidir le priacal sonracha na suíomh úrrúsúcháin agus na ndíorthach creidmheasa don n-ú mainneachtain sa leabhar trádála cé is moite díobh sin atá ionchorpraithe i gceanglas cistí dílse le haghaidh priacal sonracha na punainne trádála comhghaoil i gcomhréir le Roinn 5 agus, nuair is infheidhme, an ceanglas cistí dílse le haghaidh priacal shonraigh i gcomhréir le Caibidil 2, Roinn 6, maidir leis na suíomh sin in GCanna nach bhfuil na coinníollacha in Airteagal 350(1) ná na coinníollacha in Airteagal 350(2) comhlíonta ina leith;

**▼B**

- (b) an uimhir is airde de na huimhreacha a leanas:
- (i) an uimhir priacal is déanaí maidir leis an priacal incriminteach mainneachtana agus imirce i gcomhréir le Roinn 3;
  - (ii) meán na huimhreach sin thar an 12 sheachtain roimhe.
3. Institiúidí a bhfuil punann trádála comhghaoil acu, lena gcomhlíontar na ceanglais in Airteagal 338(1) go (3), féadfaidh siad ceanglas cistí dílse breise a chomhlíonadh ar bhonn Airteagal 377 in ionad Airteagal 338 (4), arna ríomh mar an gceann is airde de na huimhreacha a leanas:
- (a) an uimhir priacal is déanaí maidir leis an bpunann trádála comhghaoil arna ríomh i gcomhréir le Roinn 5;
  - (b) meán na huimhreach sin thar na 12 sheachtain roimhe;
  - (c) 8 % den cheanglas cistí dílse, tráth a ríomhadh an uimhir priacal is déanaí dá dtagraítear i bpointe (a), a bheadh ríofa i gcomhréir le hAirteagal 338(4) maidir leis na suímh sin uile atá ionchorpraithe sa tsamhail inmheánach maidir leis an bpunann trádála comhghaoil.

## Roinn 2

**Ceanglais ghinearálta***Airteagal 365***VaR agus VaR struis a Ríomh**

1. Beidh ríomh na huimhreach luacha faoi phriacal dá dtagraítear in Airteagal 364 faoi réir na gceanglas seo a leanas:
- (a) ríomh laethúil na huimhreach luacha faoi phriacal;
  - (b) eatramh muiníne aonfhoircneach 99ú peircintil;
  - (c) tréimhse shealbhaíochta 10 lá;
  - (d) tréimhse bhreathnóireachta stairiúil iarbhir 1 bhliana ar a laghad ach amháin nuair atá údar le tréimhse bhreathnóireachta níos giorra i ngeall ar bhorradh suntasach i luaineacht praghsanna;
  - (e) nuashonruithe míosúla ar a laghad ar shraith sonraí.

Féadfaidh an institiúid uimhreacha luacha faoi phriacal a úsáid arna ríomh de réir tréimhsí sealbhaíochta níos giorra ná 10 lá atá scálaithe suas go 10 lá de réir modheolaíochta iomchuí a ndéantar athbhreithniú tréimhsiúil uirthi.

**▼B**

2. Ina theannta sin, déanfaidh an institiúid 'luach faoi phriacal struis' a ríomh maidir leis an bpunann reatha ar bhonn seachtainiúil ar a laghad, i gcomhréir leis na ceanglais atá leagtha amach sa chéad mhír, le hionchur samhla den luach faoi phriacal atá calabraithe do shonraí stairiúla ó thréimhse leanúnach 12 mhí struis airgeadais shuntasaigh atá ábhartha do phunann na hinstitiúide. Beidh rogha na sonraí stairiúla sin faoi réir a athbhreithnithe gach bliain ar a laghad ag an institiúid, agus cuirfidh an institiúid fógra chuig na húdaráis inniúla maidir leis an toradh. Déanfaidh ÚBE faireachán ar an raon cleachtas maidir le luach faoi phriacal struis a ríomh agus eiseoidh sé treoirlínte i gcomhréir le hAirteagal 16 de Rialachán (AE) Uimh. 1093/2010 maidir leis na cleachtais sin.

*Airteagal 366***Iarthástáil rialála agus fachtóirí iolrúcháin**

1. Déanfar torthaí na ríomhanna dá dtagraítear in Airteagal 365 a mhéadú ó scála faoi na fachtóirí iolrúcháin (mc) agus (ms).

2. Beidh gach ceann de na fachtóirí iolrúcháin ( $m_c$ ) agus ( $m_s$ ) cothrom leis an lánsuim 3 ar a laghad móide suimeann idir 0 agus 1 i gcomhréir le Tábla 1. Beidh an tsuimeann sin spleách ar líon na róluaineachtaí i leith an 250 lá gnó is déanaí arna fhianú le hiarthástáil ar an uimhir luacha faoi phriacal mar atá leagtha amach in Airteagal 365(1).

*Tábla 1*

Líon na róluaineachtaí	suimeann
Níos lú ná 5	0,00
5	0,40
6	0,50
7	0,65
8	0,75
9	0,85
10 nó níos mó	1,00

3. Ríomhfaidh na hinstitiúidí na róluaineachtaí laethúla ar bhonn iarthástála ar athruithe hipitéiseacha agus iarbhír i luach na punainne. Athrú lá amháin i luach na punainne is ea róluaineacht ar mó í ná an uimhir luacha faoi phriacal lá amháin gaolmhar arna giniúint ag samhail na hinstitiúide. Ar mhaithe leis an tsuimeann a chinneadh, déanfar líon na róluaineachtaí a mheas ar bhonn ráithiúil ar a laghad agus beidh siad cothrom leis an líon is airde de na róluaineachtaí faoi athruithe hipitéiseacha agus iarbhír i luach na punainne.

Beidh iarthástáil ar athruithe hipitéiseacha i luach na punainne bunaithe ar chomparáid idir luach deiridh lae na punainne agus, ag glacadh leis nach bhfuil athruithe ar shuímh, a luach ag deireadh an lae dar gcionn.

Beidh iarthástáil ar athruithe iarbhír i luach na punainne bunaithe ar chomparáid idir luach deiridh lae na punainne agus a luach iarbhír ag deireadh an lae dar gcionn cé is moite de tháillí, de choimisiúin, agus de ghlanioncam úis.



**▼B**

4. Féadfaidh na húdaráis inniúla, i gcásanna aonair, teorainn a chur leis an tsuimeann go dtí suimeann a thig ó róluaineachtaí faoi athruithe hipitéiseacha, nuair nach dtagann líon na róluaineachtaí faoi athruithe iarbhir ó easpa sa tsamhail inmheánach.

5. D'fhonn ligean do na húdaráis inniúla faireachán a dhéanamh ar oiriúnacht na bhfachtóirí iolrúcháin ar bhonn leanúnach, tabharfaidh institiúidí fógra do na húdaráis inniúla go pras, agus tráth nach déanaí ná laistigh de chúig lá oibre, maidir le róluaineachtaí a thig óna gclár iarthástála.

*Airteagal 367***Ceanglais maidir le priacal a thomhas**

1. Aon samhail inmheánach a úsáidtear chun ceanglais chaipitil a ríomh le haghaidh priacal an tsuímh, priacal malairte eachtraí, priacal tráchtearraí, agus aon samhail inmheánach le haghaidh trádála comhghaoil, comhlíonfaidh sí na ceanglais uile seo a leanas:

- (a) gabhfar na priacail praghais ábhartha uile go cruinn leis an tsamhail;
- (b) gabhfar líon dóthanach fachtóirí priacal leis an tsamhail, ag brath ar leibhéal gníomhaíochta na hinstitiúide sna margaí faoi seach. I gcás ina mbíonn fachtóir priacal ionchorpraithe i samhail praghsála na hinstitiúide ach ní sa tsamhail tomhais priacal, beidh an institiúid in ann údar a thabhairt le heasnamh den sórt sin chun sástachta an údarais inniúil. Gabhfar leis an tsamhail tomhais priacal neamhlíneachtaí maidir le roghanna agus táirgí eile chomh maith le priacal comhghaoil agus priacal boinn. I gcás ina n-úsáidtear ionadaigh in áit fachtóirí priacal taispeánfaidh siad cuntas teiste maith i leith an tsuímh iarbhir arna shealbhú.

2. Aon samhail inmheánach a úsáidfead chun ceanglais chaipitil a ríomh le haghaidh priacal an tsuímh, priacal malairte eachtraí nó priacal tráchtearraí, comhlíonfaidh sí na ceanglais uile a leanas:

- (a) ionchorprófar leis an tsamhail sraith fachtóirí priacal a fhreagraíonn do rátaí úis gach airgeadra ina bhfuil suímh lena mbaineann íogaireacht ráta úis laistigh agus lasmuigh den chlár comhardaithe ag an institiúid. Déanfaidh an institiúid na cuair toraidh a shamhaltú ag úsáid ceann de na cineálacha cur chuige a bhfuil glactha leo go ginearálta. I gcás risíochtaí ábhartha ar priacal an ráta úis sna mórairgeadraí agus sna mórmhargaí, roinnfead an cuair toraidh ina shé dheighleog aibíochta ar a laghad chun na hathruithe i luaineachtaí rátaí feadh an chuair toraidh a ghabháil. Gabhfar leis an tsamhail freisin an priacal a bhaineann le gluaiseachtaí nach bhfuil comhghaoilithe ar bhealach iomlán foirfe idir chuair toraidh éagsúla;

**▼B**

- (b) ionchorprófar leis an tsamhail fachtóirí priacal a fhreagraíonn d'ór agus do na hairgeadraí eachtracha aonair ina bhfuil suímh na hinsti-tiúide ainmnithe. I gcás GCanna cuirfear suímh iarbhir maidir le hairgeadra eachtrach an GC san áireamh. Féadfaidh institiúidí dul i muinín tuairisciú tríú páirtí ar shuíomh an GC in airgeadra eachtrach i gcás ina bhfuil cruinneas na tuairisce sin áiritithe go leormhaidh. I gcás nach feasach d'institiúid suímh an GC in airgeadra eachtrach, déanfar an suíomh sin a ghearradh amach agus a láimhseáil i gcomhréir le hAirteagal 353(3);
- (c) úsáidfear sa tsamhail fachtóir priacal ar leithligh maidir le gach margadh cothromais ar a laghad ina sealbhaíonn an institiúid suímh shuntasacha;
- (d) úsáidfear sa tsamhail fachtóir priacal ar leithligh maidir le gach tráchtearra ar a laghad ina sealbhaíonn an institiúid suímh shuntasacha. Déanfar a ghabháil leis an tsamhail freisin an priacal a bhaineann le gluaiseachtaí nach bhfuil comhghaolaithe ar bhealach iomlán foirfe idir tráchtearraí comhchosúla, nach comhionann iad, agus an risíocht ar athruithe i réamhphraghsanna a thagann as aisioncronachtaí aibíochta. Cuirfear san áireamh inti freisin tréithe an mhargaidh, go háirithe dátaí seachadta agus an raon feidhme a chuirtear ar fáil do thrádálaithe chun suímh a ghlanadh;
- (e) déanfar measúnú coimeádach le samhail inmheánach na hinsti-tiúide ar an bpriacal a thagann, i gcásanna margaidh réalaíocha, as suímh is lú leachtacht agus suímh le trédhearcacht ó thaobh praghsanna atá teoranta. Ina theannta sin, comhlíonfar íoschaighdeán sonraí leis an tsamhail inmheánach. Beidh na hionadaigh coimeádach go hiomchuí agus ní úsáidfear iad ach amháin i gcás ina bhfuil na sonraí atá ar fáil neamhleor nó nach léirítear leo fhíorluaineacht suímh nó punainne.
3. Ní fhéadfaidh institiúidí, i gcás aon samhail inmheánach arna húsáid chun críocha na Caibidle seo, comhghaolta eimpíreacha a úsáid laistigh de chatagóirí priacal agus thar chatagóirí priacal ach amháin i gcás ina bhfuil cur chuige na hinsti-tiúide maidir le comhghaolta a thomhas fóna agus á chur i bhfeidhm le hionracas.

*Airteagal 368***Ceanglais cháilíochtúla**

1. Beidh aon samhail arna húsáid chun críocha na Caibidle seo fóna ar bhonn coincheapúil agus curtha chun feidhme le hionracas agus, go háirithe, comhlíonfar léi na ceanglais cháilíochtúla uile a leanas:
- (a) aon tsamhail inmheánach a úsáidtear chun ceanglais chaipitil a ríomh le haghaidh priacal an tsuímh, priacal malairte eachtraí nó priacal tráchtearraí, beidh sí comhtháite go dlúth le próiseas laethúil bainistithe priacal na hinsti-tiúide agus is féidir í a úsáid mar bhonn chun risíochtaí ar priacal a thuairisciú don lucht bainistíochta sinsearaí;
- (b) beidh aonad rialaithe priacal ag an institiúid atá neamhspleách ó aonaid trádála gnó agus a bheidh freagrach go díreach don lucht bainistíochta sinsearaí. Beidh an t-aonad freagrach as aon samhail inmheánach arna húsáid chun críocha na Caibidle seo a dhearadh agus a chur chun feidhme. Déanfar bailíochtú tosaigh agus leanúnach san aonad ar aon tsamhail inmheánach arna húsáid chun críocha na Caibidle seo, ó tharla gurb é an t-aonad a bheidh

**▼B**

freagrach as an gcóras foriomlán bainistíochta priacal. Ullmhófar tuairiscí laethúla agus déanfar anailís orthu san aonad maidir le haschur aon samhla inmheánaí arna húsáid chun ceanglais chaipítíl a ríomh le haghaidh priacal an tsuímh, priacal malairte eachtraí agus priacal tráchtearraí agus maidir leis na bearta iomchuí atá le déanamh i dtéarmaí teorainneacha trádála;

- (c) beidh comhlacht bainistíochta agus lucht bainistíochta sinsearaí na hinstiúide rannpháirteach go gníomhach sa phróiseas rialaithe priacal agus déanfar athbhreithniú ar na tuairiscí laethúla arna ndéanamh ag an aonad rialaithe priacal ar leibhéal bainistíochta a mbeidh údarás imleor aige chun laghdúithe ar shuímh arna nglacadh ag trádálaithe aonair agus laghdúithe i risíocht fhoriomlán na hinstiúide ar priacal a fhorfheidhmiú;
- (d) beidh líon foirne imleor ag an instiúid a bhfuil scileanna acu in úsáid samhla inmheánacha sofaisticiúla, lena n-áirítear na samhla sin arna n-úsáid chun críocha na Caibidle seo, sna réimsí trádála, rialaithe priacal, iniúchta agus cúloifige;
- (e) beidh nósanna imeachta bunaithe ag an instiúid chun faireachán a dhéanamh ar shraith dhoiciméadaithe de bheartais agus de rialuithe inmheánacha a bhaineann le feidhmiú foriomlán a samhla inmheánacha agus chun a áirithiú go gcomhlíonfar iad, lena n-áirítear na cinn arna n-úsáid chun críocha na Caibidle seo;
- (f) beidh cuntas teiste cruthaithe maidir le beachtas réasúnta i dtomhas priacail ag aon samhail inmheánach arna húsáid chun críocha na Caibidle seo;
- (g) déanfaidh an instiúid dianchlár tástála struis go minic, lena n-áirítear tástálacha struis droim ar ais, lena gcuimsítear aon samhail inmheánach arna húsáid chun críocha na Caibidle seo agus déanfaidh an lucht bainistíochta sinsearaí athbhreithniú ar thorthaí na dtástálacha sin agus léireofar iad sna beartais agus sna teorainneacha a chuirtear ar bun. Tabharfar aghaidh sa phróiseas sin ar na nithe seo a leanas go háirithe: neamhleachtacht i margáí faoi dhálaí struis sa mhargadh, priacal comhchruinnithe, margáí aontreo, priacail teagmhais agus priacail mainneachtana gan choinne, neamhlíneacht táirgí, suímh atá go mór lasmuigh den airgead, suímh faoi réir bearnú praghsanna agus priacail eile i gcás ina bhféadfadh sé nach ngabfar iad go hiomchuí sna samhla inmheánacha. Léireoidh na suaití arna gcur i bhfeidhm cineál na bpunann agus an t-am a d'fhéadfadh a bheith i gceist chun na priacail a fhálú amach nó a bhainistiú faoi dhiandálaí margaidh;
- (h) déanfaidh an instiúid mar chuid dá próiseas iniúchóireachta inmheánach rialta, athbhreithniú neamhspleách ar a samhla inmheánacha, lena n-áirítear na samhla sin arna n-úsáid chun críocha na Caibidle seo.

2. San áireamh san athbhreithniú dá dtagraítear i bpointe (h) de mhír 1 beidh gníomhaíochtaí na n-aonad trádála gnó agus an aonaid rialaithe priacal neamhspleách araon. Uair amháin sa bhliain ar a laghad, déanfaidh an instiúid athbhreithniú ar a próiseas foriomlán bainistithe priacal. Breithneofar na nithe seo a leanas san athbhreithniú:

- (a) leordhóthanacht dhoiciméadú an chórais agus an phróisis um bainistiú priacal agus eagrúchán an aonaid rialaithe priacal;

**▼B**

- (b) bearta priacal a chomhtháthú leis an mbainistíocht priacal laethúil agus sláine an chórais faisnéise bainistíochta;
- (c) an próiseas atá in úsáid ag an institiúid chun samhlacha praghsála priacal agus córais luachála atá in úsáid ag pearsanra na hoifige tosaigh agus na cúloifige a fhaomhadh;
- (d) raon feidhme na priacail arna ngabhadh ag an tsamhail tomhais priacail agus bailíochtú aon athruithe suntasacha sa phróiseas tomhais priacail;
- (e) beachtas agus iomláine na sonraí suíomh, beachtas agus oiriúnacht na dtuairimí luaineachta agus comhghaoil, agus beachtas na ríomhanna luachála agus íogaireachta maidir le priacal;
- (f) an próiseas fíoraithe atá in úsáid ag an institiúid chun meastóireacht a dhéanamh ar chomhsheasmhacht, ar thráthúlacht agus ar iontaofacht na bhfoinsí sonraí a úsáidtear chun samhlacha inmheánacha a rith, lena n-áirítear neamhspleáchas na bhfoinsí sonraí sin;
- (g) an próiseas fíoraithe atá in úsáid ag an institiúid chun meastóireacht a dhéanamh ar an iarthástáil a dhéantar d'fhonn beachtas na samhlacha a mheasú.

3. De réir mar a fhorbraítear teicnící agus dea-chleachtais, cuirfidh institiúidí na teicnící agus na cleachtais nua sin i bhfeidhm maidir le haon samhail inmheánach arna húsáid chun críocha na Caibidle seo.

*Airteagal 369***Bailíochtú Inmheánach**

1. Beidh próisis ar bun ag institiúidí lena áirithiú go ndearna páirtithe atá cáilithe go cuí agus neamhspleách ón bpróiseas forbartha, bailíochtú leordhóthanach ar a samhlacha inmheánacha uile arna n-úsáid chun críocha na Caibidle seo lena áirithiú go bhfuil siad fóna ar bhonn coincheapúil agus go ngabhtar leo go leordhóthanach na priacail ábhartha uile. Déanfar an bailíochtú le linn don tsamhail inmheánach a bheith á forbairt i dtosach agus nuair a dhéantar aon athruithe suntasacha ar an tsamhail inmheánach. Déanfar an bailíochtú freisin ar bhonn tráthúil agus go háirithe i gcás ina raibh aon athruithe struchtúracha suntasacha sa mhargadh nó athruithe i gcomhdhéanamh na punainne a d'fhéadfadh amhras a tharraingt ar leordhóthanacht na samhla inmheánaí. De réir mar a fhorbraítear teicnící agus dea-chleachtais maidir le bailíochtú inmheánach, cuirfidh na hinstitiúidí na forbairtí sin i bhfeidhm. Ní bheidh bailíochtú leis an tsamhail inmheánach teoranta d'iarthástáil, ach áireoidh sé, ar a laghad, na nithe seo a leanas:

- (a) tástálacha lena léiriú gur iomchuí aon toimhdí a dhéantar laistigh den tsamhail inmheánach agus nach ndéantar leo ganmheastachán nó rómheastachán ar an bpríacal;
- (b) i dteannta na gclár iarthástála rialála, déanfaidh institiúidí a dtástálacha bailíochtaithe féin ar an tsamhail inmheánach, lena n-áirítear iarthástáil, maidir le priacail agus struchtúir a bpunann;

**▼B**

(c) úsáid a bhaint as punanna hipitéiseacha lena áirithiú gur féidir cuntas a thabhairt leis an tsamhail inmheánach ar ghnéithe struchtúracha ar leith a d'fhéadfadh teacht chun cinn, mar shampla priacail ábhartha boinn agus priacal comhchruinnithe.

2. Déanfaidh an institiúid iarthástáil ar athruithe iarbhrí agus hipitéiseacha araon i luach na punainne.

## Roinn 3

**Ceanglais a bhaineann go saineúil le priacail sonracha a shamhaltú***Airteagal 370***Ceanglais maidir le priacail sonracha a shamhaltú**

Maidir le samhail inmheánach arna húsáid chun ceanglais cistí dílse a ríomh le haghaidh priacal shonraigh agus samhail inmheánach maidir le trádáil chomhghaoil, comhlíonfaidh sí na ceanglais bhreise seo a leanas:

- (a) míneoidh sí na hathruithe stairiúla ar phraghsanna sa phunann;
- (b) gabhtar léi comhchruinnithe i dtéarmaí méide agus athruithe i gcomhdhéanamh na punainne;
- (c) tá sí stóinsithe in aghaidh timpeallachta díobhálaí;
- (d) déantar í a bhailíochtú le hiarthástáil dírithe ar mheasúnú a dhéanamh féachaint an bhfuiltear ag gabháil priacal sonrach go beacht. Má dhéanann an institiúid iarthástáil den sórt sin ar bhonn fo-phunann ábhartha, déanfar iad a roghnú ar mhodh comhsheasmhach;
- (e) gabhtar léi priacal boinn a bhaineann le hainm agus beidh sí íogair go háirithe i leith difríochtaí neamhghnácha ábhartha idir suímh atá comhchosúil ach nach bhfuil comhionann;
- (f) gabhtar léi priacal teagmhais.

*Airteagal 371***Eisiaimh ó shamhlachpriacal shonraigh**

1. Nuair a dhéantar ceanglas cistí dílse le haghaidh priacal shonraigh a ríomh ag úsáid samhail inmheánach, féadfaidh institiúid rogha a dhéanamh na suímh sin a gcomhlíonann sí ceanglas cistí dílse le haghaidh priacal shonraigh ina leith a eisiaimh ón ríomh sin i gcomhréir le hAirteagal 332(1)(e) nó le hAirteagal 337 seachas na suímh atá faoi réir an chur chuige a leagtar amach in Airteagal 377.

2. Féadfaidh institiúid rogha a dhéanamh gan priacail mainneachtana agus priacail imirce le haghaidh ionstraimí fiachais trádáilte a ghabháil ina samhail inmheánach i gcás ina bhfuil sí ag gabháil na priacail sin de réir na gceanglas atá leagtha amach i Roinn 4.



#### Roinn 4

### Samhail inmheánach maidir le priacal incriminteach mainneachtana agus imirce

#### *Airteagal 372*

#### **Ceanglas maidir le samhail inmheánach IRC a bhunú**

Fairis sin, beidh samhail inmheánach maidir le priacal incriminteach mainneachtana agus imirce (samhail IRC) bunaithe ag institiúid a úsáideann samhail inmheánach chun ceanglais cistí dílse le haghaidh priacal shonraigh i leith ionstraimí fiachais trádáilte a ríomh, d'fhonn priacail mainneachtana agus priacail imirce a suíomh sa leabhar trádála a ghabháil ar priacail incriminteacha iad ar na priacail arna ngabháil leis an mbeart luacha faoi phriacal atá sonraithe in Airteagal 365(1). Léireoidh an institiúid go gcomhlíonann a samhail inmheánach na caighdeáin a leanas ag glacadh leis go bhfuil leibhéal seasmhach priacal ann, agus arna oiriúnú nuair is iomchuí chun tionchar leachtachta, comhchruinnithe, fáilaithe agus roghnaíochta a léiriú:

- (a) cuirtear idirdhealú fóinteach ar priacal ar fáil leis an tsamhail inmheánach chomh maith le meastacháin bheachta, chomhsheasmhacha ar priacal incriminteach mainneachtana agus imirce;
- (b) tá ról bunriachtanach maidir le bainistiú priacal san institiúid ag meastachán na samhla inmheánaí le haghaidh caillteanas ionchasach;
- (c) tá sonraí an mhargaidh agus sonraí na suíomh a úsáidtear don tsamhail inmheánach cothrom le dáta agus faoi réir measúnú cáilíochta iomchuí;
- (d) comhlíontar na ceanglais in Airteagail 367(3), 368, 369 (1) agus 370(b) (c), (e) agus (f).

Eiseoidh ÚBE treoirlínte maidir leis na ceanglais in Airteagal 373 go hAirteagal 376.

#### *Airteagal 373*

#### **Raon feidhme na samhla inmheánaí IRC**

Cumhdófar leis an tsamhail inmheánach IRC na suímh uile atá faoi réir ceanglas cistí dílse le haghaidh priacal shonraigh ráta úis, lena n-áirítear na suímh sin atá faoi réir muirir chaipitil priacal 0 % de réir Airteagal 336, ach ní chumhdófar léi suímh urrúsúcháin ná díorthaigh chreidmheasa don n-ú mainneachtain.

Féadfaidh an institiúid, faoi réir chead na n-údarás inniúil, rogha a dhéanamh na suímh chothromais liostaithe uile agus na suímh dhíorthacha atá bunaithe ar chothromas liostaithe a áireamh go comhsheasmhach. Tabharfar an cead má tá an cuimsiú sin comhsheasmhach leis an modh ina ndéanann an institiúid priacal a thomhas agus a bhainistiú go himmheánach.



*Airteagal 374*

**Paraiméadair na samhla inmheánaí IRC**

1. Úsáidfidh na hinstitiúidí an tsamhail inmheánach chun uimhir a ríomh lena ndéantar cailíteanais i ngeall ar mhainneachtain agus i ngeall ar imirce rátálacha inmheánacha nó seachtracha a thomhas ag an eatramh muiníne 99,9% thar thréimhse ionchasach bliana. Ríomhfaidh institiúidí an uimhir sin go seachtainiúil ar a laghad.

2. Tacófar le toimhdí comhghaoil trí anailís a dhéanamh ar shonraí oibiachtúla i gcreat atá fóna ar bhonn coincheapúil. Léireofar go hiomchuí leis an tsamhail inmheánach comhchruinnithe eisiheora. Léireofar freisin comhchruinnithe a d'fhéadfadh teacht chun cinn thar aicmí táirgí agus laistigh díobh faoi dhálaí struis.

3. Léireofar leis an tsamhail inmheánach IRC tionchar na gcomhghaolta idir teagmhais mhainneachtana agus teagmhais imirce. Ní léireofar tionchar na héagsúlachta idir, ar thaobh amháin, theagmhais mhainneachtana agus imirce agus, ar an taobh eile, fachtóirí príacal eile.

4. Beidh an tsamhail inmheánach bunaithe ar an toimhde go mbeidh leibhéal seasmhach príacal ann thar thréimhse ionchasach bliana, rud a chiallaíonn i gcás suíomh aonair áirithe sa leabhar trádála nó sraitheanna suíomh a raibh mainneachtain nó imirce thar a dtréimhse leachtachta ionchasach i gceist leo, go ndéantar iad a athchomhardú ag deireadh a dtréimhse leachtachta ionchasaí chun an leibhéal príacal tosaigh a bhaint amach. De rogha air sin, féadfaidh institiúid rogha a dhéanamh toimhde suímh sheasta bliana a úsáid go comhsheasmhach.

5. Socrófar na tréimhsí leachtachta ionchasacha de réir an ama a theastaíonn chun an suíomh a dhíol nó chun na príacail praghais ábhartha iomchuí uile a fhálú i margadh struis, agus tabharfar aird ar leith ar mhéid an tsuímh. Léireofar leis na tréimhsí leachtachta ionchasacha an cleachtas iarbhir agus an taithe le linn tréimhsí struis córasacha agus neamhghnácha araon. Déanfar an tréimhse leachtachta ionchasach a thomhas faoi thois dhíola coimeádacha agus beidh sé sách fada le nach mbeadh tionchar ábhartha ag an díol ná ag an bhfálú iontu féin ar an bpraghas ar a ndéanfaí an díol nó an fálú.

6. Tá socrú na tréimhse leachtachta ionchasaí iomchuí i leith suímh nó sraith suíomh faoi réir iostairsí trí mhí.

7. Agus an tréimhse leachtachta ionchasach iomchuí i leith suímh nó sraith suíomh á cinneadh, cuirfear beartais inmheánacha na hinstitiúide maidir le coigeartuithe luachála agus maidir le bainistíocht suíomh stálaithe san áireamh. Nuair a chinnfidh institiúid tréimhsí leachtachta ionchasacha i leith sraitheanna suíomh seachas i leith suíomh aonair, saineofar na critéir chun na sraitheanna suíomh a shainiú ar mhodh lena léirítear go fóinteach na difríochtaí leachtachta. Beidh na tréimhsí leachtachta ionchasacha níos mó i leith suíomh atá comhchruinnithe, rud a léiríonn an tréimhse níos faide a theastaíonn chun suímh mar sin a leachtú. Léireofar leis an tréimhse leachtachta ionchasach i leith stóras urrúsúcháin an t-am chun na sócmhainní a fhorbairt, a dhíol agus a urrúsú, nó chun na fachtóirí príacal ábhartha a fhálú, faoi dhálaí struis sa mhargadh.



*Airteagal 375*

**Fálú a aithint sa tsamhail inmheánach IRC**

1. Féadfar fálú a ionchorprú i samhail inmheánach institiúide chun priacail incriminteach mainneachtana agus imirce a ghabháil. Féadfar na suímh a ghlanluacháil i gcás ina dtagraítear don ionstraim airgeadais chéanna leis na suímh fhada agus na suímh ghearra. Éifeachtaí éagsúlaithe nó fálaithe a bhaineann le suímh fhada agus ghearra lena mbaineann ionstraimí éagsúla nó urrúis éagsúla den fhéichiúnaí céanna, ní féidir iad a aithint ach trí na suímh fhada agus ghearra sna hionstraimí éagsúla a shamhaltú go sainráite. Léireoidh na hinstitiúidí tionchar na priacail ábhartha a d'fhéadfadh tarlú le linn an eatraimh idir aibíocht an fhálaithe agus an tréimhse leachtachta ionchasach chomh maith leis an bhféidearthacht go dtarlódh priacail boinn suntasacha i straitéisí fálaithe, de réir na nithe seo a leanas: táirge, sinsearachta sa struchtúr caipitiúil, rátáil inmheánach nó sheachtrach, aibíocht, bliain/seanré, agus difríochtaí eile sna hionstraimí. Ní léireoidh institiúid fálú ach a mhéid is féidir é a chothabháil fiú amháin nuair atá oibleagáideoir ag druidim le teagmhas creidmheasa nó eile.

2. I gcás suímh atá fálaithe trí straitéisí fálaithe dinimiciúla, féadfar athchothromú an fhálaithe laistigh de thréimhse leachtachta ionchasach an tsuímh fhálaithe a aithint ar an gcoinníoll go ndéanann an institiúid mar a leanas:

- (a) roghnaíonn sí athchothromú an fhálaithe a shamhaltú go comhsheasmhach thar shraith ábhartha na suíomh sa leabhar trádála;
- (b) léiríonn sí go bhfuil tomhas priacal níos fearr ann mar thoradh ar athchothromú a chuimsiú;
- (c) léiríonn sí go bhfuil na margaí i leith ionstraimí a fhónann mar fhálú sách leachtach le gur féidir athchothromú den sórt sin a dhéanamh fiú le linn tréimhsí struis. Déanfar aon phriacail iarmharacha a eascraíonn ó straitéisí fálaithe dinimiciúla a léiriú sa cheanglas cistí dílse.

*Airteagal 376*

**Ceanglais shonracha maidir leis an tsamhail inmheánach IRC**

1. Sa tsamhail inmheánach chun priacail incriminteacha mainneachtana agus imirce a ghabháil, léireofar tionchar neamhlíneach na roghanna, na ndíorthach creidmheasa struchtúrtha, agus na suíomh eile lena mbaineann iompar neamhlíneach ábhartha i leith athruithe i bpraghsanna. Beidh aird chuí ag an institiúid freisin ar mhéid an priacal de bharr samhaltaithe atá intuigthe i luacháil agus meastachán ar na priacail praghais a bhaineann le táirgí den sórt sin.

2. Beidh an tsamhail inmheánach bunaithe ar shonraí atá oibiachtúil agus cothrom le dáta.



**▼B**

3. Mar chuid den athbhreithniú agus den bhailíochtú neamhspleách ar a samhlacha inmheánacha arna n-úsáid chun críocha na Caibidle seo, chun críocha an chórais tomhais priacal go cuimsitheach, déanfaidh institiúid na nithe seo a leanas uile go háirithe:

- (a) a bhailíochtú go bhfuil a cur chuige i leith shamhaltú na gcomhghaolta agus na n-athruithe i bpraghsanna oiriúnach dá punann, lena n-áirítear rogha agus ualuithe a fachtóirí priacal córasach;
- (b) tástálacha struis éagsúla a dhéanamh, lena n-áirítear anailís íogaireachta agus anailís ar chnámha scéil, chun réasúntacht chainníochtúil agus cháilíochtúil na samhla inmheánaí a mheasúnú, go háirithe maidir le láimhseáil comhchruinnithe. Ní bheidh tástálacha den sórt sin teoranta don réimse teagmhas a chonacthas go stairiúil;
- (c) bailíochtú cainníochtúil iomchuí a chur i bhfeidhm, lena n-áirítear tagarmharcanna samhaltaithe inmheánacha iomchuí.

4. Beidh an tsamhail inmheánach comhsheasmhach le modheolaíochtaí inmheánacha um bainistíocht priacal na hinstitiúide arna n-úsáid chun priacail trádála a aithint, a thomhas agus a bhainistiú.

5. Déanfaidh institiúidí a samhlacha inmheánacha a dhoiciméadú ionas go mbeidh a toimhdí comhghaolaithe agus a toimhdí samhaltaithe eile trédhearcach do na húdaráis inniúla.

6. Beidh na hionadaigh coimeádach mar is cuí agus ní fhéadfar iad a úsáid ach amháin i gcás ina bhfuil na sonraí atá ar fáil neamhleor nó nach léirítear leo luaineacht fhíor an tsuímh nó na punainne. Ina theannta sin, comhlíonfar íoschaighdeán sonraí leis an tsamhail inmheánach. Beidh na hionadaigh coimeádach mar is cuí agus ní fhéadfar iad a úsáid ach amháin i gcás ina bhfuil na sonraí atá ar fáil neamhleor nó nach léirítear leo luaineacht fhíor an tsuímh nó na punainne.

## Roinn 5

**Samhail inmheánach maidir le trádáil chomhghaoil***Airteagal 377***Ceanglais i leith samhla inmheánaí maidir le trádáil chomhghaoil**

1. Tabharfaidh na húdaráis inniúla cead d'institiúidí úsáid a bhaint as samhail inmheánach chun a gceanglais cistí dílse a ríomh le haghaidh na punainne trádála chomhghaoil seachas i gcomhréir le hAirteagal 338 má tá cead ag na hinstitiúidí sin samhail inmheánach a úsáid le haghaidh priacal sonracha na n-ionstraimí fiachais agus má chomhlíonann siad na ceanglais i míreanna 2 go 6 agus den Airteagal seo agus in Airteagail 367(1) agus(3), Airteagal 368, Airteagal 369 (1) agus pointí (a), (b), (c), (e) agus (f) d'Airteagal 370.

**▼B**

2. Úsáidfidh institiúidí an tsamhail inmheánach sin chun uimhir a ríomh lena ndéantar priacail praghais uile a thomhas go leormhaith ag an eatramh muiníne 99,9 % thar thréimhse ionchasach ama bliana faoi thiomhde de leibhéal seasmhach priacal, agus arna oiriúnú nuair is iomchuí chun tionchar leachtachta, comhchruinnithe, fálaíthe agus roghnaíochta a léiriú. Ríomhfaidh institiúidí an uimhir sin go seachtainiúil ar a laghad.

3. Beidh na priacail a leanas gafa go leormhaith ag an tsamhail dá dtagraítear i mír 1:

- (a) an priacal carnach a thagann as mainneachtainí iolracha i dtáirgí i dtráinsí, lena n-áirítear mainneachtainí á gcur in eagar ar mhodhanna éagsúla;
- (b) priacal um raon difríochta creidmheasa, lena n-áirítear na héifeachtaí gáma agus trasgháma;
- (c) luaineacht na gcomhghaol intuigthe, lena n-áirítear an cros-éifeacht idir raonta difríochta agus comhghaolta;
- (d) priacal boinn, lena n-áirítear an dá priacal boinn a leanas araon;
  - (i) an bonn idir raon difríochta innéacs agus raon difríochta sin a n-aonainmneacha comhpháirteacha;
  - (ii) an bonn idir comhghaol intuigthe innéacs agus comhghaol sin na bpunann saincheaptha;
- (e) luaineacht sa rátáil téarnaimh, mar a bhaineann sí leis an gclaonadh ag rátaí téarnaimh tionchar a bheith acu ar phraghsanna i dtráinsí;
- (f) a mhéid a ionchorpraítear buntáistí ó fhálú dinimiciúil sa bheart cuimsitheach priacal, an priacal go dtarlódh sciarradh fálaíthe agus costais fhéideartha a bhainfeadh le hathchothromú an fhálaíthe sin;
- (g) aon priacail praghais ábhartha eile i suímh sa phunann trádála comhghaoil.

4. Úsáidfidh institiúid sonraí margaidh leordhóthanacha laistigh den tsamhail dá dtagraítear i mír 1 d'fhonn a áirithiú go ngabhtar léi go hiomlán priacail suntasacha na risíochtaí sin ina cur chuige inmheánach i gcomhréir leis na ceanglais atá leagtha amach san Airteagal seo. Beidh sí in ann a léiriú don údarás inniúil trí iarthástáil nó trí mhodhanna iomchuí eile gur féidir athrú stairiúil i bpraghsanna na dtáirgí sin a mhíniú go hiomchuí lena samhail.

Beidh beartais agus nósanna imeachta iomchuí ag an institiúid d'fhonn na suímh a bhfuil cead aici a ionchorprú sa cheanglas cistí dílse de réir an Airteagail seo a idirdhealú ó shuímh eile nach bhfuil an cead sin aici ina leith.

**▼B**

5. Maidir leis an bpunann de na suímh uile atá ionchorpraithe sa tsamhail dá dtagraítear i mír 1, cuirfidh an institiúid sraith cásanna struis sonracha, réamhshocráithe i bhfeidhm go rialta. Scrúdófar leis na cásanna struis sin éifeachtaí struis ar na nithe seo a leanas: rátaí mainneachtana, rátaí téarnaimh, raonta difríochta creidmheasa, priacal boinn, comhghaolta agus fachtóirí priacal iomchuí eile don phunann trádála comhghaoil. Cuirfidh an institiúid cásanna struis i bhfeidhm go seachtainiúil ar a laghad agus tabharfaidh sí fógra ráithiúil ar a laghad do na húdaráis inniúla maidir leis na torthaí, lena n-áirítear comparáidí le ceanglas cistí dílse na hinstitiúide de réir an Airteagail sin. Tabharfar fógra do na húdaráis inniúla ar mhodh tráthúil maidir le haon chásanna ina dtaispeántar le torthaí na tástála struis go bhfuil an ceanglas cistí dílse sáraithe go hábhartha. Eiseoidh ÚBE treoirlínte maidir le cásanna struis a chur i bhfeidhm don phunann trádála comhghaoil.

6. Beidh na hionadaigh coimeádach mar is cuí agus ní fhéadfar iad a úsáid ach amháin i gcás ina bhfuil na sonraí atá ar fáil neamhleor nó nach léirítear leo luaineacht fhíor an tsuímh nó na punainne. Ina theannta sin, comhlíonfar íoschaighdeáin sonraí leis an tsamhail inmheánach. Beidh na hionadaigh coimeádach mar is cuí agus ní fhéadfar iad a úsáid ach amháin i gcás ina bhfuil na sonraí atá ar fáil neamhleor nó nach léirítear leo luaineacht fhíor an tsuímh nó na punainne.

## TEIDEAL V

## CEANGLAIS CISTÍ DÍLSE LE HAGHAIDH PRIACAL SOCRAÍOCHTA

*Airteagal 378***Priacal socraíochta/seachadta**

I gcás ina bhfuil ionstraimí fiachais, cothromas, airgeadraí eachtracha agus tráchtearraí atá in idirbheart, cé is moite d'idirbhearta athcheannaigh agus d'idirbhearta iasachtaithe agus iasachtaíochta i leith urrús nó tráchtearraí, neamhshocráithe tar éis a ndátaí seachadta dlite, déanfaidh institiúid an difríocht sna praghsanna ar a bhfuil sí ar ris a ríomh.

Déantar an difríocht sna praghsanna a ríomh mar an difríocht idir an praghas socraíochta arna aontú i leith na hionstraime fiachais, an chothromais, an airgeadra eachtraigh nó an tráchtearra atá i gceist agus a luach reatha margaidh, i gcás ina bhféadfadh cailiteanas don institiúid chreidmheasa a bheith mar thoradh ar an difríocht.

Déanfaidh an institiúid an difríocht sin i bpraghsanna a iolrú faoin bhfachtóir iomchuí sa cholún deas de Thábla 1 a leanas, d'fhonn ceanglas cistí dílse na hinstitiúide le haghaidh priacal socraíochta a ríomh.

*Tábla 1*

Líon na laethanta oibre tar éis an dáta socraíochta dhlite	(%)
5 — 15	8
16 — 30	50
31 — 45	75
46 nó níos mó	100



*Airteagal 379*

**Seachadtaí saor in aisce**

1. Beidh ceangal ar an institiúid a cistí dílse a shealbhú, mar atá leagtha amach i dTábla 2, i gcás ina dtarlaíonn na nithe seo a leanas:

- (a) d'íoc sí as urrúis, airgeadraí eachtracha nó tráchtearraí sula bhfuair sí iad nó tá urrúis, airgeadraí eachtracha nó tráchtearraí seachadta aici roimh di íocaíocht a fháil ina leith;
- (b) i gcás idirbheart trasteorann, tá lá amháin ar a laghad caite ó rinne sí an íocaíocht nó an seachadadh sin.

*Tábla 2*

**Láimhseáil caipitil maidir le seachadtaí saor in aisce**

Colún 1	Colún 2	Colún 3	Colún 4
Cineál idirbhirt	Suas go dtí an chéad íocaíocht chonarhach nó an chéad chéim den seachadadh	Ón gcéad íocaíocht chonarhach nó ón gcéad chéim den seachadadh suas go ceithre lá tar éis an dara híocaíocht chonarhach nó an dara céim den seachadadh	Ó 5 lá gnó tar éis an dara híocaíocht chonarhach nó an dara céim den seachadadh go dtí múchadh an idirbhirt
Seachadadh saor in aisce	Muirear caipitiúil ar bith	Láimhseáil mar neamhchosaint	Láimhseáil mar risíocht ar phriacal ualaithe ag 1 250 %

2. Agus ualú priacal á chur i bhfeidhm maidir le risíochtaí seachadta saor in aisce arna láimhseáil de réir Cholún 3 de Thábla 2, féadfaidh institiúid a úsáideann an Cur Chuige Inmheánach Bunaithe ar Rátálacha atá leagtha amach i gCuid a Trí, Teideal II, Caibidil 3 PDanna a shannadh do chontrapháirtithe, nach bhfuil risíocht leabhair neamh-thrádála eile aici ina leith, ar bhonn rátáil sheachtrach an chontrapháirtí. Féadfaidh institiúidí a úsáideann a meastacháin féin ar 'LGDanna' an LGD atá leagtha amach in Airteagal 161(1) a chur i bhfeidhm maidir le risíochtaí seachadta saor in aisce arna láimhseáil de réir Cholún 3 de Thábla 2 ar an gcoinníoll go gcuireann siad i bhfeidhm é maidir le risíochtaí uile den sórt sin. De rogha air sin, féadfaidh institiúid a úsáideann an Cur Chuige Inmheánach Bunaithe ar Rátálacha atá leagtha amach i gCuid a Trí, Teideal II, Caibidil 3 ualuithe priacal an Chur Chuige Chaighdeánaithe a chur i bhfeidhm, mar atá leagtha amach i gCuid a Trí, Teideal II, Caibidil 2 ar an gcoinníoll go gcuireann sí i bhfeidhm iad maidir le risíochtaí uile den sórt sin nó féadfaidh sí ualú priacal 100 % a chur i bhfeidhm maidir le risíochtaí uile den sórt sin.

Mura bhfuil méid na risíochta deimhní a eascraíonn ó idirbhearta seachadta saor in aisce ábhartha, féadfaidh institiúidí ualú priacal 100 % a chur i bhfeidhm maidir leis na risíochtaí sin, cé is moite den chás in a bhfuil ualú priacal 1 250 % riachtanach de réir Cholún 4 de Thábla 2 i mír 1.

3. De rogha ar ualú priacal 1 250 % a chur i bhfeidhm maidir le risíochtaí seachadta saor in aisce de réir Cholún 4 de Thábla 2 i mír 1, féadfaidh institiúidí an luach aistrithe móide risíocht dheimhneach reatha na risíochtaí sin a asbhaint ó mhíreanna de Ghnáthchothromas Leibhéal 1 i gcomhréir le pointe (k) d'Airteagal 36(1).

**▼B***Airteagal 380***Tarscaoileadh**

I gcás ina dtarlaíonn cliseadh ar fud an chórais i gcóras socráíochta nó imréitigh, nó contrapháirtí lárnaigh, féadfaidh údaráis inniúla na ceanglais cistí dílse arna ríomh mar a leagtar amach in Airteagal 378 agus Airteagal 379 a tharscaoileadh go dtí go mbeidh an cás ceartaithe. Sa chás sin, ní mheasfar gur mainneachtain chun críocha priacal chreidmheasa í mainneachtain an chontrapháirtí trádáil a shocrú.

## TEIDEAL VI

**CEANGLAIS CISTÍ DÍLSE LE HAGHAIDH PRIACAL UM CHOIGEARTÚ LUACHÁLA CREIDMHEASA***Airteagal 381***An Bhri atá le Coigeartú Luachála Creidmheasa**

Chun críocha an Teidil seo agus Chaibidil 6 de Theideal II, ciallaíonn 'Coigeartú Luachála Creidmheasa' nó 'CVA' coigeartú ar luacháil mheánmhargaidh na punainne idirbheart le contrapháirtí. Léirítear leis an gcoigeartú sin margadhluach reatha priacal creidmheasa an chontrapháirtí i leith na hinstitiúide, ach ní léirítear leis margadhluach reatha priacal creidmheasa na hinstitiúide i leith an chontrapháirtí.

*Airteagal 382***Raon Feidhme**

1. Ríomhfaidh institiúid na ceanglais cistí dílse le haghaidh priacal C<sub>VA</sub>i gcomhréir leis an Teideal seo i leith ionstraimí díorthacha thar an gcuntar uile i dtaca lena gníomhaíochtaí gnó uile, cé is moite de dhíorthaigh chreidmheasa arna n-aithint chun méideanna risíochta atá ualaithe ó thaobh priacal a laghdú i leith priacal creidmheasa.

2. Agus cistí dílse a cheanglaítear le mír 1 á ríomh aici, cuirfidh institiúid idirbhearta um maoiniú urrús san áireamh má chinneann an t-údarás inniúil gur ábhartha iad risíochtaí na hinstitiúide ar priacal C<sub>VAA</sub> thagann as na hidirbhearta sin.

3. Beidh idirbhearta le contrapháirtí lárnach cáilitheach agus idirbhearta cliaint le comhalta imréitigh, i gcás ina ngníomhaíonn an comhalta imréitigh mar idirghabhálaí idir an cliant agus contrapháirtí lárnach cáilitheach agus ina dtiocfaidh risíocht trádála an chomhalta imréitigh i leith an chontrapháirtí lárnaigh cháilithigh de bharr na n-idirbheart, beidh na hidirbhearta sin eisiata ó na ceanglais cistí dílse le haghaidh an priacal CVA.

4. Eisiafar na hidirbhearta seo a leanas ó na ceanglais cistí dílse le haghaidh priacal CVA.

**▼B**

- (a) idirbhearta le contrapháirtithe neamhairgeadais mar atá sainmhínithe i bpointe (9) d'Airteagal 2 i Rialachán (AE) Uimh. 648/2012, nó le contrapháirtithe neamhairgeadais atá bunaithe i dtríú tír, i gcás nach sáraíonn na hidirbhearta sin an tairseach imréitigh mar atá sonraithe in Airteagal 10(3) agus (4) den Rialachán sin.
- (b) idirbhearta laistigh de ghrúpa dá bhforáiltear in Airteagal 3 de Rialachán (AE) Uimh. 648/2012 ach amháin i gcás ina nglacann Ballstáit dlíthe náisiúnta lena n-éilítear deighilt struchtúrach laistigh de ghrúpa baincéireachta, agus sa chás sin dob fhéidir d'údaráis inniúla a éileamh go mbeadh na hidirbhearta sin laistigh den ghrúpa idir na hinstiúidí struchtúracha deighilte, ina gcroíchuid de na ceanglais cistí dílse;
- (c) idirbhearta le contrapháirtithe dá dtagraítear i bpointe (10) d'Airteagal 2 de Rialachán (AE) Uimh. 648/2012 agus faoi réir fhorálacha idirthréimhseacha a leagtar amach in Airteagal 89 (1) den Rialachán sin go dtí go scoirfead de na forálacha idirthréimhseacha sin a chur i bhfeidhm;

**▼C2**

- (d) idirbhearta le contrapháirtithe dá dtagraítear in Airteagal 1(4) agus (5) de Rialachán (AE) Uimh. 648/2012 agus idirbhearta le contrapháirtithe a sonraítear, maidir le risíochtaí ar na contrapháirtithe sin, ualach priacal 0 % ina leith le hAirteagal 114(4) agus le hAirteagal 115(2) den Rialachán seo.

An díolúine ón táille priacal CLC maidir leis na hidirbhearta sin dá dtagraítear i bpointe (c) den mhír seo a dhéanfar le linn na hidirthréimhse atá leagtha síos in Airteagal 89 (1) de Rialachán (AE) Uimh. 648/2012, beidh feidhm aici fad a mhaireann conradh an idirbhirt sin.

Maidir le pointe (a), i gcás ina scoireann instiúid de dhíolúine a bheith aici tríd an tairseach díolúine a thrasnú nó mar gheall ar athrú sa tairseach díolúine, leanfaidh conarthaí atá gan íoc de dhíolúine a bheith acu go dtí dáta a n-aibíochta.

5. Déanfaidh ÚBE athbhreithniú faoin 1 Eanáir 2015 agus gach dhá bhliain ina dhiaidh sin, i bhfianaise forbairtí rialála idirnáisiúnta agus modheolaíochtaí ionchasacha faoi chalabhrúcháin agus thairseacha a áireamh le haghaidh táillí priacal CLC a chur i bhfeidhm ar chontrapháirtithe neamhairgeadais ón tríú tír.

Forbróidh ÚBE i gcomhar le ÚEUM, dréachtchaighdeáin theicniúla rialála chun na nósanna imeachta a shonrú le haghaidh idirbhearta contrapháirtithe neamhairgeadais a bunaíodh lasmuigh den Aontas i dtríú tír a eisiáimh ón gceanglas maidir le cistí dílse le haghaidh táille priacal CVA.

Soláthróidh ÚBE na dréachtchaighdeáin theicniúla rialála sin laistigh de 6 mhí ón dáta a ndéanfar an t-athbhreithniú dá dtagraítear sa chéad fhomhír.

Déantar cumhacht a tharmligean chuig an gCoimisiún chun na dréachtchaighdeáin theicniúla rialála a ghlacadh agus na nósanna imeachta á sonrú i gcomhréir le hAirteagal 10 go hAirteagal 14 de Rialachán (AE) Uimh. 1093/2010.]

## ▼B

## Airteagal 383

## Ardmhodh

1. Institiúid a bhfuil cead aici samhail inmheánach a úsáid maidir le priacal sonrach na n-ionstraimí fiachais i gcomhréir le pointe (d) d'Airteagal 363(1), déanfaidh sí, i gcás na n-idirbheart uile a bhfuil cead aici an IMM a úsáid ina leith chun luach risíochta a chinneadh maidir leis an risíocht ghaolmhar ar priacal creidmheasa an chontrapháirtí i gcomhréir le hAirteagal 283, na ceanglais cistí dílse le haghaidh priacal CLC a chinneadh trí thionchar na n-athruithe i raonta difríochta na gcontrapháirtithe ar CLCanna chontrapháirtithe uile na n-idirbheart sin a shamhaltú, ag cur fálú CLC atá incháilithe i gcomhréir le hAirteagal 386 san áireamh.

Úsáidfidh institiúid a samhail inmheánach chun na ceanglais cistí dílse le haghaidh an phriacail shonraigh a bhaineann le suímh fiachais trádáilte a chinneadh agus cuirfidh sí eatramh muiníne 99 % i bhfeidhm agus tréimhse choibhéiseach sealbhaíochta 10 lá. Úsáidfear an tsamhail inmheánach ar shli ina spreagtar athruithe i raonta difríochta na gcontrapháirtithe, ach nach samhaltáitear le híogaireacht an CLC d'athruithe i bhfachtóirí margaidh eile, lena n-áirítear i luach sócmhainne tagartha, tráchtearra, airgeadra nó ráta úis díorthaigh.

Déanfar ceanglais cistí dílse le haghaidh priacal CLC a ríomh i leith gach contrapháirtí i gcomhréir leis an bhfoirmle seo a leanas:

$$CVA = LGD_{MKT} \cdot \sum_{i=1}^T \max \left\{ 0, \exp \left( -\frac{s_{i-1} \cdot t_{i-1}}{LGD_{MKT}} \right) - \exp \left( -\frac{s_i \cdot t_i}{LGD_{MKT}} \right) \right\} \cdot \frac{EE_{i-1} \cdot D_{i-1} + EE_i \cdot D_i}{2}$$

nuair atá:

$t_i$  = tráth an  $i$ -ú hathluacháil, ag tosú ag  $t_0=0$ ;

$t_T$  = an aibíocht chonarhach is faide thar na tacair ghlanluachála leis an gcontrapháirtí;

$s_i$  = raon difríochta an chontrapháirtí ag éirim  $t_i$ , arna húsáid chun CLC an chontrapháirtí a ríomh. I gcás ina bhfuil raon difríochta bhabhtáil mainneachtana creidmheasa an chontrapháirtí ar fáil, úsáidfidh an institiúid an raon difríochta sin. I gcás nach bhfuil an raon difríochta sin maidir le bhabhtáil mainneachtana creidmheasa ar fáil, úsáidfidh an institiúid raon difríochta ionadach atá iomchuí ag féachaint do rátáil, do thionscal agus do réigiún an chontrapháirtí;

$LGD_{MKT}$  = LGD an chontrapháirtí a bheidh bunaithe ar raon difríochta ionstraim mhargaidh an chontrapháirtí má tá ionstraim contrapháirtí ar fáil. I gcás nach bhfuil ionstraim contrapháirtí ar fáil, beidh sé bunaithe ar an raon difríochta atá iomchuí ag féachaint do rátáil, do thionscal agus do réigiún an chontrapháirtí.

▼ B

Tá an chéad fhachtóir laistigh den tsuim in ionannas le neastachán maidir leis an dóchúlacht imeallach intuigthe ón margadh go dtarlódh mainneachtain idir tráthanna  $t_{i-1}$  agus  $t_i$ ;

$EE_i$  = an risíocht ionchasach ar an gcontrapháirtí tráth na hathluachála  $t_i$ , i gcás ina suimítear risíochtaí na dtacar glanluachála éagsúla don chontrapháirtí sin, agus i gcás ina dtugtar aibíocht is faide gach tacair ghlanluachála de réir na haibíochta conarthaí is faide laistigh den tacar glanluachála; Cuirfidh institiúid an láimhseáil a leagtar amach i mír 3 i gcás trádála faoi chumhdach corrlaigh i bhfeidhm, má úsáideann an institiúid an tomhas EPE dá dtagraítear i bpointe (a) nó i bpointe (b) d'Airteagal 285(1) maidir le trádálacha faoi chumhdach corrlaigh;

$D_i$  = an fachtóir lascaine saor ó priacal um mainneachtain ag tráth  $t_i$  mar a bhfuil  $D_0=1$ .

2. Nuair atá ceanglais cistí dílse le haghaidh priacal CLC i leith contrapháirtí á ríomh, bunóidh an institiúid gach ionchur ina samhail inmheánach maidir le priacal sonracha i leith ionstraimí fiachais ar na foirmlí seo a leanas (cibé acu is iomchuí):

(a) i gcás ina bhfuil an tsamhail bunaithe ar athphraghsáil iomlán, déanfar an fhoirmle i mír 1 a úsáid go díreach;

(b) i gcás ina bhfuil an tsamhail bunaithe ar íogaireachtaí na raonta difríochta creidmheasa maidir le héirimí sonracha, bunóidh an institiúid gach íogaireacht i raon difríochta creidmheasa ('CS01 Rialála') ar an bhfoirmle seo a leanas:

$$\text{Regulatory CS01}_i = 0.0001 \cdot t_i \cdot \exp\left(-\frac{s_i \cdot t_i}{LGD_{MKT}}\right) \cdot \frac{EE_{i-1} \cdot D_{i-1} - EE_{i+1} \cdot D_{i+1}}{2}$$

Don aga deiridh  $i=T$ , tá an fhoirmle chomhfhreagrach mar a leanas;

$$\text{Regulatory CS01}_T = 0.0001 \cdot t_T \cdot \exp\left(-\frac{s_T \cdot t_T}{LGD_{MKT}}\right) \cdot \frac{EE_{T-1} \cdot D_{T-1} + EE_T \cdot D_T}{2}$$

(c) i gcás ina n-úsáideann an tsamhail íogaireachtaí na raonta difríochta creidmheasa d'athruithe comhthreomhara i raonta difríochta creidmheasa, úsáidfidh an institiúid an fhoirmle seo a leanas:

$$\text{Regulatory CS01} = 0.0001 \cdot \sum_{i=1}^T \left( t_i \cdot \exp\left(-\frac{s_i \cdot t_i}{LGD_{MKT}}\right) - t_{i-1} \cdot \exp\left(-\frac{s_{i-1} \cdot t_{i-1}}{LGD_{MKT}}\right) \right) \cdot \frac{EE_{i-1} \cdot D_{i-1} + EE_i \cdot D_i}{2}$$



**▼B**

- (d) i gcás ina n-úsáideann an tsamhail íogaireachtaí den dara hord d'athruithe i raonta difríochta creidmheasa (raon difríochta gáma), ríomhfar na difríochtaí gáma bunaithe ar an bhfoirmle i mír 1.

3. Institiúid atá ag úsáid an tomhas EPE maidir leis na díorthaigh chomhthaobhaithe thar an gcuntar dá dtagraítear i bpointe (a) nó i bpointe (b) d'Airteagal 285(1), déanfaidh sí na nithe seo a leanas araon agus í ag cinneadh ceanglais cistí dílse le haghaidh priacal CLC i gcomhréir le mír 1:

- (a) glacfaidh sí le próifíl EE sheasta;
- (b) socróidh sí EE cothrom leis an risíocht ionchasach iarbhír arna ríomh faoi Airteagal 285(1)(b) i leith aibíochta atá cothrom leis an gceann is mó de na cinn a leanas:
- (i) leath na haibíochta is faide sa tacar glanluachála;
- (ii) meánaibíocht ualaithe bharúlach na n-idirbheart uile laistigh den tacar glanluachála.

4. Institiúid a bhfuil cead aici ón údarás inniúil de réir Airteagal 283 IMM a úsáid chun luach na risíochta a ríomh maidir leis an gcuid is mó dá gnó, ach a úsáideann na modhanna atá leagtha amach i Roinn 3, Roinn 4 nó Roinn 5 de Theideal II, Caibidil 6 i leith punann níos lú, agus a gceadaítear di an tsamhail inmheánach i leith priacal margaidh a úsáid maidir leis an bpriacal sonrath ionstraimí fiachais i gcomhréir le pointe (d) d'Airteagal 363(1), féadfaidh sí, faoi réir chead na n-údarás inniúil, ceanglais cistí dílse le haghaidh priacal  $C_{VA}$  ríomh i gcomhréir le mír 1 i leith na dtacar glanluachála neamh-IMM. Ní thabharfaidh údarás inniúla an cead sin ach i gcás ina n-úsáideann an institiúid na modhanna atá leagtha amach i Roinn 3, Roinn 4 nó Roinn 5 de Theideal II, Caibidil 6 maidir le líon teoranta de na punanna níos lú.

Chun críocha ríomha faoin bhfomhír roimhe seo agus i gcás nach dtáirgtear próifíl risíochta ionchasach leis an tsamhail IMM, déanfaidh an institiúid na nithe seo a leanas araon:

- (a) glacfaidh sí le próifíl EE sheasta;
- (b) socróidh sí EE cothrom le luach na risíochta arna ríomh faoi na modhanna atá leagtha amach i Roinn 3, Roinn 4 nó Roinn 5 de Theideal II, Caibidil 6, nó IMM i leith aibíochta cothrom leis an gceann is mó de na cinn a leanas:
- (i) leath na haibíochta is faide sa tacar glanluachála;
- (ii) meánaibíocht ualaithe bharúlach na n-idirbheart uile laistigh den tacar glanluachála.

**▼B**

5. Cinnfidh institiúid na ceanglais cistí dílse le haghaidh priacal  $C_{VA}$  i gcomhréir le hAirteagal 364(1), Airteagal 365, agus Airteagal 367 mar shuim an Luacha faoi Phriacal neamhstruis agus an Luacha faoi Phriacal struis, a ríomhfar mar a leanas:

- (a) maidir leis an Luach faoi Phriacal neamhstruis, úsáidfear calabrúcháin paraiméadar reatha mar atá leagtha amach sa chéad fhomhír d'Airteagal 292(2), maidir leis an risíocht ionchasach;
- (b) maidir leis an Luach faoi Phriacal struis, úsáidfear próifílí EE contrapháirtithe todhchaí lena n-úsáidtear calabrúchán struis mar atá leagtha amach sa dara fhomhír d'Airteagal 292(2). Is í an tréimhse struis bliana is déine atá ar áireamh laistigh den tréimhse struis trí bliana arna húsáid i leith na bparaiméadar risíochta an tréimhse struis a úsáidfear i leith na bparaiméadar raon difríochta creidmheasa;

**▼C2**

- (c) beidh feidhm sna ríomhaireachtaí seo ag an fachtóir iolrúcháin trí huairé a úsáidtear chun ceanglais cistí dílse a ríomh bunaithe ar Luach faoi Phriacal agus ar Luach faoi Phriacalstruis i gcomhréir le 354(1). Déanfaidh ÚBE faireachán maidir le comhsheasmhacht ar aon rogha mhaoirseachta a úsáidtear chun fachtóir iolrúcháin níos airde ná an fachtóir iolrúcháin trí huairé sin a chur i bhfeidhm ar an mbanna Luach faoi Phriacal agus ionchuir Luach faoi Phriacal struis ar an muirear priacal CVA. Soláthróidh na húdaráis inniúla a chuireann i bhfeidhm fachtóir iolrúcháin níos airde ná na trí cinn sin údarú i scríbhinn do ÚBE;

**▼B**

- (d) déanfar an ríomh ar bhonn míosa ar a laghad agus ríomhfar an EE a úsáidfear ar an minicíocht chéanna. Más minicíocht níos lú ná minicíocht laethúil a úsáidtear, tógfaidh institiúidí an meán thar thréimhse trí mhí chun críocha an ríomha a shonraítear i bpointí (a)(ii) agus (b)(ii) d'Airteagal 364 (1).

6. Maidir le risíochtaí ar chontrapháirtí, nach dtáirgtear raon difríochta dóibh le samhail inmheánach Luach faoi Phriacal na hinsti-tiúide maidir le priacal sonrach ionstraimí fiachais atá iomchuí ag féachaint do na critéir rátála, tionsclaíocha agus réigiúnacha an chontrapháirtí, bainfidh an institiúid leas as an modh a leagtar amach in Airteagal 384 chun ceanglais cistí dílse le haghaidh priacal  $C_{VA}$  a ríomh.

7. Forbróidh ÚBE dréachtchaighdeáin theicniúla rialála chun na nithe seo a leanas a shonrú níos mionsonraithe:

- (a) an chaoi ina ndéanfar raon difríochta a chinneadh le samhail inmheánach fhormheasta Luach faoi Phriacal na hinsti-tiúide maidir le priacal sonrach ionstraimí fiachais chun críocha si agus  $LGD_{MKT}$  dá dtagraítear in alt 1, a shainaithint;
- (b) líon agus méid na bpunann lena gcomhlíontar an critéar maidir le líon teoranta de phunanna níos lú dá dtagraítear i mír 4.

**▼B**

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 1 Eanáir 2014.

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

*Airteagal 384***Modh caighdeánaithe**

1. Institiúid nach ríomhann ceanglais cistí dílse le haghaidh priacal  $C_{VA}$  leith a comhpháirtithe i gcomhréir le hAirteagal 383, ríomhfaidh sí ceanglais cistí dílse punainne le haghaidh priacal  $C_{VA}$  leith gach contrapháirtí i gcomhréir leis an bhfoirmle seo a leanas, agus cuirfidh sí fáilú  $C_{VA}$  atá incháilithe i gcomhréir le hAirteagal 386 san áireamh:

$$K = 2.33 \cdot \sqrt{h} \cdot \sqrt{\left( \sum_i 0.5 \cdot w_i \cdot \left( M_i \cdot EAD_i^{total} - M_i^{hedge} B_i \right) - \sum_{ind} w_{ind} \cdot M_{ind} \cdot B_{ind} \right)^2 + \sum_i 0.75 \cdot w_i^2 \cdot \left( M_i \cdot EAD_i^{total} - M_i^{hedge} B_i \right)^2}$$

nuair atá:

$h$  = tréimhse ionchasach priacal bliana (in aonaid de bhlianta);  
 $h = 1$ ;

$w_i$  = an t-ualú is infheidhme maidir le contrapháirtí "i".

Mapálfar contrapháirtí "i" go ceann de na sé ualú  $w_i$  bunaithe ar mheasúnú creidmheasa seachtrach arna dhéanamh ag IMCS ainmnithe, mar atá leagtha amach i dTábla 1. Maidir le contrapháirtí nach bhfuil measúnú creidmheasa a rinne IMCS ainmnithe ar fáil ina leith:

- (a) déanfaidh institiúid a úsáideann an cur chuige i dTeideal II, Caibidil 3 rátáil inmheánach an chontrapháirtí a mhapáil go ceann de na measúnuithe creidmheasa seachtracha;
- (b) déanfaidh institiúid a úsáideann an cur chuige i dTeideal II, Caibidil 2  $w_i=1.0\%$  a shannadh don chontrapháirtí sin; I gcás ina n-úsáideann institiúid Airteagal 128, áfach, chun risíochtaí priacal creidmheasa contrapháirtithe a ualú ó thaobh priacal don chontrapháirtí sin, déanfar  $w_i=3.0\%$  a shannadh.

$EAD_i^{total}$  = luach iomlán risíochta ar priacal creidmheasa chontrapháirtí "i" (suimithe thar a dtacair ghlanluachála) lena n-áirítear éifeacht na comhthaobhachta i gcomhréir leis na modhanna atá leagtha síos i Ranna 3 go 6 de Theideal II, Caibidil 6 mar is infheidhme maidir le ceanglas cistí dílse le haghaidh priacal creidmheasa contrapháirtí a ríomh i leith an chontrapháirtí sin. Maidir le hinstitiúid a bhainfidh úsáid as ceann de na modhanna a leagtar amach i Roinn 3 agus i Roinn 4 de Theideal II, Caibidil 6, féadfaidh sé luach na risíochta lánchoigeartaithe a úsáid mar  $EAD_i^{total}$  i gcomhréir le hAirteagal 223(5).

**▼B**

I gcás institiúide nach n-úsáideann an modh atá leagtha amach i Roinn 6 de Theideal II, Caibidil 6, déanfar an risíocht a lascainiú tríd an gcomhéifeacht a leanas a chur i bhfeidhm:

$$\frac{1 - e^{-0.05 \cdot M_i}}{0.05 \cdot M_i}$$

$B_i$  = méid barúlach na bhfáluithe de bhabhtáil mainneachtana creidmheasa ceannaithe aonainm (suimithe má tá níos mó ná suíomh amháin i gceist) lena ndéantar tagairt do chontrapháirtí "i" agus arna úsáid chun priacal  $C_{VA}$  a fháil.

Déanfar an méid barúlach a lascainiú tríd an gcomhéifeacht a leanas a chur i bhfeidhm:

$$\frac{1 - e^{-0.05 \cdot M_i^{hedge}}}{0.05 \cdot M_i^{hedge}}$$

$B_{ind}$  = méid barúlach iomlán de bhabhtáil mainneachtana creidmheasa innéacs amháin nó níos mó de chosaint cheannaithe chun priacal  $C_{VA}$  a fháil.

Déanfar an méid barúlach a lascainiú tríd an gcomhéifeacht a leanas a chur i bhfeidhm:

$$\frac{1 - e^{-0.05 \cdot M_{ind}}}{0.05 \cdot M_{ind}}$$

$W_{ind}$  = an t-ualach is infheidhme maidir le fáil innéacsanna.

Déanfaidh institiúid Wind a chinneadh trí mheán ualaithe de  $w$ ; a ríomh atá infheidhme ar chomhábhair aonair an innéacs;

$M_i$  = aibíocht iarbhír na n-idirbheart le contrapháirtí i.

I gcás institiúide a úsáideann an modh atá leagtha amach i Roinn 6 de Theideal II, Caibidil 6, ríomhfar  $M_i$  i gcomhréir le hAirteagal 162(2)(g). Mar sin féin, chun na críche sin, ní chuirfear uasteorainn cúig bliana le  $M_i$  ach cuirfear í de réir na haibíochta conarthaí is faide a bheidh fágtha sa tacar glanluachála;

I gcás institiúide nach n-úsáideann an modh atá leagtha amach i Roinn 6 de Theideal II, Caibidil 6 is é  $M_i$  an mheánaibíocht bharúlach ualaithe dá dtagraítear i bpointe (b) d'Airteagal 162(2); Mar sin féin, chun na críche sin, ní chuirfear uasteorainn cúig bliana le  $M_i$  ach cuirfear í de réir na haibíochta conarthaí a bheidh fágtha sa tacar glanluachála;

$M_i^{hedge}$  = aibíocht na hionstraime fálaithe le  $B_i$  barúlach (ní mór na méideanna  $M_i^{hedge}$   $B_i$  a shuimiú má tá níos mó ná suíomh amháin i gceist);

**▼B**

$M_{ind}$  = aibíocht an fhálaithe innéacs

I gcás ina bhfuil níos mó ná suíomh fálaithe innéacs amháin i gceist, is é  $M_{ind}$  an aibíocht ualaithe go barúlach.

2. I gcás ina bhfuil contrapháirtí ar áireamh in innéacs a bhfuil babhtáil mainneachtana creidmheasa arna húsáid chun priacal creidmheasa an chontrapháirtí a fhálú bunaithe air, féadfaidh an institiúid an méid barúlach atá inchurtha i leith an chontrapháirtí sin i gcomhréir lena ualú eintitis tagartha a asbhaint ó mhéid barúlach an innéacs CDS agus é a láimhseáil mar fhálú aonainm (Bi) an chontrapháirtí aonair le haibíocht bunaithe ar aibíocht an innéacs.

*Tábla 1*

Céim na cáilíochta creidmheasa	Ualú $w_i$
1	0,7 %
2	0,8 %
3	1,0 %
4	2,0 %
5	3,0 %
6	10,0 %

*Airteagal 385*

**Cur chuige eile ná modhanna  $C_{VA}$  a úsáid agus ceanglais cistí dílse á ríomh**

Mar mhalairt ar Airteagal 384, le haghaidh ionstraimí dá dtagraítear in Airteagal 382 agus faoi réir toiliú roimh ré ón údarás inniúil, féadfaidh institiúidí ina n-úsáidtear Modh na Risíochta Tosaigh a leagtar síos in Airteagal 275, fachtóir iolrúcháin 10 a chur i bhfeidhm ar na méideanna risíochta a thiofadh as atá ualaithe ó thaobh priacal de le haghaidh priacal creidmheasa contrapháirtithe le haghaidh na risíochtaí sin, in ionad ceanglais cistí dílse le haghaidh priacal  $C_{VA}$  a ríomh.

*Airteagal 386*

**Fálú incháilithe**

1. Ní 'fálú incháilithe' a bheidh i bhfálú ar mhaithe le ceanglais cistí dílse le haghaidh priacal  $C_{VA}$  a ríomh i gcomhréir le hAirteagal 383 agus Airteagal 384 ach amháin nuair a úsáidtear é ar mhaithe le priacal  $C_{VA}$  a mhaolú agus nuair a bhainistítear é ar an dóigh sin, agus más ceann de na cinn seo a leanas é:

(a) babhtálacha mainneachtana creidmheasa aonainm nó ionstraimí fálaithe coibhéiseacha lena ndéantar tagairt dhíreach don chontrapháirtí;

**▼C2**

(b) babhtálacha mainneachtana creidmheasa innéacs, ar an gcoinníoll go léirítear chun sástachta an údaráis inniúil, sa Luach Faoi Phriacal agus sa Luach Faoi Phriacal faoi strus an bonn idir aon raon difríochta contrapháirtí aonair agus raonta difríochta na bhfáluithe um babhtáil mainneachtana creidmheasa innéacs.

**▼B**

►**C2** An ceanglas i bpointe (b), is é sin nach mór go léireodh an Luach Faoi Phriacal agus an Luach Faoi Phriacal faoi strus an bonn idir aon raon difríochta contrapháirtí aonair agus raonta difríochta na bhfáluithe um babhtáil mainneachtana creidmheasa innéacs, beidh feidhm aige freisin ◀ i gcásanna ina n-úsáidtear ionadach i leith raoin difríochta contrapháirtí.

I gcás na gcontrapháirtithe uile a n-úsáidtear ionadach ina leith, úsáidfidh institiúid amshraith ar bhonn réasúnta as grúpa ionadaíoch d'ainmneacha comhchosúla a bhfuil raon difríochta ar fáil ina leith.

Mura léirítear an bonn idir aon raon difríochta contrapháirtí aonair agus raonta difríochta na bhfáluithe um babhtáil mainneachtana creidmheasa innéacs chun sástacht an údaráis inniúil, ►**C2** ní léireoidh an institiúid ach 50 % de mhéid barúlach na bhfáluithe innéacs sa Luach Faoi Phriacal agus sa Luach Faoi Phriacal faoi strus. ◀

Ní cheadaítear rófhálú ar na risíochtaí le babhtálacha mainneachtana creidmheasa aonainm faoin mhodh atá leagtha amach in Airteagal 383.

2. Ní chuirfidh institiúid cineálacha eile fáluithe priacal contrapháirtí ar áireamh agus ceanglais cistí dílse le haghaidh priacal  $C_{VA}$  á ríomh acu. Go háirithe, ní fáluithe incháilithe ar mhaithe le ceanglais cistí dílse le haghaidh priacal  $C_{VA}$  á ríomh iad babhtálacha mainneachtana creidmheasa i dtráinsí, babhtálacha mainneachtana creidmheasa don n-ú mainneachtain agus nótaí creidmheas-nasctha.

3. Ní áireofar fálú incháilithe a áirítear agus ceanglais cistí dílse le haghaidh priacal CVA á ríomh nuair a ríomhtar ceanglais cistí dílse le haghaidh priacal shonraigh mar atá leagtha amach i dTeideal IV ná ní láimhseálfar é mar mhaolú priacal creidmheasa seachas i leith priacal creidmheasa contrapháirtí na punainne céanna idirbhirt.

CUID A CEATHAIR

**RISÍOCHTAÍ MÓRA**

*Airteagal 387*

**Ábhar**

Déanfaidh institiúidí faireachán ar a risíochtaí móra agus rialóidh siad iad i gcomhréir leis an gCuid seo.

*Airteagal 388*

**Raon feidhme diúltach**

Ní bheidh feidhm ag an gCuid seo maidir le gnólachtaí infheistíochta a chomhlíonann na critéir atá leagtha amach in Airteagal 95(1) nó Airteagal 96(1).

Ní bheidh feidhm ag an gCuid seo maidir le grúpa ar bhonn a cháis chomhdhlúite más gnólachtaí infheistíochta a bheidh sa ghrúpa sin agus sin amháin, dá dtagraítear in Airteagal 95(1) nó in Airteagal 96(1) agus cuideachtaí coimhdeachta agus i gcás nach n-áirítear institiúidí creidmheasa leis an ngrúpa sin.



*Airteagal 389*

**Sainmhíniú**

Beidh feidhm ag an sainmhíniú seo a leanas chun críocha na Coda seo: Chun críocha na Coda seo, ciallaíonn “Risíochtaí” aon sócmhainn nó ítim lasmuigh den chlár comhardaithe dá dtagraítear i gCuid a Trí, Teideal II, Caibidil 2, gan na hualuithe priacal ná na céimeanna priacal a chur i bhfeidhm.

*Airteagal 390*

**Luach na risíochta a ríomh**

1. Risíochtaí a thagann as na hítimí dá dtagraítear in Iarscríbhinn II, ríomhfar iad i gcomhréir le ceann de na modhanna atá leagtha amach i gCuid a Trí, Teideal II, Caibidil 6.

2. Institiúidí a bhfuil cead acu Modh na Samhla Inmheánaí a úsáid i gcomhréir le hAirteagal 283, féadfaidh siad Modh na Samhla Inmheánaí a úsáid chun luach na risíochta i leith na nithe seo a leanas a ríomh: luach risíochta na n-idirbheart athcheannaigh, na n-idirbheart iasachtaithe nó iasachtaíochta i leith urrús nó tráchtarraí, na n-idirbheart socraíochta iarchurtha agus na n-idirbheart iasachtaithe corrlaigh a chinneadh.

3. Déanfaidh na hinstiúidí sin a ríomhann a gceanglais cistí dílse dá gcuid gnó a bhaineann leis an leabhar trádála i gcomhréir le Cuid a Trí, Teideal IV, Caibidil 2, Airteagal 299, agus le Cuid a Trí, Teideal V agus, mar is iomchuí, le Cuid a Trí, Teideal IV, Caibidil 5 na risíochtaí ar chliant aonair a thiochfaidh chun cinn ar an leabhar trádála a ríomh trí na hítimí seo a leanas a shuimiú:

- (a) barrachas deimhneach shuímh fhada na hinstiúide thar a suímh ghearra i gcás na n-ionstraimí airgeadais uile arna n-eisiúint ag an gcliant atá i gceist, agus an glansuíomh i ngach ceann de na hionstraimí éagsúla á ríomh de réir na modhanna atá leagtha síos i gCuid a Trí, Teideal IV, Caibidil 2;
- (b) an risíocht ghlan, i gcás fiachas nó ionstraim chothromais a fhrithghealladh;
- (c) na risíochtaí i ngeall ar na hidirbhearta, ar na comhaontuithe agus ar na conarthaí dá dtagraítear in Airteagal 299 agus Airteagail 378 go 380 leis an gcliant atá i gceist, agus na risíochtaí sin á ríomh ar an modh atá leagtha síos sna hAirteagail sin maidir le luachanna na risíochta a ríomh.

Chun críocha phointe (b), ríomhtar an risíocht ghlan trí na suímh fhrithgheallta sin atá suibscríofa nó fo-fhrithgheallta ag tríú páirtithe ar bhonn comhaontaithe fhoirmiúil a asbhaint agus arna laghdú de réir na bhfachtóirí atá leagtha amach in Airteagal 345.

Chun críocha phointe (b), cuirfidh institiúidí córais ar bun chun faireachán a dhéanamh ar a risíochtaí fhrithgheallta agus chun iad a rialú idir tráth an cheangaltais tosaigh agus an lá gnó dar gcionn i bhfianaise chineál na priacail arna dtabhú sna margáí atá i gceist.

Chun críocha phointe (c), beidh Cuid a Trí, Teideal II, Caibidil 3 eisiata ón tagairt in Airteagal 299.

**▼B**

4. Ríomhfar risíochtaí foriomlána ar chliant aonair nó ar ghrúpaí cliant nasctha trí risíochtaí an leabhair trádála agus risíochtaí an leabhair neamhtrádála a shuimiú.
5. Ríomhfar risíochtaí ar ghrúpaí cliant nasctha trí na risíochtaí ar chliant aonair i ngrúpa a shuimiú.
6. Ní áireofar aon cheann de na nithe seo a leanas mar risíochtaí:
- (a) i gcás idirbheart airgeadraí eachtracha, risíochtaí arna dtabhú sa ghnáthchúrsa socraíochta le linn an dá lá oibre tar éis íocaíochta;
  - (b) i gcás idirbheart chun urrúis a cheannach nó a dhíol, risíochtaí arna dtabhú sa ghnáthchúrsa socraíochta le linn cúig lá oibre tar éis íoc as na hurrúis nó tar éis iad a sheachadadh, cibé acu is túisce;
  - (c) i gcás ina soláthraítear tarchur airgid lena n-áirítear seirbhísí íocaíochta a dhéanamh, imréiteach agus socraíocht in aon airgeadra agus imréiteach comhfhreagrach ionstraimí baincéireachta nó ionstraimí airgeadais, seirbhísí glanta agus cumhdaigh do chliant, fáiltais mhoillithe i leith risíochtaí cistithe agus eile a thagann as gníomhaíocht cliant nach maireann níos faide ná an lá gnó dar gcionn;
  - (d) i gcás ina soláthraítear tarchur airgid lena n-áirítear seirbhísí íocaíochta a dhéanamh, imréiteach agus socraíocht in aon airgeadra agus baincéireacht chomhfhreagrach, risíochtaí ionlae ar institiúidí a sholáthraíonn na seirbhísí sin;
  - (e) risíochtaí arna n-asbhaint as cistí dílse i gcomhréir le hAirteagail 36, 56 agus 66.
7. D'fhonn an risíocht fhoriomlán ar chliant nó ar grúpa cliant nasctha a chinneadh, i leith cliant a bhfuil risíochtaí ag an institiúid ina leith trí idirbhearta dá dtagraítear i bpointe (l) agus i bpointe (n) d'Airteagal 112 nó trí idirbhearta eile i gcás ina bhfuil risíocht ar sócmhainní foluiteacha ann, déanfaidh institiúid measúnú ar a risíochtaí foluiteacha lena gcuirfear san áireamh an tábhacht eacnamaíoch a bhaineann le struchtúr an idirbhirt agus na priacail is gné de struchtúr an idirbhirt féin, d'fhonn a chinneadh an risíocht bhreise atá ann.
8. Forbróidh ÚBE dréachtchaighdeáin theicniúla rialála d'fhonn na nithe seo a leanas a shonrú:
- (a) na coinníollacha agus na modheolaíochtaí a úsáidtear chun an risíocht fhoriomlán ar chliant nó ar grúpa cliant nasctha a chinneadh i ndáil leis na cineálacha risíochtaí dá dtagraítear i mír 7;
  - (b) na coinníollacha faoin cuimsítear le struchtúr an idirbhirt dá dtagraítear i mír 7 nach risíocht bhreise a bheadh ann;



**▼B**

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 1 Eanáir 2014.

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

**▼M8**

9. Chun críocha mhír 5, forbróidh ÚBE dréachtchaighdeáin theicniúla rialála chun a léiriú conas na risíochtaí a eascraíonn as conarthaí díorthacha a liostaítear in Iarscríbhinn II agus conarthaí díorthacha creidmheasa, sa chás nach ndearnadh an Conradh go díreach le cliant ach d'eisigh an cliant an ionstraim foluiteach fiachais nó chothromais le go gcuirfear san áireamh iad sna risíochtaí ar an gcliant.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Márta 2020.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

**▼B***Airteagal 391***Sainmhíniú ar institiúid chun críocha risíochtaí móra**

Ar mhaithe le luach risíochtaí a ríomh i gcomhréir leis an gCuid seo, áireofar leis an téarma 'institiúid' aon ghnóthas príobháideach nó poiblí, lena n-áirítear a bhraint, a chomhlíonadh an sainmhíniú ar an téarma 'institiúid' dá mbunófaí san Aontas í, agus atá údaraithe i dtríú tír agus a chuireann ceanglais mhaoirseachta agus rialála stuamachta i bhfeidhm atá cothrom ar a laghad leo sin atá i bhfeidhm san Aontas.

**▼M8**

Chun críocha an chéad mhír, féadfaidh an Coimisiún, trí bhíthin gníomhartha cur chun feidhme, agus faoi réir an nós imeachta scrúdúcháin dá dtagraítear in Airteagal 464(2), cinntí a ghlacadh an gcuireann tríú tír ceanglais stuamachta maoirseachta agus rialála i bhfeidhm atá ar a laghad coibhéiseach leis na socrúithe sin a chuirtear i bhfeidhm san Aontas.

**▼B***Airteagal 392***Sainmhíniú ar risíocht mhór**

Measfar gur risíocht mhór í risíocht institiúide ar chliant nó ar ghrúpa cliant nasctha i gcás ina bhfuil a luach cothrom le, nó níos mó ná, 10 % dá caipiteal incháilithe.

*Airteagal 393***Cumas risíochtaí móra a aithint agus a bhainistiú**

Beidh nósanna imeachta riaracháin agus cuntasáíochta fóna ag institiúid agus sásraí rialaithe inmheánaigh leordhóthanacha chun críocha risíochtaí móra agus athruithe orthu ina dhiaidh sin a aithint, a bhainistiú, a thuairisciú, a thaifeadadh agus faireachán a dhéanamh orthu, i gcomhréir leis an Rialachán seo.

**▼B***Airteagal 394***Ceanglais um thuairisciú**

1. Tabharfaidh institiúid fógra faoin bhfaisnéis seo a leanas do na húdaráis inniúla maidir le gach risíocht mhór, lena n-áirítear risíochtaí móra atá eisiata ó chur i bhfeidhm Airteagal 395(1)

- (a) an cliant nó an grúpa cliant nasctha a aithint a bhfuil risíocht mhór ag an institiúid orthu;
- (b) luach na risíochta sula gcuirtear san áireamh éifeacht an mhaolaithe priacal creidmheasa, nuair is infheidhme;
- (c) i gcás ina n-úsáidtear é, cineál na cosanta creidmheasa cistithe nó neamhchistithe;
- (d) luach na risíochta tar éis éifeacht an mhaolaithe priacal creidmheasa arna ríomh chun críocha Airteagal 395(1) a chur san áireamh.

I gcás ina bhfuil institiúid faoi réir Chuid a Trí, Teideal II, Caibidil 3, cuirfean an 20 risíocht is mó ar bhonn comhdhlúite atá aici ar fáil do na húdaráis inniúla, cé is moite de na risíochtaí sin atá eisiata ó chur i bhfeidhm Airteagal 395(1).

2. Tuairisceoidh institiúid an fhaisnéis a leanas do na húdaráis inniúla, agus tuairisceoidh sí an fhaisnéis dá dtagraítear i mír 1 ina theannta sin, maidir lena 10 risíocht is mó atá aici ar institiúidí ar bhonn comhdhlúite, ► **C2** agus an 10 risíocht is mó atá aici fairis sin ar eintitis eárnála airgeadais neamhrialáilte ar bhonn comhdhlúite, lena n-áirítear ◀ risíochtaí móra atá eisiata ó chur i bhfeidhm Airteagal 395(1)

- (a) an cliant nó an grúpa cliant nasctha a aithint a bhfuil risíocht mhór ag an institiúid orthu;
- (b) luach na risíochta sula gcuirtear san áireamh éifeacht an mhaolaithe priacal creidmheasa, nuair is infheidhme;
- (c) i gcás ina n-úsáidtear é, cineál na cosanta creidmheasa cistithe nó neamhchistithe;
- (d) luach na risíochta tar éis éifeacht an mhaolaithe priacal creidmheasa arna ríomh chun críocha Airteagal 395(1) a chur san áireamh;
- (e) an cailteanas ar an risíocht a cheaptar a bheidh ann arna shloinneadh mar an méid a thiocfaidh in aibíocht laistigh de bhucéid aibíochta mhíosúla suas go dtí trí bliana agus go bliantúil ina dhiaidh sin.

3. Déanfar an tuairisciú faoi dhó sa bhliain ar a laghad.

**▼M8**

4. Ceapfaidh ÚBE dréachtchaighdeáin theicniúla rialála lena sonrú na critéir chun eintitis scáthbhaincéireachta dá dtagraítear i mír 2 a shainaithint.

Agus na dréachtchaighdeáin theicniúla rialála sin á bhforbairt, cuirfidh UBÉ san áireamh forbairtí idirnáisiúnta agus caighdeáin chomhaontuithe idirnáisiúnta maidir le scáthbhaincéireacht agus déanfaidh sé na nithe seo a leanas a mheas:

- (a) go bhféadfaidh priacal do shuíomh sócmhainneachta nó do shuíomh leachtachta na hinstitiúide a bheith ag baint leis an gcaidreamh le heintiteas aonair nó le grúpa eintiteas;

**▼M8**

(b) ar cheart eintitis atá faoi réir ceanglais sócmhainneachta nó ceanglais leachtachta atá cosúil lena leagtar síos leis an Rialachán seo agus le Treoir (AE) 2013/69/AE, a eisiaimh ina n-íomláine nó a pháirteisiamh ón oibleagáid a bheith tuairiscithe dá dtagraítear i mír 2 maidir le heintitis scáthbhaincéireachta.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Meitheamh 2020.

Déantar cumhacht a tharmligean chuig an gCoimisiún chun an Rialachán seo a fhorlónadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

**▼B***Airteagal 395***Teorainn na risíochtaí móra**

1. Tar éis éifeacht an mhaolaithe priacal creidmheasa a chur san áireamh i gcomhréir le hAirteagail 399 go 403, ní thabhoídh institiúid risíocht ar chliant ná ar ghrúpa cliant nasctha a bhfuil a luach níos mó ná 25 % dá caipiteal incháilithe. I gcás inar institiúid an cliant sin, nó i gcás ina bhfuil institiúid amháin nó níos mó ná institiúid amháin ar áireamh i ngrúpa cliant nasctha, ní bheidh an luach sin níos airde ná 25 % de chaipiteal incháilithe na hinstitiúide nó EUR 150 milliún, cibé acu is airde, ar an gcoinníoll nach bhfuil suim luachanna na risíochtaí ar na cliant nasctha uile nach institiúidí iad níos airde ná 25 % de chaipiteal incháilithe na hinstitiúide, tar éis éifeacht an mhaolaithe priacal creidmheasa a chur san áireamh i gcomhréir le hAirteagail 399 go 403

I gcás ina bhfuil an méid EUR 150 milliún níos airde ná 25 % de chaipiteal incháilithe na hinstitiúide, tar éis éifeacht an mhaolaithe priacal creidmheasa a chur san áireamh i gcomhréir le hAirteagail 399 go 403, ní ghabhfaidh luach na risíochta thar teorainn réasúnta i dtéarmaí chaipiteal incháilithe na hinstitiúide. Cinnfidh an institiúid an teorainn sin i gcomhréir leis na beartais agus na nósanna imeachta dá dtagraítear in Airteagal 81 de Threoir 2013/36/AE, chun aghaidh a thabhairt ar le phriacal comhchruinnithe agus chun é a rialú. Ní bheidh an teorainn sin níos airde ná 100 % de chaipiteal incháilithe na hinstitiúide.

Féadfaidh údaráis inniúla teorainn níos ísle ná EUR 150 milliún a shocrú agus cuirfidh siad ÚBE agus an Coimisiún ar an eolas faoi.

2. Déanfaidh ÚBE, i gcomhréir le hAirteagal 16 de Rialachán (AE) Uimh. 1093/2010, agus éifeacht an mhaolaithe priacal creidmheasa á cur san áireamh i gcomhréir le hAirteagail 399 go 403, chomh maith le torthaí na bhforbairtí i réimse na scáthbhaincéireachta agus risíochtaí móra ag leibhéal idirnáisiúnta agus an Aontais, treoirlínte a eisiúint faoi 31 Nollaig 2014 chun teorainneacha comhiomlána iomchuí a leagan síos i leith risíochtaí dá sórt nó teorainneacha aonair níos dlúithe maidir le risíochtaí i leith eintitis scáthbhaincéireachta a mbíonn gníomhaíochtaí baincéireachta a ndéanamh acu lasmuigh de chreat rialáilte.

Agus na treoirlínte sin á bhforbairt, féachfaidh ÚBE an mbeadh éifeacht dhíobhálach ábhartha ann ar phróifíl priacal institiúidí a bhunaítear san Aontas, ar sholáthar creidmheasa don bhfioreacnamaíocht nó ar chobhsaíocht agus feidhmiú ordúil na margaí airgeadais dá dtabharfaí isteach teorainneacha breise.

Faoi 31 Nollaig 2015 déanfaidh an Coimisiún measúnú ar a oiriúnaí agus a éifeachtaí atá sé teorainneacha a fhorchur ar risíochtaí ar eintitis bhaincéireachta a mbíonn gníomhaíochtaí baincéireachta á ndéanamh acu lasmuigh de chreat rialáilte, agus forbairtí idirnáisiúnta agus Aontais á gcur san áireamh i réimse na scáthbhaincéireachta agus na

**▼B**

risíochtaí móra mar aon le maolú priacal creidmheasa i gcomhréir le hAirteagail 399 go 403. Cuirfidh an Coimisiún an tuarascáil faoi bhráid Pharlaimint na hEorpa agus na Comhairle, i gcás inarb iomchuí in éineacht le togra reachtach maidir le teorainneacha risíochtaí i leith eintitis scáthbhaincéireachta ag gabháil leis an tuairis a mbíonn gníomhaíochtaí baincéireachta á ndéanamh acu lasmuigh de chreat rialáilte.

3. Faoi réir Airteagal 396, comhlíonfaidh institiúid an teorainn ábhartha atá leagtha síos i mír 1 i gcónaí.

4. Sócmhainní arb éard atá iontu éilimh agus risíochtaí eile ar ghnó-lachtaí infheistíochta ó thríú tír aitheanta, féadfar iad a bheith faoi réir na láimhseála céanna mar a leagtar amach i mír 1.

5. Féadfar dul thar na teorainneacha atá leagtha síos san Airteagal seo maidir le risíochtaí ar leabhar trádála na hinstiúide má chomhlíontar na coinníollacha seo a leanas:

- (a) ní théann an risíocht sa leabhar trádála ar an gcliant nó ar an ngrúpa cliant nasctha atá i gceist thar an teorainn atá leagtha síos i mír 1, agus an teorainn sin arna ríomh ag tagairt do chaipiteal incháilithe, ionas go dtiocfaidh an barrachas chun cinn go hiomlán ar an leabhar trádála;
- (b) comhlíonann an institiúid ceanglas cistí dílse breise ar an mbar-rachas i leith na teorainn atá leagtha síos i mír 1 a ríomhtar i gcomhréir le hAirteagal 397 agus Airteagal 398;
- (c) i gcás ina bhfuil 10 lá nó níos lú ná sin caite ó tharla an barrachas, ní bheidh an risíocht sa leabhar trádála ar an gcliant nó ar an ngrúpa cliant nasctha atá i gceist níos mó ná 500 % de chaipiteal incháilithe na hinstiúide;
- (d) i gcás aon bharrachais a mhairfidh níos faide ná 10 lá, ní bheidh sé, i gcomhiomlán, níos mó ná 600 % de chaipiteal incháilithe na hinstiúide.

I ngach cás inar sáraíodh an teorainn, tabharfaidh an institiúid fógra do na húdaráis inniúla gan mhoill faoi mhéid an bharrachais agus faoi ainm an chliaint lena mbaíneann agus, i gcás inarb iomchuí ainm an ghrúpa cliant nasctha lena mbaíneann.

6. Chun críocha na míre seo, ciallaíonn bearta struchtúracha bearta a ghlacann Ballstát agus a chuireann údaráis inniúla ábhartha an Bhallstáit sin chun feidhme, roimh do ghníomh dlíthiúil teacht i bhfeidhm lena gcomhchuíbítear bearta den sórt sin go sainráite, a éilíonn go laghdóidh institiúidí creidmheasa arna n-údarú sa Bhallstát sin a risíochtaí ar eintitis éagsúla dlíthiúla ag brath ar a ngníomhaíochtaí, beag beann ar an áit ina bhfuil na gníomhaíochtaí sin lonnaithe, d'fhonn taiseoirí a chosaint agus cobhsaíocht airgeadais a chaomhnú.

D'ainneoin mír 1 den Airteagal seo agus Airteagal 400(1)(f), i gcás ina nglacann Ballstáit dlíthe náisiúnta lena n-éilítear go ndéanfar bearta struchtúracha laistigh de ghrúpa baincéireachta, d'fhéadfadh údaráis inniúla a éileamh go gcuirfeadh institiúidí an ghrúpa baincéireachta a bhfuil taiscí ina seilbh acu arna gcumhdach ag Scéim Ráthaíochta Taiscí i gcomhréir le Treoir 94/19/CE ó Pharlaimint na hEorpa agus ón gComhairle an 30 Bealtaine 1994 maidir le scéimeanna ráthaíochta taiscí <sup>(1)</sup> nó ag scéim ráthaíochta taiscí choibhéiseach i dtríú tír, ► **CI** go

<sup>(1)</sup> IO L 135, 31.5.1994, lch. 5

**▼B**

gcuirfidís teorainn mhór risíochtaí i bhfeidhm faoi bhun 25 % ach ní faoi bhun 15 % idir an 28 Meitheamh 2013 agus an 30 Meitheamh 2015 ◀, agus ní faoi bhun 10 % ó 1 Iúil 2015 ar bhonn fochomhdhlúite i gcomhréir le hAirteagal 11(5) maidir le risíochtaí inghrúpa i gcás go gcuimseoidh na risíochtaí sin risíochtaí ar eintiteas nach mbaineann leis an bhfoghrúpa céanna maidir leis na bearta struchtúracha.

Chun críocha na míre seo, comhlíonfar na coinníollacha seo a leanas:

- (a) féachtar ar gach eintiteas a bhaineann leis an bhfoghrúpa céanna maidir leis na bearta struchtúracha mar aon chliant amháin nó mar ghrúpa de chliant nasctha;
- (b) cuirfidh na húdaráis inniúla teorainn aonfhorimeach i bhfeidhm ar na risíochtaí dá dtagraítear sa chéad fhomhír.

Beidh cur i bhfeidhm an chur chuige seo gan dochar do mhaoirseacht éifeachtach ar bhonn comhdhlúite agus ní bheidh éifeachtaí díobhálacha díréireacha i gceist don chóras airgeadais i bpáirt nó ina iomláine i mBallstáit eile nó san Aontas ina iomláine ná ní fhoirmeoidh sé ná ní chruthóidh sé constaic i gcoinne fheidhmiú an mhargaidh inmheánaigh.

7. Sula nglacfaidh siad na sainbhearta struchtúracha sin dá dtagraítear i mír 6 a bhaineann le mór-risíochtaí, cuirfidh na húdaráis inniúla in iúl don Chomhairle, don Choimisiún, do na húdaráis inniúla lena mbaineann agus do ÚBE dhá mhí ar a laghad sula bhfoilsítear an cinneadh chun na bearta struchtúracha a ghlacadh, agus cuirfidh siad isteach fianaise cháilíochtúil agus chainíochtúil lena mbaineann den mhéid seo a leanas go léir:

- (a) raon na gníomhaíochtaí atá faoi réir na mbearta struchtúracha;
- (b) míniú maidir le cén fáth a meastar dréachtbhearta dá sórt a bheith oiriúnach, éifeachtach agus comhréireach chun taisceoirí a chosaint;
- (c) measúnú ar thionchar dóchúil dearfach nó diúltach na mbearta ar an margadh aonair bunaithe ar fhaisnéis atá ar fáil don Bhallstát.

8. Tugtar de chumhacht don Choimisiún agus é ag gníomhú i gcomhréir leis an nós imeachta dá dtagraítear in Airteagal 464(2), gníomh cur chun feidhme a ghlacadh chun glacadh leis na bearta náisiúnta atá molta dá dtagraítear i mír 7 nó chun diúltú dóibh.

Laistigh de mhí amháin tar éis dóibh an fógra dá dtagraítear i mír 7 a fháil, cuirfidh ÚBE a dtuairimí maidir leis na pointí a luaitear sa mhír sin chuig an gComhairle, chuig an gCoimisiún agus chuig an mBallstát lena mbaineann. Féadfaidh na húdaráis inniúla lena mbaineann a dtuairimí a thabhairt maidir leis na pointí a luaitear sa mhír sin don Chomhairle, don Choimisiún agus don mBallstát lena mbaineann.

Agus na tuairimí dá dtagraítear sa dara fhomhír á gcur san áireamh go hiomlán agus i gcás ina mbeidh fianaise stóinseach, láidir ann go mbeidh tionchar diúltach ag na bearta ar an margadh inmheánach a sháróidh na buntáistí a bheidh ann i leith na cobhsaíochta airgeadais, diúltóidh an Coimisiún do na bearta náisiúnta atá molta, laistigh de dhá mhí tar éis dó an fógra a fháil. Murach sin, glacfaidh an Coimisiún leis na bearta náisiúnta atá molta ar feadh tréimhse tosaigh de 2 bhliain agus, nuair is iomhcuí, d'fhéadfadh na bearta a bheith faoi réir leasaithe.

Ní dhiúltóidh an Coimisiún do na bearta náisiúnta atá molta ach amháin más dóigh leis go mbaineann droch-éifeachtaí míréireacha leo ar an gcóras airgeadais ar an iomlán nó ar chodanna de i mBallstáit eile nó san Aontas ina iomláine, lena ndéantar nó lena gcruthaítear, dá bharr sin, bac ar fheidhmiú an mhargaidh inmheánaigh nó ar shaorghluaiseacht chaipitil i gcomhréir le forálacha CFAE.

**▼B**

Tabharfar ar aird tuairim ÚBE i measúnú an Choimisiúin agus agus tabharfar ar aird an fhianaise arna cur i láthair i gcomhréir le mír 7.

Roimh dhul in éag do na bearta, féadfaidh na húdaráis inniúla bearta nua a mholadh chun síneadh a chur leis an tréimhse lena gcuirfear i bhfeidhm iad go ceann dhá bhliain bhreise gach uair. Sa chás sin, tabharfaidh siad fógra don Choimisiún, don Chomhairle, do na húdaráis inniúla lena mbaineann agus do ÚBE. Beidh formheas na mbearta nua faoi réir an phróisis a leagtar amach san Airteagal seo. Beidh an tAirteagal seo gan dochar d'Airteagal 458.

*Airteagal 396***Ceanglais maidir le risíochtaí móra a chomhlíonadh**

1. Má théann risíochtaí, i gcás eisceachtúil, thar an teorainn atá leagtha síos in Airteagal 395(1), tabharfaidh an institiúid fógra do na húdaráis inniúla gan mhoill faoi luach an bharrachais agus féadfaidh siad, i gcúinsí a fhágann gur ceart dóibh é a dhéanamh, tréimhse theoranta a cheadú don institiúid ina bhféadfaidh sí an teorainn a chomhlíonadh.

I gcás ina bhfuil feidhm leis an méid EUR 150 milliún dá dtagraítear in Airteagal 395(1), féadfaidh na húdaráis inniúla, ar bhonn cáis ar chás, cead a thabhairt an teorainn 100 % i dtéarmaí caipitil incháilithe na hinstitiúide a shárú.

2. I gcás ina ndífeidhmítear faoi Airteagal 7(1) comhlíonadh na n-oibleagáidí arna bhforchur sa Chuid seo ag institiúid ar bhonn aonair nó ar bhonn fo-chomhdhlúite, nó i gcás ina bhfeidhmítear forálacha Airteagal 9 maidir le cás na máthairinstitiúidí i mBallstát, déanfar bearta d'fhonn leithdháileadh sásúil priacail laistigh den ghrúpa a áirithiú.

**▼M8**

3. Chun críocha mhír 1, eiseoidh ÚBE treoirlínte i gcomhréir le hAirteagal 16 de Rialachán (AE) Uimh. 1093/2010 lena sonrú an chaoi a gcinnfidh na húdaráis inniúla an méid a leanas:

- (a) na cásanna eisceachtúla dá dtagraítear i mír 1 den Airteagal seo;
- (b) an tráth ama a mheastar a bheith iomchuí chun go gcomhlíonfar na ceanglais athuair;
- (c) na bearta atá le glacadh chun a áirithiú go gcomhlíonfaidh an institiúid na ceanglais arís go tráthúil.

**▼B***Airteagal 397***Ceanglais cistí dílse a ríomh maidir le risíochtaí móra sa leabhar trádála**

1. Ríomhfar an barrachas dá dtagraítear in Airteagal 395(54)(b) trí na comhphárteanna den risíocht trádála iomlán ar an geliant nó ar an ngrúpa cliant nasctha atá i gceist a roghnú lena dtarraingítear na ceanglais priacal shonraigh is airde i gCuid a Trí, Teideal IV, Caibidil 2 nó na ceanglais in Airteagal 299 agus i gCuid a Trí, Teideal V, nó an dá rud, arb ionann an tsuim díobh agus méid an bharrachais dá dtagraítear i bpointe (a) d'Airteagal 395(54).

2. I gcás aon bharrachais nár mhair níos faide ná 10 lá, is é 200 % de na ceanglais dá dtagraítear i mír 1 a bheidh sa cheanglas caipitil breise i leith na gcomhphárteanna sin.

## ▼B

3. Amhail ó 10 lá tar éis don bharrachas tarlú, leithdháilfear comhpháirteanna an bharrachais, arna roghnú i gcomhréir le mír 1, ar an líne iomchuí i gColún 1 de Thábla 1 in ord ardaitheach na gceanglas priacal shonraigh i gCuid a Trí, Teideal IV, Caibidil 2 agus/nó in ord ardaitheach na gceanglas in Airteagal 299 agus i gCuid a Trí, Teideal V. Beidh an ceanglas cistí dílse breise cothrom le suim na gceanglas priacal shonraigh i gCuid a Trí, Teideal IV, Caibidil 2 agus/nó suim na gceanglas in Airteagal 299 agus i gCuid a Trí, Teideal V, arna iolrú ag an bhfachtóir comhfhreagrach i gColún 2 de Thábla 1.

Tábla 1

Colún 1: Barrachas thar na teorainneacha (ar bhonn chéatadán an chaipitil incháilithe)	Colún 2: Fachtóirí
Suas go 40 %	200 %
Ó 40 % go 60 %	300 %
Ó 60 % go 80 %	400 %
Ó 80 % go 100 %	500 %
Ó 100 % go 250 %	600 %
Os cionn 250 %	900 %

## Airteagal 398

**Nósanna imeachta chun cosc a chur ar institiúidí maidir leis an gceanglas cistí dílse breise a sheachaint**

Ní sheachnóidh institiúidí na ceanglais cistí dílse bhreise atá leagtha amach in Airteagal 397 a thabhóidís murach sin, ar risíochtaí a sháraíonn an teorainn atá leagtha síos in Airteagal 395(1) i gcás inar coinníodh na risíochtaí sin ar feadh níos mó ná 10 lá, trí na risíochtaí atá i gceist a aistriú go sealadach go cuideachta eile, laistigh den ghrúpa céanna nó lasmuigh de, agus/nó trí idirbhearta saorga a dhéanamh chun an risíocht a ghlanadh le linn na tréimhse 10 lá agus risíocht nua a chruthú.

Déanfaidh institiúidí nósanna imeachta a chothabháil lena n-áirithítear go dtabharfar fógra láithreach do na húdaráis inniúla maidir le haon aistriú lena mbaineann an éifeacht dá dtagraítear sa chéad fhomhír.

## Airteagal 399

**Teicnící maolaithe creidmheasa incháilithe**

1. Chun críocha Airteagail 400 go 403 áireofar faoin téarma 'ráthaíocht' díorthaigh chreidmheasa a aithnítear faoi Chuid a Trí, Teideal II, Caibidil 4 seachas nótaí creidmheas-nasctha.

2. Faoi réir mhír 3 den Airteagal seo, más rud é, faoi Airteagail 400 go 403 go gceadaítear cosaint chistithe nó neamhchistithe creidmheasa a aithint, beidh sé faoi réir ag na ceanglais incháilitheachta agus ceanglais eile atá leagtha amach i gCuid a Trí, Teideal II, Caibidil 4 a chomhlíonadh.

3. I gcás ina dtéann institiúid i muinín Airteagal 401(2), beidh aithint cosanta cistithe creidmheasa faoi réir na gceanglas ábhartha faoi Chuid a Trí, Teideal II, Caibidil 3. Chun críocha na Roinne seo, ní chuirfidh institiúid an chomhthaobhacht dá dtagraítear in Airteagal 199 (7) go (9) san áireamh, mura gceadaítear di sin a dhéanamh faoi Airteagal 402.



**▼B**

4. Déanfaidh institiúidí anailís, chomh fada agus is féidir, ar a gcuid risíochtaí ar eisitheoirí comhthaobhachta, ar sholáthraithe cosanta neamhchistithe creidmheasa agus ar sócmhainní foluiteacha de bhun Airteagal 390(7) i dtaca le comhchruinnithe a d'fhéadfadh a bheith ann agus, nuair is iomchuí, déanfaidh siad beart agus tabharfaidh siad tuairisc dá n-údarás inniúil maidir le haon torthaí suntasacha.

*Airteagal 400***Díolúintí**

1. Beidh díolúine ag na risíochtaí seo a leanas ó chur i bhfeidhm Airteagal 395(1):

- (a) ítimí sócmhainne arb éard iad éilimh ar rialtais láir, ar bhainc cheannais nó ar eintitis earnála poiblí, dá sannfaí, i gcás ina mbeidís neamhurráithe, ualú priacal 0 % faoi Chuid a Trí, Teideal II, Caibidil 2;
- (b) ítimí sócmhainne arb éard iad éilimh ar eagraíochtaí idirnáisiúnta nó ar bhainc forbartha iltaobhacha dá sannfaí, i gcás ina mbeidís neamhurráithe, ualú priacal 0 % faoi Chuid a Trí, Teideal II, Caibidil 2;
- (c) ítimí sócmhainne arb éard iad éilimh a thugann anonn na ráthaíochtaí follasacha atá ag rialtais láir, ag bainc cheannais, ag eagraíochtaí idirnáisiúnta, ag bainc forbartha iltaobhacha nó ag eintitis earnála poiblí, i gcás ina sannfaí ualú priacal 0 % d'éilimh neamhurráithe ar an eintiteas a thugann an ráthaíocht faoi Chuid a Trí, Teideal II, Caibidil 2;
- (d) risíochtaí eile atá inchurtha i leith rialtas láir, banc ceannais, eagraíochtaí idirnáisiúnta, banc forbartha iltaobhacha nó eintiteas earnála poiblí, nó arna ráthú acu, i gcás ina sannfaí ualú priacal 0 % ar an eintiteas a bhfuil an risíocht inchurtha ina leith nó a bhfuil sé ráthaithe ina leith faoi Chuid a Trí, Teideal II, Caibidil 2;
- (e) ítimí sócmhainne arb éard iad éilimh ar rialtais réigiúnacha nó ar údarais áitiúla Ballstát i gcás ina sannfaí ualú priacal 0 % do na héilimh sin faoi Chuid a Trí, Teideal II, Caibidil 2 agus do risíochtaí eile ar na rialtais réigiúnacha nó ar na húdarais áitiúla sin, nó arna ráthú acu, éilimh a sannfaí ualú priacal 0 % dóibh faoi Chuid a Trí, Teideal II, Caibidil 2;
- (f) risíochtaí ar chontrapháirtithe dá dtagraítear in Airteagal 113(6) nó (7) dá sannfaí ualú priacal 0 % dóibh faoi Chuid a Trí, Teideal II, Caibidil 2. Risíochtaí nach gcomhlíonann na critéir sin, cibé acu atá díolúine acu ó Airteagal 395(1) nó nach bhfuil, láimhseálfar iad mar risíochtaí ar thríú páirtí;
- (g) ítimí sócmhainne agus risíochtaí eile arna n-urrú le comhthaobhacht i bhfoirm taise airgid arna dtaisceadh leis an institiúid iasachta nó le hinstitiúid ar máthairchuideachta nó fochuideachta de chuid na hinstitiúide iasachta í;
- (h) ítimí sócmhainne agus risíochtaí eile arna n-urrú le comhthaobhacht i bhfoirm deimhnithe taise arna n-eisiúint ag an institiúid iasachta nó ag institiúid ar máthairchuideachta nó fochuideachta de chuid na hinstitiúide iasachta í agus arna dtaisceadh le ceachtar díobh;



**▼B**

- (i) risíochtaí a thagann as saoráidí creidmheasa neamhtharraingthe atá aicmithe mar ítimí lasmuigh den chlár comhardaithe lena mbaineann íospriacal in Iarscríbhinn i agus ar an gcoinníoll gur tugadh comhaontú i gcrích leis an gcliant nó le grúpa cliant nasctha agus ní fhéadfar an tsaoráid a tharraingt ach amháin nuair a dheimhnítear nach gcuirfidh sé faoi deara go ndéanfar an teorainn atá infheidhme faoi Airteagal 395(1) a shárú;
- (j) risíochtaí trádála ar chontrapháirtithe lárnacha agus ranníocaíochtaí an chiste mainneachtana le contrapháirtithe lárnacha;
- (k) risíochtaí ar scéimeanna ráthaithe taiscí faoi Threoir 94/19/CE a thagann as cistiú na scéimeanna sin, má tá oibleagáid chonarthach nó dlí ar bhall-institiúidí na scéime an scéim a chistiú.

Maidir le hairgead a fhaightear faoi nóta creidmheas-nasctha arna eisiúint ag an institiúid agus maidir le hiasachtaí agus taiscí contrapháirtí chuig an institiúid nó leis an institiúid atá faoi réir comhaontaithe glanluachála laistigh den chlár comhardaithe atá aitheanta faoi Chuid a Trí, Teideal II, Caibidil 4, measfar go dtiocfaidh siad faoi phointe (g).

2. Féadfaidh údarais inniúla díolúine iomlán nó pháirteach a thabhairt i leith na risíochtaí seo a leanas:

- (a) bannaí faoi chumhdach a thagann faoi chuimsiú Airteagal 129(1), agus (6);
- (b) ítimí sócmhainne arb éard iad éilimh ar rialtais réigiúnacha nó ar údarais áitiúla Ballstát i gcás ina sannfaí ualú priacal 20 % do na héilimh sin faoi Chuid a Trí, Teideal II, Caibidil 2 agus do risíochtaí eile ar na rialtais réigiúnacha nó ar na húdarais áitiúla sin, nó arna ráthú acu, éilimh a sannfaí ualú priacal 20 % dóibh faoi Chuid a Trí, Teideal II, Caibidil 2;
- (c) risíochtaí, lena n-áirítear rannpháirteachas nó cineálacha eile sealúchas, a thabhaigh institiúid i leith a máthairchuideachta, i leith fhochuideachtaí eile na máthairchuideachta nó i leith a cuid fochuideachtaí féin, sa mhéid is go bhfuil na gnóthais sin faoi chumhdach ag an maoirseacht ar bhonn comhdhlúite a bhfuil an institiúid féin faoina réir, i gcomhréir leis an Rialachán seo, le Treoir 2002/87/CE nó le caighdeáin choibhéiseacha atá i bhfeidhm i dtríú tír; láimhseálfar risíochtaí nach gcomhlíonann na critéir sin, bíodh díolúine acu ó Airteagal 395(1) nó ná bíodh, mar risíochtaí ar thríú páirtí;
- (d) ítimí sócmhainne arb éard iad éilimh, agus risíochtaí eile, lena n-áirítear rannpháirteachas nó cineálacha eile sealúchas, ar institiúidí creidmheasa réigiúnacha nó lárnacha lena bhfuil baint ag an institiúid chreidmheasa i líonra i gcomhréir le forálacha dlí nó le forálacha reachtúla agus atá freagrach, faoi na forálacha sin, as oibríochtaí imréitigh airgid laistigh den líonra;

**▼B**

- (e) ítimí sócmhainne arb éard iad éilimh, agus risíochtaí eile ar institiúidí creidmheasa arna dtabhú ag institiúidí creidmheasa, a bhfeidhmíonn ceann amháin acu ar bhonn neamhiomaíoch agus a sholáthraíonn nó a ráthaíonn iasachtaí faoi chláir reachtacha nó faoina cuid reachtanna, chun earnálacha sonraithe den gheilleagar a chur chun cinn faoi fhormhaoirseacht rialtais de chineál éigin agus srianta maidir le húsáid na n-iasachtaí, ar an gcoinníoll go dtiocfaidh na risíochtaí faoi seach as iasachtaí den sórt sin a chuirtear ar aghaidh chuig na tairbhíthe trí institiúidí creidmheasa nó ó ráthaíochtaí na n-iasachtaí sin;
- (f) ítimí sócmhainne arb éard iad éilimh ar institiúidí agus risíochtaí eile orthu, ar an gcoinníoll nach gcuimseoidh na risíochtaí sin cistí dílse na n-institiúidí sin, agus nach maireann níos faide ná an chéad lá gnó eile agus nach bhfuil siad ainmnithe i mórairgeadra trádála;
- (g) ítimí sócmhainne arb éard iad éilimh ar bhainc cheannais i bhfoirm na gcúlchistí fosta is gá a sealbhaíonn na bainc cheannais sin atá ainmnithe ina gcuid airgeadraí náisiúnta;
- (h) ítimí sócmhainne arb éard iad éilimh ar rialtais láir i bhfoirm ceanglas leachtachta reachtúla a shealbhaítear in urrúis rialtais atá ainmnithe agus cistithe ina gcuid airgeadraí náisiúnta ar an gcoinníoll gombeidh, ag lánrogha an údaráis inniúil, measúnú creidmheasa na rialtas láir sin atá sannta ag IMCS ainmnithe de ghrád infheistíochta;
- (i) 50 % de chreidmheasanna doiciméadacha íospriacal /meánpriacal lasmuigh den chlár comhardaithe agus de shaoráidí creidmheasa neamhtharraingthe íospriacal /meánpriacal lasmuigh den chlár comhardaithe dá dtagraítear in Iarscríbhinn I agus faoi réir chomhaontú na n-údarás inniúil, 80 % de ráthaíochtaí seachas ráthaíochtaí iasachta a bhfuil bonn dlí nó rialála fúthu agus a thugtar dá gcuid comhaltaí trí chomhscéimeanna ráthaíochta a bhfuil stádas acu mar institiúidí creidmheasa;
- (j) ráthaíochtaí a cheanglaítear leis an dlí a úsáidtear nuair a íoctar iasacht mhorgáiste atá maoinithe trí bhannaí morgáiste a eisiúint le hiasachtaí an mhorgáiste sula gclárófar an morgáiste den uair dheiridh sa chlár talún, ar an gcoinníoll nach n-úsáidfear an ráthaíocht mar ní a laghdóidh an priacal a bhaineann leis na méideanna risíochta ualaithe ó thaobh priacal a ríomh;
- (k) ítimí sócmhainne arb éard iad éilimh ar agus risíochtaí eile ar mhalairtí aitheanta.

3. Ní fhéadfar an díolúine dá bhforáiltear i mír 2 a úsáid ach amháin i gcás ina gcomhlíonfar na coinníollacha a leanas:

- (a) go ndéanann cineál sonracha na risíochta, an chontrapháirtí nó an chaidrimh idir an institiúid agus an contrapháirtí priacal na risíochta a dhíothú nó a laghdú; agus
- (b) go bhféadfar aghaidh a thabhairt ar aon phriacal comhchruinnithe a bheidh fágtha trí mhodhanna a bheadh chomh héifeachtach céanna amhail na socruithe, na próisis agus na sásraí dá bhforáiltear in Airteagal 81 de Threoir 2013/36/AE.

**▼B**

Cuirfidh na húdaráis inniúla ÚBE ar an eolas an bhuil nó nach bhfuil sé i gceist acu aon cheann de na díolúintí dá bhforáiltear i mír 2 a úsáid, i gcomhréir le pointe (a) agus pointe (b) den mhír seo agus rachaidh siad i gcomhairle le ÚBE maidir leis an rogha sin.

*Airteagal 401***An éifeacht atá ag úsáid teicnící maolaithe priacal creidmheasa a ríomh**

1. Ar mhaithe le luach na risíochtaí a ríomh chun críocha Airteagal 395(1), féadfaidh institiúid 'luach na risíochta lánchoigeartaithe' a úsáid arna ríomh faoi Chuid a Trí, Teideal II, Caibidil 4, ag cur an maolú priacal creidmheasa, coigeartuithe luaineachta, agus aon neamhréir aibíochta (E\*) san áireamh.

2. Institiúid atá ceadaithe a meastacháin féin ar LGDanna agus ar fhachtóirí coinbhéartachta a úsáid le haghaidh aicme na risíochta faoi Chuid a Trí, Teideal II, Caibidil 3, féadfaidh sí, faoi réir cead a fháil ó na húdaráis inniúla na héifeachtaí a bhaineann le comhthaobhacht airgeadais a aithint nuair atá luach na risíochtaí á ríomh chun críocha Airteagal 395(1).

Ní thabharfaidh údaráis inniúla an cead dá dtagraítear san fhomhír roimhe seo ach amháin más féidir leis an institiúid meastachán a thabhairt ar éifeachtaí na comhthaobhachta airgeadais ar a cuid risíochtaí agus é sin a dhéanamh ar leithligh ó ghnéithe eile a bhaineann leis an LGD.

Beidh na meastacháin a chuirfidh an institiúid le chéile sách oiriúnach chun luach na risíochta a laghdú ar mhaithe le forálacha Airteagal 395 a chomhlíonadh.

I gcás ina gceadaítear d'institiúid a cuid meastachán féin ar éifeachtaí na comhthaobhachta airgeadais a úsáid, déanfaidh sí é sin ar bhonn comhsheasmhach leis an gcur chuige a glacadh nuair a bhí ceanglais cistí dílse á ríomh i gcomhréir leis an Rialachán seo.

Institiúidí atá ceadaithe chun a meastacháin féin ar LGDanna agus ar fhachtóirí coinbhéartachta a úsáid le haghaidh aicme na risíochta faoi Chuid a Trí, Teideal II, Caibidil 3, nach ríomhann luach a gcuid risíochtaí ag úsáid an mhodha dá dtagraítear sa chéad fhomhír den mhír seo, féadfaidh siad an Modh Cuimsitheach Comhthaobhach Airgeadais nó an cur chuige atá leagtha amach in Airteagal 403(1)(b) a úsáid chun luach na risíochtaí a ríomh.

3. Institiúid a bhaineann úsáid as an Modh Cuimsitheach Comhthaobhach Airgeadais nó a gceadaítear di an modh a bhfuil cur síos air i mír 2 den Airteagal seo a úsáid chun luach na risíochtaí a ríomh chun críocha Airteagal 395(1), déanfaidh sí tástálacha struis maidir lena gcomhchruinnithe ar priacal creidmheasa ar bhonn tréimhsiúil, lena n-áirítear maidir le luach inréadaithe aon chomhthaobhachta a ghlactar.

Tabharfaidh na tástálacha struis tréimhsiúla sin dá dtagraítear sa chéad fhomhír aghaidh ar na priacail a thagann as athruithe a d'fhéadfadh teacht ar dhálaí sa mhargadh a bhféadfadh tionchar díobhálach a bheith acu ar leordhóthanacht chistí dílse na n-institiúidí agus priacail a thagann as réadú na comhthaobhachta i riochtaí struis.

**▼B**

Beidh na tástálacha struis a dhéanfar leormhaith agus iomchuí chun an measúnú a dhéanamh ar priacail den sórt sin.

I gcás ina léiríonn an tástáil struis tréimhsiúil luach inréadaithe níos ísle den chomhthaobhacht a glacadh ná mar a cheadófaí a chur san áireamh agus an Modh Cuimsitheach Comhthaobhach Airgeadais nó an modh a ndéantar cur síos air i mír 2 in úsáid de réir mar is iomchuí, déanfar luach na comhthaobhachta a cheadaítear a aithint le linn luach na risíochtaí a ríomh chun críocha Airteagal 395(1) a laghdú dá réir sin.

Áireoidh institiúidí dá dtagraítear sa chéad fhomhír na nithe seo a leanas ina gcuid straitéisí chun aghaidh a thabhairt ar priacal comhchruinnithe:

- (a) beartais agus nósanna imeachta chun aghaidh a thabhairt ar priacail a eascraíonn as aisioncronachtaí aibíochta idir risíochtaí agus aon chosaint chreidmheasa maidir leis na risíochtaí sin;
- (b) beartais agus nósanna imeachta i gcás ina dtugann tástáil struis luach inréadaithe níos ísle de chomhthaobhacht a glacadh le fios ná mar a cuireadh san áireamh nuair a bhí an Modh Cuimsitheach Comhthaobhach Airgeadais nó an modh a ndéantar cur síos air i mír 2 in úsáid;
- (c) beartais agus nósanna imeachta a bhaineann le priacal comhchruinnithe a thagann as cur i bhfeidhm teicnící chun priacal creidmheasa a mhaolú, agus go háirithe risíochtaí móra ar chreidmheas indíreach, mar shampla ar eisitheoir urrús aonair a thógtar mar chomhthaobhacht.

*Airteagal 402***Risíochtaí a thig as iasachtú morgáiste**

►C2 1. Chun na luachanna risíochta a ríomh chun críocha Airteagal 395, féadfaidh institiúid luach risíochta nó aon chuid de risíocht a laghdú, ar risíocht í arna hurrú go hiomlán ag maoin dhochorraithe i gcomhréir le hAirteagal 125(1) de réir an méid atá curtha i ngeall de mhargadhluach nó de luach iasachta morgáiste na maoine dochorraithe lena mbaineann ◀ ach nach mó ná 50 % den mhargadh nó 60 % den luach iasachta morgáiste sna Ballstáit sin inar leagadh síos critéir dhiana i bhforálacha reachtúla nó rialála chun measúnú a dhéanamh ar an luach iasachta morgáiste, má chomhlíontar na coinníollacha seo a leanas go léir:

**▼C2**

- (a) Níl ualú priacal níos airde ná 35 % socraithe ag údaráis inniúla na mBallstát le haghaidh risíochtaí nó codanna de risíochtaí arna n-urrú ag maoin chónaithe i gcomhréir le hAirteagal 124(2);

**▼B**

- (b) tá an risíocht nó cuid den risíocht urraithe go hiomlán ag an méid seo a leanas:
  - (i) ag morgáistí ar mhaoin chónaithe; nó
  - (ii) maoin chónaithe in idirbheart léasaithe faoina gcoinníonn an léasóir úinéireacht iomlán ar an maoin chónaithe agus nach bhfuil rogha an léasaí í a cheannach feidhmithe aige go fóill;
- (c) comhlíontar na ceanglais in Airteagal 208 agus in Airteagal 229(1).

**▼B**

►C2 2. Chun na luachanna risíochta a ríomh chun críocha Airteagal 395, féadfaidh institiúid luach risíochta nó aon chuid de risíocht a laghdú, ar risíocht í arna hurrú go hiomlán ag maoin dhochorraithe i gcomhréir le hAirteagal 126(1) de réir an méid atá curtha i ngeall de mhargadhluach nó de luach iasachta morgáiste na maoin dochorraithe lena mbaineann ◀ ach nach mó ná 50 % den mhargadh nó 60 % den luach iasachta morgáiste sna Ballstáit sin inar leagadh síos critéir dhiana i bhforálacha reachtúla nó rialála chun measúnú a dhéanamh ar an luach iasachta morgáiste, má chomhlíontar na coinníollacha seo a leanas go léir:

**▼C2**

(a) níl ualú priacal níos airde ná 50 % socraithe ag údaráis inniúla na mBallstát le haghaidh risíochtaí nó codanna de risíochtaí arna n-urrú ag maoin tráchtála dhochorraithe i gcomhréir le hAirteagal 124(2);

**▼B**

(b) tá an risíocht á hurrú go hiomlán ag an méid a leanas:

(i) morgáistí ar oifigí nó ar áitribh tráchtála eile; nó

**▼C2**

(ii) oifigí nó áitribh tráchtála eile agus na risíochtaí a bhaineann le hidirbhearta léasaithe maoin dochorraithe.

**▼B**

(c) comhlíonfar na ceanglais in Airteagal 126(2)(a), in Airteagal 208 agus in Airteagal 229(1);

**▼C2**

(d) rinneadh an mhaoin tráchtála dhochorraithe a thógáil go hiomlán.

**▼B**

3. Risíocht ar chontrapháirtí a eascraíonn as comhaontú atheannaigh droim ar ais faoinar cheannaigh an institiúid ón gcontrapháirtí liain mhorgáiste neamhspleácha neamh-ghabháltais ar mhaoin dhochorraithe tríú páirtithe, féadfaidh institiúid í a láimhseáil mar roinnt risíochtaí aonair ar gach ceann de na tríú páirtithe sin, ar an gcoinníoll go gcomhlíonfar na coinníollacha uile a leanas:

(a) is institiúid é an contrapháirtí;

(b) tá an risíocht á hurrú go hiomlán ag liain ar mhaoin dhochorraithe na dtríú páirtithe sin a cheannaigh an institiúid agus is féidir leis an institiúid na liain sin a chleachtadh;

(c) d'áirithigh an institiúid go gcomhlíonfar na ceanglais atá in Airteagal 208 agus in Airteagal 229(1);

(d) beidh an institiúid mar thairbhí na n-éileamh a dhéanann an contrapháirtí i gcoinne na dtríú páirtithe i gcás mhainneachtain, dhócmhainneacht nó leachtacht an chontrapháirtí;

(e) tabharfaidh an institiúid tuarascáil do na húdaráis inniúla i gcomhréir le hAirteagal 394 i ndáil le méid iomlán na risíochtaí ar gach institiúid eile a láimhseálfar i gcomhréir leis an mír seo.

**▼B**

Chun na críche sin, glacfaidh an institiúid leis go mbeidh risíocht aici ar gach ceann de na tríú páirtithe sin i leith mhéid an éilimh a dhéanfaidh an contrapháirtí i gcoinne an tríú pháirtí in ionad mhéid comhfhreagrach na risíochta ar an gcontrapháirtí. Leanfar den chuid eile den risíocht ar an gcontrapháirtí, más ann di, a láimhseáil mar risíocht ar an gcontrapháirtí.

*Airteagal 403***Cur chuige ionadaíochta**

1. I gcás ina bhfuil risíocht ar chliant ráthaithe ag tríú páirtí, nó urraithe le comhthaobhacht arna heisiúint ag tríú páirtí, féadfaidh institiúid:

- (a) an chuid den risíocht atá ráthaithe a láimhseáil amhail is go bhfuil sí tabhaithe don ráthóir seachas don chliant ar an gcoinníoll go sannfaí don risíocht neamhurraithe ar an ráthóir ualú priacal atá cothrom le, nó níos ísle ná, ualú priacal na risíochta neamhurraithe ar an gcliant faoi Chuid a Trí, Teideal II, Caibidil 2;
- (b) an chuid den risíocht arna comhthaobhú le margadhluach na comhthaobhachta aitheanta a láimhseáil amhail is go bhfuil sí tabhaithe don tríú páirtí seachas don chliant, má rinneadh urrúsu ar an risíocht le comhthaobhacht agus ar an gcoinníoll go sannfaí do chuid chomhthaobhaithe na risíochta ualú priacal atá cothrom le, nó níos ísle ná, ualú priacal na risíochta neamhurraithe ar an gcliant faoi Chuid a Trí, Teideal II, Caibidil 2.

Ní úsáidfidh an institiúid an cur chuige dá dtagraítear i bpointe (b) den chéad fhomhír i gcás ina bhfuil aisioncronacht ann idir aibíocht na risíochta agus aibíocht na cosanta.;

Chun críocha na Coda seo, ní fhéadfaidh institiúid an Modh Cuimsitheach Comhthaobhach Airgeadais agus an láimhseáil a leagtar amach i bpointe (b) den chéad fhomhír a úsáid ach amháin i gcás ina gceadaítear di an Modh Cuimsitheach Comhthaobhach Airgeadais agus an Modh Simplí Comhthaobhach Airgeadais araon a úsáid chun críocha Airteagal 92.

2. I gcás ina gcuireann institiúid pointe (a) de mhír 1 i bhfeidhm:

- (a) i gcás ina bhfuil an ráthaíocht ainmnithe in airgeadra atá éagsúil ón airgeadra sin ina bhfuil an risíocht ainmnithe, déanfar méid na risíochta a mheasfar a bheith cumhdaithe a ríomh i gcomhréir leis na forálacha maidir le neamhréir airgeadra a láimhseáil le haghaidh cosanta neamhchistithe creidmheasa a leagtar amach i gCuid a Trí, Teideal II, Caibidil 4;
- (b) láimhseálfar aisioncronacht idir aibíocht na risíochta agus aibíocht na cosanta i gcomhréir leis na forálacha maidir le haisioncronacht aibíochta a láimhseáil a leagtar amach i gCuid a Trí, Teideal II, Caibidil 4;
- (c) féadfar cumhdach páirteach a aithint i gcomhréir leis an láimhseáil atá leagtha amach i gCuid a Trí, Teideal II, Caibidil.

**▼M8**

4. Eiseoidh ÚBE treoirlínte, i gcomhréir le hAirteagal 16 de Rialachán (AE) Uimh. 1093/2010, lena sonrúfar na coinníollacha maidir le cur i bhfeidhm na láimhseála dá dtagraítear i mír 3 den Airteagal seo, lena n-airítear na coinníollacha agus minicíocht maidir le teorainneacha a chinneadh, faireachán agus athbhreithniú a dhéanamh orthu dá dtagraítear i bpointe (b) den mhír sin.

Foilseoidh ÚBE na treoirlínte sin faoin 31 Nollaig 2019.

▼ M5▼ B

CUID A SÉ

**LEACHTACHT**

TEIDEAL I

**SAINMHÍNITHE AGUS CEANGLAS MAIDIR LE CUMHDACH LEACHTACHTA***Airteagal 411***Sainmhínithe**

Chun críocha na Coda seo, beidh feidhm ag na sainmhínithe seo a leanas:

- (1) Ciallaíonn 'custaiméir airgeadais' custaiméir a dhéanann ceann nó níos mó de na gníomhaíochtaí atá liostaithe in Iarscríbhinn I a ghabhann le Treoir 2013/36/AE mar a phríomhghnó, nó arb ionann iad agus ceann díobh seo a leanas:
  - (a) institiúid chreidmheasa;
  - (b) gnólacht infheistíochta;
  - (c) SSPE;
  - (d) GC;
  - (e) scéim infheistíochta nach bhfuil neamhiata;
  - (f) gnóthas árachais;
  - (g) cuideachta shealbhaíochta airgeadais nó cuideachta shealbhaíochta airgeadais measctha.
- (2) Ciallaíonn 'taisce miondíola' dliteanas i leith duine nádúrtha nó i leith FBM, i gcás ina gcáileodh an duine nádúrtha sin nó an FBM sin d'aicme na risíochta ar mhiondíol faoin gcur chuige Caighdeánaithe nó faoin gcur chuige IBR maidir le príocal creidmheasa. nó dliteanas do chuideachta atá incháilithe don láimhseáil a leagtar amach in Airteagal 153(4) agus i gcás nach mó ná EUR 1 milliún na taiscí comhiomlána ó gach fiontar den sórt sin ar bhonn grúpa.

*Airteagal 412***Ceanglas maidir le cumhdach leachtachta**

1. Sealbhóidh institiúidí sócmhainní leachtacha, agus cumhdóidh suim luachanna na sócmhainní sin na heis-sreafaí leachtachta lúide na hinsreafaí leachtachta faoi dhálaí struis, ionas go n-áiritheofar go gcoinneoidh institiúidí leibhéil maolán leachtachta a bheidh leordhóthanach chun dul i ngleic le haon éagothroime a d'fhéadfadh a bheith idir insreafaí agus eis-sreafaí leachtachta faoi dhálaí mórstruis thar thréimhse tríocha lá. Le linn tréimhsí struis, féadfaidh institiúidí a gcuid sócmhainní leachtacha a úsáid chun a gcuid glan-eis-sreafaí leachtachta a chumhdach.
2. Ní dhéanfaidh institiúidí insreafaí leachtachta dúbailte ná sócmhainní leachtacha a chomhaireamh.
3. Féadfaidh institiúidí na sócmhainní leachtacha dá dtagraítear i mír 1 a úsáid chun a gcuid oibleagáidí faoi dhálaí struis a chomhlíonadh mar atá sonraithe faoi Airteagal 414.

**▼B**

4. Beidh feidhm go heisiach ag na forálacha atá leagtha amach i dTeideal II chun oibleagáidí tuairiscithe a shonrú atá leagtha amach in Airteagal 415.

5. Féadfaidh Ballstáit forálacha náisiúnta i réimse na gceanglas maidir le leachtacht a choinneáil ar bun nó a thabhairt isteach sula sonraítear íoschaighdeán cheangailteacha i dtaca le ceanglais maidir le cumhdach leachtachta agus sula dtugtar isteach san Aontas ina n-iomláine iad i gcomhréir le hAirteagal 460. Féadfaidh Ballstáit nó údarais inniúla a cheangal ar institiúidí atá údaraithe ar bhonn intíre, nó ar fhothacar de na hinstitiúidí sin, ceanglas níos airde maidir le cumhdach leachtachta suas le 100 % a choinneáil go dtí go dtabharfar isteach an t-íoschaighdeán ceangailteach ina iomláine de réir ráta 100 % i gcomhréir le hAirteagal 460.

*Airteagal 413***Cistiúcháin Cobhsaí**

1. Áiríteoidh na hinstitiúidí go gcomhlíonfar oibleagáidí fadtéarmacha go leordhóthanach trí éagsúlacht ionstraimí cistiúcháin chobhsaí faoi ghnáthchúinsí agus faoi chúinsí struis araon.

2. Beidh feidhm go heisiach ag na forálacha atá leagtha amach i dTeideal III chun oibleagáidí tuairiscithe a shonrú atá leagtha amach in Airteagal 415.

3. Féadfaidh Ballstáit forálacha náisiúnta i réimse na gceanglas cistiúcháin chobhsaí a choinneáil nó a thabhairt isteach sula sonraítear íoschaighdeán cheangailteacha i dtaca le ceanglais glanchistiúcháin chobhsaí agus sula dtugtar isteach san Aontas iad i gcomhréir le hAirteagal 510.

*Airteagal 414***Ceanglais leachtachta a chomhlíonadh**

I gcás nach gcomhlíonann institiúid, nó go bhfuil sí ag súil nach gcomhlíonfaidh sí, an ceanglas atá leagtha amach in Airteagal 412(1), nó an oibleagáid ghinearálta atá leagtha amach in Airteagal 413 (1), lena n-áirítear le linn tréimhsí struis, tabharfaidh sí fógra láithreach do na húdarais inniúla agus cuirfidh sí isteach plean gan aon mhoill mhíchúí chuig na húdarais inniúla ionas go dtosófar ag comhlíonadh Airteagal 412 nó Airteagal 413 (1) arís ar bhonn tráthúil. Go dtí go dtosófar ag comhlíonadh an Airteagail sin arís, tabharfaidh an institiúid tuairisc faoi na hítimí dá dtagraítear i dTeideal II nó i dTeideal III, i gcás inarb iomchuí, go laethúil faoi dheireadh gach lae gnó mura dtugann an t-údarás inniúil údarú maidir le minicíocht tuairiscithe níos isle agus moill tuairiscithe níos faide. Ní dhéanfaidh údarais inniúla údaruithe den sórt sin a cheadú ach amháin ar bhonn cáis aonair institiúide agus méid agus castacht ghníomhaíochtaí na hinstitiúide á gcur san áireamh. Déanfaidh siad faireachán ar chur chun feidhme an phlean chun filleadh ar chomhlíonadh dá dtagraítear san Airteagal sin agus iarrfaidh siad, más iomchuí, tréimhse um chomhlíonadh níos gasta ná mar atá leagtha amach sa phlean.

## TEIDEAL II

**TUAIRISCIÚ LEACHTACHTA***Airteagal 415***Oibleagáid tuairiscithe agus formáid an tuairiscithe**

1. Tabharfaidh institiúidí tuairisc do na húdarais inniúla in airgeadra aonair, beag beann ar an ainmníocht iarbhir, maidir leis na hítimí dá



**▼B**

dtagraítear i dTeideal II agus i dTeideal III agus a gcomhpháirteanna, lena n-áirítear comhdhéanamh a gcuid sócmhainní leachtacha i gcomhréir le hAirteagal 416. Go dtí go saineofar go hiomlán an ceanglas maidir le cumhdach leachtachta i gCuid a Sé agus go dtí go gcuirfear chun feidhme é mar chaighdeán íosta i gcomhréir le hAirteagal 460, tuairisceoidh institiúidí na hÍtimí atá leagtha amach i dTeideal II agus in Iarscríbhinn III. Tuairisceoidh na hinstiúidí na hÍtimí atá i dTeideal III. Ní bheidh an mhinicíocht tuairiscithe níos lú ná uair sa mhí i gcás an cheanglais i dTeideal II agus in Iarscríbhinn III agus nach lú ná uair sa ráithe i gcás Ítimí dá dtagraítear i dTeideal III.

Áireofar sna formáidí tuairiscithe an fhaisnéis uile is gá agus ligfear don ÚBE a mheas leo cé acu ar leachtaíodh idirbhearta iasachta urraithe agus idirbhearta babhtála comhthaobhachta i gceart i gcás go bhfuarthas na sócmhainní leachtacha dá dtagraítear i bpointí (a) (b) agus (c) d'Airteagal 416(1) i gcoinne comhthaobhachta nach bhfuil incháilithe faoi phointí (a) (b) agus (c) d'Airteagal 416(1).

2. Nuair a bheidh an méid seo a leanas fíor maidir le hinstiúid cuirfidh sí tuairisciú ar leith ar na hÍtimí dá dtagraítear i mír 1 san airgeadra a luaitear thíos chuig údaráis inniúla an Bhallstáit bhaile:

- (a) tá dliteanas comhiomlán aici in airgeadra atá éagsúil leis an airgeadra tuairiscithe faoi mhír 1 arb é 5 % nó níos mó de dhliteanas iomlán na hinstiúide nó an fhoghrúpa leachtachta aonair; nó
- (b) tá brainse sonracha aici i mBallstát aíochta i gcomhréir le hAirteagal 51 de Threoir 2013/36/AE ar brainse é a úsáideann airgeadra atá éagsúil leis an airgeadra tuairiscithe faoi mhír 1 den Airteagal seo é.

3. Forbróidh ÚBE dréachtchaighdeáin theicniúla cur chun feidhme d'fhonn an méid seo a leanas a shonrú:

- (a) formáidí aonfhoirmeacha agus réitigh TF le treoracha gaolmhara maidir le minicíochtaí agus maidir le dátaí tagartha agus íocaíochta. Beidh na formáidí agus na minicíochtaí tuairiscithe i gcomhréir le cineál, le scála agus le castacht ghníomhaíochtaí na n-institiúidí éagsúla agus áireofar orthu an tuairisciú atá riachtanach i gcomhréir le mír 1 agus le mír 2;
- (b) beidh meadarachtaí faireacháin leachtachta breise riachtanach, d'fhonn cead a thabhairt d'údaráis inniúla léargas cuimsitheach a fháil ar an bpróifíl príacal leachtachta, a bheidh comhréireach le cineál, le scála agus le castacht ghníomhaíochtaí na hinstiúide.

**▼C1**

Cuirfidh ÚBE na dréachtchaighdeáin theicniúla cur chun feidhme sin maidir leis na hÍtimí sin a shonraítear i bpointe (a) faoi bhráid an Choimisiúin faoi 28 Iúil 2013, agus maidir leis na hÍtimí a shonraítear i bpointe (b) faoin 1 Eanáir 2014.

**▼B**

Go dtí go dtabharfar ceanglais cheangailteacha leachtachta isteach ina n-iomláine, féadfaidh na húdaráis inniúla leanúint d'fhaisnéis a bhailiú trí huirlisí faireacháin ar mhaithe le faireachán a dhéanamh ar chomhlíonadh na gcaighdeán náisiúnta leachtachta atá ann cheana.

Tugtar cumhacht don Choimisiún chun na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

**▼M8**

3a. Forbróidh ÚBE dréachtchaighdeáin theicniúla cur chun feidhme d'fhonn a shonrú na méadrachtaí breise faireacháin leachtachta mar a thagraítear dóibh i mír 3, a mbeidh feidhm acu maidir le hinstiúidí beaga agus neamhchasta.

Cuirfidh ÚBE na dréachtchaighdeáin theicniúla cur chun feidhme sin faoi bhráid an Choimisiúin faoin ... [bliain amháin tar éis an dáta a dtiocfaidh an Rialachán leasaitheach seo i bhfeidhm].

Tugtar an chumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

**▼B**

4. Arna iarraidh sin, soláthróidh údaráis inniúla na mBallstát baile an tuairiscíú aonair ar bhonn tráthúil agus trí mheán leictreonach do na húdaráis inniúla agus do bhanc ceannais na mBallstát óstach agus do ÚBE i gcomhréir leis an Airteagal seo.

►C2 5. Déanfaidh údaráis inniúla a fheidhmíonn maoirseacht ar bhonn comhdhlúite i gcomhréir le hAirteagal 111 de Threoir 2013/36/AE ◀ gach tuairisc, arna iarraidh sin, atá curtha isteach ag an institiúid, a thabhairt ar bhonn tráthúil agus trí mheán leictreonach do na húdaráis seo a leanas i gcomhréir leis na formáidí aonfhoirmeacha dá dtagraítear i mír 3

- (a) na húdaráis inniúla agus banc ceannais náisiúnta na mBallstát aíochta ina bhfuil brainsí móra i gcomhréir le hAirteagal 51 de Threoir 2013/36/AE de chuid na máthairinstitiúide nó institiúidí arna rialú ag an máthairchuideachta shealbháiochta airgeadais chéanna;
- (b) na húdaráis inniúla a bhfuil fochuideachtaí údaraithe acu den mháthairinstitiúid nó d'institiúidí arna rialú ag an máthairchuideachta shealbháiochta airgeadais chéanna agus ag banc ceannais an Bhallstáit chéanna;
- (c) ÚBE;
- (d) BCE.

6. Na húdaráis inniúla a thug údarú d'institiúid ar fochuideachta de mháthairinstitiúid nó de mháthairchuideachta shealbháiochta airgeadais í, déanfaidh siad gach tuairisc, arna iarraidh sin, atá curtha isteach ag an institiúid i gcomhréir leis na formáidí tuairiscithe aonfhoirmeacha dá dtagraítear i mír 3 a thabhairt ar bhonn tráthúil agus trí mheán leictreonach do na húdaráis inniúla a dhéanfaidh maoirseacht ar bhonn comhdhlúite i gcomhréir le hAirteagal 111 de Threoir 2013/36/AE, do bhanc ceannais an Bhallstáit ina bhfuil an institiúid údaraithe agus do ÚBE.

*Airteagal 416***Tuairisc a thabhairt maidir le sócmhainní leachtacha**

1. Tuairisceoidh na hinstiúidí na nithe seo a leanas mar shócmhainní leachtacha mura bhfuil siad eisiata le mír 2 sa chás go gcomhlíonann na sócmhainní leachtacha na coinníollacha i mír 3 agus sa chás sin amháin:

- (a) airgead agus risíochtaí ar bhainc cheannais a mhéid is féidir na risíochtaí sin a aistarraingt ag aon am i dtréimhsí struis. Maidir le taiscí atá á sealbhú le bainc cheannais, beidh sé mar aidhm ag an údarás inniúil agus ag an mbanc ceannais teacht ar chomhthuiscint i dtaobh a mhéid is féidir cúlchistí íosta a aistarraingt i dtréimhsí struis;
- (b) sócmhainní inaistrithe eile a bhfuil cáilíocht leachtachta agus creidmheasa fíor-ard ag baint leo;
- (c) sócmhainní inaistrithe in ionannas d'éilimh orthu seo a leanas nó atá ráthaithe acu:
  - (i) rialtas lárnach Ballstáit, réigiún a bhfuil neamhspleáchas fioscach aige chun cáin a ghearradh agus a bhailiú, nó de chuid tríú tír, in airgeadra baile an rialtais lárnaigh nó réigiúnaigh, sa chás go dtabhaíonn an institiúid príacal leachtachta sa Bhallstát sin nó sa tríú tír sin a chumhdaíonn sí trí na sócmhainní leachtacha sin a shealbhú;
  - (ii) bainc cheannais agus eintitis earnála poiblí, in airgeadra baile an bhainc ceannais agus an eintitis earnála poiblí;
  - (iii) an Banc um Shocraíochtaí Idirnáisiúnta, an Ciste Airgeadaíochta Idirnáisiúnta, an Coimisiún agus bainc forbartha iltaobhacha;
  - (iv) an tSaoráid Chobhsaíochta Airgeadais Eorpach an Sásra Cobhsaíochta Eorpach

**▼B**

- (d) sócmhainní inaistrithe a bhfuil cáilíocht leachtachta agus creidmheasa ard ag baint leo.
- (e) saoráidí creidmheasa fuireachais a dheonaíonn bainc cheannais laistigh de raon feidhme beartais airgeadaíochta a mhéid nach ndéantar na saoráidí sin a chomhthaobhú le sócmhainní leachtacha ach gan cúnaimh leachtachta éigeandála a áireamh;
- (f) i gcás ina bhfuil an institiúid chreidmheasa i seilbh líonra i gcomhréir le forálacha dlí nó le forálacha reachtúla, na hiostaiscí dlíthiúla nó reachtúla atá leis an institiúid chreidmheasa lárnach agus cistiú leachtach reachtúil eile nó cistiú leachtach atá ar fáil ar bhonn conarthach ón institiúid chreidmheasa lárnach nó ó institiúidí creidmheasa lárnacha ar baill iad den líonra dá dtagraítear in Airteagal 113 (7), nó atá incháilithe le haghaidh an tarscaoilte dá bhforáiltear in Airteagal 10, a mhéid nach gcomhthaobhaítear an cistiú sin le sócmhainní leachtacha.

Go dtí go sonrófar sainmhíniú aonfhoirmeach i gcomhréir le hAirteagal 460 ar cháilíocht leachtachta agus creidmheasa ard agus an-ard, sainaithe-neoidh institiúidí féin, in airgeadra faoi leith, sócmhainní inaistrithe a bhfuil cáilíocht leachtachta agus creidmheasa ard nó an-ard ag baint leo, faoi seach. Go dtí go sonrófar sainmhíniú aonfhoirmeach, féadfaidh údarais inniúla, agus na critéir atá liostaithe in Airteagal 509(34) (4) agus (5) á gcur san áireamh, treoir ghinearálta a thabhairt a leanfaidh institiúidí chun sócmhainní a bhfuil cáilíocht leachtachta agus creidmheasa ard agus an-ard ag baint leo a shainaithe. In éagmais treorach den sórt sin, úsáidfidh institiúidí critéir a bheidh trédhearcach agus oibiachtúil chuige sin, lena n-áirítear roinnt de na critéir atá liostaithe in Airteagal 509(34) (4) agus (5) nó iad ar fad.

2. Ní mheasfar gur sócmhainní leachtacha iad seo a leanas:

- (a) sócmhainní arna n-eisiúint ag institiúid chreidmheasa mura gcomhlíonann siad ceann amháin de na coinníollacha seo a leanas:
  - (i) is bannaí iad atá incháilithe don láimhseáil atá leagtha amach in Airteagal 129(44) nó (5) nó is ionstraimí sócmhainn-bhunaithe iad sa chás go dtaispeántar gur den cháilíocht creidmheasa is airde iad de réir mar a shuífidh ÚBE de bhun na gcritéir in Airteagal 509(3), (4) agus (5);
  - (ii) is bannaí iad mar a thagraítear dóibh in Airteagal 52(4) de Threoir 2009/65/CE seachas iad sin dá dtagraítear i bpointe (i) den phointe seo;
  - (iii) bhunaigh rialtas lárnach nó rialtas réigiúnach Ballstáit an institiúid chreidmheasa, agus tá oibleagáid ar an rialtas sin bonn eacnamaíoch na hinstitiúide a chosaint agus a hinmharthanacht a choinneáil ar feadh a saoil; nó tá an tsócmhainn ráthaithe go sainráite ag an rialtas sin; nó tá 90 % ar a laghad de na hiasachtaí arna dtabhairt ag an institiúid ráthaithe go díreach nó go hindíreach ag an rialtas sin agus baintear feidhm as an tsócmhainn go príomha chun cistiú a dhéanamh ar iasachtaí cur chun cinn a thugtar ar bhonn neamhomaíoch, gan beann ar bhrabús, chun cuspóirí beartais phoiblí an rialtais sin a chur chun cinn;
- (b) sócmhainní a sholáthraítear don institiúid mar chomhthaobhacht faoi idirbhearta comhaontaithe athcheannaigh droim ar ais agus idirbhearta cistithe urrús agus nach sealbhaíonn an institiúid ach amháin mar mhaolaitheoir ar phriacal creidmheasa agus nach bhfuil ar fáil don institiúid lena n-úsáid ar bhonn dlíthiúil agus conarthach;
- (c) sócmhainní arna n-eisiúint ag aon cheann díobh seo a leanas:

**▼B**

- (i) gnólacht infheistíochta;
  - (ii) gnóthas árachais;
  - (iii) cuideachta shealbhaíochta airgeadais;
  - (iv) cuideachta shealbhaíochta airgeadais mheasctha;
  - (v) aon eintiteas eile a dhéanann ceann amháin nó níos mó de na gníomhaíochtaí a liostaítear in Iarscríbhinn I a ghabhann le Treoir 2013/36/AE mar a phríomhghnó.
3. Is iad na sócmhainní a chomhlíonann na coinníollacha seo a leanas mar shócmhainní leachtcha na sócmhainní a ndéanfaidh institiúidí tuairisciú orthu, i gcomhréir le fómhír 1:
- (a) tá siad neamhualaithe nó tá siad ar fáil i gcomhthiomsuithe comhthaobhachta a mbainfear feidhm astu chun cistiúchán breise a fháil faoi línte creidmheasa geallta atá ar fáil don institiúid ach nach bhfuil cistithe go fóill;
  - (b) ní eisíonn an institiúid féin ná a máthairinstitiúidí ná a fo-institiúidí iad, ná fochuideachta eile dá máthairinstitiúidí nó dá máthairchuideachta shealbhaíochta airgeadais;
  - (c) comhaontaíonn rannpháirtithe margáí a bpraghas de ghnáth agus is féidir breathnú air go héasca sa mhargadh, nó is féidir a bpraghas a chinneadh de réir foirmle atá éasca a ríomh bunaithe ar ionchuir atá ar fáil go poiblí agus nach dtéann i muinín toimhdí láidre mar a tharlaíonn de ghnáth i gcás táirgí struchtúrtha nó coimhthíocha;
  - (d) is comhthaobhacht incháilithe iad le haghaidh oibríochtaí leachtachta caighdeánacha de chuid bainc ceannais i mBallstát, nó má shealbhaítear na sócmhainní leachtacha chun freagairt d'eis-sreafaí leachtachta in airgeadra tríú tír, de chuid bhanc ceannais an tríú tír sin;
  - (e) tá siad liostaithe ar mhalartán aitheanta nó tá siad intrádála ar glandíol gníomhach nó trí chomhaontú athcheannaigh simplí ar mhargáí athcheannaigh formheasta. Déanfar measúnú ar leithligh ar na critéir sin do gach margadh.

**▼C2**

Ní bheidh feidhm ag na coinníollacha dá dtagraítear i bpointí (c), (d) agus (e) den chéad fhomhír maidir leis na sócmhainní dá dtagraítear i bpointí (a), (e) agus (f) de mhír 1.

**▼B**

Ní bheidh feidhm ag an gcoinníoll i bpointe (d) den chéad fhomhír i gcás sócmhainní leachtacha arna sealbhú chun freagairt d'eis-sreafaí leachtachta in airgeadra ina bhfuil sainmhíniú an-chúng ar fad ar incháilitheacht bainc ceannais. I gcás sócmhainní leachtacha arna n-ainmniú in airgeadraí tríú tíortha, ní bheidh feidhm ag an eisceacht sin ach amháin má chuireann údaráis inniúla an tríú tír an eisceacht chéanna nó eisceacht choibhéiseach i bhfeidhm.

4. D'ainneoin fhorálacha mhír 1, mhír 2 agus mhír 3, go dtí go ndéanfar sonraíocht maidir le ceanglas leachtachta ceangailteach i gcomhréir le hAirteagal 460 agus i gcomhréir leis an dara fómhír de mhír 1 den Airteagal seo, tabharfaidh institiúidí tuairisc ar na nithe seo leanas:

- (a) sócmhainní incháilithe eile nach sócmhainníbainc ceannais ach is sócmhainní intrádála iad amhail cothromais agus ór, bunaithe ar chritéir thrédhearcacha agus oibiachtúla, lena n-áirítear roinnt de na critéir atá liostaithe in Airteagal 509(4) nó iad ar fad;

**▼B**

- (b) sócmhainní incháilithe intrádála eile bainc ceannais amhail ionstraimí sócmhainn-bhunaithe den cháilíocht creidmheasa is airde, de réir mar a shuífidh ÚBE de bhun na gcritéar in Airteagal 509(3),(4) agus (5);
- (c) sócmhainní incháilithe eile bainc ceannais nach sócmhainní intrádála iad, amhail éilimh chreidmheasa, de réir mar a shuífidh ÚBE de bhun na gcritéar in Airteagal 509(3), (4) agus (5).

5. Forbróidh ÚBE dréachtchaighdeáin theicniúla cur chun feidhme ina liostófar na hairgeadraí a chomhlíonann na coinníollacha dá dtagraítear sa tríú fómhír de mhír 3.

Cuirfidh ÚBE na dréachtchaighdeáin theicniúla sin faoi bhráid an Choimisiúin faoin 31 Márta 2014.

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

Roimh theacht i bhfeidhm na gcaighdeán teicniúil dá dtagraítear sa tríú fómhír, féadfaidh institiúidí leanúint den láimhseáil atá leagtha amach sa dara fómhír de mhír 3 a chur i bhfeidhm, i gcás inar chuir na húdaráis inniúla an láimhseáil sin i bhfeidhm roimh 1 Eanáir 2014.

6 Féadfáir scaireanna nó aonaid in GCanna a láimhseáil mar shócmhainní leachtacha suas le méid absalóideach EUR 500 milliún i bpunann sócmhainní leachtachagach institiúide ar an gcoinníoll go gcomhlíontar na ceanglais in Airteagal 132(3) agus, seachas díorthaigh chun priacal ráta úis nó creidmheasa nó airgeadra a mhaolú, nach ndéanann an GC infheistíocht ach amháin i sócmhainní leachtacha dá dtagraítear i mír 1 den Airteagal seo.

Ní fhágfaidh úsáid nó úsáid ionchasach ionstraimí díorthaigh ag GC chun priacail maidir le hinfheistíochtaí ceadaithe a fhálú, go mbeidh cosc ar an GC sin a bheith incháilithe. I gcás nach ndéanann na tríú páirtithe dá dtagraítear i bpointe (a) agus i bpointe (b) d'Airteagal 418 (4) luach scaireanna nó aonad an GC a mharcáil ón margadh go rialta agus i gcás nach bhfuil an t-údarás inniúil sásta go bhfuil modheolaíochtaí agus próisis láidre forbartha ag institiúid le haghaidh luacháil den sórt sin dá dtagraítear sa chéad abairt d'Airteagal 418(4), ní láimhseálfar scaireanna nó aonaid sa GC sin mar shócmhainní leachtacha.

7. I gcás ina scoireann sócmhainn leachtach de bheith incháilithe sa stoc sócmhainní leachtacha, féadfaidh institiúid, dá ainneoin sin, leanúint dá meas mar shócmhainn leachtach ar feadh tréimhse breise 30 lá féilire. I gcás ina scoireann sócmhainn leachtach GC de bheith incháilithe le haghaidh na láimhseála a leagtar amach i mír 6, féadfaidh na scaireanna nó na haonaid sa GC, dá ainneoin sin, leanúint dá meas mar shócmhainn leachtach le haghaidh tréimhse breise 30 lá ar an gcoinníoll nach sáróidh na sócmhainní sin 10 % de shócmhainní foriomlána an GC.

*Airteagal 417***Ceanglais oibriúcháin le haghaidh sealúchas sócmhainní leachtacha**

Ní dhéanfaidh an institiúid ach na sealúchais sócmhainní leachtacha sin a chomhlíonann na coinníollacha seo a leanas a thuairisciú mar shócmhainní leachtacha:

**▼C2**

- (a) tá siad éagsúlaithe go hiomchuí. Ní cheanglaítear éagsúlú i dtéarmaí sócmhainní a chomhfhreagraíonn do phointe (a), do phointe (b) agus do phointe (c) d'Airteagal 416(1);

**▼B**

- (b) tá siad ar fáil go héasca lena leachtú, de réir dlí agus de réir mar is praiticiúil aon tráth le linn an 30 lá dar gcionn, trí dhíolacháin glan amach nó trí chomhaontú simplí athcheannaigh ar mhargaí athcheannaigh atá formheasta d'fhonn oibleagáidí a thiocfaidh chun bheith dlite a chomhlíonadh. Sócmhainní leachtacha dá dtagraítear i bpointe (c) d'Airteagal 416(1) atá á sealbhú i dtríú tíortha ina bhfuil srianta aistrithe nó atá ainmnithe in airgeadraí nach bhfuil inmhalartaithe, ní mheasfar go mbeidh siad ar fáil ach amháin sa mhéid is go bhfuil siad ag freagairt d'eis-sreafaí sa tríú tír nó san airgeadra atá i gceist; ach amháin i gcás gur féidir leis an Institiúid a léiriú do na húdaráis inniúla go bhfuil sí tar éis an priacal airgeadra a leanann as a fhálú go hiomchuí;
- (c) tá na sócmhainní leachtacha á rialú ag feidhm bhainistíochta leachtacha;

**▼C2**

- (d) déantar leachtú go tréimhsiúil agus go bliantúil ar a laghad ar chuid de na sócmhainní leachtacha seachas na sócmhainní sin dá dtagraítear i bpointe (a), i bpointe (c) agus i bpointe (e) d'Airteagal 416(1), trí dhíolacháin glan amach nó trí chomhaontuithe simplí athcheannaigh ar mhargadh athcheannaigh atá formheasta chun na críocha seo a leanas:

**▼B**

- (i) tástáil a dhéanamh ar rochtain na sócmhainní sin ar an margadh;
- (ii) éifeachtacht a cuid próiseas a thástáil chun na sócmhainní a leachtú;
- (iii) úsáideacht na sócmhainní a thástáil;
- (iv) an priacal a bhaineann le comharthaíocht dhiúltach le linn tréimhse struis a íoslaghdú;
- (e) féadfar priacail praghsanna a bhaineann leis na sócmhainní a fhálú ach beidh na sócmhainní leachtacha faoi réir ag socruithe inmheánacha iomchuí a áirithíonn go mbeidh siad ar fáil aon tráth don státchiste nuair is gá agus go háirithe nach n-úsáidfeair iad in oibríochtaí leanúnacha eile, lena n-áirítear:
  - (i) fálú nó straitéisí trádála eile;
  - (ii) feabhsuithe creidmheasa a thabhairt in idirbhearta struchtúrtha;
  - (iii) chun costais oibriúcháin a chumhdach.
- (f) tá ainmníocht na sócmhainní leachtacha comhsheasmhach leis an dáileadh de réir airgeadra d'eis-sreafaí leachtacha tar éis insreafaí a asbhaint.

*Airteagal 418***Luacháil na sócmhainní leachtacha**

1. Beidh luach sócmhainne leachtaí atá le tuairisciú comhionann lena margadhluach, faoi réir ag caolchorrallaigh iomchuí trína léirítear an fad tréimhse, an priacal creidmheasa agus leachtachta agus gnáth-chaolchorrallaigh athcheannaigh i dtréimhsí struis ghinearálta sa mhargadh. Ní bheidh na caolchorrallaigh níos lú ná 15 % le haghaidh na sócmhainní dá dtagraítear i bpointe (d) d'Airteagal 416(1). Má fhálaíonn an institiúid an priacal praghsais a bhaineann le sócmhainn, cuirfidh sí san áireamh an sreabhadh airgid a a eascraíonn ó shocraíocht ionchasach an fhálaith.

**▼B**

2. Beidh scaireanna nó aonaid in GCanna dá dtagraítear in Airteagal 416 (6) faoi réir ag caolchorraigh, agus trébhreathnú á dhéanamh ar na sócmhainní foluiteacha mar seo a leanas:

- (a) 0 % i gcás na sócmhainní dá dtagraítear i bpointe (a) d'Airteagal 416 (1);
- (b) 5 % i gcás na sócmhainní dá dtagraítear i bpointe (b) agus pointe (c) d'Airteagal 416 (1);
- (c) 20 % i gcás na sócmhainní dá dtagraítear i bpointe (d) d'Airteagal 416 (1).

3. Cuirfean an cur chuige trébhreathnaitheach dá dtagraítear i mír 2 i bhfeidhm mar a leanas:

- (a) i gcás gurb eol don institiúid risíochtaí foluiteacha GC, féadfaidh sí trébhreathnú a dhéanamh ar na risíochtaí foluiteacha sin d'fhonn iad a shannadh do phointí (a) go (d) d'Airteagal 416(1);
- (b) i gcás nach eol don institiúid risíochtaí foluiteacha GC, toimhdeofar go ndéanann an GC infheistíocht, go dtí an t-uasmhéid a cheadaítear faoina sainordú, in ord íslitheach sna cineálacha sócmhainne dá dtagraítear i bpointí (a) go (d) d'Airteagal 416(1) go dtí go mbaintear amach an teorainn infheistíochta iomlán uasta.

4. Forbróidh institiúidí modheolaíochtaí agus próisis láidre chun an margadhluach agus na caolchorraigh a ríomh agus a thuairisciú le haghaidh scaireanna nó aonad in GCanna. Ní fhéadfaidh institiúidí dul i muinín na dtríú páirtithe seo a leanas chun na caolchorraigh a ríomh agus a thuairisciú le haghaidh scaireanna nó aonad in GCanna, i gcomhréir leis na modhanna atá leagtha amach i bpointe (a) agus pointe (b) de mhír 3,

- (a) institiúid taisclainne an GC ar an gcoinníoll go ndéanann an GC infheistiú eisiach in urrúis agus go gcuireann sé gach urrús i dtaisce san institiúid taisclainne sin;
- (b) maidir le GCanna eile, cuideachta bhainistíochta an GC, ar an gcoinníoll go gcomhlíonann cuideachta bhainistíochta an GC na critéir atá leagtha amach in Airteagal 132(3)(a).

Deimhneoidh iniúchóir seachtrach cruinneas na ríomhanna arna ndéanamh ag an institiúid taisclainne nó ag cuideachta bhainistíochta an GC.

*Airteagal 419***Airgeadraí ina bhfuil teorainn le hinfhaighteacht sócmhainní leachtacha**

1. Déanfaidh ÚBE measúnú ar an bhfáil a bheidh ag institiúidí ar na sócmhainní leachtacha dá dtagraítear i bpointe (b) d'Airteagal 416(1) sna hairgeadraí atá ábhartha d'institiúidí a bhunaítear san Aontas.



**▼B**

2. I gcás inar mó na riachtanais chuí-réasúnaithe le sócmhainní leachtacha i bhfianaise an cheanglais in Airteagal 412 ná infhaighteacht na sócmhainní leachtacha sin in airgeadra, beidh feidhm ag ceann amháin nó níos mó de na maoluithe seo a leanas:

(a) de mhaolú ar phointe (f) d'Airteagal 417, féadfaidh ainmníocht na sócmhainní leachtacha a bheith ar neamhréir le dáileadh de réir airgeadra eis-sreafaí leachtachta tar éis insreafaí a asbhaint.

(b) i gcás airgeadraí Ballstáit eile nó tríú tíortha, féadfar línte creidmheasa ó bhanc ceannais an Bhallstáit sin nó an tríú tír sin, atá tiomanta go neamh-inchúlghairthe ar bhonn conarthach don 30 lá dar gcionn agus a bhfuil a bpraghsanna socraithe go cóir, neamhspleách ar an méid atá tarraingthe faoi láthair, a chur in ionad sócmhainní leachtacha riachtanacha ar an gcoinníoll go ndéanann údarais inniúla an Bhallstáit eile sin nó an tríú tír sin an rud céanna agus go bhfuil ceanglais tuairiscithe inchoimparáide i bhfeidhm ag an mBallstát eile sin nó ag an tríú tír eile sin.

3. Beidh na maoluithe a chuirfear i bhfeidhm i gcomhréir le mír 2 comhréireach go hinbhéartach le hinfaighteacht na sócmhainní ábhartha. Déanfar measúnú ar riachtanais chuí-réasúnaithe institiúidí, agus an cumas atá acu chun laghdú a dhéanamh á chur san áireamh, trí bhainistíocht leachtachta fhóna, ar an ngá atá leis na sócmhainní leachtacha sin agus le sealúchais na sócmhainní sin ag rannpháirtithe eile sa mhargadh.

4. Forbróidh ÚBE dréachtchaighdeáin theicniúla cur chun feidhme ina liostaítear na hairgeadraí a chomhlíonann na ceanglais atá leagtha amach san Airteagal seo.

Cuirfidh ÚBE na dréachtchaighdeáin theicniúla cur chun feidhme sin faoi bhráid an Choimisiúin faoin 31 Márta 2014.

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

**▼M8**

5. Forbróidh ÚBE dréachtchaighdeáin theicniúla rialála chun na maoluithe dá dtagraítear i mír 2 a shainiú, lena n-áirítear na coin-níollacha faoina gcuirfear i bhfeidhm iad.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 28 Nollaig 2019.

Déantar cumhacht a tharmligean chuig an gCoimisiún chun an Rialachán seo a fhorlíonadh trí na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

**▼B***Airteagal 420***Eis-sreabha leachtachta**

1. Go dtí go ndéanfar sainiú ar cheanglas leachtachta i gcomhréir le hAirteagal 460, áireofar na nithe seo a leanas ar na heis-sreafaí leachtachta a thuirisceofar:

(a) an méid reatha gan íoc maidir le taiscí miondíola mar atá leagtha amach in Airteagal 421;



**▼B**

- (b) na méideanna reatha gan foc de dhliteanais eile a thiocthaidh chun bheith dlite, is féidir leis na hinstiúidí eisiúna nó le soláthraí an chistithe glaoh lena n-íoc amach nó ina bhfuil ionchas intuigthe ag soláthraí an chistithe go n-aisiocfaidh an instiúid an dliteanas le linn an 30 lá dar gcionn mar atá leagtha amach in Airteagal 422;
- (c) na heis-sreafaí breise dá dtagraítear in Airteagal 423;
- (d) an t-uasmhéid is féidir a aistarraingt i rith an 30 lá dar gcionn as saoráidí tiomanta creidmheasa agus leachtachta neamhtharraingthe, de réir mar atá sé leagtha amach in Airteagal 424;
- (e) na heis-sreafaí breise a sainaitníodh sa mheasúnú i gcomhréir le mír 2.

2. Déanfaidh instiúidí measúnú rialta ar dhóchúlacht agus ar mhéid ionchasach n-eis-sreafaí leachtachta sa 30 lá dar gcionn chomh fada is a bhaineann sé le táirgí nó seirbhísí nach bhfuil gafa in Airteagal 422, Airteagal 423 agus Airteagal 424 agus atá tairgthe nó urraithe acu nó a mheasfadh ceannaitheoirí féideartha go raibh baint acu leo, lena n-áirítear eis-sreafaí leachtachta a eascróidh as aon chomhaontuithe conart-hacha, amháil oibleagáidí eile lasmuigh den chlár comhardaithe agus oibleagáidí cistithe teagmhasacha, ach nach mbeidh siad teoranta dóibh sin amháin, agus lena n-áirítear saoráidí tiomanta cistiúcháin, iasachtaí neamhtharraingthe agus airleacain do chontrapháirtithe mórdhíola, morgáistí a comhaontaíodh ach nár tarraingíodh anuas go fóill, cártaí creidmheasa, rótharraingtí, eis-sreafaí beartaithe a bhaineann le hiasachtaí nua miondíola nó mórdhíola a athnuachan nó a fhadú, díorthaigh infoctha beartaithe agus táirgí a bhaineann le creidmheas trádála lasmuigh den chlár comhardaithe, ach nach mbeidh siad teoranta dóibh sin amháin, de réir mar a thagraítear dóibh in Airteagal 429 agus in Iarscríbhinn 1. Déanfar measúnú ar na heis-sreafaí seo faoin toimhde a bhaineann le meascán de chás neamhghnách agus de chás struis ar fud an mhargaidh.

Chun an measúnú sin a dhéanamh, cuirfidh instiúidí san áireamh go háirithe damáistí ábhartha do chlú a d'fhéadfadh tarlú i ngeall ar thacaíocht leachtachta gan a bheith curtha ar fáil acu do tháirgí nó do sheirbhísí den sórt sin. Déanfaidh instiúidí na táirgí agus seirbhísí sin a bhfuil dóchúlacht agus méid ionchasach na n-eis-sreafaí leachtachta dá dtagraítear sa chéad fhomhír ina leith ábhartha, déanfaidh siad a dtuairiscí do na húdarais inniúla uair sa bhliain ar a laghad agus cinntí na húdarais inniúla na heis-sreafaí a bheidh le sannadh. Féadfaidh na húdarais inniúla ráta eis-sreafa 5 % a chur i bhfeidhm maidir le hearraí a bhaineann le creidmheas trádála lasmuigh den chlár comhardaithe, de réir mar a shainmhínítear é in Airteagal 429 agus in Iarscríbhinn 1.

Tabharfaidh na húdarais inniúla tuairisc ar bhonn bliantúil ar a laghad doÚBE maidir leis na cineálacha táirgí nó seirbhísí a bhfuil eis-sreafaí cinntithe acu ina leith agus déanfar sin ar bhonn na dtuairiscí a gheofar ó instiúidí. Míneoidh siad freisin sna tuairiscí sin cén mhodheolaíocht a cuireadh i bhfeidhm chun na heis-sreafaí a chinneadh.

*Airteagal 421***Eis-sreabha ar thaiscí miondíola**

1. Tabharfaidh gach instiúid tuairisc ar leithligh maidir le méid na dtaiscí miondíola a chumhdaítear faoi Scéim ráthaíochta Taiscí i gcomhréir le Treoir 94/19/CE nó faoi scéim ráthaíochta taiscí choibhéiseach i dtríú tír agus a iolrú faoi 5 % ar a laghad i gcás ina bhfuil ceachtar den dá chás seo leanas i gceist:

- (a) tá an taise ina cuid de ghaol seanbhunaithe, rud a chiallaíonn nach dóigh go ndéanfar í a aistarraingt;

**▼B**

(b) tá an taisece á sealbhú i gcuntas idirbheartaíochta, lena n-áirítear cuntais a ndéantar tuarastail a chur chun sochair dóibh go minic.

2. Déanfaidh institiúidí taiscí miondíola eile nach dtagraítear dóibh i mír 1 a iolrú faoi 10 % ar a laghad.

3. Agus iompar taisceoirí áitiúla á chur san áireamh i gcomhréir le comhairle ó na húdaráis inniúla náisiúnta, eiseoidh ÚBE treoirlínte faoin 1 Eanáir 2014 i ndáil leis na critéir, d'fhonn coinníollacha cur i bhfeidhm mír 1 agus mír 2 a chinneadh maidir le taiscí miondíola a shainaithint atá faoi réir eis-sreafaí éagsúla agus faoi réir shainmhínte na dtáirgí sin chun críocha an Teidil seo. Cuirfear san áireamh sna treoirlínte sin an dóchúlacht atá ann go mbeidh eis-sreafaí leachtacha mar thoradh ar na taiscí sin sa 30 lá dar gcionn. Déanfar measúnú ar na heis-sreafaí seo faoin toimhde a bhaineann le meascán de chás neamhghnách agus de chás struis ar fud an mhargaidh.

4. D'ainneoin mhír (1) agus mhír (2), déanfaidh institiúidí taiscí miondíola a ghlac siad i dtríú tíortha a iolrú faoi chéatadán níos airde ná mar a fhoráiltear dó sna míreanna sin, sa chás go bhforáiltear do chéatadán den sórt sin le ceanglais tuairiscithe inchomparáide i dtríú tíortha.

5. Féadfaidh institiúidí catagóirí áirithe taiscí miondíola atá imscríofa go soiléir a eisiáimh ó ríomh eis-sreafaí fad is go gcuirfidh an institiúid an méid seo a leanas i bhfeidhm, i ngach cás, i gcás chatagóir iomlán na dtaiscí sin, ach amháin má tá dálaí aonair cruatain ann don taisceoir, dálaí a bhfuil údar maith leo:

(a) nach gceadaítear don taisceoir an taisece a aistarraingt laistigh de 30 lá; nó

(b) i gcás aistarraingtí a dhéantar níos túisce ná 30 lá, caithfidh an taisceoir pionós a íoc lena n-áirítear cailliúint na n-ús idir an dáta a aistarraingíodh í agus dáta aibíochta an chonartha móide pionós ábhartha nach gá go rachadh sé thar an ús a bheidh dlite don am a chuaigh thart idir dáta na taisece agus an dáta a aistarraingíodh í.

*Airteagal 422***Eis-sreafaí ar dhliteanais eile**

1. Déanfaidh institiúidí dliteanais a thig ó caiteachaisoibriúcháin na hinstitiúide féin a iolrú faoi 0 %.

2. Déanfaidh institiúidí dliteanais a thig ó iasachtú urraithe agus ó idirbhearta atá faoi thionchar an mhargaidh caipitil mar atá sainmhínte i bpointe (3) d'Airteagal 192 a iolrú fúthu seo a leanas:

(a) 0 % suas go dtí luach na sócmhainní leachtacha i gcomhréir le hAirteagal 418 má tá siad comhthaobhaithe le sócmhainní a cháileodh mar shócmhainní leachtacha i gcomhréir le hAirteagal 416;

(b) 100 % thar luach na sócmhainní leachtacha i gcomhréir le hAirteagal 418, má tá siad comhthaobhaithe le sócmhainní a cháileodh mar shócmhainní leachtacha i gcomhréir le hAirteagal 416;

**▼B**

- (c) 100 % má tá siad comhthaobhaithe le sócmhainní nach gcáileodh mar shócmhainní leachtacha i gcomhréir le hAirteagal 416, cé is moite d'idirbhearta arna gcumhdach le pointe (d) agus le pointe (e) den mhír sin.
- (d) 25 % má tá siad comhthaobhaithe le sócmhainní nach gcáileodh mar shócmhainní leachtacha i gcomhréir le hAirteagal 416 agus más ionann an t-iasachtóir agus an rialtas lárnach, nó eintiteas earnála poiblí de chuid an Bhallstáit inar údaraíodh an institiúid chreidmheasa nó inar bhunaigh sí brainse, nó banc forbartha iltaobhach. Beidh eintitis earnála poiblí a dtugtar an láimhseáilsin dóibh, teoranta dóibh sin a bhfuil ualú priacail 20 % nó níos lú acu i gcomhréir le Caibidil 2, Teideal II de Chuid a Trí.
- (e) 0 % más banc ceannais an t-iasachtóir.

3. Déanfaidh institiúidí dliteanais a thig ó thaiscí nach mór a choinneáil:

- (a) ag an taisceoir d'fhonn seirbhísí imréitigh, coimeádta nó bainistíochta airgid nó seirbhísí inchomparáide eile a fháil ón institiúid;
- (b) i gcomhthéacs cúraimí comhchoiteanna a roinnt laistighde scéim cosanta institiúideach a chomhlíonann ceanglais Airteagal 113(7) nó mar íostaisce dhlíthiúil nó reachtúil ag eintiteas eile ar Comhalta é den scéim cosanta institiúideach chéanna;
- (c) ag an taisceoir i gcomhthéacs gaoil oibríochtúil sheanbhunaithe seachas an gaol a luaitear i bpointe (a);
- (d) ag an taisceoir chun seirbhísí imréitigh airgid agus institiúide creidmheasa lárnáí a fháil agus i gcás go bhfuil an institiúid chreidmheasa ina cuid de líonra i gcomhréir le forálacha dlí nó forálacha reachtúla;

a iolrú faoi 5 % i gcás phointe (a) a mhéid a chumhdaítear iad le Scéim Ráthaíochta Taiscí i gcomhréir le Treoir 94/19/CE nó le scéim ráthaíochta taiscí choibhéseach i dtríú tír agus faoi 25 % murach sin.

Déanfar taiscí ó institiúidí creidmheasa a chuirtear in institiúidí creidmheasa lárnacha a meastar gur sócmhainní leachtacha iad i gcomhréir le hAirteagal 416(1)(f) a iolrú faoi ráta eis-sreafa 100 %.

4. Ní chumhdaíonn seirbhísí imréitigh, coimeádta nó bainistíochta airgid nó seirbhísí inchomparáide eile dá dtagraítear i bpointe (a) agus (d) de mhír 3 ach amháin seirbhísí den sórt sin a mhéid a chuirtear ar fáil iad i gcomhthéacs gaoil sheanbhunaithe ar a bhfuil spleáchas substaintiúil ag an taisceoir. Ní chuirtear i seirbhísí baincéireachta comhfhreagraí nó bróicéireachta príomha amháin iad agus beidh fianaise ag an institiúid nach bhfuil an cliant ábalta méideanna atá dlite de réir dlí a aistarraingt thar thréimhse 30 lá gan cur isteach ar a feidhmiú oibríochtúil.

**▼B**

Go dtí go soláthrófar sainmhíniú aonfhoirmeach ar ghaol oibríochtúil seanbhunaithe dá dtagraítear i bpointe (c) de mhír 3. thuas, bunóidh institiúidí féin na critéir chun gaol oibríochtúil seanbhunaithe a shain-aithint a bhfuil fianaise acu ina leith nach bhfuil an cliant ábalta méideanna atá dlite de réir dlí a aistarraingt thar thréimhse 30 lá gan cur isteach ar a bhfeidhmíú oibríochtúil agus tuairisceoidh siad na critéir sin do na húdaráis inniúla. Mura bhfuil sainmhíniú aonfhoirmeach ann, féadfaidh údaráis inniúla treoír ghinearálta a thabhairt a leanfaidh institiúidí chun taiscí arna gcoinneáil ag an taisceoir a shainaitheint i gcomhthéacs gaol oibríochtúil sheanbhunaithe.

5. Déanfaidh institiúidí dliteanais a thig ó thaiscí ag cliant nach custaiméirí airgeadais iad a iolrú faoi 40 % a mhéid nach dtagann siad faoi mhír 3 agus mhír 4 agus iolróidh siad faoi 20 % méid na ndlíteanas sin arna gcumhdach ag Scéim Ráthaíochtaí Taiscí i gcomhréir le Treoir 94/19/CE nó Scéim Ráthaíochta Taiscí choibhéiseach i dtríú tír.

6. Déanfaidh institiúidí eis-sreafaí agus insreafaí a mbeidh súil leo thar an tréimhse 30 lá ó na conarthaí atá liostaithe in Iarscríbhinn II a chur san áireamh ar bhonn glan thar contrapháirtithe agus iolróidh siad iad faoi 100 % i gcás glan-eis-sreafa. Ciallóidh bonn glan comhthaobhacht a cháilíonn mar shócmhainní leachtacha faoi Airteagal 416 a bheith faighte freisin.

7. Déanfaidh institiúidí tuairisciú ar leithligh ar dhliteanais eile nach dtagann faoi mhíreanna 1 go 5.

8. Féadfaidh údaráis inniúla cead a thabhairt céatadán eis-sreafa níos ísle a chur i bhfeidhm ar bhonn cáis ar chás, maidir leis na dliteanais dá dtagraítear i mír 7, nuair a chomhlíontar gach ceann de na coinníollacha seo a leanas:

(a) maidir leis an taisceoir:

(i) is máthairinstitiúid nó fo-institiúid de chuid na hinstiúide nó fo-chuideachta eile de chuid na máthairinstitiúide céanna é;

(ii) tá sé nasctha leis an institiúid trí ghaol de réir bhrí Airteagal 12(1) de Threoir 83/349/CEE;

(iii) is institiúid é a thagann faoin scéim cosanta institiúideach chéanna a chomhlíonann ceanglais Airteagal 113(7);

(iv) is é an institiúid lárnach é nó is comhalta é de líonra a chomhlíonann Airteagal 400 (2) (d);

(b) tá cúiseanna ann chun a bheith ag súil le heis-sreabhadh níos ísle thar an gcéad 30 lá eile ina dhiaidh sin fiú amháin faoi chás struis atá neamhghnách agus atá ar fud an mhargaidh araon;

(c) cuireann an taisceoir insreabhadh siméadrach comhfhreagrach nó insreabhadh níos coimeádaí i bhfeidhm de mhaolú ar Airteagal 425;

(d) tá an institiúid agus an taisceoir bunaithe sa Bhallstát céanna.

**▼B**

9. Féadfaidh údaráis inniúla na coinníollacha a leagtar amach i bpointe (d) de mhír 8 a tharscaoileadh, i gcás ina gcuirtear pointe (b) d'Airteagal 20 (1) i bhfeidhm. Sa chás sin, ní mór na critéir bhreise oibiachtúla a leagtar amach sa ghníomh tarmhligthe dá dtagraítear in Airteagal 460 a chomhlíonadh. I gcás ina gceadaítear eis-sreabhadh níos ísle den sórt sin a chur i bhfeidhm, cuirfidh na húdaráis inniúla ÚBE ar an eolas faoi thoradh an phróisis dá dtagraítear i bpointe (b) d'Airteagal 20 (1). Déanfaidh na húdaráis inniúla athbhreithniú rialta ar chomhlíonadh na gcoinníollacha a bheidh ann maidir le heis-sreafai níos ísle den sórt sin.

10. Forbróidh ÚBE dréachtchaighdeáin theicniúla rialála chun na critéir oibiachtúla bhreise dá dtagraítear i mír 9.shonrú tuilleadh

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 1 Eanáir 2015.

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

*Airteagal 423***Eis-sreabha Breise**

1. Beidh comhthaobhacht seachas sócmhainní dá dtagraítear in Airteagal 416(1) (a), (b) agus (c), arna breacadh ag an institiúid maidir le conarthaí atá liostaithe in Iarscríbhinn II agus díorthaigh chreidmheasa, faoi réir ag eis-sreabhadh breise 20 %

2. Cuirfidh institiúidí na húdaráis inniúla ar an eolas maidir leis na conarthaí go léir a dhéanfar, ar conarthaí iad a n-eascróidh, laistigh de 30 lá, eis-sreafai leachtachta nó riachtanais chomhthaobhachta bhreise as a gcoinníollacha conartha i ndiaidh do mheathlú ábhartha teacht ar cháilíocht chreidmheasa na hinstitiúide. Má mheasann na húdaráis inniúla go bhfuil na conarthaí sin ábhartha maidir leis na heis-sreafai leachtachta a d'fhéadfadh a bheith ag an institiúid, cuirfidh siad ceangal ar an institiúid eis-sreabhadh breise a chur isteach do na conarthaí sin, is eis-sreabhada chomhfhreagraíonn do na riachtanais chomhthaobhachta bhreise a thiocfáidh chun cinn, ó mheath ábhartha i gcáilíocht chreidmheasa na hinstitiúide amhail íosghrádú trí scór ina measúnú creidmheasa seachtrach. Déanfaidh an institiúid athbhreithniú rialta ar mhéid an mheatha ábhartha sin i bhfianaise an mhéid a bhaineann le hábhar faoi na conarthaí atá déanta aici agus tabharfaidh sí fógra maidir le toradh a athbhreithnithe do na húdaráis inniúla.

3. Cuirfidh an institiúid eis-sreabhadh breise isteach a chomhfhreagróidh do na riachtanais chomhthaobhachta a thiocfadh chun cinn ón tionchar a bheadh ag cás díobhálach an mhargaidh maidir le hidirbhearta díorthach na hinstitiúide, idirbhearta maoinithe na hinstitiúide agus conarthaí eile na hinstitiúide más ábhartha iad.

Forbróidh ÚBE dréachtchaighdeáin theicniúla rialála chun cinneadh a dhéanamh maidir le coinníollacha cur i bhfeidhm i dtaca leis an smaoinreamh a bhaineann le hábharthacht agus modhanna chun an t-eis-sreabhadh breise sin a thomhas.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Márta 2014.

**▼B**

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa dara fómhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

4. Cuirfidh an institiúid eis-sreabhadh breise isteach a chomhfhreagróidh do mhargadhluach na n-urrús nó na sócmhainní eile a dhíoltar fólamh agus a bheidh le seachadadh laistigh den tréimhse 30 lá murar leis an institiúid na hurrúis atá le seachadadh nó mura bhfuil siad ar iasacht aici ar théarmaí lena n-iartrar go dtabharfaí ar ais iad tar éis na tréimhse 30 lá amháin agus nach cuid de shócmhainní leachtacha na hinstitiúide iad na hurrúis.

5. Cuirfidh an institiúid eis-sreabhadh breise isteach a chomhfhreagróidh do na nithe seo a leanas:

(a) an chomhthaobhacht iomarcach atá i seilbh na hinstitiúide ar féidir an contrapháirtí iad a ghlaoch go conarthach ag am ar bith;

(b) comhthaobhacht a dhlítear a thabhairt ar ais don chontrapháirtí;

(c) comhthaobhacht a chomhfhreagraíonn do shócmhainní a cháileodh mar shócmhainní leachtacha chun críocha Airteagal 416 ar féidir í a chur in ionad sócmhainní a chomhfhreagraíonn do shócmhainní nach gcáileodh mar shócmhainní leachtacha chun críocha Airteagal 416 gan toiliú na hinstitiúide.

6. Ní áireofar go mbeidh taiscí a fhaightear mar chomhthaobhacht ina ndliteanais chun críocha Airteagal 422 ach beidh siad faoi réir fhorálacha an Airteagail seo i gcás inarb infheidhme.

#### *Airteagal 424*

##### **Eis-sreafaí ó shaoráidí creidmheasa agus leachtachta**

1. Tabharfaidh institiúidí tuairisciú ar eis-sreafaí ó shaoráidí tiomanta creidmheasa agus ó shaoráidí tiomanta leachtachta, a chinnfear mar chéatadán den uasmhéid is féidir a tharraingt laistigh den 30 lá dar gcionn. Féadfar an t-uasmhéid sin is féidir a tharraingt a mheasúnú glan ar aon cheanglas leachtachta a bheadh sainordaithe faoi Airteagal 420(2) le haghaidh ítimí atá lasmuigh den chlár comhordaithe a bhaineann le creidmheas trádála agus glan ar an luach i gcomhréir le hAirteagal 418 den chomhthaobhacht a chuirfear ar fáil más féidir leis an institiúid an chomhthaobhacht a athúsáid agus má shealbhaítear an chomhthaobhacht i bhfoirm sócmhainní leachtacha i gcomhréir le hAirteagal 416. Ní bheidh an chomhthaobhacht a chuirfear ar fáil i bhfoirm sócmhainní arna n-eisiúint ag contrapháirtí na saoráide nó ag ceann dá cuid eintiteas cleamhnaithe. Má tá an fhaisnéis is gá ar fáil don institiúid, cinnfear an t-uasmhéid is féidir a tharraingt le haghaidh saoráidí creidmheasa agus leachtachta mar an t-uasmhéid a d'fhéadfaí a tharraingt ag glacadh leis na hoibleagáidí a bheidh ar an gcontrapháirtí nó ag glacadh leis an sceideal tarraingthe conarthaí réamh-shainmhíneithe agus a bheidh dlite sa 30 lá dar gcionn.

2. Déanfar an t-uasmhéid de shaoráidí tiomanta creidmheasa agus leachtachta neamhtharraingthe is féidir a tharraingt laistigh den 30 lá dar gcionn a iolrú faoi 5 % má cháilíonn siad d'aicme na risíochta ar mhíoníol faoin gcur chuige caighdeánaithe nó faoi chur chuige IBR maidir le pricéal creidmheasa.

**▼B**

3. Déanfar an t-uasmhéid de shaoráidí tiomanta creidmheasa agus leachtachta neamhtharraingthe is féidir a tharraingt laistigh den 30 lá dar gcionn a iolrú faoi 10 % i gcás ina gcomhlíonann siad na coiníollacha seo a leanas:

- (a) ní cháilíonn siad d'aicme na risíochta ar mhiondíol faoin gcur chuige caighdeánaithe ná faoin gcur chuige IBR maidir le príacal creidmheasa;
- (b) cuireadh ar fáil iad do chliaint nach custaiméirí airgeadais iad;
- (c) níor cuireadh ar fáil iad ar mhaithe le cur in ionad chistiú an chliaint i gcásanna nach bhfuil sé ar a chumas a chuid riachtanas cistithe a fháil sna margaí airgeadais.

4. Déanfar an méid tiomanta de shaoráid leachtachta atá curtha ar fáil do SSPE d'fhonn cur ar chumas SSPE sin sócmhainní a cheannach, seachas urrúis, ó chliaint nach custaiméirí airgeadais iad, a iolrú faoi 10 % a mhéid a sháraíonn sé méid na sócmhainní atá ceannaithe cheana féin ó chliaint agus áit a mbeidh an t-uasmhéid is féidir a tharraingt teoranta go conarthach do mhéid na sócmhainní atá ceannaithe cheana féin.

5. Déanfaidh na hinstitiúidí, laistigh den 30 lá dar gcionn, tuairisciú ar an uasmhéid is féidir a tharraingt de shaoráidí tiomanta eile creidmheasa agus leachtachta neamhtharraingthe. Tá feidhm aige sin go háirithe i gcás na nithe seo a leanas:

- (a) saoráidí leachtachta arna dtabhairt ag an institiúid ar SSPEanna seachas mar a dhéantar cur síos orthu i mír 3(b);
- (b) socruithe faoina n-éileofar ar an institiúid sócmhainní a cheannach nó a bhabhtáil ó SSPE.
- (c) saoráidí arna síneadh chuig institiúidí creidmheasa
- (d) saoráidí arna síneadh chuig institiúidí airgeadais agus gnólachtaí infheistíochta

6. De mhaolú ar mhír 5, institiúidí, a bunaíodh agus atá urraithe ag rialtas láir nó réigiúnach aon Bhallstáit amháin ar a laghad, féadfaidh siad na láimhseálacha a leagtar amach i mír 2 agus mír 3 a chur i bhfeidhm agus freisin ar shaoráidí creidmheasa agus leachtachta a thugtar d'institiúidí díreach ar mhaithe le hiasachtaí cur chun cinn a cháilíonn d'aicmí na risíochta dá dtagraítear sna míreanna sin a chistiú go díreach nó go hindíreach. ► **C2** De mhaolú ar phointe (g) d'Airteagal 425(2), sa chás ina chuirtear síneadh leis na hiasachtaí cur chun cinn sin ◀ trí institiúid eile mar iasachtaí idirghabhála (iasachtaí idirmheánacha) féadfaidh institiúidí insreabhadh agus eis-sreabhadh siméadrach a chur i bhfeidhm. Ní bheidh na hiasachtaí cur chun cinn sin ar fáil ach amháin do dhaoine nach custaiméirí airgeadais iad ar bhonn neamhiomaíoch, gan beann ar bhrabús d'fhonn cuspóirí beartais phoiblí an Aontais agus/nó rialtas láir nó réigiúnach an Bhallstáit sin a chur chun cinn. Ní bheifear in ann tarraingt ar shaoráidí den sórt sin ach amháin i gcás éileamh a bheith déanta, a mbeifí ag súil leis go réasúnta, ar iasacht cur chun cinn agus suas go dtí méid an éilimh sin a bheidh nasctha le tuairisciú ina dhiaidh sin maidir leis an leas a bhainfear as na cistí eisíochta.



### *Airteagal 425*

#### **Insreafaí**

1. Tabharfaidh institiúidí tuairisc ar a gcuid insreafaí leachtachta. Is éard a bheidh in insreafaí leachtachta a bhfuil uasteorainn leo na hinsreafaí leachtachta arna dteorannú do 75 % d'eis-sreafaí leachtachta. Féadfaidh institiúidí díolúine a thabhairt ón teorainn seo d'insreafaí leachtachta ó thaiscí a thaisctear le hinstitiúidí eile agus a cháilíonn do na láimhseálacha a leagtar amach in Airteagal 113(6) nó Airteagal 113(7). Féadfaidh institiúidí insreafaí leachtachta a dhíolmhú ó airgead atá dlite ó iasachtóirí agus ó infheisteoirí bannaí a bhaineann le hiasachtú morgáistí atá maoinithe trí bhanna atá incháilithe don láimhseáil a leagtar amach in Airteagal 129(4) (5) nó (6) nó trí bhannaí dá dtagraítear in Airteagal 52(4) de Threoir 2009/65/CE ón uasteorainn seo. Féadfaidh institiúidí insreafaí a dhíolmhú ó iasachtaí cur chun cinn atá ceadaithe ag an institiúid. Faoi réir fhaomhadh an údaráis inniúil atá freagrach as maoirseacht ar bhonn aonair a fháil roimh ré, féadfaidh an institiúid insreafaí a dhíolmhú ina n-iomláine nó i bpáirt nuair is ionann an soláthraí agus máthairinstitiúid nó fo-institiúid de chuid na hinstitiúide nó fochuideachta eile den mháthairinstitiúid chéanna nó atá nasctha leis an institiúid trí ghaol de réir bhri Airteagal 12(1) de Threoir 83/349/CEE.

2. Déanfar na hinsreafaí leachtachta a thomhas thar an 30 lá dar gcionn. Ní bheidh siad comhdhéanta ach amháin d'insreafaí conarthacha ó risíochtaí nach bhfuil thar téarma agus nach bhfuil aon chúis ag an institiúid a bheith ag súil go mbeidh neamhfheidhmiocht i gceist ina leith laistigh den tréimhse ionchasach 30 lá. Déanfar insreafaí leachtachta a thuiriscíú go hiomlán agus na hinsreafaí seo leanas á dtuairiscíú ar leithligh:

- (a) Déanfar airgid atá dlite ó chustaiméirí nach baineann cheannais nó custaiméirí airgeadais iad chun críocha íocaíochta príomhshuime, déanfar iad a laghdú 50 % dá luach nó de luach na gceangaltas conarthach do na custaiméirí sin chun cistiú a leathnú, cibé acu is airde. Ní bhaineann sé sin le hairgid atá dlite ó iasachtú urraithe agus idirbhearta caipítíl atá faoi thionchar an mhargaidh mar ashainmhínítear i bpointe (3) d'Airteagal 192 arna gcomhthaobhú le sócmhainní leachtachta i gcomhréir le hAirteagal 416 de réir mar a thagraítear dó i bpointe (d) den mhír seo.

De mhaolú ar ...ar an gcéad fhomhír den phointe sin, institiúidí a fuair gealltanais dá dtagraítear in Airteagal 424(6), ionas go n-eisíocfaidh siad iasacht cur chun cinn do thairbhí deiridh, féadfaidh siad insreabhadh a chur san áireamh suas go méid an eis-sreafa a chuirfidh siad i bhfeidhm maidir leis an ngealltanais comhfhreagrach chun síneadh a chur leis na hiasachtaí cur chun cinn sin.

- (b) Cuirfear san áireamh ina n-iomláine mar insreafaí, airgid atá dlite ó idirbhearta creidmheasa trádála dá dtagraítear i bpointe (b) den dara fomhír d'Airteagal 162(3) ina mbeidh aibíocht iarmhair suas go 30 lá.
- (c) cuirfear san áireamh sócmhainní a bhfuil dáta deiridh neamhshainithe leo le 20 % insreabhadh ar an gcoinníoll go gceadaítear don mbanc íocaíocht a aistarraingt agus a iarraidh laistigh de 30 lá de réir an chonartha.



**▼B**

- (d) airgead atá dlite ó iasachtú urraithe agus idirbhearta caipitil atá faoi thionchar an mhargaidh dá dtagraítear i bpointe (3) d'Airteagal 192 má tá siad comhthabhairthe le sócmhainní leachtacha dá dtagraítear in Airteagal 416(1), ní chuirfear san áireamh é suas go dtí an luach atá glan ar chaolchorraigh na sócmhainní leachtacha agus cuirfear san áireamh go hiomlán é i gcás na coda eile den airgead atá dlite;

**▼C2**

- (e) airgid atá dlite a láimhseálann an institiúid a bhfuil an t-airgead sin dlite aici, i gcomhréir le hAirteagal 422(3) agus (4), déanfar iad a iolrú faoi insreabhadh siméadrach comhfhreagrach;

**▼B**

- (f) airgid atá dlite ó shuímh in ionstraimí cothromais mórinnéacs ar an gcoinníoll nach gcuirfear i gcuntas iad le sócmhainní leachtacha;
- (g) aon saoráidí creidmheasa nó leachtachta neamhtharraingthe agus aon cheangaltais eile a fhaightear, ní chuirfear san áireamh iad.

3. Déanfar eis-sreafaí agus insreafaí a bhfuiltear ag súil leo thar an tréimhse ionchasach de 30 lá ó na conarthaí atá liostaithe in Iarscríbhinn II a léiriú ar bhonn glan thar na contrapháirtithe agus déanfar iad a iolrú faoi 100 % i gcás glanmhéid insreafa. Ciallóidh bunús glan freisin gan comhthabhairt a bheith le fáil a cháilíonn mar shócmhainní leachtacha faoi Airteagal 416a áireamh.

4. De mhaolú ar mhír 2 pointe (g), féadfaidh údaráis inniúla cead a thabhairt insreabhadh níos airde a chur i bhfeidhm ar bhonn cáis le haghaidh creidmheasa agus saoráidí leachtacha i gcás ina gcomhlíontar gach ceann de na coinníollacha seo a leanas:

- (a) tá cúiseanna ann a bheith ag súil go mbeidh insreabhadh níos airde ann fiú amháin faoi mheascán de strus margaidh agus de strus neamhghnách an tsoláthraí;
- (b) is ionann an contrapháirtí agus máthairinstitiúid nó fo-institiúid de chuid na hinstiúide nó fochuideachta eile den mháthairinstitiúid chéanna nó atá nasctha leis an institiúid trí ghaol de réir bhí Airteagal 12(1) de Threoir 83/349/CEE nó comhalta den scéim chosanta institiúideach chéanna dá dtagraítear in Airteagal 113(7) den Rialachán seo nó an institiúid lárnach nó comhalta den líonra atá faoi réir an tarscaoilte da dtagraítear in Airteagal 10 den Rialachán seo.
- (c) cuireann an contrapháirtí eis-sreabhadh siméadrach comhfhreagrach nó éis-sreabhadh níos coimeádaí i bhfeidhm de mhaolú ar Airteagal 422 agus Airteagal 424;
- (d) beidh an institiúid agus an contrapháirtí bunaithe sa Bhallstát céanna.

5. Féadfaidh na húdaráis inniúla an coinníoll a leagtar amach i bpointe (d) de mhír 4 a tharscaoileadh i gcás ina gcuirfear Airteagal 20 (1)(b) i bhfeidhm. Sa chás sin ní mór na critéir bhreise oibiachtúla a leagtar amach sa ghníomh tarmligthe dá dtagraítear in Airteagal 460 a chomhlíonadh. I gcás ina gceadaítear eis-sreabhadh níos airde den sórt sin a chur i bhfeidhm, cuirfidh na húdaráis inniúla ÚBE ar an eolas faoi thoradh an phróisis dá dtagraítear in Airteagal 20 (1) (b). Déanfaidh na húdaráis inniúla athbhreithniú rialta ar chomhlíonadh na gcoinníollacha a bheith ann maidir le heis-sreafaí níos airde den sórt sin.

**▼B**

6 Forbróidh ÚBE dréachtchaighdeáin theicniúla rialála ina sonraítear na ceanglais maidir le nochtadh atá leagtha amach i mír 5

Déanfaidh ÚBE na dréachtchaighdeáin theicniúla rialála a chur faoi bhráid an Choimisiúin faoin 1 Eanáir 2015.

Déantar cumhacht a tharmligean chuig an gCoimisiún chun na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagal 10 go hAirteagal 14 de Rialachán (AE) Uimh. 1093/2010.

7. Ní thabharfaidh institiúidí tuairisc ar insreabha ó aon cheann de na sócmhainní leachtacha i gcomhréir le hAirteagal 416 seachas íocaíochtaí atá dlite ar na sócmhainní nach léirítear i margadhluach na sócmhainne.

8. Ní thabharfaidh institiúidí tuairisc ar insreabha ó aon oibleagáidí nua a ndeachaigh siad fúthu.

9. Ní áiritheoidh institiúidí na hinsreafaí leachtachta atá le fáil i dtríú tíortha ina bhfuil srianta maidir le haistrithe nó atá ainmnithe in airgeadraí nach bhfuil inmhalartaithe, ach amháin a mhéid is a chomhfhreagraíonn siad d'eis-sreafaí sa tríú tír nó san airgeadra atá i gceist faoi seach.

*Airteagal 426***Ceanglais leachtachta a bheidh ann amach anseo a nuashonrú****▼C2**

Tar éis don Choimisiún gníomh tarmligthe a ghlacadh maidir le ceanglas leachtachta a shainiú i gcomhréir le hAirteagal 460, féadfaidh ÚBE dréachtchaighdeáin cur chun feidhme teicniúla a fhorbairt chun sainiú a dhéanamh ar na coinníollacha a leagtar amach in Airteagal 421(1), Airteagal 422, cé is moite de mhír 8, mír 9 agus mír 10 den Airteagal sin, agus Airteagal 424 chun caighdeáin atá comhaontaithe ar bhonn idirnáisiúnta a chur san áireamh.

**▼B**

Tugtar an chumhacht don Choimisiún na caighdeáin theicniúla cur chun feidhme dá dtagraítear sa chéad mhír a ghlacadh i gcomhréir le hAirteagal 15 de Rialachán (AE) Uimh. 1093/2010.

## TEIDEAL III

**TUAIRISCIÚ AR CHISTIÚ COBHSAÍ***Airteagal 427***Ítimí a chuireann cistiú cobhsaí ar fáil**

1. Tabharfaidh insitiúidí tuairisc do na húdaráis inniúla, i gcomhréir leis na ceanglais tuairiscithe a leagtar amach in Airteagal 415.1 agus leis na formáidí aonfhoirmeacha tuairiscithe dá dtagraítear in Airteagal 415.3, ar na hítimí seo a leanas agus ar a gcomhpháirteanna d'fhonn deis a thabhairt measúnú a dhéanamh ar infhaighteacht an chistithe chobhsaí:

**▼B**

- (a) na cistí dílse a leanas tar éis asbhaintí a chur i bhfeidhm i gcás inarb iomchu:í
  - (i) ionstraimí caipitil leibhéal 1;
  - (ii) ionstraimí caipitil leibhéal 2;
  - (iii) scaireanna tosaíochta eile agus ionstraimí caipitil eile de bhreis ar an méid ceadaithe de Leibhéal 2 agus aibíocht iarbhír de bhliain amháin nó níos mó acu;
- (b) na dliteanais seo a leanas nach bhfuil ar áireamh i bpointe (a)
  - (i) taiscí miondíola a cháilíonn don láimhseáil a leagtar amach in Airteagal 421(1);
  - (ii) taiscí miondíola a cháilíonn don láimhseáil a leagtar amach in Airteagal 421(2);

**▼C2**

- (iii) taiscí a cháilíonn don láimhseáil a leagtar amach in Airteagal 422(3) agus (4);

**▼B**

- (iv) asmeasc na dtaiscí dá dtagraítear ibpointe (iii), iad sin atá faoi réir Scéim Ráthaíochta Taisce i gcomhréir le h Treoir 94/19/CE ► **C2** nó scéim ráthaíochta taisce choibhéiseach i dtríú tír, ar scéim í atá faoi chuimsiú théarmaí Airteagal 421(1); ◀
- (v) as measc na dtaiscí dá dtagraítear in (iii), iad sin a thagann faoi phointe (b) d'Airteagal 422(4);
- (vi) as measc na dtaiscí dá dtagraítear in (iii), iad sin a thagann faoi phointe (d) d'Airteagal 422(43);
- (vii) méideanna arna dtaisceadh nach dtagann faoi phointe (i), (ii) nó (iii) mura ndéanann custaiméirí airgeadais iad a thaisceadh;
- (viii) gach cistiú arna fháil ó chustaiméirí airgeadais;
- (ix) ar bhonn leithligh maidir le méideanna a thagann faoi (vi) agus (vii) faoi seach, cistiú ó iasachtú urraithe agus idirbhearta caipitil atá faoi thionchar an mhargaidh mar a shainmhínítear i bpointe (3) d'Airteagal 192:
  - arna gcomhthaobhú le sócmhainní a cháileodh mar shócmhainní leachtacha i gcomhréir le hAirteagal 416;
  - arna gcomhthaobhú le sócmhainní ar bith eile;
- (x) dliteanais a thig ó urrúis eisithe, atá cáilithe don láimhseáil a leagtar amach in Airteagal 129(3) nó dá dtagraítear in Airteagal 129 (4) nó mar a shainmhínítear in Airteagal 52(4) de Threoir 2009/65/CE;

**▼B**

(xi) na dliteanais a leanas a thig ó urrúis eisithe, nach dtagann faoi phointe (a)

— dliteanais a thig ó urrúis eisithe a bhfuil dáta aibíochta iarbhír de bhliain amháin nó níos mó leo;

— dliteanais a thig ó urrúis eisithe a bhfuil dáta aibíochta iarbhír de níos lú ná bliain amháin leo,

(xii) aon dliteanais eile.

2. Nuair is infheidhme, cuirfear gach ítim i láthair sna cúig bhucéad seo a leanas de réir ghaireacht an dáta aibíochta atá leo agus an dáta is luaithe ar ar féidir iad a ghlaoch go conarthach:

- (a) laistigh de thrí mhí,
- (b) idir trí mhí agus sé mhí;
- (c) idir sé mhí agus naoi mí;
- (d) idir naoi mí agus 12 mhí;
- (e) tar éis 12 mhí.

*Airteagal 428*

**Ítimí óna dteastaíonn cistiú cobhsaí**

1. Mura mbainfear iad ó chistí dílse, tabharfar tuairisc ar leithligh d'údaráis inniúla ar na hítimí seo a leanas d'fhonn deis a thabhairt measúnú a dhéanamh ar na riachtanais maidir le cistiú cobhsaí:

- (a) sócmhainní a cháileodh mar shócmhainní leachtacha i gcomhréir le hAirteagal 416, arna miondealú de réir chineál na sócmhainne;
- (b) na hurrúis agus na hionstraimí margaidh airgid a leanas nach n-áirítear i bpointe (a);
  - (i) sócmhainní a cháilíonn do chéim chreidmheasa 1 faoi Airteagal 122;
  - (ii) sócmhainní a cháilíonn do chéim chreidmheasa 2 faoi Airteagal 122
- (iii) sócmhainní eile.
- (c) urrúis chothromais de chuid eintiteas neamhairgeadais atá liostaithe ar mhórinneacs i malartán aitheanta;
- (d) urrúis chothromais eile;
- (e) ór;
- (f) miotail lómhara eile;

**▼B**

- (g) iasachtaí neamh-in-athnuaithe agus earraí infhaighte, agus na hiasachtaí in-athnuaithe agus infháiltais arb iad a gcuid iasachtaithe ar leithligh:
- (i) daoine nádúrtha seachas dílseánaigh aonair thráchtála agus comhpháirtíochtaí;
  - (ii) FBManna a cháilíonn d'aicme na risíochtaí ar mhiondiol faoi na cineálacha cur chuige Caighdeánaithe nó IBR i gcomhair priacal creidmheasa nó do chuideachta atá incháilithe don láimhseáil a leagtar amach in Airteagal 153(4) agus i gcás gur lú ná EUR 1 milliún an taise chomhiomlánaithe arna taisceadh ag an gcliant sin nó ag an ngrúpa cliant nasctha;
  - (iii) stáit, bainc cheannais agus eintitis earnála poiblí;
  - (iv) cliaint nach dtagraítear dóibh i bpointe (i) agus i bpointe (ii) seachas custaiméirí airgeadais;
  - (v) cliaint nach dtagraítear dóibh i bpointe (i), i bpointe (ii) agus i bpointe (iii) ar custaiméirí airgeadais iad, agus iad siúd ar institiúidí creidmheasa agus custaiméirí eile airgeadais iad ar leithligh;
- (h) iasachtaí nach féidir a athnuachan agus earraí infhaighte dá dtagraítear i bpointe (g), ar leithligh iad siúd atá:

**▼C2**

- (i) comhthaobhaithe le maoin tráchtála dhochorraithe (RT);
- (ii) comhthaobhaithe le maoin chónaithe (RC);

**▼B**

- (iii) maoinithe le cistiú meaitseála (faoi bhealach) trí bhannaí atá incháilithe don láimhseáil a leagtar amach in Airteagal 129(4) nó (5) nó trí bhannaí dá dtagraítear in Airteagal 52(4) de Threoir 2009/65/CE;
- (i) earraí infhaighte díorthacha;
  - (j) sócmhainní ar bith eile;
  - (k) saoráidí tiomanta creidmheasa neamhtharraingthe a cháilíonn mar shaoráidí 'meánphriacal' nó 'meán/íosphriacal' faoi Iarscríbhinn I.

2. Nuair is infheidhme, cuirfear gach ítim i láthair sna cúig bhucéad a ndéantar cur síos orthu in Airteagal 427(2).

CUID A SEACHT

LUAMHÁNÚ

**▼M1**

*Article 429*

**Calculation of the leverage ratio**

1. Institutions shall calculate their leverage ratio in accordance with the methodology set out in paragraphs 2 to 13.

**▼M1**

2. The leverage ratio shall be calculated as an institution's capital measure divided by that institution's total exposure measure and shall be expressed as a percentage.

Institutions shall calculate the leverage ratio at the reporting reference date.

3. For the purposes of paragraph 2, the capital measure shall be the Tier 1 capital.

4. The total exposure measure shall be the sum of the exposure values of:

(a) assets referred to in paragraph 5 unless they are deducted when determining the capital measure referred to in paragraph 3;

(b) derivatives referred to in paragraph 9;

(c) add-ons for counterparty credit risk of repurchase transactions, securities or commodities lending or borrowing transactions, long settlement transactions and margin lending transactions including those that are off-balance sheet referred to in Article 429b;

(d) off-balance sheet items referred to in paragraph 10.

5. Institutions shall determine the exposure value of assets, excluding contracts listed in Annex II and credit derivatives, in accordance with the following principles:

(a) the exposure values of assets means exposure values in accordance with the first sentence of Article 111(1);

(b) physical or financial collateral, guarantees or credit risk mitigation purchased shall not be used to reduce exposure values of assets;

(c) loans shall not be netted with deposits;

(d) repurchase transactions, securities or commodities lending or borrowing transactions, long settlement transactions and margin lending transactions shall not be netted.

6. Institutions may deduct from the exposure measure set out in paragraph 4 of this Article the amounts deducted from Common equity Tier 1 capital in accordance with Article 36(1)(d).

7. Competent authorities may permit an institution not to include in the exposure measure exposures that can benefit from the treatment laid down in Article 113(6). Competent authorities may grant that permission only where all the conditions set out in points (a) to (e) of Article 113(6) are met and where they have given the approval laid down in Article 113(6).

**▼ M1**

8. By way of derogation from point (d) of paragraph 5, institutions may determine the exposure value of cash receivables and cash payables of repurchase transactions, securities or commodities lending or borrowing transactions, long settlement transactions and margin lending transactions with the same counterparty on a net basis only if all the following conditions are met:

- (a) the transactions have the same explicit final settlement date;
- (b) the right to set off the amount owed to the counterparty with the amount owed by the counterparty is legally enforceable in all the following situations:
  - (i) in the normal course of business;
  - (ii) in the event of default, insolvency and bankruptcy;
- (c) the counterparties intend to settle net, settle simultaneously, or the transactions are subject to a settlement mechanism that results in the functional equivalent of net settlement.

For the purposes of point (c) of the first subparagraph, a settlement mechanism results in the functional equivalent of net settlement if, on the settlement date, the net result of the cash flows of the transactions under that mechanism is equal to the single net amount under net settlement.

9. Institutions shall determine the exposure value of contracts listed in Annex II and of credit derivatives including those that are off-balance sheet, in accordance with Article 429a.

10. Institutions shall determine the exposure value of off-balance-sheet items, excluding contracts listed in Annex II, credit derivatives, repurchase transactions, securities or commodities lending or borrowing transactions, long settlement transactions and margin lending transactions, in accordance with Article 111(1). However, institutions shall not reduce the nominal value of those items by specific credit risk adjustments.

In accordance with Article 166(9), where a commitment refers to the extension of another commitment, the lower of the two conversion factors associated with the individual commitment shall be used. The exposure value of low risk off-balance sheet items referred to in Article 111(1)(d) shall be subject to a floor equal to 10 % of their nominal value.

11. An institution that is a clearing member of a QCCP may exclude from the calculation of the exposure measure trade exposures of the following items, provided that those trade exposures are cleared with that QCCP and meet, at the same time, the conditions laid down in Article 306(1)(c):

- (a) contracts listed in Annex II;
- (b) credit derivatives;
- (c) repurchase transactions;

**▼ M1**

- (d) securities or commodities lending or borrowing transactions;
- (e) long settlement transactions;
- (f) margin lending transactions.

12. Where an institution that is a clearing member of a QCCP guarantees to the QCCP the performance of a client that enters directly into derivative transactions with the QCCP, it shall include in the exposure measure the exposure resulting from the guarantee as a derivative exposure to the client in accordance with Article 429a.

13. Where national generally accepted accounting principles recognise fiduciary assets on balance sheet, in accordance with Article 10 of Directive 86/635/EEC, those assets may be excluded from the leverage ratio total exposure measure provided that they meet the criteria for non-recognition set out in International Accounting Standard (IAS) 39, as applicable under Regulation (EC) No 1606/2002, and, where applicable, the criteria for non-consolidation set out in International Financial Reporting Standard (IFRS) 10, as applicable under Regulation (EC) No 1606/2002.

14. Competent authorities may permit an institution to exclude from the exposure measure exposures that meet all of the following conditions:

- (a) they are exposures to a public sector entity;
- (b) they are treated in accordance with Article 116(4);
- (c) they arise from deposits that the institution is legally obliged to transfer to the public sector entity referred to in point (a) for the purposes of funding general interest investments.

*Article 429a***Exposure value of derivatives**

1. Institutions shall determine the exposure value of contracts listed in Annex II and of credit derivatives, including those that are off-balance sheet, in accordance with the method set out in Article 274. Institutions shall apply Article 299(2)(a) for the determination of the potential future credit exposure for credit derivatives.

When determining the potential future credit exposure of credit derivatives, institutions shall apply the principles laid down in Article 299(2)(a) to all their credit derivatives, not only those assigned to the trading book.

In determining the exposure value, institutions may take into account the effects of contracts for novation and other netting agreements in accordance with Article 295. Cross-product netting shall not apply. However, institutions may net within the product category referred to in point (25)(c) of Article 272 and credit derivatives when they are subject to a contractual cross-product netting agreement referred to in Article 295(c).



**▼ M1**

2. Where the provision of collateral related to derivatives contracts reduces the amount of assets under the applicable accounting framework, institutions shall reverse that reduction.

3. For the purposes of paragraph 1, institutions may deduct variation margin received in cash from the counterparty from the current replacement cost portion of the exposure value in so far as under the applicable accounting framework the variation margin has not already been recognised as a reduction of the exposure value and when all the following conditions are met:

- (a) for trades not cleared through a QCCP, the cash received by the recipient counterparty is not segregated;
- (b) the variation margin is calculated and exchanged on a daily basis based on mark-to-market valuation of derivatives positions;
- (c) the variation margin received in cash is in the same currency as the currency of settlement of the derivative contract;
- (d) the variation margin exchanged is the full amount that would be necessary to fully extinguish the mark-to-market exposure of the derivative subject to the threshold and minimum transfer amounts applicable to the counterparty;
- (e) the derivative contract and the variation margin between the institution and the counterparty to that contract are covered by a single netting agreement that the institution may treat as risk-reducing in accordance with Article 295.

For the purposes of point (c) of the first subparagraph, where the derivative contract is subject to a qualifying master netting agreement, the currency of settlement means any currency of settlement specified in the derivative contract, the governing qualifying master netting agreement or the credit support annex to the qualifying master netting agreement.

Where under the applicable accounting framework an institution recognises the variation margin paid in cash to the counterparty as a receivable asset, it may exclude that asset from the exposure measure provided that the conditions in points (a) to (e) are met.

4. For the purposes of paragraph 3 the following shall apply:

- (a) the deduction of variation margin received shall be limited to the positive current replacement cost portion of the exposure value;

▼ M1

- (b) an institution shall not use variation margin received in cash to reduce the potential future credit exposure amount, including for the purposes of Article 298(1)(c)(ii);

5. In addition to the treatment laid down in paragraph 1, for written credit derivatives institutions shall include in the exposure value the effective notional amounts referenced by the written credit derivatives reduced by any negative fair value changes that have been incorporated in Tier 1 capital with respect to the written credit derivative. The resulting exposure value may be further reduced by the effective notional amount of a purchased credit derivative on the same reference name provided that all the following conditions are met:

- (a) for single name credit derivatives, the credit derivatives purchased must be on a reference name which ranks *pari passu* with or is junior to the underlying reference obligation of the written credit derivative and a credit event on the senior reference asset would result in a credit event on the subordinated asset;
- (b) where an institution purchases protection on a pool of reference names, the purchased protection may offset sold protection on a pool of reference names only if the pool of reference entities and the level of subordination in both transactions are identical;
- (c) the remaining maturity of the credit derivative purchased is equal to or greater than the remaining maturity of the written credit derivative;
- (d) in determining the additional exposure value for written credit derivatives, the notional amount of the purchased credit derivative is reduced by any positive fair value change that has been incorporated in Tier 1 capital with respect to the credit derivative purchased;
- (e) for tranching products, the credit derivative purchased as protection is on a reference obligation which ranks equal to the underlying reference obligation of the written credit derivative.

Where the notional amount of a written credit derivative is not reduced by the notional amount of a purchased credit derivative, institutions may deduct the individual potential future exposure of that written credit derivative from the total potential future exposure determined according to paragraph 1 of this Article in conjunction with Article 274(2) or Article 299(2)(a) as applicable. In case that the potential future credit exposure shall be determined in conjunction with Article 298(1)(c)(ii),  $PCE_{gross}$  may be reduced by the individual potential future exposure of written credit derivatives with no adjustment made to the NGR.

▼ **M1**

6. Institutions shall not reduce the written credit derivative effective notional amount where they buy credit protection through a total return swap and record the net payments received as net income, but do not record any offsetting deterioration in the value of the written credit derivative reflected in Tier 1 capital.

7. In case of purchased credit derivatives on a pool of reference entities, institutions may recognise a reduction according to paragraph 5 on written credit derivatives on individual reference names only if the protection purchased is economically equivalent to buying protection separately on each of the individual names in the pool. If an institution purchases a credit derivative on a pool of reference names, it may only recognise a reduction on a pool of written credit derivatives when the pool of reference entities and the level of subordination in both transactions are identical.

8. By way of derogation from paragraph 1 of this Article, institutions may use the method set out in Article 275 to determine the exposure value of contracts listed in points 1 and 2 of Annex II only where they also use that method for determining the exposure value of those contracts for the purposes of meeting the own funds requirements set out in Article 92.

When institutions apply the method set out in Article 275, they shall not reduce the exposure measure by the amount of variation margin received in cash.

*Article 429b*

**Counterparty credit risk add-on for repurchase transactions, securities or commodities lending or borrowing transactions, long settlement transactions and margin lending transactions**

1. In addition to the exposure value of repurchase transactions, securities or commodities lending or borrowing transactions, long settlement transactions and margin lending transactions including those that are off-balance sheet in accordance with Article 429(5), institutions shall include in the exposure measure an add-on for counterparty credit risk determined in accordance to paragraph 2 or 3 of this Article, as applicable.

2. For the purposes of paragraph 1, for transactions with a counterparty which are not subject to a master netting agreement that meets the conditions laid down in Article 206 the add-on ( $E_i^*$ ) shall be determined on a transaction-by-transaction basis in accordance with the following formula:

$$E_i^* = \max\{0, E_i - C_i\}$$

where:

$E_i$  is the fair value of securities or cash lent to the counterparty under transaction  $i$ ;

▼ **M1**

$C_i$  is the fair value of cash or securities received from the counterparty under transaction  $i$ .

3. For the purposes of paragraph 1, for transactions with a counterparty that are subject to a master netting agreement that meets the conditions laid down in Article 206, the add-on for those transactions ( $E_i^*$ ) shall be determined on an agreement-by-agreement basis in accordance with the following formula:

$$E_i^* = \max \left\{ 0, \left( \sum_i E_i - \sum_i C_i \right) \right\}$$

where:

$E_i$  is the fair value of securities or cash lent to the counterparty for the transactions subject to master netting agreement  $i$ ;

$C_i$  is the fair value of cash or securities received from the counterparty subject to master netting agreement  $i$ .

4. By way of derogation from paragraph 1 of this Article, institutions may use the method set out in Article 222, subject to a 20 % floor for the applicable risk weight, to determine the add on for repurchase transactions, securities or commodities lending or borrowing transactions, long settlement transactions and margin lending transactions including those that are off-balance sheet. Institutions may use this method only where they also use it for determining the exposure value of those transactions for the purpose of meeting the own funds requirements as set out in Article 92.

5. Where sale accounting is achieved for a repurchase transaction under its applicable accounting framework, the institution shall reverse all sales-related accounting entries.

6. Where an institution acts as an agent between two parties in repurchase transactions, securities or commodities lending or borrowing transactions, long settlement transactions and margin lending transactions including those that are off-balance sheet, the following apply:

- (a) where the institution provides an indemnity or guarantee to a customer or counterparty limited to any difference between the value of the security or cash the customer has lent and the value of collateral the borrower has provided it shall only include in the exposure measure the add-on determined in accordance with paragraph 2 or 3, as applicable;
- (b) where the institution does not provide an indemnity or guarantee to any of the involved parties, the transaction shall not be included in the exposure measure;
- (c) where the institution is economically exposed to the underlying security or cash in the transaction beyond the exposure covered by the add-on, it shall include also in the exposure measure an exposure equal to the full amount of the security or cash.

**▼M8**

CUID A SEACHT A  
CEANGLAIS TUAIRISCITHE

*Airteagal 430*

**Tuairisciú ar cheanglais stuamachta agus ar fhaisnéis airgeadais**

**▼B**

1. Déanfaidh institiúidí an fhaisnéis go léir is gá maidir leis an gcóimheas luamhánaithe agus a chomhpháirteanna i gcomhréir le hAirteagal 429 a chur faoi bhráid na n-údarás inniúil. Cuirfidh údarás inniúla an fhaisnéis sin san áireamh nuair a bheidh siad ag tabhairt faoin athbhreithniú maoirseachta dá dtagraítear in Airteagal 92 de Threoir (AE)201336.

Déanfaidh institiúidí an fhaisnéis is gá chun na tuarascálacha dá dtagraítear in Airteagal 511 a ullmhú a thíolacadh do na húdaráis inniúla.

Déanfaidh údarás inniúla an fhaisnéis a gheofar ó institiúidí a chur faoi bhráid ÚBE, arna iarraidh sin dó, d'fhonn an t-athbhreithniú dá dtagraítear in Airteagal 511 a éascú.

2. Forbróidh ÚBE dréachtchaighdeáin theicniúla cur chun feidhme chun an teimpléad aonfhoirmeach don tuairisciú a chinneadh, mar aon leis na teoracha maidir le teimpléad den sórt sin a úsáid agus minicíochtaí agus dátaí don tuairisciú agus na réitigh teicneolaíochta faisnéise chun críocha an cheanglais maidir le tuairisciú atá leagtha síos i mír 1.

**▼C1**

Cuirfidh an ÚBE na dréachtchaighdeáin theicniúla chur chun feidhme sin faoi bhráid an Choimisiúin faoin 28 Iúil 2013.

**▼B**

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

## ▼M8

7. Forbróidh ÚBE dréachtchaighdeáin theicniúla cur chun feidhme chun na formáidí agus na teimpléid aonfhoirmeacha don tuairisciú a chinneadh, mar aon leis na teoracha agus an mhodheolaíocht chun na teimpléid sin a úsáid, minicíocht agus dátaí an tuairiscithe agus na sainmhínte agus na réitigh teicneolaíochta faisnéise maidir leis an tuairisciú dá dtagraítear i mír 1 agus i mír 4.

Aon cheanglais nua i ndáil le tuairisciú a leagtar amach i ndréachtchaighdeáin theicniúla den sort sin infheidhme níos luaithe ná sé mhí ón dáta a dtiocfaidh siad i bhfeidhm.

Chun críocha mhír 2, sonrófar sna dréachtchaighdeáin theicniúla cur chun feidhme cé acu na comhphárteanna den chóimheas luamhánaithe a dhéanfar a thuairisciú agus úsáid á baint as luachanna dheireadh an lae nó dheireadh na míosa. Chun na críche sin, tabharfaidh ÚBE aird ar an dá ghné seo a leanas:

- (a) a shoghabhála a bheadh comhpháirt i leith laghduithe suntasacha sealadacha i líon na n-idirbheart a d'fhágfadh gannionadaíocht ar an bpríacal luamhánaithe iomarcaigh ar dháta an tuairiscithe tagartha;
- (b) forbairtí agus torthaí ar an leibhéal idirnáisiúnta.

Cuirfidh ÚBE na dréachtchaighdeáin theicniúla cur chun feidhme dá dtagraítear sa mhír seo faoi bhráid an Choimisiúin faoin 28 Meitheamh 2021, cé is moite de na cinn a bhaineann leis na nithe seo a leanas:

- (a) an cóimheas luamhánaithe, a chuirfear faoina bhráid faoin 28 Meitheamh 2020;
- (b) na hoibleagáidí a leagtar síos in Airteagal 92a agus in Airteagal 92b, a chuirfear faoina bhráid faoin 28 Meitheamh 2020.

Tugtar an chumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

8. Measúnóidh ÚBE na costais agus na sochair a bheidh ag na ceanglais tuairiscithe a leagtar síos i nGníomh Cur chun Feidhme (AE) Uimh. 680/2014 ón gCoimisiún<sup>(1)</sup> i gcomhréir leis an mír seo agus tuairisceoidh sé na torthaí chuig an gCoimisiún faoin 28 Meitheamh 2020. Déanfar an measúnú sin a chur i gcrích, go háirithe i ndáil le hinstiúidí beaga agus neamhchasta. Chun na gcíoch sin, déanfar an méid seo a leanas sa tuarascáil sin:

- (a) rangófar instiúidí faoi chatagóirí atá bunaithe ar a méid, ar chastacht agus ar chineál agus ar leibhéal príacail na ngníomhaíochtaí atá acu;
- (b) tomhaisfear na costais tuairiscithe nach mór do gach catagóir instiúide a chur de sa tréimhse ábhartha chun na ceanglais tuairiscithe a chomhlíonadh a leagtar amach i nGníomh Cur chun Feidhme (AE) Uimh. 680/2014, agus na prionsabail seo a leanas á gcur san áireamh:
  - (i) tomhaisfear na costais tuairiscithe mar chóimheas idir na costais tuairiscithe agus costais iomlána na hinstiúide le linn na tréimhse ábhartha;

<sup>(1)</sup> Rialachán Cur Chun Feidhme (AE) Uimh. 680/2014 ón gCoimisiún an 16 Aibreán 2014 lena leagtar síos caighdeáin theicniúla cur chun feidhme maidir le tuairisciú maoirseachta instiúidí de réir Rialachán (AE) Uimh. 575/2013 ó Pharlaimint na hEorpa agus ón gComhairle (IO L 191, 28.6.2014, lch. 1).

**▼M8**

- (ii) is costais tuairiscithe iad gach caiteachas a bhaineann leis na córais tuairiscithe a chur chun feidhme nó a oibriú ar bhonn leanúnach, lena n-áirítear caiteachas ar fhoireann, ar chórais FT, ar sheirbhísí dlí, cuntasáíochta, iniúcháireachta agus comhairliúcháin;
- (iii) tagróidh an tréimhse ábhartha do gach tréimhse bhliantúil ina raibh costais tuairiscithe ar institiúidí chun ullmhú do na ceanglais tuairiscithe a chur chun feidhme a leagtar síos i nGníomh Cur chun Feidhme (AE) Uimh. 680/2014, agus leanúint ar aghaidh ag oibriú na gcórais tuairiscithe ar bhonn leanúnach;
- (c) déanfar a mheas an raibh na costais tuairiscithe, arna dtabhú ag gach catagóir institiúidí, comhréireach leis na tairbhí a thug na ceanglais tuairiscithe chun críocha na maoirseachta stuamachta;
- (d) measfar an tionchar a bheadh ag laghdú na gceanglas tuairiscithe ar chostais agus ar mhairseacht éifeachtach; agus
- (e) déanfar moltaí faoin dóigh le laghdú a dhéanamh ar na ceanglais tuairiscithe, i gcás institiúidí beaga neamhchasta, ar a laghad; chuige sin, beidh sé mar sprioc ag ÚBE an meánchostas a bhfuiltear ag súil leis a laghdú 10 %, ar a laghad, ach 20 % más féidir. Déanfaidh ÚBE a mheas, go háirithe, an bhféadfaí:
  - (i) na ceanglais tuairiscithe dá dtagraítear i bpointe (g) de mhír 1 a tharscaoileadh i gcás institiúidí beaga neamhchasta agus i gcás ina raibh ualú sócmhainní faoi bhun tairseach áirithe;
  - (ii) minicíocht an tuairiscithe a cheanglaítear i gcomhréir le pointe (a), pointe (c) agus pointe (g) de mhír 1 a laghdú d'institiúidí beaga neamhchasta.

Leis an tuarascáil sin ó ÚBE, gabhfaidh dréachtchaighdeáin theicniúla cur chun feidhme dá dtagraítear i mír 7.

*Airteagal 430b***Ceanglais shonracha tuairiscithe le haghaidh priacal margaidh****▼M9**

1. Ó dháta chur i bhfeidhm an ghnímh tarmligthe dá dtagraítear in Airteagal 461a, tuairisceoidh institiúidí creidmheasa nach gcomhlíonann na coinníollacha a leagtar amach in Airteagal 94(1) ná na coinníollacha in Airteagal 325a(1), i ndáil le gach suíomh leabhair trádála a bhaineann leo agus gach suíomh leabhair neamhthrádála atá faoi réir priacal

**▼M9**

malairte eachtraí nó priacal tráchtearraí a bhaineann leo, torthaí na ríomhanna bunaithe ar úsáid a bhaint as an gcur chuige caighdeánaithe malartach a leagtar amach i gCaibidil 1a de Theideal IV de Chuid a Trí ar an mbonn céanna agus a thuairiscíonn na hinstitiúidí sin na hoibleagáidí a leagtar síos i bpointí (b)(i) agus (c) d'Airteagal 92(3).

**▼M8**

2. Institiúidí dá dtagraítear in mír 1 den Airteagal seo, tuairisceoidh siad na ríomhanna a leagtar amach i bpointí (a), (b) agus (c) d'Airteagal 325c(2) ar leithligh i ndáil le punann gach suíomh leabhair trádála nó suíomh leabhair neamhtrádála atá faoi réir priacal malairte eachtraí agus priacal tráchtearraí.

3. Sa bhreis ar an gceanglas atá leagtha amach i mír 1 den Airteagal seo, ó dheireadh tréimhse 3 bliana tar éis dháta theacht i bhfeidhm na gcaighdeán teicniúil rialála is déanaí dá dtagraítear in Airteagail 325bd(7), 325be(3), 325bf(9) agus 325bg(4), déanfaidh institiúidí, i ndáil leis na suíomhanna a sannadh do dheasca trádála dár dheonaigh údaráis inniúla cead dóibh an cur chuige inmheánach malartach a úsáid i gcomhréir le hAirteagal 325az(2), torthaí an ríomha a thuairisciú bunaithe ar úsáid a bhaint as an gcur chuige sin mar a leagtar amach i gCaibidil 1b de Theideal IV de Chuid a Trí ar an mbonn céanna a thuairiscíonn na hinstitiúidí sin na hoibleagáidí a leagtar síos i bpointí (b)(i) agus (c) d'Airteagal 92(3).

4. Chun críocha an cheanglais tuairiscithe i mír 3 den Airteagal seo, déanfaidh institiúidí na ríomhanna a leagtar amach i bpointí (a)(i), (a)(ii), (b)(i) agus (b)(ii) d'Airteagal 325ba(1) agus i ndáil le punann gach suíomh leabhair trádála nó suíomh leabhair neamhtrádála a shanntar do dheasca trádála priacail malairte eachtraí nó priacail tráchtearraí dár thug na húdaráis inniúla cead don institiúid an cur chuige inmheánach malartach a úsáid ina leith i gcomhréir le hAirteagal 325az(2).

5. Féadfaidh institiúidí na cuir chuige dá dtagraítear i mír 1 agus i mír 3 a úsáid le chéile laistigh de ghrúpa, ar choinníoll nach mó an ríomh faoin gcur chuige sin dá dtagraítear i mír 1 ná 90 % den ríomh iomlán. Mura ndéantar sin, úsáidfidh an institiúid an cur chuige dá dtagraítear i mír 1 dá gcuid suíomhanna leabhair trádála agus dá gcuid suíomhanna leabhair neamhtrádála ar fad atá faoi réir priacal malairte eachtraí nó priacal tráchtearraí.

6. Forbróidh ÚBE dréachtchaighdeán theicniúla cur chun feidhme chun na teimpléid aonfhoirmeacha don tuairisciú a shonrú, mar aon leis na treoracha agus an mhodheolaíocht chun na teimpléid a úsáid, minicíocht agus dátaí an tuairiscithe, na sainmhínte agus na réitigh TF don tuairisciú dá dtagraítear san Airteagal seo.



**▼M8**

Aon cheanglais nua i ndáil le tuairisciú a leagtar amach sna caighdeáin theicniúla chur chun feidhme sin, ní bheidh siad infheidhme níos luaithe ná sé mhí ó dháta a dteacht i bhfeidhm.

Cuirfidh ÚBE na dréachtchaighdeáin theicniúla chur chun feidhme sin faoi bhráid an Choimisiúin faoin 30 Meitheamh 2020.

Tugtar an chumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

*Airteagal 430c***Tuarascáil féidearthachta maidir leis an gcóras comhtháite tuairiscithe**

1. Cuirfidh ÚBE tuarascáil féidearthachta i dtoll a chéile maidir le córas comhsheasmhach comhtháite a fhorbairt chun sonraí staidrimh, sonraí réitigh agus sonraí stuamachta a bhailiú agus cuirfear na torthaí faoi bhráid an Choimisiúin faoin 28 Meitheamh 2020.

2. Agus an tuarascáil féidearthachta á dréachtú, féachfaidh ÚBE chuige go mbeidh lámh ann ag na húdaráis inniúla, chomh maith leis na húdaráis atá freagrach as scéimeanna ráthaiochta taiscí, as réitigh agus go háirithe CEBC. Cuirfear san áireamh sa tuarascáil an obair atá déanta cheana féin ag CEBC maidir le bailiúcháin chomhtháite sonraí agus beidh sí bunaithe ar anailís fhoriomlán costais agus tairbhe, lena n-áirítear ar a laghad an méid seo a leanas:

- (a) forléargas ar chainníocht, raon feidhme, bunús agus gráinneacht na sonraí reatha arna mbailiú ag na húdaráis inniúla ina ndlínse;
- (b) bunú foclóra chaighdeánaigh de na sonraí atá le bailiú d'fhonn cur le cóineasú na gceanglas tuairiscithe ó thaobh oibleagáidí tuairiscithe tráthrialta, agus chun fiosruithe neamhriachtanach a sheachaint;
- (c) bunú comhchoiste, ar a mbeadh ÚBE agus CEBC ar a laghad, chun an córas comhtháite tuairiscithe a fhorbairt agus a chur i bhfeidhm;
- (d) indéantacht agus dearadh a d'fhéadfadh a bheith ag lárphointe bailithe sonraí don chóras tuairiscithe comhtháite, lena n-áirítear ceanglais maidir le rúndacht na sonraí a bhaileofar, fiordheimhniú láidir agus bainistiú na gceart rochtana ar an gcóras agus cibear-shláid:

**▼M8**

- (i) ina mbeadh clár lárnach sonraí leis na sonraí staidrimh, sonraí réitigh agus sonraí stuamachta ar fad, sa ghráinneacht agus sa mhiniúocht is gá don institiúid áirithe agus arna dtabhairt cothrom le dáta leis an tráthúlacht is gá;
- (ii) a d'fhóndadh mar phointe teagmhála do na húdaráis inniúla, áit a ndéanfaidís gach cuardach sonraí a fháil, a phrúiseáil agus a chomhthiomsú, áit ar féidir cuardaigh a chur le sonraí tuairiscithe atá bailithe cheana féin agus trínar féidir leis na húdaráis inniúla rochtain thapa a fháil ar an bhfaisnéis a iarradh;
- (iii) a thabharfadh tacaíocht bhreise do na húdaráis inniúla i ndáil le tarchur na gcuardach sonraí chuig na hinstiúidí agus a chuirfeadh na sonraí arna n-iarradh isteach sa chlár lárnach sonraí;
- (iv) a mbeadh ról comhordúcháin aige i ndáil le malartú faisnéise agus sonraí idir údaráis inniúla; agus
- (v) cuirtear san áireamh imeachtaí agus próisis na nÚdarás inniúla agus aistrítear iad go córas caighdeánaithe.

3. Taobh istigh de bhliain amháin ó thíolacadh na tuarascála dá dtagraítear san Airteagal seo, déanfaidh an Coimisiún, más iomchuí agus tar éis dó tuarascáil féidearthachta ÚBE a chur san áireamh, togra reachtach a chur faoi bhráid Pharlaimint na hEorpa agus na Comhairle le haghaidh córas tuairiscithe caighdeánaithe, comhtháite a bhunú do cheanglais thuairiscithe.

**▼B**

CUID A HOCHT  
NOCHTADH AG INSTITIÚIDÍ

TEIDEAL I  
PRIONSABAIL GHINEARÁLTA

*Airteagal 431*

**Raon feidhme na gceanglas maidir le nochtadh**

1. Déanfaidh institiúidí an fhaisnéis atá leagtha síos i dTeideal II, faoi réir na bhforálacha atá leagtha síos in Airteagal 432, a nochtadh don phobal.
2. Beidh cead na n-údarás inniúil faoi Chuid a Trí i leith na n-ionstraimí agus na modheolaíochtaí dá dtagraítear i dTeideal III faoi réir an fhaisnéis atá leagtha síos ann a bheith nocht ag institiúidí don phobal.
3. Glacfaidh institiúidí beartas foirmiúil chun na ceanglais maidir le nochtadh atá a bheidh leagtha síos sa Chuid seo a chomhlíonadh, agus beidh beartais acu chun oiriúnacht a nochtuithe a mheas, lena n-áirítear fíorú agus minicíocht na nochtuithe. Beidh beartais ag institiúidí freisin chun measúnú a dhéanamh féachaint an dtugann a nochtuithe léargas cuimsitheach ar a bpróifil priacal do rannpháirtithe an mhargaidh.

**▼B**

I gcás nach dtugann na nochtuithe sin léargas cuimsitheach ar a bpróifil priacal do rannpháirtithe an mhargaidh, déanfaidh institiúidí an fhaisnéis is gá, de bhreis ar an bhfaisnéis sin a cheanglaítear i gcomhréir le mír 1, a nochtadh don phobal. Mar sin féin, ní iarrfar orthu ach amháin faisnéis atá ábhartha agus nach faisnéis dhilseánaigh nó rúnda í i gcomhréir le hAirteagal 432 a nochtadh.

4. Tabharfaidh institiúidí, má iarrtar sin orthu, míniú ar a gcinntí rátála do FBManna agus d'iarratasóirí corparáideacha eile ar iasachtaí, agus tabharfaidh siad míniú i scríbhinn nuair a iarrtar sin orthu. Beidh costais riaracháin an mhínithe comhréireach le méid na hiasachta.

*Airteagal 432***Faisnéis neamhábhartha, dhilseánaigh nó rúnda****▼M8**

1. Cé is moite de na nochtuithe a leagtar síos i bpointe (c) d'Airteagal 435(2) agus in Airteagal 437 agus 450, féadfaidh institiúidí ceann amháin nó níos mó de na nochtuithe a liostaítear i dTeidil II agus III a fhágáil ar lár, i gcás nach meastar gur faisnéis ábhartha í an fhaisnéis atáthar á cur ar fáil leis na nochtuithe sin.

Measfar gur faisnéis ábhartha i nochtuithe í faisnéis, más rud é, de bharr í a fhágáil ar lár nó miráiteas a thabhairt ina leith, go bhféadfaí athrú a dhéanamh nó tionchar a imirt ar mheasúnú nó ar chinneadh úsáideora de chuid na faisnéise sin a bheadh ag brath uirthi ar mhaithe le cinntí eacnamaíocha a dhéanamh.

Déanfaidh ÚBETreoirilinte a eisiúint, i gcomhréir le hAirteagal 16 de Rialachán (AE) Uimh. 1093/2010, maidir leis an gcaoi ar gá d'institiúidí ábharthacht a chur i bhfeidhm i ndáil leis na ceanglais maidir le nochtadh atá i dTeideal II agus i dTeideal III.

2. Féadfaidh institiúidí freisin ceann amháin nó níos mó de na míreanna faisnéise a liostaítear i dTeideal II agus i dTeideal III a fhágáil ar lár freisin i gcás ina n-áirítear ar na míreanna sin faisnéis a meastar gur faisnéis dhilseánaigh nó rúnda í i gcomhréir leis an dara fomhír seo, cé is moite de na nochtaí a leagtar síos in Airteagal 437 agus in Airteagal 450.

Measfar gur faisnéis dhilseánaigh de chuid institiúidí í faisnéis de chineál a fhágann, dá nochtfaí don phobal í, go mbainfí an bonn de staid iomaíochta na n-institiúidí sin. Féadfar a áireamh le faisnéis dhilseánaigh faisnéis maidir le táirgí nó córais a d'fhágfadh gur lú luach infheistíochtaí na n-institiúidí iontu sin dá roinnfí le hiomaitheoirí í.

Measfar gur faisnéis rúnda í faisnéis i gcás ina gcuireann custaiméirí nó gaolmhaireachtaí eile le contrapháirtithe oibleagáid ar na hinstitiúidí an fhaisnéis sin a choimeád rúnda.

Déanfaidh ÚBETreoirilinte a eisiúint, i gcomhréir le hAirteagal 16 de Rialachán (AE) Uimh. 1093/2010, maidir leis an gcaoi ar gá d'institiúidí an dílseánacht agus an rúndacht a chur i bhfeidhm i ndáil leis na ceanglais maidir le nochtadh atá i dTeideal II agus i dTeideal III.

**▼B**

3. Sna cásanna eisceachtúla dá dtagraítear i mír 2, luafaidh an institiúid lena mbaineann ina nochtuithe, más amhlaidh nár nochtáíodh na míreanna faisnéise sonracha, an chúis nach bhfuil siad á nochtadh, agus foilseoidh sí faisnéis níos ginearálta faoi ábhar an cheanglais maidir le nochtadh, cé is moite de chás inar cheart iad sin a aicmiú mar fhaisnéis dhílseánaigh nó rúnda.

4. Tá míreanna (1), (2) agus (3) gan dochar do raon feidhme an dliteanais i gcás ina mainneofar faisnéis ábhartha a nochtadh.

*Airteagal 433***Minicíocht an nochtá**

Déanfaidh institiúidí na nochtuithe a cheanglaítear leis an gCuid seo a nochtadh uair amháin sa bhliain ar a laghad.

Foilseofar nochtuithe bliantúla i gcomhcheangal le dáta foilsithe na ráiteas airgeadais.

Déanfaidh institiúidí measúnú ar an ngá a bheidh ann roinnt de na nochtuithe nó na nochtuithe ar fad a fhoilsiú níos minice ná uair sa bhliain i bhfianaise shaintréithe ábhartha a gcuid gnó amhail scála oibríochtaí, raon gníomhaíochtaí, láithreach i dtíortha éagsúla, rannpháirtíocht in earnálacha airgeadais éagsúla, agus rannpháirtíocht i margai airgeadais idirnáisiúnta agus córais um íocaíocht, um ghlanadh agus um imréiteach. Beidh aird faoi leith sa mheasúnú sin ar an ngá a d'fhéadfadh a bheith le míreanna faisnéise atá leagtha síos in Airteagal 437, agus i bpointí (c) go (f) d'Airteagal 438, agus faisnéis maidir le risíocht ar priacal agus míreanna eile a d'fhéadfadh athrú go tobann, a nochtadh níos minice.

Déanfaidh ÚBE, i gcomhréir le hAirteagal 16 de Rialachán (AE) Uimh. 1093/2010, treoirilínte a eisiúint faoin 31 Nollaig 2014 maidir le measúnú a bheith á dhéanamh ag institiúidí ar nochtuithe níos minice de chuid Theideal II agus Theideal III.

*Airteagal 434***Modhanna nochtá**

1. Féadfaidh institiúidí an meán, an suíomh agus an modh fíoraithe iomchuí a chinneadh d'fhonn na ceanglais maidir le nochtadh atá leagtha síos sa Chuid seo a chomhlíonadh go héifeachtach. A mhéid agus is féidir, déanfar gach nochtadh in aon mheán amháin nó in aon suíomh amháin. Má nochtáítear píosaí faisnéise atá cosúil lena chéile in dhá mheán nó níos mó, áireofar i ngach meán tagairt don fhaisnéis chomhchiallach atá sna meáin eile.

2. I gcás nochtuithe coibhéiseacha a dhéanfaidh institiúidí faoi cheanglais chuntasaíochta, faoi cheanglais liostaithe nó faoi cheanglais eile, measfar gur comhlíonadh iad ar an gCuid seo. Mura bhfuil nochtuithe ar áireamh sna ráitis airgeadais, tabharfaidh institiúidí le fios go glan soiléir sna ráitis airgeadais cá bhfuil fáil orthu.

**▼M8***Airteagal 434a***Formáidí aonfhoirmeacha don nochtadh**

Forbróidh ÚBE dréachtchaighdeáin theicniúla cur chun feidhme chun formáidí aonfhoirmeacha don nochtadh a chinneadh, agus teoracha gaolmhara a ndéanfar na nochtáí is gá faoi Theideal II agus Theideal III i gcomhréir leo.

**▼M8**

Cuirfidh na formáidí aonfhoirmeacha sin faisnéis ar leor a cuimsitheacht agus a hinchomparáideacht in iúl d'úsáideoirí na faisnéise sin chun próifílí priacail institiúidí agus a mhéid atá siad ag comhlíonadh na gceanglas a leagtar síos i gCodanna a hAon go dtí a Seacht a mheasúnú. Chun inchomparáideacht na faisnéise a éascú, féachfar sna dréachtchaighdeáin theicniúla cur chun feidhme lena áirithiú go mbeidh formáidí don nochtadh comhsheasmhach le caighdeáin idirnáisiúnta do nochtáí.

Beidh formáidí aonfhoirmeacha don nochtadh i bhformáid tábla nuair is iomchuí.

Cuirfidh ÚBE na dréachtchaighdeáin theicniúla cur chun feidhme sin faoi bhráid an Choimisiúin faoin 28 Meitheamh 2020.

Tugtar an chumhacht don Choimisiún na caighdeáin theicniúla cur chun feidhme sin a ghlacadh i gcomhréir le hAirteagal 15 de Rialachán (AE) Uimh. 1093/2010.

**▼B**

## TEIDEAL II

**CRITÉIR THEICNIÚLA MAIDIR LE TRÉDHEARCACHT AGUS NOCHTADH***Airteagal 435***Cuspóirí agus beartais bainistíochta priacail**

1. Nochtfaidh institiúidí a gcuid cuspóirí bainistíochta priacal agus a mbeartais bhainistíochta priacal agus i gcás gach catagóire priacal ar leithligh, lena n-áirítear na priacail dá dtagraítear faoin Teideal seo. Áireofar ar na nochtuithe sin:

- (a) na straitéisí agus na próisis chun na priacail sin a bhainistiú;
- (b) struchtúr agus eagrú na feidhme bainistíochta priacal ábhartha lena n-áirítear faisnéis faoina húdaráis agus a reacht, nó socrúithe eile iomchuí;
- (c) raon feidhme agus cineál an tuairiscithe priacal agus na gcóras tomhais;
- (d) na beartais maidir le priacal a fhálú agus a mhaolú, agus na straitéisí agus na próisis chun faireachán a dhéanamh ar éifeachtacht leanúnach na bhfáluithe agus na maolaitheoirí;
- (e) dearbhú atá faoifa ón gcomhlacht bainistíochta maidir le leordhóthanacht socrúithe bainistíochta priacal na hinstiúide ina dtugtar cinnteacht gur leor na córais bhainistíochta priacal atá i bhfeidhm maidir le próifíl agus straitéis na hinstiúide;
- (f) ráiteas priacal gairid arna fhaomhadh ag an gcomhlacht bainistíochta ina ndéantar cur síos gonta ar phróifíl fhoriomlán priacal na hinstiúide a bhaineann leis an straitéis ghnó. Áireofar sa ráiteas seo cóimheasa agus figiúirí ríthábhachtacha ina dtugtar léargas cuimsitheach do pháirtithe leasmhara seachtracha ar an mbainistiú a dhéanann an institiúid ar priacal, lena n-áirítear an chaoi a ndéantar, le próifíl priacal na hinstiúide, idirghníomhú leis an lamhálas priacal arna shocrú ag an gcomhlacht bainistíochta.

2. Nochtfaidh institiúidí an fhaisnéis seo a leanas, lena n-áirítear nuashonruithe rialta, a dhéanfar uair sa bhliain ar a laghad, maidir le socrúithe rialachais:

**▼B**

- (a) líon na stiúrthóireachtaí arna sealbhú ag comhaltaí an chomhlachta bainistíochta;
- (b) an beartas earcaíochta chun comhaltaí den chomhlacht bainistíochta a roghnú agus an t-eolas, na scileanna agus an saineolas iarbhir atá acu;
- (c) an beartas maidir le héagsúlacht maidir le comhaltaí den chomhlacht bainistíochta a roghnú, na cuspóirí agus aon spriocanna iomchuí atá leagtha amach sa bheartas sin, agus a mhéid a baineadh amach na cuspóirí agus na spriocanna sin;
- (d) cibé acu atá nó nach bhfuil coiste priacal ar leithligh bunaithe ag an institiúid agus an méid uaireanta ar tháinig an coiste le chéile;
- (e) an tuairisc ar an sreabhadh faisnéise maidir le priacal a thugtar don chomhlacht bainistíochta.

*Airteagal 436***Raon feidhme an chur i bhfeidhm**

Nochtfaidh institiúidí an fhaisnéis seo a leanas maidir le raon feidhme chur i bhfeidhm cheanglais an Rialacháin sin i gcomhréir le Treoir 2013/36/AE:

- (a) ainm na hinstiúide lena mbaineann ceanglais an Rialacháin seo;
- (b) breac-chuntas ar na difríochtaí sa bhonn comhdhlúite chun críocha cuntasáíochta agus stuamachta, ina mbeidh tuairisc ghairid ar na heintitis a áirítear ann, agus beidh míniú tugtha maidir lena bhfuil siad:
  - (i) comhdhlúite go hiomlán;
  - (ii) comhdhlúite go comhréireach;
  - (iii) asbhainte as cistí dílse;
  - (iv) neamh-chomhdhlúite ná neamh-asbhainte;
- (c) aon bhac praiticiúil nó dlíthiúil ábhartha reatha nó ionchais ar aistriú pras cistí dílse nó aisíoc dlíteanas i measc na máthairchuideachta agus a fochuideachtaí;
- (d) an méid comhiomlán faoinar lú na cistí dílse iarbhir ná mar a theastaíonn i ngach fochuideachta nach bhfuil ar áireamh sa chomhdhlúthú, agus ainm nó ainmneacha fochuideachtaí den sórt sin;
- (e) más infheidhme, cásanna ina mbaintear úsáid as na forálacha atá leagtha síos in Airteagal 7 agus in Airteagal 9.

*Airteagal 437***Cistí dílse**

1. Déanfaidh institiúidí an fhaisnéis seo a leanas a nochtadh maidir lena gcistí dílse:

- (a) réiteach iomlán ar ítimí Ghnáthchothromas Leibhéal 1, de Chaipiteal Breise Leibhéal 1, de Chaipiteal Leibhéal 2 agus scagairí agus asbhaintí a chuirtear i bhfeidhm de bhun Airteagail 32 go 35, 36, 56, 66 agus 794 maidir le cistí dílse na hinstiúide agus an clár comhardaithe i ráitis airgeadais iniúchta na hinstiúide;

**▼B**

- (b) tuairisc ar na príomhghnéithe d'ionstraimí Ghnáthchothromas Leibhéal 1 agus d'ionstraimí Chaipiteal Breise Leibhéal 1 agus ionstraimí Chaipiteal Leibhéal 2 arna n-eisiúint ag an institiúid;
- (c) téarmaí agus coinníollacha iomlána gach ionstraime de Ghnáthchothromas Leibhéal 1, de Chaipiteal Breise Leibhéal 1 agus de Chaipiteal Leibhéal 2;
- (d) nochtadh ar leithligh ar chineál agus ar mhéideanna na nithe seo a leanas:
  - (i) gach scagaire stuamachta a chuirtear i bhfeidhm de bhun Airteagail 32 go 35;
  - (ii) gach asbhaint a dhéantar de bhun Airteagail 36, 56 agus 66;
  - (iii) ítimí nach n-asbhaintear i gcomhréir le hAirteagail 47, 48, 56, 66 agus 794;
- (e) tuairisc ar na srianta go léir a chuirtear i bhfeidhm maidir le ríomh cistí dílse i gcomhréir leis an Rialachán seo agus na hionstraimí, scagairí stuamachta agus na hasbhaintí a bhfuil feidhm ag na srianta sin maidir leo;
- (f) i gcás ina nochtann institiúidí cóimheasa caipitil ag úsáid eilimintí de chistí dílse arna gcinneadh ar bhonn seachas é sin atá leagtha síos sa Rialachán seo, míniú cuimsitheach ar an mbonn ar a ríomhtar na cóimheasa caipitil sin.

2. Forbróidh ÚBE dréachtchaighdeáin theicniúla cur chun feidhme d'fhonn teimpléid aonfhoirmeacha maidir le nochtadh a shonrú faoi phointí (a), (b), (c), (d) agus (e) de mhír 1.

**▼C1**

Cuirfidh an ÚBE na dréachtchaighdeáin theicniúla chur chun feidhme sin faoi bhráid an Choimisiúin faoin 28 Iúil 2013.

**▼B**

Tugtar cumhacht don Choimisiún chun na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

*Airteagal 438***Ceanglais Chaipitil**

Déanfaidh institiúidí an fhaisnéis seo a leanas a nochtadh maidir leis an tslí a bhfuil an institiúid ag comhlíonadh na gceanglas a leagtar síos in Airteagal 92 den rialachán seo agus in Airteagal 73 de Threoir (AE)2013/36/AE:

- (a) achoimre ar chur chuige na hinstitiúide maidir le measúnú a dhéanamh ar leordhóthanacht a caipitil inmheánaigh d'fhonn tacú le gníomhaíochtaí reatha agus todhchaí;

**▼B**

- (b) arna iarraidh sin don Údarás Inniúil ábhartha, toradh ar an bpróiseas inmheánach measúnaithe ar leordhóthanacht caipitil lena n-áirítear comhdhéanamh na gceanglas cistí dílse breise atá bunaithe ar an bpróiseas athbhreithnithe maoirseachta dá dtagraítear i bpointe (a) d'Airteagal 104(1) de Threoir 2013/36/AE;
- (c) i gcás institiúidí a ríomhann méideanna risíochta a ualaítear ó thaobh priacal i gcomhréir le Caibidil 2 de Chuid a Trí, Teideal II, 8 % de na méideanna risíochta a ualaítear ó thaobh priacal maidir le gach ceann de na haicmí risíochta a shonraítear in Airteagal 112;
- (d) i gcás institiúidí a ríomhann méideanna risíochta a ualaítear ó thaobh priacal i gcomhréir le Caibidil 3 de Chuid a Trí, Teideal II, 8 % de na méideanna risíochta a ualaítear ó thaobh priacal maidir le gach ceann de na haicmí risíochta a shonraítear in Airteagal 147; I gcás aicme na risíochta ar mhiondiol, i gcás gach ceann de na catagóirí risíochtaí dá gcomhfhreagraíonn na comhghaolta éagsúla in Airteagal 154(1) go (4). I gcás aicme na risíochta ar chothromas, tá feidhm ag an gceanglas maidir leo seo a leanas:
- (i) gach ceann de na cineálacha cur chuige a fhoráiltear in Airteagal 1550;
- (ii) risíochtaí arna dtrádáil ar an malartán, risíocht ar chothromas príobháideach i bpunanna atá éagsúlaithe a ndóthain, agus risíochtaí eile;
- (iii) risíochtaí atá faoi réir ag an athrú chuig córas maoirseachta maidir le ceanglais cistí dílse;
- (iv) risíochtaí atá faoi réir ag forálacha marthanachta maidir le ceanglais cistí dílse;
- (e) ceanglais cistí dílse arna ríomh i gcomhréir le pointe (b) agus pointe (c) d'Airteagal 92(3);
- (f) ceanglais cistí dílse arna ríomh i gcomhréir le Cuid a Trí, Teideal III, Caibidilí 2, 3 agus 4 agus á atá nochtaithe ar bhonn leithligh.

Déanfaidh na hinstiúidí a bheidh ag ríomh na méideanna risíochta a ualaítear ó thaobh priacal i gcomhréir le hAirteagal 153(5) nó 155(2) na risíochtaí atá sannta do gach catagóir i dTábla 1 i mír 5 d'Airteagal 153, nó atá sannta do gach ualú priacal atá luaite in Airteagal 155(2), a nochtadh.

*Airteagal 439***Risíocht ar priacal creidmheasa an chontrapháirtí**

Déanfaidh institiúidí an fhaisnéis seo a leanas maidir le risíochtaí na hinstiúidí ar priacal creidmheasa an chontrapháirtí dá dtagraítear i gCuid a Trí, de Theideal II, Caibidil 6 a nochtadh:

- (a) plé ar an modheolaíocht a úsáideadh chun teorainneacha inmheánacha le caipiteal agus creidmheas a shannadh do risíochtaí ar chreidmheas an chontrapháirtí;
- (b) plé ar bheartais chun comhthaobhacht a fháil agus cúlchistí creidmheasa a bhunú;



**▼B**

- (c) plé ar bheartais i dtaca le risíochtaí ar priacal comhghaolmhairreachta;
- (d) plé ar thionchar mhéid na comhthaobhachta a chaithfeadh an institiúid a sholáthar i gcás ina ndéanfaí íosghrádú ar a rátáil chreidmheasa;
- (e) oll-luach cóir deimhneach na gconarthaí, sochair na glanluachála, glan-risíocht reatha ar chreidmheas, comhthaobhacht arna sealbhú agus glan-risíocht ar chreidmheas i leith díorthach. Is ionann glan-risíocht ar chreidmheas i leith díorthach agus an risíocht ar chreidmheas in idirbhearta díorthach tar éis na sochair ó chomhaontuithe glanluachála is infheidhme le dlí agus socruithe comhthaobhachta a mheas;
- (f) tomhais ar luach na risíochta faoi na modhanna atá leagtha síos i Ranna 3 go 6 de Theideal II, Caibidil 6, cibé modh is infheidhme;
- (g) luach barúlach na bhfáluithe díorthach creidmheasa, agus dáileadh na risíochtaí reatha ar chreidmheas de réir na gcineálacha risíochta ar chreidmheas;
- (h) méideanna barúlacha na n-idirbheart díorthach creidmheasa, arna leithscaradh idir úsáid do phunanna creidmheasa na hinstitiúide féin, chomh maith lena cuid gníomhaíochtaí idirghabhála, lena n-áirítear dáileadh na dtáirgí díorthach creidmheasa a úsáideadh, arna miondealú tuilleadh trí chosaint a cheannaítear agus a dhíoltar laistigh de gach grúpa táirgí;
- (i) meastachán ar  $\alpha$  má fuair an institiúid cead ó na húdaráis inniúla chun meastachán a dhéanamh ar  $\alpha$ .

*Airteagal 440***Caipiteal maolánach**

1. Nochtfaidh institiúid an fhaisnéis seo a leanas faoin tslí atá ag éirí léi an ceanglas maidir le caipiteal maolánach frith-thimthriallach dá dtagraítear i dTeideal VII, Caibidil 4 de Threoir 2013/36/AE a chomhlíonadh:

- (a) dáileadh geografach a cuid risíochtaí ar chreidmheas atá ábhartha chun a caipiteal maolánach frith-thimthriallach a ríomh;
- (b) méid an chaipitil mhaolánaigh fhrith-thimthriallaigh atá sainiúil don institiúid.

2. Forbróidh ÚBE dréachtchaighdeáin theicniúla rialála ina sonraítear na ceanglais maidir le nochtadh atá leagtha amach i mír 1.

**▼B**

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 31 Nollaig 2014.

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh.1093/2010.

*Airteagal 441***Táscairí a bhfuil tábhacht shistéamach leo ar fud an domhain**

1. Na hinstiúidí sin a shainithnítear mar G-SIIanna i gcomhréir le hAirteagal 131de Threoir 2013/36/AE, nochtfaidh siad, ar bhonn bhliantúil, luachanna na dtáscairí a úsáideadh chun scór na n-instiúidí a chinneadh i gcomhréir le modheolaíocht an tsainaitheantais dá dtagraítear san Airteagal sin.

2. Forbróidh ÚBE dréachtchaighdeáin theicniúla cur chun feidhme chun na formáidí aonfhoirmeacha agus na dátaí a shonrú chun críocha an nochttha dá dtagraítear i mír 1. Agus na caighdeáin theicniúla sin á fhorbairt aige, cuirfidh an ÚBE na caighdeáin idirnáisiúnta san áireamh.

Cuirfidh ÚBE na dréachtchaighdeáin theicniúla cur chun feidhme sin faoi bhráid an Choimisiúin faoin 1 Iúil 2014.

Tugtar an chumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

*Airteagal 442***Coigeartuithe i leith priacal creidmheasa**

Nochtfaidh instiúidí an fhaisnéis seo a leanas maidir le risíocht na hinstiúidí ar priacal creidmheasa agus ar priacal caolúcháin:

- (a) na sainmhínithe chun críocha cuntasáíochta ar 'thar téarma' agus 'lagaithe';
- (b) tuairiscí ar na cineálacha cur chuige agus na modhanna arna nglacadh chun coigeartuithe ar priacal creidmheasa ginearálta agus sonracha a chinneadh;
- (c) méid iomlán na risíochtaí tar éis fritháireamh cuntasáíochta agus gan éifeachtaí an mhaolaithe ar priacal creidmheasa a chur san áireamh, agus meánmhéid na risíochtaí thar an tréimhse arna miondealú de réir na gcineálacha éagsúla aicmí risíochta;
- (d) dáileadh geografach na risíochtaí, arna miondealú i limistéir shuntasacha de réir aicmí ábhartha na risíochta, agus é mionsonraithe tuilleadh más cuí;
- (e) dáileadh na risíochtaí de réir cineálacha tionscail nó contrapháirtí, arna miondealú de réir aicmí na risíochta, lena n-áirítear an risíocht ar FBManna a shonrú, agus é mionsonraithe tuilleadh más cuí;
- (f) miondealú ar aibíocht iarmhair na risíochtaí go léir, arna miondealú de réir aicmí na risíochta, agus é mionsonraithe tuilleadh más cuí;

**▼B**

- (g) de réir cineálacha suntasacha tionscail nó contrapháirtí, méid na nithe seo a leanas:
- (i) na risíochtaí lagaithe agus na risíochtaí thar téarma, curtha ar fáil ar leithligh;
  - (ii) coigeartuithe sonracha agus ginearálta i leith priacal creidmheasa;
  - (iii) muirir maidir le coigeartuithe sonracha agus ginearálta i leith priacal creidmheasa i rith na tréimhse tuairiscithe;
- (h) méid na risíochtaí lagaithe agus na risíochtaí thar téarma, arna gcur ar fáil ar leithligh, arna miondealú de réir limistéar geografach suntasach lena n-áirítear, más féidir é, méideanna na coigeartuithe sonracha agus ginearálta i leith priacal creidmheasa a bhaineann le gach limistéar geografach;
- (i) réiteach na n-athruithe sna coigeartuithe sonracha agus ginearálta ar priacal creidmheasa i gcás risíochtaí lagaithe, arna dtaispeáint ar leithligh. Cuimseoidh an fhaisnéis sin:
- (i) tuairisc ar chineál na coigeartuithe sonracha agus ginearálta i leith priacal creidmheasa;
  - (ii) na comharduithe tosaigh;
  - (iii) na méideanna a thógtar i gcoinne na coigeartuithe i leith priacal creidmheasa i rith na tréimhse tuairiscithe;
  - (iv) na méideanna a chuirtear ar leataobh nó a dhéantar a aisiompú maidir le cailiteanais mheasta ar risíochtaí is dócha a bheadh ann i rith na tréimhse tuairiscithe, aon choigeartuithe eile lena n-áirítear iad sin arna gcinneadh de bharr difríochtaí sa ráta malairte, teaglam gnó, éadálacha agus diúscairtí fochuideachtaí agus aistriú idir coigeartuithe ar priacal creidmheasa;
- (v) na comharduithe deiridh.

Déanfar coigeartuithe sonracha i leith priacal creidmheasa agus aisghabhálacha arna dtairfeadh go díreach chuig an ráiteas ioncaim a nochtadh ar bhonn leithligh.

*Airteagal 443***Sócmhainní neamhualaithe**

Faoin 30 Meitheamh 2014, déanfaidh ÚBE treoirlínte a eisiúint lena sainefar nochtadh sócmhainní neamhualaithe, lena gcuirfear san áireamh an Moladh ó BERS an 20 Nollaig 2012 maidir le hinstiúidí creidmheasa <sup>(1)</sup> a mhaoiniú (BERS/2012/2) agus go háirithe Moladh D - Trédhearcacht Margaidh maidir le Neamhualú Sócmhainn. Glacfar leis na treoirlínte i gcomhréir le hAirteagal 16 de Rialachán (AE) Uimh. 1093/2010.

Forbróidh ÚBE dréachtchaighdeán theicniúla rialála d'fhonn nochtadh a shonrú maidir le luach an chláir chomhardaithe in aghaidh aicme na risíochtaí a bhristear síos de réir cáilíocht sócmhainní agus méid iomlán luach an chláir chomhardaithe atá neamhualaithe, lena gcuirfear Moladh BERS/2012/2 san áireamh agus ar an gcoinníoll go measfaidh ÚBE ina thuarascáil go mbaineann faisnéis iontaofa agus fóntach le nochtadh breise den chineál sin.

<sup>(1)</sup> IO C 119, 25.4.2013, lch. 1.

**▼B**

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 1 Eanáir 2016.

Tarmligtear an chumhacht don Choimisiún na caighdeáin theicniúla rialála dá dtagraítear sa chéad fhomhír agus sa dara fhomhír a ghlacadh i gcomhréir le hAirteagail 10 go 14 de Rialachán (AE) 1093/2010.

*Airteagal 444***IMCSanna a úsáid**

I gcás institiúidí a dhéanann méideanna risíochta a ualaítear ó thaobh priacal a ríomh i gcomhréir le Cuid a Trí, Teideal II, Caibidil 2, nochtfar an fhaisnéis seo a leanas maidir le gach ceann de na haicmí risíochta a shonraítear in Airteagal 112:

- (a) ainmneacha na IMCSanna agus MCSanna ainmnithe agus na cúiseanna le haon athruithe;
- (b) aicmí na risíochta a n-úsáidtear gach IMCS agus MCS ina leith;
- (c) tuairisc ar an bpróiseas a úsáideadh chun measúnuithe creidmheasa an eisitheora agus na heisiúna a aistriú anuas ar na hítimí nach bhfuil áirithe sa leabhar trádála;
- (d) comhcheangal na rátála seachtraí de gach IMCS nó MCS ainmnithe leis na céimeanna den cháilíocht chreidmheasa atá leagtha síos i gCuid a Trí, Teideal II, Caibidil 2, ag cur san áireamh nach gá an fhaisnéis seo a nochtadh má chomhlíonann an institiúid an comhcheangal caighdeánach arna fhoilsiú ag ÚBE;
- (e) luachanna na risíochta agus luachanna na risíochta tar éis maolú priacal creidmheasa a bhaineann le gach céim den cháilíocht chreidmheasa atá leagtha síos i gCuid a Trí, Teideal II, Caibidil 2 chomh maith leo sin a asbhaintear as cistí dílse.

*Airteagal 445***Risíocht ar phriacal margaidh**

Déanfaidh institiúidí a ríomhann a gcuid ceanglas cistí dílse i gcomhréir le pointe (b) agus pointe (c) d'Airteagal 92(3) na ceanglais sin a nochtadh ar leithligh maidir le gach priacal dá dtagraítear sna forálacha sin. Ina theannta sin, déanfar na ceanglais cistí dílse le haghaidh priacal sonracha an ráta úis de shuímh urrúsúcháin a nochtadh ar leithligh.

*Airteagal 446***Priacal oibriúcháin**

Déanfaidh institiúidí na cineálacha cur chuige chun measúnú a dhéanamh ar cheanglais cistí dílse in aghaidh priacal oibriúcháin a gcáilíonn an institiúid dóibh a nochtadh; tuairisc ar an modheolaíocht atá leagtha síos in Airteagal 312(2), má tá siad in úsáid ag an institiúid, lena n-áirítear plé ar na fachtóirí inmheánacha agus seachtracha iomchuí a mheastar i gcur chuige tomhais na hinstiúidí, agus i gcás páirtúsaíde, raon feidhme agus cumhdach na modheolaíochtaí éagsúla a úsáideadh.

**▼B***Airteagal 447***Risíochtaí i gcothromas nach n-áirítear sa leabhar trádála**

Nochtfaidh institiúidí an fhaisnéis seo a leanas maidir le risíochtaí i gcothromas nach n-áirítear sa leabhar trádála:

- (a) an t-idirdhealú idir risíochtaí bunaithe ar a gcuid cuspóirí, lena n-áirítear i gcás gaoil ghnóthachan caipitiúil agus cúiseanna straitéiseacha, agus forléargas ar na teicnící cuntasaiochta agus na modheolaíochtaí luachála a úsáideadh, lena n-áirítear príomhthoimhdí agus cleachtais a dhéanfaidh difear do luacháil agus aon athruithe suntasacha eile sna cleachtais sin;
- (b) luach an chláir chomhardaithe, an luach cóir agus, i gcás na risíochtaí sin arna dtrádáil ar an malartán, comparáid le praghas an mhargaidh i gcás ina bhfuil sé éagsúil go hábhartha ón luach cóir;
- (c) cineálacha, nádúr agus méideanna na risíochtaí arna dtrádáil ar an malartán, na risíochtaí ar chothromas príobháideach i bpunanna atá éagsúlaithe a ndóthain, agus risíochtaí eile;
- (d) na gnóthachain nó cailteanais réadaithe carnacha a eascraíonn as díolacháin agus as leachtuithe sa tréimhse; agus

**▼C2**

- (e) iomlán na ngnóthachan nó na gcaillteanas neamhréadaithe, iomlán na ngnóthachan nó na gcaillteanas folaigh athluachála, agus aon cheann de na méideanna sin atá ar áireamh i gcaipiteal Ghnáchothromais Leibhéal 1.

**▼B***Airteagal 448***Risíocht ar phriacal ráta úis maidir le suímh nach n-áirítear sa leabhar trádála**

Nochtfaidh institiúidí an fhaisnéis seo a leanas maidir lena risíocht ar priacal ráta úis maidir le suímh nach n-áirítear sa leabhar trádála:

- (a) cineál an priacal ráta úis agus na príomhthoimhdí (lena n-áirítear toimhdí maidir le réamhíocaíochtaí iasachta agus iompraíocht taiscí neamhaibíochta), agus a mhinice a thomhaistear an bpriacal ráta úis;
- (b) an éagsúlacht i dtuillimh, luach eacnamaíoch nó tomhas iomchuí eile arna n-úsáid ag an lucht bainistíochta le haghaidh suaite de bharr ardú agus íslíú rátaí de réir an mhodha atá ag an lucht bainistíochta chun an priacal ráta úis a thomhas, arna miondealú de réir airgeadra.

*Airteagal 449***Risíocht ar shuíomhanna urrúsúcháin**

Nochtfaidh institiúidí a ríomhann méideanna risíochta a ualaítear ó thaobh priacal i gcomhréir le Cuid a Trí, Teideal II, Caibidil 5 nó ceanglais cistí dílse i gcomhréir le hAirteagal 337 nó Airteagal 338 an fhaisnéis seo a leanas, nuair is ábhartha, agus déanfaidh siad é sin ar bhonn leithligh dá leabhar trádála agus dá leabhar neamhthrádála:

**▼B**

- (a) tuairisc ar chuspóirí na hinstitiúide maidir le gníomhaíochtaí urrúsúcháin;
- (b) cineál na priacail eile lena n-áirítear priacal leachtachta ar gné dhílis de na sócmhainní urrúsaithe é;
- (c) na cineálacha priacail ó thaobh shinsearachta na suíomh urrúsúcháin bunúsacha agus i dtéarmaí sócmhainní a fholuionn na suímh urrúsúcháin sin arna ngabháil agus arna gcoinneáil le gníomhaíocht athurrúsúcháin;
- (d) na ról éagsúla a bhíonn ag an institiúid sa phróiseas urrúsúcháin;
- (e) léiriú ar chomh rannpháirteach is atá an institiúid i ngach ceann de na ról dá dtagraítear i bpointe (d);
- (f) tuairisc ar na próisis atá i bhfeidhm chun faireachán a dhéanamh ar athruithe i priacal creidmheasa agus priacal margaidh na risíochtaí ar urrúsú lena n-áirítear, an tslí a mbíonn tionchar ag iompraíocht na msócmhainní foluiteacha ar risíochtaí ar urrúsú agus tuairisc ar an difríocht idir na próisis sin i gcás risíochtaí ar athurrúsú;
- (g) tuairisc ar bheartas na hinstitiúide chun an úsáid a bhaintear as cosaint fhálaithe agus neamhchistithe a rialú chun na priacail a bhaineann le hurrúsú coinnithe agus risíochtaí ar athurrúsú a mhaolú, lena n-áirítear contrapháirtithe fálaithe ábhartha a shain-aithint de réir chineál ábhartha na risíochta ar priacal;
- (h) na cineálacha cur chuige chun méideanna risíochta a ualaítear ó thaobh priacal a ríomh arna leanúint ag an institiúid dá cuid gníomhaíochtaí urrúsúcháin, lena n-áirítear na cineálacha risíochtaí ar urrúsú lena mbaineann gach cur chuige;
- (i) na cineálacha SSPEanna a úsáideann an institiúid, mar urraitheoir, chun risíochtaí tríú páirtí a urrúsú, lena n-áirítear an bhfuil risíochtaí ar na SSPEanna ag an institiúid agus, i gcás go bhfuil, an fhoirm ina bhfuil siad, ar bhonn leithligh i gcás risíochtaí laistigh agus risíochtaí lasmuigh den chlár comhardaithe, chomh maith le liosta de na heintitis atá á mbainistiú nó á gcomhairliú ag an institiúid agus a dhéanann infheistíocht sna suímh urrúsúcháin atá urrúsaithe ag an institiúid nó in SSPEanna a bhfuil an institiúid ina hurraitheoir orthu;
- (j) achoimre ar bheartais chuntasaíochta na hinstitiúide maidir le gníomhaíochtaí urrúsúcháin, lena n-áirítear:
  - (i) cibé an láimhseáiltear na hidirbhearta mar dhíolacháin nó mar mhaoinithe;
  - (ii) gnóthachain ar dhíolacháin a aithint;
  - (iii) na modhanna, na príomhthoimhdí, ionchuir agus athruithe ón tréimhse roimhe sin chun suímh urrúsúcháin a luacháil;
  - (iv) an láimhseáil a dhéantar ar urrúisithe sintéiseacha mura bhfuil siad cumhdaithe le beartais chuntasaíochta eile;

**▼B**

- (v) conas a dhéantar luacháil ar shócmhainní atá ar feitheamh urrúsú agus cibé acu i leabhar neamhthrádála nó i leabhar trádála na hinstitiúide a dhéantar iad a thaifeadadh;
- (vi) beartais chun dliteanais a aithint ar an gclár comhardaithe le haghaidh socruithe lena bhféadfaí a cheangal ar an institiúid tacaíocht airgeadais a chur ar fáil do shócmhainní urrúsaithe;
- (k) ainmneacha na IMCSanna a úsáidtear i gcomhair urrúsuithe agus na cineálacha risíochta a n-úsáidtear gach gníomhaireacht dóibh;
- (l) nuair is infheidhme, tuairisc ar Chur Chuige an Mheasúnaithe Imheánaigh mar atá leagtha amach i gCuid a Trí, Teideal II, Caibidil 5, Roinn 3, lena n-áirítear struchtúr an phróisis measúnaithe inmheánaigh agus an gaol idir measúnú inmheánach agus rátálacha seachtracha, an úsáid a bhaintear as measúnú inmheánach seachas chun críocha caipitil an Chur Chuige Measúnaithe Imheánaigh IAA, na sásraí rialaithe don phróiseas measúnaithe inmheánaigh lena n-áirítear plé ar neamhspleáchas, ar chuntasacht, agus ar athbhreithniú ar an bpróiseas measúnaithe inmheánaigh, na cineálacha risíochta a gcuirtear an próiseas measúnaithe inmheánaigh i bhfeidhm maidir leo agus na factóirí struis a úsáidtear chun leibhéil feabhsaithe creidmheasa a chinneadh, de réir an chineál risíochta;
- (m) míniú ar athruithe suntasacha ar aon cheann de na risíochtaí cainníochtúla i bpointí (n) go (q) ón tréimhse tuairiscithe deiridh;
- (n) déanfar miondealú ar leithligh ar an bhfaisnéis seo a leanas de réir an chineáil risíochta i gcás an leabhair trádála agus an leabhair neamhthrádála:
  - (i) méid iomlán na risíochtaí gan fóc atá urrúsaithe ag an institiúid, ar bhonn leithligh i gcás urrúsuithe traidisiúnta agus urrúsuithe sintéiseacha agus urrúsuithe a ngníomhaíonn an institiúid díreach mar urraitheoir ina leith;
  - (ii) méid comhiomlán na suíomh urrúsúcháin laistigh den chlár comhardaithe atá coinnithe nó ceannaithe agus risíochtaí ar urrúsú lasmuigh den chlár comhardaithe;
  - (iii) méid comhiomlán na sócmhainní atá ar feitheamh urrúsú,
  - (iv) i gcás saoráidí urrúsaithe atá faoi réir na láimhseála luathamúchta, na risíochtaí comhiomlána tarraingthe atá inchurtha i leith leasa an tionscnóra agus na n-infheisteoirí faoi seach, ceanglais chaipitil chomhiomlána arna dtabhú ag an institiúid i gcoinne leas an tionscnóra agus na ceanglais chaipitil chomhiomlána arna dtabhú ag an institiúid i gcoinne scaireanna an infheisteora d'iarhmhéideanna tarraingthe agus de línte neamhtharraingthe;
  - (v) méid na suíomh urrúsúcháin a asbhaintear as cistí dílse nó a bheidh ualaithe ó thaobh priacal ag 1 250 %;
  - (vi) achoimre ar ghníomhaíocht urrúsúcháin na tréimhse reatha, lena n-áirítear méid na risíochtaí atá urrúsaithe agus gnóthachan nó cailteanas aitheanta ar dhíolachán;

**▼B**

- (o) an fhaisnéis seo a leanas, ar leithligh, maidir leis an leabhar trádála agus leis an leabhar neamhtrádála:
- (i) méid comhiomlán na suíomh urrúsúcháin atá coinnithe nó ceannaithe agus na ceanglais chaipitil ghaolmhara, arna miondealú idir risíochtaí ar urrúsú agus ar athurrúsú agus arna miondealú tuilleadh i líon ábhartha bandaí d'ualú priacal nó de cheanglais chaipitil, maidir le gach cur chuige i ndáil le ceanglais chaipitil a úsáidfeair;
  - (ii) méid comhiomlán na risíochtaí ar athurrúsú atá coinnithe nó ceannaithe arna miondealú de réir na risíochta roimh fhálú/árachas, agus ina dhiaidh sin, agus de réir na risíochta ar ráthóirí airgeadais, arna miondealú de réir catagóirí inacmhainneachta creidmheasa an ráthóra nó ainm an ráthóra;
- (p) maidir leis an leabhar neamhtrádála agus maidir le risíochtaí atá urrúsaithe ag an institiúid, méid na sócmhainní lagaithe/thar téarma urrúsaithe agus na gcaillteanas arna n-aithint ag an institiúid i rith na tréimhse reatha, arna miondealú de réir chineál na risíochta;
- (q) maidir leis an leabhar trádála, iomlán na risíochtaí gan íoc atá urrúsaithe ag an institiúid agus atá faoi réir ag ceanglas caipitil le haghaidh priacal margaidh, arna miondealú i gcinn thraidisiúnta/shintéiseacha agus de réir chineál na risíochta."
- (r) nuair is infheidhme, cibé ar thug nó nár thug an institiúid tacaíocht de réir théarmaí Airteagal 248(1) agus an tionchar ar chistí dílse.

*Airteagal 450***Beartas luacha saothair**

1. Nochtfaidh institiúidí an fhaisnéis seo a leanas ar a laghad, maidir le beartas luacha saothair agus cleachtais na hinstitiúide maidir leis na catagóirí foirne a mbíonn tionchar ábhartha ag a gcuid gníomhaíochtaí gairmiúla ar a bpróifil priacal:

- (a) faisnéis faoin bpróiseas cinnteoireachta a úsáidtear chun an beartas luacha saothair a chinneadh, agus faoi líon na gcrúinnithe a thionól an príomhchomhlacht a bhfuil maoirsiú á dhéanamh aige ar an luach saothair le linn na bliana airgeadais lena n-áirítear más infheidhme, faisnéis faoi chomhdhéanamh agus sainordú an choiste luacha saothair, an sainchomhairleoir seachtrach ar úsáideadh a chuid seirbhísí chun an beartas luacha saothair a chinneadh agus ról na bpáirtithe leasmhara iomchuí;
- (b) faisnéis faoin nasc idir pá agus feidhmíocht;
- (c) na saintréithe deartha is tábhachtaí den chóras luacha saothair, lena n-áirítear faisnéis faoi na critéir a úsáidtear chun feidhmíocht a thomhas agus coigeartú priacal, beartas iarchurtha agus critéir dílsithe;



**▼B**

- (d) na cóimheasa idir luach saothair seasta agus inathraithe atá leagtha síos i gcomhréir le hAirteagal. 94(1) (g) de Threoir2013/36/AE;
- (e) faisnéis faoi na critéir feidhmíochta ar a bhfuil an teidlíocht ar scaireanna, ar roghanna nó ar chomhpháirteanna inathraithe de luach saothair bunaithe;
- (f) na príomhpharaiméadair agus an réasúnaíocht d'aon scéim comhpháirte athraithe agus aon sochair eile neamhairgid;
- (g) faisnéis chomhiomlán chainníochtúil maidir le luach saothair, arna miondealú de réir an réimse gnó;
- (h) faisnéis chomhiomlán chainníochtúil maidir le luach saothair, arna miondealú de réir na bainistíochta sinsearaí agus na gcomhaltaí foirne a mbíonn tionchar ábhartha ag a gcuid gníomhaíochtaí ar phróifil priacal na hinstiúide, ag tabhairt an méid seo a leanas le fios:
  - (i) méideanna an luacha saothair don bhliain airgeadais, á ndeighilt idir luach saothair seasta agus inathraithe, agus líon na dtairbhíthe;
  - (ii) méideanna agus foirmeacha an luacha saothair inathraithe, á ndeighilt idir airgead tirim, scaireanna, ionstraimí atá nasctha le scaireanna agus cineálacha eile;
  - (iii) méideanna an luacha saothair iarchurtha gan íoc, á ndeighilt idir codanna dílsithe agus neamhdhílsithe;
  - (iv) méideanna an luacha saothair iarchurtha a bronnadh le linn na bliana airgeadais, a íocadh amach agus a laghdaíodh trí choigeartuithe bunaithe ar fheidhmíocht;
  - (v) íocaíochtaí sínithe agus scaoilíocaíochtaí nua a rinneadh i rith na bliana airgeadais, agus líon na ndaoine a bhain tairbhe as íocaíochtaí den sórt sin;
  - (vi) méideanna na scaoilíocaíochtaí a bronnadh i rith na bliana airgeadais, líon na ndaoine a bhain tairbhe astu agus an íocaíocht is airde dá leithéid a bronnadh ar dhuine amháin.
- (i) líon na ndaoine aonair a fhaigheann luach saothair EUR 1 mhilliún nó níos mó in aghaidh na bliana airgeadais, i gcás luacha saothair idir EUR 1 mhilliún agus EUR 5 mhilliún arna mhiondealú i mbandaí pá de EUR 500,000 agus i gcás luacha saothair EUR 5 mhilliún agus os a chionn arna mhiondealú i mbandaí pá de EUR 1 mhilliún.
- (j) arna iarraidh sin don Bhallstát nó don údarás inniúil, luach saothair iomlán gach comhalta den chomhlacht bainistíochta nó den bhainistíocht shinsearach.

2. I gcás instiúidí atá suntasach ó thaobh a méide, an chaoi a n-eagraítear iad go himheánach agus cineál, raon feidhme agus castacht a gcuid gníomhaíochtaí, cuirfear ar fáil don phobal freisin an fhaisnéis chainníochtúil dá dtagraítear san Airteagal seo agus déanfar sin ar leibhéal chomhaltaí chomhlacht bainistíochta na 2013\*.

**▼B**

Comhlíonfaidh institiúidí na ceanglais a leagtar amach san Airteagal seo ar bhealach a bheidh oiriúnach dá méid, dá n-eagrúchán inmheánach agus do chineál, do raon feidhme agus do chastacht a gcuid gníomhaíochtaí agus gan dochar do Threoir 95/46/CE.

*Airteagal 451***Luamhánú**

1. Nochtfaidh institiúidí an fhaisnéis seo a leanas maidir lena gcóimheas luamhánaithe mar atá ríofa i gcomhréir le hAirteagal 429 agus an bhainistíocht a dhéanann siad ar an bpriacal a bhaineann le luamhánú iomarcach.

- (a) an cóimheas luamhánaithe agus an chaoi a gcuireann an institiúid Airteagal 499, (2) agus (3) i bhfeidhm;
- (b) miondealú ar thomhas na risíochta iomláine mar aon le réiteach na risíochta iomláine leis an bhfaisnéis a nochtar i ráitis fhoilsithe airgeadais;
- (c) i gcás inarb iomchuí, méid na n-ítimí muiníneacha a baineadh den chlár i gcomhréir le hAirteagal 429(11);
- (d) tuairisc ar na próisis a úsáideadh chun an priacal maidir le luamhánú iomarcach a bhainistiú;
- (e) tuairisc ar na fachtóirí a raibh tionchar acu ar an gcóimheas luamhánaithe i rith na tréimhse a dtagraíonn an cóimheas luamhánaithe nochtta dó.

2. Forbróidh ÚBE dréachtchaighdeáin theicniúla cur chun feidhme chun an teimpléad aonfhoirmeach maidir le nochtadh a chinneadh don nochtadh dá dtagraítear i mír 1, mar aon leis na treoracha maidir le teimpléad den sórt sin a úsáid.

Cuirfidh ÚBE na dréachtchaighdeáin theicniúla cur chun feidhme sin faoi bhráid na Choimisiúin faoin 30 Meitheamh 2014.

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

## TEIDEAL III

**CEANGLAIS CHÁILITHEACHTA CHUN IONSTRAIMÍ NÓ MODHEOLAÍOCHTAÍ ÁIRITHE A ÚSÁID***Airteagal 452***Úsáid a bhaint as an gCur Chuige IBR maidir le priacal creidmheasa**

Déanfaidh institiúidí a ríomhann méideanna risíochta a ualaítear ó thaobh priacal faoin gCur Chuige IBR an fhaisnéis seo a leanas a nochtadh:

- (a) an cead a thugann an t-údarás inniúil don chur chuige nó don aistriú faofa;

**▼B**

- (b) míniú agus athbhreithniú orthu seo a leanas:
- (i) struchtúr na gcórais rátála inmheánach agus an gaol idir rátálacha inmheánacha agus seachtracha;
  - (ii) an úsáid a bhaintear as meastacháin inmheánacha seachas chun méideanna risíochta a ualaítear ó thaobh priacal a ríomh i gcomhréir le Cuid a Trí, Teideal II, Caibidil 3;
  - (iii) an próiseas chun maolú priacal creidmheasa a bhainistiú agus a aithint;
  - (iv) na sásraí rialaithe do chórais rátála lena n-áirítear tuairisc ar an athbhreithniú ar neamhspleáchas, ar chuntasacht, agus ar na córais rátála;
- (c) tuairisc ar an bpróiseas rátála inmheánach, arna gcur ar fáil ar leithligh d'aicmí na risíochta seo a leanas:
- (i) rialtais láir agus bainc cheannais;
  - (ii) institiúidí;
  - (iii) corparáidí, lena n-áirítear Fiontair Bheaga agus Mheánmhéide, iasachtú speisialaithe agus earraí infhaighte corparáideacha ceannaithe;
  - (iv) miondíol, i gcás gach ceann de na catagóirí risíochtaí dá gcomhfhreagraíonn na comhghaolta éagsúla in Airteagal 154(1) go (4);
  - (v) cothromais;
- (d) luach na risíochta maidir le gach ceann de na haicmí risíochta a shonraítear in Airteagal 147. Maidir le risíochtaí ar rialtais láir agus ar bhainc cheannais, ar institiúidí agus ar chorparáidí i gcás ina mbaineann institiúidí úsáid as a meastacháin féin ar LGDanna nó ar chomhéifeachtaí coinbhéartachta chun méideanna risíochta a ualaítear ó thaobh priacal a ríomh, déanfar iad a nochtadh ar leithligh ó risíochtaí nach n-úsáideann institiúidí meastacháin dá gcuid féin ina leith;
- (e) maidir le gach ceann de na haicmí risíochta ar rialtais láir agus ar bhainc cheannais, ar institiúidí, ar chorparáidí agus ar chothromas, agus thar líon leordhóthanach de ghráid oibleagadóra (lena n-áirítear mainneachtain) chun deis a thabhairt difreáil fhóinteach a dhéanamh ar priacal creidmheasa, nochtfaidh institiúidí iad seo a leanas:
- (i) maidir le risíochtaí iomlána, lena n-áirítear aicmí na risíochta ar rialtais láir agus ar bhainc cheannais, ar institiúidí agus ar chorparáidí, suim na n-iasachtaí gan íoc agus luachanna na risíochta maidir le ceangaltais neamhtharraingthe; agus i gcás cothromais, an méid gan íoc;
  - (ii) meánualach priacal a ualaítear ó thaobh na risíochta;

**▼B**

- (iii) maidir leis na hinstitiúidí a úsáideann a meastachán féin ar chomhéifeachtaí coinbhéartachta chun méideanna risíochta a ualaítear ó thaobh príacal a ríomh, méid na gceangaltas neamhtharraingthe agus meánluachanna risíochta a ualaítear ó thaobh na risíochta maidir le gach aicme risíochta;
- (f) Maidir le haicme na risíochta ar mhiondíol agus i gcás gach ceann de na catagóirí a leagtar amach i bpointe (c)(iv), na nochtuithe a bhfuil cuntas orthu i bpointe (e) thuas (ar bhonn comhthiomsaithe, más infheidhme), nó anailís ar risíochtaí (iasachtaí gan íoc agus luachanna risíochta i leith ceangaltas neamhtharraingthe) i gcoinne lín shuntasáigh de ghráid EL d'fhonn deis a thabhairt difreáil ábhartha a dhéanamh ar príacal creidmheasa (ar bhonn comhthiomsaithe, más infheidhme);
- (g) na coigeartuithe sonracha iarbhír i leith príacal creidmheasa sa tréimhse roimhe sin maidir le gach aicme risíochta (i gcás miondíola, maidir le gach ceann de na catagóirí a leagtar amach i bpointe (c)(iv) agus an difríocht atá eatarthu ó thaithí roimhe seo);
- (h) tuairisc ar na factóirí a raibh tionchar acu ar chaillteanas ó thaithí sa tréimhse roimhe sin (mar shampla, an raibh rátaí mainneachtana níos airde ná an meán san institiúid, nó níos airde ná na LGDanna agus na comhéifeachtaí coinbhéartachta ar an meán);
- (i) meastacháin na hinstitiúide i gcoinne torthaí iarbhír thar thréimhse níos faide. Áireofar leo sin, ar a laghad ar bith, faisnéis faoi mheastacháin ar chaillteanas i gcoinne cailteanas iarbhír i ngach aicme risíochta (i gcás miondíola, i gcás gach ceann de na catagóirí a leagtar amach i bpointe (c)(iv) thar thréimhse ar leor é chun deis a thabhairt measúnú fóinteach a dhéanamh ar fheidhmíocht na bpróiseas rátála inmheánaí do gach aicme risíochta (i gcás miondíola, maidir le gach ceann de na catagóirí a leagtar amach i bpointe (c)(iv). Nuair is iomchuí, déanfaidh na hinstitiúidí dianscaoileadh breise air sin chun anailís a thabhairt ar PD agus, i gcás na n-institiúidí a úsáideann a gcuid meastachán féin ar LGDanna nó ar chomhéifeachtaí coinbhéartachta, torthaí LGD agus factóirí coinbhéartachta i gcoinne na meastachán arna gcur ar fáil sna nochtuithe maidir le measúnú cainníochtúil ar príacal a leagtar amach san Airteagal sin;
- (j) maidir le gach aicme risíochta a shonraítear in Airteagal 147 agus maidir le gach catagóir risíochta dá gcomhfhreagraíonn na comhghaolta éagsúla in Airteagal 154(1) go 154 (4), comhfhreagraíonn siad:
- (i) leis na hinstitiúidí a úsáideann a meastacháin LGD féin chun méideanna risíochta a ualaítear ó thaobh príacal a ríomh, an meán ualaithe ó thaobh na risíochta ar LGD agus PD i gcéatadán maidir le gach suíomh geografach ábhartha de risíochtaí ar chreidmheas;
- (ii) leis na hinstitiúidí nach n-úsáideann a gcuid meastachán LGD féin, an meánluach PD ualaithe ó thaobh na risíochta i gcéatadán maidir le gach suíomh geografach ábhartha de risíochtaí ar chreidmheas.

**▼B**

Chun críocha phointe (c), áireofar sa tuairisc na cineálacha risíochta atá ar áireamh in aicme na risíochta, na sainmhínte, na modhanna agus na sonraí chun meastachán agus bailíochtú a dhéanamh ar PD agus, más infheidhme, ar LGD agus ar fhachtóirí coinbhéartachta, lena n-áirítear toimhdí arna n-úsáid i ndiorthú na n-athróg sin, agus na tuairiscí ar chásanna ina n-imítear ón sainmhíniú ar mhainneachtain mar atá leagtha amach in Airteagal 178, lena n-áirítear na deighleoga leathana a ndearna imeacht den sórt sin difear dóibh.

Chun críocha phointe (j), ciallaíonn an suíomh geografach ábhartha de risíochtaí ar chreidmheas risíochtaí sna Ballstáit ina bhfuil an institiúid údaráithe agus Ballstáit nó tríú tíortha ina ndéanann institiúidí gníomhaíochtaí trí bhainse nó trí fhochuideachta.

*Airteagal 453***Teicnící a úsáid chun an priacal creidmheasa a mhaolú**

Déanfaidh institiúidí a úsáideann teicnící chun priacal creidmheasa a mhaolú an fhaisnéis seo a leanas a nochtadh:

- (a) na beartais agus na próisis a bhaineann le glanluacháil laistigh agus lasmuigh den chlár comhardaithe agus léiriú ar a mhéid a bhaineann an t-eintiteas úsáid aisti;
- (b) na beartais agus na próisis chun luacháil agus bainistíocht a dhéanamh ar chomhthaobhacht;
- (c) tuairisc ar na príomhchineálacha comhthaobhachta arna nglacadh ag an institiúid;
- (d) na príomhchineálacha ráthóirí agus chontrapháirtithe díorthach creidmheasa agus a n-acmhainneacht;
- (e) faisnéis faoi chomhchruinnithe margaidh nó priacal creidmheasa laistigh den mhaolú creidmheasa a glacadh;
- (f) maidir le hinstitiúidí a ríomhann méideanna risíochta a ualaítear ó thaobh priacal faoin gCur Chuige Caighdeánaithe nó faoin gCur Chuige IRB, ach nach dtugann meastachán dá gcuid féin ar LGDanna ná ar fhachtóirí coinbhéartachta maidir le haicme na risíochta, i gcás gach aicme risíochta ar leithligh, luach iomlán na risíochta (tar éis, nuair is infheidhme, glanluacháil a dhéanamh laistigh nó lasmuigh den chlár comhardaithe) atá cumhdaithe — tar éis coigeartuithe luaineachta a bheith curtha i bhfeidhm — le comhthaobhacht airgeadais incháilithe, agus le comhthaobhacht incháilithe eile;
- (g) maidir le hinstitiúidí a ríomhann méideanna risíochta a ualaítear ó thaobh priacal faoin gCur Chuige Caighdeánaithe nó faoin gCur Chuige IRB, i gcás gach aicme risíochta ar leithligh, an risíocht iomlán (tar éis, nuair is infheidhme, glanluacháil a dhéanamh laistigh nó lasmuigh den chlár comhardaithe) atá cumhdaithe le ráthaíochtaí nó le díorthaigh chreidmheasa. Maidir le haicme na risíochta ar chothromas, beidh feidhm ag an gceanglas seo maidir le gach ceann de na cineálacha cur chuige a bhfuil foráil déanta dóibh in Airteagal 155.

**▼B***Airteagal 454***Ardmhodhanna Tomhais i leith priacal oibriúcháin a úsáid**

Na hinstitiúidí a úsáideann na hArdmhodhanna Tomhais atá leagtha amach in Airteagail 321 go 324 chun a gceanglais cistí dílse in aghaidh priacal oibriúcháin a ríomh, déanfaidh siad tuairisc a nochtadh maidir leis an úsáid a bhaineann siad as árachais agus as sásraí aistrithe priacal eile ar mhaithe leis an priacal sin a mhaolú.

*Airteagal 455***Samhlacha Inmheánacha um Priacal Margaidh a Úsáid**

Déanfaidh institiúidí a ríomhann a gcuid ceanglas caipitil i gcomhréir le hAirteagal 363 an fhaisnéis seo a leanas a nochtadh:

- (a) maidir le gach fophunann atá cumhdaithe:
  - (i) saintréithe na samhlacha a úsáideadh;
  - (ii) nuair is infheidhme, i gcás na samhlacha inmheánacha do priacal incriminteach mainneachtana agus maolaithe agus i gcás trádála comhghaoil, na modheolaíochtaí a úsáideadh agus na priacail arna dtomhas trí úsáid a bhaint as samhail inmheánach lena n-áirítear tuairisc ar an gcur chuige a d'úsáid an institiúid chun tréimhsí leachtachta a chinneadh, na modheolaíochtaí a úsáideadh chun measúnú caipitil a bhaint amach atá comhsheasmhach leis an gcaighdeán iontaofachta a theastaíonn agus na cineálacha cur chuige a úsáideadh chun an tsamhail a bhailíochtú;
  - (iii) tuairisc ar an tástáil struis a cuireadh i bhfeidhm ar an bhfophunann;
  - (iv) tuairisc ar na cineálacha cur chuige a úsáideadh chun cruinneas agus comhsheasmhacht na samhlacha inmheánacha agus na bpróiseas samhaltaithe a iarthástáil agus a bhailíochtú;
- (b) raon feidhme chead an údaráis inniúil;
- (c) tuairisc ar mhéid agus ar na modheolaíochtaí chun na ceanglais atá leagtha amach in Airteagal 104 agus Airteagal 105 a chomhlíonadh;
- (d) an tomhas is airde, is ísle agus an meán díobh seo a leanas:
  - (i) na tomhais laethúla ar luach faoi phriacal thar an tréimhse tuairiscithe agus amhail ag deireadh na tréimhse;
  - (ii) na tomhais struis ar an luach faoi phriacal thar an tréimhse tuairiscithe agus amhail ag deireadh na tréimhse;
  - (iii) líon na priacail maidir le priacal incriminteach mainneachtana agus maolaithe agus maidir le priacal sonracha na punainne trádála comhghaoil thar an tréimhse tuairiscithe agus amhail ag deireadh na tréimhse;

**▼B**

- (e) na heilimintí den cheanglas cistí dílse mar a shonraítear in Airteagal 364;
- (f) an mheántréimhse leachtachta ionchasach ualaithe do gach fophunann atá cumhdaithe leis na samhlacha inmheánacha maidir le priacal incriminteach mainneachtana agus maolaithe agus maidir le trádáil chomhghaoil;
- (g) comparáid idir na tomhais laethúla ar luach faoi phriacal ag deireadh an lae agus na hathruithe lá amháin ar luach na punainne faoi dheireadh an lae gnó ina dhiaidh sin mar aon le hanailís ar aon róluaineacht thábhachtach i rith na tréimhse tuairiscithe.

## CUID A NAOI

**GNÍOMHARTHA TARMLIGTHE AGUS GNÍOMHARTHA CUR CHUN FEIDHME***Airteagal 456***Gníomhartha tarmlichte**

1. Tabharfar an chumhacht don Choimisiún gníomhartha tarmlichte a ghlacadh, i gcomhréir le hAirteagal 462, maidir leis na gnéithe seo a leanas:
  - (a) soiléiriú ar na sainmhínithe atá leagtha amach in Airteagail 4, 45, 142, 153, 192, 242, 272, 300, 381 agus 411 d'fhonn cur i bhfeidhm aonfhoirmeach an Rialacháin sin a áirithiú.
  - (b) soiléiriú ar na sainmhínithe atá leagtha amach in Airteagail 4, 45, 142, 153, 192, 242, 272, 300, 381 agus 411 d'fhonn forbairtí ar mhargaí airgeadais a chur san áireamh, le linn chur i bhfeidhm an Rialacháin seo.
  - (c) leasú ar an liosta d'aicmí na risíochta in Airteagal 112 agus Airteagal 147 d'fhonn forbairtí ar mhargaí airgeadais a chur san áireamh;
  - (d) an méid a shonraítear i bpointe c d'Airteagal 123, Airteagal 147(5)(a), Airteagal 153(4) agus Airteagal 162(4), chun éifeachtaí boilscithe a chur san áireamh;
  - (e) liosta agus aicmiú na n-ítimí sin atá lasmuigh den chlár comhardaithe in Iarscibhinn I agus II, d'fhonn forbairtí ar mhargaí airgeadais a chur san áireamh;
  - (f) coigeartú ar na catagóirí de ghnólachtaí infheistíochta in Airteagal 95(1) agus Airteagal 96(1) chun forbairtí ar mhargaí airgeadais a chur san áireamh;
  - (g) soiléiriú ar an gceanglas atá leagtha síos in Airteagal 97 d'fhonn cur i bhfeidhm aonfhoirmeach an Rialacháin sin a áirithiú.
  - (h) leasú ar cheanglais chistí dílse mar a leagtar amach in Airteagal 301 go hAirteagal 311 den Rialachán seo iad agus Airteagail 50a go 50d de Rialachán (AE) 648/2012 agus leis na forbairtí nó na leasuithe a dhéanfar ar na caighdeáin idirnáisiúnta do risíochtaí ar chontrapháirtí lárnach;

**▼B**

- (i) soiléiriú ar na téarmaí dá dtagraítear sna díolúintí dá bhforáiltear in Airteagal 400;
- (j) leasú ar an tomhas caipitil agus ar thomhas na risíochta iomláine ar an gcóimheas luamhánaithe dá dtagraítear in Airteagal 429(2) d'fhonn aon easnamh a aimsíodh a cheartú ar bhonn an tuairiscithe dá dtagraítear in Airteagal 430(1) sula gcaithfidh institiúidí an cóimheas luamhánaithe a fhoilsiú mar atá leagtha amach in Airteagal 451(1)(a).

2. Déanfaidh ÚBE faireachán ar na ceanglais chistí dílse do priacal coigeartaithe luachála creidmheasa agus tiolacfaidh sé tuarascail don Choimisiún faoin 1 Eanáir 2015. Is é seo a leanas, go háirithe, a mheasfar sa tuarascáil sin:

- (a) láimhseáil priacal a bhaineann le coigeartú luachála creidmheasa mar mhuirear neamhspleách seachas mar ghné chomhdhlúite den chreat priacal margaidh
- (b) raon feidhme an mhuirir priacal  $C_{VA}$  lena n-áirítear an díolúine in Airteagal 482;
- (c) fálú incháilithe;
- (d) ceanglais chaipitil ó thaobh priacal  $C_{VA}$  a ríomh;

Ar bhonn na tuarascála sin agus i gcás ina gcinntear gur gá sin a dhéanamh, tabharfar de chumhacht freisin don Choimisiún gníomh tarmligthe a ghlacadh i gcomhréir le hAirteagal 462 chun Airteagal 381, 382(1)(4) go (3) agus Airteagal 383 go hAirteagal 386 a leasú maidir leis na hítimí sin.

*Airteagal 457***Coigeartuithe teicniúla agus ceartuithe teicniúla**

Beidh sé de chumhacht ag an gCoimisiún gníomhartha tarmligthe a ghlacadh i gcomhréir le hAirteagal 462, chun coigeartú teicniúil agus ceartuithe teicniúla a dhéanamh ar eilimintí neamhriachtanacha sna forálacha seo a leanas d'fhonn forbairtí nua maidir le táirgí nua airgeadais nó maidir le gníomhaíochtaí nua airgeadais a chur san áireamh d'fhonn coigeartuithe a dhéanamh lena gcuirfear forbairtí san áireamh tar éis an Rialachán seo a ghlacadh i ngníomhartha reachtacha eile de chuid an Aontais maidir le seirbhísí airgeadais agus cuntasáíocht, lena n-áirítear caighdeáin chuntasaíochta bunaithe ar Rialachán Uimh. (AE) 1606/2002:

- (a) na ceanglais cistí dílse le haghaidh priacal creidmheasa a leagtar síos in Airteagail 111 go 134, agus in Airteagail 143 go 191;
- (b) na héifeachtaí atá ag maolú priacal creidmheasa i gcomhréir le hAirteagail 193 go 241;

**▼M5**

- (c) na ceanglais cistí dílse maidir le hurrúsú a leagtar síos in Airteagal 242 go hAirteagal 270a;



**▼B**

- (d) na ceanglais cistí dílse maidir le priacail creidmheasa an chontrapháirtí i gcomhréir le hAirteagail 272 go 311;
- (e) na ceanglais cistí dílse le haghaidh priacal oibriúcháin a leagtar síos in Airteagail 315 go 324;
- (f) na ceanglais cistí dílse le haghaidh priacal margaidh a leagtar síos in Airteagail 325 go 377;
- (g) na ceanglais cistí dílse le haghaidh priacal socraíochta a leagtar síos in Airteagal 378 agus Airteagal 379;
- (h) na ceanglais cistí dílse le haghaidh coigeartú luachála creidmheasa a leagtar síos in Airteagail 383, 384 agus 386;
- (i) Cuid a Dó agus Airteagal 99 amháin de toradh ar fhorbairtí sna caighdeáin chuntasaíochta nó na ceanglais lena gcuirtear reachtaíocht an Aontais san áireamh.

*Airteagal 458***Priacal macrastuamachta nó sistéamach arna shainiú ar leibhéal an Bhallstáit**

1. Ainmneoidh na Ballstáit an t-údarás atá i bhfeighil ar an Airteagal seo a chur i bhfeidhm. Is é an t-údarás inniúil nó an t-údarás ainmnithe a bheidh i gceist leis an údarás sin.
2. Sa chás ina shainiúnn údarás a dhearbhaítear i gcomhréir le mír 1 athruithe maidir le déine an phriacail shistéamaigh nó an phriacail mhacrastuamachta sa chóras airgeadais ag a mbeadh iarmhairtí tromchúiseacha diúltacha ar an gcóras airgeadais agus ar an ngeilleagar iarbhír i mBallstát sonracha a measann an t-údarás sin go dtabharfaí aghaidh orthu ar bhealach níos fearr trí bhearta náisiúnta níos doichte, tabharfaidh sé fógra do Pharlaimint na hEorpa, don Chomhairle, don Choimisiún, don Bhord Eorpach um Riosca Sistéamach (BERS) agus don Údarás Eorpach Baincíreachta (ÚBE) maidir leis sin agus tabharfaidh siad fianaise ábhartha chainníochtúil agus cháilíochtúil i leith na nithe go léir seo a leanas:
  - (a) athruithe maidir le déine an phriacail shistéamaigh nó an phriacail mhacrastuamachta
  - (b) na cúiseanna a d'fhéadfadh athruithe den chineál sin bagairt a dhéanamh ar chobhsaíocht airgeadais ar leibhéal náisiúnta.
  - (c) údar maidir leis an bhfáth nach féidir le hAirteagal 124 agus 164 den Rialachán seo ná le hAirteagal 101, 103, 104, 105, 133 agus 136 de Threoir 2013/36/AE aghaidh leordhóthanach a thabhairt ar an bpríacal macrastuamachta nó sistéamach sainaitheanta agus éifeachtacht choibhneasta na mbeart sin á cur san áireamh.
  - (d) dréachtbhearta náisiúnta d'institiúidí atá údararaithe sa bhaile, nó fothacar de na hinstiúidí sin, chun na hathruithe i ndéine an priacal agus na athruithe lena mbaineann an méid a leanas a mhaolú:
    - (i) leibhéal na gcistí dílse atá leagtha síos in Airteagal 92;
    - (ii) na ceanglais i gcomhair risíochtaí móra atá leagtha síos in Airteagal 392 agus in Airteagal 395 go 403;

**▼B**

- (iii) na ceanglais maidir le nochtadh poiblí atá leagtha síos in Airteagal 431 go 455; nó
- (iv) leibhéal an an mhaoláin chaomhnaithe mar a leagtar síos in Airteagal 129 de Threoir 2013/36/AE é;
- (v) Ceanglais maidir le leachtacht a leagtar síos i gCuid a Sé;

**▼C2**

- (vi) Ualuithe priacal chun díriú ar bholgáin sócmhainní in earnáil na maoinne cónaithe agus na maoinne dochorraithe; nó

**▼B**

- (vii) Risíochtaí inearnála airgeadais

- (e) míniú ar an bhfáth a mheasann na húdaráis dearbhaithe i gcomhréir le mír 1 go bhfuil dréachtbhearta den chineál sin oiriúnach, éifeachtach agus cohmréireach chun aghaidh a thabhairt ar an gcás; agus
- (f) measúnú ar thionchar dóchúil dearfach nó diúltach na ndr éachtbheart ar an margadh aonair bunaithe ar fhaisnéis atá ar fáil don Bhallstát lena mbaineann.

3. Nuair atá siad údaraithe bearta náisiúnta a chur i bhfeidhm i gcomhréir leis an Airteagal seo, cuirfidh na húdaráis a dhearbhaítear i gcomhréir le mír 1 gach faisnéis ábhartha ar fáil do na húdaráis inniúla ábhartha nó na húdaráis ainmnithe sna Ballstáit eile.

4. Déantar an chumhacht gníomh cur chun feidhme a ghlacadh chun diúltú do na dréachtbhearta náisiúnta atá molta agus dá dtagraítear i bpointe (d) de mhír 2 a thabhairt don Chomhairle, ag gníomhú di trí thromlach cáilithe, ar thogra ón gCoimisiún.

Laistigh de mhí amháin tar éis dóibh an fógra dá dtagraítear i mír 2 a fháil, cuirfidh BERS agus ÚBE a dtuairimí maidir leis na pointí a luaitear sa mhír sin chuig an gComhairle chuig an gCoimisiún agus chuig na Ballstáit lena mbaineann.

Agus na tuairimí dá dtagraítear sa dara fómhír á gcur san áireamh go hiomlán agus i gcás ina mbeidh fianaise stóinseach, láidir, mionsonraíthe ann go mbeidh tionchar diúltach ag an mbeart ar an margadh inmheánach a sháróidh na buntáistí a bheidh ann i leith na cobhsaíochta airgeadais de dhroim laghdú sna priacail mhacrastuamacha nó shistéamacha a shaináithnítear, féadfaidh an Coimisiún, laistigh de mhí amháin, gníomh cur chun feidhme a mholadh don Chomhairle chun diúltú do na dréachtbhearta náisiúnta atá molta.

Mura dtíolacfaidh an Coimisiún togra laistigh den tréimhse míosa amháin sin, féadfaidh an Ballstát lena mbaineann na dréachtbhearta náisiúnta a ghlacadh láithreach ar feadh tréimhse suas go dtí dhá bhliain nó go dtí go mbeidh deireadh leis an bpríacal macrastuamachta nó sistéamach más luaithe a tharlaíonn sin.

Déanfaidh an Chomhairle cinneadh maidir leis an togra ón gCoimisiún laistigh de mhí amháin tar éis an togra a fháil agus sonrú sí na cúiseanna atá aici leis na dréachtbhearta náisiúnta dhiúltú nó gan iad a dhiúltú.

**▼B**

Ní dhiúltóidh an Chomhairle do na dréachtbhearta náisiúnta atá molta má mheasann sí nach bhfuil ceann amháin nó níos mó ná sin de na coinníollacha seo a leanas comhlíonta:

- (a) gur de chineál iad na hathruithe i ndéine an phriacail mhacrastuamachta nó shistéamaigh go bhféadfadh priacal eascairt astu do chobhsaíocht airgeadais ar an leibhéal náisiúnta;
- (b) nach féidir le hAirteagal 124 agus 164 den Rialachán seo ná le hAirteagal 101, 103, 104, 105, 133 agus 136 de Threoir 2013/36/AE aghaidh leordhóthanach a thabhairt ar an bpríacal macrastuamachta nó sistéamach sainaitheanta agus éifeachtacht choibhneasta na mbeart sin á cur san áireamh;
- (c) gur oiriúnaí na dréachtbhearta náisiúnta atá molta chun aghaidh a thabhairt ar an bpríacal macrastuamachta nó corásach agus nach mbaineann droch-éifeachtaí míréireacha leo ar an gcóras airgeadais ar an iomlán nó ar chodanna de i mBallstáit eile nó san Aontas ina iomláine, lena gcruthaítear dá bharr sinn bac ar fheidhmiú an mhargaidh inmheánaigh;
- (d) nach mbaineann an tsaincheist ach le Ballstát amháin agus
- (e) nár tugadh aghaidh ar na priacail cheana le bearta sa Rialachán seo nó sa Treoir 2013/36/AE.

Tabharfar ar aird i measúnú na Comhairle tuairim BERS agus ÚBE agus beidh sé bunaithe ar fhianaise arna cur i láthair i gcomhréir le mír 1 ag an údarás dearbhaithe i gcomhréir le mír 1.

In éagmais gníomh cur chun feidhme ón gComhairle chun diúltú do na dréachtbhearta náisiúnta atá á moladh laistigh de mhí amháin tar éis don Choimisiún an togra a fháil, féadfaidh an Ballstát na bearta a ghlacadh agus iad a chur i bhfeidhm ar feadh tréimhse suas go dhá bhliain nó go dtí go mbeidh deireadh leis an bpríacal macrastuamachta nó sistéamach más luaithe a tharlaíonn sin.

5. Féadfaidh Ballstáit eile an beart a shocraítear i gcomhréir leis an Airteagal seo aithint agus féadfaidh siad na bearta a chur i bhfeidhm maidir le brainsí atá údararaithe sa bhaile agus lonnaithe sa Bhallstát a bhfuil údar aige na bearta a chur i bhfeidhm.

6. Sa chás ina n-aithníonn na Ballstáit na bearta a shocraítear i gcomhréir leis an Airteagal seo, tabharfaidh siad fógra don Chomhairle, don Choimisiún, do ÚBE, do BERS agus don Bhallstát a bhfuil údar aige na bearta a chur i bhfeidhm.

7. Agus cinneadh á dhéanamh aige an aithneoidh sé na bearta a shocraítear i gcomhréir leis an Airteagal seo nó nach n-aithneoidh sé iad, cuirfidh an Ballstát na critéir a leagtar amach i mír 4 san áireamh.

8. Féadfaidh an Ballstát a bhfuil údar aige na bearta a chur i bhfeidhm iarraidh ar BERS moladh a eisiúint dá dtagraítear in Airteagal 16 de Rialachán (AE) Uimh. 1092/2010 do cheann amháin nó níos mó de na Ballstáit nach dtugann aitheantas do na bearta.

**▼B**

9. Roimh dhul in éag don údarú a eisítear i gcomhréir le mír 4, déanfaidh an Ballstát athbhreithniú ar an gcás, i gcomhairliúchán le BERS agus leÚBE, agus féadfaidh sé cinneadh nua a ghlacadh i gcomhréir leis an nós imeachta dá dtagraítear i mír 2, chun síneadh achur leis an tréimhse ina gcuirfear bearta náisiúnta i bhfeidhm go ceann bliain amháin bhreise gach uair. Tar éis an chéad sínidh, déanfaidh an Coimisiún, i gcomhairle le BERS agus ÚBE, athbhreithniú ar a laghad gach bliain ar an gcás.

10. D'ainneoin an nós imeachta mar a leagtar amach é i mír 3 go mír 9, beidh cead ag na Ballstáit na hualuithe príacal a mhéadú thar na hualuithe sin suas go 25 % a sholáthraítear sa Rialachán seo do na risíochtaí a aithnítear i mír 2(d) den Airteagal sin agus teorainn na risíochta móire suas go 15 % a sholáthraítear in Airteagal 395 a theannadh, ar feadh tréimhse suas go dtí dhá bhliain nó go dtí go mbeidh deireadh leis an príacal macrastuamachta nó sistéamach más luaithe a tharlaíonn sin, ar an gcoinníoll go gcomhlíontar na coiníollacha agus na ceanglais maidir le fógra a thabhairt atá i mír 2 den Airteagal sin.

*Airteagal 459***Ceanglais stuamachta**

1. Tabharfar an chumhacht don Choimisiún gníomhartha tarmligthe a ghlacadh i gcomhréir le hAirteagal 462, chun ceanglais níos déine stuamachta a fhorchur, ar feadh tréimhse bliana, maidir le risíochtaí nuair is gá sin chun aghaidh a thabhairt ar athruithe maidir le déine na príacaíl micreastuamachta agus macrastuamachta a eascraíonn ó fhorbairtí margaidh san Aontas nó taobh amuigh den Aontas a bhfuil tionchar acu ar na Bhallstáit go léir, agus nach bhfuil ionstraimí an Rialacháin sin ná Treoir 2013/36/AE leordhóthanach chun aghaidh a thabhairt ar na príacaíl sin, go háirithe ar mholadh nó tuairim ó BERS nó ÚBE, maidir leis an méid a leanas:

- (a) leibhéal na gcistí dílse atá leagtha síos in Airteagal 92;
- (b) na ceanglais i gcomhair risíochtaí móra atá leagtha síos in Airteagal 392 agus in Airteagal 395 go 403
- (c) na ceanglais maidir le nochtadh poiblí atá leagtha síos in Airteagal 431 go 455.

Cuirfidh an Coimisiún i gcomhair le BERS, ar bhonn bliantúil ar a laghad, tuarascáil chuig Parlaimint na hEorpa agus chuig an gComhairle, maidir le forbairtí margaidh óna bhféadfadh úsáid Airteagal 443B a bheith ag teastáil.

*Airteagal 460***Leachtacht****▼M8**

1. Tabharfar de chumhacht don Choimisiún chun an Rialachán seo a fhorlíonadh trí ghníomhartha tarmligthe a ghlacadh i gcomhréir le hAirteagal 462 d'fhonn mionsonrú a thabhairt ar an gceanglas ginearálta a leagtar amach in Airteagal 412(1). Is ar na hítimí atá le tuairisciú i gcomhréir le Teideal II de Chuid a Sé agus le hIarscríbhinn III a bhunófar gníomhartha tarmligthe a ghlacfar i gcomhréir leis an mír seo, agus sonrú ann na cúinsí faoina mbeidh ar údarais inniúla leibhéal shonracha insreibe nó eis-sreibe a fhorchur ar institiúidí d'fhonn príacaíl shainiúla ar a bhfuil siad ar ris a ghabháil agus a urramófar leis na tairseacha a leagtar amach i mír 2 den Airteagal seo.

**▼M8**

Tabharfar de chumhacht don Choimisiún an Rialachán seo a fhorlíonadh trí ghníomhartha tarmligthe a ghlacadh ina sonraítear na ceanglais leachtachta mhionsonraithe chun críocha chur i bhfeidhm Airteagal 8(3), Airteagal 411 go 416, Airteagal 419, Airteagal 422, Airteagal 425, Airteagal 428a, Airteagal 428f, Airteagal 428g, Airteagal 428j go 428n, Airteagal 428p, Airteagal 428r, Airteagal 428s, Airteagal 428w, Airteagal 428ae, Airteagal 428ag, Airteagal 428ah, Airteagal 428ak agus Airteagal 451a.

**▼B**

2. Tabharfar isteach an ceanglas maidir le cumhdach leachtachta dá dtagraítear in Airteagal 412 i gcomhréir leis an gcéimniú isteach seo a leanas:

- (a) 60 % den cheanglas maidir le cumhdach leachtachta in 2015;
- (b) 70 % amhail ón 1 Eanáir 2016;
- (c) 80 % amhail ón 1 Eanáir 2017;
- (d) 100 % amhail ón 1 Eanáir 2018.

Chun na críche sin, déanfaidh an Coimisiún na tuarascálacha dá dtagraítear in Airteagal 509(1) agus Airteagal 509(3) agus caighdeáin idirnáisiúnta atá forbartha ag fóraim idirnáisiúnta mar aon le sonraíochtaí an Aontais a chur san áireamh.

Déanfaidh an Coimisiún an gníomh tarmligthe dá dtagraítear i mír 1 a ghlacadh faoin 30 Meitheamh 2014. Tiocfaidh sé i bhfeidhm faoin 31 Nollaig 2014, ach ní bheidh feidhm aige roimh an 1 Eanáir 2015.

**▼M8**

3. Tabharfar de chumhacht don Choimisiún an Rialachán seo a leasú trí ghníomh tarmligthe a ghlacadh i gcomhréir le hAirteagal 462 chun an liosta táirgí nó seirbhísí a leagtar amach in Airteagal 428f(2) a leasú i gcás ina measfaidh sé go gcomhlíonann sócmhainní agus dliteanais a bhfuil baint dhíreach acu le táirgí nó seirbhísí eile na coinníollacha a leagtar amach in Airteagal 428f(1).

Déanfaidh an Coimisiún an gníomh tarmligthe dá dtagraítear sa chéad fhomhír a ghlacadh faoin 28 Meitheamh 2024.

**▼B***Airteagal 461***Athbhreithniú ar an gceanglas maidir le cumhdach leachtachta a chéimniú isteach**

1. Tabharfaidh ÚBE, tar éis dul i gcomhairle le BERS, tuarascáil don Choimisiún faoin 30 Meitheamh 2016 maidir le cé acu ar cheart céimniú isteach an cheanglais maidir le cumhdach leachtachta mar a shonraítear in Airteagal 460(1a) é a leasú. San anailís sin, tabharfar aird chuí ar a bhfuil ag titim amach sa mhargadh agus ó thaobh na rialála idirnáisiúnta agus ar shonraíochtaí an Aontais.

Sa tuarascáil ón ÚBE, déanfar measúnú go háirithe ar thabhairt isteach iarchurtha an íoschaighdeáin cheangailtigh 100 %, go dtí an 1 Eanáir 2019. Déanfar na tuarascálacha bliantúla dá dtagraítear in Airteagal 509(1), sonraí ábhartha an mhargaidh agus moltaí uile na nÚdarás Inniúil a chur san áireamh sa tuarascáil.

**▼B**

2. I gcás inar gá chun aghaidh a thabhairt ar fhorbairtí sa mhargadh agus ar forbairtí eile, tabharfar an chumhacht don Choimisiún gníomh tarmligthe a ghlacadh i gcomhréir le hAirteagal 462 chun an céimniú isteach a shonraítear in Airteagal 460a athrú chun iarchur a dhéanamh ar íoschaighdeán ceangailteach 100 % a thabhairt isteach don cheanglas maidir le cumhdach leachtachta a leagtar amach in Airteagal 412(1) agus chun íoschaighdeán ceangailteach 90 % a chur i bhfeidhm don cheanglas maidir le cumhdach leachtachta.

Chun measúnú a dhéanamh ar an ngá atá le hiarchur a dhéanamh, déanfaidh an Coimisiún an tuarascáil agus an measúnú dá dtagraítear i mír 1 a chur san áireamh.

Ní bheidh feidhm ag gníomh tarmligthe a ghlacfar i gcomhréir leis an Airteagal seo roimh an 1 Eanáir 2018 agus tiocfaidh sé i bhfeidhm an 30 Meitheamh 2017.

**▼M8***Airteagal 461a***Cur chuige caighdeánaithe malartach le haghaidh priacal margaidh**

Chun críocha na gceanglas tuairiscithe a leagtar amach in Airteagal 430b(1), tugtar an chumhacht don Choimisiún gníomhartha tarmligthe a ghlacadh i gcomhréir le hAirteagal 462, d'fhonn an Rialachán seo a leasú trí choigeartuithe teicniúla a dhéanamh ar Airteagail 325e, 325g go 325j, 325p, 325q, 325ae, 325ak, 325am, 325ap go 325at, 325av, 325ax, agus sonrú a dhéanamh ar ualú risíochta bhui céad 11 de Thábla 4 in Airteagal 325ah, agus sonrú a dhéanamh hualuithe priacail bannaí faoi chumhdach arna n-eisiúint ag institiúidí creidmheasa i dtríú tíortha i gcomhréir le hAirteagal 325ah a shonrú, agus sonrú a dhéanamh ar chomhghaolú na mbannaí faoi chumhdach arna n-eisiúint ag institiúidí creidmheasa i dtríú tíortha i gcomhréir le hAirteagal 325aj den chur chuige caighdeánaithe malartach a leagtar amach i gCaibidil 1a de Theideal IV de Chuid a Trí, agus aird á thabhairt ar fhorbairtí maidir le caighdeáin rialála idirnáisiúnta.

Glacfaidh an Coimisiún an gníomh tarmligthe dá dtagraítear i mír 1 faoin 31 Nollaig 2019.

*Airteagal 462***An tarmligeán a fheidhmiú**

1. Is faoi réir na gcoinníollacha a leagtar síos san Airteagal seo a thugtar an chumhacht don Choimisiún chun gníomhartha tarmligthe a ghlacadh.

2. Tabharfar an chumhacht chun gníomhartha tarmligthe a ghlacadh dá dtagraítear in Airteagail 244(6) agus 245(6), in Airteagal 456 go hAirteagal 460 agus in Airteagal 461a go ceann tréimhse neamhchinntithe ama ón 28 Meitheamh 2013.

3. Féadfaidh Parlaimint na hEorpa nó an Chomhairle tarmligeán na cumhachta dá dtagraítear in Airteagail 244(6) agus 245(6), in Airteagal 456 go hAirteagal 460 agus in Airteagal 461a a chúlghairm tráth ar bith. Déanfaidh cinneadh chun cúlghairm a dhéanamh deireadh a chur le tarmligeán na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní bheidh éifeacht aige ar bhailíocht na ngníomhartha tarmligthe atá i bhfeidhm cheana féin.

**▼M8**

4. Roimh dó gníomh tarmligthe a ghlacadh, rachaidh an Coimisiún i mbun comhairliúchán le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinsti-tiúideach an 13 Aibreán 2016 maidir le Reachtóireacht Níos Fearr.

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.

6. Ní thiochfaidh gníomh tarmligthe arna ghlacadh de bhun Airteagal 244(6) agus Airteagal 245(6), Airteagal 456 go hAirteagal 460 agus Airteagal 461a i bhfeidhm ach amháin mura ndéanann Parlaimint na hEorpa ná an Chomhairle agóid ina choinne laistigh de thréimhse trí mhí ó fhógra faoin ngníomh sin a thabhairt do Pharlaimint na hEorpa agus don Chomhairle nó más rud é, sula dtéann an tréimhse sin in éag, go gcuireann Parlaimint na hEorpa agus an Chomhairle araon in iúl don Choimisiún nach ndéanfaidh siad agóid ina choinne. Déanfar an tréimhse sin a fhadú trí mhí ar thionscnamh Pharlaimint na hEorpa nó na Comhairle.

**▼B***Airteagal. 463***Agóidí i gcoinne caighdeán teicniúil**

I gcás ina nglacfaidh an Coimisiún caighdeán teicniúil rialála de bhun an Rialacháin sin is ionann agus an dréachtchaighdeán teicniúil rialála a bheidh tíolactha ag ÚBE, is aon mhí amháin ó dháta an fhógra a bheidh sa tréimhse a bhféadfaidh Parlaimint na hEorpa agus an Chomhairle agóid a dhéanamh i gcoinne an chaighdeáin theicniúil rialála sin lena linn. Ar thionscnamh ó Pharlaimint na hEorpa nó ón gComhairle, cuirfear síneadh aon mhí amháin leis an tréimhse sin. De mhaolú ar an dara fómhír d'Airteagal 13(1) de Rialachán (AE) Uimh. 1093/2010, féadfar síneadh breise aon mhí amháin a chur leis an tréimhse sin a bhféadfaidh Parlaimint na hEorpa agus an Chomhairle agóid a dhéanamh i gcoinne an chaighdeáin theicniúil rialála sin lena linn, i gcás inarb iomchuí.

*Airteagal 464***Coiste Baincéireachta Eorpach**

1. Beidh de chúnamh ag an gCoimisiún an Coiste Baincéireachta Eorpach a bunaíodh le Cinneadh 2004/10/CE<sup>(1)</sup> ón gCoimisiún. Coiste de réir bhrí Rialachán (AE) Uimh. 182/2011 a bheidh sa choiste sin.

2. I gcás ina ndéanfar tagairt don mhír seo, beidh feidhm ag Airteagal 5 de Rialachán (AE) Uimh. 182/2011.

<sup>(1)</sup> IO L 3, 7.1.2004, lch. 36.



CUID A DEICH

**FORÁLACHA IDIRTHRÉIMHSEACHA, TUARASCÁLACHA,  
ATHBHREITHNITHE AGUS LEASUITHE**

TEIDEAL I

**FORÁLACHA IDIRTHRÉIMHSEACHA**

*CAIBIDIL 1*

***Ceanglais cistí dílse, gnóthachain agus cailteanais neamhréadaithe  
arna dtomhas de réir luacha chóir agus asbhaintí***

Roinn 1

**Ceanglais cistí dílse**

*Airteagal 465*

**Ceanglais cistí dílse**

1. De mhaolú ar phointe (a) agus ar phointe (b) d'Airteagal 92(1) beidh feidhm ag na ceanglais cistí dílse seo a leanas le linn na tréimhse ón 1 Eanáir 2014 go dtí an 31 Nollaig 2014:

- (a) cóimheas caipitil de Ghnáthchothromas Leibhéal 1 de leibhéal a thagann faoi raon idir 4 % agus 4.5 %;
- (b) cóimheas caipitil de Leibhéal 1 de leibhéal a thagann faoi raon idir 5.5 % agus 6 %.

2. Déanfaidh na húdaráis inniúla leibhéil na gcóimheas caipitil de Ghnáthchothromas Leibhéal 1 agus de Leibhéal 1 lena gcloífidh institiúidí nó a sháróidh siad sna raonta a shonraítear i mír 1 a chinneadh agus a fhoilsíú.

*Airteagal 466*

**Caighdeán Idirnáisiúnta um Thuairisciú Airgeadais a chur i bhfeidhm den chéad uair**

De mhaolú ar Airteagal 24(2), déanfaidh údaráis inniúla am tosaigh 24 mhí a thabhairt d'institiúidí chun na próisis inmheánacha riachtanacha agus na ceanglais theicniúla a chur chun feidhme, ar institiúidí iad a gcuirtear de cheangal orthu sócmhainní agus ítimí atá lasmuigh den chlár comhardaithe a luacháil agus cistí dílse a chinneadh i gcomhréir leis na Caighdeáin Chuntasaíochta Idirnáisiúnta de réir mar is infheidhme faoi Rialachán (CE) Uimh. 1606/2002.

Roinn 2

**Gnóthachain agus cailteanais neamhréadaithe  
arna dtomhas ag luach cóir**

*Airteagal 467*

**Cailteanais neamhréadaithe arna dtomhas de réir luacha chóir**

1. De mhaolú ar Airteagal 35, i rith na tréimhse ón 1 Eanáir 2014 go dtí an 31 Nollaig 2017, ní dhéanfaidh institiúidí, le linn dóibh ítimí Ghnáthchothromas Leibhéal 1 a ríomh, ach amháin an céatadán is infheidhme de chailteanais neamhréadaithe a bhaineann le sócmhainní



**▼B**

nó le dliteanais a rinneadh a thomhas de réir luacha chóir agus a thuairisciú ar an gclár comhardaithe a áireamh, cé is moite dóibh sin dá dtagraítear in Airteagal 33 agus gach caillteanas neamhréadaithe eile a rinneadh a thuairisciú mar chuid den chuntas brabúis agus caillteanais.

2. Tiocfaidh an céatadán is infheidhme chun críocha mhír 1 faoi na raonta seo a leanas:

- (a) 20 % go 100 % le linn na tréimhse ón 1 Eanáir 2014 go dtí an 31 Nollaig 2014;
- (b) 40 % go 100 % i rith na tréimhse ón 1 Eanáir 2015 go dtí an 31.12.15;
- (c) 60 % go 100 % i rith na tréimhse ón 1 Eanáir 2016 go dtí an 31.12.16; agus
- (d) 80 % go 100 % don tréimhse idir an 1 Eanáir 2017 go dtí an 31 Nollaig 2017.

De mhaolú ar mhír 1, féadfaidh na húdaráis inniúla, sna cásanna sin inar cuireadh láimhseáil den sórt sin i bhfeidhm roimh an 1 Eanáir 2014, cead a thabhairt d'institiúidí gan a áireamh i ngné ar bith de chistí dílse gnóthachain nó caillteanais neamhréadaithe ar risíochtaí ar rialtais láir a aicmítear sa chatagóir "Ar Fáil lena nDíol" den IAS 39 a dtacaíonn an AE leis.

Cuirfear an láimhseáil a leagtar amach sa dara fomhír i bhfeidhm go dtí go nglacann an Coimisiún rialachán ar bhonn Rialachán (CE) Uimh1606/2002 lena dtacaítear leis an gCaighdeán Idirnáisiúnta um Thuairisciú Airgeadais a bheith ag gabháil ionad an IAS 39.

3. Déanfaidh na húdaráis inniúla an céatadán is infheidhme sna raonta a shonraítear i bpointe (a) go pointe (d) de mhír 2 a chinneadh agus a fhoilsiú;

*Airteagal 468***Gnóthachain neamhréadaithe arna dtomhas ag luach cóir**

1. De mhaolú ar Airteagal 35, i rith na tréimhse ón 1 Eanáir 2014 go dtí an 31 Nollaig 2017, asbhainfidh institiúidí óna geuid ítimí Ghnáthchothromas Leibhéal 1 an céatadán is infheidhme de ghnóthachain neamhréadaithe a bhaineann le sócmhainní nó le dliteanais a rinneadh a thomhas de réir luacha chóir agus a thuairisciú ar an gclár comhardaithe, cé is moite dóibh sin dá dtagraítear in Airteagal 33 agus gach gnóthachan neamhréadaithe eile amach uathu siúd a bhaineann le maoin infheistíochta a rinneadh a thuairisciú mar chuid den chuntas brabúis agus caillteanais. Ní asbhainfear an méid iarmharach a thiocfaidh as sin ó ítimí Ghnáthchothromas Leibhéal 1.

2. Chun críocha mhír 1, beidh an céatadán is infheidhme cothrom le 100 % i rith na tréimhse ón 1 Eanáir 2014 go dtí an 31 Nollaig 2014, agus tiocfaidh sé, tar éis an dáta sin, faoi na raonta seo a leanas:

- (a) 60 % go 100 % i rith na tréimhse ón 01.01.15 go dtí an 31.12.15;
- (b) 40 % go 100 % i rith na tréimhse ón 01.01.16 go dtí an 31.12.16;
- (c) 20 % go 100 % don tréimhse ón 1 Eanáir 2017 go dtí an 31 Nollaig 2017.

**▼B**

Amhail ón 1 Eanáir 2015, i gcás ina ndéanfaidh údarás inniúil ceangal a chur faoi Airteagal 467 ar institiúidí agus caipiteal de Ghnáthchothromas Leibhéal 1 á ríomh acu a áireamh 100 % dá gcaillteanais neamhréadaithe a rinneadh a thomhas de réir luacha chóir, féadfaidh an t-údarás inniúil sin a cheadú d'institiúidí freisin 100 % dá ngnóthachain neamhréadaithe de réir luacha chóir a chur san áireamh agus an méid sin á ríomh.

**▼C2**

Ón 1 Eanáir 2015, faoi Airteagal 467, sa chás ina gcuireann údarás inniúil ceanglas ar institiúidí céatadán de chaillteanais neamhréadaithe arna thomhas de réir luacha chóir a áireamh agus caipiteal de Ghnáthchothromas Leibhéal 1 á ríomh acu, ní dhéanfaidh an t-údarás inniúil sin céatadán a shocrú is infheidhme de ghnóthachain neamhréadaithe faoi mhír 2 den Airteagal seo arb é is toradh air céatadán de ghnóthachain neamhréadaithe a áirítear i ríomh Chaipiteal Gnáthchothromas Leibhéal 1 lena sárófar an céatadán is infheidhme de chaillteanais neamhréadaithe atá socraithe i gcomhréir le hAirteagal 467.

3. Déanfaidh na húdaráis inniúla an céatadán is infheidhme sna raonta a shonraítear i bpointe (a) go pointe (c); de mhír 2 atá asbhainte ón gcaipiteal de Ghnáthchothromas Leibhéal 1 a chinneadh agus a fhoilsiú.

4. De mhaolú ar Airteagal 30(1)(c), le linn na tréimhse ón 1 Eanáir 2013 go dtí an 31 Nollaig 2017, ní áireoidh institiúidí ina gcuid cistí dílse an céatadán is infheidhme, mar a shonraítear é in Airteagal 478, de na ghnóthachain agus na cailteanais ó dhliteanais dhíorthacha a eascraíonn as athruithe ar sheasamh creidmheasa dhílis institiúide. Ní rachaidh an céatadán a chuirfear i bhfeidhm ar ghnóthachain agus chaillteanais luacha cóir a eascraíonn as athruithe ar acmhainn chreidmheasa dhílis na hinstiúide thar an céatadán a chuirfear i bhfeidhm ar ghnóthachain luacha cóir a eascraíonn as athruithe ar sheasamh creidmheasa dhílis na hinstiúide.

**▼B**

## Roinn 3

**Asbhaintí**

## Foroinn 1

**Asbhaintí as ítimí ghnáthchothromais leibhéal 1***Airteagal 469***Asbhaintí as Ítimí Ghnáthchothromas Leibhéal 1**

1. De mhaolú ar Airteagal 36(1), i rith na tréimhse ón 1 Eanáir 2014 go dtí an 31 Nollaig 2017, beidh feidhm ag an méid seo a leanas:

- (a) asbhainfidh institiúidí ó ítimí Ghnáthchothromas Leibhéal 1 an céatadán is infheidhme a shonraítear in Airteagal 478 de na méideanna is gá a asbhaint de bhun phointí (a) go (h) d'Airteagal 36(1), cé is moite de shócmhainní cánach iarchurtha atá spleách ar bhrabúsacht todhchaí agus a thagann ó dhifriochtaí sealadacha;

**▼B**

- (b) cuirfidh institiúidí na forálacha ábhartha a leagtar síos in Airteagal 4723 i bhfeidhm maidir leis na méideanna iarmharacha is gá a asbhaint de bhun phointí (a) go (h) d'Airteagal 36(1), cé is moite de shócmhainní cánach iarchurtha atá ag brath ar bhrabúsacht todhchaí agus a thagann ó dhifriochtaí sealadacha;
- (c) asbhainfidh institiúidí ó ítimí Ghnáthchothromas Leibhéal 1 an céatadán is infheidhme a shonraítear in Airteagal 472 de na méideanna iomlána is gá a asbhaint de bhun phointí (c) go (i) d'Airteagal 36(1), tar éis Airteagal 470 a chur i bhfeidhm;
- (d) cuirfidh institiúidí na ceanglais a leagtar síos in Airteagal 472(5) nó in Airteagal 472(11) i bhfeidhm, de réir mar is iomchuí, maidir leis an méid iomlán iarmharach d'ítimí is gá a asbhaint de bhun phointí (c) go (i) d'Airteagal 36(1), tar éis Airteagal 470 a chur i bhfeidhm.

2. Déanfaidh institiúidí an cion den mhéid iarmharach iomlán dá dtagraítear i bpointe (d) de mhír 1, atá faoi réir Airteagal 472(4), a chinneadh tríd an méid a shonraítear i bpointe (a) den mhír sin a roinnt ar an méid a shonraítear i bpointe (b) den mhír sin:

- (a) méid na sócmhainní cánach iarchurtha atá spleách ar bhrabúsacht todhchaí agus a thagann as difriochtaí sealadacha dá dtagraítear i bpointe (a) d'Airteagal 470(2);
- (b) suim na méideanna dá dtagraítear i bpointe (a) agus i bpointe (b) d'Airteagal 470(2).

3. Déanfaidh institiúidí an cion den mhéid iarmharach iomlán dá dtagraítear i bpointe (d) de mhír 1, atá faoi réir Airteagal 472(10), a chinneadh tríd an méid a shonraítear i bpointe (a) den mhír sin a roinnt ar an méid a shonraítear i bpointe (b) den mhír sin:

- (a) méid na sealúchas díreach agus indíreach d'ionstraimí Ghnáthchothromas Leibhéal 1 dá dtagraítear i bpointe (b) d'Airteagal 470(2);
- (b) suim na méideanna dá dtagraítear i bpointe (a) agus i bpointe (b) d'Airteagal 470(2)

**▼M7***Airteagal 469a***Maolú ar asbhaintí ó ítimí Ghnáthchothromas Leibhéal 1 le haghaidh risíochtaí neamhthuillmheacha**

De mhaolú ar phointe (m) d'Airteagal 36(1), ní dhéanfaidh institiúidí an méid cumhdaigh neamhdhóthanaigh is infheidhme i leith risíochtaí neamhthuillmheacha a asbhaint ó ítimí Ghnáthchothromas Leibhéal 1 i gcás inar tionscnaíodh an risíocht roimh an 26.4.2019.

I gcás ina ndéanfaidh institiúid téarmaí agus coinníollacha risíochta a tionscnaíodh roimh an 26.4.2019 a athrú ar bhealach a mhéadóidh risíocht na hinstiúidí ar an oibleagáideoir, measfar gur tionscnaíodh an risíocht ar an dáta atá feidhm ag an athrú agus scoirfeáir í de bheith faoi réir an mhaolaithe dá bhforáiltear sa chéad fhomhír.

**▼B***Airteagal 470***Díolúintí ó asbhaint as ítimí Ghnáthchothromas Leibhéal 1**

1. Chun críocha an Airteagail seo, cuimseoidh ítimí Ghnáthchothromas Leibhéal 1 ítimí Ghnáthchothromas Leibhéal 1 na hinstitiúide a ríomhfar tar éis fhorálacha Airteagal 32 go dtí Airteagal 35 a chur i bhfeidhm agus na hasbhaintí a dhéanamh de bhun phointí (a) go (h) agus (k)(ii) go dtí k(v) agus (l) d'Airteagal 36(1), cé is moite de shócmhainní cánach iarchurtha atá spleách ar bhrabúsacht todhchaí agus a thagann ó dhifriochtaí sealadacha.

2. De mhaolú ar Airteagal 48(1), i rith na tréimhse ón 1 Eanáir 2014 go dtí an 31 Nollaig 2017, ní asbhainfidh institiúidí na hítimí a liostaítear i bpointe (a) agus i bpointe (b) den mhír sin atá, i bhfoirm chomhiomlán, cothrom le, nó níos lú ná, 15 % de na hítimí ábhartha de Ghnáthchothromas Leibhéal 1 na hinstitiúide:

(a) sócmhainní cánach iarchurtha atá spleách ar bhrabúsacht todhchaí agus a thagann ó dhifriochtaí sealadacha agus atá, i bhfoirm chomhiomlán, cothrom le, nó níos lú ná, 10 % de na hítimí ábhartha de Ghnáthchothromas Leibhéal 1;

(b) i gcás ina mbeidh infheistíocht shuntasach ag institiúid in eintiteas san earnáil airgeadais, sealúchais dhíreacha, indíreacha agus sintéiseacha atá ag an institiúid d'ítimí Ghnáthchothromas Leibhéal 1 an eintitis sin atá, i bhfoirm chomhiomlán, cothrom le, nó níos lú ná, 10 % de na hítimí ábhartha Ghnáthchothromas Leibhéal 1.

3. De mhaolú ar Airteagal 48(2), déanfar na hítimí a mbeidh díolúine acu ó asbhaint de bhun mhír 2 den Airteagal sin a ualú ó thaobh priacal ag 250 %. Beidh na hítimí dá dtagraítear i bpointe (b) de mhír 2 den Airteagal sin faoi réir cheanglais Theideal IV de Chuid a Trí, de réir mar is infheidhme.

*Airteagal 471***Díolúine ó Asbhaintí Gabháltas Cothromais i gCuideachtaí Árachais ó Ítimí Ghnáthchothromais Leibhéal 1****▼M8**

1. De mhaolú ar Airteagal 49, (1), i rith na tréimhse ón 31 Nollaig 2018 go dtí an 31 Nollaig 2024, féadfaidh institiúidí a chinneadh gan sealúchais cothromais a asbhaint i ngnóthais árachais, atharachais agus i gcuideachtaí sealbhaíochta árachais i gcás ina gcomhlíonfar na coinníollacha seo a leanas:

(a) na coinníollacha a leagtar amach i bpointe (a) agus (e) d'Airteagal 49(1);

(b) tá na húdaráis inniúla sásta le leibhéal an rialú priacail agus na nósanna imeachta anailíse airgeadais a ghlac an institiúid go sonrach d'fhonn faireachán a dhéanamh ar an infheistíocht sa ghnóthas nó sa chuideachta shealbhaíochta;

**▼M8**

- (c) ní mó ná 15 % d'ionstraimí Ghnáthchothromas Leibhéal 1 iad sealúchais chothromais na hinstiúide sa ghnóthas árachais, gnóthas athárachais nó sa chuideachta shealbhaíochta árachais arna eisiúint ag an eintiteas árachais sin faoin 31 Nollaig 2012 agus in imeacht na tréimhse ón 1 Eanáir 2013 go dtí an 31 Nollaig 2024;
- (d) ní mó an sealúchas cothromais nach bhfuil asbhainte ná an méid atá i seilbh in ionstraimí Ghnáthchothromas Leibhéal sa ghnóthas árachais, sa ghnóthas athárachais nó sa chuideachta shealbhaíochta árachais faoin 31 Nollaig 2012.

**▼B**

2. Cáileoidh na sealúchais chothromais nach n-asbhaintear faoi mhí 1 mar risiochtaí lena mbaineann ualú priacal 370 %.

*Airteagal 472***Ítimí nach n-asbhaintear ó Ghnáthchothromas Leibhéal 1**

1. De mhaolú ar phointe (c) d'Airteagal 33(1) agus ar phointe (a) go (i) d'Airteagal 36(1), i rith na tréimhse ón 1 Eanáir 2014 go dtí an 31 Nollaig 2017, cuirfidh instiúidí an tAirteagal seo i bhfeidhm maidir leis na méideanna iarmharacha d'ítimí dá dtagraítear in Airteagal 468(4) agus i bpointe (b) agus i bpointe (d) d'Airteagal 469(1), de réir mar is infheidhme.

2. Ní asbhaintear an méid iarmharach de na coigeartuithe luachála ar dhliteanais díorthach a eascraíonn as priacal creidmheasa na hinstiúide féin.

3. Cuirfidh instiúidí na nithe seo a leanas i bhfeidhm maidir leis an méid iarmharach de chailteanais na bliana airgeadais reatha dá dtagraítear i bpointe (a) d'Airteagal 36(1):

(a) asbhaintear cailteanais ábhartha ó ítimí Leibhéal 1;

(b) ní asbhaintear cailteanais nach bhfuil ábhartha.

4. Asbhainfidh instiúidí an méid iarmharach de na sócmhainní doláimhsithe dá dtagraítear i bpointe (b) d'Airteagal 36(1) ó ítimí Leibhéal 1.

5. Ní asbhainfear an méid iarmharach de na sócmhainní cánach iarchurtha dá dtagraítear i bpointe (c) d'Airteagal 36(1) agus beidh sé faoi réir ag ualú priacal 0 %.

6. Asbhainfear leath den mhéid iarmharach de na hítimí dá dtagraítear i bpointe (d) d'Airteagal 36(1) ó ítimí Leibhéal 1 agus na leath eile ó ítimí Leibhéal 2.

7. Ní dhéanfar méid iarmharach na sócmhainní i gciste pinsean le sochar sainithe dá dtagraítear i bpointe (e) d'Airteagal 36(1) a asbhaint ó aon eilimint de chistí dílse, agus áireofar iad in ítimí Ghnáthchothromas Leibhéal 1 a mhéid a aithneofaí an méid sin mar chistí dílse bunaidh i gcomhréir leis na bearta náisiúnta trasúimh faoi phointí (a) go (ca) d'Airteagal 57 de Threoir 2006/48/CE.

**▼B**

8. Cuirfidh institiúidí na nithe seo a leanas i bhfeidhm maidir le méid iarmharach na sealúchas d'ionstraimí dílse de Ghnáthchothromas Leibhéal 1 dá dtagraítear i bpointe (f) d'Airteagal 36(1):

- (a) asbhaintear méid na sealúchas díreach ó ítimí Leibhéal 1;
- (b) maidir le méid na sealúchas indíreach agus sintéiseach, lena n-áirítear ionstraimí dílse de Ghnáthchothromas Leibhéal 1 a bhféadfadh ceangal a bheith ar institiúid iad a cheannach de bhua oibleagáide conarthaí atá ann cheana nó oibleagáide teagmhasaí, ní asbhainfear é agus beidh sé faoi réir ag ualú priacal i gcomhréir le Caibidil 2 nó Caibidil 3 de Theideal II de Chuid a Trí agus na ceanglais a leagtar síos i dTeideal IV de Chuid a Trí, de réir mar is infheidhme.

9. Cuirfidh institiúidí na nithe seo a leanas i bhfeidhm maidir le méid iarmharach na sealúchas d'ionstraimí Ghnáthchothromas Leibhéal 1 d'eintiteas earnála airgeadas i gcás ina bhfuil tras-sealúchais chómhartaigh ag an institiúid leis an eintiteas sin dá dtagraítear i bpointe (g) d'Airteagal 36(1):

- (a) i gcás nach bhfuil infheistíocht shuntasach ag institiúid san eintiteas earnála airgeadais sin, láimhseáiltear méid a sealúchais d'ionstraimí Ghnáthchothromas Leibhéal 1 an eintitis sin amhail is dá dtiocfaidís faoi phointe (h) d'Airteagal 36(1);
- (b) i gcás ina bhfuil infheistíocht shuntasach ag institiúid san eintiteas earnála airgeadais sin, láimhseáiltear méid a sealúchais d'ionstraimí Ghnáthchothromas Leibhéal 1 an eintitis sin amhail is dá dtiocfaidís faoi phointe (i) d'Airteagal 36(1).

10. Cuirfidh institiúidí na nithe seo a leanas i bhfeidhm maidir leis na méideanna iarmharacha d'ítimí dá dtagraítear i bpointe (h) d'Airteagal 36(1):

- (a) déantar leath de na méideanna is gá a asbhaint a bhaineann le sealúchais dhíreacha a asbhaint ó ítimí Leibhéal 1 agus an leath eile ó ítimí Leibhéal 2;
- (b) ní dhéantar na méideanna a bhaineann le sealúchais indíreacha agus sintéiseacha a asbhaint agus tá siad faoi réir ag ualuithe priacal i gcomhréir le Caibidil 2 nó Caibidil 3 de Theideal II de Chuid a Trí agus faoi réir ag na ceanglais a leagtar síos i dTeideal IV de Chuid a Trí, de réir mar is infheidhme;

11. Cuirfidh institiúidí na nithe seo a leanas i bhfeidhm maidir leis na méideanna iarmharacha de na hítimí dá dtagraítear i bpointe (i) d'Airteagal 36(1):

- (a) déantar leath de na méideanna is gá a asbhaint a bhaineann le sealúchais dhíreacha a asbhaint ó ítimí Leibhéal 1 agus an leath eile ó ítimí Leibhéal 2;
- (b) ní dhéantar na méideanna a bhaineann le sealúchais indíreacha agus sintéiseacha a asbhaint agus tá siad faoi réir ag ualuithe priacal i gcomhréir le Caibidil 2 nó Caibidil 3 de Theideal II de Chuid a Trí agus faoi réir ag na ceanglais a leagtar síos i dTeideal IV de Chuid a Trí, de réir mar is infheidhme.



*Airteagal 473*

**Leasuithe ar IAS 39 a thabhairt isteach**

1. De mhaolú ar Airteagal 481, le linn na tréimhse ón 1 Eanáir 2014 go dtí an 31 Nollaig 2018, féadfaidh údaráis inniúla a cheadú d'institiúidí a ullmhaíonn a gcuntais i gcomhréir leis na caighdeáin chuntasaíochta idirnáisiúnta a glacadh i gcomhréir leis an nós imeachta a leagtar síos in Airteagal 6(2) de Rialachán (CE) Uimh. 1606/2002 le cur lena nGnáthchothromas Leibhéal 1 an méid is infheidhme i gcomhréir le mír 2 nó mír 3 de réir mar is infheidhme arna iolrú faoin bhfachtóir a gcuirfear i bhfeidhm i gcomhréir le mír 4.

2. Riomhfar an méid is infheidhme tríd an tsuim a fhaightear i gcomhréir le pointe (b) a asbhaint ón tsuim a fhaightear i gcomhréir le pointe (a)

(a) Cinnfidh institiúidí luach sócmhainní a gcistí nó a bpleananna pinsin le sochar sainithe, mar is infheidhme, i gcomhréir le Rialachán (CE) Uimh 1126/2008 <sup>(1)</sup> mar a a leasaítear le Rialachán (AE) Uimh 475/2012 <sup>(2)</sup> iad. Déanfaidh na hinstitiúidí a asbhaint ó luach na sócmhainní sin luachanna na n-oibleagáidí faoi na cistí nó pleananna sainithe céanna arna gcinneadh i gcomhréir leis na rialacha cuntasaíochta céanna.

(b) Cinnfidh institiúidí luach sócmhainní a gcistí nó a bpleananna pinsin sainithe, mar is infheidhme, i gcomhréir leis na rialacha atá leagtha amach i Rialachán (CE) Uimh 1126/2008. Déanfaidh na hinstitiúidí a asbhaint ó luach na sócmhainní sin luachanna na n-oibleagáidí sin faoi na cistí nó pleananna sainithe céanna arna gcinneadh i gcomhréir leis na rialacha cuntasaíochta céanna.

3. An méid a chinnfear i gcomhréir le mír 2, déanfar é a theorannú don mhéid nach gá a asbhaint ó chistí díisle roimh 1 Eanáir 2014, faoi bhearta trasú náisiúnta Threoir 2006/48/CE, a mhéid a bheadh na bearta trasú náisiúnta sin i dteideal na láimhseála in Airteagal 481 sa Bhallstát lena mbaineann.

4. Beidh feidhm ag na fachtóirí seo a leanas:

(a) 1 le linn na tréimhse ón 1 Eanáir 2014 go dtí an 31 Nollaig 2014;

(b) 0,8 sa tréimhse ón 1 Eanáir 2015 go dtí an 31 Nollaig 2015;

(c) 0,6 sa tréimhse ón 1 Eanáir 2016 go dtí an 31 Nollaig 2016;

<sup>(1)</sup> Rialachán (CE) Uimh 1126 ón gCoimisiún an 3 Samhain 2008 lena nglactar caighdeáin áirithe idirnáisiúnta cuntasaíochta i gcomhréir le Rialachán (CE) Uimh 1606/2002 ó Pharlaimint na hEorpa agus ón gComhairle (IO L 320, 29.11.2008, lch 1).

<sup>(2)</sup> Rialachán (AE) Uimh 1205/2011 an 22 Samhain 2011 lena leasaítear Rialachán (CE) Uimh 1126/2008 lena nglactar caighdeáin áirithe idirnáisiúnta cuntasaíochta i gcomhréir le Rialachán (CE) Uimh 1606/2002 ó Pharlaimint na hEorpa agus ón gComhairle maidir le Caighdeán Idirnáisiúnta um Thuairisciú Airgeadais (IFRS) 7 (IO L 305, 23.11.2011, lch. 16).

**▼B**

(d) 0,4 sa tréimhse ón 1 Eanáir 2017 go dtí an 31 Nollaig 2017;

(e) 0,2 sa tréimhse ón 1 Eanáir 2018 go 31 Nollaig 2018

5. Déanfaidh institiúidí luachanna sócmhainní agus dliteanais eile i gcomhréir le mír a 2 a nochtadh ina ráitis fhoilsithe airgeadais.

**▼M4***Airteagal 473a***IFRS 9 a thabhairt isteach**

1. De mhaolú ar Airteagal 50 agus go dtí deireadh na hidirthréimhse a leagtar amach i mír 6 den Airteagal seo, féadfaidh siad seo a leanas an tsuim a ríomhtar i gcomhréir leis an mír seo a áireamh ina gcaipiteal Ghnáthchothromas Leibhéal 1:

- (a) institiúidí a ullmhóidh a gcuntais i gcomhréir leis na caighdeáin idirnáisiúnta chuntasaíochta a glacadh i gcomhréir leis an nós imeachta a leagtar síos in Airteagal 6(2) de Rialachán (CE) Uimh. 1606/2002;
- (b) institiúidí a dhéanann, de bhun Airteagal 24(2) den Rialachán seo, luacháil ar shócmhainní agus ar mhíreanna lasmuigh den chlár comhardaithe agus a chinneann a gcistí dílse i gcomhréir leis na caighdeáin idirnáisiúnta chuntasaíochta a glacadh i gcomhréir leis an nós imeachta a leagtar síos in Airteagal 6(2) de Rialachán (CE) Uimh. 1606/2002;
- (c) institiúidí a dhéanann luacháil ar shócmhainní agus ar mhíreanna lasmuigh den chlár comhardaithe i gcomhréir le caighdeáin chuntasaíochta faoi Threoir 86/635/CEE agus a bhaineann úsáid as samhail le haghaidh cailleanais chreidmheasa ionchasacha atá ar aon dul leis an gceann a úsáideadh sna caighdeáin idirnáisiúnta chuntasaíochta a glacadh i gcomhréir leis an nós imeachta a leagtar síos in Airteagal 6(2) de Rialachán (CE) Uimh. 1606/2002.

Ríomhfar an tsuim dá dtagraítear sa chéad fhomhír mar shuim na suimeanna seo a leanas:

- (a) i gcás neamhchosaintí atá faoi réir ualú riosca i gcomhréir le Caibidil 2 de Theideal II de Chuid a Trí, an tsuim ( $AB_{SA}$ ) a ríomhtar i gcomhréir leis an bhfoirmle a leanas:

$$AB_{SA} = (A_{2,SA} + A_{4,SA} - t) \cdot f$$

nuair atá:

$A_{2,SA}$  = an tsuim a ríomhtar i gcomhréir le mír 2;

$A_{4,SA}$  = an tsuim a ríomhtar i gcomhréir le mír 4, bunaithe ar na suimeanna a ríomhtar i gcomhréir le mír 3;

$f$  = an fachtóir is infheidhme a leagtar síos i mír 6;

$t$  = méaduithe ar an gcaipiteal Ghnáthchothromas Leibhéal 1 de bharr inasbhainteacht chánach na suimeanna seo —  $A_{2,SA}$  agus  $A_{4,SA}$ ;

- (b) i gcás neamhchosaintí atá faoi réir ualú riosca i gcomhréir le Caibidil 3 de Theideal II de Chuid a Trí, an tsuim ( $AB_{IRB}$ ) a ríomhtar i gcomhréir leis an bhfoirmle a leanas:



▼ **M4**

$$AB_{\text{IRB}} = (A_{2,\text{IRB}} + A_{4,\text{IRB}} - t) \cdot f$$

nuair atá:

$A_{2,\text{IRB}}$  = an tsuim a ríomhtar i gcomhréir le mír 2 arna coigeartú i gcomhréir le pointe (a) de mhír 5;

$A_{4,\text{IRB}}$  = an tsuim a ríomhtar i gcomhréir le mír 4, bunaithe ar na suimeanna a ríomhtar i gcomhréir le mír 3 arna gcoigeartú i gcomhréir le pointe (b) agus pointe (c) de mhír 5;

$f$  = an fachtóir is infheidhme a leagtar síos i mír 6;

$t$  = méaduithe ar an gcaipiteal Ghnáthchothromas Leibhéal 1 de bharr inasbhainteacht chánach na suimeanna seo —  $A_{2,\text{IRB}}$  agus  $A_{4,\text{IRB}}$ .

2. Ríomhfaidh na hinstitiúidí na suimeanna  $A_{2,\text{SA}}$  agus  $A_{2,\text{IRB}}$  dá dtagraítear, faoi seach, i bpointe (a) agus i bpointe (b) den dara fomhír de mhír 1 mar an tsuim is mó de na suimeanna dá dtagraítear i bpointe (a) agus i bpointe (b) den mhír seo ar bhealach ar leithligh maidir lena neamhchosaintí atá faoi réir ualú riosca i gcomhréir le Caibidil 2 de Theideal II de Chuid a Trí agus i gcás neamhchosaintí atá faoi réir ualú riosca i gcomhréir le Caibidil 3 de Theideal II de Chuid a Trí:

(a) nialas;

(b) an tsuim arna ríomh i gcomhréir le pointe (i) lúide an tsuim a ríomhtar i gcomhréir le pointe (ii):

(i) suim na gcaillteanas creidmheasa ionchasach do thréimhse 12 mhí a chinntear i gcomhréir le mír 5.5.5 de IFRS 9 mar a leagtar amach san Iarscríbhinn a ghabhann le Rialachán (CE) Uimh. 1126/2008 ón gCoimisiún (“Iarscríbhinn a bhaineann le IFRS 9”) móide méid an lamháltais cailteanais do chaillteanais chreidmheasa ionchasacha saoil a chinntear i gcomhréir le mír 5.5.3 den Iarscríbhinn a bhaineann le IFRS 9 amhail ón 1 Eanáir 2018 nó ar an dáta a gcuirtear IFRS 9 i bhfeidhm den chéad uair;

(ii) méid iomlán na gcaillteanas lagaithe ar shócmhainní airgeadais a aicmítear mar iasachtaí agus earraí infhaighte, infheistíochtaí arna sealbhú go tráth aibíochta agus sócmhainní airgeadais atá ar fáil lena ndíol, mar a shainmhínítear i mír 9 de IAS 39, agus nach ionstraimí cothromais iad ná aonaid nó scaireanna i ngnóthais chomhinfeistíochta, a chinntear i gcomhréir le míreanna 63, 64, 65, 67, 68 agus 70 de IAS 39 mar a leagtar amach san Iarscríbhinn a ghabhann le Rialachán (CE) Uimh. 1126/2008 amhail ón 31 Nollaig 2017 nó ar an lá roimh an dáta a gcuirtear IFRS 9 i bhfeidhm den chéad uair.

3. I gcás neamhchosaintí atá faoi réir ualú riosca i gcomhréir le Caibidil 2 de Theideal II de Chuid a Trí agus i gcás a neamhchosaintí atá faoi réir ualú riosca i gcomhréir le Caibidil 3 de Theideal II de Chuid a Trí, ríomhfaidh institiúidí an tsuim lena sáraíonn an tsuim dá dtagraítear i bpointe (a) an tsuim dá dtagraítear i bpointe (b) ar bhealach ar leithligh:

(a) suim na gcaillteanas creidmheasa ionchasach do thréimhse 12 mhí a chinntear i gcomhréir le mír 5.5.5 den Iarscríbhinn a bhaineann le IFRS 9 agus méid an lamháltais cailteanais do chaillteanais chreidmheasa ionchasacha saoil a chinntear i gcomhréir le mír 5.5.3 den Iarscríbhinn a bhaineann le IFRS 9, cé is moite den

## ▼M4

lamháltas caillteanais do chaillteanais chreidmheasa ionchasacha saoil i gcás sócmhainní airgeadais a bhfuil fadhbanna creidmheasa acu mar a shainmhínítear in Aguisín A a ghabhann leis an Iarscríbhinn a bhaineann le IFRS 9 mar a bheidh ar an lá a ndéanfar an tuairisciú;

- (b) suim na gcaillteanas creidmheasa ionchasach do thréimhse 12 mhí arna cinneadh i gcomhréir le mír 5.5.5 den Iarscríbhinn a bhaineann le IFRS 9 agus méid an lamháltais caillteanais do chaillteanais chreidmheasa ionchasacha saoil arna cinneadh i gcomhréir le mír 5.5.3 den Iarscríbhinn a bhaineann le IFRS 9, cé is moite den lamháltas caillteanais do chaillteanais chreidmheasa ionchasacha saoil i gcás sócmhainní airgeadais a bhfuil fadhbanna creidmheasa acu mar a shainmhínítear sin in Aguisín A a ghabhann leis an Iarscríbhinn a bhaineann le IFRS 9 amhail ón 1 Eanáir 2018 nó ar an dáta a gcuirfear i bhfeidhm IFRS 9 den chéad uair.

4. Maidir le neamhchosaintí atá faoi réir ualú riosca i gcomhréir le Caibidil 2 de Theideal II de Chuid a Trí, i gcás inar mó an tsuim a shonraítear i gcomhréir le pointe (a) de mhír 3 ná an tsuim a shonraítear i bpointe (b) de mhír 3, socróidh na hinstiúidí  $A_{4,SA}$  chun gur combhionann é agus an difríocht idir na suimeanna sin; sin nó socróidh siad  $A_{4,SA}$  chun gur cothrom le nialas é.

Maidir le neamhchosaintí atá faoi réir ualú riosca i gcomhréir le Caibidil 3 de Theideal II de Chuid a Trí, i gcás inar mó an tsuim — arna sonrú i gcomhréir le pointe (a) de mhír 3 agus tar éis pointe (b) de mhír 5 a chur i bhfeidhm ina leith — ná an tsuim a shonraítear i bpointe (b) de mhír 3 tar éis pointe (c) de mhír 5 a chur i bhfeidhm, socróidh na hinstiúidí  $A_{4,IRB}$  chun gur combhionann é agus an difríocht idir na suimeanna sin, sin nó socróidh siad  $A_{4,IRB}$  chun gur cothrom le nialas é.

5. Maidir le neamhchosaintí atá faoi réir ualú riosca i gcomhréir le Caibidil 3 de Theideal II de Chuid a Trí, cuirfidh instiúidí i bhfeidhm mír 2 go mír 4 mar a leanas:

- (a) maidir le ríomh  $A_{2,IRB}$ , laghdóidh na hinstiúidí gach ceann de na méideanna arna ríomh i gcomhréir le pointe (b)(i) agus (ii) de mhír 2 den Airteagal seo trí shuim an chaillteanais ionchasaigh a bhaint as arna ríomh i gcomhréir le hAirteagal 158(5), (6) agus (10) amhail ón 31 Nollaig 2017 nó lá amháin sula gcuirfear i bhfeidhm IFRS 9 den chéad uair. I gcás inar uimhir dhiúltach a bheidh sa tsuim dá dtagraítear i bpointe (b)(i) de mhír 2 den Airteagal seo, socróidh an instiúid luach an mhéid ag nialas. I gcás inar uimhir dhiúltach a bheidh sa tsuim dá dtagraítear i bpointe (b)(ii) de mhír 2 den Airteagal seo, socróidh an instiúid luach an mhéid sin chun gur cothrom le nialas é;
- (b) maidir leis an tsuim a ríomhfar i gcomhréir le pointe (a) de mhír 3 den Airteagal seo, cuirfidh na hinstiúidí ina háit sin suim na gcaillteanas creidmheasa ionchasach do thréimhse 12 mhí arna chinneadh i gcomhréir le mír 5.5.5 den Iarscríbhinn a bhaineann le IFRS 9 mar aon le méid an lamháltais caillteanais do chaillteanais ionchasacha saoil arna chinneadh i gcomhréir le mír 5.5.3 den Iarscríbhinn a bhaineann le IFRS 9, cé is moite den lamháltas caillteanais do

▼ **M4**

chailteanais ionchasacha saoil i gcás sócmhainní airgeadais a bhfuil fadhbanna creidmheasa acu mar a shainmhínítear in Aguisín A a ghabhann leis an Iarscríbhinn a bhaineann le IFRS 9, lúide suim mhéideanna gaolmhara an chailteanais ionchasaigh le haghaidh na neamhchosaintí céanna arna ríomh i gcomhréir le hAirteagal 158(5), (6) agus (10) mar a bheidh ar an lá a ndéanfar an tuairisciú. I gcás inar uimhir dhiúltach a thioctaidh as an ríomh, socróidh an institiúid luach an mhéid dá dtagraítear i bpointe (a) de mhír 3 den Airteagal seo chun gur cothrom le nialas é;

- (c) maidir leis an tsuim a ríomhfar i gcomhréir le pointe (b) de mhír 3 den Airteagal seo, cuirfidh na hinstitiúidí ina háit sin suim na gcaillteanas creidmheasa ionchasach do thréimhse 12 mhí arna cinneadh i gcomhréir le mír 5.5.5 den Iarscríbhinn a bhaineann le IFRS 9 mar aon le suim mhéideanna an lamháltais cailteanais do chailteanais chreidmheasa ionchasacha saoil arna cinneadh i gcomhréir le mír 5.5.3 den Iarscríbhinn a bhaineann le IFRS 9 cé is moite den lamháltas cailteanais do chailteanais ionchasacha saoil i gcás sócmhainní airgeadais a bhfuil fadhbanna creidmheasa acu, mar a shainmhínítear in Aguisín A a ghabhann leis an Iarscríbhinn a bhaineann le IFRS 9, amhail ón 1 Eanáir 2018 nó ar an dáta a gcuirfeadh i bhfeidhm IFRS 9 den chéad uair, lúide suim mhéideanna gaolmhara an chailteanais ionchasaigh le haghaidh na neamhchosaintí céanna arna ríomh i gcomhréir le hAirteagal 158(5), (6) agus (10). I gcás inar uimhir dhiúltach a thioctaidh as an ríomh, socróidh an institiúid luach an mhéid dá dtagraítear i bpointe (b) de mhír 3 den Airteagal seo chun gur cothrom le nialas é.

6. Cuirfidh na institiúidí na fachtóirí seo a leanas i bhfeidhm chun na suimeanna  $AB_{SA}$  agus  $AB_{IRB}$  dá dtagraítear i bpointe (a) agus i bpointe (b) den dara fómhír de mhír 1 faoi seach a ríomh:

- (a) 0,95 le linn na tréimhse ón 1 Eanáir 2018 go dtí an 31 Nollaig 2018;
- (b) 0,85 le linn na tréimhse ón 1 Eanáir 2019 go dtí an 31 Nollaig 2019;
- (c) 0,7 le linn na tréimhse ón 1 Eanáir 2020 go dtí an 31 Nollaig 2020;
- (d) 0,5 le linn na tréimhse ón 1 Eanáir 2021 go dtí an 31 Nollaig 2021;
- (e) 0,25 le linn na tréimhse ón 1 Eanáir 2022 go dtí an 31 Nollaig 2022.

I gcás institiúidí ar tar éis an 1 Eanáir 2018 ach roimh an 1 Eanáir 2019 a thosóidh an bhliain airgeadais acu, déanfaidh siad na dátaí dá dtagraítear i bpointe (a) go pointe (e) den chéad fómhír a choigeartú chun go mbeidh siad ag comhfhreagairt don bhliain airgeadais acu, cuirfidh siad na dátaí coigeartaithe sin in iúl dá n-údarás inniúil féin, agus déanfaidh siad iad a nochtadh go poiblí.

I gcás institiúidí a thosóidh ag cur na gcaighdeán cuntasaíochta sin dá dtagraítear i mír 1 i bhfeidhm ón 1 Eanáir 2019 amach, is i gcomhréir le pointe (b) go pointe (e) den chéad fómhír a chuirfidh siad i bhfeidhm na fachtóirí ábhartha, ag tosú dóibh leis an bhfachtóir a fhreagraíonn don bhliain ar cuireadh i bhfeidhm na caighdeán chuntasaíochta sin den chéad uair.

## ▼M4

7. I gcás ina gcuireann institiúid, i gcomhréir le mír 1 den Airteagal seo, suim san áireamh ina caipiteal Ghnáthchothromas Leibhéal 1, ríomhfaidh sí an athuair na ceanglais uile a leagtar síos sa Rialachán seo agus i dTreoir 2013/36/AE a úsáideann aon cheann de na míreanna seo a leanas sa mhéid nach gcuirtear san áireamh leo na héifeachtaí atá ar na míreanna sin ag na soláthairtí le haghaidh caillteanais chreidmheasa ionchasacha a chuir sí san áireamh ina caipiteal Ghnáthchothromas Leibhéal 1:

- (a) méid na sócmhainní cánach iarchurtha a asbhaintear as caipiteal Ghnáthchothromas Leibhéal 1 i gcomhréir le pointe (c) d'Airteagal 36(1) nó a ualaítear ó thaobh riosca de i gcomhréir le hAirteagal 48(4);
- (b) luach na neamhchosanta arna cinneadh i gcomhréir le hAirteagal 111(1) trína dtarlóidh an méid seo a leanas:

i dtaca leis na coigeartuithe sonracha maidir le riosca creidmheasa lena laghdófar luach na neamhchosanta, déanfar iad a iolrú faoin bhfachtóir scálúcháin (sf) seo a leanas:

$$sf = 1 - (AB_{SA}/RA_{SA})$$

nuair atá:

$AB_{SA}$  = an tsuim a ríomhtar i gcomhréir le pointe (a) den dara fomhír de mhír 1;

$RA_{SA}$  = suim iomlán na gcoigeartuithe sonracha maidir le riosca creidmheasa;

- (c) suim na míreanna Leibhéal 2 a ríomhtar i gcomhréir le pointe (d) d'Airteagal 62.

8. Le linn na tréimhse a leagtar amach i mír 6 den Airteagal seo, chomh maith leis an bhfaisnéis nach mór a nochtadh faoi Chuid a hOcht, nochtfaidh na hinstitiúidí a chinn na socrúithe idirthréimhseacha a leagtar amach san Airteagal seo a chur i bhfeidhm suimeanna a gcuid cistí dílse, a gcaipiteal Ghnáthchothromas Leibhéal 1 agus a gcaipiteal Leibhéal 1, a gcóimheas caipitil Ghnáthchothromas Leibhéal 1, a gcóimheas caipitil Leibhéal 1, an cóimheas caipitil iomlán agus an cóimheas gearála a bheadh acu i gcás nach gcuirfidís i bhfeidhm an tAirteagal seo.

9. Cinnfidh institiúid cé acu an gcuirfidh sí nó nach gcuirfidh sí na socrúithe a leagtar amach san Airteagal seo i bhfeidhm i rith na hidirthréimhse agus cuirfidh sí a cinneadh in iúl don údarás inniúil faoin 1 Feabhra 2018. I gcás ina bhfuair institiúid cead roimh ré ón údarás inniúil, féadfaidh sí a céad cinneadh a chur ar ceal uair amháin le linn na hidirthréimhse. Nochtfaidh institiúidí go poiblí aon chinneadh a glacadh i gcomhréir leis an bhfomhír seo.

Institiúid a chinn na socrúithe idirthréimhseacha a leagtar amach san Airteagal seo a chur i bhfeidhm, féadfaidh sí a chinneadh gan mír 4 a chur i bhfeidhm; sa chás sin, cuirfidh sí an cinneadh sin in iúl don údarás inniúil faoin 1 Feabhra 2018. I gcás den sórt sin, socróidh an

**▼M4**

institiúid an tsuim A<sub>4</sub> dá dtagraítear i mír 1 chun gur cothrom le nialas é. I gcás ina bhfuair institiúid cead roimh ré ón údarás inniúil, féadfaidh sí a céad cinneadh a chur ar ceal uair amháin le linn na hidirtréimhse. Nochtfaidh institiúidí aon chinneadh a glacadh go poiblí i gcomhréir leis an bhfomhír seo.

10. Eiseoidh ÚBE, i gcomhréir le hAirteagal 16 de Rialachán (AE) Uimh. 1093/2010, treoirlínte faoin 30 Meitheamh 2018 i ndáil leis na ceanglais maidir le nochtadh a leagtar síos san Airteagal seo.

**▼B**

## F o r o i n n 2

**Aisbhaintí as ítimí chaipiteal breise leibhéal 1***Airteagal 474***Asbhaintí as ítimí Chaipiteal Breise Leibhéal 1**

De mhaolú ar Airteagal 56, i rith na tréimhse ón 1 Eanáir 2014 go dtí an 31 Nollaig 2017, beidh feidhm ag an méid seo a leanas:

- (a) asbhainfidh institiúidí ó ítimí Chaipiteal Breise Leibhéal 1 an céatadán is infheidhme a shonraítear in Airteagal 478 de na méideanna is gá a asbhaint de bhun Airteagal 56;
- (b) cuirfidh institiúidí na ceanglais a leagtar síos in Airteagal 475 i bhfeidhm maidir leis na méideanna iarmharacha d'ítimí is gá a asbhaint de bhun Airteagal 56.

*Airteagal 475***Ítimí nach n-asbhaintear ó ítimí Chaipiteal Breise Leibhéal 1**

1. De mhaolú ar Airteagal 56, i rith na tréimhse ón 1 Eanáir 2014 go dtí an 31 Nollaig 2017, beidh feidhm ag na ceanglais a leagtar síos san Airteagal seo maidir leis na méideanna iarmharacha dá dtagraítear i bpointe (b) d'Airteagal 474.

2. Cuirfidh institiúidí na nithe seo a leanas i bhfeidhm maidir le méid iarmharach na n-ítimí dá dtagraítear i bpointe (a) d'Airteagal 56:

- (a) déantar sealúchais dhíreacha d'ionstraimí dílse de Chaipiteal Breise Leibhéal 1a asbhaint ag a luach de réir na leabhar ó ítimí Chaipiteal Leibhéal 1;
- (b) sealúchais indíreacha agus sintéiseacha d'ionstraimí dílse de Chaipiteal Breise Leibhéal 1, lena n-áirítear ionstraimí dílse de Chaipiteal Breise Leibhéal 1 a bhféadfadh oibleagáid a bheith ar institiúid iad a cheannach de bhua oibleagáide conarthaí atá ann cheana nó de bhua oibleagáide teagmhasaí, ní dhéantar iad a asbhaint agus déantar iad a ualú ó thaobh priacal i gcomhréir le Caibidil 2 nó Caibidil 3 de Theideal II de Chuid a Trí agus beidh siad faoi réir ag ceanglais Theideal IV de Chuid a Trí, de réir mar is infheidhme.

**▼B**

3. Cuirfidh institiúidí na nithe seo a leanas i bhfeidhm maidir le méid iarmharach na n-ítimí dá dtagraítear i bpointe (b) d'Airteagal 56:

- (a) i gcás nach bhfuil infheistíocht shuntasach ag institiúid in eintiteas earnála airgeadais lena bhfuil tras-sealúchais chómhalartacha aici, láimhseáiltear méid a sealúchas díreach, indéach agus sintéiseach de na hionstraimí sin de Chaipiteal Breise Leibhéal 1 an eintitis sin amhail is go dtagann siad faoi phointe (c) d'Airteagal 56;
- (b) i gcás ina bhfuil infheistíocht shuntasach ag an institiúid in eintiteas earnála airgeadais lena bhfuil tras-sealúchais chómhalartacha aici, láimhseáiltear méid a sealúchas díreach, indéach agus sintéiseach de na hionstraimí sin de Chaipiteal Breise Leibhéal 1 an eintitis sin amhail is dá dtiocfaidís faoi phointe (d) d'Airteagal 56.

4. Cuirfidh institiúidí na nithe seo a leanas i bhfeidhm maidir le méid iarmharach na n-ítimí dá dtagraítear i bpointe (c) agus i bpointe (d) d'Airteagal 56:

- (a) déantar leath den mhéid a bhaineann le sealúchais dhíreacha is gá a asbhaint i gcomhréir le pointe (c) agus le pointe (d) d'Airteagal 56 a asbhaint ó ítímí Chaipiteal Leibhéal 1 agus an leath eile ó ítímí Chaipiteal Leibhéal 2;
- (b) ní dhéantar an méid a bhaineann le sealúchais indéacha agus sintéiseacha is gá a asbhaint i gcomhréir le pointe (c) agus le pointe (d) d'Airteagal 56 a asbhaint agus beidh siad faoi réir ag ualú priacal i gcomhréir le Caibidil 2 nó Caibidil 3 de Theideal II de Chuid a Trí agus faoi réir ag na ceanglais de Theideal IV de Chuid a Trí, de réir mar is infheidhme.

### F o r o i n n 3

#### A s b h a i n t í a s í t í m í c h a i p i t e a l l e i b h é a l 2

##### *Airteagal 476*

#### A s b h a i n t í a s í t í m í C h a i p i t e a l L e i b h é a l 2

De mhaolú ar Airteagal 66, i rith na tréimhse ón 1 Eanáir 2014 go dtí an 31 Nollaig 2017, beidh feidhm ag an méid seo a leanas:

- (a) asbhainfidh institiúidí ó ítímí Chaipiteal Leibhéal 2 an céatadán is infheidhme a shonraítear in Airteagal 478 de na méideanna is gá a asbhaint de bhun Airteagal 66;
- (b) cuirfidh institiúidí na ceanglais a leagtar síos in Airteagal 477 i bhfeidhm maidir leis na méideanna iarmharacha is gá a asbhaint de bhun Airteagal 66.

**▼B***Airteagal 477***Asbhaintí as ítimí Chaipiteal Leibhéal 2**

1. De mhaolú ar Airteagal 66, i rith na tréimhse ón 1 Eanáir 2014 go dtí an 31 Nollaig 2017, beidh feidhm ag na ceanglais a leagtar síos san Airteagal seo maidir leis na méideanna iarmharacha dá dtagraítear i bpointe (b) d'Airteagal 476.

2. Cuirfidh institiúidí na nithe seo a leanas i bhfeidhm maidir le méid iarmharach na n-ítimí dá dtagraítear i bpointe (a) d'Airteagal 66:

(a) déantar sealúchais dhíreacha d'ionstraimí dílse de Chaipiteal Leibhéal 2 a asbhaint ag a luach de réir na leabhar ó ítimí Chaipiteal Leibhéal 2;

(b) sealúchais indíreacha agus sintéiseacha d'ionstraimí dílse de Chaipiteal Leibhéal 2, lena n-áirítear ionstraimí dílse de Chaipiteal Leibhéal 2 a bhféadfadh oibleagáid a bheith ar institiúid iad a cheannach de bhua oibleagáide conarthaí atá ann cheana nó de bhua oibleagáide teagmhasaí, ní asbhaintear iad agus déantar iad a ualú ó thaobh priacal i gcomhréir le Caibidil 2 nó Caibidil 3 de Theideal II de Chuid a Trí agus beidh siad faoi réir ag ceanglais Theideal IV de Chuid a Trí, de réir mar is infheidhme.

3. Cuirfidh institiúidí na nithe seo a leanas i bhfeidhm maidir le méid iarmharach na n-ítimí dá dtagraítear i bpointe (b) d'Airteagal 66:

(a) i gcás nach bhfuil infheistíocht shuntasach ag institiúid in eintiteas eárnála airgeadais lena bhfuil tras-sealúchais chómhalartacha aici, láimhseáiltear méid na sealúchas díreach, indíreach agus sintéiseach atá aici d'ionstraimí Chaipiteal Leibhéal 2 an eintitis sin amhail is dá dtiocfaidís faoi phointe (c) d'Airteagal 66;

(b) i gcás ina bhfuil infheistíocht shuntasach ag an institiúid in eintiteas eárnála airgeadais lena bhfuil tras-sealúchais chómhalartacha aici, láimhseáiltear méid na sealúchas díreach, indíreach agus sintéiseach d'ionstraimí Chaipiteal Leibhéal 2 an eintitis sin amhail is dá dtiocfaidís faoi phointe (d) d'Airteagal 66

4. Cuirfidh institiúidí na nithe seo a leanas i bhfeidhm maidir le méid iarmharach na n-ítimí dá dtagraítear i bpointe (c) agus i bpointe (d) d'Airteagal 66:

(a) déantar leath den mhéid a bhaineann le sealúchais dhíreacha is gá a asbhaint i gcomhréir le pointe (c) agus pointe (d) d'Airteagal 66 a asbhaint ó ítimí Chaipiteal Leibhéal 1 agus an leath eile ó ítimí Chaipiteal Leibhéal 2;

(b) ní dhéantar an méid a bhaineann le sealúchais indíreacha agus sintéiseacha is gá a asbhaint i gcomhréir le pointe (c) agus le pointe (d) d'Airteagal 66 a asbhaint agus beidh siad faoi réir ag ualú priacal faoi Chaibidil 2 nó Caibidil 3 de Theideal II de Chuid a Trí agus faoi réir ag na ceanglais a leagtar síos i dTeideal IV de Chuid a Trí, de réir mar is infheidhme.

**▼B**

## Foroinn 4

**Céatadáin is infheidhme maidir le hasbhaint***Airteagal 478***Céatadáin is infheidhme maidir le hasbhaint ó ítimí Ghnáthchothromas Leibhéal 1, de Chaipiteal Breise Leibhéal 1 agus de Chaipiteal Leibhéal 2**

1. Tiocfaidh an céatadán is infheidhme chun críoche 'Airteagal 468(5), Airteagal 469(1)(a) agus (c) Airteagal 474(a) agus Airteagal 476(a) faoi na raonta seo a leanas:

- (a) 20 % go 100 % don tréimhse ón 1 Eanáir 2014 go dtí an 31 Nollaig 2014;
- (b) 40 % go 100 % don tréimhse ón 1. Eanáir 2015 go dtí an 31 Nollaig 2015;
- (c) 60 % go 100 % don tréimhse ón 1.Eanáir 2016 go dtí an 31 Nollaig 2016;
- (d) 80 % go 100 % don tréimhse ón 1 Eanáir 2017 go dtí an 31 Nollaig 2017.

**▼C1**

2. De mhaolú ar mhír 1, i gcás na n-ítimí dá dtagraítear i bpointe (c) d'Airteagal 36(1) arbh ann dóibh roimh an 1 Eanáir 2014, tiocfaidh an céatadán is infheidhme chun críoch phointe (c) d'Airteagal 469(1) faoi na raonta seo a leanas:

- (a) 0 % go dtí 100 % don tréimhse ón 1 Eanáir 2014 go dtí an 31 Nollaig 2014;
- (b) 10 % go dtí 100 % don tréimhse ón 1 Eanáir 2015 go dtí an 31 Nollaig 2015;
- (c) 20 % go dtí 100 % don tréimhse ón 1 Eanáir 2016 go dtí an 31 Nollaig 2016;
- (d) 30 % go dtí 100 % don tréimhse ón 1 Eanáir 2017 go dtí an 31 Nollaig 2017;
- (e) 40 % go dtí 100 % don tréimhse ón 1 Eanáir 2018 go dtí an 31 Nollaig 2018;
- (f) 50 % go dtí 100 % don tréimhse ón 1 Eanáir 2019 go dtí an 31 Nollaig 2019;
- (g) 60 % go dtí 100 % don tréimhse ón 1 Eanáir 2020 go dtí an 31 Nollaig 2020;
- (h) 70 % go dtí 100 % don tréimhse ón 1 Eanáir 2021 go dtí an 31 Nollaig 2021;



**▼C1**

- (i) 80 % go dtí 100 % don tréimhse ón 1 Eanáir 2022 go dtí an 31 Nollaig 2022;
- (j) 90 % go dtí 100 % don tréimhse ón 1 Eanáir 2023 go dtí an 31 Nollaig 2023.

**▼B**

3. Déanfaidh na húdaráis inniúla céatadán is infheidhme sna raonta a shonraítear i mír 1 agus i mír 1 agus mír 2 a chinneadh agus a fhoilsiú do gach ceann de na hasbhaintí seo a leanas:

- (a) na hasbhaintí aonair is gá de bhun phointí (a) go (h) d'Airteagal 36(1), cé is moite de shócmhainní cánach iarchurtha atá spleách ar bhrabúsacht todhchaí agus a thagann ó dhifriochtaí sealadacha;
- (b) méid comhiomlán na sócmhainní cánach iarchurtha atá spleách ar bhrabúsacht todhchaí agus a thagann ó dhifriochtaí sealadacha agus na hítimí dá dtagraítear i bpointe (i) d'Airteagal 36(1) is gá a asbhaint de bhun Airteagal 85;
- (c) gach asbhaint is gá de bhun phointí (b) go (d) d'Airteagal 56;
- (d) gach asbhaint is gá de bhun phointí (b) go (d) d'Airteagal 66

## Roinn 4

**Leas mionlaigh agus ionstraimí chaipiteal breise leibhéal 1 agus de chaipiteal leibhéal 2 arna n-eisiúint ag fochuideachtaí**

*Airteagal 479*

**Ítimí agus ionstraimí nach gcáilíonn mar leasanna mionlaigh a aithint i nGnáthchothromas Leibhéal 1 comhdhlúite**

1. De mhaolú ar Theideal III de Chuid a Dó, i rith na tréimhse ón 1 Eanáir 2014 go dtí an 31 Nollaig 2017, cinnfidh na húdaráis inniúla na hítimí a cháileodh mar chúlchistí comhdhlúite i gcomhréir le bearta náisiúnta trasúmh le haghaidh Airteagal 65 de Threoir 2006/48/CE nach gcáilíonn mar Ghnáthchothromas Leibhéal 1 comhdhlúite ar cheann ar bith de na cúiseanna seo a leanas a aithint i gcistí dílse comhdhlúite i gcomhréir le mír 2 agus le mír 3 den Airteagal sin:

- (a) ní cháilíonn an ionstraim mar ionstraim de Ghnáthchothromas Leibhéal 1, agus dá réir sin ní cháilíonn an tuilleamh coinnithe agus na cuntais scairbhisigh ghaolmhara mar ítimí Ghnáthchothromas Leibhéal 1 comhdhlúite;
- (b) ní cháilíonn na hítimí mar thoradh ar mhír 2 d'Airteagal 81(2);

**▼B**

- (c) ní cháilíonn na hítimí toisc nach institiúid ná eintiteas í an fhochuideachta atá faoi réir cheanglais an Rialacháin sin agus Threoir 2013/36/AE de bhua an dlí náisiúnta is infheidhme;
- (d) ní cháilíonn na hítimí toisc nach bhfuil an fochuideachta áirithe go hiomlán sa chomhdhlúthú de bhun Chaibidil 2 de Theideal II de Chuid a hAon.

2. An céatadán is infheidhme de na hítimí dá dtagraítear i mír 1 a cháileodh mar chúlchistí comhdhlúite i gcomhréir leis na bearta náisiúnta trasúmh maidir le hAirteagal 65 de Threoir 2006/48/CE, cáileoidh sé mar Ghnáthchothromas Leibhéal 1 comhdhlúite.

3. Chun críocha mhír 2, tiocfaidh na céatadán is infheidhme faoi na raonta seo a leanas:

- (a) 0 % go 80 % don tréimhse ón 1 Eanáir 2014 go dtí an 31 Nollaig 2014;
- (b) 0 % go 60 % don tréimhse idir an 01.01.15 agus an 31 Nollaig 2015;
- (c) 0 % go 40 % don tréimhse ón 01.01.16 go dtí an 31.12.16;
- (d) 0 % go 20 % don tréimhse ón 1 Eanáir 2017 go dtí an 31 Nollaig 2017

4. Déanfaidh na húdaráis inniúla an céatadán is infheidhme sna raonta a shonraítear i mír 3 a chinneadh agus a fhoilsiú.

*Airteagal 480***Caipiteal Breise Leibhéal 1 agus Caipiteal Leibhéal 2 cáilitheach a aithint i gcistí dílse comhdhlúite de leasanna mionlaigh**

1. De mhaolú ar phointe (b) d'Airteagal 84(1), pointe (b) d'Airteagal 85(1) agus pointe (b) d'Airteagal 87(1), i rith na tréimhse ón 1 Nollaig 2014 go dtí an 31 Nollaig 2017, déanfar na céatadán dá dtagraítear sna hAirteagail sin a iolrú faoi fhachtóir is infheidhme.

2. Chun críocha mhír 1, tiocfaidh an fachtóir is infheidhme faoi na raonta seo a leanas:

- (a) 0,2 go 1 le linn na tréimhse ón 1 Eanáir 2014 go dtí an 31 Nollaig 2014;
- (b) 0,4 go 1 sa tréimhse ón 01.01.15 go dtí an 31.12.15;
- (c) 0,6 go 1 sa tréimhse ón 1 Eanáir 2016 go dtí an 31 Nollaig 2016; agus
- (d) 0,8 go 1 sa tréimhse ón 1 Eanáir 2017 go dtí an 31 Nollaig 2017

**▼B**

3. Déanfaidh na húdaráis inniúla luach an fhachtóra is infheidhme sna raonta a shonraítear i mír 2 a chinneadh agus a fhoilsiú.

## Roinn 5

**Scagairí breise agus asbhaintí breise***Airteagal 481***Scagairí breise agus asbhaintí breise**

1. De mhaolú ar Airteagail 32 go 36, ar Airteagal 56 agus ar Airteagal 66, i rith na tréimhse ón 1 Eanáir 2014 go dtí an 31 Nollaig 2017, déanfaidh institiúidí coigeartuithe d'fhonn an céatadán is infheidhme de na scagairí nó na n-asbhaintí a éilítear faoi bhearta náisiúnta trasuimh maidir le hAirteagail 57, 61, 63, 63a, 64 agus 66 de Threoir 2006/48/CE, agus maidir le hAirteagal 13 agus le hAirteagal 16 de Threoir 2006/49/CE, agus nach n-éilítear i gcomhréir le Cuid a Dó den Rialachán seo a chur san áireamh in ítimí Ghnáthchothromas Leibhéal 1, de Chaipiteal Leibhéal 1, de Chaipiteal Leibhéal 2 nó in ítimí cistí dílse nó iad a bhaint astu.

**▼C2**

2. De mhaolú ar Airteagail 36(1)(i) agus ar Airteagal 49(1), i rith na tréimhse ón 1 Eanáir 2014 go dtí an 31 Nollaig 2014, féadfaidh na húdaráis inniúla cur de cheangal ar institiúidí nó iad a cheadú na modhanna dá dtagraítear in Airteagal 49(1) a chur i bhfeidhm i gcás nach gcomhlíonfar na ceanglais a leagtar síos i bpointe (b) d'Airteagal 49(1) seachas an asbhaint a cheanglaítear de bhun Airteagal 36(1). Sna cásanna sin, dearbhófar an chomhréir sealúchais ionstraimí cistí dílse de chuid eintitis earnála airgeadais, ar eintiteas é ina bhfuil infheistíocht shuntasach ag an máthairinstitiúid nach gceanglaítear í a asbhaint i gcomhréir le hAirteagal 49(1) ag an gcéatadán is infheidhme dá dtagraítear i mír 4 den Airteagal sin. Beidh an méid nach n-asbhainfear faoi réir cheanglais Airteagal 49(4), mar is infheidhme.

**▼B**

3. Chun críocha mhír 1, tiocfaidh an céatadán is infheidhme faoi na raonta seo a leanas:

- (a) 0 % go 80 % don tréimhse ón 1 Eanáir 2014 go dtí an 31 Nollaig 2014;
- (b) 0 % go 60 % don tréimhse idir an 01.01.15 agus an 31 Nollaig 2015;
- (c) 0 % go 40 % don tréimhse ón 01.01.16 go dtí an 31.12.16;
- (d) 0 % go 20 % don tréimhse ón 1 Eanáir 2017 go dtí an 31 Nollaig 2017

4. Chun críche mhír 2, beidh an céatadán is infheidhme idir 0 % agus 50 % i rith na tréimhse ón 1 Eanáir 2014 go dtí an 31 Nollaig 2014;

**▼B**

5. Maidir le gach scagaire nó asbhaint dá dtagraítear i mír 1 agus i mír 2, déanfaidh údaráis inniúla na céatadáin is infheidhme sna raonta a shonraítear i mír 3 agus mír 4 a chinneadh agus a fhoilsiú.

6. Forbróidh ÚBE dréachtchaighdeáin theicniúla rialála d'fhonn na coinníollacha a shonrú faoina gcinnfidh na húdaráis inniúla an ceart nó nár cheart coigeartuithe a rinneadh ar chistí dílse, nó ar eilimintí díobh, chun críocha an Airteagail seo, i gcomhréir le bearta náisiúnta trasúimh maidir le Treoir 2006/48/CE nó Treoir 2006/49/CE nach n-áirítear i gCuid a Dó den Rialachán seo a dhéanamh ar ítimí Ghnáth-chothromas Leibhéal 1, de Chaipiteal Breise Leibhéal 1, de Chaipiteal Leibhéal 2 nó ar ítimí cistí dílse.

**▼C1**

Cuirfidh an ÚBE na dréachtchaighdeáin theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na caighdeáin theicniúla rialála dá dtagraítear sa chéad fhomhír a ghlacadh i gcomhréir le Airteagail 10 go 14 de Rialachán (AE) Uimh. 1093/2010.

*Airteagal 482***Raon feidhme d' idirbhearta díorthach le cistí pinsean a chur i bhfeidhm**

Maidir leis na hidirbhearta dá dtagraítear in Airteagal 89 de Rialachán AE Uimh648/2012] agus a rinneadh le socruithe scéime pinsin mar a shainmhínítear in Airteagal 2 den Rialachán seo iad, ní ríomhfaidh na hinstiúidí na ceanglais maidir le cistí dílse do priacal C<sub>V</sub>A dá bhforáiltear in Airteagal 382(4)(c) den Rialachán sin.

*CAIBIDIL 2**Marthanú ionstraimí caipitil*

## Roinn 1

**Ionstraimí lena mbunaítear státchabhair***Airteagal 483***Ionstraimí lena mbunaítear Státchabhair a mharthanú**

1. De mhaolú ar Airteagail 26 go 29, 51, 52, 62 agus 63, i rith na tréimhse ón 1 Eanáir 2014 dtí an 31 Nollaig 2017, beidh feidhm ag an Airteagal seo maidir le hionstraimí agus ítimí caipitil i gcás ina gcomhlíonfar na coinníollacha seo a leanas:

- (a) eisíodh na hionstraimí roimh an 1 Eanáir 2014;
- (b) eisíodh na hionstraimí i gcomhthéacs scéime athchaipitlithe de bhun rialacha i leith Státchabhrach; Sa mhéid go suibscríobhtar cuid de na hionstraimí go príobháideach, déanfar iad a eisiúint roimh an 30 Meitheamh 2012 i gcomhar leis na codanna sin atá suibcríofa ag an mBallstát;

**▼ C2**

- (c) mheas an Coimisiún go raibh na hionstraimí comhoiriúnach don mhargadh inmheánach faoi Airteagal 107 CFAE.

Sna cásanna inar ionstraimí iad atá suibscríofa ag an mBallstát agus ag infheisteoirí príobháideacha araon agus i gcás ina ndéanfar fuascailt pháirteach ar na hionstraimí atá suibscríofa ag an mBallstát, déanfar sciar comhfhreagrach den chuid atá suibscríofa go príobháideach a mharthanú i gcomhréir le hAirteagal 484. Nuair a bheidh na hionstraimí uile atá suibscríofa ag an mBallstát fuascailte, déanfar na hionstraimí a bheidh fágtha atá suibscríofa ag infheisteoirí príobháideacha a mharthanú i gcomhréir le hAirteagal 484.

**▼ B**

2. Cáileoidh ionstraimí a cháiligh i gcomhréir leis na bearta náisiúnta trasúimh maidir le pointe (a) d'Airteagal 57 de Threoir 2006/48/CE mar ionstraimí Ghnáthchothromas Leibhéal 1, d'ainneoin ceachtar díobh seo a leanas:

- (a) nár comhlíonadh na coinníollacha a leagtar síos in Airteagal 28 den Rialachán sin;
- (b) d'eisigh gnóthas dá dtagraítear in Airteagal 27 den Rialachán seo na hionstraimí agus níor comhlíonadh na coinníollacha a leagtar síos in Airteagal 28 den Rialachán seo seo, nó i gcás inarb infheidhme in Airteagal 29 den Rialachán seo.

3. Cáileoidh ionstraimí dá dtagraítear i mír 1(c) den Airteagal sin nach gcáilíonn faoi na bearta náisiúnta trasúimh maidir le pointe (a) d'Airteagal 57 de Threoir 2006/48/CE mar ionstraimí Ghnáthchothromas Leibhéal 1, d'ainneoin nár comhlíonadh ceanglais mhír 2 (a) nó (b) den Airteagal sin, ar an gcoinníoll go gcloífear le ceanglais mhír 8 den Airteagal sin.

Ní fhéadfaidh ionstraimí a cháilíonn mar Ghnáthchothromas Leibhéal 1 de bhun na chéad fho-mhíre cáiliú mar ionstraimí Chaipiteal Breise Leibhéal 1 nó de Chaipiteal Leibhéal 2 faoi mhír 5 nó faoi mhír 7.

4. Cáileoidh ítimí a cháiligh i gcomhréir leis na bearta náisiúnta trasúimh maidir le pointe (ca) d'Airteagal 57 agus maidir le hAirteagal 66(1) de Threoir 2006/48/CE mar ionstraimí Chaipiteal Breise Leibhéal 1, d'ainneoin nár comhlíonadh na coinníollacha dá dtagraítear in Airteagal 52(1) den Rialachán sin.

5. Cáileoidh ionstraimí dá dtagraítear i mír 1(c) den Airteagal sin nach gcáilíonn faoi na bearta náisiúnta trasúimh maidir le pointe (ca) d'Airteagal 57 de Threoir 2006/48/CE mar ionstraimí Chaipiteal Breise Leibhéal 1, d'ainneoin nár comhlíonadh na coinníollacha a leagtar síos in Airteagal 52(1) den Rialachán sin, ar an gcoinníoll go gcloífear le ceanglais mhír 6 den Airteagal sin.

Ní fhéadfaidh ionstraimí a cháilíonn mar ionstraimí Chaipiteal Breise Leibhéal 1 de bhun na chéad fho-mhíre cáiliú mar ionstraimí Ghnáthchothromas Leibhéal 1 nó de Chaipiteal Leibhéal 2 faoi mhír 3 nó faoi mhír 7.

**▼B**

6. Cáileoidh ítimí a cháiligh i gcomhréir le bearta náisiúnta trasuímh maidir le pointí (f), (g) nó (h) d'Airteagal 57 agus maidir le hAirteagal 66(1) de Threoir 2006/48/CE mar ionstraimí Chaipiteal Leibhéal 2, d'ainneoin nár comhlíonadh na hítimí dá dtagraítear in Airteagal 62 den Rialachán seo agus na coinníollacha a leagtar amach in Airteagal 63 den Rialachán sin.

7. Cáileoidh ionstraimí dá dtagraítear i mír 1(c) den Airteagal sin nach gcáilíonn i gcomhréir le bearta náisiúnta trasuímh maidir le pointe (f), pointe (g) nó pointe (h) d'Airteagal 57 agus maidir le hAirteagal 66(1) de Threoir 2006/48/CE mar ionstraimí Chaipiteal Leibhéal 2, d'ainneoin nár comhlíonadh na hítimí dá dtagraítear in Airteagal 62 agus na coinníollacha a leagtar amach in Airteagal 63, ar an gcoinníoll go gcomhlíontar coinníollacha mhír den Airteagal seo.

Ní fhéadfaidh ionstraimí a cháilíonn mar ionstraimí Chaipiteal Leibhéal 2 de bhun na chéad fho-mhíre cáiliú mar ionstraimí Ghnáthchothromas Leibhéal 1 nó de Chaipiteal Breise Leibhéal 1 faoi mhír 3 nó faoi mhír 5.

8. Ní fhéadfaidh ionstraimí dá dtagraítear i mír 3, i mír 5 agus i mír 7 cáiliú mar ionstraimí cistí dílse dá dtagraítear sna míreanna sin ach amháin i gcás ina gcomhlíonfar an coinníoll i bpointe (a) de mhír 1 agus nuair a eiseoidh institiúidí atá corpraithe i mBallstát atá faoi réir Cláir Choigeartaithe Eacnamaíoch iad, agus comhaontófar eisiúint na n-ionstraimí sin faoin gclár sin.

## Roinn 2

**Ionstraimí nach mbunaítear stáitchabhair leo**

## Foroinn 1

**Incháilitheacht mharthanachta agus teorainneacha***Airteagal 484***Incháilitheacht chun ítimí a cháiligh mar chistí dílse faoi bhearta náisiúnta trasuímh maidir le Treoir 2006/48/CE a mharthanú****▼C2**

1. Ní bheidh feidhm ag an Airteagal seo ach amháin maidir le hionstraimí agus ítimí a eisíodh an 31 Nollaig 2011 nó roimhe sin agus a bhí incháilithe mar chistí dílse an 31 Nollaig 2011 agus nach iad na hionstraimí ná na hítimí sin dá dtagraítear in Airteagal 483(1) iad.

**▼B**

2. De mhaolú ar Airteagail 26 go 29, 51, 52, 62 agus 63, beidh feidhm ag an Airteagal seo i rith na tréimhse ón 1 Eanáir 2014 go dtí an 31 Nollaig 2021

3. Faoi réir Airteagal 485 den Rialachán seo agus faoi réir na teorann a shonraítear in Airteagal 486(2) de, caipiteal de réir bhrí Airteagal 22 de Threoir 86/635/CEE agus na cuntais scairbhisigh ghaolmhara, a cháiligh mar chistí dílse bunaidh faoi na bearta náisiúnta trasuímh maidir le pointe (a) d'Airteagal 57 de Threoir 2006/48/CE, déanfar iad a cháiliú mar ítimí Ghnáthchothromas Leibhéal 1, d'ainneoin nach gcomhlíonann an caipiteal na coinníollacha a leagtar síos in Airteagal 28 nó, i gcás inarb infheidhme, in Airteagal 29 den Rialachán seo.

**▼B**

4. Faoi réir na teorann a shonraítear in Airteagal 486(3) den Rialachán sin, ionstraimí, agus na cuntais scairbhisigh ghaolmhara, a cháiligh mar chistí dílse bunaidh faoi na bearta náisiúnta trasuímh maidir le pointe (ca) d'Airteagal 57 agus Airteagal 154(8) agus (9) de Threoir 2006/48/CE, déanfar iad a cháiliú mar ítimí Chaipiteal Breise Leibhéal 1, d'ainneoin na gcoinníollacha a leagtar síos in Airteagal 52 den Rialachán sin.

5. Faoi réir na dteorainneacha a shonraítear in Airteagal 486(4) den Rialachán sin, ítimí, agus na cuntais scairbhisigh ghaolmhara, a cháiligh faoi na bearta náisiúnta trasuímh maidir le pointí (e), (f), (g) nó (h) d'Airteagal 57 de Threoir 2006/48/CE déanfar iad a cháiliú mar ítimí Chaipiteal Leibhéal 2, d'ainneoin nár áiríodh na hítimí sin in Airteagal 62 den Rialachán seo nó d'ainneoin na gcoinníollacha a leagtar amach in Airteagal 63 den Rialachán sin.

*Airteagal 485*

**Incháilitheacht le cur isteach i nGnáthchothromas Leibhéal 1 de na cuntais scairbhisigh a bhaineann le hítimí a cháiligh mar chistí dílse faoi bhearta náisiúnta trasuímh maidir le Treoir 2006/48/CE**

1. Ní bheidh feidhm ag an Airteagal seo ach amháin maidir le hionstraimí a eisíodh roimh an 31 Nollaig 2010 agus nach iad na hionstraimí sin dá dtagraítear in Airteagal 483(1) iad.

2. Cuntais scairbhisigh a bhaineann le caipiteal de réir bhrí Airteagal 22 de Threoir 86/365/CEE, a cháiligh mar chistí dílse bunaidh faoi na bearta náisiúnta trasuímh maidir le pointe (a) d'Airteagal 57 de Threoir 2006/48/CE, cáileoidh siad mar ítimí Ghnáthchothromas Leibhéal 1 má chomhlíontar na coinníollacha a leagtar síos i bpointe (i) agus i bpointe (j) d'Airteagal 28 den Rialachán sin.

*Airteagal 486*

**Teorainneacha ar ítimí a mharthanú in ítimí Ghnáthchothromas Leibhéal 1, de Chaipiteal Breise Leibhéal 1 agus de Chaipiteal Leibhéal 2**

1. I rith na tréimhse ón 1 Eanáir 2014 go dtí an 31 Nollaig 2021, beidh teorainn leis an méid a cháileoidh na hionstraimí agus ítimí dá dtagraítear in Airteagal 484 mar chistí dílse i gcomhréir leis an Airteagal seo.

2. Tá méid na n-ítimí dá dtagraítear in Airteagal 484(3) a cháileoidh mar ítimí Ghnáthchothromas Leibhéal 1 teoranta don chéatadán is infheidhme de shuim na méideanna a shonraítear i bpointe (a) agus i bpointe (b) den mhír sin:

(a) méid ainmniúil an chaipitil dá dtagraítear in Airteagal 484(3) a bhí eisithe an 31 Nollaig 2012;

(b) na cuntais scairbhisigh a bhaineann leis na hítimí dá dtagraítear i bpointe (a);

**▼B**

3. Tá méid na n-ítimí dá dtagraítear in Airteagal 484(4) a cháileoidh mar ítimí Chaipiteal Breise Leibhéal 1 teoranta don chéatadán is infheidhme iolraithe faoin toradh a fhaightear nuair a dhealaítear suim na méideanna a shonraítear i bpointí (c) go (f) den mhír sin ó shuim na méideanna a shonraítear i bpointe (a) agus i bpointe (b) den mhír sin:

- (a) méid ainmniúil na n-ionstraimí dá dtagraítear in Airteagal 484(4) a bhí eisithe fós an 31 Nollaig 2012;
- (b) na cuntais scairbhisigh a bhaineann leis na hionstraimí dá dtagraítear i bpointe (a);
- (c) méid na n-ionstraimí dá dtagraítear in Airteagal 484(4) a bhí, an 31 Nollaig 2012, os cionn na dteorainneacha a shonraítear sna bearta náisiúnta trasuímh maidir le pointe (a) d'Airteagal 66(1) agus Airteagal 66(1a) de Threoir 2006/48/CE;
- (d) na cuntais scairbhisigh a bhaineann leis na hionstraimí dá dtagraítear i bpointe (c);
- (e) méid ainmniúil na n-ionstraimí dá dtagraítear in Airteagal 484(4) a bhí eisithe an 31 Nollaig 2012 ach nach gcáilíonn mar ionstraimí Chaipiteal Breise Leibhéal 1 de bhun Airteagal 489(4);
- (f) na cuntais scairbhisigh a bhaineann leis na hionstraimí dá dtagraítear i bpointe (e).

4. Tá méid na n-ítimí dá dtagraítear in Airteagal 484(5) a cháileoidh mar ítimí Chaipiteal Leibhéal 2 teoranta don chéatadán is infheidhme den toradh a fhaightear nuair a dhealaítear suim na méideanna a shonraítear i bpointí (e) go (h) den mhír sin ó shuim na méideanna a shonraítear i bpointe (a) go (d):

- (a) méid ainmniúil na n-ionstraimí dá dtagraítear in Airteagal 484(5) a bhí eisithe fós an 31 Nollaig 2012;
- (b) na cuntais scairbhisigh a bhaineann leis na hionstraimí dá dtagraítear i bpointe (a);

► **C2** (c) méid ainmniúil an chaipitil ó iasacht fho-ordaithe a bhí fós eisithe an 31 Nollaig 2012, laghdaithe leis ◀ an méid a éilítear de bhun na mbearta náisiúnta trasuímh maidir le pointe (c) d'Airteagal 64(3) de Threoir 2006 /48/CE;

- (d) méid ainmniúil na n-ítimí dá dtagraítear in Airteagal 44(5), seachas na hionstraimí agus an caipiteal ó iasacht fho-ordaithe dá dtagraítear i bpointe (a) agus i bpointe (c) den mhír seo, a bhí eisithe an 31 Nollaig 2012;
- (e) méid ainmniúil na n-ionstraimí agus na n-ítimí dá dtagraítear in Airteagal 484(5) a bhí eisithe an 31 Nollaig 2012 agus a chuaigh thar na teorainneacha a shonraítear sna bearta náisiúnta trasuímh maidir le pointe (a) d'Airteagal 66(1) de Threoir 2006/48/CE;
- (f) na cuntais scairbhisigh a bhaineann leis na hionstraimí dá dtagraítear i bpointe (e);



**▼B**

- (g) méid ainmniúil na n-ionstraimí dá dtagraítear in Airteagal 484(5) a bhí eisiithe an 31 Nollaig 2012 nach gcáilíonn mar ítimí Chaipiteal Leibhéal 2 de bhun Airteagal 490(4);
- (h) na cuntais scairbhisigh a bhaineann leis na hionstraimí dá dtagraítear i bpointe (g).

5. Chun críocha an Airteagail seo, tiocfaidh na céatadáin is infheidhme dá dtagraítear i míreanna 2 go 4 faoi na raonta seo a leanas:

- (a) 60 % go 80 % le linn na tréimhse ón 1 Eanáir 2014 o dtí an 31 Nollaig 2014;
- (b) 40 % go 70 % i rith na tréimhse ón 01.01.15 go dtí an 31.12.15;
- (c) 20 % go 60 % i rith na tréimhse ón 01.01.16 go dtí an 31.12.16;
- (d) 0 % go 50 % i rith na tréimhse ón 1 Eanáir 2017 go dtí an 31 Nollaig 2017;
- (e) 0 % go 40 % i rith na tréimhse ón 1 Eanáir 2018 go dtí an 31 Nollaig 2018;
- (f) 0 % go 30 % i rith na tréimhse ón 1 Eanáir 2019 go dtí an 31 Nollaig 2019;
- (g) 0 % go 20 % i rith na tréimhse ón 1 Eanáir 2020 go dtí an 31 Nollaig 2020;
- (h) 0 % go 10 % i rith na tréimhse ón 1 Eanáir 2021 go dtí an 31 Nollaig 2021

6. Déanfaidh na húdaráis inniúla na céatadáin is infheidhme sna raonta a shonraítear i mír 5 a chinneadh agus a fhoilsiú;

*Airteagal 487*

**Ítimí atá eisiata ó mharthanú in ítimí Ghnáthchothromas Leibhéal 1 agus de Chaipiteal Breise Leibhéal 1 a mharthanú in eilimintí eile de chistí dílse**

1. De mhaolú ar Airteagail 51, 52, 62 agus 63, i rith na tréimhse ón 1 Eanáir 2014 go dtí an 31 Nollaig 2021, féadfaidh institiúidí caipiteal, agus na cuntais scairbhisigh ghaolmhara, dá dtagraítear in Airteagal 484(4) a eisiatar ó ítimí Ghnáthchothromas Leibhéal 1 toisc go sáraíonn siad an céatadán is infheidhme a shonraítear in Airteagal 486(2), a láimhseáil mar ítimí dá dtagraítear in Airteagal 484(4), a mhéid is nach sáraítear, trí áireamh an chaipitil sin agus na gcuntas scairbhisigh gaolmhar, teorainn an chéatadán is infheidhme dá dtagraítear in Airteagal 486(3).

**▼B**

2. De mhaolú ar Airteagail 51, 52, 62 agus 63, i rith na tréimhse ón 1 Eanáir 2014 go dtí an 31 Nollaig 2021, féadfaidh institiúidí na nithe seo a leanas a láimhseáil mar ítimí dá dtagraítear in Airteagal 484(5), a mhéid is nach sáraítear, trína n-áireamh, teorainn an chéatadán is infheidhme dá dtagraítear in Airteagal 486(4):

- (a) caipiteal, agus na cuntais scairbhisigh ghaolmhara, dá dtagraítear in Airteagal 484(3) a eisiatar ó ítimí Ghnáthchothromas Leibhéal 1 toisc go sáraíonn siad an céatadán is infheidhme a shonraítear in Airteagal 486(2);
- (b) ionstraimí, agus na cuntais scairbhisigh ghaolmhara, dá dtagraítear in Airteagal 484(4) a sháraíonn an céatadán is infheidhme dá dtagraítear in Airteagal 486(3).

3. Forbróidh an ÚBE dréacht-chaighdeán theicniúla rialála d'fhonn na coinníollacha a shonrú chun ionstraimí cistí dílse dá dtagraítear i mír 1 agus mír 2 a láimhseáil mar ionstraimí a thig faoi Airteagal 486(4) nó faoi Airteagal 486(5) i rith na tréimhse 1 Eanáir 2014 go dtí an 31 Nollaig 2021

**▼C1**

Cuirfidh an ÚBE na dréachtchaighdeán theicniúla rialála sin faoi bhráid an Choimisiúin faoin 28 Iúil 2013.

**▼B**

Déantar cumhacht a tharmligean chuig an gCoimisiún chun na dréacht-chaighdeán theicniúla rialála dá dtagraítear sa chéad fhomhír a ghlacadh i gcomhréir leAirteagail 10 go 14 de Rialachán (AE) Uimh. 1093/2010.

*Airteagal 488***Amúchadh ar ítimí a marthanaíodh mar ítimí Chaipiteal Leibhéal 2**

Beidh na hítimí dá dtagraítear in Airteagal 484(5) a cháilíonn mar ítimí Chaipiteal Leibhéal 2 dá dtagraítear in Airteagal 484(5) nó in Airteagal 486(4) faoi réir na gceanglas a leagtar síos in Airteagal 64.

## F o r o i n n 2

**Ionstraimí ina bhfuil rogha agus dreasacht fuascailte a áireamh in ítimí chaipiteal breise leibhéal 1 agus de chaipiteal leibhéal 2***Airteagal 489***Ionstraimí hibrideacha ina bhfuil rogha agus dreasacht fuascailte**

1. De mhaolú ar Airteagal 51 agus ar Airteagal 52, i rith na tréimhse ón 1 Eanáir 2014 go dtí an 31 Nollaig 2021, maidir leis na hionstraimí dá dtagraítear in Airteagal 484(4) a gcuimsítear ina dtéarmaí agus ina gcoinníollacha rogha agus dreasacht don institiúid iad a fhuascailt, ► **C2** beidh siad faoi réir an Airteagail seo. ◀

**▼B**

2. Cáileoidh na hionstraimí mar ionstraimí Chaipiteal Breise Leibhéal 1 ar an gcoinníoll go gcomhlíonfar na coinníollacha seo a leanas:

- (a) is roimh an 1 Eanáir 2013 amháin a bhí an institiúid in ann rogha le dreasacht fuascailte a fheidhmiú;
- (b) níor fheidhmigh an institiúid an rogha;
- (c) comhlíontar na coinníollacha a leagtar síos in Airteagal 52 ón 1 Eanáir 2013.

3. Cáileoidh na hionstraimí mar ionstraimí Chaipiteal Breise Leibhéal 1 a bhfuil aithint laghdaithe acu i gcomhréir le hAirteagal 484(4) go dtí dáta a n-aibíochta iarbhír agus cáileoidh siad ina dhiaidh sin mar ítimí Chaipiteal Breise Leibhéal 1 gan aon teorainn, i gcás ina gcomhlíonfar na coinníollacha seo a leanas:

- (a) is an 1 Eanáir 2013 nó ina dhiaidh sin amháin a bhí an institiúid in ann rogha le dreasacht fuascailte a fheidhmiú;
- (b) níor fheidhmigh an institiúid an rogha ar dháta aibíochta iarbhír na n-ionstraimí;
- (c) comhlíontar na coinníollacha a leagtar síos in Airteagal 52 ó dháta aibíochta iarbhír na n-ionstraimí.

4. Ní cháileoidh na hionstraimí mar ionstraimí Chaipiteal Breise Leibhéal 1, agus ní bheidh siad faoi réir Airteagal 484(4) ón 1 Eanáir 2014 i gcás ina gcomhlíonfar na coinníollacha seo a leanas:

- (a) is idir an 31 Nollaig 2011 agus an 1 Eanáir 2013 a bhí an institiúid in ann rogha le dreasacht fuascailte a fheidhmiú;
- (b) níor fheidhmigh an institiúid an rogha ar dháta aibíochta iarbhír na n-ionstraimí;
- (c) ní chomhlíontar na coinníollacha a leagtar síos in Airteagal 52 ó dháta aibíochta iarbhír na n-ionstraimí.

5. Cáileoidh na hionstraimí mar ionstraimí Chaipiteal Breise Leibhéal 1 a bhfuil aithint laghdaithe acu i gcomhréir le hAirteagal 484(4) go dtí dáta a n-aibíochta iarbhír agus ní cháileoidh siad ina dhiaidh sin mar ionstraimí Chaipiteal Breise Leibhéal 1 i gcás ina gcomhlíonfar na coinníollacha seo a leanas:

- (a) is an 1 Eanáir 2013 nó ina dhiaidh sin a bhí an institiúid in ann rogha le dreasacht fuascailte a fheidhmiú;
- (b) níor fheidhmigh an institiúid an rogha ar dháta aibíochta iarbhír na n-ionstraimí;
- (c) ní chomhlíontar na coinníollacha a leagtar síos in Airteagal 52 ó dháta aibíochta iarbhír na n-ionstraimí.

**▼B**

6. Cáileoidh ionstraimí mar ionstraimí Chaipiteal Breise Leibhéal 1 i gcomhréir le hAirteagal 484(4) i gcás ina gcomhlíonfar na coinníollacha seo a leanas:

- (a) is an 31 Nollaig 2011 nó roimhe sin amháin a bhí an institiúid in ann rogha le dreasacht fuascailte a fheidhmiú;
- (b) níor fheidhmigh an institiúid an rogha ar dháta aibíochta iarbhír na n-ionstraimí;
- (c) ní chomhlíontar na coinníollacha a leagtar síos in Airteagal 52 ó dháta aibíochta iarbhír na n-ionstraimí.

*Airteagal 490***Ítíimí Chaipiteal Leibhéal 2 lena ngabhann dreasacht fuascailte**

1. De mhaolú ar Airteagal 62 agus Airteagal 63, i rith na tréimhse ón 1 Eanáir 2014 go dtí an 31 Nollaig 2021, maidir le hítimí dá dtagraítear in Airteagal 484(5) a cháiligh faoi na bearta náisiúnta trasuimh maidir le pointe (f) nó le pointe (h) d'Airteagal 57 de Threoir 2006/48/CE agus ina gcuimsítear ina dtéarmaí agus ina gcoinníollacha rogha le dreasacht don institiúid iad a fhuascailt, ► **C2** beidh siad faoi réir an Airteagail seo. ◀

2. Cáileoidh na hítimí mar ionstraimí Chaipiteal Leibhéal 2 má chomhlíontar na coinníollacha seo a leanas:

- (a) is roimh an 1 Eanáir 2013 amháin a bhí an institiúid in ann rogha le dreasacht fuascailte a fheidhmiú;
- (b) níor fheidhmigh an institiúid an rogha;
- (c) comhlíontar na coinníollacha a leagtar síos in Airteagal 63 ón 1 Eanáir 2013.

3. Cáileoidh na hítimí mar ítíimí Chaipiteal Leibhéal 2 i gcomhréir le hAirteagal 484(5) go dtí dáta a n-aibíochta iarbhír, agus cáileoidh siad ina dhiaidh sin mar ítíimí Chaipiteal Leibhéal 2, i gcás ina gcomhlíonfar na coinníollacha seo a leanas:

- (a) is an 1 Eanáir 2013 nó ina dhiaidh sin amháin a bhí an institiúid in ann rogha le dreasacht fuascailte a fheidhmiú;
- (b) níor fheidhmigh an institiúid an rogha ar dháta aibíochta iarbhír na n-ítimí;
- (c) comhlíontar na coinníollacha a leagtar síos in Airteagal 63 ó dháta aibíochta iarbhír na n-ítimí.

**▼C2**

4. Ní cháileoidh na hítimí mar ítíimí Chaipiteal Leibhéal 2 ón 1 Eanáir 2013 i gcás ina gcomhlíonfar na coinníollacha seo a leanas:

**▼B**

- (a) is idir an 31 Nollaig 2011 agus an 1 Eanáir 2013 amháin a bhí an institiúid in ann rogha le dreasacht fuascailte a fheidhmiú;
- (b) níor fheidhmigh an institiúid an rogha ar dháta aibíochta iarbhír na n-ítimí;
- (c) ní chomhlíontar na coinníollacha a leagtar síos in Airteagal 60 ó dháta aibíochta iarbhír na n-ítimí.

5. Cáileoidh na hítimí mar ítimí Chaipiteal Leibhéal 2 a bhfuil aithint laghdaithe acu i gcomhréir le hAirteagal 484(5) go dtí dáta a n-aibíochta iarbhír, agus ní cháileoidh siad ina dhiaidh sin mar ítimí Chaipiteal Leibhéal 2, i gcás ina gcomhlíonfar na coinníollacha seo a leanas:

- (a) is an 1 Eanáir 2013 nó ina dhiaidh sin a bhí an institiúid in ann rogha le dreasacht fuascailte a fheidhmiú;
- (b) níor fheidhmigh an institiúid an rogha ar dháta a n-aibíochta iarbhír;
- (c) ní chomhlíontar na coinníollacha a leagtar amach in Airteagal 63 ó dháta aibíochta iarbhír na n-ítimí.

6. Cáileoidh ítimí mar ítimí Chaipiteal Leibhéal 2 i gcomhréir le hAirteagal 484(5), i gcás ina gcomhlíonfar na coinníollacha seo a leanas:

- (a) is an 31 Nollaig 2011 nó roimhe sin amháin a bhí an institiúid in ann rogha le dreasacht fuascailte a fheidhmiú;
- (b) níor fheidhmigh an institiúid an rogha ar dháta aibíochta iarbhír na n-ítimí;
- (c) ní chomhlíontar na coinníollacha a leagtar síos in Airteagal 63 ó dháta aibíochta iarbhír na n-ítimí.

*Airteagal 491***Aibíocht iarbhír**

Chun críocha Airteagal 489 agus Airteagal 490, déanfar aibíocht iarbhír a chinneadh mar a leanas:

- (a) maidir leis na hítimí dá dtagraítear i mír 3 agus mír 5 de na hAirteagail sin, is ionann é agus dáta na céadrogha le dreasacht fuascailte a tharlóidh an 1 Eanáir 2013 nó ina dhiaidh sin;
- (b) maidir leis na hítimí dá dtagraítear i mír 4 de na hAirteagail sin, is ionann é agus dáta na céadrogha le dreasacht fuascailte a tharlaíonn idir an 31 Nollaig 2011 agus an 1 Eanáir 2013;

**▼B**

- (c) maidir leis na hítimí dá dtagraítear i mír 6 de na hAirteagail sin, is ionann é agus dáta na céadrogha le dreasacht fuascailte a tharla roimh an 31 Nollaig 2011

*CAIBIDIL 3****Forálacha idirtréimhseacha maidir le nochtadh cistí dílse****Airteagal 492***Nochtadh cistí dílse**

1. Cuirfidh na hinstiúidí an tAirteagal seo i bhfeidhm i rith na tréimhse ón 1 Eanáir 2014 go dtí an 31 Nollaig 2021

2. I rith na tréimhse ón 1 Eanáir 2014 go dtí an 1 Nollaig 2015, nochtfaidh instiúidí a mhéid a sháraíonn an leibhéal de Ghnáthchothromas Leibhéal 1 agus de Chaipiteal Leibhéal 1 na ceanglais a leagtar síos in Airteagal 465.

3. I rith na tréimhse ón 1 Eanáir 2014 go dtí an 31 Nollaig 2017, nochtfaidh instiúidí an fhaisnéis bhreise seo a leanas maidir lena gcistí dílse:

- (a) maidir leis na scagairí agus na hasbhaintí aonair a cuireadh i bhfeidhm i gcomhréir le hAirteagail 467 go 470, 474, 476 agus 479, an cineál a bhí iontu agus a n-éifeacht ar Ghnáthchothromas Leibhéal 1, ar Chaipiteal Breise Leibhéal 1, ar Chaipiteal Leibhéal 2 agus ar chistí dílse;
- (b) méideanna na leasanna mionlaigh agus na n-ionstraimí Chaipiteal Breise Leibhéal 1 agus de Chaipiteal Leibhéal 2, agus an tuilleamh coinnithe gaolmhara agus na cuntais scairbhaisigh ghaolmhara, a d'eisigh fochuideachtaí a áirítear i nGnáthchothromas Leibhéal 1 comhdhlúite, i gCaipiteal Breise Leibhéal 1 comhdhlúite, nó i gCaipiteal Leibhéal 2 comhdhlúite nó i gcistí dílse comhdhlúite i gcomhréir le Roinn 4 de Chaibidil 1;
- (c) éifeacht na scagairí agus na n-asbhaintí aonair, a cuireadh i bhfeidhm i gcomhréir le hAirteagal 481, ar Ghnáthchothromas Leibhéal 1, ar Chaipiteal Breise Leibhéal 1, ar Chaipiteal Leibhéal 2 agus ar chistí dílse;
- (d) cineál agus méideanna na n-ítimí a cháilíonn mar ítimí Ghnáthchothromas Leibhéal 1, de Chaipiteal Leibhéal 1 agus de Chaipiteal Leibhéal 2 de bhua na maoluithe a shonraítear i Roinn 2 de Chaibidil 2 a chur i bhfeidhm.

4. I rith na tréimhse ón 1 Eanáir 2014 go dtí an 31 Nollaig 2021, nochtfaidh instiúidí méid na n-ionstraimí a cháilíonn mar ionstraimí Ghnáthchothromas Leibhéal 1, de Chaipiteal Breise Leibhéal 1 agus de Chaipiteal Leibhéal 2 de bhua Airteagal 484 a chur i bhfeidhm.

**▼B**

5. Forbróidh ÚBE dréacht-chaighdeáin theicniúla cur chun feidhme chun an teimpléad aonfhoirmeach maidir le nochtadh a shonrú don nochtadh faoin Airteagal seo. Cuimseoidh na teimpléid na hítimí a liostaítear in Airteagal 437, mír 1, pointí (a), (b), (d) agus (e), a leas-aítear le Caibidil 1 agus 2 den Teideal seo.

**▼C1**

Cuirfidh an ÚBE na dréachtchaighdeáin theicniúla chur chun feidhme sin faoi bhráid an Choimisiúin faoin 28 Iúil 2013.

**▼B**

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le Airteagal 15 de Rialachán (AE) Uimh. 1093/2010.

*CAIBIDIL 4****Risíochtaí móra, ceanglais cistí dílse, luamhánú agus íosráta ríofa Basel I****Airteagal 493***Forálacha idirthréimhseacha maidir le risíochtaí móra**

1. Ní bheidh feidhm ag na forálacha maidir le risíochtaí móra a leagtar síos in Airteagail 387 go 403 maidir le gnólachtaí infheistíochta a mbaineann a bpríomhghnó go heisiach le seirbhísí nó gníomhaíochtaí infheistíochta a sholáthar maidir leis na hionstraimí airgeadais a leagtar amach i bpointí 5, 6, 7, 9 agus 10 de Roinn C d'Iarscríbhinn I a ghabhann le Treoir 2004/39/CE agus nach raibh feidhm ag Treoir 93/22/CEE an 10 Bealtaine 1993 <sup>(1)</sup> ina leith an 31 Nollaig 2006. ►M2 Tá an díolúine sin ar fáil go dtí an 31 Nollaig 2020 nó an dáta ar a dtiocfaidh leasuithe ar bith de bhun mhír 2 den Airteagal seo i bhfeidhm, cibé acu is luaithe. ◀

2. Faoin 31 Nollaig 2015, cuirfidh an Coimisiún, ar bhonn comhairliúchán poiblí agus i bhfianaise na caibidlíochta leis na húdaráis inniúla, tuarascáil ar an méid seo a leanas chuig an bParlaimint agus chuig an gComhairle:

- (a) córas iomchuí le haghaidh maoirseachta stuamachta ar ghnólachtaí infheistíochta a mbaineann a bpríomhghnó go heisiach le seirbhísí nó gníomhaíochtaí infheistíochta a sholáthar maidir leis na díorthaigh tráchtearraí nó na conarthaí díorthacha a leagtar amach i bpointí 5, 6, 7, 9 agus 10 de Roinn C d'Iarscríbhinn I a ghabhann le Treoir 2004/39/CE;
- (b) a inmhianaithe atá sé Treoir 2004/39/CE a leasú chun catagóir eile de ghnólachtaí infheistíochta a chruthú a mbaineann a bpríomhghnó go heisiach le seirbhísí nó gníomhaíochtaí infheistíochta a sholáthar maidir leis na hionstraimí airgeadais a leagtar amach i bpointí 5, 6, 7, 9 agus 10 de Roinn C d'Iarscríbhinn I de Threoir 2004/39/CE a bhaineann le soláthairtí fuinnimh.

Ar bhonn na tuarascála sin, féadfaidh an Coimisiún tograí a thíolacadh chun leasuithe a dhéanamh ar an Rialachán seo.

<sup>(1)</sup> IO: L 141, 11.6.1993, lch. 27.

## ▼B

3. De mhaolú ar Airteagal 400 (2) agus (3), ►C1 le linn idir-thréimhse go dtí go dtiocfaidh aon ghníomh reachtach i bhfeidhm tar éis an athbhreithnithe i gcomhréir le hAirteagal 507, ach ní tar éis an 31 Nollaig 2028, féadfaidh Ballstáit díolúine iomlán nó díolúine pháirteach a thabhairt i leith na risíochtaí a leanas ◀ ó chur i bhfeidhm Airteagal 395(1):

- (a) bannaí faoi chumhdach a thagann faoi chuimsiú Airteagal 129(1), Airteagal 129(3) agus Airteagal 129(6);
- (b) ítimí sócmhainne arb éard iad éilimh ar rialtais réigiúnacha nó ar údaráis áitiúla Ballstát i gcás ina sannfaí ualú priacal 20 % do na héilimh sin faoi Chuid a Trí, Teideal II, Caibidil 2 agus do risíochtaí eile ar na rialtais réigiúnacha nó ar na húdaráis áitiúla sin, nó arna ráthú acu, éilimh a sannfaí ualú priacal 20 % dóibh faoi Chuid a Trí, Teideal II, Caibidil 2;
- (c) risíochtaí, lena n-áirítear rannpháirteachas nó cineálacha eile sealúchas, a thabhaigh institiúid i leith a máthairchuideachta, i leith fhochuideachtaí eile na máthairchuideachta nó i leith a cuid fochuideachtaí féin, sa mhéid is go bhfuil na gnóthais sin faoi chumhdach ag an maoirseacht ar bhonn comhdhlúite a bhfuil an institiúid féin faoina réir, i gcomhréir leis an Rialachán seo, le Treoir 2002/87/CE nó le caighdeáin choibhéiseacha atá i bhfeidhm i dtríú tír; láimhseálfar risíochtaí nach gcomhlíonann na critéir sin, bíodh díolúine acu ó Airteagal 395(1) den Rialachán seo nó ná bíodh, mar risíochtaí ar thríú páirtí;
- (d) ítimí sócmhainne arb éard iad éilimh, agus risíochtaí eile, lena n-áirítear rannpháirteachas nó cineálacha eile sealúchas, ar institiúidí creidmheasa réigiúnacha nó lánacha lena bhfuil baint ag an institiúid chreidmheasa i líonra i gcomhréir le forálacha dlí nó le forálacha reachtúla agus atá freagrach, faoi na forálacha sin, as oibríochtaí imréitigh airgid laistigh den líonra;
- (e) ítimí sócmhainne arb éard iad éilimh, agus risíochtaí eile ar institiúidí creidmheasa arna dtabhú ag institiúidí creidmheasa, a bhfeidhmíonn ceann amháin acu ar bhonn neamhiomaíoch agus a sholáthraíonn nó a ráthaíonn iasachtaí faoi chláir reachtacha nó faoina cuid reachtanna, chun earnálacha sonraithe den gheilleagar a chur chun cinn faoi fhormhaoirseacht rialtais de chineál éigin agus srianta maidir le húsáid na n-iasachtaí, ar an gcoinníoll go dtiocfaidh na risíochtaí faoi seach as iasachtaí den sórt sin a chuirtear ar aghaidh chuig na tairbhíthe trí institiúidí creidmheasa nó ó ráthaíochtaí na n-iasachtaí sin;
- (f) ítimí sócmhainne arb éard iad éilimh ar institiúidí agus risíochtaí eile orthu, ar an gcoinníoll nach gcuimseoidh na risíochtaí sin cistí dílse na n-institiúidí sin, agus nach maireann níos faide ná an chéad lá gnó eile agus nach bhfuil siad ainmnithe i mórairgeadra trádála;
- (g) ítimí sócmhainne arb éard iad éilimh ar bhainc cheannais i bhfoirm na gcúlchistí fosta is gá a sealbhaíonn na bainc cheannais sin atá ainmnithe ina gcuid airgeadraí náisiúnta;



**▼B**

- (h) ítimí sócmhainne arb éard iad éilimh ar rialtais láir i bhfoirm ceanglas leachtachta reachtúla a shealbhaítear in urrúis rialtais atá ainmnithe agus cistithe ina gcuid airgeadraí náisiúnta ar an gcoinníoll gombaidh, ag lánrogha an údaráis inniúil, measúnú creidmheasa na rialtas láir sin atá sannta ag IMCS ainmnithe de ghrád infheistíochta;
- (i) 50 % de chreidmheasanna doiciméadacha íospriacal /meánpriacal lasmuigh den chlár comhardaithe agus de shaoráidí creidmheasa neamhtharraingthe íospriacal /meánpriacal lasmuigh den chlár comhardaithe dá dtagraítear in Iarscríbhinn I agus faoi réir chomhaontú na n-údarás inniúil, 80 % de ráthaíochtaí seachas ráthaíochtaí iasachta a bhfuil bonn dlí nó rialála fúthu agus a thugtar dá gcuid comhaltáí trí chomhscéimeanna ráthaíochta a bhfuil stádas acu mar institiúidí creidmheasa;
- (j) ráthaíochtaí a cheanglaítear leis an dlí a úsáidtear nuair a íoctar iasacht mhorgáiste atá maoinithe trí bhannaí morgáiste a eisiúint le hiasachtaí an mhorgáiste sula gclárófar an morgáiste den uair dheiridh sa chlár talún, ar an gcoinníoll nach n-úsáidfean an ráthaíocht mar ní a laghdóidh an priacal a bhaineann leis na méideanna risíochta ualaithe ó thaobh priacal a ríomh;
- (k) ítimí sócmhainne arb éard iad éilimh agus risíochtaí eile ar mhalairtí aitheanta.

**▼M4**

4. De mhaolú ar Airteagal 395(1), féadfaidh údaráis inniúla cead a thabhairt d'institiúidí aon cheann de na neamhchosaintí dá bhforáiltear i mír 5 den Airteagal seo a thabhu má chomhlíonann siad na coinníollacha a leagtar amach i mír 6 den Airteagal seo, gan dul thar na teorainneacha seo a leanas:

- (a) 100 % de chaipiteal Leibhéal 1 na hinstitiúide go dtí an 31 Nollaig 2018;
- (b) 75 % de chaipiteal Leibhéal 1 na hinstitiúide go dtí an 31 Nollaig 2019;
- (c) 50 % de chaipiteal Leibhéal 1 na hinstitiúide go dtí an 31 Nollaig 2020.

Beidh feidhm ag na teorainneacha dá dtagraítear i bpointe (a), i bpointe (b) agus i bpointe (c) den chéad fhomhír maidir le luachanna neamhchosanta ach a gcuirfean san áireamh éifeacht an mhaolaithe riosca chreidmheasa i gcomhréir le hAirteagal 399 go hAirteagal 403.

5. Beidh feidhm ag na socruithe idirthréimhseacha a leagtar amach i mír 4 maidir leis na neamhchosaintí seo a leanas:

- (a) míreanna sócmhainne ar éilimh iad ar rialtais láir, ar bhainc ceannais nó ar eintitis earnála poiblí na mBallstát;
- (b) míreanna sócmhainne ar éilimh iad arna ráthú go sainráite ag rialtais láir, ag bainc ceannais, nó ag eintitis earnála poiblí na mBallstát;
- (c) neamhchosaintí eile ar rialtais láir, ar bhainc ceannais, nó ar eintitis earnála poiblí na mBallstát, nó arna ráthú acu;

▼ **M4**

- (d) míreanna sócmhainne ar éilimh iad ar rialtais réigiúnacha nó ar údaráis áitiúla na mBallstát a láimhseáiltear mar neamhchosaintí ar rialtas láir i gcomhréir le hAirteagal 115(2);
- (e) neamhchosaintí eile ar rialtais réigiúnacha nó ar údaráis áitiúla na mBallstát, nó arna ráthú acu, a láimhseáiltear mar neamhchosaintí ar rialtas láir i gcomhréir le hAirteagal 115(2).

Chun críocha phointí (a), (b) agus (c) den chéad fhomhír, ní bheidh feidhm ag na socruithe idirthréimhseacha a leagtar amach i mír 4 den Airteagal seo ach amháin maidir le míreanna sócmhainne agus neamhchosaintí eile ar eintitis eárnála poiblí, nó arna ráthú acu, a láimhseáiltear mar neamhchosaintí ar rialtas láir, rialtas réigiúnach nó údarás áitiúil i gcomhréir le Airteagal 116(4). I gcás ina láimhseálfar míreanna sócmhainne agus neamhchosaintí eile ar eintitis eárnála poiblí, nó arna ráthú ag eintitis eárnála poiblí, mar neamhchosaintí ar rialtas réigiúnach nó ar údarás áitiúil i gcomhréir le hAirteagal 116(4), ní bheidh feidhm ag na socruithe idirthréimhseacha a leagtar amach i mír 4 den Airteagal seo ach amháin nuair a láimhseáiltear neamhchosaintí ar an rialtais réigiúnach sin nó ar an údarás áitiúil sin mar neamhchosaintí ar rialtas láir i gcomhréir le hAirteagal 115(2).

6. Ní bheidh feidhm ag na socruithe idirthréimhseacha a leagtar amach i mír 4 den Airteagal seo ach amháin i gcás ina gcomhlíonfaidh neamhchosaint dá dtagraítear i mír 5 den Airteagal seo na coinníollacha seo a leanas uile:

- (a) shannfaí ualach riosca 0 % don neamhchosaint i gcomhréir leis an leagan d'Airteagal 495(2) atá i bhfeidhm an 31 Nollaig 2017;
- (b) an 12 Nollaig 2017 nó tar a éis a tabhaíodh an neamhchosaint.

7. Neamhchosaint dá dtagraítear i mír 5 den Airteagal seo a tabhaíodh roimh 12 Nollaig 2017 agus dar sannadh ualú riosca 0 % i gcomhréir le hAirteagal 495(2) ar an 31 Nollaig 2017, díolmhófar í ó chur i bhfeidhm Airteagal 395(1).

▼ **M8***Airteagal 494***Forálacha idirthréimhseacha maidir leis an gceanglas maidir le cistí dílse agus dliteanais incháilithe**

1. De mhaolú ar Airteagal 92a ón 27 Meitheamh 2019 go dtí an 31 Nollaig 2021, comhlíonfaidh na hinstitiúidí a shainithnítear mar eintitis réitigh agus ar G-SIIInna iad nó ar cuid de G-SII iad na ceanglais seo a leanas i gcónaí maidir le cistí dílse agus dliteanais incháilithe:

- (a) cóimheas priacalbhunaithe 16 %, a bhaineann le cistí dílse agus dliteanais incháilithe na hinstitiúide arna sloinneadh mar chéatadán de mhéid iomlán na risíochtarisíochta ar phriacal a ríomhtar i gcomhréir le hAirteagal 92(3) agus (4);
- (b) cóimheas 6 % nach cóimheas priacalbhunaithe é, a bhaineann le cistí dílse agus dliteanais incháilithe na hinstitiúide arna sloinneadh mar chéatadán de thomhas iomlán na risíochta dá dtagraítear in Airteagal 492(4).

## ▼M8

2. De mhaolú ar Airteagal 72b(3), ón 27 Meitheamh 2019 go dtí an 31 Nollaig 2021, is é 2,5 % de mhéid iomlán na risíochta ar phriacal a ríomhtar i gcomhréir le hAirteagal 92(3) agus (4) an méid a bhféadfar ionstraimí dliteanas incháilithe dá dtagraítear in Airteagal 72b(3) a chur san áireamh in ítimí dliteanais incháilithe.

3. De mhaolú ar Airteagal 72b(3), go dtí go ndéanann an t-údarás réitigh a mheasúnú, den chéad uair, an gcomhlíontar an coinníoll a leagtar amach i bpointe (c) den mhír sin, cáileoidh dliteanais mar ionstraimí dliteanas incháilithe suas go dtí méid comhiomlán nach mó, go dtí an 31 Nollaig 2021, ná 2,5 % agus, tar éis an dáta sin, nach mó ná 3,5 % de mhéid iomlán na risíochta ar phriacal a ríomhtar i gcomhréir le mír 3 agus le mír 4 d'Airteagal 92, ar an gcoinníoll go gcomhlíonann siad na coinníollacha a leagtar síos i bpointe (a) agus i bpointe (b) d'Airteagal 72b(3).

*Airteagal 494a***Eisiúintí a mharthanú trí eintitis sainchuspóireacha**

1. De mhaolú ar Airteagal 52, cáileoidh ionstraimí caipitil nár eisigh institiúid go díreach mar ionstraimí Breise Leibhéal 1 go dtí an 31 Nollaig 2021 i gcás ina gcomhlíonfar na coinníollacha uile a leanas agus sa chás sin amháin:

- (a) na coinníollacha a leagtar amach in Airteagal 52(1), ach amháin an coinníoll a chuireann de cheanglas na hionstraimí a eisiúint go díreach ag an institiúid;
- (b) eiseofar na hionstraimí trí eintiteas laistigh den chomhdhlúthú de bhun Chaibidil 2 de Theideal II de Chuid a hAon;
- (c) beidh na fáiltais ar fáil láithreach gan teorainn, agus i bhfoirm a chomhlíonfaidh na coinníollacha atá leagtha síos sa mhír seo, don institiúid.

2. De mhaolú ar Airteagal 63, cáileoidh ionstraimí caipitil, nár eisigh institiúid go díreach, mar ionstraimí Breise Leibhéal 2 go dtí an 31 Nollaig 2021 i gcás ina gcomhlíonfar na coinníollacha uile a leanas agus sa chás sin amháin:

- (a) na coinníollacha a leagtar amach in Airteagal 63(1), ach amháin an coinníoll a chuireann de cheanglas na hionstraimí a eisiúint go díreach ag an institiúid;
- (b) eiseofar na hionstraimí trí eintiteas faoi chuimsiú an chomhdhlúthaithe de bhun Chaibidil 2 de Theideal II de Chuid a hAon;
- (c) beidh na fáiltais ar fáil láithreach gan teorainn agus i bhfoirm a chomhlíonfaidh na coinníollacha atá leagtha amach sa mhír seo don institiúid.

*Airteagal 494b***Ionstraimí cistí dílse agus ionstraimí dliteanais incháilithe a mharthanú**

1. De mhaolú ar Airteagal 51 agus ar Airteagal 52, cáileoidh ionstraimí a eiseofar roimh 27 Meitheamh 2019 mar ionstraimí Chaipiteal Breise Leibhéal 1 ar a dhéanaí go dtí 28 Meitheamh 2015, i gcás ina gcomhlíonfaidh siad na coinníollacha a leagtar amach in Airteagal 51 agus in Airteagal 52, cé is moite de na coinníollacha dá dtagraítear i bpointe (p), i bpointe (q) agus i bpointe (r) d'Airteagal 52(1).

**▼M8**

2. De mhaolú ar Airteagal 62 agus ar Airteagal 63, cáileoidh ionstraimí a eiseofar roimh 27 Meitheamh 2019 mar ionstraimí Chaipiteal Leibhéal 2 ar a dhéanaí go dtí 28 Meitheamh 2015, i gcás ina gcomhlíonfaidh siad na coinníollacha a leagtar amach in Airteagal 62 agus in Airteagal 63, cé is moite de na coinníollacha dá dtagraítear i bpointe (n), i bpointe (o) agus i bpointe (p) d'Airteagal 63.

3. De mhaolú ar phointe (a) d'Airteagal 72a(1), féadfaidh dliteanas a eiseofar roimh 27 Meitheamh 2019 cáiliú mar ítimí dliteanas incháilithe i gcás ina gcomhlíonann siad na coinníollacha a leagtar amach in Airteagal 72b, cé is moite de na coinníollacha dá dtagraítear i bpointe (b)(ii) agus i bpointí (f) go (m) d'Airteagal 72b(2).

**▼B***Airteagal 495***Risíochtaí ar chothromas faoin gCur Chuige IBR a láimhseáil**

1. De mhaolú ar Chaibidil 3 de Chuid a Trí, go dtí an 31 Nollaig 2017, féadfaidh an t-údarás inniúil catagóirí áirithe risíochtaí ar chothromas atá sealbhaithe ag institiúidí agus ag fochuideachtaí AE d'institiúidí sa Bhallstát sin amhail an 31 Nollaig 2007 a dhíolmhú ó láimhseáil de réir chur chuige IRB. Déanfaidh an t-údarás inniúil na catagóirí risíochtaí ar chothromas a bhaineann buntáiste as an láimhseáil sin a fhoilsiú i gcomhréir le hAirteagal 133 de Threoir 2013/36/AE.

Déanfar an suíomh díolmhaithe a thomhas mar líon na scaireanna amhail an 31 Nollaig 2007 agus aon scair bhreise a thig go díreach as úinéireacht ar na sealúchais sin, ar an gcoinníoll nach méadófar sciar chomhréireach na húinéireachta i gcuideachta phunainne leo.

Má mhéadaítear sciar chomhréireach na húinéireachta i sealúchas sonrach, de bharr éadála, ní bheidh an chuid den sealúchas a rachaidh thar an sciar chomhréireach faoi réir na díolúine. Ní bheidh feidhm ach an oiread ag an díolúine maidir leis na sealúchais a bhí faoi réir na díolúine ar dtús, ach ar díoladh agus ar ceannaíodh ar ais iad.

Beidh risíochtaí ar chothromas a bheidh faoi réir na forála seo faoi réir na gceanglas caipitil a ríomhfar i gcomhréir leis na gCur Chuige Caighdeánaithe faoi Chuid a Trí, Teideal a Dó, Caibidil II agus na gceanglas a leagtar amach i dTeideal IV de Chuid a Trí, más infheidhme.

Tabharfaidh údaráis inniúla fógra don Choimisiún agus doÚBE faoi chur in iúl na míre seo.

►C2 2. Agus méideanna risíochta a ualaítear ó thaobh priacal á ríomh chun críocha Airteagal 114(4), déanfar, go dtí an 31 Nollaig 2015, an t-ualú priacal céanna ◀ a shannadh maidir leis na risíochtaí ar rialtais láir nó ar bhainc cheannais na mBallstát atá ainmnithe agus cistithe in airgeadra intíre Ballstáit ar bith faoi mar a chuirfí i bhfeidhm é maidir le risíochtaí den sórt sin a bheadh ainmnithe agus cistithe ina n-airgeadra intíre.

3. Forbróidh ÚBE dréachtchaighdeáin theicniúla rialála d'fhonn na coinníollacha ar dá réir a thabharfaidh Ballstáit an díolúine dá dtagraítear i mír 1 a shonrú.

Cuirfidh ÚBE na dréachtchaighdeáin theicniúla rialála sin faoi bhráid an Choimisiúin faoin 30 Meitheamh 2014.

Déantar an chumhacht a tharmligean chuig an gCoimisiún na dréachtchaighdeáin theicniúla rialála dá dtagraítear sa chéad fhomhír a ghlacadh i gcomhréir le hAirteagail 10 go 14 de Rialachán (AE) Uimh. 1093/2010.

▼ **C2***Airteagal 496***Ceanglais cistí dílse maidir le bannaí faoi chumhdach**

1. ► **M3** Competent authorities may waive in full or in part the 10 % limit for senior units issued by French Fonds Communs de Créances or by securitisation entities which are equivalent to French Fonds Communs de Créances laid down in points (d) and (f) of Article 129(1), provided that both of the following conditions are fulfilled: ◀

(a) gur comhalta den ghrúpa comhdhlúite céanna a bhfuil eisitheoir na mbannaí faoi chumhdach ina chomhalta de, nó eintiteas atá cleamhnaithe leis an gcomhlacht lárnach céanna lena bhfuil eisitheoir na mbannaí faoi chumhdach cleamhnaithe chomh maith, a thionscain na risíochtaí ar mhaoin chónaithe nó ar mhaoin tráchtála dhochorraithe atá urrúsaithe, i gcás ina gcinnfear ballraíocht nó cleamhnacht an chomhghrúpa sin an tráth a ndéanfar comhthaobhacht de na haonaid shinsearacha le haghaidh bannaí faoi chumhdach;

(b) go mbeidh an tráinse iomlán céadchailteanais atá mar thaca ag na haonaid shinsearacha sin á choimeád ag comhalta den ghrúpa comhdhlúite céanna a bhfuil eisitheoir na mbannaí faoi chumhdach ina chomhalta de chomh maith, nó ag eintiteas atá cleamhnaithe leis an gcomhlacht lárnach céanna lena bhfuil eisitheoir na mbannaí faoi chumhdach cleamhnaithe.

2. Go dtí an 31 Nollaig 2014, chun críocha phointe (c) d'Airteagal 129(1), measfar go gcáileoidh risíochtaí neamhurraithe sinsearacha institiúidí a cháiligh d'ualú priacal 20 % faoin dlí náisiúnta roimh an 28 Meitheamh 2013 do chéim 1 den cháilíocht chreidmheasa.

3. Go dtí an 31 Nollaig 2014, chun críocha phointe (c) d'Airteagal 129(4), measfar go gcáileoidh risíochtaí neamhurraithe sinsearacha institiúidí a cháiligh d'ualú priacal 20 % faoin dlí náisiúnta roimh an 28 Meitheamh 2013 d'ualú priacal 20 %.

▼ **M8***Airteagal 497***Ceanglais cistí dílse do risíochtaí ar Chontrapháirtithe Lárnacha**

1. I gcás ina n-iarrann contrapháirtí lárnach tríú tír aitheantas i gcomhréir le hAirteagal 25 de Rialachán (AE) Uimh. 648/2012, féadfaidh institiúidí an contrapháirtí lárnach sin a mheas mar chontrapháirtí lárnach cáilitheach ón dáta ar chuir sé isteach an t-iarratas ar aitheantas chuig ESMA agus go dtí ceann de na dátaí seo a leanas:

(a) i gcás ina bhfuil gníomh cur chun feidhme dá dtagraítear in Airteagal 25(6) de Rialachán (AE) Uimh. 648/2012 glactha cheana ag an gCoimisiún i dtaca leis an tríú tír ina bhfuil an contrapháirtí bunaithe agus ina bhfuil an gníomh cur chun feidhme tar éis teacht i bhfeidhm, dhá bhliain tar éis chur isteach an iarratais;

## ▼M8

- (b) i gcás nach bhfuil gníomh cur chun feidhme dá dtagraítear in Airteagal 25(6) de Rialachán (AE) Uimh. 648/2012 glactha cheana ag an gCoimisiún i dtaca leis an tríú tír ina bhfuil an contrapháirtí bunaithe agus nach bhfuil an gníomh cur chun feidhme tagtha i bhfeidhm go fóill, an dáta is luaithe de na dátaí seo a leanas:
- (i) dhá bhliain tar éis dháta theacht i bhfeidhm an ghnímh cur chun feidhme;
  - (ii) i gcás contrapháirtithe lárnacha a thíolacfaidh an t-iarratas tar éis an 27 Meitheamh 2019, dhá bhliain tar éis an dáta a dtíolacfar an t-iarratas;
  - (iii) i gcás na gcontrapháirtithe lárnacha sin a thíolacfaidh an t-iarratas roimh an 27 Meitheamh 2019, 28 Meitheamh 2021.

2. Go dtí dul in éag na spriocdhátaí dá dtagraítear i mír 1 den Airteagal seo, i gcás nach bhfuil ciste mainneachtana i bhfeidhm ag contrapháirtí lárnach agus nach bhfuil socrú ceangailteach aici lena chomhaltaí imréitigh lena gceadaítear dó an corrlach tosaigh uile nó chuid de a fhaightear óna chomhaltaí imréitigh a úsáid mar a bheidís ina ranníocaíochtaí réamh-mhaoinithe, cuirfidh institiúid an fhoirmle seo a leanas in ionad an fhoirmle cheart chun an ceanglas cistí dílse in Airteagal 308(2) a ríomh:

$$K_{CM_i} = \max \left\{ K_{CCP} \cdot \frac{IM_i}{DF_{CCP} + IM_i}; 8\% \cdot 2\% \cdot IM_i \right\}$$

nuair atá:

$K_{CM_i}$  = an ceanglas cistí dílse;

$K_{CCP}$  = caipiteal hipitéiseach an contrapháirtí lárnaigh cháilithigh a chuir an contrapháirtí lárnach cáilitheach in iúl don institiúid i gcomhréir le hAirteagal 50c de Rialachán (AE) Uimh. 648/2012;

$DF_{CCP}$  = acmhainní airgeadais réamh-mhaoinithe an contrapháirtí lárnaigh a chuir an contrapháirtí lárnach in iúl don institiúid i gcomhréir le hAirteagal 50c de Rialachán (AE) Uimh. 648/2012;

$i$  = an t-innéacs lena gcuirtear an comhalta imréitigh in iúl;

$IM_i$  = an corrlach tosaigh arna bhreacadh i dteannta leis an gcontrapháirtí lárnach ag comhalta imréitigh  $i$ ; agus

$IM$  = méid iomlán an chorrailigh tosaigh a chuireann an contrapháirtí lárnach cáilitheach in iúl don institiúid i gcomhréir le hAirteagal 89(5a) de Rialachán (AE) Uimh. 648/2012.

3. I gcásanna eisceachtúla, i gcás ina mbeidh sé riachtanach agus comhréireach chun saobhadh sna margáí airgeadais idirnáisiúnta a sheachaint, féadfaidh an Coimisiún, trí bhithin gníomhartha cur chun feidhme agus faoi réir an nós imeachta scrúdúcháin dá dtagraítear in Airteagal 464(2), cinneadh a ghlacadh síneadh 12 mhí a chur, uair amháin, leis na forálacha idirthréimhseacha a leagtar amach i mír 1 den Airteagal seo.

**▼B***Airteagal 498***Díolúine do dhéileálaithe tráchtearraí**

1. Ní bheidh feidhm ag na forálacha maidir le ceanglais chistí dílse arna leagan síos sa Rialachán seo maidir le gnólachtaí infheistíochta a mbaineann a bpríomhghnó go heisiach le seirbhísí nó gníomhaíochtaí infheistíochta a sholáthar maidir leis na hionstraimí airgeadais atá leagtha amach i bpointí 5, 6, 7, 9 agus 10 de Roinn C d'Iarscríbhinn I de Threoir 2004/39/CE agus nach raibh feidhm ag Treoir 93/22/CEE maidir leo an 31 Nollaig 2006

**▼M2**

Beidh an díolúine seo i bhfeidhm go dtí an 31 Nollaig 2020 nó ar an dáta a dtiocfaidh leasuithe ar bith de bhun mhír 2 agus mhír 3 i bhfeidhm, cibé acu is luaithe.

**▼B**

2. Faoin 31 Nollaig 2015, cuirfidh an Coimisiún, ar bhonn comhairliúchán poiblí agus i bhfianaise na caibidlíochta leis na húdaráis inniúla, tuarascáil ar an méid seo a leanas chuig Parlaimint na hEorpa agus chuig an gComhairle:

- (a) córas iomchuí le haghaidh maoirseachta stuamachta ar ghnólachtaí infheistíochta a mbaineann a bpríomhghnó go heisiach le seirbhísí nó gníomhaíochtaí infheistíochta a sholáthar maidir leis na díorthaigh tráchtearraí nó na conarthaí díorthacha a leagtar amach i bpointí 5, 6, 7, 9 agus 10 de Roinn C d'Iarscríbhinn I a ghabhann le Treoir 2004/39/CE;
- (b) a inmhianaithe is atá sé Treoir 2004/39/CE a leasú chun catagóir eile de ghnólachtaí infheistíochta a chruthú a mbaineann a bpríomhghnó go heisiach le seirbhísí nó gníomhaíochtaí infheistíochta a sholáthar maidir leis na hionstraimí airgeadais atá leagtha amach i bpointí 5, 6, 7, 9 agus 10 de Roinn C d'Iarscríbhinn I de Threoir 2004/39/CE a bhaineann le soláthairtí fuinnimh, lena n-áirítear leictreachas, gual, gás agus ola.

3. Ar bhonn na tuarascála sin, féadfaidh an Coimisiún tograí a chur isteach chun leasuithe a dhéanamh ar an Rialachán seo.

*Airteagal 499***Luamhánú**

1. De mhaolú ar Airteagal 429 agus Airteagal 430, i rith na tréimhse idir 1 Eanáir 2014 agus an 31 Nollaig 2021, ríomhfaidh agus tuairisceoidh institiúidí an cóimheas luamhánaithe tríd an dá cheann acu seo a leanas a úsáid mar thomhas caipitil:

- (a) Caipiteal Leibhéal 1;
- (b) Caipiteal Leibhéal 1, faoi réir na maoluithe atá leagtha síos i gCaibidil 1 agus i gCaibidil 2 den Teideal seo.

2. De mhaolú ar Airteagal 451(1), féadfaidh institiúidí rogha a dhéanamh an fhaisnéis faoin gcóimheas luamhánaithe a nochtadh bunaithe ar cheann amháin de na sainmhíneithe nó ar an dá shainmhíniú ar thomhas caipitil a shonraítear i bpointe (a) agus i bpointe (b) de mhír 1 den Airteagal sin. I gcás ina n-athraíonn institiúidí a gcinneadh faoi cén cóimheas luamhánaithe a nochtfaidh siad, cuimseofar réiteach maidir leis an bhfaisnéis ar gach cóimheas luamhánaithe suas go dtí nóiméad an athraithe sa chéad nochtadh a tharlóidh i ndiaidh athraithe den sórt sin.

**▼B**

3. De mhaolú ar Airteagal 429(2), i rith na tréimhse ón 1 Eanáir 2014 go dtí an 31 Nollaig 2017, féadfaidh údarás inniúla cead a thabhairt d'institiúid cóimheas luamhánaithe deireadh ráithe a ríomh i gcás ina measann siad go bhféadfadh sé nach bhfuil sonraí de cháilíocht leormhaith ag na hinstitiúidí chun cóimheas luamhánaithe ar meán uimhríochtúil é de na cóimheasa luamhánaithe míosúla thar ráithe a ríomh.

**▼M8***Airteagal 500***Coigeartú maidir le diúscairtí ollmhóra**

1. De mhaolú ar phointe (a) d'Airteagal 181(1), féadfaidh institiúid a meastacháin LGD a choigeartú trí thionchar diúscairtí ollmhóra risíochtaí a mhainnigh ar LGDanna réadaithe a fhritháireamh go hiomlán nó i bpáirt suas go dtí an difríocht idir na meán LGDanna a mheastar a bheadh i gcás risíochtaí inchomparáide ar mhainneachtain nár leachtaíodh ar deireadh agus na meán LGDanna réadaithe lena n-áirítear ar bhonn na gcaillteanas réadaithe de bharr na ndiúscairtí ollmhóra, a luaithe a bheidh na coinníollacha seo ar fad a leanas á gcomhlíonadh:

- (a) tá fógra tugtha ag an institiúid don údarás inniúil maidir le plean a sholáthróidh scála, comhdhéanamh agus dátaí dhiúscairtí na risíochtaí a mhainnigh;
- (b) is tar éis an 23 Samhain 2016 ach tráth nach déanaí ná 28 Meitheamh 2022 a rinneadh diúscairtí na risíochtaí a mhainnigh;
- (c) maidir le méid carnach na risíochtaí a mhainnigh a rinneadh a dhiúscairt ó dháta na chéad diúscairta i gcomhréir leis an bplean dá dtagraítear i bpointe (a), is mó é ná 20 % de mhéid carnach gach mainneachtana a breathnaíodh ó dháta na chéad diúscairta dá dtagraítear i bpointí (a) agus (b).

Ní féadfaidh an coigeartú dá dtagraítear sa chéad fhomhír a dhéanamh ach suas le 28 Meitheamh 2022 agus d'féadfadh sé go mairfeadh a éifeachtaí a fhad agus a áireofar na risíochtaí comhfhreagracha i meastacháin LGD na hinstitiúide féin.

2. Tabharfaidh institiúidí fógra don údarás inniúil gan mhoill ach a gcomhlíonfar an coinníoll a leagtar amach i bpointe (c) de mhír 1.

**▼B***Airteagal 501***Ceanglais chaipitil asbhainte don phriacal creidmheasa ar risíochtaí ar FBManna**

1. Déanfar ceanglais chaipitil don priacal creidmheasa ar risíochtaí ar FBManna a iorlú faoin bhfachtóir 0,7619.

2. Chun críocha an Airteagail sin:

- (a) cuimseofar an risíochtín aicme na miondíola nó san aicme chorparáideach nó déanfar é a urrú trí mhorgáistí ar aicmí maoine dochorraithe. Eiseofar risíochtaí ar mainneachtain.



**▼B**

(b) sainmhínítear FBM i gcomhréir le Moladh 2003/361/CE ón gCoimisiún an 6 Bealtaine 2003 a bhaineann le sainmhíniú ar mhicreafhiontar, ar fhiontar beag agus ar fhiontar meánmhéide <sup>(1)</sup>. I measc na gcritéar a liostaítear in Airteagal 2 den Iarscríbhinn a ghabhann leis an Moladh sin ní chuirfear ach an láimhdeachas bliantúil san áireamh;

(c) i gcás an mhéid iomlán a bheidh dlite don institiúid agus do na máthairghnóthais agus a fochuideachtaí, lena n-áirítear aon risíocht ar mainneachtain, ag an oibleagadóir cliant nó ag grúpa cliant nasctha, gan éilimh nó éilimh theagmhasacha atá urraithe ar chomhthaobhacht a bhaineann le maoin chónaithe a áireamh, ní sháróidh sé, a mhéid is feasach don institiúid, EUR 1,5 milliún. Déanfaidh an institiúid bearta réasúnta chun an t-eolas sin a fháil.

3. Tabharfaidh na institiúidí tuarascáil do na húdaráis inniúla gach trí mhí maidir le i ndáil le méid iomlán na risíochtaí ar FBManna arna ríomh i gcomhréir le mír 2.

►C1 4. Déanfaidh an Coimisiún faoin 28 Meitheamh 2016 tuarascáil ar thionchar na gceanglas cistí dílse a leagtar síos sa Rialachán seo maidir le hiasachtaí a thabhairt do FBManna agus do dhaoine nádúrtha ◀ agus cuirfidh sé an tuarascáil sin, agus togra reachtach, más iomchuí, faoi bhráid Pharlaimint na hEorpa agus na Comhairle.

5. Chun críocha mhír 4, tabharfaidh an UBÉ tuairisc orthu seo a leanas don Choimisiún:

- (a) anailís ar eabhlóid na gclaontaí iasachta agus na gcoinníollacha iasachta do FBManna thar an tréimshe dá dtagraítear i mír 4;
- (b) anailís ar fhiontraíocht éifeachtach FBManna an Aontais thar raon iomlán eacnamaíoch;
- (c) comhsheasmhacht an cheanglais cistí dílse atá leagtha síos sa Rialachán seo le haghaidh priacail creidmheasa ar risíochtaí do FBManna le torthaí na hanailíse faoi pointí (a) agus (b).

**▼M8***Airteagal 501a*

**Coigeartú ar cheanglais cistí dílse maidir le priacal creidmheasa i gcás eintitis a oibríonn nó a mhaoiníonn struchtúir nó áiseanna, córais agus líonraí fisiciúla a chuireann seirbhísí poiblí ríthábhachtacha ar fáil nó a thugann tacaíocht dóibh**

4. Tuairisceoidh an Coimisiún faoin 28 Meitheamh 2022 ar thionchar na gceanglas cistí dílse a leagtar síos sa Rialachán seo maidir le hiasachtaí a thabhairt d'eintitis tionscadal bonneagair agus do dhaoine nádúrtha agus cuirfidh sé an tuarascáil sin, agus togra reachtach, más iomchuí, faoi bhráid Pharlaimint na hEorpa agus na Comhairle.

5. Chun críocha mhír 4, tabharfaidh UBÉ tuairisc orthu seo a leanas don Choimisiún:

- (a) anailís ar éabhlóid na gclaontaí agus na gcoinníollacha iasachta i margaí iasachtaithe bonneagair agus maoinithe tionscadal le linn tréimhse dá dtagraítear i mír 4;

<sup>(1)</sup> IO L 124, 20.5.2003, lch. 36.

**▼M8**

- (b) anailís ar an méid priacail iarbhír a bhaineann le heintitis dá dtagraítear i bpointe (b) de mhír 1 le linn timthriall eacnamaíoch iomlán;
- (c) comhsheasmhacht an cheanglais cistí dílse a leagtar síos sa Rialachán seo agus torthaí na hanailíse faoi pointí (a) agus (b) den mhír seo.

*Airteagal 501d***Maolú ar na ceanglais tuairiscithe**

De mhaolú ar Airteagal 430, le linn na tréimhse idir dáta chur i bhfeidhm fhorálacha ábhartha an Rialacháin seo agus dáta chéad thó-lacadh na dtuarascálacha arna sonrú I ngach ceann sna caighdeáin theicniúla cur chun feidhme dá dtagraítear san Airteagal sin, féadfaidh údarás inniúil an ceanglas faisnéis a thuairisciú san fhormáid atá sonraithe sna teimpléid atá sa ghníomh cur chun feidhme dá dtagraítear in Airteagal 430(7) a tharscaoileadh i gcás nár tugadh na teimpléid sin cothrom le dáta chun forálacha an Rialacháin seo a léiriú.

**▼B**

## TEIDEAL II

## TUARASCÁLACHA AGUS ATHBHREITHNIÚ

**▼M8***Airteagal 501c***Láimhseáil stuama risíochtaí a bhaineann le cuspóirí comhshaoil agus/nó cuspóirí sóisialta**

Déanfaidh ÚBE, i ndiaidh dó dul i gcomhairle le BERS, measúnú ar bhonn na sonraí atá ar fáil agus ar na torthaí ón nGrúpa Saineolaithe Ardleibhéil um Maoiniú Inbhuanaithe de chuid an Choimisiúin cibé acu a bheadh nó nach mbeadh údar maith le láimhseáil tiomnaithe stuamachta le haghaidh risíochtaí a bhaineann le sócmhainní nó gníomhaíochtaí a bhainfeadh go mór le cuspóirí comhshaoil agus/nó sóisialta. Déanfaidh ÚBE an méid a leanas a mheas go háirithe:

- (a) modheolaíochtaí maidir le measúnú a dhéanamh ar mhéid priacail iarbhír na risíochtaí a bhaineann le sócmhainní agus gníomhaíochtaí a bhaineann go mór le cuspóirí comhshaoil agus/nó sóisialta i gcomparáid le méid priacail na risíochta eile;
- (b) critéir iomchuí a cheapadh le haghaidh measúnú a dhéanamh ar phriacail fhisiciúla agus aistrithe, lena n-áirítear na priacail a bhaineann le dímhéas sócmhainní de dheasca athruithe rialála;
- (c) iarmhairtí féideartha láimhseála stuamachta tiomnaithe le haghaidh risíochtaí a bhaineann le sócmhainní agus gníomhaíochtaí a bhaineann go mór le cuspóirí comhshaoil agus/nó sóisialta maidir le cobhsaíocht airgeadais agus iasachtú bainc san Aontas.

Cuirfidh ÚBE tuarascáil ina mbeidh a chuid torthaí faoi bhráid Pharlaimint na hEorpa, na Comhairle agus an Choimisiúin, tráth nach déanaí ná 28 Meitheamh 2025.

Más iomchuí, cuirfidh an Coimisiún togra reachtach bunaithe ar an tuarascáil sin faoi bhráid Pharlaimint na hEorpa agus na Comhairle.



### *Airteagal 502*

#### **Timthriallacht na gceanglas caipitil**

Déanfaidh an Coimisiún, i gcomhar leis ÚBE, le BERS agus leis na Ballstáit, agus tuairim BCEá cur san áireamh, faireachán tréimhsiúil féachaint an bhfuil éifeachtaí suntasacha ag an Rialachán seo ina iomláine, mar aon le Treoir 2013/36/AE, ar an timthriall eacnamaíoch agus, i bhfianaise an scrúdaithe sin, measfaidh siad an bhfuil údar le bearta ceartaitheacha. Faoin 31 Nollaig 2013, déanfaidh ÚBE tuairisc a thabhairt don Choimisiún ar cheart modheolaíochtaí na n-institiúidí faoin gCur Chuige IBR a chomhtháthú ar mhaithe le ceanglais chaipitil níos inchomparáide, ach comh-thimthriallacht a mhaolú ag an am céanna, agus maidir leis an dóigh a ndéanfaí é sin.

Bunaithe ar an anailís sin agustuirim BCE á cur san áireamh, dréachtóidh an Coimisiún tuarascáil dhébhliantúil agus cuirfidh sé faoi bhráid Pharlaimint na hEorpa agus na Comhairle í, mar aon le haon tograí iomchuí. Tabharfar aitheantas leormhaith do ranníocaíochtaí ó pháirtithe glactha creidmheasa agus iasachta creidmheasa nuair a bheidh an tuarascáil á dréachtú.

Faoin 31 Nollaig 2014, déanfaidh an Coimisiún athbhreithniú agus tuarascáil ar chur i bhfeidhm Airteagal 33(1)(c) agus cuirfidh sé an tuarascáil sin, agus togra reachtach, más iomchuí, faoi bhráid Pharlaimint na hEorpa agus na Comhairle.

Maidir leis an bhféidearthacht Airteagal 33(1)(c) a dhíothú agus maidir leis an bhféidearthacht í a chur i bhfeidhm ar leibhéal an Aontais, áiríteofar go sonrach san athbhreithniú go mbeidh cosaintí leordhóthanacha i bhfeidhm d'fhonn cobhsaíocht airgeadais a áirithiú sna Ballstáit uile.

### *Airteagal 503*

#### **Ceanglais cistí dílse maidir le risíochtaí i bhfoirm bannaí faoi chumhdach**

1. Tabharfaidh an Coimisiún, faoin 31 Nollaig 2014 agus tar éis dó dul i gcomhairle le ÚBE, tuarascáil do Pharlaimint na hEorpa agus don Chomhairle, mar aon le haon tograí iomchuí, an bhfuil na hualuithe priacal a leagtar síos in Airteagal 129 agus na ceanglais cistí dílse le haghaidh priacal shonraigh in Airteagal 336(3) leordhóthanach le haghaidh na n-ionstraimí uile atá cáilithe le haghaidh na láimhseála seo agus an bhfuil na critéir a leagtar síos in Airteagal 129 iomchuí.

2. Tabharfar aird sa tuarascáil agus sna tograí dá dtagraítear i mír 1 do na nithe seo a leanas:

- (a) a mhéad a dhéantar idirdhealú leordhóthanach leis na ceanglais rialála caipitil atá ann faoi láthair agus atá infheidhme maidir le bannaí faoi chumhdach ar dhifriochtaí idir cáilíocht chreidmheasa na mbannaí faoi chumhdach agus an chomhthaobhacht a bhfuil na bannaí faoi chumhdach urraithe ina coinne, lena n-áirítear méid na ndifriochtaí i measc na mBallstát;
- (b) trédhearcacht mhargaí na mbannaí faoi chumhdach agus a mhéad a éascaítear léi anailís chuimsitheach inmheánach a dhéanann infheisteoirí maidir le priacal creidmheasa na mbannaí faoi chumhdach agus maidir leis an gcomhthaobhacht dhócmainneacht an eisisheora, lena n-áirítear éifeachtaí maolaithe an dianchreata fholuitigh náisiúnta dlí i gcomhréir le hAirteagal 129 den Rialachán seo agus Airteagal 52 (4) de Threoir 2009/65/CE maidir le cáilíocht creidmheasa fhoriomlán banna atá faoi chumhdach agus na himpleachtaí atá aige sin ar an trédhearcacht atá riachtanach d'infheisteoirí; agus

**▼B**

(c) a mhéid a bhíonn éifeacht ag eisiúint bannaí cumhdaithe arna ndéanamh ag institiúidí creidmheasa ar priacal creidmheasa a bhfuil creidiúnaithe eile na hinstiúidí eisiúna ar a ris ina choinne.

3. Tar éis dó dul i gcomhairle le ÚBE agus faoin 31 Nollaig 2014, cuirfidh an Coimisiún tuarascáil chuig Parlaimint na hEorpa agus chuig an gComhairle ina ndéarf ar cheart, faoi choinníollacha áirithe, iasachtaí atá á n-urrú le haerárthaí (lian aerárthaí) agus iasachtaí le haghaidh tithé cónaithe atá n-urrú le ráthaíochtaí, ach gan a bheith urraithe le morgáiste cláraithe, a mheas mar shóchmhainní incháilithe i gcomhréir le hAirteagal 129.

4. Faoin 31 Nollaig 2016, déanfaidh an Coimisiún athbhreithniú ar oiriúnacht an mhaolaithe a leagtar amach in Airteagal 496 agus, más ábhartha, ar oiriúnacht láimhseáil chomhchosúil a úsáid d'fhoirm ar bith eile de bhannaí faoi chumhdach. I bhfianaise an athbhreithnithe sin, féadfaidh an Coimisiún, más iomchuí, gníomhartha tarmligthe a ghlacadh i gcomhréir le hAirteagal 462 d'fhonn an maolú sin a dhéanamh buan nó tograí reachtacha a dhéanamh d'fhonn é a úsáid d'fhoirmeacha eile de bhannaí faoi chumhdach. a bhfuil siad urraithe ina coinne agus an leithscaradh sóchmhainní i gcás

*Airteagal 504***Ionstraimí caipitil suibscríofa ag údaráis phoiblí i gcásanna géarchéime**

Tabharfaidh an Coimisiún, faoin 31 Nollaig 2016 agus tar éis dó dul i gcomhairle leis an ÚBE, tuairisc do Pharlaimint na hEorpa agus don Chomhairle, mar aon le tograí iomchuí ar bith, faoinar ghá an láimhseáil a leagtar amach in Airteagal 28a a leasú nó a scrios.

**▼M8***Airteagal 504a***Sealúchais ionstraimí dliteanas incháilithe**

Faoin 28 Meitheamh 2022, cuirfidh ÚBE tuarascáil chuig an gCoimisiún maidir le méideanna agus dáileadh sealúchas d'ionstraimí dliteanas incháilithe ar na hinstiúidí sin a shaináithnítear mar G-SIInna nó O-SIInna agus maidir leis na bacainní a d'fhéadfadh a bheith ann do réiteach agus maidir leis an bpriacal gabhála i ndáil leis na sealúchais sin.

Bunaithe ar an tuarascáil ó ÚBE, cuirfidh an Coimisiún tuarascáil chuig Parlaimint na hEorpa agus chuig an gComhairle faoin 28 Meitheamh 2023 maidir le láimhseáil iomchuí na sealúchas sin agus, i gcás inarb iomchuí, beidh togra reachtach ag gabháil leis an tuarascáil sin.

**▼B***Airteagal 505***Maoiniú fadtéarmach a athbhreithniú**

Faoin 31 Nollaig 2014, cuirfidh an Coimisiún an tuarascáil sin faoi bhráid Parlaimint na hEorpa agus na Comhairle, mar aon le haon togra iomchuí, maidir le hoiriúnacht cheanglais an rialacháin sin i bhfianaise an gá atá ann leibhéil leordhóthanacha maoinithe a áirithiú i gcás gach cineál maoinithe fhadtéarmaigh don gheilleagar, lena n-áirítear tionscadail chriticiúla bonneagair san Aontas Eorpach i réimsí an iompair, an fhuinnimh agus na cumarsáide.

**▼B***Airteagal 506***Priacal creidmheasa – sainmhíniú ar mhainneachtain**

Tabharfaidh ÚBE tuarascáil don Choimisiún faoin 31 Nollaig 2017 maidir leis an tionchar atá ag 180 lá a chur in ionad 90 lá, mar a fhoráiltear le hAirteagal 174(1) (b), ar mhéideanna risíochta a ualaítear ó thaobh priacal agus maidir lena oiriúnaí a bheadh sé leanúint den fhoráil sin a chur i bhfeidhm i ndiaidh 31 Nollaig 2019

Ar bhonn na tuarascála sin, féadfaidh an Coimisiún togra reachtach a thíolacadh chun leasuithe a dhéanamh ar an Rialachán seo.

**▼M8***Airteagal 507***Risíochtaí móra**

1. Déanfaidh UBÉ faireachán ar an úsáid a bhaintear as díolúintí a leagtar amach i bpointe (b) d'Airteagal 390(6), i bpointe (f) go pointe (m) d'Airteagal 400(1), agus i bpointe (a), pointe (c) go pointe (g), pointe (i), pointe (j) agus pointe (k) d'Airteagal 400(2) agus faoi cheann 28 Meitheamh 2021, cuirfidh sé tuairisc chuig an gCoimisiún ina ndéantar measúnú ar an tionchar cainníochtúil a bheadh ann dá mbainfí na díolúintí sin nó dá socrófaí teorainn maidir lena n-úsáid. Déanfar measúnú sa tuarascáil sin ar na nithe seo a leanas, go háirithe, i gcás gach díolúine dá bhforáiltear sna hAirteagail sin:

- (a) líon na risíochtaí móra atá díolmhaithe i ngach Ballstát;
- (b) líon na n-institiúidí a bhaineann úsáid as an díolúine i ngach Ballstát;
- (c) méid comhiomlán na risíochtaí móra atá díolmhaithe i ngach Ballstát.

2. Faoin 31 Nollaig 2023, cuirfidh an Coimisiún tuarascáil faoi bhráid Pharlaimint na hEorpa agus faoi bhráid na Comhairle maidir le cur i bhfeidhm na maoluithe dá dtagraítear in Airteagal 390(4) agus Airteagal 401(2) maidir leis na modhanna a ndéanfar luach na risíochta ar idirbhearta maoinithe urrús a ríomh, agus go háirithe an gá atá le leasuithe ar chaighdeáin idirnáisiúnta, lena gcinnfear na modhanna don ríomh sin, a chur san áireamh.

**▼B***Airteagal 508***Leibhéal an chur i bhfeidhm**

1. Faoin 31 Nollaig 2014 déanfaidh an Coimisiún athbhreithniú agus tuarascáil ar chur i bhfeidhm Chuid a hAon, Teideal II, agus Airteagal 113(6) agus 113(7) agus cuirfidh sé an tuarascáil sin, agus togra reachtach, más iomchuí, faoi bhráid Pharlaimint na hEorpa agus na Comhairle.

2. Faoin 31 Nollaig 2015, déanfaidh an Coimisiún tuarascáil ar cheart feidhm a bheith ag an gceanglas maidir le cumhdach leachtachta a leagtar síos i gCuid a Sé maidir le gnólachtaí infheistíochta agus ar an dóigh ar cheart feidhm a bheith aige maidir leo, agus cuirfidh sé, tar éis dó dul i gcomhairle le ÚBE, an tuarascáil sin, agus togra reachtach, más iomchuí, faoi bhráid Pharlaimint na hEorpa agus na Comhairle.

**▼B**

3. Faoin 31 Nollaig 2015, déanfaidh an Coimisiún, tar éis dul i gcomhairle le ÚBE agus le ÚEUM agus i bhfianaise an phlé leis na húdaráis inniúla, tuarascáil ar chóras iomchuí le haghaidh maoirseachta stuamachta ar na gnólachtaí infheistíochta agus do ghnólachtaí dá dtagraítear i bpointe (2)(b) agus (c) agus in Airteagal 4 (1) a chur chuig Parlaimint na hEorpa agus chuig an gComhairle. Beidh togra reachtach ag leanúint ón tuarascáil sin i gcás inarb iomchuí.

*Airteagal 509***Ceanglais maidir le leachtacht**

1. Déanfaidh ÚBE faireachán agus meastóireacht ar na tuarascálacha a dhéanfar i gcomhréir le hAirteagal 415(1), thar airgeadraí agus thar shamhlacha éagsúla gnó. Tabharfaidh an ÚBE, i ndiaidh dó dul i gcomhairle le BERS, le húsáideoirí deireanacha neamh-airgeadais, le tionscal na baincéireachta, leis na húdaráis inniúla agus le bainc ceannais de chuid CEBC agus ar bhonn bliantúil agus, den chéad uair faoin 31 Nollaig 2013, tuarascáil don Choimisiún i dtaobh cé acu andóigh go mbeadh tionchar díobhálach ábhartha agag sonrú an cheanglais ghinearálta maidir le cumhdach leachtachta i gCuid a Sé bunaithe ar na critéir maidir le tuairisciú ítimí i gcomhréir le Teideal II de Chuid a Sé agus in Iarscríbhinn III, a bhreithnítear ina n-aonair nó go carnach, ar phríoifíl ghnó agus ar phríoifíl priacal institiúidí a bhunaítear san Aontais nó ar chobhsaíocht agus feidhmiú rianúil na margáí airgeadais nó ar an ngeilleagar agus ar chobhsaíocht sholáthar iasachtaithe bainc, agus cuirfear fócas faoi leith ar iasachtú chuig FBManna agus ar mhaoiniú trádála, lena n-áirítear iasachtú faoi scéimeanna árachais chreidmheasa onnmhairiúcháin oifigiúla.

Tabharfar aird chuí sa tuarascáil dá dtagraítear sa chéad fhomhír ar a bhfuil ag titim amach sna margáí agus sa rialáil idirnáisiúnta mar aon le hidirghníomhaíocht an cheanglais maidir le cumhdach leachtachta le ceanglais stuamachta eile faoin rialachán seo amhail cóimheasa caipitil priacal mar a leagtar amach in Airteagal 92 agus sna cóimheasa gearála.

Tabharfar an deis do Pharlaimint na hEorpa agus don Chomhairle a gcuid tuairimí a chur in iúl maidir leis an tuarascáil dá dtagraítear sa chéad fhomhír.

2. Déanfaidh ÚBE measúnú ina thuarascáil go háirithe ar an méid seo a leanas:

- (a) foráil a dhéanamh do shásraí lena gcuirtear srian ar luach na n-insreabh leachtachta, go háirithe d'fhonn uasteorainn iomchuí insreibhe a chinneadh chomh maith leis na coinníollacha lena cur i bhfeidhm, lena gcuirfear san áireamh samhlacha éagsúla gnó lena n-áirítear maoiniú faoi bhealach, fachtóiriú, léasú, bannaí faoi chumhdach, morgáistí, eisiúint bannaí faoi chumhdach, agus a mhéid ba cheart an chaidhp sin a leasú nó a bhaint chun í a oiriúnú do shonraíochtaí maoinithe speisialaithe;
- (b) calabrúchán an mhéid insreabh agus an mhéid eis-sreabh dá dtagraítear i gCuid a Sé Teideal II go háirithe faoi Airteagal 422(7) agus Airteagal 425 (2).

**▼B**

- (c) sásraí a chur ar fáil lena gcuirtear srianta ar na ceanglais maidir le cumhdach leachtachta ag catagóirí ar leith sócmhainní leachtacha, go háirithe an t-íoschéatadán iomchuí do shócmhainní leachtacha dá dtagraítear i bpointí (a) (b) agus (c) de mhír 1 d'Airteagal 416(1) a mheas go dtí iomlán na sócmhainní leachtacha, lena ndéanfaí tairseach 60 % a thástáil agus lena gcuirtear forbairtí rialála idirnáisiúnta san áireamh. Níor cheart go gcuirfí sócmhainní atá dlite nó inghlaoite laistigh de 30 lá féilire i gcuntas sa teorainn 60 % mura bhfuarthas na sócmhainní i gcoinne comhthaobhachta a cháilíonn freisin faoi phointí (a), (b) agus(c) d'Airteagal 416;
- (d) foráil a dhéanamh do rátaí sonracha níos ísle eis-sreibhe agus/nó rátaí sonracha níos airde insreibhe a le haghaidh sreabh inghrúpaina shonrófar na coinníollacha sin faoina mbeadh údar leis na rátaí sonracha insreibhe nó eis-sreibhe sin ó thaobh stuamachta de agus ina leagfar amach an achoimre ardleibhéil ar mhodheolaíocht ina n-úsáidtear critéir agus paraiméadair oibiachtúla d'fhonn leibhéil shonracha insreabha agus eis-sreabha a chinneadh idir an institiúid agus an contrapháirtí i gcás nach sa Bhallstát céanna atá siad bunaithe.
- (e) calabrú na rátaí íostarraingtí is infheidhme maidir leis an gcreidmheas geallta neamhtharraingthe agus áiseanna leachtachta faoi Airteagal 424(3) agus (5). Déanfaidh ÚBE tástáil, go háirithe, ar ráta íostarraingte 100 %;
- (f) an sainmhíniú ar thaisce miondíola i bpointe (2) Airteagal 411, go háirithe a oiriúnaí a bheadh sé tairseach a thabhairt isteach maidir le taiscí daoine nádúrtha;
- (g) an gá le catagóir nua taisce miondíola a thabhairt isteach lena mbaineann eis-sreabhadh níos ísle i bhfianaise saintréithe taiscí den chineál sin lena bhféadfaí bonn cirt a sholáthar d'eis-sreabhadh níos ísle agus lena gcuirtear forbairtí idirnáisiúnta san áireamh;
- (h) maoluithe ó cheanglais maidir le comhdhéanamh na sócmhainní leachtacha a mbeidh sé de cheangal ar institiúidí iad a bheith á sealbhú acu, i gcás inar mó riachtanais chuí-réasúnaithe chomhchoiteanna na n-institiúidí le haghaidh sócmhainní leachtacha ná líon na sócmhainní leachtacha sin atá ar fáil in airgeadra ar leith agus coinníollacha ar cheart do mhaoluithe sin bheith faoina réir;
- (i) an sainmhíniú ar tháirgí airgeadais i gcomhréir le Shari'ah mar mhalairt rogha ar shócmhainní a cháileodh mar shócmhainní leachtachta chun críocha Airteagal 416, lena n-úsáid ag bainc a fheidhmíonn i gcomhréir le Shari'ah.
- (j) an sainmhíniú ar dhálaí struis, lena n-áirítear prionsabail le haghaidh na húsáide a d'fhéadfaí a bhaint as stoc na sócmhainní leachtacha agus na freagairtí maoirseachta a mbeadh gá leo le go mbeadh institiúidí in ann a gcuid sócmhainní leachtacha a úsáid chun freagairt d'eis-sreabha leachtachta agus conas aghaidh a thabhairt ar neamhchomhlíonadh;
- (k) an sainmhíniú ar an ngaol oibriochtúil atá bunaithe le haghaidh custaiméara neamh-airgeadais dá dtagraítear in Airteagal 422(3)c);
- (l) calabrú an ráta eis-sreabhaidh is infheidhme chun a bheith comhfhreagrach le seirbhísí baincéireachta agus bróicéireachta príomha dá dtagraítear sa chéad fhomhír d'Airteagal 422(4);

**▼B**

(m) sásraí chun marthanú a dhéanamh ar bhannaí atá ráthaithe ag rialtais agus a eisítear chuig institiúidí creidmheasa mar chuid de bhearta tacaíochta Rialtais, a bhfuil formheas státchabhrach an Aontais acu, amháil bannaí arna n-eisiúint ag an nGníomhaireacht Náisiúnta um Bainistíocht Sócmhainní (GNBS) in Éirinn nó an Chuideachta um Bainistíocht Sócmhainní sa Spáinn, atá ceaptha chun sócmhainní is cúis le fadhbanna a bhaint de chláir chomhardaithe institiúidí creidmheasa, mar shócmhainní a bhfuil leachtacht agus cáilíocht chreidmheasa thar a bheith ard acu.

3. Tabharfaidh ÚBE, tar éis dó dul i gcomhairle le ÚEUM agus BCE, agus faoin 31 Nollaig 2013, tuarascáil don Choimisiún ar shainmhínte aonfhoirmeacha iomchuí ar leachtacht ard agus fíor-ard agus ar cháilíocht chreidmheasa sócmhainní inaistrithe chun chríocha Airteagal 416 agus caolchorraigh iomchuí do shócmhainní a cháileadh mar shócmhainní leachtacha chun críochta Airteagal 416, cé is moite de na sócmhainní dá dtagraítear i bpointe (a), (b) agus (c) d'Airteagal 416(1).

Tabharfar an deis do Pharlaimint na hEorpa agus don Chomhairle a gcuid tuairimí a chur in iúl maidir leis an tuarascáil sin.

Ba cheart go ndéanfaí an méid a leanas a mheas sa tuarascáil dá dtagraítear sa chéad fhomhír:

- (a) catagóirí eile de shócmhainní incháilithe, go háirithe urrúis chónaithe le taca morgáistí ar cháilíocht ard leachtach agus creidmheasa,
- (b) catagóirí eile d'urrúis nó iasachtaí incháilithe bainc cheannais, mar shampla bannaí rialtais áitiúil, agus páipéar tráchtála agus
- (c) sócmhainní nach bhfuil incháilithe don bhanc ceannais ach sócmhainní intrádála amháil cothromais a liostaítear ar mhalartán aitheanta, ór, ionstraimí cothromais mórinnéacs, bannaí atá ráthaithe, bannaí faoi chumhdach, agus bannaí agus cistí corparáideacha bunaithe ar na sócmhainní sin, a mheas sa tuarascáil freisin.

4. Leis an tuarascáil dá dtagraítear i mír 3, ba cheart go measfaí ar cheart agus, más cheart, a mhéid a chuirfí áiseanna creidmheasa teannta dá dtagraítear in i bpointe (e) d'Airteagal 416(1) san áireamh mar shócmhainní leachtacha i bhfianaise forbartha idirnáisiúnta agus lena gcuirtear san áireamh sonraíochtaí Eorpacha, lena n-áirítear an chaoi a bhfeidhmítear beartas airgeadaíochta san Aontas.

Déanfaidh an ÚBE tástáil go háirithe ar leordhóthanacht na gcritéar seo a leanas agus ar na leibhéil iomchuí maidir le sainmhínte den sórt sin:

- (a) íosmhéid trádála na sócmhainní



**▼B**

- (b) íosmhéid trádála na sócmhainní, gan íoc
- (c) faisnéis praghsála agus iarthrádála thrédhearcach;
- (d) na céimeanna den cháilíocht chreidmheasa dá dtagraítear i gCuid 3, Teideal II, Caibidil 2;
- (e) cuntas cruthaithe ar chobhsaíocht praghsanna;
- (f) méid a trádáladh ar an meán agus meánmhéid na trádála;
- (g) an raon tairisceana is atairisceana;
- (h) an t-am atá fágtha go dtí an aibíocht;
- (i) íoschóimheas láimhdeachais;

5. Faoin 31 Eanáir 2014, tabharfaidh an ÚBE tuarascáil maidir leis an méid seo a leanas chomh maith:

- (a) sainmhínte aonfhoirmeacha ar leachtacht ard agus fíor-ard agus ar cháilíocht chreidmheasa;
- (b) iarmhairtí neamhbheartaithe an tsainmhínte ar shócmhainní leachtacha ar iompar oibríocht bheartas airgeadaíochta agus:
  - (i) a mhéid a fhéadfaidh liosta sócmhainní leachtacha atá dínasctha ó liosta sócmhainní incháilithe an bhainc cheannais institiúidí a dhreasú chun sócmhainne incháilithe nach bhfuil san áireamh sa sainmhíniú ar shócmhainní leachtacha in oibríochtaí athmhaoinithe a thíolacadh;
  - (ii) a mhéid a fhéadfaidh rialáil leachtachta institiúidí a dhídhreasú ó iasachtaí a thabhairt nó a fháil ar mhargaí airgid neamhurráite agus an amhlaidh go n-ardódh sé sin ceist i dtaobh an chaoi a bhfuil EONIA á dhíriú agus beartas maoinithe á gcur chun feidhme;
  - (iii) a mhéid a fhéadfaidh sé a bheith níos deacra do bhainc cheannais cobhsaíocht praghsanna a áirithiú leis an gcreat beartais airgeadaíochta agus na hionstraimí atá ann cheana nuair a thabharfar an ceanglas maidir le cumhdach leachtachta isteach.
- (c) na ceanglais oibriúcháin do shealúchais sócmhainní leachtacha, dá dtagraítear i bpointe (b) go (f) d'Airteagal 417, i gcomhréir le forbairtí rialála idirnáisiúnta.

▼ **B***Airteagal 510***Ceanglais maidir le Glanchistiúchán Cobhsaí**

1. Faoin 31 Nollaig 2015, tabharfaidh ÚBE tuarascáil don Choimisiún, bunaithe ar na hítimí a mbeidh tuairisc le déanamh orthu i gcomhréir le Cuid a Sé, Teideal III, á rá an mbeadh sé oiriúnach, agus conas a bheadh se oiriúnach, a áirithiú go n-úsáidfidh institiúidí foinsí cobhsaithe cistithe, lena n-áirítear an measúnú ar thionchar ar phróifíl ghnó agus ar phróifíl priacal institiúidí a bhunaítear san Aontas nó ar mhargaí airgeadais nó ar an ngeilleagar agus iasachtú bainc, ar measúnú é ina gcuirfear fócas faoi leith ar iasachtaí a thabhairt do FBManna agus ar mhaoiniú trádála, lena n-áirítear iasachtú faoi scéimeanna árachais chreidmheasa onnmhairiúcháin oifigiúla agus múnlaí maoinithe faoi bhealach agus iasachtú morgáiste comhoiriúnaithe ó thaobh maoinithe de agus faoin dóigh a mbeadh sé oiriúnach é sin a dhéanamh. Déanfaidh ÚBE go háirithe anailís ar an tionchar atá ag foinsí cobhsaithe cistithe ar struchtúir athmhaoinithe samhlacha éagsúla baincéireachta san Aontas.

2. Faoin 31 Nollaig 2015, cuirfidh ÚBE tuarascáil faoi bhráid an Choimisiúin freisin, bunaithe ar na hítimí a bheidh le tuairisciú i gcomhréir le Cuid a Sé, Teideal III agus i gcomhréir le formáidí aonfhoirmeacha tuairiscithe dá dtagraítear i bpointe (a) d'Airteagal 415(3) agus tar éis dul i gcomhairle le BERS, maidir le modheolaíochtaí lena gcinntear suim an chistithe chobhsaí atá ar fáil do na hinstitiúidí agus a éilíonn siad agus maidir leis na sainmhínithe aonfhoirmeacha iomchuí chun an ceanglas sin maidir le glanchistiúchán cobhsaí a ríomh, ina scrúdaítear an méid seo a leanas go háirithe:

- (a) na catagóirí agus na hualuithe a chuirtear i bhfeidhm ar fhoinsí cistiúcháin chobhsaí in Airteagal 427(1);
- (b) na catagóirí agus na hualuithe a chuirtear i bhfeidhm chun an ceanglas maidir le cistiúchán cobhsaí in Airteagal 428(1) a chinneadh;
- (c) leis na modheolaíochtaí, tabharfar dreasachtaí agus dídhreasachtaí mar is iomchuí chun cistiú cobhsaí fadtéarmach sócmhainní, gníomhaíochtaí gnó, infheistiú agus cistiú d'institiúidí a spreagadh.
- (d) an gá atá ann modheolaíochtaí éagsúla a fhorbairt do chineálacha éagsúla institiúidí.

3. Faoin 31 Nollaig 2016, cuirfidh an Coimisiún, más iomchuí, togra reachtach faoi bhráid Pharlaimint na hEorpa agus na Comhairle maidir leis an mbealach a bhféadfár a áirithiú go mbainfidh na hinstitiúidí leas as foinsí cobhsaí cistiúcháin, agus na tuarascálacha dá dtagraítear i mír 1 agus i mír 2 á gcur san áireamh, agus lánaird á tabhairt freisin ar éagsúlacht atá in earnáil bhaincéireachta na hEorpa.

▼ **M8**

4. Déanfaidh ÚBE faireachán ar mhéid an chistiúcháin chobhsaí cheangailtigh chun an priacal cistiúcháin a chumhdach a bhaineann leis na conarthaí díorthach a liostaítear in Iarscríbhinn II agus díorthaigh chreidmheasa in imeacht thréimhse aon bhliana an chóimheasa glanchistiúcháin chobhsaí, go háirithe priacal cistiúcháin todhchaíoch na gconarthaí díorthacha sin a leagtar amach i mír 428s(2) agus mír 428at(2) d'Airteagal 428, agus cuirfidh sé tuarascáil chuig an gCoimisiún faoin deis fachtóir cistiúcháin chobhsaí cheangailtigh níos airde nó beart atá níos íogaire ó thaobh priacal de a ghlacadh faoin 28 Meitheamh 2024. Déanfar measúnú sa tuarascáil sin ar na nithe seo a leanas ar a laghad:

## ▼M8

- (a) an deis idirdhealú a dhéanamh ar chonarthaí díorthach atá faoi chumhdach corrlaigh nó gan cumhdach corrlaigh;
- (b) an deis an ceanglas a leagtar amach i mír 428s(2) agus 428at(2) d'Airteagal 428 a bhaint, a mhéadú nó a ionadú;
- (c) an deis athrú a dhéanamh ar bhonn níos leithne ar láimhseáil conarthaí díorthach i dtaca le ríomh an chóimheasa glanchistiúcháin chobhsaí, mar a leagtar amach in Airteagal 428k(4), 428s(2), pointe (a) agus pointe (b) d'Airteagal 428ag; Airteagal 428ah(2), Airteagal 428al(4), Airteagal 428al(4), Airteagal 428at(2), pointe (a) agus pointe (b) d'Airteagal 428ay agus ag Airteagal 428az(2) agus chun an priacal cistiúcháin a bhaineann leis na conarthaí sin in imeacht thréimhse aon bhliana an chóimheasa glanchistiúcháin chobhsaí a léiriú ar bhealach níos fearr;
- (d) an tionchar a bheadh ag na hathruithe sin atá beartaithe ar mhéid an chistiúcháin chobhsaí a theastaíonn le haghaidh chonarthaí díorthach na n-institiúidí.

5. I gcás ina ndéantar, le caighdeáin idirnáisiúnta, difear do láimhseáil conarthaí díorthach a liostaítear in Iarscríbhinn II agus ar dhíorthaigh chreidmheasa chun an cóimheas glanchistiúcháin chobhsaí a ríomh, déanfaidh an Coimisiún, más iomchuí, agus an tuarascáil dá dtagraítear i mír 4, na hathruithe sin ar chaighdeáin idirnáisiúnta agus éagsúlacht earnáil baincéireachta an Aontais á gcur san áireamh aige, togra reachtach a chur faoi bhráid Pharlaimint na hEorpa agus na Comhairle maidir leis an mbealach chun leasú a dhéanamh ar na forálacha maidir le láimhseáil conarthaí díorthach a liostaítear in Iarscríbhinn II agus láimhseáil díorthach creidmheasa chun an cóimheas glanchistiúcháin chobhsaí, mar a leagtar amach é i dTeideal IV de Chuid a Sé, a ríomh, chun aird níos fearr a thabhairt ar an bpriacal cistiúcháin a bhaineann leis na hidirbhearta sin.

6. Déanfaidh UBÉ faireachán ar mhéid an chistiúcháin chobhsaí a theastaíonn chun an priacal cistiúcháin a chumhdach a bhaineann le hidirbhearta um maoiniú urrús, lena n-áirítear leis na sócmhainní arna bhfáil nó arna dtabhairt sna hidirbhearta sin, agus le hidirbhearta neamhurraithe ag a bhfuil aibíocht iarmhair is lú ná sé mhí le custaiméirí airgeadais agus cuirfidh sé tuairisc chuig an gCoimisiún faoi oiriúnacht na láimhseála sin faoin 28 Meitheamh 2023. Déanfar measúnú sa tuarascáil sin ar na nithe seo a leanas ar a laghad:

- (a) an deis fachtóir níos airde cistiúcháin chobhsaí nó fachtóir níos ísle cistiúcháin chobhsaí a chur i bhfeidhm ar idirbhearta um maoiniú urrús le custaiméirí airgeadais agus ar idirbhearta neamhurraithe ag a bhfuil aibíocht iarmhair is lú ná sé mhí le custaiméirí airgeadais chun aird níos fearr a thabhairt ar an bpriacal cistiúcháin a bhaineann leo in imeacht thréimhse aon bhliana an chóimheasa glanchistiúcháin chobhsaí agus ar na héifeachtaí gabhála a d'fhéadfadh a bheith idir chustaiméirí airgeadais;
- (b) an deis an láimhseáil a leagtar amach i bpointe (g) d'Airteagal 428r(1) a chur i bhfeidhm ar idirbhearta um maoiniú urrús arna gcomhthaobhú le cineálacha eile sócmhainní;
- (c) an deis fachtóirí cistiúcháin chobhsaí a chur i bhfeidhm ar ítimí lasmuigh den chlár comhardaithe arna n-úsáid in idirbhearta um maoiniú urrús agus idirbhearta caipitil faoi thionchar an mhargaidh de rogha ar an láimhseáil a leagtar amach in Airteagal 428p(5);

## ▼M8

- (d) oiriúnacht na láimhseála neamhshiméadraí idir dliteanais ag a bhfuil aibíocht iarmhair is lú ná sé mhí arna gcur ar fáil ag custaiméirí airgeadais atá faoi réir fachtóir 0 % den chistiú cobhsaí ar fáil i gcomhréir le pointe (c) d'Airteagal 428k(3) agus sócmhainní a thagann as idirbhearta ag a bhfuil aibíocht iarmhair is lú ná sé mhí le custaiméirí airgeadais atá faoi réir fachtóir cistiúcháin chobhsaí cheangailtigh 0 %, 5 % nó 10 % i gcomhréir le pointe (g) d'Airteagal 428r(1), le pointe (c) d'Airteagal 428s(1) agus le pointe (b) d'Airteagal 428v;
- (e) an tionchar a bheadh ag tabhairt isteach fachtóra níos airde cistiúcháin chobhsaí cheangailtigh nó fachtóra níos ísle cistiúcháin chobhsaí cheangailtigh le haghaidh idirbhearta um maoiniú urrús, go háirithe a bhfuil aibíocht iarmhair acu is lú ná sé mhí le custaiméirí airgeadais, ar leachtacht mhargaidh sócmhainní arna bhfáil mar chomhthaobhacht sna hidirbhearta sin, go háirithe bannaí ceannasacha agus bannaí corparáide;
- (f) an tionchar a bheadh ag na hathruithe atá beartaithe ar mhéid an chistiúcháin chobhsaí is gá le haghaidh idirbhearta na n-institiúidí sin, go háirithe le haghaidh idirbhearta um maoiniú urrús ag a bhfuil aibíocht iarmhair is lú ná sé mhí le custaiméirí airgeadais i gcás ina bhfaightear bannaí ceannasacha mar chomhthaobhacht sna hidirbhearta sin.

7. Faoin 28 Meitheamh 2024, déanfaidh an Coimisiún, i gcás inarb iomchuí, agus an tuarascáil dá dtagraítear i mír 6, aon chaighdeán idirnáisiúnta agus éagsúlacht earnáil baincéireachta an Aontais á gcur san áireamh aige, togra reachtach a chur faoi bhráid Pharlaimint na hEorpa agus faoi bhráid na Comhairle maidir leis an mbealach chun leasú a dhéanamh ar na forálacha maidir le láimhseáil idirbheart um maoiniú urrús, lena n-áirítear an láimhseáil ar na sócmhainní a fhaightear nó a thugtar sna hidirbhearta sin, agus an láimhseáil ar idirbhearta neamhurraithe ag a bhfuil aibíocht iarmhair is lú ná sé mhí le custaiméirí airgeadais chun an cóimheas glanchistiúcháin chobhsaí, mar a leagtar amach é i dTeideal IV de Chuid a Sé, a ríomh, i gcás ina measfaidh sé gurb iomchuí é maidir le tionchar na láimhseála atá ann cheana ar chóimheas glanchistiúcháin chobhsaí na n-institiúidí agus chun aird níos fearr a thabhairt ar an bpriacal cistiúcháin a bhaineann leis na hidirbhearta sin.

8. Faoin 28 Meitheamh 2025, déanfar na fachtóirí cistiúcháin chobhsaí cheangailtigh a chuirfear i bhfeidhm ar na hidirbhearta dá dtagraítear i bpointe (g) de mhír 428r(1), i bpointe (c) de mhír 428s(1) agus i bpointe (b) d'Airteagal 428 a ardú ó 0 % go 10 %, ó 5 % go 15 % agus ó 10 % go 15 % faoi seach, mura sonrúfar a mhalairt i ngníomh reachtach a glacadh ar bhonn togra ón gCoimisiún i gcomhréir le mír 7 den Airteagal seo.

9. Déanfaidh UBÉ faireachán ar mhéid an chistiúcháin chobhsaí a bheidh de dhíth chun an priacal cistiúcháin a chumhdach a bhaineann le sealúcháis urrús a bhíonn ag institiúidí chun conarthaí díorthach a fhálú. Cuirfidh UBÉ tuarascáil ar oiriúnacht na láimhseála faoi bhráid an Choimisiúin faoin 28 Meitheamh 2023. Déanfar measúnú sa tuarascáil sin ar na nithe seo a leanas ar a laghad:

- (a) an tionchar a d'fhéadfadh a bheith ag an láimhseáil ar chumas infheisteoirí risíocht a bheith acu ar shócmhainní agus tionchar na láimhseála ar sholáthar creidmheasa in aontas na margáí caipitil;

**▼M8**

- (b) an deis ceanglais cistiúcháin cobhsaí choigeartaithe a chur i bhfeidhm maidir le hurrúis a shealbhaítear chun díorthaigh a fhálú agus a chistítear, go hiomlán nó i bpáirt, le corrlach tosaigh;
- (c) an deis ceanglais cistiúcháin cobhsaí choigeartaithe a chur i bhfeidhm maidir le hurrúis a shealbhaítear chun díorthaigh a fhálú agus nach gcistítear le corrlach tosaigh.

10. Faoin 28 Meitheamh 2023 nó bliain amháin tar éis comhaontú ar chaighdeán idirnáisiúnta a cheapfaidh CBMB, cibé acu is luaithe, déanfaidh an Coimisiún, i gcás inarb iomchuí, agus an tuarascáil dá dtagraítear i mír 9, aon chaighdeán idirnáisiúnta a cheapfaidh CBMB, éagsúlacht earnáil baincéireachta an Aontais agus aidhmeanna an aontais margái caipitil á gcur san áireamh aige, togra reachtach a chur faoi bhráid Pharlaimint na hEorpa agus faoi bhráid na Comhairle maidir le conas leasú a dhéanamh ar na forálacha maidir le láimhseáil shealúchais urrús a bhíonn ag institiúidí chun conarthaí díorthach a fhálú d'fhonn an cóimheas glanchistiúcháin chobhsaí a ríomh mar a leagtar amach i dTeideal IV de Chuid a Sé i gcás ina measfaidh sé féin gurb iomchuí maidir le tionchar na láimhseála atá ann cheana ar chóimheas glanchistiúcháin chobhsaí institiúidí agus d'fhonn aird níos fearr a thabhairt ar an bpríacal cistiúcháin a bhaineann leis na hidirbhearta sin.

11. Déanfaidh ÚBE measúnú cibé acu a bheadh nó nach mbeadh údar maith leis an bhfachtóir cistiúcháin chobhsaí cheangailtigh a laghdú do shócmhainní a úsáidtear le haghaidh seirbhísí imréitigh agus socraíochta do mhiotail lómhara amhail ór, airgead, platanam agus pallaidiam a sholáthar, nó sócmhainní a úsáidtear le haghaidh idirbhearta um maoiniú do mhiotail lómhara, amhail ór, airgead, platanam agus pallaidiam dar téarma 180 lá nó níos lú a sholáthar. Cuirfidh ÚBE a thuarascáil faoi bhráid an Choimisiúin faoi cheann 28 Meitheamh 2021.

*Airteagal 511***Luamhánú**

1. Déanfaidh an Coimisiún, faoin 31 Nollaig 2020, tuarascáil a chur faoi bhráid Pharlaimint na hEorpa agus faoi bhráid na Comhairle maidir leis an méid seo a leanas:

- (a) cé acu is iomchuí nó nach ea formhuirear cóimheasa luamhánaithe a thabhairt isteach le haghaidh (O-SIInna); agus
- (b) cé acu is iomchuí nó nach ea sainmhíniú agus ríomh an tomhais iomláin risíochta dá dtagraítear in Airteagal 429(4), lena n-áirítear an láimhseáil ar chúlchistí an bhainc ceannais.

2. Chun críocha na tuarascála dá dtagraítear i mír 1, déanfaidh an Coimisiún a bhfuil ag titim amach go hidirnáisiúnta agus caighdeán a comhaontaíodh go hidirnáisiúnta a chur san áireamh. Beidh togra reachtach ag gabháil leis an tuarascáil sin i gcás inarb iomchuí.

**▼B***Airteagal 512***Risíochtaí ar phríacal creidmheasa aistrithe**

Faoin 31 Nollaig 2014, cuirfidh an Coimisiún tuarascáil ar thionchar agus ar éifeachtacht fhorálacha Chuid a Cúig chuig Parlaimint na hEorpa agus chuig an gComhairle i bhfianaise fhorbairtí an mhargaidh idirnáisiúnta.;

▼ **M8***Airteagal 513***Rialacha macrastuamachta**

1. Faoin 30 Meitheamh 2022, agus gach cúig bliana ina dhiaidh sin, measfaidh an Coimisiún, tar éis dó dul i gcomhairle le BERS agus ÚBE, cibé acu is leor nó nach leor na rialacha macrastuamachta sa Rialachán seo agus i dTreoir 2013/36/AE chun priacail shistéamacha a mhaolú in earnálacha, i réigiúin, agus i mBallstáit, agus measfaidh sé freisin:

- (a) an bhfuil na huirlisí macrastuamachta reatha atá sa Rialachán nó i dTreoir 2013/36/AE éifeachtach, éifeachtúil agus trédhearthach;
- (b) an leordhóthanach an cumhdach agus an méid forluí a d'fhéadfadh a bheith ann leis na huirlisí macrastuamachta chun díriú ar phriacail chomhchosúla sa Rialachán nó i dTreoir 2013/36/AE agus rialacha nua macrastuamachta a mholadh más iomchuí;
- (c) an chaoi a n-idirghníomhaíonn na caighdeáin chomhaontuithe idirnáisiúnta d'institiúidí sistéamacha leis na forálacha atá sa Rialachán seo nó i dTreoir 2013/36/AE agus molfaidh sé rialacha nua macrastuamachta más iomchuí lena gcuirfí na caighdeáin chomhaontuithe idirnáisiúnta san áireamh;
- (d) ar cheart cineálacha eile ionstraimí, amhail ionstraimí iasachtaí-bhunaithe, a chur leis na huirlisí macrastuamachta dá bhforáiltear sa Rialachán seo agus i dTreoir 2013/36/AE chun ionstraimí caipitealbhunaithe a chomhlánú agus chun úsáid chomhchuibhithe na n-ionstraimí sa mhargadh inmheánach a cheadú; á chur san áireamh an bhfuil sainmhínte comhchuibhithe na n-ionstraimí sin, agus tuairisciú a sonraí faoi seach ar leibhéal an Aontais, réamhriachtanach maidir le hionstraimí den chineál sin a thabhairt isteach;
- (e) ar cheart an ceanglas maoláin cóimheasa luamhánaithe dá dtagraítear in Airteagal 92(1a) a chur i bhfeidhm freisin maidir le hinstiúidí a bhfuil tábhacht shistéamach leo agus nach G-SIIIna iad, ar cheart a chalabrá a bheith éagsúil ón gcalabrá do G-SIIIna, agus ar cheart a chalabrá a bheith ag brath ar leibhéal thábhacht shistéamach na hinstiúide;
- (f) ar cheart an chómhálartacht dheonach atá ann faoi láthair maidir le bearta macrastuamachta a dhéanamh éigeantach agus an bonn iomchuí chun é sin a dhéanamh nó nach ea an creat reatha don chómhálartacht dheonach de chuid BERS;
- (g) conas is féidir uirlisí nua a shainordú d'údaráis ábhartha an Aontais agus d'údaráis náisiúnta macrastuamachta chun dul i ngleic le priacail shistéamacha atá ag teacht chun cinn mar gheall ar risíochtaí institiúidí creidmheasa ar an earnáil neamhbhainc, go háirithe ó mhargaí díorthach agus ó mhargaí idirbheart um maoiniú urrús, ar an earnáil bainistíochta sócmhainní agus ar earnáil an árachais.

2. Faoin 31 Nollaig 2022, agus gach cúig bliana ina dhiaidh sin, cuirfidh an Coimisiún tuarascáil chuig Parlaimint na hEorpa agus chuig an gComhairle, bunaithe ar an gcomhairliúchán a dhéanfar le BERS agus le ÚBE, maidir leis an measúnú dá dtagraítear i mír 1 agus, i gcás inarb iomchuí, cuirfidh sé togra reachtach faoi bhráid Parlaimint na hEorpa agus na Comhairle.

**▼M8***Airteagal 514***An modh chun an luach risíochta ar idirbhearta díorthach a ríomh**

1. Déanfaidh ÚBE, faoin 28 Meitheamh 2023, tuarascáil a thabhairt don Choimisiún faoi thionchar agus faoi chalabhrú coibhneasta na gcineálacha cur chuige a leagtar amach i Roinn 3, Roinn 4 agus Roinn 5 de Chaibidil 6 de Theideal II de Chuid a Trí chun luachanna risíochta idirbheart díorthach a ríomh.

**▼B***Airteagal 515***Faireachán agus meastóireacht a dhéanamh**

►C1 1. Cuirfidh ÚBE, i gcomhar le ÚEUM, faoin 28 Meitheamh 2014 tuarascáil i dtoll a chéile maidir le feidhmiú an Rialacháin sin leis na hoibleagáidí lena mbaineann faoi Rialachán (AE) Uimh. 648/2012 ◀, agus go háirithe i dtaca leis na hinstiúidí a bhfuil contrapháirtí lárnach á bhfeidhmiú acu, chun dúbláil a sheachaint i gcás ceanglas maidir le hidirbhearta díorthacha agus ar an gcaoi sin priacal méadaithe rialála d'údaráis inniúla a sheachaint mar aon le costais bhreise i ndáil le faireachán.

2. Déanfaidh ÚBE faireachán agus meastóireacht ar fheidhmiú na bhforálacha i dtaobh ceanglas cistí dílse maidir le risíochtaí ar chontrapháirtí lárnach a leagtar amach i Roinn 9 de Chaibidil 6 de Theideal II de Chuid a Trí. Cuirfidh ÚBE tuarascáil faoi bhráid an Choimisiúin, faoin 1 Eanáir 2015, maidir le tionchar agus éifeachtacht na bhforálacha sin.

3. Faoin 31 Nollaig 2016, déanfaidh an Coimisiún athbhreithniú ar réiteach an Rialacháin sin leis na hoibleagáidí lena mbaineann faoi Rialachán (AE) Uimh. 648/2012, na ceanglais cistí dílse a leagtar amach i Roinn 9 de Chaibidil 6 de Theideal II de Chuid a Trí, cuirfidh sé an tuarascáil sin i dtoll a chéile agus cuirfidh sé faoi bhráid Pharlaimint na hEorpa agus na Comhairle í, agus más iomchuí, cuirfidh sé togra reachtach faoina mbráid freisin.

*Airteagal 516***Maoiniú fadtéarmach**

Faoin 31 Nollaig 2015, tuairisceoidh an Coimisiún maidir le tionchar an rialacháin sin i ndáil le hinfheistíochtaí fadtéarmacha a spreagadh i mbonneagar lena gothaítear fás

*Airteagal 517***Sainmhíniú ar chaipiteal incháilithe**

Faoin 31 Nollaig 2014, déanfaidh an Coimisiún athbhreithniú agus tuarascáil ar oiriúnacht an tsainmhíne ar chaipiteal incháilithe atá á chur i bhfeidhm chun críocha Theideal IV de Chuid a Dó agus Chuid a Ceathair agus cuirfidh sé an tuarascáil sin, agus togra reachtach, más iomchuí, faoi bhráid Pharlaimint na hEorpa agus na Comhairle.

**▼B***Airteagal 518***Athbhreithniú ar na hionstraimí Caipitil ar féidir iad a dhíluacháil nó a thiontú tráth nach mbeidh inmharthanacht ann**

Faoin 31 Nollaig 2015, déanfaidh an Coimisiún athbhreithniú agus tuairisceoidh sé ar cheart go mbeadh sa Rialachán seo ceanglas go ndéantar ionstraimí caipitil a dhíluacháil i gcás cinnidh nach bhfuil institiúid inmharthanach a thuilleadh. Cuirfidh an Coimisiún an tuarascáil sin faoi bhráid Pharlaimint na hEorpa agus na Comhairle, agus beidh, i gcás inarb iomchuí, togra reachtach ina teannta.

**▼M8***Airteagal 518a***Athbhreithniú ar na forálacha trasmhainneachtana**

Tráth nach déanaí ná 28 Meitheamh 2022, déanfaidh an Coimisiún athbhreithniú agus measúnú cé acu is iomchuí nó nach ea a cheangal go bhféadfaí tarrtháil inmheánach a dhéanamh ar dhliteanais incháilithe gan clásail trasmhainneachtana i gconarthaí eile a ghníomhachtú, chun a éifeachtaí atá an uirlis tarrthála inmheánaí a neartú agus chun measúnú a dhéanamh cé acu is ceart nó nach ceart foráil neamh-thrasmhainneachtana a thagraíonn do dhliteanais incháilithe a áireamh sna téarmaí nó sna conarthaí lena rialaítear dliteanais eile. Beidh togra reachtach ag gabháil leis an athbhreithniú agus leis an measúnú sin i gcás inarb iomchuí.

**▼B***Airteagal 519***Sócmhainní faoi chistí pinsin sainithe a asbhaint as ítimí Ghnáthchothromas Leibhéal 1**

Faoin 30 Meitheamh 2014, ullmhóidh ÚBE tuairisc an dtiocfaidh luaineacht mhíchuí i gcistí dílse institiúidí mar gheall ar an CCI 19 athbhreithnithe de réir mar, taobh leis an laghdú ar ghlansócmhainní pinsin arna leagan amach in Airteagal 36(1)(e) agus taobh le hathruithe i glansócmhainní pinsin.

Agus an tuarascáil ó ÚBE á cur san áireamh, faoin 31 Nollaig 2014 ullmhóidh an Coimisiún tuarascáil le cur faoi bhráid Pharlaimint na hEorpa agus na Comhairle maidir leis an tsaincheist dá dtagraítear sa chéad fhomhír, le chéile le togra reachtach i gcás inarb iomchuí chun modh láimhseála a thabhairt isteach lena gcoigeartófar glantairbhithe sainithe i ndáil le sócmhainní nó dliteanais i gcistí pinsin d'fhonn cistí dílse a ríomh.

**▼M5***Airteagal 519a***Tuairisciú agus athbhreithniú**

Faoin 1 Eanáir 2022, tabharfaidh an Coimisiún tuarascáil do Parlaimint na hEorpa agus don Chomhairle maidir le cur i bhfeidhm fhorálacha Chaibidil 5 de Theideal II de Chuid a Trí i bhfianaise forbairtí sna margáí urrúsúcháin, lena n-áirítear ó thaobh na macrastaumachta agus na heacnamaíochta de. Beidh togra reachtach ag gabháil leis an tuarascáil sin, más iomchuí, agus déanfar measúnú ann ar na pointí seo a leanas, go háirithe:



**▼M5**

- (a) an tionchar a bheidh ag an ordlathas modhanna a leagtar amach in Airteagal 254 agus an tionchar a bheidh ag ríomh méideanna risíochta suíomhanna urrúsúcháin a leagtar amach in Airteagal 258 go hAirteagal 266 ar ghníomhaíocht eisiúna agus infheistíochta a dhéanann institiúidí i margáí urrúsúcháin san Aontas;
- (b) an tionchar ar chobhsaíocht airgeadais an Aontais agus na mBallstát, ag díriú, go háirithe, ar amhantraíocht ar mhargadh na maoine dochorraithe a d'fhéadfadh a bheith ann agus ar mhéadú ar an idirnasc idir institiúidí airgeadais;
- (c) na bearta a bheadh de dhíth chun aon éifeachtaí diúltacha urrúsúcháin ar chobhsaíocht airgeadais a laghdú agus cur ina n-aghaidh, agus an éifeacht dhearfach ar mhaoiniú a chaomhnú san am céanna, lena n-áirítear uasteorainn risíochta ar urrúsuithe a d'fhéadfaí a thabhairt isteach; agus
- (d) na héifeachtaí ar chumas na n-institiúidí airgeadais sruth cistithe cobhsaí inbhuanaithe a chur ar fáil don fhíorgheilleagar, ag díriú ar FBManna go háirithe.

Sa tuarascáil, cuirfear san áireamh freisin forbairtí rialála i bhfóraim idirnáisiúnta, go háirithe na cinn sin a bhaineann le caighdeáin idirnáisiúnta maidir le hurrúsú.

**▼M8***Airteagal 519b***Ceanglais cistí dílse le haghaidh priacal margaidh**

1. Faoin 30 Meán Fómhair 2019, tabharfaidh ÚBE tuarascáil faoin tionchar atá ar institiúidí an Aontais ag caighdeáin idirnáisiúnta chun ceanglais cistí dílse a ríomh i gcás priacal margaidh.
2. Faoin 30 Meitheamh 2020, déanfaidh an Coimisiún, agus torthaí na tuarascála dá dtagraítear i mír 1 agus na caighdeáin idirnáisiúnta agus na cuir chuige a leagtar amach i gCaibidlí 1a agus 1b de Theideal IV de Chuid a Trí á gcur san áireamh, tuarascáil, a mbeidh togra reachtach ag gabháil léi, i gcás inarb iomchuí, faoi bhráid Pharlaimint na hEorpa agus faoi bhráid na Comhairle maidir leis an gcaoi ar féidir caighdeáin idirnáisiúnta maidir le ceanglais leordhóthanacha cistí dílse le haghaidh priacal margaidh a chur chun feidhme.

## TEIDEAL IIA

**RIALACHA A CHUR CHUN FEIDHME***Airteagal 519c***Uirlis um chomhlíonadh**

1. Forbróidh ÚBE uirlis leictreonach a bheidh dírithe ar chabhrú leis na hinstitiúidí an Rialachán seo agus Treoir 2013/36/AE a chomhlíonadh, mar aon le caighdeáin theicniúla rialála, caighdeáin theicniúla cur chun feidhme, treoirlínte agus teimpléid arna nglacadh chun an Rialachán seo agus an Treoir sin a chur chun feidhme.

**▼M8**

2. Cuirfidh an uirlis dá dtagraítear i mír 1 ar chumas gach institiúide an méid seo ar a laghad a dhéanamh:
- na forálacha ábhartha atá le comhlíonadh i ndáil le méid agus samhail ghnó na hinstitiúide a shainaithint go mear;
  - na hathruithe a dhéanfar ar ghníomhartha reachtacha agus ar na forálacha cur chun feidhme, na treoirlínte agus na teimpléid a bhaineann leis an reachtaíocht sin a leanúint.

**▼B**

TEIDEAL III

LEASUITHE

*Airteagal 520***Leasú ar Rialachán (AE) 648/2012**

Leasaítear Rialachán (CE) Uimh. 1083/2006 mar seo a leanas:

- (1) Cuirtear an téacs seo a leanas leis an téacs atá i dTeideal IV:

*CAIBIDIL 4****Ríomhanna agus tuairisciú i gcomhréir le Rialachán (AE) Uimh 575/2013****Airteagal 50a***Ríomh an  $K_{CPL}$** **▼C2**

1. Chun críocha Airteagal 308 de Rialachán (AE) Uimh 575/2013 ó Pharlaimint na hEorpa agus ón gComhairle an 20 Meitheamh 2013 maidir le ceanglais stuamachta i gcomhair institiúidí creidmheasa agus gnólachtaí infheistíochta, déanfaidh contrapháirtí lárnach, a  $K_{CPL}$  a ríomh mar a shonraítear é i mír 2 den Airteagal sin maidir le gach Conradh agus gach idirbheart atá imréitithe aige agus maidir le gach comhalta imréitigh má thiteann siad laistigh de chumhdach an chiste mhainneachtana a tugadh.

**▼B**

2. Déanfaidh contrapháirtí lárnach an caipiteal hipitéiseach ( $K_{CPL}$ ) a ríomh mar seo a leanas:

$$K_{CCP} = \sum_i \max\{EBRM_i - IM_i - DF_i; 0\} \cdot RW \cdot \text{capital ratio}$$

nuair atá:

$EBRM_i$  = luach na risíochta roimh mhaolú an priacal atá cothrom le luach risíochta an chontrapháirtí lárnaigh ar chomhalta imréitigh a thagann as gach Conradh agus idirbheart leis an gcomhalta imréitigh sin, arna ríomh gan an chomhthaobhacht a bhreacann an comhalta imréitigh sin a chur san áireamh;

$IM_i$  = an corrlach tosaigh arna breacadh ag comhalta imréitigh i le contrapháirtí lárnach;

$DF_i$  = ranníocaíocht réamh-mhaoinithe chomhalta imréitigh  $i$ ;

$RW$  = ualú priacal 20 %;

cóimheas caipitil = 8 %.

**▼ C2**

Maidir leis na luachanna uile ata sa chéad fhomhír, bainfidh siad leis an luacháil ag deireadh an lae sula malartófar an corrlach a glaoth ar ghlaoch corrlaigh deireanach an lae sin.

**▼ B**

3. Déanfaidh contrapháirtí lárnach an ríomh a cheanglaítear le mír 2 ar bhonn ráithiúil ar a laghad nó níos minice má cheanglaíonn na húdaráis inniúla sin ar na comhaltaí imréitigh sin ar institiúidí iad.

4. Forbróidh ÚBE dréacht-chaighdeáin theicniúla maidir le cur i bhfeidhm lena sonrú na gnéithe seo a leanas chun críoche mír 3:

- (a) minicíochtaí agus dátaí na ríomhanna a leagtar síos i mír 2;
- (b) cásanna ina bhféadfadh údarás inniúil institiúide atá ag gníomhú mar chomhalta imréitigh minicíochtaí níos airde de ríomh agus de thuairisciú ná na cinn dá dtagraítear i bpointe (a) a iarraidh.

Cuirfidh ÚBE na dréachtchaighdeáin theicniúla cur chun feidhme sin faoi bhráid na Choimisiúin faoin 01.01.14.

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.'

*Airteagal 50b***Rialacha ginearálta maidir le ríomh an  $K_{CPL}$** 

Chun críoche an ríofa arna leagan síos in Airteagal 50a(2), beidh feidhm ag an méid seo a leanas:

- (a) déanfaidh contrapháirtí lárnach luach a risíochta ar a chomhaltaí imréitigh a ríomh mar seo a leanas:

**▼ C2**

- (i) risíochtaí mar gheall ar chonarthaí agus idirbhearta a liostaítear in Airteagal 301(1)(a) agus (d) de Rialachán (AE) Uimh 575/2013, déanfaidh sé iad a ríomh i gcomhréir leis an modh um marcáil ón margadh a leagtar síos in Airteagal 274 de;

**▼ B**

- (ii) maidir le risíochtaí mar gheall ar chonarthaí liostaithe in Airteagal 301(1)(b), (c) agus (e) de Rialachán (AE) Uimh 575/2013 ríomhfar iad i gcomhréir leis an Modh Cuimsitheach Comhthaobhach Airgeadais a shonraítear in Airteagal 223 den Rialachán seo agus le coigeartuithe maoirseachta luaineachta a shonraítear in Airteagal 223-224 den Rialachán sin; ní bheidh feidhm ag an eisceacht a leagtar amach i bpointe (a) d'Airteagal 285(3);

- (iii) maidir le risíochtaí mar gheall ar idirbhearta nach liostaítear in Airteagal 301(1) de Rialachán (AE) Uimh 575/2013 agus a bhaineann le príocal socraíochta amháin ríomhfar iad i gcomhréir le Roinn a Trí, Teideal V den Rialachán sin.

- (b) maidir le hinstiúidí a thiteann faoi raon feidhme Rialachán (AE) Uimh 575/2013 is ionann na tacair ghlanluachála agus iad siúd a shainmhínítear faoi Chuid III, Teideal II den Rialachán sin.;

**▼B**

- (c) Nuair a dhéanann sé na luachanna sin a ríomh dá dtagraítear i bpointe (a), asbhainfidh an contrapháirtí lárnach an chomhthaobhacht arna breacadh ag a chomhaltaí imréitigh óna risíochtaí, arna laghdú go hiomchuí ag na coigeartuithe luaineachta maoirseachta i gcomhréir leis an Modh Cuimsitheach Comhthaobhach Airgeadais a shonraítear in Airteagal 224 de Rialachán (AE) Uimh 575/2013.

**▼C2****▼B**

- (e) i gcás ina bhfuil risíochtaí ag contrapháirtí lárnach ar chontrapháirtí lárnach amháin nó níos mó, déanfaidh sé risíochtaí den sórt sin a láimhseáil amhail is gur risíochtaí ar chomhaltaí imréitigh iad agus cuirfidh sé aon chorrach nó ranníocaíochtaí réamh-mhaoinithe a fhaightear ó na contrapháirtithe lárnacha sin san áireamh chun  $K_{CPL}$  a ríomh;
- (f) I gcás ina bhfuil socrú conarthach ceangailteach i bhfeidhm ag contrapháirtí lárnach lena chomhaltaí imréitigh lena gceadaítear dó an corrlach tosaigh uile a fhaightear óna chomhaltaí imréitigh nó roinnt díobh a úsáid mar a bheidís ina ranníocaíochtaí réamh-mhaoinithe, déanfaidh an contrapháirtí lárnach an chorrlaigh tosaigh sin a mheas mar ranníocaíochtaí réamh-mhaoinithe chun críocha an ríofa i mír 1 agus murab ionann agus corrlach tosaigh.

**▼C2****▼B**

- (h) agus an Modh um Marcáil ón Margadh á chur i bhfeidhm mar a leagtar sin amach in Airteagal 274 de Rialachán (AE) Uimh 575/2013, cuirfidh contrapháirtí lárnach an fhoirmle seo a leanas in ionad na foirmle sin atá i bpointe (c)(ii) in Airteagal 298(1) den Rialachán seo curtha isteach ag OP]:

$$PCE_{red} = 0.15 \cdot PCE_{gross} + 0.85 \cdot NGR \cdot PCE_{gross}$$

nuair a ríomhtar uimhreoír an NGR i gcomhréir le hAirteagal 274(1) den Rialachán sin agus díreach sula malairtítear na corrlaigh athrúcháin ag deireadh na tréimhse socraíochta, agus is é an t-ainmneoir an costas athsholáthair comhiomláin;

- (i) i gcás nach bhfuil contrapháirtí lárnach in ann luach NGR a ríomh mar a leagtar amach i bpointe (c)(ii) d'Airteagal 298(1) de Rialachán (AE) Uimh 575/2013 curtha isteach ag OP], déanfaidh sé an méid seo a leanas:
- (i) cuirfidh sé na comhaltaí imréitigh sin atá aige agus atá ina n-institiúidí agus chuig a údaráis inniúla faoina éagumas chun an NGR a ríomh agus na cúiseanna nach raibh sé in ann tabhairt faoin ríomh;

**▼C2**

- (ii) ar feadh tréimhse trí mhí, féadfaidh sé luach NGR 0,3 a úsáid chun PCE red a ríomh mar a shonraítear i bpointe (h) den Airteagal seo;

**▼B**

- (j) i gcás ina mbeadh, ag deireadh na tréimhse a shonraítear i bpointe (ii) de phointe (g), an contrapháirtí lárnach fós neamhábaltá luach NGR a ríomh, déanfaidh sé an méid seo a leanas:

**▼B**

- (i) stadfaidh sé de  $K_{CPL}$  a ríomh;
- (ii) tabharfaidh sé fógra do na comhaltaí imréitigh sin ar insti-tiúidí iad agus a n-institiúidí inniúla gur stad sé de  $K_{CPL}$  a ríomh;
- (k) d'fhonn an risíocht fhéideartha thodhchaíoch a ríomh maidir le roghanna agus roghálacha faoin Modh um Marcáil ón Margadh a shonraítear in Airteagal 274 de Rialachán (AE) Uimh 575/2013 déanfaidh contrapháirtí lárnach méid barúlach an chonartha a iolrú faoi luach absalóideach dheilt an rogha ( $\delta V/\delta p$ ) mar a shainmhínítear sin i bpointe (a) d'Airteagal 280(1) den Rialachán sin;
- (l) nuair atá níos mó ná aon chiste mainneachtana amháin ag contrapháirtí lárnach, déanfaidh sé an ríomh arna leagan síos in Airteagal 50a(2) ar gach ciste mainneachtana ina aonar.

*Airteagal 50c***Faisnéis a thuairisciú**

1. Chun críocha Airteagal 308 de Rialachán (AE) Uimh 575/2013 curtha isteach ag OP], tuairisceoidh an contrapháirtí lárnach an fhaisnéis seo a leanas chuig na comhaltaí imréitigh sin atá aige agus atá ina n-institiúidí agus chuig a údaráis inniúla.

- (a) an caipiteal hipitéiseach ( $K_{CPL}$ );
- (b) suim na ranníocaíochtaí réamh-mhaoinithe (DFCM);
- (c) suim a acmhainní airgeadais réamh-mhaoinithe a bhfuil ceangal air a úsáid - de réir an dlí nó mar gheall ar chomhaontú conarthach lena chomhaltaí imréitigh - chun a chaillteanas a chumhdach mar gheall ar mhainneachtain ceann amháin nó níos mó dá chomhaltaí imréitigh sula n-úsáideann sé ranníocaíochtaí ciste mainneachtana na gcomhaltaí imréitigh eile ( $DF_{CPL}$ );
- (d) líon iomlán a chomhaltaí imréitigh (N);

**▼C2**

- (e) an fachtóir comhchruinnithe ( $\beta$ ), mar a leagtar amach é in Airteagal 50d.

**▼B**

Nuair atá níos mó ná aon chiste mainneachtana amháin ag contrapháirtí lárnach, déanfaidh sé an fhaisnéis a thuairisciú sa chéad fhomhír maidir le gach ciste mainneachtana ina aonar

2. Tabharfaidh an contrapháirtí lárnach fógra do na comhaltaí imréitigh sin ar instiúidí iad ar bhonn ráithiúil ar a laghad nó níos minice má cheanglaíonn na húdaráis inniúla sin ar na comhaltaí imréitigh sin.

3. Forbróidh ÚBE dréachtchaighdeáin theicniúla cur chun feidhme d'fhonn an méid seo a leanas a shonrú:

**▼B**

- (a) an teimpléad aonfhoirmeach chun críocha an tuairiscithe arna sonrú i mír 1;
- (b) minicíochtaí agus dátaí an tuairiscithe dá dtagraítear i mír 2;
- (c) cásanna ina bhféadfadh údarás inniúil institiúide atá ag gníomhú mar chomhalta imréitigh minicíochtaí níos airde de thuiriscíú ná na cinn dá dtagraítear i bpointe (b) a iarraidh.

Cuirfidh ÚBE na dréachtchaighdeáin theicniúla cur chun feidhme sin faoi bhráid na Choimisiúin faoin 1 Eanáir 2014.

Tugtar cumhacht don Choimisiún na caighdeáin theicniúla cur chun feidhme dá dtagraítear sa chéad fhomhír a ghlacadh i gcomhréir le hAirteagal 15 de Rialachán (AE) Uimh. 1093/2010.

*Airteagal 50d***Ríomh na n-ítimí sonracha a bheidh le tuairiscíú ag an gcontrapháirtí lárnach**

Chun críocha na Coda seo, beidh feidhm ag an méid seo a leanas:

- (a) Nuair a fhéachtar leis faoi rialacha an chontrapháirtí lárnaigh go n-úsáidfidh sé cuid nó iomlán a n-acmhainní airgeadais taobh leis na ranníocaíochtaí réamh-mhaoinithe óna chomhaltaí imréitigh i gcaoi lena bhfágtar na hacmhainní sin ar chomhchéim le ranníocaíochtaí réamh-mhaoinithe ó chomhalta imréitigh i dtéarmaí conas a ionsúitear na cailleanais a thabhaíonn an contrapháirtí lárnach i gcás mainneachtana nó dócmhainneachta ag ceann amháin nó níos mó dá chuid comhaltaí imréitigh, cuirfidh an contrapháirtí lárnach méid comhfhreagrach na n-acmhainní sin leis an DFCM;
- (b) nuair a fhéachtar leis i rialacha contrapháirtí lárnaigh go n-úsáidfidh sé cuid dá acmhainní airgeadais chun a chaillteanais a chumhdach mar gheall ar mhainneachtain ceann amháin nó níos mó dá chomhaltaí imréitigh tar éis a chiste mainneachtana a bheith idithe, ach sula nglaoon sé ar ranníocaíochtaí a chomhaltaí imréitigh atá geallta go conarthach, déanfaidh an contrapháirtí lárnach méid comhfhreagrach na n-acmhainní airgeadais breise sin ( $DF_{CCP}^a$ ) a chur le méid iomlán na ranníocaíochtaí réamh-mhaoinithe (DF) mar seo a leanas:

$$DF = DF_{CCP} + DF_{CM} + DF_{CCP}^a.$$

- (c) ríomhfaidh contrapháirtí lárnach an fachtóir comhchruinnithe ( $\beta$ ) i gcomhréir leis na foirmle seo a leanas:

$$\beta = \frac{PCE_{red,1} + PCE_{red,2}}{\sum_i PCE_{red,i}}$$

nuair atá:

$PCE_{red,i}$  = an figiúr laghdaithe maidir le risíocht fhéideartha todhchaí ar chreidmheas maidir le gach conradh agus idirbheart contrapháirtí lárnaigh le comhalta imréitigh i;

$PCE_{red,1}$  = an figiúr laghdaithe maidir le risíocht fhéideartha todhchaíoch ar chreidmheas maidir le gach conradh agus idirbheart contrapháirtí lárnaigh leis an gcomhalta imréitigh a bhfuil an luach  $PCE_{red}$  is mó aige;

**▼B**

$PCE_{red,2}$  = an figiúr laghdaithe maidir le risíocht fhéideartha todhchaí ar chreidmheas maidir le gach conradh agus idirbheart contrapháirtí lárnaigh le comhalta imréitigh a bhfuil an dara luach  $PCE_{red}$  is mó aige;

- (2) In Airteagal 11(15), scriostar pointe (b);

**▼C2**

- (3) Cuirtear isteach an mhír seo a leanas in Airteagal 89:

"5a. Go dtí 15 mhí tar éis an dáta nuair a thagann an ceann is déanaí de na caighdeáin theicniúla rialála i bhfeidhm dá dtagraítear in Airteagail 16, 25, 26, 29, 34, 41, 42, 44, 45, 47 agus 49, nó go dtí go ndéantar cinneadh faoi Airteagal 14 maidir le húdarú an chontrapháirtí lárnaigh, cibé dáta is luaithe, cuirfidh an contrapháirtí lárnach sin an láimhseáil sin i bhfeidhm a shonraítear sa tríú fomhír den mhír seo.

Go dtí 15 mhí tar éis an dáta nuair a thagann an ceann is déanaí de na caighdeáin theicniúla rialála i bhfeidhm dá dtagraítear in Airteagail 16, 25, 26, 29, 34, 41, 42, 44, 45, 47 agus 49, nó go dtí go ndéantar cinneadh faoi Airteagal 25 maidir le húdarú an chontrapháirtí lárnaigh, cibé dáta is luaithe, cuirfidh an contrapháirtí lárnach sin an láimhseáil sin i bhfeidhm a shonraítear sa tríú fomhír den mhír seo.

Go dtí na sprioc-amanna a shainítear sa chéad dá fomhír den mhír seo, agus faoi réir an ceathrú mír den mhír seo, i gcás nach bhfuil ciste mainneachtana ag contrapháirtí lárnach agus nach bhfuil socrú ceangailteach i bhfeidhm aige lena chomhaltaí imréitigh lena ligtear dó an corrlach tosaigh ina iomláine, nó cuid de, a úsáid mar chorrach a fuair sé óna chomhaltaí imréitigh amhail is go mba ranníocaíochtaí réamhchistithe iad, áireofar san fhaisnéis a thuairscíonn sé i gcomhréir le hAirteagal 50a(1) méid iomlán an chorrach tosaigh a fuair sé óna chomhaltaí imréitigh (CI).

Maidir leis na spriocdhátaí dá dtagraítear sa chéad agus sa dara fomhír den mhír seo, féadfar iad a shíneadh sé mhí breise i gcomhréir le gníomh cur chun feidhme ón gCoimisiún arna ghlacadh de bhun Airteagal 497(3) de Rialachán (AE) Uimh 575/2013 a ghlacadh."

**▼B**

CUID a hAON DÉAG

**FORÁLACHA CRÍOCHNAITHEACHA***Airteagal 521***Teacht i bhfeidhm agus an dáta cur i bhfeidhm**

1. Tiocfaidh an Rialachán seo i bhfeidhm an lá tar éis lá a fhoilsithe in Iris Oifigiúil an Aontais Eorpaigh.
2. Beidh feidhm ag an Rialachán seo ón 1 Eanáir 2014, seachas:

**▼B**

- (a) Airteagail 8(3), 21 agus Airteagal 451(1), a mbeidh feidhm acu ón 1 Eanáir 2015;
- (b) Airteagal 413(1), a mbeidh feidhm aige ón 1 Eanáir 2016;

**▼C1**

- (c) forálacha an Rialacháin seo lena gcuirtear ceanglas ar ÚMEanna dréachtchaighdeáin theicniúla a chur faoi bhráid an Choimisiúin agus forálacha an Rialacháin sin lena dtugtar an chumhacht don Choimisiún gníomhartha tarmligthe nó gníomhartha cur chun feidhme a ghlacadh a mbeidh feidhm acu ón 28 Meitheamh 2013.

**▼B**

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.





*LARSCRÍBHINN I*

**Aicmiú ítimí atá lasmuigh den chlár comhardaithe**

1. Lánphriacal:

- (a) ráthaíochtaí de chineál ionadaithe creidmheasa, (e.g. ráthaíochtaí chun saoráidí creidmheasa a íoc go cuí);
- (b) díorthaigh chreidmheasa;
- (c) glacachtaí;
- (d) formhuinthe ar bhíllí nach bhfuil ainm institiúide eile orthu;
- (e) idirbhearta a bhfuil iontaoibh iomlán acu (e.g. fachtóireacht, saoráidí um lascaíní ar shonraisc);
- (f) litreacha creidmheasa teannta neamh-inchúlghairthe de chineál ionadaithe creidmheasa;
- (g) sócmhainní a ceannaíodh faoi chomhaontuithe réamhcheannaigh glan amach;
- (h) réamhthaiscí réamh-mhalairte;
- (i) cion neamhíochta de scaireanna agus d'urrúis atá páirtíochta;
- (j) comhaontuithe maidir le sócmhainní a dhíol agus a athcheannach mar atá sainithe in Airteagal 12(3) agus in Airteagal (5) de Threoir 86/635/CEE,
- (k) ítimí eile ina n-iompraítear lánphriacal freisin.

2. Meánphriacal:

- (a) maoiniú trádála atá lasmuigh den chlár comhardaithe, amhail:
  - creidmheasanna doiciméadacha eisiithe nó dearbhaithe (féach 'Meánphriacal /íosphriacal' chomh maith);
- (b) ítimí eile atá lasmuigh den chlár comhardaithe:
  - (i) ráthaíochtaí muiriompair, bannaí custaim agus cánach
  - (ii) saoráidí creidmheasa neamhtharraingthe (comhaontuithe maidir le hiasachtaí a thabhairt, urrúis a cheannach, ráthaíochtaí nó saoráidí glactha a chur ar fáil) a bhfuil aibíocht tosaigh níos faide ná bliain amháin acu,
  - (iii) Saoráidí eisiúna nótaí (NIFanna) agus saoráidí frithgheallta imrothlacha (RUFanna);
  - (iv) Ítimí eile ina n-iompraítear meánphriacal agus mar a thuairiscítear iad doÚBE.

3. Meánphriacal /íosphriacal:

- (a) maoiniú trádála atá lasmuigh den chlár comhardaithe:
  - (i) creidmheasanna doiciméadacha ina bhfuil loingsiú bunúsach ina chomhthabacht agus idirbhearta féinleachtaitheacha eile;

**▼B**

- (ii) barántais (lena n-áirítear bannaí tairisceana agus feidhmíochta agus ráthaíochtaí gaolmhara maidir le réamh-mhaoiniú agus coinneáil) agus ráthaíochtaí nach de chineál ionadaithe creidmheasa iad;
  - (iii) Litreacha creidmheasa teannta neamh-inchúlghairthe nach de chineál ionadaithe creidmheasa iad.
- (b) Ítimí eile atá lasmuigh den chlár comhardaithe:
- (i) saoráidí creidmheasa neamhtharraingthe ina gcuimsítear comhaontuithe maidir le hiasachtaí a thabhairt, urrúis a cheannach, ráthaíochtaí nó saoráidí glactha a chur ar fáil a bhfuil aibíocht tosaigh suas le bliain amháin acu, nó bliain amháin, nach féidir a chur ar ceal gan choinníoll tráth ar bith gan fógra nó nach bhforáiltear go héifeachtach iontu d'uathchealú de bharr meathlaithe in acmhainneacht chreidmheasa an iasachtaí;
  - (ii) ítimí eile ina n-íompraítear meánphriacal /íosphriacal agus mar a thuairiscítear iad do ÚBE.
4. Íospriacal:
- (a) Saoráidí creidmheasa neamhtharraingthe ina gcuimsítear comhaontuithe maidir le hiasachtaí a thabhairt, urrúis a cheannach, ráthaíochtaí nó saoráidí glactha a chur ar fáil agus is féidir a chur ar ceal gan choinníoll tráth ar bith gan fógra, nó nach bhforáiltear go héifeachtach iontu d'uathchealú de bharr meathlaithe in acmhainneacht chreidmheasa an iasachtaí. Féadfar a mheas go bhfuil na línte creidmheasa miondíola inchealaithe go neamhchoinníollach má cheadaíonn na téarmaí don institiúid na línte sin a chealú an oiread atá ceadaithe faoi reachtaíocht cosanta tomhaltóirí agus faoi reachtaíocht ghaolmhar;
  - (b) saoráidí creidmheasa neamhtharraingthe le haghaidh ráthaíochtaí tairisceana agus feidhmíochta ar féidir a chur ar ceal gan choinníoll tráth ar bith gan fógra, nó nach bhforáiltear go héifeachtach iontu d'uathchealú de bharr meathlaithe in acmhainneacht chreidmheasa an iasachtaí; agus
  - (c) Ítimí eile ina n-íompraítear íospriacal agus mar a thuairiscítear iad do ÚBE.

*IARSCRÍBHINN II***Cineálacha díorthach**

1. Conarthaí ráta úis
  - (a) babhtálacha rátaí úis airgeadra aonair;
  - (b) babhtálacha bonnrátaí;
  - (c) comhaontuithe ar réamhráta;
  - (d) todhchaochtaí ráta úis;
  - (e) roghanna rátaí úis ceannaithe;
  - (f) conarthaí eile dá samhail.
2. Conarthaí i malairt eachtrach agus conarthaí maidir le hór:
  - (a) babhtálacha rátaí úis trasairgeadra;
  - (b) réamhchonarthaí i malairt eachtrach;
  - (c) todhchaochtaí airgeadra;
  - (d) roghanna airgeadra ceannaithe;
  - (e) conarthaí eile dá samhail;
  - (f) conarthaí de shamhail (a) go (e) maidir le hór.
3. Conarthaí de shamhail na gconarthaí sin i bpointí 1(a) go (e) agus i bpointí 2(a) go (d) den Iarscríbhinn seo maidir le hítimí nó innéacsanna tagartha eile. Áirítear leis seo ar a laghad gach ionstraim a shonraítear i bpointí 4 go 7, 9 agus 10 de Roinn C d'Iarscríbhinn I a ghabhann le Treoir 2004/39/CE nach n-áirítear ar shlí eile i bpointe 1 ná i bpointe 2 den Iarscríbhinn seo.



## IARSCRÍBHINN III

## Ítimí faoi réir tuairiscithe fhorlíontaigh maidir le sócmhainní leachtacha

1. Airgead tirim;
2. risíochtaí i gcúlchistí bainc ceannais, a mhéid is gur féidir na neamhchon-saintí sin a iostarraingt i dtréimhsí struis;
3. urrúis inaistrithe in ionannas le héilimh ar stáit, ar bhainc cheannais, ar eintiteas earnála poiblí neamhrialtais lárnaigh, ar réigiúin a bhfuil neamh-spleáchas buiséadach acu chun cáin a ghearradh agus a bhailiú agus ar údaráis áitiúla, ar an mBanc le haghaidh Socruithe Idirnáisiúnta, ar an gCiste Airgeadaíochta Idirnáisiúnta, ar an Aontas Eorpach, ar an Saoráid Chobhsaíochta Airgeadais Eorpach, ar an Sásra Cobhsaíochta Eorpach, nó ar bhainc forbartha iltaobhacha, nó éilimh a ráthaíonn siad, agus na coin-níollacha seo ar fad a leanas á gcomhlíonadh:
  - (a) sanntar ualú priacal 0 % dóibh faoi Chuid a Trí de Theideal II, Caibidil 2;
  - (b) ní hionann iad agus oibleagáid de chuid institiúide nó de chuid ceann ar bith dá heintitis chleamhnaithe.
4. urrúis inaistrithe seachas na hurrúis sin dá dtagraítear i bpointe (3) agus iad in ionannas le héilimh ar stáit nó ar bhainc cheannais nó le héilimh a ráthaíonn siad acu, a d'eisigh an stát nó an banc ceannais in airgeadraí intíre san airgeadra agus sa tír ina nglactar an priacal leachtachta nó ina eisítear é in airgeadra eachtrach, a mhéad atá sealbhú féich den sórt sin comhoiriúnach le riachtanais leachtachta oibríochtaí an bhainc sa tríú tír sin;
5. Urrúis inaistrithe in ionannas le héilimh ar stáit, ar bhainc cheannais, ar eintitis earnála poiblí neamhrialtais lárnaigh, ar réigiúin a bhfuil neamh-spleáchas buiséadach acu chun cáin a ghearradh agus a bhailiú agus ar údaráis áitiúla, nó ar bhainc forbartha iltaobhacha agus na coinníollacha seo a leanas ar fad á gcomhlíonadh:
  - (a) sanntar ualú priacal 20 % dóibh faoi Cuid a Trí de Theideal II, Caibidil 2;
  - (b) ní hionann iad agus oibleagáid de chuid institiúide nó de chuid ceann ar bith dá heintitis chleamhnaithe.
6. urrúis inaistrithe seachas na hurrúis sin dá dtagraítear i bpointí 3, 4 agus 5 a cháilíonn d'ualú priacal 20 % nó níos mó ná sin faoi Roinn 2 de Theideal III, Caibidil 3 nó a bhfuil sé rátáilte go himmheánach go bhfuil cáilíocht chreidmheasa choibhéiseach acu, agus aon cheann de na coinníollacha seo a leanas á chomhlíonadh:
  - (a) ní hionann iad agus éileamh ar SSPE, ar institiúid nó ar cheann ar bith dá heintitis chleamhnaithe;
  - (b) is bannaí iad atá incháilithe don láimhseáil a leagtar amach in Airteagal 129(4) nó (5);
  - (c) is bannaí iad dá dtagraítear in Airteagal 52(4) de Threoir 2009/65/CE seachas iad sin dá dtagraítear i bpointe (b) den phointe sin;
7. Urrúis inaistrithe seachas na hurrúis sin dá dtagraítear i bpointí 3 go 6 a cháilíonn d'ualú priacal 50 % nó níos mó ná sin faoi Roinn 2 de Theideal III, Caibidil 3 nó a bhfuil sé rátáilte go himmheánach go bhfuil cáilíocht chreidmheasa choibhéiseach acu, agus ní hionann iad agus éileamh ar SSPE, ar institiúid nó ar cheann ar bith dá heintitis chleamhnaithe.

**▼B**

8. Urrúis inaistrithe seachas na hurrúis sin dá dtagraítear i bpointí (3) go (7) atá comhthaobhaithe le sócmhainní, cáilíonn siad d'ualú priacal 35 % nó níos mó ná sin faoi Roinn 2 de Theideal III, Caibidil 3 nó a bhfuil sé rátáilte go himmheánach go bhfuil cáilíocht chreidmheasa choibhéiseach acu, agus atá ráthaithe go huile is go hiomlán ag morgáistí ar mhaoín chónaithe i gcomhréir le hAirteagal 125.
9. Áiseanna creidmheasa teannta a dheonaíonn na bainc cheannais laistigh de raon feidhme an bheartais airgeadaíochta sa mhéid nach ndéantar na háiseanna sin a chomhthaobhú le sócmhainní leachtacha ach gan cúnamh éigeandála leachtacha a bheith san áireamh;
10. I gcás ina bhfuil an institiúid chreidmheasa bainteach i líonra i gcomhréir le forálacha dlí nó le forálacha reachtúla, na hiostaicé dlíthiúla nó reachtúla atá san institiúid lárnach chreidmheasa agus cistiú leachtach eile reachtúil nó cistiú atá ar fáil ar bhonn conarthach ón institiúid lárnach chreidmheasa nó ó institiúidí ar baill iad den líonra dá dtagraítear in Airteagal 113 (7), nó atá incháilithe don tarscaoileadh dá bhforáiltear in Airteagal 10, sa mhéid nach gcomhthaobhaítear an cistiú sin le sócmhainní leachtacha;
- **C2** 11. Airgeadra a mhalartaítear, scaireanna ghnáthchothromais atá imréitithe ar bhonn lárnach ◀, agus atá mar fhochuid de mhórinneacs malartáin, ainmnithe in airgeadra intíre an Bhallstáit agus nach neisítear ag aon institiúid ná ag aon cheann de chleamhnaithe na hinstitiúide.
12. ór, atá liostaithe ar mhalartán aitheanta, a shealbhaítear ar bhonn leithdháilte.
 

Ní mór do gach ítim, seachas iad sin dá dtagraítear i bpointe 1,2 agus a 9 na coinníollacha seo a leanas a chomhlíonadh:

  - (a) déantar iad a thrádáil i gcomhaontú athcheannaigh simplí nó margai airgid thirim arb é a bpríomhthréith leibhéal íseal comhchruinnithe;
  - (b) tá siad cruthaithe mar fhoinsé iontaofa leachtacha trí chomhaontú athcheannaigh nó trí dhíolachán fiú le linn dálaí struis sa mhargadh;
  - (c) go bhfuil siad neamhualaithe.



## IARSCRÍBHINN IV

## Tábla Comhghaoil

An Rialachán seo	Treoir 2006/48/CE	Treoir 2006/49/CE
Airteagal 1		
Airteagal 2		
Airteagal 3		
Pointe (1) d'Airteagal 4(1)	Airteagal 4 (1)	
Pointe (2) d'Airteagal 4(1)		Airteagal 3(1)b
Pointe (3) d'Airteagal 4(1)		Airteagal 3(1)c
Pointe (4) d'Airteagal 4(1)		Airteagal 3(1)p
Pointí (5)-(7) d'Airteagal 4(1)		
Pointe (8) d'Airteagal 4(1)	Airteagal 4(18)	
Pointí (9)-(12) d'Airteagal 4(1)		
Pointe (13) d'Airteagal 4(1)	Airteagal 4(41)	
Pointe (14) d'Airteagal 4(1)	Airteagal 4(42)	
Pointe (15) d'Airteagal 4(1)	Airteagal 4(12)	
Pointe (16) d'Airteagal 4(1)	Airteagal 4(13)	
Pointe (17) d'Airteagal 4(1)	Airteagal 4(3)	
Pointe (18) d'Airteagal 4(1)	Airteagal 4(21)	
Pointe (19) d'Airteagal 4(1)		
Pointe (20) d'Airteagal 4(1)	Airteagal 4(19)	
Pointe (21) d'Airteagal 4(1)		
Pointe (22) d'Airteagal 4(1)	Airteagal 4(20)	
Pointe (23) d'Airteagal 4(1)		
Pointe (24) d'Airteagal 4(1)		
Pointe (25) d'Airteagal 4(1)		Airteagal 3(1)c
Pointe (26) d'Airteagal 4(1)	Airteagal 4(5)	
Pointe (27) d'Airteagal 4(1)		
Pointe (28) d'Airteagal 4(1)	Airteagal 4(14)	
Pointe (29) d'Airteagal 4(1)	Airteagal 4(16)	
Pointe (30) d'Airteagal 4(1)	Airteagal 4(15)	

▼B

An Rialachán seo	Treoir 2006/48/CE	Treoir 2006/49/CE
Pointe (31) d'Airteagal 4(1)	Airteagal 4(17)	
Pointí (32)-(34) d'Airteagal 4(1)		
Pointe (35) d'Airteagal 4(1)	Airteagal 4(10)	
Pointe (36) d'Airteagal 4(1)		
Pointe (37) d'Airteagal 4(1)	Airteagal 4(9)	
Pointe (38) d'Airteagal 4(1)	Airteagal 4(46)	
Pointe (39) d'Airteagal 4(1)	Airteagal 4(45)	
Pointe (40) d'Airteagal 4(1)	Airteagal 4(4)	
Pointe (41) d'Airteagal 4(1)	Airteagal 4(48)	
Pointe (42) d'Airteagal 4(1)	Airteagal 4(2)	
Pointe (43) d'Airteagal 4(1)	Airteagal 4(7)	
Pointe (44) d'Airteagal 4(1)	Airteagal 4(8)	
Pointe (45) d'Airteagal 4(1)		
Pointe (46) d'Airteagal 4(1)	Airteagal 4(23)	
Pointí (47)-(49) d'Airteagal 4(1)		
Pointe (50) d'Airteagal 4(1)		Airteagal 3(1)e
Pointe (51) d'Airteagal 4(1)		
Pointe (52) d'Airteagal 4(1)	Airteagal 4(22)	
Pointe (53) d'Airteagal 4(1)	Airteagal 4(24)	
Pointe (54) d'Airteagal 4(1)	Airteagal 4(25)	
Pointe (55) d'Airteagal 4(1)	Airteagal 4(27)	
Pointe (56) d'Airteagal 4(1)	Airteagal 4(28)	
Pointe (57) d'Airteagal 4(1)	Airteagal 4(30)	
Pointe (58) d'Airteagal 4(1)	Airteagal 4(31)	
Pointe (59) d'Airteagal 4(1)	Airteagal 4(32)	
Pointe (60) d'Airteagal 4(1)	Airteagal 4(35)	
Pointe (61) d'Airteagal 4(1)	Airteagal 4(36)	
Pointe (62) d'Airteagal 4(1)	Airteagal 4(40)	
Pointe (63) d'Airteagal 4(1)	Airteagal 4(40a)	
Pointe (64) d'Airteagal 4(1)	Airteagal 4(40b)	

▼B

An Rialachán seo	Treoir 2006/48/CE	Treoir 2006/49/CE
Pointe (65) d'Airteagal 4(1)	Airteagal 4(43)	
Pointe (66) d'Airteagal 4(1)	Airteagal 4(44)	
Pointe (67) d'Airteagal 4(1)	Airteagal 4(39)	
Pointí (68)-(71) d'Airteagal 4(1)		
Pointe (72) d'Airteagal 4(1)	Airteagal 4(47)	
Pointe (73) d'Airteagal 4(1)	Airteagal 4(49)	
Pointí (74)-(81) d'Airteagal 4(1)		
Pointe (82) d'Airteagal 4(1)		Airteagal 3(1)m
Pointe (83) d'Airteagal 4(1)	Airteagal 4(33)	
Pointí (84)-(91) d'Airteagal 4(1)		
Pointe (92) d'Airteagal 4(1)		Airteagal 3(1)i
Pointí (93)-(117) d'Airteagal 4(1)		
Pointe (118) d'Airteagal 4(1)		Airteagal 3(1)r
Pointí (119)-(128) d'Airteagal 4(1)		
Airteagal 4(2)		
Airteagal 4(3)		
Airteagal 5		
Airteagal 6(1)	Airteagal 68(1)	
Airteagal 6(2)	Airteagal 68(2)	
Airteagal 6(3)	Airteagal 68(3)	
Airteagal 6(4)		
Airteagal 6(5)		
Airteagal 7(1)	Airteagal 69(1)	
Airteagal 7(2)	Airteagal 69(2)	
Airteagal 7(3)	Airteagal 69(3)	
Airteagal 8(1)		
Airteagal 8(2)		
Airteagal 8(3)		
Airteagal 9(1)	Airteagal 70(1)	



▼B

An Rialachán seo	Treoir 2006/48/CE	Treoir 2006/49/CE
Airteagal 9(2)	Airteagal 70(2)	
Airteagal 9(3)	Airteagal 70(3)	
Airteagal 10(1)	Airteagal 3(1)	
Airteagal 10(2)		
Airteagal 11(1)	Airteagal 71(1)	
Airteagal 11(2)	Airteagal 71(2)	
Airteagal 11(3)		
Airteagal 11(4)	Airteagal 3(2)	
Airteagal 11(5)		
Airteagal 12		
Airteagal 13(1)	Airteagal 72(1)	
Airteagal 13(2)	Airteagal 72(2)	
Airteagal 13(3)	Airteagal 72(3)	
Airteagal 13(4)		
Airteagal 14(1)	Airteagal 73(3)	
Airteagal 14(2)		
Airteagal 14(3)		
Airteagal 15		Airteagal 22
Airteagal 16		
Airteagal 17(1)		Airteagal 23
Airteagal 17(2)		
Airteagal 17(3)		
Airteagal 18(1)-	Airteagal 133(1) fomhír 1	
Airteagal 18(2)	Airteagal 133(1) fomhír 2	
Airteagal 18(3)	Airteagal 133(1) fomhír 3	
Airteagal 18(4)	Airteagal 133(2)	
Airteagal 18(5)	Airteagal 133(3)	
Airteagal 18(6)	Airteagal 134(1)	
Airteagal 18(7)		

▼B

An Rialachán seo	Treoir 2006/48/CE	Treoir 2006/49/CE
Airteagal 18(8)	Airteagal 134(2)	
Airteagal 19(1)	Airteagal 73(1) (b)	
Airteagal 19(2)	Airteagal 73(1)	
Airteagal 19(3)	Airteagal 73(1) fomhír 2	
Airteagal 20(1)	Airteagal 105(3) Airteagal 129(2) agus Iarscribhinn X, Cuid 3, Pointí 30 agus 31	
Airteagal 20(2)	Airteagal 129(2) fomhír 3	
Airteagal 20(3)	Airteagal 129(2) fomhír 4	
Airteagal 20(4)	Airteagal 129(2) fomhír 5	
Airteagal 20(5)		
Airteagal 20(6)	Airteagal 84(2)	
Airteagal 20(7)	Airteagal 129(2) fomhír 6	
Airteagal 20(8)	Airteagal 129(2) fomhíreanna 7 agus 8	
Airteagal 21(1)		
Airteagal 21(2)		
Airteagal 21(3)		
Airteagal 21(4)		
Airteagal 22	Airteagal 73(2)	
Airteagal 23		Airteagal 3(1) fomhír 2
Airteagal 24	Airteagal 74 (1)	
Airteagal 25		
Airteagal 26 (1)	Airteagal 57(a)	
Airteagal 26 (1)(a)	Airteagal 57(a)	
Airteagal 26 (1)(b)	Airteagal 57(a)	
Airteagal 26 (1)(c)	Airteagal 57(b)	
Airteagal 26 (1)(d)		
Airteagal 26 (1)(e)	Airteagal 57(b)	
Airteagal 26 (1)(f)	Airteagal 57(c)	

▼B

An Rialachán seo	Treoir 2006/48/CE	Treoir 2006/49/CE
Airteagal 26 (1) an chéad fo-mhír	Airteagal 61 fomhír 2	
Airteagal 26 (2)(a)	Airteagal 57 fo-mhír 2, 3 agus 4	
Airteagal 26 (2)(b)	Airteagal 57 2, 3 agus 4	
Airteagal 26 (3)		
Airteagal 26 (4)		
Airteagal 27		
Airteagal 28(1)(a)		
Airteagal 28(1)(b)	Airteagal 57(a)	
Airteagal 28(1)(c)	Airteagal 57(a)	
Airteagal 28(1)(d)		
Airteagal 28(1)(e)		
Airteagal 28(1)(f)		
Airteagal 28(1)(g)		
Airteagal 28(1)(h)		
Airteagal 28(1)(i)	Airteagal 57(a)	
Airteagal 28(1)(j)	Airteagal 57(a)	
Airteagal 28(1)(k)		
Airteagal 28(1)(l)		
Airteagal 28(1)(m)		
Airteagal 28(2)		
Airteagal 28(3)		
Airteagal 28(4)		
Airteagal 28(5)		
Airteagal 29		
Airteagal 30		
Airteagal 31		
Airteagal 32(1)(a)		
Airteagal 32(1)(b)	Airteagal 57 fomhír 4	
Airteagal 32(2)		

## ▼B

An Rialachán seo	Treoir 2006/48/CE	Treoir 2006/49/CE
Airteagal 33(1)(a)	Airteagal 64(4)	
Airteagal 33(1)(b)	Airteagal 64(4)	
Airteagal 33(1)(c)		
Airteagal 33(2)		
Airteagal 33(3)(a)		
Airteagal 33(3)(b)		
Airteagal 33(3)(c)		
Airteagal 33(3)(d)		
Airteagal 33(4)		
Airteagal 34	Airteagal 64(5)	
Airteagal 35		
Airteagal 36(1)(a)	Airteagal 57(k)	
Airteagal 36(1)(b)	Airteagal 57(j)	
Airteagal 36(1)(c)		
Airteagal 36(1)(d)	Airteagal 57(q)	
Airteagal 36(1)(e)		
Airteagal 36(1)(f)	Airteagal 57(i)	
Airteagal 36(1)(g)		
Airteagal 36(1)(h)	Airteagal 57(n)	
Airteagal 36(1)(i)	Airteagal 57(m)	
Airteagal 36(1)(j)	Airteagal 66(2)	
Airteagal 36(1)(k)(i)		
Airteagal 36(1)(k)(ii)	Airteagal 57(r)	
Airteagal 36(1)(k)(iii)		
Airteagal 36(1)(k)(iv)		
Airteagal 36(1)(k)(v)		
Airteagal 36(1)(l)	Airteagal 61 fomhír 2	
Airteagal 36(2)		
Airteagal 36(3)		
Airteagal 37		
Airteagal 38		

▼B

An Rialachán seo	Treoir 2006/48/CE	Treoir 2006/49/CE
Airteagal 39		
Airteagal 40		
Airteagal 41		
Airteagal 42		
Airteagal 43		
Airteagal 44		
Airteagal 45		
Airteagal 46		
Airteagal 47		
Airteagal 48		
Airteagal 49(1)	Airteagal 59	
Airteagal 49(2)	Airteagal 60	
Airteagal 49(3)		
Airteagal 49(4)		
Airteagal 49(5)		
Airteagal 49(6)		
Airteagal 50	Airteagal 66, Airteagal 63a, Airteagal 57(ca),	
Airteagal 51	Airteagal 66, Airteagal 63a, Airteagal 57(ca),	
Airteagal 52	Airteagal 63a	
Airteagal 53		
Airteagal 54		
Airteagal 55		
Airteagal 56		
Airteagal 57		
Airteagal 58		
Airteagal 59		
Airteagal 60		
Airteagal 61	Airteagal 66, Airteagal 63a, Airteagal 57(ca),	
Airteagal 62(a)	Airteagal 64(3)	

▼B

An Rialachán seo	Treoir 2006/48/CE	Treoir 2006/49/CE
Airteagal 62(b)		
Airteagal 62(c)		
Airteagal 62(d)	Airteagal 63(3)	
Airteagal 63	Airteagal 63(1), Airteagal 63(2), Airteagal 64(3)	
Airteagal 64	Airteagal 64 (3) (c)	
Airteagal 65		
Airteagal 66	Airteagal 57, Airteagal 66(2)	
Airteagal 67	Airteagal 57, Airteagal 66(2)	
Airteagal 68		
Airteagal 69	Airteagal 57, Airteagal 66(2)	
Airteagal 70	Airteagal 57, Airteagal 66(2)	
Airteagal 71	Airteagal 66, Airteagal 57(ca), Airteagal 63a	
Airteagal 72	Airteagal 57, Airteagal 66	
Airteagal 73		
Airteagal 74		
Airteagal 75		
Airteagal 76		
Airteagal 77	Airteagal 63a(2)	
Airteagal 78(1)	Airteagal 63a(2)	
Airteagal 78(2)		
Airteagal 78(3)		
Airteagal 78(4)	Airteagal 63a(2) fomhír 4	
Airteagal 78(5)		
Airteagal 79	Airteagal 58	
Airteagal 80		
Airteagal 81	Airteagal 65	
Airteagal 82	Airteagal 65	
Airteagal 83		
Airteagal 84	Airteagal 65	

▼B

An Rialachán seo	Treoir 2006/48/CE	Treoir 2006/49/CE
Airteagal 85	Airteagal 65	
Airteagal 86	Airteagal 65	
Airteagal 87	Airteagal 65	
Airteagal 88	Airteagal 65	
Airteagal 89	Airteagal 120	
Airteagal 90	Airteagal 122	
Airteagal 91	Airteagal 121	
Airteagal 92	Airteagal 66, Airteagal 75	
Airteagal 93(1)-(4)	Airteagal 10(1)-(4)	
Airteagal 93(5)		
Airteagal 94		Airteagal 18(2)-(4)
Airteagal 95		
Airteagal 96		
Airteagal 97		
Airteagal 98		Airteagal 24
Airteagal 99(1)	Airteagal 74(2)	
Airteagal 99(2)		
Airteagal 100		
Airteagal 101(1)		
Airteagal 101(2)		
Airteagal 101(3)		
Airteagal 102(1)		Airteagal 11(1)
Airteagal 102(2)		Airteagal 11(3)
Airteagal 102(3)		Airteagal 11(4)
Airteagal 102(4)		Iarscribhinn VII, Cuid C, Pointe 1
Airteagal 103		Iarscribhinn VII, Cuid A, Pointe 1
Airteagal 104(1)		Iarscribhinn VII, Cuid D, Pointe 1
Airteagal 104(2)		Iarscribhinn VII, Cuid D, Pointe 2
Airteagal 105(1)		Airteagal 33(1)
Airteagal 105(2)-(10)		Iarscribhinn VII, Cuid B, Pointí 1-9

▼B

An Rialachán seo	Treoir 2006/48/CE	Treoir 2006/49/CE
Airteagal 105(11)-(13)		Iarscríbhinn VII, Cuid B, Pointí 11-13
Airteagal 106		Iarscríbhinn VII, Cuid C, Pointí 1-3
Airteagal 107	Airteagal 76, Airteagal 78(4) agus Iarscríbhinn III, Cuid 2, Pointe 6	
Airteagal 108(1)	Airteagal 91	
Airteagal 108(2)		
Airteagal 109	Airteagal 94	
Airteagal 110		
Airteagal 111	Airteagal 78(1)-(3)	
Airteagal 112	Airteagal 79(1)	
Airteagal 113(1)	Airteagal 80(1)	
Airteagal 113(2)	Airteagal 80(2)	
Airteagal 113(3)	Airteagal 80(4)	
Airteagal 113(4)	Airteagal 80(5)	
Airteagal 113(5)	Airteagal 80(6)	
Airteagal 113(6)	Airteagal 80(7)	
Airteagal 113(7)	Airteagal 80(8)	
Airteagal 114	Iarscríbhinn VI, Cuid I, Pointí 1-5	
Airteagal 115(1) (4)	Iarscríbhinn VI, Cuid I, Pointí 8-11	
Airteagal 115(5)		
Airteagal 116(1)	Iarscríbhinn VI, Cuid I, Pointe 14	
Airteagal 116(2)	Iarscríbhinn VI, Cuid I, Pointe 14	
Airteagal 116(3)		
Airteagal 116(4)	Iarscríbhinn VI, Cuid I, Pointe 15	
Airteagal 116(5)	Iarscríbhinn VI, Cuid I, Pointe 17	
Airteagal 116(6)	Iarscríbhinn VI, Cuid I, Pointe 17	
Airteagal 117(1)	Iarscríbhinn VI, Cuid I, Pointe 18 agus 19	
Airteagal 117(2)	Iarscríbhinn VI, Cuid I, Pointe 20	
Airteagal 117(3)	Iarscríbhinn VI, Cuid I, Pointe 21	
Airteagal 118	Iarscríbhinn VI, Cuid I, Pointe 22	
Airteagal 119(1)		



## ▼B

An Rialachán seo	Treoir 2006/48/CE	Treoir 2006/49/CE
Airteagal 119(2)	Iarscríbhinn VI, Cuid I, Pointí 37 agus 38	
Airteagal 119(3)	Iarscríbhinn VI, Cuid I, Pointe 40	
Airteagal 119(4)		
Airteagal 119(5)		
Airteagal 120(1)	Iarscríbhinn VI, Cuid I, Pointe 29	
Airteagal 120(2)	Iarscríbhinn VI, Cuid I, Pointe 31	
Airteagal 120(3)	Iarscríbhinn VI, Cuid I, Pointí 33-36	
Airteagal 121(1)	Iarscríbhinn VI, Cuid I, Pointe 26	
Airteagal 121(2)	Iarscríbhinn VI, Cuid I, Pointe 25	
Airteagal 121(3)	Iarscríbhinn VI, Cuid I, Pointe 27	
Airteagal 122	Iarscríbhinn VI, Cuid I, Pointí 41 agus 42	
Airteagal 123	Airteagal 79(2), 79(3) agus Iarscríbhinn VI, Cuid I, Pointe 43	
Airteagal 124(1)	Iarscríbhinn VI, Cuid I, Pointe 44	
Airteagal 124(2)		
Airteagal 124(3)		
Airteagal 125(1)-(3)	Iarscríbhinn VI, Cuid I, Pointí 45-49	
Airteagal 125(4)		
Airteagal 126(1) agus (2)	Iarscríbhinn VI, Cuid I, Pointí 51-55	
Airteagal 126(3) agus (4)	Iarscríbhinn VI, Cuid I, Pointí 58 agus 59	
Airteagal 127(1) agus (2)	Iarscríbhinn VI, Cuid I, Pointí 61 agus 62	
Airteagal 127(3) agus (4)	Iarscríbhinn VI, Cuid I, Pointí 64 agus 65	
Airteagal 128(1)	Iarscríbhinn VI, Cuid I, Pointí 66 agus 76	
Airteagal 128(2)	Iarscríbhinn VI, Cuid I, Pointe 66	
Airteagal 128(3)		
Airteagal 129(1)	Iarscríbhinn VI, Cuid I, Pointe 68, paragraphs 1 agus 2	
Airteagal 129(2)	Iarscríbhinn VI, Cuid I, Pointe 69	
Airteagal 129(3)	Iarscríbhinn VI, Cuid I, Pointe 71	
Airteagal 129(4)	Iarscríbhinn VI, Cuid I, Pointe 70	
Airteagal 129(5)		
Airteagal 130	Iarscríbhinn VI, Cuid I, Pointe 72	

▼B

An Rialachán seo	Treoir 2006/48/CE	Treoir 2006/49/CE
Airteagal 131	Iarscríbhinn VI, Cuid I, Pointe 73	
Airteagal 132(1)	Iarscríbhinn VI, Cuid I, Pointe 74	
Airteagal 132(2)	Iarscríbhinn VI, Cuid I, Pointe 75	
Airteagal 132(3)	Iarscríbhinn VI, Cuid I, Pointí 77 agus 78	
Airteagal 132(4)	Iarscríbhinn VI, Cuid I, Pointe 79	
Airteagal 132(5)	Iarscríbhinn VI, Cuid I, Pointe 80 agus Pointe 81	
Airteagal 133(1)	Iarscríbhinn VI, Cuid I, Pointe 86	
Airteagal 133(2)		
Airteagal 133(3)		
Airteagal 134(1)-(3)	Iarscríbhinn VI, Cuid I, Pointí 82-84	
Airteagal 134(4)-(7)	Iarscríbhinn VI, Cuid I, Pointí 87-90	
Airteagal 135	Airteagal 81(1), (2) agus (4)	
Airteagal 136(1)	Airteagal 82(1)	
Airteagal 136(2)	Iarscríbhinn VI, Cuid 2, Pointí 12-16	
Airteagal 136(3)	Airteagal 150(3)	
Airteagal 137(1)	Iarscríbhinn VI, Cuid I, Pointe 6	
Airteagal 137(2)	Iarscríbhinn VI, Cuid I, Pointe 7	
Airteagal 137(3)		
Airteagal 138	Iarscríbhinn VI, Cuid III, Pointí 1-7	
Airteagal 139	Iarscríbhinn VI, Cuid III, Pointí 8-17	
Airteagal 140(1)		
Airteagal 140(2)		
Airteagal 141		
Airteagal 142(1)		
Airteagal 142(2)		
Airteagal 143(1)	Airteagal 84 (1) agus Iarscríbhinn VII, Cuid 4, Pointe 1	
Airteagal 143(1)	Airteagal 84(2)	
Airteagal 143(1)	Airteagal 84(3)	
Airteagal 143(1)	Airteagal 84(4)	
Airteagal 143(1)		

## ▼B

An Rialachán seo	Treoir 2006/48/CE	Treoir 2006/49/CE
Airteagal 144		
Airteagal 145		
Airteagal 146		
Airteagal 147(1)	Airteagal 86(9)	
Airteagal 147(2)-(9)	Airteagal 86(1)-(8)	
Airteagal 148(1)	Airteagal 85(1)	
Airteagal 148(2)	Airteagal 85(2)	
Airteagal 148(3)		
Airteagal 148(4)	Airteagal 85(3)	
Airteagal 148(5)		
Airteagal 148(1)		
Airteagal 149	Airteagal 85(4) agus (5)	
Airteagal 150(1)	Airteagal 89(1)	
Airteagal 150(2)	Airteagal 89(2)	
Airteagal 150(3)		
Airteagal 150(4)		
Airteagal 151	Airteagal 87(1)-(10)	
Airteagal 152(1) agus (2)	Airteagal 87(11)	
Airteagal 152(3) agus (4)	Airteagal 87(12)	
Airteagal 152(5)		
Airteagal 153(1)	Iarscríbhinn VII, Cuid I, Pointe 3	
Airteagal 153(2)		
Airteagal 153(3)-(8)	Iarscríbhinn VII, Cuid I, Pointí 4-9	
Airteagal 153(9)		
Airteagal 154	Iarscríbhinn VII, Cuid I, Pointí 10-16	
Airteagal 155(1)	Iarscríbhinn VII, Cuid I, Pointí 17 agus 18	
Airteagal 155(2)	Iarscríbhinn VII, Cuid I, Pointí 19 go 21	
Airteagal 155(3)	Iarscríbhinn VII, Cuid I, Pointí 22 go 24	
Airteagal 155(4)	Iarscríbhinn VII, Cuid I, Pointí 25 go 26	

## ▼B

An Rialachán seo	Treoir 2006/48/CE	Treoir 2006/49/CE
Airteagal 156		
Airteagal 156	Iarscríbhinn VII, Cuid I, Pointe 27	
Airteagal 157(1)	Iarscríbhinn VII, Cuid I, Pointe 28	
Airteagal 157(2)-(5)		
Airteagal 158(1)	Airteagal 88(2)	
Airteagal 158(2)	Airteagal 88(3)	
Airteagal 158(3)	Airteagal 88(4)	
Airteagal 158(4)	Airteagal 88(6)	
Airteagal 158(5)	Iarscríbhinn VII, Cuid I, Pointe 30	
Airteagal 158(6)	Iarscríbhinn VII, Cuid I, Pointe 31	
Airteagal 158(7)	Iarscríbhinn VII, Cuid I, Pointe 32	
Airteagal 158(8)	Iarscríbhinn VII, Cuid I, Pointe 33	
Airteagal 158(9)	Iarscríbhinn VII, Cuid I, Pointe 34	
Airteagal 158(10)	Iarscríbhinn VII, Cuid I, Pointe 35	
Airteagal 158(11)		
Airteagal 159	Iarscríbhinn VII, Cuid I, Pointe 36	
Airteagal 160(1)	Iarscríbhinn VII, Cuid II, Pointe 2	
Airteagal 160(2)	Iarscríbhinn VII, Cuid II, Pointe 3	
Airteagal 160(3)	Iarscríbhinn VII, Cuid II, Pointe 4	
Airteagal 160(4)	Iarscríbhinn VII, Cuid II, Pointe 5	
Airteagal 160(5)	Iarscríbhinn VII, Cuid II, Pointe 6	
Airteagal 160 (6)	Iarscríbhinn VII, Cuid II, Pointe 7	
Airteagal 160(7)	Iarscríbhinn VII, Cuid II, Pointe 7	
Airteagal 161(1)	Iarscríbhinn VII, Cuid II, Pointe 8	
Airteagal 161(2)	Iarscríbhinn VII, Cuid II, Pointe 9	
Airteagal 161(3)	Iarscríbhinn VII, Cuid II, Pointe 10	
Airteagal 161(4)	Iarscríbhinn VII, Cuid II, Pointe 11	
Airteagal 162(1)	Iarscríbhinn VII, Cuid II, Pointe 12	
Airteagal 162(2)	Iarscríbhinn VII, Cuid II, Pointe 13	
Airteagal 162(3)	Iarscríbhinn VII, Cuid II, Pointe 14	
Airteagal 162(4)	Iarscríbhinn VII, Cuid II, Pointe 15	

## ▼B

An Rialachán seo	Treoir 2006/48/CE	Treoir 2006/49/CE
Airteagal 162(5)	Iarscríbhinn VII, Cuid II, Pointe 16	
Airteagal 163(1)	Iarscríbhinn VII, Cuid II, Pointe 17	
Airteagal 163(2)	Iarscríbhinn VII, Cuid II, Pointe 18	
Airteagal 163(3)	Iarscríbhinn VII, Cuid II, Pointe 19	
Airteagal 163(4)	Iarscríbhinn VII, Cuid II, Pointe 20	
Airteagal 164(1)	Iarscríbhinn VII, Cuid II, Pointe 21	
Airteagal 164(2)	Iarscríbhinn VII, Cuid II, Pointe 22	
Airteagal 164(3)	Iarscríbhinn VII, Cuid II, Pointe 23	
Airteagal 164(4)		
Airteagal 165(1)	Iarscríbhinn VII, Cuid II, Pointe 24	
Airteagal 165(2)	Iarscríbhinn VII, Cuid II, Pointe 25 agus 26	
Airteagal 165(3)	Iarscríbhinn VII, Cuid II, Pointe 27	
Airteagal 166(1)	Iarscríbhinn VII, Cuid III, Pointe 1	
Airteagal 166(2)	Iarscríbhinn VII, Cuid III, Pointe 2	
Airteagal 166(3)	Iarscríbhinn VII, Cuid III, Pointe 3	
Airteagal 166(4)	Iarscríbhinn VII, Cuid III, Pointe 4	
Airteagal 166(5)	Iarscríbhinn VII, Cuid III, Pointe 5	
Airteagal 166(6)	Iarscríbhinn VII, Cuid III, Pointe 6	
Airteagal 166(7)	Iarscríbhinn VII, Cuid III, Pointe 7	
Airteagal 166(8)	Iarscríbhinn VII, Cuid III, Pointe 9	
Airteagal 166(9)	Iarscríbhinn VII, Cuid III, Pointe 10	
Airteagal 166(10)	Iarscríbhinn VII, Cuid III, Pointe 11	
Airteagal 167(1)	Iarscríbhinn VII, Cuid III, Pointe 12	
Airteagal 167(2)		
Airteagal 168	Iarscríbhinn VII, Cuid III, Pointe 13	
Airteagal 169(1)	Iarscríbhinn VII, Cuid IV, Pointe 2	
Airteagal 169(2)	Iarscríbhinn VII, Cuid IV, Pointe 3	
Airteagal 169(3)	Iarscríbhinn VII, Cuid IV, Pointe 4	
Airteagal 170(1)	Iarscríbhinn VII, Cuid IV, Pointe 5-11	
Airteagal 170(2)	Iarscríbhinn VII, Cuid IV, Pointe 12	

## ▼B

An Rialachán seo	Treoir 2006/48/CE	Treoir 2006/49/CE
Airteagal 170(3)	Iarscríbhinn VII, Cuid IV, Pointí 13-15	
Airteagal 170(4)	Iarscríbhinn VII, Cuid IV, Pointe 16	
Airteagal 171(1)	Iarscríbhinn VII, Cuid IV, Pointe 17	
Airteagal 171(2)	Iarscríbhinn VII, Cuid IV, Pointe 18	
Airteagal 172(1)	Iarscríbhinn VII, Cuid IV, Pointe 19-23	
Airteagal 172(2)	Iarscríbhinn VII, Cuid IV, Pointe 24	
Airteagal 172(3)	Iarscríbhinn VII, Cuid IV, Pointe 25	
Airteagal 173(1)	Iarscríbhinn VII, Cuid IV, Pointí 26-28	
Airteagal 173(2)	Iarscríbhinn VII, Cuid IV, Pointe 29	
Airteagal 173(3)		
Airteagal 174	Iarscríbhinn VII, Cuid IV, Pointe 30	
Airteagal 175(1)	Iarscríbhinn VII, Cuid IV, Pointe 31	
Airteagal 175(2)	Iarscríbhinn VII, Cuid IV, Pointe 32	
Airteagal 175(3)	Iarscríbhinn VII, Cuid IV, Pointe 33	
Airteagal 175(4)	Iarscríbhinn VII, Cuid IV, Pointe 34	
Airteagal 175(5)	Iarscríbhinn VII, Cuid IV, Pointe 35	
Airteagal 176(1)	Iarscríbhinn VII, Cuid IV, Pointe 36	
Airteagal 176(2)	Iarscríbhinn VII, Cuid IV, Pointe 37 an chéad fomhír	
Airteagal 176(3)	Iarscríbhinn VII, Cuid IV, Pointe 37 an dara fomhír	
Airteagal 176(4)	Iarscríbhinn VII, Cuid IV, Pointe 38	
Airteagal 176(5)	Iarscríbhinn VII, Cuid IV, Pointe 39	
Airteagal 177(1)	Iarscríbhinn VII, Cuid IV, Pointe 40	
Airteagal 177(2)	Iarscríbhinn VII, Cuid IV, Pointe 41	
Airteagal 177(3)	Iarscríbhinn VII, Cuid IV, Pointe 42	
Airteagal 178(1)	Iarscríbhinn VII, Cuid IV, Pointe 44	
Airteagal 178(2)	Iarscríbhinn VII, Cuid IV, Pointe 44	
Airteagal 178(3)	Iarscríbhinn VII, Cuid IV, Pointe 45	
Airteagal 178(4)	Iarscríbhinn VII, Cuid IV, Pointe 46	

## ▼B

An Rialachán seo	Treoir 2006/48/CE	Treoir 2006/49/CE
Airteagal 178(5)	Iarscríbhinn VII, Cuid IV, Pointe 47	
Airteagal 178(6)		
Airteagal 178(7)		
Airteagal 179(1)	Iarscríbhinn VII, Cuid IV, Pointí 43 agus 49-56	
Airteagal 179(2)	Iarscríbhinn VII, Cuid IV, Pointe 57	
Airteagal 180(1)	Iarscríbhinn VII, Cuid IV, Pointí 59-66	
Airteagal 180(2)	Iarscríbhinn VII, Cuid IV, Pointí 67-72	
Airteagal 180(3)		
Airteagal 181(1)	Iarscríbhinn VII, Cuid IV, Pointí 73-81	
Airteagal 181(2)	Iarscríbhinn VII, Cuid IV, Pointe 82	
Airteagal 181(3)		
Airteagal 182(1)	Iarscríbhinn VII, Cuid IV, Pointí 87-92	
Airteagal 182(2)	Iarscríbhinn VII, Cuid IV, Pointe 93	
Airteagal 182(3)	Iarscríbhinn VII, Cuid IV, Pointí 94 agus 95	
Airteagal 182(4)		
Airteagal 183(1)	Iarscríbhinn VII, Cuid IV, Pointí 98-100	
Airteagal 183(2)	Iarscríbhinn VII, Cuid IV, Pointí 101 agus 102	
Airteagal 183(3)	Iarscríbhinn VII, Cuid IV, Pointe 103 agus Pointe 104	
Airteagal 183(4)	Iarscríbhinn VII, Cuid IV, Pointe 96	
Airteagal 183(5)	Iarscríbhinn VII, Cuid IV, Pointe 97	
Airteagal 183(6)		
Airteagal 184(1)		
Airteagal 184(2)	Iarscríbhinn VII, Cuid IV, Pointe 105	
Airteagal 184(3)	Iarscríbhinn VII, Cuid IV, Pointe 106	
Airteagal 184(4)	Iarscríbhinn VII, Cuid IV, Pointe 107	
Airteagal 184(5)	Iarscríbhinn VII, Cuid IV, Pointe 108	
Airteagal 184(6)	Iarscríbhinn VII, Cuid IV, Pointe 109	

## ▼B

An Rialachán seo	Treoir 2006/48/CE	Treoir 2006/49/CE
Airteagal 185	Iarscríbhinn VII, Cuid IV, Pointí 110-114	
Airteagal 186	Iarscríbhinn VII, Cuid IV, Pointe 115	
Airteagal 187	Iarscríbhinn VII, Cuid IV, Pointe 116	
Airteagal 188	Iarscríbhinn VII, Cuid IV, Pointí 117-123	
Airteagal 189(1)	Iarscríbhinn VII, Cuid IV, Pointe 124	
Airteagal 189(2)	Iarscríbhinn VII, Cuid IV, Pointí 125 agus 126	
Airteagal 189(3)	Iarscríbhinn VII, Cuid IV, Pointe 127	
Airteagal 190(1)	Iarscríbhinn VII, Cuid IV, Pointe 128	
Airteagal 190(2)	Iarscríbhinn VII, Cuid IV, Pointe 129	
Airteagal 190(3) (4)	Iarscríbhinn VII, Cuid IV, Pointe 130	
Airteagal 191	Iarscríbhinn VII, Cuid IV, Pointe 131	
Airteagal 192	Airteagal 90 agus Iarscríbhinn VIII, Cuid 1, Pointe 2	
Airteagal 193(1)	Airteagal 93 (2)	
Airteagal 193(2)	Airteagal 93 (3)	
Airteagal 193(3)	Airteagal 93(1) agus Iarscríbhinn VIII, Cuid 3, Pointe 1	
Airteagal 193(4)	Iarscríbhinn VIII, Cuid 3, Pointe 2	
Airteagal 193(5)	Iarscríbhinn VIII, Cuid 5, Pointe 1	
Airteagal 193(6)	Iarscríbhinn VIII, Cuid 5, Pointe 2	
Airteagal 194(1)	Airteagal 92(1)	
Airteagal 194(2)	Airteagal 92(2)	
Airteagal 194(3)	Airteagal 92(3)	
Airteagal 194(4)	Airteagal 92(4)	
Airteagal 194(5)	Airteagal 92(5)	
Airteagal 194(6)	Airteagal 92(5)	
Airteagal 194(7)	Airteagal 92(6)	
Airteagal 194(8)	Iarscríbhinn VIII, Cuid 2, Pointe 1	
Airteagal 194(9)	Iarscríbhinn VIII, Cuid 2, Pointe 2	
Airteagal 194(10)		



▼ **B**

An Rialachán seo	Treoir 2006/48/CE	Treoir 2006/49/CE
Airteagal 195	Iarscríbhinn VIII, Cuid 1, Pointí 3 agus 4	
Airteagal 196	Iarscríbhinn VIII, Cuid 1, Pointe 5	
Airteagal 197(1)	Iarscríbhinn VIII, Cuid 1, Pointe 7	
Airteagal 197(2)	Iarscríbhinn VIII, Cuid 1, Pointe 7	
Airteagal 197(3)	Iarscríbhinn VIII, Cuid 1, Pointe 7	
Airteagal 197(4)	Iarscríbhinn VIII, Cuid 1, Pointe 8	
Airteagal 197(5)	Iarscríbhinn VIII, Cuid 1, Pointe 9	
Airteagal 197(6)	Iarscríbhinn VIII, Cuid 1, Pointe 9	
Airteagal 197(7)	Iarscríbhinn VIII, Cuid 1, Pointe 10	
Airteagal 197(8)		
Airteagal 198(1)	Iarscríbhinn VIII, Cuid 1, Pointe 11	
Airteagal 198(2)	Iarscríbhinn VIII, Cuid 1, Pointe 11	
Airteagal 199(1)	Iarscríbhinn VIII, Cuid 1, Pointe 12	
Airteagal 199(2)	Iarscríbhinn VIII, Cuid 1, Pointe 13	
Airteagal 199(3)	Iarscríbhinn VIII, Cuid 1, Pointe 16	
Airteagal 199(4)	Iarscríbhinn VIII, Cuid 1, Pointí 17 agus 18	
Airteagal 199(5)	Iarscríbhinn VIII, Cuid 1, Pointe 20	
Airteagal 199(6)	Iarscríbhinn VIII, Cuid 1, Pointe 21	
Airteagal 199(7)	Iarscríbhinn VIII, Cuid 1, Pointe 22	
Airteagal 199(8)		
Airteagal 200	Iarscríbhinn VIII, Cuid 1, Pointí 23 go 25	
Airteagal 201(1)	Iarscríbhinn VIII, Cuid 1, Pointí 26 agus 28	
Airteagal 201(2)	Iarscríbhinn VIII, Cuid 1, Pointe 27	
Airteagal 202	Iarscríbhinn VIII, Cuid 1, Pointe 29	
Airteagal 203		
Airteagal 204(1)	Iarscríbhinn VIII, Cuid 1, Pointe 30 agus Pointe 31	
Airteagal 204(2)	Iarscríbhinn VIII, Cuid 1, Pointe 32	
Airteagal 205	Iarscríbhinn VIII, Cuid 2, Pointe 3	
Airteagal 206	Iarscríbhinn VIII, Cuid 2, Pointí 4 go 5	

## ▼B

An Rialachán seo	Treoir 2006/48/CE	Treoir 2006/49/CE
Airteagal 207(1)	Iarscríbhinn VIII, Cuid 2, Pointe 6	
Airteagal 207(2)	Iarscríbhinn VIII, Cuid 2, Pointe 6(a)	
Airteagal 207(3)	Iarscríbhinn VIII, Cuid 2, Pointe 6(b)	
Airteagal 207(4)	Iarscríbhinn VIII, Cuid 2, Pointe 6(c)	
Airteagal 207(5)	Iarscríbhinn VIII, Cuid 2, Pointe 7	
Airteagal 208(1)	Iarscríbhinn VIII, Cuid 2, Pointe 8	
Airteagal 208(2)	Iarscríbhinn VIII, Cuid 2, Pointe 8(a)	
Airteagal 208(3)	Iarscríbhinn VIII, Cuid 2, Pointe 8(b)	
Airteagal 208(4)	Iarscríbhinn VIII, Cuid 2, Pointe 8(c)	
Airteagal 208(5)	Iarscríbhinn VIII, Cuid 2, Pointe 8(d)	
Airteagal 209(1)	Iarscríbhinn VIII, Cuid 2, Pointe 9	
Airteagal 209(2)	Iarscríbhinn VIII, Cuid 2, Pointe 9(a)	
Airteagal 209(3)	Iarscríbhinn VIII, Cuid 2, Pointe 9(b)	
Airteagal 210	Iarscríbhinn VIII, Cuid 2, Pointe 10	
Airteagal 211	Iarscríbhinn VIII, Cuid 2, Pointe 11	
Airteagal 212(1)	Iarscríbhinn VIII, Cuid 2, Pointe 12	
Airteagal 212(2)	Iarscríbhinn VIII, Cuid 2, Pointe 13	
Airteagal 213 (1)	Iarscríbhinn VIII, Cuid 2, Pointe 14	
Airteagal 213(2)	Iarscríbhinn VIII, Cuid 2, Pointe 15	
Airteagal 213(3)		
Airteagal 214(1)	Iarscríbhinn VIII, Cuid 2, Pointe 16(a) go (c)	
Airteagal 214(2)	Iarscríbhinn VIII, Cuid 2, Pointe 16	
Airteagal 214(3)	Iarscríbhinn VIII, Cuid 2, Pointe 17	
Airteagal 215(1)	Iarscríbhinn VIII, Cuid 2, Pointe 18	
Airteagal 215(2)	Iarscríbhinn VIII, Cuid 2, Pointe 19	
Airteagal 216(1)	Iarscríbhinn VIII, Cuid 2, Pointe 20	
Airteagal 216(2)	Iarscríbhinn VIII, Cuid 2, Pointe 21	
Airteagal 217(1)	Iarscríbhinn VIII, Cuid 2, Pointe 22	
Airteagal 217(2)	Iarscríbhinn VIII, Cuid 2, Pointe 22(c)	

## ▼B

An Rialachán seo	Treoir 2006/48/CE	Treoir 2006/49/CE
Airteagal 217(3)	Iarscríbhinn VIII, Cuid 2, Pointe 22(c)	
Airteagal 218	Iarscríbhinn VIII, Cuid 3, Pointe 3	
Airteagal 219	Iarscríbhinn VIII, Cuid 3, Pointe 4	
Airteagal 220(1)	Iarscríbhinn VIII, Cuid 3, Pointe 5	
Airteagal 220(2)	Iarscríbhinn VIII, Cuid 3, Pointí 6, 8 go 10	
Airteagal 220(3)	Iarscríbhinn VIII, Cuid 3, Pointe 11	
Airteagal 220(4)	Iarscríbhinn VIII, Cuid 3, Pointí 22 agus 23	
Airteagal 220(5)	Iarscríbhinn VIII, Cuid III3, Pointe 9	
Airteagal 221(1)	Iarscríbhinn VIII, Cuid 3, Pointe 12	
Airteagal 221(2)	Iarscríbhinn VIII, Cuid 3, Pointe 12	
Airteagal 221(3)	Iarscríbhinn VIII, Cuid 3, Pointí 13 go 15	
Airteagal 221(4)	Iarscríbhinn VIII, Cuid 3, Pointe 16	
Airteagal 221(5)	Iarscríbhinn VIII, Cuid 3, Pointí 18 agus 19	
Airteagal 221(6)	Iarscríbhinn VIII, Cuid 3, Pointí 20 agus 21	
Airteagal 221(7)	Iarscríbhinn VIII, Cuid 3, Pointe 17	
Airteagal 221(8)	Iarscríbhinn VIII, Cuid 3, Pointí 22 agus 23	
Airteagal 221(9)		
Airteagal 222(1)	Iarscríbhinn VIII, Cuid 3, Pointe 24	
Airteagal 222(2)	Iarscríbhinn VIII, Cuid 3, Pointe 25	
Airteagal 222(3)	Iarscríbhinn VIII, Cuid 3, Pointe 26	
Airteagal 222(4)	Iarscríbhinn VIII, Cuid 3, Pointe 27	
Airteagal 222(5)	Iarscríbhinn VIII, Cuid 3, Pointe 28	
Airteagal 222(6)	Iarscríbhinn VIII, Cuid 3, Pointe 29	
Airteagal 222(7)	Iarscríbhinn VIII, Cuid 3, Pointí 28 agus 29	
Airteagal 223(1)	Iarscríbhinn VIII, Cuid 3, Pointí 30 go 32	
Airteagal 223(2)	Iarscríbhinn VIII, Cuid 3, Pointe 33	

## ▼B

An Rialachán seo	Treoir 2006/48/CE	Treoir 2006/49/CE
Airteagal 223(3)	Iarscríbhinn VIII, Cuid 3, Pointe 33	
Airteagal 223(4)	Iarscríbhinn VIII, Cuid 3, Pointe 33	
Airteagal 223(5)	Iarscríbhinn VIII, Cuid 3, Pointe 33	
Airteagal 223(6)	Iarscríbhinn VIII, Cuid 3, Pointí 34 agus 35	
Airteagal 223(7)	Iarscríbhinn VIII, Cuid 3, Pointe 35	
Airteagal 224(1)	Iarscríbhinn VIII, Cuid 3, Pointe 36	
Airteagal 224(2)	Iarscríbhinn VIII, Cuid 3, Pointe 37	
Airteagal 224(3)	Iarscríbhinn VIII, Cuid 3, Pointe 38	
Airteagal 224(4)	Iarscríbhinn VIII, Cuid 3, Pointe 39	
Airteagal 224(5)	Iarscríbhinn VIII, Cuid 3, Pointe 40	
Airteagal 224(6)	Iarscríbhinn VIII, Cuid 3, Pointe 41	
Airteagal 225(1)	Iarscríbhinn VIII, Cuid 3, Pointí 42 go 46	
Airteagal 225(2)	Iarscríbhinn VIII, Cuid 3, Pointí 47 go 52	
Airteagal 225(3)	Iarscríbhinn VIII, Cuid 3, Pointí 53 go 56	
Airteagal 226	Iarscríbhinn VIII, Cuid 3, Pointe 57	
Airteagal 227(1)	Iarscríbhinn VIII, Cuid 3, Pointe 58	
Airteagal 227(2)	Iarscríbhinn VIII, Cuid 3, Pointe 58(a) go (h)	
Airteagal 227(3)	Iarscríbhinn VIII, Cuid 3, Pointe 58(h)	
Airteagal 228(1)	Iarscríbhinn VIII, Cuid 3, Pointe 60	
Airteagal 228(2)	Iarscríbhinn VIII, Cuid 3, Pointe 61	
Airteagal 229(1)	Iarscríbhinn VIII, Cuid 3, Pointí 62 go 65	
Airteagal 229(2)	Iarscríbhinn VIII, Cuid 3, Pointe 66	
Airteagal 229(3)	Iarscríbhinn VIII, Cuid 3, Pointí 63 agus 67	
Airteagal 230(1)	Iarscríbhinn VIII, Cuid 3, Pointí 68 go 71	
Airteagal 230(2)	Iarscríbhinn VIII, Cuid 3, Pointe 72	
Airteagal 230(3)	Iarscríbhinn VIII, Cuid 3, Pointí 73 agus 74	
Airteagal 231(1)	Iarscríbhinn VIII, Cuid 3, Pointe 76	
Airteagal 231(2)	Iarscríbhinn VIII, Cuid 3, Pointe 77	
Airteagal 231(3)	Iarscríbhinn VIII, Cuid 3, Pointe 78	
Airteagal 231(1)	Iarscríbhinn VIII, Cuid 3, Pointe 79	
Airteagal 231(2)	Iarscríbhinn VIII, Cuid 3, Pointe 80	
Airteagal 231(3)	Iarscríbhinn VIII, Cuid 3, Pointe 80a	

## ▼B

An Rialachán seo	Treoir 2006/48/CE	Treoir 2006/49/CE
Airteagal 231(4)	Iarscríbhinn VIII, Cuid 3, Pointí 81 go 82	
Airteagal 232(1)	Iarscríbhinn VIII, Cuid 3, Pointe 83	
Airteagal 232(2)	Iarscríbhinn VIII, Cuid 3, Pointe 83	
Airteagal 232(3)	Iarscríbhinn VIII, Cuid 3, Pointe 84	
Airteagal 232(4)	Iarscríbhinn VIII, Cuid 3, Pointe 85	
Airteagal 234	Iarscríbhinn VIII, Cuid 3, Pointe 86	
Airteagal 235(1)	Iarscríbhinn VIII, Cuid 3, Pointe 87	
Airteagal 235(2)	Iarscríbhinn VIII, Cuid 3, Pointe 88	
Airteagal 235(3)	Iarscríbhinn VIII, Cuid 3, Pointe 89	
Airteagal 236(1)	Iarscríbhinn VIII, Cuid 3, Pointe 90	
Airteagal 236(2)	Iarscríbhinn VIII, Cuid 3, Pointe 91	
Airteagal 236(3)	Iarscríbhinn VIII, Cuid III, Pointe 92	
Airteagal 237(1)	Iarscríbhinn VIII, Cuid 4, Pointe 1	
Airteagal 237(2)	Iarscríbhinn VIII, Cuid 4, Pointe 2	
Airteagal 238(1)	Iarscríbhinn VIII, Cuid 4, Pointe 3	
Airteagal 238(2)	Iarscríbhinn VIII, Cuid 4, Pointe 4	
Airteagal 238(3)	Iarscríbhinn VIII, Cuid 4, Pointe 5	
Airteagal 239(1)	Iarscríbhinn VIII, Cuid 4, Pointe 6	
Airteagal 239(2)	Iarscríbhinn VIII, Cuid 4, Pointe 7	
Airteagal 239(3)	Iarscríbhinn VIII, Cuid 4, Pointe 8	
Airteagal 240	Iarscríbhinn VIII, Cuid VI, Pointe 1	
Airteagal 241	Iarscríbhinn VIII, Cuid VI, Pointe 2	
Airteagal 242(1) go (9)	Iarscríbhinn IX, Cuid I, Pointe 1	
Airteagal 242(10)	Airteagal 4 Pointe 37	
Airteagal 242(11)	Airteagal 4 Pointe 38	
Airteagal 242(12)		
Airteagal 242(13)		
Airteagal 242(14)		
Airteagal 242(15)		
Airteagal 243(1)	Iarscríbhinn IX, Cuid II, Pointe 1	
Airteagal 243(2)	Iarscríbhinn IX, Cuid II, Pointe 1a	

## ▼B

An Rialachán seo	Treoir 2006/48/CE	Treoir 2006/49/CE
Airteagal 243(3)	Iarscríbhinn IX, Cuid II, Pointe 1b	
Airteagal 243(4)	Iarscríbhinn IX, Cuid II, Pointe 1c	
Airteagal 243(5)	Iarscríbhinn IX, Cuid II, Pointe 1d	
Airteagal 243(6)		
Airteagal 244(1)	Iarscríbhinn IX, Cuid II, Pointe 2	
Airteagal 244(2)	Iarscríbhinn IX, Cuid II, Pointe 2a	
Airteagal 244(3)	Iarscríbhinn IX, Cuid II, Pointe 2b	
Airteagal 244(4)	Iarscríbhinn IX, Cuid II, Pointe 2c	
Airteagal 244(5)	Iarscríbhinn IX, Cuid II, Pointe 2d	
Airteagal 244(6)		
Airteagal 245(1)	Airteagal 95(1)	
Airteagal 245(2)	Airteagal 95(2)	
Airteagal 245(3)	Airteagal 96(2)	
Airteagal 245(4)	Airteagal 96(4)	
Airteagal 245(5)		
Airteagal 245(6)		
Airteagal 246(1)	Iarscríbhinn IX, Cuid IV, Pointí 2 agus 3	
Airteagal 246(2)	Iarscríbhinn IX, Cuid IV, Pointe 5	
Airteagal 246(3)	Iarscríbhinn IX, Cuid IV, Pointe 5	
Airteagal 247(1)	Airteagal 96(3), Iarscríbhinn IX, Cuid IV, Pointe 60	
Airteagal 247(2)	Iarscríbhinn IX, Cuid IV, Pointe 61	
Airteagal 247(3)		
Airteagal 247(4)		
Airteagal 248(1)	Airteagal 101(1)	
Airteagal 248(2)		
Airteagal 248(3)	Airteagal 101(2)	
Airteagal 249	Iarscríbhinn IX, Cuid II, Pointí 3 agus 4	
Airteagal 250	Iarscríbhinn IX, Cuid II, Pointí 5-7	
Airteagal 251	Iarscríbhinn IX, Cuid IV, Pointe 6-7	

## ▼B

An Rialachán seo	Treoir 2006/48/CE	Treoir 2006/49/CE
Airteagal 252	Iarscríbhinn IX, Cuid IV, Pointe 8	
Airteagal 253(1)	Iarscríbhinn IX, Cuid IV, Pointe 9	
Airteagal 253(2)	Iarscríbhinn IX, Cuid IV, Pointe 10	
Airteagal 254	Iarscríbhinn IX, Cuid IV, Pointe 11-12	
Airteagal 255(1)	Iarscríbhinn IX, Cuid IV, Pointe 13	
Airteagal 255(2)	Iarscríbhinn IX, Cuid IV, Pointe 15	
Airteagal 256(1)	Airteagal 100(1)	
Airteagal 256(2)	Iarscríbhinn IX, Cuid IV, Pointe 17-20	
Airteagal 256(3)	Iarscríbhinn IX, Cuid IV, Pointe 21	
Airteagal 256(4)	Iarscríbhinn IX, Cuid IV, Pointí 22-23	
Airteagal 256(5)	Iarscríbhinn IX, Cuid IV, Pointe 24-25	
Airteagal 256(6)	Iarscríbhinn IX, Cuid IV, Pointe 26-29	
Airteagal 256(7)	Iarscríbhinn IX, Cuid IV, Pointe 30	
Airteagal 256(8)	Iarscríbhinn IX, Cuid IV, Pointe 32	
Airteagal 256(9)	Iarscríbhinn IX, Cuid IV, Pointe 33	
Airteagal 257	Iarscríbhinn IX, Cuid IV, Pointe 34	
Airteagal 258	Iarscríbhinn IX, Cuid IV, Pointe 35-36	
Airteagal 259(1)	Iarscríbhinn IX, Cuid IV, Pointí 38-41	
Airteagal 259(2)	Iarscríbhinn IX, Cuid IV, Pointe 42	
Airteagal 259(3)	Iarscríbhinn IX, Cuid IV, Pointe 43	
Airteagal 259(4)	Iarscríbhinn IX, Cuid IV, Pointe 44	
Airteagal 259(5)		
Airteagal 260	Iarscríbhinn IX, Cuid IV, Pointe 45	
Airteagal 261(1)	Iarscríbhinn IX, Cuid IV, Pointe 46-47, 49	
Airteagal 261(2)	Iarscríbhinn IX, Cuid IV, Pointe 51	
Airteagal 262(1)	Iarscríbhinn IX, Cuid IV, Pointe 52, 53	
Airteagal 262(2)	Iarscríbhinn IX, Cuid IV, Pointe 53	
Airteagal 262(3)		
Airteagal 262(4)	Iarscríbhinn IX, Cuid IV, Pointe 54	
Airteagal 263(1)	Iarscríbhinn IX, Cuid IV, Pointe 57	

## ▼B

An Rialachán seo	Treoir 2006/48/CE	Treoir 2006/49/CE
Airteagal 263(2)	Iarscríbhinn IX, Cuid IV, Pointe 58	
Airteagal 263(3)	Iarscríbhinn IX, Cuid IV, Pointe 59	
Airteagal 264(1)	Iarscríbhinn IX, Cuid IV, Pointe 62	
Airteagal 264(2)	Iarscríbhinn IX, Cuid IV, Pointí 63-65	
Airteagal 264(3)	Iarscríbhinn IX, Cuid IV, Pointí 66 agus 67	
Airteagal 264(4)		
Airteagal 265(1)	Iarscríbhinn IX, Cuid IV, Pointe 68	
Airteagal 265(2)	Iarscríbhinn IX, Cuid IV, Pointe 70	
Airteagal 265(3)	Iarscríbhinn IX, Cuid IV, Pointe 71	
Airteagal 266(1)	Iarscríbhinn IX, Cuid IV, Pointe 72	
Airteagal 266(2)	Iarscríbhinn IX, Cuid IV, Pointe 73	
Airteagal 266(3)	Iarscríbhinn IX, Cuid IV, Pointe 74-75	
Airteagal 266(4)	Iarscríbhinn IX, Cuid IV, Pointe 76	
Airteagal 267(1)	Airteagal 97(1)	
Airteagal 267(3)	Airteagal 97(3)	
Airteagal 268	Iarscríbhinn IX, Cuid III, Pointe 1	
Airteagal 269	Iarscríbhinn IX, Cuid III, Pointe 2-7	
Airteagal 270	Airteagal 98 (1) agus Iarscríbhinn IX, Cuid III, Pointí 8 agus 9	
Airteagal 271(1)	Iarscríbhinn III, Cuid II, Pointe 1 Iarscríbhinn VII, Cuid III, Pointe 5	
Airteagal 271(2)	Iarscríbhinn VII, Cuid III, Pointe 7	
Airteagal 272(1)	Iarscríbhinn III, Cuid I, Pointe 1	
Airteagal 272(2)	Iarscríbhinn III, Cuid I, Pointe 3	
Airteagal 272(3)	Iarscríbhinn III, Cuid I, Pointe 4	
Airteagal 272 (4)	Iarscríbhinn III, Cuid I, Pointe 5	
Airteagal 272(5)	Iarscríbhinn III, Cuid I, Pointe 6	
Airteagal 272(6)	Iarscríbhinn III, Cuid I, Pointe 7	
Airteagal 272(7)	Iarscríbhinn III, Cuid I, Pointe 8	
Airteagal 272(8)	Iarscríbhinn III, Cuid I, Pointe 9	
Airteagal 272(9)	Iarscríbhinn III, Cuid I, Pointe 10	
Airteagal 272(10)	Iarscríbhinn III, Cuid I, Pointe 11	



## ▼B

An Rialachán seo	Treoir 2006/48/CE	Treoir 2006/49/CE
Airteagal 272(11)	Iarscríbhinn III, Cuid I, Pointe 12	
Airteagal 272(12)	Iarscríbhinn III, Cuid I, Pointe 13	
Airteagal 272(13)	Iarscríbhinn III, Cuid I, Pointe 14	
Airteagal 272(14)	Iarscríbhinn III, Cuid I, Pointe 15	
Airteagal 272(15)	Iarscríbhinn III, Cuid I, Pointe 16	
Airteagal 272(16)	Iarscríbhinn III, Cuid I, Pointe 17	
Airteagal 272(17)	Iarscríbhinn III, Cuid I, Pointe 18	
Airteagal 272(18)	Iarscríbhinn III, Cuid I, Pointe 19	
Airteagal 272(19)	Iarscríbhinn III, Cuid I, Pointe 20	
Airteagal 272(20)	Iarscríbhinn III, Cuid I, Pointe 21	
Airteagal 272(21)	Iarscríbhinn III, Cuid I, Pointe 22	
Airteagal 272(22)	Iarscríbhinn III, Cuid I, Pointe 23	
Airteagal 272(23)	Iarscríbhinn III, Cuid I, Pointe 26	
Airteagal 272(24)	Iarscríbhinn III, Cuid VII, Pointe a)	
Airteagal 272(25)	Iarscríbhinn III, Cuid VII, Pointe a)	
Airteagal 272(26)	Iarscríbhinn III; Cuid V, Pointe 2	
Airteagal 273(1)	Iarscríbhinn III, Cuid II, Pointe 1	
Airteagal 273(2)	Iarscríbhinn III, Cuid II, Pointe 2	
Airteagal 273(3)	Iarscríbhinn III, Cuid II, Pointe 3 an chéad agus an dara fo-mhír	
Airteagal 273(4)	Iarscríbhinn III, Cuid II, Pointe 3 3rd fo-mhír	
Airteagal 273(5)	Iarscríbhinn III, Cuid II, Pointe 4	
Airteagal 273(6)	Iarscríbhinn III, Cuid II, Pointe 5	
Airteagal 273(7)	Iarscríbhinn III, Cuid II, Pointe 7	
Airteagal 273(8)	Iarscríbhinn III, Cuid II, Pointe 8	
Airteagal 274(1)	Iarscríbhinn III, Cuid III	
Airteagal 274(2)	Iarscríbhinn III, Cuid III	
Airteagal 274(3)	Iarscríbhinn III, Cuid III	
Airteagal 274(4)	Iarscríbhinn III, Cuid III	
Airteagal 275(1)	Iarscríbhinn III, Cuid IV	

## ▼B

An Rialachán seo	Treoir 2006/48/CE	Treoir 2006/49/CE
Airteagal 275(2)	Iarscríbhinn III, Cuid IV	
Airteagal 276(1)	Iarscríbhinn III, Cuid V, Pointe 1	
Airteagal 276(2)	Iarscríbhinn III, Cuid V, Pointe 1	
Airteagal 276(3)	Iarscríbhinn III, Cuid V, Pointí 1-2	
Airteagal 277(1)	Iarscríbhinn III, Cuid V, Pointe 3-4	
Airteagal 277(2)	Iarscríbhinn III, Cuid V, Pointe 5	
Airteagal 277(3)	Iarscríbhinn III, Cuid V, Pointe 6	
Airteagal 277(4)	Iarscríbhinn III, Cuid V, Pointe 7	
Airteagal 278(1)		
Airteagal 278(2)	Iarscríbhinn III, Cuid V, Pointe 8	
Airteagal 278(3)	Iarscríbhinn III, Cuid V, Pointe 9	
Airteagal 279	Iarscríbhinn III, Cuid V, Pointe 10	
Airteagal 280(1)	Iarscríbhinn III, Cuid V, Pointe 11	
Airteagal 280(2)	Iarscríbhinn III, Cuid V, Pointe 12	
Airteagal 281(1)		
Airteagal 281(2)	Iarscríbhinn III, Cuid V, Pointe 13	
Airteagal 281(3)	Iarscríbhinn III, Cuid V, Pointe 14	
Airteagal 282(1)		
Airteagal 282(2)	Iarscríbhinn III, Cuid V, Pointe 15	
Airteagal 282(3)	Iarscríbhinn III, Cuid V, Pointe 16	
Airteagal 282(4)	Iarscríbhinn III, Cuid V, Pointe 17	
Airteagal 282(5)	Iarscríbhinn III, Cuid V, Pointe 18	
Airteagal 282(6)	Iarscríbhinn III, Cuid V, Pointe 19	
Airteagal 282(7)	Iarscríbhinn III, Cuid V, Pointe 20	
Airteagal 282(8)	Iarscríbhinn III, Cuid V, Pointe 21	
Airteagal 283(1)	Iarscríbhinn III, Cuid VI, Pointe 1	
Airteagal 283(2)	Iarscríbhinn III, Cuid VI, Pointe 2	
Airteagal 283(3)	Iarscríbhinn III, Cuid VI, Pointe 2	
Airteagal 283(4)	Iarscríbhinn III, Cuid VI, Pointe 3	
Airteagal 283(5)	Iarscríbhinn III, Cuid VI, Pointe 4	
Airteagal 283(6)	Iarscríbhinn III, Cuid VI, Pointe 4	

## ▼B

An Rialachán seo	Treoir 2006/48/CE	Treoir 2006/49/CE
Airteagal 284(1)	Iarscríbhinn III, Cuid VI, Pointe 5	
Airteagal 284(2)	Iarscríbhinn III, Cuid VI, Pointe 6	
Airteagal 284(3)		
Airteagal 284(4)	Iarscríbhinn III, Cuid VI, Pointe 7	
Airteagal 284(5)	Iarscríbhinn III, Cuid VI, Pointe 8	
Airteagal 284(6)	Iarscríbhinn III, Cuid VI, Pointe 9	
Airteagal 284(7)	Iarscríbhinn III, Cuid VI, Pointe 10	
Airteagal 284(8)	Iarscríbhinn III, Cuid VI, Pointe 11	
Airteagal 284(9)	Iarscríbhinn III, Cuid VI, Pointe 12	
Airteagal 284(10)	Iarscríbhinn III, Cuid VI, Pointe 13	
Airteagal 284(11)	Iarscríbhinn III, Cuid VI, Pointe 9	
Airteagal 284(12)		
Airteagal 284(13)	Iarscríbhinn III, Cuid VI, Pointe 14	
Airteagal 285(1)	Iarscríbhinn III, Cuid VI, Pointe 15	
Airteagal 285(2)-(8)		
Airteagal 286(1)	Iarscríbhinn III, Cuid VI, Pointí 18 agus 25	
Airteagal 286(2)	Iarscríbhinn III, Cuid VI, Pointe 19	
Airteagal 286(3)		
Airteagal 286(4)	Iarscríbhinn III, Cuid VI, Pointe 20	
Airteagal 286(5)	Iarscríbhinn III, Cuid VI, Pointe 21	
Airteagal 286(6)	Iarscríbhinn III, Cuid VI, Pointe 22	
Airteagal 286(7)	Iarscríbhinn III, Cuid VI, Pointe 23	
Airteagal 286(8)	Iarscríbhinn III, Cuid VI, Pointe 24	
Airteagal 287(1)	Iarscríbhinn III, Cuid VI, Pointe 17	
Airteagal 287(2)	Iarscríbhinn III, Cuid VI, Pointe 17	
Airteagal 287(3)		
Airteagal 287(4)		
Airteagal 288	Iarscríbhinn III, Cuid VI, Pointe 26	
Airteagal 289(1)	Iarscríbhinn III, Cuid VI, Pointe 27	
Airteagal 289(2)	Iarscríbhinn III, Cuid VI, Pointe 28	

▼B

An Rialachán seo	Treoir 2006/48/CE	Treoir 2006/49/CE
Airteagal 289(3)	Iarscríbhinn III, Cuid VI, Pointe 29	
Airteagal 289(4)	Iarscríbhinn III, Cuid VI, Pointe 29	
Airteagal 289(5)	Iarscríbhinn III, Cuid VI, Pointe 30	
Airteagal 289(6)	Iarscríbhinn III, Cuid VI, Pointe 31	
Airteagal 290(1)	Iarscríbhinn III, Cuid VI, Pointe 32	
Airteagal 290(2)	Iarscríbhinn III, Cuid VI, Pointe 32	
Airteagal 290(3)-(10)		
Airteagal 291(1)	Iarscríbhinn I, Cuid I, Pointí 27-28	
Airteagal 291(2)	Iarscríbhinn III, Cuid VI, Pointe 34	
Airteagal 291(3)		
Airteagal 291(4)	Iarscríbhinn III, Cuid VI, Pointe 35	
Airteagal 291(5)		
Airteagal 291(6)		
Airteagal 292(1)	Iarscríbhinn III, Cuid VI, Pointe 36	
Airteagal 292(2)	Iarscríbhinn III, Cuid VI, Pointe 37	
Airteagal 292(3)		
Airteagal 292(4)		
Airteagal 292(5)		
Airteagal 292(6)	Iarscríbhinn III, Cuid VI, Pointe 38	
Airteagal 292(7)	Iarscríbhinn III, Cuid VI, Pointe 39	
Airteagal 292(8)	Iarscríbhinn III, Cuid VI, Pointe 40	
Airteagal 292(9)	Iarscríbhinn III, Cuid VI, Pointe 41	
Airteagal 292(10)		
Airteagal 293(1)	Iarscríbhinn III, Cuid VI, Pointe 42	
Airteagal 293(2)-(6)		
Airteagal 294(1)	Iarscríbhinn III, Cuid VI, Pointe 42	
Airteagal 294(2)		
Airteagal 294(3)	Iarscríbhinn III, Cuid VI, Pointe 42	
Airteagal 295	Iarscríbhinn III, Cuid VII, Pointe a)	
Airteagal 296(1)	Iarscríbhinn III, Cuid VII, Pointe b)	

## ▼B

An Rialachán seo	Treoir 2006/48/CE	Treoir 2006/49/CE
Airteagal 296(2)	Iarscríbhinn III, Cuid VII, Pointe b)	
Airteagal 296(3)	Iarscríbhinn III, Cuid VII, Pointe b)	
Airteagal 297(1)	Iarscríbhinn III, Cuid VII, Pointe b)	
Airteagal 297(2)	Iarscríbhinn III, Cuid VII, Pointe b)	
Airteagal 297(3)	Iarscríbhinn III, Cuid VII, Pointe b)	
Airteagal 297(4)	Iarscríbhinn III, Cuid VII, Pointe b)	
Airteagal 298(1)	Iarscríbhinn III, Cuid VII, Pointe c)	
Airteagal 298(2)	Iarscríbhinn III, Cuid VII, Pointe c)	
Airteagal 298(3)	Iarscríbhinn III, Cuid VII, Pointe c)	
Airteagal 298(4)	Iarscríbhinn III, Cuid VII, Pointe c)	
Airteagal 299(1)		Iarscríbhinn II, Pointe 7
Airteagal 299(2)		Iarscríbhinn II, Pointí 7-11
Airteagal 300		
Airteagal 301	Iarscríbhinn III, Cuid 2, Pointe 6	
Airteagal 302		
Airteagal 303		
Airteagal 304		
Airteagal 305		
Airteagal 306		
Airteagal 307		
Airteagal 308		
Airteagal 309		
Airteagal 310		
Airteagal 311		
Airteagal 312(1)	Airteagal 104(3) agus (6) agus Iarscríbhinn X, Cuid 2, Pointí 2, 5 agus 8	
Airteagal 312(2)	Airteagal 105(1) agus 105(2) agus Iarscríbhinn X, Cuid 3, Pointe 1	
Airteagal 312(3)		
Airteagal 312(4)	Airteagal 105(1)	
Airteagal 313(1)	Airteagal 102(2)	
Airteagal 313(2)	Airteagal 102(3)	

## ▼B

An Rialachán seo	Treoir 2006/48/CE	Treoir 2006/49/CE
Airteagal 313(3)		
Airteagal 314(1)	Airteagal 102(4)	
Airteagal 314(2)	Iarscríbhinn X, Cuid 4, Pointe 1	
Airteagal 314(3)	Iarscríbhinn X, Cuid 4, Pointe 2	
Airteagal 314(4)	Iarscríbhinn X, Cuid 4, Pointí 3 agus 4	
Airteagal 314(5)		
Airteagal 315(1)	Airteagal 103 agus Iarscríbhinn X, Cuid 1, Pointí 1 go 3	
Airteagal 315(2)		
Airteagal 315(3)		
Airteagal 315(4)	Iarscríbhinn X, Cuid 1, Pointe 4	
Airteagal 316(1)	Iarscríbhinn X, Cuid 1, Pointí 5 go 8	
Airteagal 316(2)	Iarscríbhinn X, Cuid 1, Pointe 9	
Airteagal 316(3)		
Airteagal 317(1)	Airteagal 104 (1)	
Airteagal 317(2)	Airteagal 104(2) agus (4) agus Iarscríbhinn X, Cuid 2, Pointe 1	
Airteagal 317(3)	Iarscríbhinn X, Cuid 2, Pointe 1	
Airteagal 317(4)	Iarscríbhinn X, Cuid 2, Pointe 2	
Airteagal 318(1)	Iarscríbhinn X, Cuid 2, Pointe 4	
Airteagal 318(2)	Iarscríbhinn X, Cuid 2, Pointe 4	
Airteagal 318(3)		
Airteagal 319(1)	Iarscríbhinn X, Cuid 2, Pointí 6 go 7	
Airteagal 319(2)	Iarscríbhinn X, Cuid 2, Pointí 10 agus 11	
Airteagal 320	Iarscríbhinn X, Cuid 2, Pointí 9 agus 12	
Airteagal 321	Iarscríbhinn X, Cuid 3, Pointí 2 go 7	
Airteagal 322(1)		
Airteagal 322(2)	Iarscríbhinn X, Cuid 3, Pointí 8 go 12	
Airteagal 322(3)	Iarscríbhinn X, Cuid 3, Pointí 13 go 18	
Airteagal 322(4)	Iarscríbhinn X, Cuid 3, Pointe 19	
Airteagal 322(5)	Iarscríbhinn X, Cuid 3, Pointe 20	
Airteagal 322(6)	Iarscríbhinn X, Cuid 3, Pointí 21 go 24	

## ▼B

An Rialachán seo	Treoir 2006/48/CE	Treoir 2006/49/CE
Airteagal 323(1)	Iarscríbhinn X, Cuid 3, Pointe 25	
Airteagal 323(2)	Iarscríbhinn X, Cuid 3, Pointe 26	
Airteagal 323(3)	Iarscríbhinn X, Cuid 3, Pointe 27	
Airteagal 323(4)	Iarscríbhinn X, Cuid 3, Pointe 28	
Airteagal 323(5)	Iarscríbhinn X, Cuid 3, Pointe 29	
Airteagal 324	Iarscríbhinn X, Cuid 5	
Airteagal 325(1)		Airteagal 26
Airteagal 325(2)		Airteagal 26
Airteagal 325(3)		
Airteagal 326		
Airteagal 327(1)		Iarscríbhinn I Pointe 1
Airteagal 327(2)		Iarscríbhinn I Pointe 2
Airteagal 327(3)		Iarscríbhinn I Pointe 3
Airteagal 328(1)		Iarscríbhinn I Pointe 4
Airteagal 328(2)		
Airteagal 329(1)		Iarscríbhinn I Pointe 5
Airteagal 329(2)		
Airteagal 330		Iarscríbhinn I Pointe 7
Airteagal 331(1)		Iarscríbhinn I Pointe 9
Airteagal 331(2)		Iarscríbhinn I Pointe 10
Airteagal 332(1)		Iarscríbhinn I Pointe 8
Airteagal 332(2)		Iarscríbhinn I Pointe 8
Airteagal 333		Iarscríbhinn I Pointe 11
Airteagal 334		Iarscríbhinn I Pointe 13
Airteagal 335		Iarscríbhinn I Pointe 14
Airteagal 336(1)		Iarscríbhinn I Pointe 14
Airteagal 336(2)		Iarscríbhinn I Pointe 14
Airteagal 336(3)		Iarscríbhinn I Pointe 14
Airteagal 336(4)		Airteagal 19(1)
Airteagal 337(1)		Iarscríbhinn I Pointe 16a

▼ **B**

An Rialachán seo	Treoir 2006/48/CE	Treoir 2006/49/CE
Airteagal 337(2)		Iarscribhinn I Pointe 16a
Airteagal 337(3)		Iarscribhinn I Pointe 16a
Airteagal 337(4)		Iarscribhinn I Pointe 16a
Airteagal 337(4)		Iarscribhinn I Pointe 16a
Airteagal 338(1)		Iarscribhinn I Pointe 14a
Airteagal 338(2)		Iarscribhinn I Pointe 14b
Airteagal 338(3)		Iarscribhinn I Pointe 14c
Airteagal 338(4)		Iarscribhinn I Pointe 14a
Airteagal 339(1)		Iarscribhinn I Pointe 17
Airteagal 339(2)		Iarscribhinn I Pointe 18
Airteagal 339(3)		Iarscribhinn I Pointe 19
Airteagal 339(4)		Iarscribhinn I Pointe 20
Airteagal 339(5)		Iarscribhinn I Pointe 21
Airteagal 339(6)		Iarscribhinn I Pointe 22
Airteagal 339(7)		Iarscribhinn I Pointe 23
Airteagal 339(8)		Iarscribhinn I Pointe 24
Airteagal 339(9)		Iarscribhinn I Pointe 25
Airteagal 340(1)		Iarscribhinn I Pointe 26
Airteagal 340(2)		Iarscribhinn I Pointe 27
Airteagal 340(3)		Iarscribhinn I Pointe 28
Airteagal 340(4)		Iarscribhinn I Pointe 29
Airteagal 340(5)		Iarscribhinn I Pointe 30
Airteagal 340(6)		Iarscribhinn I Pointe 31
Airteagal 340(7)		Iarscribhinn I Pointe 32
Airteagal 341(1)		Iarscribhinn I Pointe 33
Airteagal 341(2)		Iarscribhinn I Pointe 33
Airteagal 341(3)		
Airteagal 342		Iarscribhinn I Pointe 34
Airteagal 343		Iarscribhinn I Pointe 36
Airteagal 344(1)		



▼B

An Rialachán seo	Treoir 2006/48/CE	Treoir 2006/49/CE
Airteagal 344(2)		Iarscribhinn I Pointe 37
Airteagal 344(3)		Iarscribhinn I Pointe 38
Airteagal 345(1)		Iarscribhinn I Pointe 41
Airteagal 345(2)		Iarscribhinn I Pointe 41
Airteagal 346(1)		Iarscribhinn I Pointe 42
Airteagal 346(2)		
Airteagal 346(3)		Iarscribhinn I Pointe 43
Airteagal 346(4)		Iarscribhinn I Pointe 44
Airteagal 346(5)		Iarscribhinn I Pointe 45
Airteagal 346(6)		Iarscribhinn I Pointe 46
Airteagal 347		Iarscribhinn I Pointe 8
Airteagal 348(1)		Iarscribhinn I Pointí 48-49
Airteagal 348(2)		Iarscribhinn I Pointe 50
Airteagal 349		Iarscribhinn I Pointe 51
Airteagal 350(1)		Iarscribhinn I Pointe 53
Airteagal 350(2)		Iarscribhinn I Pointe 54
Airteagal 350(3)		Iarscribhinn I Pointe 55
Airteagal 350(4)		Iarscribhinn I Pointe 56
Airteagal 351		Iarscribhinn III Pointe 1
Airteagal 352(1)		Iarscribhinn III Pointe 2(1)
Airteagal 352(2)		Iarscribhinn III Pointe 2(2)
Airteagal 352(3)		Iarscribhinn III Pointe 2(1)
Airteagal 352(4)		Iarscribhinn III Pointe 2(2)
Airteagal 352(5)		
Airteagal 353(1)		Iarscribhinn III Pointe 2(1)
Airteagal 353(2)		Iarscribhinn III Pointe 2(1)
Airteagal 353(3)		Iarscribhinn III Pointe 2(1)
Airteagal 354(1)		Iarscribhinn III Pointe 3(1)
Airteagal 354(2)		Iarscribhinn III Pointe 3(2)

## ▼B

An Rialachán seo	Treoir 2006/48/CE	Treoir 2006/49/CE
Airteagal 354(3)		Iarscribhinn III Pointe 3(2)
Airteagal 354(4)		
Airteagal 355		
Airteagal 356		
Airteagal 357(1)		Iarscribhinn IV Pointe 1
Airteagal 357(2)		Iarscribhinn IV Pointe 2
Airteagal 357(3)		Iarscribhinn IV Pointe 3
Airteagal 357(4)		Iarscribhinn IV Pointe 4
Airteagal 357(5)		Iarscribhinn IV Pointe 6
Airteagal 358(1)		Iarscribhinn IV Pointe 8
Airteagal 358(2)		Iarscribhinn IV Pointe 9
Airteagal 358(3)		Iarscribhinn IV Pointe 10
Airteagal 358(4)		Iarscribhinn IV Pointe 12
Airteagal 359(1)		Iarscribhinn IV Pointe 13
Airteagal 359(2)		Iarscribhinn IV Pointe 14
Airteagal 359(3)		Iarscribhinn IV Pointe 15
Airteagal 359(4)		Iarscribhinn IV Pointe 16
Airteagal 359(5)		Iarscribhinn IV Pointe 17
Airteagal 359(6)		Iarscribhinn IV Pointe 18
Airteagal 360(1)		Iarscribhinn IV Pointe 19
Airteagal 360(2)		Iarscribhinn IV Pointe 20
Airteagal 361		Iarscribhinn IV Pointe 21
Airteagal 362		
Airteagal 363(1)		Iarscribhinn V Pointe 1
Airteagal 363(2)		
Airteagal 363(3)		
Airteagal 364(1)		Iarscribhinn V Pointe 10b
Airteagal 364(2)		
Airteagal 364(3)		
Airteagal 365(1)		Iarscribhinn V Pointe 10
Airteagal 365(2)		Iarscribhinn V Pointe 10a

▼B

An Rialachán seo	Treoir 2006/48/CE	Treoir 2006/49/CE
Airteagal 366(1)		Iarscribhinn V Pointe 7
Airteagal 366(2)		Iarscribhinn V Pointe 8
Airteagal 366(3)		Iarscribhinn V Pointe 9
Airteagal 366(4)		Iarscribhinn V Pointe 10
Airteagal 366(5)		Iarscribhinn V Pointe 8
Airteagal 367(1)		Iarscribhinn V Pointe 11
Airteagal 367(2)		Iarscribhinn V Pointe 12
Airteagal 367(3)		Iarscribhinn V Pointe 12
Airteagal 368(1)		Iarscribhinn V Pointe 2
Airteagal 368(2)		Iarscribhinn V Pointe 2
Airteagal 368(3)		Iarscribhinn V Pointe 5
Airteagal 368(4)		
Airteagal 369(1)		Iarscribhinn V Pointe 3
Airteagal 369(2)		
Airteagal 370(1)		Iarscribhinn V Pointe 5
Airteagal 371(1)		Iarscribhinn V Pointe 5
Airteagal 371(2)		
Airteagal 372		Iarscribhinn V Pointe 5a
Airteagal 373		Iarscribhinn V Pointe 5b
Airteagal 374(1)		Iarscribhinn V Pointe 5c
Airteagal 374(2)		Iarscribhinn V Pointe 5d
Airteagal 374(3)		Iarscribhinn V Pointe 5d
Airteagal 374(4)		Iarscribhinn V Pointe 5d
Airteagal 374(5)		Iarscribhinn V Pointe 5d
Airteagal 374(6)		Iarscribhinn V Pointe 5d
Airteagal 374(7)		
Airteagal 375(1)		Iarscribhinn V Pointe 5a
Airteagal 375(2)		Iarscribhinn V Pointe 5e
Airteagal 376(1)		Iarscribhinn V Pointe 5f
Airteagal 376(2)		Iarscribhinn V Pointe 5g

▼ B

An Rialachán seo	Treoir 2006/48/CE	Treoir 2006/49/CE
Airteagal 376(3)		Iarscibhinn V Pointe 5h
Airteagal 376(4)		Iarscibhinn V Pointe 5h
Airteagal 376(5)		Iarscibhinn V Pointe 5i
Airteagal 376(6)		Iarscibhinn V Pointe 5
Airteagal 377		Iarscibhinn V Pointe 5l
Airteagal 378		Iarscibhinn II Pointe 1
Airteagal 379(1)		Iarscibhinn II Pointe 2
Airteagal 379(2)		Iarscibhinn II Pointe 3
Airteagal 379(3)		Iarscibhinn II Pointe 2
Airteagal 380		Iarscibhinn II Pointe 4
Airteagal 381		
Airteagal 382		
Airteagal 383		
Airteagal 384		
Airteagal 385		
Airteagal 386		
Airteagal 387		Airteagal 28(1)
Airteagal 388		
Airteagal 389	Airteagal 106 (1) fomhír 1	
Airteagal 390(1)	Airteagal 106(1) fomhír 2	
Airteagal 390(2)		
Airteagal 390(3)		Airteagal 29(1)
Airteagal 390(4)		Airteagal 30(1)
Airteagal 390(5)		Airteagal 29(2)
Airteagal 390(6)	Airteagal 106(2) fomhír 1	
Airteagal 390(7)	Airteagal 106(3)	
Airteagal 390(8)	Airteagal 106(2) fomhíreanna 2 agus 3	
Airteagal 391	Airteagal 107	
Airteagal 392	Airteagal 108	

## ▼B

An Rialachán seo	Treoir 2006/48/CE	Treoir 2006/49/CE
Airteagal 393	Airteagal 109	
Airteagal 394(1)	Airteagal 110(1)	
Airteagal 394(2)	Airteagal 110(1)	
Airteagal 394(3) agus (4)	Airteagal 110 (2)	
Airteagal 394(4)	Airteagal 110 (2)	
Airteagal 395(1)	Airteagal 111(1)	
Airteagal 395(2)		
Airteagal 395(3)	Airteagal 111 (4) fomhír 1	
Airteagal 395(4)		Airteagal 30 (4)
Airteagal 395(5)		Airteagal 31
Airteagal 395(6)		
Airteagal 395(7)		
Airteagal 395(8)		
Airteagal 396(1)	Airteagal 111 (4) fomhíreanna 1 agus 2	
Airteagal 396 (2)		
Airteagal 397(1)		Iarscribhinn VI, Pointe 1
Airteagal 397(2)		Iarscribhinn VI, Pointe 2
Airteagal 397(3)		Iarscribhinn VI, Pointe 3
Airteagal 398		Airteagal 32(1)
Airteagal 399(1)	Airteagal 112(1)	
Airteagal 399(2)	Airteagal 112(2)	
Airteagal 399(3)	Airteagal 112(3)	
Airteagal 399(4)	Airteagal 110 (3)	
Airteagal 400(1)	Airteagal 113(3)	
Airteagal 400(2)	Airteagal 113(4)	
Airteagal 400(3)		
Airteagal 401(1)	Airteagal 114(1)	
Airteagal 401(2)	Airteagal 114(2)	
Airteagal 401(3)	Airteagal 114(3)	
Airteagal 402(1)	Airteagal 115(1)	

▼B

An Rialachán seo	Treoir 2006/48/CE	Treoir 2006/49/CE
Airteagal 402(2)	Airteagal 115(2)	
Airteagal 402(3)		
Airteagal 403(1)	Airteagal 117(1)	
Airteagal 403(2)	Airteagal 117(2)	
Airteagal 404	Airteagal 122a(8)	
Airteagal 405(1)	Airteagal 122a(1)	
Airteagal 405(2)	Airteagal 122a(2)	
Airteagal 405(3)	Airteagal 122a(3) fo-mhír 1	
Airteagal 405(4)	Airteagal 122a(3) fo-mhír 2	
Airteagal 406(1)	Airteagal 122a(4) agus Airteagal 122a (5) fomhír 2	
Airteagal 406(2)	Airteagal 122a(5) fomhír 1 agus Airteagal 122a(6) fomhír 1	
Airteagal 407	Airteagal 122a(5) fomhír 3	
Airteagal 408	Airteagal 122a(6) fomhíreanna 1 agus 2	
Airteagal 409	Airteagal 122a(7)	
Airteagal 410	Airteagal 122a(10)	
Airteagal 411		
Airteagal 412		
Airteagal 413		
Airteagal 414		
Airteagal 415		
Airteagal 416		
Airteagal 417		
Airteagal 418		
Airteagal 419		
Airteagal 420		
Airteagal 421		
Airteagal 422		

## ▼B

An Rialachán seo	Treoir 2006/48/CE	Treoir 2006/49/CE
Airteagal 423		
Airteagal 424		
Airteagal 425		
Airteagal 426		
Airteagal 427		
Airteagal 428		
Airteagal 429		
Airteagal 430		
Airteagal 431(1)	Airteagal 145(1)	
Airteagal 431(2)	Airteagal 145(2)	
Airteagal 431(3)	Airteagal 145(3)	
Airteagal 431(4)	Airteagal 145(4)	
Airteagal 432(1)	Iarscríbhinn XII, Cuid I, Pointe 1 agus Airteagal 146(1)	
Airteagal 432(2)	Airteagal 146(2) agus Iarscríbhinn XII, Cuid I, Pointí 2 agus 3	
Airteagal 432(3)	Airteagal 146(3)	
Airteagal 433	Airteagal 147 agus Iarscríbhinn XII, Cuid I, Pointe 4	
Airteagal 434(1)	Airteagal 148	
Airteagal 434(2)		
Airteagal 435(1)	Iarscríbhinn XII, Cuid II, Pointe 1	
Airteagal 435(2)		
Airteagal 436	Iarscríbhinn XII, Cuid II, Pointe 2	
Airteagal 437		
Airteagal 438	Iarscríbhinn XII, Cuid II, Pointí 4, 8	
Airteagal 439	Iarscríbhinn XII, Cuid II, Pointe 5	
Airteagal 440		
Airteagal 441		
Airteagal 442	Iarscríbhinn XII, Cuid II, Pointe 6	
Airteagal 443		
Airteagal 444	Iarscríbhinn XII, Cuid II, Pointe 7	

▼B

An Rialachán seo	Treoir 2006/48/CE	Treoir 2006/49/CE
Airteagal 445	Iarscríbhinn XII, Cuid II, Pointe 9	
Airteagal 446	Iarscríbhinn XII, Cuid II, Pointe 11	
Airteagal 447	Iarscríbhinn XII, Cuid II, Pointe 12	
Airteagal 448	Iarscríbhinn XII, Cuid II, Pointe 13	
Airteagal 449	Iarscríbhinn XII, Cuid II, Pointe 14	
Airteagal 450	Iarscríbhinn XII, Cuid II, Pointe 15	
Airteagal 451		
Airteagal 452	Iarscríbhinn XII, Cuid III, Pointe 1	
Airteagal 453	Iarscríbhinn XII, Cuid III, Pointe 2	
Airteagal 454	Iarscríbhinn XII, Cuid III, Pointe 3	
Airteagal 455		
Airteagal 456, fomhír 1	Airteagal 150(1)	Airteagal 41
Airteagal 456, fomhír 2		
Airteagal 457		
Airteagal 458		
Airteagal 459		
Airteagal 460		
Airteagal 461		
Airteagal 462(1)	Airteagal 151a	
Airteagal 462(2)	Airteagal 151a	
Airteagal 462(3)	Airteagal 151a	
Airteagal 462(4)		
Airteagal 462(5)		
Airteagal 463		
Airteagal 464		
Airteagal 465		
Airteagal 466		
Airteagal 467		
Airteagal 468		
Airteagal 469		



**▼B**

An Rialachán seo	Treoir 2006/48/CE	Treoir 2006/49/CE
Airteagal 470		
Airteagal 471		
Airteagal 472		
Airteagal 473		
Airteagal 474		
Airteagal 475		
Airteagal 476		
Airteagal 477		
Airteagal 478		
Airteagal 479		
Airteagal 480		
Airteagal 481		
Airteagal 482		
Airteagal 483		
Airteagal 484		
Airteagal 485		
Airteagal 486		
Airteagal 487		
Airteagal 488		
Airteagal 489		
Airteagal 490		
Airteagal 491		
Airteagal 492		
Airteagal 493(1)		
Airteagal 493 (2)		
Airteagal 494		
Airteagal 495		
Airteagal 496		
Airteagal 497		
Airteagal 498		

▼B

An Rialachán seo	Treoir 2006/48/CE	Treoir 2006/49/CE
Airteagal 499		
Airteagal 500		
Airteagal 501		
Airteagal 502		
Airteagal 503		
Airteagal 504		
Airteagal 505		
Airteagal 506		
Airteagal 507		
Airteagal 508		
Airteagal 509		
Airteagal 510		
Airteagal 511		
Airteagal 512		
Airteagal 513		
Airteagal 514		
Airteagal 515		
Airteagal 516		
Airteagal 517		
Airteagal 518		
Airteagal 519		
Airteagal 520		
Airteagal 521		
Iarscríbhinn I	Iarscríbhinn II	
Iarscríbhinn II	Iarscríbhinn IV	
Iarscríbhinn III		